


Nòhtsı
Nıhtı'è



Dogrib: Dogrib Genesis & New Testament New Testament &
Portions of Old Testament

Nòhtsı Nıhtł'è

Dogrib: Dogrib Genesis & New Testament New Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written permission must be obtained for any other use of the text. Copyright acknowledgement must in all cases appear on the title or copyright page.

For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files dated 29 Jan 2022

dcabd8cb-87c9-5afe-9ac6-f62c4ade3a81

Contents

Matthew	1
Mark	61
Luke	98
John	160
Zezi Wecheekeèdeè	206
Rome	264
1 Corinth	292
2 Corinth	318
Galatia	335
Ephesus	345
Philippi	354
Colosse	360
1 Thessalonica	366
2 Thessalonica	372
1 Timothy	376
2 Timothy	384
Titus	390
Philemon	394
Hebrew	396
James	416
1 Peter	423
2 Peter	430
1 John	435
2 John	442
3 John	443
Jude	444
John Wenazhu	446

Matthew wenjhtl'è

Du Zezi wecho agūt'e

¹ Zezi-Kri, k'àowocho David gots'ò dọ họt'e, eyits'ò David, Abraham gots'ò dọ họt'e. Dii dọ Zezi-Kri wecho agūt'e:

² Abraham, Isaac wetà họt'e; Isaac, Jacob wetà họt'e; Jacob, Judah eyits'ò wechike gità họt'e; ³ Judah, Perez eyits'ò Zerah gità họt'e (gimọ Tamar wiyeh); Perez, Hezron wetà họt'e; Hezron, Ram wetà họt'e; ⁴ Ram, Aminadab wetà họt'e; Aminadab, Nashon wetà họt'e; Nashon, Salmon wetà họt'e; ⁵ Salmon, Boaz wetà họt'e (Boaz wemọ Rahab wiyeh); Boaz, Obed wetà họt'e, (Obed wemọ Ruth wiyeh); Obed, Jesse wetà họt'e; ⁶ Jesse, k'àowocho David wetà họt'e.

David, Solomon wetà họt'e (eyits'ò Solomon wemọ Uriah wets'èkèè lè); ⁷ Solomon, Rehoboyam wetà họt'e; Rehoboyam, Abiya wetà họt'e; Abiya, Asa wetà họt'e; ⁸ Asa, Jehosaphat wetà họt'e; Jehosaphat, Jehoram wetà họt'e; Jehoram, Uzziah wetà họt'e; ⁹ Uzziah, Jotham wetà họt'e; Jotham, Ahaz wetà họt'e; Ahaz, Hezekiah wetà họt'e; ¹⁰ Hezekiah, Manaseh wetà họt'e; Manaseh, Amon wetà họt'e; Amon, Josiah wetà họt'e; ¹¹ Josiah, Jeconiah eyits'ò wechike gità họt'e. Israel got'jì Babylon nèk'e ts'ò agiìdlà ekò Josiah, Jeconiah eyits'ò wechike ekìyèè k'e gùdà lè.

¹² Israel got'jì Babylon nèk'e gots'ò nọ̀gùde tl'axòò dii dọ sù Zezi-Kri wecho agūt'e: Jeconiah, Sheyaltiel wetà họt'e; Sheyaltiel, Zerubabel wetà họt'e; ¹³ Zerubabel, Abiyud wetà họt'e; Abiyud, Eliyakim wetà họt'e; Eliyakim, Azor wetà họt'e; ¹⁴ Azor, Zadok wetà họt'e; Zadok, Akim wetà họt'e; Akim, Eliyud wetà họt'e; ¹⁵ Eliyud, Eleazar wetà họt'e; Eleazar, Mathan wetà họt'e; Mathan, Jacob wetà họt'e; ¹⁶ Jacob, Joseph wetà họt'e. Joseph, Mary wedqzhì họt'e. Zezi, Christ wèts'edu sù, Mary ts'ò dọ elì họt'e.

¹⁷ Eyi't' à Abraham ùdà ts'ò, David ùdà gots'ò dọzhì hoònq-daats'ò-dì eletl'axòò gùde. Eyits'ò David ùdà gots'ò Israel got'jì Babylon nèk'e ts'ò agiìdlà gots'ò k'achì dọzhì hoònq-daats'ò-dì eletl'axòò gùde. Eyits'ò Israel got'jì Babylon nèk'e ts'ò agiìdlà gots'ò Christ dọ elì gots'ò k'achì dọzhì hoònq-daats'ò-dì eletl'axòò gùde.

Zezi-Kri dọ-elì wegodù

¹⁸ Dii sù Zezi-Kri dọ-elì wegodù họt'e: Wemọ Mary, Joseph xè honìda ha wiìchì lè. Ilaà efexè nàgedè-le et'ii Yedayeh Nezi dahxà hotiì eda-le ajà.

Joseph Nàwhetɪ

¹⁹ Joseph dɔ nezi hɔt'e. Mary dɔ daà edeghɔ ɔ̀ɔ̀zhaelɪ ha yɪhwɔ-le. Yexè honɪda ha ɔ̀lè, hanikò ts'èwhɪ wɛdɛ ayele ha niwɔ. ²⁰ Hanɪ nàniwo ekò nàwhetɪ, yak'eet'ɪ wets'ò wègoèht'ɪ, yets'ò hadɪ, "Joseph, k'àowocho David wets'ò dɔ, Mary wɪchi. Nets'èkèè elɪ ha weghɔ nànewo-le. Webebɪa yeyɪ whedaa sɪ Yedayeh Nezi ayɪlà hɔt'e. ²¹ Dɔzhɪa nihtè ha. Edèot'ɪ gihohɪ ch'à edaxàgole ha t'à, Zezi wiyeh awɪle ha," yèhdi.

²² Eyɪ hazòò hanàhòwoo sɪ gots'ò K'àowo nakwenàozòò t'à goɪde ɔ̀lèè sɪ k'èè agode ha t'à hagòjà hɔt'e. Dɪ hadɪ ɔ̀lè:

²³ "Teekogòò hotù eda-le ade ha, dɔzhɪa nihtè ha eyits'ò Emmanuel wiyeh ha," hadɪ ɔ̀lè. (Emmanuel ts'edu sɪ "Nòhtsɪ goxè nàwo" ts'edu-ats'edi.)

²⁴ Joseph ts'ɪwo ekò yak'eet'ɪ dàyèhdi k'èè eghàlɪdà. Mary wets'èkèè elɪ ha edekò ts'ò yeèhchɪ. ²⁵ Hanikò Mary wezaa gòhɪ gots'ò yet'àtè-le. Wezaa Zezi wiyeh ayɪlà.

2

K'àowo whò k'èè giadè

¹ Zezi kòta Bethlehem wegòhɪ ekò Herod Judea nèk'e k'àowocho elɪ ɔ̀lè. Zezi wegòhɪ t'axòò niwàa nèk'e gots'ò k'àowo Jerusalem nègɪde. ² "Bebɪa laedi?" gedi dɔ dageehke, "Eyɪ chekoa Israel got'ɪ gha k'àowocho elɪ ha wegòhɪ sɪ welaedi? ɔ̀dè gonèk'e wets'ò whò ts'aɪ. Weghàsɔts'eedɪ ha jò nèts'ɪde," gedi.

³ K'àowocho Herod yeghɔ ɪkw'o ekò sɪ nàniwoò lajà eyits'ò dɔ hazòò Jerusalem nàgedèè sɪ dàhodɪ-ahodɪ gɪwɔ. ⁴ Eyɪt'à yahtɪ-gha-k'aodèè gɪlɪ eyits'ò Nòhtsɪ-yatɪ-k'ègedɪ-dòò gokayahtɪ. Dagoehke, "Dò edaxàgole ha, Christ wèts'edɪ sɪ, edɪ wegòhɪ ha dek'eèht'è?" gòhdi dagoehke.

⁵ "Judea nèk'e kòta Bethlehem gòyeh ekò wegòhɪ ha," gùhdi, "Nakwenàozòò weghɔ dɪ hanɪ gɪt'è ɔ̀lè: ⁶ Judea nèk'e, kòta Bethlehem gòyeh sɪ ekò kòta gòlaa hazòò nahk'e wet'àazà hɔt'e. Eyɪ kòta gots'ò k'àowo niitla ha. Ededɪ, Israel got'ɪ gha k'àowo elɪ xè gok'èdi ha, dek'eèht'è," k'àowocho Herod ts'ò hagedɪ.

⁷ Eyɪt'à k'àowocho Herod eyɪ k'àowo tai niidee sɪ whatsòò gots'ò goɪde. Dàht'e whò gɪazɪ sɪ sets'ò hagɪdɪ niwɔ. ⁸ Gots'ò goɪde t'axòò Bethlehem ts'ò nagoèhɪzà, hadɪ, "Bebɪa hotù nezi wekak'eaht'ɪ. Wegòahɔ ts'òet'ɪ sets'ò haahdi nòò. Sɪ si weghàsɔehdi gha wets'àhtla ha dehwhɔ," gòhdi.

⁹⁻¹⁰ K'àowo tai k'àowocho Herod gɪhk'ò t'axòò ekò ts'òò geède. Gìnèk'e eyɪ whò gɪazɪ ɔ̀lèè sɪ k'achɪ gɪazɪ t'à sɪ gɪnà. Whò gɪnakweè eza t'à giadè. Edɪ bebɪa whedaa sɪ wegòdoo niɪzò.

¹¹ Eyɪ kò goyagèè ekò, bebɪa eyits'ò wemò Mary gɪazɪ. Bebɪa

gà nàgògùhgè xè gıghàspedı. Eyı tı'axqò sòmbaekwo, wet'à lo lekqò dèk'òq eyıts'q yik'eet'l'òo dètı xàgıwa gà bebıa ghàgıla.

¹² Nageedè kwe nàgete; k'àowochò Herod ts'ò anagede ha-le, eyı yatı gıghòt'q. Eyıt'à tıı eyı-le k'e edenèk'e ts'ò anagejà.

Egypt nèk'e ts'ò kwıgeèhde

¹³ K'àowochò tai nageèhde tı'axqò Joseph nàwhetı, yak'eet'ıı wets'ò wègoèht'ı. Yak'eet'ıı yets'ò hadı, “Nııtla! Bebıa, wemq xè Egypt nèk'e ts'ò kwıahdè. Nets'ò haehsı gots'ò ekq nàahdè. K'àowochò Herod eyı bebıa ełàahwhı ha nıwq t'à yehak'eèt'ı,” yèhđı.

¹⁴ Eyıt'à to et'ıı Joseph nııtla. Bebıa eyıts'q wemq xè Egypt nèk'e ts'ò dèhtla. ¹⁵ K'àowochò Herod ełıwq ts'ò ekq nàgıdè. Eyıt'à Nòhtsı dahxà nakwenàozqò yeghq goıde ılee sıı wek'èq agòjà. Dıı hagedı ıle: “Egypt nèk'e gots'q seza wekagohde,” hagedı dek'eèht'è.

¹⁶ K'àowochò Herod eyı k'àowochò tai gıghqyaèhıq yek'èhoèhıa ekò, sıı wek'èch'a. Eyıt'à dıı hanı yatı whehtsı: “Kòta Bethlehem eyıts'q wemqò kò gòlaa ekq dqzhıa nechà-lea hazqò ełàagòghde ha,” gòhđı. Eyıt'à dqzhıa hazqò nàke gıghòò ts'q ızhıı ts'ò ełàagòghdè. K'àowochò tai whò gıazı gots'q dqzhıa gıgòhıı gidzèq gıhtà weghàà ełàagòghdè. ¹⁷ Eyı sıı nakwenàozqò Jeremiah weyatıı k'èq agode ha t'à agòjà, dıı hadı ıle,

¹⁸ “Kòta Ramah gıxè hoıla nàhòwo. Sıı nàıgetı xè getse hq'te. Rachel wezaa gıwhıle t'à goghq etse, hanıkò dq wıızı yeghqnàdaetı ha nıwq-le,” Jeremiah hadı dek'eèht'è.

Kòta Nazareth ts'ò anagejà

¹⁹ K'àowochò Herod ełıwq tı'axqò Egypt nèk'e Joseph nàwhetı t'à yak'eet'ıı wets'ò wègoèht'ı. ²⁰ Yak'eet'ıı yets'ò hadı, “Nııtla! Hòt'a chekoa, wemq xè Israel nèk'e ts'ò anaqde. Dq bebıa weweè hagıwq ılee sıı hazqò ełàagıdè,” yèhđı. ²¹ Eyıt'à Joseph nııtla, chekoa eyıts'q wemq xè Israel nèk'e ts'ò anajà.

²² Ekııyeè k'e Arkelayus, edetà Herod tı'axqò Judea nèk'e gha k'àowochò whelı. Joseph yeghq ıkw'o ekò, ekq ts'ò anade ha dejı lajà. Nàte ekò ekq ts'ò anade ha-le gha weghqnatıet'q t'à Galilee nèk'e ts'ò ajà. ²³ Kòta Nazareth ekq nàdè ajà. Eyı sıı nakwenàozqò gıyatıı k'èq agode ha t'à agòjà, dıı hagedı ıle, “Nazareth got'ıı wıyeh ha,” gedıı gııt'è.

3

John-Baptist dq ts'ò gode xèhoıhwhò

¹ Sıghajwà tı'axqò John-Baptist Judea nèk'e ts'ò nıwà-lea ekıı-ka nèk'e ekq dq hoghàehtq, ² hadı, “Edek'eahı, naxını eładıı aahle! Nòhtsı Wenàowò k'èq nèhòkwı ha nıkw'o,” hadıı

dɔ ts'ò gode. ³ Eyɪ dɔ nakwenàozɔɔ Isaiah yeghɔ goɪde ɲè, dɪ hanì dek'eèht'è,

“Èkù-ka nèk'e du hats'edi yats'izeh hɔt'e, 'Gots'ò K'àowo wegħa sùgoahle; wegħa tɪli ehkw'ɪ nɪzà aahle,” dek'eèht'è.

⁴ John-Baptist wegoh't'ò tɪts'aadìcho wegħà t'à hòèlɪ eyits'ò ewò t'à wewè elɪ. Ts'aelɔà eyits'ò kw'iahnɔ-dì hanu ghɔ shètɪ t'à eda. ⁵ Jerusalem gots'ò, Judea nèk'e gots'ò eyits'ò Jordan gà gots'ò dɔ hazòò gɪts'ò-ède. ⁶ Edehohɪ ghɔ hɔdegeedè t'axòò Jordan-deh nɪzàa yì tɪ t'à gok'etàidzɔ.

⁷ Pharisee gɪlɪ lɔ eyits'ò Sadducee gɪlɪ lɔ, edɪ sù John-Baptist dɔ k'etàidzɪ sù ekò ts'ò geède. John-Baptist gots'ò hadɪ, “Naxɪ, wehɪ weza laah't'e! Nòhtsɪ nànaaxeekwa ch'à kw'jahdè ha nùle. ⁸ Edek'eahɪ nɪdè wek'èè eghàlaahda. ⁹ ‘Abraham gotà hɔt'e,’ dahdɪ t'à, naxɪxè t'asagode ha-le dahwhɔ nì? Nòhtsɪ sù jɔ kwe whela t'à Abraham għa chekoa ehtsɪ ha dɪ nùle. ¹⁰ Ts'ɪ nàekwɪ ha gokwɪ hòt'a ts'atà whezɔ hɔt'e. Ts'ɪ hazòò wek'e jìecho nezɪ-le dehshee sù nàgeehkà gà kwìgeehdè ha. (Eyit'à hotɪ ts'ɪ nezɪ laah't'e.)

¹¹ “Edek'eahɪ nɪdè tɪ t'à naxɪk'etàihdzɪ hɔt'e, hanìkò dɔ ɲè senahk'e elɪ sù sek'èè nùtɪa ha. Wekechɪt'ɪ nù ejìehge ha kò dɔ lahoeht'ɪ nùle. Edeɪ sù Yedàyeh Nezɪ eyits'ò kò nàtsoo t'à naxɪk'etàidzɪ ha hɔt'e. ¹² Jìe eyits'ò t'asù weta goet'òò sù ɲak'aà ayele għa sɪnìwheda hɔt'e. Jìe sù xehkò goyayeeva ha, hanìkò t'asù weta goet'òò sù welɔ whìle ts'ò yek'eehk'ò ha,” John-Baptist hadɪ dɔ ts'ò gode.

Zezi wek'etàidzɔ

¹³ Èkò k'e Zezi John-Baptist yek'etàidzɪ ha nɪwɔ t'à, Galilee nèk'e gots'ò deh Jordan ts'ò ajà. ¹⁴ Hanìkò John-Baptist Zezi hade ha nɪwɔ-le t'à, yets'ò hadɪ, “Nɪ t'aa sek'etàidzɔ ha hɔt'e ɲè. Dànìghɔ nù èhɪ sets'ò nèètɪa?” yèhdɪ.

¹⁵ Zezi yets'ò hadɪ, “Hanì welè kò. Dɪ hanì gogħa ehkw'ɪ hòzɔò sù degħàà wek'èè ats'ùle.” Zezi yèhdɪ t'à, John-Baptist yek'èhɔzɔ.

¹⁶ Zezi wek'etàidzɔ ts'òet'ɪ tɪ yì gots'ò nùtɪa ekò hɔtsaa yak'e ehts'òò ajà. Yedàyeh Nezɪ k'àba degoo lanɪ yek'e daàhtɪa, Zezi yazɪ. ¹⁷ Yak'e gots'ò hats'edi hɔt'e, “Dɪ sù Seza hɔt'e, wegħonehtɔ eyits'ò wegħɔ sìghà dehwhɔ,” hats'edi hɔt'e.

4

Zezi wehɪ yeèhdzà

¹ Eyɪ t'axòò Zezi wehɪ yeèhdzà ha Yedàyeh Nezɪ ekù-ka nèk'e ts'ò ayɪlà. ² Èkò dɪenɔ dzè ts'ò t'asù wɪzɪ wewàhòòdì-le, eyɪ t'axòò sù bò għaewɪ ajà. ³ Wehɪ Zezi gà nùtɪa, hadɪ, “Nòhtsɪ Weza anet'e nɪdè, jɔ kwe whelaa sù neyatɪ t'à lèt'e gihè anele,” yèhdɪ.

⁴ Zezi yets'ò hadi, “Dii hanì dek'eèhtl'è hq̄t'e: ‘Dq̄ sù lèt'è zq̄ t'à eda nùle. Nòhtsɪ weyatù hazq̄q̄ t'à eda hq̄t'e,’” yèhdi.

⁵ Eyi t'axq̄q̄ wehɪ Jerusalem ts'ò yeèhchì. Ekq̄ Nòhtsɪkò-gocho weka dagq̄q̄wà nèyeèchì, ⁶ hayèhdi, “Nòhtsɪ Weza anet'e nùdè ìzhùì hodàdùghà. Dii hanì dek'eèhtl'è ne t'à:

‘Nòhtsɪ edeyak'eet'ì ts'ò du hadi ha, “Hotù wexoahdi.” Kwe k'e dets'atà ch'à yak'eet'ì edilà t'à danegih̄tè ha ne,’” yèhdi.

⁷ Hanikò Zezi yets'ò hadi, “Dii hanì sɪ dek'eèhtl'è hq̄t'e: Nòhtsɪ naxits'ò K'àowo sù t'asù nezɪ-le t'à weahdzà ha nùle,” yèhdi.

⁸ Wehɪ k'achɪ Zezi shìh sù danùchàa k'e nèyùhtɪ gà dui nèk'e hazq̄q̄ xèdaat'ù gòlaa sù yeghàedaà ayìl̀l̀. ⁹ Wehɪ yets'ò hadi, “Sets'ò nàgòneehgè xè seghàsɔ̄ɔ̄ɔ̄ nùdè dui hazq̄q̄ neghàeh̄le ha,” yèhdi.

¹⁰ Zezi yets'ò hadi, “Wehɪ, sets'q̄q̄ naɪtlè! Dii hanì dek'eèhtl'è hq̄t'e: ‘Nòhtsɪ naxits'ò K'àowo sù ededɪ zq̄ wets'ò nàgòahgè ha hq̄t'e, eyits'q̄ ededɪ zq̄ wek'èaht'e ha hq̄t'e, dek'eèhtl'è,” yèhdi.

¹¹ Eyi t'axq̄q̄ wehɪ yets'q̄q̄ nàèhtl̀a. Ekòet'ùì yak'eet'ì Zezi gà nègùde xè yeghq̄ shètɪ gighàɪdì.

Zezi dq̄ hoghàehtq̄ xèhoj̄hwho

¹² Zezi, John-Baptist wedaàtq̄q̄ agùl̀l̀ ghq̄ ìikw'o ekò Galilee nèk'e ts'ò anajà. ¹³ Kòta Nazareth nàjdè t'axq̄q̄ kòta Capernaum nàdè ajà. Eyi kòta Zebulun eyits'q̄ Naphtalì ginèk'e, tɪ nechàa whehtq̄ gà gòzq̄. ¹⁴ Eyi sù nakwenàozq̄q̄ Isaiah weyatù k'èè agòjà, dui hadi ìl̀è:

‘15 “Zebulun got'ùì, Naphtalì got'ùì, eyits'q̄ dq̄ tɪ nechàa gà nàgedèe sù, aàhk'w'q̄. Jordan deh nìzàa gà nàahdèe sù, eyits'q̄ Galilee got'ùì dq̄ eyù-le xàzàa ta nàahdèe sù aàhk'w'q̄. 16 Naxɪ togoòt'ò nàahdèe sù dzèh naxik'e saɪdùì ajà, eyits'q̄ naxɪ èlaahde ha nìkw'oo sù naxixè sù dzèh agòjà,” dek'eèhtl'è.

¹⁷ Ekìyeè k'e Zezi dq̄ hoghàgoehtq̄q̄ ajà, hadi, “Edek'eahɪ, naxinì èladùì aahle! Nòhtsɪ Wenàowoò k'èè nèhòkw'ɪ ha ts'ò whaà-le agòjà,” gòhdi.

Zezi t'akwetq̄q̄ edecheekeè whehtsɪ

¹⁸ Zezi, Galilee-tì gà tabàa k'etl̀o ekò èlèchɪ nàke goazɪ. Ìhè Simon wiyeh (Peter sɪ wiyeh) eyits'q̄ wechɪ Andrew. Èl-k'aàdèe agùt'e t'à m̀ì tègeehdè ìl̀è. ¹⁹ Zezi gots'ò hadi, “Sek'èahdè, dq̄ l̀q̄ ààhl̀ì anaxeh̄le ha,” gòhdi. ²⁰ Ekòet'ùì edem̀ì ts'q̄q̄ nàlegeèhtl̀a gà Zezi k'èè legeèhtl̀a.

²¹ Ekq̄ gots'q̄ nageèhde ekò k'achɪ èlèchɪ eyù-le nàke goazɪ, Zebedee weza James eyits'q̄ wechɪ John. Edetà xè èl̀a yù edem̀ì get'ɪ ìl̀è. Zezi, sek'èahdè, gòhdi t'à, ²² ekòet'ùì èl̀a eyits'q̄ edetà ts'q̄q̄ nàlegeèhtl̀a gà Zezi k'èè legeèhtl̀a.

Zezi dọ eyaeli k'aat'ì agoh?

²³ Eyì t'axòò Zezi Galilee nèk'e kòta yàgòlaa sù gota k'etlò, elèghdèe-kò goyì dọ hoghàehtò. Nòhtsì Wenàowoò k'èè hòzòò wegodiì nezù t'à dọ ts'ò gode, eyits'ò dọ hazòò eyagùlù sù k'aat'ì agòòlà. ²⁴ Syria nèk'e hazòò wegodiì gùkw'o t'à dọ eyagùlù sù hazòò Zezi ts'ò gogèèwa. Dọ tàda deè t'à eyagùlù, dọ mihì gits'ò-èlù, dọ edoo t'à eyagùlù, eyits'ò dọ gùkw'òò elàdèe sù hazòò Zezi k'aat'ì agòòlà. ²⁵ Galilee nèk'e gots'ò, kò gòlaa Decapolis gots'ò, kòta Jerusalem gots'ò, Judea nèk'e gots'ò, eyits'ò deh Jordan wetadà gots'ò, dọ lọ Zezi k'èè geède.

5

Amì wexè sìghà họt'e

¹ Zezi dọ lọ elèwhede goazì ekò shìh dekegòò?àa k'e dekùtla. Hoghàgoehtò gha dèhkwà, wecheekè gùmòò nùide. ² Dú hadù, goxè godo:

³ “Amì eteèt'ù edek'ègeezòò sù gixè sìghà họt'e;

Nòhtsì Wenàowoò k'èè hòzòò sù gits'ò-èlù họt'e.

⁴ Amì gidzèè nànutì sù gixè sìghà họt'e;

gixè hoizì agode ha.

⁵ Amì k'èeweèt'ì gùlù sù gixè sìghà họt'e;

dèè gighaelì ha.

⁶ Amì nàowo ehkw'ù ghò sù hòt'ò agùwòò sù gixè sìghà họt'e;

ayì gùwòò sù gighòt'à ha.

⁷ Amì wedzèè eteèt'ù gùlù sù gixè sìghà họt'e;

Nòhtsì etegoèhì ha.

⁸ Amì wedzèè degaì họt'e sù gixè sìghà họt'e;

Nòhtsì gezì ha.

⁹ Amì dọ xè ts'èwhì hगेhtsù sù gixè sìghà họt'e;

Nòhtsì weza giyeh ha.

¹⁰ Amì nàowo ehkw'ù k'èè geeda k'èxa dọ dagoghìh?aa sù gixè sìghà họt'e;

Nòhtsì Wenàowoò k'èè hòzòò sù gighaelì ha.

¹¹ “Sets'ìh?ò dọ naxìk'adageedè xè danaxegìh?a eyits'ò naxìghò hogets'ì gogede nùdè, naxìxè sìghà họt'e. ¹² Dàmì aahda k'èxa yak'e t'asù nezù edegha daahnòò sù naxìdawhezò t'à sù naxìna họt'e. Eyì xèht'èè gìcho nakwenàozòò dagoghìh?a ìlè.

Dewa eyits'ò dzèh nùdù laht'e

¹³ “Naxì sù dù nèk'e dọ hazòò gìgha dewa nàtsoo laht'e. Hanìkò dewa lèdì-le ajà nùdè dànì k'achì lèdì anajà lì? t'asù gha wet'àazà-le at'ì-ìdè nalats'eeht'ì gà dọ gùk'e k'edè.

¹⁴ “Naxì sù dù nèk'e dọ hazòò gha dzèh nùdù laht'e. Shìhka kògodeè gòzòò sù dọ hazòò gha wègaat'ì họt'e. ¹⁵ Dọ wùzì t'èèk'òò yìhtà gà tọ t'a nèyeechì nùile, hanìkò ìdòo dawhezòò

ayehzì. Hanì-ìdè dọ goyì geèhk'w'ee sù wet' à gígha dzèh agòht'e ha. ¹⁶ Eyì xèht'e è naxì sù dọ hazòò gígha dzèh nùdù laaht'e ha họt'e. Hanì-ìdè dànì nezì eghàlaahdaa sù gíghàeda t' à Naxìtà yak'e whedaa sù ghàsògeedi ha.

Zezi ayì dek'eèht'è k'èè eghàlaeda

¹⁷ “Moses wenàowoò eyìts'ò nakwenàozòò gínht'è wedè ahle gha jò ahjà nùle; gíyatì wek'èè hòzò ahle ha jò nèehtla họt'e. ¹⁸ Ekw'ì anaxèehsì, yak'e eyìts'ò dù nèk'e while agode gots'ò gíyatì nechà-lea ìlaet'ee kò wedè ha nùle. T'asì hazòò dek'enègùt'è sù wek'èè agode gots'ò, yatì wùzì wedè adle ha-le. ¹⁹ Amì nàowo nechà-lea kò yek'èit'e-le xè hanì dọ hoghàehtò nìdè Nòhtsì gha dek'azì elì ha. Hanìkò amì eyì nàowo k'èè eghàlaeda xè hanì dọ hoghàehtò nìdè Nòhtsì gha dọ wet' àazàa elì ha. ²⁰ Eyit' à ekw'ì anaxèehsì, Pharisee gùlù eyìts'ò Nòhtsì-yatì-k'ègedì-dòò gínahk'e ekw'ì aahda lenòsì, Nòhtsì Wenàowoò k'èè hòzòò sù goyaahde ha nùle.

Naxèot'ì gits'ò ekw'ì aahda

²¹ “Ìnèè whaà gots'ò dù yatì naxìts'ò nùit'òò sù wek'èahsò họt'e: ‘Dọ ełahwhì-le. Amì dọ ełahwhoo sù wesìniyaeti ha.’ ²² Hanìkò sù dù hanaxèehsì: Dọ edèot'ì ts'ò ìch'ee sù wesìniyaeti ha. Eyìts'ò dọ edèot'ì ts'ò ìch'è t' à ‘Gonezò-le,’ hadù sù k'aodèe gisìniyaeti ha. Eyìts'ò amì edèot'ì ts'ò ‘Ezhìne anet'e,’ hadù sù wehìkò dajàa awedle ha sòni.

²³ “Eyit' à kwe-ladà k'e t'asì Nòhtsì ghàzà ekìyeè k'e nèot'ì k'èch'a eghàlaneedàa sù wenaqdi nìdè, ²⁴ t'asì Nòhtsì ts'ò k'èhk'ò ha ìlè sù eyì àizòò anele. T'akwelòò nèot'ì ts' àatla gà elèxè sùgoahle, eyì t'axòò-ìdè t'asì Nòhtsì ts'ò k'èhk'ò ha dùlè.

²⁵ “Dọ gik'èch'a eghàlaahda t' à naxìghò nàyaeti kwe-t'ì gixè sùgoahle. Gixè nàyaeti-kò ts'ò laahle-t'ì gixè sùgoahle. Haahlà-le nìdè dọ-sìniyaeti-dòò ts'ò anaxegele ha. Dọ-sìniyaeti-dòò sù kw'ahì ghànaxèehtè ha eyìts'ò naxìdaitì anaxegele ha. ²⁶ Ekw'ì anaxèehsì, satsòq nòode ts'ò naxìnhìt'è naahlà-le nìdè, dọ-danìlaa-kò gots'ò kòahdè ha nùle.

Èlèxè hołù hoahsì-le

²⁷ “Dù hats'edi ghò aàhk'w'o ìlè, ‘Èlèxè hołù hoahsì-le.’ ²⁸ Hanìkò sù dù hanaxèehsì: Amì ekò-le nàniwo t' à ts'èko ghàeda nìdè hòt'a edinì t' à yexè hołù hòèhtsì họt'e. ²⁹ Naxìdàa ìlè wet' à hołù hoahsì nìdè xàah't' à gà zòahk'a. Naxìdàa ìlè wedìhòlì naxìgha denahk'e nezì họt'e. Hanì-le-ìdè naxìzhì hazòò xè wehìkò ts'ò anaxedle ha. ³⁰ Eyìts'ò naxìlà ìlè t' à hołù hoahsì nìdè wek'eah't' à gà zòahk'a. Naxìlà ìlè wedìhòlì naxìgha denahk'e nezì họt'e. Hanì-le-ìdè naxìzhì hazòò xè wehìkò ts'ò anaxedle ha.

ʔòlets'eehdè-le

³¹ “Inèè dui hagedi jìè: ‘Dòzhì edets'èkeè ʔòyeede ha niwo nìdè ʔòlets'eehdèe nihtl'è yeghàyezah ha.’ ³² Hanikò sɪ dui hanaxèehsɪ: Dò wets'èkeè eyii-le dò xè hoɦu hòehtsɪ-le kò ʔòyeèdo nìdè ededɪ wet'à wets'èkeè eyii-le dò xè at'ɪ lanì. Eyits'ò dòzhì ts'èko ʔòweèdo sù xè honidza nìdè hoɦu hòehtsɪ hɔt'e.

Yati nàtsoo ts'ehtsɪ sù nàts'eezhì niile

³³ “Inèè gots'ò dò dui hagedi jìè: Yati nàtsoo whahtsɪ nìdè wek'eahzhì-le. Nòhtsɪ ts'ò yati nàtsoo whahtsɪ nìdè wek'èè eghàlaahda ha hɔt'e. ³⁴ Hanikò sɪ dui hanaxèehsɪ: Yak'e Nòhtsɪ wedaèhchɪcho hɔt'e ts'ihzò, wet'à yati nàtsoo aahtsɪ-le. ³⁵ Dui dèè Nòhtsɪ yek'e nàèt'è hɔt'e ts'ihzò wet'à yati nàtsoo aahtsɪ-le. Eyits'ò Jerusalem k'àowocho wet'àazàa deè wekògodeè ne ts'ihzò wet'à yati nàtsoo aahtsɪ-le. ³⁶ Naxikwighà jìè kò degoo hanì-le-jdè dezòò aahlè ha dui ts'ihzò naxikwì t'à yati nàtsoo aahtsɪ-le. ³⁷ ‘Hèzè,’ dahdi nìdè wek'èè eghàlaahda, eyits'ò ‘jìe,’ dahdi nìdè wek'èè eghàlaahda; eyi wezòò yati nàtsoo t'à xàyaahɪ sù weɦu weyahɪ hɔt'e.

Ek'èt'à dò ghàhòahzà-le

³⁸ “Dui hats'edui weghò aàhk'w'o jìè: ‘Sedaà nàneeh't'ɪ nìdè sɪ sɪ nedaà nàeh't'ɪ ha, eyits'ò seghòò nàneezhì nìdè sɪ sɪ neghòò nàehzhì ha.’ ³⁹ Hanikò sɪ dui hanaxèehsɪ: Hoɦu-dòò elɪ sù naxik'èch'a eghàlaeda kò ek'èt'à weghàhòahzà-le. Dò tsinaxɪkà nìdè k'achɪ wets'ò naahza. ⁴⁰ Dò naxighò nàyaeti anaxele ha niwo xè naxikw'ihzèè naxighò niyùza nìdè, naxizèè sɪ niyùza kò. ⁴¹ Dò, jìè echɪ haɪwa ts'ò wek'èahdè anaxjìlà nìdè, nàke echɪ haɪwa ts'ò wek'èahdè. ⁴² Dò t'asù naxeeke nìdè t'asù weghàahzà, eyits'ò dò t'asù weghòniahza naxɪhwhò nìdè, jìe wèahdi-le.

Dò naxinìgelɪ-le sù gighòniahtò

⁴³ “Dui hagedi weghò aàhk'w'o jìè: ‘Naxèot'ɪ gighòniahtò, hanikò dò naxinìgelɪ-le sù gidzaahwhò.’ ⁴⁴ Hanikò sɪ dui hanaxèehsɪ: Dò naxinìgelɪ-le sù gighòniahtò eyits'ò dò danaxegɪhzaa sù gigha yaahɪ. ⁴⁵ Haaht'ɪ nìdè Nòhtsɪ Naxità yak'e whedaa sù weza aah't'e. Dò nezɪ, dò nezɪ-le elèht'èè gogha sadeè daazàa ayehzɪ; eyits'ò dò ehkw'ɪ geedaa, dò ehkw'ɪ geeda-le elèht'èè gogha chòh at'jì ayehzɪ. ⁴⁶ Dò naxighònegeètò zò gighòniahtò nìdè, eyi t'asù niile. Sòmba-nàgehtsɪ-dòò ededɪ kò ełeghònegeètò hɔt'e. ⁴⁷ Naxèot'ɪ zò ts'ò nezɪ naahza nìdè, dò eyii-le gɪnahk'e t'asù nezɪ hòah'tsɪ niile. Dò Nòhtsɪ k'ègeezò-le ededɪ kò elèts'ò nezɪ nageza hɔt'e. ⁴⁸ Eyit'à Nòhtsɪ Naxità yak'e whedaa sù degai hɔt'e, wexèht'èè naxɪ sɪ degai aah't'e ha hɔt'e.

6

Dọ-teèt'ụ sị gịts'àahdị

¹ “Kexoahdị, wet'à naxìghọ nezzì agedi ha dahwhọ t'à, dọ nadaà zọ ehkw'1 k'ehoahza-le. Haaht'1 nịdè Naxità yak'e whedaa sị eyi k'èxa t'asì naxìghàzà ha-le.

² “Eyi't'à dọ-teèt'ụ ghàahdị nịdè dọ hazọọ gìghọ gode gha k'ehoahza-le. Dọ degai degeetsụ sị hanì k'ehogeza họt'e. Dọ gots'ọ nezzì agụwọ ha gụwọ t'à elèghèdèe-kọ goyì eyits'ọ kọta dọ ts'ọ hagedi agogehzị. Ehkw'1 anaxèehsị, t'asì edegha geèhnọọ sị họt'a deghàa gìghọt'ọ họt'e. ³ Naxilà ịdè t'à dọ-teèt'ụ ghàahdị nịdè naxilà eyi-le yek'èwezà sọọ. ⁴ Eyi't'à dọ ghàahdị nịdè dọ gik'èezọ welè sọọ. Hanì-ịdè Nọhtsị naxità dọ naàhtọ dāaht'1 yeghàedaa sị wek'èxa t'asì nezzì naxìghàzà ha.

Dàni yaahti ha

⁵ “Yaahti nịdè dọ degai degeetsụ sị gixèahzị-le. Dọ goghàgeeda ha gụwọ t'à, elèghèdèe-kọ goyì eyits'ọ tịlì k'e nàgeèhza xè yagehti ghageewi. Ehkw'1 anaxèehsị, t'asì edegha geèhnọọ sị họt'a deghàa gìghọt'ọ họt'e. ⁶ Hanìkò yaahti nịdè naxìkọọ goyì edets'ọdaàniyahchì gà Nọhtsị naxità wègaat'1-le sị wets'ọ yaahti. Hanì-ịdè dọ naàhtọ dāaht'ụ sị Nọhtsị yeghàeda họt'e wek'èxa t'asì nezzì naxìghàzà ha. ⁷ Yaahti nịdè yatì lọ wet'àazà-le t'à yaahti-le. Dọ Nọhtsị k'ègeezọ-le sị hanì yagehti họt'e. Yatì lọ t'à whaà yagehti nịdè Nọhtsị goèhk'ọ ha gụwọ. ⁸ Gixèahzị-le. Nọhtsị Naxità t'asì weahkè kwe ayi dahwhọ sị yek'èezọ họt'e.

⁹ “Yaahti nịdè dū hanì yaahti,

“Gotà yak'e wheędaa, nuzì degai ts'edi họt'e. ¹⁰ Nị k'àiwo k'èè welè. Dū nek'e nek'èè agòwet'è, yak'e hagòht'e lanì.

¹¹ Dū dzẹẹ k'e wet'à ts'eedaa goghànidi. ¹² Dọ gok'èch'a nàhogèhdèe sị gihòhị gìghọ nahots'eele, eyi xèht'eè gohòhị goghọ nahoile. ¹³ Hohù ts'ụwọ ch'à gok'ènedì; wehù gots'ọọ nìwà anele.’

¹⁴ Dọ naxìts'ọ ehkw'1 eghàlageeda-le sị gìghọ nahoahle nịdè Nọhtsị Naxità ịdòò yak'e whedaa sị ededì sị naxìghọ nahoele ha họt'e. ¹⁵ Hanìkò dọ gìghọ nahoahle-le nịdè Nọhtsị Naxità naxìhòhị naxìghọ nahoele ha-le.

Dàni edeahgọ ha

¹⁶ “Edeahgọ nịdè ts'ọdāhwhọ k'èè naxègaat'1 welè-le. Dọ degai degeetsụ sị hanì gìgaat'ụ adegehzi. Ehkw'1 anaxèehsị, t'asì edegha geèhnọọ sị họt'a deghàa gìghọt'ọ họt'e. ¹⁷ Hanìkò naxì edeahgọ nịdè naxìkwìghà siahle xè k'enaahde. ¹⁸ Hanì-ịdè edeahgọ sị hozì dọ gìgha wègaat'1 ha-le. Nọhtsị naxità wègaat'1-le sị ededì zọ dọ naàhtọ dāaht'ụ sị wegħa wègaat'1 họt'e. T'asì nezzì daahnọọ sị ededì naxìghàyezà ha họt'e.

Yak'e t'asii nezii edegha elèahle

19 “Dii nèk'e t'asii nezii lo edegha elèahle-le, yida yedè xè wek'iitsò ade ha ne t'à, eyits'ò eezii-dòò naxikò enixàgeezhì gà naxighò egeezi ha t'à t'asii nezii lo edegha elèahle-le. 20 Hanikò yak'e gogha t'asii nezii edegha elèahle; ekò yida yedè ha-le xè wek'iitsò ade ha-le eyits'ò eezii-dòò ekò egeezi ha-le. 21 Edii t'asii dezoò naxigha nezi wheahlaa sii naxidzè t'à ekò ts'ò dahwhò ha hõt'e.

22 “Naxidaà sii naxizhii gha ek'aèk'ò lanì hõt'e. Naxidaà nezi nùdè naxizhii hazòò gha dzèh lagòht'e ha. 23 Ekò naxidaà nezi-le nùdè naxizhii hazòò gha togoòt'ò ha hõt'e. Naxidzè yì togoòt'ò nùdè sii naxixè togoòt'ò agòht'e.

24 “Dò wuzii k'àowo nàke gha eghàlaeda ha dii. K'àowo jì ghòneètò ha eyits'ò jì nèlì ha-le, eyits'ò k'àowo jì k'èt'e ha eyits'ò jì wek'èt'e ha-le. Nòhtsi eyits'ò sòmba, jìah elèht'eè gigha eghàlats'eeda ha dii hõt'e.

T'asii ghò nàniahdè-le

25 “Ayì t'à aahda ha, ayì ghò shèahzhe ha, ayì aahdò ha eyits'ò ayì goht'ò t'à-aah't'ì ha sii ghò nàniahdè-le. Ts'eedaa sii bò nahk'e wet'àazà hõt'e, eyits'ò gozhii goht'ò nahk'e wet'àazà hõt'e. 26 Chìà hoòlà gidaàniahdè: dèè k'e t'asii geehshe-le, eyits'ò xehkò t'asii gehla-le, hanikò Naxità yak'e whedaa sii gowàedi hõt'e. Chìà ginahk'e aahì hõt'e! 27 Ayìha t'asii ghò nàniahdè? Dò wuzii naniwo t'à jì sadzèè dezoò edaà adele ha niile.

28 “Ayìha goht'ò ghò nàniahdè? Dèè k'e it'òchàa dehshee sii wedaàniahdè. Eghàlaeda-le kò wèdaat'ì hõt'e. 29 Ehw'ì anaxèehsì, k'àowocho Solomon wèdaat'ì nàht'ì ts'uwò kò eyì it'òchàa yènahk'e wèdaat'ì hõt'e. 30 Nòhtsi hanì dèè k'e t'oh wèdaat'ì whehtsi sii du dzèè k'e dehshe hanikò satsò kwii geehdè. Eyì nahk'e nezii naxik'èdì ha, eyits'ò goht'ò nezii naxighàle ha hõt'e. Hanikò naxini nàtso-le dii. 31 Eyit'à du haahdi-le xè t'asii ghò nàniahdè-le: ‘Ayì ts'uzà lì?’ ‘Ayì ts'ats'e lì?’ ‘Ayì goht'ò t'à-ats'et'ì lì?’ 32 Dii nèk'e dò hazòò Nòhtsi k'ègeezò-le sii eyì hanì zò k'alagedè. Hanikò Naxità yak'e whedaa sii ayì t'à aahda yek'èezò hõt'e. 33 Naxì sii, Nòhtsi Wenàowò k'èè hòzoò hak'eaht'ì eyits'ò wek'èè ehkw'ì ts'eeda ha dahwhò, eyì haahlà nùdè t'asii hazòò wet'à ts'eedaa sii naxighàyele ha hõt'e. 34 Eyit'à satsò ghò nàniahdè-le, satsò wedawhezòò aahle. Dzè taat'eè hoilà lo gogha whela hõt'e.

1 “Dò sınıyaahtı-le, hanı-ıdè naxısınıyaeti ha-le. 2 Dàni dò sınıyaahtı k'èè naxısınıyaeti ha họt'e. Ayı ghàà dò gısınıyaahtı sı eyı weghàà naxısınıyaeti ha họt'e.

3 “Ayıha naxèot'ı wedaà yı tsolè whezòq sı ghàahda, hanikò naxıdaà yı dechı whetòq sı ts'òniyahzà-le? 4 Dànit'à naxèot'ı ts'ò dı haahdı naxıgha dı-le, 'Àgıq, nedaà yı t'asia whezòq; negha xàwehchı,' dahdı, hanikò naxı naxıdaà yı dechı whetòq sı naxıgha wègaat'ı-le. 5 Degai daahıtı kò wek'èè aahda nıle! T'akwehòq naxıdaà yı dechı whetòq sı xàahchı nıdè naxıgha nezı xègaat'ı agode ha, hanı-ıdè naxèot'ı wedaà yı t'asia whezòq sı xàahchı ha dı-le.

6 “Lèt'è degai sı tı ghàahdı-le. Whòzòzaa dètı sı gogòò ts'ò aahdè-le. Haahlà nıdè tı naxıdzıgezà ha eyıt's'ò gogòò whòzòzaa tàtsògeèhze ha.

Gotà yak'e whedaa weahkè

7 “Aahkè nıdè naxıghòt'à ha; wehak'eaht'ı nıdè wegòahzà ha; enıtò k'e ts'aaht'ı nıdè naxıt's'ò enıxàetı ha. 8 T'aa eekè sı t'ası weghòt'à ha; amı t'ası hak'eat'ı sı yegòhza ha; eyıt's'ò amı enıtò k'e ts'aht'ı sı wets'ò enıxàetı ha.

9 “Naxıza lèt'è naxeekè nıdè ası kwe weghàahzà ha? 10 Eyıt's'ò hıwe naxeekè nıdè ası gòò weghàahde ha? 11 Naxı hoıı-hoahıtı-dò aahde kò, naxıza t'ası nezı gıghàahkè k'èahsò. Naxıtà yak'e whedaa sı dò geekè nıdè naxınahk'e t'ası nezı goghàyele ha họt'e. 12 Eyı xèht'eè dani dò naxıt's'ò nezı eghàlageeda ha dahwhò k'èè gıt's'ò eghàlaahda. Moses wenàowò eyıt's'ò nakwenàozòq gııht'è k'e hanı dek'eèht'è.

Enıtò neghoa eyıt's'ò enıtò dekòò

13 “Enıtò neghoa k'è dexaahdè. Enıtò dekòò sı tı dekòò ts'ò nıza họt'e. Dò lò eyı tı k'e agèt'ı sı gidıhoè ha. 14 Ekò enıtò neghoa sı tı neghoa ts'ò nıza họt'e. Dò lò-lea zò eyı tı k'e agèt'ı sı welò while ts'ò geeda ha.

Ts'ı eyıt's'ò wejıecho

15 “Nakwenàozòq ehkw'ı gogede-le sı gıxoahdı. Sahzòq nezı degeetsı, hanikò diga wets'ahoejı lagıt'e. 16 Dàni k'ehogeza k'èè gık'èahsò ha. İchıghò ta jıe nàts'ehtsı nıle. Eyıt's'ò gogho nı jıecho nàts'ehtsı nıle. 17 Eyı xèht'eè ts'ı nezı sı wek'e jıecho nezı gòhı, eyıt's'ò ts'ı nezı-le sı wek'e jıecho nezı-le dehshe. 18 Ts'ı nezı sı wek'e jıecho nezı-le gòhı ha dı, eyıt's'ò ts'ı nezı-le sı wek'e jıecho nezı dehshe ha dı họt'e. 19 Ts'ı hazòq wek'e jıecho nezı-le dehshe sı nàgeehkà gà kwıgeehde ha. 20 Eyıt'à, dani k'ehogeza ghàà gık'èahsò ha.

21 “Dò hazòq 'K'àowo, K'àowo,' sègedı sı Nòhtsı Wenàowò k'èè hòzòq k'è goyageedè ha nıle. Amı, Setà yak'e whedaa

k'èit'ee sù zò goyageedè ha. ²² Eyi dzeè k'e nihòqwo nɔ̀dè dɔ̀ lɔ̀ sets'ò du hagedi ha, 'Sets'ò K'àowo, nuzi dahxà nadaà gots'ɔ̀de jìlè, m̀nìh̀ xàdets'eèzhì eyits'ò eniyyah lɔ̀ hots'èhtsɪ jìlè,' gedi ha. ²³ Hanikò ehkw'ɪ gɪts'ò du haehsɪ ha, 'Naxik'èehsɔ̀ nùle. Hoḥ̀- k'alaahdèe-dòò aaht'e, sets'òò naahdè!' gèehsɪ ha.

Dò gòzò eyits'ò dɔ̀ gòzò-le wegodu

²⁴ "Eyt'à amì seyatù ìkw'o xè yek'èè edaa sù dɔ̀ gòzò kwe k'e edekò gòhtsɪ lanì hɔt'e. ²⁵ Yàchòhòwo ekò tɪ lɔ̀ dèè teèt'ɪ xè kò k'e nɪhts'ɪ nàtsoo at'ɪ, hanikò kwe k'e yìt'ɪ'aa whetòò gòhtsɪ t'à eyi kò nàgòt'ɪ-le. ²⁶ Hanikò dɔ̀ hazòò seyatù gùkw'o kò gik'èè eda-le nɔ̀dè dɔ̀ gòzò-le ewaa k'e edekò gòhtsɪ lagɪt'e. ²⁷ Yàchòhòwo ekò tɪ lɔ̀ dèè teèt'ɪ xè nɪhts'ɪ nàtsoo eyi kò k'e at'ɪ t'à hɔtsaa wetagòt'ɪ."

²⁸ Zezi eyi hazòò hoghàgoehtò ghò nòot'e ekò dɔ̀ hazòò gɪgha eniyyah dii. ²⁹ Zezi ededi t'asì hazòò ts'ò k'àowo k'èè dɔ̀ hoghàehtò, Nòhtsɪ-yatù-k'èdi-dòò lanì-le.

8

Dò wekwò tàda t'à eyaeli sù k'aat'ù aja

¹ Zezi shìhka gots'ò hodàèhtla ekò dɔ̀ lɔ̀ gɪk'èè k'edè. ² Dò jìlè gokwò tàda t'à eyaeli sù Zezi ts'ò èhtla, yets'ò nàgòhge, hadi, "K'àowo, haneewò nɔ̀dè k'aat'ù asɪle ha dii-le," yèhdi.

³ Zezi edilà dɔ̀ k'e ayìl̀, hayèhdi, "Hèzè, hahwhò! K'aat'ù anede!" yèhdi. Ekòet'ù wekwò tàda whìle aja. ⁴ Zezi yets'ò hadi, "Nets'ò dànàhòwo sù dɔ̀ wɪzì ts'ò haɔ̀di-le. Nek'ahoeta gha yahtù ts'àatla. Moses wenàowo k'èè nehòh̀ neghò nahoezhe k'èxa yahtù t'asì negha k'eguhk'ò. Hanì-jdè weghàà k'aat'ù anaajà dɔ̀ gɪk'èezò ha," yèhdi.

Eghòò-dòò gha k'àowo wegħa ehkw'ɪ-ahodi

⁵ Zezi kòta Capernaum nùtla ekò eghòò-dòò gha k'àowo Zezi sets'adi ha nɪwò t'à yets'ò èhtla. ⁶ Eghòò-dòò gha k'àowo hadi, "K'àowo, secheekè wekw'òò eɔ̀jìdè xè hòt'ò eyaeli t'à sù daɪza dii," yèhdi.

⁷ Zezi yets'ò hadi, "Nexè nekò nàhtla gà k'aat'ù awehè ha," yèhdi.

⁸ Hanikò eghòò-dòò gha k'àowo yets'ò hadi, "K'àowo, sekò naatla gha dɔ̀ lahoht'ɪ-le. Eki neyatù t'à xàyanèhtì nɔ̀dè secheekè k'aat'ù ade ha. ⁹ Sɪ kò segħa k'àowo gòh̀ eyits'ò eghòò-dòò gɪgha k'àowo eh̀. Dò jìlè 'Yèè nàatla,' wèehsɪ nɔ̀dè ekò nàtla, eyits'ò k'ach̀ jìlè 'Jò nàatla,' wèehsɪ nɔ̀dè jò nàtla. Secheekè, 'Dii hanele,' wèehsɪ nɔ̀dè hayeh̀," yèhdi.

¹⁰ Zezi eyi k'àowo dàdù sù yìkw'o ekò sù wegħa eniyyah dii. Dò lɔ̀ yek'èè k'edè sù ts'ò hadi, "Ehkw'ɪ anaxèehsɪ, Israel nèk'e dɔ̀ winì hanànhtso ghò eèhk'w'o whìle. ¹¹ Hazòò nèk'e gots'ò

dọ lọ, Nọhtsị Wenàowoò k'èè hòzọọ k'è goyageedè ha. Ekọ Abraham, Isaac eyits'ọ Jacob xè shègezhe ha. ¹² Hanìkò Nọhtsị wets'ọ dọ ts'ìlìlì sù togoòt'ò ts'ò xàgìdeezhì ha. Ekọ getse xè sù gìgha hoila ha," Zezì gòhdi.

¹³ Zezì eghọọ-dọọ gha k'àowo ts'ò hadì, "Hot'eè nekò ts'ò naitle, hotù negha ehkw'ì-ahodù k'èè agode ha," yèhdi. Eyi t'à eyi sadzeè et'ìì wecheekeè weggha k'aat'ìì agòjà.

Zezì dọ lọ k'aat'ìì agòjà

¹⁴ Zezì, Peter wekọ goyaèhtla ekò Peter wets'èkeè wemọ edì-elì t'à daèhte k'e whetì yaazì. ¹⁵ Zezì yilà daachì t'à k'aat'ìì ajà. Ekòet'ìì eyi ts'èko nùtla gà weghọ shèts'ezhee yeghàdì.

¹⁶ Eyi xèhsts'ò dọ lọ ìnhìlì gits'ò-èlìlì sù Zezì ts'ò gogeèwa. Edeyatù t'à ìnhìlì xàgodeèzhì eyits'ọ dọ-eyaelì hazọọ k'aat'ìì agòjà. ¹⁷ Eyi hagòjàa sù nakwenàozọọ Isaiah yeghọ gojde ilè sù wek'èè agòjà:

"Gotàdaà goghọ yìhchì eyits'ọ wet'à gogha hoilaa sù edek'e ayìlì," dek'eèht'è.

Dọ nàke Zezì xè agedè ha gùwo

¹⁸ Zezì dọ lọ wemọọ elèwhede goazì ekò edecheekeè gots'ò hadì, "Ìnòọ nats'ìzè," gòhdi. ¹⁹ Nọhtsị-yatù-k'èdì-dọọ ìlè yets'èèhtla, hadì, "K'àowo, edù anet'ìlì sù nexè ahde ha de-hwhọ," yèhdi.

²⁰ Zezì yets'ò hadì, "Nọgèe gızọ gòhìlì eyits'ọ chọ sù gít'oh gòhìlì, hanìkò Dọ-wet'àazàa-deè edù kwìhızọ ha gòhìlì-le," yèhdi.

²¹ K'achì wecheekeè ìlè yets'ò hadì, "K'àowo, t'akwełọọ setà wekw'ọọ nèehtì gà welè," yèhdi.

²² Hanìkò Zezì yets'ò hadì, "Dọ ełàidèe lagùt'ee sù edets'ọ dọ ełàidèe kw'ọọ nègule, hanìkò nì sù sek'èitla," yèhdi.

Zezì nùhts'ì while ayìlì

²³ Eyi t'axọọ Zezì elà yìetla, wecheekeè gixè agejà. ²⁴ Họtsoa tì k'e gixè nùhts'ì nàtsoo dèts'ì t'à taatù elà yì at'ì. Hanìkò Zezì dètì ìlè. ²⁵ Wecheekeè ts'ìgìhwho, hagùhdi, "Gots'ò K'àowo, edaxàgojle! Tì t'à ełàats'ede ha nìkw'o," gùhdi.

²⁶ Zezì gots'ò hadì, "Naxìnì nàtso-le. Dànìghọ sù dahjì nọọ?" gòhdi. Elà yì nàwo xè nùhts'ì eyits'ọ taatù while aahde gòhdi t'à, ts'èwhjì hòzọọ agòjà.

²⁷ Zezì wecheekeè gìgha enìyah t'à ełets'ò hagedì, "Dù amì ne? Nùhts'ì eyits'ọ taatù kò gik'ìt'e," gedì.

Dọ nàke ìnhìlì gits'ò-èlìlì sù k'aat'ìì agejà

²⁸ Zezì ìnòọ Gadarene gùnek'e tàwheze ekò, dọkw'ọọ whelaa gots'ọ dọ nàke gits'ò leèhtla, ìlah ìnhìlì gits'ò-èlì. Sù gits'àhoejì t'à dọ wùzì ekọ aget'ì-le. ²⁹ Hòt'ò gezeh xè hagedì, "Nọhtsị Weza,

ayìha gok'alaawo? Gogha nèhòkw'1 kwe gogha hoìla hoìhtsì-le, neghònàdats'eeti," gedi.

³⁰ Eyi ts'ò gòwà-lea gogòò lò shègezhe lè. ³¹ Inìhì Zezi ghònàdageeti, "Xàgòdùzhì ha nìdè gogòò yì ts'ò agoìle," gedi.

³² "Naahdè!" Zezi gòhdi t'à, dọ yì gots'ò xàgùde gà gogòò yì gùde. Gogòò hazòò shìh danùchàa gots'ò ızhùì hodàgòò'za ts'ò tì yì lègeèhza t'à eìàgùdè. ³³ Dọ gogòò k'ègedì sù natùmogeèhde. Gìxè dàgòjàa sù kòta yàgòlaa hazòò dọ ts'ò hagedì, eyits'ò dọ mihì gits'ò-èlì lèe sù gìxè dàgòjàa ghò dọ xè gogedo. ³⁴ Eyi kòta gots'ò dọ hazòò Zezi ts'ò geède. Zezi gĩa' ekò "Gonèè ts'òò nàtìle," gùhdi gìghònàdageeti.

9

Dọ wekw'òò eìàdèe sù k'aat'ù ajà

¹ Zezi elà yìetla gà edecheekeè xè inòò nawheze, edekòta niagùze. ² Dọ mòhdaa dọ wekw'òò eìàdèe tè k'e whetù Zezi ts'ò geèhchì. Zezi dọ gùni nàtsoo gok'èezò t'à dọ eyaelù ts'ò hadì, "Àgĩa, nehòhì neghò nahoazha t'à nìnà welè," yèhdi.

³ Hadì t'à Nòhtsì-yatù-k'ègedì-dòò mòhdaa hagùwò, "Dù dọ sù Nòhtsì k'èch'a gode!" gùwò.

⁴ Zezi dànì nàngedèe sù gok'èezò t'à hagòhdi, "Dànìghò naxìdzeè yì nàowòhù t'à nànahdè? ⁵ Dọ wekw'òò eìàdèe sù dàwets'edi nìdè denahk'e dezhì-le: 'Nehòhì neghò nahoazha,' hanì-le-ìdè 'Nùtla gà k'eitlò.' ⁶ Dù nèk'e Dọ-wet'aa'zàa-deè dọ hoìhù ghò nahoele ha weghàhòt'òò sù, wek'èahsòò anaxehle ha," gòhdi t'axòò dọ wekw'òò eìàdèe sù ts'ò hadì, "Nùtla, netè nù'za gà nekò ts'ò nàtìle," yèhdi. ⁷ Eyt' à eyì dọ nùtla gà edekò ts'ò naèhtla. ⁸ Dọ hazòò eyì hagòjà gĩa' ekò sù gìgha eniyyah dii, eyit' à Nòhtsì ghàsògeedi, hagedì, "Dù dọ Nòhtsì dahxà eghàlaedaà at'ì sòm," gedi.

Matthew Zezi k'èè èhtla

⁹ Zezi ekò gots'òò naèhtla t'axòò, sòòmba-nàhtsì-dòò Matthew wiyeh ladà k'e eghàlaeda ya'zì. Zezi "Sek'èitla!" yèhdi. Eyt' à Matthew nùtla gà Zezi k'èè èhtla.

¹⁰ Eyi t'axòò Zezi Matthew wekò shètì ekò sòòmba-nàhtsì-dòò gùlù eyits'ò hoìhù-hogehtsì-dòò lò Zezi eyits'ò wecheekeè xè shègiazhe. ¹¹ Pharisee gùlù sù gogia'zì ekò Zezi wecheekeè ts'ò hagedì, "Dànìghò naxits'ò k'àowo sòòmba-nàhtsì-dòò eyits'ò hoìhù-hogehtsì-dòò xè shètì?" gògedì.

¹² Zezi iikw'o t'à gots'ò hadì, "Dọ hotù geedaa sù nàèdì-k'èezòò gìgha wet'aa'zà nùile, dọ eyagùlù sù zò nàèdì-k'èezòò gùwò họt'e. ¹³ Hanìkò dù hanì dek'èèht'l'è: 'Sets'ò t'asì k'eahk'ò nahk'e dọ ts'ò naxìdzeè eteè'zì ha dehwhò,' ayì awèts'edu sù wedaàniahdè. Dọ ehkw'1 geedaa sù gikayahtì gha

jọ ts'ò ahjà nùle, hanìkò hoḥḥ-hogehtsḥ-dòò gıgha ahjà họt'e," gòhdi.

Edets'egọ ghọ Zezì dageehke

¹⁴ Eyì t'axòò John-Baptist wecheekeè Zezì gà nègḥde, gıts'ò hadı, "Goxı eyıts'ọ Pharisee gḥḥ sù edets'egọ, hanìkò dànìghọ necheekeè edegegọ-le?" gùhdi.

¹⁵ Zezì gots'ò hadı, "K'ọadzàa ḥàà goxè wheda et'ì, dò gıghọ nùdee sù edegegọ ha nì? Ìle ne, hanìkò ḥè dzẹẹ k'ọadzàa gıghọ wìichì ha họt'e, eyì dzẹẹ k'e nùdè edegegọ ha.

¹⁶ "Dọ wḥzì goht'ọ zọą k'e zehł'ıgòò nètèyeèlì nùle. Hayìlà nùdè zehł'ıgòò eleechì t'à wemọò tàedlà ha. Hajà nùdè, goht'ọ zọą denahk'e wetàedlà ha. ¹⁷ Eyıts'ọ dò wḥzì jìetì wegòò hoèḥ sù jìetiwò wezọą yì yeht'ì nùle. Hayìlà nùdè wewòzọą wenıtsqedlà xè jìetì xàet'ì ha, eyıts'ọ jìetiwò wezọą sı wedıhoè ha. Hanì ha nùle, jìetì wegòò hoèḥ sù jìetiwò wegòò yì yeht'ì ha họt'e, hanì-ıdè ḥah nezḥ wek'èhodì ha," Zezì hadı goxe godo.

T'eekea ełıwoọ eyıts'ọ ts'èko eyaelı

¹⁸ Zezì ḥàà goxè godo ekò, k'àowo ḥè yegà nùtla gà yets'ò nàgòḥgè, hayèhdi, "Setì dıhk'ọą ełıwo. Hanìkò sexè sekò nàwheetla xè nılà wek'e anelà nùdè naidà ha," yèhdi. ¹⁹ Eyıt'à Zezì nùtla gà eyì dò k'èè naèhtla; wecheekeè sı gık'èède.

²⁰ Ekıyeè k'e ts'èko ḥè Zezì chıht'a nùtla xè yezeè welọ daachì. Eyì ts'èko hoòno-daats'ò-nàke xo gots'ọ edoò wezò-at'ı t'à eyaelı. ²¹ Ts'èko hanıwo, "Wezeè zọ kò daehchì nùdè k'aat'ıì ahde ha," hanıwo.

²² Zezì yets'ò ets'aèhtla, yaı t'à hayèhdi, "Ts'èko, nedzeè t'à nınà welè. Negha ehkw'ı-ahodì t'à k'aat'ıì anejà," yèhdi. Eyì ts'èko ekòet'ıì k'aat'ıì ajà.

²³ Zezì k'àowo wekò goyaèhtla ekò dò lọ xè nàdahoowo eyıts'ọ dò mọhdaa dechıshì geehdi, goaı. ²⁴ Zezì gots'ò hadı, "Naahde. T'eekea ełıwo nùle, ekı whetı họt'e," gòhdi t'à dò gıghaedlò. ²⁵ Dọ hazòò xàgeèdeè agogḥlà t'axòò, Zezì edı t'eekea whetı sù ekọ goyaèhtla. T'eekea wılà nùchı-t'ıì t'eekea nùtla. ²⁶ Eyì nèk'e hazòò eyì wegodıì ajà.

Dọ wedaà goilee nàke eyıts'ọ dò gode-le k'aat'ıì agejà

²⁷ Zezì eyì gots'ọ naèhtla ekò dò nàke gıdàà goilee gık'èè leèhtla, nagızeh xè Zezì ts'ò hagedı, "K'àowocho Davıd Weza, etegòḥzı!" gedı nagızeh.

²⁸ Zezì kọ ḥè goyaèhtla ekò dò gıdàà goilee gıgà nètegeètla t'à dagoehke, "K'aat'ıì anaxehle gha naxıgha ehkw'ı-ahodì nì?" gòhdi. "K'àowo, hẹzẹ," gedı.

²⁹ Eyit'à godaà k'e whehdi xè hagòhdi, "Naxìgha ehkw'i-ahodi k'èè naxìxè agode," Zezi gòhdi. ³⁰ Ekòet'ìi gidaà gòhì anagejà. Zezi yatì nàtsoo t'à hagòhdi, "Dù hagòjà sù dọ wjzìi yek'èizà sòò," gòhdi. ³¹ Hanikò eyi nèk'e dọ hazòò ts'ò hagedi.

³² Eyì dọ nàke Zezi ts'òò nàlegeèhtla t'axòò dọ ìnhì wets'ò-èlì t'à gode-le sù Zezi gà nègeèchì. ³³ Zezi ìnhì xàdeèzhì t'axòò, eyi dọ gode-le plèe sù godeè ajà. Dọ hazòò gìgha enìyah dii t'à hagedi, "Israel nèk'e du hagòjà ts'azì while," gedi.

³⁴ Hanikò Pharisee gùlì sù hagedi, "Ìnhì gha k'àowo dahxà ìnhì xàdeezhì at'ì," gedi.

Eghàlageedaa-dòò lọ-le

³⁵ Zezi eyi nèk'e kòta hazòò gota k'eetlò. Elègehdeè-kò goyì dọ hoghàehtò. Nòhtsì Wenàowoò k'èè hòzòò wegodiì nezì t'à dọ ts'ò gode, eyits'ò tàda hazòò t'à dọ eyagùlì sù k'aat'ìi anagòòlà. ³⁶ Dọ lọ elèwhede goghàeda ekò dọ ts'ò wedzeè eteèzì. Dọ gixè hoila xè sahzòà dọ gok'èdì while lagùt'e. ³⁷ Eyit'à Zezi edecheekeè ts'ò hadi, "Dèè k'e t'asì diidì lọ dii hanikò dọ nàyehtsì ha lọ-le. ³⁸ Eyit'à t'asì dehshee nàgehtsì ts'ò k'àowo sù weahkè, hanì-ìdè t'asì dehshee nàgehtsì dọò gots'ò ayele ha," gòhdi.

10

Zezi edecheekeè kòta gòhà?

¹ Zezi edecheekeèdeè hòonò-daats'ò-nàke gokayahtì t'à, làà nègùde. Ìnhì dọ yì gots'ò xàdegeezhì ha eyits'ò dọ k'aat'ìi agele ha goghàhòzò.

² Zezi wecheekeèdeè dù hagiye: Simon (Peter wiyeh) eyits'ò wechì Andrew, Zebedee weza James, eyits'ò wechì John, ³ Philip, Bartholomew, Thomas, sòmba-nàhtsì-dòò Matthew, Alphaeus weza James, Thadiyus, ⁴ Simon ("dọ edenèè ghòneètòò" wiyeh), eyits'ò Zhudàà-Isariyot, ededì Zezi k'aodèè got'ì aàyìhtì họt'e.

⁵ Eyì wecheekeè hòonò-daà-nàke sù Zezi dọ ta ts'ò gohà, hagòhdi, "Eyì-le dọ xàzaa ts'ò aahde-le, eyits'ò Samaria got'ìi gikòta ts'ò aahde-le. ⁶ Israel got'ìi gita sahzòà dikòède lagùt'ee sù ts'ò aahde. ⁷ Kòta yàgòlaa ts'ò aahde, dọ ts'ò haahdi, 'Nòhtsì Wenàowoò k'èè nèhòkw'ì ha ts'ò nìwà-le agòjà, giahdi. ⁸ Dọ eyagùlì sù k'aat'ìi agiahle, dọ elajidèe sù naidà agiahle, dọ gikwò tàda t'à eyagùlì sù k'aat'ìi agiahle, eyits'ò ìnhì xàahzà. T'asì k'èxa-le hanì naxìghàhòt'ò t'à, t'asì k'èxa-le wet'à dọ ts'ò aahdi. ⁹ Sòombawò edexè k'eahle-le. ¹⁰ Tehmì k'eahlì-le, zeh ladì eyits'ò ke ladì k'eahle-le, tèh sù k'eahlì-le; dọ eghàlaedaa sù wets'ò azeedi họt'e.

11 “Kòta nìahde n̄dè dọ wedzeè nez̄ s̄i hak'eaht'j̄; naahdè gots'ò wekò aah't'e. 12 Eȳ kò goyaahdè n̄dè, ‘Nax̄xè ts'èwh̄i welè,’ dọ hagiàhd̄i. 13 Eȳ kò gots'ò dọ nax̄yat̄i ḡihch̄i n̄dè, nax̄xè ts'èwh̄i hòz̄q̄q̄ s̄i ḡits'ò awede. Ekò han̄i-le-ìdè, nax̄xè ts'èwh̄i hòz̄q̄q̄ s̄i nax̄its'ò anade ha. 14 Dọ nax̄iḡw̄o-le xè nax̄igeèhk̄w'ò-le n̄dè, naahdè kwe ḡikòta gots'ò eht'è nax̄ikè-t'ì'a while aahle (han̄i-ìdè weghàà ek̄o-le eghàlageeda ḡik'e n̄idahoahz̄à ḡik'èez̄q̄q̄ ageahle ha). 15 Ehkw'ì anaxèehs̄j̄, gos̄n̄iyaet̄i dzeḗ k'e n̄dè eȳ kòta gots'ò dọ daḡw̄za ha. Kòta Sodom eȳts'ò kòta Gomorah dọ n̄dè ìlèè s̄i nahk'e daḡw̄za ha. 16 Sahz̄òḗ d̄iga n̄i k'eza lan̄i dọ ta ts'ò nax̄eeh̄z̄à t'à edexoahd̄i. Eȳt'à dọ ḡita goahs̄q̄ k'ehoahz̄a xè ek̄o-le eghàlaahda-le.

17 “Dọ nax̄its'ò x̄an̄iḡw̄zaa s̄i ḡixoahd̄i. N̄ayaet̄i-kò ts'ò anax̄egele ha eȳts'ò elègeh̄dèe-kò goȳi nax̄ik'egeehk̄wa ha. 18 S̄i sets'ìh̄z̄ò k'àowocho eȳts'ò dèè-ts'ò-k'àowo ḡinad̄q̄ nax̄is̄n̄iyaet̄i anax̄egele ha. Han̄ikò segh̄o ḡits'ò goahde ha eȳts'ò dọ eȳi-le x̄àzaa s̄i ḡits'ò goahde ha. 19 Danax̄eḡiach̄i ḡà nax̄igh̄o n̄ayaet̄i n̄dè, dàn̄i edek'edaahd̄i ha eȳts'ò aȳi dàahd̄i ha s̄i wegh̄o n̄an̄iahdè-le. Ek̄iyèè k'e n̄dè aȳi dàahd̄i ha s̄i wek'èahs̄q̄ ha h̄ot'e. 20 X̄àè nax̄yat̄i t'à goahde ha n̄iile; N̄òht̄s̄i-Nax̄it̄a wets'ò Ìn̄i Deḡai nax̄iw̄à t'à gode ha.

21 “Ek̄iyèè k'e n̄dè elèchi-t'ìi k'aodèè t'ì'aalèḡih̄tè ha, eȳts'ò got̄a ḡw̄j̄ s̄i edeza hagole ha. Chekoa edèot'ì s̄i k'aodèè t'ì'aaḡoḡiile xè el̄aaḡogh̄deè agogele ha. 22 S̄i sets'ìh̄z̄ò dọ haz̄q̄q̄ nax̄idzaḡiwh̄h̄o ha, han̄ikò am̄i n̄q̄ode dzeḗ ts'ò N̄òht̄s̄i ts'ò w̄n̄i n̄àtsòò ad̄ihwh̄q̄ s̄i edax̄àeda ha. 23 Kòta ìlè dọ danax̄eḡiwh̄za n̄dè kòta eȳi-le ts'ò kw̄jahdè. Ehkw'ì anaxèehs̄j̄, Israel nèk'e kòta haz̄q̄q̄ ts'ò kw̄jahdè kwe, Dọ-wet'àaz̄aa-deè n̄iit̄a ha h̄ot'e.

24 “Dọ hogh̄àweèt̄q̄q̄ s̄i hogh̄àyeht̄q̄q̄-d̄q̄q̄ nahk'e el̄i n̄iile, eȳts'ò k'àowo wecheekèè s̄i edets'ò k'àowo nahk'e el̄i n̄iile. 25 Dọ hogh̄àweèt̄q̄q̄ s̄i hogh̄àyeht̄q̄q̄-d̄q̄q̄ xèht'eè ade ha h̄ot'e, eȳts'ò k'àowo wecheekèè edets'ò k'àowo xèht'eè ade ha h̄ot'e. Edek̄o gha k'àowo el̄i s̄i ‘weh̄j̄’ ḡiuh̄d̄i n̄dè wekò dọ n̄adèè s̄i denahk'e ḡik'adaadè ha h̄ot'e!

26 “Dọ ḡits'àahj̄-le. T'as̄i haz̄q̄q̄ wègaat'ì-le s̄i wègaat'ìì adle ha, eȳts'ò t'as̄i dez̄j̄ whelaa s̄i wek'èhoedz̄q̄q̄ adle ha h̄ot'e. 27 Togoòt'òò t'as̄i nax̄its'ò haehs̄j̄ s̄i dze n̄dè wegh̄o goahde ha. Nax̄idzihk̄w'òq̄ ȳi ìh̄j̄à gots'ede n̄dè dahmò ka gots'ò dọ haz̄q̄q̄ ts'ò hòt'ò haahd̄i. 28 Dọ nax̄iz̄h̄i el̄aaḡehwh̄i kò nax̄id̄àz̄h̄i el̄aaḡehwh̄i ha dii s̄i ḡits'àahj̄-le. Ekò am̄i god̄àz̄h̄i eȳts'ò gozh̄i weh̄k̄ò ts'ò ayele ha dii-le s̄i eȳi wets'àahj̄. 29 Ch̄ià n̄àkè s̄i ìlè sats̄òḗ z̄o el̄i h̄ot'e, han̄ikò N̄òht̄s̄i nax̄it̄a w̄n̄i k'èḗ len̄q̄s̄i ch̄ià ìlè kò dèè k'e n̄àkw'ì ha n̄iile.

³⁰ Naxikwìghà hazqò kò Nòhtsɪ yuhtà hq̄t'e. ³¹ Eyit'à dahjɪ-le, chɪà lq̄ nahk'e aahlɪ hq̄t'e.

³² “Amì dq̄ nadaḡa sek'èezq̄ hadɪ sɪ Setà yak'e whedaa sɪ wenadaḡa eyi dq̄ wek'èehsq̄ dehsɪ ha. ³³ Hanikò amì dq̄ nadaḡa sek'èezq̄-le hadɪ sɪ, sɪ sɪ Setà yak'e whedaa sɪ wenadaḡa eyi dq̄ wek'èehsq̄-le dehsɪ ha.

³⁴ “Dɪ nèk'e ts'èwhɪ agohlɛ gha jq̄ ts'ò ahjà dahwhq̄-le. Ts'èwhɪ hòzq̄ gha jq̄ ahjà nùle; dq̄ ełek'èch'a geeda gha jq̄ ts'ò ahjà hq̄t'e.

³⁵ *Dq̄zhɪ edetà k'èch'a eda ha, ts'èko edemq̄ k'èch'a eda ha, eyits'q̄ ts'èko edetsɪ k'èch'a eda ha.* ³⁶ *Dq̄ xàè wekò gots'q̄ wèot'ɪ et'ù gɪts'ò xànu?a ha.*

³⁷ “Amì edetà eyits'q̄ edemq̄ senahk'e goghq̄neètq̄ sɪ, secheekeè eɪ ha dɪ. Eyits'q̄ amì edeza eyits'q̄ edetɪ senahk'e goghq̄neètq̄ sɪ secheekeè eɪ ha dɪ. ³⁸ Eyits'q̄ amì edechɪet'aà sek'èè nayatɪ-le sɪ secheekeè eɪ ha dɪ. ³⁹ Amì edɪnì k'èè eda ha nɪwq̄ sɪ wedihòlɛ ha. Ekò amì sets'ihzò edɪnì k'èè eda ha nɪwq̄-le sɪ eda ha.

⁴⁰ “Dq̄ naxigɪwq̄ sɪ sɪ segɪwq̄ hq̄t'e eyits'q̄ dq̄ segɪwq̄ sɪ amì sɪhʒàa sɪ gɪwq̄ hq̄t'e. ⁴¹ Nakwenàozq̄ Nòhtsɪ yatɪ k'ezaa eɪ dq̄ gɪk'èezq̄ t'à weyatɪ gɪhchɪ nɪdè, nakwenàozq̄ t'asɪ nezɪ gɪghòt'à ha sɪ ededɪ sɪ gɪghòt'à ha hq̄t'e. Dq̄ ehkw'ɪ edaa eɪ dq̄ gɪk'èezq̄ t'à weyatɪ gɪhchɪ nɪdè dq̄ ehkw'ɪ edaa t'asɪ nezɪ gɪghòt'à ha sɪ ededɪ sɪ gɪghòt'à ha hq̄t'e. ⁴² Ehkw'ɪ anaxèehsɪ, dɪ secheekeè sexè aget'ɪ sɪ dq̄ gha dek'aʒɪ gɪɪ kò, secheekeè aget'ɪ gok'ègeezq̄ t'à, dq̄ tɪ whek'òo zq̄ goghàdɪ nɪdè wek'èxa t'asɪ nezɪ weghòt'à ha hq̄t'e,” Zezì edecheekeè gòhdɪ.

11

Zezì eyits'q̄ John-Baptist

¹ Zezì edecheekeè hòndq̄-daà-nàke hanì hoghàgoèhtq̄ t'axq̄ Galilee nèk'e kòta yàgòlaa ts'ò ajà, ekq̄ dq̄ hoghàgoèhtq̄ xè godɪ nezɪ t'à dq̄ ts'ò gode.

² John-Baptist wedaàtq̄ ekò, Zezì ayɪ dàhʒɪ yeghq̄ ùkw'o ekò edecheekeè yets'ò goèhʒà, hadɪ, ³ “Dɪ hanì daweahke: Dq̄ ìhè jq̄ nùtɪa ha ìlè sɪ asɪ eyi anet'e? Eyɪ anet'e-le nɪdè asɪ dq̄ eyɪ-le danats'eèhʒɪ ha, hawèahdɪ,” gòhdɪ.

⁴ Zezì gots'ò hadɪ, “John-Baptist ts'ò anaahde. Ayɪ aahʒɪ eyits'q̄ ayɪ aàkw'oo sɪ hazq̄ wets'ò haahdɪ: ⁵ Dq̄ gɪdaà goilee sɪ k'egèet'ɪ, k'egedè-le sɪ k'egedè, gɪkwò tàda t'à eyagɪɪ sɪ k'aat'ù agejà, gɪzɪ goilee sɪ egeèkw'q̄ agejà, ełagɪdè sɪ nagidà eyits'q̄ dq̄-teèt'ɪ sɪ godɪ nezɪ egɪkw'o. ⁶ Amì wek'èch'a aht'ɪ-le sɪ wexè sìghà hq̄t'e,” Zezì gòhdɪ.

⁷ John-Baptist wecheekeè nageèhde ekò Zezì John-Baptist ghq̄ dq̄ hazq̄ ts'ò hadɪ, “Ekɪ-ka nèk'e ayɪ ghàahda ha ekq̄

k'eahdè? T'oh k'eweehts'i ghàahda ha nì aaht'ì? ⁸ Hanì-le-ìdè ayì ghàahda ha ekọ k'eahdè? Dọ nezì nàht'ì ghàahda ha nì aaht'ì? Ìle, dọ goht'ọ dèti s' t'à-aget'ì s' k'òwocho wekọ nàgedè họt'e. ⁹ Ekọ ayì ghàahda ha aaht'ì ìlè? Nakwenàòzọọ? Hẹzẹ, nakwenàòzọọ nahk'e elì s'ì weahzì họt'e. ¹⁰ Eyì dọ weghọ d'ì hanì dek'eèht'è:

'Nenakweè dọ ìlè seyatù k'è? a ha. Nenakweè negha ts'atà nihòzà ha.'

¹¹ Ekw'ì anaxèehsì, dọ hazọọ g'ìgh'ì s'ì John-Baptist wenahk'e g'òh'ì-le. Hanìkò Nòhtsì Wenàowoò k'èè hòzọọ geèhk'ee g'ìta dọ dek'a'zì elì s'ì John-Baptist nahk'e elì họt'e.

¹² John-Baptist dọ k'ètaidzọ gots'ọ d'ì dzeè gots'ọ dọ Nòhtsì Wenàowoò k'èè hòzọọ k'èch'a aget'ì xè g'ìts'ọ k'àhopedè ha g'ìwọ.

¹³ John-Baptist dọ ts'ọ gode gots'ọ, nakwenàòzọọ g'ìh'ìt'è, eyits'ọ Moses wen'ìt'è, Nòhtsì Wenàowoò k'èè hòzọọ ghọ nadaà gog'ìde ìlè. ¹⁴ Eyì naxìgha ehkw'ì-ahodì n'ìdè ededì s'ì Elijah jọ n'ìt'la ha ts'edì ìlè s'ì eyì lanì họt'e. ¹⁵ Naxìdzìhk'w'ọ g'òh'ì n'ìdè hotì nezì aàhk'w'ọ.

¹⁶ "D'ì dọ xàgèzàa s'ì ayì xèg'ìh'ìt'e ts'edì l'ì? Chekoa t'ìbàa geèhk'ee lag'ìt'e. Elets'ọ hagedù yag'ìzeh,

¹⁷ 'Naxìgha sh'ì ts'eehdì, hanìkò dagoahwho n'ìlè. Naxìgha ts'ọòts'ìwọ-zh'ì t'à ts'ejì, hanìkò aahtse n'ìlè,' gedi.

¹⁸ John-Baptist n'ìt'la ekò, edegọ t'à shèt'ì-le xè yedọ-le, hanìkò d'ì hagedì, 'Ìn'ìh'ì wets'ò-èlì,' gedi. ¹⁹ Dọ-wet'ìàzàa-deè n'ìt'la ekò shèt'ì xè yedọ, eyit'à d'ì hagedì, 'Bò gha edì-le xè yedọ ghaewì. Sọmba-nàhts'ì-dọ eyits'ọ ho'ìh'ì-hogehts'ì-dọ edeàg'ì gòt'ì,' gedi. Wet'à gots'ìzọọ s'ì wek'èè ts'eeda n'ìdè hozì gok'e wègaat'ì ha họt'e," Zezì gòhdì.

Dọ edek'eg'ìl'ì-le s'ì g'ìxè ho'ìla ha

²⁰ Zezì hadì t'ìaxọọ k'òta de'zọọ en'ìyah hòèhts'ì s'ì ekọ gots'ọ dọ, edek'eg'ìl'ì-le t'à ekọ-le eghàlag'ìdà gòhdì, goghọ gode.

²¹ Zezì hadì, "K'òta Korazìn, naxìgha ho'ìla nechà ha! K'òta Bethsaida, naxìgha ho'ìla nechà ha! Naxìk'òta en'ìyah eghàl'ìhdà s'ì k'òta Tyre got'ì eyits'ọ Sidon got'ì g'ìxè hanàhòwo n'ìdè whaà edek'eg'ìl'ì ha ìlè, d'òshòọ goht'ọ t'à-aget'ì xè lèbè ta geèhk'w'e ha ìlè. ²² Ekw'ì anaxèehsì, gos'ìniyaetì dzeè k'e n'ìdè Tyre got'ì eyits'ọ Sidon got'ì naxìk'a'zì g'ìgha ho'ìla ha họt'e.

²³ Ekò Capernaum got'ì, as'ì ìdòò yak'e ts'ọ danax'ìtè ha? Ìle, ìzh'ì weh'ìk'ò ts'ọ anaxedle ha. En'ìyah naxìdàà hòwh'ìhts'ì s'ì Sodom got'ì g'ìnadaà hanàhòwo n'ìdè d'ì dzeè ts'ọ g'ìk'òta gòzọ ha ìlè. ²⁴ Ekw'ì anaxèehsì, gos'ìniyaetì dzeè k'e n'ìdè Sodom got'ì naxìk'a'zì g'ìgha ho'ìla ha họt'e," Zezì gòhdì.

Zezì goxè ts'èwh'ì hòzọọ ayehzì

²⁵ Ekìnyèè k'e Zezi hadi, "Setà, neghàsqehdi, yak'e eyits'q du nèk'e ts'ò K'àowo anet'e. Dọ goguzqọ xè hoghàgèetqọ sù eyi hazqọ gich'à dezi whezọ anelà, hanikò chekoa nechà-lea sù gik'èezqọ anelà. ²⁶ Hẹzẹ, Setà, hani negha sìghà t'à anelà.

²⁷ "Setà t'asì hazqọ setl'aà whelaà ayilà. Dọ wuzi Nòhtsi Weza k'èezq nùle; Nòhtsi-Gotà zọ yek'èezq. Dọ wuzi Nòhtsi-Gotà k'èezq nùle; Weza zọ yek'èezq họt'e. Eyits'q Weza amì gòihchi sù Nòhtsi-Gotà k'ègeezqọ agohzi.

²⁸ "Naxi hazqọ niahtsqọ xè naxiḡha dii sù sets'ò aahde, naxixè ts'èwhi hòzqọ agohle ha. ²⁹ Senàowò edek'e aahle eyits'q hoghànaxiutq. Dọ ts'ò sedzeè nezì xè k'èeweèt'ì aht'e. Sek'èaht'e nùdè naxidzeè xè ts'èwhi hòzqọ ha. ³⁰ Senàowò sù nedà xè dezhi nùle," Zezi gòhdi.

12

Nòhtsi Dzeè gha k'àowo

¹ Ilaà Nòhtsi Dzeè k'e Zezi t'l'olà dehshee ni k'etlo. Wecheekeè degeèhdi t'à t'l'olà gihchi gà edilà t'à tàtsqgeèhdi xè gedè. ² Pharisee gijli sù gogiazì ekò Zezi ts'ò hagedi, "Gìghàda! Nòhtsi Dzeè k'e ayi wets'æt'qọ sù hagehzi," gedi.

³ Zezi gots'ò hadi, "K'àowocho David ededi eyits'q wecheekeè degeèhdi ekò ayi dàyilà sù wek'eyaahiti-le ni? ⁴ Nòhtsikò-gocho goyageède gà lèt'è degai goyi whezqọ sù gijà. Eyi hagejà sù ededi gigha wets'æt'q họt'e, yahtu zọ gigha wets'æt'q nùle. ⁵ Eyits'q yahtu ayi ghàlageedaa sù Moses wenhtl'è k'e wek'eyaahiti-le ni? Nòhtsi Dzeè k'e eghàlats'eeda ha-le dek'eèhtl'è, hanikò yahtu sù Nòhtsikò-gocho goyi eghàlageeda kò ekọ-le hogehtsi nùle. ⁶ Ekw'ì anaxèhsi, Nòhtsikò-gocho nahk'e elu sù jọ wheda họt'e. ⁷ Du hani dek'eèhtl'è: 'Dọ ts'ò naxidzeè eteèzi ha dehwhq; sets'ò t'asì k'eahk'ò ha dehwhq-le.' Eyi yatì dàhodii-ahodii sù wek'èahsq nùdè du secheekeè ekọ-le hogèhtsi-le sù gisinyaahtì ha-le ilè. ⁸ Dọ-wet'aaàa-deè sù Nòhtsi Dzeè gha k'àowo elu họt'e," Zezi gòhdi (edeghq godeè-adi).

⁹ Eyi hagòhdi t'l'axqọ elègehdeè-kò goyaèhtla. ¹⁰ Dọ ilè wilà elèènutsoo eyi wheda. Pharisee gijli sù Zezi k'e nìdahogeezà ha gijwq t'à gits'ò hadi, "Gonàowò k'èè ha nùdè, asì Nòhtsi Dzeè k'e dọ k'aat'ii ats'ele ha dii-le?" giñdi.

¹¹ Zezi gots'ò hadi, "Edahxq naxits'q sahzqọ ilè Nòhtsi Dzeè k'e deè goyièkw'o nùdè xàweahchi ha-le ni? ¹² Dọ sahzqọ nahk'e gijli họt'e! Eyi t'à Nòhtsi Dzeè k'e dọ ts'ò nezì eghàlats'eedaa sù wets'æt'q nùle," gòhdi.

¹³ Eyi t'l'axqọ dọ wilà elèènutsoo sù ts'ò hadi, "Nìlà dàichì," yèhdi. Edilà dàichì ts'òet'ii wilà k'aat'ii anajà, wilà eyi-le

xèht'eè ajà. ¹⁴ Hanikò Pharisee gũlũ sù xàgèede, dànì Zezì elààgũhwhì ha sù dọ naàhtọ gĩghọ gode.

Nòhtsì Wecheekeèdeè

¹⁵ Pharisee dàgũwọọ sù Zezì gok'èezọ t'à ekọ ts'ọọ naèhtlã. Dọ lọ gik'èede eyits'ọ dọ-eyaelũ hazọọ k'aàt'ìi agòòlà, ¹⁶ hanikò "Amì k'aàt'ìi anaxjìlà sù ghọ goahde-le," gòhdì. ¹⁷ Eyi hagòjàa sù nakwenàọọọ Isaiah yeghọ gojde ìlèe sù wek'èè agòjà. Dũ hadì ìlè,

¹⁸ "Secheekeè wũhchì sù jọ nàwo. Ededì weghọneehtọ xè weghọ sọdehwhọ họt'e. Yedàyeh Nezu wets'ọ ahle ha eyits'ọ dọ hazọọ xàzàa dànì ehkw'ì geedaa ghọ hoghàgoehtọ ha. ¹⁹ Dọ xè nàdahoowo hohtsì ha-le, eyits'ọ kọta ezeh wets'ũkw'o ha-le. ²⁰ Hoehnè xè nàowo ehkw'u k'èè hòzọọ agole gots'ọ ts'ichì wexoezàa lanu sù nàyeezhì ha-le, eyits'ọ ek'aèk'ọ yaazea zọ dèk'ọọ sù nayeekwì ha-le. ²¹ Dọ hazọọ xàzàa ededì Edaxàgolee elũ sù gĩgha ehkw'ì-ahodi ha," Isaiah hadì, yeghọ gojde ìlè.

Zezì eyits'ọ wehũ gha k'àowo

²² Dọ ìnhũ wets'ọ-èlì t'à wedaà goilee xè gode-le sù Zezì gà nègũhtì. Zezì k'aàt'ìi ayjìlà t'à gode xè k'eet'ì anajà. ²³ Dọ hazọọ gĩgha eniyyah t'à, hagedì, "Dũ k'àowocho David Weza at'ì sọnì," gedi.

²⁴ Hanikò Pharisee gũlũ sù egũkw'o t'à hagedì, "Ìnhũ gha k'àowo dahxà ìnhũ xàdeezhì at'ì," gedi.

²⁵ Hanikò dànì nàngedèe sù Zezì gok'èezọ t'à hagòhdì, "K'àowocho wenèk'e dọ elets'ọ xàngũzàa nìdè k'àowo wenèe weghọ wedihòlè ha. Eyits'ọ kọta hanì-le-ìdè ìhèhkọ goyì dọ elek'èch'a geeda nìdè dọ gixè hoila agode ha. ²⁶ Wehũ ìnhũ xàgodeezhì nìdè edek'èch'a at'ì họt'e. Hanì-ìdè wehũ k'àhowo-le ade ha. ²⁷ Ìnhũ gha k'àowo sets'adì t'à ìnhũ xàdeehshì nìdè naxicheekeè amì dahxà ìnhũ xàdegeezhì? Eyi t'à naxicheekeè naxisnìyagehtì ha họt'e. ²⁸ Ekò Nòhtsì wets'ọ Ìnì Degai dahxà ìnhũ xàdeehshì nìdè Nòhtsì Wenàowoò naxìni wehòhọ họt'e.

²⁹ "K'achì dũ hats'edi ghọ nàniahdè: dọ nàtsoo t'akwehọọ dawets'eèzà lenqosu wekọ enixàts'eezhì gà wets'ọ t'asì ts'eezì ha dìi. Dawets'eèzà t'axọọ nìdè zọ wekọ gots'ọ t'asì ts'eezì ha dìi-le.

³⁰ "Dọ sexè at'ì-le sù sek'èch'a at'ì họt'e eyits'ọ amì sexè dọ nàgehtsì-le sù sek'èch'a aget'ì họt'e. ³¹ Ehkw'ì anaxèehsì, hoũ hazọọ eyits'ọ Nòhtsì k'èch'a gots'edee sù dọ ghọ nahoezhe ha họt'e, hanikò Yedàyeh Nezu k'èch'a gogede nìdè gĩghọ nahoezhe ha-le. ³² Eyits'ọ Dọ-wet'àazàa-deè k'èch'a gogede nìdè eyi gĩghọ nahoezhe ha, hanikò dọ Yedàyeh Nezu k'èch'a gogede nìdè gĩghọ nahoezhe ha-le. Dũ gĩghọ nahoezhe ha-le eyits'ọ jdaà sù gĩghọ nahoezhe ha-le.

33 “Ts’i nezi nɔdè wek’e jìecho nezi dehshe, ekò ts’i nezi-le nɔdè wek’e jìecho nezi-le dehshe. Ts’i wejìecho ghàà ts’i wek’èhoedzò hɔt’e. 34 Naxi sɔi wehɔi weza laaht’e! Hoɔi-hoahtsɔ-dòò aaht’e t’à t’asɔi nezi ghò goahde ha dɔi. Dò gidzèè yɔi ayɔi whelaa weghàà gogede hɔt’e. 35 Dò nezi sɔi t’asɔi nezi ededzèè yɔi whehɔa t’à nezi k’ehozà. Hanikò hoɔi-hoahtsɔ-dòò sɔi nàowohɔi ededzèè yɔi whehɔa t’à ekò-le eghàlaeda. 36 Ehw’i anaxèehsɔ, gosɔniyaeti dzeè k’e nɔdè dò hazòò yatɔts’i t’à gogɔde jìèè sɔi wek’èxa gɔsɔniyaeti ha. 37 Naxiyatɔi ghàà naxɔsɔniyaeti ha. Yatɔi nezi t’à goahde nɔdè wek’èxa t’asanaxedle ha-le, ekò yatɔi nezi-le t’à goahde nɔdè wek’èxa hoɔla anaxedle ha,” Zezi gòhdi.

K’aodèè gɔlɔi sɔi eniyah deè geekè

38 Pharisee gɔlɔi mòhdaa eyɔts’ò Nòhtsɔ-yatɔi-k’ègedi-dòò mòhdaa Zezi ts’ò hagedi, “K’àowo, godaà eniyah hohtsɔi,” gɔhdi.

39 Zezi gots’ò hadi, “Dò Nòhtsɔ k’èagɔt’e-le xè hoɔi-nàowoò k’èè geedaa sɔi eniyah deè geekè, hanikò hanɔi wɔzɔi gezi hale. Nòhtsɔ dànì nakwenàozòò Jonah xè eniyah eghàlagɔda sɔi eyɔi zò gezi ha. 40 Tai dzeè eyɔts’ò tai toò ts’ò Jonah hwecho bò yɔda. Eyɔi xèht’eè Dò-wet’aaazàa-deè tai dzeè eyɔts’ò tai toò ts’ò deè goyɔi wheda ha. 41 Dò hazòò gɔsɔniyaeti nɔdè, Nineveh got’ɔi dɔi dò xè nàgèehza ha, ‘Dɔi dò ekò-le eghàlagɔda,’ gedi ha. Nakwenàozòò Jonah Nineveh got’ɔi ts’ò gogɔde ekò edek’egɔlɔi xè gɔni eɔadɔi ajà jìè. Hanikò dɔi, Jonah nahk’e elɔi sɔi jò wheda hɔt’e. 42 Dò hazòò gɔsɔniyaeti nɔdè, sazi nèk’e gots’ò ts’èko-k’àowo dɔi dò gota nàwo ha, ‘Dɔi dò ekò-le eghàlagɔda,’ hadi ha. Niwàa nèk’e gots’ò at’i kò k’àowocho Solomon wenàowoò gòzòò yeèhw’ò ha niwò t’à yets’àèhtɔa jìè. Hanikò dɔi Solomon nahk’e elɔi sɔi jò wheda hɔt’e.

43 “Inɔi dò yɔi gots’ò xàetɔa nɔdè ekɔi-ka nèk’e hazòò wek’èhoowo. Edɔi nahoezi ha gòzòò sɔi hanɔwò, hanikò yegòhà-le. 44 Eyɔt’à hadi, ‘Edɔi gots’ò xàèhtɔaa sɔi ekò anahde ha,’ hadi. Dò yɔi nòotɔa nɔdè, t’asɔi hazòò nezi whela yezi ha. 45 Eyɔt’à k’achɔ xàèhtɔa. Inɔi lòhdi yenhk’e sɔi gɔi sɔi edexè goyagòèwa gà, dò yɔi nàgedè. Nòòde ts’ò eyɔi dò t’akwe nahk’e dezòò wexè gots’eèdɔi agòjà. Dɔi dò xàgèèzaa sɔi hanɔi gɔxè hòzò ha hɔt’e,” Zezi gòhdi.

Zezi wemò eyɔts’ò wechike

46 Zezi jìaa dò xè godo ekò, wemò eyɔts’ò wechike gɔts’ò gode ha gɔwò t’à, mòht’a nàgèehza. 47 Dò jìè Zezi ts’ò hadi, “Nemò eyɔts’ò nechɔ mòht’a nàgèehza; nets’ò gogede ha gɔwò,” yèhdi.

48 Zezi yets’ò hadi, “Amɔi semò ne? Amɔi sechɔ agɔt’e?”
49 Edecheekè ts’ò dakw’iekwɔi xè hadi, “Dɔi sɔi semò eyɔts’ò

sechi agüt'e. ⁵⁰ Amì Setà yak'e whedaa k'èagüt'ee sù sechi, sedè eyits'ò semò agüt'e," Zezi yèhdi.

13

Wet'à t'asì dehshee godù

¹ Eyì dzeè k'e Zezi eyì kò gots'ò nàehtla gà tabàa wheda. ² Sù dọ lọ Zezi ts'ò elègehde t'à Zezi elà yietla gà dọ ts'ò gode. Dọ hazòò tabàa nàgeèhza xè geèhk'w'ò. ³ Zezi godù lọ t'à goxè godo, hadì, "Dọ ìlè wet'à t'asì dehshee dèè k'e nèyila. ⁴ Wet'à t'asì dehshee dèè k'e ts'ò yeehdè ekò mòhdaa tìlì k'e nàit'ì t'à chọ gura. ⁵ Mòhdaa kwe ta nàit'ì. Ekò eht'è lọ-le t'à ìwhàà xànushò. ⁶ Sadeè nàtso t'à wezìt'òà whegò xè elàidè. Weghochù nedè-le t'à whegòò ajà. ⁷ Wet'à t'asì dehshee mòhdaa ìchìghòò ta nàit'ì t'à elèxè dèhshò; ìchìghòò yezòò nànùhtso t'à elàidè. ⁸ Hanikò mòhdaa dèè nezì k'e nàit'ì. Nezì dèhshò eyits'ò t'aatlò dèè k'e nàit'ì sù ìèakw'eènò, ek'ètaènò, hanì-le-ìdè taènò dezoatlò ts'ò xànushò. ⁹ Amì wedzì gòhù sù eèhk'w'ò welè," Zezi gòhù goxè godo.

¹⁰ Eyì t'axòò wecheekè dageehke, "Dànìghò wet'à nànits'ewoo godù zò t'à dọ hoghàgùhtò," gùhdi.

¹¹ Eyit'à Zezi gots'ò hadì, "Naxì sù Nòhtsì Wenàowoò k'èè hòzòò k'èahsò ha naxìghàhòt'ò họt'e, hanikò dọ eyì-le sù hanì gìghàhòt'ò nùle. ¹² Amì t'asì lọ wets'ò sù eyì wezoatlò weghòzhe ha, hanì-ìdè t'asì dezoatlò wets'ò ade ha. Hanikò amì t'asì wets'ò-le sù t'asì lọ-lea wets'ò sù eyì kò weghò ìchì ha họt'e. ¹³ Dànìghò wet'à nànits'ewoo godù zò t'à hoghàgehtòò sù naxìdahsì:

'K'eeget'ì kò gezì ha-le eyits'ò egeèhk'w'ò kò dàhodù-ahodu sù gùntedi ha-le.'

¹⁴ Eyì dọ gixè hagòjàa sù nakwenàozòò Isaiah hanì dek'enèyùt'è ìlèè sù wek'èè agòjà. Dù hadì ìlè:

'T'aats'òò aàhk'w'ò hanikò ayì awèts'edu sù wek'èahsò ha-le; t'aats'òò naxìgha wègaat'ì hanikò weniàhdi ha-le. ¹⁵ Dù dọ sù gikwì nàtsoò ajà. Gidzì goile lagüt'e eyits'ò k'eeget'ì ha gùwò-le. Hagüt'e-le nìdè ededaà t'à k'eeget'ì xè ededziìhk'w'òò t'à egeèhk'w'ò ha eyits'ò ededzeè t'à t'asì nigeedi ha ìlè. Sets'ò agejà nìdè k'aat'ì aghèle ha ìlè,' Isaiah hadì dek'eèht'è.

¹⁶ Hanikò naxì sù naxìdaà t'à k'eaht'ì eyits'ò naxìdzììhk'w'òò t'à aàhk'w'ò t'à naxìxè sìghà họt'e. ¹⁷ Ehw'ì anaxèehsì, ìnèè nakwenàozòò lọ eyits'ò dọ ehkw'ì geeda lọ ìlè, ayì aahzì sù gìghàeda ha gùwò ìlè hanikò giazì-le. Eyits'ò dù ayì aàhk'w'òò sù geèhk'w'ò ha gùwò ìlè hanikò eyì gùìhk'w'ò-le.

¹⁸ "Eyì t'asì dehshee wegodi t'à dàhodù-ahodu sù naxits'ò haehsì ha: ¹⁹ Eyì dọ Nòhtsì Wenàowoò godù yìkw'ò kò yeniedì-le sù eyì godù wedzeè yì ajà ìlèè sù ekòet'ì wehù yeghònyìchì.

Eyi sù wet'à t'asù dehshee t̄lì k'e nàit̄l'ì lanì h̄ot'e. ²⁰ Wet'à t'asù dehshee kwe ta nàit̄l'ù sù d̄u lanì h̄ot'e: d̄o eyi yatì ùkw'o ts'òet'ù sù wìnà xè yìhchì. ²¹ Hanìkò weghoch̄ì whìle t'à whaà-lea ts'ò z̄o yek'èè eda. N̄òhts̄ yatì ts'ìh̄z̄o wegħa hoìla xè daj̄za n̄dè ek̄òet'ù wedè ayeh̄z̄ì. ²² D̄o mòh̄daa sù wet'à t'asù dehshee ìchìghòò ta nàit̄l'ì laḡut'e. Godì ḡiikw'o hanìkò t'asù l̄o gh̄ò n̄anìgedè eyits'ò s̄òmba l̄o ḡīw̄o t'à edegh̄oyagee?à lanì geeda. Eyt'à yatì nez̄ì wedìhogehts̄ì xè t'asù nez̄ì w̄ìz̄ì x̄àhogeħwhì-le. ²³ Ekò d̄o yatì ḡiikw'o xè ḡiniedì sù wet'à t'asù dehshee dèè nez̄ì k'e nàit̄l'ù laḡut'e. T'aat̄l̄o weghòzha j̄lèè sù wenahk'e j̄lèakw'eèn̄o, ek'ètaèn̄o, hanì-le-ìdè taèn̄o ts'ò nèḡìla," Zezì gòh̄dì.

T'oh nezì-le dehshee wegodù

²⁴ Zezì hadì t'ax̄ò k'ach̄ì godì elad̄ì t'à goxè godo, hadì, "N̄òhts̄ Wenàowoò k'èè hòz̄o sù d̄u hanì h̄ot'e: D̄o j̄lè wet'à t'asù nez̄ì dehshee sù dèè k'e nèȳìla. ²⁵ Hanìkò d̄o haz̄ò whete ekò d̄o j̄lè yets'ò x̄àn̄ìz̄aa sù eyi dèè k'e t'oh nezì-le dehshee sù weta nèȳìla. Eyi t'ax̄ò naèht̄la. ²⁶ Eyi dèè k'e t'asù nez̄ì x̄àn̄ìsh̄ò ekò wexè-t'ì t'oh nezì-le s̄ì x̄àn̄ìsh̄ò.

²⁷ "D̄o eyi wedèè ne sù wecheekeè ḡits'ò hadì, 'K'àowo, nedèè k'e t'asù nez̄ì nèneela-le nì? D̄anìgh̄ò t'oh nezì-le s̄ì weta dehshe?' ḡìh̄dì.

²⁸ "K'àowo gots'ò hadì, 'D̄o sets'ò x̄àn̄ìz̄aa sù eyi aȳìl̄à h̄ot'e,' gòh̄dì.

"Wecheekeè ḡits'ò hadì, 'T'oh nezì-le weta dèhsh̄ò s̄ì x̄àts'ehdl̄à ha neew̄ò nì?' ḡìh̄dì.

²⁹ "Hanìkò k'àowo gots'ò hadì, 'j̄le, haah̄le-le. X̄àahdl̄à n̄dè t'asù nez̄ì dèhsh̄ò s̄ì weghoch̄ì wexè x̄àahdl̄à ha s̄onì. ³⁰ Nez̄ì d̄idì ade ts'ò j̄lah elèxè dehsheè aah̄le. T'asù haz̄ò n̄àgehts̄ì t'ax̄ò n̄dè secheekeè ḡits'ò d̄u haehs̄ì ha: T'akwel̄ò t'oh nezì-le haz̄ò n̄àhts̄ì ḡà elèhch̄ì aah̄le ḡà wek'eahk'ò. Eyi haah̄l̄à t'ax̄ò n̄dè t'asù nez̄ì sù haz̄ò n̄àhts̄ì ḡà xehkò goyaahwha,' edecheekeè gòh̄dì," Zezì hadì goxè godo.

T'asù dehshee wejia eyts'ò lèt'èa

³¹ K'ach̄ì Zezì goxè godo, hadì, "N̄òhts̄ Wenàowoò k'èè hòz̄o sù t'asù dehshee wejia lanì h̄ot'e. Eyi sù d̄o neȳìch̄ì ḡà dèè goȳì ȳìz̄o. ³² Eyi t'asù dehshee wejia sù nechà-lea kò dehshe n̄dè ts'ì nechàa ìh̄lè. Ch̄ìḡ ḡìk'e n̄idè ḡà wekw'ìhch̄ì k'e dageèhk'w'e," gòh̄dì.

³³ K'ach̄ì godì eyi-le t'à goxè godo, hadì: "N̄òhts̄ Wenàowoò k'èè hòz̄o sù d̄u hanì h̄ot'e: Ts'èko lèt'èa lè ta ayeh̄z̄ì, lèt'èa xè lè yeehtì ḡà ts̄ìyeeh̄dì. Hanì t'aa lè ts̄ìèh̄dì sù lèt'èa haz̄ò weta-ts'ò at'ì," gòh̄dì.

³⁴ Zezi dọ lọ wemọ̀ọ̀ elègehde taat'eè hanu godu t'à hoghàgoèhtọ; godu dẹ gots'ọ gojde while. ³⁵ Nakwenàòzọọ yeghọ gojde ilèe sù wek'èè agòjà. Du hadi ilè:

“Godi t'à gohde ha, hani-ìdè du nèè hòèlì gots'ọ ayi wek'èhoedzọ-le sù t'à dọ hoghàehtọ ha,” nakwenàòzọọ hadi dek'eèht'è.

Zezi t'oh nezi-le dehshee wegodi yek'ayaehiti

³⁶ Zezi godu t'à goxè godo t'axọ̀ọ̀ kọ goyaèhtla. Wecheekeè gits'ọ niide, hagedi, “Eyi dèè k'e t'asì dehshee wegodi ayi awìdì gots'ọ wek'ayahtì,” giuhdi.

³⁷ Zezi gots'ọ hadi, “Eyi dọ wet'à t'asì nezi dehshee dèè k'e nẹ̀yilaa sù Dọ-wet'aaàa-deè họt'e. ³⁸ Eyi dèè sù du nèk'e dọ hazọ̀ọ̀ agiut'e, eyits'ọ wet'à t'asì nezi dehshee sù dọ Nòhtsi Wenàowoò giwọ agiut'e. T'oh nezi-le dehshee sù dọ wehù nàowoò giwọ agiut'e. ³⁹ Eyi dọ wet'à t'oh nezi-le dehshee dèè k'e ayilaa sù wehù họt'e. Eyi dzeè k'e t'asì diidì hazọ̀ọ̀ nàgehtsi sù nọ̀ode dzeè họt'e, eyits'ọ k'àowo wecheekeè t'asì nezi hazọ̀ọ̀ xehkọ goyageewaa sù yak'eet'ì agiut'e.

⁴⁰ “T'oh nezi-le sù xàgehdlà gà gik'eehk'òọ̀ sù nọ̀ode dzeè k'e niidè eyi lagode ha. ⁴¹ Eyi dzeè k'e Dọ-wet'aaàa-deè edets'ọ yak'eet'ì dọ ts'ọ agole ha. Dọ nàowoù k'èè eghàlageeda xè Nòhtsi wets'ọ dọ ta nàgedè eyits'ọ dọ hoù hogehtsi agehzi sù yak'eet'ì godihogehtsi ha. ⁴² Eyi dọ sù kọ nàtsoò dèk'òọ̀ yi kwiigogeehdè ha. Ekọ getse xè sù gigha hoila ha. ⁴³ Hanikò dọ ehkw'ì geedaa sù Nòhtsi-Gotà Wenàowoò k'èè hòzọ̀ọ̀ ekọ sa daaza lagiut'e ha. Naxidzi gòhì niidè hoti nezi aàkw'o.

Sọmbaekwo eyits'ọ kwe degoo gots'ihà

⁴⁴ “Nòhtsi Wenàowoò k'èè hòzọ̀ọ̀ sù du lanì họt'e: Dọ dèè goyi sọmbaekwo gòhzo. Ekòet'ì k'achì dèè goyi nayizọ. Sù winà t'à t'asì hazọ̀ọ̀ wets'ọ sù weghọ nàèdì. Eyi sọmba t'à eyi dèè nàgoèhdi.

⁴⁵ “Nòhtsi Wenàowoò k'èè hòzọ̀ọ̀ sù du sì lanì họt'e: Dọ ahxee kwe degoo dèti hak'eet'ì. ⁴⁶ Kwe degoo ilè wèdaat'ì xè dèti gòhzo ekò t'asì hazọ̀ọ̀ wets'ọ sù weghọ nàèdì. Eyi sọmba t'à kwe degoo dèti nayeèhdi.

Mì wegodi

⁴⁷ “K'achì Nòhtsi Wenàowoò k'èè hòzọ̀ọ̀ sù du lanì họt'e: Dọ mì tègiwa ekò hì hazọ̀ọ̀ xàzaa geeli. ⁴⁸ Lìwe lọ gehi t'à mì texàgèlì. Lìwe nezi sù whatsapp t'ohoto yi giwà, hanikò hwe nezi-le sù zògeèhde. ⁴⁹ Nọ̀ode dzeè k'e niidè eyi lagòht'e ha. Yak'eet'ì dọ ta ts'ọ agede ha, ehkw'ì-geedaa-dọ eyits'ọ hoù-k'èè-geedaa-dọ ilak'aa agogele ha. ⁵⁰ T'aa weji sù kọ nàtsoò dèk'òọ̀ yi kwiigogeehdè ha. Ekọ getse xè sù gigha hoila ha.”

⁵¹ Zezi gots'ọ hadi, “Dàehsi sù weniahdì ni?” gòhdi.

“Hęzę,” gùhdi.

⁵² Zezi gots'ò hadi, “Nòhtsı-yatı-k'èdì-dò Nòhtsı Wenàowò k'èè hoghàwehtò nıdè dọ ahxee lanı họt'e. Eyı dọ whaà gots'ò t'ası nezı eyıts'ò t'ası nezı wegòò edets'ò xehkò gots'ò xàyele họt'e.”

Xàè wekòta gots'ò dọ ehkw'ı adı gıhwhò-le

⁵³ Zezi godı t'à goxè godo ghò nòt'e ekò ekò gots'ò naèhtıa. ⁵⁴ Kòta dèzhò sı ekò nıttıa ekò elègehde-kò ts'ò èhtıa, ekò dọ hoghàehtò. Dànı dọ hazò ts'ò gode t'à sı gıgha enıyah lanı, elets'ò hagedı, “Dànı t'à du dọ sı gòzò xè enıyah hoehtsı? ⁵⁵ Dechı-eghàlaedaa-dò weza nıle nı? Wemò Mary wıyeh nı? Eyıts'ò wechı sı James, Joseph, Simon eyıts'ò Zhıdàà agıt'e-le nı? ⁵⁶ Eyıts'ò wedè gota nàgedè-le nı? Hanı-ıdè dànıghò du dọ eyı hazò yeghàlaeda?” elets'ò hagedı. ⁵⁷ Weghò gık'èch'a agòjà. Eyıt'a Zezi gots'ò hadı, “Nakwenàozò sı wekòta gots'ò dọ eyıts'ò xàè wèot'ı zò dọ gıt'ı nıle,” gòhdi.

⁵⁸ Dọ gıgha ehkw'ı-ahodı-le t'à, ekò enıyah lò hòèhtsı-le.

14

John-Baptist elààgıhwhò

¹ Ekıyèè k'e k'àowochò Herod Zezi ghò godı ıkw'o. ² Eyıt'a Herod edecheekè ts'ò hadı, “Eyı dọ John-Baptist at'ı! Naıdà t'à enıyah lò hohtsı họt'e,” gòhdi.

³ Eyı wekwe k'àowochò Herod weyatı k'e John-Baptist dagıachı xè wegòò elèet'ı agıılà gà dọ-danıılaa-kò nègıhtı ıle. Herod edechı Philip wets'èkè Herodias yets'ıhò hanı eghàıdà ıle. ⁴ John-Baptist Herod ts'ò hadı ıle: “Du ts'èko xè nàqè t'à hoıı-hoıhtsı họt'e,” yèhdi ıle. ⁵ Herod, John-Baptist elàawı ha nıwò, hanıkò dọ nakwenàozò ne gıhwhò t'à, gots'àejı.

⁶ Herod wedzèè k'e Herodias wetı Herod eyıts'ò dọ hazò yexè shègezhee sı gogha datı. Herod sı wegħa nezı t'à, ⁷ edeyatı nàtsoo t'eekea ghàızò, hayèhdi, “Ayı neewò sı neghàehzà ha,” yèhdi. ⁸ Wemò du hıdı yèhdi t'à t'eekea hadı, “John-Baptist wekwı kw'à k'e whezò seghàıhge,” yèhdi. ⁹ K'àowochò Herod sı yeghò nanıwhewo, hanıkò hòt'a dọ hazò yexè shègezhee sı godà yatı nàtsoo whehtsı t'à edecheekè ts'ò hadı, “Eyı t'eekea wıni k'èè aahle,” gòhdi. ¹⁰ Eyıt'a dọ-danıılaa-kò goyı John-Baptist wekwı k'egıhkà. ¹¹ John-Baptist wekwı kw'à k'e nègèchı gà t'eekea ghàıhge, eyıts'ò edemò ghàıhge. ¹² John-Baptist wekw'ò negıchı xè nègıtı ha wecheekè eyı nègıde. Eyı t'axò dągòjà sı Zezi ts'ò hagedı ha gıts'ò geède.

Zezi dọ lò wànıdı

¹³ Zezi John-Baptist xè dàgòjàa sù ghò iikw'o ekò edecheekeè xè gowhatsòò gòzòò ts'ò geèze. Ekò wheda dò gighòikw'o ekò dò lò edekòta gots'ò edekw'òò t'à gik'èède. ¹⁴ Zezi edecheekeè xè ìnòò tàwheze ekò dò lò gidanaèhzi nòò. Zezi ededzeè t'à etegoèhzi, eyit'à dò eyagùlù sù k'aat'ì agòòlà.

¹⁵ Xèhts'ò agodaade t'à Zezi wecheekeè haghìhdi, “Hòt'a dzè k'ehòqwo eyits'ò kòta gòlaa ts'ò gòowà agòht'e t'à dò hazòò edegha weghò shèts'ezhee nàgùhdi gha kòta gòlaa ts'ò naghàzà,” gùhdi.

¹⁶ Hanikò Zezi gots'ò hadi, “Nagudè-le kò; naxi t'asì gighàahdi,” gòhdi.

¹⁷ Hanikò Zezi ts'ò hagedi, “Lèt'è sùlài eyits'ò hwe nàke zò gots'ò,” gùhdi.

¹⁸ Zezi gots'ò hadi, “Jò seghàahwha,” gòhdi. ¹⁹ Dò hazòò t'oh k'e geèkw'eè agòòlà. Eyi t'axòò lèt'è sùlài eyits'ò hwe nàke neyùwa, idòò yak'e ts'ò k'et'ì xè yek'eèyayhti. Lèt'è nechà-lea tàyùzhì gà edecheekeè goghàyùwa, eyits'ò wecheekeè dò gotaàgeèdi. ²⁰ Dò hazòò gùgha hòt'a ts'ò shègiázhe. Eyi t'axòò weghàhoòwoo sù wecheekeè t'ohòtò hoònò-daats'ò-nàke dagoòzò nàgèhtsì. ²¹ Dòzhì sùlài-lemì (5,000) shègiázhe; wedè ts'èko eyits'ò chekoa goxè gùhtà-le.

Zezi tì ka k'etlò

²² Zezi dò hazòò wànùdì t'axòò edecheekeè gots'ò hadi, “Elà t'à senakweè ìnòò naahzè,” gòhdi. Ededi idè àida, dò hazòò nageèhdeè agòòlà. ²³ Eyi t'axòò whatsoò yahti ha shìhka dekùtla. Togoòt'ò agòjà ekò jlaà ekò wheda. ²⁴ Ekùyeè k'e elà jkwè nìwà ajà. Nùhts'ì nihdòò nagiat'ò t'à elà k'ewehts'ì dii.

²⁵ Totani daats'ò tai nùzò eyits'ò ek'ètai ekùyeè k'e Zezi edecheekeè ts'ò èhtla. Tì ka naetle. ²⁶ Wecheekeè tì ka naetle giázì ekò sù geèhyeh. “Dòts'ù at'ì,” gedi, geejì t'à gezeh.

²⁷ Ekòet'ì Zezi gots'ò hadi, “Naxidzeè nàtsoò aahlè. Sì aht'ì. Dahji-le,” gòhdi.

²⁸ Peter hadi, “Nì aat'ì nùdè tì k'e edets'ò sùhàzà,” yèhdi.

²⁹ Zezi yets'ò hadi, “Jò-ìtle!” yèhdi. Eyi t'à Peter tì ka Zezi ts'ò èhtla. ³⁰ Hanikò nùhts'ì nàtsoo ghàeda t'à dejì ajà. Peter tì yì ts'ò ajà t'à Zezi ts'ò whezeh, hadi, “Sets'ò K'àowo edaxàsùhtè!” yèhdi.

³¹ Ekòet'ì Zezi dayaachì, hayèhdi “Nì nàtso-le. Dànìghò negha ehkw'ì-ahodì-le?” yèhdi.

³² Elà yì gùde et'ì nùhts'ì while ajà. ³³ Wecheekeè elà yì geèkw'ee sù gùts'ò nàgògùhgè, hagedi, “Nì sù Nòhtsì Weza anet'e,” gùhdi.

³⁴ Ìnòò tàgèze ekò Genesaret nèk'e dàgùde. ³⁵ Ekò dò nàgedèe sù Zezi at'ì gik'èhoèhà t'à gùmòò kòta yàgòlaa sù dò hazòò ts'ò hagedi. Eyi t'à dò-eyagùlù hazòò Zezi ts'ò agogùlù.

36 G1ghqñadaeti, hagedi, “Dq eyagullu sù nezeè welq zq kò dageechu agulle,” guhdi. Eyi t'à dq hazqò Zezi wezeè xèlageehdu sù k'aat'ì agejà.

15

Godzeè t'à hoļu hots'ehtsì hq't'e

1 Jerusalem gots'q Pharisee gullu mòhdaa eyits'q Nòhtsì-yatù-k'ègedi-dqò Zezi ts'àgede, dageehke, 2 “Dànighq necheekeè gocho ginàowoò k'èch'a eghàlageeda? Shègezhe kwe edilà k'enagehtse-le!” gits'ò hadi.

3 Zezi gots'ò hadi, “Ekò naxi, dànighq naxicho ginàowoò k'èè eghàlaahdaa sù Nòhtsì nàowoò nahk'e wet'aaazà dahwhq? Haaht'ì ts'ihzò Nòhtsì wenàowoò k'eahzhì hq't'e. 4 Nòhtsì gots'ò du hadi ilè, ‘Naxità eyits'q naximq gits'ò nezù aahda,’ eyits'q ‘Amù edetà eyits'q edemq gots'ò ich'e xè gots'ò nàdahozaa sù elààwèahwhi ha hq't'e,’ dek'eèht'è. 5 Hanikò naxi du haahdi: ‘Dq edetà eyits'q edemq gots'ò du hadi ha hq't'e: Wet'à naxits'àhdi ha ilè sù Nòhtsì weggha whezqò ahlà. 6 Eyi dq hadi nùdè, yet'à edetà ts'ò nezù eda-le kò,’ dahdi hq't'e. Eyi hani nàowo aahtsì t'à Nòhtsì weyatù wedè aahlà. 7 Degai daahtsì kò wek'èè aahda niile! Nakwenàozqò Isaiah dànì naxighq ut'èè sù ehkw'ì adì ilè. Du hadi, dek'eèht'è:

8 ‘Du dq sù edeyatù zq t'à sets'ò nezù geeda, hanikò ededzeè t'à sets'ò neqùzà-le. 9 Ededi nàowo gehtsì t'à dq hoghàgeehtq; gigha ika while kò sets'ò yagehti,’ hani Isaiah naxighq goide ilè,’ Zezi gòhdi.

10 Zezi dq hazqò gokayahtì gà gots'ò hadi, “Seàhkw'q, ayù dàehsù sù wedaaniahdè. 11 Dq wewà yù t'asù at'ù sù yet'à 'degai elì-le' ade ha niile, hanikò wewà gots'q ayù xàewù sù yet'à 'degai elì-le' ade ha hq't'e,” gòhdi.

12 Eyi t'axqò wecheekeè Zezi ts'ò geède, hagedi, “Pharisee gullu sù edàidu sù ghq sù ginì-le; asù wek'èizq?” guhdi.

13 Zezi gots'ò hadi, “Setà yak'e whedaa sù ts'ì hazqò dehsheè ayùlè-le sù dèè goyù ts'q wegghochù xè xàgehdlà ha.

14 Gits'qniahzà-le. K'enaxegehzi ha guwq, hanikò gidaà goilee lagut'e. Dq gidaà goilee sù k'èlegeehzi nùdè ilah dèè yù gqòzaa goyù geet'ì ha,” Zezi hagòhdi.

15 Peter Zezi ts'ò hadi, “Ayù awùidu sù godaidi,” yèhdi.

16 Zezi edecheekeè gots'ò hadi, “Ilà naxikwì dezhi ni? 17 Ayù awèehsù sù ilàà wek'èahsq-le ni? Ayù gowà yù at'ù sù gobò yù at'ì, eyi t'axqò-ìdè gobò yù gots'q gozò at'ì. 18 Hanikò gowà gots'q yatì xàdeewù sù godzeè yù gots'q at'ì hq't'e, eyi wet'à 'degai ts'ùlì-le' ats'et'ì. 19 Nàowoļu t'à nànits'edèè sù godzeè yù gots'q at'ì hq't'e. Godzeè t'à du hani nezù nànits'edè-le: dq elàats'ehwhi, elèxè hoļu hots'ehtsù, hoļu k'èè èlek'alats'edèè,

ets'eezì, dọ ghọ hots'ets'ì, eyìts'ọ dọ gùzì jù ts'ehtsì. ²⁰ Nàowo Ẹ̀yì ghọ nànts'edè nùdè wet'à 'degarì ts'ìlì-le' ats'et'ì. Hanìkò shèts'et'ì kwe goilà k'enats'ehtse-le nùdè wet'à 'degarì ts'ìlì-le' ats'ede ha nùlè," Zezì gòhdi.

Canaan got'ì ts'ọ ts'èko wegħa ehkw'ì-ahodi

²¹ Zezì edecheekeè xè dọ gots'ọọ naèhtlā. Eyì-le nèk'e kòta Tyre eyìts'ọ kòta Sīdon ekọ ts'ọ geède. ²² Canaan got'ì gots'ọ ts'èko eyì nàdèè sù Zezì ts'ọ èhtlā. Ezeħ xè hadì, "Sets'ọ K'àowo, David Weza, etesenèèzì! Setì ìnìhù wets'ọ-èlì t'à sù dàzà dī," hadì ezeħ.

²³ Zezì yets'ọ t'asadi-le t'à, wecheekeè gits'ọ-ède, hagiùhdi, "Ts'èko k'èdaà ezeħ xè gok'èetle t'à, yeè nawùhà," giùhdi.

²⁴ Zezì gots'ọ hadì, "Israel got'ì gita sahzọà dıkọgeède sù gigha zọ jọ ts'ọ asiidlà họt'e," gòhdi.

²⁵ Ts'èko Zezì gà niitlā, yets'ọ nàgòìhgè, hadì, "K'àowo, sets'ànedì!" yèhdi.

²⁶ Zezì yets'ọ hadì, "Chekoa gùlèt'è gighọ nets'ìichì gà tì ts'ọ ts'ehk'aa sù ehkw'ì nùlè," yèhdi.

²⁷ Ts'èko hadì, "Sets'ọ k'àowo, ehkw'ì aidi, hanìkò tì kò wets'ọ k'àowo weladà k'e gots'ọ lèt'ègwà hodàet'ì sù gedè họt'e," yèhdi.

²⁸ Zezì yets'ọ hadì, "Ts'èko, sù negħa ehkw'ì-ahodi! Ayì sùkèè sù neghọt'à ha," yèhdi. Eyìt'à ekòet'ì wetì k'aat'ì ajà.

Zezì k'achì dọ lọ wànùdì

²⁹ Zezì ekọ gots'ọọ naèhtlā, Galilee-tì wexa geède. Eyì t'axọọ shìh dekegọzàa k'e dekiitlā gà eyì dèhkwa. ³⁰ Dọ lọ gits'ọ-ède. Dọ k'egedè-le, dọ gidaà goilee, dọ gogede-le eyìts'ọ dọ-eyagùlù hazọọ Zezì gà nègogìwa t'à k'aat'ì agòòlā. ³¹ Dọ k'egedè-le sù k'egedè agejà, dọ gogede-le sù gogedeè agejà eyìts'ọ dọ gidaà goilee sù k'egèet'ì agejà. Dọ gixè hagòjà giazì ekò sù gigha eniyyah t'à Israel got'ì Gìnòhtsì ghàsogeedì.

³² Zezì edecheekeè gots'ọ gode, hagòhdi, "Dì dọ sedzeè t'à etegeèhzi. Tai dzeè jọ sexè giakw'è xè t'asì wùzì giwàhọdì-le. Bò dẹ nageet'ì ha sọnì t'à, degeèhdi xè nageehzà ha dehwhọle," gòhdi.

³³ Wecheekeè gits'ọ hadì, "Kòta gòlā ts'ọ gọowà ts'eèhk'w'e, eyìt'à dàni dọ haatlọọ gigha lèt'è nàts'eehdi ha?" giùhdi.

³⁴ Zezì gots'ọ hadì, "Lèt'è dàtlọ naxìts'ọ?"

"Lèt'è lòhdi eyìts'ọ hwe nechà-lea mòhdaa," giùhdi.

³⁵ Zezì dọ hazọọ hagòhdi, "Dèè k'e dahkw'e," gòhdi. ³⁶ Eyì t'axọọ Zezì lèt'è lòhdi eyìts'ọ hwe neyùwa gà yek'eèyahiti. Lèt'è eyìts'ọ hwe tàyùzhì gà edecheekeè goghàyyùwa, eyìts'ọ wecheekeè dọ hazọọ gotaagùdì. ³⁷ Dọ hazọọ gigha họt'a ts'ọ shègiāzhe. Eyì t'axọọ dọ hazọọ t'asì ghàgeèzàa sù wecheekeè

nàgũhtsɿ. Hazqò t'à t'oh̄tq lòhdɿ haàt̄lqòq nàgèhtsɿ. ³⁸ Dq̄zhì dɿ-lemì (4,000) shègiázhe; wedè ts'èko eyits'q chekoa goxè gũhtà-le. ³⁹ Zezì dq̄ hazqò nagoèh̄zà t'axqò wecheekè gixè elà yì gũde gà Magadan nèk'e ts'ò geèze.

16

Zezi eniyah deè hohtsɿ ha gũwq

¹ Pharisee gũlɿ mòhdaa eyits'q Sadducee gũlɿ mòhdaa Zezi geèhdzà ha gũwq t'à gɿts'ò-ède, hagũhdɿ, “Yak'e gots'q gogha eniyah deè hohtsɿ,” gũhdɿ.

² Zezì gots'ò hadɿ, “Xèhts'ò nɿdè dɿ haahdɿ, ‘Yat'a hazqò goòk'o t'à satsq hoɿzɿ ha,’ dahdɿ. ³ Eyits'q k'omqòdqò nɿdè dɿ haahdɿ, ‘K'oh dezqò lq̄ t'à, dɿ dzeq̄ hoɿzɿ ha-le,’ dahdɿ. K'oh dànì wègaat'ɿ sɿi wek'ayaah̄tɿ ha dii-le. Hanikò dii naxɿdaà dàgot'ɿ sɿi dànìghq̄ wek'ayaah̄tɿ ha dii? ⁴ Dq̄ Nòhtsɿ k'èagũt'e-le xè nàowoh̄ k'èq̄ eghàlageeda gũlɿ sɿi eniyah deè gezì ha gũwq. Nòhtsɿ dànì nakwenàozqò Jonah xè eniyah eghàlajdaa sɿi eyi zq̄ gezì ha,” gòhdɿ.

Eyi t'axqò Zezì gots'q̄ naèhtl̄a, t'asɿ ts'ò ajà.

Pharisee eyits'q Sadducee gũlɿ sɿi gũlèt'èa ch'à edexoahdɿ

⁵ Inqò tɿ te nq̄q̄geèht'e ekò, wecheekè lèt'è dq̄ agejà ɿlè. ⁶ Zezì gots'ò hadɿ, “Edexoahdɿ! Pharisee eyits'q Sadducee gũlɿ sɿi gũlèt'èa ch'à edexoahdɿ,” gòhdɿ.

⁷ Hadɿ t'à wecheekè elets'ò hagedɿ, “Lèt'è edexè ats'ɿl̄a-le t'à adɿ,” gedɿ.

⁸ Zezì hanì gogede gok'èezq̄ t'à gots'ò hadɿ, “Naxɿnì nàtsole dii. Dànìghq̄ lèt'è while ghq̄ elets'ò goahde? ⁹ ɿl̄a naxɿkwì yìekw'ɿ-le nì? Dànì lèt'è sɿl̄a t'à dq̄zhì sɿl̄a-lemì gɿwàhqq̄dɿ sɿi wedaànahdè. Lèt'è dezqò ɿl̄a sɿi t'oh̄tq̄ dàt̄lq̄ dagoòzq̄ nàah̄tsɿ sɿi, asɿ wenaahdì? ¹⁰ Eyits'q̄ dànì lèt'è lòhdɿ t'à dq̄zhì dɿ-lemì gɿwàhqq̄dɿ sɿi wedaànahdè. Lèt'è dezqò ɿl̄a sɿi t'oh̄tq̄ dàt̄lq̄ dagoòzq̄ nàwhahtsɿ sɿi, asɿ wenaahdì? ¹¹ Lèt'è ghq̄ gohde aehsɿ nùle, dànìghq̄ eyi weniahdì-le? Hanikò Pharisee eyits'q Sadducee gũlɿ sɿi gũlèt'èa ch'à edexoahdɿ ha hq̄t'e,” gòhdɿ.

¹² Zezì eyi hadɿ t'à, wecheekè, lèt'èa wet'à lèt'è ts'eht'è ghq̄ godeè-adɿ-le gɿmedɿ agejà, hanikò Pharisee gũlɿ eyits'q Sadducee gũlɿ sɿi gɿnàowò ch'à edexogũhdɿ ghq̄ godeè adɿ nq̄ nàgèhzhì.

Peter; Zezi Christ anet'e yèhdɿ

¹³ Zezì kòta Caesarea-Philippi ts'ò nɿwà-lea nùitl̄a ekò edecheekè gots'ò hadɿ, “Dq̄ sɿi Dq̄-wet'àazàa-deè amì at'ɿ gedɿ?” gòhdɿ.

14 Wecheekeè hagiùhdi, “Dò mòhdaa John-Baptist at'ì gedi, mòhdaa Elijah at'ì gedi eyits'ò dò mòhdaa Jeremiah hanì-le-ìdè whaà gots'ò nakwenàozòò at'ì gedi,” giùhdi.

15 Zezi dagoehke, “Ekò naxì, amiù aht'e sèahdi?” gòhdi.

16 Simon-Peter Zezi ts'ò hadi, “Nì sù Christ anet'e. Nì sù Nòhtsì edaa weza anet'e,” yèhdi.

17 Zezi yets'ò hadi, “Jonah weza Simon nexè sìghà hòt'e. Dò dahxà eyi wek'èìzò nùile, hanikò Setà yak'e whedaa sù wedahxà wek'èìzò hòt'e. 18 Nì sù kwe lanet'e t'à Peter nìyeh ha. Eyi kwe k'e sets'ò dò gìgha sekò gohtsì ha eyits'ò wehìkò yedaèt'è ha-le. 19 Nòhtsì Wenàowò k'èè hòzòò gha ladli neghàehle ha. Dii nèk'e ayù wedaàneedoo sù yak'e sù wedaàdo ha eyits'ò dii nèk'e ayù wets'òdaà xàneetòò sù yak'e sù wets'òdaà xàetì ha hòt'e,” yèhdi.

20 Zezi edecheekeè gots'ò hadi, “Christ aht'ee sù dò wùzì ts'ò haahdi-le,” gòhdi.

Zezi èlààgùhwhi ha sù yeghò gode

21 Eyi dzèè k'e gots'ò Zezi dii hanì edecheekeè ts'ò goìde: “Jerusalem ts'ò ahde ha hòt'e, ekò òhdah gùlù, yahtu-gha-k'aodèe, eyits'ò Nòhtsì-yatù-k'ègedi-dòò dasegùhza ha. Èlàsègèhwhi ha hòt'e, hanikò tai dzèè k'èhòòwo t'axòò nùdè naèhdà ha,” gòhdi.

22 Zezi hadi goìde t'à, Peter whatsoò yets'ò goìde, hayèhdi, “Ìle, sets'ò K'òowo, nexè hagode ha nùile!” yèhdi.

23 Zezi Peter ts'ò ets'aèhtlà, hayèhdi, “Wehù, sechìht'a ts'ò aqde! Nì sù kwe wet'à daèhkw'ìh ha lanet'e. Nòhtsì winì k'èè nànnèwo nùile, hanikò dò gùni k'èè nànnèwo hòt'e,” hayèhdi.

24 Hadì t'axòò Zezi edecheekeè hazòò ts'ò hadi, “Amiù sek'èè at'ì ha nìwòò sù edeghò nànnèwo ha nùile eyits'ò edets'ò dechìet'aa sek'èè nayatì ha hòt'e. 25 Amiù edinì k'èè eda ha nìwòò sù wedìhoè ha, hanikò amiù sets'ìhòò edinì k'èè eda-le sù eda ha. 26 Dii nèk'e dò t'asì hazòò edegha dèhnò kò wedàazhì weghò wedìhòhì nùdè, weggha wet'àazà nùile. Dò wedàazhì k'èxa t'asì wùzì nìzà ha nùile. 27 Dò-wet'àazàa-deè sù detà wets'ò t'asì nàtsoo xè enìyah deè t'à edets'ò yak'eet'ì goxe nùtla ha. Eyits'ò dò hazòò dànì eghàlagùdà k'èè goghàhòzà ha. 28 Ehw'ì anaxèehsì, dò mòhdaa jò nàgèehzaa sù Dò-wet'àazàa-deè Wenàowò k'èè hòzòò xè nùtla gezi kwe èlààgede ha nùile,” Zezi hadi.

17

Moses eyits'ò Elijah, Zezi ts'ò gogede

1 Ek'ètai dzèè t'axòò Zezi shìh danùchàa ka dekiùtla. Peter, James eyits'ò James wechi John whatsoò edexè ekò goòwa.

² Ekɔ gidaà eɫadɔ wègoèht'ɔ̀. Wini sadeè lanì wek'e saɔɔ eyits'ɔ̀ wegoht'ɔ̀ degoo xè wek'e saɔɔde. ³ Ekɔiyèè k'e Moses eyits'ɔ̀ Elijah, Zezi ts'ɔ̀ gogede ginadaà gigoèht'ɔ̀.

⁴ Peter Zezi ts'ɔ̀ hadi, “K'awo, jɔ ts'eèhkwe gogha hoɔɔ. Haneewɔ nɔ̀dè, naxɔgha kɔ̀ɔ tai gohtsi ha dii-le; ɔ̀ nègha, ɔ̀ nè Moses wegħa eyits'ɔ̀ ɔ̀ nè Elijah wegħa,” yèhdi.

⁵ ɔ̀lɔ̀ Peter gode ekò k'oh gɔmɔ̀ɔ̀ aja. K'oh yɔ̀ gots'ɔ̀ gots'edeè hɔ̀t'e, “Du Seza wegħoneehtɔ̀ hɔ̀t'e, wegħɔ̀ sɔ̀dehwhɔ̀ hɔ̀t'e, weàhkwe'ɔ̀!” hats'edi hɔ̀t'e.

⁶ Zezi wecheekeè hagodi egɔ̀kw'o ekò sɔ̀ geèhyeh t'à, dèè k'e nàgɔ̀t'ɔ̀. ⁷ Hanikò Zezi goga nɔ̀tɔ̀, edɔ̀lɔ̀ gok'e ayɔ̀lɔ̀lɔ̀ gà gots'ɔ̀ hadi, “Niàhdè, dahji-le,” gòhdi. ⁸ Wecheekeè ɔ̀dòò k'egèet'ɔ̀ là Zezi ededi zɔ̀ eyi nàwo gɔ̀ɔ̀ɔ̀.

⁹ Shihka gots'ɔ̀ hodàgeède ekò Zezi hagòhdi, “Dɔ̀-wet'aaàa-deè nàidà gots'ɔ̀ ayɔ̀l weahzɔ̀ sɔ̀ dɔ̀ wɔ̀zɔ̀l ts'ɔ̀ haahdi-le,” gòhdi.

¹⁰ Wecheekeè tai dageehke, “Dàniɔ̀ghɔ̀ Nòhtsi-yatù-k'ègedi-dɔ̀ɔ̀ nakwenàòzɔ̀ɔ̀ Elijah t'akweɔ̀ɔ̀ nɔ̀tɔ̀ ha, gedi,” giñhdi.

¹¹ Zezi hagòhdi, “Ehkwe'ɔ̀ agedi, Elijah nɔ̀tɔ̀ ha hɔ̀t'e, t'asɔ̀ hazɔ̀ɔ̀ sɔ̀nihòzà ha. ¹² Hanikò sɔ̀ du hanaxèehsɔ̀, Elijah hòt'a jɔ nɔ̀tɔ̀lɔ̀ ɔ̀ nè, hanikò eyi at'ɔ̀l nàgeèhzhɔ̀l-le t'à t'agɔ̀wɔ̀ ts'ɔ̀ gɔ̀ghàlɔ̀dà hɔ̀t'e. Eyɔ̀ xèht'eè Dɔ̀-wet'aaàa-deè dagɔ̀lɔ̀zà ha,” Zezi gòhdi. ¹³ Wecheekeè, John-Baptist ghɔ̀ godeè-adi gɔ̀mèdi agejà.

Dɔ̀zhià ɔ̀nɔ̀hɔ̀ wets'ɔ̀-èlɔ̀ sɔ̀ k'aat'ɔ̀ aja

¹⁴ Dɔ̀deè ts'ɔ̀ nègɔ̀de ekò dɔ̀ ɔ̀ nè Zezi ts'ɔ̀ èhtɔ̀lɔ̀ gà yets'ɔ̀ nàgòlɔ̀ghè. ¹⁵ Hadi, “Sets'ɔ̀ K'awo, sezaa etewɔ̀ɔ̀. Sezaa ezɔ̀l nàèhè, eyit'à sɔ̀ dajza. T'aats'ɔ̀ kò dèk'ɔ̀ɔ̀ ta nàkw'ɔ̀ xè tenakw'ɔ̀. ¹⁶ Necheekeè gits'ɔ̀ weèhchɔ̀, hanikò k'aat'ɔ̀l agele ha dii,” yèhdi.

¹⁷ Zezi dɔ̀ nɔ̀ ts'ɔ̀ hadi, “Naxɔ̀ dɔ̀ yàahɔ̀l sɔ̀l naxɔ̀gha ehkw'ɔ̀l ahodi-le xè nàowo ehkw'ɔ̀l k'èch'a eghàlaahda. Dàwħaà naxɔ̀xè aht'e ha? Dàwħaà sɔ̀ni tsɔ̀ahwhɔ̀ ha?” Hadi t'axɔ̀ɔ̀ dɔ̀zhià wetà ts'ɔ̀ hadi, “Nezaa sets'ɔ̀ wɔ̀lɔ̀chɔ̀,” yèhdi. ¹⁸ Zezi ɔ̀nɔ̀hɔ̀ dɔ̀zhià yɔ̀l gots'ɔ̀ xàdeèzhɔ̀l t'à ekòet'ɔ̀l k'aat'ɔ̀l aja.

¹⁹ Eyɔ̀ t'axɔ̀ɔ̀ Zezi wecheekeè whatsɔ̀ɔ̀ gits'ɔ̀-ède gà dageehke, “Dàniɔ̀ghɔ̀ goxɔ̀l ɔ̀nɔ̀hɔ̀l xàwedets'eezhɔ̀l ha dii?” giñhdi.

²⁰ Zezi gots'ɔ̀ hadi, “Nòhtsi hayele ha hotùl naxɔ̀gha ehkw'ɔ̀l ahodi-le t'à. Ehkw'ɔ̀l anaxèehsɔ̀, hòt'ò-lea kò naxɔ̀gha ehkw'ɔ̀l ahodi nɔ̀dè, du shih ts'ɔ̀ du haahdi ha dii-le, ‘jɔ gots'ɔ̀ yèè ts'ɔ̀ adɔ̀le,’ wèahdi nɔ̀dè hade ha. Naxɔ̀gha ehkw'ɔ̀l ahodi nɔ̀dè t'asɔ̀l wɔ̀zɔ̀l naxɔ̀gha dii gòhɔ̀l ha nùle,” Zezi gòhdi.

²¹⁻²² Galilee nèk'e ɔ̀lɔ̀ nègɔ̀de ekò Zezi gots'ɔ̀ hadi, “Dɔ̀-wet'aaàa-deè dɔ̀ t'agɔ̀lɔ̀tè ha. ²³ Eɔ̀lɔ̀gɔ̀lɔ̀hwhɔ̀ ha eyits'ɔ̀l tai dzeè t'à nàidà ha,” gòhdi. Hadi t'à wecheekeè gɔ̀gha dii agòjà.

Nòhtsikò-gocho għa sɔ̀mɔ̀ba nèts'eɔ̀

24 Zezi edecheekeè xè kòta Capernaum niitla ekò Nòhtsìkò-gocho gha sòmba-nàhtsì-dòò mòhdaa Peter gà nègùde, dageehke, “Asìì nets'ò k'àowo Nòhtsìkò-gocho gha sòmba nèyùrà?” giùhdi.

25 Peter gots'ò hadi, “Hèzè, hat'ì ne,” gòhdi. Peter edù kò agùt'ee sù goyaèhtla ts'òet'ì, Zezi ededi t'akwelòò yets'ò hadi, “Simon, dù weghò dāneewò? Dù nèk'e k'àowochò giùù sù amù ts'ò sòmba nàgehtsì? Xàè edeza gots'ò hanì-le-ìdè dò eyù-le gots'ò?” yèhdi.

26 “Dò eyù-le gots'ò,” Peter yèhdi.

Zezi yets'ò hadi, “Hanì-ìdè xàè gıza gots'ò sòmba giùhchi niile. 27 Hanìkò dò gik'èch'a hots'ehtsì ch'à tabàa ts'ò-ìtla gà jìh tìhk'ah. Lìwe t'akwelòò nehjù sù wewà yù satsòà degoo nechàa gòhà ha. Eyù niichì gà sòmba-nàhtsì-dòò ghàichì, wet'à nù negha eyits'ò sù segha Nòhtsìkò-gocho gha k'aodèe gits'àràhdi,” yèhdi.

18

Nòhtsì Wenàowoò k'èè hòzòò gha amù denahk'e elì?

1 Ekìyeè k'e Zezi wecheekeè gits'ò goòhwho gà hagiùhdi, “Nòhtsì Wenàowoò k'èè hòzòò gha amù denahk'e elì?” giùhdi.

2 Zezi chekoa nechà-lea ts'ò gode gà edecheekeè gota nàwoò ayùllà. 3 Hadì, “Ehk'w'ì anaxèehsì, eìadù adèahlà xè dù chekoa nechà-lea lanì adèahlà lenòsù Nòhtsì Wenàowoò k'èè hòzòò goyaahdè hòjù ha niile. 4 Eyit'à amù dù chekoa nechà-lea lanì k'èeweèt'ì edeetsù sù Nòhtsì Wenàowoò k'èè hòzòò gha denahk'e elì hòt'e.

5 “Amù sùzì dahxà dù chekoa nechà-lea lanù ts'ò nezù aniwòò sù sù sets'ò nezù aniwò hòt'e. 6 Hanìkò dù lanù chekoa nechà-lea gìgha ehkw'ì aehsù sù amù hòjù hogehtsù agohzù nùdè eyì dò weggha hòila ha hòt'e. Dò hanì hòjù hòhtsì ch'à wek'o k'e kwe nedàa wexeet'ì gà tègùxà nùdè denahk'e weggha nezù ha hòt'e.

7 “T'asìì nezù-le lò t'à dò hòjù hogehtsì ts'ìhò, dù nèk'e dò gits'ò hòila ha hòt'e. Eyì hòjù hazòò hagode ha t'ìt'e, hanìkò dò wet'à agot'ù sù weggha hòila ha hòt'e! 8 Naxìlà hanì-le-ìdè naxìkè wet'à hòjù hoahtsì nùdè wek'eahkà gà zòahk'a. Naxìlà jìlè wedè eyits'ò naxìkè jìlè wedè aahlà t'à welò while ts'ò aahda anaxìdlà nùdè naxìgha denahk'e nezù hòt'e. Hanì-le-ìdè naxìlà nàke eyits'ò naxìkè nàke xè wehìkò goyanaxegeehxà ha hòt'e. 9 Eyits'ò naxìdaà jìlè wet'à hòjù hoahtsì nùdè xàah't'à gà zòahk'a. Naxìdaà jìlè wedè aahlà t'à welò while ts'ò aahda anaxìdlà nùdè naxìgha denahk'e nezù hòt'e. Hanì-le-ìdè naxìdaà nàke xè wehìkò goyanaxegeehxà ha hòt'e.

Sahzòq dikqeh̄tla wegodi

10-11 “Dii chekoa nechà-lea sù gít'àhoòzà-le dahwhò sòò. Ehkw'1 anaxèehsɿ, gits'ò yak'eet'ɿ, Setà yak'e whedaa sù t'aats'òò wɿnì ghàgeeda hɔt'e.

12 “Dò ɿhè sahzòq ɿhèakw'eènò wets'ò hanikò ɿhè weghò dikqèhgè nɿdè sahzòq ɿòòtòèng-*daats'ò-ɿòòtò* sù ekɿ-kà gehteè agole gà ɿhè while sù yegòhzà gots'ò yekanɿwò ha hɔt'e. 13 Ehkw'1 anaxèehsɿ, sahzòq ɿhè dikqèhgè sù yegòhɿzò nɿdè yeghò sù wɿnà ha hɔt'e, sahzòq ɿòòtòèng-*daats'ò-ɿòòtò* dikqègède-le nahk'e yeghò wɿnà ha hɔt'e. 14 Eyɿ xèht'eè Naxitá yak'e whedaa sù dii chekoa nechà-lea lanu dikqègedè ha nɿwò nɿle.

Naxèot'ɿ naxik'èch'a hòèhtsɿ nɿdè

15 “Naxèot'ɿ naxik'èch'a hòèhtsɿ nɿdè wets'ò aahde gà what-sòò wets'ò goahde. Wegha ehkw'1 aahdi nɿdè naxèot'ɿ edaxàweahtɿ hɔt'e. 16 Hanikò wegga ehkw'1 aahdi-le nɿdè dò eyɿ-le ɿhè hanì-le-ɿdè nàke xè k'achɿ wets'ò goahde, ‘dò nàke hanì-le-ɿdè dò tai gɿdà agòjàa sù ełèht'eè dò ghò xàyagehtɿ nɿdè gɿgodu ità ha hɔt'e,’ hanì dek'eèht'è. 17 Eyɿ dò naxeèhk'w'o ha nɿwò-le nɿdè Nòhtsɿ wecheekeè gits'ò haahdi, hanikò Nòhtsɿ wecheekeè kò goèhk'w'ò ha nɿwò-le nɿdè Nòhtsɿ-k'èezò-le-dòò hanì-le-ɿdè sòòmba-nàhtsɿ-dòò lanì wets'ò naahza.

18 “Ehkw'1 anaxèehsɿ, dii nèk'e naxɿ t'asɿ t'ahoòyɿ wesɿnɿyaahɿ sù yak'e sɿ wesɿnɿyaetɿ ha hɔt'e, eyɿts'ò dii nèk'e naxɿ t'asɿ t'ahoòyɿ wesɿnɿyaahɿ-le sù yak'e sɿ wesɿnɿyaetɿ ha-le.

19 “Eyɿts'ò naxɿts'ò dii haehsɿ: secheekeè nàke t'asɿ geekè gha ełek'èè agɿwò nɿdè Setà yak'e whedaa sù gogha hayele ha. 20 Dò nàke, dò tai sɿzɿ dahxà ɿàq nègɿde gà yagehtɿ nɿdè gɿxè whɿhda ha hɔt'e,” Zezì gòhdi.

Dò ghò nahots'eele-le wegodi

21 Peter Zezì ts'ò hadɿ, “Sets'ò K'àowo, sèot'ɿ sek'èch'a hòèhtsɿ nɿdè dàtòò eht'aà weghò nahoeħle ha? ɿòhdi ts'ò weghò nahoeħle ha nì?” yèhdi dayeehke.

22 Zezì yets'ò hadɿ, “Ehkw'1 anèehsɿ, ɿòhdi gots'ò zòò-le, ɿòhdièng-*daats'ò-ɿòhdi* ts'ò.

23 “Nòhtsɿ Wenàowoò k'èè hòzòò sù dii lanì hɔt'e: K'àowocho ɿhè wecheekeè edenɿht'è nageele ha goɿhwhò. 24 Edecheekeè gokayaɿhtɿ ekò wecheekeè ɿhè ɿhè-lemɿyòò gots'ò sòòmbaekwo satsòq haàtò wenɿht'è nòò. 25 Edenɿht'è nayelee ha dii t'à k'àowocho edecheekeè eyɿ-le gots'ò hadɿ, ‘Wenɿht'è k'èxa eyɿ dò, wets'èkeè, weza eyɿts'ò t'asɿ hazòò wets'ò sù weghò nàhwha gà naxɿghò nàedi aahle,’ gòhdi.

26 “Eyɿ wecheekeè yets'ò nàgòhge, yeghònàdaetɿ hadɿ, ‘ɿhàà seghàhòzà, senɿht'è hazòò naehle ha ne,’ yèhdi yeghònàdaetɿ.

27 Eyit'à k'àowocho eteyeèzì t'à yenḡhtl'è hazòò yeghònaḡla gà naèhtlaà ayìlìlà.

28 “Hanikò eyi wecheekeè edekò ts'ò naetle ekò wexèht'eè k'àowocho cheekeè ìlè, sòòmba lò-lea yeghàitl'è ìlèe sù, yaḡì. Yek'à daachì gà hayèhdi, ‘Sòòmba neghòniḡhòò sù hazòò naìle,’ yèhdi.

29 “Eyì dò yets'ò nàgòìhgè, yeghònaðaeti, hadì, ‘Ḳaa segghàhòìzà, senḡhtl'è naehle ha ne,’ yèhdi.

30 “Hanikò ‘ìle,’ yèhdi, edenḡhtl'è nayeete ts'ò dò-daniḡlaa-kò ts'ò ayìlìlà. 31 K'àowocho wecheekeè eyi-le hagòjà gḡaḡì ekò sù gḡha nezì-le, eyit'à k'àowocho ts'ò geède gà gḡts'ò hagedì.

32 “Eyit'à k'àowocho wecheekeè nezì-le kàzèhḡà gà hayèhdi, ‘Secheekeè-ḡnḡ anet'e. Segghònaðaḡtì ìlè t'à, nenḡhtl'è lò hazòò neghònaèhḡa. 33 Etenèehḡì xèht'eè, secheekeè eyi-le sḡ etewḡḡìḡì ha ìlè,’ yèhdi. 34 K'àowo sù ìch'èe t'à eyi dò edenḡhtl'è hazòò nayeete gots'ò dò-daniḡlaa-k'èdì-dòò dagḡḡhḡa ha gotl'aayìḡhtì.

35 “Eyit'à naxìdzeè t'à naxèot'l'ì gḡghò nahoahle-le nḡdè Setà yak'e whedaa sù hanì naxìts'ò eghàlaeda ha hòt'e,” Zezì gòhdi.

19

Ḳòlets'eedè-le

1 Zezì edecheekeè hogghàgòèhtò t'l'axòò Galìlee nèk'e gots'òò nageèhde. Judea nèk'e, Jordan deh nḡzàa wete ts'ò agejà. 2 Dò lò Zezì k'èè geède, eyits'ò ekò k'aat'ì agòòlà.

3 Pharisee gḡḡì sù geèhdzà ha gḡts'ò-ède. Dageehke, hagḡḡhdi, “Gonàowoò k'èè ha nḡdè asḡḡ gots'èkeè t'alàa-sù k'èxa zòwets'eehxà ha diì-le?” gḡḡhdi.

4 Zezì gots'ò hadì, “Nòhtsḡ Nḡhtl'è k'e dḡ hanì dek'eèhtl'è wek'eyaahḡ-le nì? Dḡ nèè hòèlì ekò Nòhtsḡ ‘dòzhì eyits'ò ts'èko whehtsḡ,’ dek'eèhtl'è, 5 eyits'ò Nòhtsḡ-Gotà dḡ hadì, ‘Eyì ts'ìhḡò dòzhì edetà eyits'ò edemò gots'òò xàetḡa ha. Edets'èkeè xè ìlè lanì ha, eyits'ò eyì nàke geet'èe sù edezhḡì t'à dò ìlè lagede ha hòt'e,’ wek'eyaahḡ-le nì? 6 Eyit'à dò nàke agḡḡ'e-le, hanikò dò ìlè zò lagḡḡ'e. Eyit'à Nòhtsḡ dò nàke eḡghàgòìlaa sù dò wḡḡzì elets'òò agole ha nḡìle,” Zezì gòhdi.

7 Pharisee Zezì dageehke, “Hanì-ìdè dànìghò Moses dḡ hanì nàowo whehtsḡ: ‘Dòzhì edets'èkeè zòyeede ha nḡwò nḡdè zòlets'eedee nḡhtl'è yegha sḡyele gà xàyeehḡà ha,’ dek'eèhtl'è,” gḡḡhdi.

8 Zezì gots'ò hadì, “Naxìkwì nàtso t'à, Moses, naxìts'èkeè zòahdè ha anaxìlìlà ìlè, hanikò kèhòòwo gots'ò hanì hòzò-le ìlè. 9 Ehkw'ì anaxèehsḡ, dòzhì wets'èkeè dò eyi-le xè hoḡḡ hòèhtsḡ-le kò zòyeèdo gà ts'èko eyi-le xè honòòdza nḡdè, hoḡḡ hòèhtsḡ hòt'e,” Zezì gòhdi.

¹⁰ Zezi wecheekeè hagedi, “Dqzhì eyits'q wets'èkeè gixè hanì hòzq nìdè hots'et'ì-le denahk'e nezì nqò,” gedi.

¹¹ Zezi gots'ò hadi, “Dq hazqò eyi yatì gìhchì ha diì hq't'e, dq hanì gìghàhòt'òq sù zq eyi yatì gìhchì hq't'e. ¹² Dq mòhdaa hoget'ì ha diì, hanì gìgòhì ne t'à, dq mòhdaa nàgiat'a ts'ìh?ò hoget'ì-le, eyits'q dq mòhdaa Nòhtsì Wenàowoò ts'ìh?ò hoget'ì ha gùwq-le. Amì eyi yatì gìhchì ha diì-le sù gìhchì welè,” Zezi gòhdi.

Zezi eyits'q chekoa nechà-lea

¹³ Eyi t'axqò Zezi edilà gok'e whehdi xè gok'eèyahti ha gùwq t'à, chekoa nechà-lea Zezi ts'ò gogeèwa. Hanikò wecheekeè haaht'ì-le gògedi xè nàgogeezq.

¹⁴ Hanikò Zezi edecheekeè gots'ò hadi, “Chekoa sets'ò gùdè agìahle, sets'agìahzq-le. Amì dii chekoa lagüt'ee sù Nòhtsì Wenàowoò k'èè hòzqò sù gits'q hq't'e,” gòhdi. ¹⁵ Zezi edilà gok'e ayìlè t'axqò idaà naèhtlà.

Cheko ahxee

¹⁶ Cheko ìlè Zezi gà nùtlà, dayeehke, “K'àowo, ayì nezì ghàlaihda nìdè welq while ts'ò ehdaà asedle ha?” yèhdi.

¹⁷ Zezi yets'ò hadi, “Ayìha t'asì nezì sù ghq dasìhke, Nòhtsì zq nezì hq't'e. Welq while ts'ò ida ha neewq nìdè nàowo dek'eèht'è sù k'èanet'e,” yèhdi.

¹⁸ Cheko dayeehke, “Nàowo dàhòt'ì awìdì,” yèhdi. Zezi yets'ò hadi, “Dq eìahwhì-le, eìexè hòhì hoahtsì-le, aahzì-le, dq ghq hoahts'ì-le, ¹⁹ naxità eyits'q naximq gits'ò nezì aahda, eyits'q 'edeghoniahtq k'èè naxèot'ì ghoniahtq, dek'eèht'è,” Zezi yèhdi.

²⁰ Eyi t'à cheko hadi, “Eyi nàowo hazqò wek'èzæht'è hq't'e. Eyi wezqò ayì dàhle ha?” yèhdi.

²¹ Zezi hayèhdi, “Degai nelì ha neewq nìdè t'asì hazqò nets'q sù hazqò neghò nàedi gà eyi wesqòmbaà hq't'ì dq-teèt'ì ghàìle. Hanì-ìdè yak'e t'asì nechàa nedawhezq ha hq't'e. Eyi t'axqò-ìdè sek'èè k'èida,” Zezi yèhdi.

²² Eyi cheko wesqòmbaà lq t'à, Zezi hadi iikw'o ekò ts'qòniwqò lajà xè naèhtlà.

²³ Zezi edecheekeè ts'ò hadi, “Ehk'w'ì anaxèehsì, dq ahxee sù Nòhtsì Wenàowoò k'èè hòzqò goyaetlà ha wegga wèhoedi-le hq't'e. ²⁴ K'achì ehkw'ì anaxèehsì, dq ahxee sù Nòhtsì Wenàowoò k'èè hòzqò goyaetlà ha wegga diì hq't'e. Eyi nahk'e tits'aadìcho datìht'ì-à-k'è deghaetlà gha sù denahk'e diì-le hq't'e,” Zezi gòhdi.

²⁵ Wecheekeè Zezi hadi egìkw'o ekò sù gìgha enìyah t'à hagedi, “Hanì-ìdè amì edaxawèetì lì?” gedi.

²⁶ Zezi goghàeda xè hadi, “Dò gigha dii hòt'e, hanikò Nòhtsi sù wegħa t'asù dii gòhì nùle,” gòhdi.

²⁷ Peter, Zezi ts'ò hadi, “Goxi nek'èè k'ets'edè ha ts'ùwò t'à, t'asù hazòò wedè ats'ùlà jìlè! Wek'èxa ayi gòt'à ha?” yèhdi.

²⁸ Zezi edecheekeè gots'ò hadi, “Ehkw'i anaxèehsi, t'asù hazòò wegòò anagòjà xè Dò-wet'áaàa-deè k'àowocho whelì t'à ededaèhchìcho k'e wheda nìdè naxi sek'èè k'eahdè jìlè sù daèhchìcho hoònò-daats'ò-nàke k'e dahkw'e ha. Israel got'ù hoònò-daats'ò-nàke xààa gùlù sù gisìnìyaahì ha. ²⁹ Amì sets'ihzò edekò, edechi, ededè, edetà, edemò, edeza, eyits'ò wets'ò dèè gots'ò naèhtlà k'èxa, eyi wezòò jìèakw'eènò laàtò ts'ò weghòzhe ha eyits'ò welò whìle ts'ò edaa eyi sù weghòt'à ha. ³⁰ Dò t'akwe geèhk'w'ee sù nòòde geèhk'w'èè agedle ha, eyits'ò dò nòòde geèhk'w'ee sù t'akwe geèhk'w'èè agedle ha,” Zezi gòhdi.

20

Dò elètò gits'àzeèdi wegodi

¹ “Nòhtsi Wenàowoò k'èè hòzòò sù dii lanì hòt'e: K'àowo jìè dèè wets'ò sù wek'e dò eghàlageeda ha nùwò. Eyit'à k'omòòdòò et'ù dò hanìwò. ² Jìè satsòà degoo gots'àzeehdi ha goxè yatì whehtsi t'axòò, dò eghàlageeda għa ededèè k'e ts'ò goèhà.

³ “K'omòòdòò sìghajwàà hoòwo, lòtò nìzò ekìyeè k'e t'asù nàedi k'è gòlaa k'achì ekò naèhtlà. Ekò dò mòhdaa t'asù hogehtsi-le ekì nàgeèhza goazì. ⁴ Gots'ò hadi, 'Naxi sù sedèè k'e eghàlaahda. Ayi ehkw'ù sù naxits'àzeehdi ha,' gòhdi. ⁵ Eyit'à eyi dò sù ekò geède.

“Dzètanì eyits'ò tai nìzò k'àowo k'achì dò hanìwò. ⁶ Sùlài nìzò k'àowo k'achì dò hanìwò ekò, jìlè dò eyi-le ekò nàgeèhza goazì. Hadì dagoehke, 'Dànìghò dzè ghàà jò nàahza, t'asù hòahstsi-le,' gòhdi.

⁷ “Dò eyi nàgeèhzaa sù gits'ò hadi, 'Dò wùzì la goghàzò-le ts'ihzò ats'ùt'e,' hagiùhdi.

“K'àowo gots'ò hadi, 'Naxi sù sedèè k'e eghàlaahda,' gòhdi.

⁸ “Xèhts'ò agòjà ekò k'àowo edecheekeè ts'ò hadi, 'Eghàlageedaa-dòò jò gùhà, dàtò gits'àzeedi ha sù gits'àzùhdi. Amì nòòde la k'e nègùdee sù t'akwèlòò gits'àzùhdi eyits'ò amì t'akwèlòò la k'e nègùdee sù nòòde gits'àzùhdi,' edecheekeè gòhdi.

⁹ “Dò sùlài nìzò la k'e nègùdee sù gits'àzeedi ha eyi nègùdee ekò satsòà degoo jìè gits'àzeedi. ¹⁰ Dò t'akwèlòò la k'e nègùdee sù gits'àzeedi ha eyi nègùdee ekò ededì denahk'e gits'àzeedi ha gùwò jìè, hanikò ededì sù satsòà degoo jìè gighòt'ò. ¹¹ Hazòò elètò gits'àzeedi t'à k'àowo ts'ò sòagedi, ¹² hagedi, 'Eyi dò nòòde la k'e nègùdee sù jìè sadzèè zò eghàlagùdà. Goxi k'àhdzò la

hazòò weghàlats'ùdà ne eyits'ò sadeè nàtsoo nì eghàlats'ùdà họt'e. Hanikò ededì sù goxètìò gits'àneehdì, gùhdì.

¹³ “Eyì k'àowo hagòhdì, ‘Seàgìà, naxìts'ò ekò-le eghàlaehda nùle. Satsòà degoo ìlè k'èxa eghàlaahda ha hanì elexè yatì ts'èhtsì ìlè. ¹⁴ Naxìsòòmbaà nìahwha xè naahdè. Dò nòòde la k'e nùtla sù naxìxètìò wets'àzeehdì ha dehwhò. ¹⁵ Xàè sesòòmbaà dàhìle ha dehwhò sù sù sets'ò hoèlì họt'e. Dì dò gits'ò nezì k'ehohza ha dehwhò t'à naxìgha nezì-le nì?’ gòhdì.

¹⁶ “Eyì t'à amì nòòde geèhkw'ee sù t'akwe geèhkw'e ha, hanikò amì t'akwe geèhkw'ee sù nòòde geèhkw'e ha họt'e,” Zezì hadì goxè godò.

Zezì èlààgùhwhì ha k'achì yeghò gode

¹⁷ Zezì Jerusalem ts'ò etlè ekò edecheekeè hoònò-daats'ò-nàke whatsòò nègòòwa gà gots'ò hadì, ¹⁸ “Jerusalem ts'ò ts'eedè ha. Ekò Dò-wet'àazàa-deè sù yahtì-gha-k'aodè eyits'ò Nòhtsì-yatì-k'ègedì-dòò t'làagèhtè ha họt'e. Èlàawì gha gisìnìyahtì ha. ¹⁹ Eyì t'axòò dò eyì-le xàzaa t'làagìhtè ha. Gìk'adaedè ha, nàgeehkwa ha eyits'ò dechìet'aa k'e dexegìhtsò ha, hanikò tai dzèè nùdè naidà ha,” Zezì gòhdì.

Ts'èko weza nàke Zezì ghòhk'èè geke ha nìwò

²⁰ Ekìiyèè k'e Zebedee wets'èkèè Zezì t'asì gogha hayele nìwò t'à, edeza nàke xè Zezì ts'ò èhtlè gà yets'ò nàgòlìghè.

²¹ Zezì yets'ò hadì, “Negha ayì dàhìle ha seneehwhò?” yèhdì.

Eyì t'à ts'èko hadì, “K'àowocho wheelì nùdè seza ìlè negà nàgòts'ehnéè whedaà awùle eyits'ò ìlè negà gots'ìhts'ò whedaà awùle,” yèhdì.

²² Zezì eyì ts'èko eyits'ò weza ts'ò hadì, “Ayì aahkèè sù wek'èahsò nùle. Libò wets'ò ehdò ha sù wets'ò aahdò ha dùi-le nì?” gòhdì.

“Hèzè, hats'ede ha dùi-le,” gùhdì.

²³ Zezì gots'ò hadì, “Libò wets'ò ehdò ha sù naxì sù wets'ò aahdò ha họt'e, hanikò amì segà nàgòts'ehnéè wheda ha, eyits'ò amì segà gots'ìhts'ò wheda ha sù sù sets'ò hoèlì nùle. Amì segà wheke ha sù Setà hòt'a gogha sùgòòlà ìlè họt'e,” gòhdì.

²⁴ Wecheekeè hoònò sù eyì elexì nàke ayì Zezì dagùhke ghò egùkw'o ekò gìk'èch'a. ²⁵ Zezì edecheekeè làà nègòòla gà hagòhdì, “K'àowocho gùlì sù dò eyì-le xàzaa ts'ò k'adahogedè, eyits'ò gicheekeè t'akwe geèhkw'ee sù, ededì sù, dò ts'ò k'adahogedè, wek'èahsò họt'e. ²⁶ Hanikò naxì sù naxìxè hagòht'e ha nùle. Naxìta amì t'asì deè elì ha nìwò sù naxìgha eghàlaedaa-dòò elì ha họt'e ²⁷ eyits'ò naxìta amì t'akwe wheda ha nìwò sù naxìcheekeè elì ha họt'e. ²⁸ Dò-wet'àazàa-deè ededì kò dò yegha eghàlageeda gha jò nùtla nùle, hanikò dò ts'adì xè

dọ gha ełààwı gha jọ nùttla họt'e. Dọ lọ gıhoñı gıghọ nahoezhe gha ełààwı ha họt'e," Zezì edecheekeè gòhdi.

Dọ nàke gıdaà goilee k'aat'ı agejà

²⁹ Zezì eyits'ọ wecheekeè kòta Jericho ts'ọ nageèhde ekò dọ lọ gok'èè geède. ³⁰ Dọ nàke gıdaà goilee sù tılıbàa geke. Zezì ekọ naetle ghọ egıkw'o ekò nagıidzeh xè hagedı, "Gots'ọ K'àowo, David Weza, etegòhzi!" gedi yagizeh.

³¹ Dọ lọ, "Ts'èwhı aah't'e!" gògedı, hanikò k'èdaà hòt'ò nagıidzeh, "Gots'ọ K'àowo, David Weza, etegòhzi!" gedi yagizeh.

³² Zezì nùttla, gots'ọ hadı, "Sets'ọ laah'tle. Ayı naxıgha dàh'te ha seahwhọ?" gòhdi.

³³ Gıts'ọ hadı, "K'àowo, gogha xègaat'ı ha ts'ıwọ," gıihdi.

³⁴ Zezì ededzeè t'à etegòzi t'à godaà k'e whehdi. Ekòet'ı gıdaà k'aat'ı ajà t'à Zezì k'ègeède.

21

Zezì tıttsoa k'e Jerusalem nùttla

¹ Zezì edecheekeè xè kòta Bethphaga ts'ọ gọwà-le nùttla. Eyı kòta shıh Olivet weghohk'èè gòzọ eyits'ọ Jerusalem ts'ọ gọwà-le agòht'e. Zezì edecheekeè nàke ıdaà kòta Bethphaga ts'ọ goèhzi, ² hagòhdi, "ıdaà kòta ts'ọ laah'tle. Ekọ nılaah'tla et'ı tıttsoa weza wexè eyı daet'ı weahzi ha. İlah dagıahge gà, jọ sets'ọ agıah'te. ³ Eyı ghọ dọ naxıts'ọ gode nıdè, 'Gots'ọ K'àowo yet'à-at'ı ha nıwọ, ekòet'ı neghọ yeechi ha,' hawèahdi nọ," Zezì gòhdi.

⁴ Eyı hagòjàa sù nakwenàozọọ yeghọ gọıde ıle k'èè agode ha t'à agòjà. Dı hadı ıle:

⁵ "Jerusalem got'ı gıts'ọ du haahdi, 'Naxıts'ọ k'àowocho ts'èwhı nıwọ xè tıttsoa weza k'e dawheda xè naxıts'ọ nayahte,' "
nakwenàozọọ hadı ıle.

⁶ Eyı'à wecheekeè nàke ıdaà kòta ts'ọ legeèhtla gà Zezì dàgòhdi sù k'èè eghàlagıdà. ⁷ Eyı tıttsoa weza xè Zezì ts'ọ nègeèchì. Tıttsoa eyits'ọ weza k'e edezeè nègıwa gà Zezì yek'e wheda. ⁸ Wenadağ dọ lọ edezeè tılı k'e nègıwa eyits'ọ dọ mọhdaa zori lanı k'egızhı gà wenadağ tılı k'e nègıwa. ⁹ Dọ lọ Zezì nakweè giadè eyits'ọ dọ lọ yek'èè giadè, yagizeh xè hagedı,

"Hosanna! K'àowocho David Weza weghàsots'eedı!"

"Ededı gots'ọ K'àowo dahxà nùttlaa sù wexè sıghà welè!"

"Hosanna! Nòhtsı weghàsots'eedı!" gedi yagizeh.

¹⁰ Zezì Jerusalem nùttla ekò dọ hazọ nıdahogıhdè, hagedı, "Dı dọ, amı at'ı?" gedi.

¹¹ Dọ Zezì k'èè k'egedè sù hagedı, "Dı dọ Zezì họt'e. Galılee nèk'e kòta Nazareth gots'ọ nakwenàozọọ họt'e," gedi.

Zezi Nòhtsìkò-gocho gà nùtla

¹² Zezi Nòhtsìkò-gocho gà nùtla, ekò dọ t'asì ełeghọ nàgeehdì sù hazòè xàgodeèzhì. Ladà k'e sòmba ehdagelee eyits'ò ladà k'e k'aba lanı gıghọ nàedı sù goghọ kwiteyeèhde. ¹³ Hagòhđi, "Dı hanı dek'eèhtl'è họt'e: 'Sekò yats'ehtı k'è gha gòzọ họt'e,' hanıkò naxı sù 'egeezı-dòò gha kò' gòwhahtsı họt'e," gòhđi.

¹⁴ Eyı hagòjà t'axòè, dọ gıdàà goilee eyits'ò dọ k'egedè-le sù hazòè Nòhtsìkò-gocho gà Zezi ts'ò nègıde t'à k'aat'ı agòòlà. ¹⁵ Yahtı-gha-k'aodèe eyits'ò Nòhtsı-yatı-k'ègedı-dòò Zezi Nòhtsìkò-gocho gà enıyah hòèhtsı gıazı, eyits'ò chekoa dı hagedı yagızeh, "Hosanna! k'áowochó David Weza weghàsòts'eedı!" gedı gogıkw'o t'à, sù gıgha nezi-le.

¹⁶ Zezi ts'ò hagedı, "Chekoa dàgedı sù gıkw'o-le nı?" gıhđi. Zezi gots'ò hadı, "Hèzè, geèkw'ò. 'Chekoa gıwà t'à neghàsòhoedı anelà,' hanı dek'eèhtl'èe sù wek'eyaahtı-le nı?" gòhđi.

¹⁷ Eyı hagòjà t'axòè gots'òè naèhtla, kòta Bethany ts'ò ajà. Eyı toò ekò itè.

Ts'i whegò

¹⁸ K'omòòdòò et'ı Jerusalem ts'ò naèhtla ekò sù bò waewı ajà. ¹⁹ Tılıbàa ts'ı nàzà yaı t'à yets'ò èhtla, hanıkò wek'e jıecho whıle, it'òà zò wek'e whela. Eyıt'à ts'ı ts'ò hadı, "K'achı nekw'ıhchı k'e jıecho dehshe hòıı ha-le!" hadı. Ekòet'ı ts'ı whegòè ajà.

²⁰ Wecheekeè eyı hagòjà gıazı t'à sù gıgha enıyah, hagedı, "Dànit'à dı jıechòts'ı sù ıwhàà whegòè ajà?" hagedı dalegeehke.

²¹ Zezi gots'ò hadı, "Ehk'w'ı anaxèehsı, naxıgha ehkw'ı-ahodı xè dı dahwhò-le nıdè jıechòts'ı dàhlàa sù naxı sı haahle ha dı nıle. Eyı wenahk'e hòahsı ha dı-le. Dı shıh ts'ò dı haahđi, 'Yeè tèe ts'ò adıle,' dahđi nıdè wek'èè agode ha. ²² Naxıgha ehkw'ı-ahodı nıdè ayı gha yaahtı sù hotı naxıghòt'à ha họt'e," Zezi edecheekeè gòhđi.

Zezi amı dahxà at'ı?

²³ Zezi Nòhtsìkò-gocho gà nùtla. Ekò dọ hoghàehtò ekò yahtı-gha-k'aodèe eyits'ò qhdah gııı sù Zezi ts'ò geède, hagıhđi, "Ayı dahxà dı hanı eghàlajda? Amı hanı neghàhòzò t'à anet'ı?" gıhđi dageehke.

²⁴ Zezi gots'ò hadı, "Sı sı t'ası danaxeehke ha. Ek'èt'à sets'ò haahđi nıdè, amı wedahxà eghàlaehdaa sù naxıts'ò haehsı ha. ²⁵ John-Baptıst dọ k'ètaıdzı sù amı dahxà at'ı nòò? Yak'e godahxà at'ı hanı-le-ıdè dọ dahxà at'ı?" gòhđi.

Eyi ghò elets'ò hagedi, “ ‘Yak'e godahxà at'ì,' ts'edi nìdè 'Dànìghò ehkw'ì adì weahwhò-le nòò?' gòhdi ha. ²⁶ Ekò 'Dò dahxà at'ì,' ts'edi nìdè dò hazòò John-Baptist nakwenàòzòò giit'ì ne t'à t'asagogele ha sòmì,” elègeedi.

²⁷ Eyi t'à Zezi ts'ò hagedi, “John-Baptist amì dahxà at'ì sù wek'èts'eezò-le,” gedi.

Zezi gots'ò hadi, “Hani-ìdè sù sù amì dahxà dù hani eghàlaehdaa sù naxìts'ò haehsì ha-le,” gòhdi.

Dò weza nàke gìgodì

²⁸ “Dù godì t'à naxìxè gohdo ha sù wedaàniahdè. Dò weza nàke gòhì ìlè. Edeza ìlè ts'ò hadi, ‘Seza sets'ò jìecho goehshee k'è segha eghàlaidà,’ yèhdi.

²⁹ “Weza yets'ò hadi, ‘Ìlè, hahle ha-le,’ yèhdi. Eyi t'ìaxòò edek'eelì xè wìni eladì ajà t'à eyi la ghàlaidà.

³⁰ “Eyi dò k'achì edeza eyi-le ts'ò èhtlà, eyi sù hayèhdi. Eyi weza yets'ò hadi, ‘Hèzè, hahle ha,’ yèhdi, hanikò hayìlilà-le.

³¹ “Eyi t'à eyi weza nàke sù amì edetani k'èè eghàlaidà?” Zezi gòhdi.

Zezi ts'ò hagedi, “Edeza t'akweìòò dahkee sù,” gùhdi. Zezi gots'ò hadi, “Ehkw'ì anaxèehsì, sòòmba-nàgehtsì-dòò egedi-le eyits'ò ts'èkojì naxìkwe-t'ì Nòhtsì Wenàowoò k'èè hòzòò goyagedè ha. ³² John-Baptist dànì ehkw'ì ts'eedaa t'à naxìts'ò gojde ìlè, hanikò naxìgha ehkw'ì adì-le. Ekò sòòmba-nàgehtsì-dòò eyits'ò ts'èkojì gìgha ehkw'ì-ahodi hòt'e. Eyi naxìdaa hanàhòwo, hanikò edek'eahì-le xè ehkw'ì adì weahwhò-le.

Dèè-k'ègedì-dòò gìgodì

³³ “K'achì godì eyi-le t'à naxìxè gohdo ha: K'àowo ìlè ededèè k'e jìechots'ì dehshe ha nèyìlilà. Eyi dèè wemòò kwe t'à kwì nawhezàa ayìlilà, jìecho tàtsògeèhze k'è gòhtsì eyits'ò wegodoò dò jìechots'ì xoehdi ha dagòzòò k'è gòhtsì. Eyi haatìòò hayìlilà t'ìaxòò dèè-k'ègedì-dòò gìk'e eghàlaeda ha ededèè goghònìyìzòò, eyi t'ìaxòò nìwà kòtaèhtlà. ³⁴ Jìecho dùdì agòjà ekò jìecho mòhdaa gìgha nàhtsì gha edecheekeè mòhdaa ededèè k'e ts'ò goèhà.

³⁵ “Hanikò dò dèè k'ègedì sù wecheekeè dagogiachì. Ìlè geèht'ì, ìlè èlàgìhwho eyits'ò ìlè kwe t'à èlàgìhwho. ³⁶ K'àowo k'achì edecheekeè ekò ts'ò goèhà, hanikò k'achì dò dèè k'ègedì sù gots'ò nezì eghàlagìdà-le. ³⁷ Nòqde t'à eyi k'àowo edeza ekò ts'ò yìhà, edets'ò hadi, ‘Seza ts'ò nezì nageza ha ne,’ hadi.

³⁸ “Hanikò dò dèè k'ègedì sù weza giazì ekò halègeedi, ‘Eyi k'àowo weza hòt'e sù dù dèè wegaelì agode ha. Èlàwets'èhwhì, hani-ìdè wedèè goghaelì ha,’ gedi. ³⁹ Eyi t'à dagiachì gà eyi dèè gots'òò xàgeèhà t'ìaxòò èlàgìhwho.”

40 Zezi hadi goxè goado t'axqò, dagoehke, “Eyi't'à eyi dèè ts'ò k'àowo ekò nòqtla nìdè dèè-k'ègedi-dòq negezì-le sù dàgole ha?” Zezi gòhdi.

41 Zezi ts'ò hagedi, “Eyi dò negezì-le sù ełàgòhde ha eyits'ò dèè dò eyi-le goghònèyìzà ha; jìecho dùi dùi nìdè mòhdaa gìghàle ha sù hanu dò ghònèyìzà ha họt'e,” giihdi.

42 Zezi gots'ò hadi, “Nòhtsì Nìhtl'è k'e du hanì dek'eèhtl'èe sù wek'eyaahù-le nì:

'Kwekò-gogehtsù-dòq kwe ʔògeèhk'aa sù eyi kwe denahk'e wet'aaʔa whelì. Gots'ò K'àowo gogha hanì eghàlaidà gogha enùyah dùi, dek'eèhtl'è.

43 “Eyi't'à naxits'ò du haehsì: Nòhtsì Wenàowoò k'èè hòʔòq sù naxìghò naichì ha eyits'ò dò eyi-le wìni k'èè eghàlageeda ha sù gìghaelì ha. 44 Amì eyi kwe k'e nàakw'oo sù wedihòlè ha, eyits'ò amì eyi kwe wek'e nàakw'oo sù t'asì nadlì ha-le,” gòhdi.

45 Yahtu-gha-k'aodèe eyits'ò Pharisee gùlù sù Zezi hanì dò xè godo gùkw'o ekò ededi goghò godee-adì gik'èhoèhzà. 46 Dageechì ha gùwò, hanikò dò Zezi k'èè k'egedèe sù nakwenàʔòq ne gùhwhò t'à gots'àgeejì.

22

Dò honìdza gha nàsì holè wegodi

1 Zezi k'achì godi t'à goxè godo, hadi: 2 “Nòhtsì Wenàowoò k'èè hòʔòq du lanì họt'e: K'àowocho weza honìda ha yegha nàsì whehtsì. 3 Dò goxè shègezhe ha sù edecheekeè gots'ò goèhʔà. 'Jò nàahdè, gògedi ha, hanikò eyi dò nàsì nàgedè ha gùwò-le.

4 “Eyi't'à k'àowocho k'achì edecheekeè ekò goèhʔà, hagòhdi, 'Eyi dò gùts'ò du haahdi: “Hòt'a nàsì holè ha. Gots'ò k'àowocho wets'ò ejie lek'aa ts'atà et'è ha wetagùhwho. T'asì hazòq ts'atà whela ne t'à jò aahdè,” giahdi, k'àowocho edecheekeè gòhdi.

5 “Hanikò eyi dò k'àowocho wecheekeè ts'ònegùzà-le. T'asì ts'ò nageèhde; jìè wets'ò dèè goehshee k'è ts'ò ajà eyits'ò jìè wets'ò nàedi k'è gòʔòq ts'ò ajà. 6 Eyits'ò dò mòhdaa wecheekeè dagogìachì gà gogeèht'ì gà ełàgogùhdè. 7 K'àowocho sù ich'è. Edets'ò eghòq-dòq eyi dò yecheekeè ełàgogùhdèe sù ts'ò agòòlà. Eyi dò negezì-le sù godihogèhtsì eyits'ò gikòta gok'egùhk'ò.

8 “Eyi t'axqò k'àowocho edecheekeè gots'ò hadi, 'Seza honìdzaa sù wenàsì holè ha nìkw'o, hanikò dò goxè shègezhe ha jìèe sù negezì-le t'à jò geedè ha dehwhò-le. 9 Tlì k'e ts'ò aahde. Ekò dò giahzì sù goxè nàsì ghò shèguzhe giahdi, gòhdi. 10 Eyi't'à wecheekeè tlì k'e ts'ò geède, dò nezì eyits'ò dò nezì-le gogùhʔòq sù nàgogùhtsì. Eyi't'à kò gocho nàsì holèe sù goyì dò dàgòʔò agòjà.

11 “K'àowocho goyaèhtla, dọ hazòọ eyi geèhkw'ee sù goni k'etlo ekò dọ ìlè goht'ọ nezụ t'à-at'ì-le gota wheda yazi. ¹² Yets'ọ hadi, 'Seàgĩa, seza honìdza họt'e. Eyi t'à dànìghọ goht'ọ nezụ t'à-aat'ì-le?' yèhdi. Eyi dọ aidi while.

13 “Eyi t'à k'àowocho edecheekeè gots'ọ hadi, 'Wilà eyits'ọ wekè ełeàhza gà mọht'a xàweahxà. Edụi togoòt'òo sù ekọ ts'ọ aweahle; ekọ dọ getse xè dagụza ha.’

14 “Dọ ịọ gikayaeti, hanikò mọhdaa zọ goxè geèhkw'e ha gits'ìhchì,” Zezi hadi goxè godo.

Pharisee gụlụ sù Zezi geèhdzà

15 Zezi hadi goxè goado t'axọọ Pharisee gụlụ sù whatsọọ nègude gà elets'ọ gogede. Dageehke t'à geèhdzà ha gụwọ. Edahxọ ekọ-le xàyahtì nìdè weyatù t'à gik'e nìdahogeezà ha ełexè yatì gèhtsi. ¹⁶ Gicheekeè eyits'ọ Herodian gụlụ mọhdaa Zezi ts'ọ gogeèhzà. Zezi ts'ọ hagedi, “K'àowo, ehkw'ì zọ goide wek'ets'eezọ, eyits'ọ Nọhtsi Wenàowoò ghọ ehkw'ì dọ hoghàhtọ. Dọ dàhòt'ụ agụt'ee sù negha wet'àazà-le t'à, dọ ayi geèhkw'ọ ha gụwọọ sù k'èè goide nùle. ¹⁷ Eyi t'à dū weghọ dāneewọ gots'ọ haidi. K'àowodeè Caesar, sọm̄ba wets'ats'eehdì sù asị eyi negha ehkw'ì ne?” giñdi.

18 Hanikò ekọ-le xàyahtì ha gūhwhọ t'à agedi sù Zezi gok'èezọ. Eyi t'à gots'ọ hadi, “Degai daahsi kò wek'èè aahda nùle! Ayiha seahdzà xè seyati t'à sek'e nìdahoahzà ha dah-whọ? ¹⁹ Satsọq dèe-ts'ò-k'àowo wets'àzahdì sù weghàihdà,” gòhdi. Eyi t'à satsọq degoo gighàèchì. ²⁰ Zezi gots'ọ hadi, “Ami wekwì eyits'ọ wizi dek'e whezọ?” gòhdi.

21 “K'àowodeè Caesar,” giñdi.

Eyi t'à Zezi gots'ọ hadi, “Hani-ìdè ayi k'àowodeè wets'ọ ne sù weghàahle, eyits'ọ ayi Nọhtsi wets'ọ ne sù Nọhtsi ghàahle,” gòhdi.

22 Eyi hadi sù gigha eniyah t'à gits'ọọ nageèhde.

Sadducee gụlụ sù Zezi geèhdzà

23 Eyi dzeè k'e Sadducee gụlụ sù mọhdaa Zezi ts'àgede. Ìdà nìdè dọ naidà ha sù gigha ehkw'ì-ahodi-le. Zezi eyi ghọ dageehke ha gụwọ t'à gits'àwhede. ²⁴ Hagedi, “K'àowo, Moses dū hani gogha nàowo enüt'è: ‘Dọ wezaa gòhì-le et'ì ełàawì hanikò wets'èkeè ìhà eda nìdè wechì yets'èkeè nayìchì ha họt'e, edụde gha chekoa nùle ha họt'e,’ dek'eèht'è. ²⁵ Ełechi ìhdi gòhì ìlè ts'edi. Goide t'akweìò ts'èko ìhchì, hanikò wezaa gòhì-le-t'ì eławo. Eyi t'à wechì yet'ọ whedaa sù yets'èkeè xè honọdza. ²⁶ Ededi sì eławo, eyits'ọ wechì tai t'à whedaa eyi sì hajà, eyits'ọ ìhdi geet'èè hazọọ gixè hagòjà. ²⁷ Nọde ts'ọ ts'èko ededi sì eławo. ²⁸ Eyi t'à dọ naidà dzeè k'e nìdè eyi ts'èko

ełechi lòhdı hazqò goxè hqat'ı ne t'à amı ts'èkeè elı ha?" gedı Zezi dageehke.

²⁹ Zezi gots'ò hadı, "Nòhtsı Nıhtı'è eyıts'q Nòhtsı enıyah t'à wegħa dı-le sı wek'èhoahs-q-le t'à, ek-q-le naxıgha ehkw'ı-ahodı.

³⁰ Dq naidàa dzeè k'e nıde ełexè honıgedè ha nıle, yak'et'ıı lagıt'e ha hqt'e. ³¹ Dq ełıdèe nagıdà ha sı eyı ghq naxıdahsı: Nòhtsı dādı sı wek'eyaahı-le nı? ³² Edeghq dı hadı ıle: 'Abraham Wenòhtsı, Isaac Wenòhtsı eyıts'q Jacob Wenòhtsı aht'e,' dek'eèhtı'è. Eyıt'à dq ełıdè għa Nòhtsı elı nıle, dq geedaa sı għa Nòhtsı elı hqt'e," Zezi gòhdı.

³³ Dànı dq hogħaèhtq sı dq hazqò gıkw'o ekò weyatı sı gıgha enıyah dıı.

Nàowo denahk'e wet'àazàa deè

³⁴ Zezi, Sadducee gııı sı agıdı whıle agòòlà ghq egıkw'o ekò Pharısee gııı sı ełegıde. ³⁵ Gıts'q dq ıle Nòhtsı Nıhtı'è k'èhoezq deè sı Zezi daehke t'à yeèhdzà. ³⁶ "K'àowo, Moses wenıhtı'è gots'q ayı nàowo denahk'e wet'àazà?" yèhdı.

³⁷ Zezi yets'ò hadı, " 'Naxıdzeè hazqò t'à, naxıdàazhı sı t'à, eyıts'q naxı sı t'à Nòhtsı weghqıahtq ha hqt'e.' ³⁸ Eyı nàowo t'akwelòq whezq sı denahk'e wet'àazà hqt'e. ³⁹ Nàowo wek'èè whezq sı dı hanı dek'eèhtı'è: 'Edeghqıahtq k'èè naxèot'ı gıghqıahtq ha hqt'e.' ⁴⁰ Moses wenıhtı'è eyıts'q nakwenàozq gııhtı'è hazqò eyı nàowo deè nàke sı ghq agedı ıle," Zezi gòhdı.

Christ wèts'edu sı amı weza hqt'e?

⁴¹ Pharısee gııı sı ełegà nàgeèhza ekò Zezi dagoehke, ⁴² "Christ wèts'edı sı weghq dàahwhq? Amı weza ne?" gòhdı. "K'àowocho Davıd Weza ne," gııhdı.

⁴³ Zezi gots'ò hadı, "Hanı-ıdè dånıghq k'àowocho Davıd Yedayeh Nezı dahxà 'sets'ò K'àowo' yèhdı, dek'eèhtı'è. K'àowocho Davıd yegħq dı hadı ıle:

⁴⁴ 'Gots'ò K'àowo, sets'ò K'àowo ts'ò hadı, Amı nets'ò xànegııza sı hazqò gıghqıhne anehle gots'ò, nàgòts'ehne segà wheqda,' dek'eèhtı'è.

⁴⁵ K'àowocho Davıd 'sets'ò K'àowo' yèhdı, hanı dek'eèhtı'è nıde dånı yeza elı weli?" Zezi gòhdı. ⁴⁶ Agıdı whıle agejà. ıızhagıııı agedle ha gıwq-le t'à, ekò gots'q t'ası ghq Zezi dageehke-le agejà.

23

Zezi k'aodèe goghqnatııq

¹ Eyı t'axqò Zezi dq hazqò eyıts'q edecheekeè ts'ò dı hadı: ² "Nòhtsı-yatı-k'ègedı-dq eyıts'q Pharısee gııı sı Moses wenıhtı'è dahxà gogede. ³ Eyıt'à gık'èaht'e eyıts'q dånaxègedı k'èè eghàlaahda. Hanıko dånı dq hogħaèehtq k'èè geeda nıle

t'à, dànì k'ehogezaa sù gixèahzì-le. ⁴ Xeh nedàa dọ gha gehtsì lanì, hanìkò ededì nagìage ha gùwọ-le.

⁵ “Dọ nadaà zọ nezì k'ehogezaa. Hòt'ò-yagehtu-dọò ats'ùt'e dọ hagogùhwhọ ha gùwọ t'à gít'à yagehtu-tọq edek'e gehłaa sù nechà agehzi eyits'ọ edezeèlọ wekwè nedè agehzi. ⁶ Nàsì holè-ıdè ıdaà daèhchì whelaa eyits'ọ elègehdeè-kò goyì dọ wet'àazàa gha daèhchì whelaa sù k'e geèhk'w'e ghageewı. ⁷ Kòta k'egedè nıdè dọ gots'ò nezì nageza xè 'K'àowo' gògedi gıgha nezì.

⁸ “Hanìkò naxì sù dọ 'K'àowo' naxègedi naxeguzi ha-le. K'àowo ıle zọ naxits'ọ họt'e, naxì hazọò elèot'ı aah't'e. ⁹ Eyits'ọ dọ wızi 'setà' wèahdı ha-le. Gotà ılaet'ee zọ gòhı, yak'e wheda họt'e. ¹⁰ Eyits'ọ 'hoghàehtọq-dọò' naxègedi naxeguzi ha-le. Dọ ıle zọ dọ hoghàgoehtọq elı họt'e, eyı sù Christ họt'e. ¹¹ Naxıta gots'ọ dọ denahk'e wet'àazàa sù naxıgha eghàlaedaa-dọò elı ha. ¹² Amı edeghọ xàhodı sù edeghọ ızhagıhı agedle ha, eyits'ọ amı k'èweèt'ı k'èè edaa sù weghọ xàdahodı ha.

¹³⁻¹⁴ “Naxì Nòhtsı-yatı-k'èahdı-dọò eyits'ọ Pharısee yàahı sù naxıgha hoıla nechà ha. Degai daahstı kò wek'èè aahda nıle! Nòhtsı Wenàowoò k'èè hòzọq sù dọ goyagedè ch'à dọ gıts'òh'k'e enıahchı. Naxì goyaahde nıle eyits'ọ dọ goyats'ıde gùwọ kò goyagedè agıahle-le.

¹⁵ “Naxì Nòhtsı-yatı-k'èahdı-dọò eyits'ọ Pharısee yàahı sù naxıgha hoıla nechà ha. Degai daahstı kò wek'èè aahda nıle! Hazọò nèk'e eyits'ọ tı sı k'e k'ehoahwho. Dọ ılaet'ea naxınàowoò k'èè eda ha dahwhọq sù hak'eaht'ı. Eyı dọ wegòahzọ nıdè naxınahk'e wehıza weahstı.

¹⁶ “Naxıdaà goılee kò dọ k'egıahzı t'à naxıgha hoıla nechà ha. Dọ gıts'ò dı haahdı, 'Dọ Nòhtsıkò-gocho wızi t'à yatı nàtsoo whehtsı nıdè wet'àazà nıle. Hanìkò sọmbaekwo Nòhtsıkò-gocho k'e whelaa t'à yatı nàtsoo whehtsı nıdè edeyatı k'èdı ha họt'e,' dahdı. ¹⁷ Naxı sù ezhıne laah't'e, ehkw'ı nàıahde-le. Ayı denahk'e wet'àazà? Nòhtsıkò-gocho hanı-le-ıdè sọmbaekwo Nòhtsıkò-gocho k'e whelaa t'à degai ihè? Nòhtsıkò-gocho sù denahk'e wet'àazà họt'e. ¹⁸ Eyits'ọ dı haahdı họt'e: 'Kwe-ladà k'e Nòhtsı ts'ò t'ası k'èek'òq sù eyı ladà wızi t'à dọ yatı nàtsoo whehtsı nıdè wet'àazà nıle,' dahdı, 'Hanìkò Nòhtsı ts'ò t'ası k'èek'òq sù t'à yatı nàtsoo whehtsı nıdè edeyatı k'èdı ha họt'e,' dahdı. ¹⁹ Ehkw'ı nàıahde nıle. Ayı denahk'e wet'àazà? Kwe-ladà, hanı-le-ıdè t'ası kwe-ladà k'e wek'eahk'ò t'à degai ihè? Kwe-ladà sù denahk'e wet'àazà họt'e. ²⁰ Eyı t'à amı kwe-ladà t'à yatı nàtsoo whehtsı nıdè t'ası hazọò wek'e whelaa sı t'à yatı nàtsoo whehtsı họt'e. ²¹ Eyits'ọ amı Nòhtsıkò-gocho t'à yatı nàtsoo whehtsı sù eyı kò-gocho zọ t'à yèhtsı nıle hanìkò amı yeyı nàde sı t'à yatı nàtsoo whehtsı họt'e. ²² Eyits'ọ amı yak'e

t'à yatı nàtsoo whehtsı nıdè Nòhtsı wedaèhchıcho eyıts'ò amı yek'e whedaa sı t'à yatı nàtsoo whehtsı họt'e.

23 “Naxı Nòhtsı-yatı-k'èahdı-dòò eyıts'ò Pharısee yàahıı sı, sı naxıgha hoıla nechà ha. Degai daahtsı kò wek'èè aahda nıle! İt'ò hazòò xàzaa nàahstı sı wets'ò hoòno ìlè Nòhtsı ghàahza. Hanikò nàowo wet'aazaa sı ts'ònahza-le. Dı sı nàowo wet'aaza họt'e: ehkw'ı ełesınıyats'ehtıı, etelets'eèzı eyıts'ò elets'ò ehkw'ı ts'eadaa. Eyı nàowo weghàlaahda ha họt'e ìlè eyıts'ò hòt'a ayı nezı weghàlaahdaa sı, weđ aahle ha-le. 24 Naxı sı naxıdaa goılee kò dò k'egıahzı! T'ası aahdòò sı weta ts'o nechà-lea xàahchı, hanikò ejie nechàa nàlaahla.

25 “Naxı Nòhtsı-yatı-k'èahdı-dòò eyıts'ò Pharısee yàahıı sı naxıgha hoıla nechà ha. Degai daahtsı kò wek'èè aahda nıle! Lıbò eyıts'ò kw'à weka zò nezı wek'enaahıtse, hanikò naxıdzeè yı aahdı-le xè t'aahwhò k'èè zò aahda. 26 Naxı Pharısee yàahıı sı naxıdaa goılee laahıt'e. Naxılıbò eyıts'ò naxıkw'à nezı weyı wek'enaahıtse ha họt'e, hanı-ıdè weka sı degoò ade ha.

27 “Naxı Nòhtsı-yatı-k'èahdı-dòò eyıts'ò Pharısee yàahıı sı naxıgha hoıla nechà ha. Degai daahtsı kò wek'èè aahda nıle! Kwe yı dòkw'òò whelaa k'è enıht'èti degoo t'à goat'èe laahıt'e. Mòht'a zò nezı wègaat'ı, hanikò weyı dòkw'òò ìhı whela. 28 Eyı lanı ehkw'ı aahda k'èè naxègaat'ı, hanikò naxıdzeè yı t'aats'òò hoahıt'ı k'èè aahda eyıts'ò hoıı-nàowoò k'èè nàılahdè.

29 “Naxı Nòhtsı-yatı-k'èahdı-dòò eyıts'ò Pharısee yàahıı sı naxıgha hoıla nechà ha. Degai daahtsı kò wek'èè aahda nıle! Naxı sı nakwenàozòò gıgha kwe yı dòkw'òò whelaa k'è gòahıtı eyıts'ò dò ehkw'ı geeda ìlè sı gıkw'òò k'è nezı sıgoahzı. 30 Edeghò dı haahdı: ‘Gocho geeda, ekıyeè k'e ts'ıdà nıdè gocho gıxè nakwenàozòò ełàats'ehde ha-le ìlè.’ 31 Haahdı ghàa naxıcho nakwenàozòò ełàagòııhdè sı gıts'ıhòò-dòò aahıt'e edèahdı, eyıt'à edek'e nıdahoahıt'à họt'e. 32 Eyıt'à hot'eè, naxıcho gıhoıı deghàa weghàlaahda!

33 “Naxı sı wehıı weza laahıt'e! Wehıkò ts'ò anaxedle ch'à edaxàahdè ha dahwhò nı? 34 Nakwenàozòò, dò gogızòò eyıts'ò dò-hoghàehtòò-dòò naxıts'ò agehle ha. Mòhdaa ełàagıahde xè dechıt'aa k'e gıdeàhtsò ha, mòhdaa ełègehdeè-kò goyı gık'eahkwa ha, eyıts'ò kòta yàgòlaa gıkaahwhò gà dagıahza ha. 35 Eyıt'à dı nèk'e dò hazòò ehkw'ı geadaa ełàagòııhdè sı eyı hazòò gha naxısınıyaetı ha họt'e. Abè ełàawıgwo gots'ò, nakwenàozòò Berekıah weza Zecharıah ełàawıgwo haıwa gots'ò, dò nezı hazòò ełàagòııhdè ìlè sı k'èxa naxısınıyaetı ha họt'e. (Zecharıah Nòhtsıkò-gocho eyıts'ò kwe-ladà wek'e Nòhtsı ts'ò t'ası k'èek'òò sı wege ełàawèahwho ìlè.) 36 Ehkw'ı anaxèehsı, naxı dòıı aahıt'ee sı eyı hazòò naxıts'ò hagode ha.

³⁷ “Jerusalem got'ji, nakwenàozqo naxits'ò adlâa sîi naxi kwe t'à eîaàgiahde hq̄t'e. K'àba edezaa edyts'qò t'a gòhîaà lanaxehle ha t'aats'qò hahwhq̄ kò naxi haahwhq̄-le. ³⁸ Hoti aàhkw'q, naxikò gokw'qò gòzqò agode ha. ³⁹ K'achî seahzî ha niile. ‘Gots'ò K'àowo wedahxà niitlâa sîi wexè sîghâ hq̄t'e, sèahdi gots'ò k'achî seahzî ha-le,” Zezi gòhdi.

24

Christ jò ts'ò anade ha nîkw'o nîdè ayî ghàà wek'èhoedzq̄ ha

¹ Zezi Nòhtsîkò-gocho gots'qò naèhtlâ ekò wecheekeè gits'ò geède, hagiîhdi, “Wajda, eyi kò-gocho sîi wèdaat'j,” giîhdi. ² Zezi gots'ò hadi, “Eyi kò-gocho wèdaat'j wèghàahda ni? Ehw'wî anaxèehsî, kwe jîè kò eîeka dawhela ha niile, hazqò hodàet'î ha hq̄t'e,” gòhdi.

³ Zezi shîh Olivet gòyeh ekò wheda ekò wecheekeè what-sqò gits'ò-ède, hagiîhdi, “Dàht'e-îdè hagode ha sîi gots'ò haidi, eyits'q̄ nq̄ode dzeq̄ jò anaq̄de ha nîkw'o nîdè ayî ghàà wek'èts'eezq̄ ha?” wecheekeè giîhdi.

⁴ Zezi gots'ò hadi, “Hoti kexoahdi, naxîghoyagîzà sqò. ⁵ Dq̄ lq̄ sîzî t'à-aget'j xè ‘Christ aht'e,’ gedi ha eyits'q̄ dq̄ lq̄ ghoyageezà t'à gogha ehkw'wî agedi ha. ⁶ Eîegegq̄ ghq̄ aàhkw'o ha, hanikò weghq̄ dahjî-le. T'akwèlq̄ eyi hazqò hagode ha hq̄t'e, hanikò ekòet'îi nq̄ode dzeq̄ k'e nèhòkw'wî ha niile. ⁷ Dîi nèk'e dq̄ hazqò xàzâa eîegegq̄ ha. Hazqò gots'ò bò while agode ha eyits'q̄ dèè hòt'ò nàgòidà ha. ⁸ Eyi hazqò hagode ha sîi ts'èko wezâa gòhlè ha nîkw'o nîdè t'akwèlq̄ wègha eya xèhoiwî sîi eyi lagode ha hq̄t'e.

⁹ “Ekîiyèè k'e nîdè k'aodèè t'aànaxegîile ha. Danax-egîihzâ xè eîaànaxegîihde ha. Sî sets'ihzq̄ dîi nèk'e dq̄ hazqò naxîdzagîihwhq̄ ha. ¹⁰ Ekîiyèè k'e dq̄ lq̄ gîgha ehkw'wî-ahodi-le agode ha, eyits'q̄ k'aodèè ghàtegîile ha eyi xè eîedzagîihwhq̄ ha hq̄t'e. ¹¹ Eyits'q̄ nakwenàozq̄ ehkw'wî agedi-le lq̄ agode ha, dq̄ lq̄ ghoyageezà ha. ¹² Dezqò dq̄ lq̄ nàowohî zq̄ gîwq̄ agode ha t'à dq̄ eîeghōnegeètq̄-le agede ha. ¹³ Hanikò amîi nq̄ode ts'ò wègha ehkw'wî-ahodî sîi edaxàeda ha. ¹⁴ Hazqò nèk'e Nòhtsî Wenàowoò k'èè hòzq̄ wègodîi nezîi dq̄ hoghàgogeehtq̄ ha. Hanî-îdè dq̄ hazqò godîi nezîi k'ègeezq̄ agede ha eyi t'axq̄-îdè nq̄ode dzeq̄ nèhòkw'wî ha.

¹⁵ “Nakwenàozq̄ Daniel t'asîihî ghq̄ jît'è jîèè sîi asîi we-naahdi? (Amîi yek'eyahtî sîi yeniedî weli.) Eyi t'asîihî sîi degai k'è gòzq̄ goyîi nàzâ ha, eyi wets'ihzq̄ degai k'è gòzq̄ sîi tsîgowî ha. ¹⁶ Ekîiyèè k'e nîdè dq̄ Judea nèk'e nàgedèè sîi shîhta ts'ò kwîguhde. ¹⁷ Eyi dzeq̄ k'e dq̄ edekq̄ dahmò ka wheda nîdè wekq̄ goyîi t'asîi whelâa ts'ò hodàwetlâ-le. ¹⁸ Eyits'q̄ dq̄

ededèè k'e eghàlaeda n̄dè edezèè n̄iṛah ha edekò n̄òwètla-le. ¹⁹ Eyì dzèè k'e n̄dè ts'èko chekoa xè hotù geeda-le eyits'ò bebìà t'ògeht'ò agehṛì s̄i, s̄i ḡixè hoila ha h̄ot'e! ²⁰⁻²¹ Ek̄iyeè k'e kw̄jahdè n̄dè d̄o hazòò s̄i daḡiṛa ha t'à N̄òhts̄i Dzèè k'e agode ha-le eyits'ò xo k'e agode ha-le gha yaahṫi. D̄u nèè hòèl̄i gots'ò d̄u dzèè ts'ò d̄o h̄aṫt'ò daḡiṛa while, eyits'ò k'ach̄i hanagode ha n̄iile. ²² Eyì hagode ha s̄i wegh̄onah̄ot'eè adl̄a-le n̄dè d̄o w̄iṛz̄i edaxàeda ha n̄iile. Han̄ikò am̄i N̄òhts̄i gòihch̄i s̄i ḡigha dzè l̄o-lea adle ha. ²³ Ek̄iyeè k'e n̄dè d̄o naxits'ò d̄u hagedi n̄dè, 'Christ j̄o wheda!' han̄i-le-ìdè 'Yeè wheda,' hagedi n̄dè, nax̄igha ehkw'ì agud̄i-le. ²⁴ D̄o m̄òhdaa hogets'ì t'à d̄u hagedi ha, 'Christ aht'e,' han̄i-le-ìdè 'Nakwenàozòò aht'e,' hagedi xè en̄iyah nechàa hogehts̄i ha. D̄o gh̄odageehnè ha d̄iile n̄dè N̄òhts̄i d̄o gòihch̄i s̄i eyì kò gogh̄odageehnè ha. ²⁵ Han̄ikò hagode kwe naxits'ò haehs̄i s̄i hotù wenaahd̄i n̄ò.

²⁶ "Eyit'à, 'Ek̄i-ka nèk'e ek̄o wheda,' d̄o naxits'ò hagedi n̄dè, ek̄o aahdè-le. Han̄i-le-ìdè, 'J̄o kò goȳi wheda,' ged̄i n̄dè nax̄igha ehkw'ì agud̄i-le. ²⁷ K'àbatsòò gots'ò kò-nait'ì n̄dè d̄aṛ ts'òòhk'e d̄o n̄agedèè s̄i eded̄i kò geṛi ha; D̄o-wet'àazàa-deè j̄o ts'ò anajà n̄dè eyì lagode ha. ²⁸ Ed̄i t'as̄iweè whedaa s̄i ek̄o tatsògaa elègehde h̄ot'e.

²⁹ "Han̄i d̄o ḡixè hoila t'axòò-t'ìi sa daaz̄a-le agode ha, adzèzah xè togoòt'ò agode ha, eyits'ò whò hazòò hodàet'ì xè yat'a hòt'ò n̄agòidà ha.

³⁰ "Eyì dzèè k'e D̄o-wet'àazàa-deè yat'a wègoèht'ì ha eyits'ò d̄u nèk'e d̄o hazòò geeṛi xè getse ha. D̄o-wet'àazàa-deè en̄iyah t'à n̄atso xè k'oh k'e n̄iṫla geṛi ha. ³¹ Dech̄ish̄i hòt'ò ded̄i ek̄iyeè k'e n̄dè, D̄o-wet'àazàa-deè edeyak'eet'ì d̄u nèk'e hazòò welò ts'ò gohza ha, N̄òhts̄i d̄o gòihch̄i s̄i n̄àgogehts̄i ha.

³² "J̄iechots'ì weghàà d̄u han̄i hogh̄anaxeht̄o: Ts'ì wets'ìhch̄i dez̄h̄i-le at'ì xè wets'ò j̄t'òṛ xàlaekè n̄dè hòt'a j̄mbè agode ha ts'ò whaà-le wek'èts'eezò h̄ot'e. ³³ Eyì xèht'eè t'as̄i hazòò gh̄o goihdee s̄i weghàahdaà aahj̄a n̄dè weghàà eyì dzèè ts'ò n̄iwà-le nèhòkw'o h̄ot'e wek'èahs̄o ha. ³⁴ Ehkw'ì anaxèehs̄i, ek̄iyeè k'e d̄o geedaa s̄i eyì hazòò hagode kwe elààgede ha n̄iile. ³⁵ Yak'e eyits'ò dèè while agode ha h̄ot'e, han̄ikò seyati w̄iṛz̄i s̄i while ade ha n̄iile.

Ayì dzèè k'e agode ha s̄i wek'èhoedzò n̄iile

³⁶ "D̄o w̄iṛz̄i ayì dzèè k'e agode ha s̄i yek'èezò n̄iile, yak'eet'ì kò ḡik'èezò n̄iile, eyits'ò N̄òhts̄i Weza eded̄i kò yek'èezò n̄iile, han̄ikò N̄òhts̄i-Gotà eded̄i z̄o yek'èezò h̄ot'e. ³⁷ D̄o-wet'àazàa-deè n̄iṫla n̄dè t'akwe Noah d̄u nèk'e n̄àidè ekò dàn̄i d̄o ḡud̄aa s̄i eyì xèht'eè lagode ha. ³⁸ Dèè te teèt'ì kwe d̄o shègezhe, ged̄o, eyits'ò elèxè honigedè j̄lè. Noah elàcho yiet̄la gots'ò hagiāt'ì. ³⁹ Ḡixè dàgode ha ḡik'èezò-le, h̄otsaa ḡixè dèè te teèt'ì, d̄o hazòò

tɪ t'à ɛlaàgɪdè. Dɔ-wet'aaʔaa-deè niitlaa dzeè k'e nɪdè hotù eyɪ lagode ha hɔt'e. ⁴⁰ Ekɪyee k'e dɔ nàke dèè k'e eghàlageeda sɪ jè nɪwɪtè ha, eyɪts'ɔ jè aida ha. ⁴¹ Eyɪts'ɔ ts'èko nàke ɛlexè lè nàgeede sɪ jè nɪwɪtè ha, eyɪts'ɔ jè aida ha.

⁴² “Eyɪt'à kexoahdɪ! Ayɪ dzeè k'e naxɪts'ò K'àowo jɔ niitla ha sɪ wek'èahsɔ nɪle. ⁴³ Eyɪt'à dɪ wedaàniàhdè: Edahxɔ dɔ wekò enìxàgɪzɪ ts'ɪdɪ. Dɔ wekò gòʔɔ sɪ ayɪ sadzeè k'e eeʔɪ-dɔ yekò enìxàezɪ ha yek'èezɔ nɪdè, wekò enìxàgeezɪ ch'à kexoehdɪ ha jè. ⁴⁴ Naxɪ sɪ, Dɔ-wet'aaʔaa-deè ayɪ sadzeè k'e wexaahɪ-le sɪ k'e niitla ha ne t'à, wegħa ts'atà dahkw'e ha hɔt'e.

⁴⁵ “Dɔ nezɪ aahɪ xè goahsò k'ehoahʔa. Eyɪ hanɪ dɔ sɪ wets'ɔ k'àowo edecheekeè hazò ts'ò k'àowoò ayele ha. Wegħ shèt's'ezhee gɪwɔ nɪdè goghàʔeedɪ ha. ⁴⁶ Wets'ɔ k'àowo nòɔtla nɪdè wecheekeè hanɪ yegħa eghàlaeda yaʔɪ nɪdè, eyɪ dɔ wexè sìghà ha hɔt'e. ⁴⁷ Ehkw'ɪ anaxèehsɪ, eyɪ k'àowo sɪ t'asɪ hazò wets'ɔ sɪ yets'ò k'àowo ayele ha. ⁴⁸ Ekò edahxɔ eyɪ dɔ wejɪ t'à, edets'ò dɪ hadɪ, ‘Sets'ò k'àowo whaà ts'ɔ wewħile,’ ⁴⁹ eyɪt'à k'àowo wecheekeè dagòhʔa eyɪts'ɔ ededɪ shètɪ xè yedɔ zɔ k'alawo. ⁵⁰ Wets'ɔ k'àowo dàht'e nòɔtla ha yexaelɪ-le dzeè k'e hɔtsaa niitla ha. ⁵¹ K'àowo hòt'ò nàyeekħwa ha eyɪts'ɔ dɔ degaɪ degeetsɪ sɪ gota whedaà ayele ha. Ekò dɔ getse xè gɪgha hoɪla ha.

25

T'eekea hoòno gɪgodɪ

¹ “Ekɪyee k'e nɪdè Nòhtsɪ Wenàowoò k'èè dɪ lagode ha: T'eekea hoòno tleèk'òɔ xè xàgeède gà mòht'a dɔzhɪ honɪda ha sɪ k'enageehʔɪ. ² T'eekea sɪlà sɪ gogɪzɔ-le eyɪts'ɔ sɪlà sɪ gogɪzɔ. ³ T'eekea gogɪzɔ-le sɪ tleèk'òɔ edexè k'egele, hanìkò tleħ deʔò k'egele-le. ⁴ Ekò t'eekea gogɪzɔ sɪ tleèk'òɔ eyɪts'ɔ tleħ deʔò edexè k'egele. ⁵ Eyɪ dɔ honɪda ha sɪ whaà gɪk'èenaehʔɪ ts'ɪhʔò, begeèxɪ agejà t'à geète.

⁶ “Totanɪ nɪʔɔ ekò dɔ whezeh, hadɪ: ‘Dɔ honɪda ha sɪ niitla ha nɪkw'o! Jɔ weda ləʔ niàhdè!’ hadɪ.

⁷ “Ekòet'ɪ t'eekea hazò ts'ɪgɪdè, edets'ɔ tleèk'òɔ nezɪ dèk'ò agɪlà. ⁸ T'eekea gogɪzɔ-le sɪ t'eekea gogɪzɔ ts'ò hagedɪ, ‘Gots'ɔ tleèk'òɔ nadaakwe t'à, tleħ mòhdaa goghàahdɪ,’ gògedɪ.

⁹ “Hanìkò t'eekea gogɪzɔ sɪ gots'ò hagedɪ, ‘Jle, hats'ele ha dɪ, hazò gogħa tleħ degħàà ade ha-le. Edegħa tleħ dɔ ghò nàahdɪ,’ gògedɪ.

¹⁰ “Tleħ nàgehdɪ ha ekò geède gɪt'axò dɔ honɪda ha sɪ eyɪ niitla. T'eekea ts'atà gɪdageèkhw'ee sɪ nàsɪ holè ha eyɪ dɔ xè kò goyageède gà enìgɪghè.

11 “Sìghajwaà t'axòò t'eekea goguzò-le sù eyi nègùde, hagedi, 'K'àowo! K'àowo! Gots'ò enixàichì!' gedi.

12 “Hanikò gots'ò hadi, 'Ehkw'i aehsi, naxik'èehsq-le,' gòhdi.

13 “Eyt'à edexoahdi! Ayù dzèè k'e eyits'ò ayù sadzeè k'e hagode ha sù wek'èahsq nùle,” Zezi hadi goxè godo.

K'àowo eyits'ò wecheekeè tai gùgodù

14 Zezi hadi, “Nòhtsi Wenàowoò k'èè dù hani hòzò ha: Dò ahxee jè t'asù gòowà ts'ò kòtaetla kwe dò hazòò yegha eghàlaidè sù gokayahtù gà t'asù hazòò wets'ò sù ts'ò k'ahogedè agòòlà. ¹⁵ Sùlài-lemì satsòà dekwoo edecheekeè jè ghàila, k'achì nàke-lemì satsòà dekwoo edecheekeè jè ghàila eyits'ò k'achì, jè-lemì satsòà dekwoo edecheekeè jè ghàila. Dànì nezù eghàlageeda k'èè satsòà dekwoo gotaàwhela. Eyi t'axòò nùwà kòtaetla. ¹⁶ Wecheekeè sùlài-lemì satsòà dekwoo weghòzhaa sù ekòet'ù eyi sòmba t'à eghàlaidà. Yet'à sùlài-lemì satsòà dekwoo dezoatlo whehtsi. ¹⁷ Eyi xèht'eè wecheekeè nàke-lemì satsòà dekwoo weghòzhaa sù yet'à nàke-lemì satsòà dekwoo dezoatlo whehtsi. ¹⁸ Hanikò wecheekeè jè-lemì satsòà dekwoo weghòzhaa sù dèè yù gòòzà ayùllà gà edets'ò k'àowo wesòmbaà wek'èhodù ha dèè goyù yùwa.

19 “Whaà hoòwo t'axòò eyi dò gits'ò k'àowo nòotla t'à wesòmbaà dàgùlaa sù yeghò dagoehke. ²⁰ Wecheekeè sùlài-lemì satsòà dekwoo weghòzhaa sù wexètlo sùlài-lemì yèhtsi sù hazòò edets'ò k'àowo gà nèyùwa, hayèhdi, 'Sets'ò k'àowo, sùlài-lemì satsòà dekwoo t'à eghàlaidà asèneelà jè. Jò weghàida, eyi wet'à k'achì sùlài-lemì whihtsi,' yèhdi.

21 “Wets'ò k'àowo hayèhdi, 'Secheekeè nezù anet'e, nezù eghàlainedà! T'asù lo-lea t'à nezù eghàlainedà k'èxa t'asù lo gha k'àiwoò anehle ha. Sexè nìnà welè!' yèhdi.

22 “Wecheekeè nàke-lemì satsòà dekwoo weghòzhaa sù ededì sù edets'ò k'àowo ts'ò èhtla, hayèhdi, 'Sets'ò k'àowo, nàke-lemì satsòà dekwoo t'à eghàlaidà asèneelà. Jò weghàida, eyi wet'à k'achì nàke-lemì whihtsi,' yèhdi.

23 “Wets'ò k'àowo yets'ò hadi, 'Secheekeè nezù anet'e, nezù eghàlainedà! T'asù lo-lea nezù weghàlainedà k'èxa t'asù lo gha k'àiwoò anehle ha. Sexè nìnà welè!' yèhdi.

24 “Eyi t'axòò wecheekeè jè-lemì satsòà dekwoo weghòzhaa sù edets'ò k'àowo ts'ò èhtla, hayèhdi, 'K'àowo, dò dù anet'e nek'èehsq. T'asù dehshe gha t'asù dèè k'e nèneelale kò, wets'ò t'asù dèhshòò sù ihchì. ²⁵ Nets'èhji t'à dèè goyù nesòmbaà nàehzi. Jò nesòmbaà hazòò whela,' yèhdi.

26 “Wets'ò k'àowo hayèhdi, 'Secheekeè jùnu anet'e xè gots'ùdì. Dò dù aht'e sek'èizò. T'asù dehshe gha t'asù nèehla-le kò wets'ò t'asù dèè k'e dèhshòò sù ihchì. ²⁷ Dò dù aht'e sek'èizò

nɪdè dānìghò sesòmbaà, sòmba-dehshee-kò nēneela-le nòò? Hani-ɪdè jò anahjà nɪdè sesòmbaà eyits'ò sòmba we-taekw'ɪ sù elèxè naihchi ha jìlè, yèhdi.

28 “Eyt'a k'àowo edecheekeè eyi-le gots'ò hadi, 'Wesòmbaà weghò niahwha. Secheekeè hoònò-lemì satsòà dekwoo wets'ò sù weghàahle,' gòhdi. 29 Amì t'asì wets'ò sù t'asì deʒòatìò weghàzhe ha hòt'e, hani-ɪdè t'asì deʒòatìò wets'ò ade ha. Hani-kò amì t'asì wets'ò-le sù t'asì lò-lea wets'ò kò weghò ìchi ha hòt'e. 30 Eyi secheekeè wet'àazà-le sù togoòt'ò gòʒòò ts'ò xàweahxà. Ekò dò getse xè gìgha hoilà ha,' k'àowo gòhdi,” Zezi hadi gòxè godo.

Gosɪniyaetu dzeɛ k'e nɪdè

31 Zezi hadi, “Dò-wet'àazàa-deè eniyyah t'à nàtso xè nùitla nɪdè, wets'ò yak'eet'jì gixè at'ɪ ha, eyits'ò yak'e gots'ò k'àowocho elì xè ededaèhchìcho k'e wheda ha. 32 Dii nèk'e dò hazòò xàʒaa wenadaà lãà elègehde ha. Sahzòà eyits'ò ejie lats'igewa lanì dò hazòò lats'igòwa ha. 33 Sahzòà hazòò nàgòts'ehnéè nègòwa ha eyits'ò ejie hazòò gots'jhts'ò nègòwa ha.

34 “Eyi t'axòò-ɪdè k'àowocho dò nàgòts'ehnéè nàgeèhzaa sù gots'ò dii hadi ha, 'Jò aahde, Setà naxìxè sìghà aniwò hòt'e. Dii nèè hòèlì gots'ò Nòhtsì Wenàowoò k'èè hòʒòò naxìda sìnìhòt'òò sù ts'ò goyaahde. 35 Bò ghaehwhì ekò t'asì ghò shèhtì seghàahdi jìlè. Tì ghaehwhì ekò tì seghàahdi jìlè. Naxìkòta xàhtò ehì ekò naxìkò ts'ò asèahlà jìlè. 36 Goht'ò sets'ò-le ekò goht'ò seghàahla jìlè. Eyaehì ekò sek'èahdi jìlè. Eyits'ò dò-daniìlaa-kò whihda ekò sets'àwhaahde jìlè,' hagòhdi ha.

37 “Dò ehkw'ɪ geedaa sù gits'ò dii hadi ha, 'Gots'ò K'àowo, dàht'e bò ghajwì t'à newàts'jidi nòò? Dàht'e tì ghajwì t'à tì neghàts'jidi nòò? 38 Dàht'e gokòta xàhtò nelì t'à gokò ts'ò anets'jilà nòò? Dàht'e goht'ò nets'ò-le t'à goht'ò neghàts'jilà nòò? 39 Dàht'e eyanelì nets'aʒì nòò? Eyits'ò dàht'e dò-daniìlaa-kò wheèda t'à nets'àts'ede nòò?’ hagedi ha.

40 “K'àowocho hagòhdi ha, 'Ehkw'ɪ anaxèehsì, sechi dek'aʒì elì sù wegha ayì dàahlàa sù sì segha haahlà hòt'e,' gòhdi ha.

41 “Eyi t'axòò-ɪdè k'àowocho dò gots'jhts'ò nàgeèhzaa sù gots'ò hadi ha, 'Sets'òò naahde, naxìxè hoilà hòʒòò ha hòt'e. Welò while ts'ò kò dèk'òò wehì eyits'ò weyak'eet'jì gidagòʒòò sù ts'ò aahde. 42 Segha ayì dàahlà k'èxa naxìts'ò hagode ha. Bò ghaehwhì ekò t'asì weghò shèhtì seghàahdi-le jìlè. Tì ghaehwhì ekò t'asì ts'edò seghàahdi-le jìlè. 43 Naxìkòta xàhtò ehì ekò naxìkò ts'ò asèahlà jìlè. Goht'ò sets'ò-le ekò goht'ò seghàahla-le jìlè. Eyaehì ekò eyits'ò dò-daniìlaa-kò whihda ekò sets'àwhaahde-le jìlè,' gòhdi ha.

44 “Ededi sɪ gits'ò hagedi ha, ‘Gots'ò K'àowo, dàht'e bò eyits'ò tɪ ghawɪ nets'aʔɪ nòq? Dàht'e gokòta xàhtò nelɪ nòq, dàht'e goht'ò nets'ò-le nòq, dàht'e eyanelɪ eyits'ò nedaàtò nòq? Eyits'ò dàht'e seè nets'ats'ɪ̀̀di-le nòq?” gùhdi ha.

45 “K'àowocho hagòhdi ha, ‘Ehkw'ɪ anaxèehsɪ, dɪ dek'aʔɪ gɪlɪ̀̀ nàgòts'ehnéè nàgèehzaa sɪ gɪgha t'asɪ haahlà-le nɪdè sɪ segha t'asɪ haahlà-le hɔt'e, gòhdi ha.

46 “Eyi dɔ gots'ɪ̀̀hts'ò nàgèehzaa sɪ welò while ts'ò dagɪ̀̀za ha, hanikò amɪ ehkw'ɪ edaa sɪ welò while ts'ò eda ha,” Zezi hadɪ goxè godo.

26

Zezi èlààgùhwhɪ ha sɪnìhogù̀̀zà

¹ Zezi eyɪ hazòqò hanɪ̀̀di ghò nòq't'e t'axòqò edecheekeè ts'ò hadɪ, ² “Dzèdèè Passover agode ts'ò nàke dzèqè while wek'èahsò hɔt'e. Ekɪ̀̀yèè k'e nɪdè Dɔ-wet'àazàa-deè k'aodèè t'àagùhtè ha eyts'ò dechɪet'aa k'e wedùtsò ha,” gòhdi.

³ Ekɪ̀̀yèè k'e yahtɪ-gha-k'aodèè eyts'ò qhdah gɪlɪ̀̀ sɪ yahtɪ-wet'àazàa-deè, Caiaphas wɪyeh, wekò gocho èlègùde. ⁴ Zezi èlààgùhwhɪ ha gɪwò t'à, dànɪ dɔ naàhtò dageechɪ ha sɪ ghò gogede. ⁵ Hanikò èlèts'ò hagedi, “Dzèdèè Passover ekɪ̀̀yèè k'e ats'ɪ̀̀le-le. Hats'ɪ̀̀là nɪdè dɔ nɪdahogù̀̀hdè ha sɔnɪ,” gedi.

Ts'èko Zezi k'e yik'èet'òo ayì̀̀là

⁶ Ekɪ̀̀yèè k'e kòta Bethany Zezi Simon wekò wheda ìlè. (Simon gokwò tàda t'à eyaelɪ ìlè.) ⁷ Ekò ts'èko kwetqà yɪ̀̀ yik'èet'òo dètɪ̀̀ k'èhtɪ̀̀ xè goyaèhtlà. Zezi ladà k'e shètɪ̀̀ ts'òet'ɪ̀̀lɪ̀̀ ajà gà yik'èet'òo yekwɪ̀̀ k'e ayì̀̀là.

⁸ Wecheekeè eyɪ ts'èko hajà gɪaʔɪ ekò gɪgha nezɪ-le, èlèts'ò hagedi, “Ayì̀̀ha eyɪ yik'èet'òo t'asɪ kaà-le nalayeèht'ɪ̀̀? ⁹ Sòqòmba lɔ k'èxa weghò nàedi gà eyɪ sòqòmba dɔ-teèt'ɪ̀̀ ghàyele ha ìlè,” èlèts'ò hagedi.

¹⁰ Ayì̀̀ ghò gogedee sɪ Zezi yek'èezq t'à gots'ò hadɪ, “Ayì̀̀ha dɪ ts'èko ts'ò sòahdi? Segha t'asɪ nezɪ̀̀ hayì̀̀là hɔt'e. ¹¹ Dɔ-teèt'ɪ̀̀ sɪ t'aats'òq naxìxè geeda ha hɔt'e, hanikò sɪ sɪ t'aats'òq naxìxè whɪhda ha nɪle. ¹² Dɪ yik'èet'òo sezɪ̀̀ k'e nalayeèht'ɪ̀̀ sɪ sekw'òq nìtɪ̀̀ dzèqè daà ayì̀̀là hɔt'e. ¹³ Ehkw'ɪ anaxèehsɪ, edɪ̀̀ nèk'e segodì̀ nezɪ̀̀ t'à èlèxè gogedoo sɪ dɪ ts'èko segha ayì̀̀ dàyì̀̀là sɪ weghò èlèxè gogedo ha hɔt'e. Ayì̀̀ dàyì̀̀là sɪ dɔ gɪnadi ha hɔt'e,” gòhdi.

Zhɪ̀̀dàà Zezi k'aodèè got'àyì̀̀htɪ̀̀

¹⁴ Eyi t'axòqò wecheekeè hoònq-daats'ò-nàke gots'ò ìlè, Zhɪ̀̀dàà-Isariyot wɪyeh sɪ yahtɪ-gha-k'aodèè ts'ò èhtlà, ¹⁵ hagòhdi, “Zezi naxit'àèhte k'èxa dàtòq sòqòmba sets'àzàhdi ha?” gòhdi. Eyit'à taènq satsqà degoo gɪgha gùhtà gà gɪghàwa.

16 Ekò gots'ò Zhidàà dànì Zezì k'aodèe gotl'aàyehtë ha sù gha naèhzi.

Zezi edecheekeè xè shètì

17 Passover dzeè xèhòwo ekò Zezì wecheekeè dageehke, hagedi, “Edì nàsì Passover ghò shètì ha? Negha sùgots'ele ha newò nì?” gùhdi.

18 Zezì gots'ò hadi, “Jerusalem ts'ò aahdè, ekò dọ ìlè ts'aaahdè, wets'ò haahdi, ‘Gots'ò K'òowo dù hadi: Segha nèhòkw'ì ts'ò whaà-le agòjà. Nekò secheekeè gixè Passover gha nàsì ehtsi ha, hadi, ‘hawèahdi,” gòhdi. 19 Eyi t'à Zezì dàgòhdi sù k'èè wecheekeè eghàlagùdà. Ekò Passover gha nàsì sìnìhogùzò.

Wecheekeè ìlè k'aodèe t'l'aàyìhtì

20 Xèhts'ò agòjà ekò Zezì eyits'ò wecheekeè hoònò-daats'ò-nàke shègezhe ha ladà gà nègùde. 21 Shègezhe ekò Zezì hagòhdi, “Ehkw'ì anaxèehsi, ìlè naxita whedaa sù k'aodèe t'l'aàsìhtè ha,” gòhdi.

22 Wecheekeè sù gìgha dùi agòjà, ełek'èdaà Zezì ts'ò hagedi, “K'òowo, sù asùdi-le nì?” gùhdi.

23 Zezì hagòhdi, “Amì sexè kw'àyìyà yì lèt'è tenahtsoo sù k'aodèe t'l'aàsìhtè ha. 24 Hotù Nòhtsi Nìhtl'è k'e dànì dek'eèhtl'è k'èè Dọ-wet'àazàa-deè ełàawì ha họt'e, hanìkò amì k'aodèe gotl'aàyehtë ha sù weggha hoìla nechà ha họt'e. Eyi dọ wegòhì-le nìdè denahk'e weggha nezi ha ìlè,” gòhdi.

25 Zhidàà, Zezì k'aodèe t'l'aàyehtë ha sù, hadi, “K'òowo, sù asùdi-le nì?”

Zezi yets'ò hadi, “Hèzè, nì anèehsi,” yèhdi.

26 Shègezhe ekò Zezì lèt'è nìchì gà yek'eèyàhtì. Eyi t'l'axòò lèt'è tàyyìzhì, edecheekeè goghàyìdì, hadi, “Dù lèt'è ààhchì, wegghò shèahzhe. Dù sezhi họt'e,” gòhdi.

27 Eyi t'l'axòò libò neyìghè gà yek'eèyàhtì eyits'ò k'achì edecheekeè goghàyìghè, hadi, “Wets'ò aahts'è. 28 Dù sedoò sù wet'à nakenahòdlì họt'e. Dọ lọ gha sedoò xàitl'ì, eyi wet'òò gìhoù gìghò nahoezhe ha họt'e. 29 Ehkw'ì anaxèehsi, dù nèk'e k'achì dù jìetì naxìxè nahdò ha-le. Setà wenàowoò k'èè hòzòò wexèhòwo nìdè naxìxè jìetì wegòò ehdò ha,” gòhdi.

30 Shì gìajì t'l'axòò shìh Olivet gòyeh ts'ò geède.

Peter Zezi k'èezò-le hadi ha

31 Ekò geèhkwe ekò Zezì gots'ò hadi, “Dù toò et'ì sets'ò dànàhòwo ha t'à naxì hazòò sets'òò kwìahdè ha. Dànì dek'eèhtl'è sù wek'èè agode ha:

'Sahzòq-k'èdù-dòò nàweehtl'ì ha eyits'ò sahzòq hazòò ehkègehà ha, 'dek'eèhtl'è.

32 Hanìkò naihdà t'l'axòò nìdè naxìnakweè Galilee nèk'e ts'ò ahde ha,” gòhdi.

33 Peter yets'ò hadi, “Dò hazòò nets'òò nageèhde kò sị nek'èè k'ehda ghò naht'è ha nùle,” yèhdi.

34 Zezi yets'ò hadi, “Ehkw'ì anèehsị, dı toò k'àba ezeh kwe, taà-eh't'aà sek'èizò-le nıdı ha họt'e,” yèhdi.

35 Hanikò Peter yets'ò hadi, “Nexè ełaeħwhı ha nòò kò, nek'èehsò-le dehsı ha nùle,” yèhdi. Wecheekeè hazòò, ededı sı, hagedi.

Zezi sù wegħa dıi xè Nòhtsı ts'ò yaħtı

36 Eyi t'axòò Zezi edecheekeè xè Gethsemana gòyeh ts'ò geède, gots'ò hadi, “Jò naahzı. Yahdaà nèehtła gà yaħtı ha,” gòhdi. 37 Peter eyıts'ò Zebedee weza nàke edexè goòwa. Sı wegħa dıi agòjà, hagòhdi, 38 “Sı segha dıi t'à ełaeħwhı ha lanı. Jò sedaahkw'e, kexoahdi,” gòhdi.

39 İdaà gòowà-lea nıitła, dèè k'e nàgòihgè xè hadıi yaħtı, “Setà, dıi-le nıdè dı t'ası wet'à dàihzaa sı sets'òò anele. Hanikò sıni k'èè welè-le; nıni k'èè welè,” Zezi hadıi yaħtı.

40 Yaħtı t'axòò edecheekeè tai goghò nòotła ekò geète nòò. Peter ts'ò hadi, “İlè sadzea kò sexè ts'ıgoahdi ha dıi nı? 41 Hoħı naxıdaèht'è ch'à edexoahdi xè yaaħtı, hanı-ıdè hoħı naxıdaèht'è ha-le. Naxıts'ò ıni ehkw'ı anıwò hanikò wek'èè aahda ha wèhoedi-le,” gòhdi.

42 Zezi k'achı yaħtı ha ekò naèhtła, hadıi yaħtı, “Setà, dı wet'à dàihza ha sıi wedè adle ha dıi nıdè, nıni k'èè welè,” Zezi hadıi yaħtı.

43 Edecheekeè goghò nòotła ekò sıi begeèxı t'à k'achı gete nòò. 44 K'achı İdaà gòowà-lea nıitła, tai t'à yaħtı, dàdı ılè sıi k'achı hanaedi.

45 Eyi t'axòò decheekeè gots'ò naèhtła, hagòhdi, “İlaà wheahte nı aah't'e? Hòt'a Dò-wet'aaazàa-deè sıi hoħı-hogeħtsı-dòò t'aagıhtè ha nıhoqwo. 46 Nıàhdè, nats'ıdè. Amıi hoħı-hogeħtsı-dòò ghàsihtè ha sıi jò nıitła,” Zezi gòhdi.

Zezi gıihchi

47 İlaà Zezi edecheekeè gots'ò gode et'ıi wecheekeè hoòno-daats'ò-nàke gots'ò ılè, Zhıdàà wıyeh, eyı nıitła. Dò ıq behcho eyıts'ò dechı k'egelee wexè nègıde. Yaħtı-gha-k'aodèe eyıts'ò qhdah gııı sıi dò eyı ts'ò gogııhza. 48 Zhıdàà, Zezi k'aodèe got'aahtè ha sıi, dò gıxè aget'ıı ts'ò dıi hadı ılè, “Dò weħts'ıı sıi eyı wèahchı,” gòhdi ılè. 49 Zhıdàà ekòet'ıi Zezi ts'ò èhtła gà yets'ò hadı, “Sets'ò K'àowo, nexè sighà welè,” yèhdi gà yııts'ı.

50 Zezi yets'ò hadı, “Àgıa, ayıi dānele għa anet'ıı sıi ıwhağ hanele,” yèhdi.

Eyıt'a dò hazòò Zezi gà nàgòihwho, dagıachı gà negıichı. 51 Eyi hagòjà ekò Zezi wecheekeè ılè behcho xāechı gà yaħtı-wet'aaazàa-deè wecheekeè ılè yedzeèbāa dachıhwho.

⁵² Zezi yets'ò hadi, "Nets'ò behcho deyì nàichì. Amì behcho t'à-at'ì sù behcho t'à elàawì ha hq't'e. ⁵³ Setà weehkè nìdè ekòet'ì yak'eet'ì ìlèakw'eènq-lemì sets'ò ayele ha wek'èahsq-le nì? ⁵⁴ Eyi weehkè nìdè, Nòhtsì Nìht'è k'e ayì dek'eèht'è sù wek'èè agode ha nùle," Zezi yèhdi.

⁵⁵ Eyi t'axqò Zezi dq nègùde sù ts'ò hadi, "Ayìha behcho eyits'ò dechì sets'ò k'eahle? Èlets'egò gha aht'ì dahwhq nì? Dze taat'eè Nòhtsìkò-gocho gà dq hoghàehtq ìlè, hanikò sèahchìle ìlè. ⁵⁶ Hanikò nakwenàozqò gùht'è k'èè agode ha t'à dū hagode ha t'ìt'e," gòhdi. Eyi t'axqò wecheekeè hazqò gùts'òq natùmogèhde, eyits'ò nakwìgeède.

Zezi weghò nàyaeti

⁵⁷ Dq Zezi dagiachì sù yahtu-wet'àazàa-deè, Caiaphas, wekò ts'ò geèhchì. Nòhtsì-yatù-k'ègedù-dqò eyits'ò qhdah gùlì sù ekò elègùde. ⁵⁸ Peter idè sìghajwàà gok'èè etlè, yahtu-wet'àazàa-deè wekò gà kwekwì nawheza ts'ò gok'èè nùtla. Ayì dàgot'ì yek'èezq ha nìwq t'à goyaèhtla gà enìtq-k'ègedù-dqò gogà dèhkwa.

⁵⁹ Yahtu-gha-k'aodè eyits'ò k'aodè yàgùlì hazqò Zezi elàgùhwhì ha gùwq. T'asìjù t'à Zezi k'e nìdahogeezà ha dq dageehke. ⁶⁰ Dq lq gonadaqà nègùde, gùghq hogets'ì kò t'asì t'à gik'e nìdahogeezà ha gogùhìzq-le.

Nqode t'à dq nàke gogùde, hagedi, ⁶¹ "Eyi dq dū hadi ìlè, 'Nòhtsìkò-gocho wedìhohtsì ha eyits'ò tai dzeè k'ehqowò nìdè nagohtsì ha,' hadi ìlè," gedi.

⁶² Eyi t'à yahtu-wet'àazàa-deè nùtla gà Zezi ts'ò hadi, "Dq neghq dàgedu sù wek'e xayajhtì ha-le nì? Dq ayì nek'e nìdahogeezàa sù weghq dàidi ha?" yèhdi. ⁶³ Hanikò Zezi xayajhtì-le.

Eyi t'à yahtu-wet'àazàa-deè hayèhdi, "Nòhtsì edaa sù wùzì dahxà gots'ò ehkw'ì gojde. Nòhtsì Weza, Christ anet'e nìdè gots'ò hajdi," yèhdi.

⁶⁴ Zezi yets'ò hadi, "Hèzè, nì hajdi ne. Idaà nìdè Dq-wet'àazàa-deè Nòhtsì t'asì wegga dī-le sù yegà nàgòts'ehnéè whedaa weahzì ha. Idòò yak'e gots'ò k'oh xè nùtla ha," yèhdi.

⁶⁵ Hadì t'à yahtu-wet'àazàa-deè sù wek'èch'a t'à edezèè tàhdla gà dq hazqò ts'ò hadi, "Nòhtsì k'èch'a xayajhtì hodeè! Hòt'a k'achì dq gik'e nìdahogeezà-le kò. Naxì xàè weyatù ààhkwo hq't'e. ⁶⁶ Dànì wesinìyahti ha dahwhq?" gòhdi.

"Dàdì sù k'èxa elàawì ha hq't'e," gedi.

⁶⁷ Eyi t'à wù k'e geezè eyits'ò nàgeeht'ì. Dq mòhdaa nàgeekà xè ⁶⁸ hagùhdi, "Christ, nakwenàozqò anet'e nìdè amì nànjht'ì sù gots'ò hajdi," gùhdi.

Peter Zezi k'èezq-le hadi

⁶⁹ Ekìyee k'e Peter eyi kò gocho gà mòht'a wheda ìlè. T'eekea eyi eghàlaedaa sù yegà nùtla hayèhdi, “Nì sù Galilee got'ì Zezì xè anet'ì ìlè,” yèhdi.

⁷⁰ Hanikò dọ hazọ gonadaà hadi, “Ìle, sù aht'ì nùle. Ayì ghọ aidi sù wek'èehsọ-le,” yèhdi.

⁷¹ Eyì t'axọ xàgòzàa k'è gà nùtla. K'achì t'eekea eyi-le ekọ yaṛì t'à dọ eyi nàgèehzaa sù gots'ọ hadi, “Dù dọ, Nazareth got'ì Zezì xè at'ì ìlè,” gòhdi.

⁷² K'achì yatì nàtsoo t'à Peter hadi, “Ìle, sù aht'ì nùle! Eyì dọ wek'èehsọ nùle!” hadi.

⁷³ Whaà-lea t'axọ dọ mọhdaa eyi nàgèehzaa sù Peter ts'ọ geède, hagiùhdi, “Ehkw'ì t'à, wecheekeè ìlè anet'e ne, neyatì ghàà wek'èets'eezọ,” giùhdi.

⁷⁴ Peter yatì nàtsoo t'à hadi, “Ehkw'ì aehsì-le nùdè wek'èexa sega hoila welè. Eyì dọ wek'èehsọ nùle!”

Hadì ts'ọet'ì k'àba whezeh. ⁷⁵ Hanì et'ì Peter, Zezì dàdì ìlè sù yenadi. “K'àbacho ezeh kwe, taà-eh't'aa sek'èizọ-le nùdì ha,” yèhdi ìlè. Peter xàèhtla gà sù ededzeè t'à ìtsè.

27

Zhidàà dadèhdi

¹ K'omọdọdọ et'ì yahtì-gha-k'aodè eyits'ọ ọhdah giù sù Zezì ẹlawa ha gisiniyahtì. ² Wilà ẹket'ì agùlà t'axọ ekọ gots'ọ nageèhchì gà k'àowo Pilate t'aa giùhtì.

³ Zhidàà, Zezì k'aodè got'ì aayiùhtì sù, Zezì ẹlaguehwhì ha gisiniyahtì yeghọ iùkw'o ekò wegga dii xè edek'eeì. Eyit'à yahtì-gha-k'aodè eyits'ọ ọhdah giù sù gots'ọ naèhtla gà satsọ degoo goghọyiwa. ⁴ Hagòhdi, “Dọ ekọ-le eghàlida-le kò sọmba k'èxa naxit'ì awiùhtì t'à hoìù hòwhihtì,” gòhdi.

“Nì nets'ọ hoèlì ne,” giùhdi.

⁵ Eyit'à Zhidàà sọmba Nòhtsìkọ-gocho goyayeèhde gà t'asù dadèhdi.

⁶ Yahtì-gha-k'aodè sọmba negiwa gà ẹlets'ọ hagedi, “Dù sọmba wet'à dọ ẹlọwo ne t'à Nòhtsìkọ-gocho gha sọmba-tọ yì ts'ùwa nùdè gonàowo k'èch'a ha hot'e,” hagedi. ⁷ Ẹlets'ọ gogede t'à eyi sọmba t'à kwetọ-ehstì-dọ ghọ dèè nageehdi ha gedi. Eyì dèè k'e dọ ẹladì gikw'ọ whelaa k'è gogehtì ha. ⁸ Eyit'à eyi dèè sù Akeldama giùhdi. (Gi yatì k'èè “Dèè k'e Edoò ajà” gedi-agedi.) ⁹ Eyì sù nakwenàozọọ Jeremiah weyatì k'èè agode ha t'à agòjà, dù hadì ìlè: “Eyì taenọ satsọ degoo negiwa. Eyì sọmba haàtìdọ k'èxa Israel got'ì gik'e nìzọ hot'e. ¹⁰ Eyits'ọ eyi sọmba t'à kwetọ-ehstì-dọ ghọ dèè nageehdi. Nòhtsì dàsèhdi sù wek'èè eghàlagidà,” hadì dek'èèht'è.

K'àowo Pilate Zezì siniahtì

11 Ekìyèè k'e Zezi k'àowo Pilate nadaà nàwo. K'àowo Pilate dayeehke, hayèhdi, "Israel got'ì gha k'àowocho anet'e nì?"

Zezi yets'ò hadi, "Hèzè, dàidu sù k'èè họt'e," yèhdi.

12 Yahtu-gha-k'aodèe eyits'ò qhdah gùlù sù Zezi k'e nìdahogèhzo ekò gots'ò t'asadi-le ìlè. 13 Eyit'à k'àowo Pilate dayeehke, "Nek'e nìdahogeezà, asìì gùkw'o?" yèhdi. 14 Zezi k'e nìdahogeezà kò yegho wùzù xàyahù-le t'à, Pilate wegga sù enìyah dii.

15 Dzèdè Passover k'e nìdè dèe-ts'ò-k'àowo ginàowoò k'èè dọ ìlè wedaètqọ sù dọ ts'ò xàetlāà ayehzì. Amì ayele ha sù dọ hazqọ ededì dọ gihchii agohzì. 16 Ekìyèè k'e dọjii Barabas wiyeh wedaàniqọ ìlè. 17 Eyit'à dọ hazqọ elèxè mòht'a nàgèehza ekò k'àowo Pilate gots'ò hadi dagoehke, "Amì naxits'ò xàetlāà awehlè ha dahwhq: Barabas hanì-le-ìdè Zezi, Christ wèts'edù sù?" Pilate gòhdi. 18 Zezi ghq ts'ohogeedi t'à Zezi git'ahù họt'e Pilate gok'èezọ.

19 K'àowo Pilate dọ-sinìyaehtu daèhchii k'e wheda ekò wets'èkèè yets'ò yatì nìzq, hayèhdi: "Eyì dọ t'asawùle-le, ekq-le wùzù hòèhtsì nùle. Dii dzèè wegghò nàwhihtì t'à sù daihza," yèhdi.

20 Hanikò yahtu-gha-k'aodèe eyits'ò qhdah gùlù sù dọ hazqọ ghodageèhno. Eyit'à dọjii Barabas xàetlā ha gùwq eyits'ò Zezi elāàgùhwhi ha gùwq.

21 K'àowo Pilate dagoehke, hagòhdi, "Dii dọ nàke sù amì naxits'ò xàetlāà awehlè ha dahwhq?"

Dọ hazqọ hagedi, "Barabas gots'ò xàetlāà awùle," giihdi.

22 Eyit'à k'àowo Pilate dagoehke, "Ekò dii dọ Zezi, Christ wèts'edù sù, dàwehlè ha?" gòhdi.

Dọ hazqọ hagedi, "Dechjet'aa k'e wediùhtsò!" gedi.

23 K'àowo Pilate dagoehke, "Ayì gha? Ayì hoila hòèhtsì k'èxa?" gòhdi.

Hanikò k'èdaà hòt'ò yagìzeh, hagedi, "Dechjet'aa k'e wediùhtsò!" giihdi.

24 Dọ hazqọ hòt'ò nàdahogèhdè t'à k'àowo Pilate goghqdaehnè ha dii yek'èhoèhza. Eyit'à tì ìhchì gà dọ hazqọ gonadaà edilà k'enahùtso, hadi, "Dii dọ wedoò nàhàet'ì sù sù set'à nùle. Naxì naxits'ò hoèlì họt'e!" gòhdi.

25 Dọ hazqọ gits'ò hagedi, "Hèzè. Eyì dọ wedoò nàhàet'ì nìdè goza eyits'ò goxì gots'ò hoèlì họt'e!" giihdi.

26 Eyit'à k'àowo Pilate, Barabas dọ ts'ò xàèhtlāà ayìlā, hanikò Zezi nàweekwaà ayìlā eyits'ò dechjet'aa k'e wediùtsò ha eghq-dqò got'ahùhtì.

27 K'àowo Pilate wets'ò eghòq-dò Zezi Praetorium gòyeh ts'ò geèhchì, ekò eghòq-dò lò wemòò nègùdeè agògìlà. 28 Wegòht'òò yì xàgùhtì gà k'àowochozèè dek'o-dezòò yì gùhtì. 29 Eyì t'axòò ɪchìghòò degeèt'ì t'à kwit'ù gèhtìsì gà Zezi wekwì k'e nègeèchì. K'àowocho wetèh lanù dechì nàgòts'ehnèè ts'ò nàyutò agìlà gà gits'ò nàgòhge, gik'adaedè, haghìdì, "Israel got'ì gha k'àowocho weghàsòts'eedì!" gedù yagizeh. 30 Gik'e geezè, k'àowocho wetèh gìghò negùchì gà wet'à wekwì k'e nàgeèht'ì, k'èdaà wekwì nàgeèht'ì. 31 Hanì gik'alajèè t'axòò k'àowochozèè yì xàgùhtì gà wegòht'òò yì nagùhtì. Eyì t'axòò dechìet'aa k'e wedùtsò ha ts'ò geèhchì.

Zezi dechìet'aa k'e wedùtsò

32 Jerusalem gots'òò xàgeède ekò kòta Cyrene got'ì ìlè giazì, Sìmon wiyeh. Eghòq-dò Zezi gha dechìet'aa naet'ì agìlà. 33 Eyì t'axòò Golgotha gòyeh ekò nègùde. (Golgotha gedù sù "dò kwìkw'òò k'è" gedù-agedì.) 34 Jìetì eyìts'ò tìhì eleta Zezi ghàgùdì, mòhdaa wewàhòòdì hanìkò yets'è ha nìwò-le. 35 Zezi dechìet'aa k'e dexegùhtìsò t'axòò wegòht'òò eletaageelè gha eghòq-dòò ekw'òà k'egèhdè. 36 Eyì t'axòò deè k'e geèhk'w'e gà gixoehdì. 37 Ayì gik'e nìdahogìzòò sù dek'enègùt'è gà wekwì godoo dawhetòò agìlà. Dì hanì dek'eèht'è: dì Zezi hòt'e, Israel got'ì gha K'àowocho, dek'eèht'è. 38 Dòjù nàke weghòhk'eè dexegùhtìsò. 39 Dò gixanaedèè sù yatìjù t'à gik'adaedè xè gits'ò nòkwìgeeye, 40 hagedì, "Nòhtìskò-gocho wedìhòhtìsì ha eyìts'ò tai dzèè t'à nagòhtìsì ha, nùdì ìlè. Hòt'eè edaxàdìtè! Nòhtìsì Weza anet'e nùdè dechìet'aa k'e ts'ò hodàt'la," gùhdì.

41 Eyì xèht'eè yahtì-gha-k'aodèè, Nòhtìsì-yatì-k'ègedù-dòò eyìts'ò òhdah gùhì sù gik'adaedè, 42 hagedì, "Dò eyì-le edaxàwhela, hanìkò edaxàdeetè ha dì! Israel got'ì gha k'àowocho ehì hadì ne! Dechìet'aa k'e ts'ò hodàèht'la nùdè gogha ehkw'ì adì ha. 43 Nòhtìsì ts'ò wìnì nàtso ne. 'Nòhtìsì Weza aht'e,' edeghò hadì ìlè. Hòt'eè Nòhtìsì edaxàyìhtè," gedì. 44 Dòjù nàke weghòhk'eè gidùtsòò sù, ededì sì, gik'adaedè.

Zezi elajìwo

45 Dzètanì nìzòò ekò tai sadzèè ts'ò eyì nèk'e hazòò ts'ò togoòt'ò agòjà. 46 Tai nìzòò ekìyèè Zezi hòt'òò whezeh, hadì, "Eloi, Eloi, lama sabahtanì?" ("Eloi, Eloi, lama sabahtanì?" gedù sù "Senòhtìsì, Senòhtìsì, ayìha sets'òò anejà?" gedù-agedì.)

47 Dò mòhdaa eyì nàgeèhzaa sù gùkw'o ekò hagedì, "Nakwenàòzòò Elijah hayahtì adì," gedì.

48 Ekòet'ù dò ìlè ekò tìmòèhza, eht'ì lanù, jìetì dùts'aa ta nawhehtsoò ayìlà, dechì nedèè welò wexeet'ì ayìlà gà Zezi wewà k'e ayehzì. 49 Dò eyì nàgeèhzaa sù hagedì, "Hòt'a whasòò awet'è. Weghàts'ùdà, asìì Elijah edaxàyehtè ha lì," gedì.

⁵⁰ Zezi k'achì hòt'l'ò whezeh t'l'axòò nqòde xàèhji.

⁵¹ Ekìnyeè k'e Nòhtsìkò-gocho goyù enìt'l'ì nedèe ìdòò gots'ò jzhù ts'ò tanì lats'ùdla, eyits'ò dèe hòt'l'ò nàgoèhdò xè kwe lats'ùdla. ⁵² Kwe yì dɔkw'òò whelaa k'è lats'ìgojdla eyits'ò dɔ degai lɔ ɛlaàgùdè ìlèe sù nagidà. ⁵³ Dɔkw'òò whelaa k'è gots'ò xàgùde, eyits'ò Zezi naidà t'l'axòò, Jerusalem ts'ò geède, ekò dɔ lɔ gogìazì.

⁵⁴ Eghòq-dòò gha k'àowo eyits'ò eghòq-dòò Zezi xogùhdì ìlèe sù dèe nàgoèhdò eyits'ò hazòò gidaà hagòjà ekò, sù geèhyeh, hagedì, “Ehkwi t'à Nòhtsì Weza hòt'e!” gedi.

⁵⁵ Ts'èko lɔ t'asì t'à Zezi ts'àgedì t'à Galilee nèk'e gots'ò gɔk'èè k'edè ìlèe sù ìdè hoògò nàgeèhza gà dànàhòwoo sù goghàgeeda. ⁵⁶ Mary-Madlè, Mary, James eyits'ò Joses gɔmò, eyits'ò James eyits'ò John gɔmò eyi ts'èko haàtlòqò goxè agèt'ì.

Zezi wekw'òò nìtɔ

⁵⁷ Xèhts'ò agòjà ekò dɔ ahxee Joseph wiyeh eyi nùitla. Kòta Arimathea got'ù hòt'e, Zezi cheekè whelì ìlè. ⁵⁸ Eyi dɔ sù Zezi wekw'òò hodàechi ha k'àowo Pilate ts'ò èhtla. Pilate weyatù k'e Zezi wekw'òò weghòt'ò. ⁵⁹ Joseph, Zezi wekw'òò neyìchì gà eht'l'ì nezù wemoèhdoò ayìlì. ⁶⁰ Wets'ò kwe yì dɔkw'òò ìtò-le sù ekò yekw'òò nèyìtɔ. Eyi t'l'axòò kwe nechàa enìzòò ayìlì gà naèhtla. ⁶¹ Mary-Madlè eyits'ò Mary eyi-le dɔkw'òò whetòq wetadà geèhkw'e ìlè.

Eghòq-dòò Zezi wekw'òò xogùhdì

⁶² Ek'èdaedzèè k'e, Nòhtsì wedzèè k'e, yahtù-gha-k'aodèe eyits'ò Pharisee gùlù sù k'àowo Pilate ts'ò geède. ⁶³ Gits'ò hagedì, “K'àowo, eyi dɔ-ghòyaezàa-dòò hòt'e ìlè. Haa eda ekò dàdì ìlèe sù wenats'edì, ‘Tai dzèè k'ehòqwo t'l'axòò-ìdè naèhdà ha,’ hadì ìlè. ⁶⁴ Eyi t'à neyatù dahxà eghòq-dòò kwe yì dɔkw'òò whetòq k'è tai dzèè ts'ò gixòehdù aguile. Hanelà-le nùdè wecheekè wekw'òò geezì ha ne. Eyi t'l'axòò dɔ hazòò ts'ò, Zezi naidà, gedi ha ne. Hanì hogets'ì nùdè gits'ò k'àowo nahk'e hogets'ì ha,” gùhdì.

⁶⁵ K'àowo Pilate gots'ò hadì, “Sets'ò eghòq-dòò mòhdaa edexè aahlè. Zezi wekw'òò whetòq k'è dànì gixòehdì ha dahwhòq sù k'èè agìahlè,” gòhdì. ⁶⁶ Eyi t'à Zezi wekw'òò whetòq ts'ò geède eyits'ò dɔ wùzì t'asaye le ha-le t'à, kwe nechàa enìzòò agìlì gà enìgùhdzeh gà eghòq-dòò gixòehdù agogìlì.

28

Zezi naidà

¹ Nòhtsì Dzèè t'l'axòò sa xàdaaza ekò, Mary-Madlè eyits'ò Mary eyi-le Zezi wekw'òò k'ageehta ha ekò lègeèhtla.

² Hq̄tsaa dèè hòt'l'ò nàgòèhdq̄. Gots'ò K'àowo weyak'eet'jì yak'e gots'ò kwe yì gòzq̄q̄ ts'ò hodàèhtla, kwe nechàa enìzq̄q̄ sù yjzq̄q̄ deyeèyì gà yeka wheda. ³ Yak'eet'jì wek'e sajdì xè wegoht'ò zhah lanì. ⁴ Eghq̄q̄-dq̄q̄, Zezì wekw'òq̄ xoguhdì jlèè sù, sù geèhyeh t'à gits'ehjì xè dq̄ elajdè lagejà.

⁵ Yak'eet'jì ts'èko gots'ò hadì, “Dahji-le. Zezì dechjet'aa k'e elajwoo sù wekak'eaht'jì aaht'jì wek'èehsq̄. ⁶ Jq̄ wheda-le, naidà jlè. Hotù hade ha dì jlèè k'èè ajà. Jq̄ leahtle, edjì wekw'òq̄ whetq̄ jlèè sù wet'axq̄q̄ k'eaht'jì. ⁷ Jwhaq̄ wecheekeè gits'ò naahdè gà dū hagiahdì: ‘Elajwo gots'ò naidà. Naxinakweè Galilee nèk'e ts'ò ade ha. Ekq̄ weahzì ha, giahdì. Hòt'a naxidaehsjì hq̄t'e,” gòhdì.

⁸ Eyit'à ts'èko dq̄kw'òq̄ whetq̄q̄ k'è gots'ò jwhaq̄ nàlegeèhtla. Geejì, hanikò sù gnà nàhòwo. Gixè dàgòjàa sù Zezì wecheekeèdè ts'ò hagedì ha tùmgeèza. ⁹ Hq̄tsaa Zezì gonihdq̄q̄ èhtla, “Naxixè sìghà welè,” gòhdì. Gits'ò geède, wekè dagiachì gà gighàsogeedì. ¹⁰ Zezì gots'ò hadì, “Dahji-le. Sechì gits'ò aahde gà segha dū hagiahdì, ‘Galilee nèk'e seahzì ha t'à, ekq̄ ts'ò aahde,’ ” Zezì gòhdì.

K'aodèè godì gèhtsjì

¹¹ Eyì ts'èko nàke jdè nàlegeèhtla ekò eghq̄q̄-dq̄q̄ mòhdaa kwe yì Zezì wekw'òq̄ whetq̄q̄ k'è kexoguhdì jlèè sù yahtu-gha-k'aodèè ts'ò geède, gidaà dàgòjàa sù hazq̄q̄ gots'ò hagedì. ¹² Eyit'à yahtu-gha-k'aodèè eyits'ò q̄hdah gijjì ełegiadi, ayì dàgele ha sù gha yatì gèhtsjì. Sq̄m̄ba lq̄ eghq̄q̄-dq̄q̄ ghàgila ¹³ xè gots'ò hagedì, “Dq̄ ts'ò dū haahdì ha: ‘To ts'ete ekò wecheekeè eyì nègijde gà gonaàhtq̄q̄ wekw'òq̄ negiichì nq̄q̄,’ giahdì ha. ¹⁴ K'àowo Pilate yeghq̄ iikw'o njdè wets'ò gots'ede ha, hanì-jdè naxigha hoila ha-le,” gògedì. ¹⁵ Eyit'à eghq̄q̄-dq̄q̄ sq̄m̄ba nègijwa eyits'ò yahtu-gha-k'aodèè dàgògedì sù eyì k'èè gogijde. Dū dzèq̄ ts'ò Israel got'jì eyì godù giit'jì hq̄t'e.

Zezì edecheekeè hazq̄q̄ nèk'e ts'ò goòhza

¹⁶ Zezì, “Galilee nèk'e shìh whezq̄ ts'ò aahdè,” gòhdì jlè t'à wecheekeè hònq̄-daats'ò-jlè ekq̄ ts'ò agejà. ¹⁷ Zezì giazì ekò gits'ò nàgòihgè, hanikò dq̄ mòhdaa gigha hotù-le. ¹⁸ Zezì gogà niitla xè gots'ò hadì, “Jdòo yak'e eyits'ò dū nèk'e t'asì hazq̄q̄ ts'ò k'àowo ehjì ha seghàhòt'q̄ hq̄t'e. ¹⁹ Eyit'à hazq̄q̄ nèk'e ts'ò aahde, dq̄ hazq̄q̄ xàzaa secheekeè aahtsjì. Nq̄htsjì-Gotà wuzì, Weza wuzì eyits'ò Yedàyeh Nezzì wuzì t'à gik'ètaidzq̄q̄ agiahle. ²⁰ Eyits'ò yatì hazq̄q̄ naxighàh?zq̄q̄ sù gik'jìt'e ha hoghàgiahq̄. Nq̄q̄de dzèq̄ agode ts'ò t'aats'òq̄ naxixè aht'e ha hq̄t'e,” gòhdì.

Mark wenɨhtl'è

John-Baptist dɔ ts'ò gode xèhoɨhwho

¹ Dɨ sɨ Nòhtsɨ Weza, Zezi-Krɨ, weghɔ godɨ nezɨ aatl'è hɔt'e. Eyɨ godɨ nezɨ sɨ dɨ hani wexèhɔɔwo:

² Nakwenàozɔɔ Isaiah wenɨhtl'è k'e dɨ hani dek'eèhtl'è,
 “Nenakweè dɔ ɨè seyati k'eʔa ha. Nenakweè negha ts'atà nihòʔà ha,”

³ eyɨts'ɔ dɨ hani dek'eèhtl'è,

“Ekɨ-ka nèk'e du hats'edɨ yats'izeh hɔt'e, ‘Gots'ò K'àowo wegħa ts'atà nihòahʔà; wegħa tɨ ehkw'ɨ nɨʔà aahlè,” dek'eèhtl'è.

⁴ John-Baptist dɔ k'ètaɨdzɨ ha ekɨ-ka nèk'e nɨtɨ. Ekɔ dɔ ts'ò hadɨ, “Edek'eahlɨ, naxɨnɨ eladɨ aahlè gà naxɨk'ètaɨdzɨ adeahlè, hani-ɨdè Nòhtsɨ naxɨhoɨɨ naxɨghɔ nahoele ha,” gòhdi. ⁵ Judea nèk'e gots'ɔ dɔ eyɨts'ɔ Jerusalem got'ɨ hazò John-Baptist ts'ò geède. Dɔ edehòɨ ghɔ hɔdegeedè tɨ'axò Jordan-deh nɨʔa k'è tɨ yɨ gok'ètaɨdzɔ. ⁶ John-Baptist wegòht'ò tɨts'aadɨicho wegħa t'à hòelɨ eyɨts'ɔ ewò wewè elɨ. Ts'aelòq eyɨts'ɔ kw'iahnɔ-dɨ hani ghɔ shètɨ t'à eda. ⁷ John-Baptist dɔ ts'ò hadɨ, “Dɔ ɨè senahk'e elɨ sɨ sek'èè nɨtɨ ha hɔt'e. Wekechɨtɨ'ɨ ejiehge ha kò dɔ lahòht'ɨ-le. ⁸ Sɨ sɨ tɨ t'à naxɨk'ètaɨdzɨ hɔt'e, ekò ededɨ sɨ Yedàyeh Nezɨ t'à naxɨk'ètaɨdzɨ ha,” John gòhdi.

Zezi wek'ètaɨdzɨ eyɨts'ɔ wehɨ yeèhdzà

⁹ Ekɨyeè k'e Galilee nèk'e kòta Nazareth gots'ɔ Zezi eyɨ nɨtɨ ekò, John-Baptist Jordan-deh nɨʔa k'è tɨ yɨ yek'ètaɨdzɔ. ¹⁰ Zezi tɨ yɨ gots'ɔ nɨtɨ ekò yak'e ehts'ò ajà eyɨts'ɔ Yedàyeh Nezɨ k'àba degoo lanɨ yek'e daàhtɨ, Zezi yazɨ. ¹¹ Yak'e gots'ɔ dɨ hats'edɨ hɔt'e, “Nɨ Seza anet'e, neghònehtɔ eyɨts'ɔ neghò sìghà dehwhɔ,” hats'edɨ hɔt'e.

¹² Ekòet'ɨ Yedàyeh Nezɨ ekɨ-ka nèk'e ts'ò yeèhʔà. ¹³ Dɨèng dzèè ts'ò ekɔ elɨ ekò wehɨ yeèhdzà. Zezi tɨts'aadɨ gonɨ aɨt'e, eyɨts'ɔ yak'et'ɨ Zezi gà nègɨde xè yeghɔ shètɨ gɨghàdɨ.

Zezi t'akwetòè edecheekè gòèhtsɨ

¹⁴ John-Baptist wedaàtɔ tɨ'axò Zezi Galilee nèk'e ts'ò anajà, ekɔ Nòhtsɨ wegodɨ nezɨ t'à dɔ ts'ò gode. ¹⁵ Dɔ ts'ò dɨ hadɨ, “Hòt'a Nòhtsɨ Wenàowoò k'èè nèhòkw'ɨ ha ts'ò whaa-le agòjà. Edek'eahlɨ xè godɨ nezɨ naxɨgha ehkw'ɨ-ahodɨ welè!” gòhdi.

¹⁶ Zezi, Galilee-tɨ gà tabàa k'etɨ ekò Simon eyɨts'ɔ wechɨ Andrew elèxè goazɨ. Lɨ-k'aadè agɨt'e t'à, mɨ tègeehdè ɨè. ¹⁷ Zezi gots'ɔ hadɨ, “Sek'èahdè, dɔ ɨ àahlɨ anaxehle ha,” gòhdi. ¹⁸ Ekòet'ɨ edemɨ ts'ò nalegeèhtɨ gà Zezi k'èè legeèhtɨ.

19 Eyɪ ts'ò k'achɪ ɪdaà nɪwà-le nùtla ekò Zebedee weza James eyɪts'ò wechɪ John goaɪ; edemɪ sùgehɪ ɪlè. 20 Ekòet'ì Zezi gots'ò hadɪ, “Sek'èahdè,” gòhdɪ t'à gɪtà elà yì dọ gogha eghàlageedaa xè aida agɪlà gà Zezi k'èè lègeèhtla.

Dọ ɪnɪɪ wets'ò-èlɪ

21 Eyɪ t'axò kòta Capernaum ts'ò geède. Nòhtsɪ Dzèè k'e, Zezi elègehdeè-kò goyaèhtla gà dọ hoghàehtò. 22 Zezi Nòhtsɪ-yatù-k'èdì-dò lanì dọ hoghàehtò-le, hanìkò ededɪ t'asì hazòò ts'ò k'àowo lanì dọ hoghàehtò ts'ihzò, dọ Zezi weyatù gɪgha enɪyah dì. 23 Ekɪyeè k'e dọ ɪlè ɪnɪɪ wets'ò-èlɪ eyɪ wheda ɪlè sù hɔtsaa hòt'ò whezeh xè hadɪ, 24 “Nazareth got'ɪ Zezi dàgòòle ha? Godihòhtsɪ ha nì-anet'ɪ? Amì anet'e nek'èehsò ne. Nòhtsɪ wets'ò degaɪ anet'e!” yèhdɪ.

25 Zezi yets'ò hadɪ, “Ìhɪat'e! Weyɪ gots'ò xàtɪle!” yèhdɪ. 26 Hayèhdɪ t'à ɪnɪɪ hòt'ò dọ nàhxà xè whezeè ayɪlà gà yeyɪ gots'ò xàèhtla.

27 Dọ hazòò gɪgha enɪyah t'à elets'ò hagedɪ, “Dàgot'ɪ-agot'ɪ? Nàowo eladɪ k'èè hoghàgoehtò eyɪts'ò ededɪ t'asì hazòò ts'ò k'àowo elɪ ladɪ gode. Yatù nàtsoo t'à ɪnɪɪ ts'ò gode nɪdè gɪk'èt'e,” gedɪ. 28 Ekòet'ì Galilee nèk'e hazòò ts'ò wegòdì dọ ta ts'ò ajà.

Zezi dọ lọ k'aat'ì agòòlà

29 Elègehdeè-kò gots'ò xàgeède t'axò James eyɪts'ò John xè, Simon eyɪts'ò Andrew gɪkò ts'ò geède. 30 Simon wets'èkèè wemò edɪ elɪ t'à daèhte k'e whetɪ Zezi ts'ò hagedɪ. 31 Eyɪt'à Zezi yets'ò èhtla, yìlà nùchì gà nùtlaà ayɪlà. Ekòet'ì k'aat'ì ajà t'à wegò shèts'ezhee goghàedɪ.

32 Xèhts'ò agòjà ekò dọ eyagɪlɪ eyɪts'ò dọ ɪnɪɪ gɪts'ò-èlɪ sù hazòò Zezi ts'ò gogeèwa. 33 Eyɪ kòta ts'ò dọ hazòò edɪ Zezi whedaa sù ekò enɪtò gà ləə nègɪde. 34 Dọ lọ tàda hazòò xàzaa gɪts'ò sù Zezi hazòò k'aat'ì agòòlà. Eyɪts'ò dọ yì gots'ò ɪnɪɪ lọ xàdeèzhì. Zezi amì ne sù ɪnɪɪ gɪk'èezò t'à Zezi gogedeè agohɪ-le.

Zezi whatsqò gòzòq yahtɪ

35 Ek'èdaedzèè k'e k'omòdòdò ɪlè to et'ì Zezi nùtla. Yahtɪ ha gowhatsoqò gòzòq ts'ò xàèhtla. 36 Eyɪt'à Simon eyɪts'ò wecheekè eyɪ-le xè gɪhak'èet'ì. 37 Gɪgòhɪzò ekò gɪts'ò hadɪ, “Dọ hazòò nehak'ègeet'ì,” gùhdɪ.

38 Hanìkò Zezi gots'ò hadɪ, “T'asì ts'ò ats'ùde, kòta nɪwà-lea gòlè ts'ò ts'ùdè. Ekò sɪ dọ hoghàgeehtò ha; eyɪ gha jò ts'ò ahjà hɔt'e,” gòhdɪ. 39 Eyɪt'à Zezi Galilee nèk'e kòta yàgòlè gota k'etlò. Gɪts'ò elègehdeè-kò gòlè goyɪ dọ hoghàehtò eyɪts'ò ɪnɪɪ lọ xàgodeèzhì.

Dọ gokwò tàda t'à eyaeli

⁴⁰ Dọ ị̀è gokwò tàda t'à eyaeli sị Zezi gà nùtla. Yets'ò nàgòìhge, yeghònadaeti, hadi, “Haneewò-ìdè k'aat'ìi asụle ha dii-le,” yèhdi.

⁴¹ Zezi eyi dọ eteèt'ì nıwọ t'à edilà yek'e ayilà, hayèhdi, “Hẹ̀zẹ, hahwhọ! K'aat'ìi anede!” yèhdi. ⁴² Ekòet'ìi wetàdaa whìle aja xè k'aat'ìi aja.

⁴³⁻⁴⁴ Zezi yatı nàtsoo yeghàı̀zọ, hayèhdi, “Nets'ò dānāhòwoo sị dọ wı̀zı̀ ts'ò haı̀di-le. Nek'ahoeta gha yahtı ts'aaı̀la. Moses wenāowò k'ẹ̀ẹ̀ nehòı̀ neghò nahoezhe k'èxa yahtı t'ası̀ negha k'eguhk'ò. Hanı̀-ı̀dè weghàà k'aat'ìi anaajàa sị dọ gik'èezọ ha,” yèhdi t'axòọ nayeèhza. ⁴⁵ Hanikò eyi dọ naèhtla t'axòọ hazòọ ts'ò yeghò gode t'à dọ hazòọ godı gı̀kw'o. Eyi ts'ı̀hzò dọ ị̀ọ Zezi ts'ò aget'ì t'à edı̀ kòta gòlaa sị ts'ò ade ha dii aja. Eyi t'à edı̀ gowhatsòọ gòzọọ ts'ò zọ at'ı̀. Hanikò ı̀laà hazòọ ts'ò dọ gı̀ts'ò nı̀de.

2

Zezi dọ wekw'òọ ẹ̀laı̀dèe k'aat'ìi ayilà

¹ Sı̀ghaàtłọ dzeẹ t'axòọ Zezi k'achı kòta Capernaum nùtla. Zezi edekò nòtla dọ gı̀ghòikw'o t'à, ² dọ ị̀ọ eyi nègı̀de. Dọ ị̀ọ t'à gòzọ-le agòjà, enı̀tọ gà kò gòzọ-le. Zezi edeyatı̀ hoghàgoehtọ ekò ³ dọ mòhdaa dọ wekw'òọ ẹ̀laı̀dèe sị Zezi ts'ò geèhchì. Dọ dı̀ k'egehte. ⁴ Hanikò dọ ị̀ọ gonadaà nàgeèhza t'à goyageedè ha dii. Eyi t'à dahmò ka dekegı̀chì gà xàgòzàa k'è gogèhtsı̀. Dọ wekw'òọ ẹ̀laı̀dèe t'è k'e whetı̀ xè ı̀zhı̀ dọni ts'ò hodàgeèlì gà Zezi wenadaà nègı̀htı̀. ⁵ Zezi eyi dọ gı̀gha ehkw'ı̀-ahodı gok'èezọ t'à dọ wekw'òọ ẹ̀laı̀dèe ts'ò hadı, “Àgı̀, nehòı̀ neghò nahoazha,” yèhdi.

⁶ Hadı t'à Nòhtsı̀-yatı̀-k'ègedı̀-đọọ mòhdaa eyi geèhk'ee sị hagı̀wọ, ⁷ “Ayı̀ aht'e edeewọ hanı̀ gode? Nòhtsı̀ k'èch'a gode! Nòhtsı̀ zọ gohòı̀ goghò nahoele họt'e,” hagı̀wọ.

⁸ Ekòet'ìi Zezi edets'ọ mı̀ t'à dānı̀ ededzeè t'à nānı̀gedèe sı̀ gok'èezọ t'à hagòhdi, “Dānı̀ghọ hanı̀ nānı̀ahdè? ⁹ Dọ wekw'òọ ẹ̀laı̀dèe sı̀ dāwets'edı̀ nı̀dè denahk'e dezhi-le: ‘Nehòı̀ neghò nahoazha,’ hanı̀-le-ı̀dè ‘Nı̀tla gà k'eytlo.’ ¹⁰ Dı̀ n'èk'e Dọ-wet'āazāa-deè dọ ghọ nahoele ha weghàhòt'ọọ sı̀ wek'èahsòọ anaxehle ha,” gòhdi t'axòọ dọ wekw'òọ ẹ̀laı̀dèe sı̀ ts'ò hadı, ¹¹ “Nı̀tla, netè nı̀za gà nekò ts'ò nı̀tle,” yèhdi. ¹² Eyi t'à eyi dọ nı̀tla gà dọ hazòọ gonadaà detè nı̀za gà xàèhtla. Dọ hazòọ gı̀gha sı̀ enı̀yah t'à Nòhtsı̀ ghàsògeedi, hagedı, “Dı̀ lanı̀ t'ası̀ enı̀yah ts'aı̀ whìle,” gedi.

Levi Zezi k'èè èhtla

¹³ Zezi k'achì tabàa ts'ò èhtla ekò dọ lọ gik'èède t'à gots'ò gode xè hoghàgoehtọ. ¹⁴ Zezi ɲaa ekọ naetle ekò sọ̀mba-nàhtsɲ-dọ̀ Alphaeus weza Levi ladà k'e eghàlaeda yaɲi. Zezi, “Sek'èɲtla!” yèhdi. Eyit'à Levi nùtla gà Zezi k'èè èhtla.

¹⁵ Eyì t'axọ̀ Zezi Levi wekọ̀ shètì ekò sọ̀mba-nàgehtsɲ-dọ̀ eyits'ọ̀ hoɲ-hogehtsɲ-dọ̀ lọ Zezi eyits'ọ̀ wecheekeè xè shègezhe. Dọ̀ lọ Zezi k'èè k'egedè ɲè. ¹⁶ Nòhtsɲ-yatù-k'ègedi-dọ̀, Pharisee gɲɲ sù Zezi sọ̀mba-nàhtsɲ-dọ̀ eyits'ọ̀ hoɲ-hogehtsɲ-dọ̀ xè shètì gɲaɲi ekò, Zezi wecheekeè ts'ò hagedi, “Dànìghọ Zezi sọ̀mba-nàhtsɲ-dọ̀ eyits'ọ̀ hoɲ-hogehtsɲ-dọ̀ xè shètì?” gògedi.

¹⁷ Zezi ɲik'w'o t'à gots'ò hadi, “Dọ̀ hotù geedaa sù nàèdi-k'èezọ̀ gɲgha wet'aaɲa nùle, dọ̀ eyagɲɲ sù nàèdi-k'èezọ̀ gɲwọ̀ họt'e. Dọ̀ ehkw'ì geedaa sù gɲkayahtì gha jọ ts'ò ahjà nùle, hanikò hoɲ-hogehtsɲ-dọ̀ gɲgha ahjà họt'e,” gòhdi.

Edets'egọ ghọ Zezi dageehke

¹⁸ John-Baptist wecheekeè eyits'ọ̀ Pharisee gɲɲ sù edegegọ ɲè. Eyit'à dọ̀ mọ̀hdaa Zezi ts'ò hagedi, “John-Baptist wecheekeè edegegọ, eyits'ọ̀ Pharisee gicheekeè sì haget'ì. Dànìghọ necheekeè edegegọ-le?” gùhdi.

¹⁹ Zezi gots'ò hadi, “K'òàdzàa ɲaa goxè wheda et'ì, dọ̀ gɲghọ nùdee sù edegegọ ha nì? ɲe ne, k'òàdzàa ɲaa goxè wheda et'ì edegegọ ha nùle. ²⁰ Hanikò ɲè dzeɲ k'e k'òàdzàa gɲghọ wìichì ha, eyì dzeɲ k'e nùde edegegọ ha họt'e.

²¹ “Dọ̀ wɲzì goht'ọ̀ zọ̀ k'e zèht'ìgòò nètèyeèlì nùle. Hayɲlà nùde zèht'ìgòò eleechi xè wemọ̀ tàedlà ha. Hajà nùde goht'ọ̀ zọ̀ denahk'e wetàedlà ha họt'e. ²² Eyits'ọ̀ dọ̀ wɲzì jìtì wegòò hoèlɲ sù jìtìwò wezọ̀ yì yeht'ì nùle. Hayɲlà nùde jìtì wegòò ts'ìhɲò jìtìwò wezọ̀ wenìtsqedlà xè jìtì xàet'ì ha, eyits'ọ̀ jìtìwò wezọ̀ sù wedìhoè ha. Hanì ha nùle jìtì wegòò hoèlɲ jìtìwò wegòò yì yeht'ì ha họt'e,” Zezi hadi goxè godo.

Nòhtsɲ Dzeɲ gha K'àowo

²³ ɲaa Nòhtsɲ Dzeɲ k'e Zezi t'olà dehshee nì k'etlọ. Wecheekeè gixè k'edè ekò t'olà mọ̀hdaa gìhchì. ²⁴ Pharisee gɲɲ sù Zezi ts'ò hagedi, “Nècheekeè gɲhàda! Dànìghọ Nòhtsɲ Dzeɲ k'e ayì wets'àet'ọ̀ sù hagehɲi?” gùhdi.

²⁵ Zezi gots'ò hadi, “K'àowocho David ededì eyits'ọ̀ wecheekeè degeèhdi ekò ayì dàgɲlaa sù wek'eyaahtì-le nì? ²⁶ Abiathar yahtù-wet'aaɲa-deè elì ekò David Nòhtsɲkò goyaèhtla gà goyì lèt'è degai wheɲọ̀ sù yɲà eyits'ọ̀ mọ̀hdaa edecheekeè goghayɲdi. Eyì hagejàa sù ededì gɲgha wets'àet'ọ̀ ɲè, yahtù zọ̀ gɲgha lèt'è wheɲọ̀ ɲè,” Zezi gòhdi.

²⁷ Eyits'q dui hadi, “Nòhtsi Dzeè sù dọ gha hoèlì họt'e, dọ Nòhtsi Dzeè gha gihòèlì niile. ²⁸ Dọ-wet'aaàa-deè sù Nòhtsi Dzeè ts'ò K'àowo họt'e,” gòhdi (edeghọ godeè-adi).

3

¹ Sìghajwaà t'axò Zezi k'achì elègehdeè-kò goyaèhtla. Dọ lè wilà elèenutsoo, eyi wheda. ² Dọ mọhdaa Zezi k'e nìdahogeezà ha gıwọ t'à hoti gıxohdi, ası Nòhtsi Dzeè k'e dọ k'aat'ii ale ha sını gıwọ. ³ Hanikò Zezi dọ wilà elèenutsoo ts'ò hadi, “Dọ hazò gınadaà nàawo,” yèhdi.

⁴ Eyi t'axò Zezi dọ gıts'ò xànegızaa sù gots'ò hadi, “Nòhtsi Dzeè k'e ayi wets'æt'q-le? Dọ ts'ò nezı eghàlats'eedaa, hanì-le-ıdè dọ ts'ò hoila ghàlats'eedaa? Dọ edaxàts'eleè hanì-le-ıdè dọ elààts'ehwhı?” gòhdi. Hanikò Zezi ts'ò t'asagedi-le.

⁵ Zezi dọ hazò yemò nàgeèhzaa sù gots'ò wek'èch'a xè hoti goghàeda. Sù gıkwì nàtso t'à wegħa dii. Eyi t'axò dọ wilà elèenutsoo sù ts'ò hadi, “Nìl daıchı,” yèhdi. Edılà daıchı ts'òet'ii wilà k'aat'ii anajà. ⁶ Pharısee gıllı sù ekòet'ii xàgeède, Herodian gıllı xè lã nègıde. Dàn Zezi elàgııhwhı ha sù dọ naàhtq gıghq gıde.

Dọdeè Zezi ts'ò elègehtsi

⁷ Zezi ekq gots'ò naèhtla, edecheekeè xè tabàa ts'ò ajà. Galilee nèk'e gots'ò dọ lq Zezi k'èè geède. ⁸ Zezi enıyah lq hòhtsi ghq gıkw'o t'à dọ lq ekq nègıde. Judea nèk'e hazò, Jerusalem gots'ò, Idumea nèk'e ts'ò, deh Jordan wetadà kòta gòlaa gots'ò, kòta Tyre eyits'ò Sidon wemò kòta gòlaa gots'ò, dọ lq Zezi ts'ò geède. ⁹ Sù dezò dọ lq Zezi ts'ò elègehtsi t'à Zezi edecheekeè gots'ò hadi, “Elà nechà-lea weyı whıhdaa għa ts'atà whetq aahle,” gòhdi. ¹⁰ Zezi dọ lq k'aat'ii agoqlà t'à dọ eyaelı hazò Zezi xèlageedi ha gıwọ t'à wets'ò elègehtsi. ¹¹ İniı Zezi gezi nıdè wegà naget'ı gà hòt'ò gezeh, hagedi, “Nı sù Nòhtsi Weza anet'e,” gediı yagızeh. ¹² Hanikò Zezi yatı nàtsoo t'à gots'ò hadi, “Amı aht'ee sù dọ ts'ò haahdi-le,” gòhdi.

Zezi edecheekeè hònq daats'ò nàke gıhchı

¹³ Zezi shıhka dekıtla, dọ gıhchı sù gokayahtı t'à gıts'ò nıde. ¹⁴ Dọzhı hònq-daats'ò-nàke gıhchı, wecheekeèdeè gıllı ha agoqlà. Gıxè aget'ı ha eyits'ò Nòhtsi Wenàowoò ghq dọ hoghàgogeehtq għa dọ ts'ò agole ha gıhchı. ¹⁵ Eyits'ò wızi dahxà mııı xàdegeezı ha goghàhòıq. ¹⁶ Dọ hònq-daats'ò-nàke gıhchı sù dı hagiıeh: Simon (Zezi “Peter” yèhdi), ¹⁷ eyits'ò Zebedee weza James eyits'ò wechı John, (Zezi eyi dọ nàke Boanerges gòhdi goızi; “eezı ts'ò dọ” gediı-agedi), ¹⁸ eyits'ò Andrew, Philip, Bartholomew, Matthew, Thomas, Alphaeus weza James, Thadııus, Simon (“dọ edenèè

ghoneètqo” wiyeh), ¹⁹ eyits'q Zhidàa-Iscariyot, ededì sù Zezì k'aodèe gotl'aàyìhtì hq't'e.

Zezì eyits'q wehli gha k'àowo

²⁰ Zezì ìlèhkò goyaèhtla, hanikò k'achì sù dọ lọ gik'èè goyaède t'à Zezì eyits'q wecheekè shègezhe ha kò dii. ²¹ Wèot'l wegodiì ghọ giikw'o ekò ekọ ts'ọ geède. “Ezhine wheli,” gedi nageehchi ha hogeèhdzà.

²² Nòhtsì-yatù-k'ègedi-dọ Jerusalem gots'q eyi nègùdee sù hagedi, “Wehli wets'ò-èlì. Ìnìhì gha k'àowo dahxà ìnìhì xàdeezhì at'lì,” gedi.

²³ Eyit'à Zezì Nòhtsì-yatù-k'ègedi-dọ gokayahtì gà godi t'à goxè godoò hadi, “Wehli sù ayìha ìnìhì xàgodeezhì niwọ weli? ²⁴ K'àowocho wenèk'e dọ elets'ọ xàniğiɹa nìdè k'àowocho wenèè weghọ wedihoè ha hq't'e. ²⁵ Eyits'q ìlèhkò goyì dọ ełèk'èch'a geeda nìdè dọ gixè hoila agode ha. ²⁶ Eyit'à wehli edek'èch'a at'lì nìdè ededihohtsì ha hq't'e. ²⁷ Eyits'q dii hats'edi ghọ nanihdè: dọ nàtsoo t'akwelòò dawets'eèzà lenqsiì wekò enixàts'eezhì gà wets'q t'asì ts'eezì ha dii. Dawets'eèzà t'axòò nìdè zọ wekò gots'q t'asì ts'eezì ha dii-le. ²⁸ Ekw'ì anaxèehsì, hoìhì hazòò eyits'q Nòhtsì k'èch'a gots'edee sù dọ ghọ nahoezhe ha hq't'e. ²⁹ Hanikò Yedayeh Nezi k'èch'a gogede nìdè eyi gighọ nahoezhe ha niile. Eyì hoìhì sù welọ while ts'ọ gik'e whezọ ha hq't'e,” gòhdi.

³⁰ “Ìnìhì wets'ò-èlì,” giìhdi ts'ihzò, Zezì hadi gots'ọ xayahtì.

Zezì wemọ eyits'q wechike

³¹ Ekìyèè k'e Zezì wemọ eyits'q wechike eyi nègùde. Mòht'a nàgeèhza ts'q dọ ìlè wets'ọ goyageèhzà, gots'ọ xàetlāà ayele ha. ³² Dọ Zezì wemọ geèkw'ee sù hagedi, “Nemọ eyits'q nechì mòht'a nàgeèhza, negezì ha giwọ,” giìhdi.

³³ Zezì gots'ọ hadi, “Amì semọ ne? Amì sechi agiit'e?” gòhdi.

³⁴ Dọ yemọ geèkw'ee sù goghàeda, hadi, “Diì sù semọ eyits'q sechi agiit'e! ³⁵ Amì Nòhtsì-Gotà k'èagiit'ee sù sechi, sedè eyits'q semọ agiit'e,” Zezì gòhdi.

4

Wet'à t'asì dehshee godi

¹ K'achì Zezì tabàa dọ hoghàehtọ. Sù dọ lọ Zezì ts'ọ elègehde t'à Zezì elà yietlā gà dọ ts'ọ gode. Dọ hazòò tabàa nàgeèhza xè egeèkw'q. ² Zezì t'asì lọ dọ hoghàehtọ eyits'q godi t'à goxè godo hadi, ³ “Seàkw'q! Dọ ìlè wet'à t'asì dehshee dèè k'e nèyila. ⁴ Wet'à t'asì dehshee dèè k'e ts'ọ yeehdè ekò mòhdaa tli k'e nait'lì t'à chija giɹà. ⁵ Mòhdaa kwe ta nait'lì. Ekọ eht'è lọ-le t'à iwahà xaniishọ. ⁶ Sadeè sù nàtso t'à wezi't'ọq whegòò

xè elaidè. Weghochù nedè-le t'à whegòò ajà. ⁷ Wet'à t'asii dehshee mòhdaa ichighòò ta nàit'í t'à elèxè dèhshò; ichighòò yenahk'e nàtso t'à elaidè, eyit'à wets'ò t'asii dèhshò-le. ⁸ Hanikò mòhdaa dèè nezù k'e nàit'í. Nezù dèhshò eyits'ò t'aatlò dèè k'e nàit'í sù taènò, ek'ètaènò, hanì-le-ìdè ìèakw'eènò dezoatlo ts'ò xànùshò," gòhdi goxè godo.

⁹ Eyì t'axòò Zezì dò ts'ò hadì, "Amii wedzù gòhù sù eèhk'ò weli," gòhdi.

¹⁰ Dò hazòò nagehde t'axòò Zezì wecheekeè hoònò-daats'ò-nàke eyits'ò dò eyii-le ìaà gixè geèhk'w'ee sù dageehke, hagedi, "Eyì godì sù ayii awùidi?" giùhdi. ¹¹ Eyit'à Zezì gots'ò hadì, "Naxì sù Nòhtsì Wenàowoò k'èè hòzoò k'èahsò ha naxìghàhòt'ò họt'e, hanikò goxè aget'í-le sù godì zò t'à gixè gohdo. ¹² Hanì-ìdè *t'aats'òò k'eeget'ì kò ge?ì ha-le, eyits'ò t'aats'òò egeèhk'w'ò kò, dàhodù-ahodù sù ginièdi ha-le; hanì-le-ìdè edahxò gini eladù ade xè gihòù gighò nahoezhe ha họt'e!*" gòhdi.

¹³ Eyì t'axòò Zezì gots'ò hadì, "Dànìghò godì weniahdi-le? Hanì-ìdè dànì godì eyii-le naxits'ò haehsù sù weniahdi ha weli? ¹⁴ Eyì dò wet'à t'asii dehshee dèè k'e ts'ò yeehdèe sù Nòhtsì weyatù lanì họt'e. ¹⁵ Dò mòhdaa wet'à t'asii dehshee tìli k'e nàit'í lagùt'e. Nòhtsì weyatù giùkw'o ts'òet'ii wehù eyì yatù goghò yìhchi. ¹⁶ Dò mòhdaa wet'à t'asii dehshee kwe ta nàit'í lagùt'e. Yatù giùkw'o ts'òet'ii sù ginà xè yatù gìhchi. ¹⁷ Hanikò gighochù whìle t'à whaà-lea ts'ò zò gik'èè eda. Nòhtsì yatù ts'ihzò gìgha hoilà xè dagùza nùdè ekòet'ii wedè agehzi. ¹⁸ Eyits'ò dò mòhdaa wet'à t'asii dehshee ichighòò ta nàit'í lagùt'e. Godì giùkw'o, ¹⁹ hanikò t'asii lò ghò nànìgedè, sòmba lò eyits'ò t'asii lò giùwò t'à edeghoyagee?à lanì geeda. Eyit'à yatù nezù wedihogehsì xè t'asii nezù wùzù xàhogewhì-le. ²⁰ Dò yatù giùkw'o xè edegha yatù gìhchì sù wet'à t'asii dehshee dèè nezù k'e nàit'í lagùt'e. T'aatlò weghòzha ìèe sù taènò, ek'ètaènò, hanì-le-ìdè ìèakw'eènò wezoatlo ts'ò nègùla," Zezì gòhdi.

Tlèèk'òò idòò dawhezo

²¹ Eyì t'axòò Zezì gots'ò hadì, "Dò wùzù tlèèk'òò yìhtla gà tò t'a nèyeechi nùle eyits'ò daèhte t'a nèyeechi nùle, hanikò idòò dawhezoò ayehzi. ²² T'asii hazòò wègaat'í-le sù wègaat'ii adle ha, eyits'ò t'asii dezi whelaa sù wek'èhoedzò adle ha họt'e. ²³ Naxìdzìhk'w'òò gòhù nùdè hotù nezù aàhk'w'ò," Zezì gòhdi.

²⁴ Eyits'ò Zezì dù hadì, "Yatù aàhk'w'oo sù hotù nezù wedaniahdè. T'asii dàhcho dò ghàah?àa sù wexèhcho naxìghòt'à ha eyits'ò wezò-ahcho naxìghòt'à ha họt'e. ²⁵ Amii t'asii lò wets'ò sù eyì wezoatlo weghàzhe ha. Hanikò amii t'asii wets'ò-le sù, t'asii lò-lea wets'ò kò eyì weghò ichì ha họt'e," Zezì gòhdi.

K'achı wet'à t'ası dehshee godı

²⁶ Zezi k'achı gots'ò hadı, “Nòhtsı Wenàowoò k'èè hòzòò sı dı lanı họt'e: Dò wet'à t'ası dehshee dèè k'e ts'ò yeehdè. ²⁷ Eyı t'axòò lò dzeè ts'ò yek'e eghàlajda-le. Dèè k'e ayı nèyılaa sı dèhshò, hanikò dani dehshee sı eyı dò yek'èezò-le. ²⁸ Ayı dèè k'e nèyılaa sı whatsò dehshe. T'akwełòò dèè goyı ts'ò wezıt'òà xàeshe, eyı t'axòò-ıdè t'olà dehshe eyıts'ò k'òt'a wejı nechà-lea weyı whelaa sı dehshe. ²⁹ Dıdı ts'òet'ıı dò xàyet'à gà hazòò nàyehtsı,” Zezi hadıı goxè godo.

Jie nechà-lea wegodı

³⁰ Zezi k'achı gots'ò hadı, “Nòhtsı Wenàowoò k'èè hòzòò sı ayı xèht'eè lanı? Godı dàhòt'ıı t'à naxıts'ò wek'ayahtı weli? ³¹ Nòhtsı Wenàowoò k'èè hòzòò sı t'ası dehshee wejıa lanı họt'e. Eyı sı dò neyıchı gà dèè goyı yıızò. ³² Eyı sı nechà ade ts'ò dehshe, eyıts'ò ts'ı nechàa ihlè. Wekw'ıhchıı nechà dehshe t'à sagòhıı nı chıà wekw'ıhchıı k'e dageèhkwe," gòhdı.

³³ Zezi eyı godı lanı zò t'à Nòhtsı Wenàowoò hoghàgoehtò. T'aatłò gımedı ha dıı-le ts'ò Zezi goxè godo. ³⁴ Zezi t'aats'òò godı zò t'à dò xè godo; godı dè gots'ò gojdee whıle. Hanikò edecheekeè goxè whatsòò wheda ekò godı hazòò dàhodıı-ahodıı sı gots'ò yek'ayawhehtı.

Zezi nıhts'ı whıle ayılà

³⁵ Eyı dzeè k'e xèhts'ò agòjà ekò Zezi edecheekeè ts'ò hadı, “Inòò nats'ıızè,” gòhdı. ³⁶ Zezi hòt'a elà yı wheda jlè t'à dò hazòò gots'òò nageèze. Dò mòhdaa elà eyıı-le t'à goxè agejà. ³⁷ Hòtsaa gıxè nıhts'ı nàtsoò agòjà. Taatıı nechàa elà te at'ı ts'ıhıòò elà yı tı lò ajà. ³⁸ Hanikò Zezi ıdè tè k'e elà yı whetı nòò. Wecheekeè ts'ıgııhwho, hagııhdı, “Gots'ò K'àowo, tı t'à elàats'ede ha nıkw'o. Negha t'asanıle nı?” gııhdı.

³⁹ Zezi nıtlà gà nıhts'ı eyıts'ò taatıı ts'ò gode hadı, “Ts'èwhıı aahde!” dı. Eyıt'à nıhts'ı whıle agòjà xè hazòò gımqò ts'ò ts'èwhıı agòjà.

⁴⁰ Zezi edecheekeè gots'ò hadı, “Dànıghò sı dahjı? İlaà Nòhtsı ts'ò naxıı nàtso-le nı?” gòhdı.

⁴¹ Zezi wecheekeè sı geèhyeh t'à elets'ò hagedı, “Dı amı ne? Nıhts'ı eyıts'ò taatıı kò gık'ııt'e,” gedı.

5

Dò mıhı wets'ò-èlı sı k'aat'ıı ajà

¹ Eyı gotadà Gerasene nèk'e ts'ò geèze. ² Zezi tàèhtla ts'òet'ıı dòkw'òò whelaa gots'ò dò mıhı wets'ò-èlı sı yeghònıtlà. ³ Eyı dò dòkw'òò whelaa ta kwe yı nàdè. Dò wıızıı satsòt'ıı t'à kò dayeezà ha dıı. ⁴ Wılà eyıts'ò wekè satsòt'ıı t'à eleet'ıı aghzı zò jlè, hanikò satsòt'ıı tàyeehdlà eyıts'ò satsò wekè k'e

wheꝛꝛꝛ sù nàyeeshì. Iꝛhù ts'ò yùtò gha dꝛ hanàhtso gòhꝛ-
le. ⁵ T'aats'òꝛ kwe yù dꝛkw'òꝛ whelaa ta eyits'ò shìh ta at'j.
Naìdzeh xè kwe t'à nàdet'à.

⁶ Sìghajwaa gots'ò Zezì eꝛì ekò yets'ò tùmòehza gà yets'ò
nàgòìhgè. ⁷⁻⁸ Zezì yets'ò hadì, “Ìnìhù, dù dꝛ yù gots'ò xàitlè,”
yèhdi. Eyit'à eyi dꝛ hòt'ò ezeh xè hadì, “Zezì, Nòhtsì wenahk'e
gòhꝛ-le Weza, ayìha sek'alaawo. Nòhtsì wuzì dahxà hoìla
asùle ha-le gha neyatì seghàrà,” yèhdi ezeh.

⁹ Zezì dayeehke, “Dànyeh?” yèhdi.

“Ìnìhù lꝛ sets'ò-èlì t'à, ‘Lꝛ’ sìyeh,” dꝛ hadì. ¹⁰ Eyì dꝛ k'èdaà Zezì
ghònàdaeti, hadì, “Jꝛ nèè gots'ò t'asù agoìle-le,” yèhdi.

¹¹ Ekìyeè gꝛꝛwà-lea shìhka gogòò lꝛ shègezhe ilè. ¹² Ìnìhù Zezì
ghònàdageeti “Gogòò yù ts'ò agoìle,” giùhdi. ¹³ Zezì gots'ò hadì,
“Gìyì ts'ò aahde,” gòhdi. Ìnìhù dꝛ yù gots'ò xàgùde gà gogòò
yù gùde. Gogòò nàke-lemì laàtlꝛ hꝛt'e ilè. Gogòò hazꝛꝛ shìh
danùchaa gots'ò iꝛhù nìgꝛꝛàa ts'ò tì yù lègeèhza t'à efaagùdè.

¹⁴ Dꝛ gogòò k'ègedì gùlù sù natùmògeèhde. Gìxè dàgòjàa sù
kòta yàgòlaa hazꝛꝛ dꝛ ts'ò hagedì. Eyit'à dꝛ hazꝛꝛ dàgòjàa sù
geꝛì ha gùwꝛ t'à ekò geède. ¹⁵ Zezì ghꝛ nègùde ekò eyi dꝛ ìnìhù
lꝛ wets'ò-èlì ilèe sù ts'èwhù eyi wheda giazì. Goht'ò yù wheda
xè wìnì k'aat'ì ajà, eyit'à dꝛ geèhyeh. ¹⁶ Dꝛ gidaà nàhòwoo sù
eyi dꝛ ìnìhù wets'ò-èlì ilèe sù dànì k'aat'ì ajà eyits'ò gogòò xè
dàgòjàa sù dꝛ hazꝛꝛ ts'ò hagedì. ¹⁷ Eyit'à dꝛ Zezì ts'ò geède,
gìghònàdaeti, hagiùhdi, “Gonèè ts'òꝛ natlè,” giùhdi.

¹⁸ Zezì elà yietlã ekò dꝛ ìnìhù wets'òꝛ xàèdee sù Zezì
ghònàdaeti, hadì, “Nexè awehde,” yèhdi. ¹⁹ Hanìkò Zezì
hayèhdi, “Nekò ts'ò anaade. Nòhtsì ayì negha dàyìlãa eyits'ò
dànì sù etenèehꝛ sù hazꝛꝛ nèot'j gits'ò haꝛdì,” yèhdi. ²⁰ Eyit'à
eyi dꝛ naèhtlã. Dànì Zezì yets'ò dꝛ sù yet'à kòta Decapolis ekò
dꝛ hazꝛꝛ xè godò. Dꝛ hazꝛꝛ gìgha enìyah dù.

T'eekea elajwoo eyits'ò ts'èko eyaelù

²¹ Zezì k'achì mòò nòꝛgeèze t'axꝛꝛ tabàa dꝛ lꝛ Zezì wemꝛꝛ
nègùde. ²² Dꝛ ilè elèghdèe-kò gha k'àowo, Jairus wìyeh, ekò
nìitlã. Zezì eꝛì ts'òet'ì yegà nàgòìhgè ²³ gà yèghònàdaeti, hadì,
“Setì efaawì ha nìkw'o. Hanìkò sek'èè aatlã gà nìlã wek'e anelã
nùdè k'aat'ì ade xè eda ha,” yèhdi. ²⁴ Eyit'à Zezì yek'èèhtlã.

Eyits'ò dꝛ lꝛ Zezì k'èè geède xè wemꝛꝛ elegeehtsì. ²⁵ Ts'èko
ilèe goxè at'ù sù hònꝛ-daats'ò-nàke xo haꝛwa ts'ò edoò weꝛò-
at'j t'à eyaelù. ²⁶ Sù yet'à dàrà eyits'ò nàèdì-k'èezꝛꝛ lꝛ gìk'aèhtꝛ
ilè. Edesꝛòmbaa hazꝛꝛ gots'ò yek'ehꝛꝛwho kò k'aat'ì ajà-le,
hꝛdaats'ò eyawhelù. ²⁷ Zezì ghꝛ ìkw'o t'à dꝛ lꝛ ta Zezì chìht'a
nìitlã gà yezeè daachì. ²⁸ Eyì ts'èko hanìwꝛ, “Wezeè zꝛ kò
daehchì nùdè k'aat'ì ahde ha sꝛnì,” nìwꝛ. ²⁹ Ekòet'ì wedoò
while ajà xè k'aat'ì ajà edexèedi.

³⁰ Ekòet'ì Zezì t'asì nàtsoo weyì gots'ò xàìwo yek'èhoèhza t'à, dọ nì ets'aèhtla gà hadì, “Amì sezeè daachì?” gòhdi.

³¹ Wecheekeè hagiìhdi, “Dọ lọ nets'agehtsì wek'èìzọ, hanikò, 'Amì daseachì, nùdi,” giìhdi.

³² Hanikò Zezì amì dayaachì sù ìlāà edemọọ yekak'eèt'ì. ³³ Eyì ts'èko wexè dàgòjāa sù yek'èezọ t'à Zezì gà nàgòìhgè. Sù deji t'à ts'ehì lat'ì, wets'ò dānāhòwoo sù yeghọ ehkw'ì xàyāhtì. ³⁴ Zezì yets'ò hadì, “Ts'èko, negha ehkw'ì-ahodì t'à k'aat'ì anejā. Nātlē, nexè sìghà welè, eyits'ò ayì t'à daneezaa sù neghọ whìle awede,” yèhdi.

³⁵ Ìlāà Zezì gode ekò elègehdeè-kò gha k'āowo Jairus wekò gots'ò dọ mòhdaa eyì nègùde, Jairus ts'ò hagedì, “Netì elāìwo. Gots'ò K'āowo nekò nàwetla-le kò,” giìhdi.

³⁶ Dàgedu sù Zezì gots'ò nìzà-le, Jairus ts'ò hadì, “Nùjì-le! Negha ehkw'ì-ahodì zọ welè,” yèhdi.

³⁷ Zezì dọ wùzì edexè ayìlā-le; wecheekeè Peter, James eyits'ò James wechì John eyì zọ edexè agòòlā. ³⁸ Jairus wekò nègùde ekò dọ lọ t'eekea ghọ hòt'ò getse t'à nādahoowo nọ. ³⁹ Zezì goyaèhtla gà gots'ò hadì, “Ayìha tse t'à nādahoowo? T'eekea elāìwo nùle, ekì whetì họt'e,” gòhdi. ⁴⁰ Hanikò dọ gìghaedlò.

Dọ hazọọ mọht'a xàgòèhza t'axọ t'eekea wetà, wemọ eyits'ò wecheekeè tai xè, edì t'eekea whetì ts'ò edexè agòòlā. ⁴¹ Zezì t'eekea wìlā nùchì gà yets'ò hadì, “Talìtha koum!” yèhdi. (“T'eekea nùtla nèehsì,” hadì-adì.) ⁴² Ekòet'ì eyì t'eekea (hòonọ-daats'ò-nàke wegheò sù) nùtla gà k'etlò. Dọ sù gìgha enìyah dì. ⁴³ Hanikò Zezì, “Eyì ghọ dọ wùzì ts'ò haahdi-le,” gòhdi t'axọ hadì, “Yeghọ shètì wegghāhdi,” gòhdi.

6

Xàè wèot'ì ehkw'ì adì gùhwhọ-le

¹ Zezì edecheekeè xè ekọ gots'ò naèhtla gà kòta dèzhọ sù ts'ò anajā. ² Nòhtsì Dzeè k'e elègehdeè-kò dọ hoghàehtọ. Dànì gots'ò goìde t'à sù gìgha enìyah lanì, elèts'ò hagedì, “Amì hanì eghàlaeda ha yeghàhòzọ? Dànì t'à dù dọ sù gòzọ xè enìyah hohtsì? ³ Dechì-eghàlaedaa-dọ elì-le nì? Wemọ Mary wiyeh nì? Eyits'ò wechì James, Joseph, Simon eyits'ò Zhìdāa agùt'e-le nì? Eyits'ò wedè gota nàgedè-le nì?” elèts'ò hagedì t'à wegheò gik'èch'a agejā.

⁴ Eyì t'à Zezì gots'ò hadì, “Nakwenāozọọ wekòta gots'ò dọ eyits'ò xàè wèot'ì zọ dọ gùt'ì nùle,” gòhdi. ⁵ Eyì t'à ekọ enìyah lọ hohtsì ha dì. Dọ eyagùlù lọ-lea zọ edìlā gok'e ayìlā gà k'aat'ì agòòlā. ⁶ Zezì, dọ gìgha ehkw'ì-ahodì-le t'à sù weggha enìyah dì. Eyì t'axọ eyì nèk'e kòta hazọọ nàèhtla.

Zezi edecheekeè kòta gòlaa ts'ò goèh?à

⁷ Zezi edecheekeè hoònq-daats'ò-nàke gokayahtı t'à, làa nègıde. İnhı dı yı gots'q xàdegeezhı ha goghàhòıq eyıts'q wecheekeè hazqò nàke elexè aget'ı xè kòta yàgòlaa ts'ò goèh?à.

⁸ Dı yatı goghàıq, hadı, “Ekq k'eahdè nıdè t'ası wızi k'eahle-le, tèh zq k'eahtı. Lèt'è, tehmi, eyıts'q sqòmbawò k'eahle-le. ⁹ Ke t'à-aah'tı, hanikò goht'q weyı aahkw'e zq t'à-aah'tı. ¹⁰ Amı wegà aah't'e ha sı naahdè gots'ò wekò aah't'e. ¹¹ Kòta ts'q dı naxıgıwq-le nıdè eyıts'q naxıgeèhk'w'q-le nıdè, naahdè kwe gıkòta ts'q eht'è naxıkè-t'ı'a whıle aahle (eyı weghàà ekq-le eghàlageeda gık'e nıdahoah?à gık'èezqò ageahle ha),” Zezi hagòhdi.

¹² Eyıt'à wecheekeè eyı nèk'e k'egıadè eyıts'q dı hazqò ts'ò hagedı, “Edek'eahlı xè naxını eładı aahle,” gògedı. ¹³ Dı lq gots'q İnhı xàdegeezhı eyıts'q degai-t'èè dı eyaelı lq k'e ağılà xè k'aat'ı agòğılà.

John-Baptist ełàgıhwho

¹⁴ Zezi wegodı eyı nèk'e hazqò ts'ò ajà t'à k'àowochò Herod yeghò ıkw'o. Dı mòhdaa Zezi ghò hagedı, “John-Baptist naıdà at'ı, eyıt'à enıyah lq hohtı,” gedi.

¹⁵ Dı mòhdaa, “Nakwenàoıq Elijah at'ı,” gedi, eyıts'q ıłàà dı mòhdaa, “T'akwe whaà gots'q nakwenàoıq at'ı,” gedi.

¹⁶ Eyıt'à k'àowochò Herod yeghò ıkw'o ekò hadı, “John-Baptist wekwı k'egıhkà ahłà ıle naıdà at'ı ne!” hadı.

¹⁷ Eyı kwe k'àowochò Herod weyatı k'e John-Baptist dagıachı, wegòò ełeet'ı xè dı-danıılaa-kò nègıhtı ıle. Herod edechı Philip wets'èkeè Herodıas xè honıdzaa sı yets'ıh?ò hanı eghàıdà ıle. ¹⁸ John-Baptist yets'ò dı hadı ıle: “Nechı wets'èkeè xè nàdèe sı wets'æt'q hq't'e,” yèhdi ıle. ¹⁹⁻²⁰ Herodıas John-Baptist dzahwhq t'à, ełàwı ha yıhwhq, hanikò Herod John-Baptist ts'æjı t'à hayele ha dı. John-Baptist dı degai eı xè ehkw'ı eda yek'èezq t'à ełàwı ch'à yek'èdı ıle. John-Baptist gode yeèhk'w'q nıdè yenıedı ha wegħa dezħı, hanikò ıłàà yeèhk'w'q wegħa nezı.

²¹ K'òt'a k'àowochò Herod wedzè k'e Herodıas wıni k'èè agòjà. K'àowochò Herod edecheekeèèè hazqò, wets'q eghqò-dqò għa k'àowo hazqò eyıts'q Galılee nèk'e għa k'aodèe hazqò gogħa nàsıdèe whehtı. ²² Ekııyè k'e Herodıas wetı goyaèhtı, Herod eyıts'q dı hazqò yexè shègezhee sı gogħa datłò.

Herod eyıts'q dı hazqò għa nezı at'ı t'à, Herod t'eekea ts'ò hadı, “Ayı neewqò sı negħàeh?à ha,” yèhdi. ²³ Herod edeyatı nàtsoo t'eekea ghàıq, hayèhdi, “Ayı neewqò sı sıkè nıdè sets'q dèè tanı ts'ò kò negħàeh?à ha,” yèhdi.

²⁴ T'eekea edemq ts'ò èhtı, hayèhdi, “Ayı wehkè lı?” yèhdi.

Herodias hayèhdi, “ ‘John-Baptist wekwì dehwhò, wìdì,” yèhdi.

²⁵ Ekòet'ùì t'eekoa k'àowochò Herod ts'ò naèhtla gà yets'ò hadi, “Dù-t'ùì John-Baptist wekwì kw'à k'e whezòq seghàhge,” yèhdi.

²⁶ K'àowochò Herod sùì yek'eelì, hanìkò hòt'a dọ hazòq yexè shègezhee sùì gidaà yatì nàtsoo whehtsì t'à, ìle yèhdi ha nıwòle. ²⁷ Ekòet'ùì Herod eghòq-dòq ts'ò hadi, “John-Baptist wekwì jò-ìchì,” yèhdi. Eyt'à eghòq-dòq dọ-danìlaa-kò John-Baptist wekwì k'ùhkà ²⁸ gà kw'à k'e nèyèèchì. T'eekoa ghàyyìhgè, eyits'ò t'eekoa edemò ghàyyìhgè. ²⁹ John-Baptist wecheekeè gıghòkw'o ekò wekw'òq negıchì, eyì t'axòq kwe yìì wekw'òq whetò agıllà.

Zezi dọ lọ wànıdì

³⁰ Zezi wecheekeèdè kòta hazòq k'egiadè t'axòq Zezi ghò ląà nègıde, ayì dàgılaa eyits'ò dani dọ hoghàgeehòq sùì hazòq gıts'ò hadi. ³¹ Sùì dọ lọ gots'ò aget'ì t'à Zezi eyits'ò wecheekeè shègezhe ha kò gıgha hòzòq-le. Eyt'à Zezi edecheekeè ts'ò hadi, “Gowhatsòq gòzòq ts'ò ats'ıde, ekò latsaa nahoahzì,” gòhdi.

³² Eyt'à elà yìì gıde gà gowhatsòq gòzòq ts'ò geèze. ³³ Hanìkò dọ lọ gogıazı sùì amı agıt'ee gok'ègeezò t'à, kòta hazòq gots'ò dọ Galilee-tì wetadà tımògeède. Zezi wecheekeè ekò nègıze kwe-t'ùì dọ ekò nègıde. ³⁴ Zezi edecheekeè xè ınòq tawheze ekò dọ lọ elèwhede goazı. Sahzòq gık'èhodì-le lagıt'e t'à, Zezi ededzeè t'à etegòdòzı. Gots'ò gode eyits'ò t'asıì lọ hoghàgoèhtò.

³⁵ Xèhts'ò agodaade t'à Zezi wecheekeè gıgà nıde, hagıhdi, “Hòt'a dzè k'ehòqwo eyits'ò kòta gòlaa ts'ò gòqwà agòht'e t'à, ³⁶ dọ hazòq edegha weghò shèts'ezhee nàgeehdi ha kòta gòlaa ts'ò nagıhà,” gıhdi.

³⁷ Hanìkò Zezi gots'ò hadi, “Naxı t'asıì gıghàahdi.”

Wecheekeè gıts'ò hadi, “Gıgha lèt'è nàts'eèhdi nıde, ek'edı sa eghàlats'ıdà xètłò sqòmba wek'ehowı ha. Shègezhe gha, sqòmba haàtlòq wek'ehots'ehwhı ha neewò nı?” gıhdi.

³⁸ Zezi gots'ò hadi, “Lèt'è dàtlòq naxıts'ò?” gòhdi.

Gık'aèhtò t'axòq Zezi ts'ò hagedi, “Lèt'è sılàì eyits'ò hwe nàke gots'ò,” gıhdi.

³⁹ Zezi edecheekeè gots'ò hadi, “Dọ hazòq ląà t'oh k'e geèhk'w'eè agıahle,” gòhdi. ⁴⁰ Eyt'à dọ mòhdaa ìhèak'w'eènò elèxè geèhk'w'e eyits'ò mòhdaa sılàènò elèxè geèhk'w'eè agogıllà. ⁴¹ Eyt' t'axòq lèt'è sılàì eyits'ò hwe nàke neyyıwa, ıdòò yak'e ts'ò k'eet'ì xè yek'eèyıhtı. Lèt'è nechà-lea tàyyıhdla gà dọ gotaàgeedi ha edecheekeè goghàyyıwa. ⁴² Dọ hazòq gıgha hòt'a ts'ò shègıazhe. ⁴³ Eyt' t'axòq Zezi wecheekeè lèt'è eyits'ò hwe

weghàhoòwoo sù t'òhtq hoònq-daats'ò-nàke dagoòzq nàgèhtsɿ.
 44 Dqzhì sɿlài-lemì (5,000) shègiazhe.

Zezi tɿ ka k'etlò

45 Zezi dq hazqò wànɿdì t'axqò edecheekeè gots'ò hadɿ, “Elà t'à senakweè ɿnqò kòta Bethsaida ts'ò naahzè,” gòhdi. Ededɿɿdè àida, dq hazqò nageèhdeè agòòlà. 46 Eyɿ gots'q naèhtla gà yahtɿ ha shìhka dekiùtla.

47 Togoòt'ò agòjà ekò elà ɿkwè nɿwà ajà, hanikò Zezi ɿaà dèè k'e àida. 48 Zezi wecheekeè gɿnhdqò nawhets'ɿ t'à hòt'ò egeet'òò goazɿ. Totanɿ daats'ò tai nɿzq hanì-le-ɿdè ek'ètai ekɿyèè k'e Zezi tɿ ka edecheekeè gots'ò naetle ekò gozòò naetla ha ɿlè. 49 Hanikò wecheekeè tɿ ka naetle gɿazɿ ekò dqts'ɿɿ at'ɿ gɿwq t'à hazqò hòt'ò gezeh. 50 Hazqò gɿazɿ t'à sù dègeèhyeh.

Ekòet'ì Zezi gots'ò hadɿ, “Naxɿdzeè nàtsoò aahle. Sɿ aht'ɿ. Dahɿ-le,” gòhdi. 51 Gogà elà yìetla et'ì nɿhts'ɿ while agòjà. Wecheekeè sù gɿgha enɿyah dɿ. 52 Gɿdzeè yìekw'ɿ ha gɿgha dezhi t'à lèt'è lq whehtsɿ sù weghàà dq dàhòt'ɿ elɿ gɿɿmedì-le.

53 ɿnqò tàgeèze ekò Genesaret nèk'e dàgeède gà tabàa elà dàgeèzà. 54 Elà yì xàgɿde ts'òet'ì dq Zezi nàgeèzhì. 55 Zezi ekq nùtla ghq dq ts'ò hagedɿ ha eyɿ nèk'e hazqò ts'ò natɿmoqɿde. Eyit'à Zezi edɿ whedaa sù dq eyagɿɿ te k'e whete gɿts'ò agehɿ. 56 Eyɿ nèk'e edɿ k'etlò sù kòta yàgòlaa eyits'q edɿ dq nàdèè sù dq eyaelɿ tɿlì k'e nègele. Gɿghonàdaetì, hagɿhdi, “Dq eyagɿɿ nezeè welq zq kò dageechù agɿle,” gɿhdi. Eyit'à dq hazqò Zezi wezeè xèlagɿdɿ sù k'aat'ì agejà.

7

Hoɿ nàowoò godzeè yì gots'q at'ɿ

1 Pharisee gɿɿ eyits'q Nòhtsɿ-yatù-k'ègedì-dqò mòhdaa Jerusalem gots'q nègɿdeè sù Zezi wemqò nègɿde. 2 Zezi wecheekeè mòhdaa shègezhe kwe edilà k'enagehtse-le gogazɿ, eyit'à wecheekeè gɿlà “degai nùle” k'èè gogɿtà. 3 (Pharisee gɿɿ eyits'q Israel got'ɿ gɿgha k'aodèè hazqò gɿcho gɿnàowoò k'ègedì ha gɿwq t'à nàowo degai get'ɿ k'èè shègezhe kwe t'aats'qò edilà k'enagehtse. 4 Nàedi k'è gots'q nagudè nɿdè t'aats'qò shègezhe kwe edilà k'enagehtse. Nàowo eyɿ lahot'ɿ lq k'ègedì, gɿnàowoò k'èè libò, tq eyits'q lùhtq k'enagehtse.)

5 Eyit'à Pharisee gɿɿ eyits'q Nòhtsɿ-yatù-k'ègedì-dqò Zezi ts'ò hagedɿ, “Dànìghq necheekeè gocho gɿnàowoò k'èè geedale? Edilà ‘degai’ agɿlì-le et'ì shègezhe,” gɿhdi.

6 Zezi gots'q hadɿ, “Degai daahstɿ kò wek'èè aahda nùle! Nakwenàozq Isaiah dànì naxìghq ɿt'èè sù ehkw'ɿ adɿ ɿlè. Dɿ hadɿ dek'èèht'è:

'Du dq xàgeèzaa sù edeyatù zq t'à sets'ò nezɿ agedi, hanikò ededzeè t'à sets'qnegɿzà-le. 7 Ededɿ nàowo gehtsɿ t'à

hoghàgogeehtq; gıgha įka while kò sets'ò yagehtı, Isaiah hadı ìlè.

⁸ Dq gınàowoò k'èè eghàlaahda t'à Nòhtsı Wenàowoò nahk'e wet'aaà dahwhq.

⁹ “Nàahzı laahı! Whatsqò naxınàowoò k'èahdı ha dahwhq t'à, Nòhtsı nàowoò wedè aahlà! ¹⁰ Moses du hadı ìlè, ‘Naxıtà eyıts'q naxımq gıts'q nezı aahda,’ eyıts'q ‘Amı edetà eyıts'q edemq gots'q ich'e xè gots'q nàdaho?aa sı ełààwèahwhı ha hqt'e,’ dek'eèht'è. ¹¹ Hanıkò naxı du haahdı: ‘Dq edetà eyıts'q edemq gots'q du hadı ha hqt'e: Wet'à naxıts'ahdı ha ìlè sı eyı Corban hqt'e,’ haahdı. (‘Corban,’ gedı nıdè ‘Nòhtsı wegħa whezq ahlà,’ gedı-agedı.) ¹² Haahdı t'à eyı dq yet'à edèot'ı ts'adı-le kò dahdı hqt'e. ¹³ Dq għa hanı nàowo aahtsı t'à Nòhtsı weyatı wedè aahzı. Eyıts'q eyı lanı lq k'alaahdè,” Zezı gòhđı.

¹⁴ K'achı Zezı dq hazqò gokayahtı gà gots'q hadı, “Seàhk'w'q, ayı dàehsı sı wedaànaahdè. ¹⁵⁻¹⁶ Dq t'ası edeyı ayehzı sı yet'à ‘degai elı-le’ ade ha nıle, hanıkò weyı gots'q ayı xàewı sı yet'à ‘degai elı-le’ ade ha hqt'e,” gòhđı.

¹⁷ Eyı t'axqò Zezı dq hazqò gots'q naèhtı gà edı kò naetee sı goyaèhtı. Wecheekè dageehke, “Eyı haıdı sı ayı awıdı,” gıhđı. ¹⁸ Zezı gots'q hadı, “Naxıkwı ĩlè dezhı nı? Ayı awèehsı sı ĩlè wek'èahsq-le nı? Ayı gowà yı at'ı sı wet'à ‘degai ts'ııı-le’ ats'ede ha nıle. ¹⁹ Ayı gowà yıekw'ı sı godzeè ts'q at'ı nıle, hanıkò gobò yı at'ı, eyı t'axqò-ıdè gobò yı gots'q gozq at'ı,” gòhđı. (Zezı hadı t'à weghq shèts'ezhee sı hazqò nezı hqt'e dı-adı.)

²⁰ Eyıts'q Zezı hadı, “Dq wedzeè yı gots'q ayı xàdeewı sı yet'à ‘degai elı-le’ hqt'e. ²¹ Nàowohı t'à nàıts'ewoo sı godzeè yı gots'q at'ı hqt'e. Godzeè t'à du hanı nanıts'edè: gozhı t'à hoı k'alats'edè, ets'eezı, dq ełààts'ehwhı, ełexè hoı hots'ehtsı, ²² ets'edı-le, hoı k'èè k'ehots'ezaa, ełghqyats'eezaa, t'asııı ghq nàıts'edè, ełghq ts'ohots'eedı, ehıııı jı ts'ehtsı, xàhots'edı, eyıts'q ezhıne k'èè k'ehots'ezaa. ²³ Hanı nàowohı hazqò dq yı gots'q hqt'e, eyı wet'à dq ‘degai elı-le’ hqt'e,” gòhđı.

Greece got'ıı gots'q ts'èko

²⁴ Zezı eyı gots'q naèhtı, kòta Tyre wemqò kòta gòlaa ts'q ajà. Ekq kò goyaèhtı, eyı whedaa sı dq wıızı yek'èezq ha-le nıwq, hanıkò ĩlè dq gık'èhoèhzà. ²⁵ Ts'èko ĩlè wetı nıhı wets'q-èlı t'à eyaelı sı Zezı eyı wheda ghq ıkw'o et'ıı yets'q èhtı gà yegà nàgòıghè. ²⁶ Eyı ts'èko sı Greece got'ıı hqt'e, kòta Syrian-Phoenicia ekq dq elı hqt'e. Zezı ghqnaetı, hadı, “Sets'q K'àowo, setı nıhı wets'q-èlı sı xàııııı,” yèhđı.

²⁷ Zezı yets'q hadı, “T'akwełqò chekoa shègezhe ha hqt'e. Chekoa gılèt'è gıghq nets'ıııı gà tı ts'q ts'ehk'aa sı ehkw'ı nıle,” yèhđı.

28 Ts'èko yets'ò hadi, “Sets'ò K'àowo, ehkw'ì aidi, hanikò tì kò chekoa gıladà t'á gots'ò lèt'ègwà gedè họt'e,” yèhdi.

29 Zezi yets'ò hadi, “Hani xàyanehiti t'á, hòt'a nekò ts'ò naıtle; mihı neti ts'òò ajà,” yèhdi.

30 Edekò nòotla ekò weti mihı wets'ò-èlı-le xè daèhte k'e wheti nòò.

Dò wedzì goile xè gode-le k'aat'ì ajà

31 Eyi t'axòò Zezi kòta Tyre wemòò kòta gòlaa ts'òò naèhtla eyits'ò kòta Sidon gok'itla. Galilee-ti ts'ò ajà eyits'ò Decapolis kòta gòlaa ekıyèè sı ajà. 32 Ekò dò wedzì goile xè nezì gode ha dii sù wets'ò nègeèchi. Zezi ghònàdageeti, hagedi, “Dii dò nilà wek'e aale,” gıhdi.

33 Zezi eyi dò whatsoò nèyihiti gà edelakw'òò wedziihkw'òò yì ayılà. Eyi t'axòò dèze gà edelakw'òò dò wewali k'e ayılà.

34 İdòò yak'e ts'ò k'et'ı, hòt'ò dèhı xè yets'ò hadi, “Efata!” yèhdi. (“Efata,” gedi nıdè “Nedzi xàgòòzà awede,” gedi-agedi họt'e.) 35 Ekòet'ì eyi dò nezì eèhk'òò ajà eyits'ò wewali t'á nezì godeè ajà.

36 Eyi t'axòò Zezi dò gots'ò hadi, “Dii weghò dò wızi ts'ò haahdi-le,” gòhdi. Hanikò k'èdaà hagòhdi kò k'èdaà gıghò gode.

37 Dò sù gıgha enıyah t'á, hagedi, “Enıyah lò hòèhtsı. Dò gidzi goilee sù egeèhk'òò agohı eyits'ò dò gogede-le sù gogedeè agohı,” gedi.

8

Zezi k'achı dò lò wànıdi

1 Ekıyèè k'e k'achı Zezi wegà dò lò elèwhede. Dò weghò shèts'ezhee gıts'ò-le t'á, Zezi edecheekeè gokayihiti hadi, 2 “Dii dò sedzeè t'á etegeèhı. Tai dzèè sexè giakw'è, hanikò t'ası wızi gıwàhòòdi-le. 3 Dò mòhdaa gòòwà gots'ò aget'ı t'á bò dè nageedè agèhlà nıdè degeèhdi t'á nàgeet'ı ha sını,” gòhdi.

4 Wecheekeè gıts'ò hadi, “Kòta gòlaa ts'ò gòòwà agòht'e, eyit'á edı gots'ò dò gıgha lèt'è deghàà nàts'eehdi ha?” gedi.

5 Zezi gots'ò hadi, “Lèt'è dàtlò naxits'ò?”

“Lèt'è lòhdi,” gıhdi.

6 Zezi dò hazòò, “Dèè k'e dahkw'e,” gòhdi. Eyi t'axòò Zezi lèt'è lòhdi neyıwa gà yek'eèyahiti. Lèt'è tàyızhı gà dò gotaàgedi ha edecheekeè goghııwa, eyit'á wecheekeè hagılà. 7 Lıwe nechà-lea lò-lea gıts'ò sù Zezi k'achı yek'eèyahiti gà edecheekeè hagòhdi, “Dii sı dò gıghàahdi,” gòhdi. 8 Dò hazòò gıgha hòt'a ts'ò shègıazhe. Eyi t'axòò dò hazòò t'ası ghàgèèàa sù wecheekeè nàgehtsı. Hazòò t'á t'òhtò lòhdi haàtlòò nàgehtsı. 9 Dòzhı dı-lemı haàtlòò shègıazhe. Zezi

dọ hazqò nagoèh²à t'axqò, ¹⁰ edecheekeè goxè elà yietla gà Dalmanutha nèk'e ts'ò geè²e.

¹¹ Pharisee guļu mōhdaa Zezi dageehke ha eyi nègude. Zezi geèhd²à ha guwò t'à haguìhdi, “Yak'e gots'ò gogha eniyah hoìhtsì,” guìhdi. ¹² Eyi dọ gikwì dezhi t'à Zezi hòt'ò dèhji xè hadi, “Dànìghò di dọ eniyah deè gezi ha guwò? Ekw'ì anaxèehsì, hanu wuzì gezi ha nile,” gòhdi. ¹³ Eyi t'axqò Zezi gots'ò naèhtla gà elà yietla, ets'è²ò²nèe ts'ò ti te no²geè²e.

Pharisee eyits'ò Herodian guļu sù gits'ò lèt'èa ch'à edek'èahdi

¹⁴ Wecheekeè lèt'è dẹ nagedi no². Elà yi lèt'è ìè zọ edexè k'egeza ìè. ¹⁵ Zezi gots'ò hadi, “Edexoahdi! Pharisee guļu eyits'ò Herodian guļu sù gilet'èa ch'à edexoahdi,” gòhdi.

¹⁶ Eyi hadi ghò elets'ò hagedi, “Lèt'è edexè ats'ùl²à-le t'à adi,” gedi.

¹⁷ Zezi hanì gogede gok'èezọ t'à gots'ò hadi, “Dànìghò lèt'è while ghò elets'ò goahde? Ì²à naxikwì yiekw'ì-le ni? Naxini t'à nani²ahde ha dezhi ni? ¹⁸ Naxidaà eyits'ò naxidzi²hkw'ò² gòh²i-le ni? Eyi ts'ìh²ò² k'eaht'ì-le xè a²hkw'ò-le ni? Di² wha²-le dàgò²à sù asì² wenaahdi? ¹⁹ Lèt'è s²l²à t'à dọzhì s²l²à-lemì g²w²h²ò²dì ekò t'asì² ghàgè²²à sù t'òht² d²t²² dagoò²²ò² n²whahtsì no²?”

“Hoòno²-daats'ò-n²ke,” guìhdi.

²⁰ “Eyits'ò lèt'è lòhdi t'à dọzhì di-lemì g²w²h²ò²dì ekò t'asì² ghàgè²²à sù t'òht² d²t²² dagoò²²ò² aah²à no²?”

“Lòhdi,” guìhdi.

²¹ “Hanì n²dè, ì²à naxikwì yiekw'ì-le ni?” Zezi gòhdi.

Dọ wedaà goilee sù k'a²t'ì² aj²

²² Kòta Bethsaida nèg²²e t'axqò, dọ mōhdaa dọ wedaà goilee Zezi ts'ò geèhchì, g²gh²n²adaeti, hagedi, “Gots'ò K'àowo, nil²a wek'e anele,” guìhdi. ²³ Zezi dọ wedaà goilee yil²à n²ichì gà kòta gots'ò² gòyeèdi. Dọ wedaà k'e dèze, edil²a yek'e ayìl²à gà yets'ò hadi, “T'asì² negha wègaat'ì² ni?” yèhdi.

²⁴ Eyi dọ ida² k'et'ì², hadi, “Dọ segha g²gaat'ì², hanikò ts'ì² k'egedè lanì g²gaat'ì²,” yèhdi.

²⁵ K'achì Zezi edil²a eyi dọ wedaà k'e ayìl²à. Ekòet'ì² wedaà k'a²t'ì² aj² eyits'ò nezì² t'asì² hazqò ghàèda² aj². ²⁶ Zezi hayèhdi, “Hòt'a n²t²², hanikò kòta ts'ò ì²t²²,” yèhdi.

Peter; Zezi Christ anet'e, yèhdi

²⁷ Zezi eyits'ò wecheekeè kòta Caesarea-Philippi gà kò gòla² ts'ò geède. Ek² giadè ekò edecheekeè gots'ò hadi, “Dọ amì aht'e sègedi?” gòhdi.

²⁸ Wecheekeè haguìhdi, “Dọ mōhdaa John-Baptist a²t'e gedi, mōhdaa Elijah a²t'e gedi eyits'ò dọ mōhdaa wha² gots'ò nakwen²ò²²ò² a²t'e nègedi,” guìhdi.

29 Zezi dagoehke, “Ekò naxi, amì aht'e sèahdi?” gòhdi.

Peter Zezi ts'ò hadi, “Ni sù Christ anet'e,” yèhdi.

30 Zezi edecheekeè gots'ò hadi, “Eyi ghò dọ wụzì ts'ò haahdi-le,” gòhdi.

Zezi ɛlaàgùhwhi ha sù yeghò gode

31 Ekò gots'ò Zezi dù hanì (edeghò) edecheekeè ts'ò gode, “Dọ-wet'áazàa-deè sù hòt'ò dajza ha. Qhdah gùlù, yahtù gha k'aodèe eyits'ò Nòhtsi-yatù-k'ègedì-dọò gigha wedè ha họt'e. ɛlaàgùhwhi ha eyits'ò tai dzèè k'ehòqwo nùdè naidà ha họt'e,” gòhdi. 32 Hanì ehkw'ì gots'ò xàyahù, eyit'à Peter whatsòò yets'ò gojde, hayèhdi, “Nexè hagode ha nùle!” yèhdi.

33 Zezi edecheekeè gots'ò ets'aèhtla xè goghàjdà ekò Peter ts'ò hadi, “Wehù, sechùht'a ts'ò aade! Nòhtsi winì k'èè nànwewo nùle, dọ gini k'èè nànwewo họt'e,” yèhdi.

34 Zezi, wecheekeè eyits'ò dọ hazòò edets'ò gokayahù t'axòò gots'ò hadi, “Amì sek'èè at'ì ha nıwòò sù edeghò nànwewo ha nùle eyits'ò edets'ò dechùet'aa sek'èè nayatù ha họt'e.

35 Amì edini k'èè eda ha nıwòò sù wedihòè ha, hanikò amì sets'ihzò eyits'ò godì nezù ts'ihzò edini k'èè eda ha nıwò-le sù edaxàweetè ha họt'e. 36 Dii nèk'e dọ t'asì hazòò edegha dèhnò kò wedàazhù weghò wedihòh nùdè eyi hazòò weggha wet'áazà nùle. 37 Dọ t'asì wụzì k'èè ededàazhù dehnè ha nùle. 38 Dii dọ hòhù k'èè geedaa sù amì gonadaà seghò jùzhaelù xè seyati sù ghò jùzhaelù nùdè wexè hòila ha. Dọ-wet'áazàa-deè edetà wets'ò eniyah deè t'à yak'eet'ù goxè niitla nùdè, yeghò jùzhaelù ha họt'e.

9

1 Ehkw'ì anaxèehsì, dọ mòhdaa jò nàgèehzaa sù Nòhtsi Wenàowò k'èè hòzòò eniyah xè nàtso gezi kwe, ɛlaàgede ha nùle,” Zezi hadi.

Zezi, Moses eyits'ò Elijah ɛlets'ò gogede

2 Ek'ètai dzèè t'axòò Zezi shìh danùchàa ka dekiitla. Ekò whatsòò geèhkw'e ha Peter, James eyits'ò John edexè agòòlà. Ekò ginadaà Zezi ɛladù wègoèht'ì. 3 Wegoht'òò degoo xè wek'e sajdì; dii nèk'e ts'ò t'asì wụzì eyi lanì sù degoo gòhù-le. 4 Ekiyèè k'e Elijah eyits'ò Moses, Zezi ts'ò gogede ginadaà gìgoèht'ì.

5 Peter Zezi ts'ò hadi, “K'àowo, jò ts'eèhkw'e gogha nezì dii. Kòà tai gots'uhtsì; jè negha, jè Moses weggha eyits'ò jè Elijah weggha,” yèhdi. 6 (Sù geèhyeh t'à Peter dàdii-adù sù yek'èezò-le kò adì.)

7 Hòtsaa k'oh gimòò ajà. K'oh yì gots'ò gots'edeè họt'e, “Dii Seza họt'e, weghonehtò; weàhkw'ò!” hats'edii họt'e.

⁸ Hanikò Zezì wecheekeè edemòò k'egeet'ì là dọ wụzị gĩazị-le, Zezì zọ gĩazị.

⁹ Shìhka gots'ọ hodàgèede ekò Zezì hagòhdi, “Dọ-wet'aaàa-deè naidà gots'ọ ayì weahzị sị dọ wụzị ts'ọ haahdi-le,” gòhdi. ¹⁰ Eyit'à ayì gĩazị sị weghọ dọ wụzị ts'ọ hagedi-le, eyi wecheekeè tai sị Zezì “naidà” ghọ godee sị dàdì-adì gụwọ t'à elets'ọ zọ gighọ gode.

¹¹ Wecheekeè tai dageehke, “Dànìghọ Nòhtsị-yatù-k'ègedi-dọò nakwenàozọọ Elijah t'akwelòò nùtla ha, gedi,” gùhdi.

¹² Zezì hagòhdi, “Ehkw'1 agedi, Elijah t'akwelòò nùtla ha họt'e, t'asị hazọò sìnìhòzà ha. Hanikò nakwenàozọọ du hanì dek'enègùt'è: Dọ-wet'aaàa-deè dàzà ha eyits'ọ dọ hazọò gigha wede ha. ¹³ Hanikò sị du hanaxèehsị, Elijah họt'a jọ nùtla ìlè, hanikò t'agụwọ ts'ọ gighàlądà. Dànì weghọ dek'eèht'èe sị wek'èè agòjà họt'e,” gòhdi.

Dọzhia ìnìhụ wets'ò-èlì sị k'aat'ù ajà

¹⁴ Zezì edecheekeè tai xè wecheekeè eyì-le ts'ọ nègùde ekò, dọ ịọ gımọò nàèhza, eyits'ọ Nòhtsị-yatù-k'ègedi-dọò gots'ọ nàyagehtì gĩazị. ¹⁵ Dọ hazọò Zezì gĩazì ts'òet'ì sị gigha eniyyah diì. Gits'ọ tımọgeède eyits'ọ gits'ọ gode.

¹⁶ Zezì gots'ọ hadi, “Ayì ghọ Nòhtsị-yatù-k'ègedi-dọò gits'ọ nàyaahitì?” gòhdi.

¹⁷ Dọ ìlè Zezì ts'ọ hadi, “K'àowo, seza nets'ọ nùhtì. Seza ìnìhụ wets'ò-èlì ts'ìhzọ gode ha diì. ¹⁸ Ìnìhụ wexèdì taat'eè dèè k'e ts'ọ nàyehxà xè wewà ts'ọ goghoo at'ì, edeghòò ekek'eek'à eyits'ọ wekw'ọọ ehkw'1-ètsò at'ì. Necheekeè ìnìhụ xàdeguzhì ha daguhke, hanikò hagele ha diì,” dọ yèhdi.

¹⁹ Zezì gots'ọ hadi, “Naxì dọ yàahhù sị naxìgha ehkw'1-ahodi-le. Dàwhaà ts'ọ naxìxè aht'e ha? Dàwhaà ts'ọ sìnì tsjahwhì ha?” Hadi t'axọò dọzhia wetà ts'ọ hadi, “Neza sets'ọ wùhchi,” yèhdi.

²⁰ Eyit'à dọzhia Zezì ts'ọ geèhchì. Ìnìhụ Zezì ezì ts'òet'ì, dọzhia họt'ò ts'ehhì lat'ì ayìlà. Dọzhia dèè k'e nàakw'ò, k'edezà xè wewà ts'ọ goghoo xàewì.

²¹ Zezì dọzhia wetà daehke, “Dàwhaà ts'ọ neza du hanì nọò?”

Dọ yets'ọ hadi, “Dọzhia nechà-lea elì ts'ọ hanì họt'e. ²² Ìnìhụ elààyèhwhì ha nıwọ t'à t'aats'ọò kò dèk'ọò nı nàkw'ì ayehzì, eyits'ọ tekw'ì ayehzì. Wegha t'asị haale ha diì-le nùdè, etegoneèzì xè gots'àadi,” Zezì ts'ọ hadi.

²³ Zezì yets'ọ hadi, “Dànìghọ 'haale ha diì-le nùdè, nùdì? Dọ gigha ehkw'1-ahodu sị t'asị hazọò gigha diì nùlè,” hayèhdi.

²⁴ Ekòet'ì eyi dọ hadi, “Segha ehkw'1-ahodi ne; sìnì nàtso-le ch'à sets'àadi!” yèhdi.

²⁵ Zezi dọ lọ wets'ò tùmogèede goaṛì ekò, ìnìhù ts'ò hadì, “Ìnìhù, dú dọzhia wedziù goile xè gode-le ha weghàlaneedà. Weyì gots'ò xàtle nèehsì eyits'ò k'achì wets'ò anaade-le,” yèhdi.

²⁶ Ìnìhù whezeh, dọzhia sù ts'ehhì lat'ì ayìlà t'axò yeyì ts'ò xàèhtà. Dọzhia dọ eḷawo lanì wègaat'ì t'á, dọ hagedì, “Eḷawo ne,” gedì. ²⁷ Hanìkò Zezi dọzhia wilà niichì gá nàwo ayìlà.

²⁸ Zezi kò goyaèhtà t'axò wecheekeè whatsoqò dageehke, “Dàniḡhò goxì ìnìhù xàwedets'eezhi ha dii?” giìhdi.

²⁹ Zezi gots'ò hadì, “Ìnìhù dú lanù sù yats'ehtì zọ t'á xàdets'eezhi họt'e,” gòhdi.

³⁰⁻³¹ Eyì kòta gots'ò nageèhde, Galilee nèk'e k'egiadè. Zezi edecheekeè hoghàgoehtò t'á edù geèhkw'ee sù dọ wìzì yek'èezọ ha niwọ-le. Zezi gots'ò dú hadì, “Dọ-wet'áazàa-deè dọ t'áaḡihtè ha họt'e. Eḷaḡiwhì ha eyits'ò tai dzeè t'á naidà ha,” gòhdi. ³² Hanìkò wecheekeè ayì ghọ adù sù gímiedì-le, eyì ghọ dageehke ha gùwọ kò t'asagedì-le.

Amì denahk'e eḷ?

³³ Kòta Capernaum nègùde. Kò goyì geèhkw'e ekò Zezi edecheekeè dagoehke, “Tìlì k'e nats'adè ekò ayì ghọ elets'ò nàyaahì nọqò?” gòhdi. ³⁴ Hanìkò wecheekeè gita ts'ò amì denahk'e eḷ gedì ghọ elets'ò nàyagehtì ìlè t'á t'asagedì-le.

³⁵ Zezi dèhkwà gá edecheekeè hoòno-daats'ò-nàke edegà geèhkw'eè agòlà, hagòhdi, “Amì denahk'e wet'áazàa eḷ ha niwọq sù dek'azì eḷ ladeewọ ha họt'e, eyits'ò dọ hazọq cheekeè eḷ lanì ha họt'e,” gòhdi.

³⁶ Eyì t'axò chekoa nechà-lea niichì gá wecheekeè gota nàwo ayìlà. Edegò chekoa wemọq ayìlà gá edecheekeè gots'ò hadì, ³⁷ “Amì sùzì dahxà dú chekoa nechà-lea lanù ts'ò nezì aniwọq sù sì sets'ò nezì aniwọq họt'e. Eyits'ò amì sets'ò nezì aniwọq sù sì zọ sets'ò nezì aniwọq niile, amì jọ ts'ò sùhàa sù eyì sì ts'ò nezì aniwọq họt'e,” gòhdi.

Amì gok'èch'a at'ì-le sù goxè at'ì họt'e

³⁸ John Zezi ts'ò hadì, “K'áowo, dọ ìlè niuzì t'á ìnìhù xàdeèzhì wets'azì. Goxè at'ì-le t'á, hat'ì ha-le wèts'edi,” yèhdi.

³⁹ Zezi yets'ò hadì, “Wech'á weahzọ-le. Dọ wìzì sùzì dahxà eniyah hòèhtsù sù whà-le-t'ì seghọ godì nezì-le t'á gode ha niile. ⁴⁰ Amì gok'èch'a at'ì-le sù goxè at'ì họt'e. ⁴¹ Ehkw'ì anaxèehsì, Christ wets'ò aah't'e t'á amì sùzì dahxà tì zọ kò naxìghàdì nùdè, wek'èxa t'asì nezì weghòt'á ha họt'e,” yèhdi.

Amì wets'ihzọ chekoa hoḷù hogehtsì

⁴² Eyì t'axò Zezi edecheekeè ts'ò dú hadì, “Dù lanù chekoa nechà-lea gìgha ehkw'ì aehsù sù amì hoḷù hogehtsù agohzù sù eyì dọ wegħa hoila ha họt'e. Dọ hanì hojù hohtsì ch'á wek'o k'e kwe nedàa wexeet'ì gá tégùxà nùdè wegħa denahk'e nezì ha

hɔt'e. ⁴³⁻⁴⁴ Naxilà t'à hoŋu hoahstɪ nɪdè wek'eahkà. Naxilà ɲè zɔ t'à welɔ while ts'ò aahdaà aahjà nɪdè naxɪgha denahk'e nezɪ hɔt'e. Hanì-le-ɪdè naxilà nàke xè wehɫkò ts'ò anaxedle ha, ekò kò naekwɪ hoɪɪ nɪle. ⁴⁵⁻⁴⁶ Eyits'ɔ naxikè t'à hoŋu hoahstɪ nɪdè wek'eahkà. Naxikè ɲè zɔ t'à welɔ while ts'ò aahdaà aahjà nɪdè naxɪgha denahk'e nezɪ hɔt'e. Hanì-le-ɪdè naxikè nàke xè wehɫkò ts'ò anaxedle ha hɔt'e. ⁴⁷ Eyits'ɔ naxidaà t'à hoŋu hoahstɪ nɪdè wedɛ aahlɛ. Naxidaà ɲè zɔ t'à Nòhtsɪ Wenàowoò k'èè hòzɔɔ ts'ò aahjà nɪdè naxɪgha denahk'e nezɪ ha hɔt'e. Hanì-le-ɪdè naxidaà nàke xè wehɫkò goyanaxegeehdè ha hɔt'e. ⁴⁸ Ekò 'yìda eɫàade hoɪɪ nɪle eyits'ɔ kò naekwɪ hoɪɪ nɪle.' ⁴⁹ Kò t'à dewa nàtsoo laahde ha.

⁵⁰ “Dewa nezɪ hɔt'e, hanikò dewa ɲèdì-le ajà nɪdè dànì ɲèdì anajà lɪ? Dewa nàtsoo laahde eyits'ɔ eɫexè ts'èwhɪ aahda,” Zezi edecheekeè gots'ò hadɪ.

10

Zezi zòlets'eedee k'e xàyahtɪ

¹ Zezi eyɪ kòta ts'òò naèhtɫa tɫ'axòò Judea nèk'e ts'ò ajà, Jordan-deh nɪzàa wete ts'ò ajà. K'achɪ dɔ ɪɔ yets'ò eɫèwhede eyits'ɔ hoghàgoehtɔ, t'aats'òò hatɪ ɲè t'à.

² Pharisee guɲu sɪ geèhdzà ha gɪts'ò-ède. Dageehke, hagiùhdɪ, “Gonàowoò k'èè ha nɪdè asɪ dɔzhɪ edets'èkeè zògeede ha dùle?” giùhdɪ.

³ Zezi gots'ò hadɪ, “Moses nàowo dàhòt'ɲ naxɪghàzɔ?” gòhdɪ.

⁴ Zezi ts'ò hagedɪ, “Moses dù nàowo goghàzɔ: ‘Dɔzhɪ edets'èkeè zòyeede ha nɪwɔ nɪdè zòlets'eedee nɪht'è yegha sɪyele gà xàyeehzà ha,’ dek'eèht'è,” giùhdɪ.

⁵ Zezi gots'ò hadɪ, “Naxɪkwɪ nàtso t'à, Moses eyɪ nàowo naxɪghàzɔ ɲè. ⁶ Hanikò dù nèè hòèlɪ ekò Nòhtsɪ sɪ ‘dɔzhɪ eyits'ɔ ts'èko whehtsɪ.’ ⁷ ‘Eyɪ ts'ɪhɔ dɔzhɪ edetá eyits'ɔ edemɔ gots'òò xàetɫa ha. Edets'èkeè xè ɲè lanɪ ha, ⁸ eyits'ɔ eyɪ nàke geet'èe sɪ edezhɪ t'à dɔ ɲè lagede ha hɔt'e.’ Eyɪt'à dɔ nàke agɪt'e-le, hanikò dɔ ɲè zɔ lagɪt'e. ⁹ Eyɪt'à Nòhtsɪ dɔ nàke eɫghàgòɪlaa sɪ dɔ wɪzɪ eɫets'òò agole ha nɪle,” Zezi gòhdɪ.

¹⁰ Kò goyɪ nagɪde ekò Zezi dàdɪ sɪ ghɔ wecheekeè dageehke. ¹¹ Zezi gots'ò hadɪ, “Dɔzhɪ edets'èkeè zòyeede gà ts'èko eyɪ-le xè honòɔdza nɪdè, eyɪ dɔ sɪ edets'èkeè k'èch'a hoŋu hòèhtsɪ hɔt'e. ¹² Eyits'ɔ ts'èko ededɔ zòyeede gà dɔ eyɪ-le xè honòɔdza nɪdè, eyɪ ts'èko hoŋu hohtsɪ hɔt'e,” Zezi gòhdɪ.

Zezi eyits'ɔ chekoa nechà-lea

¹³ Eyì t'axòò dọ edezaa nechà-lea Zezì edilà gok'e ayele ha gɔwò t'à, Zezì ts'ò gogeèwa, hanikò wecheekeè haah't'ì-le gògedì t'à nàgogeezò. ¹⁴ Zezì haget'ì goazì ekò gots'ò wɔnì-le xè edecheekeè gots'ò hadì, “Chekoa sets'ò gidè agiahle, sets'agiahzò-le. Amì dɔ chekoa lagɔt'ee sù Nòhtsì Wenàowoò k'èè hòzòò gɔts'ò họt'e. ¹⁵ Ehkw'ì anaxèehsì, amì chekoa lanì Nòhtsì Wenàowoò k'èè hòzòò edegha yìhchì lenq̄sì, ekò goyaetla ha nùle,” Zezì gòhdì. ¹⁶ Eyì t'axòò Zezì edegòò chekoa gomòò ayìl̀l̀, eyìts'ò edilà gok'e ayìl̀l̀ gà gok'eèyàhtì.

Dọ ahxee-deè

¹⁷ Zezì t'asì ts'ò naèhtla ekò dọ ɔ̀l̀è yets'ò t̄mòèhza gà yegà nàgòhge, hayèhdì, “K'àowo nezì, ayì dàhl̀l̀l̀ n̄dè welò w̄hìle ts'ò ehdaà asedle ha?” yèhdì.

¹⁸ Zezì yets'ò hadì, “Ayìha k'àowo nezì s̄dì? Dọ nezì gòh̄h̄ nùle; Nòhtsì zò nezì họt'e. ¹⁹ Moses wenàowo-deè wek'èizò ne: ‘Dọ efaahwhì-le, elexè hòh̄h̄ hoah̄tsì-le, aahzì-le, dọ ghò hoah̄ts'ì-le, dọ ghòyaahzà-le eyìts'ò naxit̄a eyìts'ò naximò gɔts'ò nezì aahda,’ ” Zezì yèhdì.

²⁰ Eyì dọ hadì, “K'àowo, chekoa eh̄h̄ gots'ò eyì nàowo hazòò wek'èz̄aht'è họt'e,” yèhdì.

²¹ Zezì yeghàeda xè yeghòneètò, hayèhdì, “T'asì ɔ̀l̀è zò hanelà-le. Nàhtle, t'asì hazòò nets'ò sù neghò nàedì gà eyì sòmba sù họt'ì dọ-teèt'ì gìghàl̀le. Hanì-ìdè yak'e t'asì nechàa nedawhezò ha họt'e. Eyì t'axòò-ìdè sek'èè k'èida,” Zezì yèhdì.

²² Zezì hadì ts'òet'ì dọ ts'òòn̄wòò ajà xè naèhtla, dọ ahxee-deè el̄ t'à.

²³ Zezì dọ hotì goghàeda xè edecheekeè gots'ò hadì, “Dọ ahxee sù Nòhtsì Wenàowoò k'èè hòzòò goyaetla ha wegħa wèhoedì-le họt'e,” gòhdì.

²⁴ Hadì t'à wecheekeè gìgha enìyah d̄ì. Hanikò Zezì k'achì hadì, “Secheekeè, Nòhtsì Wenàowoò k'èè hòzòò goyats'eedè ha sù sù wèhoedì nùle! ²⁵ Dọ ahxee sù Nòhtsì Wenàowoò k'èè hòzòò goyaetla ha wegħa d̄ì họt'e. Eyì wenahk'e t̄ts'aad̄ìcho dat̄ht'̀l̀-à-k'è degħaetla għa sù denahk'e d̄ì-le họt'e,” Zezì gòhdì.

²⁶ Wecheekeè sù dezòò gìgha enìyah t'à hagedì, “Hanì-ìdè amì edaxàwèet̄ l̀ì?” gedi.

²⁷ Zezì goghàeda xè hadì, “Dọ gìgha d̄ì họt'e, hanikò Nòhtsì wegħa d̄ì-le họt'e; Nòhtsì t'asì w̄z̄ì wegħa d̄ì gòh̄h̄ nùle,” gòhdì.

²⁸ Peter, Zezì ts'ò hadì, “Goxì nek'èè k'ets'edè ha ts'ìwò t'à, t'asì hazòò wedè ats'ìl̀l̀ ɔ̀l̀è!” yèhdì.

²⁹ Zezì edecheekeè gots'ò hadì, “Ehkw'ì anaxèehsì, amì segħa eyìts'ò godì nezì għa eghàlaeda ha n̄wò t'à edekò, edechì, ededè, edet̄a, edemò, edeza, eyìts'ò wets'ò dèè gots'òò

naehtla nɪdè, ³⁰ eda gots'ò lèakw'eènq laàtlq ts'ò weghòzhe ha. (Dii nèk'e wekò, wechi, wedè, wemq, weza, eyits'q wets'q dèè daɪza xè weghòzhe ha.) Eyits'q ɪdaà welq while ts'ò eda eyi sɪ weghòt'à ha. ³¹ Dq t'akwe geèhkw'ee sɪ nqode geèhkw'ee agedle ha, eyits'q dq nqode geèhkw'ee sɪ t'akwe geèhkw'ee agedle ha," Zezi gòhdi.

Zezi eɫààgùhwhi ha sɪ k'achɪ yeghò gode

³² Jerusalem ts'ò Zezi wecheekeè yek'èè giadè ekò Zezi ghq sɪ gɪgha enɪyah dii, hanikò dq eyii-le goxè aget'ɪ sɪ geeɪ. Zezi edecheekeè hoònq-daats'ò-nàke whatsqò nègòqwa gà wets'ò dàgode ha sɪ ghq gots'ò goɪde, ³³ hadɪ, "Jerusalem ts'ò ts'eedè ha. Ekq Dq-wet'àazàa-deè sɪ yahtu-gha-k'aodè eyits'q Nòhtsɪ-yatù-k'ègedi-dq t'aàgehtè ha hq't'e. Eɫàawɪ gha gɪsɪniyahtɪ ha. Eyɪ t'axqò dq eɫadɪ t'aàgɪhtè ha. ³⁴ Gɪk'adaedè ha, gɪk'e geezè ha, nàgeehkwa ha eyits'q eɫààgùhwhi ha, tɪ dzèq nɪdè naìdà ha," Zezi gòhdi.

James eyits'q John Zezi ghòhk'èè geke ha gɪwo

³⁵ Ekɪyeè k'e Zebedee weza James eyits'q John, Zezi ts'ò nɪtegeètlà, hagedɪ, "K'àowo, ayɪ nets'eekeè sɪ gogha haɫe ha nets'ɪhwhq," gùhdi.

³⁶ "Naxɪgha ayɪ dàhɫe ha seahwhq?" Zezi gòhdi.

³⁷ Gɪts'ò hadɪ, "K'àowocho wheɫɪ nɪdè goxɪ ɪ nè negà nàgòts'ehnèè whedaà eyits'q ɪ nè negà gots'ɪhts'q whedaà agoɪle," gùhdi.

³⁸ Zezi hagòhdi, "Ayɪ aahkèè sɪ wek'èahsq nɪle. Lɪbò wets'q ehdq ha sɪ wets'q aahdq ha dii-le nɪ? Hanɪ-le-ɪdè dani sek'ètaɪdzq k'èq naxɪk'ètaɪdzɪ ha dii-le nɪ?" gòhdi.

³⁹ "Hèzè, hats'ede ha dii-le," gùhdi. Zezi gots'ò hadɪ, "Lɪbò wets'q ehdq sɪ naxɪ sɪ wets'q aahdq ha hq't'e, eyits'q dani sek'ètaɪdzq sɪ eyɪ lani naxɪk'ètaɪdzɪ ha hq't'e, ⁴⁰ hanikò amɪ segà nàgòts'ehnèè wheda ha, eyits'q amɪ segà gots'ɪhts'q wheda ha sɪ sɪ sets'ò hoèɪ nɪle. Amɪ segà wheke ha sɪ setà hòt'a gogha sɪgòqòlà ɪ nè hq't'e," gòhdi.

⁴¹ Wecheekeè hoònq sɪ James eyits'q John ayɪ Zezi dagɪhke ghq egɪkw'o ekò gɪk'èch'a agòjà. ⁴² Zezi edecheekeè ɪàq nègòqwa gà hagòhdi, "K'àowocho gɪɪ sɪ dq eyii-le xàzaa ts'ò k'adahogedè, eyits'q gɪcheekeè t'akwe geèhkw'e ededɪ sɪ dq ts'ò k'adahogedè, wek'èahsq hq't'e. ⁴³ Hanikò naxɪxè hagòht'e ha nɪle. Amɪ naxɪta t'asɪ deè eɪ ha nɪwq sɪ naxɪgha eghàlaedaa-dq eɪ ha hq't'e, ⁴⁴ eyits'q naxɪta amɪ t'akwe wheda ha nɪwq sɪ naxicheekeè eɪ ha hq't'e. ⁴⁵ Dq-wet'àazàa-deè, ededɪ kò, dq yegha eghàlageeda gha nɪtla nɪle, hanikò dq ts'adi gha eyits'q dq gha eɫàawɪ gha nɪtla hq't'e. Dq ɪq gɪhoɪ gɪghq nahoezhe gha eɫàawɪ ha hq't'e," Zezi edecheekeè gòhdi.

Dọ wedaà goilee sù k'aat'ì ajà

⁴⁶ Èkìyèè k'e kòta Jericho nègùde. Zezi eyits'ò wecheekeè eyi kòta ts'ò nageèhde ekò dọ lọ gok'èè geède. Dọ wedaà goilee Bartimaeus wiyeh sù tılıbàa wheda xè t'asù gha nàdaeti. ("Bartimaeus" gedi nìdè "Timaeus weza" gedi-agedi.) ⁴⁷ Zezi ekọ naetle ghọ iikw'o ekò naidzeh xè hadi, "Zezi, k'àowocho David Weza, etesenèezi!" hadi yaizeh.

⁴⁸ Dọ lọ, "Ts'èwhì aat'e," gùhdi, hanikò k'èdaà hòt'ò naidzeh, "K'àowocho David Weza, etesenèezi!" hadi ezeh.

⁴⁹ Zezi nùtla, dọ gots'ò hadi, "Sets'ò utla wèahdi," gòhdi.

Eyit'à dọ wedaà goilee ts'ò gogede, hagedi, "Ninà welè! Nàawo! Wets'ò-utla ha nùhwhọ," gùhdi. ⁵⁰ Ekòet'ì edezeè zòpwa gà iwahà Zezi ts'ò èhtla.

⁵¹ Zezi yets'ò hadi, "Ayì negha dàhle ha seneehwhọ?" yèhdi.

Eyi dọ Zezi ts'ò hadi, "K'àowo, segha xègaat'ì ha dehwhọ," yèhdi.

⁵² Zezi yets'ò hadi, "Naitle! Negha ehkw'ì-ahodi t'à k'aat'ì aneja," yèhdi. Ekòet'ì k'et'ì ajà eyits'ò Zezi k'èè naèhtla.

11

Zezi títsoa t'à Jerusalem nùtla

¹ Zezi edecheekeè xè kòta Bethphaga eyits'ò Bethany ts'ò gọpwa-lea nùtla. Eyi kòta nàke sù shih Olivet weghohk'eè gòla, eyits'ò Jerusalem ts'ò gọpwa-le agòht'e. Ekọ ts'ò Zezi edecheekeè nàke edenakweè goèhza, ² hagòhdi, "Idaà kòta ts'ò læahtle. Ekọ nìlaahtla et'ì títsoaza wet'à-ats'aat'ì-le eyi daet'ì weahzi ha. Daweahge gà, jọ sets'ò nat'ì ahxà. ³ 'Ayì gha aahzi?' dọ naxèhdi nìdè, 'Gots'ò K'àowo yet'à-at'ì ha nìwọ. Ekòet'ì neghọ yeechi ha, hawèahdi nọ," Zezi gòhdi.

⁴ Eyit'à wecheekeè nàke ekọ nìlegeètla ekò títsoa mọt'a enitọ-k'è daet'ì giazì. Dagùge ekò, ⁵ dọ mọhdaa eyi nàgeèhzaa sù gots'ò hagedi, "Dànighọ aahzi? Ayìha títsoa daahgè?" gògedi. ⁶ Wecheekeè nàke gots'ò hagedi, "Gots'ò K'àowo yìwọ eyits'ò whaà-le-t'ì naxits'ò anayeke ha ne," gedi. Eyit'à dọ títsoa nìgìchì agogìlà. ⁷ Títsoaza Zezi ts'ò nègeèchi, edezeè gikanìwa gà Zezi yek'e wheda. ⁸ Dọ lọ edezeè wenadaà tili k'e nètègùwa eyits'ò dọ mọhdaa zori lanu k'egùzhì gà wenadaà tili k'e nègùwa. ⁹ Dọ lọ Zezi nakweè giadè eyits'ò dọ lọ yek'èè giadè, yagìzeh xè hagedi,

"Hosanna! Gots'ò K'àowo dahxà nùtlaa sù wexè sìghà họt'è!

¹⁰ Gocho David wet'ì axọp K'àowocho elì ha sù wexè sìghà welè! Hosanna! Nòhtsì weghàsọts'eedi!" gedi.

¹¹ Zezi Jerusalem nùtla ekò Nòhtsìkò-gocho ts'ò ajà. Ekọ t'asù hazọ ghàidà, hanikò xèhts'ò agodaade t'à edecheekeè hoòp-daats'ò-nàke xè kòta Bethany ts'ò naèhtla.

Zezi Nòhtsìkò-gocho gots'ò tìts'aàdì xàdeèzhì

¹² Ek'èdaedzè k'e kòta Bethany ts'ò nageèhde ekò Zezi sù bò waewì ajà. ¹³ Ekò nìwà-lea jìechots'ì wèzìt'òq wèk'e whela yaɹì. Jìecho wèk'e dehshe sòni nìwò t'à ekò èhtlà. Yegà nìtlà ekò jìecho wìzì wèk'e whezò-le, t'òq zò. Ìlà jìecho dehshe ha nèhòwi-le. ¹⁴ Zezi eyì ts'ì ts'ò hadì, “K'achì jìecho wìzì nek'e dehshe wèlè-le.” Hadì sù wecheekeè gùkw'o.

¹⁵ Zezi Jerusalem nìtlà ekò Nòhtsìkò-gocho gà ts'ò ajà. Ekò dọ t'asì ełeghò nàgeehdì sù hazò xàgodeèzhì. Ladà k'e sòmba ehdagele eyìts'ò ladà k'e k'aba lanì gìghò nàedì sù goghò kwìteyèhde. ¹⁶ Eyìts'ò t'asì nàedì sù dọ wìzì Nòhtsìkò-gocho gà k'egle ha nìwò-le. ¹⁷ Dì hadì dọ hoghàgòèhtò, “Dì hanì dek'èht'è họt'e:

'Sekò sù dū nèk'e dọ hazò gha yats'ehtu k'è gòzò họt'e,'
hanìkò naxì sù 'egeezì-dò gha kò' gòwhahtsì,” gòhdì.

¹⁸ Yahtì-gha-k'aodè eyìts'ò Nòhtsì-yatì-k'ègedì-dò Zezi hadì gùkw'o ekò ełàgìhwhì ha gùwò, hanìkò dọ hazò Zezi ayì hoghàgòèhtò sù gìgha enìyah t'à hagele ha gìts'àiɹì.

¹⁹ Xèhts'ò agòjà ekò Zezi edecheekeè xè Jerusalem ts'ò nageèhde.

Jìechots'ì whegò

²⁰ K'omòdòdò nagìadè ekò jìechots'ì Zezi yets'ò goɹde ìlè sù hazò whegò nò gìaɹì. ²¹ Zezi eyì ts'ì ts'ò goɹde ìlè sù Peter yenadi t'à yets'ò hadì, “K'àowo, jìechots'ì ghàida! Wets'ò xàyanèhtì ìlè sù hazò whegò ajà!” yèhdì.

²² Zezi yets'ò hadì, “Nòhtsì ts'ò nìni nàtso wèlè! ²³ Ehkw'ì anaxèehsì, dì shìh ts'ò dì haahdì, 'Tèe ts'ò adìle,' wèahdì nìdè eyìts'ò naxìni nàtso xè naxìgha ehkw'ì-ahodì nìdè wèk'èè agode ha họt'e. ²⁴ Ehkw'ì anaxèehsì, naxìgha ehkw'ì-ahodì xè ayì gha yahtì sù hotì naxìghòt'à ha dahwhò nìdè naxìghòt'à ha họt'e. ²⁵⁻²⁶ Eyìts'ò yahtì nìdè amì weghò nahoahlà-le sù weghò nahoahlè. Haaht'ì nìdè Naxità yak'e whedaa sù naxìhòhì naxìghò nahoele ha họt'e,” gòhdì.

Zezi, amì dahxà at'ì

²⁷ K'achì Jerusalem nìagùde ekò Nòhtsìkò-gocho ts'ò geède. Nòhtsìkò-gocho gà giadè ekò yahtì-gha-k'aodè, Nòhtsì-yatì-k'èdì-dò eyìts'ò qhdah gùlì sù Zezi ts'ò geède, ²⁸ hagedì, “Ayì dahxà dì hanì eghàlajda? Amì hanì neghàhòzò t'à anet'ì?” gùhdì, dageehke.

²⁹ Zezi gots'ò hadì, “Sì sì t'asì danaxèehke ha. Ek'èt'à sets'ò haahdì nìdè, amì wedahxà eghàlaehdaa sù naxìts'ò haehsì ha. ³⁰ John-Baptist dọ k'ètàidzì sù amì dahxà at'ì nò? Yak'e go-dahxà at'ì hanì-le-ìdè dọ dahxà at'ì? Dàahwhò sù sedaahdì,” gòhdì.

³¹ Eyi ghò elets'ò hagedi, “ ‘Yak'e godahxà at'ì,' ts'edi nùdè, 'Dànìghò ehkw'ì adì dahwhò-le nòò?' gòhdi ha. ³² Ekò 'Dò dahxà at'ì,' ts'edi nùdè gogha nezì ha nùle,” elègeedi. (Dò hazòò John-Baptist nakwenàòzòò giit'ì ne t'à, k'aodèe gots'àgeejì.)

³³ Eyi t'à Zezi ts'ò hagedi, “John-Baptist amì dahxà at'ì sù wek'èts'eezò-le,” giìhdi.

Zezi gots'ò hadi, “Hani-ìdè sù sù amì dahxà dù hani eghàlaahdaa sù naxìts'ò haehsì ha-le,” gòhdi.

12

Dèè-k'ègedi-dòò gìgodì

¹ Eyi t'axòò Zezi godì t'à dò xè godo, hadi: “Dò jìè ededèè k'e jìechots'ìi dehshe ha nèyìla. Kwe t'à yemòò kwì whehtsì, jìecho tàtsògeèhze k'è gòhtsì eyits'ò wegodoo jìechots'ìi wehoedi ha dagòzòò k'è gòhtsì. Eyi haàtìòò hayìlì t'axòò dèè-k'ègedi-dòò gìk'e eghàlaeda ha ededèè dò ghònèyìzòò, eyi t'axòò nìwà kòtaèhtìla. ² Jìecho diidì agòjà ekò jìecho mòhdaa yegha nàhtsì gha edecheekeè jìè ededèè ts'ò yeèhza. ³ Hanikò dò dèè k'ègedi sù wecheekeè dagiachì, geèht'ì eyits'ò jìecho dè nageèhza. ⁴ K'àowo k'achì edecheekeè jìè gots'ò nayeèhza, hanikò wekwì nàgùht'ì xè nezì gits'ò eghàlagìdà-le. ⁵ Eyi t'à k'àowo k'achì edecheekeè eyi-le gots'ò yeèhza, hanikò eìlàngìhwho. K'achì wecheekeè eyi-le lò ekò nagoèhza, hanikò mòhdaa gokwòyaa-gogìlì eyits'ò mòhdaa eìlàngìhdè.

⁶ “Dò jìè zò gots'ò yeèhza ha whedaà ajà: edeza ghòneètòò sù ekò yeèhza ha nìwò. Eyi t'à nòòde ts'ò edeza gots'ò yeèhza, edets'ò hadi, ‘Seza ts'ò nezì nageza ha ne,’ hadi.

⁷ “Hanikò dèè-k'ègedi-dòò weza gìa zì ekò haègeedi, ‘Dù k'àowo weza sù dù dèè weghe elì ha hòt'e. Eìlàngìhwho, hani-ìdè wedèè goxì goghaelì ade ha,’ gedi. ⁸ Eyi t'à dagiachì gà eìlàngìhwho, eyi t'axòò eyi dèè gots'òò xàgeèhxa.

⁹ “Eyi t'à k'àowo dèè-k'ègedi-dòò ginezi-le sù dàgole ha? K'àowo ekò nìtìlì nùdè eyi dò eìlàngòhde ha, eyits'ò dèè dò eyi-le ghàyeza ha. ¹⁰ Nòhtsì Nìht'è k'e dù hani dek'eèht'èè sù wek'eyaahì-le nì:

‘Kwekò-gogehtsì-dòò kwe zògeèhk'aa sù eyi kwe denahk'e wet'aa?aa whelì. ¹¹ Gots'ò K'àowo gogha hani eghàlagìdà sù gogha enùyah dii, dek'eèht'è,’ Zezi gòhdi.

¹² K'aodèe gùlì sù godì t'à goghò godeè-adì ginièdì t'à Zezi dageechì ha gùwò. Hanikò dò Zezi k'èè k'egedèe sù gots'àgeejì t'à t'asagìlì-le eyits'ò nageèhde.

Pharisee gùlì sù Zezi geèhdza

¹³ Eyì t'axòò Pharisee gùlù mòhdaa eyits'ò Herodian gùlù mòhdaa Zezì ts'ò gogeèhà. Edahxò ekò-le xàyahtù nìdè weyatù t'à wek'e nìdahots'eezà ha gùwò. ¹⁴ Zezì gà nègùde ekò gùts'ò hadì, “K'àowo, ehkw'ì zò gojìde wek'ets'eezò. Dò dàhòt'ù agùt'ee sù negha wet'àazà-le t'à, dò ayì geèhkw'ò ha gùwò sù k'èè gojìde nùle, hanikò Nòhtsì Wenàowoò ghò ehkw'ì dò hoghàhtò. K'àowodeè Caesar, sòòmba wets'àts'eehdì sù asù eyì negha ehkw'ì ne? ¹⁵ Sòòmba wets'àts'eehdì ha hanì-le-ìdè hats'ele ha-le?” gùhdì.

Hanikò Zezì eghoyageezàa-dòò agùt'e gok'èezò. Eyit'à gots'ò hadì, “Ayìha seahdzà xè seyatù t'à sek'e nìdahoahzà ha dahwhò? Satsòà degoo weghàhdà,” gòhdì. ¹⁶ Satsòà degoo gùghàèchì t'axòò, Zezì gots'ò hadì, “Amì wekwì eyits'ò amì wùzì dek'e whezò?” gòhdì.

“K'àowodeè Caesar,” gùhdì.

¹⁷ Eyit'à Zezì gots'ò hadì, “Hanì-ìdè ayì K'àowodeè wets'ò ne sù weghàahle, eyits'ò ayì Nòhtsì wets'ò ne sù Nòhtsì ghàahle,” gòhdì.

Hadì t'à sù gùghàhoeli.

Sadducee gùlù sù Zezì geèhdzà

¹⁸ Eyì dzeè k'e Sadducee gùlù sù mòhdaa Zezì ts'àgede. Ìdaà nìdè dò naidà ha sù gùgha ehkw'ì-ahodì nùle. Eyì ghò Zezì dageehke ha gùwò t'à gùts'àwhede. ¹⁹ Hagùhdì, “K'àowo, Moses dù hanì gogha nàowo enùt'è: ‘Dò wezàa gòhì-le et'ù ełàawì, hanikò wets'èkeè ìaà eda nìdè wechì yets'èkeè nayìchì ha họt'e, eyits'ò edùde gha chekoa nùle ha họt'e, dek'eèht'è. ²⁰ Ełechì lòhdì gòhì ìlè ts'edì. Gòjìde t'akwelòò ts'èko ìhchì, hanikò wezàa gòhì-le et'ù ełajwo. ²¹ Eyit'à wet'axòò wechì yets'èkeè xè honìdza. Ededì sù wezàa gòhì-le et'ù ełajwo, eyits'ò wechì tai t'à wheda eyì sù wexè hagòjà, ²² eyits'ò ełechì lòhdì geet'èè hazòò gùxè hagòjà. Nòqde ts'ò ts'èko ededì sù ełajwo. ²³ Eyit'à dò naidàa dzeè k'e nìdè eyì ts'èko ełechì lòhdì hazòò goxè họt'ì ne t'à amì ts'èkeè ełì ha?’ gedù Zezì dageehke.

²⁴ Zezì gots'ò hadì, “Nòhtsì Nìht'è eyits'ò Nòhtsì enùyah t'à weggha dùi-le sù wek'èahsò-le t'à ekò-le naxìgha ehkw'ì-ahodì. ²⁵ Dò naidàa dzeè k'e nìdè ełexè honìgedè ha nùle, yak'ee'ù lagùt'e ha. ²⁶ Dò ełajdè eyits'ò nagìdà ha sù eyì ghò naxìdahsì: Moses wenùht'è k'e gogho nì kò dèk'òò wegòdù wek'eyaahitile nì? Nòhtsì edeghò dù hadì ìlè: ‘Abraham Wenòhtsì, Isaac Wenòhtsì eyits'ò Jacob Wenòhtsì aht'e,’ dek'eèht'è. ²⁷ Eyit'à dò ełajdè gha Nòhtsì ełì nùle, dò geeda gha Nòhtsì ełì họt'e. Naxì sù sù ekò-le nànahdè!” Zezì gòhdì.

Nàowo denahk'e wet'àazàa deè

28 Nòhtsɪ-yatù-k'èdì-dòò jhè ekò niitla ekò Zezi Sadducee gɪlɪ goxè nàyaehtɪ yùkw'o. Zezi yatù ehkw'u goghàɪzò yeniedì ts'ihzò Zezi ts'ò hadì, "Moses wenɪhtl'è gots'ò ayì nàowo denahk'e wet'aaazà?" yèhdì.

29 Zezi yets'ò hadì, "Dù nàowo sù denahk'e wet'aaazà họt'e: 'Israel got'jì, seàhk'w'ò, gots'ò K'àowo Gonòhtsɪ họt'e, ededì sù jhè zò họt'e. 30 Naxɪdzeè hazòò t'à, naxɪdàzhi sɪ t'à, naxɪnì eyits'ò naxɪt'ɪ sɪ t'à Nòhtsɪ weghoniatq ha họt'e.' 31 Nàowo wek'èè whezòò sù dù hanì dek'eèhtl'è: 'Edeghoniatq k'èè naxèot'ɪ gighoniatq ha họt'e.' Eyì nàowo nàke sù denahk'e gogha wet'aaazà họt'e," yèhdì.

32 Nòhtsɪ-yatù-k'èdì-dòò Zezi ts'ò hadì, "K'àowo, ehkw'u xàyanehtì. Nòhtsɪ jhè họt'e eyits'ò ededì zò Nòhtsɪ họt'e. 33 Godzeè hazòò t'à, eyits'ò goinì hazòò sɪ t'à weghonets'eètòò, eyits'ò edeghonets'eètò k'èè gòet'ɪ gighonets'eètòò sù, Nòhtsɪ t'asì weghàts'ele eyits'ò wets'ò t'asì k'ets'eehk'ò nahk'e wet'àhoòzà họt'e," yèhdì.

34 Eyì dò winì gòzòò xè xàyàhtì Zezi yeniedì t'à, yets'ò hadì, "Nòhtsɪ Wenàowoò k'èè hòzòò ts'ò nɪwà-le wheɛda," yèhdì. Dò jìzhagɪlɪ agedle ha gɪwò-le t'à, ekò gots'ò t'asì ghò Zezi dageehke-le agejà.

Christ amì Weza họt'e?

35 Zezi Nòhtsɪkò-gocho gà dò hoghàehtò ekò, gots'ò hadì, "Dànìghò Nòhtsɪ-yatù-k'ègedì-dòò Christ, k'àowocho David Weza ne gùhdì? 36 K'àowocho David Yedàyeh Nezɪ dahxà dù hadì jhè:

'Gots'ò K'àowo, sets'ò K'àowo ts'ò hadì: Amì nets'ò xànegɪzàa sù hazòò gighonè anehle gots'ò, nàgòts'ehnè k'e segà wheɛda, dek'eèhtl'è.

37 Hanì dek'eèhtl'è-ɪdè, David 'sets'ò K'àowo' yèhdì nɪdè dànì t'à yeza elì weli?" Zezi gòhdì.

Dò lò Zezi geèhk'w'òò sù dànì gots'ò xàyàhtì t'à gɪnà.

38 Zezi dò hoghàgoehtò ekò gots'ò hadì, "Nòhtsɪ-yatù-k'ègedì-dòò gɪlɪ sù hotì gɪxoahdì. Goht'ò nedè wèdaat'jì t'à kòta k'egedè xè dò gɪts'ò nezɪ nàzàa sù gɪgha nezɪ. 39 Eyits'ò elèghdèe-kò goyì dò wet'aaazàa gha daèhchɪ whela k'e geèhk'w'e eyits'ò nàsɪ hoè-ɪdè ɪdaà geèhk'w'e ghageewì. 40 Ts'èko gɪdòzhì elàɪdè sù goghò kò gɪhchɪ, eyits'ò dò goghàgɪdà gɪwò t'à whaà yagehtì. Hanù dò sù hòt'ò dagɪzàa agedle ha họt'e," Zezi gòhdì.

Ts'èko eteèt'jì sòmba yet'à edaa hazòò nèyɪla

41 Zezi Nòhtsɪkò-gocho gha sòmba-tòò yì sòmba gelee yetadà wheda ekò, dò lò edesòmbaà deyì gehdè goghàeda. Dò ahxee lò sòmba lò deyì gehdè. 42 Ts'èko eteèt'jì wedòzhì

elajwoosì eyi niitla ekò satsòq dek'oo nechà-lea nàke deyì yihde. Eyi satsòq nàke sì jè satsòq k'azì elì họt'e.

⁴³ Zezi edecheekeè gokayahtì gà gots'ò hadì, “Ehkw'ì anaxèehsì, eyi ts'èko eteèt'ì sì dọ hazòq nahk'e sòmba deyìhde họt'e. ⁴⁴ Dọ hazòq sòmba lọ gits'ò sì weta ts'ò mọhdaa zọ eyi nẹgula, hanikò eyi ts'èko eteèt'ì sì yet'à edaa sòmbaà hazòq deyì yijwa,” gòhdi.

13

Christ jọ ts'ò anade ha nìkw'o nùdè ayì ghàà wek'èhoedzọ ha

¹ Zezi Nòhtsikò-gocho gots'òq naèhtla ekò wecheekeè jè hayèhdi, “K'áowo, wajda! Dì kò-gocho k'òqni wèdaat'ì! Kwe dàhcho-so t'à hòèlì!” yèhdi.

² Zezi yets'ò hadì, “Eyi kò-gocho wèdaat'ì wèghàda nì? Kwe jè kò ełeka dawhela ha niile, hazòq hodæt'ì ha họt'e,” yèhdi.

³ Zezi shìh Olivet gòyeh ekọ wheda xè Nòhtsikò-gocho ghàeda ekò Peter, James, John eyits'ò Andrew whatsòq gits'ò-ède, hagiìhdi, ⁴ “Dàht'e-ìdè hagode ha sì gots'ò haidì. Hagode ha nìkw'o nùdè ayì ghàà wek'èts'eezọ ha?” giìhdi.

⁵ Zezi gots'ò hadì: “Hotìi kexoahdi, naxìghọyagìzà sòq. ⁶ Dọ lọ suzi t'à-aget'ì xè 'Christ aht'e,' gedi ha eyits'ò dọ lọ ghọyagee?à t'à gogha ehkw'ì agedì ha. ⁷ Ełegegọ ghọ aàhk'w'o ha, hanikò weghọ dahjì-le. T'akwelòq eyi hazòq hagode ha họt'e, hanikò ekòet'ì nọqde dzeq k'e nèhòkw'ì ha niile. ⁸ Dì nèk'e dọ hazòq xàzaa ełegegọ ha. Dọ eyi-le xàzaa lọ gùnèk'e dèè hòt'ò nàgòidà ha eyits'ò bọ while agode ha. Eyi hazòq hagode ha sì ts'èko wezaa gòhè ha nùdè t'akwelòq wegħa eya xèhoiwì sì eyi lagode ha họt'e.

⁹ “Dọ naxìts'ò xànegìzàa sì gixoahdi. Nàyaeti-kò ts'ò anaxegele ha eyits'ò ełegehdèe-kò goyì naxìk'egèehkwa ha. Sì sets'ìhzo k'áowocho eyits'ò dèe-ts'ò-k'áowo gùnadà naxìsniyaeti anaxegele ha, eyits'ò seghọ gits'ò goahde ha. ¹⁰ T'akwelòq dì nèk'e dọ hazòq xàzaa godì nezì hoghàgiahtọ ha. ¹¹ Danaxegiachì gà naxìghọ nàyaeti nùdè wekwe-t'ì ayì dàahdi ha sì weghọ nàniàhdè-le. Ekìyeè k'e nùdè yatì naxìghọt'à ha sì k'èè goahde. Naxì xàè naxiyatì t'à goahde ha niile, hanikò Yedàyeh Nezì wedaxà goahde ha họt'e.

¹² “Ekìyeè k'e nùdè ełechi-t'ì k'aodèe t'ì aàlegìhtè ha, eyits'ò gotà gùlì sì edeza hagole ha. Chekoa sì edeot'ì k'aodèe t'ì aàgògìle xè ełàgògìhdee agogele ha. ¹³ Sì sets'ìhzo dọ hazòq naxìdzagìhwhọ ha, hanikò amì nọqde ts'ò Nòhtsì ghọ wni nàtsoò adìhwhọq sì edaxàweetè ha.

¹⁴ “T'asìhì wet'à degai k'è gòzọq tsìgowì ha sì eyi nàzà ha-le kò eyi nàzà weahzì ha. (Amì eyi yek'eyahtì sì yeniedi weli.) Ekìyeè k'e nèhòwo nùdè Judea nèk'e dọ nàgedèe sì

shih̄ta ts'ò kwìgùhdè. ¹⁵ Eyì dzèè k'e n̄dè d̄o edekò dahmò ka wheda n̄dè hodàwetla-le eyits'ò wekò goyì t'asì whelaa s̄i neyìwa gha goyawetla-le. ¹⁶ Eyits'ò d̄o ededèè k'e eghàlaeda n̄dè ek'èt'à edezèè n̄zah ha edekò n̄òwetla-le. ¹⁷ Eyì dzèè k'e n̄dè ts'èko chekoa xè hotù geeda-le eyits'ò bebia t'ògeht'ò aghèz̄ s̄i, s̄i ḡixè hoila ha h̄ot'e! ¹⁸⁻¹⁹ Ekìiyèè k'e kwìahdè n̄dè d̄o hazò s̄i dagùza ha t'à xo k'e agode ha-le gha yaahtì. N̄òhtsì d̄i nèè whehtsì gots'ò d̄i dzèè ts'ò d̄o h̄ajt'ò dagùzà while, eyits'ò k'achì hanagode ha n̄ile. ²⁰ N̄òhtsì eyì hagode ha s̄i weghònahòt'eè ayìllà-le n̄dè d̄o w̄uzì edaxàeda ha n̄ile. Hanikò N̄òhtsì d̄o gòjhchì s̄i ḡigha dzè l̄o-lea adle ha. ²¹ Ekìiyèè k'e d̄o naxits'ò d̄i hagedì n̄dè, 'Christ j̄o wheda!' hanì-le-ìdè 'Yèè wheda,' gedì n̄dè, naxìgha ehkw'ì agudì-le. ²² D̄o m̄ohdaa hogets'ì t'à d̄i hagedì ha, 'Christ aht'e,' hanì-le-ìdè 'Nakwenàozòq aht'e,' hagedì xè enìyah nechàa hogehtsì ha. N̄òhtsì d̄o gòjhchì s̄i ghòdageehné ha diì-le n̄dè eyì d̄o kò ghoyageezà ha h̄ot'e. ²³ Eyit'à kexoahdì; eyì hagode kwe eyì naxits'ò haehs̄ s̄i hotù wenaahdì.

²⁴ "Ekìiyèè k'e hanì d̄o ḡixè hoila t'axòq-t'ì sa daazà-le agode ha, adzèzah xè togoòt'ò agode ha, ²⁵ eyits'ò whò hodàet'ì xè yat'a hòt'ò nàgoidà ha.

²⁶ "Eyì dzèè k'e D̄o-wet'àazàa-deè enìyah t'à n̄atso xè k'oh k'e n̄itla ha, eyits'ò d̄o hazòq gezì ha. ²⁷ D̄o-wet'àazàa-deè edeyak'èet'ì d̄i nèk'e hazòq welò ts'ò gohza ha. N̄òhtsì d̄o gòjhchì s̄i nàgogehtsì ha.

²⁸ "J̄iechots'ì weghàà d̄i hanì hoghànaxeeht̄: Ts'ì wets'ìhchì dezhì-le at'ì xè wets'ò t'òq xàlaekè n̄dè hòt'a ìmbè agode ts'ò whaà-le wek'èts'èezq h̄ot'e. ²⁹ Eyì xèht'eè t'asì hazòq weghò goihdee s̄i weghàahda n̄dè weghàà eyì dzèè wets'ò n̄wà-le nèhòkw'o h̄ot'e wek'èahsq ha. ³⁰ Ehkw'ì anaxèehs̄, ekìiyèè k'e d̄o geedaa s̄i eyì hazòq hagode kwe ełàgede ha n̄ile. ³¹ Yak'e eyits'ò dèè while agode ha h̄ot'e, hanikò seyati w̄uzì s̄i while ade ha n̄ile.

Ayì dzèè k'e agode ha s̄i wek'èhoedzq n̄ile

³² "D̄o w̄uzì ayì dzèè k'e agode ha s̄i yek'èezq n̄ile, yak'èet'ì kò gik'èezq n̄ile, eyits'ò N̄òhtsì Weza ededì kò yek'èezq n̄ile, Gotà ededì zq yek'èezq h̄ot'e. ³³ Eyit'à edexoahdì xè siniahkw'e! Ayì dzèè k'e hagode ha s̄i wek'èahsq n̄ile. ³⁴ D̄i godì lagode ha: D̄o ahxee t'asì ḡoqwa ts'ò kòtaetla ha t'à edecheekè t'asì hazòq ts'ò k'ahogedè agòl̄à eyits'ò gitaat'eè la goghàizq. Eyits'ò detla kwe enìtq-k'èdì-dòq ts'ò hadì, 'Hotù kexoahdì,' yèhdì.

³⁵ "Eyit'à kexoahdì! Ayì dzèè k'e kò ts'ò k'àowo n̄òqtla ha s̄i wek'èahsq n̄ile. Xèhts'ò n̄òqtla ha tahkò, totanì tahkò hanì-le-ìdè k'omòdòq et'ì n̄itla ha tahkò. ³⁶ H̄otsaa n̄itla n̄dè

wheahte welè sòò. ³⁷ Naxíts'ò dàehsɿ sù dọ hazòò sɿ ts'ò haehsɿ họt'e, 'Kexoahdi!' ” gòhdi goxè godo.

14

Ts'èko Zezi k'e yik'eeft'òo ayìlà

¹ Dzèdeè Passover gha nàsɿ hoè ts'ò nàke dzeè while agòjà. Eyi dzèdeè k'e lèt'èa dẹ lèt'è ghọ shègezhe họt'e. Yahtu-gha-k'aodèe eyíts'ò Nòhtsɿ-yatù-k'ègedù-dòò Zezi efaàguhwhi ha gɿwọ t'à, dànì dọ naàhtọ dageechi ha sù kak'eeget'ì. ² Hanikò elets'ò hagedi, “Dzèdeè Passover ekìyèè k'e ats'ùle-le. Hats'ùlà nùdè dọ xè nìdahòiwɿ ha sọnì,” gedi.

³ Ekìyèè k'e kọta Bethany Zezi Simon wekọ wheda. (Simon gokwọ tàda t'à eyalè.) Ekọ ts'èko kwetọq yù yik'eeft'òo dètù k'ehɿ xè Zezi ladà k'e shètɿ ts'ò èhtlà. Kwetọq nàyùzhì gà yik'eeft'òo yekwì k'èjht'ì.

⁴ Hanikò dọ mọhdaa eyi geèhkw'ee sù gɿgha nezɿ-le t'à, elets'ò hagedi, “Ayìha dù yik'eeft'òo t'asì kaà-le nałayeht'ì? ⁵ Eyi yik'eeft'òo sù jìè xo eghàlats'ùdà xètłọ elì họt'e. Sọmba lọ k'èxa weghọ nàèdì gà dọ-teèt'ù ghàyele ha jìè,” gedi. Eyt'à yatù nàtsòo t'à eyi ts'èko ts'ò sọagedi.

⁶ Zezi gots'ò hadi, “Whatsọò awet'ì. Ayìha dù ts'èko ts'ò sọahdi? Segha t'asì nezù hayìlà họt'e. ⁷ Dọ eteèt'ù sù t'aats'òò naxìxè geeda ha họt'e, eyíts'ò t'alàa-sù k'e gıts'aahti ha dii-le, hanikò sù sù t'aats'òò naxìxè whihda ha nùle. ⁸ Ayì segha hayele ha dii-le sù hayìlà họt'e. Dù yik'eeft'òo sezhi k'e nałayeht'ù sù sekw'òò nìtù dzeè daà ayìlà họt'e. ⁹ Ehw'ì anaxèehsɿ, edù nèk'e segodù nezù t'à elexè gogedoo sù dù ts'èko segha ayì dàyìlàa sù weghọ elexè gogedo ha họt'e. Ayì dàyìlàa sù dọ gınadì ha họt'e,” gòhdi.

¹⁰ Eyi t'axòò wecheekè hoòno-daats'ò-nàke gots'ò jìè, Zhıdàà-Isariyot wiyeh, Zezi yahtu-gha-k'aodèe t'aaeyhte ha nıwọ t'à gots'ò èhtlà. ¹¹ K'aodèe eyi ghọ gıkw'o ekò sù gınà t'à gıts'ò hadi, “Sọmba lọ nets'ats'eehdì ha,” gıhdì. Eyt'à dànì Zezi k'aodèe got'aaeyhte ha sù gha naèhɿ.

Zezi edecheekè xè nọde shètɿ

¹² Passover dzeè xèhòòwo ekò (eyi dzeè k'e taat'eè yahtù, Passover gha, sahzọà Nòhtsɿ ts'ò gik'eehk'ò), Zezi wecheekè dageehke, hagedi, “Edù nàsɿ Passover ghọ shètɿ ha? Negha sùgots'ele ha neewọ nì?” gıhdì.

¹³ Zezi edecheekè nàke gots'ò hadi, “Jerusalem ts'ò laahtlè, ekọ dọ kwetọ t'à tı naehtı naxìnìhdòò etlà ha. Wek'èè-t'ù aahde. ¹⁴ Kọ goyaèhtlà nùdè dọ wekọ agòht'ee sù wets'ò dù haahdi, 'Gots'ò K'àowo nets'ò hadi: Edù shèt's'ezhe gha gòzọ? Secheekè gıxè nàsɿ Passover ghọ shètɿ ha dehwhọ, wèahdi.

15 Eyi dɔ dahkò gɔchàa gòzɔɔ ekɔ t'asì hazòò ts'atà whelaa sù ts'ò naxeewa ha. Ekɔ shèt's'ezhe gha sùgoahle," Zezi gòhdi.

16 Eyi't' à wecheekeè nàke Jerusalem ts'ò legeèhtla, Zezi dàgòhdi sù hotù wek'èè hagòjà. Eyi't' à Passover gha nàsì sìnìhogìzɔ.

17 Xèhts'ò agòjà ekò Zezi edecheekeè hoònɔ-daats'ò-nàke xè eyi nùtla. 18 Ladà k'e shègezhe ekò, Zezi hagòhdi, "Ehkw'ì anaxèehsì, dɔ mè naxita whedaa sù k'aodèe t' ààsìhtè ha; naxita dɔ mè sexè shètù sù eyi hɔt'e," gòhdi.

19 Wecheekeè sù gìgha dù, ełek'èdaà Zezi ts'ò hagedi, "Sì asùdi-le nì?" gùhdi.

20 Zezi hagòhdi, "Secheekeè hoònɔ-daats'ò-nàke gots'ò mè hɔt'e. Amì sexè kw'àyà yì lèt'è tenahtsoo sù eyi hɔt'e. 21 Hotù Nòhtsì Nìht'è k'e dànì dek'eèht'è k'èè Dɔ-wet' àazàa-dee ełàawì ha hɔt'e, hanikò amì k'aodèe got' ààyehtè ha sù wegħa hoìla nechà ha hɔt'e. Eyi dɔ wegòhì-le nùdè denahk'e wegħa nezì ha mè," gòhdi.

22 Shègezhe ekò Zezi lèt'è neyìhì gà yek'eèyahtì. Eyi t'axòò lèt'è tàyùzhì, edecheekeè goghàyùdi, hadì, "Dù lèt'è ààhchì, wegħo shèahzhe. Dù sezhì hɔt'e," hadì.

23 Eyi t'axòò libò neyìhì gè gà yek'eèyahtì eyìts'ò k'achì edecheekeè goghàyìhì gè gà wets'ò giadɔ.

24 Eyìts'ò gots'ò hadì, "Dù sedoò hɔt'e sù wet' à nakenahòdi hɔt'e. Dɔ lɔ għa sedoò xàt'ì," gòhdi. 25 "Ehkw'ì anaxèehsì, dù jìetì k'achì naxìxè nahdɔ ha-le. Nòhtsì Wenàowoò k'èè hòzɔɔ wexèhòwo nùdè k'achì naxìxè jìetì wegòò ehdɔ ha," gòhdi.

26 Shì giàjì t'axòò shìh Olivet gòyeh ts'ò xàgèede.

Peter Zezi k'èezɔ-le hadì ha

27 Ekɔ geèhkwe ekò Zezi gots'ò hadì, "Naxì hazòò sets'òò kwìahde ha. Dànì dek'eèht'èe sù wek'èè agode ha:

'Sahzòq-k'èdù-dòò nàweht'ì ha eyìts'ò sahzòq hazòò ehkègeh' à ha,' dek'eèht'è.

28 Hanikò naihdà t'axòò nùdè naxìnakweè Galilee nèk'e ts'ò ahde ha," gòhdi.

29 Peter yet's'ò hadì, "Dɔ hazòò nets'òò kwìgeèhde kò sù hahde ha nùle," yèhdi.

30 Zezi yet's'ò hadì, "Ehkw'ì anèehsì, dù toò et'ì k' àba nàekeè ezeh kwe, taà-eh't' àa sek'èzɔ-le nùdi ha hɔt'e," yèhdi.

31 Hanikò Peter yet's'ò hadì, "Nexè ełæhwhì ha nòò kò, nek'èehsɔ-le dehsì hqìlì ha nùle," yèhdi. Wecheekeè hazòò, ededì sì, hagedi.

Zezi wegħa dù xè Nòhtsì ts'ò yahtì

32 Eyi t'axòò Gethsemana gòyeh ts'ò gèede. Zezi gots'ò hadì, "Jɔ naahzì. Yahdaà nèehtla gà yahtì ha," gòhdi. 33 Peter, James

eyits'ò John edexè goòwa. Siì wegħa diì agòjà, ³⁴ hagòhdi, “Siì segħa diì t'à, ełahwhı ha lanı. Jò sedaahkw'e xè kexoahdı,” gòhdi.

³⁵⁻³⁶ İdaà gòqwa-lea niittı, dèe k'e nàgòıhgè xè yahtı hadı, “Abà, Setà, t'ası negħa diì gòhı-le. Du wet'à dàıhzaa sı sets'òq anele. Hanikò sıni k'èè welè-le; nını k'èè welè,” Zezi hadı yahtı.

³⁷ Yahtı t'axòq edecheekeè tai goghò nòqtı ekò geète nòq. Peter ts'ò hadı, “Simon, wheetı nòq. İlè sadzeè kò sexè ts'ıgòıdı ha diì ni? ³⁸ Hoıı naxıdaèht'è ch'à edexoahdı xè yaahtı, hanııdè hoıı naxıdaèht'è ha-le. Naxıts'ò ını ehkw'ı anıwq, hanikò wek'èè aahda ha wèhoedi-le,” gòhdi.

³⁹ Zezi k'achı yahtı ha ekò naèhtı, yatı eyı-t'ıi t'à yahtı. ⁴⁰ Edecheekeè goghò nòqtı ekò sıi begeexı t'à k'achı gete nòq. Zezi ts'ò agudı whıle.

⁴¹ Eyı t'axòq taà-eh't'aà decheekeè gots'ò naèhtı, hagòhdi, “İlaà wheahte ni aah't'e? Hòt'a! Dq-wet'aaazaa-deè hoıı-hogehtsı-dqò t'aagıhtè ha nihoqwo. ⁴² Niàhdè, nats'ııdè. Amı hoıı-hogehtsı-dqò ghàsihtè ha sıi jò niittı,” Zezi gòhdi.

Zezi giıhchi

⁴³ İlaà Zezi edecheekeè gots'ò gode et'ıi wecheekeè hoòno-daats'ò-nàke gots'ò ilè, Zhıdàà wıyeh, eyı niittı. Dq ıq behcho eyits'ò dechı k'egele xè wexè eyı nègııde. Yahtı-gha-k'aodèe, Nòhtsı-yatı-k'ègedı-dqò eyits'ò qhdah gııı sıi dq ekò ts'ò gogıhza.

⁴⁴ Zhıdàà, Zezi k'aodèe gotı'aàyehtè ha sıi, dq yexè aget'ıı ts'ò du hadı ilè, “Dq wehts'ıı sıi eyı wèahchı. Eghq-dqò, k'aodèe ts'ò geechıı agıahle,” gòhdi ilè. ⁴⁵ Zhıdàà ekòet'ıi Zezi ts'ò èhtı gà yets'ò hadı, “K'àowol!” yèhdi gà yıts'ı. ⁴⁶ Eyıt'à dq Zezi negıchı. ⁴⁷ Eyı hagòjà ekò Zezi wecheekeè ilè behcho xàechı gà yahtı-wet'aaazaa-deè wecheekeè ilè yedzeèbàa dachıhwho.

⁴⁸ Eyı t'axòq Zezi dq hazqò ts'ò hadı, “Ayııha behcho eyits'ò dechı sets'ò k'eahle? Elets'egq għa aht'ı dahwhq ni? ⁴⁹ Dze taat'eè Nòhtsıkò-gocho gà dq hogħaèhtq ilè, hanikò sèahchıle ilè. Nòhtsı Nıhtı'è k'èè agode ha t'à, du hagode ha t'ııt'e,” gòhdi. ⁵⁰ Hadı t'axòq wecheekeè hazqò gıts'òq natımoqeèhde xè kwıgeèhde.

⁵¹ Cheko ilè zeh nedèe zq t'à-at'ıı sıi Zezi k'èè èhtı. Dq eyı cheko dagıachı ekò, ⁵² edezeè ıdè aèhchı ayıılà gà ıht'edè kwıèhsa.

Zezi wegħò nàyaeti

⁵³ Dq Zezi dagıachı sıi yahtı-wet'aaazaa-deè wekò ts'ò geèhchı. Yahtı-gha-k'aodèe, qhdah gııı, eyits'ò Nòhtsı-yatı-k'ègedı-dqò

ekò elègehde. ⁵⁴ Peter ìdè sìghajwaà gok'èè etle, yahtu-wet'aaàa-deè wekò gà kwekwì nawheza ts'ò gok'èè nùtla. Goyaèhtla gà enìtò-k'ègedì-dòò gogà dèhkwa xè naìgwì.

⁵⁵ Yahtu-gha-k'aodèe eyits'ò k'aodèe yàgùlù hazòò Zezi elààgehwhì ha gùwò. T'asìjù t'à Zezi k'e nìdahogeezà ha dò dageehke, hanikò t'asì t'à yek'e nìdahogeezà ha sù gogùhòò-le. ⁵⁶ Dò lò hogets'ì t'à gìk'e nìdahòòò, hanikò weghò ełek'èè agedì-le.

⁵⁷ Eyì t'axòò dò mòhdaa negùide gà weghò hogets'ì, dù hagedì: ⁵⁸ “Eyì dò dù hadì wets'ùkw'o, ‘Nòhtsìkò-gocho dò yehtsù sù wedìhohtsì ha eyits'ò tai dzeè k'ehòòwo nùdè k'achì jè dò yèhtsì-le sù nahtsì ha, hadì jè,” dò nàke hagedì. ⁵⁹ Hanikò eyì dò sù weghò ełek'èè agedì-le.

⁶⁰ Eyìt'à yahtu-wet'aaàa-deè gonadaà nùtla gà Zezi ts'ò hadì, “Dò neghò dàgedù sù wek'e xàyahtì ha-le nì? Dò ayì ghò nek'e nìdahogeezàa sù weghò dàìdì ha?” yèhdi. ⁶¹ Hanikò Zezi xàyahtì-le. Eyìt'à yahtu-wet'aaàa-deè k'achì hayèhdi, “Nòhtsì Weza, Christ anet'e nì?” yèhdi.

⁶² Zezi yets'ò hadì, “Eyì aht'e. Ìdaà nùdè Dò-wet'aaàa-deè Nòhtsì t'asì wegħa dì-le sù gà nàgòts'ehnéè wheda weahzì ha. Ìdòò yak'e gots'ò k'oh xè nùtla ha,” yèhdi.

⁶³ Hadì t'à yahtu-wet'aaàa-deè sù wek'èch'a t'à edezeè tàjhdlà gà dò gots'ò hadì, “Hòt'a k'achì dò gìk'e nìdahogeezà-le kò. ⁶⁴ Goxì xàè Nòhtsì k'èch'a xàyahtù sù wets'ùhkw'o ne. Dàni wesìnyaahtì ha?” gòhdi.

“Dàdì k'èxa elààwì ha,” gedi, hazòò gìsìnyahhtì. ⁶⁵ Eyìt'à dò mòhdaa gìk'e geezè, eyits'ò wedaà k'e eht'ì elègeèzà gà nàgeeht'ì, gits'ò hadì, “Nakwenàòòòò lanì gots'ò gojde!” gùhdi. Eyì t'axòò enìtò-k'èdì-dòò nigùichì gà gìkwòòyaa-gùlà.

Peter Zezi k'èezò-le hadì

⁶⁶ Ekìiyèè k'e Peter eyì kò-gocho gà mòht'a wheda ekò t'eekoa eyì eghàlaedaa sù yexa èhtla. ⁶⁷ Peter naìgwì yažì ekò nezì yeghàdà gà hadì, “Nì sù Nazareth got'ù Zezi xè anet'ì jè,” yèhdi.

⁶⁸ Hanikò Peter yets'ò hadì, “Ìle, sù aht'ì nùle. Ayì ghò gojde aìdù sù wek'èehsò-le,” yèhdi. Eyì t'axòò xàgòzàa k'è gà nùtla.

⁶⁹ K'achì t'eekoa ekò yažì t'à dò eyì nàgeèhzaa sù gots'ò hadì, “Dù dò, Zezi wecheekeè goxè at'ì jè,” gòhdi. ⁷⁰ K'achì hadì, “Ìle, gixè aht'ì nùle!” yèhdi.

Whaà-lea t'axòò dò mòhdaa Peter gà nàgeèhzaa sù gits'ò hadì, “Ehkw'ì t'à, Galilee got'ù anet'e t'à wecheekeè jè anet'e ne,” gùhdi.

⁷¹ Yatì nàtsoo t'à hadì, “Ehkw'ì aehsì-le nùdè wek'èxa segħa hoìla welè. Eyì dò weghò goahdee sù wek'èehsò nùle!” gòhdi.

⁷² Hadı ts'òet'iì k'àba nàekeè whezeh. Hanì et'iì Peter, Zezi dàyèhdi ìlè sù yenadi. “K'àba nàekeè ezeh kwe, taà-eh't'aa sek'èìzq-le nıdı ha,” yèhdi ìlè. Peter sù wegħa dıì agòjà t'à sù ededzeè t'à ìtsè.

15

Zezi k'àowo Pilate nadaqà nàwo

¹ K'omòdòdò et'iì yahtı-gha-k'aodèe, qhdah gıllı, Nòhtsı-yatı-k'ègedı-dòdò eyıts'ò dò hazòò lãã nègıdee sù Zezi sınıyagıhtı. Wılà eleet'iì agıllà t'axòò ekò gots'ò nageèhchı gà k'àowo Pilate t'aagıhtı.

² K'àowo Pilate dayeehke, hayèhdi, “Israel got'iì għa k'àowocho anet'e nı?” Zezi yets'ò hadı, “Hęzę, dàıdı sù k'èè hq't'e,” yèhdi.

³ Yahtı-gha-k'aodèe gıllı sù t'ası lq gık'e nıdahogıhıhò. ⁴ Eyıt'à k'àowo Pilate k'achı dayeehke, “Edegha xàyaahı ha-le nı? T'ası lq nek'e nıdahogıhıhò sù wenıdı sınaa,” yèhdi.

⁵ Hanıkò Zezi xàyahtı-le t'à k'àowo Pilate wegħa enıyah dıì.

⁶ Dzèdeè Passover k'e nıdè dèe-ts'ò-k'àowo gınàowoò k'èè dò ìlè wedaètqò sù dò ts'ò xàetla ayeħzı. Amı ayele ha sù dò hazòò ededı dò gıhchı agohzı. ⁷ Ekıyeè k'e dıjı Barabas wıyeh wedaàıhtò ìlè. Eyı dò sù dèe-ts'ò-k'àowo ts'ò elegegò goxe aet'ı t'à dò ełahdè ìlè. ⁸ Dò hazòò k'àowo Pilate ts'ò geède gà ìnèè gogħa ayı dàyılà ìlè sù gogħa haale gıhdi.

⁹ Eyıt'à k'àowo Pilate gots'ò hadı, “Israel got'iì għa k'àowocho naxıts'ò xàetlaà awehke ha seahwhò nı?” gòhdi. ¹⁰ Yahtı-gha-k'aodèe gıllı sù Zezi ghò ts'ohogeedı gok'èezò ts'ıhıò adı. ¹¹ Hanıkò yahtı-gha-k'aodèe sù k'àowo Pilate, Barabas gots'ò xàetlaà ayele ha gıwò t'à dò hazòò nıdahogıhıhdè agogıllà.

¹² K'àowo Pilate dagoehke, “Ekò dı dò Israel got'iì għa k'àowocho wèahdı sù, dàwehke ha?” gòhdi.

¹³ Dò hazòò gezeh, hagedı, “Dechıet'aa k'e wedeàhtsò!” gedı yagızeh.

¹⁴ K'àowo Pilate gots'ò hadı, “Ayı għa? Ayı hoıla hòèhtsı k'èxa?” gòhdi.

Hanıkò k'èdaà hòt'ò yagızeh, hagedı, “Dechıet'aa k'e wedeàhtsò!” gıhdi.

¹⁵ K'àowo Pilate dò hazòò gıni k'èè ha nıwò t'à Barabas gots'ò xàetlaà ayılà. Zezi nàgıhkwaà ayılà t'axòò dechıet'aa k'e wedıtsò ha eghòq-dòdò got'ıaayıhtı.

Eghòq-dòdò Zezi k'adageedè

¹⁶ Zezi k'àowo Pilate wekò gocho (Praetorium gòyeh) ts'ò geèhchı, ekò eghòq-dòdò lq eyı nègıde agogıllà. ¹⁷ K'àowochozèè dek'o-dezòq yı gıhtı gà ìchıghò degeèt'ı t'à kwıt'ı gèhtsı

sì Zezi wekwì k'e nègeèchì. ¹⁸ Eyits'ò gezeh xè hagiùhdi, “Israel got'ì gha k'àowochò weghàsòts'eedi!” gedi yagìzeh. ¹⁹ K'àowochò wetèh t'à wekwì k'e nàgeeh't'ì, k'èdaà wekwì nàgeeh't'ì eyits'ò gik'e geezè. Wets'ò nàgògehge gà gìghàsòpedi laget'ì. ²⁰ Hanì gik'alaìdè t'axòò k'àowochòzèè dek'o-dezòò yì xàgùhtì gà wegoht'òò yì nagùhtì. Eyi t'axòò dechìet'aa k'e wediùtsò ha ts'ò geèhchì.

Zezi dechìet'aa k'e wediùtsò

²¹ Ekò k'e kòta Cyrene gots'ò dọ jìè goghaet'la, Simon wiyeh (Alexander eyits'ò Rufus gita). Eyi dọ Jerusalem ts'ò èht'la jìè, hanikò eghòò-dòò Zezi gha dechìet'aa naet'ì agi'la. ²² Eyi t'axòò Zezi Golgotha gòyeh ts'ò geèhchì. (Golgotha gedu sì “dọ kwikw'òò k'è” gedi-agedi.) ²³ Jìeti eyits'ò nàèdi “myrrh” wexè eleta Zezi ghàgùdì, hanikò yets'è ha nìwò-le. ²⁴ Eyi t'axòò eghòò-dòò dechìet'aa k'e dexegùhtsò. Wegoht'òò eletaageelè gha ekw'òà k'egèhdè.

²⁵ K'omòòdòò lòòtò nìzò ekìyeè Zezi dechìet'aa k'e dexegùhtsò. ²⁶ Ayì t'à gik'e nìdahogùzòò sì dek'enègùt'è; dì hanì dek'eèht'è: Israel got'ì gha K'àowochò. ²⁷⁻²⁸ Dọju nàke weghòhk'èè dexegùhtsò. ²⁹ Dọ gixanageedè sì yatiji t'à gik'adaedè xè gits'ò nòkwìgeeye, hagedi, “Nòhtsìkò-gocho wedihohtsì ha eyits'ò tai dzeè t'à nagohtsì ha, nùdi jìè. ³⁰ Hot'eè dechìet'aa k'e ts'ò hodàit'la gà edaxàdìt'è!” gùhdi.

³¹ Eyi xèht'eè yahtì-gha-k'aodè eyits'ò Nòhtsì-yatì-k'ègedi-dòò gik'adaedè, elets'ò hagedi, “Dọ eyì-le edaxàwhela, hanikò edaxàdeetè ha dii! ³² Dì Christ aht'e edèhdì sì Israel got'ì gha k'àowochò eh'ì hadì ne! Dechìet'aa k'e ts'ò hodàèht'la nùdè gogha ehkw'ì adì ha,” gedi. Dọju nàke weghòhk'èè gidìtsòò sì, ededì sì, gik'adaedè.

Zezi etiwo

³³ Dzètanì nìzò ekò tai sadzèè ts'ò eyì nèk'e hazòò ts'ò togoòt'ò agòjà. ³⁴ Tai nìzò ekìyeè Zezi hòt'ò whezeh, hadì, “Eloi, Eloi, lama sabahtanì?” (“Eloi, Eloi, lama sabahtanì?” gedi nùdè “Senòhtsì, Senòhtsì, ayìha sets'òò anejà?” gedi-agedi.)

³⁵ Dọ mòhdaa eyì nàgeèhzaa sì gùkw'o ekò hagedi, “Nakwenàòzòò Elijah hayahtì adì,” gedi.

³⁶ Dọ jìè ekò tìmqèhza, eht'ì lanu jìeti dùts'aa ta nawhehtsoò ayìl'à, dechì nedèè welò wexeet'ì ayìl'à gà Zezi wewà k'e ayehzì. Hadì, “Hòt'a whatsoò awet'è. Weghàts'ùdà, as'ì Elijah edaxàyehtè ha lì,” hadì.

³⁷ Zezi hòt'ò whezeh t'axòò nòqde xàèhji.

³⁸ Ekìyeè k'e Nòhtsìkò-gocho goyì enìt'ì nedèè jìdòò gots'ò jzhi ts'ò tanì lats'ùdla. ³⁹ Eghòò-dòò gha k'àowo Zezi gà nàwoo

sii ezeh yikw'o xè dani eławo yaɔi ekò hadi, “Ehkwi t'à du do Nòhtsi Weza hq't'e!” hadi.

⁴⁰ Ts'èko mòhdaa idè hoògò nàgèehza gà danihòwoo sii goghàgeeda. Mary-Madlè, Mary, James (gochi wiyeh) eyits'ò Joses gımo, eyits'ò Salome ts'èko haatłqò goxe aget'i. ⁴¹ Galilee nèk'e eyi ts'èko Zezi k'èè k'egedè ilè, t'asi t'à gits'adi ilè. Ts'èko eyi-le lq Zezi xè Jerusalem ts'ò nègıde sii ededi sı ekò nàgèehza.

Zezi wekw'òò nitò

⁴² Nòhtsi Dzeè gha sınıhogiıàa dzeè k'e eyi hazòò hagòjà. (Sınıhogiıàa dzeè Nòhtsi Dzeè kwe wheɔq hq't'e.) Eyit'à xèhts'ò agodaade ekò ⁴³ Arımathea got'ıi Joseph, Zezi wekw'òò hodàechi ha nıwq t'à, wini natsoo xè k'òowo Pilate ts'ò èhtla. Eyı do Joseph Israel got'ıi gha k'aodèe gota wheda xè k'òowo wet'aaɔa elı hq't'e. Ededi sii Nòhtsi Wenàowoò k'èè hòɔqò danaèhɔi ilè. ⁴⁴ K'òowo Pilate Zezi hòt'a eławo yeghq iikw'o ekò sii wegħa enıyah. Eyit'à eghqò-dqò gha k'òowo kayahı, asıi Zezi hòt'a eławo gha dayeehke. ⁴⁵ Eghqò-dqò gha k'òowo “Hèɔɔ,” yèhdi t'à k'òowo Pilate Zezi wekw'òò Joseph t'aaııhtı. ⁴⁶ Eyit'à Joseph ehtı'ı nàèhdi, dechıet'aa k'e ts'ò Zezi wekw'òò hodàehtı gà nezı ehtı'ı wemoèhdoò ayııla. Eyits'ò kwe yıi dqkw'òò gha gòɔqò k'è yekw'òò nèyııtq. Eyı t'axqò kwe nechàa enıɔqò ayııla. ⁴⁷ Mary-Madlè eyits'ò Joses wemq Mary, edı Zezi nègıhtı gıaɔi.

16

Zezi naidà

¹ Nòhtsi Dzeè t'axqò ek'èdaedzeè k'e Mary-Madlè, James wemq Mary eyits'ò Salome Zezi wekw'òò segele ha gıwq t'à dqkw'òò gha yik'eetı'òo nàgèehdi. ² Eyit'à Nòhtsi Dzeè t'axqò k'omqòdqò èhkq ts'òet'ıi, ts'èko edıi Zezi wekw'òò whetqò sii ts'ò geède. ³ Elets'ò hagedı, “Zezi wekw'òò kwe yıi whetqò sii kwe nechàa enıɔqò là amıi gogħa yııɔò ayııla li?” gedi.

⁴ Hanikò eyi nègıde ekò kwe yıi Zezi wekw'òò whetqò sii wets'odaà kwe nechàa enıɔqò sii yııɔò wedeeyıi nqò. ⁵ Kwe yıi Zezi wekw'òò whetqò k'è goyageède ekò nàgòts'ehneè k'e cheko wheda gıaɔi. zeh degoo nedèe yıi wheda. Ts'èko gıaɔi ekò sii dahdzıgıde.

⁶ Eyı cheko ts'èko gots'ò hadı, “Dahı-le. Zezi, Nazareth got'ıi, dechıet'aa k'e eławo wekak'eaht'ıi sii naidà ilè! Eyit'à jq wheda-le. Edıi wekw'òò whetqò ilèe sii wetı'axqò k'eaht'ı. ⁷ Wecheekè eyits'ò Peter gits'ò naahdè gà duı haghadı, ‘Naxınakweè Galilee nèk'e ts'ò ade ha. Hòt'a naxits'ò hadı ilè k'èè ekq weahı ha, gıahdı,’ eyı cheko gots'ò hadı.

⁸ Eyɪ ts'èko tɔɪ dahdzɪgɪdè, ts'ehɪ laget'ɪ xè ekɔ gots'òò natɪmɔgeèhde. Sɪ geejɪ t'à dɔ wɪzɪ ts'ò hagedɪ-le.

⁹ Nòhtsɪ Dzeɛ tɪ'axòò Zezì naidà ekò t'akwelòò Mary-Madlè ts'ò wègoèht'ɪ. Eyɪ ts'èko ɪnɪɪ lòhdɪ yeyɪ gots'ò xàdeèzhì ɪlè.

¹⁰ Mary-Madlè dɔ Zezì xè agɪat'ɪ sɪ gots'ò naèhtɪ, Zezì ghɔ gɪgha dɪi xè getse ɪlè. Wexè dàgòjàa sɪ ghɔ gots'ò hadɪ. ¹¹ Zezì naidà eyɪts'ò Mary-Madlè yazɪ ghɔ gɪkw'o ekò gɪgha ehkw'ɪ-ahodɪ-le.

¹² Eyɪ tɪ'axòò Zezì gɪta ts'ò dɔ nàke ts'ò eɪadɪ k'èè wègoèht'ɪ. Eyɪ dɔ nàke t'asɪ nàlegɪatɪ ɪlè. ¹³ Eyɪt'à ɪdè dɔ hazòò ts'ò nàlegeèhtɪ, gɪxè dànàhòwoo sɪ gots'ò hagedɪ, hanìkò ɪlè gɪgha ehkw'ɪ-ahodɪ-le.

¹⁴ Nòode wecheekè hoònɔ-daats'ò-ɪlè shègezhe ekò Zezì gota wègoèht'ɪ. Zezì naidà tɪ'axòò dɔ ts'ò wègoèht'ɪ sɪ ɪlè gɪgha ehkw'ɪ agedɪ-le t'à, “Dànìghɔ naxɪnì nàtso-le?” Zezì gòhdɪ.

¹⁵ Eyɪts'ò gots'ò hadɪ, “Dɪi nèk'e hazòò ts'ò aahde, godɪ nezɪ dɔ hazòò ts'ò haahdɪ. ¹⁶ Amɪ wegħa ehkw'ɪ-ahodɪ xè wek'ètaɪdzòò sɪ edaxàweetè ha, hanìkò amɪ wegħa ehkw'ɪ-ahodɪ-le sɪ wegħa hoɪla ha. ¹⁷ Eyɪts'ò dɔ gɪgha ehkw'ɪ-aeħsɪ sɪ enɪyah hogeħtsɪ ha: Sedahxà ɪnɪɪ xàdegeezhì ha; yatɪ eɪadɪ xàzàa k'èè gogede ha; ¹⁸ edɪlà t'à gòo negɪle ha; nàèdɪɪ gedɔ kò wet'à t'asagede ha-le; edɪlà dɔ eyagɪɪ k'e ageħzɪ nɪdè k'aat'ɪ agede ha,” Zezì gòhdɪ.

¹⁹ Gots'ò K'àowo hanì gots'ò goɪde tɪ'axòò ɪdòo yak'e ts'ò nɪwɪtɪ eyɪts'ò Nòhtsɪ gà nàgòts'ehnèe wheda. ²⁰ Eyɪ tɪ'axòò wecheekè godɪ nezɪ t'à dɔ xè gogedo ha hazòò nèk'e ts'ò agejà. Gots'ò K'àowo goxè eghàlaeda eyɪts'ò enɪyah ɪò hogèħtsɪ agòħzɪ wegħàà wegòdɪ ehkw'ɪ hɔt'e wek'èhoedzòò ayɪlè.

Luke wenjhtl'è

Luke Theophilus ts'ò eetl'è

¹ K'àowo Theophilus, ìdèe whaa yatı goghòt'ò wek'èè goxè dānāhòwoo sù dọ lọ gıxàeta xè gıghọ gıtl'è ìlè. ² Kèhòìwo gots'ò dàgòjàa sù dọ mọhdaa gıdaà nāhòwo eyıts'ò godı nezı t'à dọ xè gogıado. Goxı sı eyı godı et'ıı t'à gots'ò gogııde. ³ Eyıt'ā sı sı eyı godı nezı dānı wexèhọòwoo sù, deghāà wexāehta ìlè. Negha deghāà dek'enèehtl'è ha dehwhọ. ⁴ Hanı-ıdè ayı hoghāneètọ ìlè sù hotı ehkw'ı ne wek'èızo ha.

Yak'eet'ıı Zechariah ts'ò wègoèht'ı

⁵ Herod Judea nèk'e k'àowocho elı ekò yahtı ìlè, Zechariah wıyeh, eyı nādè. Abıya yahtı xāzaa gogha k'àowo elı sù Zechariah goxè eghālaeda ìlè. Wets'èkèè Elizabeth wıyeh. İlak'aà Aaron wets'ıhzo-dọ agııt'e. ⁶ İlak'aà Nòhtsı gha ehkw'ı geeda xè Nòhtsı nāowoò hazọ deghāà gık'ııt'e. ⁷ Hanıkò Elizabeth wezaa gòhı ha dıı ts'ıhzo gıza gòhı-le. Hòt'a İlak'aà qhdah gehlè.

⁸ İlāà Zechariah, wexè yahtı gııı sù Nòhtsıkò-gocho goyı Nòhtsı gha eghālageeda ìlè. ⁹ Nòhtsıkò-gocho goyı dzèh-łekqọ dek'ò ayehı gha yahtı ìlè xāgehtè ìlè. Dıı t'à Zechariah xāgıhtı. ¹⁰ Dzèh-łekqọ k'eehk'ò ekò dọ hazọ eyı elèwhedee sù mọht'a nāgeèhza, yagehtı.

¹¹ Hqtsaa Zechariah wenadaà kwe-ladā k'e dzèh-łekqọ dek'ò gā yak'eet'ıı nāwo wegħa wègoèht'ı. ¹² Zechariah yaı ekò dèhyeh lajā. ¹³ Hanıkò yak'eet'ıı Zechariah ts'ò hadı, “Nııı-le! Ayı gha yanehtı sù Nòhtsı nıkw'o hq't'e. Nets'èkèè Elizabeth nezaa nıhtè ha, eyıts'ò John wıyeh awııle ha. ¹⁴ Wegòhı nıdè wegħọ nınā ha eyıts'ò dọ lọ sı gınā agode ha. ¹⁵ Nòhtsı sù dọ wet'āzaa yııt'ı ha, jıetı wıııı wewāhodı ha-le. Wegòhı kwe-t'ıı Yedayeh Nezı yeyı nādè ha. ¹⁶ Edeđı sù Israel got'ıı lọ, Nòhtsı gıts'ò K'àowo ts'ò anagole ha. ¹⁷ Edeđı sù gots'ò K'àowo nakweè etlè ha, eyıts'ò nakwenāozqọ Elıjah wets'ò ıı nātsoo wets'ò-èı ha. Dọ edeza ghonegeètọ anagole ha. Eyıts'ò Nòhtsı k'èagııt'e-le sù gogızo xè ehkw'ı geedaā agole ha. Gots'ò K'àowo gha dọ ts'atā geèhk'w'eè agole ha,” yak'eet'ıı yèhdı.

¹⁸ Zechariah yak'eet'ıı ts'ò hadı, “Eyı hagode ha ayı ghāà wek'èehsq lı? Hòt'a eneèko whıhı eyıts'ò sets'èkèè sı ts'òko whelı,” yèhdı.

¹⁹ Yak'eet'ıı yets'ò hadı, “Sı, Gabriel aht'e, Nòhtsı wenadaà nāhwo hq't'e. Godı nezı negħāehzā ha nets'ò sıhzā,” yèhdı.

20 “Eyi hagode gots'ò goɔde-le anede ha, seyatiù negha ehkw'i-ahodi-le t'à. Hanikò eyi nèhòwo nɔdè ayi dàehsɔ sɔ hazòò wek'èè hagode ha,” yèhdi.

21 Eyi wexè hagot'ɔ ekò dɔ mòht'a Zechariah k'eènageèhɔ, dànighò whaà gots'ò Nòhtsɔkò-gocho goyi ts'ò èlɔ gɔwɔ. 22 Zechariah xàèhtɔ ekò dɔ ts'ò gode ha dii t'à gots'ò nàzeetsɔ. Eyi t'à Nòhtsɔkò-gocho goyi wenazhu xègoèht'ɔ ajà dɔ hagɔwɔ.

23 Nòhtsɔkò-gocho goyi eghàlaeda yeghò nɔot'e t'axòò edekò ts'ò naèhtɔ. 24 Eyi hagòjà t'axòò wets'èkèè Elizabeth hotieda-le ajà, sɔlɔ sa ts'ò dɔ ta aet'ɔ-le. 25 Hadɔ, “Sets'ò K'àowo segha eniyah eghàladà. Di dzèè k'e Nòhtsɔ eteseèɔ. Sezaa gòhɔ ha t'à dɔ gita edeghò jìzhaehɔ-le asɔlɔ,” hadɔ.

Yak'eet'ɔ Mary ts'ò wègoèht'ɔ

26 Elizabeth ek'ètai sa hotieda-le ekò Nòhtsɔ, yak'eet'ɔ Gabriel wiyeh Galilee nèk'e, kòta Nazareth ts'ò yɔhɔ. 27 Yak'eet'ɔ, t'èkogòò Mary wiyeh ts'ò yatɔ nɔzɔ. Eyi t'èkoa sɔ dɔ Joseph wiyeh xè honida ha wìchì jì. Joseph, k'àowocho David wets'ɔhòò-dòò hɔt'e. 28 Yak'eet'ɔ Mary ts'ò ajà hayèhdi, “Nexè sìghà welè! Nɔ sɔ ts'èko hazòò nahk'e nexè sìghà hòzɔ hɔt'e. Nòhtsɔ nexè hɔt'e,” yèhdi.

29 Mary dèhyeh lajà. Dadi-adi yɔhwhò. 30 Hanikò yak'eet'ɔ yets'ò hadɔ, “Mary, nɔjɔ-le. Nòhtsɔ neghò sɔnɔwɔ hɔt'e. 31 Hotɔda-le anede ha; dɔzhì nɔhtè ha. Zezi wiyeh anele ha. 32 Dɔ-wet'àazàa-deè elɔ ha. Nòhtsɔ wenahk'e gòhɔ-le Weza gɔhdi ha. Nòhtsɔ sɔ K'àowocho elɔ ayele ha, wèot'ɔ k'àowocho David lanì. 33 Welò whìle ts'ò Israel got'ɔ gha K'àowocho elɔ ha,” yèhdi.

34 Mary yak'eet'ɔ ts'ò hadɔ, “Dɔzhì k'èehsɔ-le t'à, dànì sexè hagòjà lì?” yèhdi.

35 Yak'eet'ɔ yets'ò hadɔ, “Yedàyeh Nezɔ nek'e ade ha eyits'ò Nòhtsɔ wenahk'e gòhɔ-le sɔ wets'ò t'asɔ nàtsoo nek'e ade ha. Eyi t'à eyi chekoa dega wegòhɔ ha sɔ Nòhtsɔ Weza wiyeh ha.

36 Nèot'ɔ Elizabeth ts'òòko whelɔ kò ededɔ sɔ dɔzhì nɔhtè ha. Ededɔ 'weza whìle' gɔhdi sɔ dii xè ek'ètai sa hotieda-le hɔt'e.

37 Nòhtsɔ sɔ t'asɔ weggha dii gòhɔ nɔle,” yèhdi.

38 Mary hadɔ, “Nòhtsɔ sets'ò K'àowo hɔt'e. Sexè dàgode ha nɔdi sɔ, wek'èè welè,” yèhdi. Eyi t'axòò yak'eet'ɔ yets'ò ajà.

Mary edèot'ɔ Elizabeth ts'ò èhtɔ

39 Yak'eet'ɔ yets'ò èhtɔ t'axòò, Mary jwhà shìh ta Judea nèk'e ts'ò kòtèhtɔ. 40 Zechariah wekò goyàhtɔ, edèot'ɔ Elizabeth eɔ ts'òt'ɔ wɔnà t'à edeyàdo. 41 Elizabeth Mary godeè yɔkw'o ts'òt'ɔ bebià yechò whedaa sɔ hòt'ò nàèhdò. Yedàyeh Nezɔ Elizabeth k'e ajà t'à, 42 Mary ts'ò hòt'ò hadɔ, “Hazòò ts'èko

daats'ò, nexè sìghà họt'e eyits'ò eyi chekoa nìhtè ha sì wexè sìghà họt'e. ⁴³ Sets'ò K'àowo wemọ sets'àèhtla t'à sets'ò sìghà nàhòwo. ⁴⁴ Neèhk'w'ò ts'òet'ìì bebià chọ whedaa sì sì winà t'à hòt'l'ò nàèhdọ. ⁴⁵ Gots'ò K'àowo ayì dānèhdì sì wek'èè agode ha, negha ehkw'1-ahodi t'à nexè sìghà họt'e," Elizabeth winà t'à hadì xàyahtì.

Mary Nòhtsì ghàsqedì

- ⁴⁶ Mary hadì,
 “Sedzeè t'à Nòhtsì ghàsqedì ⁴⁷ eyits'ò Nòhtsì edaxàsìhtì sì weghọ sedzeè t'à sinà.
⁴⁸ T'asì ehì-le kò sì sìhchì họt'e. Jọ gots'ò ìdaà, dọ hazọò sexè sìghà họt'e gedi ha.
⁴⁹ Senòhtsì t'asì wegħa dī-le sì segħa enìyah nechàa whehtsì. Wìzì Degai họt'e.
⁵⁰ Dọ hazọò elet'axọò-edèe gots'ò dọ gik'èt'ee sì gots'ò wedzeè eteèzì họt'e.
⁵¹ Senòhtsì t'asì wegħa dī-le sì enìyah nechàa eghàlajà họt'e. Dọ edinì t'à xàhopedì sì nàgodeezhì.
⁵² K'àowochò gùlì sì k'ahogedè-le agohzì eyits'ò dọ xàhopedì-le sì gòhchì.
⁵³ Dọ degeèhdì sì nezì shègezheè agohzì, hanìkò dọ ahxee sì t'asì dẹ nagoèhà.
⁵⁴ Nòhtsì, Israel wecheekeè gùlì sì etegoòzì t'à gots'àìdì họt'e.
⁵⁵ Welọ while ts'ò Abraham eyits'ò wets'ihzòò-dọò gùlì sì etegoòzì ha, gocho ts'ò hadì ìlè,” Mary hadì xàyahtì.
⁵⁶ Mary tai sa gots'ò Elizabeth xè nàidè. Eyì t'axọò edekọ ts'ò naèhtla.

John-Baptist wegòhì

- ⁵⁷ Elizabeth webebià wegòhì ekò dọzhì nìhtì. ⁵⁸ Dọ gımọò nàdèe eyits'ò wèot'ì dānì gots'ò K'àowo wesonıwọ xè wets'ò enìyah hòzọò ayìlāa sì gıghọ gıkw'o ekò hazọò wexè gınà agòjà.
⁵⁹ Bebià wegòhì gots'ò ek'èdì dzeè k'e Moses wenàowoò k'èè bebià wekwò nàat'a. Nàgıt'a ekò wetà Zechariah wìzì k'èè wìyeh ha gıwọ. ⁶⁰ Hanìkò wemọ hadì, “Ìlè, John wìyeh ha,” gòhdì.
⁶¹ Dọ hagıhdì, “Ekò nèot'ì wızì hawìyeh nıile,” gıhdì.
⁶² Wetà ts'ò nàgeetsì, bebià dāwìyeh ayele ha gıwọ t'à dageehke. ⁶³ Eyit'à Zechariah t'asì k'e ts'et'è għa nàzeetsì. “John wìyeh ha,” dek'enèyıt'è. Dọ hazọò gıgha enìyah lanì.
⁶⁴ Zechariah hajà ts'òet'ìì godeè anajà t'à Nòhtsì ghàsqedì. ⁶⁵ Dọ hazọò gıgà agıt'ee sì gıgha enìyah lagòjà. Eyits'ò dọ hazọò shìh ta Judea nèk'e nàgedèe sì eyì hagòjà ghọ gogede. ⁶⁶ Dọ

hazòò gìghòkw'oo sù hagùwò, “Hani-ìdè dù chekoa sù ayù elì ha sòni,” gedi. Gots'ò K'àowo wenàowoò wets'ò-èlì gik'èezò.

Zechariah Nòhtsì ghàsòedi

67 Zechariah, Yedàyeh Nezmù wek'e ajà t'à yedahxà xàyahtì hadì,

68 “Gots'ò K'àowo, Israel Wenòhtsì weghàsòts'eedì welè. Edets'ò dò edaxàgole ha goghò nùtla.

69 K'àowocho David wets'ò dò ìlè Edaxàgolee-deè elì ha gots'ò yùhà.

70-71 (T'akwe whaà wets'ò nakwenàòzòò degai t'à gots'ò dù hadì ìlè),

'Dò hazòò gots'ò xànegùzaa eyits'ò dò godzagùhwhòò sù gich'à edaxàgole ha.

72 Eyits'ò gocho etegoèhzi ha, hadì ìlè eyits'ò goxè nake-nawhehtsù degai sù yenadi ha, hadì ìlè.

73-74 Gocho Abraham ts'ò dù hadì yatì whehtsì:

'Dò gots'ò xànegùza gich'à edaxàgole ha, eyits'ò ts'eeji-le xè wegga eghàlats'eeda ha,

75 t'aats'òò ts'eedaa ts'ò, degai eyits'ò ehkw'ì k'èè wegga eghàlats'eeda ha, hadì yatì whehtsì.

76 Ekò nì, seza, Nòhtsì wenahk'e gòhì-le wets'ò nakwenàòzòò nègedì ha.

Gots'ò K'àowo wenakweè nahtle ha wegga ts'atà sùgòle ha.

77 Wets'ò dò dànì edaxàgeedè ha sù hoghàgùhtò ha; ghohtì gìghò nahoezhe t'à edaxàgeedè ha.

78 Nòhtsì sù etegoèhzi hòt'e. Edaxàgohtè nùdè yak'e gots'ò gok'e sa nùdì lagode ha.

79 Dò togoòt'òò nàgedèe sù eyits'ò efaàgedè ha sù gik'e dzèh lagode ha. Edù ts'èwhù gòòzaa sù ts'ò agole ha,” Zechariah hadì xàyahtì.

80 Chekoa nechàa dèzhò, wets'ò ìnì t'à nàtsoò ajà. Israel got'ù goni ade gots'ò ekù-ka nèk'e nàdè.

2

Zezi wegòhì

¹ Ekùyeè k'e k'àowodeè Augustus Rome nèk'e dèe-ts'ò-k'àowo elì ìlè. Eyì k'àowo sù dò hazòò nagìhtà gha nàowo whehtsì.

² K'àowo Quirinus Syria nèk'e gogha k'àowo elì ekò t'akwehòò dò nagìhtà ìlè. ³ Dò nagìhtà ha t'à dò hazòò ladì nèk'e ts'ò agejà. Edù giot'ì nàdè ìlèe sù ts'ò anagejà.

⁴ Joseph kòta Nazareth gots'ò naèhtla. Kòta Bethlehem ts'ò ajà, ekò k'àowocho David wegòhì ìlè t'à. (Nazareth kò gòlaa, Galilee nèk'e hòt'e. Eyits'ò Bethlehem kò gòlaa, Judea nèk'e hòt'e.) Joseph, David wets'ihzòò-dòò elì ne t'à, ekò ts'ò

ajà. ⁵ Ekọ gixè dọ nagihà ha t'à, Mary yets'èkeè elì ha sù yexè ajà. Ekìyèè k'e Mary hotieda-le ìlè. ⁶ Bethlehem nègùde ekò webebìà gòhì ha nìkw'o. ⁷ Nats'eetee-kò gígha gòzọ-le t'à tìts'aadì k'èhodì kọà ts'ò agejà. Bebià t'akweìò nùhtì sù dọzhìà họt'e. Ehtì yì yùhtì gà tìts'aadì yeyì shèzhee yì whetì ayìlà.

Sahzòq-k'èdì-dọ godì nezì gùkw'o

⁸ Kòta Bethlehem gà nìwà-le sahzòq-k'èdì-dọ to edesahzòq xoguhdì ìlè. ⁹ Hòtsaa yak'eet'ì ìlè gots'ò wègòèht'ì. Nòhtsì wets'ò sanìdì hazòò gímòò ajà t'à sù geèhyeh. ¹⁰ Hanìkò yak'eet'ì gots'ò hadì: “Dahì-le! Godì nechàa naxìts'ò nìhòzò, wet'à dọ hazòò sù gínà ha. ¹¹ Dì dzeè k'e k'àowochò David wekòta Edaxàgolee elì sù wegòhì. Eyì bebià sù gots'ò K'àowo Christ họt'e. ¹² Dì weghàà ehkw'ì ats'edì wek'èahsò ha: Bebià ehtì yì wheda eyìts'ò tìts'aadì yeyì shèzhee yì whetì wegòahzà ha,” gòhdì.

¹³ Hòtsaa yak'eet'ì lọ eyì yak'eet'ì gà nègùde. Gejì xè Nòhtsì ghàsògeedì, hagedì,

“Nòhtsì idòò yak'e whedaa sù weghàsòts'eedì. Du nèk'e dọ hazòò Nòhtsì goghò sòntwòò sù gixè ts'èwhì hòzò welè,” yak'eet'ì hagedì gejì.

¹⁵ Yak'eet'ì nageèhde t'axòò sahzòq-k'èdì-dọ èlets'ò hagedì, “Bethlehem nàts'ìdè. Gots'ò K'àowo ekọ dàgòjà gòhdì sù weghàts'ìdà,” gedi.

¹⁶ Eyìt'à ìwhàà ekọ geède. Eyì nègùde ekò Mary, Joseph eyìts'ò bebià tìts'aadì yeyì shèzhee yì whetì giazì. ¹⁷ Eyì bebià giazì t'axòò weghò yak'eet'ì dàgedì sù dọ hazòò ts'ò hagedì. ¹⁸ Dọ hazòò eyì godì gùkw'oo sù gígha enìyah dì. ¹⁹ Eyì hazòò dàgòjàa sù Mary yeghò nàniwo xè ededzeè yì yek'èdì. ²⁰ Sahzòq-k'èdì-dọ nageèhde, gejì xè Nòhtsì ghàsògeedì. Yak'eet'ì dàgòhdì ìlè sù hotì gixè hagòjà.

Zezi Nòhtsìkò-gocho ts'ò geèhchi

²¹ Ek'èdì dzeè k'e wekwò nàt'à ha nìkw'o ekò Zezi wìyeh ha wuzì weghòt'ò. Wemò yìniwo kwe hawìyeh ha yak'eet'ì yuzì yeghàzò ìlè.

²² Moses wenàowò k'èè edexè sùgogehzì t'axòò, Joseph eyìts'ò Mary Zezi Nòhtsì ghàgìhtè ha Jerusalem ts'ò geèhchi. ²³ (“Dọzhìà hazòò t'akweìò gíghòhì sù Nòhtsì ghàgìhtè ha họt'e,” hanì Nòhtsì weyatì dek'eèht'è.) ²⁴ Eyìts'ò Nòhtsì weyatì dek'eèht'è k'èè k'àba lanu nàke nègùla, gíhòhì k'èxa gígha elàgùhdè gà Nòhtsì ts'ò gík'ìhk'ò.

²⁵ Ekìyèè k'e eneèkò ìlè Jerusalem nàdè ìlè, Simeyon wìyeh. Nòhtsì ghàdìtì xè ehkw'ì eda họt'e. Israel got'ì Edaxàgolee elì sù danaèhzi ìlè eyìts'ò Yedàyeh Nezì wets'ò-èlì. ²⁶ Gots'ò

K'àowo wets'q Christ ezi kwe efaawı ha-le, Yedayeh Nezu yets'q hadı ıle. ²⁷ Simeyon Yedayeh Nezu k'eyeehzi t'a Nöhtsikö-gocho ts'q nütla. Ekıyeè k'e Zezi wetà eyits'q wemq Nöhtsikö-gocho goyageèhçi, Moses wenàowoò k'èè gıghàlaeda ha t'à.

²⁸ Simeyon bebia nüchı gà Nöhtsik ghasqedi hadı,

²⁹ "Sets'q K'àowo t'ası hazqö negha dii-le,
neyatı goghanezq ıleè sı hõt'a wek'èè eghalaneeda t'a
hõt'a ts'èwhı efaehwhı asıle.

³⁰ Amı wet'à edaxàgoıhtè ha sı sedaà t'a weehzi hq't'e.

³¹ Ededı sı dq hazqö gıghàeda anele ha.

³² Dq hazqö Israel got'ı gıı-le sı gogha dzèh nüdü elı t'a gıgha xègaat'ı ha

eyits'q wets'ıhöz Israel got'ı, nets'q dq agıı't'ee sı, gıxè enıyah hòzq ha," Simeyon hadı xayahtı.

³³ Simeyon Zezi ghq dàdı sı wetà eyits'q wemq sı gıgha enıyah dii. ³⁴ Simeyon gok'eèyahı t'axqö wemq Mary ts'q hadı, "Dı chekoa wet'à Israel got'ı lq gıdıhoè ha eyits'q dq lq edaxàgole gha, dı chekoa wıchı hq't'e. Dq nadaq t'ası enıyah elı ha, hanıkò dq gık'èch'a agedı ha. ³⁵ Hanı-ıdè dq lq ededzè yı dàgıwq sı wek'èhoedzq ha. Eyits'q nı behcho nedzè ghazı ha," yèhdı.

³⁶ Eyits'q nakwenàozq ts'èko ıle Anna wıyeh ekq wheda ıle. Asher gots'q dq, Phanuel wetı hq't'e. Dı hõt'a sı ts'qöko whelı. T'eekoa elı ekò honıdza ıle, lqhdı xo ededqö xè nàıdè eyı t'axqö wedqö eıawo. ³⁷ Dı ek'èdıenq-daats'q-dı wegheò. Nöhtsikö-gocho gots'q xàehtla whıle, hanıkò dzè taat'eè eyits'q to taat'eè edegq xè Nöhtsik ts'q yahtı. ³⁸ Hotı ekıyeè k'e goga nütla, Nöhtsik ts'q ması dı. Dq hazqö Jerusalem edaxàweetè ha k'enageèhı sı eyı chekoa ghq goxè godo.

³⁹ Joseph eyits'q Mary Nöhtsik weyatı dek'eèht'è k'èè hazqö gıghàlaıdà t'axqö, Galilee nek'e, edeköta Nazareth ts'q nageèhde. ⁴⁰ Chekoa nechàa dèzhq xè nàsoò ajà. Sı gqzq xè Nöhtsik wesqıwq wets'q-èlı.

Zezi ıdè aıda nqö

⁴¹ Xo taat'eè Joseph eyits'q Mary gıxè dzèdeè Passover nàsı hoè gha Jerusalem ts'q geedè ıle. ⁴² Zezi hoönq-daats'q-nàke wegheò ekò Israel got'ı gınàowoò k'èè ekq geède. ⁴³ Nàsı hòelı t'axqö wetà eyits'q wemq edekö ts'q nageèhde. Hanıkò Zezi gonaàhtq ıdè aıda. ⁴⁴ Dq xè naetle sqı gıwq ıle. ıle dzèè k'èt'àà nagıadè t'axqö edèot'ı gota gıhanıwq. ⁴⁵ Gıkawhıagejà t'axqö Jerusalem ts'q ek'èt'à nageèhde. ⁴⁶ Tai dzèè ts'q gıxanıwı t'axqö Nöhtsikö-gocho gà Nöhtsik-yatı-k'ègedı-dqö gonı wheda gıgòıhı. Ekq goèhk'w'q xè dagoehke. ⁴⁷ Sı t'ası nedı xè dani gots'q xayahtı t'a, dq hazqö geèhk'w'q sı

gıghàhoeli. ⁴⁸ Wetà eyits'ò wemò gıazı ekò gıgha enııyah dıı. Wemò yets'ò hadı, “Seza, dãnıghò anet'ı? Netà sı nekadıwò t'à sı neghò nãnıts'edè ıle,” yèhdi.

⁴⁹ Zezi yets'ò hadı, “Dãnıghò sekak'eaht'ı nõò? Setà wekò goyü eghàlaehda ha wek'èahşò-le nı?” gòhdi. ⁵⁰ Hanıkò dàdı-adı sı gık'èezò-le.

⁵¹ Eyı t'axòò Zezi edetà eyits'ò edemò goxè Nazareth ts'ò naèhtıa. Ekò goxè nàdè xè gok'èı't'e. Eyı hazòò hagòjaa sı wemò ededzeè yı yek'èdì. ⁵² Zezi deşòò gòşòşò ajà xè nechàa dèzhò. Nòhtşı eyits'ò dò gıghò şonıwò.

3

John-Baptist dò ts'ò gode

¹ Tiberias hoònò-daats'ò-dı xo k'àowodeè elı ekò, eyits'ò Pontius-Pilate Judea nèk'e gha k'àowo elı ekò, eyits'ò Herod Galilee nèk'e gha k'àowo elı ekò, eyits'ò Herod wechı Philip Ituriya nèk'e eyits'ò Trakonıtıs nèk'e gha k'àowo elı ekò, ² eyits'ò Lysanıyas Abilene nèk'e gha k'àowo elı ekò, eyits'ò Annas eyits'ò Caiphas yahtı-wet'aaazaa-deè gıllı ekò, John-Baptist, Zechariah weza, whatşòò ekı-kà nèk'e nàıdè. Ekò Nòhtşı yets'ò goıde. ³ Jordan deh nıza ts'ò ajà. Ekò nèk'e dò hazòò ts'ò hadı, “Edek'eahı, naxını ladıı aahle gà naxık'ètaıdzıı aahde, hanı-ıdè Nòhtşı naxıhoıı naxıghò nahoele ha,” gòhdi. ⁴ Nakwenàoşòşò Isaiah wenıhtı'è k'e dı hanı dek'eèhtı'è sı k'èè agòjà:

“Ekı-kà nèk'e du hats'edı yats'ızeh họt'e, 'Gots'ò K'àowo wegħa sıgoahle; wegħa tıli ehkw'ı nıza aahle. ⁵ Şih weyü gòşòşaa sı hazòò sıgoahle. Tıli wheşòo sı ehkw'ı nıza aahle, eyits'ò tıli weyü gòşòşaa sı hazòò dagoòşòşò aahle. ⁶ Hanı-ıdè dò hazòò Nòhtşı wets'ò Edaxàgolee elı sı gık'èezò ha, ” hanı dek'eèhtı'è.

⁷ Dò ıò gık'ètaıdzı ha, John-Baptist ts'ò geède t'à, gots'ò hadı, “Naxı, wehıı weza laah't'e! Dànı't'à Nòhtşı naxeehkwa ch'à kwıahdè ha dahwhò nõò? ⁸ Edek'eahı nıdè wek'èè eghàlaahda. ‘Abraham gotà họt'e,’ dahdı-le. Nòhtşı sı jò kwe whelaa t'à Abraham gha chekoa ehtşı wegħa dıı nıle. ⁹ Ts'ı nàekwı ha gokwı hòt'a ts'atà wheşò họt'e. Ts'ı hazòò wek'e jıecho neşı-le dehshee sı nàgeehkà gà kwııgeehdè ha. Eyıt'à hotı ts'ı neşı laah't'e,” gòhdi.

¹⁰ Eyıt'à dò John-Baptist dageehke, “Hanı-ıdè ayı dats'ıllà ıı?” gıhdi.

¹¹ John-Baptist gots'ò hadı, “Amı zeh nàke wets'ò sı dò zeh wets'ò-le sı zeh yeghàwehchı. Eyits'ò amı wegħò şhèts'ezhee wets'ò sı dò t'ası wets'ò-le sı ghayıdı,” gòhdi.

¹² Şòşmba nàgehtşı gıllı ededı sı gık'ètaıdzı ha eyı nègııde. John-Baptist ts'ò hagedı, “K'àowo, goşı ayı dats'ele ha?” gıhdi.

13 John-Baptist gots'ò hadi, “Sòmba t'aàtlò nàahtsì naxègedu sù wexètìlò zò nàahtsì. Eyi wezòatìlò nàahtsì-le,” gòhdi. 14 Eghòq-dòò, ededì sù, John-Baptist dageehke: “Ekò goxì ayì dàts'ele ha?” gùhdi.

Hagòhdi, “Sòmba gha dọ k'alaahdè-le, eyits'ò hoahts'ì t'à dọ k'e nidahoahzà-le. Sòmba naxìts'àzèedi sù eyi weghò hòt'a masi dahwhò,” gòhdi.

15 Ekìyèè k'e dọ lọ hotù Christ nùtla ha danageèhzi jìlè. Eyi t'à asì John-Baptist eyi at'ì sòm gùwò. 16 John-Baptist gots'ò hadi, “Sì sù t'ì t'à naxìk'ètaìhdzì họt'e, hanikò dọ jìlè senahk'e elì sù sek'èè nùtla ha. Wekechùt'ì ejiehge ha kò dọ lahoht'ì nùle. Ededì sù Yedàyeh Nezi eyits'ò kò nàtsoo t'à naxìk'ètaìdzì ha họt'e. 17 Jìe eyits'ò t'asì weta goet'òò sù jìlak'aà ayele gha sinìwheda họt'e. Jìe sù xehkò goyayeewa ha, hanikò t'asì weta goet'òò sù welò while ts'ò yek'eehk'ò ha,” gòhdi. 18 John-Baptist yatì lọ t'à nezi aahda gòhdi eyits'ò godì nezi t'à dọ ts'ò gojìde.

19 Hanikò John-Baptist, k'àowochò Herod edechì ts'èkèè Herodias xè honìdza eyits'ò hòjì lọ eghàlajà t'à hòjì k'èè eda yèhdì nàyeezò. 20 John-Baptist hayèhdi ts'ìhzò dọ-danìlaa-kò goyayeèhxà. Eyi t'à dezòò ekò-le hòèhtsì.

Zezi wek'ètaìdzò

21 Dọ hazòò gìk'ètaìdzì ekò Zezi ededì sù wek'ètaìdzò. Ekìyèè k'e Zezi yahtì ekò yak'e ehts'òò ajà. 22 Yedàyeh Nezi Zezi k'e ajà, k'àba degoo lanì wègaat'ì. Yak'e gots'ò du hats'edù họt'e, “Nì Seza anet'e, neghònehtò eyits'ò neghò sìghà dehwhò,” hats'edù họt'e.

Zezi wekwe ts'ò wecho

23 Zezi taèng weghòò ekò edilà kèhòjhwho. Zezi, Joseph weza họt'e gùhwhò.

Joseph, Heli weza họt'e. Heli, 24 Mathat weza họt'e. Mathat, Levi weza họt'e. Levi, Melki weza họt'e. Melki, Janai weza họt'e. Janai, Joseph weza họt'e. Joseph, 25 Matathias weza họt'e. Matathias, Amos weza họt'e. Amos, Nahum weza họt'e. Nahum, Esli weza họt'e. Esli, Nagai weza họt'e. Nagai, 26 Mayat weza họt'e. Mayat, Matathias weza họt'e. Matathias, Semeyin weza họt'e. Semeyin, Josek weza họt'e. Josek, Joda weza họt'e. Joda, 27 Joanan weza họt'e. Joanan, Rhesa weza họt'e. Rhesa, Zerubabel weza họt'e. Zerubabel, Sheyaltiel weza họt'e. Sheyaltiel, Neri weza họt'e. Neri, 28 Melki weza họt'e. Melki, Adì weza họt'e. Adì, Cosam weza họt'e. Cosam, Elmadam weza họt'e. Elmadam, Er weza họt'e. Er, 29 Joshua weza họt'e. Joshua, Eliyezer weza họt'e. Eliyezer, Jorim weza họt'e. Jorim, Mathat weza họt'e. Mathat, Levi weza họt'e. Levi, 30 Simeyon weza họt'e. Simeyon,

Judah weza hq̄t'e. Judah, Joseph weza hq̄t'e. Joseph, Jonam weza hq̄t'e. Jonam, Eliyakim weza hq̄t'e. Eliyakim, ³¹ Meliya weza hq̄t'e. Meliya, Menna weza hq̄t'e. Menna, Matatha weza hq̄t'e. Matatha, Nathan weza hq̄t'e. Nathan, David weza hq̄t'e. David, ³² Jesse weza hq̄t'e. Jesse, Obed weza hq̄t'e, Obed, Boaz weza hq̄t'e. Boaz, Salmon weza hq̄t'e. Salmon, Nashon weza hq̄t'e. Nashon, ³³ Aminadab weza hq̄t'e. Aminadab, Ram weza hq̄t'e. Ram, Hezron weza hq̄t'e. Hezron, Perez weza hq̄t'e. Perez, Judah weza hq̄t'e. Judah, ³⁴ Jacob weza hq̄t'e. Jacob, Isaac weza hq̄t'e. Isaac, Abraham weza hq̄t'e. Abraham, Terah weza hq̄t'e. Terah, Nahor weza hq̄t'e. Nahor, ³⁵ Serug weza hq̄t'e. Serug, Reu weza hq̄t'e. Reu, Peleg weza hq̄t'e. Peleg, Eber weza hq̄t'e. Eber, Shelah weza hq̄t'e. Shelah, ³⁶ Caiman weza hq̄t'e. Caiman, Arfakad weza hq̄t'e. Arfakad, Shem weza hq̄t'e. Shem, Noah weza hq̄t'e. Noah, Lamek weza hq̄t'e. Lamek, ³⁷ Metuselah weza hq̄t'e. Metuselah, Enoch weza hq̄t'e. Enoch, Jared weza hq̄t'e. Jared, Mahalel weza hq̄t'e. Mahalel, Kenan weza hq̄t'e. Kenan, ³⁸ Enosh weza hq̄t'e. Enosh, Set weza hq̄t'e. Set, Adò weza hq̄t'e. Adò, Nòhtsɿ weza hq̄t'e.

4

Zezi wehɿɿ yeèhdzà

¹ Zezi Yedayeh Nezi nàtsoò wets'ò-èlɿ xè Jordan deh nɿzàa gots'ò nòqtla. Yedayeh Nezi ekɿ-ka nèk'e ts'ò ayɿilà. ² Dɿèno dzèè ts'ò ekò ts'ò-èlɿ ekò wehɿɿ yeèhdzà ha yek'alawo. Ekɿyeè k'e t'asɿ wɿzɿ wewàhòqdi-le t'à sɿ bò ghaewɿ ajà.

³ Ekɿyeè k'e wehɿɿ yets'ò hadɿ, “Nòhtsɿ Weza anet'e nɿdè jò kwe whezòq sɿ neyatɿ t'à lèt'e elɿ anele,” yèhdɿ.

⁴ Zezi yets'ò hadɿ, “Dɿ hanɿ dek'eèhtɿ'è hq̄t'e: ‘Dò sɿ lèt'e zò t'à eda ha nɿle,’ ” yèhdɿ.

⁵ Wehɿɿ k'achɿ Zezi idòo dagòqwa dagòzòq k'è nèyɿhtɿ gà dɿ nèk'e hazòq gòlaa sɿ yeghàedaà ayɿilà. ⁶ Wehɿɿ yets'ò hadɿ, “Dɿ dèè wèdaat'ɿ sɿ hazòq wets'ò k'àɿwoò anehɿe ha. Wets'ò k'aeWHO ha seghàhòt'ò ne t'à amɿ weghàehzà ha dehwhòq sɿ weghàehzà ha. ⁷ Sets'ò nàgòneehgè xè seghàsòɿdɿ nɿdè eyɿ hazòq neghaelɿ ha,” yèhdɿ.

⁸ Zezi yets'ò hadɿ, “Dɿ hanɿ dek'eèhtɿ'è: ‘Nòhtsɿ naxɿts'ò K'àowo ededɿ zò wets'ò nàgòahgè ha, eyɿts'ò ededɿ zò wek'èaht'e ha hq̄t'e,’ dek'eèhtɿ'è,” yèhdɿ.

⁹ Eyɿ tɿ'axòq wehɿɿ Jerusalem ts'ò yeèhchɿ. Ekò Nòhtsɿkò-gocho weka dagòqwa nèyeèchɿ, hayèhdɿ, “Nòhtsɿ Weza anet'e nɿdè jzɿ hodàdɿghà. ¹⁰ Dɿ hanɿ dek'eèhtɿ'è ne t'à:

'Nòhtsɪ edeyak'ee't'ɪ ts'ò du hadɪ ha, "Hotù wexoahdɪ."
 11 *Kwe k'e dets'atà ch'à yak'ee't'ɪ edilà t'à danegìhtè ha ne,' dek'eèht'è," yèhdi.*

12 Hanikò Zezi yets'ò hadɪ, "Dù hanì dek'eèht'è hɔt'e: 'Nòhtsɪ naxɪts'ò K'àowo sɪ t'asɪ nezɪ-le t'à weahdzà ha nùile,'" yèhdi.

13 Wehɪ t'asɪ hazòò t'à Zezi nìhdzà ghò nòot'e t'axòò yets'òò naèhtà, ɪdaà-ɪdè k'achɪ yeèhdzà ha naèhɪ.

Zezi kòta Nazareth gots'ò xàdegezhì

14 Zezi Yedàyeh Nezi nàtsoò wets'ò-èlɪ xè Galilee nèk'e ts'ò anajà. Eyɪ nèk'e dɔ hazòò wegodi ghò egɪkw'o. 15 Elègehdeè-kò goyɪ dɔ hoghàehtɔ ts'ihzò dɔ hazòò gɪghò nezɪ agedi.

16 Zezi kòta Nazareth, ekò dèzhòò sɪ ts'ò anajà. Nòhtsɪ Dzeè k'e elègehdeè-kò nàèhtà, t'aats'òò ekò at'ɪ ne t'à. Nìht'è k'eyahtɪ ha nùtà. 17 Nakwenàozòò Isaiah wenìht'è yek'eyahtɪ ha gɪghàèchì. Dù hanì dek'eèht'è yek'eyahtɪ:

18-19 *"Gots'ò K'àowo wets'ò Yedàyeh Nezi sek'e ajà, dɔ etegeèt'ɪ sɪ godɪ nezɪ gɪts'ò nèehzà ha sùhchì hɔt'e. Dɔ gidanɪlaa sɪ dànì xàgeedè agede ha, dɔ gidaà goilee sɪ dànì k'eeget'ɪ agede ha, eyɪts'ò dɔ gɪxè hoilaa sɪ dànì edaxàgeedè ha ghò gɪts'ò gohde ha. Nòhtsɪ dɔ ts'ò sɔnɔwòò sɪ dɔ ts'ò haehsɪ ha sùh?à hɔt'e," hanì dek'eèht'è sɪ yek'eyahtɪ.*

20 Zezi enìht'è k'eyahtɪ t'axòò dɔ enìht'è k'èdɪ sɪ ghoyɪwa gà dèhkwà. Dɔ hazòò goyɪ geèhkw'ee sɪ hotù gɪghàeda. 21 Eyɪ t'à gots'ò hadɪ, "Dù dzeè k'e Nòhtsɪ Nìht'è k'e hanì dek'eèht'è sɪ naxɪdaà wek'èè agòjà," gòhdi.

22 Dɔ hazòò weghò nezɪ gogede eyɪts'ò yatɪ dàdeèzɪ t'à gode gɪwò ts'ihzò dɔ gɪgha enɪyah dɪ. Hagedɪ, "Dù Joseph weza nɪt'e?" gedɪ dàdegeehke.

23 Zezi gots'ò hadɪ, "Dù hasèahdɪ ha wek'èehsɔ, 'Nàèdɪ-k'èezòò k'aat'ɪ adɪle. Kòta Capernaum ekò ayɪ ghàlaneanà sɪ jò nekòta sɪ hanele,' sèahdɪ ha hɔt'e.

24 "Hanikò sɪ ehkw'ɪ dù hanaxèehsɪ ha: Nakwenàozòò wekòta gots'ò dɔ agɪt'ee sɪ dɔ gɪt'ɪ nùile. 25 Ehkw'ɪ anaxèehsɪ, t'akwe whaà nakwenàozòò Elijah nàidè ekò Israel nèk'e ts'èko lɔ gɪgà dɔzhì while ɪlè. Ekɪyeè k'e t'axò-àtanɪ gots'ò chòh while t'à ekò nèk'e hazòò bò while agòjà ɪlè. 26 Hanikò Nòhtsɪ sɪ Elijah gonèk'e gots'ò ts'èko wɪzɪ ts'ò yɪh?à nùile. Sɪdon nèk'e kòta Zarephath gòyeh ekò ts'èko ɪlè wegà dɔzhì while sɪ ts'ò ajà. 27 Nakwenàozòò Elisha nàidè ekò Israel nèk'e dɔ lɔ gokwò tàda t'à eyagɪlè. Hanikò ɪlèet'ee k'aat'ɪ ajà-le. Naman, Syria nèk'e gots'ò dɔ, eyɪ zò k'aat'ɪ ajà," Zezi gòhdi.

28 Dɔ hazòò elègehdeè-kò goyɪ geèhkw'ee sɪ eyɪ hadɪ egɪkw'o ekò gɪk'èch'a agòjà. 29 Hazòò nɪgɪde gà Zezi kòta gots'ò xàgeèhxà. Eyɪ kòta sɪ shìhka gòzò ɪlè. Shìh welò hodàgeexà

ha gɔwɔ t'à, ekɔ ts'ò geèhchì. ³⁰ Hanikò dɔ hazɔ̀ wemɔ̀ wemɔ̀ nàgèhzaa sù gɔm ts'ò goxaèhtla gà gots'ò wemɔ̀.

Dɔ mɔ̀ wets'ò-èlɔ̀

³¹ Eyɔ̀ t'axɔ̀ Zezì Galilee nèk'e, kòta Capernaum gòyeh ts'ò èhtla. Ekɔ̀ Nòhtsɔ̀ Dzeɛ̀ k'e dɔ hoghàehtɔ̀. ³² K'àowo elɔ̀ k'èè hoghàgoehtɔ̀ ts'ihzò, dɔ hazɔ̀ weyatù gɔgha eniyyah dii.

³³ Eyɔ̀ elègehdeè-kò goyù dɔ mè mɔ̀ wets'ò-èlɔ̀ eyɔ̀ wheda. Hòtsaa hòt'ò whezeh xè hadɔ̀, ³⁴ "Nazareth got'ù Zezì, dàgɔ̀le ha? Godihoqtsɔ̀ ha nì anet'ɔ̀? Amù anet'ee sù nek'èehsɔ̀. Nòhtsɔ̀ wets'ò degai anet'e!" yèhdi.

³⁵ Zezì yets'ò hadɔ̀, "Ìhù aat'e! Weyù gots'ò xàitlè!" yèhdi. Hadɔ̀ t'à dɔ hazɔ̀ gidaa mɔ̀ dɔ ɔ̀hù nàhxà gà yeyù gots'ò xàèhtla. Hanikò eyɔ̀ dɔ t'asajà-le.

³⁶ Dɔ hazɔ̀ gɔgha eniyyah t'à elèts'ò hagedɔ̀, "Yatù eniyyah t'à gode eyits'ò t'asù hazɔ̀ ts'ò k'àowo k'èè gode. Yatù nàtsoo t'à mɔ̀ ts'ò gode nɔ̀dè xàgeedè," gedi. ³⁷ Ekòet'ù eyɔ̀ nèk'e hazɔ̀ ts'ò wegodi dɔ ta ts'ò ajà.

Zezì dɔ lɔ̀ k'aat'ù agòòlà

³⁸ Zezì elègehdeè-kò gots'ò xàèhtla, Simon wekò ts'ò ajà. Simon wets'èkeè wemɔ̀ hòt'ò edɔ̀-elɔ̀ t'à eyaelɔ̀. Eyit'a Zezì yets'adɔ̀ ha dageehke. ³⁹ Zezì yegà nùtla, edɔ̀-elɔ̀ t'à eyaelɔ̀ sù xàyeèhza t'à k'aat'ù ajà. Ekòet'ù Simon wets'èkeè wemɔ̀ nùtla gà weghɔ̀ shèts'ezhee goghàedi.

⁴⁰ Xèhts'ò agòjà ekò dɔ hazɔ̀ tàda xàzaa t'à eyagùlɔ̀ sù Zezì gà nègogùwa. Hazɔ̀ edilà gok'e ayùlà t'à k'aat'ù agòòlà.

⁴¹ Eyits'ò mɔ̀ dɔ lɔ̀ yù gots'ò xàide, hagedù gezeh, "Nì sù Nòhtsɔ̀ Weza anet'e." Hanikò Zezì nàgoehzɔ̀. Zezì, Christ hòt'e mɔ̀ gɔk'èezɔ̀ t'à Zezì gogedeè agohzɔ̀-le.

⁴² Dzeɛ̀ agodaade ekò Zezì gowhatsòò gòzòò ts'ò èhtla. Dɔ gɔhanɔ̀, edù whedaa sù gɔgòhɔ̀ ekò Zezì gots'ò naatla ha gɔwɔ-le. ⁴³ Hanikò Zezì gots'ò hadɔ̀, "Yè kòta yàgòlaa, ekɔ̀ sù Nòhtsɔ̀ Wenàowoò wegodi nezu gɔghàehza ha hòt'e. Eyɔ̀ gha jɔ̀ asiidlà hòt'e," gòhdi. ⁴⁴ Judea nèk'e elègehdeè-kò gòlaa ekò t'aats'ò dɔ hoghàgoehtɔ̀.

5

Zezì t'akwelòò edecheekè gòhchì

¹ Ìlà Zezì Genesaret-tì gà nàwo ekò, dɔ lɔ̀ Nòhtsɔ̀ weyatù geèhk'w'ò ha gɔwɔ t'à, wemɔ̀ elèk'e aget'ɔ̀. ² Zezì tabàa elà nàke whela yaɔ̀. Èl-k'aadè-dòò edemì k'enagehtse t'à gɔts'ò elà àila nòò. ³ Zezì Simon wets'ò elà ne sù yeyietla. Zezì Simon ts'ò hadɔ̀, "Yaazea nets'ihzè," yèhdi. Zezì elà yù wheda gà dɔ hoghàehtɔ̀.

⁴ Hòt'a dɔ ts'ò gòde t'axɔ̀ Zezì Simon ts'ò hadɔ̀, "Èl lɔ̀ ìl ha ne t'à, tagoqhwhàa ts'ò ts'ùzè gà mì tɛ̀wa," yèhdi.

⁵ Simon yets'ò hadi, “Gots'ò K'àowo, to ghàà mì k'alats'ùdè, hanikò t'asì wùzì ts'ehli-le. Hanikò 'hanele,' sùdì nìdè mì tènæhwha ha,” yèhdi.

⁶ Hagùlì t'axòò h ló gehli t'à gìmì tàdaadlà. ⁷ Eyit'à giàgià elà eyi-le t'à-aget'ù sù gots'àgedi ha gùwò t'à gots'ò nàgeetsì. Gogà nègùze ekò elà ìlah weyì hwe sù dagoòzò agùlì t'à k'àhdzò elà gixè tèlì-t'e.

⁸ Simon-Peter hani nàhòwo yaṛì ekò Zezì ts'ò nàgòìhgè gà hayèhdi, “Sets'ò K'àowo, hoùù-hohtsù-dòò aht'e t'à segà anet'ì-le,” yèhdi. ⁹ Simon-Peter eyits'ò dọ wexè aget'ù sù hwe ló gehli t'à gìgha enìyah dii. ¹⁰ Simon weàgià, Zebedee weza nàke James eyits'ò John, ededì sù gidaà hagòjà t'à gìgha enìyah lani.

Eyit'à Zezì Simon ts'ò hadi, “Nùjì-le! Jọ gots'ò ìdaà sega dọ ìhchì ha,” yèhdi. ¹¹ Eyì t'axòò elà dèè k'e nègùsì, t'asì hazòò weyì ailaà agùlì gà Zezì k'èè geède.

Dọ wekwò tàda t'à eyaelì

¹² Ìlè Zezì kòta wheda ekò, dọ ìlè gokwò tàda t'à eyaelì xè wekaà wek'e kàaṛa-le, eyì nùtla. Zezì ezì ekò yegà ets'òzhùṛaà nàgòìhgè gà yeghònadaeti, hadi, “K'àowo, haneewò-ìdè k'aat'ì ì asùle ha dii-le,” yèhdi.

¹³ Zezì edilà yek'e ayùlì gà hayèhdi, “Hèzè, hahwhò. K'aat'ì ì anede!” yèhdi. Ekòet'ì wekwò tàda while ajà.

¹⁴ Zezì yets'ò hadi, “Nets'ò dànàhòwoo sù dọ wùzì ts'ò haṛì-le. Nek'ahoeta gha yahtì ts'àatla. Moses wenàowoò k'èè nehoùì neghò nahoezhe k'èxa yahtì t'asì negha k'egùhk'ò. Hanì-ìdè weghàà k'aat'ì anaajà dọ gik'èezò ha,” yèhdi.

¹⁵ “Dọ wùzì ts'ò haṛì-le,” yèhdi kò eyì godì dọ hazòò ta ts'ò ajà, eyit'à dọ ló Zezì weyatì gùkw'o eyits'ò k'aat'ì agede ha gùwò t'à Zezì ts'ò geède. ¹⁶ Hanikò Zezì yahtì ha gowhatsòò gòzòò ts'ò anat'ì.

Dọ wekw'òò elàidèe sù k'aat'ì ajà

¹⁷ Ìlè Zezì kò goyì dọ hoghàehtò. Pharisee gùlù eyits'ò Nòhtsì-yatì-k'ègedì-dòò Galilee nèk'e gots'ò, Judea nèk'e gots'ò eyits'ò kòta Jerusalem gots'ò hazòò eyì nègùde t'à goyì geèhk'w'e. Zezì dọ k'aat'ì agole gha Nòhtsì wets'ò t'asì nàtsoo wets'ò-èlì. ¹⁸ Zezì dọ hoghàehtò ekò, dọ mòhdaa dọ wekw'òò elàidèe tè k'e whetù Zezì ts'ò geèhchì. Zezì wenadaṛà nègùhtè ha hogeèhdzà. ¹⁹ Hanikò dọ ló gonadaṛà nàgeèhza t'à goyagedè ha dii. Eyit'à dahmò ka dekegùchì gà xàgòzàa k'è gogèhtsì. Eyì dọ tè k'e whetù xè ìzhù dọ gonì ts'ò hodàgeèlì, Zezì wenadaṛà nègùhtì.

²⁰ Zezì dọ gìgha ehkw'ì-ahodì gok'èezò t'à, dọ wekw'òò elàidèe ts'ò hadi, “Àgià, nehoùì neghò nahozha,” yèhdi.

²¹ Pharisee gũlũ eyits'q Nòhtsɪ-yatù-k'ègedi-dòq hagũwq, “Eyi dq amì aht'e edeewq? Nòhtsɪ k'èch'a gode. Nòhtsɪ zq gohoũ goghq nahoele hq't'e,” hagũwq.

²² Zezi dànì nàniyedè sù gok'èezq t'à dagoehke, “Dànighq naxidzeè yì hanì nàniadhè? ²³ Dq wekw'qò ɛlaidè sù dāwets'edi nɪdè denahk'e dezhi-le. ‘Nehohũ neghò nahozha,’ ts'edi hanì-le-ɪdè ‘Nɪtla gà k'ɛtlo.’ ²⁴ Dũ nèk'e Dq-wet'aa2aa-deè hoũ dq ghq nahoele ha weghàhòt'qò sù wek'èahsqò anaxehke ha,” gòhdi t'axqò dq wekw'qò ɛlaidè sù ts'ò hadi, “Nɪtla, netè nɪza gà nekò ts'ò naitle,” yèhdi. ²⁵ Ekòet'ì eyi dq, dq hazqò gonadaà nɪtla gà edetè nɪzah eyits'q edekò ts'ò naèhtla. Naeda xè Nòhtsɪ ghàsqedi. ²⁶ Dq hazqò gɪgha enɪyah dù t'à Nòhtsɪ ghàsqedi, hagedi, “Dũ dzeq k'e enɪyah nechàa goxè nàhòwo,” gedi.

Levi Zezi k'èè èhtla

²⁷ Eyi hagòjà t'axqò Zezi naèhtla. Sqòmba-nàhtsɪ-dòq Levi wiyeh ladà k'e eghàlaeda yaɪ. Zezi “Sek'èitla!” yèhdi. ²⁸ Eyt' à Levi t'asì hazqò ailaà ayìlā gà Zezi k'èè èhtla.

²⁹ Eyi t'axqò Levi edekò Zezi gha nàsɪ whehtsɪ. Sqòmba-nàgehtsɪ-dòq lq eyits'q dq eyi-le lq goxè shègezhe. ³⁰ Hanikò Pharisee gũlũ eyits'q gita gots'q Nòhtsɪ-yatù-k'ègedi-dòq Zezi wecheekè ts'ò sqagedi, “Dànighq sqòmba-nàhtsɪ-dòq eyits'q hoũ-hogehtsɪ-dòq xè shèahzhe xè aahdq?” gògedi.

³¹ Zezi gots'ò hadi, “Dq hoti geedaa sù nàèdi-k'èezq gɪgha wet'aa2a nùile, dq eyagũlũ sù zq nàèdi-k'èezq gũwq hq't'e. ³² Dq ehkw'ì geedaa sù gikayahtì gha jò ts'ò ahjà nùile, hanikò hoũ-hogehtsɪ-dòq sù edek'egũlũ gha ahjà,” gòhdi.

Edets'egq ghq Zezi dageehke

³³ Zezi ts'ò hagedi, “John-Baptist wecheekè t'aats'qò edegeqò xè yagehti, eyits'q Pharisee gicheekè sɪ haget'ì, hanikò nɪ necheekè t'aats'qò shègezhe xè gedq,” gògedi.

³⁴ Zezi gots'ò hadi, “K'qadzàa ɪaà goxè wheda et'ì, dq gɪghq nɪdee sù edegeqò ha nì? ³⁵ Ìle ne, hanikò ɪè dzeq k'e k'qadzàa goghq wìchì ha, eyi dzeq k'e nɪdè edegeqò ha hq't'e,” gòhdi.

³⁶ Zezi dũ godi t'à goxè godo hadi, “Dq wɪzì goht'q gòò gots'q eht'ì tàyehdlā gà goht'q zq k'e nètèyeèli nùile. Hayìlā nɪdè goht'q gòò yedihohtsɪ ha, eyits'q eht'ìgòò goht'q zq k'e nètèyeèli nɪdè wexiizq ha-le. ³⁷ Eyits'q dq wɪzì jìetì wegòò hoèlũ sù jìetiwo wezq yì yeht'ì nùile. Hayìlā nɪdè jìetì wegòò ts'ihzq jìetiwo wezq wenìtsqedlā xè jìetì xàet'ì ha, eyits'q jìetiwo wedihoè ha hq't'e. ³⁸ Ìle ne, jìetigòò hoèlũ sù jìetiwo wegòò yì ts'eht'ì ha hq't'e. ³⁹ Eyits'q dq wɪzì jìetì whaà ɪhtqò yats'e t'axqò jìetì wegòò hoèlũ sù yuwq nùile, jìetì whaà ɪhtqò sù denahk'e wegħa nezì t'à,” gòhdi goxè godo.

6

Nòhtsɪ Dzɛɛ ɣha K'òowo

¹ Ịhàà Nòhtsɪ Dzɛɛ k'e Zezi t'olà dehshee nɪ k'etlò. Wecheekeè t'olà ɣihchì ɣà edilà t'à tàtsògeèhdi ɣà welò jɪ nechà-lea weyì whelaa sù gedè. ² Pharisee ɣɪlɪ mòhdaa dagogeehke, “Dànighò Nòhtsɪ Dzɛɛ k'e ayì wets'æt'òq sù haahzì?” gògedi.

³ Zezi gots'ò hadi, “K'òowocho David ededi eyits'ò wecheekeè degeèhdi ekò ayì dàyìlìlā sù Nòhtsɪ Nɪhtl'è k'e dek'eèhtl'è wek'eyaahɪ-le nì? ⁴ Nòhtsɪkò goyaèhtlā ɣà lèt'è degaɪ goyì whezòq sù yɪzà eyits'ò mòhdaa edecheekeè goghàyyìdi. Eyì hajā sù ededi wegħa wets'æt'ò ɷlè, yahtu ɣɪgha zò whezò ɷlè,” gòhdi. ⁵ Eyit'à Zezi (edegħò) gots'ò hadi, “Dò-wet'āazāa-deè sù Nòhtsɪ Dzɛɛ ɣha K'òowo elì hɔt'e,” gòhdi.

⁶ K'achì Nòhtsɪ Dzɛɛ k'e, Zezi elègehdeè-kò goyaèhtlā ɣà dò hogħàehtò. Dò ɷlè nàgòts'ehneè gots'ò wìlā elèènɪtsoo eyì wheda. ⁷ Pharisee ɣɪlɪ eyits'ò Nòhtsɪ-yatù-k'ègedi-dò Zezi k'e nìdahogeezà ha ɣɪwò t'à, hotù ɣɪxoeħdi, asì Nòhtsɪ Dzɛɛ k'e dò k'aat'ì ale ha sɔmì ɣɪwò. ⁸ Hanìkò Zezi ayì ghò nànìgedè sù gok'èezò. Eyit'à dò wìlā elèènɪtsoo ts'ò hadi, “Nɪtłā ɣà dò hazòq ɣɪnadaqà nàawo,” yèhdi. Eyit'à eyì dò nɪtłā ɣà gonadaqà nàwo.

⁹ Zezi gots'ò hadi, “Nòhtsɪ Dzɛɛ k'e ayì wets'æt'ò-q-le? Dò ts'ò nezì eghàlats'eeda, hanì-le-ɷdè dò ts'ò hoilà eghàlats'eeda? Dò edaxàts'eehtèè hanì-le-ɷdè dò elàats'ehwhù?” gòhdi.

¹⁰ Dò hazòq wemòq nàgeèhzaa sù hotù goghàeda. Eyì t'axòq dò wìlā elèènɪtsoo sù ts'ò hadi, “Nìlā dàichì,” yèhdi. Edilā dàichì ts'òet'ì wìlā k'aat'ì anajà. ¹¹ Hanìkò Pharisee ɣɪlɪ sù sù ɣich'è, eyit'à Zezi dàgele ha sù ghò gogede.

Zezi edecheekeè hoònq-daats'ò-nàke gòihchì

¹² Ịhàà Zezi yahtu ha shìhka dekiłtā. To ghāà Nòhtsɪ ts'ò yahtu. ¹³ K'omòqòqò agòjà ekò edecheekeè gokayahtu. Dò hoònq-daats'ò-nàke nàwehtsɪ sù, “Secheekeèdeè aahlì,” gòhdi.

¹⁴ Dò dɪ haghìyeh gòihchì: Simon (Peter yèhdi), wechì Andrew, James, John, Philip, Bartholomew, ¹⁵ Matthew, Thomas, Alphaeus weza James, Simon (“dò edenèè ghòneètòq” wiyeh), ¹⁶ James weza Zhidāà, eyits'ò Zhidāà-Iscariyot, ededi sù Zezi k'aodèè gotl'àayehtè ha hɔt'e.

Amì wexè sìghà ha eyits'ò amì wexè hoilà ha

¹⁷ Zezi shìhka gots'ò ɷzhù edecheekeèdeè goxè hodàehtlā, dèè gołłoa k'e nàwo. Wecheekeè ɷ eyì nèɣɷde eyits'ò Judea nèk'e hazòq, Jerusalem gots'ò, eyits'ò tìchobāa kòta gòlāa Tyre eyits'ò Sidon gots'ò dodeè nìde. ¹⁸ Zezi geèhk'w'ò ha eyits'ò ayì t'à eyagɪlɪ sù k'aat'ì agede ɣha eyì nèɣɷde. Amì ɷnìhì ɣik'aladèè

sì k'aàt'iì agejà. ¹⁹ Eyits'q Zezi t'asì nàtsoo wets'ò-èlì t'à dọ k'aàt'iì aget'ì ts'ihzò dọ hazqò gixèlaìdì ha hogeèhdzà.

²⁰ Zezi edecheekeè goghàeda, hagòhdì,
 “Naxì eteaht'ì sì naxìxè sìghà hq't'e;
 Nòhtsì Wenàowoò k'èè hòzqò naxits'ò-èlì hq't'e.

²¹ Dì deahdì nìdè naxìxè sìghà hq't'e;
 nezì shèahzhe ha.

Dì aahse nìdè naxìxè sìghà hq't'e;
 nà?aaahlò ha.

²² Dọ-wet'aa?aa-deè wets'ihzò,
 dọ naxìdzagìhwhq nìdè, naxìdè gùwq nìdè
 naxìk'adageedè nìdè, naxìzì jù gehtsì nìdè,
 naxìxè sìghà hq't'e.

²³ “Naxits'ò hagòjà nìdè wek'èxa yak'e t'asì nechàa daahnqò
 sì naxìdawhezq t'à sì naxìnà dàq yaàhka. Gìcho eyì xèht'èè
 nakwenàozqò ts'ò nezì eghàlagùdà-le ìlè.

²⁴ Naxì dọ ahxee yàahì sì dì hòt'a
 naxìgha nàhotì-le hòzq t'à naxìgha hoilà ha hq't'e.

²⁵ Dì nezì shèahzhe nìdè deahdì xè
 naxìgha hoilà ha hq't'e.

Dì nà?aaahlò nìdè naxìdzeè nàntì xè
 aahse ha.

²⁶ Dọ naxìghq nezì agedì nìdè
 naxìgha hoilà ha hq't'e.

Gìcho eyì xèht'èè nakwenàozqò edegeetsì sì ghq nezì agedì
 ìlè.

Dọ naxits'ò xànegì?aa sì gìghòniahtq

²⁷ “Hanìkò amì seèhk'w'qò sì dì hanaxèehsì: Dọ naxìngelì-
 le sì gìghòniahtq eyits'q dọ naxìdzagìhwhqò sì gits'ò nezì
 eghàlaahda. ²⁸ Amì hoilà naxìk'e xàyahtì sì eyits'q amì
 naxits'ò nezì eghàlaeda-le sì gìgha yaahì. ²⁹ Dọ tsìnaxìht'ì
 nìdè k'achì wets'ò naah?a. Dọ naxìzèè naxìghq neyì?a
 nìdè naxìkw'ìhzeè sì nìyì?a kò. ³⁰ Dọ naxìgeekè nìdè t'asì
 gìghàahdì eyits'q t'asì naxits'q negìwa nìdè 'seghqahchì'
 gìaahdì-le. ³¹ Dànì dọ naxits'ò nezì eghàlageeda ha dahwhq k'èè
 gits'ò eghàlaahda.

³² “Dọ naxìghqnegeètq zq gìghòniahtq nìdè eyì t'asì nìile.
 Hoì-hogehtsì-dqò, ededì kò eìghqnegeètq hq't'e. ³³ Dọ
 naxits'ò dọ nezì gùlì sì gits'ò zq dọ nezì aahì nìdè, eyì t'asì
 nìile. Hoì-hogehtsì-dqò, ededì kò, eìets'ò dọ nezì gùlì hq't'e.

³⁴ Eyits'q, dọ ek'èt'à t'asì naxìghqgele dahwhqò sì zq t'asì
 gìghòniahì nìdè eyì t'asì nìile. Hoì-hogehtsì-dqò, ededì kò,
 hazqò deg'hàà ek'èt'à gìghqzeze ha gùwq t'à t'asì eìghqnegele
 hq't'e. ³⁵ Hanìkò dọ naxits'ò xànegì?aa sì gìghòniahtq xè gits'ò
 dọ nezì aahì. T'asì gìghòniahì nìdè ek'èt'à seghqgeele ha

dahwhò-le. Hanì-ìdè wek'èxa t'asì nechàa naxìda whezò ha eyits'ò Nòhtsì wenahk'e gòhì-le sù weza aahì ha. Nòhtsì sù dọ masì gùwò-le eyits'ò dọ gijù ts'ò wedzeè eteè?ì họt'e. ³⁶ Nòhtsì naxità wedzeè eteè?ì lanì naxì sì naxìdzeè eteè?ì ha họt'e.

Elesnìyaahitì-le

³⁷ “Dọ sìnìyaahitì-le, hanì-ìdè naxìsìnìyaetì ha-le. Dọ gidè kò dahwhò-le nìdè Nòhtsì naxìdè anaxele ha-le. Dọ ghò nahoahle nìdè Nòhtsì naxìghò nahoele ha. ³⁸ T'asì dọ ghàahle nìdè ek'èt'á t'asì naxìghòzhe ha. T'asì dagoò?ò xè naxìzò?ò whela ts'ò t'asì naxìghòzhe ha. T'asì dàìhcho dọ ghàah?àa sù wexèìhcho naxìghòt'á ha họt'e,” gòhdì.

³⁹ Eyits'ò Zezì dù hadù hoghàgoèhtò, “Asì dọ gidaà goìlee sù k'elegeeh?ì? Ìhah dèè yì gò?àa goyì geet'ì ha-le nì? ⁴⁰ Dọ hoghàweètò? sù hoghàyeèhtò?ò-dò? nahk'e elì nùle, hanìkò deghàà hoghàweètò nìdè hoghàyeèhtò?ò-dò? xèht'e è lade ha họt'e.

⁴¹ “Ayìha naxèot'ì wedaà yì tsolè whezò? sù ghàahda, hanìkò naxìdaà yì dechì whetò? sù ts'òniàh?à-le? ⁴² Dànìt'á naxèot'ì ts'ò dù haahdì ha diì-le, ‘Àgìá, nedaà yì t'asia whezò, negha xàwehchì,’ dahdì, hanìkò naxì naxìdaà yì dechì whetò? sù naxìgha wègaat'ì-le. Degàì daahstì kò wek'è? aahda nùle! T'akweì?ò naxìdaà yì dechì whetò? sù xàahchì nìdè naxìgha nezì xègaat'ì agode ha, hanì-ìdè naxèot'ì wedaà yì t'asia whezò? sù xàahchì ha diì-le.

Ts'ì eyits'ò wejìecho

⁴³ “Ts'ì nezì sù wek'e jìecho nezì-le gòhì nùle, eyits'ò ts'ì nezì-le sù wek'e jìecho nezì dehshe nùle. ⁴⁴ Ts'ì wejìecho ghàà ts'ì wek'èhoedzò họt'e. Ìchìghò ta gots'ò jìe nàts'ehtsì nùle, eyits'ò gogho nì jìecho nàts'ehtsì nùle. ⁴⁵ Dọ nezì sù t'asì nezì ededzeè yì whehà t'á nezì k'èhoza. Hanìkò hoìhì-hohtsì-dò? sù nàowohì ededzeè yì whehà t'á ekò-le k'èhoza. Dọ gidzeè yì dàgòht'e ghàà gogede họt'e.

Dọ gòzò? eyits'ò dọ gòzò?le wegodu

⁴⁶ “Ayìha, ‘K'àowo, K'àowo,’ sèahdì, hanìkò sek'èaht'e-le? ⁴⁷ Amì sets'ò at'ì, seyatì ìkw'o xè yek'è? edaa sù dọ dàhòt'ì awèehsì sù naxìts'ò haehsì ha. ⁴⁸ Dọ dànì kò gohtsì lanì. Dèè gòzòwà ts'ò xàgòìghè gà kwe k'e yiet'áà gòhtsì. Tì dàìwì xè taatì nàtsoo kò xèzèèhdì, hanìkò kò nezì hòèì t'á t'asajà-le. ⁴⁹ Hanìkò amì seyatì ìkw'o kò yek'è? eda-le nìdè, dọ ewaà k'e yiet'áà dè kò gòhtsì lanì. Taatì nàtsoo eyì kò xèzèèhdì ts'òet'ì kò nàgòt'ì xè wedìhòhì,” Zezì hadì dọ xè godo.

7

Eghoq-dòq-gha-k'àowo sù wegħa ehkw'i-ahodi

¹ Zezi dò hazòq ts'ò gojde t'axòq kòta Capernaum ts'ò èhtla. ² Eyì kòta eghoq-dòq-gha-k'àowo edecheekeè jè ghòneètqò sù hòt'ò eyaelì t'à ełàadaawì jè. ³ Eyit'à eghoq-dòq-gha-k'àowo Zezi ghò iikw'o ekò Israel got'jì gıřòhdaà mòhdaa Zezi ts'ò goèhza. Wecheekeè k'aat'ì ayele ha Zezi danatıřq. ⁴⁻⁵ Israel got'jì gıřòhdaà Zezi ghò nègıde ekò gıghonàdaeti, hagedı, “Dı k'àowo goghòneètqò xè ełets'ehdèe-kò gogħa gòhtsı t'à, wets'ò nezı eghàlajda ha nets'ıhwhò,” gıhıdı. ⁶ Eyit'à Zezi gok'èè naèhtla. Wekò ts'ò nıwà-le nıhtla ekò eghoq-dòq-gha-k'àowo edeàgıř Zezi ts'ò goèhza, hadı, “Sets'ò K'àowo, dq lahoeht'ı nıle t'à sekò nàwhıhtla-le kò. ⁷ Nets'ò èhtla ha kò dq lahoeht'ı aht'e dehwhò nıle. Hanıkò neyatı t'à xàyanehı nıdè secheekeè k'aat'ì ade ha. ⁸ Sı kò segha k'àowo gòhı eyits'q eghoq-dòq gıgha k'àowo ehı. Jè ‘Yeè nàatla,’ wèehsı nıdè ekò nàtla, eyits'q k'achı jè ‘Jò nàatla,’ wèehsı nıdè jò nàtla. Secheekeè, ‘Dı hanele,’ wèehsı nıdè hayehı,” k'àowo hanı yedanatıřq.

⁹ Zezi dq hanı yedanatıřq ghò iikw'o ekò eyı dq ghò wegħa enıyah dı. Dq lq yek'èè k'edèe sù ts'ò hadı, “Ehkw'i anaxèehsı, Israel nèk'e dq wıni hananıhtso ghò eèhk'w'o while,” gòhıdı. ¹⁰ Dq Zezi ts'ò goèhza jèe sù k'àowo wekò ts'ò nageèhde ekò wecheekeè k'aat'ì ajà jè nòq.

Zezi cheko naidà ayıllà

¹¹ Eyıgots'q whaà-le, Zezi kòta Nayın gòyeh ts'ò èhtla, wecheekeè eyits'q dq lq gık'èè k'edè. ¹² Kòta ts'ò nıwà-le nıhtla ekò dqkw'òq xàgatı nòq. Dq ełajwo sù wemq weza jàet'ee zq hq't'e, eyits'q wemq wegà dqzhı while jè. Kòta ts'q dq lq goxè aget'ı. ¹³ Gots'ò K'àowo ts'èko eř ekò weghò wedzeè dı, hayèhı, “Netse-le,” yèhıdı.

¹⁴ Dechıtq ts'ò èhtla, edılà yek'e ayıllà t'à, dq dechıtq nagıatı sù nègıde. Zezi hadı, “Cheko nıhtla nèehsı,” yèhıdı. ¹⁵ Dq ełajwo sù hqtsaa wheda xè godeè ajà. Zezi ts'èko weza yeghoyıhtı.

¹⁶ Dq hazòq gıgha enıyah nechàa t'à Nòhtsı ghàsogeedı, hagedı, “Nakwenàořq-deè gota nıhtla. Nòhtsı edets'q dq ts'adı ha goghò nıhtla,” gedı. ¹⁷ Judea nèk'e gots'q eyits'q hazòq gımqò dq nàdèe sù, Zezi wegodı ghò gıkw'o.

Zezi eyits'q John-Baptist

¹⁸ John-Baptist wecheekeè eyı hazòq hagòjaa sù John-Baptist ts'ò hagedı. ¹⁹ Eyit'à edecheekeè nàke Zezi ts'ò goèhza. “Dı hanı daweahke: ‘Dq jè jò nıhtla ha jèe sù ası eyı anet'e? Eyı anet'e-le nıdè ası dq eyı-le danats'eèhı ha?’ wèahıdı,” gòhıdı.

20 Eyi dọ nàke Zezi ghọ nègùde ekò hagùhdi, “John-Baptist nets'ò goèhza. Du danets'eehke ha gòhdi, ‘Dọ ìlè jọ niitla ha ìlè sù asù eyi anet'e? Eyi anet'e-le nìdè asù dọ eyi-le danats'èèhzi ha?’ ” gùhdi.

21 Nègùde ekùiyèè k'e Zezi dọ lọ tàda gits'ọọ eyits'ọ inìhù gits'ò-èlù sù k'aat'ì agòòlà, eyits'ọ gidaà goilee sù gidaà gòhù agòòlà.

22 Eyi'tà Zezi, eyi dọ nàke ts'ò hadi, “John-Baptist ts'ò anaahde. Ayi aahzi eyits'ọ ayi aàhk'oo sù hazọ wets'ò haahdi: Dọ gidaà goilee sù k'egèet'ì, k'egedè-le sù k'egedè, gokwò tàda t'à eyagùlù sù k'aat'ì agejà, gidzi goilee sù egeèhk'w'ò agejà, eàagùdèè sù nagidà eyits'ọ dọ etegeèt'ù sù godi nezi egùkw'ò.

23 Amù wek'èch'a aht'ì-le sù wexè sìghà họt'e,” Zezi gòhdi.

24 John-Baptist wecheekè nageèhde ekò Zezi John-Baptist ghọ dọ hazọ ts'ò hadi, “Ekù-ka nèk'e ayi ghàahda ha ekọ k'eahdè? T'oh k'ewehts'ì ghàahda ha nì aah'ì? 25 Hani-le-ìdè ayi ghàahda ha ekọ k'eahdè? Dọ nezi nàht'ì ghàahda ha nì aah'ì? Ìle, dọ goht'ọ dètì t'à-aget'ù sù k'àowochò wekò hozi goyi nàgedè họt'e. 26 Ekọ ayi ghàahda ha aah'ì ìlè? Nakwenàozọ? Hẹzẹ, nakwenàozọ nahk'e elù sù weahzi họt'e. 27 Eyi dọ weghọ du hani dek'èèht'è,

'Nenakweè dọ ìlè seyati k'era ha. Nenakweè negha ts'atà nihòza ha, dek'èèht'è.

28 Ekw'ì anaxèehsi, dọ hazọ gùgòhù sù John-Baptist wenahk'e gòhù-le. Hanikò Nòhtsi Wenàowò k'èè hòzọ geèhk'ee sù gita dọ dek'azì elù sù John-Baptist nahk'e elì họt'e,” Zezi gòhdi.

29 (Dọ hazọ, sọmba-nàgehtsi-dọ ededi kò, Zezi John-Baptist ghọ dàdu sù gùkw'ò. John-Baptist gok'ètàidzọ ìlè ne t'à, “Nòhtsi wenàowò ehkw'ì họt'e,” gedi. 30 Hanikò Pharisee gùlù eyits'ọ Nòhtsi-yatù-k'ègedi-dọ gùlù sù Nòhtsi Wenàowò k'èè geeda ha sù gigha wede, John-Baptist gok'ètàidzọ nùle t'à.)

31 Zezi hagòhdi, “Du dọ xàgèèzaa sù ayi xègùht'e ts'edi li? Ayi dọ lagùt'e? 32 Chekoa tlibàa geèhk'ee lagùt'e. Elets'ò hagedi yagìzeh,

'Naxigha shì ts'eehdi, hanikò dagoahwho nùle. Naxigha ts'òqts'ùwọ-zhì t'à ts'ejì, hanikò aahse nùle,' gedi.

33 John-Baptist niitla ekò edegọ t'à lèt'è ghọ shètì-le xè jìetì edọle, hanikò du haahdi, ‘Inìhù wets'ò-èlì,’ wèahdi. 34 Dọ-wet'aaazà-deè niitla ekò shètì xè yedọ, eyi'tà du haahdi, ‘Bò gha edì-le xè yedọ ghaewì. Sọmba-nàhtsi-dọ eyits'ọ hoù-hogehtsi-dọ edeàgì gòt'ì,’ wèahdi. 35 Wet'à gots'ùzọ sù wek'èè ts'eeda nìdè hozì gok'e wègaat'ì họt'e,” gòhdi.

Ts'èko Zezi k'e yik'èet'òo ayìlì

³⁶ Dọ ɲè Pharisee elɲ sɪ Zezi yexè shètɪ ha yekayaɲhtɪ. Eyit'à Zezi yekò nàhtla gà yexè shètɪ ha ladà gà dètsòhtɪ. ³⁷ Eyɪ kòta gots'ò ts'èko ɲè wesɪɲɲlaa sɪ Zezi ekò shètɪ ha yeghò ɲkw'ò ekò, kwetòqà yɪ ɲik'eetɪ'òò dètɪ k'ehɪ xè goyaèhtla. ³⁸ Zezi ts'ò èhtla, yekèlò nàwo gà etse. Edenatɪ t'à yekè k'enaɲhtso gà edekwighà t'à yedeedi. Yekè ets'ɲ eyɪts'ò ɲik'eetɪ'òò yek'e ayɲɲà.

³⁹ Pharisee yexàehzàa sɪ ts'èko hajà yaɲɪ ekò edets'ò hadɪ, “Eyɪ dọ nakwenàozòqò elɲ ɲɲdè ts'èko dàhòt'ɲ dayeechɪ sɪ wesɪɲɲlaa hanɲ hɲt'e yek'èezq ha ɲè,” edets'ò hadɪ.

⁴⁰ Zezi Pharisee ts'ò hadɪ, “Simon, t'asɪ nets'ò haehsɪ ha.”

Eyit'à Simon yets'ò hadɪ, “Hèzè, K'àowo, hasɲɲɲɲ,” yèhɲɲ.

⁴¹ Zezi yets'ò hadɪ, “Dọ nàke, dọ goghaetɪ'èe ts'ò gɲɲhtɪ'è lò ajà. Dọ ɲè nàke xo eghàlats'eedaa haàtɲ wənɲhtɪ'è ajà, ekò dọ ɲè t'aa nàke sa eghàlats'eedaa haàtɲ wənɲhtɪ'è ajà.

⁴² Edenɲhtɪ'è nageele ha dɲ t'à dọ goghaetɪ'èe sɪ ɲak'aa gɲɲhtɪ'è wedè ayɲɲà. Eyɪ dọ nàke sɪ amɲ denahk'e yeghòneètò ha sɲnɲ?” Zezi yèhɲɲ.

⁴³ Simon hadɪ, “Dọ denahk'e wənɲhtɪ'è lò sɪ denahk'e yeghòneètò ha sɲnaà,” yèhɲɲ.

Zezi hayèhɲɲ, “Ehkw'ɲ aɲɲɲ!”

⁴⁴ Hadɪ t'axòqò Zezi ts'èko ts'ò naza gà Simon ts'ò hadɪ, “Nekò goyaèhtla ekò sekè k'enaehɲtse ha tɪ sanedi-le t'à, dọ seneehwhò-le ɲè. Hanikò dɲ ts'èko sɪ edenatɪ t'à sekè k'enaɲhtso gà edekwighà t'à sekè dèyɲtso. ⁴⁵ Sek'èts'eneedi-le hanikò dɲ ts'èko sɪ goyaèhtla gots'ò sekè ets'ɲ. ⁴⁶ Kwɲtɲ sekwɲ k'e anelà-le hanikò ededɲ sɪ ɲik'eetɪ'òò sekè k'e naɲayeèhtɪ'ɲ. ⁴⁷ Eyit'à, dɲ hanèehsɪ ha, dɲ ts'èko wehòɲɲ lò weghò nahoazha, eyit'à sɪ seghòneètò hɲt'e. Hanikò amɲ wehòɲɲ lò-lea weghò nahoehzee sɪ hòtɪ'ò seghòneètò nɲle,” yèhɲɲ.

⁴⁸ Eyit'à Zezi ts'èko ts'ò hadɪ, “Nehòɲɲ neghò nahoazha,” yèhɲɲ.

⁴⁹ Dọ goxè shègezhee sɪ elets'ò hagedɲ, “Dɲ amɲ ne, dọ-hòɲɲ kò, goghò nahoele?” elègeedi.

⁵⁰ Zezi ts'èko ts'ò hadɪ, “Negha ehkw'ɲ-ahodɲ t'à edaxàneètɲ. Naɲtɲ, nexè sìghà welè,” yèhɲɲ.

8

Wet'à t'asɪ dehshee godɲ

¹ Eyɪ t'axòqò Zezi kòta yàgòlaa gota k'etɲ. Nòhtsɲ Wenàowoò wegodɲ nezɲ t'à dọ hoghàehtò. Wecheekeè hòndò-daats'ò-nàke gɲxè at'ɲ. ² Eyɪts'ò ts'èko mòhdaa ɲɲɲɲ eyɪts'ò tàda t'à eyagɲlè t'à k'aàt'ɲ agejàa sɪ goxè aget'ɲ. Ts'èko ɲè Mary wɲyeh (Madlè sɲ wɲyeh) ɲɲɲɲ lòhdɲ wets'òqò xàèdee sɪ eyɪ sɲ goxè at'ɲ. ³ Dọ Cuza wɲyeh, k'àowocho Herod wekò gogha k'àowo elɲ, eyɪ

wets'èkèè Joanna eyi sɪ goxè at'ɪ. Ts'èko Susanna eyits'ò eyi-le ts'èko ɪɔ, t'asii gɪts'ò sɪ t'à Zezi eyits'ò wecheekèè ts'agɪdì.

⁴ Kòta hazòò yàgòlaa gots'ò dɔ ɪɔ Zezi ts'ò eɛgɪde ekò Zezi nànts'ewoo godii t'à goxè godo, hadi, ⁵ “Dɔ ɪè wet'à t'asii dehshee dèè k'e nèyɪla. Wet'à t'asii dehshee dèè k'e ts'ò yeehdè ekò mòhdaa tɪli k'e nàit'ɪ. Dɔ gɪk'e k'edè eyits'ò chɪɔ sɪ gɪzà. ⁶ Wet'à t'asii dehshee mòhdaa kwe ta nàit'ɪ. Xànyishò ekò tɪ while t'à whegòò ajà. ⁷ Mòhdaa ɪchìghoò ta nàit'ɪ t'à eɛxè dèhshò; ɪchìghoò yeròò nànyɪtso t'à eɛɪdè. ⁸ Hanikò mòhdaa dèè nezɪ k'e nàit'ɪ. Nezɪ dèhshò eyits'ò t'aatɔ dèè k'e nàit'ɪ sɪ ɪèakw'eènò ts'ò deɔatɔ xànyishò,” gòhdi goxè godo.

Eyi t'axòò Zezi dɔ ts'ò hòt'ò hadi, “Amii wedzi gòhɪ sɪ eèkw'ò welli,” gòhdi.

⁹ Eyi t'axòò Zezi wecheekèè dageehke, “Eyi godi sɪ ayii awɪdì?” gɪhdi. ¹⁰ Eyi t'à Zezi gots'ò hadi, “Naxɪ sɪ Nòhtsɪ Wenàowòò k'èè hòzòò k'èahsò ha naxɪghàhòt'ò hɔt'e, hanikò dɔ eyi-le sɪ godi t'à gɪxè gohdo.

'K'eeget'ì kò geɔì ha-le eyits'ò egeèkw'ò kò dàhodù-ahodu sɪ gɪndè ha-le.'

¹¹ “Eyi godi dàdù-adu sɪ naxits'ò haehsɪ ha: Eyi wet'à t'asii dehshee sɪ Nòhtsɪ weyatù lanì hɔt'e. ¹² Wet'à t'asii dehshee tɪli k'e nàit'ɪ sɪ dɔ Nòhtsɪ yatù egɪkw'o lanì, hanikò wehɪ sɪ Nòhtsɪ yatù gidzèè yì ajàa sɪ goghò yìhchɪ. Eyi t'à ehkw'ɪ-ahodi gɪwò-le xè edaxàgeedè ha-le. ¹³ Dɔ mòhdaa sɪ wet'à t'asii dehshee kwe ta nàit'ɪ lagɪt'e. Eyi yatù gɪkw'o ts'òet'ɪ sɪ gɪnà xè gɪhchɪ. Hanikò gɪghochɪ while t'à whaà-lea gots'ò gɪgha ehkw'ɪ-ahodi, eyits'ò hoila nèhòkw'ɪ nɪdè gɪghò nat'è. ¹⁴ Dɔ mòhdaa sɪ wet'à t'asii dehshee ɪchìghoò ta nàit'ɪ lagɪt'e. Godi gɪkw'o, hanikò t'asii ɪɔ ghò nàngedè xè sòmba ɪɔ gɪwò eyits'ò sìgòèt'ɪ gɪwò t'à geèzhè-le. ¹⁵ Ekò dɔ gidzèè nezɪ sɪ wet'à-t'asii-dehshee dèè nezɪ k'e nàit'ɪ lagɪt'e. Yatù gɪkw'o xè edegha yatù gɪhchɪ eyits'ò gɪdechɪ-le, eyi t'à t'asii nezɪ ɪɔ geehshe,” Zezi gòhdi.

Tlèk'òò ɪdòò dawhezò

¹⁶ “Dɔ wɪzì tlèk'òò yìhtɔ gà tɔ t'a nèyechɪ nùle, hanì-le-ɪdè dàèhte t'a nèyechɪ nùle, hanikò ɪdòò dawhezòò ayehɔ. Hanì-ɪdè dɔ goyagedèè sɪ wet'à gɪgha dzèh ha. ¹⁷ T'asii deɔì whezòò sɪ ts'òwhezòò ade ha eyits'ò dɔ naàhtò dàts'et'ɪ sɪ wègòèt'ɪ ha. ¹⁸ Eyi t'à hotù nezɪ aàkw'o. Amii t'asii ɪɔ wets'ò sɪ eyi weɔatɔ weghàzhe ha. Hanikò amii t'asii wets'ò-le sɪ t'asii ɪɔ-lea wets'ò sɪ eyi kò weghò ɪchɪ ha hɔt'e,” Zezi gòhdi.

Zezi wemò eyits'ò wechike

19 Zezi wemq eyits'q wechi gıts'àwhede, hanikò dq lq t'à wets'ò nıwà-le agede ha dii. 20 Dq ıle Zezi ts'ò hadı, “Nemq eyits'q nechı mòht'a nàgeèhza, negezı ha gıwq,” yèhdi.

21 Zezi yets'ò hadı, “Amı Nòhtsı yatı egiıkw'oo xè gık'èè edaa sı semq eyits'q sechi lagıtt'e,” yèhdi.

Zezi nıhts'i while ayıllà

22 İhàà Zezi edecheekeè ts'ò hadı, “İnòò nats'ızzè.” Eyıt'à elà yı gııde gà nageèze. 23 Ekq gıazò ekò Zezi dètı. Hotsaa gıxè nıhts'i nàtsoo hoòwo eyits'q elà yı tı lq ajà, eyıt'à sı gıxè hoejıı agòjà.

24 Zezi wecheekeè ts'ıgııhwho, hagiıhdı, “K'àowo, K'àowo, tı t'à elàats'ede ha nıkw'o.”

Zezi nıttla gà nıhts'i eyits'q taattı ts'ò gode hadı, “Ts'èwhıı aahde!” gòhdi. Eyıt'à nıhts'i while agòjà eyits'q tı sı nàeda-le ajà. Hazòq gımqò goòzaa ts'ò ts'èwhıı agòjà. 25 “Dàniğhò Nòhtsı ghq naxıni nàtso-le?” Zezi edecheekeè gòhdi.

Gıgha enıyah xè geèhyeh t'à eləts'ò hagedı, “Dı amı ne? Nıhts'i eyits'q taattı kò gık'ıtt'e,” gedi.

Dq ıniı wets'ò-èlı sı k'aatt'ı ajà

26 Zezi eyits'q wecheekeè Gerasene nèk'e ts'ò geèze. Galilee nèk'e gotadà agòht'e. 27 Zezi tàehtla ekò eyı kòta gots'q dq ıniı lq wets'ò-èlı yeghò nıttla. Eyı dq whaà gots'q goht'q yııdà-le eyits'q kò goyı nàıdè-le, kwe yı dqkw'qò whelaa ta nàdè. 28 Zezi ezı ekò hòtt'ò whezeh gà yekè gà nàgòıhgè, ezeh xè hadı, “Zezi, Nòhtsı wenahk'e gòhı-le Weza, ayııha sek'alaawo. Hoıla asııle-le neghònadaehtı,” yèhdi. 29 Zezi dq yı gots'q ıniı xàyeèhza t'à adı. İneç ıniı goıttı yek'alaıwo. Hat'ı taatt'eè eyı dq wıla eyits'q wekechıı satsòtt'ı t'à deett'ıı aghzı ıle. Dq gıxoehdi kò satsòtt'ıı tàyeehdlà gà ıniı gowhatsqò gòzqò ts'ò nadeyeezhi.

30 Zezi dayeehke, “Dàniyeh?”

Dq yets'ò hadı, “Lq sıyeh!” yèhdi. İniı lq wets'ò-èlı ts'ıhzzò adı. 31 İniı k'èdaà Zezi ghònàdageeti, edıı ıniı dagızzaa sı ts'ò agole ha gıwq-le t'à.

32 Ekııyeè k'e shıhka gogòò lq shègezhe ıle. Zezi ıniı gogòò yı agole ha Zezi ghònàdageeti. Eyıt'à gogòò yı gııdeè agòòlà. 33 İniı dq yı gots'q xàgııde gà gogòò yı gııde. Gogòò hazòq shıh dagqowà gots'q ızhıı hodàgoòza ts'ò legeèhza t'à tı yı elàagııde.

34 Dq gogòò k'ègedı sı hagòjà gıazı t'à natımqgeèhde. Gıxè dàgòjàa sı kòta yàgòlaa hazòq dq ts'ò hagedı. 35 Dq hazòq ekq dàgòjàa sı gezı ha gıwq t'à ekq geède. Zezi ghònègııde ekò eyı dq ıniı weyı gots'q xàèdee sı Zezi gà wheda gıazı. Goht'q yı wheda xè wıni k'aatt'ıı ajà, eyıt'à dq hazòq geèhyeh. 36 Dq

nihi wets'ò-èlì sù dànì dọ gínadàà k'aàt'ì ajàa sù eyì godì t'à dọ hazòò xè gogìado. ³⁷ Ekọ Gerasene nèk'e gots'ọ dọ hazòò sù geèhyeh t'à Zezì gots'ọò awede giùhdi. Eyit'à Zezì wecheekè nàgedè, elà yì nagùde.

³⁸ Dọ nihi wets'ọò xàèdee sù Zezì ghonàdaeti, hadì, “Nexè awehde,” yèhdi. Hanìkò Zezì ek'èt'à nayeèhà, hayèhdi, ³⁹ “Nekò ts'ò anaàde. Nòhtsì ayì negha dàyìlìlà sù eyì hazòò t'à dọ xè gojdo,” yèhdi. Eyit'à eyì dọ kòta ts'ò naèhtlà, dànì Zezì yets'àiḍi sù yet'à dọ hazòò xè godo.

T'eekoa elaiwo eyits'ọ ts'èko eyaeli

⁴⁰ Zezì tì te nọ̀geèze ekò dọ lọ gidanaèhzi lè t'à, gínà xè gits'ò-ède. ⁴¹⁻⁴² Dọ lè Jairus wiyeh, elègehdeè-kò gha k'àowo elì, Zezì gà niitlà, yekè gà nàgòìhgè. Wetì lèaet'ea hoònọ-daats'ò-nàke wegòò elàadaawì t'à, Zezì yekò naetlà ha yeghonàdaeti.

Zezì ekọ naetle ekò wemọ̀ò sù dọ lọ t'à k'àhdzọ elègìhtso-t'e. ⁴³ Ts'èko lè goxè at'ì sù hoònọ-daats'ò-nàke xo haḥwa gots'ọ edoò wezò-at'ì t'à eyaelì, hanìkò dọ wuzì k'aàt'ì ayele ha diì. ⁴⁴ Zezì chih't'a niitlà xè yezeè welọ daachì. Ekòet'ì wedoò while ajà.

⁴⁵ Zezì hadì, “Amì daseachì?” Dọ gímọ̀ò nàgeèhzaa sù “Danets'aachì-le,” giùhdi. Peter hayèhdi, “Sets'ò K'àowo, dọ lọ nemọ̀ò nàgeèhza xè nek'e ts'ò elègeehtsì,” yèhdi.

⁴⁶ Hanìkò Zezì hadì, “Dasets'aachì wek'èehsọ ne, t'asì nàtsoo seyì gots'ọ xàniwo ne t'à,” yèhdi.

⁴⁷ Eyì ts'èko ajàa sù wegòt'à ha yek'èezọ t'à deji xè Zezì gà nàgòìhgè. Dànìghọ yezeè daachì eyits'ọ dànì ekòet'ì yet'à k'aàt'ì ajàa sù dọ hazòò gidaà Zezì ts'ò hadì. ⁴⁸ Zezì yets'ò hadì, “Ts'èko, negha ehkw'ì-ahodì t'à k'aàt'ì anejà. Naḥtle, nexè sìghà welè,” yèhdi.

⁴⁹ Iḥà Zezì gode ekò Jairus elègehdeè-kò gha k'àowo sù wekò gots'ọ dọ eyì niitlà. Jairus ts'ò hadì, “Netì elaiwo. Gots'ò K'àowo nekò nàwetlà-le kò,” yèhdi.

⁵⁰ Zezì dọ hadì yìkw'o ekò Jairus ts'ò hadì, “Nijì-le! Negha ehkw'ì-ahodì zọ welè, hanì-ìdè netì k'aàt'ì ade ha,” yèhdi.

⁵¹ Zezì Jairus wekò nègùde ekò dọ wuzì edexè ayìlìlè-le; wecheekè Peter, John, James, eyits'ọ t'eekoa wetà eyits'ọ wemọ̀ eyì haàtlọ̀ zọ yexè goyageèdeè agòòlà. ⁵² Zezì goyaèhtlà ekò dọ lọ t'eekoa ghọ hòt'ò getse. Zezì gots'ò hadì, “Aahtse-le! Elaiwo niile, ekì whetì họt'e,” gòhdi.

⁵³ T'eekoa hòt'a elaiwo gik'èezọ t'à dọ gìghaedlò. ⁵⁴ Hanìkò Zezì t'eekoa wìlà niichì gà yets'ò hadì, “T'eekoa niitlà!” yèhdi. ⁵⁵ Eyì t'eekoa edaà anajà, ekòet'ì niitlà. Eyì t'axọ̀ Zezì hadì, “Yeghọ shètì weghàahdi,” gòhdi. ⁵⁶ Wetà eyits'ọ wemọ̀ gìgha

eniyyah dii. Hanikò Zezi gots'ò hadi, “Naxixè dàgòjàa sù dọ wụzị ts'ò haahdi-le,” gòhdi.

9

Zezi edecheekeèdè kòta ts'ò goèhà

¹ Zezi edecheekeèdè hoònq-daats'ò-nàke gokayahtı t'à, làa nègıde. İnıhı dọ yì gots'ò xàdegeezhı ha eyıts'ò dọ k'aat'ıi agele ha goghàhòıq. ² Eyı t'axqò Nòhtsı Wenàowoò k'èè hòzqò sù t'à dọ hoghàgeehtq ha eyıts'ò dọ eyaelı k'aat'ıi agele ha kòta yàgòlaa ts'ò goèhà. ³ Ekq geède ekò Zezi edecheekeè gots'ò hadi, “Ekq k'eahdè gha t'ası wızzı edexè k'eahle-le; tè k'eahı-le, tehmi k'eahchı-le, lèt'è k'eahza-le, sqòmba k'eahle-le eyıts'ò goht'q ladı k'eahle-le. ⁴ Amı wegà aaht'e ha sù naahdè gots'ò eyı kò aaht'e. ⁵ Dọ naxıgwq-le nıdè, naahdè kwe gıkòta gots'ò eht'è naxikè-t'ıa while aahle (hanı-ıdè weghàa ekq-le eghàlageeda gık'e nıdahohà gık'èezqò ageahle ha),” gòhdi. ⁶ Zezi hagòhdi t'axqò wecheekeè kòta hazqò yàgòlaa ts'ò geède. Nòhtsı wegodi nezı t'à dọ hoghàgeehtq, eyıts'ò ekq kòta hazqò dọ k'aat'ıi agıà.

⁷ K'àowocho Herod hazqò dàgòt'ıı sù yeghq ıkw'o ekò dọ mòhdaa, “John-Baptist naıdà at'ı,” gedi t'à dèhyeh lajà. ⁸ Dọ mòhdaa, “Nakwenàozqò Elijah naıdà at'ı,” gedi, eyıts'ò ıhà dọ mòhdaa, “T'akwe whaà gots'ò nakwenàozqò naıdà at'ı,” gedi. ⁹ Hanikò Herod hadi, “John-Baptist wekwı k'ıhkà ıè. Eyı dọ enıyyah hohtsı weghq eèkw'oo sù amı at'ı?” hadi. Eyıt'à yezi ha hoèhdzà.

Zezi dọ lq wànıdı

¹⁰ Wecheekeèdè kòta yàgòlaa gots'ò nògıde ekò ayı dàgılaa sù Zezi ts'ò hagedı. Eyı t'axqò Zezi edecheekeè kòta Bethsıda gòyeh ts'ò edexè goòwa, ekq whatsapp elexè geèkw'e ha t'à. ¹¹ Hanikò dọ lq gıghq gıkw'o t'à Zezi k'èè geède. Zezi wegħa sıghà agejà. Nòhtsı Wenàowoò k'èè hòzqò t'à goxè godo eyıts'ò dọ eyagıı sù k'aat'ıi agòòlà.

¹² Xèhts'ò agodaade t'à Zezi wecheekeè hagıhdı, “Dọ nagıhà. ıq t'ası gòhı-le t'à yeè kòta ekq weghq shèts'ezhee nagıhdi eyıts'ò edı geetè ha edegħa gogıhà,” gıhdi.

¹³ Hanikò Zezi gots'ò hadi, “Naxı t'ası gıghàahdi,” gòhdi.

“Lèt'è sılà eyıts'ò hwe nàke zq gots'ò. Dọ haat'ıq għa weghq shèts'ezhee nàts'eehdi ha neewq nı?” gıhdi. ¹⁴ (Dqzhı zq ts'ıhtà nıdè sılà-lemı eyı dèkw'e.)

Hanikò Zezi edecheekeè ts'ò hadi, “Dọ hazqò geèkw'e agıahle. Hazqò sılaenq elexè geèkw'eè agıahle,” gòhdi. ¹⁵ Wecheekeè hazqò hagogıà, eyıt'à dọ hazqò dèè k'e geèkw'e. ¹⁶ Zezi lèt'è sılà eyıts'ò hwe nàke neyıwa, ıdòo yak'e ts'ò k'et'ı xè yek'eèyahtı. Lèt'è eyıts'ò hwe nechà-lea tàyızhı

gà wecheekeè dọ gotaàgeedi ha goghàyywa. ¹⁷ Dọ hazọọ gịgha hòt'a ts'ò shègiazhe. Eyi t'axọọ wegghàhoòwoo sị wecheekeè t'ohọtọ hoònọ-daats'ò-nàke dagoòzọ nàgụhtsị.

Christ anet'e, Peter Zezi ts'ò hadi

¹⁸ Ịhàà Zezi whatsuọ gòzọọ ekọ yahtị. Wecheekeè gịgà-èhkw'e. Zezi dagoehke, “Dọ amị aht'e sègedi?” gòhdi.

¹⁹ Wecheekeè hagiùhdi, “Dọ mọhdaa John-Baptist anet'e gedi, mọhdaa nakwenàozọọ Elijah anet'e gedi eyits'ọ dọ mọhdaa whaà gots'ọ nakwenàozọọ ịlè naidà anet'e nègedi,” giùhdi.

²⁰ Zezi dagoehke, “Ekò naxị, amị aht'e sèahdi?” gòhdi.

Peter Zezi ts'ò hadi, “Nọhtsị wets'ọ Christ anet'e,” yèhdi.

²¹ Zezi edecheekeè gots'ọ hadi, “Dọ wụzị ts'ò haahdi-le!” gòhdi. ²² Eyits'ọ (edeghọ) gots'ọ hadi, “Dọ-wet'àazàa-deè sị hòt'ò daịza ha. Ọhdah gụlị, yahtu-gha-k'aodèe eyits'ọ Nọhtsị-yatù-k'ègedi-dọọ gịgha wede ha họt'e. Ełàgìhwhi ha eyits'ọ tai dzẹẹ t'à naidà ha họt'e,” gòhdi.

²³ Hadị t'axọọ Zezi dọ hazọọ ts'ò hadi, “Amị sek'èè at'ị ha nıwọọ sị edeghọ naniwo ha niile eyits'ọ dzẹ taat'eè edets'ọ dechjet'aa sek'èè nayaị ha họt'e. ²⁴ Amị edinì k'èè eda ha nıwọọ sị wedihoè ha, hanikò amị sets'ihzọ edinì k'èè eda ha nıwọ-le sị edaxàweetè ha họt'e. ²⁵ Dı nèk'e dọ t'asị hazọọ edegha dèhnọ kò wedihòh nıdè eyi hazọọ weggha wet'àazà ha niile. ²⁶ Amị dọ nadaà seghọ ịzhaelị xè seyati sị ghọ ịzhaelị nıdè wexè hoila ha. Dọ-wet'àazàa-deè edets'ọ eyits'ọ edetà wets'ọ eniyah deè t'à yak'eet'ị gidaat'ị goxè niitla nıdè, yeghọ ịzhaelị ha họt'e. ²⁷ Ehkw'ıanaxèehsị, dọ mọhdaa jọ nàgeèhzaa sị Nọhtsị Wenàowoò k'èè hòzọọ gezi kwe ełàgede ha niile,” Zezi hadi.

Zezi, Moses eyits'ọ Elijah elets'ọ gogede

²⁸ Ek'èdị dzẹẹ t'axọọ Zezi yahtị ha shihka dekiitla. Peter, John eyits'ọ James edexè agọòlà. ²⁹ Yahtị ekò wini ladị wègoèht'ị eyits'ọ wegoh't'ọọ degoo xè sị wek'e saịdị. ³⁰⁻³¹ Họtsoa dọ nàke, Moses eyits'ọ Elijah sị eniyah k'èè gigoèht'ị, Zezi ts'ò gogede. Jerusalem ekọ dani ełàawı ha eyits'ọ yelọ ts'ò yeghàlaeda ha sị ghọ gogede. ³² Eyi hagot'ị ekò Peter eyits'ọ dọ nàke gıxè at'ı sị sị nègıtsọ t'à hòt'ò gete. Ts'ıgıdè ekò Zezi wek'e saịdị t'à sị wèdaat'ı gıazı eyits'ọ dọ nàke wegà nàleewo. ³³ Moses eyits'ọ Elijah nageedè ha nıkw'o ekò Peter Zezi ts'ò hadi, “K'àowo, jọ ts'eèhkw'e gogha hoizı dii. Kọta gots'ıhtsị; ịlè negha, ịlè Moses weggha eyits'ọ ịlè Elijah weggha,” hadi. (Peter dàdii-adı sị yek'èezọ-le kò adı.)

³⁴ Ịhàà Peter gode ekò k'oh gimọọ aja t'à geèhyeh. ³⁵ K'oh yı gots'ọ gots'edeè họt'e, “Dı Seza họt'e, wiìhchì họt'e, weàhkw'ọ,”

hats'edi hɔt'e. ³⁶ Hagodi t'axɔɔ wecheekeè tai Zezi ededi zɔ nàwo gɪaɪ. Ekɪyee k'e gɪxè hagòjàa sɪ gɪghɔ xàyaɪhtɪ-le. Ayɪ gɪdàà nàhòwoo sɪ dɔ wɪzɪ ts'ò hagedɪ-le.

Dɔzhia ɪnɪhɪ wets'ò-èlɪ sɪ k'aat'ù ajà

³⁷ Ek'èdaedzɛ k'e shɪhka gots'ɔ hodàgɪde ekò dɔ lɔ gɪghɔɪde. ³⁸ Dɔ gɪta ts'ò dɔ ɪè whezeh hadɪ, “K'àowo, etesɪɪɪ, sezaa ghàida. Seza ɪlàet'ee zɔ hɔt'e. ³⁹ ɪnɪhɪ yek'alawo nɪdè hɔtsaa yaèzeh anat'ɪ. ɪnɪhɪ yets'ò k'àowo t'à dèe k'e ts'ò yeehxà gà ts'ehɪ lat'ɪ. Eyɪts'ɔ wewà gots'ɔ goghoo xàewɪ. ɪnɪhɪ yets'ɔɔ ade-le t'à èlaàyèhwhɪ ha lanɪ. ⁴⁰ Necheekeè ɪnɪhɪ xàdegeezhɪ ha gɪghɔnàdaehtɪ, hanikò hagele ha dɪi,” yèhɪ.

⁴¹ Zezi gots'ɔ hadɪ, “Naxɪ dɔ yàahɪ sɪ naxɪgha ehkw'ɪ-ahodɪ-le xè ehkw'ɪ k'èch'a aah't'e. Dàwhaà naxɪxè aht'e ha? Dàwhaà sɪnɪ tsɪahwhɪ ha?” Hadɪ t'axɔɔ dɔzhia wetà ts'ò hadɪ, “Nezaa sets'ɔ wɪhchɪ,” yèhɪ.

⁴² Dɔzhia Zezi ts'ò geèhchɪ ekò ɪnɪhɪ dèe k'e ts'ò nàyɪhxà xè ts'ehɪ lajà. Hanikò Zezi ɪnɪhɪ xàdeèzhɪ. Dɔzhia k'aat'ù ayɪlà t'axɔɔ wetà ghɔnayɪhtɪ. ⁴³ Dɔ hazɔɔ Nòhtsɪ t'asɪ wegħa dɪi-le gɪaɪ t'à gɪgha enɪyah dɪi.

Zezi ayɪ ghàlajdàa sɪ gɪgha enɪyah t'à gɪghɔ gode. Hanikò Zezi (edeghɔ) edecheekeèdèe ts'ò hadɪ, ⁴⁴ “Dànaaxèehsɪ ha sɪ hotɪ nezɪ aàhkw'o: Dɔ-wet'àaàa-deè dɔ t'aaɪhtè ha hɔt'e,” gòhɪ. ⁴⁵ Hanikò wecheekeè gɪgha deɪɪ wheɪɔ t'à ayɪ ghɔ adɪ sɪ gɪnɪdɪ-le. Eyɪ ghɔ dageehke ha gɪwɔ kò t'asagedɪ-le.

Amɪ denahk'e elɪ?

⁴⁶ Wecheekeè èlets'ɔ nàyagehtɪ. Amɪ gonahk'e t'asɪ dèe elɪ gedɪ t'à èlets'ɔ nàyagehtɪ. ⁴⁷ Zezi ayɪ ghɔ nàɪgedèe sɪ gok'èezɔ t'à chekoa nechà-lea edegà nàwo ayɪlà, ⁴⁸ gots'ɔ hadɪ, “Amɪ suzi dahxà dɪ chekoa nechà-lea ts'ò nezɪ anɪwɔɔ sɪ sɪ sets'ɔ nezɪ anɪwɔ hɔt'e. Eyɪts'ɔ amɪ sets'ɔ nezɪ anɪwɔɔ sɪ amɪ jɔ sɪhɪàa sɪ eyɪ sɪ ts'ò nezɪ anɪwɔ hɔt'e. Naxɪnɪ amɪ dek'aɪ elɪ sɪ denahk'e elɪ hɔt'e,” gòhɪ.

⁴⁹ John Zezi ts'ò hadɪ, “K'àowo, dɔ ɪè nɪzɪ t'à ɪnɪhɪ xàdeèzhɪ wets'aɪ. Goxè at'ɪ-le t'à, haat'ɪ ha-le, wèts'edɪ, hanikò whɪawèts'edɪ,” yèhɪ.

⁵⁰ Zezi yets'ɔ hadɪ, “Wech'à weahɪɔ-le. Amɪ naxɪk'èch'a at'ɪ-le sɪ naxɪxè at'ɪ hɔt'e,” yèhɪ.

Samarɪa got'ɪ Zezi gots'atla ha gɪwɔ-le

⁵¹ Yak'e ts'ò nɪwɪtè ts'ò whaà-le agodaade ekò, Zezi Jerusalem ts'ò etla ha edɪnɪ nàtsoò ayɪlà. ⁵² Wegħa sɪnɪhogɪà ha t'à, wecheekeè mòhdaa edenakweè Samarɪa got'ɪ gɪkòta ts'ò agòòlà. ⁵³ Hanikò ekɔ gots'ɔ dɔ Zezi Jerusalem ts'ò at'ɪ gɪk'èezɔ t'à, gots'atla ha gɪhwhɔ-le. ⁵⁴ Wecheekeè James eyɪts'ɔ John dɔ hagɪwɔ ghɔ gɪkw'o ekò Zezi ts'ò

hagedi, “K'àowo, goyatù t'à yak'e gots'ò kò gík'e hodàèt'í t'à gidihots'ehtsì ha neewò nì?” giùhdi. ⁵⁵ Hanìkò Zezì gots'ò nàza xè, “Haahdi-le,” gòhdi. ⁵⁶ Eyi t'axòò kòta eyi-le ts'ò geède.

Zezì xè ats'et'ì gha t'asì hazòò wedè ats'ule

⁵⁷ Tìlì k'e nagiadè ekò dọ jhè Zezì ts'ò hadì, “Edjì anet'ì sù nexè ahde ha dehwhò,” yèhdi.

⁵⁸ Zezì yets'ò hadì, “Nògèe gɪɔ gòhì eyits'ò chɪa gɪ'oh gòhì hanìkò Dọ-wet'àaʔàa-deè edjì kwihʔo ha sù gòhì-le,” yèhdi.

⁵⁹ Hanìkò Zezì dọ eyi-le ts'ò hadì, “Sek'èit'la,” yèhdi. Hanìkò eyi dọ hadì, “K'àowo, t'akwelòò setà wekw'òò nèehtì gà welè,” yèhdi.

⁶⁰ Zezì yets'ò hadì, “Dọ eɫɪdèe lagɪt'ee sù edets'ò dọ eɫɪdèe gɪkw'òò nègùle, hanìkò nì sù Nòhtsì Wenàowoò k'èè hòʔoò sù t'à dọ ts'ò gojide,” yèhdi.

⁶¹ K'achì dọ jhè yets'ò hadì, “K'àowo, nek'èè k'ehtlo ha, hanìkò t'akwelòò sekò sèot'ì nòode gɪts'òweht'la gà, awehde nòò,” yèhdi.

⁶² Zezì yets'ò hadì, “Dọ wɪzì tìlì k'e naetle xè ek'èt'à k'et'ì sù Nòhtsì Wenàowoò k'èè hòʔoò gha eghàlaeda ha dii hòt'e,” yèhdi.

10

Zezì edecheekeè kòta gòlaa ts'ò goèhʔà

¹ Eyi t'axòò gots'ò K'àowo dọ lòhdjènò-daats'ò-nàke gòjhchì. Dọ nàke elexè k'edè edenakweè goèhʔà. Kòta yàgòlaa hazòò ts'ò eyits'ò edjì nàt'la ha sù ts'ò goèhʔà. ² Zezì edecheekeè ts'ò hadì, “Dèè k'e t'asì dehshee diidi lò dii hanìkò dọ nàyehtsì ha lò-le. Eyi t'à t'asì dehshee nàts'ehtsì ts'ò k'àowo weahkè, hanìjè t'asì dehshee nàgehtsì dọò gots'ò ayele ha. ³ Hòt'a ekò aahdè. Edexoahdi, sahzòà wezaa, dìga nì k'eza lanì dọ ta ts'ò naxeehʔà. ⁴ Sòombawò k'eahza-le, tehmi eyits'ò ke sù k'eahlè-le eyits'ò tìlì k'e dọ ts'ò goahde-le.

⁵ “Kò goyaahdè nìdè, t'akwelòò, 'Naxìxè ts'èwhì welè,' dọ hagiàhdi. ⁶ Dọ ts'èwhì nìwòò goyì wheda nìdè naxìxè ts'èwhì hòʔoò sù wets'ò ade ha. Ekò hani-le-jdè naxìxè ts'èwhì hòʔoò sù naxìts'ò anade ha. ⁷ Eyi kò goyì nàahdè. T'asì naxìghàgeedi sù weghò shèahzhe xè aahdò; dọ eghàlaedaa sù wets'àzeedi hòt'e. Jhèkò zò naàhde; kòta k'edeahde-le.

⁸ “Kòta nìahdèe sù dọ edekò ts'ò anaxegìlà nìdè ayì naxìghàgeedi sù weghò shèahzhe. ⁹ Ekò gots'ò dọ eyaelì nìdè k'aat'ì agiàhè eyits'ò dii hagiàhdi, 'Nòhtsì Wenàowoò k'èè nèhòkw'ì ha ts'ò whaà-le agòjà,' giàhdi. ¹⁰ Hanìkò kòta nìahdee sù naxìgìwò-le nìdè gɪts'ò tìlì k'e nàahza gà gɪts'ò dii haahdi, ¹¹ 'Naxìkòta gots'ò eht'è gokèt'ì'a dexjìht'ee sù

naxinadaà wedets'eechi họt'e, eyi wet'à edegho ìzhaahì ha. Ehw'1 anaxèehsì: Nòhtsì Wenàowoò k'èè nèhòkw'1 ha ts'ò whaà-le agòjà họt'e.' ¹² Ehw'1 anaxèehsì, eyi dzèè k'e nìdè eyi kòta gots'ò dọ daguza ha. Kòta Sodom dọ nàidè jìlè sù nahk'e daguza ha.

¹³ “Kòta Korazin, naxìgha hoilà nechà ha! Kòta Bethsaida, naxìgha hoilà nechà ha! Naxikòta eniyah eghàlaedaa sù Tyre got'ì eyits'ò Sidon got'ì gixè hagòjà nìdè whaà edek'egùlì ha jìlè, dọshòq goht'òq t'à-aget'ì xè jèbè ta geèhkw'e ha jìlè. ¹⁴ Dọ hazòq gisnìyaeti nìdè Tyre got'ì eyits'ò Sidon got'ì naxik'azì gìgha hoilà ha họt'e. ¹⁵ Ekò naxì Capernaum got'ì, idòo yak'e ts'ò danaxiitè ha nì? Ìlè, izhù wehìkò ts'ò anaxedle ha.

¹⁶ “Amì naxeèhkw'oo sù seèhkw'ò họt'e; amì naxidè nìwọq sù sedè asehzì họt'e, eyits'ò amì sedè nìwọq nìdè t'aa sùhzaa sù wedè ayezhì họt'e,” Zezi hadì.

¹⁷ Wecheekeè lòhdjènq-daats'ò-nàke nọgùide ekò gìnà t'à dù hagedì, “Gots'ò K'àowo, nuzì t'à gots'ede nìdè jìhì kò gok'èagùt'e,” gùhdi.

¹⁸ Zezi gots'ò hadì, “Yak'e gots'ò wehì, kò-nait'ì lani hodàdeewò weehì. ¹⁹ Gòo eyits'ò nàèdìhì-k'àle lanì gik'e k'eahdè ha naxìghàhòehzò họt'e. Eyits'ò wehì t'asì hazòq t'à nàtsoo sù wenahk'e nàahtso ha eyits'ò t'asì wùzì t'à t'asaahde ha nùile. ²⁰ Hanìkò jìhì naxik'èagùt'e t'à eyi ghò naxinà welè-le. Hanìkò naxuzì yak'e dek'eèht'è t'à eyi ghò naxinà welè,” Zezi gòhdi.

²¹ Ekìiyèè k'e Zezi Yedàyeh Nezi sù winà ayìlà t'à hadì, “Setà, neghàsqehdi, yak'e eyits'ò dù nèk'e ts'ò K'àowo anet'e. Dọ goguzòq xè hoghàgèetòq sù eyi hazòq gich'à dezi whezò anelà, hanìkò chekoa nechà-lea sù gik'èezòq anelà. Hèzè, Setà, hanì negha sìghà t'à anelà.

²² “Setà t'asì hazòq set'aa whelaà ayìlà. Dọ wùzì Nòhtsì Weza k'èezò nùile; Gotà zò yek'èezò. Dọ wùzì Nòhtsì-Gotà k'èezò nùile; Weza zò yek'èezò họt'e. Eyits'ò Weza dọ gòhchì sù Nòhtsì-Gotà k'ègeezòq agohzì,” Zezi hadì.

²³ Eyì t'axòq Zezi whatsòq edecheekeè ts'ò hadì, “Naxidaà t'à weghàahda ts'ihzò naxixè sìghà họt'e. ²⁴ Ehw'1 anaxèehsì, jìnèè nakwenàozòq lò eyits'ò k'àowocho lò ayì weahzì sù gìghàeda ha gùwọ jìè hanìkò giazì-le. Eyits'ò dù ayì aàhkw'òq sù geèhkw'ò ha gùwọ jìè, hanìkò eyì gùhkw'ò-le,” Zezi gòhdi.

Xàhtọ nezì wegodi

²⁵ Jhàà, Nòhtsì-yatù-k'èezòq-deè Zezi èhdzà ha nìwọ t'à day-eehke, hadì, “K'àowo, welọ while ts'ò ts'eeda ha ts'ùwọ nìdè ayì dàts'ele ha?” yèhdi.

26 Zezi yets'ò hadi, “Moses wenàowoò k'e ayi dek'eèht'è?” yèhdi.

27 Eyi dọ hadi, “ ‘Naxidzeè hazòò t'à, naxidàazhì sì t'à, naxini eyits'ò naxit'ì sì t'à Nòhtsì weghoniahtò ha họt'e,' eyits'ò 'edeghoniahtò k'èè naxèot'ì gighoniahtò ha họt'e,' ” yèhdi.

28 Zezi yets'ò hadi, “Ehkw'ì aidi. Eyi hanelà nìdè ida ha,” yèhdi.

29 Eyi dọ ezhine k'èè dazeehke ha nıwọ-le t'à Zezi ts'ò hadi, “Ami sèot'ì agıtt'e awıidi?” yèhdi dayeehke.

30 Eyi t'à Zezi godi t'à yexè godo, hadi, “Dọ ıhè kòta Jerusalem gots'ò kòta Jericho ts'ò èhtla ekò doju dagiachi. Wegoht'òò gıghò negıwa, wekwòoyaà-gıllà, weweè ha aidaà agıllà gà gıts'òò naèhde. 31 Eyi tılı k'e yahtı naetle nọò. Eyi dọ whetı yaı ekò yexa naèhtla. 32 Eyi t'axòò Samaria gots'ò xàhtò eyi tılı k'e naetle nọò. Dọ tılı k'e whetı ghò nıhtla yeghàdà ekò dọ eteèzı. 34 Yets'ò èhtla gà yekaà sıhı. Gokaàtleè eyits'ò jìtè yekaà k'e ayıllà, eht'ı t'à wekaà xèehchì ayıllà. Eyi t'axòò edetısoa k'e nèyıhtı, nats'eetee-kò ts'ò yeèhchì gà yek'èdì. 35 Ek'èdaedzèè nats'eetee-kò-k'èdii-dọò ts'àzèehdi, hadi, ‘Wek'èèdì, jọ nọehtla nıdè dı sọmba wezòò senıht'è àjà nıdè nets'àzèehdi ha,’ yèhdi,” Zezi hadi yexè godo.

36 Zezi dọ daehke, “Eyi dọ tai gıghò nıdee sı, ami eyi dọ ts'ò edèot'ı ts'àdı elı lanı?” yèhdi.

37 Eyi dọ hadi, “T'aa eteyèèzı sı,” yèhdi.

Eyi t'à Zezi hayèhdi, “Wexèht'eè dọ etenèèzı,” yèhdi.

Zezi Martha eyits'ò Mary gots'àèhtla

38 Zezi eyits'ò wecheekeè k'egedè ekò kòta ıhè ts'ò geède. Ekò ts'èko ıhè Martha wıyeh Zezi yekò nàdè ha wınà. 39 Wedè Mary wıyeh ededı t'aa Zezi gà wheda, ayi dàdı sı yeèhk'ò. 40 Hanikò Martha bò xàht'è t'à wegħa la ıò. Zezi gà nıhtla, hayèhdi, “Sets'ò K'àowo, sedè sı zọ eghàlaehdaà asıllà, negħa ehkw'ı at'ı nı? Sets'àdı ha wııdı!” yèhdi.

41 Zezi yets'ò hadi, “Martha, Martha, t'ası ıò ghò nàınewo t'à negħa gots'eèdì, 42 hanikò t'ası ıhè zọ negħa wet'aaazà. Eyi t'ası denahk'e nezı sı Mary edegħa yıhchì họt'e. Eyi wegħo ıchı ha nıle,” Zezi yèhdi.

11

Dàni yats'ehti

1 ıhàà Zezi yahtı t'axòò wecheekeè ıhè yets'ò hadi, “K'àowo, dàni yats'ehti ha hogħàgoıhtò, John-Baptist edecheekeè hogħàgoèhtò lanı,” yèhdi.

2 Zezi gots'ò hadi, “Yahtı nıdè dı haahdi:

'Gotà, nuzi degai ts'edi họt'e. Nị k'àıwo k'èè hòzọ welè.

³ Dze taat'eè wet'à ts'eedaa goghàndı.

⁴ Dọ gok'èch'a nàhogehtèe sù gıhòhı gıghọ nahots'eele t'à, go-hòhı goghọ nahoıle.

Hoıhı goèhdzà ch'à gok'ènedı," gòhdi.

⁵ Zezi gots'ọ hadı, "Dọ ıè weàgıgà gòhı ts'ıdı. Totanı weàgıgà yets'àèhtıa, hayèhdi, 'Àgıgà, lèt'è tai seghonıle. ⁶ Seàgıgà nıwà gots'ọ seghonııtıa, hanıkò t'ası wızı weghàehdi ha sets'ọ-le,' yèhdi.

⁷ "Dọ edekọ goyı whedaa sù yets'ọ hadı, 'Naiıte. Hòt'a enııza eyıts'ọ seza sexè geète. T'ası neghàehchı ha nets'ọ neèhtıa ha dıı,' yèhdi. ⁸ Ekw'ı anaxèehsı, yeàgıgà elı kò, lèt'è yeghàzeedi ha yets'ọ nııtıa ha nıle, hanıkò weàgıgà k'èdaà yeekè ts'ıhızọ, t'aa nıwọ ts'ọ yeghàzeedi ha họt'e.

⁹ "Eyt'á du hanaxèehsı: Aahkè nıdè naxıghọt'à ha; wekak'eaht'ı nıdè wegòahzà ha; enııtọ ts'aaht'ı nıdè naxıts'ọ enıxàetı ha. ¹⁰ T'aa eekèe sù t'ası weghọt'à ha; amı t'ası hak'et'ı sù yegòhızà ha; eyıts'ọ amı enııtọ ts'aht'ı sù wets'ọ enıxàetı ha.

¹¹ "Naxı gotà yàahı sù naxızaa hıwe naxıgeekè nıdè ası gòo gıghàahzà ha? ¹² Hanı-le-ıdè eyè naxıgeekè nıdè ası nàèdıhı-k'ále lanı gıghàahzà ha? ¹³ Naxı hoıhı-hoahıtsı-dọdọ aaht'e kò, naxızaa t'ası nezı gıghàahle k'èhoahsọ. Naxıtà yak'e whedaa sù naxınahk'e t'ası nezı naxıghàzà ha họt'e. Dọ Yedayeh Nezı geekè nıdè gots'ọ ayele ha họt'e!" Zezi gòhdi.

Zezi eyıts'ọ ınıhı gha k'àowo

¹⁴ Zezi dọ ıè ınıhı t'à gode-le gots'ọ ınıhı xàdeèzhı t'axọdọ gode anajà. Eyt'á dọ hazọdọ gıgha enııyah dıı. ¹⁵ Hanıkò dọ mòhdaa hagedı, "Inıhı gha k'àowo dahxà ınıhı xàdeezhı at'ı," gedı. ¹⁶ Dọ mòhdaa Zezi geèhdzà ha gıwọ t'à, "Yak'e gots'ọ gogha enııyah hoıhtsı," gıhdi.

¹⁷ Hanıkò dànı nàıgedèe sù Zezi gok'èezọ t'à hagòhdi, "K'àowocho wenèk'e dọ elets'ọ xanıgıza nıdè k'àowo wenè weghọ wedıhołè ha. Eyıts'ọ ıèhkọ goyı dọ ełek'èch'a geeda nıdè dọ gıxè hoıla agode ha. ¹⁸ Wehı edek'èch'a at'ı nıdè k'àhowo-le ade ha. 'Inıhı gha k'àowo yets'adı t'à ınıhı xàdeehsı,' sèahdi ts'ıhızọ aehsı. ¹⁹ Ekò ınıhı gha k'àowo sets'adı t'à ınıhı xàdeehsı nıdè naxıcheekè amı dahxà ınıhı xàdegeezhı? Eyt'á naxıcheekè naxısınyagehtı ha họt'e. ²⁰ Hanıkò Nòhtsı wedahxà ınıhı xàdeehsı nıdè Nòhtsı Wenàowoò naxıts'ọ ajà họt'e.

²¹ "Dọ nàtsoo behcho t'à edekọ goxoehdi nıdè, wets'ọ t'ası ets'eezı ha nıle. ²² Hanıkò behcho wet'ọd t'asawedle ha-le

nıwq sù dq yenhk'e nàtso yedaèt'è t'à behcho yeghònìchì nıdè t'asù hazqò wets'q sù yeghònìle ha.

²³ “Dq sexè at'ı-le sù sek'èch'a at'ı hq't'e eyıts'q amı sexè dq nàgehtı-le sù sek'èch'a aget'ı hq't'e.

²⁴ “İnıhı dq yı gots'q xàèhtıa nıdè ekı-ka nèk'e hazqò wek'eèhoowo. Edı nahoezı ha sù hak'eet'ı, hanıkò yegòh2à-le. Eyıt'à hadı, ‘Edı gots'q xàèhtıaa sù ekq anahde ha,’ hadı. ²⁵ Dq yı nòqtıa nıdè, t'asù hazqò nezı-ela nqò nıwq ha. ²⁶ Eyıt'à k'achı xàèhtıa. İnıhı lòhdı yenhk'e sù gıı sù edexè goyagoèwa gà dq yı nàgedè. Eyı dq t'akwe nahk'e de2qò wexè gots'eèdı agòjà,” Zezi gòhđı.

²⁷ Zezi hadı ekò ts'èko ìlè dqı whezeh hadı, “Ts'èko nènıhtı eyıts'q t'òò t'à neèhsq sù wexè sıghà hq't'e,” hadı.

²⁸ Hanıkò Zezi yets'q hadı, “Dı hats'edı denahk'e nezı hq't'e: Nqhtı weyatı egıkw'oo xè gık'èè edaa sù gıxè sıghà hq't'e,” yèhđı.

Dq enıyah deè geekè

²⁹ Dq İq Zezi gà elèwhede ekò gots'q hadı, “Dı dq hoıı-nàowo k'èè geedaa sù enıyah deè ge2ı ha gıwq hanıkò hanı wı2ı ge2ı ha-le. Nqhtı dani nakwenà2qq Jonah xè enıyah eghàlagıdà sù eyı zq ge2ı ha. ³⁰ Nakwenà2qq Jonah Nineveh got'ı gogha enıyah lanı ìlè. Eyı xèht'eè Dq-wet'aa2aa-deè, dı dq geedaa sù gogha enıyah lanı hq't'e. ³¹ Dq hazqò gısınıyaetı nıdè, sazı nèk'e gots'q ts'èko-k'àowo dı dq gota nàwo ha, ‘Dı dq ekq-le eghàlagıdà,’ gòhđı ha. Eyı ts'èko-k'àowo wenèk'e ts'q nıwà kò, k'àowocho Solomon wenàowoò gqzqzq yeèhk'w'q ha nıwq t'à yets'àèhtıa ìlè. Hanıkò dı Solomon nahk'e elı sù jq wheda hq't'e. ³² Dq hazqò gısınıyaetı nıdè, Nineveh got'ı dı dq xè nàgeèhza ha, ‘Dı dq ekq-le eghàlagıdà,’ gedı ha. Nakwenà2qq Jonah Nineveh got'ı gots'q goıde ekò edek'egıı xè gıı ìadı ajà ìlè. Hanıkò dı Jonah nahk'e elı sù jq wheda hq't'e,” Zezi gòhđı.

Godaà sù gozhı gha ek'aèk'q lanı hq't'e

³³ Zezi dq ts'q hadı, “Dq wı2ı tıèk'òq yıhtıa gà de2ı nèyeechı nıle, hanı-le-ıdè tq t'a nèyeechı nıle, hanıkò ıdò dawhe2qò aye2ı. Hanı-ıdè dq goyagedè sù wet'à gıgha dzèh ha. ³⁴ Naxıdà sù naxızhı gha ek'aèk'q lanı hq't'e. Naxıdà nezı nıdè naxızhı hazqò gha dzèh lagòht'e ha. Ekò naxıdà nezı-le nıdè naxızhı hazqò gha togoòt'ò agòht'e ha. ³⁵ Eyıt'à naxıyı dzèh whe2q sù wet'à togoòt'ò welè sò. ³⁶ Eyıt'à naxızhı hq't'ı gha dzèh agòht'e eyıts'q naxıgha togoòt'ò whıle nıdè t'aats'q naxıgha dzèh agòht'e ha, ek'aèk'q naxık'e nıdı lanı ha,” gòhđı.

Zezi k'aodèe goghqnatı2q

³⁷ Zezi dọ ts'ò gode ghọ nọqt'e ekò Pharisee ịlè Zezi yexè shètị ha yekayahtị. Eyi't'à Zezi yekò goyaèhtla, yexè shètị ha ladà gà dètsọhtị. ³⁸ Zezi shètị kwe edilà k'enahtso-le. Pharisee nàyèzhị t'à wegħa eniyah lanì.

³⁹ Eyi't'à Zezi hayèhdì, “Naxị Pharisee yàahụ sị libò eyits'ọ kw'à weka zọ k'enahtse, hanikò naxidzeè yì aahdi-le xè dọ weju laaht'e. ⁴⁰ Goahsọ-le dii! Amì gozhị weka yèhtsị sị goyì sị yèhtsị họt'e. ⁴¹ Ayì naxikw'à yì whezọọ sị dọ-teèt'ụ ghàahzà. Hani-ìdè degħàà edek'enahtso lanì ha.

⁴² “Naxị Pharisee yàahụ sị, naxigha hoila nechà ha! It'ò hazọọ xàzaa nàahsị sị wets'ọ hoònọ ịlè Nòhtsị ghàahzà. Hanikò ehkw'ì elesiniyats'ehitì eyits'ọ Nòhtsị ghonets'eetọọ eyì hanu ts'oniaghà-le. Eyi wegħalaahda ha ịlè eyits'ọ t'asì nezụ eyi-le wegħalaahda sị, wede aahle ha-le.

⁴³ “Naxị Pharisee yàahụ sị, naxigha hoila ha! Elègehdeè-kò goyì dọ wet'aaazàa gigha daèhchị whelaa sị k'e dahkw'e ghaahwhì. Eyits'ọ kòta k'eahdè nìdè dọ naxits'ọ nezụ agedi ha dahwhọ, eyit'à naxigha hoila ha.

⁴⁴ “Naxị Pharisee yàahụ sị, naxigha hoila nechà ha! Dọkw'ọọ wemọhts'ọ wek'e whetọ-le laaht'e. Dọ gik'e k'edè kò gik'èezọ-le. Dọkw'ọọ whetọọ gik'èezọ nìdè gik'e k'edè ha-le ịlè,” Zezi hadi.

⁴⁵ Nòhtsị-yatì-k'èdì-dọọ ịlè Zezi ts'ò hadi, “K'àowo, Pharisee gụlụ sị hanì gighọ goide nìdè goxị sị gok'adaıwo aıdı họt'e,” yèhdì.

⁴⁶ Zezi yets'ò hadi, “Naxị Nòhtsị-yatì-k'èahdì-dọọ yàahụ sị naxigha hoila ha! T'asì nedàa dọ k'e niahlè, gigha nedà t'à ịkaa nagiage while. Hanikò naxị sị naxilakw'ọọ ịlèet'ea t'à gits'aaahdi nile.

⁴⁷ “Naxigha hoila nechà ha! Naxị, nakwenàozọọ gigha kwe yì dọkw'ọọ whelaa k'è gòahsị, hanikò naxicho nakwenàozọọ ełàagoghde họt'e. ⁴⁸ Eyi't'à naxicho dàgiat'ụ sị naxigha ehkw'ì agiat'ì dàahdi lanì họt'e. Ededi sị nakwenàozọọ ełàagoghde, ekò naxị sị gikw'ọọ whelaa k'è gòahsị. ⁴⁹ Nòhtsị t'asì hazọọ k'èezọ t'à t'akwe whaà dū hadi xayahtị ịlè, ‘Nakwenàozọọ eyits'ọ dọ segħa gogedee sị gits'ọ ahlè ha. Mòhdaa ełàagoghde ha eyits'ọ mòhdaa dagoghde ha.’ ⁵⁰ Eyi't'à dū nèè hòlị gots'ọ nakwenàozọọ hazọọ ełàagoghde sị dū dọ gik'e nìdahot'è ha họt'e. ⁵¹ Abè ełàawigwo gots'ọ, nakwenàozọọ Zechariah ełàawigwo haıwa gots'ọ, gik'e nìdahot'è ha. (Zechariah Nòhtsịkò-gocho eyits'ọ kwe-ladà wek'e Nòhtsị ts'ò t'asì k'èek'ọọ sị wege ełàagoghde ịlè.) Hẹzẹ, ehkw'ì anaxèehsị, nakwenàozọọ hazọọ ełàagoghde sị dū dọ gik'e nìdahot'è ha.

⁵²“Naxı Nòhtsı-yatı-k'èahdı-dò yàahı sı naxıgha hoıla ha! Wet'à gots'ızzò sı dọ ghọ àahchi. Naxı wet'à goahsò aahjà-le eyıts'ò dọ git'à gogızzò agede ha gıahwhò-le,” Zezi gòhdi.

⁵³Zezi gots'ò naèhtla ekò Pharısee gııı eyıts'ò Nòhtsı-yatı-k'ègedı-dò sı Zezi k'èch'a xàyagıhtı. ⁵⁴Edahxò ekò-le xàyahtı ha gıwò t'à t'aats'ò t'ası gha Zezi dageehke.

12

Nòhtsı denahk'e wek'èaht'e

¹Ekıyeè k'e dọ lọ-lemı laàtlò elèwhede t'à dọ elék'e aget'ı. Zezi edecheekeè ts'ò t'akwe xàyahtı, hagòhdi, “Pharısee gııı sı gıxèahı ch'à kexoahdı. Degai edegeetsı kò gık'èè eda-le.

²T'ası hazò wègaat'ı-le sı wègaat'ı adle ha, eyıts'ò t'ası dezi whelaa sı wek'èhoedzò adle ha. ³Eyıts'ò togoòt'ò ayı dàahdı sı dzèh nıdè weghò ts'ıkw'o ha eyıts'ò enıto wezi dọ dzıhk'ò yı ayı dàahdı sı dahmò ka gots'ò dọ hazò ts'ò hòt'ò hahodi ha.

⁴“Seàgı, dı hanaxèehsı ha, dọ naxızhı elàgıhwhı sı gıts'àahjı-le, eyı t'axò nıdè t'asanaxegele ha dı họt'e.

⁵Hanı kò amı wets'àahjı ha sı naxıdaehsı ha: dọ elàgòıhdè t'axò wehkò goyagoehde ha wegħa dı-le sı eyı wets'àahjı ha họt'e. ⁶Chı sıla sı nàke satsò zò elı họt'e, hanı kò jàet'ee wızi Nòhtsı yenadı-le nıle. ⁷Hèzè, naxıkwıghà hazò kò Nòhtsı yıhtà họt'e. Dahjı-le, chı lọ nahk'e aahı họt'e.

⁸“Ehk'wı anaxèehsı, amı dọ nadaà sek'èezò hadı sı Dọ-wet'àaàa-deè, Nòhtsı weyak'èet'ı gınadaà yek'èezò hadı ha.

⁹Hanı kò amı dọ nadaà sek'èezò-le hadı sı Nòhtsı weyak'èet'ı gınadaà wek'èhoedzò ha-le. ¹⁰Eyıts'ò amı Dọ-wet'àaàa-deè k'èch'a godee sı weghò nahoezhe ha, hanı kò amı Yedàyeh Nezı k'èch'a godee sı weghò nahoezhe ha-le.

¹¹“Eyıts'ò elèghdè-kò goyı dọ nadaà, k'aodè eyıts'ò dọ-sınyaehtı-dò gınadaà nàahza naxegıla nıdè, dani edek'edaahdı ha eyıts'ò ayı dàahdı ha sı weghò naniahde-le. ¹²Ekıyeè k'e nıdè ayı dàahdı ha sı Yedàyeh Nezı hogħanaxehtò ha,” Zezi gòhdi.

Dọ ahxee gòzò-le wegodi

¹³Dọ jè dı nàwo Zezi ts'ò hadı, “K'àowo, setà elıwo jè; wets'ò t'ası whelaa sı sıde sexè łats'ıyıwa wıdı,” yèhdi.

¹⁴Eyıt'à Zezi yets'ò hadı, “Amı naxıgha dọ-sınyaehtı-dò sèhtsı?” yèhdi. ¹⁵Zezi dọ hazò ts'ò hadı, “Edexoahdı, ets'edı-le hazò xààa ch'à edexoahdı! Dọ t'ası lọ wets'ò t'à zò eda nıle,” gòhdi.

¹⁶Eyı t'axò dı godı t'à goxè godo: “Jàa dọ ahxee wedè k'e t'ası lọ dèshò. ¹⁷Dọ edets'ò hadı, ‘Ayı dàhà lı? Edı t'ası whıhà ha gòzò-le,’ hadı.

18 “Eyi t'à hadi, ‘Du hahle ha: sets'q xehkò gòlaa sù hazòò nagoehwha ha, eyi gà xehkò denahk'e gòchàa gohtsi ha. Sets'q t'asù hazòò dèhshòò sù ekò goyù whihla ha. 19 Eyi t'axòò-ìdè du haehsi ha, “Ìdaà lò xo gha t'asù lò whihla. Eyi t'à k'èhoèhza ha, shèhtù, ehdòò, eyits'q sìgòèt'ù zò k'alahwho ha,” ' edets'ò hanì nàniwo.

20 “Hanìkò Nòhtsi yets'ò hadi, ‘Gonezò-le dùi! Du toò nedàazhù neghò ìchi ha. T'asù lò edegha ts'atà wheèhlaa sù hot'eè amù wegaelù ade ha?’ yèhdi.

21 “Dò t'asù lò wets'q nòò kò Nòhtsi ts'ò dò ahxee elì-le nùdè wexè hagòht'e ha,” Zezi gòhdi.

T'asù ghò nàniahdè-le

22 Eyi t's'q Zezi edecheekeè ts'ò hadi, “Eyi t'à ayù t'à aahda ha, ayù ghò shèahzhe ha, eyits'q ayù goht'òò t'à-aah t'ì ha sù ghò nàniahdè-le. 23 Ts'eedaa sù bò nahk'e wet'aaazà họt'e, eyits'q gozhù goht'ò nahk'e wet'aaazà họt'e. 24 Tatsògaa hoòlà gidaàniahdè: dèè k'e t'asù geehshe-le, eyits'q xehkò t'asù gehla-le, hanìkò Nòhtsi gowàedi. Tatsògaa nahk'e aahù họt'e! 25 Ayùha t'asù ghò nàniahdè? Dò wùzù nàniwo t'à jè sadzèè dezòò edaà adele ha nùle. 26 Eyi hahtsòà haahle ha dùi nùdè ayùha t'asù ghò nàniahdè?

27 “Dèè k'e ìt'òchàa dehshe sù wedaàniahdè. Eghàlaeda-le kò wèdaat'ì họt'e. Ehw'ì anaxèehsì, k'àowocho Solomon wèdaat'ì nàht'ì ts'ùwò kò eyi ìt'òchàa yènahk'e wèdaat'ì họt'e. 28 Hanì Nòhtsi t'oh wèdaat'ù whehtsù sù du dzeè k'e dehshe hanìkò satsò kwùgeehdè họt'e. Eyi wènahk'e nezù naxik'èdì xè goht'ò nezù naxìghàle ha họt'e. Hanìkò naxì nàtso-le dùi. 29 Ayù ghò shèahzhe ha, ayù aah ts'è ha, eyi hanù ghò nàniahdè-le. 30 Du nèk'e dò hazòò Nòhtsi k'èezò-le sù eyi hanù zò k'alagedè. Nòhtsi naxità eyi hazòò wet'à aahda yek'èezò họt'e. 31 Ekò naxì sù, Nòhtsi Wèàowoò k'èè hòzòò wehak'eaht'ì, eyi haahla nùdè t'asù hazòò wet'à ts'eedaa eyi sù naxìghàyele ha họt'e.

32 “Secheekeè, lò-lea aah t'e kò dahjì-le. Nòhtsi naxità, Nòhtsi Wèàowoò k'èè hòzòò naxìghàzà ha wegga nezì họt'e. 33 T'asù hazòò naxits'q sù naxìghò nàedi gà eyi sòmba dò-teèt'ù ghàahle. Sòmbawò nàzà-le sù edegha aah tsì. Yak'e t'asù nezù wheahla nùdè wek'ehowì ha-le, eezù-dòò geezì ha-le, eyits'q yùda yedè ha-le. 34 Edù t'asù dezòò naxìgha nezù wheahlaa sù ekò ts'ò naxìdzeè whezò ha,” Zezi gòhdi.

T'aats'òò kexoahdi welè

35 Zezi edecheekeè ts'ò hadi, “Naxits'ò K'àowo gha ts'atà dahkw'e xè naxik'aak'ò t'aats'òò dèk'ò aahwhò. 36 K'àowo nàsìdeè gots'q nòqtà gots'ò wecheekeè gidanaèhzi laah t'e. K'àowo nòqtà xè enìtò ts'aht'ì nùdè ekòet'ì gits'ò enìxàechi ha.

Eyi wecheekeè lanì weda ts'atà dahkw'e. ³⁷ Eyi wecheekeè edets'ò k'àowo daà ts'atà geèhkw'e t'à gɪgha sìghà ha hɔt'e. Ehkw'ì anaxèehsɪ, k'àowo ededɪ sɪnɪtla gà edecheekeè ladà k'e shègezheè agole ha, eyits'ò goghàhodì ha. ³⁸ K'àowo to whaà nùtla kò wecheekeè gɪda ts'atà gogèhɔɔ nɪdè gɪgha sìghà hòɔɔ ha hɔt'e. ³⁹ Eyi t'à dɪ weda àni ahdè: Edahxò dɔ wekò enìxàgɪzhi ts'uidì. Dɔ wekò gòɔɔ sɪ ayì sadzeè k'e eezɪ-dɔɔ yekò enìxàezhi ha yek'èezɔ nɪdè wekò enìxàgeezhi ch'à kexoehdì ha ɲlè. ⁴⁰ Naxɪ sɪ, Dɔ-wet' àaɔàa-deè ayì sadzeè k'e wexaahɪ-le sɪ k'e nùtla ha ne t'à, wegħa ts'atà dahkw'e," Zezì gòhdi.

⁴¹ Peter Zezì ts'ò hadì, "K'àowo, eyi godì wet'à goxɪ zɔ hogħagɔhɔtɔ nì, hanì-le-ɪdè dɔ hazɔɔ għa nɪt'e?" yèhdi.

⁴² Zezì yets'ò hadì, "Dɔ nezɪ aahɪ xè goahsɔɔ k'ehoahɔa. Eyi hanù dɔ sɪ wets'ò k'àowo edecheekeè hazɔɔ ts'ò k'àowoò ayele ha. Wegħɔ shèt's'ezhee gɪwɔ nɪdè goghàzeedi ha. ⁴³ Wets'ò k'àowo nòɔtla nɪdè wecheekeè hanì yegħa eghàlaeda yaɔɪ nɪdè, eyi dɔ wexè sìghà ha hɔt'e. ⁴⁴ Ehkw'ì anaxèehsɪ, eyi k'àowo sɪ t'asɪ hazɔɔ wets'ò sɪ yets'ò k'àowoò ayele ha. ⁴⁵ Ekò edahxò eyi dɔ edets'ò dɪ hadì, 'Sets'ò k'àowo whaà nɪdè jɔ nòɔtla ha ne,' hadì t'à k'àowo wecheekeè dagòghɔa eyits'ò shètɪ xè yedɔ zɔ k'alawo. ⁴⁶ Wets'ò k'àowo dàht'e nòɔtla ha yexaeli-le dzèè k'e hɔtsaa nùtla ha. K'àowo hòt'ò nàyeekwa ha eyits'ò dɔ gɪgha ehkw'ì-ahodì-le sɪ goxè whedaà ayele ha.

⁴⁷ "Eyi dɔ, wets'ò k'àowo daniwɔ yek'èezɔ kò yini k'èè eghàlaeda-le xè yegħa ts'atà wheda-le nɪdè hòt'ò nàweekwa ha hɔt'e. ⁴⁸ Ekò dɔ k'àowo daniwɔ yek'èezɔ-le t'à ekɔ-le eghàlaidà nɪdè hòt'ò-lea zɔ nàweekwa ha. Gots'ò K'àowo t'asɪ lɔ goghàɪla nɪdè wegħa t'asɪ lɔ hots'ehtsɪ goɪhwhɔ ha. Gots'ò K'àowo dezɔɔ t'asɪ lɔ got'aa whela agòɔlà nɪdè dezɔɔ wegħa eghàlats'eeda goɪhwhɔ ha hɔt'e," Zezì gòhdi.

Dɔ elek'èch'a geeda ha

⁴⁹ Zezì edecheekeè ts'ò hadì, "Dɪ nèk'e kò dèk'òɔ agohɛ għa jɔ ts'ò ahjà. Hòt'a kò dɪtla nɪdè dehwhɔ! ⁵⁰ Hanìkò hoilà setehoewɪ ha hɔt'e. Eyi wetehoewɪ gots'ò sɪ segħa dɪ. ⁵¹ Dɪ nèk'e ts'èwhɪ agohɛ għa jɔ ts'ò ahjà dahwhɔ nì? ɲle ne, dɔ elek'èch'a geeda għa jɔ ts'ò ahjà hɔt'e. ⁵² Jɔ gots'ò ɪdaà elèot'ɪ gɪɲɪ sɪ, elek'èch'a geeda ha. ɲèhkò goyì dɔ sɪlài nàdè nɪdè dɔ tai, dɔ nàke k'èch'a geeda ha. Hanì-le-ɪdè dɔ nàke sɪ dɔ tai k'èch'a geeda ha. ⁵³ Gotà gɪɲɪ sɪ edeza k'èch'a geeda ha, eyits'ò gɪza edetà k'èch'a geeda ha. Gomɔ gɪɲɪ sɪ edeti k'èch'a geeda ha, eyits'ò gitì edemɔ k'èch'a geeda ha. Eyits'ò ts'èko edeza ts'èkeè k'èch'a geeda ha, eyits'ò dɔ ts'èkeè gɪɲɪ sɪ edetsɪ k'èch'a geeda ha," Zezì gòhdi.

Dàgode ha sù wek'èahsq ha ìlè

⁵⁴ Zezi dọ hazọ̀ ts'ò hadi, “Dàà gots'ọ k'oh hawe nìdè ekòet'ìi ‘Chọh agode ha,’ dahdi, hòt'a wek'èè agot'ì. ⁵⁵ Sazì gots'ọ nawhets'ì nìdè, ‘Edi ha,’ dahdi, hòt'a wek'èè agot'ì. ⁵⁶ T'asì k'èahsq daahstì! Dèè eyits'ọ k'oh dànì wègaat'ù sù wek'ayaahiti ha dii-le. Hanikò dii naxidaà dàgot'ù sù dànìghọ wek'ayaahiti ha dii?

⁵⁷ “Ayì ehkw'ì ne sù dànìghọ edegha wedaàniahdè-le xè weghọ goahde-le? ⁵⁸ Dọ gik'èch'a eghàlaahda t'à naxìghọ nàyaeti kwe-t'ìi gixè sùgoahle ha hoahdzà. Gixè nàyaeti-kọ ts'ọ laahle et'ìi gixè sùgoahle. Haahlà-le nìdè dọ-sìniyaehiti-dọ ts'ọ anaxegele ha. Eyi dọ-sìniyaehiti-dọ sù kw'ahiti ghànaxèehtè ha eyits'ọ dọ-danilaa-kọ goyanaxegeehxà ha. ⁵⁹ Ehkw'ì anaxèehsi, satsọ nọde ts'ọ naxinhi't'è naahla-le nìdè, dọ-danilaa-kọ gots'ọ kọahdè ha niile,” Zezi gòhdi.

13

Edek'eahli-le nìdè naxidholè ha

¹ Dọ mọhdaa Zezi xè geèhkw'e ekò Zezi ts'ọ hagedi, “K'àowo Pilate Galilee got'ù mọhdaa ełàgòjhdè. Nòhtsi ts'ọ tuts'aadi k'egèehk'ò ekò dọdò eyits'ọ tuts'aadi dọ ełeta ayìlè,” giuhdi. ² Zezi gots'ò hadi, “Eyi Galilee got'ù ełàgùdèè sù gighọ dàahwhọ? Galilee got'ù hazọ̀ gonahk'e hołù hogèhtsi t'à hanì dagùzà dahwhọ ni? ³ Ìle, hanì niile ne! Hanikò naxì edek'eahli-le xè naxini ladi aahle-le nìdè, naxì sù hazọ̀ naxidholè ha. ⁴ Eyits'ọ inèè dàgòjaa sù ghọ naniahdè. Siloam gòyeh ekọ dọ hoòng-daats'ò-ek'èdì gik'e kọ nechàa nati'ìlè. Eyi dọ ełàgùdèè sù Jerusalem got'ù hazọ̀ gonahk'e hołù hogèhtsi t'à gixè hagòjà dahwhọ ni? ⁵ Ìle ne. Hanikò edek'eahli-le xè naxini ladi aahlà-le nìdè, naxì sù hazọ̀ naxidholè ha,” gòhdi.

⁶ Zezi hadi t'axọ̀ dii godi t'à hoghàgoehtọ, hadi, “Dọ ìlè jìecho dehshee k'è wets'ọ. Jìechohù ìlè wek'e jìecho hanıwọ, hanikò jìecho wızi wek'e dawhezọ-le nọ. ⁷ Eyi t'à jìecho-k'èdì-dọ ts'ọ hadi, ‘Dii ts'ì wek'e jìecho dehshe ha dehwhọ t'à dii xè tai xo gots'ọ jọ nọhdà, hanikò jìecho wızi wek'e dawhezọ-le. Ts'ì wek'ihkà! Ayìha dèè nezù wets'ọ wek'ehowì li?’ yèhdi.

⁸ “Jìecho-k'èdì-dọ hadi, ‘K'àowo, ìlè xo ts'ọ t'asanelele. Wemọ̀ dèè xàgohge ha eyits'ọ wet'à t'asì nezù dehshee wemọ̀ ahlè ha. ⁹ İdae-xo wek'e jìecho dèhshọ nìdè, sìghà. Dàwhidi nìdè wek'ets'ihkà nọ, yèhdi,” Zezi hadi dọ xè godo.

Nòhtsi Dzeè k'e ts'èko k'aat'ì awiìdlà

¹⁰ Nòhtsi Dzeè k'e Zezi ełèghdèè-kọ goyù dọ hoghàehtọ. ¹¹ Ts'èko ìlè hoòng-daats'ò-ek'èdì xo gots'ọ inìhù dayihzà t'à eyaelì. Wenọkw'ọ̀ jzhi ts'ọ whezò t'à ehkw'ìzàh nàwo ha

dii. ¹² Zezi yaɔɔ ekò yekàehzà gà yets'ò hadi, “Ts'èko, dui netàdaà ch'à k'aat'ui aniidlà,” yèhdi. ¹³ Edilà yek'e ayiilà, ekòet'ui eyi ts'èko ehkw'ì nàwoò ajà, eyit'à Nòhtsi ghàsòedi.

¹⁴ Nòhtsi Dzeɔ k'e Zezi k'aat'ui ayiilà t'à, elègehdeè-kò gha k'àowo wek'èch'a. Eyit'à dɔ hazòò ts'ò hadi, “Eghàlats'eeda gha ek'etai dzeɔ whela hòt'e. K'aat'ui aahde ha dahwhò nìdè eyi dzeɔ k'e aah'ti, hanikò Nòhtsi Dzeɔ k'e aah'ti-le,” gòhdi.

¹⁵ Zezi yets'ò hadi, “Degai daah'ti kò wek'èè aahda niile! Nòhtsi Dzeɔ k'e naxits'ò ejie, hanì-le-ìdè naxititsoa ti gighàahdi ha, dagiahge xè ti ts'ò agiahzi-le ni? ¹⁶ Ekò dui ts'èko, Abraham gots'ò dɔ sù, hòno-daats'ò-ek'èdì xo gots'ò wehli dayihza hòt'e. Nòhtsi Dzeɔ k'e ayi t'à eyaeli sù ch'à k'aat'ui awedle ha-le ni?” gòhdi.

¹⁷ Zezi hanì gots'ò xayah'ti t'à dɔ gik'èch'a agedi ilèe sù edeghò ìzhagehlè. Hanikò eniyah lɔ hohtsi t'à dɔ hazòò sù gina.

Jie nechà-lea eyits'ò lèt'èa

¹⁸ Eyì t'axòò Zezi dagoehke, “Nòhtsi Wenàowoò k'èè hòzòò sù ayi xèht'e lanì? ¹⁹ Jie nechà-lea lanì hòt'e. Eyì sù dɔ neyichì gà dèè goyi yuzò. Dèhshò xè ts'ì nechàa wheli eyits'ò wekw'ihchì k'e chìà daèhkwe,” gòhdi.

²⁰ K'achì Zezi dagoehke, “Nòhtsi Wenàowoò k'èè hòzòò sù ayi xèht'e lanì? ²¹ Lèt'èa lanì hòt'e. Eyì sù ts'èko lè ta ayiilà, lèt'èa xè lè yeehtì gà tsyeehdi. Hanì t'aa lè tsìhèdì sù lèt'èa hazòò weta-ts'ò at'ì,” gòhdi.

Enitò neghoa k'è goyaahde

²² Eyì t'axòò Zezi Jerusalem ts'ò èhtla. Ekò naetle ekò kòta lɔ gok'itla, eyits'ò dɔ hoghàgoehtò. ²³ Dɔ ilè dayeehke, “K'àowo, asì dɔ lɔ-lea zò edaxàgeedè ha?” yèhdi.

Eyit'à Zezi dɔ hazòò ts'ò hadi, ²⁴ “Enitò neghoa k'è goyaahde ha hòt'ò edeahdzà. Dɔ lɔ goyageedè ha degeèhdzà, hanikò gigha dii ha. ²⁵ Kò ts'ò k'àowo naxits'ò danìghè nìdè mòht'a nàahza ha. Enitò ts'aah'ti xè dui haahdi weghonàdaah'ti ha, ‘K'àowo, gots'ò enìxàchì, dahdi kò dui hanaxèhdi ha, ‘Naxik'èehsò-le eyits'ò edì gots'ò aah'ti sù wek'èehsò-le, naxèhdi ha.

²⁶ “Eyit'à dui hawèahdi ha, ‘Goxè shèneti ilè eyits'ò gokòta hoghàgoihtò ilè, wèahdi ha.

²⁷ “Hanikò naxits'ò dui hadi ha, ‘Naxik'èehsò-le eyits'ò edì gots'ò aah'ti sù wek'èehsò-le. Hòli-k'alaahdeè-dòò aah'te, hazòò sets'òò naahdè!’ naxèhdi ha.

²⁸ “Abraham, Isaac eyits'ò Jacob eyits'ò nakwenàozòò hazòò Nòhtsi Wenàowoò k'èè hòzòò ekò geèhkwe giahzi ha, hanikò naxi xànaegeehde ha. Ekò aah'te xè naxigha hoila ha.

29 Hazòò nèk'e gots'ò dọ ịọ, Nòhtsị Wenàowoò k'èè hòzọọ goy-
ageedè ha. Ekọ gixè nàsị hoèè ha. 30 Hẹzẹ, dọ nọọde gụlụ sị
t'akwe geèhk'w'e ha, eyits'ò dọ t'akwe gụlụ sị nọọde geèhk'w'e
ha," Zezì gòhdi.

Zezì Jerusalem ghọ ts'òòniwọ

31 Ekìnyèè k'e Pharisee gụlụ mọhdaa Zezì ts'ò geède, hagiùhdi,
"Jọ gots'òò t'asị aàde, k'àowocho Herod ẹlànìhwhi ha niwọ,"
giùhdi.

32 Zezì gots'ò hadi, "Eyì eghọyaezàa-dọò dū hawèahdi: 'Dū
eyits'ò satsọ sị ìnhị xàdeehshì ha eyits'ò dọ k'aat'ìì agehè ha,
taì dzeè t'à nìdè la ghọ naht'è ha,' wèahdi. 33 Hanìkò dū
dzeè, satsọ eyits'ò ek'èdaedzèè k'e ịlāà ịdaà naehtè ha họt'e,
nakwenàozọọ sị Jerusalem ekọ zọ ẹlāàgede ne t'à!

34 "Jerusalem got'ìì, nakwenàozọọ naxìts'ò adlāa sị naxì
kwe t'à ẹlāàgìahde họt'e. K'àba edezaa edyts'òò t'f'a gòhāā
lanaxehè ha t'aats'òò hahwhọ kò naxì haahwhọ-le. 35 Hotì
aàhk'w'ò, naxìkò gokw'òò gòzọò agode ha. Ịè dzeè dū hasèahdi
ha, 'Gots'ò K'àowo wedahxà goghọ niitlāa sị wexè sìghà họt'e.'
Hasèahdi gots'ò k'achị seahzị ha-le," Zezì gòhdi.

14

Zezì Pharisee wekọ wheda

1 Ịlāà Nòhtsị Dzeè k'e Zezì, Pharisee ịè dọ wet'āazāa gha
wutà xè shètì ha yekò nàhtlā. Ekọ gogà wheda ekò hotì
gìxoehdi. 2 Dọ ịè wekw'òò hazòò ịghà Zezì ts'ò ehkw'ieht'ì
wheda. 3 Pharisee gụlụ eyits'ò Nòhtsị-yatì-k'ègedi-dọò goxè
geèhk'w'e. Zezì dagoehke, "Moses wenàowoò k'èè, asị Nòhtsị
Dzeè k'e dọ k'aat'ìì ats'ele ha diì-le?" gòhdi. 4 Hanìkò
t'asagiùhdi-le. Eyit'à Zezì dọ eyaelụ k'e daèhdi gà k'aat'ìì ayìlì
eyits'ò nayeèhà.

5 Eyì t'axòò gots'ò hadi, "Edahxọ Nòhtsị Dzeè k'e naxìza
hanì-le-ìdè naxìtìtsoa tì k'è tekw'o nìdè, ekòet'ìì tekāahè ha-le
nì?" gòhdi. 6 Hagòhdi t'à agudì whìle.

7 Dọ gokàgehàa sị eyì nègùde ekò ịdaà dọ wet'āazāa gha
daèhchị whelaa sị k'e nègùde. Zezì goghàeda t'à dū hadi goxè
godo: 8 "Nàsìdeè gha nekàgehà nìdè dọ wet'āazāa gha daèhchị
whelaa sị k'e wheèda-le, dọ nenahk'e wet'āazā eyì niitlā ha
tahkò. 9 Hagòjà nìdè dọ naxìkayāhtì sị nets'ò dū hadi ha,
'Dū dọ nedaèhchì k'e wedà,' nèhdi nìdè edeghọ ịzhanelì ha.
Dọ wet'āazā-le gha gòzọọ sị ekọ wheèdaà anegele ha. 10 Ekò
nekàgehà nìdè ịdè gòzọọ sị ekọ wheèda. Nàsì ts'ò k'àowo niitlā
nìdè nets'ò dū hadi ha, 'Seàgìā, ịdaà daèhchì nezì k'e wheèda,'
nèhdi ha. Hani-ìdè dọ hazòò goyì geèhk'w'ee sị dọ wet'āazāa
anet'e negùhwhọ ha. 11 Dọ wet'āazāa edeewọọ sị ịzhaelì

awedle ha, eyits'ò amì k'èweèt'ì k'èè edaa sù wet'aaazà awedle ha,” Zezi hadù dọ xè godò.

12 Eyi t'axò Zezi Pharisee wekò agòht'ee sù ts'ò hadì, “Nekò dọ shègezhe ha nìdè neàgìà, nechì, nèot'ì eyits'ò dọ ahxee gùlù sù gikàzìhà-le. Hagèneelà nìdè ededì ek'èt'à nekàgehà ha, eyits'ò ek'èt'à neghògeedì ha. 13 Hanìkò nàsì hojhtsì nìdè dọ etegeèt'ù, dọ k'egedè-le, dọ gidaà goilee, dọ hanù gikàhà. 14 Hanejà nìdè nexè sughà agode ha. Ek'èt'à neghògeedì ha dii kò nòode dzèè k'e dọ ehkw'ì geedaa sù nagidà nìdè ek'èt'à nets'àzeedì ha họt'e,” Zezi yèhdì.

Nàsìdeè holè wegodi

15 Dọ ìlè yexè whedaa sù hadì yìkw'o ekò Zezi ts'ò hadì, “Nòhtsì Wenàowoò k'èè hòzò nìdè dọ wexè nàsì hòèlù sù wexè sughà ha họt'e,” yèhdì.

16 Eyi t'à Zezi dù hadù goxè godò, “Dọ ìlè nàsìdeè whehtsì t'à dọ lọ gokayahtì. 17 Nàsì holè ha nìkw'o ekò dọ goxè shègezhe ha sù edecheekeè gots'ò yeèhà, 'Jò nàahdè, hòt'a nàsì gha snìhòt'ò,' gòhdì.

18 “Hanìkò hazòò elèht'eè nàsì nàgedè ha dii gedì. Dọ ìlè hadì, 'Dìhk'òà deè nàgoèhdì. Ekò weghàehda ha t'à nàsì nàhtlà ha dii,' hadì.

19 “Eyi t'ò k'achì dọ ìlè hadì, 'Dìhk'òà ejìe hoònò nàehdì. Asìì k'egedlì ha dii-le geèhdzà ha t'à nàsì nàhtlà ha dii,' hadì.

20 “K'achì ìlè dọ ìlè hadì, 'Dìhk'òà honìehdza, eyi t'à nàsì nàhtlà ha dii,' hadì.

21 “Dọ wecheekeè nòotlà ekò dọ dàgedù sù hazòò edets'ò k'àowo ts'ò hadì. Eyi t'à k'àowo sù ìch'è, edecheekeè ts'ò hadì, 'Ìwhàà kòta tìlì gòlè gots'ò dọ-teèt'ù, dọ k'egedè-le eyits'ò dọ gidaà goilee sù jò nègùwa,' yèhdì.

22 “Wecheekeè nòotlà ekò hadì, 'K'àowo, ayì dàsùdù sù hòt'a hahlà, hanìkò ìlè gòzò,' yèhdì.

23 “Eyi t'à k'àowo edecheekeè ts'ò hadì, 'Yeè ekì-ka tìlì nìzàa gots'ò dọ t'alàa-sù jò goyagudè agùle, sekò dọ dagoòzò ha dehwhò. 24 Ehkw'ì anaxèehsì, dọ t'akwełòò gikàgòhdì sù ìlè kò senàsù gìwàhodì ha-le,' yèhdì,” Zezi hadù goxè godò.

Zezi wecheekeè ts'ùlì nìdè t'asì hazòò gogha wedè

25 Ekìyèè k'e dọ lọ Zezi xè k'egedè. Dọ hazòò ts'ò hadì, 26 “Amì sets'ò at'ù sù edetà, edemò, edets'èkeè, edeza, edechì eyits'ò ededè wegħa gìdè ha họt'e. Ededì kò edegħò nànwò ha-le. Dọ hade ha dii sù secheekeè elì ha dii. 27 Amì edechet'aà sek'èè nayatì-le sù secheekeè elì ha dii.

28 “Dọ kò danùdèe gohtsì ha nìwò nìdè t'akwełòò kò dànìhtì sù yesòmbaà naehtà ha-le nì? Kò ghò nòot'e ha asìì sòmba deghàà whehà? 29 Kò yet'ì a nèyùtò t'axòò kò ghò nòot'e ha dii

nɔ̀dè dɔ ɡɪghàedaa sɪ ɡɪghaedlò ha. ³⁰ Dɪ hagedɪ ha, ‘Eyi dɔ kò gohtsɪ xèhoɪhwho, hanikò yeghɔ nɔ̀t'e ha dɪ, ɡedɪ ha.

³¹ “K'àowocho ɪè, k'àowocho eyi-le xè elegegɔ ha nɔ̀dè asɪ t'akwelò yedaaniwo ha? Ededɪ dɔ hoònɔ-lemɪ wets'ɔ, ekò k'àowocho eyi-le sɪ dɔ naènɔ-lemɪ wets'ɔ, asɪ hoehnè ha dɪ-le? ³² Ededɪ hoehnè ha-le yek'èezɔ nɔ̀dè k'àowocho eyi-le ɪàà wets'ɔ nɪwà et'ì edecheekeè yets'ɔ yeehɔà ha. Yexè ts'èwhɪ hohtsɪ gha yexè sɪgole ha. ³³ Eyi lanì, t'asɪ hazò naxɪgha wedɛ lenɔ̀sɪ secheekeè aahlɪ ha dɪ.

³⁴ “Dewa sɪ nezi hɔt'e, hanikò dewa ɪdɪ-le ajà nɔ̀dè dànɪ k'achɪ ɪdɪ anajà lɪ? ³⁵ Eyi dewa ɪdɪ-le sɪ t'asɪ gha nezi nɪle t'à xàahɪ'ì.

“Amɪ wedzɪ gòhɪ sɪ eèhkw'ɔ welè,” Zezi gòhdɪ.

15

Sahzòq dɪkɔ̀èhgè wegodɪ

¹ ɪàà sɔ̀mba-nàhtsɪ-dò eyits'ɔ hoɪ-hogehtsɪ-dò Zezi weyatɪ ts'ɪhkw'ò ɡɪwɔ t'à wemò nèɡɪde. ² Hanikò Pharisee ɡɪɪ eyits'ɔ Nòhtsɪ-yatɪ-k'ègedɪ-dò ɡɪgha nezi-le t'à eɪets'ɔ hagedɪ, “Eyi dɔ hoɪ-hogehtsɪ-dò edets'ɔ agohɔ, eyits'ɔ goxè shètɪ,” ɡedɪ.

³ Eyi t'à Zezi goxè godo, hadɪ, ⁴ “Naxɪta ts'ɔ dɔ ɪè sahzòq ɪèakw'eènɔ wets'ɔ hanikò ɪè dɪkɔ̀èhgè nɔ̀dè sahzòq ɪòtòtòndaa-ts'ò-ɪòtò sɪ ekɪ-ka gehteè agole gà sahzòq ɪè while sɪ yegòhɔà gots'ɔ yekanɪwɔ ha hɔt'e. ⁵ Yegòhɔzɔ nɔ̀dè sɪ winà t'à edekò ts'ò nayeehgè ha. ⁶ Edekò nòtɪà nɔ̀dè edeàɡɪ eyits'ɔ dɔ yegà nàgedè sɪ ts'ò dɪ hadɪ ha, ‘Sets'aahtè, sesahzòq dɪkɔ̀èhgè ɪè sɪ naèhtɪ t'à, sexè naxɪnà welè,’ gòhdɪ ha. ⁷ Eyi xèht'eè hoɪ-hohtsɪ-dò ɪè edek'enadɪ nɔ̀dè, yak'e geèhkw'ee sɪ sɪ ɡɪnà ha hɔt'e. ɪòtòtòndaa-ts'ò-ɪòtò ehkw'ɪ geeda kò, hoɪ-hohtsɪ-dò ɪè edek'enadɪ nɔ̀dè yak'e geèhkw'ee sɪ weghɔ denahk'e ɡɪnà ha hɔt'e.”

Satsòq dètɪ dɪkɔ̀dewò wegodɪ

⁸ “Ts'èko ɪè satsòq dètɪ hoònɔ wets'ɔ sɪ ɪè weghɔ dɪkɔ̀dewò nɔ̀dè ek'aek'ɔ yɪhtɪà gà hazòq gok'etɪ xè hotɪ nezi yekanɪwɔ ha-le nɪ? ⁹ Yenagòhɔzɔ nɔ̀dè edeàɡɪ eyits'ɔ dɔ ɡɪgà nàdè sɪ gokàehɔà gà hagòhdɪ ha, ‘Sesatsòq dɪkɔ̀dewò sɪ wenagòhɔzɔ t'à sexè naxɪnà welè,’ hadɪ ha. ¹⁰ Ehkw'ɪ anaxèhsɪ, eyi xèht'eè hoɪ-hohtsɪ-dò ɪè edek'enadɪ nɔ̀dè Nòhtsɪ weyak'et'ɪ ɡɪnà t'à sɪgòèt'ɪ ha hɔt'e,” Zezi gòhdɪ.

Cheko ɪè edek'enadɪ wegodɪ

¹¹ Zezi k'achɪ dɔ xè godò hadɪ, “ɪàà dɔ ɪè weza nàke gòhɪ. ¹² Weza nòqde edetà ts'ò hadɪ, ‘T'asɪ hazòq nets'ɔ sɪ ɪats'ɪnɪwà

gà ayi sets'ò ade ha sù seghàlè, yèhdi. Eyit'à wetà edeza gogha t'asù whehlaa sù gogha lats'iyiwa.

13 “Whaà-le-t'i weza nòode t'asù hazòò wets'ò sù sùnlà gà nìwà kòtaèhtla. Ekò sigoèt'i zò nìwò t'à, t'asù wet'àazà-le ts'ò edesòmbaà họt'i k'ehòphwho. 14 Edesòmbaà hazòò k'ehòphwho t'axòò eyi nèk'e bò while agòjà. Whaà-le-t'i yeghò shèwetì while. 15 Eyit'à eyi nèk'e dọ gha eghàlaedaà adiidlà. Eyì k'àowo gha gogòò k'èdì ha ekò ts'ò ayìllà. 16 Gogòò yeghò shètì sù weghò shèwehtì nìwò, hanikò dọ wìzì yewàedi-le.

17 “Nòode ts'ò ts'uwòò lajà t'à edets'ò hadì, ‘Dọ setà gha eghàlageedaa sù nezì shègezhe họt'e, ekò sù jò bò dẹ whihda. 18 Setà ts'ò anahde gà dui hawèehsì ha: Età, Nòhtsì wek'èch'a hòwhihtsì, nì sù nek'èch'a hòwhihtsì. 19 Jò gots'ò idaà neza aht'e dehsì ha dii. Hanikò dọ negha eghàlageedaa lanì, sù sù negha eghàlaidà, haehsì ha, nìwò. 20 Eyit'à eyi cheko sù nùtla gà edetà ts'ò naèhtla.

“Ilaà nìwà naeda et'i wetà yaì, weghò wedzeè eteèzì. Hanì-t'i edeza ts'ò tìmqèhza, edeyàdo gà yùts'ì.

21 “Weza edetà ts'ò hadì, ‘Età, Nòhtsì wek'èch'a hòwhihtsì, nì sù nek'èch'a hòwhihtsì. Jò gots'ò idaà neza aht'e dehsì ha dii, yèhdi.

22 “Hanikò wetà winà t'à edecheekeè ts'ò hadì, ‘Iwhàà goht'ò denahk'e nezì sù niahwha gà yeyietlàà aweahle. Lamòò wek'e nèahchì eyits'ò ke nezì sù yì weahtà. 23 Ejiezaa lek'aa sù eiaahwhì, nàsì hots'ihstì xè sigoèt'i ha. 24 Seza sù eiaìwo ilè, hanikò dii eda. Dikòehtla ilè, hanikò dii wenagòt'ò, gòhdi. Eyit'à wegħa nàsì hogèhtsì.

25 “Ekò k'e weza qhdaà t'asù dehshee k'è eghàlaeda ilè. La ghò nòot'e t'à edekò ts'ò naetle ekò wekò ts'ò nàdahoowo họt'e. 26 Eyit'à wetà wecheekeè ilè ts'ò gode, dayeehke. ‘Dàgodì-agodì?’ yèhdi. 27 Wetà wecheekeè hayèhdi, ‘Nechì nòotla! Wexè t'asagòjà-le t'à, netà yegħa ejiezaa lek'aa eiaìhwho,’ yèhdi.

28 “Hanikò weza qhdaà winì-le, gìgà goyaehtla ha nìwò-le. Eyit'à wetà yets'ò xàèhtla, yeghònadaetì. 29 Hanikò edetà ts'ò hadì, ‘Lò xo negħa hòt'ò eghàlaidà eyits'ò t'aats'òò nek'èzaih't'è. Hanikò seàgìà gìxè shèhtì ha, sahzòà nechà-lea wìzì seghàneehtì while. 30 Ekò eyi neza sù ts'èkoju ts'ò nesòmbaà k'ehòphwho. Hanikò dii nòotla t'à wegħa ejiezaa lek'aa eiaànèehwho, edetà èhdi.

31 “Wetà yets'ò hadì, ‘Seza, nì sù t'aats'òò sexè anet'e, eyit'à t'asù hazòò sets'ò sù nets'ò họt'e. 32 Goinà xè sòts'uwò ha t'it'e. Nechì wewhile ilè, hanikò dii edaà anajà. Dikòehtla ilè, hanikò dii wenagòt'ò, yèhdi, Zezì hadì goxè godo.

16

Dọ edegha gọọzọọ k'ehọza wegodu

¹ Zezi edecheekeè xè godo, hadi, “Dọ ahxee ịlè t'asị hazọọ wets'ọ sị wecheekeè ịlè yegha yek'èdì. Hanikò eyi wecheekeè nezị t'asị k'èdì-le gùhdi. ² Eyit'à k'àowo edecheekeè kayaihti gà yets'ọ hadi, ‘Neghọ godi nezì-le eèkw'o. Hòt'a segha eghàlajda ha-le t'à, t'asị hazọọ net'aa whelaa sị dek'enit'è,’ yèhdi.

³ “Eyit'à wecheekeè hanıwọ, ‘Sets'ọ k'àowo seghọ la naichi ha t'à edị dàhdza li? Dèè xàgohge ha nàhtso-le, eyits'ọ dọ t'asị geehkè ha sị ghọ ịzhaehi. ⁴ Ayi dàhke ha wek'èehsọ: dọ gigha nezị k'ehohza ha. Jọ seghọ la ichi nịdè dọ edekọ gixè nàhdè asegele ha,’ edets'ọ hanıwọ.

⁵ “Eyit'à wets'ọ k'àowo ts'ọ gıht'è gòhı sị gokayaihti. Dọ t'akwelọọ ts'ọ hadi, ‘Sets'ọ k'àowo ts'ọ nenıht'è dat'ọ?’ yèhdi.

⁶ “T'eh ek'èdiakw'eènọ-lemi lıgalọ senıht'è,’ yèhdi.

“K'àowo wecheekeè yets'ọ hadi, ‘Iwhaà jọ nenıht'è k'e diakw'eènọ dek'enit'è,’ yèhdi.

⁷ “Eyits'ọ dọ yek'èè nüt'aa sị ts'ọ hadi, ‘Nenıht'è dat'ọ?’ yèhdi.

“Lè nàkeakw'eènọ aıhda senıht'è,’ yèhdi.

“K'àowo wecheekeè yets'ọ hadi, ‘Nenıht'è nıza gà ịlèakw'eènọ-daats'ọ-ek'ètaènọ aıhda dek'enit'è,’ yèhdi.

⁸ “K'àowo, wecheekeè hanı edegha gọọzọọ k'ehọza t'à yeghọ nezị xayaıhti. Dọ Nòhtsı k'ègeezọ-le sị edexèht'eè dọ xè nezị eghàlageeda gha goguzọ. Hanı elèxè eghàlageeda t'à, dọ gixè dzèh agòht'ee sị nahk'e goguzọ,” hadi. ⁹ Eyit'à du hanaxèehsı, du nèk'e t'asị naxits'ọ sị wet'à edeagıa aahtsı. Hanı-ıdè t'asị naxıghọ whıle agòjà nıdè, welọ whıle ts'ọ dọ nàdèè sị goyaahdè anaxegele ha.

¹⁰ “Amı t'asị ıọ-lea kò yet'à ehkw'ı eghàlaedaa sị t'asị ıọ sı t'à ehkw'ı eghàlaeda ha họt'e. Ekò amı t'asị ıọ-le t'à ehkw'ı eghàlaeda-le nıdè t'asị ıọ sı t'à ehkw'ı eghàlaeda ha nıle. ¹¹ Du nèk'e t'asị whelaa sị wet'à ehkw'ı eghàlaahda-le nıdè amı yak'e ts'ọghk'e t'asị weghàlaahda naxèhdi ha weli? ¹² Eyits'ọ dọ gıts'ọ t'asị t'à ehkw'ı eghàlaahda-le nıdè, amı t'asị xàè naxits'ọ-elı gha t'asị naxıghàyeza ha weli?

¹³ “Dọ wızi k'àowo nàke gha eghàlaeda ha dıi. K'àowo ịlè ghọneètọ ha eyits'ọ ịlè nèlı ha-le, eyits'ọ k'àowo ịlè k'èt'e ha eyits'ọ ịlè k'èt'e ha-le. Nòhtsı eyits'ọ Sọmba ịlah elèht'eè gigha eghàlats'eeda ha dıi họt'e,” Zezi hadi.

¹⁴ Pharisees ededı sọmba ghageewı t'à Zezi hadi gıkw'o ekò Zezi k'èch'a agedi. ¹⁵ Eyit'à Zezi gots'ọ hadi, “Naxı sị dọ gıdàè ehkw'ı k'ehohza, hanikò Nòhtsı naxıdzeè k'èezọ họt'e. Dọ ayi gigha dezọọ wet'aaazà sị Nòhtsı wegħa wet'aaazà nıle.

Moses wenàowoò eyits'ò Nòhtsɪ Wenàowoò k'èè hòzɔɔ

16 “John-Baptist nìtɫa haɪwa gots'ò Moses wenàowoò eyits'ò nakwenàozɔɔ gɪyatì t'à dɔ hoghàgogeètɔ ɲè. Ekò gots'ò Nòhtsɪ Wenàowoò k'èè hòzɔɔ wegoduì nezɪ t'à dɔ ts'ò gogɪde. Eyit'à dɔ hazɔɔ sexè welè gɪwɔ t'à Nòhtsɪ Wenàowoò k'èè hòzɔɔ goyagedè ha nàhogehtè. 17 Moses wenàowoò wedè adle ha nìle. Yak'e eyits'ò du nèk'e whìle agòjà kò Moses weyatì nechà-lea ɲàet'ee kò whìle ade ha nìle.

18 “Dɔzhì edets'èkèè zɔede gà ts'èko eyì-le xè honòɔdza nɪdè hoɲɪ hoehtsɪ hɔt'e. Eyits'ò dɔzhì ts'èko zɔweèdoo sɪ xè honɪdza nɪdè hoɲɪ hoehtsɪ hɔt'e,” Zezì gòhdi.

Dɔ ahxee eyits'ò dɔ eteèt'ɪ gɪgodì

19 Zezì dɔ xè godo, hadì, “ɲàà dɔ ahxee ɲè, dzè taat'eè goht'ò wèdaat'ɪ yì wheda xè hoɲɪ zɔ nàde ɲè. 20 Wekò gotɪdà gà dɔ eteèt'ɪ Lazarus wìyeh t'aats'ò eyì nègìhtè. Wekwòta hazɔɔ wekaà ɲɔ t'à sɪ eteèt'ɪ. Eyits'ò yeghɔ shètɪ ha nàdaetì. 21 Dɔ ahxee weladà gots'ò t'asì gwia hodàet'ɪ sɪ yeza ha nɪwɔ eyits'ò tɪ wekaà k'e gogeh'tò.

22 “ɲè dzè eyì dɔ eteèt'ɪ eɲawo, yak'eet'ɪ nɪgìhtɪ gà Abraham ts'ò nègìhtɪ. Dɔ ahxee ededɪ sɪ eɲawo t'à wekw'ò nègìtɔ. 23 Eyì dɔ wehɲkò daɪza ekò ɲdòò k'eet'ɪ. Abraham nɪwà wegħa wègaat'ɪ, eyits'ò Lazarus yegà whedaa wegħa wègoèht'ɪ. 24 Eyì dɔ Abraham ts'ò ezeh hadì, ‘Setà Abraham, etesenèezɪ. Lazarus sets'ò awɲle, edelakw'ò tɪ ta ayɲle gà sewalì whèk'ò ayɲle. ɲɔ kò nàtsoo t'à sɪ daiɪza diì,’ yèhdi.

25 “Hanìkò Abraham yets'ò hadì, ‘Ekò seza, du nèk'e nàqde ekò t'asì nezɪ zɔ t'à ɲa ɲè; ekò Lazarus t'aa wexè hoɲa zɔ ɲè. Di Lazarus wexè hoɲɪ agòjà, ekò nɪ sɪ nexè hoɲa hɔt'e. 26 Eyits'ò nets'ò dèè goge goɲchàa gòzɔ. ɲɔ gots'ò dɔ nets'ò ɲatagedè ha gɪwɔ kò hagede ha diì. Eyit'à ekò gots'ò dɔ gots'ò ɲatagedè ha diì,’ Abraham yèhdi.

27 “Eyì dɔ daɪzaa sɪ Abraham ghonàdaetì, hadì, ‘Hanì-ɲdè Lazarus setà wekò ts'ò wɲhza. 28 Sechì sɲlài geeda hɔt'e, Lazarus gots'ò godeè awɲle, hanì-ɲdè ɲɔ dɔ daɪzaa k'è gòzɔ sɪ ts'ò agede ha-le t'à,’ yèhdi.

29 “Abraham yets'ò hadì, ‘Moses wenɲht'è eyits'ò nakwenàozɔɔ gɪnɲht'è xàgèhɲa ne. Eyì gɪyatì k'èagɪt'è,’ yèhdi.

30 “Hanìkò Abraham ts'ò hadì, ‘ɲle setà, hanì ha diì, hanìkò dɔ eɲawo gots'ò nàidàa sɪ gots'ò gode nɪdè gɲk'èɲt'e ha ne,’ yèhdi.

31 “Abraham yets'ò hadì, ‘Moses eyits'ò nakwenàozɔɔ k'èagɪt'è-le nɪdè, dɔ eɲawo gots'ò nàidà kò gɲgha ehkw'ɪ adì ha nìle,’ yèhdi,” Zezì hadì dɔ xè godo.

17

Dàni aahda ha weli

¹ Zezi edecheekeè ts'ò hadi, “Dò t'asii t'à hoḥu hगेहत्सु sù hotii hagode ha t'ii't'e. Hanikò amii wets'ihzò agot'ii sù wegħa hoila ha hòt'e. ² Eyì dọ hoju hohtsi ch'à wek'o k'e kwe nedàa wexeet'i gà tèguxà nìdè wegħa denahk'e nezì ha hòt'e. Hawiìdlà nìdè wets'ihzò dū chekoa nechà-lea lanu hoḥu hगेहत्सु ha nùle. ³ Eyit'à hotii edexoahdi.

“Nèot'i hoḥu hohtsi nìdè nàweahzò. Edek'eeli nìdè wegħo nahoahle. ⁴ Ìhè dzeè lòhdi eht'aà naxik'èch'a hohtsi eyits'ò lòhdi eht'aà 'edek'eehì,' naxèhdi nìdè wegħo nahoahle,” Zezi gòhdi.

⁵ Wecheekeèdeè Zezi ts'ò hagedi, “Denahk'e gomii nàtsoò agojle,” giìhdi.

⁶ Zezi gots'ò hadi, “Hòt'l'ò-lea kò naxiḡha ehkw'ì-ahodi nìdè, dū ts'ì nàizaa sù wets'ò dū haahdi ha dii-le, 'Nexochii t'à xàdiihdla gà tèe ts'ò adiiìle,' wèahdi nìdè naxik'èit'e ha ne,” gòhdi.

⁷ “Dò ìhè wecheekeè gòhì nìdè yegħa dèè k'e eghàlaeda, hanì-le-ìdè yegħa sahzòq k'èdì. Wecheekeè eghàlaeda gots'ò nòqòtla nìdè 'Hot'eè jò wheqda gà shèhtì,' edecheekeè ts'ò hadi ha nì? Ìle, hadi ha nùle. ⁸ Dū hayèhdi ha, 'Segħa bò xàht'è, shèhtì gots'ò naqzi, eyì t'axòq-ìdè nì shèwèqetì nòq,' yèhdi ha. ⁹ Wets'ò k'àowo ayii ts'ò yehzaa sù yegħàlaidà k'èxa masi yèhdi ha nì? Ìle, hayèhdi ha nùle. ¹⁰ Eyit'à naxì sì ayii ts'ò naxegehzaa sù hazòq wegħàlaahdà nìdè, dū haahdi ha hòt'e, 'T'asii ats'ii't'e nùle, ekii goilaà zò ghàlats'iidà,' dahdi ha hòt'e,” Zezi hadii goxè godò.

Dọ hoònq eyagiiḡu sù k'aat'ii agejà

¹¹ Ìhàà Zezi kòta Jerusalem ts'ò èhtla, Samaria nèk'e eyits'ò Galilee nèk'e wege dèè k'e naèhtla. ¹² Kòta ìhè ts'ò niwà-lea niitla ekò dọ hoònq gikwò tàda t'à eyagiiḡu sù Zezi ghò nègiiide. Ìhàà niwà nàgeèhza et'ii, ¹³ Zezi ts'ò hòt'l'ò gezeh, “Gots'ò K'àowo Zezi etegòihzi!” gedi.

¹⁴ Zezi goazì ekò hagòhdi, “Naxik'ahoeta għa yahtu gits'ò aahdè,” gòhdi. Yahtu ts'ò geède ekò hazòq gīgha k'aat'ii agejà.

¹⁵ Dọ ìhè k'aat'ii ajà yek'èhoèhza-tii ek'èt'à naèhtla. Winà t'à hòt'l'ò Nòhtsi ghàsqedì. ¹⁶ Eyì dọ Zezi gà dèè k'e ts'ò adiiìlè xè “Masi,” yèhdi. Eyì dọ sù Samaria got'ii at'ì nòq.

¹⁷ Zezi hayèhdi, “Dọ hoònq k'aat'ii agejà-le nì? Ekò dọ lqòqò gilaedi?” yèhdi. ¹⁸ Eyit'à Zezi edecheekeè ts'ò hadi, “Dū eladi gots'ò dọ dànìghò ededi zò Nòhtsi ghò masi niwò t'à ek'èt'à naèhtla?” gòhdi. ¹⁹ Eyit'à Zezi eyì dọ ts'ò hadi, “Niiḡla, nekò ts'ò naḡtè. Negħa ehkw'ì-ahodi t'à k'aat'ii anejà,” yèhdi.

Dàni Nòhtsɪ Wenàowoò k'èè hòzɔɔ wexèhoiwi ha

²⁰ ɔ̀hàà Pharisee gɪ̀lɪ̀ sɪ̀ Zezi dageehke, “Dàht'e-ɪ̀dè Nòhtsɪ Wenàowoò k'èè hòzɔɔ agode ha?” gɪ̀hɪ̀. Zezi gots'ò hadi, “Nòhtsɪ Wenàowoò k'èè hòzɔɔ sɪ̀ wexàts'eeta t'à wegots'ìhza ha nɪ̀le ²¹ eyits'ɔ̀ ‘Jɔ̀ agòht'e,’ hanì-le-ɪ̀dè ‘Yeè agòht'e,’ dɔ̀ hagedi ha dii, Nòhtsɪ Wenàowoò sɪ̀ naxits'ò-èlɪ̀ ne t'à,” gòhɪ̀.

²² Eyɪ̀ t'axòò edecheekeè ts'ò hadi, “Nòɔde-ɪ̀dè Dɔ̀-wet'aaɔaa-deè K'àowocho elɪ̀ weahzɪ̀ dahwhɔ̀ ha, hanikò naxixè hagode ha nɪ̀le. ²³ Eyits'ɔ̀ dɔ̀ naxits'ò dɪ̀ hagedi ha, ‘Jɔ̀ wheda,’ hanì-le-ɪ̀dè ‘Yeè wheda,’ gedi ha. Hanikò gɪ̀k'èhoahza-le, ekɔ̀ ts'ò wekak'eaht'ɪ̀-le. ²⁴ Dɔ̀-wet'aaɔaa-deè jɔ̀ ts'ò anajà nɪ̀dè hɔ̀tsaa kò-naìt'ɪ̀ lanì wègoèt'ɪ̀ ha. Kò-naìt'ɪ̀ nɪ̀dè yat'a hazòò dzèh agot'ɪ̀; jɔ̀ nɪ̀tɪ̀la nɪ̀dè eyɪ̀ lagode ha. ²⁵ Hanikò eyɪ̀ hagode kwe sɪ̀ Dɔ̀-wet'aaɔaa-deè hòt'ò dajza ha, eyits'ɔ̀ dɪ̀ dɔ̀ geedaa sɪ̀ gɪ̀gha wedè ha.

²⁶ “T'akwe Noah dɪ̀ nèk'e nàɪ̀dè ekò dani dɔ̀ gɪ̀dàa sɪ̀ Dɔ̀-wet'aaɔaa-deè nɪ̀tɪ̀la nɪ̀dè eyɪ̀ xèht'eè lagode ha. ²⁷ Noah elàcho yietlāa dzèè k'e gots'ò dɔ̀ shègezhe, gedɔ̀, eyits'ɔ̀ elexè honigedè ìlè. Hɔ̀tsaa gɪ̀xè dèè te teèt'ɪ̀ t'à dɔ̀ hazòò eɪ̀agɪ̀dè.

²⁸ “Eyits'ɔ̀ (Abraham wesah) Lot dɪ̀ nèk'e nàɪ̀dè ekò ekɪ̀yèè k'e sɪ̀ hagòht'e ìlè. Dɔ̀ shègezhe, gedɔ̀, t'asɪ̀ eɪ̀ghɔ̀ nàgeehdi, eyits'ɔ̀ t'asɪ̀ geehshe, eyits'ɔ̀ kò gogehtsɪ̀ ìlè. ²⁹ Hanikò Lot, kòta Sodom gots'ɔ̀ nakwɪ̀ehtlāa dzèè k'e yak'e gots'ɔ̀ kwe dèk'òò hodàèt'ɪ̀ t'à dɔ̀ hazòò eɪ̀agɪ̀dè ìlè.

³⁰ “Dɔ̀-wet'aaɔaa-deè wègoèt'ɪ̀ dzèè k'e nɪ̀dè hotɪ̀ eyɪ̀ lagode ha hɔ̀t'e. ³¹ Eyɪ̀ dzèè k'e dɔ̀ edekò dahmò ka wheda nɪ̀dè wekò goyɪ̀ t'asɪ̀ whelaa ts'ò hodàwetlā-le. Eyits'ɔ̀ dɔ̀ ededèè k'e eghàlaeda nɪ̀dè t'asɪ̀ wɪ̀zɪ̀ gha edekò nòɔwetlā-le. ³² Lot wets'èkeè wexè dàgòjàa sɪ̀ hotɪ̀ wenaahdi! ³³ Amɪ̀ edɪ̀nì k'èè eda ha nɪ̀wɔ̀ sɪ̀ wediholè ha, hanikò amɪ̀ edɪ̀nì k'èè eda-le sɪ̀ edaxàweetè ha hɔ̀t'e. ³⁴ Ehw'ɪ̀ anaxèehsɪ̀, eyɪ̀ toò k'e dɔ̀ nàke daèhte k'e whetee sɪ̀ ìlè nɪ̀wiitè ha, eyits'ɔ̀ ìlè àida ha. ³⁵⁻³⁶ Eyits'ɔ̀ ts'èko nàke elexè ìlè nàgeedee sɪ̀ ìlè nɪ̀wiitè ha, eyits'ɔ̀ ìlè àida ha,” Zezi gòhɪ̀.

³⁷ Wecheekeè Zezi dageehke, “K'àowo, edɪ̀ hagode ha?” gɪ̀hɪ̀.

Zezi hagòhɪ̀, “Edɪ̀ t'asɪ̀wèè whedaa sɪ̀ ekɔ̀ tatsògaà ɪ̀ eɪ̀gehde hɔ̀t'e,” gòhɪ̀.

18

Ts'èko k'èdaà nàdaeti wegodi

¹ Zezi godi t'à edecheekeè hoghàgoehtɔ̀, hadi, “T'aats'òò yaahɪ̀ ghɔ̀ naah't'è-le.

² “Kòta ìlè dɔ̀-sɪ̀niyaehtɪ̀-dòò nàdè. Eyɪ̀ dɔ̀ sɪ̀ Nòhtsɪ ts'àejɪ̀-le, eyits'ɔ̀ dɔ̀ sɪ̀ ts'ò nɪ̀zà-le. ³ Ts'èko ìlè wegà dɔ̀zhɪ̀ while,

ededı sı eyı kòta nàdè. Eyı ts'èko t'aats'qò dọ-sınıyaehtıı-dqò ts'ò eghàedà xè hayèhdi yeghònàdaeti, 'Dọ segha hoıla hòèhtsıı sını segha ehkw'ı wesınıyaəhtı,' yèhdi yeghònàdaeti.

⁴ "Edlaıwa ts'ò eyı ts'èko k'èhoıɾɔ-le. Nọqdea dọ-sınıyaehtıı-dqò du hanıwɔ, 'Nòhtsı ts'əehjı nüile, eyıts'q dọ sı gıts'qonıhɾà nüile, ⁵ hanıkò du ts'èko t'aats'qò sek'adaawo ghọ nat'è ha dehwhọ t'à wegħa ehkw'ı eghàlaehda ha. Hawèhłà-le nıdè sets'ò eghàedà t'à wegħànıhtsɔqò ahde ha,' hanıwɔ," Zezi hadıı goxè godo.

⁶ Eyı godı wegħàà Zezi edecheekeè gots'ò hadı, "Dọ-sınıyaehtıı-dqò weju dádı sını wedaàniahdè. ⁷ Dọ-sınıyaehtıı-dqò weju sını hanı ehkw'ı eghàlaeda nıdè Nòhtsı dọ edegħa nàwhehtsıı sını asıjı gogħa denahk'e ehkw'ı eghàlaeda ha dahwhọ? Dzeę, toò Nòhtsı ts'ò nàdageeti nıdè whaà nageèhɾıı agòòhwhọ ha nı? ⁸ Ehkw'ı anaxèehsı, ekòet'ıı gogħa ehkw'ı sınıagodle ha hɔt'e. Hanıkò Dọ-wet'àazàa-deè nüitłà nıdè asıjı wegħa du nèk'e dọ Nòhtsı ghọ gını nàtso ha sını?" Zezi gòhdi.

Edeghọ xàhoahdi-le

⁹ Dọ mòhdaa ehkw'ı geeda edegeewɔ xè dọ nahk'e gıjıı edegeewɔ t'à Zezi goxè godo, hadı, ¹⁰ "Dọ nàke Nòhtsıkò-gocho yagehtı ha goyageede. Dọ ıhè Pharısee hɔt'e, ıhè t'aa sọqòmba-nàhtsıı-dqò hɔt'e. ¹¹ Pharısee ıdaà nàwo, edegħàhodi xè yahtı, hadı, 'Senòhtsı, dọ hazqò gıxèht'eè ehda-le t'à, ması neehwhọ. Egeeɾıı-dqò, hojıı-hogehtsıı-dqò, ts'èko-k'alagedèe-dqò, du sọqòmba-nàhtsıı-dqò kò eyı laht'e-le. ¹² ıhè dzeəhta nàakeè edegħọ, eyıts'q t'asıı sets'ò at'ıı sını wets'q hoònq ıhè Nòhtsı ghàehɾà,' hadıı yahtı.

¹³ "Ekò sọqòmba-nàhtsıı-dqò ıdè nàwo, ıdòo k'et'ı ha kò diı. Edezhıı ts'aht'ı xè hadı, 'Senòhtsı etesenèeɾı, hojıı-hohtsıı-dqò aht'e,' hadıı yahtı.

¹⁴ "Ehkw'ı anaxèehsı, eyı sọqòmba-nàhtsıı-dqò edekò ts'ò naèhtłà kwe Nòhtsı nadağà ehkw'ı awııdlà hɔt'e. Ekò Pharısee wexè hagòjà-le. Dọ wet'àazàa edeewɔq sını ıjzhaelıı awedle ha, eyıts'q dọ k'èeweèt'ı lanı edaa sını wet'àazà awedle ha," Zezi gòhdi.

Zezi eyıts'q chekoa nechà-lea

¹⁵ ıhàà chekoa nechà-lea Zezi ts'ò gogeèwa, edilà gok'e ayele ha gıwɔ t'à. Hanıkò wecheekeè gogıazı ekò haaht'ı-le gògedı t'à nàgogeɾɔ. ¹⁶ Hanıkò Zezi chekoa gots'ò gode, "Jq aahde," gòhdi. "Chekoa sets'agııdeè agıahłè," edecheekeè gòhdi, "Chekoa sets'agıahɾɔ-le. Amıı du chekoa lagııt'ee sını Nòhtsı Wenàowò k'èè hòɾɔq gıts'q hɔt'e. ¹⁷ Ehkw'ı anaxèehsı, amıı chekoa lanı Nòhtsı Wenàowò k'èè hòɾɔq edegħa yııhchı lenqıı, ekò goyaetłà ha nüile," Zezi gòhdi.

K'àowo ahxee

18 K'àowo jè Zezi daehke, “K'àowo nezɿ, ayi dàhlà nɿdè welo while ts'ò ehdaà asedle ha?” yèhdi.

19 Zezi yets'ò hadi, “Ayihà k'àowo nezɿ sɿɿdi? Dɔ nezɿ gòhɿ nɿle; Nòhtsɿ zɔ nezɿ hɔt'e. 20 Moses wenàowoò deè wek'è:zɔ ne: 'Èlaxè hoɿɿ hoahɿsɿ-le, dɔ eɿaahwhi-le, aahɿ-le, dɔ ghɔ hoahɿs'ì-le, naxitá eyits'ɔ naximɔ gɿts'ò nezɿ aahda,” Zezi yèhdi.

21 Eyit'à dɔ hadi, “Chekoa ehɿ gots'ɔ eyi nàowo hazɔò wek'è:æht'è hɔt'e,” hadi.

22 Zezi dɔ hadi yɿkw'o ekò hayèhdi, “Ilaà t'asɿ jè zɔ hanelà-le. T'asɿ hazɔò nets'ɔ sɿ neghɔ nàedi gà eyi sɔòm̃ba sɿ hɔt'ì dɔ-teèt'ɿ ghàɿle. Hanì-ɿdè yak'e t'asɿ nechàa nedawheɔɔ ha hɔt'e. Eyì t'axɔò-ɿdè sek'èè k'è:etlò,” Zezi yèhdi.

23 Eyì dɔ Zezi hadi yɿkw'o ekò ts'ò:nɿwɔ lajà, dɔ ahxee-deè elɿ t'à. 24 Zezi hoti yeghàdà xè hadi, “Dɔ ahxee sɿ Nòhtsɿ Wenàowoò k'è:è hò:zɔ goyaetla ha wegħa wèhoedi-le hɔt'e! 25 Dɔ ahxee sɿ Nòhtsɿ Wenàowoò k'è:è hò:zɔ goyaetla ha wegħa dii hɔt'e. Eyì nahk'e tɿts'aadɿcho datɿht'á-k'è degħaetla għa sɿ denahk'e dii-le hɔt'e,” gòhdi.

26 Dɔ Zezi hadi egɿkw'oo sɿ hagedi, “Hanì-ɿdè amì edaxàweètɿ lì?” gedi.

27 Zezi gots'ò hadi, “Ayì dɔ gɿgha dii sɿ Nòhtsɿ wegħa dii-le hɔt'e,” gòhdi.

28 Peter, Zezi ts'ò hadi, “Goxɿ nek'èè k'ets'edè ha ts'ɿwɔ t'à t'asɿ hazɔò wedè ats'ɿlà jè!” yèhdi.

29 Zezi edecheekeè gots'ò hadi, “Ehk'w'ì anaxèehsɿ, amì Nòhtsɿ Wenàowoò ts'ihzò edekò, edets'èkeè, edechɿ, edetá, edemɔ, eyits'ɔ edeza gots'ò naèhtla 30 k'è:xa dii edaa sɿ t'asɿ wezòatɿ wegħòzhe ha, eyits'ɔ jdaà welo while ts'ò edaa eyi sɿ wegħòt'á ha,” Zezi gòhdi.

Zezi eɿaàgehwhi ha k'achɿ yegħo gode

31 Zezi edecheekeè whatsoò gots'ò hadi, “Kòta Jerusalem ts'ò ts'eedè ha. Nakwenà:zɔ t'asɿ hazɔò Dɔ-wet'áa:za-deè ghò egɿt'èè sɿ hazɔò wek'è:è agode ha. 32 Èladɿ dɔ t'áa:ghè ha. Gɿk'adaedè xè gɿghàedlò ha, gɿk'e geezè ha, nàgeehkwa ha eyits'ɔ eɿaàgɿhwhi ha, 33 hanìkò tai dzè:è nɿdè naidà ha,” Zezi gòhdi.

34 Hanìkò wecheekeè eyi hazɔò yegħo goɿdee sɿ gɿmedì-le, dàdi-adɿ sɿ gɿgha deɿ wheɔɔ t'à.

Dɔ eteèt'ɿ wedaà goilee sɿ k'aat'ì ajà

35 Zezi kòta Jericho ts'ò gɔɔwà-lea nùtla ekò dɔ wedaà goilee tɿlɿbàa wheda xè t'asɿ għa nàdaeti. 36 Dɔ lɔ k'egohwho goikw'o t'à dagoehke, “Ayì dàgot'ɿ?” gòhdi. 37 Dɔ gɿts'ò hadi, “Nazareth got'ɿ Zezi dɿdè:è naetle,” gɿhdi.

³⁸ Eyit'à dọ wedaà goilee naidzeh xè hadi, "Zezì, k'àowocho David Weza, etesenèezi!" hadi naidzeh.

³⁹ Dọ Zezì nakweè giadèe sù "Ts'èwhùì aat'e," giuhdi, hanikò k'èdaà hòt'ò naidzeh, "K'àowocho David Weza, etesenèezi!" hadi.

⁴⁰ Zezì niitla, dọ gots'ò hadi, "Jọ sets'ò weahchi," gòhdi. Dọ yets'ò nìwà-le niitla ekò, Zezì dayeehke, ⁴¹ "Ayìì negha dàhke ha seneehwhọ?" yèhdi.

"Sets'ò K'àowo, segha xègaat'ì ha dehwhọ," dọ yèhdi.

⁴² Zezì yets'ò hadi, "K'èit'ì anede! Negha ehkw'ì-ahodi t'à k'aat'ìì anejà," yèhdi. ⁴³ Ekòet'ìì k'èet'ìì ajà. Zezì k'èè naèhtla xè Nòhtsi ghàsògedi. Dọ hazòò giàzi t'à ededi sù Nòhtsi ghàsògeedi.

19

Zacchaeus Zezì ghàihdà nìwọ

¹⁻² Zezì kòta Jericho gok'niitla ekò dọ jìè Zacchaeus wiyeh eyi nàdè. Sọ̀m̀ba-nàgehtsi-dọ̀ò gha k'àowo elì, eyit'à wesọ̀m̀baa lọ. ³ Zezì amì jì'ee sù yeghàidà nìwọ, hanikò dọ nechà-lea elì xè wenadaà dọ lọ t'à weggha wègaat'ì-le. ⁴ Eyit'à jìdaà dọ gonakweè tìm̀qèhza gà ts'ì k'e dekiitla, ekìyèè Zezì naetla ha t'à.

⁵ Zezì eyi ts'ì gà niitla ekò jìdòò dawheda yazì, hayèhdi, "Zacchaeus, jwhàà hodàitla. Dìi dzeè k'e nekò nàhtla ha," yèhdi. ⁶ Zacchaeus jwhàà hodàèhtla, wìnà nàhòwo xè edekò ts'ò yeèhchì.

⁷ Zezì, Zacchaeus k'èèhtla t'à dọ hazòò sọ̀gedi, "Hòhì-hohtsi-dọ̀ò xè wheda," gedi.

⁸ Zacchaeus wekò geèkw'e ekò Zacchaeus niitla gà Zezì ts'ò hadi, "K'àowo, t'asì hazòò sets'ò sù tanì ts'ò dọ-teèt'ìì gighàehke ha. Eyits'ò dezòò t'asì dọ ghọ ihchì nìdè dì eht'aà ts'ò weghònaehke ha," yèhdi.

⁹ Zezì yets'ò hadi, "Dìi dzeè k'e jọ kò gots'ò dọ edaxàwhede họt'e. Dìi dọ ededi sù Abraham gots'ò dọ họt'e. ¹⁰ Dọ-wet'aaazàade sù dọ dikòèdee gokak'èet'ì xè edaxàgole gha jọ niitla họt'e," Zezì yèhdi.

K'àowocho gha sọ̀m̀ba gehtsi wegodi

¹¹ Zezì Jerusalem ts'ò nìwà-lea niitla t'à dọ lọ họttaa Nòhtsi Wenàowoò k'èè hòzòò agode ha, gijwọ. Jìàà dọ egeèkw'ò et'ìì Zezì godì t'à goxè godo, ¹² hadi, "Dọ ahxee jìè, k'àowocho elì ha wìihchi ha t'à, nìwàa nèk'e ts'ò ajà. Eyì t'axòò-jìdè jọ ts'ò anade ha. ¹³ Eyit'à edecheekeè hònọ gokàehzà. Hazòò elèht'eè sọ̀m̀ba elètlọ gotaàwhela, hagòhdi, 'Jọ nqèhtla gots'ò dìi sọ̀m̀ba wet'à eghàlaahda,' gòhdi.

14 “Hanikò wenèk'e gots'ò dọ gidzajhwhọ, eyit'à dọ mọhdaa gik'èè geèhza, du hagedi ha t'à, 'Eyi dọ sù gogha k'àowocho elì ha wets'ìhwhọ-le,' gedi.

15 “Hanikò k'àowocho whelì t'à edenèk'e nọtla. Edecheekeè, sọmba got'aàlìaa sù gokàehza. Eyi sọmba t'à datlọ sọmba gèhtsù sù yek'èezọ ha nìwọ.

16 “Dọ t'akwelọọ nùtlaa sù hadì, 'K'àowo, sọmba seghàneelaa sù wezọọ hoònọ whehtsù,' yèhdi.

17 “K'àowocho hayèhdi, 'Secheekeè nezù anet'e, nezù eghàlaneanà. T'asù lọ-lea nezù weghàlaneanà k'èxa kọgodeè hoònọ ts'ò k'àìwo ha,' yèhdi.

18 “Wecheekeè k'achì jìè eyi nùtla, hadì, 'K'àowo, sọmba seghàneelaa sù wezọọ sùlài whihtsù,' yèhdi.

19 “K'àowocho hayèhdi, 'Nì sù kọgodeè sùlài ts'ò k'àìwo ha,' yèhdi.

20 “Eyits'ò wecheekeè k'achì jìè eyi nùtla, hadì, 'K'àowo, jọ nesọmbaà whela. Sọmba t'asahlà-le, zèht'ì yì tsìehshà gà dezi nèehchì jìè,' yèhdi. 21 ‘Dọ dii anet'e t'à nets'àehjì. T'asù dehshe gha t'asù dèè k'e nèneela-le kò, wets'ò t'asù ìhchì,' yèhdi.

22 “K'àowocho hayèhdi, 'Secheekeè jì anet'e, neyatì t'à nesìnyahtì ha! Dọ dii aht'e sek'èizọ. T'asù nèehzọ-le kò t'asù wets'ò ìhchì, eyits'ò t'asù dehshe gha t'asù nèehla-le kò t'asù dèhshọ sù wets'ò ìhchì. 23 Dọ dii aht'e sek'èizọ nùdè dànighọ sesọmbaà, sọmba-dehshe-kọ nèneela-le nọ? Hani-ìdè jọ anahjà nùdè sesọmbaà eyits'ò sọmba wetaekw'ì sù wexè naihchì ha jìè,' yèhdi.

24 “K'àowocho, dọ eyi nàgeèhza ts'ò hadì, 'Wesọmbaà weghọ niahwha. Dọ sọmba dezọọ hoònọ whehtsù sù weghàahle,' gòhdi.

25 “Eyi t'à hagedì, 'K'àowo, eyi dọ hòt'a wedaats'ò hoònọ wets'ò!' giìhdi.

26 “K'àowo hagòhdi, 'Ehw'ì anaxèhshì, amì t'asù lọ wets'ò sù eyi wezọatlọ weghàzhe ha, hanikò amì t'asù wets'ò-le sù t'asù lọ-lea wets'ò sù eyi kò weghọ ìchì ha họt'e. 27 Dọ sets'ò xànegùza t'à gìgha k'àowocho ehì ha segìhwhọ-le sù jọ nègìahwha, senadaà èlàgìahde,' gòhdi,” Zezi hadì goxè godo.

Zezi tìtsoa k'e Jerusalem nùtla

28 Zezi hadì gọjde t'axọọ, ìdaà Jerusalem ts'ò naèhtla. 29 Zezi kọta Bethphaga eyits'ò Bethany ts'ò gọwà-lea nùtla. Eyi kọta nàke sù shìh Olivet weghọhk'eè gòla. Zezi edecheekeè nàke edenakweè goèhza, hagòhdi, 30 “Ìdaà kọta ts'ò læhtle. Ekọ nìlahtla et'ì tìtsoaza wet'à-ats'aat'ì-le eyi daet'ì weahzì ha. Daweahge gà, jọ sets'ò nat'ìahxà. 31 ‘Ayìha daweahge?’ dọ

naxèhdi nɪdè, 'Gots'ò K'àowo yet'à-at'ɪ ha nɪwɔ, hawèahdi nɔò," Zezi gòhdi.

³² Eyit'à wecheekeè nàke ekò legeèhtla. Zezi t'agòhdi sù hoti gixè hagòjà. ³³ Tɪtsoa negiçi ha nìkw'o ekò dɔ gɪts'ɔ ne sù hagedi, "Ayìha tɪtsoa daahgè?" gedi.

³⁴ "K'àowo yet'à-at'ɪ ha nɪwɔ," gògedi.

³⁵ Tɪtsoaza Zezi ts'ò geèhçi, edezeè gikanɪwa gà Zezi yek'e wheda agɪlà. ³⁶ Tɪtsoa ɪdaà nayahte ekò dɔ lɔ wenadaà tɪ k'e edezeè nègɪwa.

³⁷ Shìh Olivet gots'ɔ ɪzhù tɪ hodàgòòza gà nɪwà-le nùtla ekò wecheekeè lɔ enɪyah gɪaɪ ɪlè t'à sù gɪnà t'à hòt'ò Nòhtsɪ ghàsɔgeedi. ³⁸ Yagìzeh xè hagedi,

"K'àowocho, gots'ò K'àowo dahxà nùtlaa sù wexè sɪghà welè."

"ɪdò yak'e ts'èwhɪ hòɔɔ, eyits'ɔ Nòhtsɪ weghàsɔhoedi welè!" gedi.

³⁹ Pharisee mòhdaa dɔ nɪ nàgeèhza sù Zezi ts'ò hagedi, "K'àowo, necheekeè hagùdì-le, gɪdì," gùhdi.

⁴⁰ Zezi hagòhdi, "Ehkw'ɪ anaxèehsɪ, ɪhɪ agɪt'e nɪdè jɔ kwe whelaa sù yagìzeh ha," gòhdi.

⁴¹ Zezi Jerusalem ts'ò gɔɔwà-lea naetle ekò, kògodeè goaɪ t'à yeghɔ ɪtsè. Kò gòlaa ts'ò hadi gode, ⁴² "Dù dzeè k'e ayi t'à naxìxè ts'èwhɪ hòɔɔ ha sù wek'èahsɔ nɪdè dehwhɔ. Hanìkò naxìch'à dezɪ wheɔɔ. ⁴³ Jerusalem got'ɪ, ɪlè dzeè k'e eghɔ-dò eht'è shìh kògodeè wemòò nɪzà agele ha. Naximòò hazòò naxìts'ɔdaniɪlaà agele ha. ⁴⁴ T'asì hazòò naxìghɔ wedìhogehtsɪ ha, naxì eyits'ɔ naxèot'ɪ hazòò eɪaàgehde ha. Naxìkò hazòò gotageezhì ha, kwe ɪhàet'e kò eɪka dawheɔɔ ha-le, Nòhtsɪ naxìghɔ nùtla kò nàwhahzhì-le t'à," Zezi hadi xàyahtì.

Zezi Nòhtsɪkò-gocho gà nùtla

⁴⁵ Eyì t'axòò Nòhtsɪkò-gocho gà nùtla, ekò dɔ t'asì eɪghɔ nàgeehdi sù hazòò xàgodeèzhì. ⁴⁶ Hagòhdi, "Dù hani dek'eèht'è hɔt'e: 'Sekò sù yats'ehtì k'è gha gòɔɔ ha hɔt'e,' hanìkò naxì sù 'egeezɪ-dòò gha kò' gòwhahtsɪ," gòhdi.

⁴⁷ Dze taat'eè Zezi Nòhtsɪkò-gocho gà dɔ hoghàehtɔ. Hanìkò yahtì-gha-k'aodè, Nòhtsɪ-yatì-k'ègedì-dòò eyits'ɔ k'aodè gɪɪ sù Zezi eɪaàgehwhì ha hogeèhdzà. ⁴⁸ Hanìkò dànì agele ha sù gɪk'èezɔ-le, dɔ hazòò Zezi weyatì gɪgha nezì t'à.

20

K'aodè, Zezi amì dahxà at'ɪ, gùhdi

¹ ɪhàà Zezi Nòhtsɪkò-gocho gà dɔ hoghàehtɔ xè godì nezì t'à gots'ɔ gode ekò yahtì-gha-k'aodè, Nòhtsɪ-yatì-k'ègedì-dòò eyits'ɔ qhdah gɪɪ sù Zezi ts'ò geède, ² hagedi, "Ayì dahxà dù hani eghàlajda? Amì hani neghàhòɔɔ t'à anet'ɪ?" gùhdi.

³ Zezi gots'ò hadi, "Sì sì t'asì danaxeehke ha. ⁴ Dàahwhòq sù sedaahdi. John-Baptist dọ k'ètaìdzù sù asì yak'e godahxà at'ì, hanì-le-ìdè dọ dahxà at'ì?" gòhdi.

⁵ Eyi ghọ elets'ò dù hagedi, " 'Yak'e godahxà at'ì,' ts'edi nìdè 'Dànighò ehkw'ì adì dahwhò-le nòqò?' gòhdi ha. ⁶ Ekò 'Dọ dahxà at'ì,' ts'edi nìdè dọ hazòq John-Baptist nakwenàòzòq giit'ì ne t'à, kwe t'à gògeehshì ha sòni," elègeedi.

⁷ Eyt'à Zezi ts'ò hagedi, "John-Baptist amì dahxà at'ù sù wek'èts'eezò-le," giìhdi.

⁸ Zezi gots'ò hadi, "Hanì-ìdè sù sì amì dahxà dù hanì eghàlaehdaa sù naxits'ò haehsì ha-le," gòhdi.

Dèè-k'ègedi-dọ gígodi

⁹ Eyi t'axòq Zezi dù godi t'à dọ xè godo: "Dọ ìdè ededèè k'e jìechots'ù dehshe ha nèyùla. Eyi t'axòq dèè-k'ègedi-dọ dèè goghòniyùzò, eyits'ò whàà gots'ò nìwà kòtaèhtla. ¹⁰ Jìecho dùdì agòjà ekò jìecho mòhdaa yegha nàhtsì ha edecheekeè ìdè ededèè ts'ò yeèhza. Hanìkò dọ dèè k'ègedi sù geèht'ì eyits'ò jìecho dẹ nageèhza. ¹¹ K'àowo k'achì wecheekeè ìdè gots'ò nayeèhza, hanìkò eyi sù geèht'ì xè nezì gits'ò eghàlaidà-le eyits'ò t'asì dẹ nageèhza. ¹² Tai t'à k'achì dọ gots'ò nayeèhza, hanìkò hòt'ò wekwòyaa-gùlà xè xàgeèhxa.

¹³ "Eyt'à eyi dèè ts'ò k'àowo dù hadi, 'Ayì dàhlà lì? Dù t'à xàè seza weghònehtòq sù gits'ò weehza ha. Edahxò gits'ò nezì naza ha takkò,' hadi.

¹⁴ "Hanìkò dọ dèè k'ègedi sù weza giazì ekò halègeedi, 'Dù k'àowo weza sù dù dèè weghaelì ha họt'e. Elààwets'èhwhì, hanì-ìdè wedèè goxì goghaelì ha,' gedi. ¹⁵ Eyt'à dèè gots'òq xàgeèhxa gà ełààgìhwhò.

"Eyt'à k'àowo, dèè-k'ègedi-dọ ginezì-le sù dàgole ha? ¹⁶ K'àowo ekò nùtla nìdè eyi dèè-k'ègedi-dọ ełààgòhde ha, eyits'ò dèè dọ eyi-le ghàyeza ha," Zezi gòhdi.

Dọ egìkw'o ekò hagedi, "Goxè hagode sòq!" gedi.

¹⁷⁻¹⁸ Zezi hotì goghàeda xè hadi, "Dù hanì dek'eèht'è:

'Kwekò-gogehtsù-dọ kwe ọ̀geèhk'aa sù eyi kwe denahk'e wet'aaza whelì,' dek'eèht'è.

Amì eyi kwe k'e nàakw'oo sù wedìhoè ha, eyits'ò amì eyi kwe wek'e nàakw'oo sù t'asì nadì ha-le. Eyi dek'eèht'èe sù dàhodì-ahodì dahwhòq?" gòhdi.

¹⁹ Nòhtsì-yatì-k'ègedi-dọ eyits'ò yahtì-gha-k'aodèe gùlù sù Zezi godi t'à goghò godeè-adì ginièdì t'à ekòet'ù dageechì ha gùwò. Hanìkò dọ ts'àgeejì.

Pharisee gùlù sù Zezi geèhdza

²⁰ Pharisee gùlù sù Zezi xoguhdi ha gùwò t'à wenaàhtò nàezì-dọ gik'èè k'edè agùlà. Zezi ts'ò ehkw'ì k'ehogeza

41 Eyi t'axòò Zezi gots'ò hadi, "Dànìghò Christ, k'àowocho David Weza giñhdi? 42-43 K'àowocho David ededi Shì Nìhtl'è k'e di hadi,

'Gots'ò K'àowo sets'ò K'àowo ts'ò hadi: Nets'ò xànegi?aa giñli sù hazòò giñghìhnè agehìe gots'ò, nàgòts'ehnnè segà wheèda,' dek'eèhtl'è.

44 David 'sets'ò K'àowo,' yèhdi, hanì dek'eèhtl'è nìdè dànì yeza elì weli?" Zezi gòhdi.

45 Dò hazòò ìl'aa egeèhkw'ò et'ì Zezi edecheekeè gots'ò hadi,

46 "Nòhtsi-yatù-k'ègedi-dòò giñli sù hotù giñoahdi. Goht'ò nedèe wèdaat'ù t'à kòta k'ègedè xè dò gits'ò nezù nageza giñgha nezi. Elègehdeè-kò goyù dò wet'aaazàa gha daèhchì whelaa k'e geèhkw'e eyits'ò nàsì hoè nìdè ìdaà geèhkw'e ghageewi.

47 Ts'èko gidòzhì el'aidèe sù gikò goghò giñchì, eyits'ò dò goghàgudà giñwò t'à whaà yagehti. Dò hanù sù hòtl'ò dagiñzaà agedle ha," Zezi gòhdi.

21

Ts'èko eteèt'ù satsòq nàke nèyùla

1 Zezi ìdaà dò ta k'et'ì ekò dò ahxee goghàeda, Nòhtsikò-gocho gha sòmba-tòò yì edesòmbaà deyì gehdè. 2 Ts'èko eteèt'ù wedòzhì el'awo ededi sù satsòq dek'oo nechà-lea nàke deyì yùwa yazi. 3 Zezi hadi, "Ehkw'ì anaxèehsi, eyi ts'èko eteèt'ù sù dò hazòò nahk'e sòmba deyìhde họt'e. 4 Dò hazòò sòmba giñghò whelaa sù eyi nègùla, hanikò eyi ts'èko eteèt'ù sù yet'à edaa sòmbaà hazòò deyì yùwa," gòhdi.

Christ jò ts'ò anade ha nìkw'o nìdè ayì ghàà wek'èhoedzò ha

5 Zezi wecheekeè mòhdaa Nòhtsikò-gocho dànì kwe wèdaat'ù t'à hòèlì, eyits'ò dò t'asì wèdaat'ù Nòhtsi ghàgùlaa sù ghò xayagiñhtì. Hanikò Zezi hadi, 6 "Jò ayì ghàahdaa sù nòqde-ìdè kwe ìdè kò eka dawhezò ha-le, hazòò wetagotl'ì ha họt'e," gòhdi.

7 "K'àowo, dàht'e-ìdè eyi hazòò hagode ha? Hagode ha nìkw'o nìdè ayì ghàà wek'èts'eezò ha?" wecheekeè giñhdi.

8 Zezi gots'ò hadi, "Hotù kexoahdi, naxìghoyagiñza sòò. Dò lò sùzì t'à-aget'ì xè 'Christ aht'e,' gedi ha eyits'ò 'Hòt'a eyi dzeè ts'ò whaà-le agòjà,' gedi ha. Giakhw'ò-le. 9 Elègegò ghò aàhkw'o ha, hanikò weghò dahji-le. T'akwełòò eyi hazòò hagode ha họt'e, hanikò ekòet'ù nòqde dzeè k'e nèhòkw'ì ha nùle," gòhdi.

10 Eyi t'axòò Zezi gots'ò hadi, "Dù nèk'e dò hazòò xàzaa elègegò ha. 11 Hazòò gots'ò dèè hòtl'ò nàgòidà ha, bò whìle agode ha, eyits'ò tàda dò tawì ha. Hoejù k'ehokw'o ha eyits'ò yat'a eniyah nàhòwo ha.

12 "Hanikò eyi hazòò hagode kwe sù naxegihchì xè danaxegìhza ha. Nàyaeti-kò eyits'ò dò-danìl'aa-kò ts'ò anaxegele

ha. K'àowocho eyits'ò dèe-ts'ò-k'àowo gɪnadaɖà naxisɪniyaeti anaxegele ha. Sɪ sets'ihzò hanì naxits'ò eghàlageeda ha. ¹³ Eyì hazòò naxits'ò hanàhòwo nɪdè segodù nezɪ t'à dɔ ts'ò goahde ha. ¹⁴ Hanìkò hagode kwe-t'ì dani edek'edaahdi ha sɪ ghò nàniàhdè-le. ¹⁵ Yatì wet'à goahde ha sɪ eyits'ò wet'à gots'ɪzòò sɪ naxits'ò-èlì ahle ha. Eyit'à dɔ naxik'èch'a gɪlɪ sɪ naxik'èch'a xàyagehtì-le agede ha. ¹⁶ Naxità, naximò, naxichì, naxèot'ì eyits'ò naxiàgɪà k'aodèe t'ì aànaxegìile ha eyits'ò naxì mòhdaa èlaànaxegìhde ha. ¹⁷ Sɪ sets'ihzò dɔ hazòò naxidzagɪhwhò ha. ¹⁸ Hanìkò naxikwìghà jàèt'ee kò wedihòlè ha-le. ¹⁹ Naxìgha ehkw'ì-ahodì t'à naxinì nàtso nɪdè, welò while ts'ò aahda ha.

²⁰ “Kògodeè Jerusalem wemòò eghòò-dòò èlègehde ha. Hagòjà nɪdè eyì weghàà hòt'a wedihòlè ts'ò whaà-le wek'èahsò ha. ²¹ Ekò k'e nɪdè dɔ Judea nèk'e nàgedèe sɪ shihta ts'ò kwɪgɪhdè. Jerusalem dɔ nàgedèe sɪ jwhàà xàtɪmògùdè, eyits'ò kòta yàgòlaa dɔ nàgedèe sɪ Jerusalem ts'ò gùdè-le. ²² Ekìyèè k'e nɪdè Jerusalem hoila weghàhòt'à ha. Nakwenàozòò hazòò ayì dek'enègɪt'èè sɪ wek'èè agode ha hòt'e. ²³ Eyì dzeè k'e nɪdè ts'èko chekoa xè hotù geeda-le eyits'ò bebìà t'ògeht'òò sɪ sɪ gɪxè hoila ha hòt'e! Eyì nèk'e hazòò ts'ò hoila xè ekò got'ì sɪ dagɪzàà agogele ha hòt'e. ²⁴ Mòhdaa behcho t'à èlaàgoghde ha eyits'ò mòhdaa eyì-le nèk'e ts'ò agogele ha. Dɔ eyì-le xàzàa t'ajwàa gɪgha hòzòò sɪ wek'ehowì gots'ò, kòta Jerusalem wedihogehtsɪ ha.

²⁵ “Sadeè, adzèzah eyits'ò whò, gɪxè eniyah k'ehokw'o ha. Dɪ nèk'e hazòò taatɪ nechàa sɪ hòt'ò nàweekw'ò ha. Eyit'à dɔ hazòò xàzàa geejì xè dàgot'ì-agot'ì gɪwò ha. ²⁶ Yat'a whò xè nàgoedà ha ts'ihzò, dɔ sɪ geejì t'à gidzèè nàtso-le ade ha, ‘Dɪ nèk'e dàgot'ì-agot'ì sɔnì?’ hagedì ha. ²⁷ Eyì dzeè k'e Dɔ-wet'àazàa-deè eniyah t'à nàtso k'oh k'e nùtla ha, eyits'ò dɔ hazòò geɪ ha. ²⁸ Eyì hazòò wexèhòòwo nɪdè, hòt'a edaxànaaxeetè ts'ò whaà-le t'à, nàahza gà idòò k'eah't'ì,” Zezì gòhdi.

²⁹ Eyì t'axòò Zezì dɪ godì t'à dɔ xè godo, “Jìechots'ì eyits'ò ts'ì hazòò wedaàniàhdè. ³⁰ Gits'ò j'òà xàlaekè nɪdè hòt'a jmbè agode ts'ò whaà-le wek'èts'èezò hòt'e. ³¹ Eyì xèht'èè t'asì hazòò weghò goihdee sɪ weghàahda nɪdè weghàà Nòhtsɪ Wenàowò k'èè hòzòò sɪ wets'ò whaà-le agodaadee wek'èahsò ha.

³² “Ehkw'ì anaxèehtsɪ, ekìyèè k'e dɔ geedaa sɪ eyì hazòò hagode kwe èlaàgede ha nùle. ³³ Yak'e eyits'ò dèè while agode ha hòt'e, hanìkò seyatì wɪzì sɪ while ade ha nùle.

³⁴ “Edexoahdi! Aahdò xè sìgòèt'ì zò k'alaahde-le eyits'ò t'asì lò ghò nàniàhdè-le. T'asì wet'àazà-le t'à naxidzèè nàtso-le awede sòò. Naxinaàhtò eyì dzeè k'e nèhòkw'o nɪdè hòtsaa naxik'èchiitla lagode ha. ³⁵ Eyì hoila agode ha sɪ

du nèk'e hazqò dq nàdèe sù gik'e agode ha hqt'e. ³⁶ Eyit'à t'aats'qò kexoahdi, hoila hawee sù naxixè agode ha-le gha yaahti. Eyits'q Dq-wet'aaazàa-deè wenadaà nàahza nùdè edegho jìzhaahhì ha-le gha yaahti,” Zezi gòhdi.

³⁷ Dzè taat'eè Zezi Nòhtsikò-gocho gà dq hoghàgoehtq, eyits'q xèhts'q taat'eè shih Olivet ekq to hoehwhì. ³⁸ K'omqòdqò et'ii dq hazqò Zezi geèhkw'q ha giwq t'à Nòhtsikò-gocho ts'q gogeehwhì.

22

Zhidàa Zezi k'aodèe t'l'àyèhtè ha

¹ Dzèdèe Passover gha nàsì holè ts'ò whaà-le agòjà. Eyi dzèdèe k'e lèt'èa dq lèt'è ghq shègezhe. ² Yahtu-gha-k'aodèe eyits'q Nòhtsì-yatù-k'ègedi-dqò Zezi èlààghwhì ha giwq t'à dànì agele ha sù hagiwq, hanikò dq gots'ageejì t'à gonaàhtq aget'ì. ³ Ekò k'e wehhi Zhidàa ts'ò ajà. (Zhidàa, Isariyot sù wiyeh.) Ededì sù Zezi wecheekeè hoòndq-daats'q-nàke giwq ts'q mè hqt'e. ⁴ Zhidàa, yahtu-gha-k'aodèe eyits'q Nòhtsikò-xoguhdu-dqò gha k'aodèe giwq sù gots'àèhtla. Dànì Zezi gotl'aàyhtè ha sù ghq gogude. ⁵ K'aodèe ginà nàhòwo t'à gits'ò hadì, “Hanele ha nùdè, sqòmba lq nets'àts'eehdì ha,” giuhdi. ⁶ Hèzè gòhdi, eyit'à dànì dq naàhtq Zezi k'aodèe gotl'aàyhtè ha sù gha naèhzi.

Zezi edecheekeè xè nqòde shètì

⁷ Passover dzèè xèhòqwo. Eyi dzèè k'e Passover gha yahtu sahzqà èlààghwhì gà Nòhtsì ts'ò gik'eehk'ò. ⁸ Zezi, edecheekeè Peter eyits'q John gots'ò hadì, “Èlèxè nàsì Passover ghq shèts'ezhe gha sìnìhòahzà,” gòhdi.

⁹ “Edjì nàsì gha sùgots'ele ha neewq?” giuhdi.

¹⁰ Zezi gots'ò hadì, “Jerusalem nìlaahtla nùdè dq kwetq t'à tì naehtì naxìnhdqò etla ha. Wek'èè et'ii aahde, edjì kò ts'ò at'ì sù wek'èè goyaahdè. ¹¹ Dq wekò agòht'ee sù wets'ò du haahdi, ‘Gots'ò K'àowo nets'ò du hadì: Edjì shèts'ezhe gha gòzq? Secheekeè gixè nàsì Passover ghq shètì ha dehwhq,’ wèahdi. ¹² Eyi dq dahkò gqchàa gòzq t'asì hazqò ts'atà whelaa sù ts'ò naxeewa ha. Ekq shèts'ezhe gha sùgoahle,” Zezi gòhdi.

¹³ Wecheekeè ekq geède, Zezi dàgòhdu sù hotù wek'èè hagòjà. Eyit'à nàsì Passover gha sìnìhogiizq.

¹⁴ Shègezhe ha nìkw'o ekò Zezi, edecheekeèdeè xè ladà gà nìtla. ¹⁵ Zezi gots'ò hadì, “Daihzà kwe naxixè du nàsì Passover ghq shètì ha sedzè t'à hahwhq hqt'e. ¹⁶ Ehw'ì anaxèehsì, du nàsì k'achì weghq nashèhtì ha-le. Nòhtsì Wenàowò k'èè hòzqò agòjà nùdè naxixè nàsì wedeèdli ghq nashèhtì ha,” gòhdi.

17 Libò nìhge gà yek'eèyahtı hadı, “Dı libò weyı wetı'ı sı ełeghàahdı. 18 Ehw'ı anaxèehsı, dı nèk'e k'achı dı jıetı naxıxè nahdò ha-le. Nòhtsı Wenàowò k'èè hòzòq wexèhoıwı nıdè naxıxè jıetı wegòò ehdò ha,” gòhdı.

19 Zezi lét'è nıchı gà yek'eèyahtı, tàyyızhı gà edecheekeè goghàyyıdı, hadı, “Dı lét'è sezhi hót'e naxıgha adlà. Dı haahı'ı t'à senaahdı nòq,” gòhdı.

20 Eyı xèht'eè, shègıazhe t'axòq libò neyyıhgè gà hadı, “Dı sedòò naxıgha xàıt'ı sı wet'à nakenahòdlı wegòò naxıgha hòèlı hót'e. 21 Hanıkò eyı dò k'aodèe t'aasıhtè ha sı wıla jò ladà k'e sıla gà whezò. 22 Dò-wet'aaàa-deè dani wegħa hòzòq sı k'èè ade ha t'ııt'e, hanıkò amı k'aodèe got'aàyehtè ha sı wegħa hoıla nechà ha hót'e,” gòhdı. 23 Wecheekeè, amı hanı yets'ò eghàlaeda ha adı gıwò t'à dałegeehke.

24 Eyı wedè wecheekeè ełets'ò nàyagehtı, “Amı gonahk'e elı?” gedı t'à. 25 Zezi gots'ò hadı, “K'àowochò gııı sı dò eyı-le xààa ts'ò k'adahogedè, eyı xè 'Dò ts'ats'edi ats'ıt'e' edegeewò hót'e. 26 Hanıkò naxı sı gıxèah't'e ha-le. Naxıta gots'ò dò denahk'e elı sı gochı nòqdea lanı elı ha, eyıts'ò dò għa k'àowo elı sı dò għa eghàlaedaa-dòq lanı elı ha. 27 Amı denahk'e elı dahwhò, dò ladà gà weghàhodı hanı-le-ıdè dò yegħa eghàlaedaa? Dò ladà gà weghàhodı sı eyı denahk'e elı hòqwoq hót'e. Hanıkò sı sı naxı dò għa eghàlaedaa-dòq laht'e. 28 Sexè hoıla k'ehokw'o kò naxı sı ılaà sexè aahı'ı hót'e. 29 Setà K'àowochò ehı ha seghàhòıq k'èè sı sı k'àowochò aahı għa naxıghàhòehzò hót'e. 30 K'àowochò whıhı nıdè seladà k'e shèahzhe ha eyıts'ò daèhchıcho k'e dahkw'e ha. Israel got'ıı hoòno-daats'ò-nàke xààa gııı sı gısinıyaahı ha,” gots'ò hadı.

31 Eyı t'axòq Zezi hadı, “Simon, hotı nezı sıhkw'ò. Wehı naxeèhdzà ha nıwò, 32 hanıkò, Simon, ılaà nı nı nàtso ha, negħa yaehı. Sets'ò ek'èt'à anaajà nıdè nèot'ı gı nı nàtsoò agıle nòq,” yèhdı.

33 Peter, Zezi ts'ò hadı, “Sets'ò K'àowo, nexè dò-danıılaa-kò ts'ò ahde ha eyıts'ò nexè ełæhwhı ha ts'atà whıhda hót'e,” yèhdı.

34 Zezi yets'ò hadı, “Peter, ehkw'ı anèehsı, dı dzeè k'e k'aba ezeh kwe, taà-ehı'aà sek'èızò-le nıdı ha,” yèhdı.

35 Eyı t'axòq Zezi edecheekeè dagoehke, “Dò ts'ò goahde ha gıts'ò naxeehzà ekò sòmba, tehmi eyıts'ò ke k'eahle-le naxèehsı ekò ası naxıgha t'ası whıle nòq?”

“Dàòdı, gogħa t'ası whıle-le,” gıhdı.

36 Zezi gots'ò hadı, “Ekò dı sòmbawò naxıts'ò nıdè k'eahı eyıts'ò tehmi sı edexè k'eahle, eyıts'ò behcho naxıts'ò-le nıdè naxıxè naxıghò nàedi gà behcho ıdè nàahdı. 37 Dı hanı dek'eèht'è hót'e, 'Doju xè nagıhtà.' Hanı seghò dek'eèht'èe sı

wek'èè ahde ha hõt'e. Hęzę, dànì segho dek'eèht'èe sùì wek'èè agodaade,” Zezi gòhdi.

³⁸ Wecheekeè hagìhdi, “K'àowo, jọ behcho nàke whela.”
“Hòt'a!” Zezi gòhdi.

Zezi nànuti xè Nòhtsị ts'ò yahti

³⁹ Eyi t'axòè Zezi shìh Olivet ekọ at'ị zọ t'à ekọ ts'ò èhtla eyits'ọ wecheekeè gixè ajà. ⁴⁰ Ekọ niitla ekò edecheekeè gots'ọ hadi, “Hohụ hoahsị ch'à edegha yaahti,” gòhdi. ⁴¹ Hadi t'axòè jdaa gọwà-lea niitla, nàgòhghè gà dui hadi yahti, ⁴² “Setà, haneewọ nìdè dui wet'à dàh2aa sùì sets'ọ anele. Hanikò sini k'èè welè-le, nini k'èè welè,” Zezi hadi yahti. ⁴³ Yak'eet'ị wets'ọ wègoèht'ị, wini nàtsòè ayìlà. ⁴⁴ Sii wegħa dii agòjà t'à denahk'e hòt'ò Nòhtsị ts'ò yahti. Wini edoò lani dèè k'e det'e.

⁴⁵ Zezi yahti t'axòè edecheekeè tai goghọ nòtla ekò gete nọ. Sii gigha dii agòjà t'à nègutsọ agejà. ⁴⁶ “Dànighọ wheahte? Niàhdè, hohụ hoahsị ch'à edegha yaahti,” gòhdi.

K'aodè Zezi gìhchì

⁴⁷ Ịaà edecheekeè ts'ò gode et'ì dọ ịọ nìde, wecheekeè hoòno-daats'ọ-nàke gots'ọ ịè, Zhidàà wiyeh, gonakweè naetle. Zezi gà niitla gà yuuts'ị. ⁴⁸ Hanikò Zezi yets'ọ hadi, “Zhidàà, Dọ-wet'àazàa-deè wuuts'ị t'à dọ t'aawuhtè ha nì?” yèhdi.

⁴⁹ Zezi wecheekeè dàgode ha gik'èhoèh2a t'à hagedi, “K'àowo, behcho t'à agets'ele ha neewọ nì?” gìhdi. ⁵⁰ Zezi wecheekeè ịè yahti-wet'àazàa-deè wecheekeè ịè behcho t'à nàgòts'ehnèè ts'ọ yedzeèbàa dachuhwho.

⁵¹ Hanikò Zezi hadi, “Hòt'a!” Zezi edilà dọ dzeèbàa k'e ayìlà t'à t'asanile anajà.

⁵² Eyi t'axòè Zezi, yahti-gha-k'aodè, Nòhtsịkò-xoguhdi-dọ għa k'aodè eyits'ọ qhdah eyi nègidee sùì gots'ọ hadi, “Ayìha behcho eyits'ọ dechị sets'ọ k'eahle? Elets'egọ għa aht'ị dahwhọ nì? ⁵³ Dzẹ taat'eè naxixè Nòhtsịkò-gocho gà whihda ịè kò sèahchì-le ịè. Hanikò dii to agòht'e t'à naxigha hòzọ agòjà,” Zezi gòhdi.

Peter Zezi k'èehsọ-le hadi

⁵⁴ Eyi t'axòè dagiachì gà yahti-wet'àazàa-deè wekọ ts'ọ agìlà. Peter ịdè sighaiwàà gok'èetle. ⁵⁵ Yahti-wet'àazàa-deè wekọ gà kọ nageèhtla xè kọ gà geèhkwe. Peter ededi sị gogà dèhkwa. ⁵⁶ Kọ dèk'ọọ ts'ọ dzẹh t'à, ts'èko eyi eghàlaedaa sùì ya2i. Ts'èko hotu yeghàdà t'axòè hadi, “Dui dọ yexè at'ị ịè,” hadi.

⁵⁷ Hanikò Peter hadi, “Ts'èko, eyi dọ wek'èehsọ niile,” yèhdi.

⁵⁸ Sighaiwàà hoòwo t'axòè k'achị dọ ịè ya2i t'à yets'ọ hadi, “Nị sị Zezi wecheekeè gixè aqt'ị ịè,” yèhdi. Hanikò Peter yets'ọ hadi, “Ịè, gixè aht'ị niile!” yèhdi.

⁵⁹ Ịhè sadzeè k'ehq̄q̄wo t'axq̄q̄o d̄o ịlè k'ach̄ hayèhd̄i, “D̄u d̄o hot̄i yexè at'ị ịlè, Galilee got'ị ne,” had̄i.

⁶⁰ Peter yets'ò had̄i, “Dàid̄i-àd̄i s̄i wek'èhs̄q̄ n̄ilè!” yèhd̄i. Had̄i ts'òet'ị k'àba whezeh. ⁶¹ Zezi yets'ò nàza ga Peter ghàid̄a. Han̄i-t'ị Peter, Zezi dàd̄i ịlèe s̄i yenadi. “D̄u dzeq̄ k'e k'àba ezeh kwe, taà-eh̄t'aa sek'èiz̄q̄-le n̄id̄i ha,” yèhd̄i ịlè. ⁶² Peter xàèht̄a ga s̄i ededzeè t'à ịtsè.

Eghq̄q̄-dq̄o Zezi k'adageedè

⁶³ D̄o Zezi xoḡuh̄d̄i s̄i ḡik'adaedè xè nàgeeh̄t'ị. ⁶⁴ Wedaà k'e eht'ị elègeèzà ga haḡuh̄d̄i, “Nakwenàoz̄q̄q̄ anet'e n̄idè am̄i n̄an̄ih̄t'ị s̄i gots'ò hađi,” ḡuh̄d̄i. ⁶⁵ Eyits'q̄ t'as̄i eyi-le ịq̄ t'à ḡik'adaedè.

Zezi k'awo Pilate eyits'q̄ k'awocho Herod nadq̄a nàwo

⁶⁶ K'omq̄ođq̄o dzeq̄ agòjà ekò yaht̄i-gha-k'aodèe, q̄hdah ḡuh̄ eyits'q̄ Nòht̄s̄i-yat̄i-k'èged̄i-dq̄o ịl̄a nèḡide ga Zezi goy- ageeh̄ch̄i. ⁶⁷ Zezi ts'ò haged̄i, “Christ ts'ed̄i s̄i eyi anet'e n̄idè gots'ò hađi,” ḡuh̄d̄i. Zezi gots'ò had̄i, “Am̄i aht'e naxits'ò haeh̄s̄i kò ehkw'ị ad̄i seahwh̄q̄ ha n̄ilè, ⁶⁸ t'as̄i danaxeehke n̄idè, sets'ò ek'èt'à xàyaah̄t̄i ha n̄ilè. ⁶⁹ Ịq̄ gots'q̄ ịdaà D̄o-wet'aaaz̄a-dee Nòht̄s̄i t'as̄i weḡha dii-le s̄i ga nàgòts'eh̄nèe wheda ha,” Zezi gòhd̄i.

⁷⁰ Eȳi t'axq̄q̄o hazq̄o dageehke, “Nòht̄s̄i Weza anet'e n̄i?” ḡuh̄d̄i.

Zezi gots'ò had̄i, “Seḡh̄q̄ dàah̄d̄i s̄i ehkw'ị aah̄d̄i,” gòhd̄i.

⁷¹ Eyit'à haged̄i, “Hòt'a k'ach̄i d̄o ḡik'e n̄idahogeez̄a-le kò. Gox̄i xàè weyat̄i ts'ikw'o ne,” ged̄i.

23

¹ K'aodèe hazq̄o elèwhedee s̄i n̄iḡide ga Zezi, k'awo Pilate ts'ò geèh̄ch̄i. ² Ḡik'e n̄idahoḡiz̄q̄, haged̄i, “D̄u d̄o s̄i gonèk'e weḡh̄q̄ nàdahoowo, eyits'q̄ 'K'awodee Caesar wets'ats'eehd̄i hale,' had̄i eyits'q̄ 'K'awocho Christ, eyi aht'e' edèhd̄i,” ged̄i.

³ Eyit'à k'awo Pilate, Zezi daehke, hayèhd̄i, “Israel got'ị ịgha k'awocho anet'e n̄i?” yèhd̄i.

“Hèz̄e, dàid̄i s̄i k'èq̄ h̄q̄t'e,” Zezi yèhd̄i.

⁴ Eyit'à k'awo Pilate, yaht̄i-gha-k'aodèe eyits'q̄ d̄o ịq̄ elèwhedee ts'ò had̄i, “D̄u d̄o ayi wek'e n̄idahoehz̄a ha s̄i wek'èhs̄q̄-le,” gòhd̄i.

⁵ Han̄ikò k'èdaà haged̄i, “Judea nèk'e hazq̄o ts'ò edeyat̄i t'à d̄o n̄adahogehdè agòq̄l̄a. Galilee nèk'e kèhoj̄h̄who gots'q̄, ịq̄ gots'ò nihoj̄h̄who,” ged̄i.

⁶ Pilate eyi haged̄i ikw'o ekò had̄i, “D̄u d̄o Galilee got'ị n̄i- ịt'e?” gòhd̄i dagoehke. ⁷ Zezi, k'awocho Herod wenèe gots'q̄

at'ì yek'èhoèhza ekò Herod ts'ò yeèhza. Ekìyee k'e Herod Jerusalem wheda ìlè.

⁸ K'àowocho Herod, Zezi aza ekò sù winà nàhòwo. Whaà gots'ò wuhzi nıwọ ìlè. Zezi ghọ godi ọ ọk'w'o t'à edahxo yedaà eniyah hohtsi ha nıwọ. ⁹ Eyit'à t'asì ọ ghọ dayuhke, hanikò Zezi yets'ò xayahtı-le. ¹⁰ Yahtı-gha-k'aodèe eyits'ò Nòhtsi-yatı-k'ègedı-dọ eyi nàgeèhza. Yahtı nàtsoo t'à Zezi k'e nıdahogeeza. ¹¹ Eyı t'axọ k'àowocho Herod eyits'ò wets'ò eghọ-dọ Zezi k'adageedè. K'àowochozeè yı gıhtı gà k'àowo Pilate ts'ò nageèhchì. ¹² Eyı dzeè k'e k'àowocho Herod eyits'ò k'àowo Pilate ełeagı gılı agejà. Eyı wekwe sù ełets'ò xànegıza ìlè.

¹³ K'àowo Pilate, yahtı-gha-k'aodèe, dọ gha k'aodèe gılı eyits'ò dọ hazọ gokàehza. ¹⁴ Gots'ò hadı, “Dı dọ sets'ò aahlà sù wet'à dọ hazọ nàdahogehde dahdı. Naxıdà dawuhke hanikò ekọ-le eghaladı-le t'à ayı wek'e nıdahoehza ha sù wek'èehsọ-le. ¹⁵ K'àowocho Herod ededı sı dàwhıdı t'à sets'ò nayeèhza. Dı dọ ekọ-le hòèhtsi-le t'à yek'èxa ełàawı ha whıle. ¹⁶⁻¹⁷ Eyit'à nàweekwa zọ awehıle ha, eyı t'axọ-dè naetłà awehıle ha,” gòhđı.

¹⁸ Hanikò dọ hazọ yagızeh, “Eyı dọ ełahwhı! Barabas eyı gots'ò xàetłà awıle!” gedı. ¹⁹ (Eyı dọ Barabas wets'ıhzi Jerusalem ekọ dèe-ts'ò-k'àowo ts'ò ełegegọ ìlè eyits'ò dọ ełahwho t'à wedaànitọ ìlè.)

²⁰ K'àowo Pilate Zezi naetłà ayele ha nıwọ t'à k'achı yegha dọ gots'ò goıde. ²¹ Hanikò dọ k'èdà gezeh xè nàdahogehde, “Dechıet'aa k'e wedıhtsò! Dechıet'aa k'e wedıhtsò!” gedı gezeh.

²² K'àowo Pilate k'achı tai t'à gots'ò nagoıde, hadı, “Ayı gha? Dı dọ ayı hoıla hòèhtsi k'èxa? Yek'èxa ełàawı ha t'asì gòihzi-le. Eyit'à nàweekwa gà naetłà awehıle ha,” gòhđı.

²³⁻²⁴ Hanikò Zezi dechıet'aa k'e wedıhtsò ha gıwọ t'à, dọ denahk'e hòt'ò yagızeh. Hòt'ò gezeh t'à Pilate ghọ dageèhnọ t'à gok'èhoızo. ²⁵ Barabas wets'ıhzi dèe-ts'ò-k'àowo ts'ò ełegegọ ìlè eyits'ò dọ ełahwho t'à wedaànitọ ìlè sù dọ gıyatı k'e Pilate gots'ò xàetłà ayıllà. Hanikò Zezi t'agele ha gıwọ sù k'èè agele ha dọ t'àyıhtı.

Zezi dechıet'aa k'e wedıhtsò

²⁶ K'àowo Pilate wekọ gots'ò Zezi kọgeèhchì ekò Cyrene got'ıı ìlè, Simon wıyeh, Jerusalem ts'ò naehtıle ìlè. Eghọ-dọ dagıachı gà dechıet'aa gık'e nèèchı gà Zezi k'èè nayatı agıllà. ²⁷ Dọ ọ Zezi k'èè geède. Ts'èko mòhdaa goxè aget'ıı sù, gidzeè nànitı xè hòt'ò gıghọ etse. ²⁸ Zezi gots'ò hadı, “Jerusalem gots'ò ts'èko, seghọ aahıtse-le, edeghọ aahıtse eyits'ò naxızaa sı gıghọ aahıtse.

29 *Ilè dzeḗ k'e du haahdi ha, 'Ts'èko wezaa gòhḗ-le xè bebia gīt'ò iht'ò-le sù gixè sìghà hḡt'e,' dahdi ha.* 30 *Ekiyyè k'e 'dḡ shìh ts'ò du hagedi ha, "Gok'e nàahḡ'ì!" eyts'ḡ shìa ts'ò du hagedi ha, "Nàgoahḡ'ì!" gedì ha.'*

31 *Ilaà ts'ì dèhdì et'ì dḡ hanì eghàlageeda nḡdè, ts'ì whegḡ nḡdè dàgode ha? (Dì hanì sets'ḡ eghàlageeda nḡdè nḡḡde nḡdè dànì naxìts'ḡ eghàlageeda ha?)" gòhdi.*

32 *Dḡju nàke Zezì xè eḡaàgehde ha gok'èè geèwa.* 33 *Shìh Dḡkwìkw'ḡḡ gòyeh ts'ḡ nègḡde ekò dechḡet'aa k'e gḡḡḡhtsò eyts'ḡ dḡju nàke weghḡhk'eè dexegḡhtsò.* 34 *Zezì hadì, "Setà, gḡghḡ nahḡle, dàget'ḡ sù gḡk'èezḡ nḡle t'à," hadì. Eghḡḡ-dḡḡ wegohḡ'ḡḡ eḡetaàgeelè gha ekw'ḡḡ k'egehdè.*

35 *Dḡ hazḡḡ eyì nàgeèhzaa sù gḡghàeda, eyts'ḡ k'aodèè Zezì k'adageedè, hagedì, "Dḡ eyì-le edaxàwhela. Christ Nḡhtsḡ gogha yḡḡhchì at'ì nḡdè, edaxàdḡtè," gedì.*

36 *Eghḡḡ-dḡḡ ededì sì Zezì gà nègogḡhwho gà gḡk'adaedè. Jìetì dḡts'aa gḡghàedi ha gḡwḡ 37 xè hagiḡhdi, "Israel got'ḡ gha k'àowochò anet'e nḡdè edaxàdḡtè," giḡhdi.*

38 *Wekwì doo enḡht'è dawhehchì agḡlà. Du hanì dek'eèht'è: Du sù Israel got'ḡ gha K'àowochò hḡt'e.*

39 *Dḡju ilè eyì wedḡtsò sù Zezì k'adaawo, hadì, "Christ anet'e nḡdè edaxàdḡtè eyts'ḡ goxì sì edaxàgḡle," yèhdi.*

40 *Hanìkò dḡju ilè, hayèhdi, "Nḡhtsḡ ts'àjḡ-le nì? Wexèht'eè eḡawì ha neghḡ nàyaetì ilè. 41 Goxì edet'à dats'ḡḡza hḡt'e. Ekò ededì sù hojḡ hòèhtsḡ whìle," yèhdi.*

42 *Eyì t'axḡḡ Zezì ts'ḡ hadì, "Zezì, nḡ k'àowochò wheḡlḡ nḡdè senaḡdì nḡḡ," yèhdi.*

43 *Zezì yets'ḡ hadì, "Ehkw'ì anèehsḡ, du dzeḗ k'e Hoḡzì-Nèk'e sexè wheḡda ha ne," yèhdi.*

Zezì eḡawo

44-45 *Dzḡtanì nḡḡḡ ekò t'ai sadzeè ts'ḡ eyì nèk'e sadeè daaza-le ajà t'à hazḡḡ ts'ḡ togoòt'ò agòjà. Eyts'ḡ Nḡhtsḡkḡ-gocho goyì enḡt'ìcho dawhehchì sù lats'ḡḡdla. 46 Zezì hòt'ò whezeh hadì, "Setà, sedàḡzhḡ net'aa wheḡḡḡ ahlà," hadì t'axḡḡ nḡḡde xàèhḡ.*

47 *Eghḡḡ-dḡḡ-gha-k'àowo wedaà hanàhòwo sù Nḡhtsḡ ghàsḡedi, hadì, "Du dḡ ehkw'ì eda ilè nḡḡ," hadì. 48 Zezì dechḡet'aa k'e dexegḡhtsè ha dḡ hazḡḡ eyì nègḡdee sù gḡdaà dàgòjà gḡazì ekò, sù gḡgha dḡ t'à ededzeè ts'ageht'ì xè nageèhde.*

49 *Dḡ hazḡḡ Zezì xè agiat'ḡ sù idè gḡḡwà hoḡḡ nàgeèhza gà goghàgeeda. Galìlee nèk'e gots'ḡ ts'èko mòhdaa Zezì k'èè k'egedè ilè sù gota nàgeèhza.*

Zezì wekw'ḡḡ nḡḡ

⁵⁰ Eyits'ò dọ ɲè Joseph wiyeh Israel got'ɲi gha k'aodèe goxè wheda eɲ. Dọ nezɲi xè ehkw'ɪ eda. ⁵¹ Ededɲ sɪ k'aodèe gok'èè anɲwò-le eyits'ò Zezi ts'ò dani eghalagɲdàa sɪ wini k'èè nɲile. Judea nèk'e kòta Arimathea got'ɲi hòt'e. Nòhtsɲ Wenàowoò k'èè agode ha danaèhɲi ɲè. ⁵² Zezi wekw'òò hodàechɪ ha k'àowo Pilate ts'ò èhtɲa. ⁵³ Dechɲet'aa k'e ts'ò Zezi wekw'òò hodàhtɲi gà nezɲi ehtɲi wemoèhdoò ayɲlɲà. Eyits'ò kwe yɲi dọkw'òò ɲtò-le sɪ ekò yekw'òò nèyɲtò. ⁵⁴ Sɲnìhogɲiɲàa dzèè k'e agòht'e eyits'ò Nòhtsɲ Dzèè wexèhoiwɲ ha nɲkw'o.

⁵⁵ Ts'èko, Zezi xè Galilee nèk'e gots'ò nègɲidee sɪ Joseph k'èè geède. Dọkw'òò whetòò k'è dani Zezi wekw'òò nègɲhtɲi sɪ gɲaɲi. ⁵⁶ Eyɲ t'axòò edekò ts'ò nageèhde. Dọkw'òò sɲgele gha dɲts'ɲa eyits'ò yik'eetɲ'òo sɲnìgɲile. Hanikò nàowodeè k'ègedi ha gɲwò t'à, Nòhtsɲ Dzèè k'e k'èhogeèɲa.

24

Zezi naidà

¹ Nòhtsɲ Dzèè t'axòò k'omòòdòò èhkò ts'òet'ɲi, ts'èko dɲts'ɲa lèkòò ts'atà sɲnìgɲlɲa sɲ edexè k'egele xè edɲi Zezi wekw'òò whetòò sɲ ts'ò geède. ² Eyɲ nègɲide ekò kwe yɲi Zezi wekw'òò whetòò sɲ wets'òdaà kwe nechàa enìɲòò sɲ yɲɲòò wedeèyɲi nòò. ³ Goyagɲide ekò Zezi wekw'òò wègoèt'ɲi-le. ⁴ Dànàhòwo ghò nànìgedè ekò hòtsaa dọ nàke gɲgoht'òò k'e saɲɲi gogà nàlegeewo. ⁵ Ts'èko sɲ geèhyeh t'à dèè ts'ò nàgògɲhè, hanikò dọ gots'ò hagedɲ, “Dànìghò dọ eɲɲidèe ta dọ edaa kak'eaht'ɲi? ⁶ Jò wheda-le, naidà hòt'e. Galilee nèk'e ɲàà naxixè eda ekò dānaxèhdi ɲèè sɲ wenaahdi. ⁷ Dɲ hadɲ ɲè, ‘Dọ-wet'àaɲàa-deè sɲ hòɲi-hogehtsɲ-dòò t'aaɲihte ha, dechɲet'aa k'e wedɲtsò ha eyits'ò tai dzè-ɲdè naidà ha,’ hadɲ ɲè,” gògedɲ. ⁸ Ts'èko, Zezi weyatɲi nagedi agejà.

⁹ Ts'èko, dọkw'òò whetòò k'è gots'ò nòògɲide ekò gɲxè dàgòjàa sɲ wecheekeè hòònò-daats'ò-ɲè eyits'ò dọ goxè agèt'ɲi sɲ ts'ò hagedɲ. ¹⁰ Mary-Madlè, Joanna, James wemò Mary, eyits'ò ts'èko eyɲi-le goxè agèt'ɲi sɲ eyɲi godɲ t'à Zezi wecheekeèdèè xè gogedo. ¹¹ Hanikò ts'èko gɲyatɲi gɲgha sɲdì lanì t'à ehkw'ɲi agedɲ gogɲhwhò-le. ¹² Hanikò Peter ededɲ xàèhtɲa, kwe yɲi dọkw'òò whetòò ts'ò tɲmòèhza. Goyadaèhè ekò dọkw'òò ts'ò ehtɲi neghoa ɲàà eɲxè whelaa yaɲi. Xàèhtɲa ekò dàgòjàa sɲ ghò nàniwo.

Zezi edecheekeè nàke goghaetɲa

¹³ Eyits'ò eyɲ dzèè k'e Zezi wecheekeè nàke kòta Emmaus gòyeh ts'ò geède. Jerusalem gots'ò lòhdɲ echɲ hòt'e. ¹⁴ Hazòò dàgòjàa sɲ ghò eɲxè gogedo ɲè. ¹⁵ Eɲxè gogedo ekò Zezi ededɲ goghò nɲitɲa gà goxè naetɲe. ¹⁶ Hanikò Zezi at'ɲi gɲwò-le agɲidɲlɲa.

17 Zezi dagoehke, “Ìdaà nàleah̄t̄le ekò ayì ghò elexè goahdo nòò?” gòhdi. Wecheekeè nìlegeèt̄la, ts'òòḡm̄w̄o lanì gìgaat'ì. 18 Dò ìlè, Cleopas wiyeh sù, Zezi ts'ò hadi, “Jerusalem gha xàhtò anet'e nì? Dii whaà-le Jerusalem dàgòjàa sù nì zò wek'èizò-le nì ghò aidi?” yèhdi.

19 “Dàgòjà?” Zezi yèhdi.

Eyit'à gits'ò hadi, “Zezi, Nazareth got'ì, wexè dānāhòwoo sù eyi weghò,” gedi, “Eyì dò sù nakwenàozòò deè ìlè. Nòhtsì gha sighà eghàlaidà eyits'ò dò hazòò gīnadaà weyatù nātsoo xè eniyah deè eghàlaidà. 20 Yahtù-gha-k'aodèe, eyits'ò gogha k'aodèe gūlì sù k'àowo Pilate t'āagūht̄. Ełāawì ha gīsīnyah̄t̄ t'axòò dechiet'aa k'e gedūht̄sò. 21 Zezi eded̄i sù edahxò Israel got'ì edaxàgole ha wets'ūhwhò ìlè. Eyì hagòjà gots'ò dii xè tai dzèè h̄t'e. 22 Eyits'ò ts'èko m̄òhdaa gonì nādèe sù gogha eniyah agedi. Dii k'omòòdòò-t'ì d̄okw'òò ts'ò geède ìlè. 23 Hanikò Zezi wekw'òò gīgòh̄zò-le. Gots'ò nageèhde ekò, yak'eet'ì gīnazhū wègoèht'ì gedi, ‘Naidà h̄t'e,’ yak'eet'ì hagòhdi, gedi. 24 Gots'ò dò m̄òhdaa d̄okw'òò ts'ò geède. Ts'èko dàgedu sù k'èè h̄t'e nòò, hanikò Zezi gīaz̄i-le,” eyi dò nàke hagedi, Zezi xè gogedo.

25 Zezi gots'ò hadi, “Sù t'asì niahdi-le xè naxinì nātso-le. Nakwenàozòò dàgūdi sù dānighò naxīgha ehkw'ī-ahodi-le? 26 Eyì Christ hanì daj̄za ha weghàh̄t'ò h̄t'e, wek'èahsò-le nì? Eyì t'axòò-ìdè eniyah t'ā nātso wehòh̄zò ha,” gòhdi. 27 Zezi hagòhdi t'axòò Moses wen̄ht'è eyits'ò nakwenàozòò gīn̄ht'è k'e dānì weghò t'asì hazòò dek'eèht'èe sù gots'ò yek'ayah̄t̄i.

28 Kòta ts'ò agēt'ì sù ts'ò nīwà-lea nègūde ekò, eded̄i ìdaà-et̄la ha lajà. 29 Hanikò, “Xèhts'ò agodaade t'ā goxè anede,” gīhdi, eyit'à gok'è-èht̄la gā goxè ìdà.

30 Shègezhe ha nègūde ekò, lèt'è nūchì gā yek'eèyah̄t̄i, tàyȳzhì gā goghàyȳdi. 31 Hanì-t'ì Zezi nàgeèhzhì, eyi t'axòò wenawhile. 32 Eyì dò nàke elets'ò hagedi, “T̄lì k'e gots'ò gode ekò, eyits'ò Nòhtsì N̄ht'è gots'ò t'asì nits'eedi agòòlā ekò godzèè dèk'òò lanì edexèts'eedi ìlè,” ełègeedi.

33 Ekòet'ì Jerusalem ts'ò nàlegeèht̄la. Ekò wecheekeèdeè hoòno-daats'ò-ìlè eyits'ò eyi-le dò goxè agēt'ì xè lāā nègūde. 34 Hagedi, “Ehkw'ī-ahodi! Gots'ò K'āowo naidà h̄t'e eyits'ò Sīmon ts'ò wègoèht'ì,” gedi. 35 Eyì t'axòò dò nàke t̄lì k'e gixè dàgòjàa eyits'ò dānì Zezi goxè lèt'è tàyȳzhì t'ā nàgeèhzhì sù wecheekeè ts'ò hagedi.

Zezi wecheekeè ts'ò wègoèht'ì

36 Ìhàa eyi ghò gogedeè ekò h̄tsaa Zezi gonì nāwo nòò, gots'ò hadi, “Naxixè sighà welè,” gòhdi.

³⁷ Wecheekeè sù geèhyeh; dɔts'ɪ at'ɪ ɠɪwɔ ɪlè. ³⁸ Zezi gots'ò hadi, “Ayìha dahj? Eyits'ò dānìghò naxinì nātso-le dīi? ³⁹ Silà eyits'ò sekè ghàahda. Xàè sɪ aht'ɪ! Daseahchi, dɔts'ɪ wekwò eyits'ò wekw'òò gòhɪ nùle, hanikò sɪ sekwò eyits'ò sekw'òò gòhɪ hɔt'e,” gòhdi.

⁴⁰ Edilà eyits'ò edekè ghàgɪdà agòòlà. ⁴¹ Sù ɠinà xè ɠìgha eniayah t'à ɪlāà ɠìgha hotu-le lani. Eyt'à Zezi gots'ò hadi, “Asɪ t'asɪ ts'eza ha whezo?” gòhdi. ⁴² Lɪwe whet'ee wets'ò nechà-lea ɠìghàèchì. ⁴³ Neyiichi gà godaà yeghò shètɪ.

Zezi yak'e ts'ò niwiti

⁴⁴ Zezi edecheekeè ts'ò hadi, “ɪlāà naxixè wheda ekò eyi weghò naxits'ò goihde ɪlè: Moses wenɪht'è k'e, nakwenāozòò ɠnɪht'è k'e eyits'ò ts'eɪɪ enɪht'è k'e t'asɪ hazòò seghò dek'eèht'è sù wek'èè agode ha, naxèehsɪ ɪlè,” gòhdi.

⁴⁵ Nòhtsɪ Nɪht'è nɪgeedi agòòlà. ⁴⁶ “Dɪ hani dek'eèht'è hɔt'e,” gòhdi, “Christ wèts'edu sù dāza ha eyits'ò tai dzeè k'ehoiwo nɪdè naidà ha hɔt'e. ⁴⁷ Christ wɪzì dahxà dɪ nèk'e dɔ hazòò xāzaa ts'ò goahde ha, dɔ edek'egɪɪ nɪdè ɠihohɪ ɠìghò nahoezhe ha. Jerusalem ekò t'akwèòò dɔ ts'ò goahde ha. ⁴⁸ Eyɪ godɪ nezɪ t'à dɔ hazòò ts'ò goahde. ⁴⁹ Setà, ayì naxits'ò ayele ha dɪ ɪlè sù eyi naxits'ò ahle ha. Yak'e gots'ò t'asɪ nātsoo naxik'e ade gots'ò jò Jerusalem dahkw'e,” gòhdi.

⁵⁰ Eyɪ tɪ'axòò Zezi edecheekeè xè kòta Jerusalem ts'òò nageèhde, kòta Bethany ts'òò ɠòwà-lea nègɪde. Ekò edilà ɪdòò ayɪlā gà gok'eèyahtɪ. ⁵¹ ɪlāà gok'eèyahtɪ et'ɪ gots'òò ɪdòò yak'e ts'ò niwiti. ⁵² Wecheekeè ɠits'ò nàgòìghè, eyi tɪ'axòò sù ɠinà xè Jerusalem ts'ò nageèhde. ⁵³ Dzè taat'eè Nòhtsɪkò-gocho gà geèhkw'e, Nòhtsɪ ghàsògeedi.

John wenɨhtɩ'è

Yatɩ du nèk'e ts'ò aja

¹ Kèhòjwo gots'ò Yatɩ wehòhɔq ìlè, eyɩ Yatɩ sɩ Nòhtsɩ xè wehòhɔq, eyɩts'ò eyɩ Yatɩ sɩ Nòhtsɩ elɩ. ² Ededɩ sɩ kèhòjwo gots'ò Nòhtsɩ xè wehòhɔq ìlè.

³ Ededɩ wet'òò t'asɩ hazòò hòèlɩ hɔt'e. Wedɛ t'asɩ wɩɩzɩ hòèlɩ nùlè. ⁴ Ededɩ wet'à ts'eeda hɔt'e. Ededɩ wet'à ts'eedaa sɩ dɔ gha dzɛh nɩɩɩ lanì. ⁵ Togoòt'òo yɩ dzɛh nɩɩɩ, hanìkò dɔ gɨgha togoòt'òo t'à dzɛh nɩɩɩ nugeedɩ-le.

⁶ Nòhtsɩ dɔ ìlè jɔ ts'ò yɩhɔà, John-Baptist wɩyeh. ⁷ Eyɩ dzɛh nɩɩɩ yeghɔ xàyahtɩ ha jɔ nùtɩa. Ededɩ wet'òò dɔ hazòò gɨgha ehkw'ɩ-ahodɩ gha aja. ⁸ John-Baptist ededɩ eyɩ dzɛh nɩɩɩ elɩ nùlè. Dzɛh nɩɩɩ ghɔ gode zɔ gha nùtɩa ìlè. ⁹ Dzɛh wedeèdlɩ wet'à dɔ hazòò gha dzɛh agode ha sɩ dɩ nèk'e dɔ ts'ò aja.

¹⁰ Dɩ nèk'e dɔ ta nàidè. Dɩ nèk'e dɔ hazòò whehtsɩ kò amɩ hɔt'ee sɩ gɩniedɩ-le. ¹¹ Edèot'ɩ ts'ò aja, hanìkò wèot'ɩ gɩwɔ-le. ¹² Hanìkò dɔ hazòò ehkw'ɩ adɩ gɩhwhɔ xè wexè aget'ɩ ha gɩwɔq sɩ Nòhtsɩ weza gɩlɩ k'èè gutà agòòlà. ¹³ Wezaa gɩlɩ sɩ dɔkwò t'à gɨgòhɩ awèts'edi-le, dɔ hanɩwɔ t'à le, eyɩts'ò dɔzhɩ wɩnì k'èè sɩ t'à le, hanìkò Nòhtsɩ dahxà gɨgòhɩ t'à Nòhtsɩ wezaa gɩlɩ hɔt'e.

¹⁴ Eyɩ yatɩ wehòhɔq sɩ dɔ whelɩ eyɩts'ò gota nàidè. Dàni enɩyah deè t'à wehòhɔq sɩ wets'aɩ. Ededɩ ìlèet'ee zɔ hanì enɩyah deè elɩ. Ededɩ sɩ Nòhtsɩ-Gotà gots'ò nùtɩa hɔt'e, wesɔnɩwɔ deè eyɩts'ò nàowo ehkw'ɩ wets'ò-èlɩ hɔt'e.

¹⁵ John-Baptist yeghɔ goɩde, dɩ hadɩ ezeh ìlè, “Dɩ dɔ weghɔ dɩ haehsɩ ìlè, ‘Ededɩ sek'èè nùtɩa ha sɩ senahk'e wet'aaɔàa deè hɔt'e, sekwe gots'ò hɔt'e ne t'à,’ ” hadɩ yeghɔ goɩde ìlè. ¹⁶ Sɩ gots'ò sɔnɩwɔ ts'ɩhɔ èlek'èdaa goxè sɨghà hòɔqò agòòlà. ¹⁷ Nòhtsɩ sɩ Moses wet'òò nàowo wet'à ts'eedaa sɩ gots'ò ayɩlɩ ìlè, hanìkò Zezì-Krɩ wets'ɩhɔ wesɔnɩwɔ deè eyɩts'ò nàowo ehkw'ɩ gots'ò aja. ¹⁸ Dɔ wɩɩzɩ Nòhtsɩ aɩ while. Nòhtsɩ ededɩ ìlèet'ee zɔ Nòhtsɩ-Gotà gà whedaa sɩ, Nòhtsɩ k'èts'eezɔqò agòòlà.

John-Baptist Christ nùlè

¹⁹ Kòta Jerusalem gots'ò Israel got'ɩ gha k'aodèe John-Baptist dageehke gha, yahtɩ eyɩts'ò Levite gɩlɩ gits'ò geèhɔà. Dageehke, “Amɩ anet'e?” gɩhdɩ t'à John-Baptist gots'ò goɩde. ²⁰ Edeghɔ gode ha edèdaedi-le, gots'ò ehkw'ɩ xàyahtɩ, “Christ aht'e nùlè,” gòhdɩ.

²¹ Eyit'à haguìhdi, "Hani-ìdè amì anet'e? Asjì Elijah anet'e?" guìhdi. John-Baptist hagòhdi, "Eyi aht'e-le." "Nakwenàoꝛꝛꝛ deè anet'e nì?" guìhdi. "Ìle," gòhdi.

²² Nqodea haguìhdi, "Amì anet'e? Gots'ò hadi, amì jò ts'ò gogeèhꝛàa sù gits'ò hats'edi ha t'à. Edeghò dàidi ha?" guìhdi.

²³ John-Baptist, nakwenàoꝛꝛꝛ Isaiah weyatì dek'eèht'è t'à gots'ò xàyahtì, hadi, "Ekì-ka nèk'e dū hats'edi yats'izeh hq't'e, 'Gots'ò K'àowo wegħa tìlì ehkw'ì nìꝛà aahle,' dek'eèht'è. Eyi dọ aht'e," gòhdi.

²⁴ Pharisee mòhdaa John-Baptist ts'ò gogeèhꝛà ìlè. ²⁵ John-Baptist dageehke, hagedi, "Christ anet'e-le, Elijah anet'e-le eyits'ò nakwenàoꝛꝛꝛ deè anet'e-le nìdè dànìghò dọ k'ètaìdzì?" guìhdi.

²⁶ John-Baptist gots'ò hadi, "Sì sù tì t'à naxìk'ètaìhdzì hq't'e, hanìkò dọ ìlè naxìta nàwoo sù wek'èahsq nùle. ²⁷ Ededì sù sek'èè nùtla ha hq't'e. Wekechìt'ìì ejiehge ha kò dọ lahoeht'ì-le," gòhdi.

²⁸ Jordan deh nìꝛàa gà kòta Bethany ekọ eyi hazòò hagòjà. Ekọ John-Baptist dọ k'ètaìdzì ìlè.

Nòhtsì wesahzòq wet'à dọ gihòjì gighò nahoezhe ha

²⁹ Ek'èdaedzèè k'e John-Baptist, Zezì yets'ò etle yaꝛì ekò, hadi, "K'eaht'ì. Nòhtsì wesahzòq wet'à dū nèk'e dọ gihòjì hazòò nahoezhe ha! ³⁰ Eyi dọ weghò dū haehsì ìlè, 'Dọ sek'èè nùtla ha sù sekwe wehòhꝛò hq't'e, eyit'à senahk'e wet'aaꝛàa deè elì.'

³¹ Sì kò wek'èehsq-le ìlè, hanìkò Israel got'ìì gik'èezò ha t'à tì t'à dọ k'ètaìhdzì hq't'e," gòhdi.

³² Eyits'ò John-Baptist yeghò dū hadi, "Yak'e gots'ò Yedàyeh Nezì k'àba degoo lanu Zezì k'e daàhtla gà yek'e dawheda weehzì. ³³ Sì wek'èehsq ha-le ìlè, hanìkò amì tì t'à dọ k'ètaìhdzì ts'ò sùhꝛàa sù sets'ò hadi, 'Dọ wek'e Yedàyeh Nezì dahtla xè yek'e dawheda, weneezì sù eyi dọ Yedàyeh Nezì t'à dọ k'ètaìdzì ha hq't'e,' sèhdi. ³⁴ Eyi dọ wets'ò dàgòjàa sù sedaà agòjà t'à, Nòhtsì Weza hq't'e wek'èehsq," John-Baptist gòhdi.

Zezì t'akwèlòè edecheekeè gòìhchì

³⁵ Ek'èdaedzèè k'e John-Baptist k'achì eyi wheda, wecheekeè nàke gixè at'ì. ³⁶ Zezì naetle yaꝛì ekò John-Baptist dọ gots'ò dū hadi, "K'eaht'ì. Nòhtsì wesahzòq naetle!" gòhdi.

³⁷ Wecheekeè nàke John-Baptist hadi egìkw'o ts'òet'ìì Zezì k'èè geède. ³⁸ Zezì gots'ò ets'aèhtla, gik'èè geède goaꝛì t'à Zezì dagoehke, "Ayìha aah't'ì?" gòhdi.

"Rabbì, edì nààdè?" guìhdi. ("Rabbì" gedì nìdè "dọ hoghàehtqò" gedì-agedì.)

³⁹ Zezì hagòhdi, "Sek'èlahtla nìdè wek'èahsq ha," gòhdi.

Eyit'à gɪk'èè goòhwho t'à edɪ̀ nàdèè sɪ̀ gɪaɪ̀. Ekɪ̀yèè k'e dɪ̀ nɪ̀ɔ̀ ɲè. Eyɪ̀ dzɛ̀ɛ̀ k'e gɪxɛ̀ gɪakw'è.

⁴⁰ Eyɪ̀ dɔ̀ nàkè sɪ̀ ɲè, Simon-Peter wechɪ̀ Andrew hòt'e. John-Baptist dàdɪ̀ yeèhkw'ò t'à Zezì k'èè èhtɫa ɲè. ⁴¹ Ekòet'ì Andrew edɪ̀de Simon ts'ò èhtɫa, hayèhdɪ̀, “Messiah wegots'ìhɔ̀” yèhdɪ̀. (“Messiah” gedɪ̀ ɲìdè “Christ” gedɪ̀-agedɪ̀.) ⁴² Eyit'à Andrew edɪ̀de Zezì ts'ò yeèhchì.

Zezì hotì Simon ghàɪ̀dà ekò hayèhdɪ̀, “Nɪ̀ sɪ̀ John weza Simon anet'e. Cephas nìyeh ha,” yèhdɪ̀. (“Cephas” gedɪ̀ ɲìdè “Peter” gedɪ̀-agedɪ̀.)

Philip eyits'ò Nathanael Zezì wecheekeè gɪ̀ɲɪ̀ agejà

⁴³ Ek'èdaedzɛ̀ɛ̀ k'e Zezì Galilee nèk'e ts'ò ajà. Ekò Philip wheda yazɪ̀, yets'ò hadɪ̀, “Sek'èɪ̀tɫa,” yèhdɪ̀.

⁴⁴ Philip Bethsaida got'ì hòt'e, Andrew eyits'ò Peter ededɪ̀ sɪ̀ ekò gots'ò agɪ̀t'e. ⁴⁵ Philip, dɔ̀ ɲè Nathanael wìyeh ts'ò èhtɫa, hayèhdɪ̀, “Moses, dɔ̀ ɲè ghò ɲt'è ɲèè sɪ̀ wegots'ìhɔ̀. Nakwenàòɔ̀ɔ̀ sɪ̀ weghò gɪ̀t'è ɲè. Joseph weza Zezì wìyeh kòta Nazareth gots'ò dɔ̀,” yèhdɪ̀.

⁴⁶ Nathanael yets'ò hadɪ̀, “Nazareth ɲɪ̀dɪ̀ nì? Ekò gots'ò t'asì neɲɪ̀ xàhohwhì ha nì?” yèhdɪ̀. “Sek'èɪ̀tɫa, wɪ̀ɲɪ̀ ha ne,” Philip yèhdɪ̀.

⁴⁷ Zezì, Nathanael naetɫe yazɪ̀ ekò yets'ò hadɪ̀, “Dɪ̀ dɔ̀ Israel got'ì wedeèdɪ̀ elɪ̀ hòt'e, eyits'ò eghòyats'eezàa wɪ̀zì wets'ò-èlì-le,” Zezì yeghò hadɪ̀.

⁴⁸ “Dàni sek'èɪ̀zò ghò aɪ̀dɪ̀?” Nathanael yèhdɪ̀. Zezì yets'ò hadɪ̀, “Philip nets'ò gode kwe, ɲàà jìechots'ì wet'ì'a wheɛ̀da ekò neehɪ̀ ɲè,” yèhdɪ̀.

⁴⁹ Eyit'à Nathanael hadɪ̀, “K'àowo, ɲɪ̀ sɪ̀ Nòhtsɪ̀ Weza anet'e, Israel got'ì gha K'àowocho anet'e,” yèhdɪ̀.

⁵⁰ Zezì hadɪ̀, “Jìechots'ì t'ì'a wheɛ̀da nèehsɪ̀ t'à negha ehkw'ì-ahodi. Eyɪ̀ wenahk'e t'asì deè lɔ̀ neɲɪ̀ ha hòt'e,” yèhdɪ̀. ⁵¹ Eyits'ò Zezì hadɪ̀, “Ehkw'ì anèehsɪ̀, yak'e negha xègoèht'ì ha, yak'eet'ì Dɔ̀-wet'ìàzàa-deè ts'ò dekegìide eyits'ò hodàgeedè neɲɪ̀ ha,” yèhdɪ̀.

2

Zezì t'akwetòò enìyah whehtsɪ̀

¹ Tai dzɛ̀ɛ̀ t'axòò Galilee nèk'e, kòta Cana ekò dɔ̀ ɲè honìda ha nòò. Zezì wemò ekò wheda. ² Zezì eyits'ò wecheekeè sɪ̀ gokàgehɪ̀ ɲè. ³ Jìetì k'ehòqwo ekò Zezì wemò yets'ò hadɪ̀, “Jìetì gɪts'ò-le ajà,” yèhdɪ̀.

⁴ Zezì yets'ò hadɪ̀, “Ts'èko, sɪ̀ sɪ̀dɪ̀-le, segha ɲàà wìle hòt'e,” yèhdɪ̀.

⁵ Zezi wemqo dq eyi eghàlageedaa sù ts'ò hadi, “Ayì dànaxèhdi sù haahle,” gòhdi.

⁶ Tì gha kwetq nechàa ek'ètai eyi whela, wet'à Israel got'ù edenàowo k'èè edilà eyits'ò edekè k'enagehtse. Kwetq ìhè naenq hanì-le-ìdè taenq ligalq haatlq ti weyù whet'ì hq't'e.

⁷ Zezi dq eyi eghàlagùdèe ts'ò hadi, “Kwetq weyù ti dagoòzqò aahle,” gòhdi. Eyi't'à kwetq yì ti dagoòzqò agùlà.

⁸ Eyi t'axqò Zezi gots'ò hadi, “Tì mòhdaa ààhchì gà nàsì gha k'àowo elù sù ghàahge,” gòhdi. Eyi't'à hagùlà. ⁹ Nàsì gha k'àowo ti jìetì whelù sù yek'ałegolì. Edù gots'ò jìetì agehù sù yek'èezq-le, hanikò dq kwetq yì ti dagoòzqò agùlà sù gik'èezq. Eyi't'à nàsì gha k'àowo whatsqò dq honìdza ts'ò hadi, ¹⁰ “Dq hazqò jìetì denahk'e nezù sù t'akwelqò dq ghàgeedi hq't'e. Dq dezqò jìetì lq giado t'axqò jìetì nezùtsò-le sù dq ghàgeedi. Hanikò nù sù jìetì denahk'e nezù sù dù gogha wek'enedi nqò,” yèhdi.

¹¹ Zezi kqta Cana wheda ekò eyi t'akwelqò enìyah whehtsì ìlè. Enìyah deè elù sù dq giazù agòòlà, eyi't'à wecheekeè weghq gini nàtsò agejà.

Zezi Nqhtsìkq-gocho ts'ò èhtl

¹² Eyi hagòjà t'axqò Zezi edemq, edechì eyits'ò edecheekeè xè kqta Capernaum ts'ò geède. Ekq whaà-lea ts'ò agùt'è.

¹³ Israel got'ù gìgha dzèdè Passover ts'ò hawe ekò Zezi kqta Jerusalem ts'ò ajà. ¹⁴ Ekq Nqhtsìkq-gocho gà dq t'asì ełeghq nàgeehdi nqò. Ejie, sahzqà, k'àba hanù ełeghq nàgeehdi, eyits'ò dq mòhdaa ladà k'e sqmba ehdagele ghq geèhk'w'e, Zezi goazì. ¹⁵ Eyi't'à t'ì t' à dekwa whehtsì, Nqhtsìkq-gocho gà gots'ò, sahzqà eyits'ò ejie hazqò xàgodeèzhì. Ladà k'e sqmba ehdagelee sù goghq kwìteyèhde t' à satsqà hazqò deè k'e ts'ò nalayeèht'ì. ¹⁶ Dq k'àba lanù gìghq nàèdì sù gots'ò hadi, “Dù hazqò xàahwha! Setà wekq nàèdì k'è goahstì ha nùle,” gòhdi.

¹⁷ Wecheekeè Nqhtsì Nìht'è k'e dù hanì dek'eèht'è gìnadi: “Nekq nezù wek'èhdi ha ghq hòt'ò anìhwhq,” dek'eèht'è.

¹⁸ Zezi hajà t' à Israel got'ù mòhdaa hagùhdi, “Amì wedahxà anet'ì? Godaà enìyah nechàa hòwhehtsì nùdè wek'èts'èezq ha,” gùhdi.

¹⁹ Zezi gots'ò hadi, “Dù Nqhtsìkq-gocho wedìhoahstì nùdè, tai dzèè k'ehqowo nùdè nagohtsì ha,” gòhdi.

²⁰ Eyi't'à Israel got'ù hagùhdi, “Djèng-daats'ò-ek'ètai xo t' à dù Nqhtsìkq-gocho gogehtsì hq't'e. Tai dzèè t' à kq nagohtsì ha nùdì nì?” gùhdi. ²¹ Nqhtsìkq ghq gojdee sù edezhù ghq godeè-adi ìlè. ²² Zezi naidà t'axqò wecheekeè eyi hadi sù gìnadi. Eyi't'à Nqhtsì Nìht'è k'e ayì dek'eèht'èe eyits'ò Zezi weyatù gìgha ehkw'ì-ahodì agejà.

²³ Zezi, dzɛdeɛ Passover gha kɔta Jerusalem wheda ekò, dɔ lɔ Zezi eniyah lɔ eghàlajà dà gɪaɪ, eyi't'à ehkw'1 adɪ gɪwɔqɔ agejà. ²⁴ Hanikò Zezi dɔ hazɔqɔ goinì k'èezɔ ts'ihzò deghàà dɔ ghàdih̄tè ha nɪwɔ-le. ²⁵ Dɔnì k'èezɔ t'à, dɔ ghɔ wets'ò hats'edi-le kò dɔ gidzèè k'èezɔ hɔt'e.

3

Zezi Nicodemus hoghàehtɔ

¹⁻² ɪl̄àà Pharisee gots'ɔ dɔ ɪl̄è, Nicodemus wiyeh, to Zezi ts'àèhtl̄a. Eyì dɔ sɪ Israel gha k'aodèè goxè wheda hɔt'e. Zezi ts'ò hadɪ, “K'àowo, nɪ sɪ Nòhtsɪ dahxà dɔ hoghàhtɔ wek'èts'eezɔ hɔt'e. Dɔ wɪzɪ nexèht'eè eniyah hohtsɪ ha dii, Nòhtsɪ yets'àdɪ lenɔsɪ,” yèhdi.

³ Zezi yets'ò hadɪ, “Ehkw'1 anèehsɪ, dɔ wɪzɪ k'achɪ wegòh̄h̄ lenɔsɪ Nòhtsɪ Wenàowoò k'èè hòzɔ yek'èezɔ ha dii,” yèhdi.

⁴ Nicodemus hadɪ, “Dɔ wegohòè lɔ sɪ dànì k'achɪ wegòh̄h̄ lɪ? K'achɪ edemɔ bò yì naetl̄a gà k'achɪ wegòh̄h̄ ha dii naà!” yèhdi.

⁵ Zezi yets'ò hadɪ, “Ehkw'1 anèehsɪ, dɔ tɪ t'à eyits'ɔ Yedàyeh Nezɪ t'à wegòh̄h̄ lenɔsɪ Nòhtsɪ Wenàowoò k'èè hòzɔ sɪ goy-aetl̄a ha nùle. ⁶ Dɔzh̄ɪ t'à dɔzh̄ɪ wegòh̄h̄ hɔt'e, hanikò Yedàyeh Nezɪ t'à dɔ wets'ɔ ɪnì wegòh̄h̄ hɔt'e. ⁷ K'achɪ negòh̄h̄ ha hɔt'e, dehsɪ sɪ, negha eniyah welè-le. ⁸ Nɪhts'1 sɪ t'ahòyɪ ts'ò k'eweehts'1 hɔt'e. Nɪhts'1 dèekw'ɔ wets'eèkw'ɔ, hanikò edɪ gots'ɔ at'1 eyits'ɔ edɪ ts'ò at'ɪ sɪ wek'èts'eezɔ-le. Dɔ Yedàyeh Nezɪ t'à gɪgòh̄h̄ sɪ gɪxè hanì hòzɔ hɔt'e,” yèhdi.

⁹ Nicodemus hadɪ, “Dànì hagòjà lɪ?”

¹⁰ Zezi yets'ò hadɪ, “Nɪ sɪ Israel got'ɪ gha dɔ-hoghàehtɔq-dɔq neli, hanikò dàehsɪ sɪ wenɪdì-le nì? ¹¹ Ehkw'1 anèehsɪ, t'asɪ k'èts'eezɔ eyits'ɔ t'asɪ wets'aɪɪ sɪ weghàà gots'ede hɔt'e, hanikò naxɪ dɔ xàzaa yàah̄h̄ sɪ ehkw'1 ats'edi goahwhɔ-le. ¹² Dɪ nèè gots'ɔ t'asɪ ghɔ naxɪxè gohdo, hanikò naxɪgha ehkw'1-le. Ekò yak'e gots'ɔ t'asɪ ghɔ naxɪxè gohdo nɪdè dànì naxɪgha ehkw'1 aehsɪ lɪ? ¹³ Dɔ wɪzɪ yak'e hoazɪ whìle, amɪ yak'e gots'ɔ dɪ nèk'e ts'ò ajàa sɪ ededɪ zɔ yak'e hoazɪ hɔt'e. Eyì sɪ Dɔ-wet'àazàa-deè hɔt'e. ¹⁴ T'akwe whaà Moses, ekɪ-ka nèk'e dechɪ k'e gòò ɪdòò ts'ò ayɪl̄a ɪl̄è. Eyì xèht'eè Dɔ-wet'àazàa-deè dechɪ k'e ɪdòò awedle ha hɔt'e. ¹⁵ Dɔ ehkw'1 adɪ yɪhwhɔq sɪ welɔ whìle ts'ò eda ha.

¹⁶ “Nòhtsɪ dɪ nèk'e dɔ hazɔqɔ sɪ goghòneètɔ t'à, edeza ɪl̄aet'ee dɔ t'f'ayɪhtɪ. Amɪ ehkw'1 adɪ yɪhwhɔq sɪ wedihòlè ha-le, welɔ whìle ts'ò eda ha. ¹⁷ Nòhtsɪ dɔ xè hoila hòèhtsɪ gha, edeza dɪ nèk'e ts'ò ayɪl̄a nùle, hanikò ededɪ wet'à dɔ edaxàgole gha ayɪl̄a. ¹⁸ Amɪ ehkw'1 adɪ yɪhwhɔq sɪ hoila awedle ha-le, hanikò amɪ ehkw'1 adɪ yɪhwhɔq-le sɪ hòt'a wesɪniyaeti hɔt'e,

Nòhtsɪ Weza ɲàet'ee sɪ wɛgha ehkw'ɪ-ahodɪ-le t'à. ¹⁹ Dɪ hani hòzɔ ts'ihzò Nòhtsɪ dɔ sɪniyahtɪ hɔt'e: Dzɛh dɪ nèk'e ts'ò ajà, hanikò dɔ nàowohɪ k'èè eghàlageeda ts'ihzò to gɪgha denahk'e nezi. ²⁰ Dɔ hoɲɪ hogehtsɪ sɪ dzɛh dzagɪhwhɔ. Gihohɪ wègaat'ɪ ha sɔni gɪwɔ t'à, dzɛh ts'ò agɛt'ɪ-le. ²¹ Hanikò dɔ ehkw'ɪ eda ha nɪwɔɔ sɪ dzɛh ts'ò at'ɪ, hani-ɪdè ayɪ eghàlaedaa sɪ Nòhtsɪ wedahxà at'ɪ, hotɪ wek'èhoedzɔ hɔt'e," Zezi gòhdi.

John-Baptist Zezi ghɔ gode

²² Eyɪ t'axɔɔ Zezi edecheekeè xè Judea nèk'e ts'ò geède. Ekɔ whaa-lea ts'ò goxè aɲt'è, eyɪts'ɔ dɔ k'ètaɪdzɪ. ²³ Ekɪyèè k'e kòta Anon eyɪts'ɔ kòta Salim ts'ò gɔɔwà-lea tɪ lɔ t'à, ekɔ John-Baptist dɔ k'ètaɪdzɪ eyɪts'ɔ dɔ gɪk'ètaɪdzɪ ha t'aats'ɔɔ ekɔ agɛt'ɪ. ²⁴ (John-Baptist wedaàtɔ kwe agot'ɪ ɲè.) ²⁵ John-Baptist wecheekeè eyɪts'ɔ Israel got'ɲɪ gha k'àowo ɲè edek'enats'ehtsee nàowoò ghɔ elets'ò nàyagehtɪ. ²⁶ Eyɪt'à John-Baptist ts'ò geède, hagedɪ, "K'àowo, dɔ ɲè, Jordan deh te nexè at'ɪ weghɔ goneedè là, dɔ k'ètaɪdzɪ t'à dɔ hazɔɔ wets'ò agɛt'ɪ," gɪhdi.

²⁷ John-Baptist gots'ò hadɪ, "Amɪ yak'e gots'ɔ la weghòt'ɔɔ sɪ yek'èè zɔ eghàlaeda hɔt'e. ²⁸ Naxɪts'ò dɪ haehsɪ ɲèè sɪ wek'èahsɔ ne, 'Sɪ Christ aht'e nɪle, hanikò sɪ sɪ wenakweè jɔ ts'ò sets'ɲhzà hɔt'e,' haehsɪ ɲè. ²⁹ Ts'èko honɪdzaa sɪ wedɔzhɪ ghaelɪ hɔt'e. Dɔ honɪdaa wèagɪɔ yekazèehkw'ɔ hɔt'e. Dɔ ts'ò gode yeèhkw'ɔ nɲdè sɪ winà hɔt'e. Eyɪ xèht'eè dɪ hòt'a sɪnà hɔt'e. ³⁰ Ededɪ dezòɔ wet'aazà ade ha hɔt'e, eyɪts'ɔ sɪ sɪ dek'aɲɪ ahde ha hɔt'e.

³¹ "ɪdòo gots'ɔ hodàèhtɪaa sɪ eyɪ denahk'e wet'aazàa deè hɔt'e. Dɪ nèk'e gots'ɔ dɔ elɪ sɪ dɪ nèè gots'ɔ dɔ hɔt'e, eyɪt'à dɪ nèè gots'ɔ dɔ gok'èè gode. Ekò yak'e gots'ɔ nɪtɪaa sɪ hazɔɔ t'à gonahk'e wet'aazàa deè hɔt'e. ³² Ayɪ ghàɪdàa eyɪts'ɔ ayɪ eèhkw'ɔɔ sɪ yeghɔ gode, hanikò dɔ wɲzɪ ehkw'ɪ adɪ ɲɲhwhɔ-le. ³³ Amɪ ehkw'ɪ adɪ ɲɲhwhɔɔ sɪ 'Nòhtsɪ ehkw'ɪ hɔt'e,' hadɪ hɔt'e. ³⁴ Nòhtsɪ dɔ gots'ɔ ɲɲhzàa sɪ yeyatɪ t'à gode hɔt'e, Nòhtsɪ, Yedàyeh Nezi degghà wets'ò-èlɪ ayɲɪlà. ³⁵ Nòhtsɪ edeza ghɔneètɔ hɔt'e, eyɪts'ɔ t'asɪ hazɔɔ gha k'àowo elɪ ayɲɪlà. ³⁶ Amɪ Nòhtsɪ Weza ehkw'ɪ adɪ ɲɲhwhɔɔ sɪ welɔ while ts'ò eda ha. Amɪ Weza nɪwɔ-le sɪ welɔ while ts'ò eda ha-le, Nòhtsɪ hoɪla yeghàhòzà ha sɪ wedawheɔ hɔt'e," John-Baptist edecheekeè gòhdi.

4

Zezi Samaria gots'ɔ ts'èko ts'ò gode

¹ Pharisee gɪɲɪ sɪ Zezi, John-Baptist nahk'e dɔ lɔ k'ètaɪdzɪ eyɪts'ɔ wecheekeè lɔ ajà ghɔ gɪkw'ò. ² Hanikò Zezi ededɪ dɔ

k'ètaidzi-le, wecheekeè aget'ì. ³ Zezi hagedi ghò iikw'o ekò Judea nèk'e gots'ò naèhtla, Galilee nèk'e ts'ò anaja.

⁴ Samaria nèk'e gok'egüde, hanì gigha hòzo t'à. ⁵ Eyi nèk'e kòta Sykar ts'ò nègüde. Jacob, dèè edeza Joseph ghàizo sù ts'ò gòqwa-le hòt'e. ⁶⁻⁸ T'akwe whaà Jacob dèè goyù ti-ts'ihchi-k'è gòhtsi sù eyi gòzo. Zezi niwà dèhtla t'à nihsò, eyi ti-ts'ihchi-k'è gà dèkwà. Dzétani eküyeè k'e agòht'e. (Wecheekeè t'asi nageehdi ha kòta ts'ò geède jlè.)

Njilà kòta Samaria gots'ò ts'èko ti ihchi ha eyi nùtla. Zezi yets'ò hadi, “Tì sàidi,” yèhdi.

⁹ Ts'èko yets'àèhyeh t'à hayèhdi, “Ekò nì Israel got'ù anet'e; sù sù Samaria gots'ò ts'èko aht'e. Dànì t'à ti sükè?” yèhdi. (Israel got'ù, Samaria got'ù xè aget'ì ha gwò-le t'à ts'èko hanì yets'ò gojde.)

¹⁰ Zezi hayèhdi, “Nòhtsi ayì dò ghàzaa sù wek'èizò nùde, eyits'ò amù ti neekèe sù wek'èizò nùde, ti wükè ha jlè. Hanìdè ti wet'à ts'eedaa neghàedi ha jlè,” yèhdi.

¹¹ Ts'èko yets'ò hadi, “K'àowo, wet'à ti ts'ihchi nets'ò-le eyits'ò ti-ts'ihchi-k'è izhù ti ts'ò gòqwa. Eyi't'à edjì gots'ò ti wet'à ts'eedaà anele li? ¹² Gocho Jacob wenahk'e anet'e ni-ghò aidi? Ededi dù ti-ts'ihchi-k'è goghàizo hòt'e. Ededi jò gots'ò ti ats'e, weza sù eyits'ò wets'ò tits'aadi sù jò ti giats'e hòt'e,” yèhdi.

¹³ Zezi yets'ò hadi, “Amù dù ti yedòq sù k'achì ti ghaewi ade ha hòt'e. ¹⁴ Hanìkò amù ti weghàehdi sù k'achì ti wjzì ghaewi ha nùle. Tì weghàehdi sù weyì gots'ò ti xàelhù lade ha; yet'à welò while ts'ò eda ha,” yèhdi.

¹⁵ Ts'èko yets'ò hadi, “K'àowo, k'achì ti ghaehwhi ha-le t'à, eyi ti seghàidi, hanìdè t'aats'òqò jò ts'ò ti ghòehda ha-le,” yèhdi.

¹⁶ Zezi yets'ò hadi, “Nedòqò xàatla gà wexè jò nàatla,” yèhdi.

¹⁷ Ts'èko yets'ò hadi, “Sedòqò gòhù nùle,” yèhdi.

Eyi't'à Zezi yets'ò hadi, “Ehk'w'ì aidi, nedòqò gòhù nùle. ¹⁸ Nedòqò slà gòlè eyits'ò dù dò wexè nàadèe sù nedòqò nùle. Ehw'ì xàyanehi,” yèhdi.

¹⁹ Ts'èko hadi, “K'àowo, nakwenàozoqò anet'e nõ. ²⁰ Gocho dù shih k'e Nòhtsi ts'ò yagühti hòt'e. Hanìkò naxì Israel got'ù aahù sù Jerusalem ekò zò dò hazòqò Nòhtsi ts'ò yagehti ha dahdi,” yèhdi.

²¹ Zezi yets'ò hadi, “Ts'èko, ehkw'ì anèehsi, idaà nùde jò shihka zò eyits'ò Jerusalem ekò zò Nòhtsi-Gotà ts'ò yaahti ha nùle. ²² Naxì dò yàahù sù ayì ts'ò yaahti sù wek'èahsò nùle; goxì amù ts'ò yats'ehti sù wek'èts'eezò hòt'e, dò edaxàlee sù Israel got'ù gots'ò ne t'à. ²³ Idaà nùde —hòt'a jò nihòqwo— amù Nòhtsi-Gotà ts'ò sù yagehti ha gwò nùde, Nòhtsi wets'ò Inì t'à ehkw'ì gits'ò yahti ha hòt'e. Gotà hanì wets'ò yats'ehti ha

gohhwhò họt'e. ²⁴ Nòhtsì sù Ìnì họt'e. Dọ Nòhtsì ts'ò yagehtu sù wets'ò Ìnì t'à ehkw'ì gits'ò yahtì ha họt'e," yèhdi.

²⁵ Ts'èko hadì, "Ìdaà nùdè Messìah nùtla ha wek'èehsò. Nùtla nùdè t'asì hazòò godaedi ha họt'e," yèhdi. ("Messìah" gedi nùdè "Christ" gedi-agedì.)

²⁶ Eyt'à Zezì yets'ò hadì, "Sì, nets'ò gohdee sù eyì aht'e," yèhdi.

Zezì wecheekeè wets'ò nọ̀ọ̀gùde

²⁷ Ekìyee k'e Zezì wecheekeè nọ̀ọ̀gùde. Zezì ts'èko ts'ò gode t'à sù gìgha enìyah. Hanìkò Zezì dagùhke t'à, "Ayì neewò?" hanì-le-ìdè "Dànìghò wets'ò gojde?" gùhdi-le.

²⁸ Ts'èko edetìtòò dẹ kòta ts'ò naèhtla. Ekò dọ ts'ò dù hadì, ²⁹ "Sek'èahdè! Yeè dọ whedaa sù t'asì hazòò hahlaa sù yek'èezò. Asì eyì Christ at'ì sọnì?" gòhdi. ³⁰ Eyt'à kòta gots'ò dọ hazòò Zezì ts'ò geède.

³¹ Ts'èko naèhtla t'axòò Zezì wecheekeè gits'ò hadì, "K'àowo, t'asì ghò shèhtì," gùhdi.

³² Hanìkò Zezì gots'ò hadì, "Ayì weghò shèhtì ha sù wek'èahsò nùle," gòhdi.

³³ Eyt'à wecheekeè dalegeehke, "Asì dọ t'asì yeghànùdì ghò adì?" gedi.

³⁴ Zezì gots'ò hadì, "Amì jò ts'ò sùhzaa sù wek'èaht'e ha họt'e eyits'ò la seghàzòò sù weghò naht'è ha họt'e. Eyì sedì họt'e. ³⁵ Naxì dọ yàahù sù dù haahdi: 'Dì sa t'axòò nùdè t'asì dehshee sù nàts'ehtsì gá xehkò goyats'eewa ha,' dahdi. Hanìkò sù dù hanaxèehsì, 'Dèe k'e k'eaht'ì. T'asì dehshee sù dùdì ajà, hòt'a nàts'ehtsì ha nezì.' ³⁶ Dọ t'asì dùdì xàyeht'aa sù hòt'a dù-t'ì wets'azèedi họt'e. Hòt'a dù-t'ì welò while ts'ò geeda ha dọ lọ nàhtsì. Hanì-ìdè dọ t'asì dehshee nègelee sù eyits'ò dọ t'asì dùdì nàgehtsì sù ìlah elexè gùna ha họt'e. ³⁷ Dọ dù hagedì ehkw'ì họt'e, 'Dọ ìlè wet'à t'asì dehshee nèyele, eyits'ò dọ ìlè wets'ò t'asì dùdì nàyehtsì.' ³⁸ La wek'e eghàlaahdà-le kò, wets'ò t'asì dehshee nàhtsì ha ts'ò naxehza họt'e. Dọ eyì-le hòt'ò gìghàlagùdà, gùlè gots'ò t'asì nezì nàhtsì ha," Zezì edecheekeè gòhdi.

Samaria got'ì lọ Zezì ehkw'ì adì gùhwhò

³⁹ Eyì kòta gots'ò Samaria got'ì lọ Zezì ehkw'ì adì gùwòò agejà. Eyì ts'èko yeghò dù hadì t'à, "T'asì hazòò hahlaa sù sets'ò hadì." ⁴⁰ Eyt'à Samaria got'ì Zezì ts'àgede. Whaà-lea ts'ò gogà wheeda gùhdi t'à nàke dzèè ts'ò gogà aht'è. ⁴¹ Zezì weyatì ts'ìhòò denahk'e dọ lọ gìgha ehkw'ì-ahodì agejà.

⁴² Eyt'à ts'èko ts'ò hagedì, "Neyatì zò t'à gogha ehkw'ì-ahodì nùle, hanìkò goxì xàè weyatì ts'ìkw'ò t'à. Ededì sù xàè dù nèk'e dọ Edaxàgolee eì họt'e, hotù wek'èts'èezòò ats'èjà," gùhdi.

Dèe-ts'ò-k'àowo-cheekeè weza k'aat'ì ajà

⁴³ Zezi, nàke dzeḡe ts'ò eyi dọ goxe aṭt'è t'axòḡ Galilee nèk'e ts'ò ajà. ⁴⁴ (Zezi ededḡ du hadi ḡlè, “Nakwenàoḡḡ sù wekòta gots'ò dọ agṡt'ee sù dọ giit'ì nùlè,” hadi.) ⁴⁵ Zezi Galilee nèk'e nùitla ekò ekọ got'ḡ ḡiaḡi t'à, ḡnà. Kòta Jerusalem ekọ dzedeè Passover ḡixè agòjà t'à Zezi dani eghàlaidàa sù ḡiaḡi ḡlè.

⁴⁶ Zezi k'achḡ Galilee nèk'e kòta Cana nùitla, ekọ tì t'à jìeti whehtsi ḡlè. Dèe-ts'ò-k'àowo-cheekeè ḡlè ekọ wheda, kòta Capernaum ekọ weza eyaelḡ. ⁴⁷ Eyi k'àowo, Zezi Judea nèk'e gots'ò Galilee nèk'e nùitla yeghò ùkw'o t'à yets'àèhtla. Zezi ḡhòndaaeti, “Sek'èṭtla, sezaa eḡadaawù sù k'aat'ì awḡlè,” yèhdi, yeghòndaaeti.

⁴⁸ Zezi yets'ò hadi, “Naxidaà enùiyah nàhòwo lenḡsù naxigha ehkw'ì-ahodi ha nùlè,” yèhdi.

⁴⁹ Dèe-ts'ò-k'àowo-cheekeè hadi, “K'àowo, sezaa eḡaawù kwe sek'èṭtla,” yèhdi.

⁵⁰ Zezi hayèhdi, “Nekò ts'ò naṭtḡ. Nezaa eda ha,” yèhdi.

Eyi dọ Zezi ehkw'ì adi niwọ t'à edekò ts'ò naèhtla. ⁵¹ K'àowo ḡlè tḡl k'e naetḡ ekò wecheekeè godi xè ḡighaḡḡde, hagedi, “Nezaa eda xè k'aat'ì anaja,” ḡiḡhdi.

⁵² K'àowo gots'ò hadi, “Dàtḡ nùḡḡ k'e k'aat'ì ajà?”

“Ḳxèḡ, ḡlè nùḡḡ ekùiyèè, edì-elì-le ajà ḡlè,” ḡiḡhdi.

⁵³ Eyi t'à k'àowo, Zezi dàyèhdi sù hotù eyi sadzeè k'e agòjà yek'èhoèhza. “Nezaa eda ha,” Zezi yèhdi ḡlè. Eyi hagòjà t'à ededḡ eyits'ò dọ hazòḡ wekò nàgedèè sù ḡigha ehkw'ì-ahodi agejà.

⁵⁴ Di xè Zezi nàkeè enùiyah hòèhtsi hḡt'e. Judea nèk'e gots'ò Galilee nèk'e nòḡtla t'axòḡ eyi hagòjà.

5

Dọ k'eda-le sù k'aat'ì ajà

¹ Eyi t'axòḡ Israel got'ḡ ḡigha nàsḡdeè holè ha t'à, Zezi Jerusalem nàhtla. ² Jerusalem ekọ enùitḡ nechàa ḡà tia whehtḡ. (Eyi enùitḡ nechàa sù “sahzòḡ-gha-enùitḡ” wiyeh, eyits'ò eyi tia, Aramaic ḡiyatù k'èḡ, Betesda wiyeh.) Eyi tia wemḡḡ sagòhzi-k'è sḡlài ḡòla. ³⁻⁴ Eyi wet'la dọ-eyaelḡ ḡò whete. Mòhdaa ḡidaà goilee, mòhdaa k'egedè-le eyits'ò mòhdaa ḡikw'òḡ eḡadè. ⁵ Dọ ḡlè eyi whedaa sù taenḡ-daats'ò-ek'èḡ xo gots'ò k'eda-le hḡt'e. ⁶ Zezi eyi dọ ekọ whetḡ yaḡi. Whaà gots'ò hanì eyaelḡ yeghò ùkw'o t'à dọ eyaelḡ ts'ò hadi, “Asḡ k'aat'ì anede ha neewḡ?” yèhdi.

⁷ Eyi dọ hadi, “K'àowo, tì nàeda ts'òet'ì tì yiehtla ha dọ sets'àwedì whìle. Ḳlè tì ts'ò ehtḡ et'ì dọ sekwe tì yietla,” hadi.

⁸ Eyi t'à Zezi yets'ò hadi, “Nùitla, netè nùzah ḡà k'èṭtḡ,” yèhdi.

⁹ Ekòet'ì eyi dọ k'aat'ì ajà. Edetè nùzah ḡà k'èṭtḡ ajà.

Eyi hagòjàa sù Nòhtsɪ Dzeɛ k'e agòjà. ¹⁰ Eyi t'à Israel gha k'aodèe eyi dɔ k'aat'ì ajàa sù ts'ò hagedi, “Nòhtsɪ Dzeɛ k'e agòht'e, gonàowoò k'èch'a netè k'enehchi,” gùhdi.

¹¹ Hanikò eyi dɔ hadi, “Dɔ k'aat'ì asùlìlāa sù sets'ò dɪ hadi, ‘Netè nùza gà k'eitlo,’ sèhdi t'à aht'ì,” gòhdi.

¹² Eyi t'à hagiùhdi, “Eyi dɔ, ‘Netè nùza gà k'eitlo,’ nèhdi sù amì hɔt'e?” gùhdi.

¹³ Dɔ k'aat'ì ajàa sù amì ayìlìlāa sù yek'èezɔ-le, Zezi dɔnì ts'ò èhtlā t'à.

¹⁴ Eyi t'axòò Nòhtsɪkò-gocho gà Zezi k'achì nayat'ì t'à, yets'ò hadi, “Negha k'aat'ì agòjà, nezì. K'achì hoùù k'èè eghàlāda-le, hanì-le-ìdè dànì eyanelèe sù wenahk'e nexè hoilà agode ha,” yèhdi. ¹⁵ Eyi dɔ k'aat'ì ajàa sù Israel gha k'aodèe gots'ò èhtlā, hagòhdi, “Zezi k'aat'ì asùlìlā,” gòhdi.

Nòhtsɪ Weza Edetà winì k'èè eghàlaeda

¹⁶ Zezi, Nòhtsɪ Dzeɛ k'e hanì eghàlāda t'à k'aodèe Zezi gha hoilà hogehtsù agejà. ¹⁷ “Nòhtsɪ Dzeɛ k'e kò Setà t'aats'òò edilāa ghàlaeda hɔt'e t'à, sù sù t'aats'òò eghàlaehda hɔt'e,” Zezi gòhdi. ¹⁸ Zezi hadi ts'ihzò k'aodèe k'èdaa gɪweè haɪwò. Nòhtsɪ Dzeɛ nàizhì zò nùle gɪwò, hanikò Nòhtsɪ xàè setà hɔt'e dɪ t'à Nòhtsɪ xèht'eè adìlìdā.

¹⁹ Zezi gots'ò hadi, “Ehkw'ì anaxèehsɪ, Weza sù ededahxà t'asù ghàlaeda nùle. Wetà ayì ghàlaedaa yeghàedaa sù eyi zò yeghàlaeda hɔt'e. Wetà dànì eghàlaedaa sù Weza yexèht'eè eghàlaeda hɔt'e. ²⁰ Gotà Edeza ghòneètò hɔt'e, t'asù hazòò ghàlaedaa sù yeghàedaà ayehzì. Hèzè, eyi wenahk'e t'asù deè ghàedaà ayele ha, naxìgha enìyah dìi ha ne. ²¹ Gotà dɔ ełāidèe sù naidà xè geedaà agohzì. Eyi xèht'eè Weza wegħa sughà k'èè dɔ eda ha nɪwòò sù hagohzì hɔt'e. ²² Eyi t's'ò Gotà dɔ wɪzì sɪnìyaehɪ nùle, hanikò Weza dɔ hazòò gosɪnìyaehɪ ha wet'ì àa whezòò ayìlìlā. ²³ Hanì-ìdè dɔ hazòò Gotà ts'ò nezì nageza lanì Weza ts'ò nezì nageza ha. Gotà Edeza gots'ò yùhà t'à, amì Weza ts'ò nezì nageza-le sù Wetà ts'ò nezì nageza-le hɔt'e.

²⁴ “Ehkw'ì anaxèehsɪ, amì seyati iikw'o xè t'aa sùhàa sù ehkw'ì adi yùhwhòò sù welò whìle ts'ò eda ha, eyi t's'ò hoilà awedle ha-le. Ełāwo gots'ò eda ts'ò lātāhtlā hɔt'e. ²⁵ Ehkw'ì anaxèehsɪ, whā-le-t'ì, hòt'a jò nèhòwo hɔt'e, dɔ ełāgùdè lagùt'ee sù Nòhtsɪ Weza gode gùkw'o ha. Dɔ egùkw'oo sù geeda ha. ²⁶ Gotà wet'ì ts'eeda hɔt'e, eyi xèht'eè Weza sù t'à ts'eeda hɔt'e, hanì wet'ì hòzò ayìlìlā. ²⁷ Weza Dɔ-wet'ì àazāa-deè eł ne t'à wedahxà dɔ hazòò gosɪnìyaehɪ ha yeghàhòzò hɔt'e.

²⁸ “Dɪ haehsù sù naxìgha enìyah welè-le. Nòde nùdè dɔ hazòò gùkw'òò nìtòò sù gots'ò gode gùkw'o ha hɔt'e, ²⁹ deè goyì gots'ò xāgeedè ha. Dɔ nezì eghàlagùdāa sù geeda ts'ò negùdè ha, hanikò dɔ nàowoùù k'èè eghàlagùdāa sù gisɪniyaeti

ts'ò negiùdè ha. ³⁰ Sɪ whatsoqò t'asì hahlè ha dii. Ayì eèhkw'ò ghàà zò dọ sɪniyaeh̄tì h̄ot'e. Sɪni k'èè eghàlaeh̄da nùlè, amì sɪh̄zàa sɪ wɪni k'èè zò aht'ɪ. Hanì-ɪdè sɪ dọ gɪsɪniyahtì nɪdè ehkw'ɪ zò xàyahtì h̄ot'e.

Zezi wetà yegha gode

³¹ “Sɪ edegh̄o xàyahtì nɪdè seyatiù ità ha nùlè. ³² Hanìkò eyiù-le segh̄o nezɪ xàyahtì sɪ ehkw'ɪ h̄ot'e, segh̄o dàdù sɪ ità ha wek'èehs̄o.

³³ “Naxɪ John-Baptist daweahke ha dọ wets'ò aahlà ɲlè, amì ehkw'ɪ h̄ot'e sɪ yegh̄o naxits'ò goɪde ɲlè. ³⁴ Dọ segh̄o xàyagehtì ha segha wet'aaɓà nùlè, hanìkò naxɪgha wegh̄o xàyahtì, hanì-ɪdè naxɪgha ehkw'ɪ-ahodi nɪdè edaxànaaxeetè ha welè. ³⁵ John-Baptist t̄lèk'òq dèk'òq laɪt'è, wet'à dzeh̄ nɪdɪ ɲlè. Naxɪgha nezɪ t'à whaà-lea gots'ò wexè aah̄t'ɪ ɲlè.

³⁶ “Hanìkò ayì eghàlaeh̄daa sɪ John-Baptist weyatiù nahk'e wet'aaɓà h̄ot'e. Setà la segh̄aɪz̄oq sɪ wegh̄o nah̄t'è ts'ò weghàlaeh̄daa aht'ɪ. Eyɪ la weghàah̄da weghàà, Setà j̄o ts'ò sɪh̄zàa sɪ wek'èehs̄o ha. ³⁷ Eyits'ò Setà j̄o ts'ò sɪh̄zàa sɪ ededɪ xàè segh̄o xàyahtì h̄ot'e. Setà weahkw'ò eyits'ò weahz̄ɪ sɪ whìle. ³⁸ Dọ naxits'ò yɪh̄zàa sɪ naxɪgha ehkw'ɪ adì-le t'à, weyatiù naxɪdzeè yì whez̄o-le. ³⁹ Nòhtsɪ Nɪhtl'è wet'à wel̄o whìle ts'ò ts'eeda ha dahwh̄o t'à, hotù weghàdeah̄t̄o. Eyɪ Nòhtsɪ Nɪhtl'è sɪ segh̄o godeè adì h̄ot'e, ⁴⁰ hanìkò aah̄da anaxeh̄le ha sɪ sets'ò aah̄de ha dahwh̄o-le.

⁴¹ “Dọ segh̄o nezɪ agedɪ gha aht'ɪ-le, ⁴² hanìkò naxɪk'èehs̄o; naxɪdzeè t'à Nòhtsɪ gh̄on̄iaht̄o nùlè. ⁴³ Setà wedahxà j̄o n̄eèhtl̄a, hanìkò ehkw'ɪ aehs̄ɪ seahwh̄o-le. Ekò dọ ededɪ ededahxà j̄o n̄iitl̄a nɪdè eyɪ dọ naxɪgha ehkw'ɪ adì ha h̄ot'e. ⁴⁴ Dọ naxɪgh̄o nezɪ agedɪ ha dahwh̄o, hanìkò Nòhtsɪ naxɪgh̄o nezɪ adì gha hots'q̄n̄iaht̄à-le. Hanì-ɪdè dànì naxɪgha ehkw'ɪ-ahodi lɪ?

⁴⁵ “Hanìkò Setà wenadaq̄a naxɪk'e nɪdahoeht̄à ha dahwh̄o-le. Moses weyatiù k'èats'ɪt'è dahwh̄o t'à ededɪ naxɪk'e nɪdahoeht̄à ha. ⁴⁶ Moses segh̄o ɪt̄l'è h̄ot'e, naxɪgha ehkw'ɪ adì nɪdè sɪ sɪ naxɪgha ehkw'ɪ aehs̄ɪ ha ɲlè. ⁴⁷ Hanìkò ayì dek'enèyɪt̄l'èè sɪ naxɪgha ehkw'ɪ-le. Eyit'à dàehs̄ɪ sɪ dànì naxɪgha ehkw'ɪ lɪ?” Zezi gòh̄dì.

6

Zezi dọ l̄o wànɪdì

¹ Whaà hoòwo t̄l'ax̄òq, Zezi Galilee nèk'e tɪ whet̄oq (Tiberias-tì sɪ wìyeh) wetadà ts'ò ajà. ² Zezi dọ-eyaelɪ gha eniyyah ghàlaɪdà gɪaz̄ɪ t'à dọ l̄o gɪk'èè goòhwho. ³ Dọ eyɪ nègùdè kwe, Zezi shìh̄ dekegòq̄zà k'e edecheekeè xè ɪatsaa ɲdà. ⁴ Ekɪyèè k'e Israel got'ɲ̄ gits'ò dzèdèè Passover ts'ò hawe.

⁵ Zezi dɔdeè gits'òède goazɪ èkò Zezi Philip ts'ò hadɪ, “Dɪ dɔ gɪghɔ shèzhe ha edɪ gots'ɔ lèt'è nàts'eèhdi lì?” yèhdi. ⁶ Zezi ayɪ dàyele ha sɪ yek'èezɔ, hanikò ekɪ yeèhdzà ha t'à dayɪhke.

⁷ Philip yets'ò hadɪ, “Ek'èdɪ sa eghàlats'ɪdà kò dɔ haàtɔɔ gha lèt'è nàts'eèhdi ha dii. Hazɔɔ nechà-lea gɪwàhɔɔdɪ kò lèt'è gɪxètɔ ha-le,” yèhdi.

⁸ Wecheekeè ɪè, Andrew, Simon-Peter wechɪ, hadɪ, ⁹ “Jɔ chekoa lèt'è nechà-lea sɪlài eyɪts'ɔ hwe nàke k'ele, hanikò sɪ dɔ lɔ t'à t'asɪ elɪ ha-le,” yèhdi.

¹⁰ Zezi edecheekeè ts'ò hadɪ, “Dɔ hazɔɔ geèhkw'eè agɪahle,” gòhdi. Ekɔ t'oh lɔ gòhɪ, eyɪt'à dɔ gɪk'eèhkw'e. Dɔzhɪ zɔ ts'ɪhtà nɪdè sɪlài-lemɪ eyɪ dèhkw'e. ¹¹ Eyɪ t'axɔɔ Zezi lèt'è neyɪwa, yek'eèyahtɪ gà dɔ geèhkw'ee sɪ gotaàgɪla. T'agɪwɔ ts'ò shègɪazhe. Eyɪ xèht'eè hwe hayɪlà.

¹² Dɔ hazɔɔ nezɪ shègɪazhe t'axɔɔ Zezi edecheekeè ts'ò hadɪ, “T'asɪ weghàhoòwoo sɪ nàahtsɪ. T'asɪ wɪzɪ ekɪ ka zɔgɪhdè-le,” gòhdi. ¹³ Eyɪt'à dɔ t'asɪ ghàgeèzàa sɪ wecheekeè hazɔɔ nàgèhtsɪ. Dɔ shègɪazhe t'axɔɔ lèt'è deɔɔ whelaa sɪ t'ohɔ hoòɔ-daats'ɔ-nàke dagoòzɔ nàgèhtsɪ.

¹⁴ Zezi dɪ hanɪ dɔ gha enɪyah hòèhtsɪ gɪazɪ t'à dɔ elets'ɔ hagedɪ, “Nakwenàozɔ deè dɪ nèk'e nɪtɪla ha ɪlè sɪ eyɪ at'ɪ sɔnɪ,” gedi. ¹⁵ Zezi k'àowocho gehtsɪ ha gɪwɔ, yek'èezɔ. Hanikò ededɪ hanɪwɔ-le t'à whatsɔ shɪhta ts'ò anajà.

Zezi tɪ ka naetle

¹⁶ Xèhts'ò agòjà èkò Zezi wecheekeè tabàa ts'ò geède. ¹⁷ Elà yɪ gɪde gà ɪnɔɔ kòta Capernaum ts'ò nageèht'e. Hòt'a gɪxè to agòjà, hanikò Zezi gots'ɔ nɪtɪla-le. ¹⁸ Nɪhts'ɪ nàtso xè taatɪ nechà ajà. ¹⁹ Tai echɪ hanɪ-le-ɪdè tai-àtanɪ echɪ ts'ò nègɪze èkò Zezi tɪ ka elà ts'ò etɪe gɪazɪ, eyɪt'à sɪ geèhyeh. ²⁰ Hanikò Zezi gots'ɔ hadɪ, “Sɪ aht'ɪ. Dahjɪ-le!” gòhdi. ²¹ Zezi hagòhdi t'à elà yɪ etɪaà agɪlà. Edɪ ts'ò aget'ɪ ɪlè sɪ ekòet'ɪ elà gɪxè tàèhtɪ.

²² Ek'èdaedzèè k'e ɪnɔɔ dɔ lɔ ageèhkw'ee sɪ elà ɪlè zɔ gɪazɪ gɪnadi. Zezi edecheekeè xè elà yietɪla-le ɪlè, eyɪts'ɔ whatsɔ nageèht'e ɪlè gɪnadi. ²³ Eyɪt'à kòta Tiberias gots'ɔ dɔ mòhdaa elà t'à geèze. Edɪ Zezi lèt'è k'eèyahtɪ eyɪts'ɔ edɪ dɔ shègɪazhe ɪlè sɪ ekɔ dàgɪde. ²⁴ Zezi eyɪts'ɔ wecheekeè ekɔ geèhkw'e-le nɔɔ dɔ hazɔɔ gɪk'èhoèhzà èkò k'achɪ elà yɪ nagɪde, Zezi hagɪwɔ ha kòta Capernaum ts'ò nageèht'e.

Zezi lèt'è wet'à ts'eedaa elɪ

²⁵ ɪnɔɔ dɔ Zezi gɪazɪ èkò dageehke, “K'àowo, dàht'e jɔ nɔɔneetɪ?” gɪhdi.

²⁶ Zezi hadɪ, “Ehkw'ɪ anaxèhsɪ, t'aahwhɔ ts'ò lèt'è ghɔ shèahzhe t'à sekaahwhɔ hɔt'e, naxɪdaà enɪyah nàhòwo t'à sekaahwhɔ nɪle. ²⁷ Lèt'è tsɪwɪ ha sɪ gha eghàlaahda-le, hanikò

lèt'è wet'à welo while ts'ò aahda ha sù gha eghàlaahda. Dò-wet' àazàa-deè eyi lèt'è naxìghàzà ha. Edeɖi sù Nòhtsɪ-Gotà wini k'èè eghàlaeda wek'èedzòò ayɪlà họt'e," hadi.

²⁸ Zezi edegho hadi t'axòò dò dageehke, "Nòhtsɪ dànì wegħa eghàlats'eeda ha goɪhwhò?" gùhdi.

²⁹ Zezi hadi, "Nòhtsɪ sù dui hanì eghàlaahda ha naxìhwhò: dò naxits'ò yùhzaa sù ehkw'ì adì weahwhò ha," gòhdi.

³⁰ Eyit'à hagiùhdi, "Godaà eniyyah deè hoɪhtsɪ nɪdè wegħàa ehkw'ì aɪdì nets'ùhwhò ha. ³¹ T'akwe whaà gocho ekì-ka nèk'e 'manna' ts'edi gùzà jìè, enɪht'è k'e dek'eèht'è: 'Yak'e gots'ò lèt'è goghànɪdì," Zezi ts'ò hagedi.

³² Zezi gots'ò hadi, "Ehkw'ì anaxèehsɪ, Moses ededɪ yak'e gots'ò lèt'è naxìghàɪdì nùile, hanikò Setà ededɪ sù yak'e gots'ò lèt'è wedeèdɪ naxìghàɪdì họt'e. ³³ Yak'e gots'ò hodàèht'laa sù ededɪ, Nòhtsɪ welèt'è họt'e, dui nèk'e dò geedaà agohzɪ," gòhdi.

³⁴ Zezi ts'ò hagedi, "K'àowo, jò gots'ò jdaà eyi lèt'è goghàɪdì," gùhdi.

³⁵ Eyit'à Zezi edegho dui hadi xàyaɪhtɪ, "Sɪ eyi lèt'è wet'à ts'eadaa aht'e. Amì sets'ò at'ù sù k'achɪ deèhdi hoɪɪ ha-le, eyits'ò amì wegħa ehkw'ì aehsɪ sù k'achɪ tɪ għaewɪ ha-le. ³⁶ Hanikò dui hanaxèehsɪ jìè, 'Seahzɪ, hanikò jìà naxìgha ehkw'ì aehsɪ-le.' ³⁷ Setà dò hazòò seghàɪlaa sù sets'ò agede ha, amì sets'ò at'ù sù naweehzaà hoɪɪ ha-le. ³⁸ Sini k'èè eghàlaehda ha yak'e gots'ò jò nèeht'la nùile, hanikò amì sùhzaa sù ededɪ wini k'èè eghàlaehda ha ahjà. ³⁹ Amì sùhzaa sù dui hanıwò: dò hazòò seghàɪlaa sù jìè kò seghò dıkøet'la ha-le, hanikò nõode dzeè k'e nɪdè hazòò nagidà ageh'le ha. ⁴⁰ Dò hazòò Weza ts'ò nageza xè gıgha ehkw'ì ahodu sù welo while ts'ò geeda ha, Setà hanì ha nıwò họt'e. Amì ehkw'ì aehsɪ sùhwhòò sù nõode dzeè k'e nɪdè naidà aweh'le ha," Zezi hadi edegho gode.

⁴¹ "Yak'e gots'ò lèt'è dui nèk'e ts'ò ajàa sù eyi aht'e," Zezi hadi t'à Israel got'ù gıghò sògedi. ⁴² Hagedi, "Dui Joseph weza Zezi nì-ıt'e? Wetà eyits'ò wemò gık'èts'eezò họt'e. Eyit'à dànighò edegho hadi, 'Yak'e gots'ò hodàèht'la,' gedi.

⁴³ Zezi gots'ò hadi, "Seghò sòahdi-le. ⁴⁴ Setà jò ts'ò sùhzaa sù dò sets'ò ayehzɪ lenosɪ, dò wızı sets'ò ade ha dii. Hanikò dò sets'ò ajà nɪdè nõode dzeè k'e naidà aweh'le ha. ⁴⁵ Nakwenàozòò dui hanì gıht'è jìè: 'Nòhtsɪ dò hazòò hoghàgoehtò ha,' gedi jìè. Dò hazòò Setà weyatı gıkw'o xè gık'èè eghàlaedaa sù sets'ò aget'ı. ⁴⁶ Dò wızı Gotà azı while, Nòhtsɪ wets'ò ne sù ededɪ zò Gotà ezı họt'e. ⁴⁷ Ehkw'ì anaxèehsɪ, amì ehkw'ì adì sùhwhòò sù welo while ts'ò edaa sù hòt'a wegħòt'ò họt'e. ⁴⁸ Sɪ lèt'è wet'à ts'eadaa aht'e. ⁴⁹ T'akwe whaà naxıcho ekì-ka nèk'e 'manna' ts'edi gùzà jìè, hanikò ełàagıdè. ⁵⁰ Ekò dui yak'e gots'ò lèt'è dui nèk'e ts'ò ajàa sù jò

wheda họt'e. Dọ yeghọ shètɪ sù ɛ̀l̀aàwɪ ha-le. ⁵¹ Yak'e gots'ọ lèt'è dɪ nèk'e ts'ò ajàa sù, eyɪ aht'e. Dɪ lèt'è dọ yeghọ shètɪ nɪdè welọ while ts'ò eda ha. Dɪ lèt'è sezhɪ họt'e, dɪ nèk'e dọ hazọọ gɪgha họt'e, wet'à dọ eda ha," Zezi gòhdi.

⁵² Zezi hadi t'à Israel got'ɪ sù gɪgha nezi-le t'à ɛ̀l̀ets'ò hagedi, "Eyɪ dọ ayɪ ayèhdi? Dànì wezhɪ ghọ shèt's'etɪ agole ha?" gedi.

⁵³ Zezi gots'ò hadi, "Ehkw'ɪ anaxèehsɪ, Dọ-wet'̀aaʔaa-deè wezhɪ aahdè xè wedoò aahdọ lenq̄sɪ, aahda ha nùle. ⁵⁴ Dọ sezhɪ ghọ shètɪ xè sedoò edọọ sù welọ while ts'ò edaà awìd̀l̀a họt'e, eyits'ọ nọode dzeè k'e naidà aweh̄le ha. ⁵⁵ Sezhɪ sù weghọ shèt's'etɪ wedeèdɪ họt'e, eyits'ọ sedoò sù wet'à ts'eedaa wedeèdɪ họt'e. ⁵⁶ Amì sezhɪ ghọ shètɪ xè sedoò edọọ sù, sexè nàdè ha, eyits'ọ sɪ sɪ wexè nàhdè ha. ⁵⁷ Setà edaa elɪ sù jọ ts'ò sɪhʔà họt'e, eyits'ọ Setà wets'ihʔò sɪ ehda họt'e. Eyɪ xèht'èè amì seghọ shètɪ sù sets'ihʔò eda ha họt'e. ⁵⁸ Dɪ lèt'è sù yak'e gots'ọ nùt̄a họt'e. Naxi cho 'manna' ghọ shègɪazhee sù ɛ̀l̀aàgɪdè, hanikò amì dɪ lèt'è ghọ shètɪ sù welọ while ts'ò eda ha họt'e," gòhdi. ⁵⁹ Zezi hadi kòta Capernaum ɛ̀l̀ègehdeè-kò goyɪ dọ hoghàgoehtọ.

Zezi wecheekeè ọ gɪts'ò nagehde

⁶⁰ Dọ ọ Zezi k'èè k'egedè sù hadi gɪkw'o ekò hagedi, "Dànì hoghàgoehtọ sù gogha dezhi di. Weyatɪ ts'ihchi ha gogha di," gedi.

⁶¹ Dọ eyɪ ghọ sọgedi Zezi gok'èezọ t'à gots'ò hadi, "Dàehsɪ sù naxik'èch'a aehsɪ ni? ⁶² Dọ-wet'̀aaʔaa-deè edɪ gots'ọ at'ɪ sù naxidaà ɪdòo anajà nɪdè weghọ dàahwhọ ha? ⁶³ Yedàyeh Nezi wet'à ts'eeda họt'e, dọ wezhɪ t'asɪ elɪ nùle. Ayɪ ghọ gohdee sù Yedàyeh Nezi wets'ọ họt'e, eyɪ yatɪ wet'à ts'eeda họt'e. ⁶⁴ Hanikò naxita dọ mọhdaa gɪgha ehkw'ɪ aehsɪ-le," Zezi gòhdi. Kèhogɪhwho gots'ọ amì gɪgha ehkw'ɪ-ahodi ha-le eyits'ọ amì k'aodèè got'aàyehtè ha sù Zezi gok'èezọ họt'e. ⁶⁵ Eyɪ t'̀a hagòhdi, "Eyɪ ts'ihʔò dɪ hanaxèehsɪ ɪlè, 'Setà dọ sets'ò ayɪl̀a lenq̄sɪ dọ wɪzɪ sets'ò ade ha di,'" gòhdi.

⁶⁶ Ekò gots'ọ, dọ ọ Zezi xè agèt'ɪ ɪlè sù ek'èt'̀a nagehde, gixè k'edè-le agejà.

⁶⁷ Zezi edecheekeè hoònq̄-daats'ò-nàke ts'ò hadi, "Dànìghọ naxɪ sɪ sets'ò naahdè-le?" gòhdi.

⁶⁸ Simon-Peter yets'ò hadi, "K'̀aowo, amì ts'ò ats'ejà li? Nɪ zọ neyatɪ t'à welọ while ts'ò ts'eeda họt'e. ⁶⁹ Nɪ sù Nòhtsɪ wets'ọ Degai anet'e wek'èts'èezọ, eyɪ gogha ehkw'ɪ-ahodi," yèhdi.

⁷⁰ Zezi edecheekeè ts'ò hadi, "Naxɪ hazọọ hoònq̄-daats'ò-nàke aah't'èè sù naxihchi t'̀it'e. Hanikò naxita ts'ò ɪlè sù wehɪ họt'e," gòhdi. ⁷¹ (Eyɪ hadi sù Zhidàà, Simon-Isariyot weza,

ayèhdi. Zhidàà, ededì wecheekeè hoònq-daats'ò-nàke gota wheda kò, nqode-ìdè Zezi, k'aodèe gotl'aàyehtë ha hq't'e.)

7

Zezi dzèdeè gha Jerusalem ts'ò èhtla

¹ Eyì hagòjà t'l'axqò Zezi Galilee nèk'e hazqò nàhtla. Israel got'ìì gha k'aodèe weweè haguwo t'à, Judea nèk'e ts'ò ade ha nìwq-le. ² Israel got'ìì gits'q dzèdeè k'e kòq nàgehge ts'ò nìwà-le agodaade. ³ Zezi wechì gits'ò hadì, "Judea nèk'e ts'ò aqde. Hanì-ìdè eniyyah hojhtsì sù necheekeè gighàeda ha. ⁴ Dq t'asì wehlè nìwq sù dq naàhtq eghàlaeda nùle. Eniyyah hojhtsì nùdè dq hazqò neghàdà agùle," guìhdi. ⁵ Wechì kò gìgha ehkw'ì-ahodì-le t'à haguìhdi jìlè.

⁶ Eyit'à Zezi gots'ò hadì, "Sì segha ìl'aa whìle hq't'e, hanìkò naxì sù t'alàa-sù k'e naxìgha hòzq hq't'e. ⁷ Dì nèk'e dq hazqò naxìdzagùhwhq ha dì, hanìkò sì nàowòhì k'èè eghàlageeda gèhsì t'à, sedzagùhwhq. ⁸ Naxì kòta Jerusalem nàsì ts'ò aahdè. ìl'aa segha eyì nèhòkw'ì-le t'à jq whìhda ha," gòhdi. ⁹ Hadì t'à Zezi Galilee nèk'e ìdè àida.

¹⁰ Hanìkò wechì Jerusalem ts'ò geède t'l'axqò Zezi ededì sì ekq èhtla, hanìkò dq naàhtqò ajà. ¹¹ Jerusalem ekq dzèdeè hoèè ekò Israel got'ìì gha k'aodèe Zezi hak'egeet'ì. K'aodèe dq hazqò dageehke, "Eyì dq asìì weahzì?" gògedì.

¹² Hanìkò dqdeè nì dq lq Zezi ghq elets'ò gogede. Dq mòhdaa hagedì, "Dq nezì hq't'e," mòhdaa hagedì, "ìle ne, eghoyaezàa-dqò elì ne," gedì. ¹³ Hanìkò Israel got'ìì gha k'aodèe ts'àgeejì t'à, dq wìzì Zezi ghq xayagehtì ha guwo-le.

Zezi Nòhtsìkò-gocho gà dq hoghàehtq

¹⁴ Ìl'è dzèhta ts'ò dzèdeè hoèè sù tanì nìhqqwo ekò, k'qòt'a Zezi Nòhtsìkò-gocho gà dq hoghàehtq ha ekq èhtla. ¹⁵ Israel got'ìì gha k'aodèe weyatì gukw'o ekò gìgha eniyyah t'à hagedì, "Eyì dq hoghàweètq-le kò, dànì t'à t'asì k'èezq nqò?" gedì.

¹⁶ Zezi gots'ò hadì, "Sì sedaxà dq hoghàehtq nùle. Amì sùhzaa sù wedaxà dq hoghàehtq hq't'e. ¹⁷ Amì Nòhtsì k'èit'e ha sù asìì Nòhtsì wedaxà gohde, hanì-le-ìdè ededahxà gohde, yek'èezq ha hq't'e. ¹⁸ Dq ededahxà godee sù dq nayeet'ì gha at'ì hq't'e. Ekò amì yùhzaa sù yùzì nezì ehtsì gha at'ì nùdè, eyì dq sù ehkw'ì gode hq't'e. Eyì dq sù hots'ì nùle. ¹⁹ Moses Nòhtsì nàowò naxìghàzq hq't'e, hanìkò naxita ts'ò dq jìlè kò eyì nàowo k'èit'e nùle. Eyit'à dànìghq ełààsèahwhì ha dahwhq nqò?"

²⁰ Dqdeè nì gots'ò dq mòhdaa haguìhdi, "Ìnìhì nets'ò-èlì. Amì ełàànìhwhì ha ghq aìdì," guìhdi.

²¹ Zezi gots'ò hadi, “Eniyah ìlè hòwhihsɪ t'à sets'aaahyeh laahjà. ²² Hanikò naxɪ Moses gokwò nàt'à nàowoò naxɪghàɪzɔ t'à Nòhtsɪ Dzeɛ k'e dɔzhia gɪkwò k'e nàaht'à hɔt'e. (Moses ededɪ xàè nàgoet'aa nàowoò naxɪghàɪzɔ nùle, naxɪcho Abraham, Isaac eyits'ɔ Jacob gits'ɔ nàowo hɔt'e.) ²³ Moses wenàowoò nàahzhì ha-le dahwhɔ t'à Nòhtsɪ Dzeɛ k'e dɔzhia nàweet'aa sɪ naxɪgha t'asanile hɔt'e. Ekò sɪ Nòhtsɪ Dzeɛ k'e dɔ deghàà k'aat'ìi ahzɪ nɪdè dànighɔ weghɔ sets'ò ààhch'e? ²⁴ T'asɪ wègaat'ɪ zɔ ghàà dɔ sɪniyaahɪ-le, ehkw'ɪ zɔ k'èè dɔ sɪniyaahɪ,” Zezi gòhdi.

Asɪ Zezi Christ hɔt'e?

²⁵ Hadɪ ekɪyeè k'e Jerusalem gots'ɔ dɔ mòhdaa hagedɪ, “Dɔ elààgùhwhɪ ha gɪwɔ ìlè sɪ eyɪ nɪt'e?” elègeedi, ²⁶ “Eyɪ dɔ jɔ wheda xè dɔnɪ ts'ò gode hanikò k'aodèè t'asagùhdi-le. Christ hɔt'e gɪwɔɔ agejà nì-ghɔ agɪt'e? ²⁷ Hanikò eyɪ dɔ edɪ gots'ɔ at'ɪ sɪ wek'èts'eezɔ hɔt'e. Christ nùtla nɪdè edɪ gots'ɔ at'ɪ sɪ dɔ wɪzɪ yek'èezɔ ha nùle,” gedi.

²⁸ Zezi ìlè Nòhtsɪkò-gocho gà dɔ ts'ò godeè ekò dɔnɪ ts'ò hòt'ò hadɪ, “Hɛzɛ, sek'èahsɔ, eyits'ɔ edɪ gots'ɔ aht'ɪ sɪ wek'èahsɔ hɔt'e. Sɪ sedahxà jɔ whɪhda nùle. Amɪ sɪhɪzàa sɪ ededɪ sɪ ehkw'ɪ hɔt'e. Naxɪ wek'èahsɔ nùle, ²⁹ hanikò sɪ wets'ɔ aht'ɪ eyits'ɔ jɔ ts'ò sɪhɪzà hɔt'e t'à, wek'èahsɔ hɔt'e,” gòhdi.

³⁰ Zezi hadɪ t'à Israel got'ɪ gha k'aodèè dageechɪ ha hogeèhdzà, hanikò ìlè wegħa nèhòkw'ɪ-le t'à dɔ wɪzɪ t'asayɪlè-le. ³¹ Eyɪ hagot'ɪ, hanikò dɔ lɔ ehkw'ɪ adɪ gùhwhɔɔ agejà t'à hagedɪ, “Christ nùtla nɪdè dɪ dɔ nahk'e eniyah lɔ hohtsɪ ha nì? Ìle sɔnɪ,” gedi.

³² Pharisee gɪlɪ sɪ dɔ hagedɪ elèts'ò gogede gogɪkw'o. Eyɪt'à yahtɪ-gha-k'aodèè eyits'ɔ Pharisee gɪlɪ sɪ Zezi dageechɪ ha Nòhtsɪkò-xogùhdi-dòò kayagùhɪ.

³³ Zezi dɔ ts'ò hadɪ, “Whà-lea gots'ò zɔ naxɪxè whɪhda ha hɔt'e, eyɪ t'axɔɔ-ɪdè amɪ sɪhɪzàa sɪ wets'ò anahde ha. ³⁴ Sekak'eaht'ɪ ha, hanikò segòahzà ha-le, eyits'ɔ edɪ whɪhdaa sɪ ekɔ ts'ò aahde ha dɪi,” Zezi gòhdi.

³⁵ Israel gha k'aodèè elèts'ò hagedɪ, “Eyɪ dɔ wegots'ìhɪzà ha-le, dɪ t'à, edɪ ts'ò ade ha ghɔ adɪ. Gòet'ɪ eyɪ-le nèk'e Greece got'ɪ ta nàgedèè sɪ gots'ò ade ha nì? Ekɔ hoghàgoehtɔ ha nì? ³⁶ Dɪ hadɪ sɪ dàdɪ-adɪ, 'Sekak'eaht'ɪ ha, hanikò segòahzà ha-le,' eyits'ɔ 'Edɪ whɪhdaa sɪ ekɔ aahde ha dɪi,' eyɪ dàdɪ-adɪ?’ gedi.

³⁷ Dzèdeè gha nɔɔde dzeɛ nàtsoo whezɔ k'e Zezi dɔnɪ ts'ò hòt'ò hadɪ, “Amɪ tɪ għaewɪ sɪ sets'ò awede gà tɪ wedɔ. ³⁸ Amɪ wegħa ehkw'ɪ aehsɪ sɪ tɪ wet'à ts'eedaa wedzeè yɪ gots'ɔ xàɪ ha. Hanɪ Nòhtsɪ Nɪht'è k'e dek'eèht'è,” Zezi gòhdi. ³⁹ Zezi ayɪ ghɔ godee sɪ Yedàyeh Nezɪ ghɔ godeè-adɪ. Dɔ

hazòò ehkw'ı adı yǘhwhòò sù nòòde-ıdè Yedàyeh Nezıı gık'e ade ha. Zezi ılaà yak'e ts'ò ajà-le t'à Yedàyeh Nezıı dọ k'e ajà-le.

⁴⁰ Dọ mọhdaa Zezi hadı giıkw'o ekò, hagedı, “Eyı dọ nakwenàòzòò deè elı ne sọnı,” gedi.

⁴¹ Ekò dọ mọhdaa hagedı, “Christ awèts'edi là eyı at'ı,” gedi. Hanikò dọ mọhdaa hagedı, “Christ Galilee nèk'e gots'ò at'ı ha dii ne. ⁴² Nòhtsı Nıhtı'è k'e dı hanı dek'eèhtı'è: Christ wèts'edi sù k'àowochò David wèot'ı gots'ò dọ ıle ade ha, eyıts'ò kòta Bethlehem wegòhı ha, ekò k'àowochò David nàıdè t'à,” gedi. ⁴³ Eyıt'à Zezi wets'ıhòò dọ èlek'èè agıwò-le agejà. ⁴⁴ Dọ mọhdaa wedaitı ha gıwò, hanikò dọ wıızı gıxèlaıdı-le.

Israel got'ıı gha k'aodèè gıgha ehkw't-ahodı-le

⁴⁵ Nòòdea, Nòhtsıkò-xogıhdı-dòò nageèhde, yahtı-gha-k'aodèè eyıts'ò Pharisee gııı ts'ò anagejà. Eyı nègıde ekò k'aodèè dagogeehke, “Dàıghò jò nèweahtı-le?” gògedı.

⁴⁶ “Dọ wıızı eyı dọ lanı gòıde while,” Nòhtsıkò-xogıhdı-dòò hagedı.

⁴⁷ Eyıt'à Pharisee gııı sù hagògedı, “Naxı sı naxıghòyaèhòò nı-ghò aahdı?” gògedı. ⁴⁸ “K'aodèè gots'ò hanı-le-ıdè Pharisee gııı gots'ò dọ wıızı ehkw'ı adı gıhwhò nıle. ⁴⁹ Hanikò dọ hazòò Moses wenàowòò k'ègeezò-le sù gha ehkw'ı adı. Eyı k'èxa gıgha hoıla ha,” gedi.

⁵⁰ Dọ ıle Nicodemus wıyeh Pharisee gııı goxè wheda elı họt'e. Ededı ıdı Zezi ts'àèhtı ıle. Nicodemus dagoehke, hadı, ⁵¹ “Gonàowòò k'èè ha nıdè, dọ weghò nàyaetı-le et'ıı, hoıla gha wesınyats'ehtı nı?” gòhdi.

⁵² K'aodèè gıts'ò hadı, “Nı sı Galilee got'ıı anet'e nı? Enıhtı'è wek'eyaahtı nıdè, Galilee nèk'e gots'ò nakwenàòzòò nııtı ha nıle wek'èızò ha ıle,” gıhdı.

⁵³ Eyı tı'axòò hazòò edekò ts'ò nageèhde.

8

¹ Zezi ededı t'aa shıh Olivet gòyeh ts'ò ajà. ² Èhkò ekò Zezi Nòhtsıkò-gocho gà nòòtı, ekò dọ ıò wets'ò èfèwhede, eyıts'ò hoghàgoehtò. ³ Nòhtsı-yatı-k'ègedı-dòò eyıts'ò Pharisee gııı sù ts'èko eyı nègıhtı. Eyı ts'èko, dọzhı eyı-le xè hoıı hòèhtsı wegòt'ò t'à, dọ eyı nàgeèhzaa sù gonadaà nàwo agııà. ⁴ Eyıt'à Zezi ts'ò hagedı, “K'àowo, dı ts'èko sù dọzhı eyı-le xè hoıı hòèhtsı wegòt'ò. ⁵ Moses wenàowòò k'èè ha nıdè ts'èko hanı sù èlaawı ts'ò kwe t'à wets'ıshı ha dek'eèhtı'è. Ekò nı eyı weghò dànewò?” Zezi ts'ò hagedı. ⁶ Hanı dageehkee sù yatı t'à geèhdzà, ekò-le xàyahtı nıdè gık'e nıdahogeezà ha gıwò t'à, agıhdı.

Hanikò Zezi edelakw'òò t'à dèè k'e eetı'è. ⁷ ılaà dageehke t'à Zezi nııtı, gots'ò hadı, “Naxıta dọ wehoıı while sù ededı

t'akwelòò kwe t'à nàyiuk'a," gòhdi. ⁸ Hadì t'axòò k'achì dèè k'e eetl'è.

⁹ Zezi hanì gots'ò xàyahtì egùkw'o ekò hazòò ełek'èdaà nageèhde, òhdah gùlù sù t'akwelòò agejà. Zezi ededì zò àida, eyits'ò ts'èko ìlää eyi nàwo. ¹⁰ Zezi nùtla gà yets'ò hadì, "Ts'èko, dọ gilaedi? Dọ wùzù hoilà anjìlā-le nì?" yèhdi.

¹¹ Ts'èko yets'ò hadì, "K'àowo, dọ while," yèhdi. Zezi yets'ò hadì, "Sì sì hoilà anehle ha-le. Hòt'a, nekò ts'ò naitle, k'achì hoì nàowoò k'èè ìda-le," yèhdi.

Zezi edeghọ ehkw'ì gode

¹² Zezi k'achì dọ ts'ò hadì, "Dù nèk'e dọ hazòò gígha dzèh nùdù aht'e. Amì sexè at'ù sù wexè togoòt'ò ha-le, dzèh wet'à ts'eedaa wexè hòzọ họt'e," gòhdi.

¹³ Eyit'à Pharisee gùlù sù Zezi ts'ò hagedì, "T'asì deè aht'e nùdì t'à edeghọ goideè aidi. Edegha goidee sù ità nùle," gùhdi.

¹⁴ Zezi gots'ò hadì, "Sì edegha gohde kò, dàehsù sù ità họt'e, edì gots'ò aht'ì eyits'ò edì ts'ò ahde ha wek'èehsò t'à. Hanikò naxì sù edì gots'ò aht'ì eyits'ò edì ts'ò ahde ha sù wek'èahsò nùle. ¹⁵ Naxì sù dọ nàowoò k'èè dọ gisnìyahtì họt'e, hanikò sù sù dọ wùzù wesnìyahtì nùle. ¹⁶ Hanikò t'asì wesnìyahtì nùdè sù zò aht'ì nùle t'à, dànì weghọ nànihwò sù ehkw'ì họt'e. Setà jò ts'ò sùhàa sù sexè at'ì họt'e. ¹⁷ Moses wenàowoò dù hanì dek'eèht'è họt'e, 'dọ nàke gidaà dàgòjàa sù ghọ ełèht'è xàyagùhtì nùdè gìgodù ità họt'e' dek'eèht'è. ¹⁸ Sù sù edegha gohde họt'e, eyits'ò Setà sùhàa sù segha gode họt'e," Zezi gòhdi.

¹⁹ Eyit'à dageehke, "Edì netà wheda?" gùhdi.

Zezi gots'ò hadì, "Sek'èahsò nùle eyits'ò Setà sù wek'èahsò nùle. Sek'èahsò nùdè Setà sù wek'èahsò ha ìlè," gòhdi. ²⁰ Zezi hadì gots'ò goide ekò Nòhtsìkò-gocho gà dọ hoghàgoehtò ìlè. Sòmba nègelee k'è gà nìwà-lea wheda ìlè, hanikò ìlää wegħa nèhòkw'ì-le t'à dọ wùzù dayaachì-le.

²¹ K'achì Zezi gots'ò hadì, "T'asì ahde ha eyits'ò sekak'eaht'ì ha. Hanikò naxìhoì xè ełahde ha họt'e. Edì ts'ò aht'ù sù ekò aahde ha diì," Zezi gòhdi.

²² Hadì t'à Israel got'ù għa k'aodèe dàlegeehke, " 'Edì ts'ò aht'ù sù ekò aahde ha diì,' hadì t'à, ełàadiwì ha nì-ghọ adi?" gedi.

²³ Hanikò Zezi gots'ò hadì, "Naxì sù ìzhù gots'ò aahde, sù sù ìdòò gots'ò aht'e. Naxì sù dù nèk'e gots'ò aahde, sù sù dù nèk'e gots'ò aht'ì nùle. ²⁴ Naxìhoì xè ełahde ha naxèehsì ìlè. Amì aht'e naxèehsù sù naxìgha ehkw'ì aehsì-le nùdè naxìhoì xè ełahde ha họt'e," Zezi gòhdi.

²⁵ "Amì anet'e?" gùhdi. "Amì aht'ee sù hòt'a edeghọ goihde ìlè. ²⁶ T'asì ìghọ naxìsìniyahtì ha diì-le, hanikò amì sùhàa sù

weyatù ehkw'ı họt'e. Dàsèhdı sù dọ hazọọ ts'ọ haehsı họt'e," Zezi gòhdi.

²⁷ Edetà ghọ gots'ọ godeè-adı sù gınıedi-le. ²⁸ Eyıt'à Zezi gots'ọ hadı, "Dọ-wet'áazàa-deè ıdoo dexewıtsò awèahlà nıde, amı aht'e naxèehsı sù k'ọt'a wek'èahsọ ha. Sı sedahxà t'ası ghàlaehda nıle, Setà ayı hoghàseèhtọ sù eyı zọ t'à gohde họt'e. ²⁹ Amı sıhzaa sù t'aats'ọọ wını k'èè eghàlaehda t'à, sexè at'ı họt'e eyıts'ọ sets'ọọ ajà nıle," Zezi hadı dọ ts'ọ gọde. ³⁰ Zezi hadı gode t'à dọ ıọ ehkw'ı adı gıhwhọọ agejà.

Abraham wets'ıh?ọọ-dọ

³¹ Israel got'ıı gogha ehkw'ı adı sù Zezi gots'ọ hadı, "Seyatı k'èahdı nıde xàe secheekeè aaht'e. ³² Secheekeè aaht'e nıde nàowo ehkw'ıı k'èhoahsọ ha, nàowo ehkw'ıı k'èhoahsọ nıde k'achı t'ası wızi naxıts'ọ k'àowo ha nıle," Zezi gòhdi.

³³ Dọ hagiıhdı, "Abraham wets'ıh?ọọ-dọ at's'ıt'e, dọ wızi gots'ọ k'àowo gòlè nıle. Eyıt'à dànıghọ, t'ası wızi naxıts'ọ k'àowo ha nıle, nıdı?" giıhdı.

³⁴ Zezi gots'ọ hadı, "Ehkw'ı anaxèehsı, amı hoıı hoıtsı sù hoıı yets'ọ k'àowo họt'e. ³⁵ Dọ, k'àowo gha eghàlaeda elı sù xàe weza elı nıle, hanıkò k'àowo xàe weza sù welọ while ts'ọ weza elı họt'e. ³⁶ Eyıt'à Nọhtsı Weza sù t'ası naxıts'ọ k'àowo-le anaxıllà nıde hòt'alọọ t'ası wızi naxıts'ọ k'àowo ha nıle. ³⁷ Abraham wets'ıh?ọọ-dọ aaht'e wek'èehsọ, hanıkò naxıdzeè yı seyatı àahchı-le t'à èlàsèahwhı ha dahwhọ. ³⁸ Setà wegà whıhda ekò ayı ghàıhdàa sù naxıts'ọ haehsı họt'e, hanıkò naxı naxıtà dànaxèhdı sù wek'èè eghàlaahda họt'e," Zezi gòhdi.

³⁹ Zezi ts'ọ hagedı, "Abraham gotà họt'e ne," gedı.

Zezi hagòhdi, "Abraham wets'ıh?ọọ-dọ aaht'e nıde Abraham dànı eghàlajdaa sù naxı wexèht'eè eghàlaahda ha ıle. ⁴⁰ Hanıkò Nọhtsı dàsèhdı sù eyı naxıts'ọ ehkw'ı xàyaehtı t'à èlàsèahwhı ha dahwhọ. Abraham hanı eghàlajda while. ⁴¹ Naxı naxıtà dànı eghàlaedaa sù wek'èè eghàlaahda họt'e," Zezi gòhdi.

"Tsıhkọ gọọza at's'ıt'e nıle. Nọhtsı ededı zọ gotà họt'e ne," giıhdı.

Dọ Nọhtsı ts'ọ agııt'e-le sù gınıedi ha dıı

⁴² Zezi gots'ọ hadı, "Nọhtsı naxıtà elı nıde seghonıahtı ha ıle. Nọhtsı gots'ọ aht'ı eyıts'ọ dıı jọ whıhda họt'e. Sı sedahxà jọ ts'ọ ahjà nıle, Nọhtsı jọ ts'ọ sıhza họt'e. ⁴³ Dànıghọ seyatı wenıahdı-le? Ayı dàehsı sù aàhkwo ha naxıgha dıı t'à họt'e. ⁴⁴ Wehıı sù naxıtà họt'e, naxıtà wını k'èè eghàlaahda ha dahwhọ. Kèhoıwo gots'ọ wehıı eweèt'ıı elı họt'e. Nàowo ehkw'ıı wets'ọ-èlı-le t'à ehkw'ı eghàlaeda-le. Hots'ıı zọ t'à gode, eyı weyatı họt'e, eyıts'ọ hots'ets'ıı nàowoò hazọọ yèhtsı họt'e. ⁴⁵ Sı

ehkw'ı gohde t'à, naxıgha ehkw'ı aehsı-le. ⁴⁶ Asıı naxı ıle hoıı hòwhıhtsı sèhdi sek'e nıdahoezà ha dıi-le? Ehkw'ı gohde nıde daniğhò naxıgha ehkw'ı aehsı-le? ⁴⁷ Amı Nòhtsı wets'ò dò elı sı Nòhtsı dadı sı yeèhk'ò hòt'e. Nòhtsı wets'ò dò aah't'e nıle t'à weàhk'ò nıle," Zezi gòhdi.

Zezi Abraham nahk'e elı

⁴⁸ Israel got'ıı gha k'aodèe Zezi ts'ò hagedı, "Samaria got'ıı anet'e eyı xè ııhı nets'ò-èlı, hanèts'edi ıle sı ehkw'ı anèts'edi ıle!" giıhdi.

⁴⁹ Zezi gots'ò hadı, "ııhı sets'ò-èlı nıle. Sı Setà weghàsòhoedi ahlà hòt'e, hanıkò naxı yatı laòt'ı-le t'à sets'ò goahde. ⁵⁰ Dò seghàsògeedi gha jò ts'ò ahjà nıle. Hanıkò ededı seghàsòhoedi ha nıwòò sı dò sınıyaehtı elı hòt'e. ⁵¹ Ehkw'ı anaxèehsı, amı seyatı k'èdi sı ełàawı ha nıle," Zezi gòhdi.

⁵² Zezi hadı t'à k'aodèe dı hagedıı yagızeh, "Hòt'a ııhı nets'ò-èlı hotıı wek'èts'eezò ne! Abraham eławo ıle eyıts'ò nakwenàòzòò sı hazòò ełàagıde ne, hanıkò dò neyatı k'èdi nıde ełàawı ha nıle nııdı. ⁵³ Gocho Abraham wenahk'e nelı nıghò aadı? Abraham eyıts'ò nakwenàòzòò hazòò ełàagıde ıle. Amı aht'e edeewò?" giıhdi.

⁵⁴ Zezi hadı, "Sı edeghàsòehdi nıde eyı t'ası nıle. Setà, Naxınòhtsı hòt'e dahdı sı, ededı seghàsòhoedi asııla hòt'e. ⁵⁵ Naxı sı Nòhtsı wek'èahsò nıle, sı Nòhtsı wek'èehsò hòt'e. Wek'èehsò-le dehsı nıde naxıxèht'eè hots'ıı-dòò ehı ha ıle, hanıkò wek'èehsò hòt'e eyıts'ò weyatı sı k'èhdi hòt'e. ⁵⁶ Naxıcho Abraham sı jò ts'ò ahde ghò nadaà k'et'ı t'à wınà ıle. Saı t'à wınà ıle," Zezi gòhdi.

⁵⁷ K'aodèe hagedı, "ılaà sılaenò neghoè-le, hanıkò Abraham neezı nııdı nı?" giıhdi.

⁵⁸ Zezi gots'ò hadı, "Ehkw'ı anaxèehsı, Abraham wegòhı kwe gots'ò aht'e," gòhdi. ⁵⁹ Zezi hadı t'à kwe negııwa, nàgeehshı ha ıle hanıkò Zezi gonaı-èhtla, Nòhtsıkò-gocho gots'òò naèhtla.

9

Dò wedaà goılee sı k'aat'ıı ajà

¹ Zezi tıı k'e naetle ekò dò ıle wegòhı gots'ò wedaà goılee yazı. ² Wecheekeè dageehke, "K'àowo, amı wehoıı k'èxa dı dò wedaà goılee wegòhı, ededı hanı-le-ıde wetà eyıts'ò wemò?" giıhdi.

³ Zezi gots'ò hadı, "Dı dò hoıı hòèhtsı t'à ajà nıle, eyıts'ò wèot'ı hoıı hogèhtsı t'à hajà nıle. Nòhtsı naxıdaà eyı dò gha enıyah hohtsı ha nıwò t'à, ajà hòt'e. ⁴ ılaà goxè dzeh agòht'e

et'ù amù jò ts'ò sùh2àa sù weggha eghàlats'eeda ha họt'e. Whaà-le-t'ù to agode ha, hanì-ìdè dọ wùzù eghàlaeda ha dii agode ha. ⁵ Ịlàà dù nèk'e whùhda et'ù dọ hazòò gùgha dzèh aht'e," gòhdi.

⁶ Zezi hadi t'axòò dèè k'e dèèze. Eht'è edewazeè ta ayìlà gà dọ wedaà k'e ayìlà. ⁷ Zezi eyi dọ ts'ò hadi, "Siloam tia whehtòò ekò nàatla gà nedaà k'enahtse," yèhdi. ("Siloam" gedi nìdè "wets'ùh2à" gedi-agedi.) Eyi't'à eyi dọ ekò nàhtla gà ededaà k'enahtso. Edekò ts'ò naetle ekò weggha xègoèht'ì ajà.

⁸ Dọ gùgà nàdèè eyits'ò mètè t'asì eekè zò t'à dọ gk'èezòò sù dalegeehke, "Dù dọ t'aats'òò t'asì eekè là eyi nì-ìt'e?" gedi. ⁹ Dọ mòhdaa hagedi, "Hèzè, eyi at'ì," hanikò mòhdaa, "Ịle, eyi nùile, ekù yexèht'eè wègaat'ì," gedi.

Hanikò eyi dọ sù hadi, "Eyi dọ aht'e ne," gòhdi.

¹⁰ Eyi't'à dageehke, "Dànìghò dii neggha xègaat'ù agòjà?" gùhdi.

¹¹ Gots'ò hadi, "Dọ Zezi gùhdi, eht'è edewazeè ta ayìlà gà sedaà k'e ayìlà. Siloam tia whehtòò ekò edek'enahtse sèhdi. Ekò sedaà k'enahtso là seggha xègoèht'ì agòjà," gòhdi.

¹² "Eyi dọ welaedi?" gùhdi. "Wek'èehsò-le," gòhdi.

Pharisee gùlù sù dọ wedaà goilee ìlèè sù dageehke

¹³ Eyi dọ sù Pharisee gùlù ts'ò geèhchì. ¹⁴ Eyi dzèè k'e Zezi eht'è edewazeè ta ayìlà gà dọdaà k'e ayìlà sù Nòhtsì Dzeè k'e ayìlà. ¹⁵ Pharisee gùlù sù eyi dọ dageehke, "Dànì nedaà k'aat'ù ajà?" gùhdi. Dọ gots'ò hadi, "Eht'è sedaà k'e ayìlà, sedaà k'enahtso, eyits'ò dii seggha xègaat'ù agòjà," gòhdi.

¹⁶ Pharisee mòhdaa Zezi ghò hagedi, "Eyi dọ at'ù sù Nòhtsì Dzeè k'èdì nùile t'à, Nòhtsì gots'ò at'ì nùile," gedi.

Hanikò mòhdaa hagedi, "Dù hanì enìyah hòèhtsì nìdè dànì hòhù-hohtsù-dòò welè?" gedi t'à efek'èè agùwò-le agejà.

¹⁷ K'achì ịlàà eyi dọ dageehke, "Nì nedaà k'aat'ù ayìlà ne t'à eyi dọ sù wegghò dàdì?" gùhdi.

Dọ gots'ò hadi, "Eyi dọ nakwenàozòò họt'e," gòhdi.

¹⁸ Dọ wedaà k'aat'ù ajà sù Israel gha k'aodèè ịlàà gùgha ehkw'ì-ahodì-le t'à eyi dọ wèot'ì gokàgeh2à. ¹⁹ "Dù naxiza nì-ìt'e?" gedi dagogeehke. "Dù dọ wedaà goilee wegòhù nì? Dànìghò dii wedaà k'aat'ù ajà?" gedi dagogeehke.

²⁰ "Dù goza họt'e, eyits'ò wedaà goilee xè wegòhù wek'èts'eezò," wèot'ì hagedi, ²¹ "Hanikò dii dànì k'èet'ì ajà sù eyits'ò amù k'èet'ì ayìlà sù wek'èts'eezò-le. Naxì daweahke, wegghò k'ètò ne. Edegha gode ha dii nùile," gedi. ²² Dọ wèot'ì Israel got'ù gha k'aodèè ts'àgeejì t'à agedi. Israel got'ù gha k'aodèè dii hagedi ìlè, "Amù, 'Zezi, Christ họt'e,' hadi sù elèts'ehdèè-kò at'ì ha-le," gedi yatù gèhtsì ìlè. ²³ Eyi't'à wèot'ì hagedi, "Wegghò k'ètò ne, naxì daweahke," gedi.

24 Dọ wedaà k'aàt'ìì anajàa sù k'achì dageehke, hagedì, “Nòhtsì wenadaà ehkw'ì goìde. Eyì dọ sù hoḥḥ-hohtsḥ-dọò họt'e wek'èts'eezọ,” gùhdi.

25 Dọ hadì, “Hoḥḥ-hohtsḥ-dọò elì, elì-le wek'èhsọ-le. Dì zọ wek'èhsọ: Sedaà goile ìlè hanìkò dìì segħa xègaat'ìì agòjà!” gòhdi.

26 K'achì dageehke, “Ayì dònìlà? Dànì nedaà k'aàt'ìì ayìlà?” gùhdi.

27 Dọ gots'ò hadì, “Hòt'a hanaxèhsì ìlè hanìkò seàhk'w'ọ-le. K'achì naxìts'ò haehsì ha dahwhọ nì? Naxì sì wecheekeè aahḥ ha dahwhọ nì-ghọ aahdi?” gòhdi.

28 Hagòhdi t'à yatìjù t'à gik'adaedè, hagiùhdi, “Nì wecheekeè anet'e! Goxì Moses wecheekeè ats'ùt'e. 29 Nòhtsì Moses ts'ò goìde wek'èts'eezọ họt'e, ekò eyì dọ awùdì sù edì gots'ọ dọ ne wek'èts'eezọ-le,” gedi.

30 Eyì dọ gots'ò hadì, “Sù segħa enìyah aahdi! Sedaà k'aàt'ìì ayìlà kò edì gots'ọ dọ ne sù wek'èhsọ-le nì? 31 Nòhtsì sù hoḥḥ-hohtsḥ-dọò eèhk'w'ọ nìle wek'èts'eezọ. Dọ Nòhtsì wìnì k'èè eghàlaadaa sù yeèhk'w'ọ họt'e. 32 Dọ wedaà goile xè wegòhḥ sù wedaà k'aàt'ìì adlà ghọ ets'ùkw'o while họt'e. 33 Eyì dọ Nòhtsì dahxà eghàlaada-le nùdè t'asì hale ha wegħa dìì ha ìlè,” eyì dọ gòhdi.

34 Hadì t'à gìts'ò hadì, “Negòhḥ gots'ọ hoḥḥ-hohtsḥ-dọò anet'e, hogħagòhtọ ha neewọ nì?” gùhdi t'axọò xàdegeèzhì.

Dọ gìgha xègaat'ìì sù gidaà goile agode ha

35 Elègehde-kò gots'ọ xàgeèhxà Zezì yeghọ ùkw'o, k'achì yaḥì ekò hayèhdi, “Dọ-wet'aaḥaa-deè negħa ehkw'ì adì nì?” yèhdi.

36 Dọ hadì, “K'àowo, amì awùdì? Segħa ehkw'ì adì ha t'à, sets'ò haḥdi,” yèhdi.

37 Zezì yets'ò hadì, “Dọ wegħàida xè nets'ò godee sù eyì họt'e,” yèhdi.

38 Ekòet'ìì dọ hadì, “Sets'ò K'àowo, segħa ehkw'ì aḥdi,” hadì t'axọò yets'ò nàgòhghè.

39 Zezì hadì, “Dì nèk'e dọ gìsìniyaetì ha jọ ts'ò ahjà. Dọ gidaà goilee sù k'egèet'ì agede ha, eyìts'ọ dọ gìgha xègaat'ìì sù gidaà goile agode ha,” gòhdi.

40 Pharisee gùḥḥ mòhdaa Zezì gà nàgeèhzaa sù hadì gùkw'o t'à Zezì dageehke, “Goxì sì godaà goile nùdì nì-aḥdi?” gùhdi.

41 Zezì hadì, “Naxìdaà goile nùdè naxìhoḥḥì while ha ìlè, hanìkò gogħa xègaat'ìì dahdi t'à naxìhoḥḥì ìlè naxìk'e whela họt'e,” gòhdi.

10

Sahzọq-k'èdì-dọò eyìts'ọ wesahzọq

¹ “Ehkw'ı anaxèehsı, dọ, sahzòq k'èhodı gha enı̄tọ k'è goyaetla-le, hanikò ekọ-le gots'ọ goyaèhtla nı̄dè eyı dọ sı eezi-dọ elı họt'e. ² Dọ enı̄tọ k'è goyaetlaa sı ededı sahzòq-k'èdı-dọ elı họt'e. ³ Enı̄tọ-k'èdı-dọ yets'ọ enixàechı, eyıts'ọ wesahzòq gohaezeh ha egeèhk'w'ọ. Edesahzòq gızi t'à goızi, eyıts'ọ mọht'a xàgoèwa. ⁴ Edets'ọ sahzòq hazọ qàgoèwa t'axọq, ıdaà gonadaq naetle. Wesahzòq gık'èezọ t'à gots'ọ gode nı̄dè gık'èedè. ⁵ Hanikò dọ eladı k'è agede ha nı̄le. Dọ eladı gots'ọ godee nı̄dè gık'èezọ-le t'à, gıts'ọ natımogeedè ha ne,” gòhdi. ⁶ Zezi wet'à nànts'ewoo godı t'à dọ xè godo, hanikò dàdı-adı sı gımedı-le.

⁷ Eyı t'à Zezi k'achı hadı, “Ehkw'ı anaxèehsı, sı sı sahzòq gıgha enı̄tọ laaht'e. ⁸ Dọ sekwe nègıdee sı hazọ egeezi-dọ agı t'e, eyı t'à sahzòq gogeèhk'w'ọ-le. ⁹ Sı enı̄tọ laaht'e. Amı eyı enı̄tọ k'è goyaetlaa sı edaxàweetè ha họt'e. Ededı goyaetla xè xàetla ha, hanı-ıdè nezı shètı xè wek'èhodı. ¹⁰ Eezi-dọ sı sahzòq dezi xè ełàgòhde zọ gha at'ı, hanikò sı set'a geeda ha jọ ahjà, eyıts'ọ denahk'e gıxè sìghà hòzọ gha jọ ahjà.

¹¹ “Sı sahzòq-k'èdı-dọ nezı aht'e. Sahzòq-k'èdı-dọ nezı sı edesahzòq gha ełàawı họt'e. ¹² Sahzòq-k'èdı-dọ gha eghàlaeadaa sı sahzòq-k'èdı-dọ elı nı̄le, xàe wets'ọ sahzòq agı t'e-le t'à. Eyı t'à dıga gots'ọ etle yezi nı̄dè sahzòq gots'ọ natımogeda. Dıga sahzòq godzihà xè ehkègehà agohı. ¹³ Dọ weèht'èe sı sọmba zọ k'èxa at'ı, eyıts'ọ sahzòq goghoneetọ-le t'à sahzòq ts'ọ natımogeda.

¹⁴ “Sı sahzòq-k'èdı-dọ nezı aht'e. Sesahzòq hazọ gık'èehsọ, eyıts'ọ sesahzòq sek'ègeezọ họt'e. ¹⁵ Eyı xèht'èe Setà sek'èezọ, eyıts'ọ Setà wek'èehsọ họt'e, eyıts'ọ sesahzòq gıgha ełæhwhı ha. ¹⁶ Sesahzòq eyı-le gòhı, jọ gık'èhodı gots'ọ agı t'e-le. Ededı sı goyageehwha ha họt'e. Gıts'ọ gohde nı̄dè, segıkw'o ha họt'e. Hanı-ıdè sesahzòq hazọ ełæxè geèhk'w'e ha, eyıts'ọ gok'èdı-dọ ıhè zọ gòhı ha. ¹⁷ Sesahzòq gıgha ełæhwhı ha t'à Setà seghoneetọ họt'e. Eyı t'axọq-ıdè naihdà ha họt'e. ¹⁸ Dọ wızi ełæhwhı asele ha dı, sı sını k'èe ełæhwhı ha họt'e. Ełæhwhı ha eyıts'ọ naihdà ha sı sets'ọ hoelı họt'e. Setà hanı seghàhòzọ họt'e,” Zezi gòhdi.

¹⁹ Zezi hanı xàyahı t'à Israel got'ı k'achı ełek'èe agıwọ-le agejà. ²⁰ Dọ ıọ hagedı, “İnıhı wets'ò-èl eyıts'ọ ezhıne whelı. Ayıha wets'eèhk'w'ọ lı?” gedı.

²¹ Hanikò dọ mọhdaa hagedı, “Dọ İnıhı wets'ò-èl sı hanı gode ha nı̄le. Ası İnıhı, dọda k'aat'ı ayehı?” gedı.

Israel got'ı gıgha ehkw'ı-ahodı-le

²² Gòk'òo-zaà k'e Jerusalem ekọ Nòhtsıkò-gocho gha dzèdè hoè. ²³ Zezi Nòhtsıkò-gocho gà k'etlo, Solomon wets'ọ

sagòhɔ̀ɔ̀-k'è ekɔ̀ k'etlɔ̀. ²⁴ Israel got'ɔ̀ gha k'aodèe gımɔ̀ nùde, hagiɦdɔ̀, “Dàwhaà nek'eènats'eèhɔ̀ ha? Christ wèts'edu eyi anet'e nùde, gots'ò ehkw'ı haɔ̀,” giɦdɔ̀.

²⁵ Zezi gots'ò hadı, “Hanaxèehsı ı̀le hanikò naxıgha ehkw'ı aehsı-le. Setà wedahxà enıyah eghàlaehdaa sı eyi weghàà sek'èahsɔ̀ ha ı̀le. ²⁶ Hanikò sesahzòq̄ aah'te-le t'à, naxıgha ehkw'ı-ahodı-le. ²⁷ Sesahzòq̄ agı̀t'ee sı gıts'ò gohde nùde segeèhk'w'ɔ̀, gı̀k'èehsɔ̀ eyıts'ɔ̀ sek'èè k'egedè. ²⁸ Welɔ̀ while ts'ò geedaà agehɔ̀ ha, ełààgedè hoı̀ı ha-le. Dɔ̀ wı̀zı̀ seghɔ̀ nıgoòwa ha nùle. ²⁹ Setà hazòq̄ t'à gonahk'e eı̀ sı, seghàgòq̄la hɔ̀t'e. Dɔ̀ wı̀zı̀ Setà ghɔ̀ nıgoòwa ha nùle. ³⁰ Sı eyıts'ɔ̀ Setà sı ı̀le zò lawı̀ıt'e,” Zezi gòhɔ̀.

³¹ Israel got'ɔ̀ gha k'aodèe nàgeehshı ha gı̀wɔ̀ t'à, k'achı kwe negı̀wa. ³² Hanikò Zezi gots'ò hadı, “Setà wedahxà enıyah deè ı̀q̄ naxıdaà eghàlaıhdà hɔ̀t'e, enıyah dàhòt'ı̀ k'èxa kwe t'à ełààsèahwhı ha dahwhɔ̀?” gòhɔ̀.

³³ K'aodèe hagedı, “Enıyah hòwheęhtsı k'èxa ełàànets'èhwhı ha nùle, hanikò Nòhtsı k'èch'a xàyanehı k'èxa kwe t'à ełàànets'èhwhı ha. Nı ekı̀ dɔ̀ anet'e kò Nòhtsı aht'e, edı̀dı,” giɦdɔ̀.

³⁴ Zezi gots'ò hadı, “Nòhtsı Nıhtı'è k'e dı̀ hanı dek'eèhtı'è, 'Naxı sı̀ nòhtsı laah'te,' dek'eèhtı'è. ³⁵ Nòhtsı Nıhtı'è dàdı sı̀ wek'èch'a gots'ede ha dı̀ hɔ̀t'e wek'èts'eezɔ̀. Dɔ̀ Nòhtsı yatı̀ gıts'ò ajàa sı̀ Nòhtsı ededı̀ 'nòhtsı,' gòhɔ̀dı̀ goı̀zı̀ nùde, ³⁶ Setà edegha dɔ̀ ı̀hchı̀ eyıts'ɔ̀ dı̀ nèk'e ts'ò ayı̀ı̀lèa sı̀, dàni yı̀zı̀ ha dahwhɔ̀? Eyı̀t'à 'Nòhtsı Weza aht'e,' dehsı̀ nùde dàniğhɔ̀ Nòhtsı k'èch'a gohde sèahdı̀? ³⁷ Setà xèht'eè eghàlaehda-le nùde ehkw'ı aehsı seahwhɔ̀-le. ³⁸ Hanikò Setà xèht'eè eghàlaehda nùde, naxıgha ehkw'ı aehsı-le kò enıyah ghàlaehdaa sı eyi weghàà naxıgha ehkw'ı-ahodı welè. Hanı-ı̀dè, Setà sexè at'ı̀ eyıts'ɔ̀ sı Setà xè aht'ı̀ sı, eyi wek'èahsɔ̀ xè wenıahdı ha,” Zezi gòhɔ̀. ³⁹ K'aodèe k'achı dageechı ha hogeèhdzà, hanikò gotı̀aetı̀a.

⁴⁰ Eyı̀ tı̀axòq̄ Zezi ek'èt'á Jordan deh nı̀zàa ts'ò anajà. John-Baptist edı̀ dɔ̀ k'ètaldzɔ̀ ı̀lèe sı̀ ts'ò ajà. Zezi ekɔ̀ wheda ekò ⁴¹ dɔ̀ ı̀q̄ gıts'òède. Hagedı, “John-Baptist enıyah hòèhtsı-le, hanikò dı̀ dɔ̀ ghɔ̀ dàdı ı̀lèe sı̀ hazòq̄ ehkw'ı hɔ̀t'e nòq̄,” gedi. ⁴² Eyı̀ nèk'e dɔ̀ ı̀q̄ Zezi ehkw'ı adı gı̀wɔ̀q̄ agejà.

11

Lazarus ełaiwo

¹ Dɔ̀ ı̀le Lazarus wı̀yeh kòta Bethany nàdè. Eyı̀ dɔ̀ sı eyaelı̀. Weba nàke eyı̀ kòta nàgedè. ı̀le Mary wı̀yeh eyıts'ɔ̀ ı̀le Martha wı̀yeh. ² (ı̀lèa Mary yik'eet'òo Zezi wekè k'e ayı̀ı̀lèa gà edekwı̀ghà t'à yedı̀tso ı̀le. Eyı̀ wechı Lazarus dı̀ eyaelı̀.)

³ Eyit'à weba Zezi danatigũrɔ, "K'àowo, neàgiã weghɔneētɔ sù eyaeli," gũhdi.

⁴ Zezi yeghɔ iikw'o ekò hadi, "Eyí tàda t'à ełaàwí ha niile, hanikò eyí ts'ihzò Nòhtsi weghàsɔhoedi ha eyits'ɔ Nòhtsi Weza sɪ weghàsɔhoedi ha hɔt'e," gòhdi. ⁵ Zezi Martha, Mary eyits'ɔ Lazarus goghɔneētɔ hɔt'e. ⁶ Hanikò Lazarus eyaeli yeghɔ iikw'o ekò nàke dzeɛ ts'ò edii whedaa sù ekò iudà.

⁷ Eyí t'axòò edecheekeè ts'ò hadi, "Judea nèk'e ts'ò anats'ide," gòhdi.

⁸ Wecheekeè gits'ò hadi, "Gots'ò K'àowo, dii whaà-lea Judea nèk'e gots'ɔ k'aodèe kwe t'à ełaànegihwhi ha gũwɔ jìlè, hanikò jìlè ekò naítla ha neewɔ ni?" gũhdi.

⁹ Zezi gots'ò hadi, "Hoònɔ-daats'ò-nàke sadzeè gots'ò dzèh agòht'e sɔnaa? Dɔ dzèh k'etlo nɔdè daèkw'í ha niile. Dzèh t'à wegħa xègaat'i hɔt'e. ¹⁰ Hanikò to k'etlo nɔdè daèkw'í ha, wexè dzèh while t'à," Zezi gòhdi.

¹¹ Eyí t'axòò Zezi hadi, "Goàgiã Lazarus dètɪ hɔt'e, hanikò ts'ewèehwhi ha," gòhdi.

¹² Eyit'à wecheekeè hagedi, "Gots'ò K'àowo, Lazarus whetɪ nɔdè k'aat'ii ade ha ne," gũhdi. ¹³ Zezi Lazarus ełajwo dii-adi, hanikò wecheekeè ekii whetɪ hɔt'e dii-adi gũwɔ jìlè.

¹⁴ Eyit'à Zezi ehkw'í gots'ò hadi, "Lazarus ełajwo hɔt'e. ¹⁵ Naxigħa sɪnà wegà whihda-le jìlè. Hanì-ɔdè ehkw'í adì seah-whɔ ha. Hòt'a wets'ò ts'ide," gòhdi.

¹⁶ Thomas (Ełèchɔekèa wiyeh) Zezi wecheekeè ts'ò hadi, "Zezi wexè ełàats'ide nɔò t'à wek'èts'ide," gòhdi.

Zezi Lazarus weba gots'ò gode

¹⁷ Zezi kòta Bethany gà niwà-lea niitla ekò hòt'a dii dzeɛ ts'ò Lazarus wekw'òò nègũtɔ jìlè yeghɔ iikw'o. ¹⁸ Kòta Jerusalem gots'ɔ kòta Bethany ts'ò nàke echì hɔt'e. ¹⁹ Eyit'à dɔ lɔ Mary eyits'ɔ Martha ts'àgede. Gichi ełajwo t'à gogà geèhkwe. ²⁰ Martha Zezi naetle yeghɔ iikw'o ekò yenihdòò èhtla. Hanikò Mary edekò wheda.

²¹ Martha Zezi ts'ò hadi, "K'àowo, jɔ needà nɔdè sechì ełaàwí ha-le jìlè. ²² Hanikò dii kò Nòhtsi wɔkè nɔdè niikw'o ha, wek'èhsɔ," Martha yèhdi.

²³ Zezi yets'ò hadi, "Nechi naidà ha hɔt'e," yèhdi.

²⁴ Martha hadi, "Hèzè, nɔode dzeɛ k'e nɔdè naidà ha, wek'èhsɔ," yèhdi.

²⁵ Zezi yets'ò hadi, "Sɪ set'à dɔ naidà xè eda hɔt'e. Amii ehkw'í adì sũhwhɔ sù, ełàwí kò, eda ha. ²⁶ Eyits'ɔ amii jìlè eda xè ehkw'í adì sũhwhɔ sù ełàwí hɔlɪ ha-le. Eyí asii negħa ehkw'í-ahodi?" Zezi yèhdi.

27 Martha hadi, “Hęzę, ni sù Christ, Nòhtsı Weza dıi nèk'e ts'ò ade ha sù eyı anet'e. Eyı segha ehkw'ı-ahodi họt'e,” Martha yèhdi.

28 Hadı t'axòò ek'èt'à naèhtla gà ededè ts'ò gode. Whatsọą yets'ò hadı, “Gots'ò K'àowo nùtla, nets'ò gode ha nıwọ,” ededè èhdi. 29 Hadı t'à ekòet'ıi Mary nùtla gà ıwhąą Zezi ts'ò èhtla. 30 Zezi ılaà eyı kòta ts'ò nùtla-le; edıi Martha yenıhdòò èhtlaa sù ılaà eyı wheda. 31 Dọ gıgà geèhk'we sù Mary ıwhąą xàèhtla gıaıı t'à gık'èè xàgeède. Wechı wekw'òò whetọọ gà etse ha at'ı gıwọ ıle.

32 Mary, Zezi edıi whedaa sù eyı nùtla. Zezi eıı ts'òet'ıi yets'ò nàgòıhgè, hadı, “Sets'ò K'àowo, jọ needà nıdè sechı ẹlaàwı ha-le ıle,” yèhdi.

33 Mary etse, dọ gıxè at'ı sı getse. Zezi goaıı ekò wedzeè nàèhdọ t'à wegħa dii agòjà. 34 Dagoehke, “Edıi nèweahıı?” gòhdi. Hagedı, “Gots'ò K'àowo, gok'èatle gà wegħaıda,” gıihdi.

35 Zezi goghọ ıtsè.

36 Eyı t'à dọ hagedı, “Sı yegħoneètọ ıle nọò,” gedi.

37 Hanıkò dọ mọhdaa hagedı, “Dọ gıdaà goilee k'egheet'ı agòòlà, sọnaà? Lazarus ẹlaàwı-le ayele ha ıle,” gedi.

Zezi Lazarus naidà ayıılà

38 Zezi k'achı wegħa dii agòjà. Dọkw'òò whetọọ ts'ò èhtla. Kwe yıi dọkw'òò whetọọ k'è kwe nechàa enıniızo. 39 Zezi dọ ts'ò hadı, “Kwe ıdòò aahle,” gòhdi.

Martha, Lazarus weba, yets'ò hadı, “K'àowo, wekw'òò nıto ts'ò dı dzeę agòjà t'à goyıi goma ha sọıı,” yèhdi.

40 Zezi yets'ò hadı, “Negħa ehkw'ı-ahodi nıdè Nòhtsı enııyah t'à nàtsoo elıı sù neıı anehle ha, nèehsı ıle,” yèhdi.

41 Dọ kwe ıdòò agıılà. Zezi ıdòò k'et'ıı, hadı, “Setà, sııhk'w'ò t'à ması neehwhọ. 42 T'aats'òò sııhk'w'ò ne wek'èehsọ, hanıkò dı haehsıı sù dọ gıgha aehsı. Hanı-ıdè dıi nèk'e ts'ò seneehzaa sù gıgha ehkw'ı-ahodi ha,” hadıı yaııhtı.

43 Zezi hadı t'axòò hòt'ıò whezeh, “Lazarus, xàıtle!” hadı.

44 Lazarus kwe yıi wekw'òò whetọọ gots'ò xàèhtla. Wıla eyıts'ò wekè eht'ıı t'à wexèhchı eyıts'ò wekwı sı eht'ıı wemoèhdo.

Zezi dọ ts'ò hadı, “Eht'ıı wek'e nàahwha gà yeyıi xàetla aweahle,” gòhdi.

Zezi ẹlaàgııhwhı ha sınıhogııza

45 Dọ ıọ Mary gà geèhk'we sù Zezi ayıi dàııılà gıaıı t'à, gıgha ehkw'ı-ahodiı ageja. 46 Hanıkò dọ mọhdaa Pharisee gıııı ts'ò geède, Zezi ayıi eghalaıdaa sù gots'ò hagedı. 47 Eyı t'à yahtıgha-k'aodèe eyıts'ò Pharisee gıııı sù elegeèhdi għa Israel got'ıı għa k'aodèe hazòò gokayagııhtı, hagedı, “Eyı dọ enııyah ıọ hohtsı, eyı t'à ayıi dàwets'ele ha? 48 Nàwets'ezo-le nıdè dọ hazòò

ehkw'ı adı ɣıwqò agede ha. Hanì-ıdè Rome dèe-ts'ò-k'aodèe ɣıɣı sù kòta Jerusalem eyıts'ò gonèè hazqò goghq ɣıhçı ha,” gedi.

⁴⁹ Dq ı̀lè Caiaphas wıyeh eyı xo k'e yahtı-wet'aaʔaa-deè elı, dı hadı xayaıhtı, “T'ası wıɣı k'èahsq nıle! ⁵⁰ Dq ı̀lè dq hazqò gha ełaawı nıdè gòet'ı hazqò ɣıdıhoè nahk'e nezı hq̄t'e. Hanıkò eyı wek'èhoahsq nıle,” gòhdi.

⁵¹ Hadı xayaıhtı sù ededahxà adı nıle, hanıkò eyı xo k'e yahtı-wet'aaʔaa-deè elı t'à Zezi ɣhò nadaʔa ɣoıde, Zezi Israel got'ı gha ełaawı ha, hadı xayaıhtı. ⁵² Israel got'ı zòq-le, hanıkò Nòhtsı Weza hazqò dı nek'e ehkèɣıdee sù gogha ełaawı ha hq̄t'e. Elènaɣooowa xè dq ı̀lè ɣıɣı agole ha. ⁵³ Eyıt'à eyı dzèè gots'ò k'aodèe ełegeèhdi sù dq naàhtq Zezi ełaaɣıhwhı ha k'ehogeza.

⁵⁴ Eyı ts'ıhʔq Zezi Israel got'ı gonı k'etlo-le ajà, hanıkò ekıka nek'e gà nıwà-lea kòta Efrayım gòyeh ts'ò ajà. Ekq whatsqò edecheekeè xè aıt'è.

⁵⁵ Israel got'ı ɣıts'ò dzèdeè Passover ts'ò hawe ekò, hazqò ɣınèè gots'ò Israel got'ı lq dzèdeè kwe Moses wenàowoò k'èè edexè sùgogele ha t'à kòta Jerusalem ts'ò agejà. ⁵⁶ Jerusalem ekq dq lq Zezi hak'egeet'ı. Nòhtsıkò-gocho gà nàgeèhza ekò dałegeehke, hagedı, “Ası nàsıdeè nàtla ha sını?” elègeedi. ⁵⁷ Hanıkò yahtı-gha-k'aodèe eyıts'ò Pharısee ɣıɣı sù dq ts'ò dı hagedı ı̀lè, “Zezi edı wheda dq ɣık'èezq nıdè k'aodèe ts'ò hagedı ha,” gedi. Zezi dageechı ha ɣıwq t'à, agedi.

12

Ts'èko Zezi k'e yik'eeł'òo ayıılà

¹ Dzèdeè Passover wexèhoıwı kwe ek'etaı dzèè k'e Zezi kòta Bethany nııtla. Ekq Lazarus nàdè, eyı dq Zezi naidà ayıılà ı̀lè.

² Zezi goghq nııtla t'à wegħa nàsıq ɣèhtsı. Martha gotaaʔeedı eyıts'ò Lazarus dq xè Zezi gà shètı. ³ Mary yik'eeł'òo dètı nıyıxè; Zezi wekè k'e nałayeèdo gà edekwıghà t'à yekè dezeedi. Eyı kò goyı hazqò ts'ò yik'eeł'òo lekq lèdi ajà.

⁴ Hanıkò wecheekeè ı̀lè Zhıdàà-ıscarıyot wıyeh, k'aodèe got'ı aàyehtè ha sù, yegħ sqadı, hadı, ⁵ “Dànıghq eyı yik'eeł'òo wegħ nàèdi-le? Wesqombaà dq-teèt'ı ghàgele ha ı̀lè, ı̀lè xo eghàlats'ıdà xètq hq̄t'e,” hadı. ⁶ Eyı hadı sù dq-teèt'ı ghqneètq t'à adı nıle, hanıkò eeɣı-dq̄ elı t'à, hadı. Ededı sqqombawò-k'èdı elı, eyıts'ò ı̀hk'è edegħa sqqomba ı̀hçı ı̀lè.

⁷ Zezi yets'ò hadı, “Whatsqò awet'ı! Dı yik'eeł'òo sù sekw'òq nııtı dzèè gha yek'èdi hq̄t'e. Hanı hòʔq ha t'à at'ı. ⁸ Dq-teèt'ı sù t'aats'òq naxıxè geeda ha hq̄t'e, hanıkò sı sù t'aats'òq naxıta whıhda ha nıle,” yèhdi.

⁹ Ekìnyèè k'e Zezi eyi wheda ghò egùkw'o t'à, Israel got'ù ló eyi nègùde. Zezi gezi zò gha agèt'ì nùile, hanikò Lazarus naidà ayìllàa sì gezi gha agèt'ì. ¹⁰⁻¹¹ Lazarus wets'ihzò Israel got'ù ló Zezi ehkw'ì adì gùwòò agejà xè Zezi ts'ò latageède. Eyit'à yahtu-gha-k'aodèe sì Lazarus sì ɛlaàgùhwhi ha ɛlɛxè yatù gèhtsì.

Zezi tɛtsoa k'e Jerusalem nùtla

¹² Ek'èdaedzèè k'e dọ ló gixè dzèdèè hoɛ gha Jerusalem nègùde. Zezi ekọ ts'ò etɛ ghò gùkw'o. ¹³ zori k'egele xè gnìhdòò geède. Yagìzeh xè hagedì,

“Hosanna! Gots'ò K'àowo wedahxà nùtlaa sì wexè sìghà welè!”

“Israel got'ù gha K'àowochò wexè sìghà họt'e,” gedù yagìzeh.

¹⁴ Zezi tɛtsoaza nùchì gà yek'e wheda, dù hanì weghò dek'eèht'è k'èè,

“Zion got'ù dahjì-le. K'eaht'ì, naxts'ò k'àowochò naetle, tɛtsoaza k'e dawheda,” dek'eèht'è.

¹⁶ Wecheekeè t'akwe t'à eyi hazòò gùndè-le. Zezi idòò newitì t'axòò eyi yatù hanì weghò dek'eèht'èè sì k'òòt'a gik'èhoèhza, eyits'ò dù dani dọ gits'ò k'ehozaa sì eyi sì gik'èhoèhza.

¹⁷ Zezi, Lazarus kwe-yì wekw'òò whetòò gots'ò “xàitɛ,” yèhdì t'à naidà ayìllà ekò dọ Zezi xè agèt'ì jìè, eyit'à eyi godù t'à dọ xè gogedo. ¹⁸ Zezi hanì eniyah hòèhtsì ghò egùkw'o t'à dọ ló Zezi nìhdòò geède. ¹⁹ Eyit'à Pharisee gùlù sì ɛlɛts'ò hagedì, “Weghàahda, dọ hazòò gits'ò ɛèhza! Hagot'ì nùdè goxè nezì agode ha agot'ì nùile,” gedi.

Zezi ɛlaàgùhwhi ha ghò gode

²⁰ Ekìnyèè k'e Greece got'ù dzèdèè k'e Nòhtsì ts'ò yagehtì ha, dọ hazòò xè Jerusalem nègùde jìè. ²¹ Eyì Greece got'ù, Zezi wecheekeè Philip ts'ò geède. (Philip, Galilee nèk'e kòta Bethsaida gots'ò họt'e.) “Zezi wets'ezì ha ts'ùwò,” gùhdì. ²² Philip, Andrew ts'ò hadì t'axòò, jìah Zezi ts'ò hagedì.

²³ Zezi hagòhdì, “Hòt'a Dọ-wet'aaazaa-deè wexè eniyah nàhòwo ha nìkw'o. ²⁴ Ehkw'ìanaxèhsì, jìè dèè k'e nàekw'o xè ɛlaàwì lenqsù jìà jìè zò ɛlì họt'e. Hanikò ɛlaàwì nùdè wets'ò jìè ló naeshe ha. ²⁵ Dọ edini k'èè eda ha nìwòò sì wedihoè ha, ekò dù nèk'e dọ edini k'èè eda ha nìwòò-le sì welò while ts'ò eda ha. ²⁶ Amì segha eghàlaeda ha nìwòò sì sek'è-eetla ha họt'e; edì whìhdaa sì secheekeè ededì sì ekò wheda ha. Dọ segha eghàlaedaa sì Setà yets'ò nezì eghàlaeda ha họt'e.

²⁷ “Dù sedzèè t'à segha dù; dàehsì lì? ‘Setà eyi sadzèè k'e dàihzà ha sì ch'à edaxàsùhtè;’ dehsì ha ni? Jìè, sexè dàgode ha sì hotù eyi gha jò ahjà họt'e. ²⁸ Setà, nuzì weghàsòhoedi anele!”

Hadı t'axòò yak'e gots'ò dı hats'edi hót'e, "Sızı hòt'a weghàsòhoedi ahlà, eyits'ò k'achı hanahlè ha," wets'ò hats'edi hót'e. ²⁹ Dò ló eyi elèwhedee sù hagodı egıkw'o. Mòhdaa hagedı, "Eezhı lagodı," eyits'ò mòhdaa, "Yak'eet'ı yets'ò goıde," gedi.

³⁰ Zezi hadı, "Dı hagodı sù sı segha agodı nıle, naxıgha agodı hót'e. ³¹ Hòt'a dò hazòò gısınıyaeti ha nıkw'o; hòt'a dı nèk'e k'áowo elı sù xàwedeeshı ha. ³² Ekò sı sù dı nèk'e gots'ò ıdòò asııdlà nıdè dò hazòò sets'ò agehlè ha," Zezi gòhdi. ³³ Dàni elàawı ha sù dò yek'èezò ha nıwò t'à, adı.

³⁴ Dò ló dageehke xè hagedı, "Nòhtsı Nıht'è k'e dı hanı dek'eèht'è ne, 'Christ wets'edi sù welò whıle ts'ò goxè eda ha,' dek'eèht'è. Eyt'à dànıghò dı hıdı, 'Dò-wet'àazàa-dee ıdòò awedle ha'? Dı 'Dò-wet'àazàa-dee' sù amı awııdı?" giıhdi.

³⁵ Zezi edeghò gots'ò hadı, "İlaà whaà-lea gots'ò dzèh naxıxè whezò ha. To agode kwe, İlaà naxıxè dzèh et'ı k'eahdè. Dò togoòt'òo k'edaa sù edı ts'ò at'ı sù yek'èezò nıle. ³⁶ İlaà dzèh naxıxè whezò et'ı weni k'eahdè xè ehkw'ı-ahodı dahwhò, hanı-ıdè naxıxè dzèh agòht'e ha," Zezi hadı t'axòò whatsòò gòzòò ts'ò naèhtla.

Israel got'ı İlaà gıgha ehkw'ı-ahodı-le

³⁷ Zezi hanı enıyah ló godaà eghàladà kò, İlaà gıgha ehkw'ı-ahodı-le. ³⁸ Eyi sù nakwenàozòò İsaiah weyatı k'èè agode ha t'à agòjà, dı hadı İle,

"Sets'ò K'áowo, amı goyatı wegħa ehkw'ı-ahodı, eyits'ò enıyah whenehtsı sù amı yenedı awııdlà?" İsaiah hadı İle.

³⁹ Gıgha ehkw'ı-ahodı ha dı. İsaiah edenıht'è k'e dı hanı enıht'è:

⁴⁰ "Gıdaà goıle agòòlà, eyits'ò gıni whıle agòòlà. Eyt'à ededaà t'à k'egeet'ı-le eyits'ò ededzeè t'à t'ası nıgeedi-le. K'aat'ı agehlè ha sets'ò agede ha gıwò-le," İsaiah hadı dek'eèht'è.

⁴¹ İsaiah, Zezi wexè enıyah agode ha nadaà yaı t'à hanı yeghò goıde İle.

⁴² Israel got'ı għa k'aodè gıgha ehkw'ı-ahodı-le, hanı kò dò ló goxè aget'ı sù ehkw'ı adı gıwhò. Hanı kò Pharısee gıı sù gots'àgeejı. Elèghdèe-kò gots'ò xàgogehzà ha sını gıwò t'à Zezi gıgha ehkw'ı adı sù t'à dò xè gogedo-le. ⁴³ Nòhtsı goghò nezıı adı nahk'e dò goghò nezıı agedı sù gıgha nezı.

⁴⁴ Zezi dò nı ts'ò hòt'ò dı hadı, "Dò wegħa ehkw'ı aehsı sù sı zò wegħa ehkw'ı aehsı nıle, amı sıh?àa sù, ededı sı, yegħa ehkw'ı adı hót'e. ⁴⁵ Sı seghàeda nıdè, amı sıh?àa sù wegħàeda hót'e. ⁴⁶ Dzèh lanı dı nèk'e ts'ò ahjà, amı wegħa ehkw'ı aehsı sù wexè togoòt'òo ha nıle.

⁴⁷ “Dɔ seyati uikw'o, hanikò yek'èè eda-le sù sɪ wesniyahti ha nuile. Dɔ sɪniyahti ha du nek'e ts'ò ahjà nuile, dɔ edaxàgehke gha ahjà. ⁴⁸ Dɔ segɪhwɪhɔ-le xè seyati gɪgha ehkw'1-ahodi-le sù gɪgha dɔ sɪniyahti gòhɪ hɔt'e. Yati nezɪ t'à goihdee sù wedɛ agɪlɪ t'à, nɔɔde dzeè k'e nɪdè hoila agedle ha. ⁴⁹ Sɪ ededahxà gohde nuile, Setà sɪhʒaa sù ayi dàehsɪ ha sù sets'ò hadi, eyits'ò dani gohde ha sù sets'ò hadi. ⁵⁰ Edeyati goghàɪʒɔɔ sù wet'à welɔ while ts'ò ts'eedaa agole ha, wek'èehsɔ hɔt'e. Eyit'à ayi dàehsɪ sù hoti Setà daniwɔɔ sù k'èè gohde hɔt'e,” Zezi gòhdi.

13

Zezi edecheekeè gokè k'enahtso

¹ Dzèdeè Passover wets'ò hawe. Zezi, hòt'a whaà-le du nek'e gots'ò naetla ha eyits'ò Edetà ts'ò anade ha yek'èezɔ. Xàè wets'ò dɔ du nek'e dɔta nàgedèè sù goghɔneètɔ, dani hòt'ò goghɔneètɔ sù gik'èezɔ agole ha.

² Xèhts'ò shègezhe ha kw'à nègɪla. Ekɪyèè k'e wehɪ, Simon weza Zhidàà-Isariyot, Zezi k'èch'a naniwoò ayilɪ lè, eyit'à Zezi, k'aodèè gotl'aàyehtè ha niwɔ. ³ Zezi, Wetà t'asɪ hazɔ ts'ò k'àowo ayilɪ, yek'èezɔ. Nòhtsɪ gots'ò at'ɪ eyits'ò Nòhtsɪ ts'ò anade ha edek'èezɔ. ⁴ Zezi ladà gots'ò nuɪla, edezeè yi xàetla gà lɪsɪmɪ t'à edeni xèwhezhà. ⁵ Hayilɪ t'axɔɔ datlehkw'à yi tɪ yɪdo gà edecheekeè gokè k'enahtso. Wek'e lɪsɪmɪ whehchɪ t'à gokè dɪtso.

⁶ Simon-Peter gà nuɪla là Simon-Peter yets'ò hadi, “Sets'ò K'àowo ayiha sekè k'enahtse ha anet'ɪ?” yèhdi.

⁷ Zezi yets'ò hadi, “Ayì dàht'ɪ-aht'ɪ sù di wenuɪ nuile, hanikò nɔɔde nɪdè wenuɪ ha,” Zezi yèhdi.

⁸ “Ìle! Nɪ sekè k'enahtse ha nuile,” Peter yèhdi.

Zezi hayèhdi, “Nekè k'enahtse lenɔsɪ sexè anet'ɪ ha di,” yèhdi.

⁹ Eyit'à Simon-Peter hadi, “Hani-ɪdè sekè zɔ anele-le, silà eyts'ò sekwi sɪ anele,” yèhdi.

¹⁰ Zezi hadi, “Dɔ wek'enaatso sù tsò wɪzɪ wek'e wheɔ nuile, edekè zɔ k'enahtso nɪdè hòt'a. Naxɪ sù naxik'enaatso hɔt'e, hanikò dɔ lè naxita whedaa sù hani-le,” Zezi gòhdi.

¹¹ Amɪ k'aodèè t'laàyehtè ha sù yek'èezɔ t'à, du hadi, “Naxik'enaatso hɔt'e, hanikò dɔ lè naxita whedaa sù hani-le,” gòhdi.

¹² Edecheekeè gokè k'enahtso t'axɔɔ edezeè yi naatla gà ladà gà edet'axɔɔ nòɔtla. “Ayì naxɪgha dàhàa sù asɪ weniadhɪ?” gòhdi dagoehke. ¹³ “K'àowo sèahdi sù ehkw'1 aahdi hɔt'e, naxits'ò K'àowo aht'e ne t'à. ¹⁴ Sɪ naxits'ò K'àowo aht'ee sù naxikè k'enahtso k'èè naxɪ sɪ èkè k'enahtse ha hɔt'e. ¹⁵ Hani naxɪghàlahdàa sù wek'èè eghàlahda ha, naxɪ sɪ

weghàà haah't'ì ha naxìdaà hahlà hq't'e. ¹⁶ Ehkw'ì anaxèehsì, dq wuzì edets'q k'àowo nahk'e elì nùle, eyits'q dq godì k'e'zaa sù amì yuh'zàa sù nahk'e elì nùle. ¹⁷ Hòt'a eyì hazqò wek'èahsq ne t'à wek'èè eghàlaahdà nùdè naxìxè sìghà ha hq't'e," gòhdì.

Zezi k'aodèe t'ì aàwìtè ha ghò gode

¹⁸ Zezi hadì, "Amì wìhchì sù gik'èehsq hq't'e, hanikò hazqò anaxèehsì nùle. Dì hanì dek'eèht'èe sù wek'èè agode ha: 'Dq sexè shèt'ì sù sek'èch'a eghàlaeda ha nìkw'o,' dek'eèht'èe.

¹⁹ "Eyì hagode kwe sù d'ì-t'ì naxìts'ò haehsì hq't'e. Eyì nèhòwo nùdè amì aht'e dehsì sù naxìgha ehkw'ì-ahodì ha hq't'e. ²⁰ Ehkw'ì anaxèehsì, amì weh'zàa sù dq yets'ò nezì anìwq nùdè s'ì sets'ò nezì anìwq hq't'e. Eyits'q dq sets'ò nezì anìwq nùdè amì sùh'zàa sù ts'ò nezì anìwq hq't'e," gòhdì.

²¹ Zezi eyì hadì t'ì axqò, wegga d'ì agòjà t'à hadì, "Ehkw'ì anaxèehsì, dq ìlè naxìta whedaa sù k'aodèe t'ì aàsìhtè ha hq't'e," gòhdì.

²² Wecheekeè amì ayèhdì sòni g'ìwq t'à ełeghàgeeda.

²³ Wecheekeè ìlè, Zezi yeghòneètq sù yegà ladà k'e shèt'ì.

²⁴ Simon-Peter eyì wecheekeè ts'ò nà'zeetsì, hayèhdì, "Amì ayèhdì sù daw'ìhke," yèhdì.

²⁵ Eyì wecheekeè sù Zezi gà nìd'ìghè, "Sets'ò K'àowo, amì aw'ìdì?" yèhdì.

²⁶ Zezi yets'ò hadì, "Dì lèt'è t'ìwo ta ahlà gà eyì dq weghàehchì sù eyì hq't'e." Hadì t'ì axqò lèt'è kw'àyìà yì ten'ìhtso gà Simon weza Zhìdàà-Isariyot ghàyeèchì. ²⁷ Zhìdàà lèt'è n'ìchì ts'òet'ì weh'ì yets'ò ajà.

Zezi hayèhdì, "Ayì dà'le ha sù ìwh'qà ha'le," yèhdì. ²⁸ Hanikò dq eyì shègezhee sù d'ànìghò Zezi Zhìdàà ts'ò hadì sù g'ìnedìle. ²⁹ Zhìdàà sqòmbawò-k'èdì elì ne t'à dq mòhdaa nàsì gha t'asì n'ìhdì Zezi yèhdì-adi g'ìwq, hanì-le-ìdè sqòmba dq-teèt'ì ghà'zà yèhdì-adi g'ìwq. ³⁰ Zhìdàà lèt'è n'ìchì t'ì axqò x'èht'ì; hòt'a to agòjà ìlè.

Peter Zezi k'èezq-le hadì ha

³¹ Zhìdàà x'èht'ì t'ì axqò, Zezi hadì, "D'ì hòt'a Dq-wet'àazàa-deè weghàsòhoedì awedle ha, wets'ìh'zò Nòhtsì s'ì weghàsòhoedì ha. ³² Dq-wet'àazàa-deè wet'à Nòhtsì weghàsòhoedì nùdè, Nòhtsì ededì edet'à Weza weghàsòhoedì ayele ha, ekòet'ì hayele ha.

³³ "Secheekeè, ìlè whà-lea gots'ò naxìxè whìhda ha. Sekak'eaht'ì ha, k'aodèe g'ìts'ò haehsì ìlè x'èht'èe d'ì naxìts'ò haehsì ha. Ed'ì ts'ò aht'ì sù sek'èè aahde ha d'ì.

³⁴ "D'ì n'òwo gòò naxìgh'èh'zà: Ełeghòniahtq. Naxìghòneehtq lan'ì ełeghòniahtq. ³⁵ Ełeghòniahtq nùdè, eyì weghàà dq hazqò secheekeè aah't'e naxìk'ègeezq ha," Zezi gòhdì.

³⁶ Simon-Peter dayeehke, “Sets'ò K'àowo, edjì ts'ò aąde ha?”

Zezi hayèhdi, “Edjì ts'ò aht'ù sù dii sek'èahde ha dii, hanikò nqode-ıde sek'èahde ha,” yèhdi.

³⁷ Peter k'achı dayeehke, “Sets'ò K'àowo, daniğhò dii nek'èehtla ha dii? Negha ełahwhi ha ts'atà whıhda,” yèhdi.

³⁸ Zezi yets'ò hadı, “Hotiı segha eławı ha ni? Ekw'ı anèehsı, k'aba ezeh kwe taà-eh't'aa sek'èızo-le nıdı ha hq't'e!” yèhdi.

14

Zezi edecheekeè godagòzoò ayele ha

¹ Zezi edecheekeè gots'ò hadı, “Naxıdzeè t'à naxıgha dii welè sòò. Nòhtsı ghò naxını nàtsoò aahle, eyıts'ò sı sı seghò naxını nàtsoò aahle. ² Setà wekò goıchà hq't'e; hagòht'e-le nıde naxıts'ò haehsı ha ıle. Ekò naxıda gòzoò agohle ha. ³ Ekò naxıda gòzoò ahla nıde naxıàhtla ha, eyıts'ò sexèanaxehle ha. Hanı-ıde edjì whıhdaa sù sexè aah't'e ha. ⁴ Edjì ts'ò aht'ù sù hok'èahsò hq't'e,” Zezi gòhdi.

Zezi Nòhtsı ts'ò goòzaa hq't'e

⁵ Thomas yets'ò hadı, “Sets'ò K'àowo, edjì ts'ò anet'ù sù wek'èts'eezò nıle, eyıt'à edjì goòzaa sù dani wek'èts'eezò li?” yèhdi.

⁶ Zezi yets'ò hadı, “Sı sù sek'e gòzoà aht'e, nàowo ehkw'ıı aht'e, eyıts'ò wet'à ts'eedaa aht'e. Dò wızi Setà ts'ò-etla ha dii, sı zo sek'e gòzoà hq't'e. ⁷ Amı aht'ee sù hotiı sek'èahsò nıde Setà sı wek'èahsò hq't'e. Jò gots'ò ıdaa Setà hotiı wek'èahsò xè weahı hq't'e,” Zezi gòhdi.

⁸ Philip hadı, “Sets'ò K'àowo, Netà weghàts'eedaa agònelà nıde gogha hòt'a ha,” yèhdi.

⁹ Zezi hayèhdi, “Philip, whaà naxıxè aeht'ı, hanikò ılaà sek'èızo-le ni? Amı sazı sù hòt'a Setà ghàıdà hq't'e. Eyıt'à daniğhò 'Netà weghàts'eedaa agoıle,' sııdı? ¹⁰ Setà xè ıle zo aht'e, eyıts'ò Setà sexè ıle zo hq't'e, eyı naxıgha ehkw'ı-ahodi-le ni? Yatı t'à naxıts'ò gohdee sù xàè seyatiı zo nıle. Setà sedzeè yı nàdè sù ededı edılaà ghàlaeda hq't'e. ¹¹ Setà xè ıle zo aht'e eyıts'ò Setà sexè ıle zo hq't'e dehsı nıde ehkw'ı aehsı seahwhò. Naxıgha ehkw'ı-ahodi-le nıde enıyah hòwhıtsı sù eyı weghàa naxıgha ehkw'ı-ahodi welè. ¹² Ekw'ıanaxehsı, dò wegha ehkw'ı aehsı sù ayı ghàlaehdaa sù ededı sı yeghàlaeda ha hq't'e. Setà ts'ò anahde ha t'à eyı dò denahk'e enıyah hohtsı ha. ¹³ Eyıts'ò sızi t'à t'ası seahkè nıde naxıgha hahle ha, hanı-ıde Nòhtsı Weza Edetà ghàsòhoedi ayele ha. ¹⁴ Sızi dahxa t'alaa-sı seahkè nıde naxıgha hahle ha,” Zezi gòhdi.

Zezi Yedàyeh Nezı edecheekeè ts'ò ayele ha

¹⁵ Zezi edecheekeè ts'ò hadi, "Seghoniahtò nìdè seyati k'èaht'e ha họt'e. ¹⁶ Setà naxigha wehkè ha, setl'axqò naxits'àdu elì ha sù naxits'ò ayele ha, welò while ts'ò naxits'ò-èlì ha. ¹⁷ Eyì sù Yedayeh Nezu họt'e, ehkw'i naxits'ò gode ha. Du nèk'e gots'ò dọ hazòò Yedayeh Nezu gihchì ha dù, gighàedale eyits'ò gik'èezò-le t'à. Hanikò naxixè eda eyits'ò naxidzeè yì nàdè t'à, naxì wek'èahsò họt'e. ¹⁸ Naxits'òò ahde ha t'à ts'ìnake aaht'e ha nùle; k'achì naxits'ò anahde ha. ¹⁹ Hòt'a whaà-le-t'ì dù nèk'e dọ hazòò k'achì segezì ha-le, hanikò naxì seahzì ha. Sì ehda t'à naxì sì aahda ha. ²⁰ Eyì dzeè k'e nìdè sù Setà wexè jè zò aht'e wek'èahsò ha; naxì sexè jè zò aaht'e eyits'ò sù naxixè jè zò aht'e wek'èahsò ha. ²¹ Amì seyati k'èezòò xè yek'èit'ee sù eyì dọ seghoneètò họt'e. Amì seghoneètò sù Setà yeghoneètò ha họt'e. Sì sì weghoneehtò ha, eyits'ò sezì awehè ha," Zezi hadi edecheekeè gots'ò gojè.

²² Hadì t'à Zhidàà (Zhidàà-Iscariyot awèts'edi-le) hadì, "Sets'ò K'àowo, dànìghò goxì nets'ezi agòjè ha, hanikò dù nèk'e gots'ò dọ negezì agùle ha-le?" yèhdi.

²³ Zezi yets'ò hadì, "Dọ seghoneètò nìdè seyati k'èit'e ha. Setà yeghoneètò ha, wets'ò ats'ede ha, eyits'ò wexè ats'ut'e ha. ²⁴ Dọ seghoneètò-le sù seyati k'èit'e ha nùle. Du yatì aahkw'òò sù xàè seyati nùle. Setà weyati họt'e, ededì jò ts'ò sùhà họt'e.

²⁵ "Jàà naxixè aht'ì ekò, eyì hazòò wek'ayawhihtì jè. ²⁶ Hanikò Yedayeh Nezu, naxits'àdu elì sù Setà sùzì dahxà naxits'ò ayele ha. Ededì sù t'asi hazòò hoghànaxeehtò ha, eyits'ò t'asi hazòò naxits'ò haehsù sù wenaahdì anaxele ha. ²⁷ Naxixè sìghà hòzò agohè ha. Sexè sìghà hòzòò sù naxìghàehzà ha. Dù nèk'e dànì dọ gixè hòzòò lanì naxìghàhoehzà ha-le. T'asi ghò naniahdè-le eyits'ò dahji-le.

²⁸ "Dù hanaxèhsì jè, 'Naxits'òò ahde ha hanikò naxits'ò anahde ha,' dehsì jè. Seghoniahtò nìdè Setà ts'ò anahde ghò naxinà ha họt'e, Setà senahk'e elì t'à. ²⁹ Hagode kwe sù dù naxits'ò haehsì họt'e, wek'èè agòjà nìdè naxigha ehkw'i-ahodi ha. ³⁰ Hòt'a dù nèè ts'ò k'àowo sù nùtla ha t'à, whaà-le-t'ì naxits'ò gohde-le agode ha. Sì sets'ò k'àowo nùle, ³¹ hanikò Setà weghoneehtò eyits'ò hotù weyati k'èè eghàlaehdaa sù dù nèk'e dọ hazòò ginièdi agede ha họt'e," hadì t'axqò, "Hot'èè nats'indè," edecheekeè gòhdi.

15

Ts'i eyits'ò wekw'ihchì

¹ "Sì sù t'ì wedeèdlì aht'e, eyits'ò Setà, dèè-goehshee-k'èdì-dòò elì họt'e. ² Ts'ì wekw'ihchì k'e jìecho dehshe-le sù hazòò xàyeht'à họt'e, hanikò wekw'ihchì k'e jìecho dehshe sù yek'e xagot'à, hanì-ìdè jìecho denahk'e lò dehshe gha ayehtì. ³ Yatì

naxìghàehzò t'à hòt'a degai anaxiidlà. ⁴ Sexè aahda nùdè sɪ sɪ naxìxè nàhdè ha. Kw'ihchɪ wɪzɪ ts'ɪ dɛ whatsapp wɛk'e jìecho dehshe ha dɪ. Ts'ɪ k'e kw'ihchɪ dehshe nùdè zò, wɛk'e jìecho dehshe hɔt'e. Eyi xèht'eè naxɪ sɪ sedɛ aahda ha dɪ.

⁵ “Sɪ ts'ɪ laht'e, naxɪ kw'ihchɪ laht'e. Dò sexè eda nùdè wɛxè nàhdè ha. Kw'ihchɪ wɛk'e jìecho lɔ dehshe lanì eda ha. Sedɛ t'asɪ wɪzɪ haahle ha dɪ hɔt'e. ⁶ Dò sexè eda-le sɪ kw'ihchɪ xàgeht'à gà zògeehdè lanì hɔt'e. Kw'ihchɪ whɛgɔɔ sɪ hazò nàgehtsɪ gà kwɪgeehdè gà gɪk'eehk'ò hɔt'e. ⁷ Sexè aahda xè seyati k'èahdì nùdè Setà ayɪ weahkèe sɪ naxìghàyezà ha. ⁸ Kw'ihchɪ wɛk'e jìecho lɔ dehshe laht'e nùdè Setà weghàsɔhoedi ha. Eyi weghàà secheekeè aah't'e naxìk'èhoedzò ha.

⁹ “Setà seghòneètò lanì naxìghòneehtò. Naxìghòneehtò t'à t'aats'òò sexè aah't'e. ¹⁰ Seyati k'èaht'e nùdè sexè aah't'e ha eyts'ò t'aats'òò naxìghòneehtò ha. Sɪ sɪ Setà weyati k'èaht'è eyt'à t'aats'òò seghòneètò hɔt'e. ¹¹ Eyi naxits'ò haehsɪ sɪ sets'ihzò naxinà gha aehsɪ, naxidzèè t'à sɪ naxinà wèlè. ¹² Dɪ nàowo naxìghàehzò hɔt'e: Naxìghòneehtò lanì èlɛghòniahtò. ¹³ Dò edeàgɪ gha èlɛàwɪ sɪ eyɪ wenahk'e èlɛghònets'èètò gòhɪ-le. ¹⁴ Seyati k'èaht'e nùdè seàgɪ aah't'e ne. ¹⁵ Jò gots'ò jdaà segha eghàlaedaa-dòò naxèehsɪ ha-le, k'àowo sɪ dò yegha eghàlaedaa sɪ t'asɪ hazòò yedaadi nùlè t'à. Setà t'asɪ hazòò sets'ò hadɪ sɪ naxits'ò haehsɪ t'à seàgɪ naxèehsɪ hɔt'e. ¹⁶ Naxɪ sèahchì nùlè, hanikò sɪ naxìhchì hɔt'e. Kw'ihchɪ wɛk'e jìecho lɔ dehshe laht'e ha naxìhchì hɔt'e. Eyi jìecho xàhoahwhɪ sɪ wèlò while ts'ò whela ha hɔt'e. Sɪzɪ dahxà t'alàa-sɪ Setà weahkè nùdè Setà naxìghàyele ha hɔt'e. ¹⁷ Dɪ nàowo naxìghàehzò hɔt'e: Èlɛghòniahtò.

Du nèk'e ts'ò dò Zezi wecheekeè dzagɪhwhò

¹⁸ “Dɪ nèk'e dò naxìdzagɪhwhò nùdè sɪ t'akwèlòò sedzagɪhwhò hɔt'e, eyɪ wenaahdì. ¹⁹ Dɪ nèk'e dò gixè aah't'ɪ nùdè xàè edets'ò dò lanì naxìghònegeètò ha hɔt'e. Hanikò dɪ, gits'ò dò aah't'e nùlè, dɪ nèk'e dò gɪta gots'ò naxìhchì hɔt'e. Eyi ts'ihzò dò naxìdzagɪhwhò hɔt'e. ²⁰ Dɪ yatɪ naxits'ò xàyahtɪ sɪ wenaahdì, ‘Dò wɪzɪ edets'ò k'àowo nahk'e èlɪ nùlè.’ Sɪ dasegɪhza nùdè naxɪ sɪ danaxegɪhza ha hɔt'e. Seyati k'èagɪt'e nùdè naxɪ sɪ naxiyati k'èagɪt'e ha hɔt'e. ²¹ Sɪ sets'ihzò hanì naxits'ò eghàlageeda ha hɔt'e, amɪ sɪhzaa sɪ gɪk'èezò-le t'à. ²² Jò ahjà-le xè gits'ò goihde-le nùdè gɪhoɪ gɪk'e whela ha-le jìlè. Hanikò dɪ, seyati k'ègeezò t'à ‘hoɪ hots'èhtsɪ-le,’ gedɪ ha dɪ. ²³ Amɪ sedzagɪhwhò sɪ Setà dzagɪhwhò hɔt'e. ²⁴ Dò wɪzɪ sexèht'eè gɪnadaɛ eniyah hòèhtsɪ while. Hahlà-le nùdè gɪhoɪ gɪk'e whela ha-le jìlè. Hanikò dɪ eniyah lɔ gɪazɪ kò jlaà sedzagɪhwhò eyts'ò Setà sɪ dzagɪhwhò. ²⁵ Hanikò eyɪ sɪ

Nòhtsɪ Njɪhtl'è k'e dànì dek'eèhtl'èe sɪ wɛk'èè agode ha t'à agòjà, 'T'asɪ k'èxa-le sedzagɪhwhò,' dek'eèhtl'è.

²⁶ “Setà wedahxà Yedàyeħ Nezɪ naxɪts'ò ahle ha, Setà wets'ò at'ɪ hòt'e. Eyɪ naxɪts'àdu elɪ sɪ nùtla nɪdè seghò ehkw'ɪ xàyahtɪ ha hòt'e. ²⁷ Kèhòts'ɪhwhò gòts'ò sexè aaht'ɪ ne t'à, naxɪ sɪ seghò xàyahtɪ ha hòt'e.

16

¹ “Ts'ɪzò aahde ch'à eyɪ hazòò naxɪts'ò haehsɪ hòt'e. ² Gɪts'ò elègehde-kò gòts'òò xànaegeezhɪ ha ne. Whaà-le-t'ɪ dò elàanaxegìhde ha eyɪts'ò Nòhtsɪ gha sìghà aget'ɪ gɪwò ha. ³ Setà eyɪts'ò sɪ gòk'ègeezò-le t'à hanì naxɪts'ò eghàlageeda ha hòt'e. ⁴ Du naxɪts'ò haehsɪ sɪ eyɪ nèhòwo nɪdè dànì weghò naxɪts'ò gohdee sɪ wenaahdì ha. T'akwèlòò eyɪ naxɪts'ò haehsɪ-le ɪlè, ɪlè naxɪxè whɪhda ɪlè t'à.

Yedàyeħ Nezɪ dànì eghàlaeda

⁵ “Hòt'a du àmì sɪhʔàa sɪ wets'ò anahde ha. Hanìkò naxɪ sɪ, 'Edɪ anet'ɪ?' seahdɪ t'à daseahke-le. ⁶ Eyɪ naxɪts'ò haehsɪ t'à sɪ naxɪgha du agòjà. ⁷ Hanìkò ehkw'ɪ anaxèehsɪ: Naxɪts'òò naehtla ha nɪdè naxɪgha sìghà agode ha hòt'e. Naehtla lenqɪ eyɪ naxɪts'àdu elɪ sɪ naxɪts'ò ade ha-le. Hanìkò naehtla nɪdè naxɪts'ò awehle ha. ⁸ Naxɪts'àdu elɪ sɪ nùtla nɪdè du nèk'e dò hoɪ k'èè geedaa gɪmèdì agole ha, dànì ehkw'ɪ agede ha eyɪts'ò dànì dò ehkw'ɪ gɪsɪnɪyaetɪ ha sɪ gɪmèdì agole ha. ⁹ Dò gɪgha ehkw'ɪ aehsɪ-le t'à hoɪ k'èè geeda hòt'e. ¹⁰ Setà ts'ò anahde ha, ekò anahjà nɪdè k'achɪ seahzɪ ha-le, eyɪt'à naxɪts'àdu elɪ sɪ dò dànì ehkw'ɪ agede ha sɪ gɪmèdì agole ha. ¹¹ Eyɪts'ò du nèè ts'ò k'àowo sɪ hòt'a wesɪnɪyaetɪ ne t'à du nèk'e dò gɪhoɪ k'èxa gɪsɪnɪyaetɪ hòt'e.

¹² “ɪlè t'asɪ ɪò naxɪts'ò haehsɪ ha dehwhò, hanìkò du eyɪ gha naxɪnì nàtso-le. ¹³ Hanìkò Yedàyeħ Nezɪ nùtla nɪdè t'asɪ hazòò ehkw'ɪ ne sɪ naxɪts'ò hadɪ ha, ehkw'ɪ zò gode ne t'à. Ededahxà gode ha nùle, dàehsɪ yeèhkw'òò sɪ eyɪ zò t'à gode ha, eyɪts'ò ɪdaà ayɪ dàgode ha sɪ naxɪts'ò hadɪ ha. ¹⁴ Yedàyeħ Nezɪ ayɪ sets'ò ne sɪ yìhchɪ gà wek'èahsò anaxele ha. Eyɪ wet'à seghàsòhoedɪ ayele ha. ¹⁵ T'asɪ hazòò Setà wets'ò sɪ sets'ò hòt'e. Eyɪt'à du hanaxèehsɪ, 'Yedàyeħ Nezɪ ayɪ sets'ò ne sɪ yìhchɪ gà wek'èahsò anaxele ha.'

¹⁶ “Whaà-le-t'ɪ seahzɪ ha-le, eyɪts'ò k'achɪ whaà-le-t'ɪ seahzɪ ha,” Zezì gòhdi.

Zezì wecheekeè ts'òògɪwò t'axòò gɪnà agode ha

¹⁷ Zezì wecheekeè mòhdaa elèts'ò hagedɪ, “Dàdu-adi, 'Whaà-le-t'ɪ seahzɪ ha-le, eyɪts'ò k'achɪ whaà-le-t'ɪ seahzɪ ha?’ eyɪts'ò du hadɪ, 'Setà wets'ò anahde ha t'à, hadɪ sɪ dàdu-adi,” gedɪ.

18 K'achɪ daʎegeehke, “Dii ayɪ ayèhdi, ‘whaà-le-t'ìi’? Dàdii-adu sù wenits'eedi-le,” elègeedi.

19 Zezi eyi ghò dageehke ha gɪwɔ gok'èezɔ t'à gots'ò hadi, “ ‘Whaà-le-t'ìi seahzì ha-le, eyits'ò k'achɪ whaà-le-t'ìi seahzì ha,’ dehsɪ sù ayɪ awèehsɪ dahwhò t'à weghò daʎeahke nì-aahdi? 20 Ehw'ì anaxèehsɪ, du nèk'e dɔ gɪgha sigoèt'ì, hanikò naxɪ hòt'ò aahrtse ha hɔt'e. Sù naxɪdzeè nànuti ha, hanikò naxɪnì ɪadɪ ade ha. Naxɪdzeè nànuti ɪlèe sù wet'à naxɪnà agode ha. 21 Ts'èko chekoa nihtè ha nìkw'o nɪdè hòt'ò eyaìhlè, hanikò webebia gòhɪ t'ìaxòò nɪdè weggha eyaɪlèe sù yenadi-le, webebia dɔ elɪ t'à wɪnà. 22 Dii naxɪ sɪ haah't'e: Dii naxɪdzeè nànuti hɔt'e, hanikò k'achɪ naxeehɪ nɪdè sù naxɪgha sigoèt'ì ha, eyi sù dɔ wɪzɪ naxɪghò yìhchi ha nùle. 23 Eyi dzeɛ k'e nɪdè k'achɪ t'asɪ seahkè ha-le. Ehw'ì anaxèehsɪ, ayɪ dahwhò sù sɪzɪ t'à Setà weahkè nɪdè naxɪghàyele ha hɔt'e. 24 Dii haɪwa gots'ò sɪzɪ t'à t'asɪ wɪzɪ Setà weahkè while hɔt'e. Eyt'à t'asɪ weahkè nɪdè naxɪghàzà ha ne, hanì-ɪdè sù naxɪnà agode ha.

25 “Godi t'à naxɪts'ò goihde ɪlè, hanikò nɔɔde nɪdè hanu yatɪ t'à k'achɪ hoghànaxeehtɔ ha nùle; Setà weghò ehkw'ì naxɪts'ò gohde ha. 26 Ekɪyeè k'e nɪdè sɪzɪ t'à yaahtɪ ha. Naxɪgha Setà ts'ò yahtɪ ha dehsɪ-aehsɪ-le. 27 ɪle, seghònahtɔ eyits'ò Nòhtsɪ yak'e whedaa gots'ò aht'ì naxɪgha ehkw'ì-ahodi t'à, Setà ededɪ xàè naxɪghòneètɔ hɔt'e. 28 Setà gots'ò du nèk'e ts'ò ahjà. Hòt'a du nèè gots'ò anahde ha, Setà wets'ò anahde ha,” Zezi gòhdi.

29 Zezi wecheekeè hagedɪ, “K'òòt'a godi dɛ ehkw'ì gots'ò xàyaneehtɪ. 30 T'asɪ hazòò k'èizɔ hɔt'e wek'èts'eezòò ats'ejà, eyits'ò dɔ daneegeehke kwe gɪnàowoò k'èizɔ. Eyi weghàà Nòhtsɪ gots'ò anet'e gogha ehkw'ì-ahodi ajà hɔt'e,” gùhdi.

31 Zezi hagòhdi, “K'òòt'a naxɪgha ehkw'ì-ahodi agòjà! 32 Hanikò whaà-le-t'ìi hazòò ekèahdè ha ne, hòt'a eyi nìhòɔwo hɔt'e. Hazòò naxɪkò ts'ò naahdè anaxedle ha, sɪ whatsòò whihda aseahle ha. Hanikò whatsòò whihda nùle, Setà sexè at'ì hɔt'e.

33 “Dii hazòò naxɪts'ò haehsɪ hɔt'e, hanì-ɪdè sɪ set'à naxɪgha ts'èwhɪ hòzɔ ha. Dii nèk'e naxɪxè hoila ha hɔt'e. Hanikò sɪ sù du nèk'e hazòò gɪghòèhnɔ ne t'à, naxɪnì nàtsoò aahle,” Zezi gòhdi.

17

Zezi edegha yahtɪ

1 Zezi hadɪ t'ìaxòò, ɪdòo yak'e ts'ò k'ee't'ì xè yahtɪ, hadɪ,

“Setà, hòt'a eyi nèhòɪwo, Neza weghàsòhoedi anele, hanì-ɪdè Neza neghàsòhoedi ayele ha. 2 Dɔ weghàneelaa sù welɔ while ts'ò geedaà agole ha t'à, dɔ hazòò ts'ò k'àowo awènelà. 3 Welɔ while ts'ò ts'eedaa ts'edu sù du awèts'edi: Nɪ nek'ègeezɔ ha, nɪ zɔ Nòhtsɪ ehkw'ì anet'e gik'èezɔ ha,

eyits'q Zezi-Kri, jò ts'ò weneehzàa sù, gik'èezq ha. ⁴ La seghàneežq sù weghq naht'e t'à dũ nèk'e neghàsqhoedi anèhlà. ⁵ Setà, dũ nèè hòèl̄ kwe nexè seghàsqhoedi j̄lè xèht'eè nexè seghàsqhoedi asj̄le.

Zezi edecheekeè gha yahti

⁶ “Dũ nèk'e dq hazqò seghàneelaa sù nek'ègeezqò agèhlà. Nets'q agj̄t'e j̄lèe sù seghàgnèela, eyits'q neyatù k'èagj̄t'e. ⁷ T'asù hazqò seghàneelaa sù nets'q zq hq̄t'e, eyi gik'èezqò agejà. ⁸ Yatù seghàneežq sù gighàehzq xè gigha ehkw'1-ahodi. Nets'q aht'j̄ hotù sek'ègeezq, eyits'q n̄ seneehzàa sù gigha ehkw'1-ahodi. ⁹ Dũ gigha yahti. Dũ nèk'e gots'q dq hazqò gha yahti ha dehsj̄-aehs̄-le, hanikò dq seghàneelaa sù gigha yahti, nets'q agj̄t'e t'à. ¹⁰ Hazqò sets'q agj̄t'ee sù n̄ nets'q agj̄t'e, eyits'q hazqò nets'q agj̄t'ee sù s̄ s̄ sets'q agj̄t'e. Eyi hazqò gits'ihzq seghàsqhoedi hq̄t'e. ¹¹ Hòt'a dũ nèk'e aht'e ha-le, nets'q anahde ha, hanikò secheekeè j̄lè dũ nèk'e agj̄t'e. Setà Degai, nuzi dahxà gixonehdi; nuzi wedahxà eghàlaehdaà asèneelaa sù t'à gixonehdi. Hanì-ɣdè ededj̄ sù dq j̄lè zq lagj̄t'e ha, goxj̄ j̄lè lawiit'e lanì. ¹² J̄lè gixè aht'e ekò nuzi dahxà gik'èhdi j̄lè. J̄lè kò seghq wedihòh̄-le. J̄lè wedihòh̄e ha weghàhòt'q sù eyi zq wedihòh̄e ha. Hanì-ɣdè ayi dek'eèht'èe sù wek'èè agode ha.

¹³ “Hòt'a nets'q ahde ha, hanikò j̄lè dũ nèk'e whihda et'ù eyi hazqò ghq goihde hq̄t'e. Hanì-ɣdè set'à sù ginà ha. ¹⁴ Neyatù gighàehzq hq̄t'e, eyit'à dũ nèk'e ts'q dq secheekeè dzagj̄hwhq, sexèht'eè dũ nèk'e gots'q agj̄t'e-le t'à. ¹⁵ Dũ nèk'e dq gots'qò xàgij̄wa gha yahti-le, hanikò weh̄j̄ ch'à gik'èj̄di gha nets'q yahti. ¹⁶ Dũ nèk'e gots'q aht'e-le, sexèht'eè ededj̄ s̄ dũ nèk'e gots'q agj̄t'e-le. ¹⁷ Nàowo ehkw'1 t'à degai agj̄le eyits'q nets'q gij̄j̄ agj̄le; neyatù sù nàowo ehkw'1 hq̄t'e. ¹⁸ Dũ nèk'e ts'q seneehzà xèht'eè, ededj̄ s̄ dũ nèk'e dq ta ts'q guhza hq̄t'e. ¹⁹ Gigha neghàdih̄tj̄ hq̄t'e, hanì-ɣdè ededj̄ s̄ hotù degai gij̄j̄ xè nets'q gij̄j̄ ha.

Zezi dq hazqò gigha ehkw'1-ahodu sù gogha yahti

²⁰ “Secheekeèdeè zq gigha yahti niile. Secheekeèdeè giyatù t'à dq seghq gigha ehkw'1-ahodu sù hazqò gigha yahti hq̄t'e. ²¹ Hanì-ɣdè hazqò j̄lè zq lagj̄t'e ha. Setà, nexè aht'j̄ eyits'q n̄ sexè anet'j̄, ededj̄ s̄ goxèht'eè j̄lè lagj̄t'e ha. Goxè j̄lè lagj̄t'e, hanì-ɣdè dũ nèk'e gots'q dq jò ts'q seneehzà, gigha ehkw'1-ahodi ha. ²² Sexè eniyah hòzq anelaa sù ededj̄ s̄ gixè hanì eniyah hòzq ahlà. Hanì-ɣdè goxj̄ j̄lè lawiit'e, goxèht'eè, ededj̄ elèxè j̄lè lagj̄t'e ha. ²³ S̄ gixè aht'j̄, eyits'q n̄ sexè anet'j̄. Hotù j̄lè zq lagj̄t'e agj̄le, hanì-ɣdè dũ nèk'e gots'q dq sù n̄ seneehzà, eyits'q seghqneètq lanì gighqneètq gik'èezq ha.

²⁴ “Setà, dọ hazqò seghàneelaa sù t'aats'òò sexè agùt'e ha dehwhò, eyits'ò sexè enìyah hòzò anelàa sù gezi ha dehwhò. Dú nèè hòèlì kwe seghòneètò t'à sexè enìyah hòzò anelà jìè.

²⁵ “Setà, nì sù ehkw'ì anet'e. Dú nèk'e dọ nek'ègeezò-le kò, sù nek'èehsò họt'e, eyits'ò dú dọ seghàneelaa sù jò ts'ò asèneelà gík'èezò họt'e. ²⁶ Nek'ègeezò agèhlà, dezoò nek'ègeezòò agehle ha. Hanì-ìdè dànì seghòneètòò sù ededì sù hanì èlèghònegeètòò agede ha, eyits'ò sù gixè jìè zò laht'e ha,” Zezi hadù Edetà ts'ò xàyahtì.

18

Zezi gùhchì

¹ Zezi hanì yahtì t'axòò, edecheekeè xè naèhtlà. Dea nìzà Kedron gòyeh wetegeède. Ekò ts'ì nàèhza wek'e jìè “olive” wiyeh dehshe. Zezi edecheekeè goamù ekò ts'ò ajà.

² Wecheekeè jìè, Zhidàà wiyeh, k'aodèè t'àyèhtè ha sù, ekò hok'èezò, Zezi edecheekeè xè t'aats'òò ekò at'ì jìè t'à. ³ Eyt'à, eghòò-dòò, yahtù-gha-k'aodèè gicheekeè, eyits'ò Pharisee gùlù sù Zhidàà ekò nègòjwa. Dọ eyì nègùdee sù dechù welò kò dèk'òò k'egele, tleèk'òò eyits'ò behcho sù k'egele.

⁴ Zezi wexè dàgode ha sù hazqò yek'èezò t'à gots'ò èhtlà, hagòhdì, “Amì hak'eaht'ì?” gòhdì dagoehke.

⁵ “Zezi, Nazareth got'jì,” gùhdì.

“Eyì aht'e,” Zezi gòhdì. (Zhidàà, dọ t'àyèhtè ha sù, gota nàwo nòò.) ⁶ Zezi “Eyì aht'e,” hadì ekò dọ hazqò ìdè dèè k'e nàgùt'ì.

⁷ K'achù dagoehke, “Amì hak'eaht'ì?”

K'achù hagedì, “Zezi, Nazareth got'jì,” gedì.

⁸ “Eyì aht'e naxèehsù,” Zezi gòhdì. “Sehak'eaht'ì nùdè dú dọ sexè aget'jì sù nageedè agiahle,” gòhdì. ⁹ Eyt'à ìdì dànì yahtì jìèè sù wek'èè agode ha t'à hagogùlà. Dú hadù yahtì jìè: “Dọ seghàneelaa sù jìè kò seghò wedihòlì-le,” hadù yahtì jìè.

¹⁰ Simon-Peter edets'ò behcho xàèchì gà yahtù-wet'àa?àa-deè wecheekeè jìè nàgòts'ehnéè ts'ò yedzeèbàa dachùhwho. (Eyì dọ Malchus wiyeh.)

¹¹ Zezi, Peter ts'ò hadì, “Nets'ò behcho deyù nàichì! Setà libò sets'ò dayakaa sù ehts'e ha-le neewò nì? Setà winì k'èè eghàlaehda ha họt'e,” yèhdì.

Zezi yahtù-gha-k'àowo Annas ts'ò geèhchì

¹² Hadì t'axòò eghòò-dòò, gits'ò k'àowo, eyits'ò Israel got'jì gha k'aodèè Zezi dagiachì. Wegòò èlèet'jì agùlà ¹³ gà yahtù-gha-k'àowo Annas ts'ò geèhchì. Eyì dọ sù Caiaphas wezeh họt'e. Eyì xo k'e Caiaphas yahtù-wet'àa?àa-deè elì. ¹⁴ Caiaphas ededì Israel got'jì ts'ò hadù xàyahtì jìè, “Dọ jìè dọ hazqò gha elajwo nùdè eyì denahk'e nezì họt'e,” gòhdì jìè.

Peter Zezi k'èezq-le hadi

¹⁵ Simon-Peter eyits'q Zezi wecheekeè jìè Zezi k'èè geède. Eyi wecheekeè jìè yahtu-wet'aaʔaa-deè k'èezq t'à yekò gà ts'ò Zezi k'èè nùtla. ¹⁶ Hanikò Peter kwekwjì gha xàgoòʔaa k'è dexaetla ha-le t'à eyi naèhʔi. Zezi wecheekeè jìè eyi nòqʔta ekò t'eekoa eyi eghàlaedaa sù ts'ò gojide t'à Peter goyaèhtlaà ayjìlà.

¹⁷ T'eekoa, Peter ts'ò hadi, “Nj Zezi wecheekeè anet'e-le ni?”
“Jìe, wecheekeè aht'e-le,” Peter yèhdi.

¹⁸ Edza t'à dq goyi eghàlagiùdèe eyits'q k'aodèe kò dèk'òq gà nàgeèhza xè nagìgwì. Peter ededi sù gogà nàwo xè naìgwì.

Yahtu-wet'aaʔaa-deè Zezi daehke

¹⁹ Yahtu-wet'aaʔaa-deè Zezi daehke, wecheekeè ghq eyits'q ayi hoghàgoehtq sù ghq dayeehke.

²⁰ Zezi yets'ò hadi, “Dq hazqò gidaà goihde jìè. Elègehdeè-kò eyits'q Nòhtsikò-gocho gà Israel got'jì elègehdeè sù t'aats'qò ekq zq goihde jìè t'à dq naàhtq wjzjì xàyaehiti while. ²¹ Eyt' à ayiha dasjìhke? Dq segìkw'oo sù dagiahke, dàehsjì goihdee sù hoti gik'èezq hq't'e,” yèhdi.

²² Zezi hadi t'à k'àowo jìè yegà nàwoo sù yini nàikà, hayèhdi, “Hani yahtu-wet'aaʔaa-deè ts'ò gojide ha ni?” yèhdi.

²³ Zezi yets'ò hadi, “Ekq-le xàyaehiti njdè sets'ò hajdi, hanikò ehkw'ì xàyaehiti njdè ayiha nàsenekà?” yèhdi. ²⁴ Eyi t'axqò Zezi jìàà wegòq èleet'jì xè Annas, yahtu-wet'aaʔaa-deè Caiaphas ts'ò ayjìlà.

Peter taà-eh't'aa Zezi k'èezq-le hadi

²⁵ Simon-Peter mòht'a naìgwì ekò dq jìè dayeehke, “Wecheekeè jìè anet'e dehwhq ne?” yèhdi.

“Jìe, wecheekeè aht'e nùle,” Peter yèhdi.

²⁶ Yahtu-wet'aaʔaa-deè wecheekeè jìè Peter yedzeèbàa xàjìhwhoo sù wèot'jì jìè Peter ts'ò hadi, “Edjì Zezi dagiachì sù ekq wexè neehʔi dehwhq jìè?” yèhdi. ²⁷ Hanikò Peter k'achjì hadi, “Jìe, wexè aeht'jì nùle,” yèhdi. Hadì ts'òet'jì k'àba whezeh.

Zezi k'àowo Pilate nadqà nàwo

²⁸ K'omqòdqò et'jì yahtu-wet'aaʔaa-deè Caiaphas wekò gots'q xàgeèhchì, Zezi k'àowo Pilate wekò gocho ts'ò geèhchì. Israel got'jì sù dq eladijì kò goyagedè ha gìgha wets'at'q hq't'e. Hagejà njdè, gìnàowoò k'èè “degai gijì-le” agede ha gijìwq, hanì-jdè dzèdèè Passover gha nàsì ghq shègezhe ha dii, eyit' à k'àowo Pilate wekò gocho goyagedè-le. ²⁹ Eyt' à k'àowo Pilate gots'q xàèhtla, hadi, “Djì dq ayi wek'e nìdahoahʔà?” gòhdi.

³⁰ Dq hagedì, “Eyi dqu wets'jìhwhq-le njdè nets'ò wets'eechi ha-le jìè,” gedi.

³¹ Eyit'à k'àowo Pilate hagòhdi, "Naxi neweàhchi, naxinàowoò k'èè wesinìyaahiti," gòhdi.

Israel got'ji hagedi, "Goxi dọ ẹ̀l̀aàts'ehwhi ha gogha hòzọ̀ nìle," gedi. ³² (Eyi hagòjàa sù Zezi dànì ẹ̀l̀aàwì ha edeghọ̀ gojide jìlèe sù wek'èè agode ha t'à hagòjà.)

³³ K'àowo Pilate edekọ̀ gocho goyi naèhtla. Zezi kayahiti gá dayeehke, hadi, "Israel got'ji gha k'àowocho anet'e ni?" yèhdi.

³⁴ Zezi yets'ọ̀ hadi, "Ni xàè haneewọ̀ t'à aidi ni? Hani-le-ìdè dọ̀ eyi-le seghọ̀ nets'ọ̀ hagedi ni?" yèhdi.

³⁵ Eyit'à Pilate yets'ọ̀ hadi, "Israel got'ji aht'e seneehwhọ̀ ni? Xàè nèot'ì eyits'ọ̀ yahtu-gha-k'aodèe seti'aanigihiti họt'e. Ayi danelà ghọ̀ agedi?" yèhdi.

³⁶ Zezi hadi, "Dii nèk'e gots'ọ̀ k'àowocho aht'e nìle. K'àowocho ehj nìdè Israel got'ji segihchi ch'à secheekeè ẹ̀legegọ̀ ha jìlè. Hanikò sù sù eyi-le nèk'e gots'ọ̀ k'àowocho aht'e," yèhdi.

³⁷ K'àowo Pilate hadi, "Eyit'à k'àowocho anet'e nọ̀!"

Zezi yets'ọ̀ hadi, "K'àowocho aht'e niidi sù ehkw'ì họt'e. Nàowo ehkw'ì ghọ̀ gohde ha t'à dii nèk'e segòhji họt'e. Dọ̀ hazọ̀ nàowo ehkw'ì giwọ̀ọ̀ sù segeèhkw'ọ̀ họt'e," yèhdi.

³⁸ K'àowo Pilate hadi, "Nàowo ehkw'ì ayi welè?" yèhdi. Hadi t'axọ̀ k'àowo Pilate k'achì Israel got'ji ts'ọ̀ xàèhtla, hadi, "Eyi dọ̀ ayi wek'e nìdahoehzà ha sù wek'èehsọ̀-le," gòhdi. ³⁹ Naxigha nàowo whezọ̀ k'èè dzèdèe Passover k'e nìdè dọ̀ jìlè wedaètọ̀ sù naxits'ọ̀ xàetla awehzi jìlè. "Israel got'ji gha k'àowocho' naxits'ọ̀ xàetlaà awehle ha seahwhọ̀ ni?" gòhdi.

⁴⁰ Dọ̀ nagùzeh xè hagedi, "Jìle, wets'jwọ̀-le! Barabas gots'ọ̀ xàetlaà awjile," gedi. Eyi dọ̀ Barabas wiyeh sù dọ̀ goamjì eghọ̀-dọ̀ ts'ọ̀ ẹ̀legegọ̀ jìlè.

19

Zezi dexewùtsò gha wesinìyaati

¹ Eyit'à k'àowo Pilate Zezi nàweekwaà ayijl̀à. ² Eghọ̀-dọ̀ jìhìghoò degeèt'ì t'à kwit'ì gèhtsì gá Zezi wekwì k'e nègeèchì. K'àowochozèe dek'o-dezọ̀ yì gihtì, ³ k'èdaà gik'adaedè, hagiuhdi, "Israel got'ji gha k'àowocho weghàsots'eedi!" gedi xè wini nàgeht'ì.

⁴ K'achì jl̀à k'àowo Pilate dọ̀ ts'ọ̀ xàèhtla, Israel got'ji ts'ọ̀ hadi, "Seàhkw'ọ̀, dii dọ̀ ayi wek'e nìdahoehzà ha while t'à naxits'ọ̀ xàweèhchì họt'e," gòhdi. ⁵ Zezi jìhìghoò kwit'ì wekwì k'e whezọ̀ xè zeh dek'o-dezọ̀ yì wheda hani dọ̀ ts'ọ̀ xàèhtlaà agijl̀à. K'àowo Pilate, Israel got'ji ts'ọ̀ hadi, "Jọ̀ dọ̀ weghàahda," gòhdi.

⁶ Yahtu-gha-k'aodèe eyits'ọ̀ gicheekeè giazì ts'òet'ì yagìzeh, hagedi, "Dechjet'aa k'e wedeàhtsò! Dechjet'aa k'e wedeàhtsò!" gedi.

Hanikò k'àowo Pilate hagòhdi, "Naxı neweàhchı, dechıet'aa k'e wediıtsò aweahle! Sı sı du dı ayı wek'e nıdahoeħzà ha sı wek'èehsq-le," gòhdi.

⁷ Hanikò Israel got'ıı k'èdaà hagedı, " 'Nòhtsı weza aht'e,' edèhdi t'à, gonàowoò k'èch'a xàyaıhtı, eyıt'à eıaàwı ha hıet'e," gedi.

⁸ K'àowo Pilate eyı ghı ııkw'o ekò denahk'e deıı lajà. ⁹ Kò gocho goyanaèhtıa. Zezi ts'ò hadı, "Edıı gots'q anet'ıı?" Hanikò Zezi xàyaıhtı-le. ¹⁰ K'àowo Pilate hayèhdi, "Sets'ò goıde ha neewq-le nı? Naııtaà anehlee, nedııtsò anehlee, sı sets'ò hoèlı hıet'e, wek'èıızq-le nı?" yèhdi.

¹¹ Zezi yets'ò hadı, "İdòò gots'q neghàhòt'q lenqsı nets'ò hoèlı nıle. Eyıt'à dı netı'aàsegııhtı sı nenahk'e hoıı hogèhtsı hıet'e," yèhdi.

¹² Zezi hadı tı'axqò k'àowo Pilate naetıaà ayele ha hoèhdzà, hanikò Israel got'ıı k'èdaà yagızeh, hagedı, "Eyı dı naehtıaà wèneelà nıdè dèe-ts'ò-k'àowo Caesar weàgıa neli nıle. Dı k'àowocho edèedı sı Caesar k'èch'a adı hıet'e," gedi.

¹³ K'àowo Pilate hagedı ııkw'o t'à Zezi dı ts'ò xàèhtıaà ayııla gà dı snıyahtı daèhchı k'e dèhkwa. Eyı daèhchı sı "kwe k'è" gòyeh ekq whetq. (Aramaic yatı k'èè "Gabbatha" gòyeh.)

¹⁴ Dzèdèè Passover wexèhoıwı gha Israel got'ıı snıgedè ekò dzètani ekııyèè k'àowo Pilate Israel got'ıı ts'ò hadı, "Jq naxıts'q k'àowocho nàwo," gòhdi.

¹⁵ Hanikò dı yagızeh, hagedı, "Eıaàwèahwhı! Eıaàwèahwhı! Dechıet'aa k'e wedeàhtsò!" gedi nàdahogehdè.

K'àowo Pilate gots'ò hadı, "Naxıts'q k'àowocho wediıtsò ha dahwhq nı?" gòhdi.

Hanikò yahtı-gha-k'aodèè hagedı, "Caesar ededı zq gogha k'àowocho eli ne," gııhdi.

¹⁶ Nqode t'à Pilate gok'èhoııq t'à Zezi wediıtsò ha gotı'aayııhtı.

Zezi dechıet'aa k'e wediıtsò

Eghq-qdò Zezi nıgıchı. ¹⁷ Zezi edets'q dechıet'aa nayatıı agııla, shıh Dqkwıkw'qò gòyeh ts'ò nayatı. (Aramaic got'ıı gıyatıı k'èè Golgotha gòyeh.) ¹⁸ Ekq dechıet'aa k'e Zezi gıdııhtsò eyıts'q dı nàke weghqhk'eè dexegııhtsò.

¹⁹ K'àowo Pilate weyatıı k'e t'asıı dek'eèhtı'è agııla gà Zezi wedechıet'aa k'e dawhetqò agııla. Du hanı dek'eèhtı'è, "Nazareth got'ıı Zezi, Israel got'ıı gha K'àowocho," dek'eèhtı'è.

²⁰ Edıı Zezi dechıet'aa k'e wediıtsò sı Jerusalem ts'ò nıwà-le agòht'e t'à hanı dek'eèhtı'è sı dı lq gık'eyıhtı. Aramaic got'ıı, Rome got'ıı eyıts'q Greece got'ıı gıyatıı sı k'èè dek'eèhtı'è.

²¹ Yahtı-gha-k'aodèè, k'àowo Pilate ts'ò sqagedı, " 'Israel got'ıı gha K'àowocho' dek'enııtı'è-le, hanikò 'du dı, Israel got'ıı gha K'àowocho aht'e, edèhdi, dek'enııtı'è," gııhdi.

²² Hanikò Pilate hagòhdi, “Ayì dek'enìhtl'èe sù dek'enìhtl'èe,” gòhdi.

²³ Eghoq-dòq Zezì dechiet'aa k'e gidùhtsò ekò, wegoht'òq negùwa, dì geet'eè ts'ò lats'igùwa. 7eh nedèe sù t'asagùlà-le. Eyì wezeè negùzah sù nàèhdli k'è gòhli-le, zehlt'ì mè t'à zeh hòèli họt'e.

²⁴ Eyit'à eghoq-dòq elets'ò hagedì, “Tàts'ùhdlà-le, amì wegaelì ha sù eyì gha ekw'òq ts'ùhdè,” gedi.

Dànì Nòhtsì Nìhtl'è k'e dek'eèhtl'èe sù k'èè agode ha t'à hagòjà. Dì hani dek'eèhtl'è,

“Segoht'òq lats'igùwa eyits'ò sezeè gha ekw'òq k'egehdè,” dek'eèhtl'è.

Eyit'à eghoq-dòq gixè hagòjà.

²⁵ Zezì wemq, wemq wedè, Clopas wets'èkeè Mary, eyits'ò Mary-Madlè dechiet'aa gà nàgeèhza. ²⁶ Zezì edemq ghàidà eyits'ò wecheekeè mè yeghòneètq sù eyì sì ghàidà ekò, Zezì edemq ts'ò hadì, “Ts'èko, dì neza welè,” yèhdi. ²⁷ Eyits'ò edecheekeè ts'ò hadì, “Dì nemq welè.” Hayèhdi gots'ò eyì wecheekeè sù Zezì wemq edekò nàdè ayùlà.

Zezì ełajwo

²⁸ Sìghajwaà t'axòq Zezì hadì, “Tì waehwhì.” Hòt'a t'asì hazòq weghàaedà, eyits'ò Nòhtsì Nìhtl'è k'èè agode ha yek'èezq t'à, “Tì waehwhì,” hadì. ²⁹ Gìgà kwetq yì jietì dùts'aa whehtq mè, eyit'à eghoq-dòq ehtl'ì lanu jietì ta nawhehtsoò agùlà. Dechì nedèe welq wexeetl'ì agùlà gà Zezì wewà ts'ò agehzi. ³⁰ Zezì yaazea wewàhòqdi ajà t'axòq, “Hòt'a enahọt'e,” hadì, eyì t'axòq wekw'ì zhuì ajà gà ełajwo.

³¹ Eyì dzeq sù Nòhtsì Dzeq gha sinìgedèe dzeq k'e agòht'e, eyits'ò ek'èdaedzeq k'e Nòhtsì gha dzèdèe hòè ha. Nòhtsì Dzeq k'e dqkw'òq dechiet'aa k'e dawhela ha-le gùwq t'à Israel-got'ù-gha-k'aodèe k'àowo Pilate ts'àgede. Eyì dq tai gidzà nàgeezhì gha eyits'ò gikw'òq dechiet'aa k'e gots'ò hodàgewa gha k'àowo Pilate dagùhke. ³² Eyit'à eghoq-dòq doju mè Zezì xè wedùtsò sù wedzà k'egùzhì, wek'èè k'achì doju mè hagùlà. ³³ Zezì ts'ò nègùde ekò hòt'a ełajwo mè nq giazì, eyit'à wedzà nàgùzhì-le. ³⁴ Hanikò eghoq-dòq mè behkà t'à Zezì wechòq ghàihgè. Hani et'ì edoò eyits'ò tì sì xàèt'ì. ³⁵ Dq wedaà hanàhòwoo sù ehkw'ì yeghò gojde họt'e. Ehkw'ì yeghò gojde yek'èezq, hanì-jdè naxì sì wet'à naxìgha ehkw'ì-ahodi ha. ³⁶⁻³⁷ Nòhtsì Nìhtl'è k'e dì hani dek'eèhtl'è: “Wekw'òq làet'ee wùzì nàtì ha-le,” eyits'ò dì hani sì dek'eèhtl'è, “Eyì dq gìghajhkoo sù gìghàeda ha,” dek'eèhtl'è. Nòhtsì Nìhtl'è k'e dànì dek'eèhtl'èe sù wek'èè agode ha t'à, eyì hazòq hagòjà họt'e.

Zezì wekw'òq nìtq

³⁸ Eyì t'axòò Arimathea got'jì Joseph Zezì wekw'òò nùchì ha k'àowo Pilate ts'ò èhtlà. Joseph ededì sì Zezì wecheekeè họt'e, hanikò Israel got'jì gha k'aodèe ts'ajejì t'à dọ gik'èezọ-le. K'àowo Pilate, heze, yèhdi t'à Zezì wekw'òò edexè nayeèhchì. ³⁹ Dọ jìè Nicodemus wiyeh yexè at'ì. Eyì dọ sù to Zezì ts'èèhtlà jìè. Nicodemus yik'eet'òo eyits'ọ dọts'ìá lẹkọọ, lẹhdìenọ-daats'ọ-sìlà àihda nẹyila, Zezì wekw'òò k'e agele gha. ⁴⁰ Eyì dọ nàke Zezì wekw'òò nagiichì t'axòò dọkw'òò gha yik'eet'òo eyits'ọ zehť'ì neghoa nezjì wekw'òò mọèhdoò agjìlà. Israel got'jì dànì dọkw'òò nègeetjì sù k'èè agjìlà. ⁴¹ Edjì Zezì dechjet'aa k'e wediitsòo gà jìecho dehshee k'è gòzọ. Ekọ kwe yì dọkw'òò whetọọ k'è gòzọọ sù weyì dọkw'òò jìtọ-le t'à wegòò họt'e. ⁴² Hòt'a Israel got'jì gigha Nòhtsì Dzẹẹ ts'ò whaà-le t'à, eyits'ọ eyì dọkw'òò whetọọ k'è ts'ò nìwà-lea t'à ekọ Zezì wekw'òò nègìtọ.

20

Zezì kwe yì wekw'òò whetọ sù wègoèht'ì-le

¹ Nòhtsì Dzẹẹ t'axòò k'omọdọdọ jìàà to ekò, Mary-Madlẹ edjì Zezì wekw'òò whetọọ ts'ò èhtlà. Eyì nùtla ekò, kwe nechàa eni'zọ jìè sù yìzọdọ deèyì nọọ, ya'zì. ² Eyit'à Sìmón-Peter eyits'ọ Zezì wecheekeè jìè yeghọneètọọ sù ts'ò natimọèhza, hagòhdi, "Gots'ọ K'àowo dọkw'òò k'è gots'ọ xàgùhtì. Edjì nègùhtjì sù wek'èts'eezọ-le," gòhdi.

³ Eyit'à Peter eyits'ọ Zezì wecheekeè jìè dọkw'òò k'è ts'ò lẹgeèhtlà. ⁴ Jìah ekọ timọgeèht'a, hanikò wecheekeè jìè Peter nahk'e nàtla t'à yekwe-t'ì dọkw'òò k'è nùtla. ⁵ Goyadaèhgè ekò dọkw'òò ts'ọ zehť'ì neghoa eyì whelaa ya'zì, hanikò goyaèhtlà-le. ⁶ Sìmón-Peter yek'èè eyì nùtla, kwe yì dọkw'òò whetọọ k'è goyaèhtlà. Ededì sì zehť'ì neghoa eyì whela ya'zì, ⁷ eyits'ọ zehť'ì Zezì wekw'òò k'e whehchì sù eyì sì ya'zì. Eyì zehť'ì whatsọọ ełewehchì, zehť'ì neghoa ta whehchì-le. ⁸ Nọode t'à wecheekeè jìè Sìmón kwe eyì nùtla jìè sù ededì sì goyaèhtlà. Hagòht'e hoa'zì t'à wegħa ehkw'ì-ahodiì ajà. ⁹ (Nòhtsì Njìht'è k'e Zezì nàidà ha họt'e dek'eèht'èè sù jìàà ginièdi-le.)

Zezì Mary-Madlẹ ts'ò wègoèht'ì

¹⁰ Eyì t'axòò Zezì wecheekeè edekọ ts'ò nageèhde. ¹¹ Hanikò Mary-Madlẹ dọkw'òò whetọọ k'è mọht'a tjadà etse. Etse xè goyadaèhgè. ¹² Yak'eet'jì nàke goht'ọ degoo yì geèhkw'e goa'zì. Edjì Zezì wekw'òò jìtọ jìè sù wet'axòò geèhkw'e. Yak'eet'jì jìè kwèe-lọ wheda, eyits'ọ jìè kèe-lọ wheda.

¹³ Yak'eet'jì dageehke, "Ts'èko, ayìha netse?" gùhdi.

Mary hadi, “Sets’ò K’àoowo t’asìi nageèhchì, edìi nègùhtì sù wek’èehsq-le,” gòhdi. ¹⁴ Hadì tì’axòò ets’aèhtlà t’à Zezi eyi nàwo yaɔ, hanìkò Zezi at’i nàyèzhzhì-le.

¹⁵ Zezi yets’ò hadi, “Ts’èko, ayìha netse? Amì hak’eit’i?” yèhdi.

Dèè-sìgòqwhqò-dòò at’i yùhwhò t’à, Mary hayèhdi, “K’àoowo, t’asìi nèwùchì nìdè edìi nèwùhtì sù sets’ò hadì, naweehchì ha t’à,” yèhdi.

¹⁶ Zezi yets’ò hadi, “Mary,” yèhdi yùzi.

Mary yets’ò ets’aèhtlà, Aramaic yatì k’èè, hòtsaa whezeh, hadi, “Rabboni!” hadi. (“Rabboni” gedi nìdè “hoghàehtqò-dòò,” gedi-agedi.)

¹⁷ Zezi yets’ò hadi, “Dasìchì-le, ìhà Setà ts’ò anahjà nùle t’à. Hanìkò sèot’i gits’àatlà, dii hagiidi, ‘Setà eyits’ò naxì sì naxità ts’ò anahde ha, Senòhtsì eyits’ò Naxìnòhtsì ts’ò anahde ha,’ ” hadì edecheekeè godayatìniɔ.

¹⁸ Mary-Madlè Zezi wecheekeè ts’òet’i àjà, hagòhdi, “Gots’ò K’àoowo weehzi!” dèèjà. Zezi dàgòhdi ha yèhdi sù hazòò gots’ò hadi.

Zezi edecheekeè ts’ò wègoèht’i

¹⁹ Nòhtsì dzeè k’e xèhts’ò làà nègùde ekò Israel got’i gha k’aodèe ts’àgeejì t’à edets’òdaànìgùhè. Hòtsaa Zezi gonì nàwo, hadi, “Naxìxè sìghà welè!” gòhdi. ²⁰ Hadì tì’axòò, edilà eyits’ò edechòò ghàgùdà agòòlà. Wecheekeè gits’ò K’àoowo at’i nàgèhzhì ekò gìnà t’à gìnà.

²¹ Zezi k’achì hagòhdi, “Naxìxè sìghà welè! Setà jò ts’ò sùhɔà xèht’eè dò ts’ò naxeehɔa ha,” gòhdi. ²² Hadì tì’axòò gok’e whehsò, hagòhdi, “Yedàyeh Nezì naxik’e awede. ²³ Dò gihòhì gìghò nahoahle nìdè, gihòhì gìghò nahoezhe ha; dò gihòhì gìghò nahoahla-le nìdè gihòhì gìghò nahoezhe ha-le,” gòhdi.

Zezi Thomas ts’ò wègoèht’i

²⁴ Thomas (Elèchqekèa wiyeh) Zezi wecheekeè hòndò-daats’ò-nàke gùlì sù ededì ìè hòt’e. Zezi gots’ò wègoèht’i ekò Thomas eyi wheda-le ìè. ²⁵ Eyit’à Zezi wecheekeè hagiidi, “Gots’ò K’àoowo wets’aɔ,” gedi. Hanìkò Thomas gots’ò hadi, “Wìlà gotsè k’è gòɔqò selakw’òò t’à daehchì lenq̄sù eyits’ò silà t’à wechòò k’e wekaà daehchì lenq̄sù segha ehkw’i-ahodi ha nùle,” gòhdi.

²⁶ Ìè dzehta k’ehq̄owo tì’axòò k’achì wecheekeè goyì geèhkw’e. Ekò Thomas goxè wheda. Eneèdo kò Zezi goyaèhtlà, gonì nàwo, hadi, “Naxìxè sìghà welè!” gòhdi. ²⁷ Thomas ts’ò hadi, “Silà ghàda, nelakw’òò jò nìchì. Nìlà t’à sechòò dàchì. Nìni nàtso xè negha ehkw’i-ahodi welè,” Zezi yèhdi.

28 Thomas yets'ò hadi, “Sets'ò K'àowo eyits'ò Senòhtsi anet'e!” yèhdi.

29 Zezi yets'ò hadi, “Seghànedà t'à negha ehkw'i-ahodi. Hanikò amì sazi-le kò weggha ehkw'i-ahodi sù wexè sìghà hq't'e,” yèhdi.

30 Zezi edecheekeè godaà eniyah eyi-le lq hòèhtsi hanikò hazòq dù nìhtl'è k'e dek'eèhtl'è-le. 31 Hanikò ayi dek'eèhtl'è sù naxìgha adlà hq't'e. Zezi, Nòhtsi Weza, Christ hq't'ee sù, eyi naxìgha ehkw'i-ahodi gha dek'eèhtl'è hq't'e. Naxìgha ehkw'i-ahodi nùdè Zezi wets'ìh2ò welq while ts'ò aahda ha.

21

Zezi wecheekeè hwe lq gehli

1 Tiberias-ti gà Zezi k'achì wecheekeè ts'ò wènegoèht'ì. Gixè dù hanì nàhòwo: 2 Simon-Peter, Thomas (Elèchqekèa wiyeh), Nathanael (Galilee nèk'e kòta Cana gots'ò dọ), Zebedee weza nàke eyits'ò wedq wecheekeè nàke, hazòq elexè geèhk'w'e ìlè. 3 Simon-Peter gots'ò hadi, “Mì t'à h k'alahwho ha,” gòhdi. “Nexè ats'ede ha,” giuhdi. Eyi t'à ekq geèze. Hanikò eyi toò k'e t'asi wuzi gehli-le.

4 K'omòqòdọ agòjà ekò Zezi tabàa nàwo. Hanikò wecheekeè nàgeèhzhì-le.

5 Zezi dagoehke, “Àgìq, asìì hwe naxits'ò?”

“Dàòdi,” giuhdi.

6 Gots'ò hadi, “Naximì nàgòts'ehnèe ts'òqhk'e teahwha. Hanì-ìdè h aahhì ha,” gòhdi. Hagìlìlè ekò hwe lq gehli t'à mì elà yì geeli ha whìagìlìlè.

7 Wecheekeè ìlè Zezi yeghòneètqọ sù Peter ts'ò hadi, “Gots'ò K'àowo at'ì,” yèhdi. Peter ìkw'o ts'òet'ìì edezeè nedèe yì naetlè (yeyi xàetlè t'à) eyits'ò Zezi ts'ò tèèhko. 8 Wecheekeè elà yì geèhk'w'ee sù Peter k'èè geèze, tabàa ts'ò taekw'eènq gokè laàgqwha agòht'e. Mì t'à h dagoòzọ tàgeeli. 9 Tabàa dàgeède ekò kòkwì k'e hwe et'è eyits'ò lèt'è whezq giazì.

10 Zezi gots'ò hadi, “Ìwe whahli sù, mòhdaa jọ niahwha,” gòhdi.

11 Simon-Peter elà yietlè gà mì tabàa ts'ò tàyeèli. Mì weyi hwe nechàa dagoòzọ ehli; hazòq t'à ìèakw'eènq-daats'ò-sìlèenq-daats'ò-tai (153) hwe ehli. Ìwe lq ehli hanikò mì tàìdlà-le.

12 Zezi gots'ò hadi, “Jọ aahdè gà shèahzhe,” gòhdi. Wecheekeè gots'ò K'àowo at'ì ne gik'èezq t'à “Amì anet'e,” giuhdi ha gıwq-le. 13 Zezi gots'ò èhtlè, lèt'è neyichi gà goghàymidi eyits'ò hwe sù hayìlìlè. 14 Dù xè taà-eh't'aa Zezi naidà t'axòq, edecheekeè gots'ò wènegoèht'ì.

Zezi Peter ts'ò gode

¹⁵ Shègiazhe t'axò Zezi Simon-Peter ts'ò hadi, "John weza Simon, di dọ gınahk'e seghoneëtọ ni?"

Simon yets'ò hadi, "Hẹzẹ, sets'ò K'àowo, neghōneehtọ wek'èizọ ne," yèhdi.

Zezi hayèhdi, "Sesahzọą gıwàıdı," yèhdi.

¹⁶ K'achı Zezi Simon-Peter ts'ò hanaedi, "John weza Simon, si seghoneëtọ ni," yèhdi.

"Hẹzẹ, neghōneehtọ wek'èizọ ne," Peter yèhdi.

Zezi hayèhdi, "Sesahzọą gık'èıdı," yèhdi.

¹⁷ K'achı tai t'à Zezi yets'ò hadi, "John weza Simon, seghoneëtọ ni?" yèhdi.

Peter, Zezi taà-eh-t'aà hayèhdi t'à wegħa dii agòjà. Peter hayèhdi, "Sets'ò K'àowo t'ası hazọọ k'èizọ ne, neghōneehtọ sek'èizọ họt'e," yèhdi.

Zezi yets'ò hadi, "Sesahzọą gıwàıdı. ¹⁸ Ehkw'ı anèehsı, cheko nelı ekò k'edıtl'ı xè edıı ts'ò k'èıtlọ ha neewọọ sı ekọ k'èıtlọ ıle. Hanikò eneeko wheelı nıde negọọ ehts'ọọ anele ha, eyıts'ọ dọ eyıı-le k'enegeht'ı ha, edıı ts'ò neewọ-le sı ts'ò anegele ha," Zezi yèhdi. ¹⁹ Zezi hadı yets'ò xayahtı sı dani Peter ełaaı ha ghọ goıdeè adı, hanı Nọhtsı wızi ghàsọhoedi ayele ha. Eyı t'axò Zezi yets'ò hadi, "Sek'èıtlı!" yèhdi.

²⁰ Peter ets'aèhtla ekò k'et'ı, wecheekeè ıle Zezi yeghōneëtọ sı gok'èè naetle yaı. (Eyı wecheekeè sı nọde elexè shègiazhe ekò Zezi k'e detsọhtı sı hayèhdi ıle, "K'àowo, amı k'aodèe t'aànehtè ha?" yèhdi ıle.) ²¹ Peter eyı wecheekeè ghọ Zezi daehke, "K'àowo, ekò ededı dade ha?" yèhdi.

²² Zezi yets'ò hadi, "Jọ nọehtla gots'ọ eda ha weehwhọ nıde eyı negħa dāwet'è? Nı sı sek'èıtle ha họt'e," yèhdi. ²³ Zezi Peter ts'ò hadı t'à Nọhtsı wecheekeè hazọọ hagedı, eyı wecheekeè ıle ełaaı ha-le, gedı, godı gèhtsı. Hanikò Zezi "Ełaaı ha-le," yegħo hadı-adı nıle. "Jọ nọehtla gots'ọ eda ha weehwhọ nıde eyı negħa dāwet'è?" eyı zọ hadı.

²⁴ Eyı wecheekeè sı eyı hazọọ hagòjaa sı yegħo goıde họt'e, eyıts'ọ dek'enèyıt'è họt'e. Yegħo ehkw'ı goıde wek'ets'eezọ họt'e.

²⁵ Zezi t'ası eyıı-le ı eghalaıdā họt'e. Hazọọ dek'enèyıt'è nıde di nek'e wenıht'è hazọọ għa gòzọ ha-le tahkò.

Zezi wecheekeèdeè gıgodıı

Zezi yak'e ts'ò nıwııtı

¹ Seàgıa Theophilus, ıdı enıhtı'è nets'ò ahłaa sıı dani Zezi eghalaıdàa eyıts'ò dani dọ hoghàgoèhtọọ hazọọ wek'e dek'enıhtı'è ıle. ² Eyıts'ò yak'e ts'ò nıwııtı gots'ò, edecheekeèdeè gòıhchıı sıı ayıı dägele ha sıı Yedayeh Nezzıı wedahxà eyı ghọ gots'ò goıde ıle. ³ Dajzà eyıts'ò eławo tı'axọọ wecheekeè gıts'ò wègoèht'ı, eyıts'ò godaa enıyah ıọ hòèhtsıı eyı weghàà eda họt'e gık'èezọọ agọọlà. Dıenọ dzeę laatlọ ts'ò wecheekeè gıazı eyıts'ò Nọhtsı Wenàowoò k'èè hòzọọ ghọ gots'ò goıde. ⁴ Ekııyèè k'e goxè shètı ekò hagòhdi, “Kòta Jerusalem gots'ò naahdè-le. ıọ naahzı. Setà t'asıı nezzıı naxıts'ò ayele ha dıı sıı danaahzı. Eyı weghọ naxıts'ò goıhde ıle. ⁵ John-Baptist tı t'à dọ k'ètaıdzọ ıle, hanıkò whaa-le-t'ıı Yedayeh Nezzıı t'à naxık'ètaıdzı ha,” gòhdi.

⁶ Wecheekeè hazọọ ląą geèkw'e ekò Zezi dageehke, “Gots'ò K'àowo, asıı dıı Israel got'ıı k'achı edenèè ts'ò k'agedè agıle ha?” gııhdi.

⁷ Zezi gots'ò hadı, “Dàht'e k'e eyıts'ò ayıı dzeę k'e Setà ededahxà t'asıı hayele ha sıı naxı wek'èahsọ-le kò. ⁸ Hanıkò Yedayeh Nezzıı naxık'e ajà nıdè nàahtsoò anaxele ha. Kòta Jerusalem, Judea nèk'e, Samarıa nèk'e hazọọ, eyıts'ò dıı nèk'e welọ ts'ò segodıı nezzıı t'à dọ xè goahdo ha họt'e.”

⁹ Hadı tı'axọọ wecheekeè gıdàà ıdòò ts'ò nıwııtı. K'oh zıı ajà ts'ò gıghàeda.

¹⁰ Hotıı ıdòò yat'a ts'ò k'eeget'ı ekò họt'saa dọ nàke zeh degoo yıı geèkw'e goga nàlegeewo. ¹¹ Gots'ò hagedı, “Galılee got'ıı, ayııha ıdòò yat'a ts'ò k'eaht'ı? Zezi naxıts'ò yak'e ts'ò nıwııtı sıı, eyı xèht'èè yak'e gots'ò ıọ anade ha họt'e,” gògedı.

Mathias Zhıdàà tı'axọọ ajà

¹² Shıh Olivet gòyeh gots'ò nageèhde, kòta Jerusalem ts'ò anagejà. Eyı kòta ts'ò ıle echı k'aazı họt'e. ¹³ Eyı nègııde ekò dahkò agıt'ee sıı ts'ò dekegııde. Dọ goyıı geèkw'ee sıı Peter, John, James, Andrew, Philip, Thomas, Bartholomew, Matthew, Alphaeus weza James eyıts'ò Sımon (“dọ edenèè ghọneètọọ” wıyeh), eyıts'ò James weza Zhıdàà, hazọọ t'à dọ haatlọọ goyıı geèkw'e. ¹⁴ Hazọọ ląą geèkw'e xè t'aats'ò elexè yagehtı. Ts'èko sıı eyı geèkw'e. Zezi wemọ Mary eyıts'ò wechı goxè aget'ı.

¹⁵ Ekııyèè k'e Peter dọ gıgha ehkw'ı-ahodıı sıı gots'ò gode ha gota nàwo. (Dọ ıleakw'eènọ-daats'ò-naènọ haatlọọ goyıı

geèhkw'e.) ¹⁶ Peter gots'ò hadi, "Sèot'ù, Nòhtsì wenìhtl'è k'e dànì dek'eèhtl'èe sùì wek'èè agode ha hòt'e. T'akwe whaà k'àowochò David Yedàyeh Nezu dahxà Zhidàà ghò xàyahùtl'è. Zhidàà Zezi gihchi ha dọ k'egohzù sùì dùì hanì weghò dek'eèhtl'è, ¹⁷ 'Ededì goxè at'ì jìlè eyits'ò goxè eghàlajà jìlè, dek'eèhtl'è," Peter gòhdì.

¹⁸ (Zhidàà hojì eghàlajà k'èxa sòmba weghòzhaa sùì yet'à dèè nàgoèhdì. Eyi dèè k'e jìdaà nàakw'òò adiìdlà, wezhì jìtìdlà t'à wets'ùì hazòò xàit'ì. ¹⁹ Dọ hazòò Jerusalem nàdèe sùì gìghòkw'o, eyit'à eyi dèè sùì Akeldama gùhdì. Giyatù k'èè "Dèè k'e Edoò ajà" gedù-agedù.)

²⁰ Eyi t'axòò Peter hadi, "Shì-nìhtl'è k'e dùì hanì dek'eèhtl'è, 'Eyi wedèè gokw'òò gòzò ha; dọ wùzù yek'e nàdè ha-le, 'eyits'ò, 'Dọ yet'axòò k'àowo welè, hanì sùì dek'eèhtl'è.

²¹ Zezi jìlè goxè eda ekò dọ jìlè whaà gots'ò goxè at'ù sùì ts'ìhchi ha hòt'e. ²² John-Baptist dọ k'ètaidzì ekò gots'ò eyits'ò Zezi jìdòò nìwìtì gots'ò dọ goxè aet'ù sùì ts'ìhchi ha hòt'e. Eyi dọ sùì wedaà Zezi nàidàa sùì goxè yeghò dọ ts'ò gode ha hòt'e," hadi.

²³ Eyi t'axòò dọ nàkè gùzì: dọ jìlè Joseph wìyeh (Barsabas sùì wìyeh hanì-le-jìdè Justus sùì wìyeh) eyits'ò jìlè Mathias wìyeh. ²⁴ Eyi t'axòò yagùhtì, "Gots'ò K'àowo, dọ hazòò gìdzeè k'èizò anet'e. Dùì dọ nàkè gots'ò amì weneehchì sùì wek'èts'eezòò agojì. ²⁵ Zhidàà edjì weggha hòzòò ts'ò ajà t'à yet'axòò Zezi wecheekeèdeè elì ha," gedù yagùhtì. ²⁶ Amì agelee sùì gha ekw'òq geèhdè, eyit'à Mathias ededì t'aa wìchì. Zezi wecheekeèdeè hòndò-daats'ò-jìlè gota whedaà ajà.

2

Yedàyeh Nezu Zezi wecheekeè gok'e ajà

¹ Pentecost dzèdè k'e agòjà ekò Zezi wecheekeè hazòò jìhkhò goyù geèhkw'e jìlè. ² Hòtsaa yak'e gots'ò nìhts'ì nàtsoo hòdwo. Kò goyù geèhkw'ee sùì goyù hazòò ts'ò nìhts'ì dèekw'ò. ³ Dọ eyi geèhkw'ee sùì kòwòò nechà-lea lanù elèts'òò ajà gà hazòò gitaat'eè gik'e ajà gìazì. ⁴ Yedàyeh Nezu dọ hazòò eyi geèhkw'ee sùì k'e ajà. Yatì eyi-le xàzaa k'èè gogedeè agòòlà.

⁵ Ekò k'e Israel got'ù Nòhtsì ghò hòt'ò agùwòò sùì hazòò nèk'e gots'ò Jerusalem nègùde jìlè. ⁶ Eyi nìhts'ì dèekw'ò gùkw'ò ekò dọ hazòò jìlè elèwhede. Zezi wecheekeè yatì eyi-le xàzaa k'èè gogede gogùkw'ò t'à sùì gìgha enìyah dì. ⁷ Sùì gìgha enìyah t'à dàlegèhke, "Dùì dọ gok'èè gogede sùì hazòò Galilee got'ù agùt'e kò ⁸ goxì xàè goyatù k'èè gits'ùkw'ò. ⁹ Hazòò nèk'e gots'ò Israel got'ù eyits'ò dọ eyi-le xàzaa Moses wenàowòò k'èè geedaà agejää sùì jò elèwhede: Parthia, Mede eyits'ò Elamite got'ù. Eyits'ò hazòò nèk'e gots'ò aget'ì: Mesopotamia, Judea, Cappadocia, Pontus, Asia, ¹⁰ Phrygia, Pamphylia, eyits'ò Egypt

nèk'e, eyits'ò Libya nèk'e, kòta Cyrene ts'ò gòwà-le. Eyits'ò Rome, ¹¹ Crete eyits'ò Arab got'ì jò nègùde. Goxi hazòò xàè goyatì k'èè dànì Nòhtsi eniyah eghàlajida ghò gogedee gits'ùkw'o!" gedi. ¹² Dò hazòò gigha eniyah t'à, dafegeehke, "Dàgot'ì-agot'ì?" gedi.

¹³ Hanikò dò mòhdaa sù Zezi wecheekeè k'adageedè, "Jietì lò giadó t'à agedì," gedi.

Peter dode èlèwhedee gots'ò gode

¹⁴ Peter, Zezi wecheekeède hòno-daats'ò-ìlè gota nàwo gà hòt'ò dò hazòò ts'ò xàyahtì, hadì, "Sèot'ì, Israel got'ì yàahlì, eyits'ò naxì hazòò jò Jerusalem nàahdèe sù hotì nezì seàhk'w'ò. Ayì dàgòjàa sù naxits'ò wek'ayahtì ha. ¹⁵ Dì dò geèhde agèt'ì dahwhò nì? K'òà t'aa k'omòòdòò lòtò nìzò agòht'e! ¹⁶ Ìle, geèhde niile, dì sù nakwenàozòò Joel dì hanì yeghò gojde ìlè:

¹⁷ 'Nòhtsi hadì, Nòde dzeè ts'ò hawe nìdè sets'ò Yedàyeh Nezi dò hazòò k'e ahlè ha. Wedahxà naxìza eyits'ò naxì xàyagehtì ha. Naxits'ò cheko gínazhu xègaat'ì ha, naxits'ò eneèko nàgete ha. ¹⁸ Ekìyèe k'e nìdè secheekeè, dözhi eyits'ò ts'èko gùlì sù Yedàyeh Nezi gik'e ahlè ha eyits'ò wedahxà xàyagehtì ha. ¹⁹ Idò yat'a eniyah hohtsi ha eyits'ò dèè gok'e eniyah nàhòwoò ahlè ha. Edoò lò nùlì ha, kò nàtsoo xè lò lò agode ha. ²⁰ Gots'ò K'àowo eniyah t'à niitaa dzeè kwe, sadeè xè togoòt'ò agode ha eyits'ò adzèzah edoò lade ha. ²¹ Dò hazòò gots'ò K'àowo ghò gini nàtsoo sù edaxàweetè ha, 'dek'èèht'è.

²² "Israel got'ì yàahlì sù seàhk'w'ò: Nòhtsi sù, Nazareth got'ì Zezi naxits'ò yìhà họt'e, eniyah lò hòèhtsi eyì weghàà wek'èahsò họt'e. Nòhtsi yet'à hanì naxita eghàlajida, naxì kò wek'èahsò họt'e. ²³ Eyì Zezi sù naxìghàwìtì họt'e. Nòhtsi hanì ha nìwò t'à eyits'ò hawedle ha nadaà yek'èezò t'à naxìghàyìhtì họt'e. Naxì doju naxits'ògùdì t'à dechìet'aa k'e wedeàhtsò xè èlèwèahwho họt'e. ²⁴ Hanikò Nòhtsi sù naidà ayìlì, lòwewee t'à dàjà-le. Nòhtsi t'asì wegħa dìlè t'à, lòwewewee ayìlì-le.

²⁵ K'àowochò David dì hanì yeghò ìt'è ìlè,

'Sets'ò K'àowo t'aats'òò senadqà wègaat'ì. Nàgòts'èhnèe k'e segà wheda t'à dehjì ha-le. ²⁶⁻²⁷ Eyì t'à sedzeè t'à sinà xè sewà t'à ehjì ha. Nòhtsi sek'w'òò dèè goyì àitòò ayele ha-le t'à sezhiì edaxàhtè ha hotì segħa ehkw'ì-ahodì. Nòhtsi wets'ò degai elì sù wekwò ehjì ch'à yek'èdì ha họt'e. ²⁸ Nàowo wet'à ts'eedaa sù wek'èehsòò asìlì. Nòhtsi wexè ehda t'à sù sinà asele ha, 'dek'èèht'è.

²⁹ "Sèot'ì, k'àowochò David èlèwewee hotì wek'èehsò, wekw'òò nègùtò eyits'ò dì dzeè ts'ò jò wekw'òò whetò họt'e. ³⁰ Nòhtsi yegħa yatì nàtsoo whehtsi sù nakwenàozòò elì t'à yek'èezò xè hanì xàyahtì. Eyì sù nòde-ìdè ededì wets'ìhòò-dòò ìlè

yetl'axqò k'àowocho elı ha, Nòhtsı yèhdı ıle. ³¹ İdaa dâgode ha yek'èezq t'à Christ naıdâ ghq xâyahı. Wekw'qò kwe yı aıtq nıle, eyıts'q wekwò sı ıhıı ajâ-le. ³² Nòhtsı sı Zezi naıdâ ayıllâ. Goxı hazqò godaa agòjà hqt'e. ³³ İdòo Nòhtsı ts'ò nıwııtı eyıts'q yegâ nâgòts'ehnèe wheda hqt'e. Nòhtsı-Gotâ, Yedâyeh Nezzı ghq goıdee sı Zezi ghâyııq. Zezi eyı Yedâyeh Nezzı gots'q ayıllâa sı dıı weghâahda xè weâhk'q hqt'e. ³⁴⁻³⁵ K'àowocho Davıd İdòo yak'e ts'ò nıwııtı nıle, hanıkò dıı hadı,

'Gots'q K'àowo, sets'q K'àowo ts'q hadı, Amı nets'q xânegıı?aa sıı hazqò gıghqıhnè agehle gots'q, nâgòts'ehnèe k'e segâ wheeda, dek'eèhtl'e.

³⁶ "Eyt'a İsrail got'ıı hazqò Nòhtsı dâni gogha eghâııdâa sıı hotı gık'èezq ha: Eyı Zezi dechıet'aa k'e wedeâhtsòo sıı Nòhtsı gogha K'àowo yèhtsı eyıts'q Christ sı yèhtsı," Peter hadıı dq ts'q goıde.

³⁷ Dq hazqò eyı egıkw'o ekò geèhyeh lagejâ. Peter eyıts'q Zezi wecheekeèdeè ts'q hagedı, "Gòet'ıı, hanı-ıdè ayı dâts'ıllâ lı?" gedı.

³⁸ Peter gots'q hadı, "Edek'eahı, naxını eıadıı aahle. Naxıhoıı naxıghq nahoezhe ha t'à, hazqò naxıtaât'eè Zezi wııı t'à naxık'ètaıdzıı adeahle. Hanı-ıdè Yedâyeh Nezzı naxık'e ade ha. ³⁹ Nòhtsı sıı naxıgha, naxıza gıgha, dq hazqò nıwâ nâgedè sıı gıgha, eyıts'q t'aa Nòhtsı gokayahtı ha sıı hanı gogha yatı nııq hqt'e," gòhdı.

⁴⁰ Peter yatı lq t'à gots'q goıde xè goghqñadaetı, hadı, "Dq nâowııı k'èè geeda gıta nâahdèe sıı gıch'à edaxâahdè," gòhdı.

⁴¹ Dq gıgha ehkw'ı-ahodı xè weyatı gııhchıı sıı gık'ètaıdzq. Eyı dzeq k'e tai-lemı dq haâtıq goxèaget'ıı agejâ.

Dq gıgha ehkw'ı-ahodu sıı dâni eıexè geeda

⁴² Zezi wecheekeèdeè hoghâgogeehtq ekò hotı egeèhk'q, eyıts'q yagehtı xè Nòhtsı lèt'e ghq shègezhe gha lâq eıegèhdè.

⁴³ Zezi wecheekeèdeè enııyah lq eghâlagııdâ t'à, dq hazqò gıgha enııyah dıı. ⁴⁴ Dq hazqò gıgha ehkw'ı-ahodı sıı eıexèaget'ıı, eyıts'q t'asıı hazqò gıts'q sıı eıèht'eè eıeghâgeedı. ⁴⁵ T'asıı gıts'q sıı gıghq nâedı, eyı sqòmba t'à dq t'asıı weggha whıle sıı ts'âgedı.

⁴⁶ Dze taât'eè Nòhtsııqò-gocho gâ lâq nêgudè. Edekò Nòhtsı lèt'e tãgeezhı gâ eıexè shègezhe, sıgeèt'ıı xè ehkw'ı agııwq.

⁴⁷ Nòhtsı ghâsqgeedı eyıts'q dq hazqò goghq nezzı agııwq. Dze taât'eè gots'q K'àowo dq deıqatıq gots'q ayezzı sıı edaxâgole.

3

Dq k'eda-le sıı Peter k'aât'ıı ayıllâ

¹ İlâa tai nııq ekııyeè k'e yatı ha nııkw'o ekò Peter eyıts'q John Nòhtsııqò-gocho ts'q legeèhtı. ² Dq ıle wegghı gots'q k'eda-le sıı Nòhtsııqò-gocho tııdâ Wèdaat'ıı gòyeh ekò nêgeèchı.

Dzẹ taàt'eè eyi nègehtè, dọ goyageedè sù sọ̀mba goekè ha eyi whedaà agehzi. ³ Peter eyits'ọ John goyageedè ha nìkw'ò ekò goazì t'à sọ̀mba goekè. ⁴ Peter eyits'ọ John hotù gighàeda. Peter hadì, “Hotù goghàida,” yèhdi. ⁵ Eyit'à dọ hotù goghàida, t'asù seghàgeza ha nìwọ̀ jìlè.

⁶ Hanìkò Peter yets'ò hadì, “Sọ̀mba sets'ọ-le, hanìkò ayì sets'ọ sù neghàehza ha. Nazareth got'ì Zezi-Krì wuzì dahxà, k'eitlò!” yèhdi. ⁷ Yìlà nùchì gà nùtlaà ayìjìlà. Ekòet'ì eyi dọ wekè eyits'ọ wekechì nàtsoò ajà. ⁸ Yaika xè k'edaà ajà. Goxè Nòhtsìkò-gocho ts'ò etlè, k'eda xè yaika eyits'ọ Nòhtsì ghàsòedì. ⁹ Dọ hazọ̀ godaà k'eda xè Nòhtsì ghàsòedì giazì ekò ¹⁰ eyi dọ nàgèehzhì. Nòhtsìkò-gocho gà tìjìdà Gódaat'ì gòyeh t'aats'ọ̀ ekọ̀ sọ̀mba-ekè jìlè, eyi at'ì nàgèehzhì. Eyì dọ wexè hanàhòwò t'à, dọ hazọ̀ sù gìgha enìyah dìi.

Peter Nòhtsìkò-gocho gà dọ gots'ò gode

¹¹ Eyì dọ-teèt'ì sù jìlà Peter eyits'ọ John nàgoetò ekò dọ hazọ̀ gìgha enìyah t'à gots'ò tìmọ̀geède, Solomon wets'ọ sagòhzi-k'è ekọ̀ ts'ò tìmọ̀geède. ¹² Peter gots'ò hadì, “Israel got'ì, dànìghọ naxìgha enìyah dìi? Dànìghọ naxìgha enìyah nàhòwò lanì goghàahda? Goxì godahxà dì dọ k'edaà ats'ìjìlà dahwhọ nì? Deghàà Nòhtsì winì k'èè ts'eedaà adets'ìdìlà t'à k'edaà awets'ìjìlà dahwhọ nì? Jìlè, haahwhọ-le. ¹³ Gocho Abraham, Isaac, Jacob eyits'ọ gocho hazọ̀ Gìnòhtsì sù, edecheekeè Zezi weghàsòhoedì ayìjìlà. Elààwì ha dọ t'ì'aa wèahitì jìlè, eyits'ọ k'òowo Pilate naxìts'ò xàetlà ayele ha nìwọ̀ kò naxì weahwhọ-le jìlè. ¹⁴ Eyì Dọ Degai xè Ehkw'ì Edaa sù weahwhọ-le jìlè, hanìkò eweèt'ì elì sù eyi t'aa weahwhọ jìlè. ¹⁵ Eyì dọ wet'à ts'eedaa sù ełààwèahwho họt'e, hanìkò Nòhtsì naidà ayìjìlà. Eyì hazọ̀ hagòjà sù goxì godaà agòjà họt'e. ¹⁶ Zezi gogha ehkw'ì-ahodì t'à dì dọ weghàahda eyits'ọ wek'èahsọ̀ sù nàtsoò ajà. Zezi wedahxà eyits'ọ ededì wet'ò̀ gòni nàtsoò t'à dì dọ deghàà k'aat'ì anajà sù weghàahda họt'e.

¹⁷ “Sèot'ì, wek'èahsọ̀-le t'à hanì Zezi ts'ò eghàlaahda, eyits'ọ naxìts'ọ k'aodèe ededì sù hanì eghàlagùdà. ¹⁸ Hanìkò Nòhtsì sù nakwenàòzọ̀ hazọ̀ t'à nadaà gots'ò gojìde jìlè. Christ daiza ha, hadì jìlè, hanì yek'èè eghàlaidà. ¹⁹ Eyit'à edek'eahì eyits'ọ Nòhtsì ts'ò anaahde, hanì-ìdè naxìhojì naxìghọ nahoezhe ha, ²⁰ eyits'ọ gots'ò K'òowo naxìxè sìghà hòzọ̀ ayele ha eyits'ọ Zezi Christ họt'e sù naxìts'ò ayele ha, ededì naxìgha wìchì họt'e. ²¹ Nòhtsì t'asù hazọ̀ ehkw'ì hòzọ̀ ayele gots'ò, Christ yak'e wheda ha họt'e. T'akwe whaà nakwenàòzọ̀ degai gùjì sù Nòhtsì gha gogùde t'à Nòhtsì edeyatì k'èè hohtsì ha hadì jìlè. ²² Moses dì hadì jìlè, 'Gots'ò K'òowo Naxìnòhtsì sù naxèot'ì gita gots'ọ̀ nakwenàòzọ̀ sexèht'eè sù naxìgha yìhchì ha. T'asù

hazòò hanaxèhdù sù weàhkw'ò ha hòt'e. ²³ Amì yeèhkw'ò-le sù wèot'ì ta gots'ò xàweezà ha, 'dek'eèht'è.

²⁴ “Hèzè, Samuel nakwenàozòò elì gots'ò nakwenàozòò hazòò dù dzèè ghò nadaà gogùde ìlè. ²⁵ Nakwenàozòò ayì ghò gogùde ìlè sù naxìgha hòt'e eyits'ò ìdèè whaà, Nòhtsì naxìcho xè nakenawhehtsù sù naxìgha hòt'e. Abraham ts'ò dù hadì ìlè, 'Nets'ìhòò-dòò wet'à dù nèk'e dò hazòò gixè sìghà hòòò ha hòt'e, 'dek'eèht'è. ²⁶ Nòhtsì eyì dò ìhchì sù naxì t'akwèòò naxits'ò yìhà hòt'e. Naxìàowòhù wedè aahleè anaxele ha, hanì-ìdè naxìxè sìghà hòòòò ayele ha,” Peter gòhdi.

4

Peter eyits'ò John gìghò nàyaeti

¹ Peter eyits'ò John dò ts'ò gogede ekò yahtù gùlù eyits'ò Nòhtsìkò-xogùhdù-dòò eyits'ò Sadducee gùlù sù gots'ò geède.

² Peter eyits'ò John, Zezì wet'à dò naidà ha, gedì hanì dò hoghàgeetò t'à, k'aodèe gùlù sù eyì ghò sù gik'èch'a agejà.

³ Peter eyits'ò John gìghò nàyaeti ha dagogìachì. Xèhts'ò agòjà t'à satsò gots'ò dò-danìlìaa-kò nègogùwa. ⁴ Hanìkò dò ló godì gùkw'oo sù gìgha ehkw'ì-ahodì agejà. Hazòò t'à dòzhì sùlì-lemì haatìòò gìgha ehkw'ì-ahodì agejà.

⁵ Ek'èdaedzèè k'e k'aodèe, òhdah gùlù eyits'ò Nòhtsì-yatù-k'ègedì-dòò kòta Jerusalem elegeèhdì ha lùà nègùde. ⁶ Annas, yahtù-wet'àazàa-deè elì, eyì wheda, eyits'ò Caiaphas, John, Alexander eyits'ò yahtù-wet'àazàa-deè wèot'ì gùlù sù eyì geèhkw'e. ⁷ Giyatù k'e Peter eyits'ò John tanì nègogùwa gà dagogeehke, “Ayì dahxà, hanì-le-ìdè amì wùzì t'à hanì eghàlaahda?” gògedì.

⁸ Peter, Yedayeh Nezù wek'e ajà t'à gots'ò hadì, “K'aodèe yàahù eyits'ò òhdah yàahù sù, ⁹ dù dzèè k'e dò k'eda-le etewets'eèzì k'èxa goghò nàyaeti nùdè, eyits'ò dànì dò k'aat'ì ajà sù ghò dagoahke ha nùdè, ¹⁰ naxì eyits'ò Israel got'ù hazòò sù naxits'ò dù hats'edi ha: Nazareth got'ù Zezì wùzì dahxà dù dò k'aat'ì ajà hòt'e. Zezì dechìet'aa k'e wedeàhtsò ìlè hanìkò Nòhtsì naidà ayìlì. ¹¹ 'Naxì kwèkò gòahstì gots'ò kwe ìlè zòahk'aa sù' ededì hòt'e 'eyì kwe denahk'e wet'àazàa whèlì.' ¹² Ededì zò edaxàgole ha hòt'e. Dù nèk'e dò wùzì wet'à edaxàts'eèdè ha gòhù nùlè,” Peter gòhdi.

¹³ Peter eyits'ò John geejì-le gogede eyits'ò hoghàgeetò-le agùt'e gok'èhogeèhzà ekò k'aodèe sù gìgha enìyah diì. Eyì dò sù Zezì xè agiat'ì ìlè gìnadi. ¹⁴ Dò k'aat'ì ajà sù Peter eyits'ò John gogà nàwo gìghàeda t'à, gok'èch'a t'asagedì ha diì. ¹⁵ Peter eyits'ò John elegeèhdì-kò gots'ò xàgogeèwa, eyì t'axòò goghò èlets'ò gogede. ¹⁶ Dàgeehke, “Dàgets'ele ha?” gedì. “Enìyah deè hogèhtsù sù dò hazòò Jerusalem nàgedèe gik'èezò. Eyit'à

hagòjà-le gìts'edi ha dii. ¹⁷ Hanikò eyi hazòò dọ ta ts'ò ade ha ts'uwọ-le. 'Zezi wuzi t'à dọ ts'ò goahde-le,' hats'edi nàgets'e? ha," gedi.

¹⁸ Giyati k'e Peter eyits'ọ John k'achị goyagogeewa ga hagògedi: "K'achị Zezi wuzi t'à dọ ts'ò goahde-le eyits'ọ weghọ dọ hoghàgĩahtọ-le," gògedi. ¹⁹ Hanikò Peter eyits'ọ John hagedi, "Dii weghọ nàniàhdè: ayi seè Nòhtsi gha ehkw'i ne, naxik'èats'it'e, hani-le-ìdè Nòhtsi k'èats'it'e? ²⁰ Ayi ghàts'iddà eyits'ọ ayi weghọ ts'ikw'oo si weghọ gots'ede-le ha dii," gedi.

²¹ K'aodèe k'èagut'e-le nìdè hoila agogele ha gògedi t'axọò nagogeèhà. Dọ hazòò eniyah nàhòwo ghọ Nòhtsi ghàsogeedi t'à, dànì hoila agogele ha si k'aodèe gik'èezọ-le. ²² Eyi dọ eniyah nàhòwo t'à k'aat'ì ajàa si d'ènọ daats'ọ weghò họt'e.

Nòhtsi wecheekeè yagehti

²³ Peter eyits'ọ John nagogeèhà ekò Nòhtsi wecheekeè ts'ò anagejà. Yahtu-gha-k'aodèe eyits'ọ ọhdah gullu dàgedu si hazòò gots'ọ hagedi. ²⁴ Nòhtsi wecheekeè egikw'o ekò hazòò Nòhtsi ts'ọ yagehti, hagedi, "Gots'ọ K'àowo t'asi hazòò negha dii-le anet'e. Yat'a, dèe, ti, eyits'ọ t'asi hazòò edaa si whehtsi họt'e. ²⁵ Gocho David Yedàyeh Nezi dahxà godeè anelà. Necheekeè du hadi anelà,

'Dànighọ du nèk'e dọ hazòò xàzaa si gich'e? Dànighọ k'èt'ọ gots'ọ K'àowo k'èch'a aget'ì? ²⁶ Du nèk'e k'àowocho làq elègide, Nòhtsi k'èch'a aget'ì eyits'ọ wets'ọ Christ si k'èch'a aget'ì, k'àowocho David hadi ilè.

²⁷ Hẹzẹ, hotu hagòjà. K'àowocho Herod eyits'ọ k'àowo Pilate, dọ eyi-le xàzaa eyits'ọ Israel got'ì elèxè jọ kòta làq elègide ilè. Zezi necheekeè degai weneehchi si wek'èch'a k'ehogezà ilè. ²⁸ Idèe whaà gots'ọ hani eghàlageeda ha neewọ k'èè eghàlagidà. ²⁹ Gots'ọ K'àowo, dii k'aodèe gullu si dànì gok'èch'a gogedee si geèkw'ọ. Necheekeè ts'ullu si negodi t'à dọ xè gots'edo ha edèdats'eedi-le agoje. ³⁰ Nilà t'à dọ k'aat'ì agiye eyits'ọ necheekeè Zezi wuzi degai t'à eniyah deè gezi agiye," gedi yaguihtu.

³¹ Yaguihtu t'axọò, kọ goyi làq geèkw'ee si hotsaa nàgòhdọ. Hazòò goyi geèkw'ee si Yedàyeh Nezi gik'e ajà t'à Nòhtsi weyati t'à gogede ha gini nàtsoò ajà.

Dọ gigha ehkw't-ahodu si t'asi hazòò t'à elèts'agedi

³² Hazòò gigha ehkw't-ahodu si gidzeè eyits'ọ gini ilè zọ lajà. Dọ t'asi gits'ọ si edegha zọ gik'edi-le, t'asi hazòò gits'ọ si elètaàgeelè. ³³ Zezi wecheekeède eniyah hogehtsi xè gots'ọ K'àowo Zezi naidà wegodi t'à dọ xè gogedo, eyits'ọ Nòhtsi wesoniwọ dezòò gits'ọ-èlì. ³⁴ Dọ-teèt'ì wuzi gota wheda-le.

Qhk'è dèè hanì-le-ɔdè kò gɔts'ɔ nɔdè gɪghɔ nàèdì gà eyɪ sɔ̀m̄ba
 35 Zezi wecheekeèdeè gà nègele. Amù wegħa t'asì wìle sù eyɪ
 sɔ̀m̄ba t'à gots'agedì.

36 Gɪta dɔ̀ ɔ̀lè Joseph wìyeh sù Cyprus gots'ɔ̀ Levi got'ɔ̀ hɔt'e.
 Zezi wecheekeèdeè, Barnabas wìyeh agùlà. (Dɔ̀-ts'adù-dɔ̀
 gedì-agedì.) 37 Eyɪ dɔ̀ Barnabas dèè wets'ɔ̀ sù wegħɔ nàèdì gà
 eyɪ sɔ̀m̄ba Zezi wecheekeèdeè ghàɔ̀wà.

5

Ananias eyits'ɔ̀ Sapphira

1 Dɔ̀ ɔ̀lè Ananias wìyeh, wets'èkeè Sapphira wìyeh, ededì
 sù dèè gɪghɔ nàèdì. 2 Eyɪ dɔ̀, edets'èkeè xè yatì whehtsɪ
 t'à, sɔ̀m̄ba m̄ohdaa edegħa gɪk'èdì, eyits'ɔ̀ m̄ohdaa Zezi
 wecheekeèdeè ghàɔ̀wà.

3 Eyɪt'à Peter eyɪ dɔ̀ ts'ò hadì, “Ananias, dànìghɔ wehɔ̀
 nedzèè nezì-le ayìlà t'à Yedàyeh Nezm̄ ghɔyanèɔ̀? Dànìghɔ dèè
 negħɔ nàèdì sù wesɔ̀m̄baà m̄ohdaa edegħa wek'èdì? 4 Dèè
 negħɔ nàèdì kwe sù eyɪ dèè nets'ɔ̀ ɔ̀lè ne sɔ̀naà? Negħɔ nàèdì
 t'axɔ̀ wesɔ̀m̄baà ts'ò k'àɔ̀wò ɔ̀lè ne sɔ̀naà? Dànìghɔ ekɔ̀-
 le eghàlaneedà? Dɔ̀ ts'ò hoɔts'ì nùile, Nòhtsɪ ts'ò hoɔts'ì hɔt'e,”
 yèhdi.

5 Ananias eyɪ ghɔ ɔ̀kw'o ts'òet'ì nàakw'o gà eɔ̀wò. Dɔ̀
 hazòò dàgòjàa sù ghɔ egùkw'o t'à sù geèyeh. 6 Cheko
 m̄ohdaa goyaède, wekw'òò zèht'ɪ yì gùhtɪ gà xàgeèhchì, eyits'ɔ̀
 wekw'òò nègùtɔ̀.

7 Tai sadzèè t'axɔ̀, wets'èkeè goyaèhtà. Dàgòjàa sù
 yek'èezɔ̀-le. 8 Peter yets'ò hadì, “Sets'ò hadì, dù sɔ̀m̄ba
 haàtɔ̀ k'èxa dèè naxìghɔ nàèdì nùt'e?” yèhdi.

Ts'èko hadì, “Hèzè, haàtɔ̀ sɔ̀m̄ba k'èxa dèè goghɔ nàèdì,”
 yèhdi.

9 Peter yets'ò hadì, “Dànìghɔ Yedàyeh Nezm̄ weahdzà ha
 dahwhɔ̀ nòò? Cheko nedòò xàgeèhchì sù jɔ̀ tɔ̀dà ts'ò gɪadè. Nì
 sù xànegeèhtè ha,” yèhdi.

10 Ekòet'ì ts'èko yenadaà nàakw'o gà eɔ̀wò. Cheko goy-
 ageède sù ts'èko eɔ̀wò gɪazɪ t'à wekw'òò xàgeèhchì, wedòò gà
 wekw'òò nègùtɔ̀. 11 Nòhtsɪ wecheekeè eyɪ hazòò hagòjà ghɔ
 egùkw'o ekò sù geèyeh.

Zezi wecheekeèdeè dɔ̀ ɔ̀ k'aat'ù agùlà

12 Zezi wecheekeèdeè dɔ̀m̄ enùyah ɔ̀ hogèhtsɪ. Gɪgha ehkw'ɪ-
 ahodù gùlù sù Solomon wets'ɔ̀ sagòhzm̄-k'è làà eɔ̀nagèhdè ɔ̀lè.
 13 Dɔ̀ ɔ̀ gots'ò nezì agùwò kò goxè agèt'ɪ ha geejɪ. 14 Hanikò
 dɔ̀zhì eyits'ɔ̀ ts'èko ɔ̀ gots'ò K'òowò gɪgha ehkw'ɪ-ahodù, eyɪt'à
 deɔ̀ò dɔ̀ ɔ̀ goxè agèt'ɪ ajà. 15 Dɔ̀ eyagùlù sù tè k'e tɔ̀libàa
 nègògùwà. Peter goxaèhtà-ɔ̀dè edahxɔ̀ weɔ̀zhì gɪk'e ajà nɔ̀dè

k'aat'ii agede ha gũwọ. ¹⁶ Jerusalem wemọọ kọta yàgòlaa gots'ọ dọ lọ nẹgũde, dọ eyaelũ eyits'ọ dọ mĩhũ t'à eyagũlũ sũ eyi nẹgogũwa. Hazọọ k'aat'ii agejà.

K'aodèe Zezi wecheekeèdeè dagogũh?

¹⁷ Hagọjà t'à yahtũ-wet'aaàa-deè eyits'ọ k'aodèe hazọọ, Saducee gũlũ sũ sũ goghọ ts'ohogeedi. ¹⁸ Zezi wecheekeèdeè dagogiachi gà dọ-daniĩlaa-kọ nẹgogũwa. ¹⁹ Totanũ ekĩyèè k'e yak'eet'ii dọ-daniĩlaa-kọ enixàĩwa gà xàgoèwa. ²⁰ Yak'eet'ii gots'ọ hadi, "Nọhtsĩkọ-gocho gà dọ ts'ọ goahde, eladi ts'eadaa wegodi t'à dọ hazọọ xè goahdo," gòhdi.

²¹ K'omọdọdọ et'ii Nọhtsĩkọ-gocho gà nẹgũde, eyits'ọ dọ hoghàgogeehtọ.

Yahtũ-wet'aaàa-deè eyits'ọ wexè k'aodèe gũlũ sũ eyi nẹgũde ekò Israel got'ii gha k'aodèe hazọọ elegeèhdi gha gokàgehà, eyits'ọ Zezi wecheekeèdeè dọ-daniĩlaa-kọ nẹgogũwaa sũ gikàgòhdi. ²² Hanikò Nọhtsĩkọ-xoguhdũ-dọ dọ-daniĩlaa-kọ nẹgũde ekò Zezi wecheekeèdeè gũwhile nọọ. Eyt'à ek'èt'à nageèhde gà k'aodèe ts'ọ dũ hagedi, ²³ "Dọ-daniĩlaa-kọ hòt'ò eneèdo eyits'ọ dọ-xoguhdũ-dọ eniĩtọ gà nàgeèhza, enixàts'aachi ekò dọ wũzì goyi wheda-le nọọ," gedi. ²⁴ Nọhtsĩkọ-xoguhdũ-dọ gha k'àowo eyits'ọ yahtũ-gha-k'aodèe eyi godi gũkw'o ekò gĩgha eniĩyah lanì. Dànĩt'à hagọjà sọni gũwọ.

²⁵ Dọ ilè eyi niĩtla hadi, "Dọ gidaèzha ilè sũ yeè Nọhtsĩkọ-gocho gà dọ hoghàgogeehtọ," gòhdi. ²⁶ Eyt'à Nọhtsĩkọ-xoguhdũ-dọ gha k'àowo, edecheekeèdeè xè Zezi wecheekeèdeè ts'ọ geède. Dọ kwe t'à nàgogeehshì ha sọni gũwọ t'à ts'èwhiĩ negogũwa.

²⁷ Yahtũ-wet'aaàa-deè Zezi wecheekeèdeè dagoehke ha t'à, k'aodèe elegeèhdũ sũ nadaà nàgeèhzaà agogũlã. ²⁸ Yahtũ-wet'aaàa-deè gots'ọ hadi, "Yati nàtsoo naxìghàts'ũzọ ilè; Zezi wũzì t'à dọ hoghàgihtọ-le naxèts'edi ilè. Hanikò Jerusalem dọ hazọọ ayi hoghàgihtọ sũ eyi ghọ gogedeè agejà, eyits'ọ goxi got'aat'à eyi dọ elaiwo dahdi ha, k'ehoahza," gòhdi.

²⁹ Peter eyits'ọ Zezi wecheekeèdeè mọhdaa hagedi, "Nọhtsĩ sũ dọ nahk'e wek'èats'ũt'e ha họt'e! ³⁰ Zezi dechiet'aa k'e elàwèahwho kọ gocho Gĩnọhtsĩ sũ Zezi naidà ayiĩlã. ³¹ Nọhtsĩ idòo ts'ọ neyihĩ, edegà nàgòts'ehnee whedaà ayiĩlã, gogha k'àowocho yèhtsĩ eyits'ọ edaxàgole ha ayiĩlã. Eyt'à Israel got'ii edek'egũlũ niidè gihoũ goghọ nahoele ha. ³² Eyi hazọọ nàhòwoo sũ weghàts'ũdà họt'e, wet'à dọ xè gots'edo, eyits'ọ Yedayeh Nezi ededi sũ dọ ts'ọ hadi. Dọ Nọhtsĩ k'èagũt'ee sũ Yedayeh Nezi goghàzà họt'e," Peter gòhdi.

³³ Peter hadi goide k'aodèe gũkw'o ekò sũ gini-le t'à elàagoghde ha gũwọ. ³⁴ Hanikò Pharisee ilè, Gamaliel wiyeh,

Nòhtsɪ-yatù-k'ègedù-dò gòta wheda elɪ sù dɔ nezzù gɪts'ò naza hòt'e. K'aodèe gòta nàwo gà hadi, "Whaà-lea ts'ò Zezi wecheekeè mòht'a xàgùdè agiahle," gòhdi. ³⁵ Xàgeède t'axòò k'aodèe gòts'ò hadi, "Israel got'ù, eyi dɔ dàgiahle ha sù hotù nezzù weghò nàniahdè. ³⁶ Idi whaà-le ekò dɔ jì Theudas wiyeh 'T'asù deè aht'e,' dɪ t'à dɔ ta at'ɪ jì. Eyit'à dɪakw'eènɔ dɔ haàtlòò gɪts'ò ajà. Hanikò ɛlaàgùhwho t'axòò wecheekeè hazòò ehkègùdè. Eyì hanàhòwoo sù t'asù wɪzzù whelì-le. ³⁷ Eyits'ò dɔ hazòò nagihà ekìyèe k'e Galilee nèk'e gòts'ò dɔ jì Zhidàa wiyeh dɔ lɔ edegha nàwehtsɪ gà dèe-ts'ò-k'àowo xè ɛlɛgɪagò jì. Hanikò ededɪ sɪ ɛlaɪwo t'à wecheekeè hazòò ehkègùdè. ³⁸ Eyit'à, dù dàgot'ù sù weghò dù hanaxèehtsɪ ha: Eyì dɔ whatsoò agùt'ù! Nagùdè agiahle! Edinì k'èè eghàlageeda agèt'ɪ nɪdè t'asagode ha nùle. ³⁹ Hanikò Nòhtsɪ winì k'èè agot'ɪ nɪdè eyi dɔ gɪk'èch'a aaht'ɪ ha dù. Nòhtsɪ k'èch'a eghàlaahda ha ne," gòhdi.

⁴⁰ Gamaliel ehkw'ɪ adɪ gɪwɔ t'à weyatù k'èhogɪzɔ. Zezi wecheekeèdeè goyagogeèwa gà gok'egùhkwa. Zezi wɪzì t'à goahde ha-le gògedɪ t'axòò nagogeèhà.

⁴¹ Zezi wecheekeèdeè Israel got'ù gha k'aodèe gòts'ò nageèhde. Zezi gha dagùzàa agùldà t'à sù gɪnà xè masì gɪwɔ.

⁴² Dzɛ taàt'eè Nòhtsɪkò-gocho gà eyits'ò dɔkò goyì t'aats'òò dɔ hoghàgeehtɔ sù ghò nagèt'è-le. Zezi, Christ hòt'e gedɪ, eyi godì nezzù t'à dɔ hazòò xè gogedo.

6

Dɔ lòhdɪ weghò shèts'ezhee dɔ tàgele gha gùhchì

¹ Ekìyèe k'e dɔ lɔ Nòhtsɪ wecheekeè gùjì agejà. Hanikò Israel got'ù Greek k'èè gogedee sù Israel got'ù Aramaic k'èè gogede ghò sɔagedɪ. Dzɛ taàt'eè weghò shèts'ezhee dɔ tàgele, hanikò gita ts'ò ts'èko gɪgà dɔzhì while sù gɪghàzaadi nùle, gedɪ. ² Eyit'à Zezi wecheekeèdeè, Nòhtsɪ wecheekeè hazòò gokàgehà, hagògedɪ, "Bò dɔ tàts'ele nɪdè Nòhtsɪ weyatù dɔ hoghàgɪts'eehtɔ gha dek'azì ade ha. Eyì ehkw'ɪ ha nùle. ³ Sèot'ù, amù Yedàyeh Nezzù gɪts'ò-èlɪ sù eyits'ò gogɪzɔ sù naxita gòts'ò dɔ lòhdɪ ààhchì. Eyì la gɪt'aa whezòò aahle. ⁴ Hanì-jdè goxì yats'ehtì eyits'ò Nòhtsɪ weyatù dɔ hoghàgɪts'eehtɔ ha, eyi zò ghàlats'eeda ha," gògedɪ.

⁵ Hagògedɪ sù hazòò gɪgha nezzù. Stephen, eyi dɔ Nòhtsɪ ghò winì nàtsoo xè Yedàyeh Nezzù wets'ò-èlɪ sù gùhchì. Eyits'ò Philip, Procopus, Nicanor, Timon, Parmenas, eyits'ò Nicolas, dɔ haàtlòò gùhchì. Nicolas wiyeh sù kòta Antioch nàdè ekò Israel got'ù goxèht'eè wegħa yatù ajà jì. ⁶ Eyì dɔ haàtlòò sù Zezi wecheekeèdeè gà nègogùwa eyits'ò gokwìt'a dageèhdì gà gok'eèyagùhtì.

⁷ Eyit'à dọ lọ Nòhtsị yatù ghọ gukw'o. Kòta Jerusalem Nòhtsị wecheekeè lọ ajà, eyits'ọ gita yahtu lọ gigha ehkw'1-ahodii agejà.

Stephen dagiachi

⁸ Stephen Nòhtsị wesoniwọ eyits'ọ t'asii nàtsoo wets'ò-èlì t'à dọni eniiyah deè hòèhtsị. ⁹⁻¹⁰ Hanikò Israel got'ii ìlè xà?aa “edets'ò k'agedèe dọ” giiyeh sù Stephen k'èch'a gogede. Cyrene nèk'e, kòta Alexandria, Cilicia nèk'e eyits'ọ Asia nèk'e gots'ọ dọ agiut'e. Stephen wekwì gọqzọ xè Yedàyeh Nezi dahxà gots'ọ gode t'à gidàgode ha dii agejà.

¹¹ Dọ naàhtọ dọ mọhdaa ts'ọ gogede, gits'ọ hadi, “Stephen ghọ dii haahdi: Eyi dọ, Moses eyits'ọ Nòhtsị k'èch'a xàyahtu wets'iikw'o, haahdi,” gògedi.

¹² Eyit'à dọ hazọ, ọhdah gullu eyits'ọ Nòhtsị-yatù-k'ègedii-dọ xè nàdahoowo hogèhtsị. Stephen dagiachi gà Israel got'ii gha k'aodèe elegeèhdi sù ts'ọ geèhchi. ¹³ Dọ hogets'i t'à yek'e nìdahogee?aa sù eyi nègogiiwa, hagedi, “Dii dọ t'aats'ọ Nòhtsịkọ-gocho degai eyits'ọ Moses wenàwoò k'èch'a gode. ¹⁴ Dii hadi wets'iikw'o, ‘Nazareth got'ii Zezi wiyeh sù Nòhtsịkọ-gocho yedihohtsị ha, eyits'ọ Moses nàwoò goghà?dọ sù ìadi ayele ha,’ hadi, wets'iikw'o ìlè,” gedi.

¹⁵ K'aodèe eyi geèhkw'ee sù hotii Stephen ghàgeeda, wini yak'eet'ii wini lanì gigha wègòèht'i.

7

Stephen Israel got'ii gha k'aodèe ts'ọ gode

¹ Yahtu-wet'aa?aa-deè dayeehke, “Dii dọ nek'e nìdahogee?aa sù, asii ehkw'1 ne?” yèhdi.

² Stephen hadi, “Sèot'ii eyits'ọ gozọhdaà yàahli sù seàhkw'ọ! Gocho Abraham Mesopotamia nèk'e nàidè ekò, ìlè kòta Haran nàdè-le ekò, Nòhtsị eniiyah wehòh?dọ sù yets'ọ goide ìlè. ³ Nòhtsị yets'ọ dii hadi ìlè, ‘Nenèe gots'ọ xàitlè gà nèot'1 gits'ọdọ aade. Edii nèk'e ts'ọ aade ha sù nedaehsị ha,’ Nòhtsị yèhdi.

⁴ “Eyit'à Abraham Chaldean got'ii ginèe gots'ọdọ xàèhtlè gà Haran nèk'e nàidè. Abraham wetà ełaiwo t'axọ Nòhtsị jọ ts'ọ ayilè. Dii eyi deè wek'e nàts'edè họt'e. ⁵ Ekiiyèè k'e Nòhtsị jọ nèk'e yeghà?dọ-le ìlè, deè nechà-lea kò yeghà?dọ-le ìlè. Hanikò Nòhtsị sù Abraham ghàyatii?dọ ìlè. Dii hayèhdi ìlè, ‘Nọde-ìdè ededi eyits'ọ wets'ih?dọdọ geedaa sù dii deè gighaeli ha,’ yèhdi ìlè. Ekiiyèè k'e Abraham weza gòhli-le kò Nòhtsị hanì yets'ọ goide ìlè. ⁶ Eyits'ọ Nòhtsị dii hanì sù yets'ọ goide, ‘Nets'ih?dọdọ eyii-le nèk'e xàhtọ gullu ha. Eyi-le dọdọ gha hòt'ò eghàlageeda ha, eyits'ọ diakw'èenọ xo ts'ọ dagogiih?aa ha. ⁷ Hanikò eyi dọ xà?aa gha hòt'ò eghàlageedaa

sii hòt'ò nàgeekwa ha hòt'e. Eyi t'axòò-ìdè nets'ihzòò-dòò sii eyi dò gínèè gots'òò xàgeedè ha, jò nèk'e agede gà sets'ò yagehti ha, Nòhtsi yèhdi ìlè. ⁸ Eyi t'axòò Nòhtsi Abraham xè nakenawhehtsi. Dòzhà gígòhì sù gíkwò nàget'à ha, yèhdi. Eyi't'à weza Isaac wegòhì ts'ò ek'èdì dzeè ajà ekò Abraham yekwò k'e nàt'a. Isaac ededì wets'ihzòò Jacob wegòhì eyits'ò Jacob wets'ihzòò gocho hònò-daats'ò-nàke gígòhì.

⁹ “Jacob weza agùt'ee sù, edechi Joseph ghò ts'ohogedi t'à dò ts'ò gíghò nàèdì ìlè. Eyi't'à Joseph Egypt nèk'e gots'ò dò nàyeèhdi, yegha eghàlaedaa-dòò elì. Hanikò Nòhtsi sù yexè at'ì. ¹⁰ Wegha hoila hazòò ch'à edaxàyihtì. Joseph sù gòozòò ayìlì eyits'ò Egypt gha k'àowochò yeghòneètòò ayìlì. Egypt nèk'e k'àowodeè yèhtsi eyits'ò k'àowochò wekò gocho hazòò yets'ò k'àowo ayìlì.

¹¹ “Egypt nèk'e eyits'ò Canaan nèk'e hazòò, t'asii dehshele agòjà. Eyi't'à sù gígha hoila, eyits'ò gocho ededì sù gíghò shègezhee while agòjà. ¹² Jacob, Egypt nèk'e lè gòhì gedì ghò ìkw'o t'à edeza ekò t'akwehòò goèhà ìlè. ¹³ Nàkeè t'à ekò geède ekò Joseph edùde ts'ò goìde, amì ìt'ee sù gots'ò hadì. Eyi't'à k'àowochò Pharaoh Joseph wèot'ì gok'èhoèhà. ¹⁴ Eyi t'axòò Joseph edetà eyits'ò wèot'ì hazòò gokayàhtì t'à gíghò nìde. Hazòò t'à dò lòhdìenò-daats'ò-sìlì agùt'e ìlè. ¹⁵ Eyi't'à Jacob Egypt nèk'e ts'ò ajà, elàwo ts'ò ekò nàdè, eyits'ò weza sù ekò elàgùdè. ¹⁶ Gíkw'òò kòta Shechem ts'ò agùlì eyits'ò kwe yì gòzòò nègògìwa ìlè. Eyi kwe yì gíkw'òò whelaa sù Abraham Hamor weza ghò nàyeèhdi ìlè.

¹⁷ “Nòhtsi Abraham ts'ò yatì whehtsi sù hòt'a wek'èè agode ha ts'ò hawe ekò Egypt nèk'e wets'ihzòò-dòò ló ajà. ¹⁸ Ekìyeè k'e Egypt gha k'àowochò eladì ajà. Ededì sù Joseph k'èezole. ¹⁹ Gòet'ì ts'ò ehkw'ì eghàlìdà-le eyits'ò dagòhà. Gìbebia gòhlèè sù elàgede ha nìwò t'à, bebìà zògeèhdeè agòòlì.

²⁰ “Ekìyeè k'e Moses dò elì, Nòhtsi yeghò sònwò. Tai sa hàwà gots'ò wetà wekò wek'èhodi. ²¹ Mòht'a xàgeehchì ekò k'àowochò Pharaoh wetì yaì t'à neyìchì gà edeza lanì yeèhsò. ²² Moses Egypt got'ì k'èè gòozòò hoghàweètò. Gode t'à eyits'ò dànì k'èhòza t'à dò nàtsoo whelì.

²³ “Moses dièngò wegòò ajà ekò edèot'ì Israel ts'ò nìwòò ajà. ²⁴ Wèot'ì ìlè wekwòoyàà-dlà yaì, Egypt got'ì ìlè ayìlì. Eyi't'à edèot'ì k'edaìdì t'à Egypt got'ì elàhwho. ²⁵ Nòhtsi dahxà edaxàgole ha at'ì sù wèot'ì gínèdì ha, Moses hanìwò ìlè. Hanikò wèot'ì sù hanì gínèdì-le. ²⁶ Ek'èdaedzèk'è Moses Israel got'ì nàke elék'aàgedè, goghò nùtì. Elèts'ò gínì nezì agole ha nìwò t'à, gots'ò hadì, ‘Sèot'ì, elèchi aah't'e, dànìghò elék'aahdè?' gòhdi.

27 “Hanikò dọ edèot'ì k'aàwoo sù Moses yùzòò èhtso, hadì, ‘Amù k'àowo nèhtsì t'à hanì gots'ò gojde?’ 28 Ixèè Egypt got'ù èlàànehwhoo sù eyì lasùle ha nì?’ dọ yèhdì. 29 Moses dọ hadì ùkw'o t'à Mìdìyan nèk'e ts'ò kwèhsa. Ekọ ladi nèk'e nàidè eyits'ò weza nàke gòlè.

30 “Dìenọ xo k'ehọowo t'axọò ekù-ka nèk'e shìh Sinaì gòyeh gà gogho ta kọ dèk'òò gots'ò yak'eet'ù Moses ts'ò wègoèht'ì lè. 31 Eyì kọ ghàeda ekò wegħa enìyah dī. Hotù nezù yegħàeda ha nìwọ t'à yets'ò nìwà-le nùtla ekò gots'ò K'àowo yets'ò gode yeèkw'ò. 32 ‘Necho Gìnòhtsì aht'e, Abraham, Isaac eyits'ò Jacob Gìnòhtsì aht'e,’ Nòhtsì yèhdì lè. Moses deji xè ts'ehù laja eyit'à kọ ghàeda ha wegħa dī.

33 “Nòhtsì yets'ò hadì, ‘Nekè yì xàatà, jọ dèè k'e nàawoo sù dèè degai họt'e. 34 Egypt nèk'e sets'ò dọ dànì dagùzaa sù wek'èehsọ. Hògetse geèkw'ò t'à ekọ gots'òò xàgeedè agehè ha. Dī sù Egypt ts'ò naneehzà ha,’ Nòhtsì yèhdì.

35 “Moses, wèot'ì gùwọ-le sù eyì họt'e, gits'ò dū hadì lè, ‘Amù gogħa k'àowo nèhtsì t'à hanì gots'ò gojde?’ gūhdì lè. Nòhtsì eyì dọ et'ù gots'ò nayùhà, gogħa k'àowo elì ha eyits'ò edaxàgolee sù elì ha ayùlà. Yak'eet'ù t'à hadì yets'ò gojde lè. 36 Eyit'à Moses, Israel got'ù Egypt nèk'e gots'òò xàgoèwa. Egypt nèk'e enìyah lọ hòèhtsì. Ticho Dek'oo gà eyits'ò dīenọ xo ekù-ka nèk'e k'ehogùhde ekò enìyah lọ hòèhtsì lè.

37 “Moses ededì-t'ù Israel got'ù ts'ò dū hadì lè, ‘Nòhtsì sù xàè naxita gots'ò, sù lanì, nakwenàozọọ naxits'ò ayele ha,’ gòhdì lè. 38 Ekù-ka nèk'e shìh Sinaì gà, Moses gòet'ì elègehde agòòlà. Ekọ shìhka yak'eet'ù yets'ò gojde eyits'ò yatì nezù wet'à ts'eadaa lọ yegħàlì.

39 “Hanikò gòet'ì Moses k'èagùt'e ha gùwọ-le eyits'ò gots'ò k'àowo elì ha gùwọ-le. Egypt ts'ò anagede ha gùwọ. 40 Moses wùde Aaron ts'ò dū hagedì, ‘Sòmbakweè t'à gogħa nòhtsì nehtsì, eyì èhù gogħa k'aodèè gulè. Ekò dū Moses Egypt nèk'e gots'òò xàgoèla, wexè dàgòjaa sù wek'èts'eezọ-le!’ gedì lè. 41 Ekùyeè k'e edegħa nòhtsì ejièzaa lanì wègaat'ì gèhtsì. Eyì edilà t'à gèhtsì kò gìghàsọedì xè wets'ò kọ ghàgeedì, eyits'ò wegħa dzèdèè gèhtsì. 42 Ekùyeè k'e haget'ì kò Nòhtsì nàgoehzọ-le, yat'a whò ts'ò yagehtì kò t'asagòòlà-le. Nakwenàozọọ gùhht'è k'e ayì dek'eèht'èè sù wek'èè agejà:

‘Israel got'ù, dīenọ xo ts'ò ekù-ka nèk'e k'eahdè ekò asù tuts'aadì seghàahtì xè sets'ò t'asù k'eahk'ò nọò?’ 43 Molek, dọ etadù gits'ò nòhtsì, edexè k'eahte lè, eyits'ò nòhtsì Repħan edegħa whahtsù sù, wets'ò whò ts'ò yaahhtì lè. Eyit'à Babylon nèk'e wezòò ts'ò anaxehè ha,’ dek'eèht'è.

44 “Gocho ekù-ka nèk'e Nòhtsì nàowo gogħàlì għa nìhbàa hòèlì sù xè k'egedè lè. Eyì nìhbàa Nòhtsì Moses ts'ò dàdù sù

k'èè eyits'ò dani yeghàedaà ayìl̄l̄a sù k'èè hòèl̄i hòt'e. ⁴⁵ Joshua k'òowo el̄i ekò gòet'ì eyi n̄h̄b̄aa gonèk'e ts'ò edexè agìl̄l̄a ìl̄è. Eyì dèè k'e dọ l̄ad̄u x̄aʒaa n̄adèe ìl̄è sù Nòht̄s̄i hazòò x̄agoèhʒà. David k'òowochò whel̄i gots'ò eyi n̄h̄b̄aa t'à agiat'ì. ⁴⁶ David Nòht̄s̄i yeghò nez̄i aniwòò sù Nòht̄s̄i gha kò-gocho goht̄s̄i ha niwò ìl̄è. ⁴⁷ Hanikò weza Solomon Nòht̄s̄i gha kò-gocho gòht̄s̄i hòt'e.

⁴⁸ “Hanikò Nòht̄s̄i wenahk'e gòh̄h̄-le sù dọ edilà t'à kò geht̄s̄u sù yeyì n̄adè n̄iile. Nakwenàoʒòò d̄u hagedi ḡut'è ìl̄è:

⁴⁹ ‘Gots'ò K'òowo hadi: Yak'e sù sedaèhch̄icho hòt'e, eyits'ò du nèk'e sù wek'e n̄aèht'è hòt'e. Eyit'à kò dàhòt'ù seḡha neht̄s̄i ha neewò nòò? Eyits'ò ed̄i seḡha kò goht̄s̄i ha neewò nòò? ⁵⁰ S̄i t'asù hazòò silà t'à whiht̄s̄i hòt'e, gots'ò K'òowo hadi, ḡut'è.

⁵¹ “Nax̄i nax̄ikwì n̄atsoo aah̄t'e. Nax̄idzeè t'à Nòht̄s̄i ts'ò naahʒa-le eyits'ò nax̄idziìhk̄w'òò t'à wekaʒaah̄kw'ò-le. Nax̄icho ḡixèah̄t'e, t'aats'òò Yed̄ayeh Nez̄u k'èch'a egh̄alaah̄da. ⁵² Nax̄icho nakwenàoʒòò hazòò dagoḡiìhʒa ìl̄è hòt'e. Nakwenàoʒòò, ‘Dọ Ehw'ì Edaa' n̄it̄l̄a ha, gedu sù eł̄aàgoḡiìhdè ìl̄è. Ekò d̄u sù nax̄i dèe-ts'ò-k'òowo t'ì aàwèah̄t̄i xè eł̄aàwèah̄who hòt'e. ⁵³ Nax̄i sù yak'eet'ù t'à n̄aowodèè nax̄its'ò n̄iit'ò hòt'e, hanikò eyi n̄aowo sù wek'èah̄t'e-le,” Stephen hadi gots'ò goj̄de.

Stephen kwe t'à eł̄aàḡiìh̄who

⁵⁴ Stephen hanì gots'ò goj̄de t'à dọ hazòò sù ḡik'èch'a agòjà. ⁵⁵ Hanikò Stephen Yed̄ayeh Nez̄u n̄atsoò wets'ò-èl̄i xè ìdòò yak'e ts'ò k'èet'ì. Nòht̄s̄i wexè dani xèdaat'ù eyits'ò Zezi Nòht̄s̄i ḡa n̄agòts'èhnèè n̄awo, weḡha wègoèht'ì. ⁵⁶ Stephen hadi, “Yak'e xègoèht'ì. Dọ-wet'ì aʒaa-dèè Nòht̄s̄i ḡa n̄agòts'èhnèè n̄awo wègaat'ì,” hadi.

⁵⁷ Hadì ḡiìkw'ò ekò dọ egeèhk̄w'ò ha ḡiìwò-le t'à ededziìhk̄w'òò k'ègeh̄di ḡa hòt'ò gezeh. Hazòò ehgh̄aà daḡiach̄i ⁵⁸ ḡa kòta ts'òò x̄ageèl̄i, eyits'ò kwe t'à eł̄aàḡiìh̄whi ha nèhoḡiìʒò. Dọ Stephen k'e n̄idahoḡiìʒòò sù cheko ìl̄è Saul wiyeh goʒèè xoeh̄di agìl̄l̄a.

⁵⁹ Dọ kwe t'à ḡush̄i ekò Stephen hadi yaj̄ht̄i, “K'òowo Zezi, sed̄aʒh̄i n̄iich̄i,” hadi. ⁶⁰ Eyì t'ìaxòò n̄agòìhgè xè hòt'ò whezeh, hadi, “Sets'ò K'òowo, d̄u hòh̄i hōgeht̄s̄u sù ḡighò nahòle.” Hadì t'ìaxòò eł̄awo.

Saul wedaà agòjà, winì k'èè Stephen eł̄aàḡiìh̄who.

8

Saul dọ ḡigha ehkw'ì-ahodu sù dagòìhʒa

¹⁻² Dọ degai mòhdaa Stephen wekw'òò nèḡiit̄ò eyits'ò ḡighò hòt'ò ḡiit̄sè. Eyì dzeè k'e Jerusalem Nòht̄s̄i wecheekeè hazòò daḡiìʒà agiìdl̄a. Eyit'à Judea nèk'e eyits'ò Samaria nèk'e

ts'ò kwigeèhde. Hanikò Zezi wecheekeèdeè t'aa Jerusalem ageèhkw'e. ³ Saul Nòhtsɪ wecheekeè godihohtsɪ ha, kòta dɔzhì eyits'ò ts'èko nigoile gà dɔ-daniɫaa-kò ts'ò agohzɪ.

⁴ Nòhtsɪ wecheekeè edɪɪ ehkègɪde sɪ ekò godɪ nezɪ t'à dɔ xè gogedo.

Philip Samaria nèk'e nùtla

⁵ Nòhtsɪ wecheekeè Philip wiyeh Samaria nèk'e kògodeè ts'ò ajà, ekò Zezi-Krɪ wegodi t'à dɔ hoghàehtɔ. ⁶ Dɔ hazòò Philip gɪkw'o eyits'ò eniyah hòehtsɪ gɪazɪ t'à dàdɪ sɪ hotɪ nezɪ egeèhkw'ò. ⁷ Inihɪ lɔ yagizeh xè dɔ yɪ gots'ò xàgɪde, dɔ gɪkw'òò elàidèe lɔ eyits'ò dɔ k'egedè-le lɔ k'aat'ɪ agòòlà. ⁸ Eyit'à eyi kògodeè dɔ sɪ gɪnà agòjà.

Simon, ɪk'òò-k'èezɔɔ-dɔò

⁹ Dɔ ɪhè Simon wiyeh whaà gots'ò Samaria nèk'e kògodeè ɪk'òò k'alajwo t'à dɔ hazòò eyi nèk'e nàgedèe sɪ gogha sɪdɪ hòehtsɪ. T'asɪ aht'e edewɔ t'à edeghɔ xadahodɪ. ¹⁰ Dɔ lɔ gɪts'ò at'ɪ, k'aodèe eyits'ò dɔ t'ahoòyɪ gɪxè at'ɪ. Hagedɪ, “Eyɪ dɔ Nòhtsɪ dahxà t'asɪ nàtsoo wets'ò-èlɪ,” gɪhdɪ. ¹¹ Whaà gots'ò edets'ò ɪk'òò t'à gogha sɪdɪ hòehtsɪ t'à dɔ lɔ gɪk'èè k'edè. ¹² Hanikò Philip Nòhtsɪ Wenàowoò wegodi nezɪ eyits'ò Zezi wegodi nezɪ dɔ hoghàgoehtɔ t'à gɪgha ehkw'ɪ-ahodi agejà. Eyit'à dɔzhì eyits'ò ts'èko sɪ gɪk'ètaidzɔ. ¹³ Simon ededɪ sɪ wegħa ehkw'ɪ-ahodɪ t'à wek'ètaidzɔ. Philip edɪ k'edaa sɪ yek'èè k'eda. Eniyah deè wedaà nàhòwo t'à sɪ wegħa eniyah dɪ.

¹⁴ Samaria got'ɪ Nòhtsɪ yatɪ gɪgha ehkw'ɪ-ahodi agòjà Zezi wecheekeèdeè Jerusalem geèhkw'ee sɪ eyi godɪ gɪkw'o ekò Peter eyits'ò John gots'ò gogeèhɔ. ¹⁵ Ekò nègɪde ekò Yedàyeh Nezɪ dɔ gɪk'e ade ha gok'eèyagɪhtɪ. ¹⁶ ɪhà Yedàyeh Nezɪ gɪk'e ajà-le ɪlè, gots'ò K'àowo Zezi wɪzɪ zɔ t'à gɪk'ètaidzɔ ɪlè. ¹⁷ Eyit'à Peter eyits'ò John gokwɪt'a dageèhdɪ gà Yedàyeh Nezɪ gɪk'e ajà.

¹⁸ Zezi wecheekeèdeè edɪl dɔ k'e agehɔɪ-ɪdè Yedàyeh Nezɪ gɪk'e at'ɪ, Simon yazɪ. Ededɪ sɪ hat'ɪ ha nɪwɔ t'à sòòmba gots'àzeèhdɪ ha nɪwɔ, ¹⁹ hadɪ, “Sɪ sɪ haht'ɪ ha seghàhòahɔ. Sɪl dɔ k'e whɪhdɪ nɪdè Yedàyeh Nezɪ gɪk'e ade ha,” gòhdɪ.

²⁰ Peter yets'ò hadɪ, “Nòhtsɪ t'asɪ k'èxa-le dɔ ghàyeɔà sɪ, sòòmba t'à nàhdɪ ha neewɔ t'à, nesòòmbaà nexè wedihoè wèlè! ²¹ Nedzeè t'à Nòhtsɪ ts'ò ehkw'ɪ nàɪnɪwele t'à, dɪ Nòhtsɪ wɪlè sɪ nexè ha nɪle. ²² Nenàowoɪ wek'enelɪ eyits'ò gots'ò K'àowo ts'ò yanɪhtɪ. Edahxɔ negħɔ nahoele ha wèlɪ. ²³ Sɪ gogħɔ ts'ohɔdɪ xè hoɪ nets'ò k'àowo,” Peter yèhdɪ.

²⁴ Simon yets'ò hadɪ, “Dàɪdɪ sɪ sexè hagode ha-le t'à, gots'ò K'àowo ts'ò segha yanɪhtɪ,” yèhdɪ.

²⁵ Gots'ò K'àowo weyatù dọ ghàgùzọ t'axqò Peter eyits'ọ John ek'èt'à Jerusalem ts'ò nageèhde. Samaria nèk'e kòta yàgòlaa sù gok'egùde, ekọ godi nezzu t'à dọ xè gogiado.

Philip eyits'ọ Ethiopia nèk'e gots'ọ dọ

²⁶ Ekùyeè k'e gots'ò K'àowo edets'ọ yak'eet'ù Philip ts'ò yùhza, hayèhdi, “Ekù-ka nèk'e tìlì sazi ts'ò nùzàa sù k'èè anede. Eyi tìlì Jerusalem gots'ọ kòta Gaza ts'ò nùzàa sù k'èè anede,” yèhdi.

²⁷ Eyi t'à Philip ekọ ajà. Ekọ naetle ekò Ethiopia nèk'e gots'ọ dọ-wet'àazàa-deè ghọ nùtla. Eyi dọ sù Ethiopia nèk'e ts'èko-k'àowo gha sọmba-k'èdì-dọ elì. Jerusalem wexè yatì ha t'à ekọ ts'ò èhtla jì. ²⁸ Ek'èt'à edekò ts'ò tìcho-behchù t'à naetle ekò nakwenàozọọ Isaiah wenhtl'è k'eyahtì jì. ²⁹ Yedayeh Nezzu Philip ts'ò hadì, “Eyi dọ webehchù ts'ò nìwà-lea nùtla,” yèhdi.

³⁰ Eyi t'à Philip yebehchù ts'ò tìmqèhza, eyi dọ nakwenàozọọ Isaiah wenhtl'è k'eyahtì nọ yeèkw'ọ. Philip dayeehke, “Eyi wek'eyahtì sù asì wenùdi?” dọ èhdi.

³¹ “Dọ sedaedi lenqsi dani weneehdi li?” hadì. Eyi t'à Philip ts'ò hadì, “Segà behchù yùtla,” yèhdi.

³² Eyi k'àowo sù enhtl'è k'e dù hanì dek'eèhtl'è yek'eyahtì jì:

“Sahzọq edeweè ts'ò etle lanì natl'igtaxà. Sahzọq weghàà xaget'à kò t'asadi-le, eyi lanì xàyahtì-le. ³³ Sù tsìgùhza eyits'ọ ehkw'i gisnìyahtì-le. Dú nèk'e elààwìgwo t'à, wets'ihzọq-dọ gòhlì-le,” hanì dek'eèhtl'è.

³⁴ Eyi dọ, Philip daehke, “Sets'ò hadì, nakwenàozọọ amù ghọ godeè-adi? Edeghọ gode, hanì-le-ìdè eyi-le ghọ godeè-adi?” yèhdi dayeehke. ³⁵ Eyi t'à Philip eyi enhtl'è k'e dani dek'eèhtl'è sù t'à yexè godo, eyits'ọ Zezi wegodi nezzu yets'ọ hadì.

³⁶⁻³⁷ Tìlì k'e nagìadè ekò tì whehtọ gà nègùde. Eyi dọ hadì, “Jọ tì whehtọ, asì sek'ètaidzì ha dì-le?” yèhdi. ³⁸ Eyi dọ edecheekeè ts'ò goide t'à tìcho behchù nùtla agùlà. Eyi t'à Philip eyits'ọ eyi dọ ìlah teè legeèhtla gà Philip yek'ètaidzọ. ³⁹ Tì yì gots'ọ xàgùde ts'òet'ù Philip Yedayeh Nezzu t'asì nayeèhchì. Eyi dọ nayat'ì-le hanìkò sù winà xè edekò ts'ò naèhtla. ⁴⁰ Ekò Philip kòta Ashdod ekọ k'ènatlo, eyi t'axqò hazọ nèk'e ajà. Ekọ kòta yàgòlaa eyits'ọ kòta Caesarea nùtla gots'ọ godi nezzu t'à dọ ts'ò gode.

9

Saul Zezi wecheekeè whelì

¹ Ekùyeè k'e Saul ìlāà gots'ò K'àowo wecheekeè goweè hanìwọ. Eyi t'à yahtì-wet'àazàa-deè ts'ò èhtla. ² Kòta Damaskus ekọ elègehdeè-kọ gòlaa sù hazọ gots'ọ eetl'è ha yùhwhọ. Ekọ gots'ọ dọzhì eyits'ọ ts'èko Zezi wenàowoò k'èè geedaa sù nigòile

gà Jerusalem gidaàniḷaà agole ha niwọ. ³ Kòta Damaskus ts'ò niwà-lea niitla ekò họtṣaa yak'e gots'ọ wemọọ hazọọ ts'ọ dzẹh agọjà, sadeèt'ɪ nàtsoo wek'e nàḷḷi aja. ⁴ Saul dèè k'e nàakw'ọ eyits'ọ wets'ọ hats'edi họt'e, “Saul, Saul, dàniḡhọ dasenèehza?”

⁵ Saul hadi, “K'àowo, amì anet'e?”

“Zezi aht'e, sɪ sɪ dasenèehza họt'e. ⁶ Niitla gà kòta ts'ọ anede, ayi dānele ha sɪ nets'ọ hagedi ha,” Zezi yèhdi.

⁷ Dọ Saul xè aget'ɪ sɪ ekɪ nàgeehza geèhyeh t'à agudi while. Gots'edeè họt'e egeèkw'ọ hanikò dọ wɪzɪ gɪzɪ-le. ⁸ Saul niitla ekò wegħa xègaat'ɪ-le agọjà. K'eeḡhɪ t'à kòta Damaskus ts'ọ geède. ⁹ Tai dzeḡ ts'ọ wegħa xègoèht'ɪ-le, eyits'ọ shètɪ-le, tɪ sɪ wewàhọḡdi-le.

¹⁰ Damaskus ekọ Nòhtsɪ wecheekeè ḷè nàdè, Ananias wiyeh. Gots'ọ K'àowo wenazhɪ wègoèht'ɪ xè yets'ọ gode, “Ananias!” yèhdi.

“Heḡe, sets'ọ K'àowo, neèkw'ọ,” Ananias yèhdi.

¹¹ Gots'ọ K'àowo yets'ọ hadi, “Tɪli Ehkw'ɪ Niɪzaa gòyeh k'e Zhɪdàà wekò nàatla. Ekọ kòta Tarsus got'ɪ Saul wiyeh ḡhọ dazhke, eyi dọ sets'ọ yahtɪ t'à. ¹² Saul wenazhɪ xègoèht'ɪ ekò dọ Ananias wiyeh yets'àèhtla gà edilà yek'e ayɪlà t'à wegħa xènaḡoèht'ɪ aja,” gots'ọ K'àowo yèhdi.

¹³ Ananias hadi, “Sets'ọ K'àowo, eyi dọ wegħo ḡodi lọ eèkw'ọ. Nets'ọ dọ Jerusalem nàgedèe sɪ hoila lọ gogħa hòèhtsɪ ḡhọ eèkw'ọ. ¹⁴ Diì yahtɪ-gha-k'aodèe ḡodahxà jọ niitla, dọ negħo ḡini nàtsoo sɪ dọ-daniḷaa-kò ts'ọ agole ha jọ niitla ḷè,” yèhdi.

¹⁵ Hanikò gots'ọ K'àowo Ananias ts'ọ hadi, “Ekọ nàatla! Eyi dọ wiyeh họt'e, wet'ọọ dọ hazọọ xàzaa sɪzi k'ègeezọ ha. Dọ eyi-le xàzaa għa k'aodèe ts'ọ gode ha eyits'ọ Israel got'ɪ sɪ ts'ọ gode ha, eyi għa wiyeh họt'e. ¹⁶ Sɪzi ts'ihzọ hòt'ò dazza ha sɪ yek'èezọ awèhɪ ha,” Zezi yèhdi.

¹⁷ Eyi t'à Ananias eyi kò ts'ọ èhtla gà ekọ goyaèhtla. Saul wekwit'a dawhehdi gà hayèhdi, “Sèot'ɪ Saul, tɪli k'e jọ ts'ọ naitle ekò gots'ọ K'àowo Zezi nets'ọ wègoèht'ɪ ḷèe sɪ nets'ọ sɪhza. Nedaà xègaat'ɪ anade ha eyits'ọ Yedāyeh Nezm nek'e ade ha nets'ọ sɪhza,” yèhdi. ¹⁸ Ekòet'ɪ Saul wedaà gots'ọ t'asɪ xàit'ɪ, eyi t'axọ wegħa xègoèht'ɪ anajà. Saul niitla gà wek'ètaidzọ agɪlā. ¹⁹ Shètɪ t'axọ nàtsoò anajà. Damaskus ekọ Nòhtsɪ wecheekeè ḡoxè whaa-lea ts'ọ nàidè.

Saul kòta Damaskus gots'ọ Jerusalem ts'ọ aja

²⁰ Ekòet'ɪ kòta Damaskus eḷèghdèe-kò yàḡolaa sɪ Saul dọ ts'ọ godeè aja. Zezi Nòhtsɪ Weza họt'e hadi dọ gots'ọ ḡoide. ²¹ Dọ hazọọ ḡiikw'oo sɪ sɪ gogħa eniyah adi. “Eyi dọ Jerusalem ekọ dọ Zezi ḡhọ ḡini nàtsoo sɪ gogħa hoila hohtsɪ là, eyi ni at'ɪ? ḡidaizhe ha yahtɪ-gha-k'aodèe ts'ọ agole ha jọ niitla là,

eyi nì at'ì?" gedi dalegeehke. ²² Hanikò Saul denahk'e wini nàtsoò ajà eyits'ò dani dek'eèhtl'èe sù weghàà Zezi Christ họt'e hadi gots'ò goide t'à Israel got'ù kòta Damaskus nàgedèe sù sù gogha eniyah adi.

²³ Lọ dzeè k'e hanidi t'à Israel got'ù ełàgũhwhi ha k'ehogeza. ²⁴ Hanikò Saul nàgòhzhì. Ełàgũhwhi ha gũwọ t'à dze, to ehk'èè kòta-xàgòò?àa-k'è kexogũhdi. ²⁵ Hanikò wecheekeè gũlũ sù to agòjà ekò xàgèèhchì. T'ohọtò yì gũhtj gà kòta gomọọ kwekwù nìzàa sù xàgòzàa k'è hodàgèlì.

²⁶ Eyi t'axọọ Saul Jerusalem ts'ò ajà. Nòhtsị wecheekeè goxè at'ì ha hoèhdzà hanikò hazọọ gits'ajejì. Edeđ Nòhtsị wecheekeè ełi gĩgha ehkw'1-ahodì-le. ²⁷ Hanikò dọ jìè Barnabas wiyeh sù Saul edexè ayjìlà, Zezi wecheekeèdeè gots'ò yeèhchì. Saul dani kòta Damaskus ts'ò etlè ekò gots'ò K'òowo ezi, gots'ò K'òowo dani yets'ò goide, eyits'ò kòta Damaskus ekọ wini deji-le xè Zezi ghọ dọ ts'ò goide, eyi hazọọ Barnabas yeghọ gots'ò goide. ²⁸ Eyi t'à Saul Zezi wecheekeèdeè goxè nàidè eyits'ò edèdaedi-le xè Jerusalem dọ ta k'eda. Zezi wuuzi t'à nàtsoò dọ ts'ò gode. ²⁹ Israel got'ù Greek k'èè gogedee sù gots'ò gode xè goxè nàyaehiti, hanikò ełàgũhwhi ha hogeèhdzà. ³⁰ Nòhtsị wecheekeè eyi hagòjà gk'èhoèhzà ekò kòta Caesarea ts'ò nageèhchì gà elàcho t'à kòta Tarsus ts'ò agjìlà.

³¹ Eyi t'axọọ Nòhtsị wecheekeè hazọọ Judea nèk'e, Galilee nèk'e eyits'ò Samaria nèk'e gĩgha łatsaa ts'èwhjì hòzọọ agòjà. Yedayeh Nezi t'à gni nàtsoò agejà. Eyi t'à dọ lọ gota gũde xè gots'ò K'òowo k'èagũt'e ha gũwọ.

Aneyas eyits'ò Dorcas

³² Peter eyi nèk'e kòta gòlaa gota k'eda ekò kòta Lyda gòyeh ekọ Nòhtsị wets'ò dọ gots'àèhtlà. ³³ Ekọ dọ jìè Aneyas wiyeh ezi. Eyi dọ k'eda-le t'à ek'èđi xo gots'ò edetè k'e wheti. ³⁴ Peter yets'ò hadi, "Aneyas, Zezi k'aat'ì anjìlà. Njìtla eyits'ò netè nuzah," yèhdi. Ekòet'ì Aneyas njìtla. ³⁵ Dọ hazọọ kòta Lyda eyits'ò kòta Sharon nàgedèe sù gıazı t'à Nòhtsị k'èè geedaà agejà.

³⁶ Kòta Joppa gòyeh ekọ ts'èko jìè nàdè, Tabitha wiyeh (Greek k'èè Dorcas wiyeh). Eyi ts'èko Nòhtsị wecheekeè ełi họt'e. T'aats'ọọ dọ gha eghàlaeda eyits'ò dọ-teèt'ù ts'adi. ³⁷ Ekiyee k'e eyawhelj t'à ełajwo. Wekw'ọọ k'enagũhtso gà idòo dahkọ nègũhtj. ³⁸ Kòta Lyda gots'ò kòta Joppa ts'ò gọowà-le họt'e. Eyi t'à Nòhtsị wecheekeè gũlũ sù Peter kòta Lyda ts'ò-èlì ghọ egũkw'o t'à dọ nàke Peter ts'ò geèhza, "Iwhàà jọ nàatla!" gũhdi.

³⁹ Eyi t'à Peter gok'èè èhtlà. Ekọ nègũde ekò idòo dahkọ ts'ò dekiitlā agjìlā. Ts'èko gıgà dọzhì while sù hazọọ Peter gà

nàgèhza, getse. Dorcas ɓàà eda ekò gogha goht'ò whehtsɩ sɩ Peter ts'ò dagiale.

⁴⁰ Peter, eyi kòq goyɩ dɔ geèhkw'ee sɩ hazòò xàgòhza. Peter nàgòɩhgè gà yaɩtɩ. Ts'èko eɓaɩwo ts'ò hadi, “Tabitha, nɩtɩa,” yèhdi. Ts'èko k'et'ɩ ajà, Peter eɓi ekò daèhte k'e whedaà ajà.

⁴¹ Peter yilà daachì gà nàwo ayɩlɩ. Eyɩ tɩ'axòò dɔ gɩgha ehkw'ɩ-ahodi eyɩts'ò ts'èko gɩgà dɔzhɩ while sɩ goyageède agòòlà. Ts'èko edaà ajàa sɩ gɩghàedaà agòòlà. ⁴² Dɔ hazòò kòta Joppa nàgedèe sɩ gɩghòkw'o t'à dɔ lɔ Nòhtsɩ gɩgha ehkw'ɩ-ahodi agejà.

⁴³ Peter whaà-lea ts'ò eyi kòta Joppa dɔ ɓè Simon ewò-sɩhɩ-dòò xè nàdè.

10

Cornelius Peter kàehza

¹ Dɔ ɓè Cornelius wiyeh kòta Caesarea nàdè. Italy nèk'e gots'ò eghòq-dòq-gha-k'àowo eɩ. ² Ededi eyɩts'ò wèot'ɩ hazòò Nòhtsɩ k'èagɩt'e ghò hòtɩ'ò agɩwò. T'aats'òò dɔ-teèt'ɩ ts'adi xè Nòhtsɩ ts'ò yahtɩ. ³ ɓàà tai nɩzòò ekò Cornelius wenazhu xègòèht'ɩ. Yak'et'ɩ yeghò nɩtɩa yaɩ, yets'ò hadi, “Cornelius!” yèhdi.

⁴ Cornelius yaɩ t'à, sɩ dèhyeh. “Sets'ò K'àowo, ayɩ ghò aɩdi?” yèhdi. Yak'et'ɩ yets'ò hadi, “T'aats'òò Nòhtsɩ ts'ò xàyaɩtɩ eyɩts'ò dɔ-teèt'ɩ ts'anedɩ t'à Nòhtsɩ nenadi. ⁵ Kòta Joppa ekò ts'ò dɔ gɩhza. Ekò dɔ Simon wiyeh, Peter sɩ gɩhdi, edexè ek'èt'à nagɩchi. ⁶ Simon ewò-sɩhɩ-dòò xè nàdè, wekò tichobàa gà gòzòò hɔt'e,” yèhdi.

⁷ Yak'et'ɩ yets'òò ajà tɩ'axòò Cornelius edecheekeè nàke gokagoɩde, eyɩts'ò eghòq-dòò ɓè yegha eghàlaedaa sɩ Nòhtsɩ ghò hòtɩ'ò anɩwò, eyi sɩ ts'ò goɩde. ⁸ Yak'et'ɩ dàyèhdi sɩ hazòò gots'ò hadi, eyi tɩ'axòò kòta Joppa ts'ò gòhza.

Peter wenazhu xègòèht'ɩ

⁹ Ek'èdaedzèè, dzɛtanɩ ekɩyeè k'e kòta ts'ò nɩwà-lea nagɩadè ekò Peter yahtɩ ha t'à kò ka dagòzòò dekiɩtɩa. ¹⁰ Sɩ deèhdi ajà t'à, t'asɩ ghò shèhtɩ ha nɩwò. ɩzhɩ bò xàgeht'è ekò Peter wenazhu agòjà. ¹¹ Yak'e ehts'òò ajà wegħa wègòèht'ɩ, libalà nechàa lanɩ dèè k'e ts'ò ajà. Wedzɩ dɩ yats'itò lanɩ, ɩdòò gots'ò ɩzhɩ ajà yaɩ. ¹² Weyɩ tɩts'aadɩ lɔ xàzaa whela, gòò hanu eyɩts'ò yat'a k'edèe hazòò xàzaa sɩ. ¹³ Wets'ò hats'edi hɔt'e, “Peter nɩtɩa, t'asɩ eɓaɩwhɩ gà shèhtɩ,” ts'edi hɔt'e.

¹⁴ Peter hadi, “Sets'ò K'àowo, hahle ha di, t'asɩ weju sɩ weghò shèhtɩ while,” hadi.

¹⁵ K'achɩ wets'ò gots'edeè hɔt'e, “Nòhtsɩ t'asɩ nezɩ yèhdi sɩ weju nɩdi ha-le,” ts'edi hɔt'e.

¹⁶ Taà-eh't'aà wexè hagòjà, eyi t'axòqò libalà lanu idòo yak'e ts'ò anajà.

¹⁷ Peter wenazhu dàgòjàa sù jlaà yeghò nàniwo ekò k'àowo Cornelius dọ ekọ goèhza jìlèe sù Simon wekò nègùde. Mòht'a kwjì gà nàgeèhza. ¹⁸ Hòt'ò hagedi, "Asìì dọ Simon wiyeh, Peter giìhdi, jọ nàdè?" gedi.

¹⁹ Peter jlaà nàniwo ekò Yedàyeh Nezu yets'ò hadi, "Simon, dọ tai nehaguwọ. ²⁰ Gits'ò hodàtla. Jọ ts'ò ageèhla ne t'à, gık'èitla ha sù weghò nànewo-le," yèhdi.

²¹ Eyit'à Peter izhù gots'ò hodàèhtla, dọ nègùde ts'ò hadi, "Amiì wekak'eaht'jì sù eyi aht'e. Ayiì ghọ jọ nàwhahde?" gòhdi.

²² Dọ gits'ò hadi, "Cornelius, eghọq-dọq-gha-k'àowo, jọ ts'ò gojhzà. Ededi dọ ehkw'ı edaa xè Nòhtsi ghọ hòt'ò aniwọ, eyits'ọ Israel got'jì hazọq gighoneètọ họt'e. Wenazhu yak'eet'jì yets'ò gojde jìlè, nı wekò nàatla ha, yèhdi. Ayiì wets'ò hajdi ha sù neèkw'ọ ha họt'e," giìhdi. ²³ Dọ eyi kọ agut'e ha t'à Peter goyagoèwa.

Peter Cornelius wekò niitla

Ek'èdaedzè k'e Peter gok'èè naèhtla. Kòta Joppa gots'ọ Nòhtsi wecheekeè mòhdaa goxè agejà. ²⁴ Ek'èdaedzè kòta Caesarea nègùde. K'àowo Cornelius godanaèhzi jìlè. Edèot'ı hazọq eyits'ọ weàgı gıjı sù edekò ts'ò gokàehza jìlè. ²⁵ Peter goyaetle ekò Cornelius yets'ò èhtla. Yets'ò nàgòihgè xè yeghàsqedi. ²⁶ Hanikò Peter yets'ò hadi, "Nàawo, nexèht'eè dọ aht'e ne," yèhdi.

²⁷ Peter yets'ò gode xè yekò goyaèhtla. Goyiì dọ lọ dèhkw'e nọq. ²⁸ Peter gots'ò hadi, "Goxı gonàowoò k'èè dani goxè hòzọq sù wek'èahsọ họt'e. Israel got'jì sù, dọ eyi-le xàzaa xè aget'ı ha, gıgha wets'æt'ọ họt'e. Hanikò dọ wıziı weju wèehsi ha-le sù Nòhtsi wek'èehsọq asììlè. ²⁹ Eyit'à jọ ts'ò sekàgòhdi ekò jìlè dehsı-le. Ayiì ghọ jọ sekàwhahza?" Peter gòhdi.

³⁰ K'àowo Cornelius yets'ò hadi, "Jdi dı dzèè ekò dù lagòht'e tai niızọ sekò yahtı ekò hotsaa dọ wezèè k'e saıde nàwoo senazhu wègòèht'ı. ³¹ Sets'ò hadi, 'Cornelius, ayiì gha yanehtı sù Nòhtsi niıkw'o họt'e, eyits'ọ dọ-teèt'jì ts'ànedı sù yek'èezọ họt'e. ³² Yeè kòta Joppa ts'ò dọ nehza, ekọ dọ jìlè Simon wiyeh, Peter sı giìhdi, wekàihza. Simon, ewò-siıhzi-dọq tichobàa nàdèe ekọ yexè nàdè họt'e, yak'eet'jì sèhdi. ³³ Eyit'à ekòet'ıi nekàwhihza. Jọ nàwheetla t'à masi neehwhọ. Nòhtsi wenadaq hazọq jọ ts'eèkw'e, gots'ò K'àowo ayiì gots'ò hajdi ha nèhdi sù wets'eèkw'ọ ha ts'ıuwọ," yèhdi.

³⁴ Eyit'à Peter gots'ò gojde, "Nòhtsi sù dọ jìlè xàzaa zọ gòihchi niile, eyi sù k'òq't'a wek'èhoèhza. ³⁵ Dọ hazọq xàzaa gots'ọ dọ wets'ò agede ha niwọ. Hazọq nèk'e gots'ọ dọ Nòhtsi k'èagut'e

xè ehkw'ı geedaa sù Nòhtsı goxè at'ı họt'e. ³⁶ Nòhtsı Israel got'ıı yatı gots'ò ayıılàa sù wek'èahsọ họt'e. Zezi dọ hazọọ ts'ò k'àowo elıı sù wets'ihzọ dọ xè sìghà hòzọ họt'e. Nòhtsı hanı yatı gots'ò ayıılà ıle. ³⁷⁻³⁸ Eyıts'ọ Judea nèk'e hazọọ dàgọjàa sù wek'èahsọ sọnaà. Galilee nèk'e t'akwełọọ kèhọwo. Nazareth got'ıı Zezi John-Baptıst yek'ètaıdzọ t'axọọ Nòhtsı, Yedàyeh Nezu Zezi k'e ayıılà. Yedàyeh Nezu nàtsoò wek'e ajà t'à enıyah ıọ hòehtsı. Kọta yàgòlaa sù gota k'eeło. Nòhtsı yexè at'ı t'à, dọ gha nezu eghàıda eyıts'ọ dọ ıniıı gıts'ò-elıı sù k'aat'ıı agọọlà.

³⁹ "Israel got'ıı gınek'e eyıts'ọ kọta Jerusalem dànı eghàıdàa sù hazọọ weghàts'ııdà họt'e. Deçıet'aa k'e gedııhtsò t'à ełàgııhwho họt'e. ⁴⁰ Hanıkò tai dzeę k'ehọwo t'axọọ Nòhtsı naıdà ayıılà eyıts'ọ dọ ıọ gıazıı agọọlà. ⁴¹ Dọ hazọọ gıazıı niile, Nòhtsı dọ nàwehtsıı sù eyı zọ gıazı họt'e. Naıdà t'axọọ goxı wets'azı eyıts'ọ wexè shèts'azhe. ⁴² 'Dọ ts'ò goahde,' Zezi gòhdı. 'Dọ geedaa eyıts'ọ ełıdèe sù gısinıyahtı gha Nòhtsı sııhchı họt'e. Seghọ godıı t'à dọ gıts'ò goahde ha,' gòhdı ıle. ⁴³ Nakwenàozọ hazọọ weghọ dıı hagedı ıle, 'T'aa gıgha ehkw'ı-ahodı sù wızi dahxà gıhoıı gıghọ nahoezhe ha,' dek'eèht'è," Peter gòhdı.

⁴⁴ Peter ılaà gots'ò gode ekò dọ hazọọ godı gıkw'oo sù Yedàyeh Nezu gık'e ajà. ⁴⁵ Israel got'ıı gıgha ehkw'ı-ahodı Peter xè nègııdee sù, gıgha enıyah dıı. Dọ eyıı-le xàzaa ededı kò Yedàyeh Nezu gık'e ajà t'à sù gıgha enıyah nechà. ⁴⁶ Eyıı-le dọ xàzaa goyatıı k'èè xàyagehtı xè Nòhtsı ghàsọgeedı, gogıkw'o. Eyıt'à Peter hadı, ⁴⁷ "Goxèht'eè Yedàyeh Nezu gık'e ajà t'à, amıı dı dọ gık'ètaıdzı ha-le gòhdı ha? ⁴⁸ Zezi-Krı wızi t'à gık'ètaıdzı ha," Peter gòhdı. Eyı t'axọọ, Peter ıatsaa goxè anet'e, gııhdı.

11

Peter wexè dàgọjàa sù yeghọ gode

¹ Nòhtsı yatıı dọ eyıı-le xàzaa ts'ò ajàa sù Zezi wecheekeèdeè eyıts'ọ Judea nèk'e hazọọ ts'ò Nòhtsı wecheekeè gıııı sù ghọ gıkw'o. ² Eyıt'à Peter Jerusalem ts'ò èhtla ekò Israel got'ıı gıgha ehkw'ı-ahodı sù Peter dànı ekọ nèk'e eghàıdàa sù gıgha ehkw'ı-le họt'e. ³ Eyıt'à hagııhdı, "Dọ eładıı xàzaa gıkọ goya-neetla xè gıxè shènetı nọọ," gııhdı.

⁴ Eyıt'à Peter wexè hazọọ dàgọjàa sù deghàà godaedı, hadı, ⁵ "Kọta Joppa whıhda, yahtı ekò senazhıı xègoèht'ı. Lıbalà nechàa lanı dèe k'e ts'ò ajà weghàehda. İdòo gots'ọ, wedzıı dı yats'ıtò lanı sets'ò ızhıı ajà. ⁶ Weyıı k'eeht'ı ekò, tıts'aadıı ıọ xàzaa, sa hanı, gòo hanı eyıts'ọ yat'a k'edèe hazọọ weyıı whela. ⁷ Eyıts'ọ sets'ò dıı hats'edıı họt'e, 'Peter niıtla, t'ası ełııhwhı gà shènetı,' sèts'edıı họt'e.

8 “Eyit'à haehsɪ, 'Sets'ò K'àowo, hahle ha dii, t'asii weju si sewàhòqòdi while hòt'e,' dehsɪ.

9 “K'achɪ nàke t'à yak'e gots'ò sets'ò hats'edi hòt'e, 'Nòhtsɪ t'asii nezɪ yèhdɪ sɪ weju nɪdi ha-le,' sèts'edi hòt'e. 10 Taà-eh-t'àa hanì sexè hagòjà, eyi t'axòqò eyi libalà lanɪ idòo yak'e ts'ò anajà.

11 “Eyits'ò whaà-le-t'ii kòta Caesarea gots'ò dɔ tai sets'ò gɪhʒà. Sekàgɪhʒà t'à eyi nègɪde. 12 Yedàyeh Nezɪ sets'ò hadɪ, 'Gik'èitla ha sɪ weghò nànewo-le,' sèhdɪ. Di Nòhtsɪ wecheekeè ek'ètai sexè agejà t'à eghòq-dòq-gha-k'àowo wekò goyats'eède. 13 Eyɪ k'àowo goxè goado, hadɪ, edekò yahtɪ ekò yak'ee't'ii wenazhu wègoèht'ì. Yak'ee't'ii yets'ò hadɪ, 'Kòta Joppa ekò dɔ mè Simon, Peter sɪ wiyeh, wekàihʒà. 14 Godɪ nezɪ neghàʒà ha, wet'à nɪ eyits'ò dɔ hazòqò nexè nàgedèe sɪ edaxàgeedè ha,' yak'ee't'ii yèhdɪ mè.

15 “Dɔ gɪts'ò gohde ekò Yedàyeh Nezɪ gɪk'e ajà, goxɪ t'akwelòqò gok'e ajà lanì. 16 Gots'ò K'àowo ayɪ dàgòhdɪ mèe sɪ wenawhɪhdɪ, 'John-Baptist tɪ t'à naxɪk'ètaidzò hòt'e, hanìkò naxɪ sɪ Yedàyeh Nezɪ t'à naxɪk'ètaidzɪ ha,' gòhdɪ mè. 17 Zezi gogha ehkw'ɪ adɪ t'à Nòhtsɪ Yedàyeh Nezɪ goghàyyɪʒò hòt'e. Dɔ eyɪ-le xàʒaa goxèht'eè Yedàyeh Nezɪ gɪk'e ajà nɪdè, dànì Nòhtsɪ k'èch'a gohde lì? Wenahk'e aht'e niile,” Peter gòhdɪ.

18 Hadɪ gots'ò goɪde t'axòqò dɔ t'asagedɪ ha dii t'à Nòhtsɪ ghàsògeedɪ, “Nòhtsɪ sɪ dɔ eyɪ-le xàʒaa gɪlɪ kò edek'egɪlɪ nɪdè edaxàgole ha goghàhòʒòqò nòqò,” gedɪ.

Kòta Antioch gots'ò dɔ gɪgha ehkw'ɪ-ahodɪ

19 Ekɪyee k'e Stephen elààgɪhwho t'axòqò Nòhtsɪ wecheekeè dagogɪhʒa t'à ehkègɪde mè. Phoenicia nèk'e, Cyprus dɪ wheʒòqò eyits'ò kògodeè Antioch haɪwa ts'ò agejà. Ekò Israel got'ii zò ts'ò godɪ nezɪ nègɪʒò. 20 Cyprus dɪ wheʒòqò gots'ò dɔ mòhdaa eyits'ò kògodeè Cyrene gots'ò dɔ mòhdaa, kògodeè Antioch ts'ò agejà. Ekò Greece got'ii nàgedèe eyɪ sɪ Zezi wegodi nezɪ t'à gots'ò gogɪde. 21 Gots'ò K'àowo gots'adɪ t'à dɔ lɔ gɪgha ehkw'ɪ-ahodi agejà, eyits'ò Zezi ghò gini nàtsòò agejà.

22 Jerusalem ekò Nòhtsɪ wecheekeè goghò gɪkw'o t'à Barnabas kògodeè Antioch ts'ò geèhʒà. 23 Ekò niitla ekò dànì Nòhtsɪ gots'ò sɔnɪwò t'à dɔ gha eghàlajdaa sɪ hazòqò yaɪ t'à winà. Gots'ò K'àowo ghò gini nàtsòò agole ha gots'ò goɪde. 24 Barnabas dɔ nezɪ elɪ eyits'ò Nòhtsɪ ghò winì nàtsò xè Yedàyeh Nezɪ nàtsòò wets'ò-èlɪ, eyit'à dɔ lɔ Nòhtsɪ ts'ò agejà.

25 Eyɪ t'axòqò Barnabas Saul hanɪwò ha t'à, kògodeè Tarsus ts'ò ajà. 26 Yegòihʒò t'axòqò kògodeè Antioch ts'ò geède. Barnabas eyits'ò Saul mè xo deghà Nòhtsɪ wecheekeè xè ełegiadi,

eyits'ò dọ lọ hoghàgogeèhtọ. Kògodeè Antioch ekọ t'akweìòò Nòhtsị wecheekeè “Christ k'èagụt'ee dọọ” giyeh agejà.

²⁷ Ekìyèè k'e Jerusalem gots'ò nakwenàozọọ mọhdaa Antioch nègụde. ²⁸ Nakwenàozọọ ụlè Agabus wiyeh sị dọta nàwo xè Yedàyeh Nezi dahxà gots'ò gojide. Idaà dàgode ha sị gha yatı nịzọ. Hazọọ nèk'e Rome got'ụ k'aodèe gụlụ sị dọ gha bò while agode ha, hadı. (Claudius dèe-ts'ò-k'àowo whelı ekò eyı hagòjà.) ²⁹ Antioch Nòhtsị wecheekeè nàgedèe sị Judea nèk'e Nòhtsị wecheekeè ts'àgedı ha gụwọ. Eyit'à sọm̄ba t'aatlọ nègezà ha dii-le sị haatlọ nègụla. ³⁰ Sọm̄ba nàgụhtsị sị Judea nèk'e Nòhtsị wecheekeè gha k'aodèe gụlụ sị gots'ò agele ha t'à, Barnabas eyits'ò Saul ghàgụwa.

12

Yak'eet'ụ dọ-daniłlaa-kọ gots'ò Peter xàèhchì

¹ Ekìyèè k'e k'àowocho Herod Nòhtsị wecheekeè mọhdaa dagoachì, dagọphza ha nıwọ t'à, dọ-daniłlaa-kọ ts'ò agòòlà.

² Weyatı k'e John wıde James, behcho t'à ẹlàngıhwho.

³ Israel got'ụ goinà at'ı yek'èhoèhzà ekò weyatı k'e Peter sı dagıachì. Eyı hagòjàa sị lèt'è lèt'èa dẹ hòèlı xè nàsı hoèe dzeè nı ts'ò agòjà. ⁴ K'àowocho Herod Peter wedaatọ ayıllà. Eghọq-dọò hoònọ-daats'ò-ek'ètaı gots'ò eghọq-dọò ek'èdı ẹlèk'èawoò gıxoehdı. Dzeède Passover wetehoòwo nıdè Herod dọ hazọọ gıdaà Peter wesınıyaetı ha nıwọ.

⁵ Eyit'à Peter dọ-daniłlaa-kọ wek'èhodı, hanikò Nòhtsị wecheekeè Nòhtsị ts'ò hòtl'ò yegha yagehtı.

⁶ Peter wesınıyaetı kwe eyı toò k'e satsòtl'ı t'à deèt'ı xè eghọq-dọò nàke goge whetı agıllà. Eyits'ò enıtọ gà eghọq-dọò nàgeèhza. ⁷ Họt̄saa yak'eet'ụ wègoèht'ı t'à goyı hazọọ ts'ò dzeè agòjà. Yak'eet'ụ Peter ts'ah̄tso, ts'eyıhwho. “Iwhàà nıtlà!” yèhdı. Ekòet'ı welachı k'e satsòtl'ı xàtl'ı.

⁸ Yak'eet'ụ yets'ò hadı, “Negoht'òò yıtlà eyits'ò nekè yıtà.” Eyit'à Peter hajà. Eyits'ò yak'eet'ụ hayèhdı, “Nezeè edek'e nıza gà sek'ètłà,” yèhdı. ⁹ Peter dọ-daniłlaa-kọ gots'ò yek'èè xàèhtłà. Hanikò yak'eet'ụ xè dàgot'ı sị degħàà yenıedı-le, ekı wenazhu agot'ı nıwọ. ¹⁰ Eghọq-dọò t'akwe nàgeèhzaa eyits'ò gık'èè nàgeèhzaa sị goxageède. Eyits'ò mọht'a satsò enıtọ nechàa sị ts'ò nègụde. Enıtọ whatsoò enıxàjke t'à xàgeède. Tıhı welọ nègụde ekò họt̄saa yak'eet'ụ wèngoèht'ı-le,

¹¹ Peter họt̄saa ts'ıwo lajà, hanıwọ, “Sets'ò K'àowo edets'ò yak'eet'ụ sets'ò ayıllà hotı wek'èehso ne. Herod wech'à xàseèhtı eyits'ò Israel got'ụ sexè hoıla hogehtsı ha ılèe sị Nòhtsị hanàhòwo-le ayıllà,” hanıwọ.

¹² Peter wexè hagòjà yek'èhoèhzà t'axọò Mary, John-Mark wemọ, wekò ts'ò èhtłà. Ekọ dọ lọ yagehtı ha ẹlègụde. ¹³ Peter

enìtq ts'aeht'1. T'eekoa ìlè gogha eghàlaeda Rhoda wiyeh enìtq gà nùitla. ¹⁴ Peter gode hot'e yikw'o ekò Peter at'1 nàyèhzhì. Sii winà t'à yets'ò enìxàechi-le et'ii ek'èt'à tùmòehza gà whezeh, hadi, “Peter enìtq gà nàwo!” hadi.

¹⁵ T'eekoa ts'ò hagedi, “Gonezò-le anejà nì?” giìhdi. Hanikò k'èdaà hadi t'à, hagedi, “Weyak'ee't'ii at'1 sòm,” gedi.

¹⁶ Hanikò Peter ìlè enìtq ts'aeht'1. Enìxàgiachì ekò Peter giagzi t'à sù giġha eniyyah dii. ¹⁷ Sii sìgeèt'1 xè giġagoòhwho t'à Peter ts'èwhii agiit'e ha edilà t'à gogha nàzeetsì. Eyi t'axòqò dànì gots'ò K'àowo dọ-daniġlaa-kò gots'ò xàyeèhchii sù hazòqò gots'ò hadi. “James eyits'ò Nòhtsì wecheekeè gits'ò haahdi nòq,” gòhdi t'axòqò eyii-le kò ts'ò xàèhtla.

¹⁸ K'omqòdòqò agòjà ekò Peter wègoèt'ì-le t'à eghòq-dòqò nìdahogìhde. ¹⁹ K'àowocho Herod weyatù k'e eghòq-dòqò Peter hagiiwq, hanikò giġòhòq-le. Eghòq-dòqò Peter k'ègiadi sù dàgòjà ghò deghàà dagoġhke t'axòqò Herod weyatù k'e elàgogìhde.

Herod elaiwo

Eyi t'axòqò k'àowocho Herod Judea nèk'e gots'ò Caesarea nèk'e ts'ò ajà, ekò whaà hoòqò ts'ò ayt'è. ²⁰ K'àowocho Herod, kòta Tyre eyits'ò kòta Sidon dọ nàgedèe sù gots'ò wini-le ìlè, hanikò wenèk'e gots'ò t'asii giwàhodì ne t'à dọ Herod xè elegeèhdi ha giwq. Blastus, k'àowocho gha k'eyaetu elii sù gots'àdii agiilà, wet'òqò k'àowocho xè ts'èwhii hòzò hogehtsì gha dageehke.

²¹ Elegeèhdi dzèqè k'e k'àowocho Herod, goht'ò wèdaat'ii yietla eyits'ò k'àowocho daèhchii k'e dèhkwà gà dọ ts'ò goide. ²² Goide t'axòqò dọ yagizeh, hagedi, “Nòhtsì lanì xàyahtì, dọ lanì-le,” gedi. ²³ Nòhtsì ghàsòniidi-le t'à, ekòet'ii Nòhtsì weyak'ee't'ii, k'àowocho Herod tàda wexèhdi ayiilà. Weyii gòò ajà t'à elaiwo.

²⁴ Hanikò k'èdaà Nòhtsì weyatù dọ lq ts'ò ajà.

²⁵ Barnabas eyits'ò Saul edilàà ghò nagii't'e t'axòqò Jerusalem gots'ò kòta Antioch ts'ò nòqgide. John-Mark edexè agiilà.

13

Barnabas eyits'ò Saul dọ ts'ò gogèhà

¹ Kòta Antioch ekò Nòhtsì wecheekeè giġa nakwenàòzòqò eyits'ò dọ-hoghàehtqò-dòqò gòhì: Barnabas, Simeyon (Naiger sù wiyeh), Cyrene got'ii Luciyus, Manan (k'àowocho Herod xè dèzhò) eyits'ò Saul. ² Ìlè yagehtì xè edegegò ekò Yedayeh Nezii gots'ò goide, hadi, “Barnabas eyits'ò Saul segħa eghàlageeda ha t'à, segħàgiahle,” gòhdi. ³ Eyi t'à Nòhtsì wecheekeè edegiagqò xè yagiihtì t'axòqò edilà Barnabas eyits'ò

Saul gok'e agìlà gà gok'eèyagùhtì. Eyi t'axòò edùì ts'ò agede ha sù ts'ò gogèhà.

Barnabas eyits'ò Saul Cyprus nèlegeètla

⁴ Barnabas eyits'ò Saul Yedàyeh Nezzì k'egohzì t'à kòta Se-leucia ts'ò agejà eyi gots'ò Cyprus dì nechàa whezòò ts'ò geèze. ⁵ Kòta Salamis nègùde ekò Israel got'ùì gùts'ò elègehdeè-kò goyù Nòhtsì yatù t'à dọ xè gogedo. John-Mark gots'adi t'à goxè at'ì.

⁶ Eyi dì hazòò k'e k'egiadèe t'axòò kòta Paphos ts'ò agejà. Ekò Israel got'ùì lè Bar-Zezu wiyeh (Elimas sì wiyeh) giazì. Nakwenàozòò ehkw'ì adi-le xè ìk'òò-elù họt'e. ⁷ Eyi dọ k'àowo Sergius-Paulus gha k'eyaetù elì. Eyi k'àowo nezù-nàniwoo-dòò họt'e. Nòhtsì yatù k'èezò ha nıwọ t'à, Barnabas eyits'ò Saul gokàehà. ⁸ Hanikò Elimas, ìk'òò-elù-dòò (eyi k'èè wızi whezòò) sù, k'àowo wegħa ehkw'ì-ahodì ha-le nıwọ t'à, gok'èch'a xàyahtì. ⁹ Saul (Paul sì wiyeh) Yedàyeh Nezzì wets'ò-èlì t'à hotù Elimas ghàidà gà yets'ò hadì, ¹⁰ “Nì sù wehùù weza anet'e, t'asì hazòò ehkw'ì ne sù k'èch'a anet'e! T'asìhù hazòò xàzaa eyits'ò hots'ets'ù nàowoò hanù zọ k'èizọ. Dàht'e-ıdè Nòhtsì wenàowoò k'èch'a eghàlajà ghọ naat'e ha? ¹¹ Hòt'a Nòhtsì nànehkwa ha. Nedaà goile ade ha eyits'ò sığhàwaà ts'ò dzèh negħa xègaat'ì ha-le,” yèhì.

Ekòet'ùì wenadaà zàh lagòjà eyits'ò togoòt'ò agòjà, dọ k'eyehzì ha nıwọ t'à edilà t'à k'eedì. ¹² K'àowo dàgòjàa sù yaizì ekò wegħa enıyah t'à Zezi weyatù wegħa ehkw'ì-ahodù ajà.

Barnabas eyits'ò Paul kòta Pısidian-Antioch nèlegeètla

¹³ Paul eyits'ò dọ yexè aget'ù sù kòta Paphos gots'ò Pam-phylia nèk'e kòta Perga ts'ò geèze. Ekò John-Mark gots'ò naèhtla, Jerusalem ts'ò anajà. ¹⁴ Kòta Perga gots'ò kòta Pısidian-Antioch ts'ò agejà. Nòhtsì Dzeè k'e elègehdeè-kò goyagùde gà goxè giakw'è. ¹⁵ Moses wenàowoò eyits'ò nakwenàozòò gınhıht'è k'eyagùhtì t'axòò elègehdeè-kò għa k'aodèe gıhù sù Paul eyits'ò Barnabas ts'ò yatù nègıızò, “Sèot'ù, yatù nezù dọ ghàahà ha dahwhọ-ıdè gots'ò haahdì,” gògedì.

¹⁶ Eyi t'à Paul nıtla, edilà ıdòo ayılà xè gots'ò hadì, “Israel got'ùì eyits'ò naxì dọ eyi-le xàzaa Nòhtsì ghàtsjahdù aahù sù, hotù seàhk'w'ò! ¹⁷ Israel got'ùì Gınhòhtsì sù gocho edegħa gòhchì họt'e. Egypt nèk'e agıt'e ekò gıza lọ xè t'asì lọ gùts'ò agòòlà lè. Eyits'ò enıyah deè whehtsì t'à eyi nèk'e gots'ò xàgoèwa lè. ¹⁸ Dıenọ xo hahwha gots'ò ekı-kà nèk'e ts'ızò-hogeèzọ kò Nòhtsì zògoehdè-le lè. ¹⁹ Canaan nèk'e, dọ xàzaa lòhdì eyi nàgùdèe sù hazòò xàgodeèzhì lè. Gıneè edets'ò dọ lòò goghàıızò. ²⁰ Eyi hazòò hagòjàa sù dıakw'eènọ-daats'ò-sılaènọ xo ekıyeè k'e agòjà.

“Eyi t'axqò Samuel nakwenàoꝝqò whelı gots'ò Nòhtsı dọ gha k'aodèe whehtsı. ²¹ Eyi t'axqò k'àowocho gogha k'àowo elı ha gıwqò agejà. Eyi t'à Nòhtsı sı, Kish weza Saul (Benjamin gots'q dọ), dıenq xo gots'ò gogha k'àowocho elı ayıllà. ²² Eyi t'axqò Nòhtsı Saul wede ayıllà, David k'àowocho elı ayıllà. Nòhtsı yeghọ du hadı ıle, 'David, Jesse weza sı, sını k'èè dọ elı họt'e. T'ası hazqò ts'ò wehꝛaa sı hayele ha,' Nòhtsı yeghọ hadı ıle.

²³ “Nòhtsı sı David wets'ıhꝛqò-dqò gots'q amı Edaxàgolee elı sı Israel got'ıı ts'ò ayıllà. Eyi sı Zezi họt'e. Eyi t'à Nòhtsı edeyatı k'èè eghàlajà. ²⁴ Hanıkò Zezi nıttla kwe sı John-Baptıst, edek'ets'ıllı eyıts'q gok'ètaıdzı ghọ Israel got'ıı hazqò gots'ò goıde. ²⁵ John-Baptıst, Nòhtsı la yeghàıꝛqò sı yeghọ nat'è ha nıkw'o ekò hadı, 'Eyi dọ aht'e dahwhq nı? İle, eyı aht'e nıle. Eyi dọ sek'èè nıttla ha sı wekechıtt'ıı ejıehge ha kò dọ lahoht'ı nıle,' hadı ıle.

²⁶ “Sèot'ıı, Abraham wets'q dọ yàahıı eyıts'q naxı, dọ eyıle xàꝛaa Nòhtsı ghọ hòt'ò aahwhq sı du edaxàts'eedèe wegodı goxı gots'q adla họt'e. ²⁷ Dọ Jerusalem nàgedèe eyıts'q gıgha k'aodèe sı Zezi amı ne gık'èezq ha gıwqò-le. Ełàawı ha gısinıyayıhtı t'à, Nòhtsı Dzeq taat'èè nakwenàoꝝqò gııht'è gık'eyahtı sı k'èè eghàlagıdà họt'e. ²⁸ Yek'èxa ełàawı ha while kò ełàagıwhı ha k'àowo Pilate ts'ò gogıde. ²⁹ T'ası hazqò weghq dek'eèht'èè sı hanı gıts'q eghàlajà t'axqò, dechıet'aa k'e gots'q hodàgıachı gà kwe yı wekw'qò nègıttq. ³⁰ Hanıkò Nòhtsı sı naidà ayıllà, ³¹ eyıts'q lq dzeq ts'ò Galilee nek'e gots'q kqta Jerusalem ts'q dọ gıxè k'egedèe ıle sı gıazı. Eyi dọ gıdaà agòjaa sı gòet'ı xè gogıado.

³² “Eyi godı nezı naxıts'ò hats'edı: İdèe whaa gots'q Nòhtsı gocho ghàyatııꝛqò sı eyı họt'e. ³³ Goxı, gıza ats'ıı'tee sı, Zezi naidà ayıllà t'à, gogha edeyatı k'èè eghàlajà họt'e. Nòhtsı ts'ò ts'ejıı enıht'è k'e du hanı dek'eèht'è:

'Nı sı Seza anet'e; hòt'a du dzeq k'e Netà whıhtı,' dek'eèht'è.

³⁴ Nòhtsı naidà ayıllà eyı t'à wekwq ehı hqıı ha nıle. Eyi t'à weghq du hanı dek'eèht'è:

'K'àowocho David wexè sıghà hòꝛq ha hotı hanı wets'q yatı degai whıhtıı sı nı neghàꝛà ha họt'e,' dek'eèht'è.

³⁵ Eyıts'q k'achı weghq du hanı dek'eèht'è:

'Nets'q degai elı sı wekwq ehı ch'à wek'ènedı ha,' dek'eèht'è.

³⁶ “David ededı eda ekò Nòhtsı k'èè eghàlajà t'axqò eławo. Wèot'ı gà wekw'qò nègıttq eyıts'q wekwq ıhıı ajà. ³⁷ Hanıkò eyı dọ Nòhtsı naidà ayıllà sı wekwq ıhıı ajà nıle.

³⁸ “Eyi t'à sèot'ıı, du wek'èahsq ha dehwhq: Zezi ededı wet'à gohıı goghq nahoezhe. Du eyı weghq naxıts'q gots'ede. ³⁹ Dọ hazqò Zezi ehkw'ı adı gıwqò sı Nòhtsı xè ehkw'ıı agedle ha

hòt'e. Moses wenàowoò k'èahdi t'à hanì ehkw'ì anaxedle ha diì. ⁴⁰ Nakwenàozòqò dàgùdì sù hotù naxìxè hagoide sòò. Dii hagedi jè,

⁴¹ *'Naxì seyatù ghaahdlòo yàahli sù aàhk'w'o xè ts'ehli laahde. Du nèk'e aahda ekiiyèè k'e t'asù nechàa eghàlaehda ha, eyi sù naxìgha ehkw'ì-ahodi ha-le. Dò hanaxègedi kò naxìgha ehkw'ì agedi ha nùle, dek'eèht'è,' Paul gòhdi.*

⁴² Paul eyits'ò Barnabas elègehdeè-kò gots'ò xàgeedè ha ekò dò gots'ò hagedi, "Ìdaa dzeàhta Nòhtsì Dzeè k'e nùdè k'achì eyi godù t'à goxè goahdo nòò," gedi. ⁴³ Elègehdi ghonahòt'e ekò Israel got'jì ló eyits'ò dò eyi-le xàzaa Israel got'jì gínàowoò k'èè agejà sù Paul eyits'ò Barnabas k'èè geède. Nòhtsì edesonwòò goghàzòqò sù k'èè aahda dò ts'ò hagedi.

⁴⁴ K'achì Nòhtsì Dzeè k'e nèhòiwò ekò gots'ò K'àowo wegodi geèhk'w'ò ha gùwò t'à, eyi kògodeè gots'ò k'àhdzò dò hazòò làà elèwhede. ⁴⁵ Dò haàtìqò elèwhede t'à, Israel got'jì sù ts'ohogeedi xè gìgha nezì-le. Paul dàdù sù k'èch'a gogede.

⁴⁶ Hanikò Paul eyits'ò Barnabas ededageedì-le, hagedi, "Naxì sù t'akwelòò Nòhtsì weyatù naxìts'ò hats'edi ha hòt'e jè. Hanikò naxìgha wedè aahlà eyits'ò welò while ts'ò aahda ha naxìgha wet'aaà-le t'à, diì dò eyi-le xàzaa ts'ò ats'ede ha.

⁴⁷ Gots'ò K'àowo dii hadù gots'ò xàyahì jè,

*'Naxì sù dò eyi-le xàzaa gìgha dzèh laah't'e anaxèhlà. Du nèk'e dò hazòò dànì edaxàgeedè ha sù gits'ò haahdi ha,' "*gòhdi jè.

⁴⁸ Dò eyi-le xàzaa eyi nàgeèhzaa sù hagedi egùkw'o ekò sù gínà ahodi eyits'ò gots'ò K'àowo weyatù ghò nezì agedi. Dò hazòò welò while ts'ò geeda ha Nòhtsì goghàhòzòqò sù hazòò gìgha ehkw'ì-ahodi.

⁴⁹ Eyì nèk'e hazòò gots'ò K'àowo wegodi dò ts'ò ajà.

⁵⁰ Hanikò Israel got'jì dò xè nìdahòwoò agùlà, ts'èko ahxee gùlì Nòhtsì gùwò eyits'ò kògodeè gha k'aodèe gùlì gixè nàdahoowo. Paul eyits'ò Barnabas k'èch'a nàdahogehde t'à eyi nèk'e gots'òò xàgogeèhà. ⁵¹ Dò gots'ò ehkw'ì eghàlagùdà-le weghàà edek'ègeezò ha t'à, Paul eyits'ò Barnabas edekèt'la eht'è while agùlà. Eyì t'axòò kògodeè Iconium ts'ò geède.

⁵² Hanikò Nòhtsì wecheekeè kòta Písìdian-Antioch nàgedè sù sù gínà xè Yedàyeh Nezì t'à nàgetsoò agejà.

14

Paul eyits'ò Barnabas kòta Iconium nèlegeètla

¹ Iconium ekò Paul eyits'ò Barnabas Israel got'jì gits'ò elègehdeè-kò ts'ò agejà, t'aats'òò hagiati k'èè. Ekò nezì dò ts'ò gogùde t'à, Israel got'jì ló eyits'ò dò eyi-le xàzaa ló, gìgha ehkw'ì-ahodi agejà. ² Hanikò Israel got'jì mòhdaa gìgha ehkw'ì-ahodi ha gùwò-le sù dò eyi-le xàzaa Nòhtsì wecheekeè

ts'ò gini nezi-le agogìlà. ³ Eyit'à Paul eyits'ò Barnabas whaa gots'ò eyi kòta agiit'è. Gots'ò K'àowo wesoniwo ghò ededageedi-le gogude eyits'ò Nòhtsi eniyah hogèhtsi agòòlà t'à gıgodu ehkw'u sù wek'èhoedzò ayìlà. ⁴ Eyit'à kògodeè dọ nàdèe sù łats'ıgıde, dọ mòhdaa Israel got'ıı ts'ò agejà, eyits'ò mòhdaa Zezi wecheekeèdeè ts'ò agejà. ⁵ Dọ eyi-le xàzaa, eyits'ò Israel got'ıı, gıts'ò k'aodèe xè Zezi wecheekeèdeè dagogıhza ha, eyits'ò kwe t'à ɛlaàgogıhde ha, hanı ɛlexè yatı gèhtsi. ⁶⁻⁷ Hanikò Zezi wecheekeèdeè egıkw'o t'à Lyconıa nèk'e ts'ò agejà. Ekọ kògodeè Lystra, Derbe eyits'ò wemọò kòta yàgòlaa sù ılaà godı nezı t'à dọ hoghàgogehtọ.

Paul eyits'ò Barnabas kòta Lystra eyits'ò Derbe nèlegeetla

⁸ Kòta Lystra ekọ dọ ıle k'eda-le wheda. Wegòhı gots'ò ızhı ts'ò wekw'ò ɛlaıdèe t'à k'etlo while. ⁹ Paul gode ekò eyi dọ yeèhkwo. Paul hotı yeghàeda, k'aat'ıı ade ha wıni nàtsoo yek'èezọ, ¹⁰ eyit'à yets'ò hadı, “Nàawo!” Hayèhđı ts'òet'ıı dọ nııtla gà k'edaà ajà.

¹¹ Paul hanı eghàıdà dọ ıọ gıazı ekò edeyatı k'èè yagızeh xè hagedı, “Gots'ò nòhtsi, dọ nàke lanı gıgaat'ı goghò nègıde!” gedı. ¹² ılak'aà gozı gehtsi. Barnabas, Zeus wıyeh agıla, eyits'ò Paul, ededı gogha gode elı t'à, Hermes wıyeh agıla. ¹³ Gıts'ò nòhtsi Zeus wets'ò yahtı-kò gocho kòta gà nıwà-lea gòzọ. Zeus gha yahtı elı sù ekọ dọ hazọò xè Barnabas eyits'ò Paul ts'ò kò ghàgeedi ha nıwo t'à, ejı eyits'ò ıt'òchàa mòht'a gogha nèyıla.

¹⁴ Hanikò Barnabas eyits'ò Paul eyi ghò egıkw'o ekò gıgha ehkw'ı-le t'à, edezeè edek'e nàgıhdılah. Gezeh xè dọ nı ts'ò ıımogeède, hagògedı, ¹⁵ “Dànıghọ aah'ı? Goxı naxıxèht'eè dọ ats'ııt'e. Naxıts'ò godı nezı nèt's'ıızọ. T'asıı wet'aaazà-le k'alaahdèe sù wedè aahle, Nòhtsi edaa sù wets'ò aahde. Ededı sù yak'e, dèe, tı eyits'ò t'asıı hazọò weyı nàdèe sù yèhtsi họt'e. ¹⁶ ıneè sù dıı nèk'e dọ hazọò edenàowoò k'èè geeda ıle, hanikò Nòhtsi edets'ò geelı agòòlà. ¹⁷ Hanikò dèe k'e t'asıı whelaa sù weghàa dọ, Nòhtsi gòhı gık'èezọ họt'e. Yat'a gots'ò naxıgha chọh ayehzı eyits'ò t'asıı dehsheè ayehzı. Eyı weghàa dọ ts'ò wedzeè nezı wek'èts'eezọ. Weghọ shèt's'ezhe ıọ naxıghàyele eyits'ò naxıdzeè t'à naxına anaxehzı,” Paul gòhđı. ¹⁸ Paul hanı nezı dọ ts'ò goıde, hanikò k'àhdzọ gots'ò kò ghàgıdı t'e.

¹⁹ Eyı t'axọò Israel got'ıı mòhdaa, kòta Antıoch eyits'ò kòta Iconıum gots'ò eyi nègıde. Barnabas eyits'ò Paul k'èch'a gogıde t'à, dọ hazọò xè nàdahoowo hogèhtsi. Paul kwe t'à gıhdè, eyı t'axọò ɛlaıwo ne gıwo t'à eyi kòta gots'ò xàgèlı. ²⁰ Hanikò Nòhtsi wecheekeè Paul wemọò nègıde ekò Paul nııtla gà k'achı kògodeè ts'ò naèhtla. Ek'èdaedzè k'e Paul eyits'ò Barnabas kògodeè Derbe ts'ò agejà.

Paul eyits'ò Barnabas kòta Antioch nõðlegeètla

²¹ Kòta Derbe godi nezù t'à dọ hoghàgogeèhtọ, dọ lọ gigha ehkw'1-ahodù agejà. Eyi t'axọọ kòta Lystra, Iconium eyits'ò Antioch ts'ò anagejà. ²² Ekọ Nòhtsị wecheekeè gini nàtsoò agogele ha gots'ò gogùde, hagògedi, “Hoilà lọ gotehoowu daats'ò Nòhtsị Wenàowòò k'èè hòzọọ goyats'eedè họt'e,” gògedi. ²³ Paul eyits'ò Barnabas kòta k'egiadèe sị Nòhtsị wecheekeè gha k'aodèe gùhchì. Yagehtù xè edegegọ t'à Nòhtsị ghàgogùla, Nòhtsị ghọ gini nàtso t'à. ²⁴ Eyi t'axọọ Pısidia nèk'e gok'egùde t'à Pamphylia nèk'e ts'ò nègùde. ²⁵ Kòta Perga, ekọ Nòhtsị weyatù t'à dọ hoghàgogeèhtọ. Eyi t'axọọ kòta Atalia ts'ò agejà.

²⁶ Kòta Atalia gots'ò kògodeè Antioch ts'ò nageèze. Nòhtsị gok'èdi ha eyits'ò wegga eghàlageeda ha t'à, ekọ t'akweìdọ Nòhtsị ghàgogùla ilè. Eyi la sị dii gighọ nõqt'e. ²⁷ Kògodeè Antioch nègùze ekò Nòhtsị wecheekeè hazọọ xè ełegiadi. Nòhtsị dànì goxè eghàlajida eyits'ò dànì Nòhtsị dọ eyii-le xàzaa gini nàtsoò agòlèlè sị hazọọ gots'ò hagedi. ²⁸ Paul eyits'ò Barnabas ekọ Nòhtsị wecheekeè xè whaà agùt'è.

15

Zezì wecheekeèdeè eyits'ò k'aodèe gùlù sị elègùde

¹ Dọ mọhdaa Judea nèk'e gots'ò kòta Antioch nègùde. Eyi dọ nìdee sị Nòhtsị wecheekeè hoghàgogeèhtọ, hagògedi, “Moses wenàowòò k'èè naxıkwò k'e nàt'à-le nìdè edaxàahdè ha dii,” gògedi. ² Eyi hagedi sị Paul eyits'ò Barnabas gha ehkw'1 agedi-le t'à eyi ghọ sị gots'ò nàyagùhtì. Eyi nàowo ghọ Zezì wecheekeèdeè eyits'ò k'aodèe gùlù sị dagogeehke ha t'à Paul, Barnabas eyits'ò dọ gigha ehkw'1-ahodù mọhdaa kòta Jerusalem ts'ò agogele ha gogùhchì. ³ Nòhtsị wecheekeè ekọ ts'ò gogèhza. Phoenicia nèk'e eyits'ò Samaria nèk'e gok'egùde ekò dànì dọ eyii-le xàzaa Nòhtsị ts'ò agejàa sị ghọ goxè gogedo. Eyi t'à Nòhtsị wecheekeè hazọọ sị ginà dii. ⁴ Jerusalem nègùde ekò Zezì wecheekeèdeè, Nòhtsị wecheekeè eyits'ò gogha k'aodèe gùlù sị ginà xè goxè elègede. Paul eyits'ò Barnabas dànì Nòhtsị goxè eghàlajida sị hazọọ gots'ò hagedi.

⁵ Hanikò gigha-ehkw'1-ahodù-dọ mọhdaa Pharisee gùlù sị, negùde gà hagedi, “Dọ eyii-le xàzaa gùlù sị gıkwò k'e nàt'à ha họt'e, eyits'ò Moses wenàowòò k'èagùt'e ha họt'e,” gedi.

⁶ Zezì wecheekeèdeè eyits'ò k'aodèe gùlù sị eyi ghọ gogede ha elègede. ⁷ Whaà gogùde t'axọọ Peter nùtla gà gots'ò hadi, “Sèot'ù, ìdèe whaà-le ekò sexè dàgòjàa sị wek'èahsọ họt'e. Nòhtsị sị dọ eyii-le xàzaa gigha ehkw'1-ahodi ha nıwọ t'à, gits'ò godi nezù nèehza ha sèhdi ilè. ⁸ Nòhtsị sị goini t'à dàts'ùwọọ sị hazọọ yek'èezọ họt'e. Dọ eyii-le xàzaa ededi sị wets'ò dọ gùlù ha nıwọ t'à, goxèht'èe Yedayeh Nezù gok'e ayìlè. ⁹ Goxèht'èe

lanì goghàlajà, gìgha ehkw'1-ahodì t'à gídzeè degaì agòòlà.
 10 Nòhtsì hanì ha nìwò nìdè ayìha Nòhtsì weahdzà? Dò eyi-le xàzaa Nòhtsì gùwòò sù eyi nàowo nedà lanu gik'e nèt's'ele ha dii. Gocho eyits'ò goxì sì gogha nedàa t'à wek'èè ts'eeda ha dii jì.
 11 Jì, hagets'ele ha dii! Gots'ò K'àowo Zezì goxì gots'ò sòniwò t'à edaxàgòlaa sù gogha ehkw'1 hòt'e. Dò eyi-le xàzaa ededì sì hanì edaxàgòlajà hòt'e," Peter gòhdi.

12 Barnabas eyits'ò Paul gogede ekò dò hazòò elèwhedee sù ts'èwhì egeèhk'ò. Dànì Nòhtsì gots'àidì t'à dò eyi-le xàzaa gha eniyah hogèhtsù sù ghò gùkw'o. 13 Barnabas eyits'ò Paul hòt'a gogùde t'axòò James xàyahtì, hadì, "Sèot'ù, seàhk'ò. 14 Jìdì whaà-le ekò Simon gots'ò gojìde jì. Dànì Nòhtsì t'akwelòò dò Israel got'ù agùt'e-le kò gita ts'ò dò gòjhchì jì, eyi weghàa dò hazòò edaxàgòle ha nìwò wek'èts'eezòò agòòlà.

15 Nakwenàòòò sù eyi xèht'eè gogùde jì, dù hagedù gùt'è jì:
 16 *'Gots'ò K'àowo du hadì: Eyi hagòjà t'axòò-ìdè jò ts'ò anahde ha. K'àowocho David wekò gots'ò dò ts'ìò geèdee sù gixè sùnaoghè ha. 17 Hanì-ìdè du nèk'e wets'ò dò gìghàhoòwoo sù gots'ò K'àowo hagùwòò agede ha. Eyits'ò dò eyi-le xàzaa suzì t'à-aget'ù sù ededì sì sehagùwò ha. Gots'ò K'àowo ededì eyi hazòò yeghàlaedaa elù sù, hadì hòt'e,' nakwenàòòò hagedù gùt'è jì.*

18 Eyi sù whaà gots'ò dò gik'èezò hòt'e.

19 "Eyi t'à sù dù hahwhò, dò eyi-le xàzaa Nòhtsì ts'ò agejàa sù dezòò hoila agets'ele ha-le. 20 Hanìkò dù hats'ediù gits'ò ts'ùt'è nìdè nezì ha, 'Bò nòhtsì hòèlù ghàgeedi sù aahdè-le. Hòlù k'èè ełek'alaahdèe-le. Tìts'aadiù gik'à dahdli t'à elòòwù sù gikwò aahdè-le, eyits'ò edoò aahdò-le,' gits'edi jì. 21 Jìnèè whaà gots'ò kòta hazòò yàgòlaa sù hanì Moses wenàowoò t'à dò hoghàgogeèhtò hòt'e. Eyits'ò Nòhtsì Dzèè taat'eè elègehdeè-kò goyì wenìht'è gik'eyahtì hòt'e," James hadì gots'ò gojìde.

Zezì wecheekeèdeè eyits'ò k'aodèe gùlù sù enìht'è gùt'è

22 Eyi t'à Zezì wecheekeèdeè, k'aodèe gùlù eyits'ò Nòhtsì wecheekeè hazòò Paul eyits'ò Barnabas gixè dò kòta Antioch ts'ò gogeehà ha dò mòhdaa gihchì ha gùwò. Eyi t'à Zhidàa (Barsabas sù wiyeh) eyits'ò Silas sù gùjhchì. Eyi dò nàke gogha k'aodèe gùlù hòt'e. 23 Dù hanì gots'ò egùt'è:

"Gòet'ù, dò eyi-le xàzaa gìgha ehkw'1-ahodù sù kòta Antioch, Syria nèk'e eyits'ò Cilicia nèk'e nàgedèe sù gits'ò aat'è. Dù enìht'è sù Zezì wecheekeèdeè eyits'ò k'aodèe gùlù sù egùt'è hòt'e.

"Naxìxè sìghà welè!

24 "Gota gots'ò dò mòhdaa naxìts'ò nègùdee sù naxìgha hoila gehtsù, gìghò ts'ùkw'o hòt'e. T'asù hoghànxageehtòò

sii wet'à naxini tsìgehwhi ha aget'ì. Hanikò eyi dọ godahxà gogede niile. ²⁵ Eyit'à dọ mọhdaa gits'ìhchì gà goàgĩa nàke Barnabas eyits'ọ Paul, gixè naxits'ọ agets'ele ha. ²⁶ Eyì dọ nàke sù Zezi-Krì gha eghàlageeda t'à efaàgede ha sọni kò edeghọ nàniyedè-le. ²⁷ Zhudàa eyits'ọ Silas gixè naxits'ọ agets'ele ha, ayiì dek'enèts'ùt'èe sù ehkw'ì naxits'ọ hagedi ha. ²⁸ Goxì, Yedàyeh Nezi xè dui hats'ùwọ, t'asii wèhoedi-le sù k'èaht'e ha naxits'ùhwhọ-le. Nàowo dui haatlọ zọ k'èahdi ha naxets'ùhwhọ: ²⁹ Bò nòhtsi hòèlì ghàgeedu sù aahdè-le. Edoò aahdọ-le. Tits'aadi gik'à dahdi t'à ełọwui sù gikwọ aahdè-le. Hoì k'èè ełek'alaahdè-le. Eyì haatlọ k'èahdi niđe naxixè sìghà ha," hagedi gots'ọ gùt'è.

³⁰ Eyit'à dọ di kọta Antioch ts'ọ gogèhza. Ekọ Nòhtsi wecheekeè lẹ nēgogiiwa gà eniht'è gida aat'èe sù goghagiza. ³¹ Eniht'è k'eyaguihi, yati nezi giikw'o t'à sù ginà. ³² Zhudàa eyits'ọ Silas ededi nakwenàozọọ gùlì t'à dọ gini nàtso ha nezi gots'ọ gogide. ³³⁻³⁴ Whaà-lea ts'ọ kọta Antioch goxè agut'è t'axọ kọta Jerusalem dọ goguhzaa sù ts'ọ anageja. Nòhtsi wecheekeè kọta Antioch nàgedèe sù kọta Jerusalem Nòhtsi wecheekeè nàgedè ts'ọ yati nēguzọ, "naxixè sìghà welè," gògedi. ³⁵ Paul eyits'ọ Barnabas ededi t'aa kọta Antioch ageehkw'e. Ededi eyits'ọ Nòhtsi wecheekeè eyi-le lọ xè gots'ọ K'awo weyati t'à dọ hoghàgogeehtọ.

Paul eyits'ọ Barnabas ełek'èè agiwo-le

³⁶ Łatsaa hoowo t'axọ Paul, Barnabas ts'ọ hadi, "Kọta hazọ yàgòlaa sù gots'ọ K'awo weyati t'à gits'ọ gots'ude ilèe sù k'achì gits'ahitla, gòet'ì gigha ehkw'ì-ahodi agejaa sù dàgùt'e li gha," yèhdi. ³⁷ Barnabas, John-Mark goxè awede niwo. ³⁸ Hanikò John-Mark kọta Pamphylia ekọ gots'ọ naèhtla ilè, eyits'ọ goxè eghàlajda-le t'à Paul, John-Mark goxè at'ì ha niwo-le. ³⁹ Paul eyits'ọ Barnabas eyi ghọ sù ełek'èè agiwo-le t'à ilak'aa ageja. Barnabas, John-Mark edexè ayiilà gà, Cyprus di nechaa whezọ ts'ọ geèze. ⁴⁰ Paul t'aa Silas edexè ayiilà. Nagedè kwe Nòhtsi nezi gok'èdi ha t'à Nòhtsi wecheekeè gok'eèyaguihi. ⁴¹ Paul, Syria nèk'e eyits'ọ Cilicia nèk'e gok'iitla, ekọ Nòhtsi wecheekeè nàgedèe sù gini nàtsoo agòlà.

16

Timothy, Paul eyits'ọ Silas goxè aja

¹ Paul, kọta Derbe eyits'ọ kọta Lystra nàhtla, Nòhtsi wecheekeè ilè Timothy wiyeh ekọ nàdè. Timothy wemọ Israel got'ì họt'e eyits'ọ wegħa ehkw'ì-ahodi họt'e, hanikò wetà Greece got'ì họt'e. ² Kọta Lystra eyits'ọ kọta Iconium gots'ọ Nòhtsi wecheekeè Timothy ghọ nezi gogede. ³ Paul, Timothy

edexè kòta ayele ha nıwọ, eyit'à Moses wenàowoò k'èè wekwò k'e nàat'a ayìlà. Israel got'ıı eyi nàgedèe sù Timothy wetà Greece got'ıı ne gık'èezọ t'à ayìlà. ⁴ Kòta yàgòlaa gota k'egedè ekò Zezi wecheekeède eyits'ọ k'aodèe gıııı Jerusalem ekọ nàowo dọ gha gèhtsı ı̀lèe sù k'èagııt'e ha gògedi. ⁵ Eyit'à Nòhtsı wecheekeè hazọọ gını nàtsoò ajà, eyits'ọ dzẹ taat'eè dọ ıọ gotagııde.

Paul wenazhu xègòèht'ı

⁶ Paul eyits'ọ dọ gıxè at'ıı sù Phrygia nèk'e eyits'ọ Galatia nèk'e hazọọ k'egiadè, hanikò Yedayeh Neziı Asia nèk'e godi neziı dọ ts'ọ agıılà agòòlà-le. ⁷ Mysia nèk'e ts'ọ nıwà-le nègııde ekò Bithynia nèk'e agede ha hogeèhdzà hanikò Zezi wets'ọ ıni Degai ekọ agejà-le agòòlà. ⁸ Eyit'à Mysia nèk'e goxa geèhde, kòta Troas ts'ọ agejà. ⁹ Eyı toò k'e Paul wenazhu xègòèht'ı. Macedonia nèk'e gots'ọ dọ nàwo xè yeghònadaeti, hadı, “Gonèk'e Macedonia ts'ọ anede, gots'ànedı,” yèhdı, wenazhu hagòjà. ¹⁰ Paul wenazhu xègòèht'ı t'axọọ ekòet'ıı Macedonia nèk'e ts'ọ ts'eedè ha sınıts'ııde. Nòhtsı hagòhdi wek'èts'eezọ t'à, ekọ godi neziı dọ gıghàts'ezà ha ts'eède.

Lydia wegħa ehkw'ı-ahodı ajà

¹¹ Kòta Troas gots'ọ ts'eèze, kòta Samothrace ts'ọ ehkw'ıı ats'ejà. Ek'èdaedzèè k'e kòta Neapolis ts'ọ ts'eède. ¹² Eyı gots'ọ kògodeè Philippi ts'ọ ats'ejà. Roman got'ıı eyi kògodeè gogèhtsı ı̀lè. Macedonia nèk'e hazọọ gogħa kògodeè wet'àazà họt'e. Whaà-lea gots'ọ eyi nàts'ııde.

¹³ Nòhtsı Dzèè k'e kòta gà deh nıàa ekọ dọ yagehtı ha sını ts'ııwọ t'à, ekọ ts'ọ ats'ejà. Ts'èko mòhdaa eyi ııà nègııdee sù gıxè ts'eèkw'e eyits'ọ gıts'ọ gots'ııde. ¹⁴ Ts'èko ı̀lè eyi goèkw'ọọ sù Lydia wıyeh. Eyı ts'èko kògodeè Thıyatıra gots'ọ zèht'ıı-dek'oo wegħọ nàedı dọọ elı eyits'ọ Nòhtsı-ghàtsıedıı-dọọ elı. Eyı ts'èko sù Paul dàdı yeèkw'ọ t'à gots'ọ K'àowo wegħa ehkw'ı-ahodı ayìlà. ¹⁵ Eyı ts'èko ededı eyits'ọ dọ yekò nàgedèe sù gık'ètaıdzọ, eyı t'axọọ wekò ts'ọ agòòlà, hadı, “Gots'ọ K'àowo segħa ehkw'ı adı aht'e seahwhọ nıdè sekò aaht'e,” gòhdi. Goghọ daèhnọ t'à wekò ts'ọ ats'ejà.

Paul eyits'ọ Silas gıdaàtọ

¹⁶ ııà Israel got'ıı edıı yagehtıı k'è gòzọọ ts'ọ ts'adè ekò t'eekoa dọ nàyeèhdı sù gogħaetıa. ıniıı wets'ọ-èlı t'à nadağà k'et'ı. Nadağà gode t'à, wets'ọ k'àhogedè gıııı sù għa sọmħba ıọ ehtsı. ¹⁷ Eyı t'eekoa Paul eyits'ọ goxı gok'èè k'etıo xè hadıı yaızeh, “Dıı dọ sù Nòhtsı wenahk'e gòhıı-le wecheekeè agııt'e. Dàni edaxàts'eedè ha sù naxıts'ọ hagedı ha,” hadıı yaızeh. ¹⁸ ıọ dzèè ts'ọ hadı xè gok'èè k'eda. Nọọdea Paul wegħa dıı agòjà t'à

yets'ò naza gà ìnhì ts'ò hadi, “Zezi wuzi dahxà t'eekoa weyi gots'ò xàitlè!” yèhdi. Ekòet'ì ìnhì wets'ò ò ajà.

¹⁹ T'eekoa ts'ò k'ahogedè gùlì sù k'achì gít'à sòmba gehtsì ha-le gik'èezò t'à Paul eyits'ò Silas dagogiachì. Kòta k'aodèe ts'ò agogele ha t'asì nàedi k'è yàgòlaa ekò ts'ò gogèewa. ²⁰ K'aodèe nadaà nègogìwa, hagedi, “Dù dọ Israel got'ì agùt'e, gits'ihzò kòta hazò dọ xè nàdahoowo. ²¹ Goxì Roman got'ì ats'ìt'ee sù gonàowoò k'èch'a dọ hoghàgogeehtò,” gedi.

²² Hagedi t'à dọ lọ Paul eyits'ò Silas k'èch'a gogedeè agejà. Eyit'à k'aodèe giyatì k'e gigoht'òò gok'e nàgùhdlah gà nàgogùhkwa. ²³ Hòt'ò nàgogùhkwa t'axòò dọ-danìlaa-kò ts'ò agogìlà. Dọ-danìlaa-k'èdi-dòò hotù nezì goxoehti ha gùhdi. ²⁴ Hagedi t'à kò goyì xàts'etla ha dii sù nègogìwa, eyits'ò gikechì dechì t'à wedaàdoò agùlà.

²⁵ Totani ekìyèè k'e Paul eyits'ò Silas yagehtì xè Nòhtsì ts'ò gejì, dọ eyi-le gidanìlaa sù gogèèkw'ò. ²⁶ Hòtsaa dèè hòt'ò nàgòehdò t'à yiet'aa hazòò nàedaà ajà. Ekòet'ì enìtò hazòò ehghàà enìxànùt'ì, eyits'ò dọ hazòò satsòt'ì gik'e whelaa sù nàit'ì. ²⁷ Dọ-danìlaa-k'èdi-dòò ts'ìwo. Dọ-danìlaa-kò enìtò hazòò enìxàla yazì ekò behcho edets'ò xàechì, dọ hazòò xàtìmògeède sòni nìwò t'à ɛlaadiwì ha k'ehòza. ²⁸ Hanikò Paul yets'ò whezeh, hadi, “T'asadìle-le, hazòò jò ts'eèkw'e họt'e,” yèhdi.

²⁹ Eyit'à dọ-danìlaa-k'èdi-dòò, ek'aèk'ò sets'ò ààhchì, gòhdi. Ekòet'ì goyaèhtla gà, dèhyeh t'à Paul eyits'ò Silas goga nàgòihgè. ³⁰ Xàgòewa t'axòò dagoehke hadi, “K'àowo, edaxàsetè gha ayì dàhle ha?” gòhdi.

³¹ Gits'ò hadi, “Zezi gots'ò K'àowo ehkw'ì adì neewò nìdè edaxàneetè ha, eyits'ò nèot'ì nexè nàgedèe sù edaxàgeedè ha,” gùhdi. ³² Eyit'à ededì eyits'ò wekò dọ nàdèe sù gots'ò K'àowo weyatì t'à gots'ò gogùde. ³³ Totani ekìyèè k'e dọ-danìlaa-k'èdi-dòò whatsòò nègòwa gà gokaà k'enahntso. Eyì t'axòò ededì eyits'ò wèot'ì hazòò ekòet'ì gik'ètàidzò. ³⁴ Dọ-danìlaa-k'èdi-dòò Paul eyits'ò Silas edekò ts'ò nagòowa, eyits'ò shègetì ha t'asì goghàdì. Nòhtsì yegha ehkw'ì adì ajà t'à sù winà, wèot'ì sù hazòò gìnà.

³⁵ K'omòòdòò dzeh agòjà ekò kòta k'aodèe edecheekeè dọ-danìlaa-k'èdi-dòò ts'ò gogèehzà. Yatì gidanìzò hagedi, “Eyì dọ xàgeedè agùle,” gùhdi. ³⁶ Eyit'à dọ-danìlaa-k'èdi-dòò Paul ts'ò hadi, “Kòta k'aodèe, nì eyits'ò Silas xàahdè ha naxègedi. Eyit'à naahdè ha dii-le. Naxìxè sìghà welè,” gòhdi.

³⁷ Hanikò Paul kòta k'aodèe cheekeè ts'ò hadi, “Gosìniyagùhtì-le et'ì dọ daà nàgogùhkwa. Roman got'ì k'èè goità kò dọ-danìlaa-kò ts'ò agogìlà. Ekì hani dọ naàhtò

nagogeehzà ha gɔwɔ̀ nì? Ìle, ededɔ̀ gots'ò gùdè gà xàgogɔ̀wa," gòhdi.

³⁸ Kòta k'aodèe cheekè Paul dàdɔ̀ sɔ̀ hazòò k'aodèe ts'ò hagedi. K'aodèe, Paul eyits'ò Silas, Roman got'ɔ̀ k'èè gùtà gok'èhogeèhzà ekò geèhyeh lagejà. ³⁹ K'aodèe, Paul eyits'ò Silas ts'ò dọ nezɔ̀ gɔ̀lɔ̀ ha gɔwɔ̀ t'à dọ-daniɔ̀laa-kò gots'ò xàgogeèwa, ts'èwhɔ̀ kòta ts'òò naahdè gògedi. ⁴⁰ Paul eyits'ò Silas dọ-daniɔ̀laa-kò gots'ò xàgeède t'axòò Lydia wekò ts'ò t'akwełòò agejà. Ekò Nòhtsɔ̀ wecheekè xè giakw'è. Yatɔ̀ nezɔ̀ t'à nàgetsoò agogɔ̀lɔ̀ t'axòò nageèhde.

17

Paul eyits'ò Silas kòta Thessalonica nèlegeètà

¹ Kògodeè Amfipolis eyits'ò Apollonia goxa geède, kògodeè Thessalonica ts'ò agejà. Ekò Israel got'ɔ̀ gɔ̀ts'ò elègehdeè-kò gòrò. ² Paul t'aats'òò elègehdeè-kò at'ɔ̀ ìlè t'à ekò ts'ò ajà. Tai dzehta ts'ò Nòhtsɔ̀ Dzeè k'e Nòhtsɔ̀ Nɔ̀ht'è gots'ò dọ hoghàgoehtò. ³ Ayɔ̀ dek'èèht'è ghàà gots'ò goɔ̀de, "Christ dàza ha, eyits'ò elɔ̀wo gots'ò nàidà ha. Dɔ̀ Zezi weghò naxits'ò gohdee sɔ̀ Christ họt'e," gòhdi. ⁴ Israel got'ɔ̀ mòhdaa ehkw'ɔ̀ adɔ̀ gɔwɔ̀ t'à Paul eyits'ò Silas xè agèt'ɔ̀ agejà. Greece got'ɔ̀ Nòhtsɔ̀ gɔwɔ̀ sɔ̀ lọ eyits'ò ts'èko ahxee gɔ̀lɔ̀ sɔ̀ lọ goxè agèt'ɔ̀.

⁵ Hanikò Israel got'ɔ̀ gha k'aodèe sɔ̀ goghò ts'ohogeedi. Kòta gots'ò dọ laòt'ɔ̀-le nàgɔ̀htsɔ̀ gà kògodeè nɔ̀ ts'ò dọ lọ xè nɔ̀dahogɔ̀hdè. Jason wekò ts'ò lègeèhza ekò Paul eyits'ò Silas hagɔ̀wò, dọ nɔ̀ ts'ò gogeewa ha gɔwɔ̀ t'à. ⁶ Hanikò gokawhɔ̀agejà t'à Jason xàgeèlì eyits'ò Nòhtsɔ̀ wecheekè sɔ̀ mòhdaa kògodeè gha k'aodèe ts'ò gogeèwa. Hagedi gezeh, "Dɔ̀ dọ, hazòò nèk'e dọ xè hoila hogehtsɔ̀ sɔ̀ dɔ̀ jọ nègɔ̀de, ⁷ eyits'ò Jason edekò ts'ò agòòlɔ̀. Dɔ̀ dọ agèt'ɔ̀ sɔ̀ dèe-ts'ò-k'àowo Caesar wenàowoò k'èch'a agèt'ɔ̀. Dɔ̀ hagedi, k'àowocho eyi-le gòhɔ̀ ne, eyi sɔ̀ Zezi wiyeh ne," hagedi gezeh. ⁸ Hagedi gogukw'ò ekò dọ hazòò eyits'ò k'aodèe gɔ̀lɔ̀ sɔ̀, sɔ̀ nɔ̀dahogɔ̀hdè. ⁹ Jason eyits'ò dọ gɔ̀xè at'ɔ̀ sɔ̀ sòòmba lọ edek'èxa nàgeehdi agogɔ̀lɔ̀ t'axòò, nagogeèhzà.

Paul eyits'ò Silas kòta Berea nèlegeètà

¹⁰ To agòjà ekò Nòhtsɔ̀ wecheekè, Paul eyits'ò Silas kòta Berea ts'ò agogɔ̀lɔ̀. Ekò nègɔ̀de ekò Israel got'ɔ̀ gɔ̀ts'ò elègehdeè-kò ts'ò agejà. ¹¹ Israel got'ɔ̀ kòta Berea nàgedèe sɔ̀ kòta Thessalonica got'ɔ̀ nahk'e ginezɔ̀. Godɔ̀ nezɔ̀ gɔ̀kw'ò t'à gɔ̀nà. Asɔ̀ Paul ehkw'ɔ̀ gode gɔ̀wò t'à dze taat'èè Nòhtsɔ̀ Nɔ̀ht'è k'eyagehtɔ̀. ¹² Israel got'ɔ̀ lọ gɔ̀gha ehkw'ɔ̀-ahodɔ̀, eyits'ò Greek gots'ò ts'èko ahxee mòhdaa, eyits'ò Greek gots'ò dọzhì lọ goxè agèt'ɔ̀.

¹³ Israel got'ɲi Thessalonica nàgedèe sɪ Paul kòta Berea Nòhtsɪ yatù t'à dọ hoghàehtọ ghọ gùkw'o t'à ekọ ts'ọ geède. Dọ lọ Paul k'èch'a nɪdahogùhè agogùlà. ¹⁴ Eyit'à ekòet'ɲi Nòhtsɪ wecheekeè Paul tichobàa ts'ọ ajà agùlà, hanikò Silas eyits'ọ Timothy kòta Berea ageèkw'e. ¹⁵ Dọ Paul xè agejàa sɪ kògodeè Athens ts'ọ geèhchì. Eyɪ dọ ek'èt'à nageedè kwe, Paul, edecheekeè Silas eyits'ọ Timothy godanatɲɲọ, ɲwɛhà sets'ọ aahde nọ, gòhdi.

Paul kòta Athens dọ ts'ọ gode

¹⁶ Paul kògodeè Athens godanaèhɲi ekò nòhtsɪ eyi-le xàʒaa lọ hòlɲi nàwheʒaa yaɲi t'à sɪ wegħa dɪ. ¹⁷ Eyit'à elègehèdè-kò goyɪ Israel got'ɲi eyits'ọ Greece got'ɲi Nòhtsɪ gɲwọq sɪ gots'ọ goɪde. Eyits'ọ dzẹ taat'eè t'asɪ nàedɪ k'è yàgòlaa ekọ sɪ dọ ts'ọ goɪde. ¹⁸ Dọ mọhdaa Epicurean nàowoò eyits'ọ Stoic nàowoò k'èyè nàɲgedèe sɪ Paul k'èch'a gogede, hagedɪ, “Dɪ dọ wewà lọ ayɪ ghọ godeè-adi?” Eyits'ọ mọhdaa hagedɪ, “Nòhtsɪ ɲadɲ ghọ godeè-adi lanɪ,” gedi. Paul, Zezi wegodi neɲɲi t'à gode eyits'ọ ɲdaà nɲdè dọ nagidà ha hadɪ t'à, agùhdi. ¹⁹ Eyit'à dọ lọ dèhkw'ee k'è gòʒọq, Ayopagus gòyeh, ekọ ts'ọ geèhchì. Paul ts'ọ hagedɪ, “Dɪ godɪ eladɲ t'à dọ hoghàhtọq sɪ wek'èts'eezọ ha ts'ɲwọ. ²⁰ Nàowo ɲadɲ gota k'eneʒaa sɪ wenits'eedi-le, ayɪ dàɲdɪ sɪ wek'èts'eezọ ha ts'ɲwọ,” gùhdi. ²¹ Athens got'ɲi eyits'ọ dọ eyi-le xàʒaa eyɪ nàgedèe sɪ t'aats'ọq nàowo ɲadɲ t'à elèxè gogedo.

²² Paul dọ lọ dèhkw'ee k'è gòʒọq, Ayopagus gòyeh, ekọ dọ ts'ọ gode, hadɪ, “Athens got'ɲi yàahɲi sɪ, nòhtsɪ ɲadɲ xàʒaa lọ ghọ hòt'ò aahwhọ nọ. ²³ Naxikòta k'ehda ekò wets'ọ yaahtɪ lọ nàwheʒaa sɪ hotɪ gɪghàihdà họt'e. Nòhtsɪ wek'èhoahsọ-le għa kwe-ladà wheʒọ wek'e dɪ hanɪ dek'eèht'è wek'eyaehɪ: ‘Nòhtsɪ wek'èts'eezọ-le wegħa gòʒọ,’ dek'eèht'è. Eyɪ nòhtsɪ wek'èahsọ-le kò wets'ọ yaahtɪ sɪ dɪ wegħọ naxɪts'ọ gohde ha.

²⁴ “Nòhtsɪ, dèe eyits'ọ t'asɪ hazọq edaa whehtsɲ sɪ yak'e eyits'ọ dɪ nèk'e għa K'àowo họt'e. Yats'ehɲ-kò-gocho, dɲlà t'à hòlɲi sɪ, yeyɪ nàdè nɲile. ²⁵ Dọ t'asɪ yegħædi t'à eda nɲile. Edeɲ dọ hazọq gɪt'à eda họt'e, gɪt'à geɲi eyits'ọ t'asɪ hazọq wet'à-ats'et'ɲi sɪ goghàyele họt'e. ²⁶ Dọ ɲè gots'ọ, dọ hazọq xàʒaa whehtsɪ họt'e eyits'ọ dɪ nèk'e hazọq nàgedè ha agòqà. Dàwħaà geeda ha sɪ goghàhòɲọ eyits'ọ edɲ nàgedèe ha sɪ goghàhòɲọ họt'e. ²⁷ Nòhtsɪ hanɪ eghàlajà họt'e, hanɪ-ɲdè wekats'ɲwọ ha gɲhwhọ eyits'ọ edahxọ wets'ɲwọ xè wegots'ɲhà ha welɪ. Gots'ọ nɲwà-le wheda kò họt'e. ²⁸ Naxɪ kò naxɪts'ọ egeet'èe-dọq mọhdaa dɪ hagedɪ egɲt'è ɲè, ‘Edeɲ wet'à dọ ts'ɲɲ eyits'ọ wet'à ts'eeda,’ eyits'ọ mọhdaa hagedɪ, ‘Wets'ɲhòq-dọq ats'ɲt'e,’ gedi egɲt'è.

²⁹ “Eyit'à Nòhtsɪ wets'ihzòq-dòq ts'ɪlɪ nɪdè Nòhtsɪ sɪ sòmba dekwoo, sòmba degoo eyits'ò kwe t'à hòèlɪ wets'ɪhwhò ha dì. Dòlà t'à t'asɪ hòèlɪ k'èè wègaat'ɪ wets'ɪhwhò ha dì. ³⁰ Inèq dò dàget'ɪ sɪ gɪk'èezò-le t'à Nòhtsɪ nàgoehkwa-le ɲè, hanikò dì sɪ dò hazòq edek'egɪlɪ xè wets'ò anats'ede ha gɪhwhò. ³¹ Dò hazòq ehkw'ɪ gɪsɪnyaetɪ gha dzè whehzoq ayɪlà hòt'e, eyɪ gha dò ɲè yɪhchì hòt'e. Eyɪ wɪichɪ sɪ dò hazòq gɪgha ehkw'ɪ-ahodɪ ha t'à Nòhtsɪ nàidà ayɪlà,” Paul gòhdi.

³² Dò nàidà hadɪ ghò gɪkw'o ekò Paul ghageedlò, hanikò dò mòhdaa hagedɪ, “K'achɪ eyɪ weghò gots'ò nagoɪde ha nets'ɪhwhò,” gɪhdi. ³³ Eyɪ t'axòq Paul gots'ò naèhtlɔ. ³⁴ Dò mòhdaa gɪgha ehkw'ɪ-ahodɪ t'à Paul xè aget'ɪ agejà. Dò ɲè Dionysius wɪyeh, Ayopagus ekò dò elexè dèhkw'ee goxè whedaa elɪ, eyits'ò ts'èko Damaris wɪyeh eyits'ò dò eyɪ-le mòhdaa goxè aget'ɪ agejà.

18

Paul kògodeè Corinth nùtla

¹ Eyɪ hagòjà t'axòq Paul kòta Athens gots'ò kòta Corinth ts'ò ajà. ² Ekò Israel got'ɪ, Aquila wɪyeh, kòta Pontus wegòhɪ sɪ, yeghaetlɔ. K'àowodeè Claudius, weyatɪ k'e Israel got'ɪ hazòq kògodeè Rome gots'òq xàgeedè ha gòhdi. Eyit'à Aquila, edets'èkeè Priscilla xè Italy nèk'e gots'ò eyɪ nègɪde. Paul gots'àèhtlɔ. ³ Paul, goxèht'eè ɲɪhbàa-ehstɪ-dòq elɪ t'à goxè nàidè eyits'ò goxè eghàlɔdà. ⁴ Nòhtsɪ Dzeq taat'eè elègehdeè-kò dò ts'ò gode, yatɪ t'à Israel got'ɪ eyits'ò Greece got'ɪ goghòdaehnè ha dahoèhdzà.

⁵ Silas eyits'ò Timothy Macedonia nèk'e gots'ò eyɪ nègɪde ekò Paul dò hoghàehtqò zò ts'ò-èlɪ adiidlà. Israel got'ɪ ts'ò gode, hadɪ, “Zezi Christ hòt'e,” gòhdi. ⁶ Hanikò Israel got'ɪ Paul k'èch'a gogede. Paul ehkw'ɪ aget'ɪ-le gɪk'èezò ha nɪwò t'à edegoht'òq yèhxo xè hagòhdi, “Naxɪ edaxàahdè-le ɲidè naxɪt'à ha ne. Hòt'a sɪ sets'ò hòèlɪ nùle. Jò gots'ò ɪdàà dò eyɪ-le xàzaa gɪts'ò ahde ha,” gòhdi.

⁷ Eyit'à Paul elègehdeè-kò gots'òq xàèhtlɔ. ɪzòq Titus-Justus, Nòhtsɪ-ghàtsɪedɪ-dòq wekò gòzòq ts'ò ajà. ⁸ Crispus, elègehdeè-kò gha k'àowo elɪ, eyits'ò wekò nàgedè sɪ hazòq Zezi gɪgha ehkw'ɪ-ahodɪ agejà. Eyits'ò kòta Corinth gots'ò dò ɲò gɪkw'oo sɪ gɪgha ehkw'ɪ-ahodɪ t'à gɪk'ètàidzò.

⁹ ɲàà, to Paul wenazhɪ xègoèht'ɪ t'à gots'ò K'àowo yets'ò gode, hayèhdi, “Nɪɲɪ-le, ɲàà dò gɪts'ò goɪde ghò naat'e-le. ¹⁰ Nexè aht'ɪ ne. Sets'ò dò ɲò jò kògodeè nàgedè ne t'à dò wɪzɪ t'asanele ha nùle,” yèhdi. ¹¹ Eyit'à Paul ɲè xo-daà-tanɪ ts'ò eyɪ nàidè. Nòhtsɪ weyatɪ dò hoghàehtqò.

12 Achara nèk'e Galliyò k'àowo elì ekò Israel got'jì elèts'adageedì t'à Paul wesin'yaeti agijà. 13 Dò-sin'yaeti-dò ts'ò hagedì, "Dù dò sù, gonàowoò k'èch'a dò hoghàehtò. Nàowo eladù k'èè Nòhtsì ghàsogeedì ha, gòhdi," gedi.

14 Paul gode ha nikw'o ekò k'àowo Galliyò, Israel got'jì ts'ò hadì, "Israel got'jì, dù dò hoilà hòèhtsì hani-le-ìdè gonàowoò k'eizhì n'ìdè naxeèhk'ò ha jì. 15 Hanikò naxinàowoò ghò aahdi n'ìdè naxì edexè siigoahlè. Sì hanù nàowo wesin'yaeti ha nùle," gòhdi. 16 Nàyaeti-kò gots'ò xàgodezhì. 17 Eyi't'axò dò hazò Sostenes, elègehde-kò gha k'àowo elì sù, nàyaeti-kò gà dagiachì eyits'ò gikw'òyaà-gijà. Hagòjà kò k'àowo Galliyò gots'ò n'ìrà-le.

Priscilla, Aquila eyits'ò Apollos

18 Paul whaà hoògò gots'ò kòta Corinth nàidè. Eyi t'axò Nòhtsì wecheekeè gots'ò naèhtlà. Elàcho t'à Syria nèk'e ts'ò ajà. Priscilla eyits'ò Aquila gixè ajà. Naezè kwe kòta Cenchrea Nòhtsì ts'ò yatì nàtsoo whehtsì jì t'à, edekwìghà k'jìhwho. 19 Kòta Ephesus nègijide ekò Paul, Priscilla eyits'ò Aquila ekò gots'ò naèhtlà. Ededì t'aa elègehde-kò ts'ò ajà, ekò Israel got'jì ts'ò gojde. 20 Paul jàà goxè wheda ha gijwò, hanikò jì gòhdi. 21 Paul naetlà kwe, hagòhdi, "Nòhtsì hanìwò n'ìdè k'achì jò ts'ò anahde ha," gòhdi. Eyi t'axò elàcho t'à kòta Ephesus gots'ò naèhtè. 22 Kòta Caesarea, ekò dàèhtlà. Nòhtsì wecheekeè gots'ò naèhtlà xè gots'ò gojde, eyi t'axò kòta Antioch ts'ò ajà.

23 Whaà-lea ts'ò eyi nàidè. Eyi t'axò eyi nèk'e gota k'eeda, Galatia nèk'e eyits'ò Phrygia nèk'e hazò nahtlà. Nòhtsì wecheekeè hazò gini nàtsoò agòòlà.

24 Ekiyè k'e Israel got'jì Apollos wiyeh, Alexandria gots'ò dò, kòta Ephesus niitlà. Dò t'asì k'èezò deè elì eyits'ò Nòhtsì N'jìt'è sù deghàa yek'èezò. 25 Gots'ò K'àowo wegodi nezì hoghàwèetò h'ot'e. Ededzè t'à sù dò ts'ò gojde eyits'ò Zezi wegodi hotì nezì dò hoghàgoèhtò. Hanikò John-Baptist dànì dò hoghàgoèhtò sù eyi zò k'èezò. 26 Apollos elègehde-kò edèdaedi-le xè dò ts'ò gojde. Priscilla eyits'ò Aquila gikw'o t'axò edekò ts'ò gok'èehtlà agijà. Nòhtsì wegodi t'à deghàa gits'ò xayajiti.

27 Apollos, kòta Achara ts'ò ade ha n'wò t'à Nòhtsì wecheekeè gogha sìghà adì. Eyi't'axò ekò Nòhtsì wecheekeè ts'ò wegga egit'è, hagedì, "Dù dò naxixè at'jì aweahlè," hagedì gij'è. Apollos ekò niitlà ekò Nòhtsì weson'wò t'à gigha ehkw'ì-ahodi agejàa sù hòt'ò gots'ò adì h'ot'e. 28 Israel got'jì elègehdi ekò, Apollos gonì ts'ò hòt'ò xayajiti. Nòhtsì N'jìt'è ghàa Zezi Christ h'ot'e hadì gots'ò gojde.

19

Paul kòta Ephesus nùtla

¹ Apollos kòta Corinth wheda ekò Paul tɪl k'èè kòta Ephesus ts'ò naèhtla. Ekò Nòhtsɪ wecheekeè mòhdaa goazɪ. ² Eyit'à dagoehke, “Naxɪgha ehkw'ɪ-ahodiù ajà gots'ò Yedàyeh Nezɪ naxik'e ajà nì?” Paul gòhdi.

“Ìle, Yedàyeh Nezɪ wegho ts'ìikw'o while,” gedi.

³ Paul gots'ò hadi, “Hanì-ɪdè ayì t'à naxik'etàidzò nò?” gòhdi.

“John-Baptist wenàowoò k'èè gok'etàidzò,” gedi.

⁴ Paul gots'ò hadi, “John-Baptist wenàowoò k'èè gok'etàidzò sù edek'ets'ɪlɪ gha hòt'e. Dò yek'èè nùtla ha sù ehkw'ɪ adi weahwhò ha hòt'e gòhdi ìlè. Eyì sù Zezì hòt'e,” Paul gòhdi. ⁵ Nòhtsɪ wecheekeè Paul hadi gùkw'o t'à Zezì wuzi t'à gik'etàidzò agejà. ⁶ Paul edilà gok'e ayìlì t'à Yedàyeh Nezɪ gik'e ajà. Yatì ìadɪ t'à gogedeè agejà eyits'ò Yedàyeh Nezɪ dahxà xàyagɪhtì. ⁷ Hazò t'à dɔzhì hoòno-daats'ò-nàke gixè hagòjà.

⁸ Paul, ekò Israel got'ɪ gits'ò elègehdeè-kò gòzò goyaèhtla. Tai sa haɪwa gots'ò edèdaedi-le xè Nòhtsɪ wenàowoò ghò gots'ò goɪde t'à, dò gɪgha ehkw'ɪ-ahodiù agejà. ⁹ Hanikò dò mòhdaa Paul k'èch'a agɪwò, gɪgha ehkw'ɪ-ahodi ha gɪwò-le eyits'ò eyì nàowo k'èch'a dò ts'ò gogede. Eyit'à Paul Israel got'ɪ gots'ò xàèhtla. Nòhtsɪ wecheekeè edexè goòwa. Eyì t'axò dzè taat'èè Tyrannus wekò gocho goyì dò ts'ò gode. ¹⁰ Nàke xo ts'ò hanì Paul dò ts'ò goɪde. Eyì ts'ìhò Israel got'ɪ eyits'ò Greece got'ɪ hazò Asia nèk'e nàgedèè sù gots'ò K'àowo weyatì gùkw'oò agejà.

¹¹ Nòhtsɪ, Paul ts'adi t'à eniyah deè lɔ hòèhtsɪ. ¹² Paul k'oòhchia eyits'ò jòhtè t'à-at'ɪ sù eyì kò dɔ-eyaelɪ ts'ò agehɪ nùdè k'aat'ì agèt'ì eyits'ò ìnìhɪ gots'ò xàgeedè.

¹³ Israel got'ɪ mòhdaa ìnìhɪ xàdegeezhì ha dò ta k'egedè. Zezì wuzi t'à ìnìhɪ xàdegeezhì ha hogeèhdzà, hagedi, “Paul, Zezì wuzi t'à godee sù wedahxà xàahdè,” gedi. ¹⁴ Dò ìlè Sceva wiyeh, yahtì-gha-k'àowo elɪ, eyì weza lòhdi ededi agèt'ì. ¹⁵ Hanikò ìlè ìnìhɪ gots'ò hadi, “Zezì wek'èhsò eyits'ò Paul sɪ wek'èhsò, hanikò naxì amì aah't'e?” gòhdi. ¹⁶ Dò ìnìhɪ wets'ò-èlɪ sù gok'e nùko eyits'ò sù gokwòyaà-gòlè t'à hazò godaèht'è, ìht'edè eyits'ò gidoò at'ì xè xàtɪmògeedè.

¹⁷ Israel got'ɪ eyits'ò Greece got'ɪ kòta Ephesus nàgedèè sù eyì hagòjà ghò gùkw'o t'à sù geèhyeh. Gots'ò K'àowo Zezì wuzi t'asì nechàa awèts'edi nò, gɪwò agejà. ¹⁸ Dò gɪgha ehkw'ɪ-ahodi lɔ dò hazò gonadaà edenàowohɪ ghò hodegeedè. ¹⁹ Dò mòhdaa ìk'ò k'alagɪdèè sù edenht'è lè nègɪla gà dò

gonadaà gik'enjkh'q. Eyi enjhtl'è wesòmbaà nagıhtà nıde hazò t'à sılaènq-lemı (50,000) sòmba degoo haatlò elı. ²⁰ Eyi gıxè hagòjà ts'ıh?ò gots'ò K'àowo weyatı hazò nek'e ts'ò ajà eyts'q weyatı dọ xè nàtsoò agodaade.

²¹ Eyi hazò hagòjà tl'axò Paul kòta Jerusalem ts'ò anade ha nıwq. Eyi t'à Macedonia nek'e eyts'q Achaia nek'e gok'ıtla. Paul hadı, "Jerusalem nàwhıhtla tl'axò-ıdè Rome sı nàhtla ha," hadı. ²² Timothy eyts'q Erastus, eyi nàke geet'eè Paul ts'agedı sı Macedonia nek'e ts'ò goèh?à, ededı t'aa Asia nek'e whaà-lea ts'ò ekq aıt'è.

Kòta Ephesus nàdahoowo

²³ Ekıyèè k'e Zezi wenàowoò ts'ıh?ò dọ lq gıxè nàdahoowo. ²⁴ Dọ ıle Demetrius wıyeh satsò degoo t'à nòhtsıà yàehtsı. Gıts'q nòhtsı Artemıs wıyeh wek'èè wègaat'ı nòhtsıà lq whehtsı. Dọ hanı gehtsı sı gıt'à sòmba lq gehtsı. ²⁵ Dọ gıxèht'eè eghàlageadaa sı hazò gokàeh?à, hagòhdi, "Goxı, goılaà t'à sòmba lq ts'ehtsı wek'èahsò hqt'e. ²⁶ Eyi dọ Paul wıyeh sı dọ lq gha ehkw'ı adı t'à goghò daèhnq wek'èts'eezq. Wets'ıh?ò dọ lq eladı ts'ò agejà, jq kòta Ephesus zqò-le, yeè Asia nek'e sı k'àhdzq dọ hazò ghò daèhnq hqt'e. Du goıla t'à t'ası hòelı sı nòhtsı agıt'e nıle, gòhdi. ²⁷ Goılaà sı dọ gıgha wet'àazà-le ade ha sını. Eyi zqò-le, Artemıs wets'q yahtı-kq-gocho gòzqò sı dọ gıgha wet'àazà-le agode ha. Asia nek'e dọ hazò eyts'q du nek'e hazò ts'ò Artemıs ts'ò yagehtı hqt'e, hanıkò eyi hagot'ı ts'ıh?ò t'ası deè elı-le gıhwhq ha," gòhdi.

²⁸ Dọ hazò egıkw'o ekò gıch'è t'à yagızeh, "Artemıs, Ephesus got'ı gha nòhtsı deè elı ne," gedı yagızeh. ²⁹ Whaà-le-t'ı kòta hazò dọ nıdahogıhdè. Dọ nàke Gaius eyts'q Aristarchus, Paul xè Macedonia nàgedè ıle sı dagogiachı. Elegeèhdi-k'è gqchàa ts'ò gogeèwa. ³⁰ Paul ekq dọ hazò ts'ò gode ha nıwq hanıkò dọ yexè aget'ı sı ekq nàtla ha gıhwhq-le. ³¹ Eyi nek'e gha k'aodèè mòhdaa Paul weàgı agıt'ee sı ededı kò yatı gidanı?q, hagıhdi, "Neghò hoejı t'à, elegeèhdi-k'è nàwıtla-le," gedı gıghonàdaetı.

³² Ekq dọ hazò gıxè nàdahoowo t'à gıgha hok'èedzq-le hòzqò agòjà. Dọ mòhdaa t'ası ghò gezeh, mòhdaa t'ası eyı-le ghò gezeh. Ayı gha eyi nègıdeè sı gık'èezq-le. ³³ Israel got'ı gıjı sı dọ ıle Alexander wıyeh dọ hazò nadaà nàwoò agıla. Dọ mòhdaa gıts'ò gezeh, dànı gode ha sı gıts'ò hadı. Alexander edèot'ı gha gode ha nıwq t'à dọ ts'ewhı agıt'e ha edıla t'à gogha nàzeetsı. ³⁴ Hanıkò ededı Israel got'ı hqt'e gık'èhoèh?à ekò nàke sadzèè hajwa ts'ò dọ hazò ehghàa yagızeh, hagedı, "Artemıs, Ephesus got'ı gha nòhtsı deè elı!" gedı yagızeh.

³⁵ Nɔɔde kòta gha k'àowo dɔ xè ts'èwhù hòzòò ayìlà. Dɔ ts'ò hadì, "Ephesus got'ù, jò kòta dɔ nàgedè sù Artemis, nòhtsì deè, wets'ò yahtù-kò-gocho k'ègedì agùt'e, dù nèk'e dɔ hazòò gík'èezò hɔt'e. Eyits'ò kwe wek'èè wègaat'ù sù yak'e gots'ò hodàèhk'w'o, eyì sù gík'èezò hɔt'e. ³⁶ Ehkw'ì ats'edì-le gògedì ha dii t'à ts'èwhù aah't'e eyits'ò nàdahoahdè-le. ³⁷ Dù dɔ nàke naxits'ò yahtù-kò-gocho gots'ò egeèzì-le eyits'ò Artemis k'èch'a xàyagùhtì-le kò, jò nègìahla. ³⁸ Demetrius eyits'ò dɔ wexèht'eè la gits'ò sù t'asù ghò dɔ k'èch'a agùwò nìdè gìghò nàyaetù agogule. Ekò dɔ-sìnyaehtù-dòò dèhk'w'e hɔt'e, ekò dɔ k'e nìdahogeezà ha dii-le. ³⁹ Eyì wedè t'asù eyì-le ghò goahde ha dahwhò nìdè, dèe-ts'ò-k'àowo nàowò k'èè weghàlats'eeda ha hɔt'e. ⁴⁰ Ekò dù dzèè k'e nàdahoowo ts'ìhzò dèe-ts'ò-k'àowo hoilà hots'ehtsì gùwò ha sòni. T'asù wet'àazà-le ghò agot'ì ts'ìhzò edek'edats'eedì ha dii," k'àowo hadì dɔ ts'ò gojide. ⁴¹ Hadì t'axòò dɔ hazòò nagoèhzà.

20

Paul Macedonia nèk'e eyits'ò Greece nèk'e kòta k'etlò

¹ Nàdahoowo ghonahòt'e t'axòò Paul Nòhtsì wecheekeè gokàehzà. Gìnì nàtso ha nezù gots'ò gojide t'axòò Macedonia nèk'e ts'ò ajà. ² Eyì nèk'e hazòò ts'ò ajà. Dɔ gìnì nàtso ha nìwò t'à gots'ò gojide. Nɔɔde t'à Greece nèk'e nùitla. ³ Ekò tai sa ts'ò nàidè. Elàcho t'à Syria nèk'e ts'ò ade ha nìwò, hanikò Israel got'ù t'asagele ha gùwò t'à ekò ts'ò ade ha dii. Macedonia nèk'e gots'ò dèè k'e ek'èt'à naèhtla. ⁴ Dɔ gixè at'ù sù Berea got'ù Pyrrhus weza, Sopater wiyeh, eyits'ò Thessalonica got'ù nàke Aristarchus eyits'ò Secundus, eyits'ò Derbe got'ù Gaius. Timothy, Asia got'ù Tychicus eyits'ò Trophimus goxè agèt'ì. ⁵ Dɔ haàtlòò sù gonakweè geède. Kòta Troas ekò godanageèhzi. ⁶ Dzèdè Passover t'axòò kòta Philippi gots'ò ts'eèze. Sjlà dzèè t'axòò kòta Troas ekò goàgì gìghaàts'ùde. Troas ekò lòhdì dzèè ts'ò nàts'ùde.

Cheko naidà awiidlà

⁷ Nòhtsì Dzèè t'axòò èlèxè lèt'è ts'eza ha làà nèts'ùde. Paul dɔ ts'ò gojide. Ek'èdaedzèè k'e naetla ha nìwò t'à totani ts'ò gojide. ⁸ Idòo dahkò gòchàa ek'aèk'ò lò dèk'ò, ekò èlets'eèhdì. ⁹ Cheko jìè Eutychus wiyeh edzak'è xàgòzàa ekò dawheda jìè. Paul to whàa gojide t'à cheko dètì. Sù hòt'ò dètì t'à tai dahkò gots'ò hodàdèwò. Nìgùhtì ekò èlajwo nòò. ¹⁰ Paul yets'ò hodàèhtla. Cheko k'e dèchòhtì xè edegòò yemòò ayìlà. Hadì, "Weghò nàniàhdè-le, eda ne," gòhdì. ¹¹ Eyì t'axòò Paul idòo dahkò dekùtla gà goxè lèt'è jìzà. Dzèh agòjà ts'ò gojide, eyì t'axòò naèhtla. ¹² Cheko eda t'à dɔ gìnà, wekò ts'ò nageèhchì.

Paul kòta Ephesus gots'ò Nòhtsì wecheekeè gha k'aodè ts'ò gojde

¹³ Paul wenakweè elàcho t'à kòta Asos ts'ò ts'eèze. Ededi ededzaà t'à kòta Asos ts'ò etla ha. Paul ekò nɔ̀dè elàcho yietla ha edexè sùgòlà. ¹⁴ Kòta Asos ekò goghaetla t'à goxè elàcho yietla. Kòta Mitylena ts'ò ts'eèze. ¹⁵ Ek'èdaedzè k'e ekò gots'ò nats'eèhze, kòta Kiyos ts'ò nɔ̀wà-le nèt's'ùze. K'achì ek'èdaedzè k'e kòta Samos ts'ò ts'eèze eyits'ò k'achì ek'èdaedzè k'e kòta Miletus nèt's'ùze. ¹⁶ Paul, Asia nèk'e whaà wheda ha nɔ̀wò-le t'à, kòta Ephesus goxa naèhze. Edahxò Dzèdè Pentecost wekwe Jerusalem nùtla ha nɔ̀wò t'à, ekò ts'ò ɔ̀whà nɔ̀wò.

¹⁷ Kòta Miletus nùtla ekò Ephesus gots'ò Nòhtsì wecheekeè gha k'aodè gùlù sù gokàehzà. ¹⁸ K'aodè eyi nègùde ekò gots'ò hadi, "T'akwèlòò Asia nèk'e ts'ò ahjà gots'ò naxini nàihdè t'à dànì ihdàa sù sek'èahsò họt'e. ¹⁹ Israel got'ù segha hoilà hogehtsì t'à sù segùhdzà họt'e, hanikò k'èweèt'ù laht'e eyits'ò senatì lò xè gots'ò K'àowo weggha hòt'ò eghàlaihda họt'e. ²⁰ Wet'à naxigha sìghà ha t'à naxits'ò goihde ìlè, wegghò edèdaehdi-le wek'èahsò họt'e. Elets'eèhdì gonì eyits'ò naxikò goyù hazòò hoghànaxèhtò ìlè. ²¹ Israel got'ù eyits'ò Greece got'ù ìlah gits'ò goihde ìlè. Edek'egùlù t'à Nòhtsì ts'ò agede ha eyits'ò gots'ò K'àowo Zezì ehkw'ì adì gùwò gha haehsù gits'ò goihde ìlè.

²² "Ekò dù sù, Yedàyeh Nezù Jerusalem ts'ò sehza, ekò sexè dàgode ha sù wek'èehsò-le. ²³ Kòta hazòò ts'ò aht'ù sù Yedàyeh Nezù sets'ò hadi, sexè hoilà ha eyits'ò dọ-danìlāa-kò ts'ò asegele ha hanì seggha hòzò. Eyì zò wek'èehsò. ²⁴ Hanikò edeggha ehda ha seggha wet'aaazà-le. Gots'ò K'àowo la nechàa segghàzòò sù welò ts'ò wegghò naht'è ha, eyì zò dehwhò. Nòhtsì gots'ò sònwòò sù eyì godì nezù t'à dọ ts'ò gohde ha họt'e.

²⁵ "Naxì, Nòhtsì Wenàowoò t'à naxits'ò goihde ìlè sù k'achì seahzì ha-le, wek'èehsò họt'e. ²⁶ Eyit'à dù dzè k'e dù naxits'ò haehsì ha: dọ edaxàweètì-le nɔ̀dè sù set'à nùle. ²⁷ Nòhtsì dànɔ̀wòò sù edèdaehdi-le hazòò naxits'ò haehsì ìlè. ²⁸ Hotì edexoahdi eyits'ò Nòhtsì wecheekeè sù gixoahdi, Yedàyeh Nezù eyì la naxighàzòò họt'e. Nòhtsì ededoò t'à edets'ò dọ edaxàwhela ne t'à nezù gixoahdi. ²⁹ Set'axòò dàgode ha sù wek'èehsò. Dìga ìghòò lanì naxita agede ha, naxits'ò sahzòò hazòò dzièghzà ha. ³⁰ Naxita gots'ò kò dọ mòhdaa Nòhtsì wecheekeè edek'èè agogele ha gùwò t'à, godì ehkw'ù sù ekò-le agele ha. ³¹ Eyit'à sù kexoahdi! Tai xo gots'ò, dzè, to senatì xè naxìghònatìehzà ghò naht'è-le, eyì wenaahdi.

³² "Hòt'a Nòhtsì ghànaxèehla, eyits'ò naxits'ò wesònwòò godì t'à naxini nàtsoò awede. Hanì-ìdè ìdàa Nòhtsì dọ hazòò edeggha gòìhchì sù gixè ayì godawhehlaa sù naxìghàyele ha

họt'e. ³³ Dọ wɔ̀zì wesòmbaà eyits'ọ̀ wegoht'ọ̀ gha aht'ì nùle. ³⁴ Sílà t'à edegha eghàlaihà dà eyits'ọ̀ dọ sexè aget'ì sù gìgha aeht'ì, wek'èahsọ họt'e. ³⁵ T'asì hazọ̀ ghàlaihà dà sù hanì hòt'ò eghàlats'eeda t'à dọ-teèt'ì ts'ats'edi ha họt'e, eyi wek'èahsọ anaxèhà. Gots'ọ̀ K'àowo Zezi, ededì dàdì sù wenats'edi ha họt'e: 'Dọ ghàts'eedi sù t'asì goghọt'à nahk'e nezì họt'e,' gòhdi jìe."

³⁶ Paul hanì gots'ọ̀ gojde t'axọ̀ hazọ̀ goxè nàgòìghè gà yajhtì. ³⁷ Hazọ̀ gínatì ajà, edegutò xè gùts'ì. ³⁸ K'achì seahzì ha-le gòhdi t'à gìgha diì. Elàcho ts'ọ̀ gík'èè goòhwho.

21

Paul Jerusalem ts'ọ̀ dèhtà

¹ Gùts'ọ̀ nats'eede ha gogha diì kò nats'eede. Eyì gots'ọ̀ kòta Cos ts'ọ̀ elàcho t'à nats'eèze. Ek'èdaedzè k'e kòta Rhodes ts'ọ̀ ats'ejà, eyi gots'ọ̀ kòta Patara ts'ọ̀ ts'eèze. ² Eyì kòta gots'ọ̀ elàcho Phoenicia nèk'e ts'ọ̀ ade ha nọ̀, eyit'à weyì ts'ùde gà nats'eèze. ³ Dì nechàa Cyprus ts'aɔ̀, saɔ̀ ts'ọ̀hk'e wexa ats'ejà. Syria nèk'e ts'ọ̀ ts'eèze t'axọ̀ kòta Tyre dàts'ùde. Elàcho yì t'asì whelaa sù ekọ̀ dàgùwa. ⁴ Ekọ̀ Nòhtsì wecheekeè gùts'aɔ̀, lòhdi dzè ts'ọ̀ gixè ats'ùt'è. Yedàyeh Nezì wedahxà Paul ghonàdageetì, "Kòta Jerusalem ts'ọ̀ anede-le," gùhdi. ⁵ K'achì nats'eèze ha nìkw'o ekò Nòhtsì wecheekeè, gùts'èkeè eyits'ọ̀ giza goxè tabàa ts'ọ̀ geède. Tabàa nàgòts'ùghè gà gixè yats'ùhtì. ⁶ Elets'ùts'ì t'axọ̀ elàcho yì ts'ùde, ededì t'aa edekò ts'ọ̀ nageèhde.

⁷ Kòta Tyre gots'ọ̀ nats'eèze, kòta Tolemais nèt's'ùze. Ekọ̀ jìe dzè ts'ọ̀ Nòhtsì wecheekeè gùts'ats'ede. ⁸ Ek'èdaedzè k'e nats'eèze, kòta Caesarea dàts'ùde. Philip, godì nezì t'à godee dọ̀, wekò nàts'ùde. Dọ-teèt'ì ghàgeedi ha dọ̀ lòhdi gùhchì jìe sù ededì wìchì jìe. ⁹ Wetì dì hoget'ì-le sù hazọ̀ nakwenàozọ̀ gùjì.

¹⁰ Edlaàtlọ̀ dzè ts'ọ̀ eyì nàts'ùde t'axọ̀ Judea nèk'e gots'ọ̀ nakwenàozọ̀ Agabus wiyeh eyì nùtla. ¹¹ Paul wewè neyìwa gà wet'à edilà eyits'ọ̀ edekè xèwhezà, hadì, "Yedàyeh Nezì hadì, 'Kòta Jerusalem gots'ọ̀ Israel got'ì, dì whe amì wets'ọ̀ ne sù dì hanì dageèzhà ha, eyì gà eyì-le dọ̀ xàzaa ghàgìtè ha,' " hadì gots'ọ̀ gojde.

¹² Agabus hadì wets'ùkw'o t'à Paul, kòta Jerusalem nàwetla-le wèt's'edi weghonàdats'eetì. ¹³ Hanìkò Paul hadì, "Ayìha seghọ̀ aahse xè sedzeè etseè aahzì? Zezi wùzì ts'ìhžò dasegeezà gha ts'atà whìhda họt'e, eyì zọ̀-le wets'ìhžò ekọ̀ elàehwhì ha segha asanile họt'e," gòhdi. ¹⁴ Weghọ̀ dats'eehnè ha-le t'à hawèt's'edi, "Gots'ọ̀ K'àowo wìni k'èè welè," wèt's'edi.

¹⁵ Eyì t'axòò nats'eedè ha sìnìts'ùde eyìts'ò kòta Jerusalem ts'ò ts'eède. ¹⁶ Kòta Caesarea gots'ò Nòhtsì wecheekeè mòhdaa goxè agejà. Dò ìlè Manason wiyeh wekò ats'ùt'e ha t'à, ekò ts'ò agogìlà. Eyì dò Manason, Cyprus gots'ò dò hòt'e. Nòhtsì wecheekeè t'akweìòò kèhogìhde ekò ededì goxè at'ì ìlè.

Paul Jerusalem nùtla

¹⁷ Jerusalem nèt's'ùde ekò Nòhtsì wecheekeè gogìazì t'à gìnà. ¹⁸ Ek'èdaedzèè k'e Paul eyìts'ò goxì hazòò James wets'ats'ede, Nòhtsì cheekeè gha k'aodèè hazòò eyì geèhk'w'e. ¹⁹ Paul goazì xè gojts'ì t'axòò dànì dò hoghàehtò t'à Nòhtsì dò eyì-le xàzaa nì eghàlàidàa sù hazòò gots'ò hadì.

²⁰ Eyì godì gùkw'o ekò Nòhtsì ghàsogeedì. Paul ts'ò hagedì, “Israel got'ù ìò gìgha ehkw'ì-ahodì agejà eyìts'ò hazòò Moses wenàowòò gha hòt'ò agùwòò, wek'èizò hòt'e. ²¹ Hanìkò dù hanì neghò godì gùkw'o. Israel got'ù dò eyì-le ta nàgedèè sù Moses wenàowòò wedè hoghàgùhtòò, nègedì. Moses wenàowòò k'èè naxìzaa gìkwò nàt'à-le kò eyìts'ò gonàowòò k'èahdì-le kò nùdì ghò egùkw'o. ²² Eyì ghò ayì dàts'ùlà lì? Jò nàwhùtla ghò gùkw'o ha hòt'e. ²³ Eyìt'à ayì dànèt's'edù sù hanele. Jò dò dì goxè geèhk'w'ee sù Nòhtsì ts'ò yatì nàtsoo edegha gèhtsì. ²⁴ Eyì dò dì edexè agùle. Nòhtsì yatì k'èè sùdegele gha, gixè aqde. Gít'à sùdegele gha sòòmba t'à gìts'àqadì, hanì-ìdè edekwìghà hazòò xaget'à ha. Hanelà nùdè dò hazòò neghò godì gùkw'oo sù ehkw'ì-ahodì-le nòò gùwò ha, eyìts'ò Moses wenàowòò k'èè ìda nòò negùhwhò ha. ²⁵ Dò eyì-le xàzaa gìgha ehkw'ì-ahodì sù gìts'ò dù hanì ts'ùt'è ìlè. Bò nòhtsì hòèlù ghàzaadì sù aahdè-le, edoò aahdò-le, tìts'aadì gìk'à dahdì t'à elòòwù sù gìkwò aahdè-le. Naxìzhì t'à hòlù k'èè ełek'alaahdè-le. Eyì haàtìò haahle ha-le gìts'edù gìts'ò ts'ùt'è ìlè,” gùhdi.

²⁶ Ek'èdaedzèè k'e Paul eyì dò dì edexè agòòlà, goxè Moses wenàowòò k'èè sùdegezì. Eyì t'axòò Paul Nòhtsìkò-gocho nàhtla. Dàtìò dzèè ts'ò sùdegezì ha eyìts'ò dò dì sùdegezì sù hazòò gitaat'èè gìgha Nòhtsì ts'ò t'asì k'èek'ò ha sù yahtì ts'ò hadì.

Paul gùhchi

²⁷ Lòhdì dzèè ts'ò sùdegezì ghò k'àhdzò nagùt'e ekò Asia nèk'e gots'ò Israel got'ù mòhdaa Nòhtsìkò-gocho gà Paul gìazì. Dò xè nìdahogìhde t'à Paul dagìachì. ²⁸ Gezeh xè hagedì, “Israel got'ù gots'aaahdì! Dù dò sù hazòò nèk'e gòet'ì k'èch'a, gonàowòò k'èch'a, eyìts'ò Nòhtsìkò-gocho k'èch'a dò hoghàehtò. Eyì zòò-le, Greece got'ù Nòhtsìkò-gocho gà nègòìwa. Eyì wets'àet'ò hòt'e t'à jò degaì k'è gòzòò sù tsìgoìhwho hòt'e,” gedù gezeh. ²⁹ (Dò ìlè Ephesus got'ù Trophimus wiyeh, Paul xè gìazì ìlè t'à eyì dò Paul xè Nòhtsìkò-gocho gà nùtlaa gùwò t'à agedì.)

³⁰ Kòta dọ hazọ̀ọ̀ nıdahogı̀hdè t'à dọ nàhızah. Paul dagıachı, Nòhtsı̀kò-gocho gà gots'ọ̀ xàgèèlì, eyıts'ọ̀ Nòhtsı̀kò-gocho wemọ̀ọ̀ goyagoò̀zàa-k'è gòlaa sù hazọ̀ọ̀ enıgı̀wa. ³¹ Paul ẹ̀làngı̀whı ha nèhogı̀zọ̀ ekò Rome gots'ọ̀ eghọ̀ọ̀-dọ̀ọ̀-gha-k'àowo yeghọ̀ ı̀kw'o. Kògodeè Jerusalem dọ hazọ̀ọ̀ xè nàdahoowo t'à eghọ̀ọ̀-dọ̀ọ̀-gha-k'àowo yeghọ̀ ı̀kw'o. ³² Ekòet'ı̀ı̀ eghọ̀ọ̀-dọ̀ọ̀-gha-k'àowo edecheekeè xè dọ nı ts'ọ̀ ı̀mọ̀geède. Dọ nàdahogehdè sù eghọ̀ọ̀-dọ̀ọ̀-gha-k'àowo eyıts'ọ̀ wecheekeè gıazı̀ ekò Paul degı̀tso.

³³ Eghọ̀ọ̀-dọ̀ọ̀-gha-k'àowo weyatı̀ k'e Paul nıgı̀chı eyıts'ọ̀ satsòt'ı̀ı̀ nàke t'à dageèzhà. Eyı t'ı̀axọ̀ọ̀ dọ dagoehke, “Dı dọ amı họt'e eyıts'ọ̀ ayı t'à ekọ-le hòèhtsı?” gòhdı. ³⁴ Dọ mọ̀hdaa t'ası ı̀lè ghọ̀ yagı̀zeh eyıts'ọ̀ k'achı mọ̀hdaa t'ası eyı-le ghọ̀ yagı̀zeh t'à k'àowo, ayı ghọ̀ agedı sù yegòhza ha whıajà. Eyıt'à weyatı̀ k'e Paul eghọ̀ọ̀-dọ̀ọ̀-kò ts'ọ̀ agı̀là. ³⁵ Paul dekegòzàa k'e nııtla ekò dọ hazọ̀ọ̀ sù nàdahogehdè t'à eghọ̀ọ̀-dọ̀ọ̀ Paul dọ ch'à nıgı̀chı gà nagıahte. ³⁶ Dọ hazọ̀ọ̀ gok'èè gıadè sù “Wewèe aahle!” gedı yagı̀zeh.

Paul dọdeè ts'ọ̀ gode

³⁷ Paul, eghọ̀ọ̀-dọ̀ọ̀-kò goyageechı ha nıkw'o ekò eghọ̀ọ̀-dọ̀ọ̀-gha-k'àowo daehke, “T'ası nets'ọ̀ haehsı ha dehwhọ,” yèhdı.

Eyıt'à k'àowo, Paul ts'ọ̀ hadı, “Dànt'à Greece got'ı̀ı̀ gıyatı̀ k'èè gọıde?” yèhdı. ³⁸ “İdı whaà-le ekò Egypt got'ı̀ı̀ ı̀lè goxè ẹ̀legegọ ha dọ dı-lemı edexè ekı-ka nèk'e ts'ọ̀ goowa ı̀lè, eyı anet'e-le nı?” yèhdı.

³⁹ Paul yets'ọ̀ hadı, “İle, sı Israel got'ı̀ı̀ aht'e; Cılcıa nèk'e, kògodeè wet'àazàa Tarsus gots'ọ̀ dọ aht'e. Dọ gıts'ọ̀ gıohde, asıle,” yèhdı.

⁴⁰ K'àowo hezẹ̀ yèhdı t'à Paul dekegòzàa k'e nàwo gà dọ ts'èwhıı̀ agı̀t'e ha edılà t'à gogha nàzeetsı. Dọ hazọ̀ọ̀ ts'èwhıı̀ agejà t'ı̀axọ̀ọ̀ Aramaic gıyatı̀ k'èè gots'ọ̀ gode, hadı,

22

¹ “Sèt'ı̀ı̀ eyıts'ọ̀ gozọ̀hdaà yàahı̀ sı, edegha gohde ha t'à seàhk'w'ọ,” gòhdı. ² Aramaic gıyatı̀ k'èè godee gıkw'o ts'òet'ı̀ı̀ ts'èwhıı̀ agı̀t'eè agejà. Eyıt'à Paul gots'ọ̀ gọıde, hadı, ³ “Sı Israel got'ı̀ı̀ aht'e, Cılcıa nèk'e, kòta Tarsus segòhı, hanıkò jọ Jerusalem deehzhọ họt'e. Dọ-hoghàehtọ-deè, Gamalıel wıyeh, gocho gı̀nàowoò hazọ̀ọ̀ hoghàsèhtọ họt'e. Eyıts'ọ̀ dı dani gocho gı̀nàowoò k'èè Nòhtsı ghọ̀ hòt'ı̀ò dahwhọ sù sı sı haht'e ı̀lè. ⁴ Dọ Zezi wenàowoò k'èè agı̀wọ̀ọ̀ sù dagı̀hza eyıts'ọ̀ mọ̀hdaa ẹ̀làngı̀hdè ı̀lè. Dọzhı eyıts'ọ̀ ts'èkò dọ-danıı̀laa-kò ts'ọ̀ agèhlà ı̀lè. ⁵ Yahtı-wet'àazàa-deè eyıts'ọ̀ k'aodèe gııı sù eyı gık'èezọ t'à seghọ̀ gogede ha dı-le. Kòta Damaskus k'aodèe gııı ts'ọ̀ segha gııı t'è ı̀lè. Damaskus ekọ Zezi wenàowoò k'èè

agwwoq sù dageechi gà Jerusalem gixè hoilà ha ekq ts'ò aghèle ha dehwhò jìlè.

6 “Hanikò dzɛtanì ekìiyèè k'e eyi kòta ts'ò nɔwà-le naehtle ekò hɔtsaa yak'e gots'ò semòò hazòò dzɛh agòjà. 7 Dèè k'e ts'ò nàehkw'o eyits'ò sets'ò gots'èdèè hɔt'e, ‘Saul, Saul, dànìghò dasenèehza?’ sèts'edi hɔt'e.

8 “‘Sets'ò K'àowo amù anet'e?’ dehsì.

“‘Nazareth got'jì Zezi aht'e. Sì sù dasenèehza hɔt'e,’ sèhdi. 9 Dò sexè aget'jì sù goxè dzɛh agòjà gɔzɔ hanikò sets'ò gots'èdèè sù gɔmèdi-le.

10 “‘Sets'ò K'àowo, ayì dàhè ha neewò?’ dehsì.

“‘Njìtla, kòta Damaskus nàatla. Ekq ayì dàale ha sù nets'ò hagedi ha,’ sèhdi. 11 Sù sexè dzɛh agòjà t'à sedaà goile ajà. Dò sexè aget'jì sù k'esegèehzì t'à kòta Damaskus ts'ò asegiilà.

12 “Dò jìlè Ananias wiyeh sets'àèhtla. Eyi dò Moses wenàowoò k'èit'e eyits'ò Israel got'jì hazòò eyi nàgedèè sù dò nezì ne, gɔhwhò. 13 Eyi dò segà nàwo xè hadi, ‘Sèot'jì Saul, k'achì k'enaìt'jì,’ sèhdi. Ekòet'jì sega xègoèht'jì anajà.

14 “Sets'ò hadi, ‘Gocho Gɔnòhtsì dànɔwwoq sù wek'èizq ha nìhchì hɔt'e. Ehw'jì Edaa Eljì sù wenezì ha eyits'ò weyatì sù jìkw'o ha, nìhchì hɔt'e. 15 Ayì neezjì eyits'ò ayì jìkw'oo sù wet'à dò hazòò ts'ò gòjde ha. 16 Hot'èè ayì k'enaazì, njìtla! Gots'ò K'àowo wɔzì t'à nek'ètaidzì ha eyits'ò nehòjì neghò nahoezhe ha,’ sèhdi.

17 “Jerusalem ts'ò anahjà t'axòò ekq Nòhtsìkò-gocho gà yahtì ekò, k'achì senazhù xègoèht'jì. 18 Gots'ò K'àowo weehzì sets'ò gode, hadi, ‘Jerusalem got'jì segodi t'à gits'ò gòjdee sù gɔgha ehkw'jì-ahodi-le t'à, jwhàà Jerusalem gots'òò naitle,’ sèhdi.

19 “Wets'ò haehsì, ‘Sets'ò K'àowo, Jerusalem got'jì ayì dàhlàa sù gik'èezq hɔt'e. Gits'ò elègehdeè-kò gòlaa sù gita nàwhihtla gà dò gɔgha ehkw'jì-ahodi sù dò-danìlāa-kò ts'ò agèhlà jìlè. 20 Eyits'ò kwe t'à Stephen elàagɔhwhò ekò sighà aget'jì dehwhò t'à dò gɔgha gɔzèè k'èhdi jìlè.’

21 “Hanikò gots'ò K'àowo sets'ò hadi, ‘Njìtla, nɔwàa nèk'e dò eyi-le xàzaa gits'ò anehè ha,’ sèhdi,” Paul hadi dò hazòò ts'ò gòjde.

Paul Roman got'jì gha wutà

22 Dò hazòò hagogwa gots'ò Paul gɔhkw'ò, hanikò eyi-le dò xàzaa gits'ò ahde ha, gòhdi ts'òet'jì dò yagìzeh xè hagedi, “Eyi dò wewèè aahlè! Elàawèahwhi!” gedù yagìzeh.

23 Sù gik'èch'a t'à yagìzeh xè edezèè yjìzòò geèwa gà eht'è jìdòo yagits'ò. 24 Hagòjà ts'ihzòò eghòq-dòò-gha-k'àowo weyatì k'e Paul eghòq-dòò-kò goyageèhchì. Dànìghò dò Paul ts'ò yagìzeh sù yegòhza ha nɔwò t'à, nàgeehkwa gà dageehke ha

gòhdi. ²⁵ Hanikò Paul nàgeehkwa ha dageèzhà ekò k'àowo-k'è-whedaa yegà nàwoo sù ts'ò hadi, “Roman got'ù gha wutàa sù weghonàyaeti-le-t'ì nàwùhkwa, eyi asù ehkw'ì ne?” yèhdi.

²⁶ K'àowo-k'è-whedaa eyi ghò ùkw'o ekò, eghòq-dòq-gha-k'àowo ts'ò èhtla, Paul dàdu sù yets'ò hadi, “Dù dò Roman got'ù gha wutà ne t'à, dàwùle ha?” yèhdi.

²⁷ Eghòq-dòq-gha-k'àowo Paul ts'ò èhtla, dayeehke, “Sets'ò hađi, Roman got'ù anet'e nì?” yèhdi.

“Hèzè, Roman got'ù gha sutà ne,” Paul yèhdi.

²⁸ Eghòq-dòq-gha-k'àowo hadi, “Sòmba ló k'èxa Roman got'ù whihù họt'e,” hadi.

Paul yets'ò hadi, “Ekò sù segòhù gots'ò Roman got'ù aht'e,” yèhdi.

²⁹ Dò Paul dageehke ha ìlè sù họt'saa gits'ò naèhde. Eghòq-dòq-gha-k'àowo, dò Roman got'ù gha wutàa sù satsòt'ì t'à daet'ù ayìlà yeniedì t'à, dèhyeh lajà.

Paul wesnìyaeti gha k'aodèe nadqà nàwo

³⁰ Ek'èdaedzè k'e eghòq-dòq-gha-k'àowo dànìghò Israel got'ù Paul k'e nìdahogeezàa sù yek'èezò ha nìwò t'à dò-danìlāa-kò gots'ò xàyeèhchi. Yahtù-gha-k'aodèe eyits'ò Israel gha k'aodèe gùlù sù hazòò lāq geèhk'w'èe agòòlā. Eyì t'axò Paul gonadađa tanì nàwoò ayìlā.

23

¹ Paul, k'aodèe ehkw'ì goghàeda xè hagòhdi, “Sèot'ù, dù dzeè ts'ò Nòhtsì dànìwòq sù k'èè sedzeè t'à ehkw'ì eghàlāhdà, wek'èehsò họt'e,” gòhdi. ² Paul hadi t'à yahtù-wet'āazāa-deè Ananias, dò Paul gā nàgeèhzaa sù ts'ò hadi “Wewā nāahkà!” gòhdi. ³ Eyit'à Paul yets'ò hadi, “Nòhtsì nāneehkwa ha. Kògot'aà degoo aat'èa lanet'e! Ehkw'ì ìda laqt'ì kò wek'èè ìda nùle! Gonàowoò k'èè sesnìyaeti ha ìlè hanikò dò nàsegukà gùđi t'à gonàowoò k'èch'a eghàlāđa họt'e,” yèhdi.

⁴ Dò Paul gā nàgeèhzaa sù Paul ts'ò hagedi, “Nòhtsì wets'ò yahtù-wet'āazāa-deè hanì wets'ò gođe ha dūjì-le nì?” gùhdi.

⁵ Eyit'à Paul gots'ò hadi, “Sèot'ù, yahtù-wet'āazāa-deè elù wek'èehsò-le nòq. Yahtù-wet'āazāa-deè elù wek'èehsò nìdè haehsì ha-le ìlè, 'Naxìgha k'àowo elù sù yatjù t'à weghò goahde-le,' hanì dek'eèht'è họt'e,” Paul gòhdi.

⁶ Paul, dò mòhdaa eyì geèhk'w'èe sù Sadducee agùt'e, eyits'ò mòhdaa Pharisee agùt'e gok'èezò. Eyit'à k'aodèe gots'ò hadi, “Sèot'ù, sù sù Pharisee aht'e, eyits'ò setà ededì sù Pharisee elì ìlè. Dò naidà ha sù segha ehkw'ì-ahodì t'à jò seghonàyaeti họt'e,” gòhdi. ⁷ Paul hadi ts'òet'ù Pharisee eyits'ò Sadducee gùlù sù elets'ò nàyagehtì t'à dò hazòò elègùdee sù ełek'èch'a agùwòq agejā. ⁸ (Sadducee gùlù sù dò naidà nùle gedì, yak'eet'ù eyits'ò

dọ dāqzhì gòhì nùile gedi, ekò Pharisee t'aa eyi hanu hazòò gigha ehkw'i-ahodi hòt'e.)

⁹ Eyit'à dọ hazòò nìdahogùhdè. Pharisee mòhdaa Nòhtsì nàowoò hoghàgogeehtòò gùlù sù nìgùide gà sù nàyagùhtì, hagedi, “Dii dọ ekò-le eghàlajà ts'edi ha dii. Edahxò m̀i hanì-le-ìdè yak'eet'ù yets'ò gojide t'à adì sònl,” gedi. ¹⁰ Sù elets'ò nàyagèhtì t'à eletawhìgedè ha weli lanì, eyit'à eghòò-dòò-gha-k'àowo Paul t'asagele ha sònl nìwò t'à eghòò-dòò ekò ts'ò goèhà. Paul dọ ch'à eghòò-dòò-kò ts'ò geèhchì.

¹¹ Ek'edaetoò Zezì Paul gà nàowo, yets'ò hadì, “Nedzèè nàtsoò anele! Jerusalem dànì seghò gojide jìlè sù kògodeè Rome ekò k'achù hanì seghò gojide ha hòt'e,” yèhdi.

Israel got'ù Paul ełààgehwhì ha gùwò

¹² K'omòòdòò agòjà ekò Israel got'ù gha k'aodèè nàdegeežì t'à Paul ghò ełegiadì. Paul ełààgehwhì gots'ò t'asì gùwàhodi ha-le eyits'ò tì sì gedò ha-le gha yatì nàtsoo edegha gèhtsì.

¹³ Dọ d̀enò daats'ò hanì ełexè yatì gèhtsì. ¹⁴ Yahtù-gha-k'aodèè eyits'ò ohdah gùlù sù ts'ò geède, hagedi, “Paul ełààts'ehwhì gots'ò t'asì wùzì gowàhodi ha-le ts'edi t'à yatì nàtsoo edegha ts'èhtsì. ¹⁵ Eyit'à naxì eyits'ò k'aodèè gùlù sù eghòò-dòò-gha-k'àowo Paul naxits'ò nèyìhtè wèahdi. Ekù-hò wegodi deghàà wek'èts'eezò ha ts'ùwò wèahdi. Paul jò nùtla kwe-t'ì ełààwets'èhwhì ha sùts'eèhk'w'e,” gògedì.

¹⁶ Hanìkò Paul wedè weza yeghò iikw'o t'à eghòò-dòò-kò ts'ò èhtla t'à Paul ts'ò hadì.

¹⁷ Paul, eghòò-dòò-gha-k'àowo k'èè whedaa kayahì gà yets'ò hadì, “Dii cheko eghòò-dòò-gha-k'àowo ts'ò wùchì t'asì yets'ò hadì ha,” yèhdi. ¹⁸ Eyit'à eghòò-dòò-gha-k'àowo ts'ò yeèhchì, yets'ò hadì, “Paul dọ-daniłaa-kò whedaa sù sekàehà. Dii cheko t'asì nets'ò hadì ha t'à, nets'ò awets'ùile sèhdi,” yèhdi.

¹⁹ K'àowo cheko whatsqò nèyùhtì gà dayèehke, “Ayì sets'ò haidì ha neewò?” yèhdi.

²⁰ Cheko hadì, “Israel got'ù ełexè yatì gèhtsì, satsò nìdè Paul, k'aodèè ełegeèhdi ts'ò wùchì nègedì ha. Hogets'ì t'à weghò godì deghàà ts'ùkw'o ha ts'ùwò, nègedì ha. ²¹ Gik'èhojà-le, dọ d̀enò daats'ò Paul ełààgùhwhì ha nàdegeežì geèhk'w'e. Ełààgùhwhì gots'ò t'asì wùzì gùwàhodi ha-le eyits'ò tì sì gedò ha-le gha yatì nàtsoo edegha gèhtsì. Dii-t'ì sìnìgùide hòt'e, hẹzẹ gùdì zò k'enageèhà,” cheko yèhdi.

²² K'àowo cheko ts'ò hadì, “Eyi weghò sets'ò haidì sù dọ wùzì ts'ò haidì-le,” hayèhdi t'axòò nayeèhà.

Paul kòta Caesarea ts'ò agùlà

²³ Eyi t'axòò eghòò-dòò-gha-k'àowo, eghòò-dòò-k'àowo nàke yek'èè geèhk'w'ee sù gokàehà, hagòhdi, “Eghòò-dòò

nàkeakw'eènq, wede eghoq-dòq lònhdìenq t̄cho t'à-aget'ɿ, eyits'q eghoq-dòq nàkeakw'eènq behkà k'egelee xè Caesarea ts'ò geeda ha t'à xèhts'ò godasinìgedè agiahle. ²⁴ Paul t'asade ha ts'ɿwq-le. K'àowo Felix ts'ò wets'eechi ha t'à, weggha t̄cho gòahzà," gòhdi.

²⁵ Eghoq-dòq-gha-k'àowo du hanì k'àowo Felix ts'ò enɿt'è:

²⁶ "Claudius-Lysiyas gots'q, k'àowo Felix wets'ò aatl'è.

"Nexè sìghà welè.

²⁷ "Israel got'ɿ du dɔ dagiachi hɔt'e. Ełàgìihwhi ha ìlè hanikò sets'q eghoq-dòq xè dɔ ch'à xàwets'ɿht̄. Roman got'ɿ gha wutà ne wek'èhoèhzà t'à ats'ɿlà. ²⁸ Israel got'ɿ dànìghq gik'e nìdahogeezàa sù wek'èhsq ha dehwhq t'à Israel got'ɿ gha k'aodèe gits'q nàyaetu-kò ts'ò awèhlà ìlè. ²⁹ Israel got'ɿ edenàowoò ghq agedì nòq wek'èhoèhzà. Hanikò yek'èxa ełàawì ha eyits'q ayiha dɔ-daniɿlaa-kò ts'ò awedle ha sù ghq t'asagedì-le. ³⁰ Israel got'ɿ ełàagehwhi ha ghq eèhkwo ekò ekòet'ɿ nets'ò awèhlà. Dɔ ayi gha yek'e nìdahogìhzoq sù nenadaq gìghq gogede ha hɔt'e, gèehsɿ," eghoq-dòq-gha-k'àowo hadì ɿt'è.

³¹ Hanì eghoq-dòq-gha-k'àowo weyatì k'èè eghoq-dòq eghàlagùdà. To-t'ɿ Paul edexè agìlà gà kòta Antipatris gots'ò nègùde. ³² Ek'èdaedzeq k'e eghoq-dòq t̄cho t'à-aget'ɿ sù Paul edexè ìdaà geèhchì. Eghoq-dòq goxè nagiadè ìlè sù hazòq ek'èt'à Jerusalem ts'ò nageèhde. ³³ Eghoq-dòq t̄cho t'à-aget'ɿ sù kòta Caesarea nègùde ekò enɿt'è k'àowo Felix ghàgùzah eyits'q Paul git'ajht̄. ³⁴ K'àowo Felix enɿt'è k'eyajht̄ t'axòq Paul daehke, "Edì gots'q anet'e?" yèhdi. "Cilicia nèk'e gots'q aht'e," Paul yèhdi. ³⁵ Felix yets'ò hadì, "Dɔ nek'e nìdahogìhzoq sù jò nègùde nìdè negodì eèhkwo ha," yèhdi. K'àowo Felix weyatì k'e Paul, Herod wekò gocho wek'èhodì ayìlà.

24

Paul k'àowo Felix wenadaq edek'edaedi

¹ Sɿlà dzèq t'axòq yahtu-wet'aaazàa-deè Ananias kòta Caesarea ts'ò èhtlā. Qhdah mòhdaa eyits'q dɔ-k'edaedi-dòq Tertullus wiyeh xè agejā. Paul k'e nìdahogeezà gha k'àowo Felix ts'ò geède. ² Paul xayagùht̄ t'axòq ayiha wegghq nàyaetu sù dɔ-k'edaedi-dòq Tertullus Paul ghq k'àowo Felix ts'ò gojde, hadì, "Nì gogha k'àowo nel t'à whaà gots'q goxè ts'èwhì hòzoq hɔt'e, eyits'q ìdaà gogha nànwewo t'à gonèk'e nezì hòzoq anelā. ³ K'àowo Felix sù masì nets'ɿhwhq t'à t'aats'òq neghò hats'edi. ⁴ Hanikò goghq dii anede kwe whaà-lea gots'ò gojkw'o ha nets'eeke.

⁵ “Dii dọ sù hoila-hohtsɿ-dọ ɣɔt'e wek'èhots'eèhza. Wets'ihzò du nèk'e hazò ɣò Israel got'ɿ gɿxè nàdahoowo. Edeɣi sù dọ xàzaa Nazarene gɿyeh gha k'àowo elɿ ɣɔt'e. ⁶⁻⁷ Eyits'ɣ Nòhtsɿkò-gocho eyi kò tsɿgohwhi ha hoèhdzà, eyit'à dawets'aachi ɿlè. ⁸ Nɿ xàè dawɿhke nɿdè t'asii hazò ɣò wek'e nìdahots'ɿzò sù hazò ɣò ehkw'ɿ zò ats'edi wek'èhozò ha,” Tertullus, k'àowo Felix ts'ò hadi.

⁹ Israel got'ɿ gha k'aodèe edeɣi sɿ Paul k'e nìdahogɿzò, eyits'ɣ Tertullus yeghò dàdu sù ehkw'ɿ adi, gedi.

¹⁰ K'àowo Felix, Paul edegha gode ha yets'ò dadiitso. Paul hadi, “Whaà gots'ɣ Israel nèk'e gogha dọ-sɿniyahtɿ-dò nelɿ wek'èhsɣ, eyit'à edegha gohde ha sɿnà. ¹¹ Nàke dzehta ekɿyeè k'e Jerusalem Nòhtsɿ ts'ò yahtɿ ha ekò nàwhihta ɿlè, eyi ehkw'ɿ aehsɿ wegòhza ha dii-le. ¹² Dọ sek'e nìdahogɿzò sù Nòhtsɿkò-gocho gà dọ xè nàyahtɿ segiazi while. Elèghèdèe-kò eyits'ɣ Jerusalem dọ xè nàdahoowoò ahla segiazi while. ¹³ Ayi sek'e nìdahogɿzò sù wek'èè eghàlaidà-le t'à negha ehkw'ɿ agedi anegele ha dii ɣɔt'e. ¹⁴ Hanikò naxits'ò dii haehsɿ ha: gocho Gɿnòhtsɿ-ghàsɣehdu-dò aht'e, eyits'ɣ Zezi wenàowoò k'èè edaa dò aht'e, eyi nàowo sù ekò-le ɣɔt'e gedi. Moses wenàowoò k'èè t'asii hazò dọ hoghàgogeehtò sù segha ehkw'ɿ ne, eyits'ɣ t'asii hazò nakwenàozò dek'enègɿt'èè sù eyi sɿ segha ehkw'ɿ-ahodi ɣɔt'e. ¹⁵ Nòhtsɿ dọ naidà ayele ghò gogedee sù gɿxèht'eè segha ehkw'ɿ-ahodi ɣɔt'e. Ehkw'ɿ-geedaa-dò eyits'ɣ hoɿ-k'èè-geedaa-dò, ɿlah nagidà ha ɣɔt'e. ¹⁶ Goxè hanì hòzò ha t'à Nòhtsɿ wenadaà eyits'ɣ dọ gɿnadaà sɿnì ehkw'ɿ t'à eghàlaehda ha dehwhò.

¹⁷ “Lò xo t'axò Jerusalem ts'ò anahjà. Sèot'ɿ Zezi wenàowoò k'èè geedaa sù sòmba gɿt'aehtè ha ekò anahjà. Eyì sòmba sù dọ-teèt'ɿ gɿnì nàdèe sù gɿgha ɣɔt'e, eyits'ɣ Nòhtsɿ wets'ò t'asii k'eehk'ò ha jò nòwhihta ɣɔt'e. ¹⁸ Gonàowoò k'èè sùdehzi ghò naht'e ekò Israel got'ɿ Nòhtsɿkò-gocho gà segiazi ɿlè. Dọ lò sexè aget'ɿ-le ɿlè eyits'ɣ dọ gɿxè nàdahoowo hòwhihtsɿ-le ɿlè. ¹⁹ Hanikò Asia nèk'e gots'ɣ Israel got'ɿ mòhdaa eyi geèhk'w'e ɿlè sù, edeɣi èhɿ jò nenadaà nàgeèhza ha ɿlè. Ekò-le eghàlaidà sègedi nɿdè edeɣi nets'ò hagedi ha ɿlè. ²⁰ Hanì-le-ɿdè jò dọ nàgeèhza sù Israel got'ɿ gha k'aodèe gɿnadaà seghò nàyaeti ekò, ayi t'à hoila hòwhihtsɿ sègedi sù dii gɿghò gogede ha ɿlè. ²¹ Gɿnadaà nàhwho ekò t'asii ɿlè zò t'à sek'e nìdahogɿzò, dii haehsɿ ɿlè: ‘Dò elɿdè sù naidà ha eyi segha ehkw'ɿ-ahodi t'à dii dzeè k'e jò nenadaà nàhwho ɣɔt'e.’ ” Paul hadi Felix ts'ò goɣe.

²² Eyì t'axò k'àowo Felix, Zezi wenàowoò yek'èezò t'à dii-gogha nàyaeti ghonahòt'e ayiɿlè. Paul ts'ò hadi, “Eghò-dò-gha-k'àowo Lysiyas jò niitla nɿdè dànì nesɿniyahtɿ ha sù nets'ò haehsɿ ha,” yèhdi. ²³ K'àowo Felix, eghò-dò-gha-k'àowo k'èè

whedaa ts'ò hadi, “Paul wèhoedi ha hanikò yaazea edets'ò k'àowo awjile, eyits'ò weàgią gık'èdi ha t'asanile,” yèhdi.

²⁴ Edlaatlò dzèè k'ehqwo t'axòè k'àowo Felix edets'èkeè Drusilla xè eyi nòotla. Wets'èkeè Israel got'jì họt'e. K'àowo Felix, Paul kàwhehza, dànì Zezi wenàowoò gogha ehkw'ı-ahodı sù t'à Paul yexè goado. ²⁵ Dànì Nòhtsı gha ehkw'ı ts'eadaa, hojì ch'à edek'èts'edi eyits'ò gosınıyaeti dzèè ghò yexè godo ekò k'àowo Felix dèhyeh t'à hadi, “Dii gogha hòt'a welè! Naıtla kò. Segha hòzò nıdè k'achı nekàehza ha,” yèhdi. ²⁶ Hanikò Felix edahxò Paul xàetlaa ayele k'èxa yets'àzèehdi ha nıwò jì. Eyit'à jò eht'aà yekàehza eyits'ò yets'ò gode.

²⁷ Nàke xo k'ehqwo t'axòè k'àowo İadı, Porcius-Festus wıyeh, yet'axòè ajà. K'àowo Felix, Israel got'jì gınà agıhle nıwò t'à Paul dọ-danıılaa-kò aidaa ayıjì.

25

Paul k'àowo Festus wenadağà edek'edaedi

¹ K'àowo Festus tai dzèè t'à eyi nèk'e nıitla t'axòè kòta Caesarea gots'ò kòta Jerusalem ts'ò ajà. ² Ekò t'aa yahtı-gha-k'aodèe eyits'ò Israel got'jì gha k'aodèe gıjı sù gıxè ełegiadi. Ayıha Paul k'e nıdahogıızò ghò k'àowo Festus ts'ò hagedı. ³ Israel got'jì, k'àowo Festus gogha t'ası hayele ha gıwò t'à dageehke. Paul Jerusalem ts'ò geechi ha gıwò. Tıhı k'e nagıadè nıdè ekò ts'atà nàdegeeıjì gà ełagıhwhı ha gıwò. ⁴ Hanikò k'àowo Festus gots'ò hadi, “Paul, kòta Caesarea ekò wedaàtò họt'e. Whaà-le-ıdè sı ekò nàhtla ha. ⁵ Naxıts'ò k'aodèe mòhdaa sexè agıde, dı dọ Paul ekò-le hòehtsı nıdè ekò nàyaeti-kò gık'e nıdahoeza ha dii-le,” gòhdi.

⁶ K'àowo Festus ek'èdi hanı-le-ıdè hòno dzèè ts'ò Jerusalem goxè ıdà, eyi t'axòè kòta Caesarea ts'ò anajà. Ek'èdaedzèè k'e k'àowo Festus nàyaeti xèhoıhwho. Weyatı k'e Paul yenadağà nàwoò agıjì. ⁷ Paul eyi nègeèchı ekò Israel got'jì gha k'aodèe Jerusalem gots'ò eyi nègıdee sù Paul wemòè nàgeèhza. Ekò-le hodeè jò eghàıdà gedı t'à gık'e nıdahòzò, hanikò asıjì ehkw'ı agedı sù wek'èhoedzòè agele ha dii.

⁸ Eyit'à Paul edegha gode, hadi, “Israel got'jì gınàowoò k'èch'a eghàıhdà nıile, eyits'ò Nòhtsıkö-gocho eyits'ò dèe-ts'ò-k'àowo Caesar k'èch'a hòwhıhtsı nıile,” gòhdi.

⁹ K'àowo Festus Israel got'jì gha k'aodèe gını k'èè k'ehoza ha nıwò t'à Paul ts'ò hadi, “Ayı nek'e nıdahogıızò sù asıjì Jerusalem ekò nesınıyaeti ha neewò?” yèhdi.

¹⁰ Paul yets'ò hadi, “Dèe-ts'ò-k'àowo Caesar gha dọ-sınıyahtı-dòè dı wenadağà nàhwho họt'e, ehkw'ı ha nıdè jò sesınıyaeti ha jì. Israel got'jì gıts'ò ekò-le eghàıhdà nıile, nı kò wek'èzò họt'e. ¹¹ Ekò-le hòwhıhtsı k'èxa ełahwhı ha

nɔ̀dè, ìlè dehsɪ ha nɔ̀lè. Hanikò dɪ Israel got'ɪ̀ ayì gha sek'e nɔ̀dahogɪ̀ɪ̀ɪ̀ɪ̀ sɪ ehkw'ɪ̀ agedɪ-le nɔ̀dè dɔ wɪ̀ɪ̀ɪ̀ got'aàsehtè ha wegha hòzɔ̀ nɔ̀lè. Dèe-ts'ò-k'àowo Caesar wenadaà sesɪnɪyaeti ha dehwhɔ̀!" Paul k'àowo Festus ts'ò hadɪ.

12 K'àowo Festus edecheekeè ts'ò goɪde t'axɔ̀ɔ̀ hadɪ, "Dèe-ts'ò-k'àowo Caesar wenadaà sesɪnɪyaeti ha nɔ̀dɪ t'à, Caesar ts'ò anedle ha," yèhdi.

Festus k'àowocho Agrippa ts'ò gode

13 Nàke dzeɛ̀-le nɔ̀dè tai dzeɛ̀ k'ehɔ̀ɔ̀wo t'axɔ̀ɔ̀ k'àowocho Agrippa eyits'ɔ̀ ts'èko Bernice k'àowo Festus ts'àgede ha, kòta Caesarea nègɪ̀de. 14 Łatsaa eyɪ agɪ̀t'e ha t'à k'àowo Festus, Paul ghɔ̀ k'àowocho xè goado, hayèhdi, "Dɔ ìlè jɔ̀ dɔ-daniɪlaa-kò wheda. K'àowo Felix jɔ̀ yèhda ìlè. 15 Jerusalem ts'ò ahjà ekò yahtɪ-gha-k'aodèe eyits'ɔ̀ Israel got'ɪ̀ gha k'aodèe sɪ dɪ dɔ k'e nɔ̀dahogɪ̀ɪ̀ɪ̀ɪ̀. Eyit'à Paul eɪaàwɪ gha wesɪnɪyahti ha segɪ̀hwhɔ̀.

16 "Hanikò hagèehsɪ, 'Dɔ weghɔ̀ nàyaeti kwe-t'ɪ̀ dɔ t'aàts'eh̀tè ha sɪ Roman gɪ̀nàowoò gha wets'æt'ɔ̀ hɔ̀t'e,' gèehsɪ, 'Dɔ wek'e nɔ̀dahòt'ɔ̀ nɔ̀dè amɪ ayɪ̀l̀a sɪ t'akweɪ̀ɔ̀ gonadaà nàwo gà weghɔ̀ nàyaeti ha hɔ̀t'e, eyits'ɔ̀ edegha gode ha hɔ̀t'e.' 17 Eyit'à jɔ̀ sexè nègɪ̀de ekò ekòet'ɪ̀ ek'èdaedzeɛ̀ k'e nàyaeti ah̀l̀a, eyits'ɔ̀ Paul gonadaà nàwo awèh̀l̀a. 18 Israel got'ɪ̀ gha k'aodèe gɪ̀k'e nɔ̀dahòɪ̀ɪ̀ɪ̀ sɪ xàyagɪ̀htɪ, hoɪla hòèhtsɪ gɪ̀hdi ha dehwhɔ̀ ìlè hanikò hanì-le nɔ̀ɔ̀. 19 Ayì gɪ̀gha ehkw'ɪ̀-ahodɪ ghɔ̀ eyits'ɔ̀ dɔ Zezi wɪ̀yeh ghɔ̀ gɪ̀k'èch'a gode. Eyɪ dɔ sɪ eɪaɪwo ìlè hanikò ìl̀a eda ne Paul yɪ̀hwhɔ̀. 20 Eyɪ dɔ dànɪ wesɪnɪyahti ha wek'èehsɔ̀-le, eyit'à dawɪhke, 'Nek'e nɔ̀dahogɪ̀ɪ̀ɪ̀ t'à asɪ̀ Jerusalem ekò sexè nesɪnɪyaeti ha neewɔ̀?' wèehsɪ. 21 Hanikò Paul, dèe-ts'ò-k'àowo Caesar wenadaà sesɪnɪyaeti ha dɪ t'à, ekò ade gots'ò jɔ̀ dɔ-daniɪlaa-kò wheda hɔ̀t'e. Caesar ts'ò aweh̀le gots'ò eghɔ̀ɔ̀-dɔ̀ gɪ̀k'èdɪ ah̀l̀a," k'àowo Festus hadɪ k'àowocho Agrippa ts'ò goɪde.

22 Eyit'à k'àowocho Agrippa, Festus ts'ò hadɪ, "Eyɪ dɔ weèhkw'ɔ̀ ha dehwhɔ̀," yèhdi. "Satsɔ̀-ɪ̀dè wɔ̀ɔ̀hkw'ɔ̀ ha," Festus yèhdi.

Paul k'àowocho Agrippa wenadaà edek'edaedi

23 Ek'èdaedzeɛ̀ k'e k'àowocho Agrippa eyits'ɔ̀ Bernice nàyaeti-kò goyageède, t'asɪ̀ wet'àazàa deè lanì goyagɪ̀de. Eghɔ̀ɔ̀-dɔ̀ gha k'aodèe eyits'ɔ̀ kòta k'aodèe goxè aget'ɪ̀. K'àowo Festus weyatɪ k'e Paul goyageèhchì. 24 Festus hadɪ, "K'àowocho Agrippa, eyits'ɔ̀ dɔ hazɔ̀ɔ̀ jɔ̀ dahkw'ee sɪ dɪ dɔ ghàahda. Israel got'ɪ̀ hazɔ̀ɔ̀ kòta Jerusalem eyits'ɔ̀ jɔ̀ kòta Caesarea gots'ɔ̀ dɪ dɔ k'e nɔ̀dahogɪ̀ɪ̀ɪ̀ɪ̀, eda ha-le, gedɪ gezeh ìlè. 25 Hanikò hoɪla wɪ̀ɪ̀ɪ̀ hòèhtsɪ nɔ̀lè, yek'èxa eɪaàwɪ ha while. Dèe-ts'ò-k'àowo Caesar sesɪnɪyaeti ha dɪ t'à, kòta Rome ts'ò aweh̀le ha.

²⁶ Hanikò dèe-ts'ò-k'àowo Caesar ts'ò dànì wegħo eehtl'è ha sù jlaà wek'èehsò-le. Eyit'à jò naxinadaà nàwo ahlà. K'àowocho Agrippa nì t'aa nenadaà nèwuhtì họt'e. Jò wegħo elèts'eèhdì t'à edahxò wegħo t'asì eehtl'è ade ha sònì. ²⁷ Dò wedaètòò sù ayì wek'e nìdahòt'ò dek'enèts'ùt'è-le et'ì Caesar ts'ò awets'ele ha dùi," gòhdi.

26

¹ Eyì t'axòò k'àowocho Agrippa, Paul ts'ò hadì, "Edegha gojde ha neewò-ìdè gojde," yèhdi.

Eyit'à Paul gots'ò dàitso gà edegha gojde, hadì: ² "K'àowocho Agrippa, dui dzeè k'e sìghà nenadaà nàhwo họt'e. Israel got'ù segħo dàgedu sù wek'e edegha gohde ha dehwhò. ³ Nì sù Israel got'ù gnàowoò eyits'ò ayì t'à ełek'èhogeezà-le sù hazòò wek'èizò họt'e. Eyit'à ts'èwhù sùhk'w'ò ha neehwhò.

⁴ "Israel got'ù hazòò dànì ihdàa sù sek'ègeezò họt'e. Ne-hchà-lea gots'ò dànì senèk'e deehzhò eyits'ò dànì Jerusalem nàihdè sù hazòò gik'èezò họt'e. ⁵ Whaà gots'ò sek'ègeezò họt'e. Hagwò-ìdè, ayì segħa ehkw'ì-ahodì eyits'ò dànì Pharisee gnàowoò wèhoedì-le k'èè ihdàa sù nets'ò hagedì ha dùi-le. ⁶ T'akwe whaà Nòhtsì gocho ts'ò yatì whehtsì sù wegħo hòt'ò anìhwhò t'à, dui dzeè k'e eyì wet'à segħo nàyaetì họt'e. ⁷ Israel got'ù hòndò-daats'ò-nàke xàzaa gùlù sù Nòhtsì edeyatì k'èè hòzòò ayele ha sù gıgha ehkw'ì-ahodì t'à, dze eyits'ò to Nòhtsì gha hòt'ò eghàlageeda. K'àowocho Agrippa, sù sù Nòhtsì dànì edeyatì k'èè hòzòò ayele ha sù segħa ehkw'ì-ahodì t'à Israel got'ù sek'èch'a gogede. ⁸ Nòhtsì dò nàidà ayele ha sù dànìghò naxıgha ehkw'ì-ahodì-le sònì?

⁹ "Sì sù t'akwełòò Zezi wenàowoò k'èch'a eghàlaehda gha ehkw'ì aht'ì dehwhò jì. T'asì hazòò t'à wek'èch'a k'ehohza ha dehwhò jì. ¹⁰ Eyit'à Jerusalem hotù hanì eghàlaldà. Yahtù-gha-k'aodèe gidaxà Nòhtsì wets'ò dò ló dò-danılaa-kò ts'ò agèhà jì. Eyits'ò elàgede ha gısnıyaetì ekò sù sù k'aodèe gıxè hezè dehsì jì. ¹¹ Gıxè hoıla ha gòt'ò elèts'ehdè-kò gòlaa gıta nàwhıhtà jì. Nòhtsì k'èch'a xayagehtì agehıle ha hòehdzà jì. T'aats'òò gik'èch'a zò eghàlaehda ha dehwhò jì. Eyits'ò gıxè hoıla ahlè ha t'à, eyì-le nèk'e kòta yàgòlaa sù ts'ò gıxàeha jì.

¹² "Jlaà yahtù-gha-k'aodèe gidaxà, enıht'è segħa gıtt'è k'ehchì xè, kòta Damaskus ts'ò ahjà jì. ¹³ Dzeṭani ekııyè tıı k'e naehtle là yak'e gots'ò semòò dzeḡ agòjà. Dzeḡ sadee nahk'e nàtsoo sek'e hodàıdı eyits'ò dò sexè aget'ù sù gık'e ajà. ¹⁴ Hazòò dèe k'e nàts'ùt'ì eyits'ò Aramaic yatì k'èè sets'ò gots'edeè họt'e, 'Saul, Saul, dànìghò dasènèehza? Nekwì nàtso, geh goòts'o nàità ha dùi, sèts'edı họt'e.

¹⁵ "Eyit'à du haehsì, 'K'àowo, amı anet'e'?"

“ ‘Zezi aht'e, sɪ sɪ dasenèehʔa hɔt'e,' sèhdi. ¹⁶ ‘Nùtla. Segha eghàlajda ha nìhchì t'à, nenazhu sègoèht'ì anèhà, segha eghàlajda ha nìhchì t'à. Dànì nets'ò sègoèt'ù sɪ wet'à dɔ xè goɪdo ha eyits'ò ayì dànèehsɪ sɪ weghàlajda ha. ¹⁷⁻¹⁸ Xàè nèot'ì gich'à eyits'ò dɔ eyì-le xàʔaa sɪ gich'à edaxànehtè ha. Eyì dɔ gɪgha xègaat'ù agùle ha eyits'ò togoòt'ò geèkw'ee sɪ dzèh ts'ò agùle gha gɪts'ò anehle ha. Amì wehù wet'a geèkw'ee sɪ Nòhtsɪ ts'ò agùle ha. Hanì-ìdè gɪhoùù gɪghò nahoezhe ha eyits'ò dɔ gɪgha ehkw'ì-ahodi t'à degaì agùidlàa sɪ gota geèkw'èè agehle ha,' sèhdi.

¹⁹ “Eyit'à k'àowocho, yak'e gots'ò senazhu hagòjàa sɪ wek'èʔaht'e hɔt'e. ²⁰ Kòta Damaskus t'akwelòò ekò dɔ ts'ò goihde, eyì t'axòò kòta Jerusalem eyits'ò Judea nèk'e hazòò dɔ ts'ò goihde. Eyits'ò dɔ eyì-le xàʔaa sɪ gɪts'ò goihde. Edek'egùù xè Nòhtsɪ ts'ò anaahde ha, gèehsɪ. Edek'egùù nùdè wek'èè eghàlageeda ha hɔt'e, gèehsɪ. ²¹ Eyì hanì eghàlajhdà ts'ìhʔò Nòhtsɪkò-gocho gà Israel got'ù dasegɪachì, ełààsegèhwhì ha hogeèhdzà. ²² Hanìkò dɪ dzèè ts'ò Nòhtsɪ sets'ài dì hɔt'e, eyit'à jò nàhwho gà dɔ hazòò wet'aaʔaa eyits'ò wet'aaʔa-le ìlah gɪts'ò gohde. Moses eyits'ò nakwenàòʔʔ ayì dàgode ha gedì ìlè sɪ k'èch'a gohde nùle. ²³ Nakwenàòʔʔ hagedì, ‘Christ dajʔa ha, dɔ ełajdèe gots'ò ededì t'akwelòò naidà ha. Xàè wèot'ì gùù eyits'ò dɔ eyì-le xàʔaa sɪ gɪxè dzèh agòòlà, eyì ghò gots'ò gode ha,' gedì ìlè,” Paul hadì k'àowocho Agrìppa ts'ò goɪde.

²⁴ Paul hadì t'à k'àowo Festus, Paul ts'ò hòt'ò hadì, “Paul gonezò-le adùde! Sɪ hòt'ò hoghàneètò t'à k'edaà gonezò-le adùde,” yèhdi.

²⁵ Paul yets'ò hadì, “K'àowo Festus, gohsò-le nùle. Ayì dàehsɪ sɪ hòt'a ehkw'ì ne eyits'ò wenits'eedi ha dɪì-le. ²⁶ K'àowocho Agrìppa, ededì eyì hazòò yek'èezò hɔt'e, wets'ò gohde ha edèdaehdi-le. Eyì hazòò deʔù agòjà-le t'à wenaàhtò nùle hotì wek'èehsò. ²⁷ K'àowocho Agrìppa, asùù nakwenàòʔʔ negha ehkw'ì agedì? Negha ehkw'ì agedì wek'èehsò ne,” Paul yèhdi.

²⁸ Eyit'à k'àowocho Agrìppa Paul ts'ò hadì, “Neyatù t'à haexì Zezi wecheekeè ehì ha seghò dajhne ha neewò nì?” yèhdi.

²⁹ Paul yets'ò hadì, “Haexì, haexì-le, nì zòò-le hanìkò dɔ hazòò dɪ segeèhk'ò sɪ sexèht'eè agejà nùdè dehwhò eyì gha Nòhtsɪ ts'ò yahtì. Sexèht'eè satsòt'ù gɪk'e whela-le nùdè zò dehwhò,” yèhdi.

³⁰ K'àowocho Agrìppa nùtla, k'àowo Festus, Bernice eyits'ò dɔ gɪxè dèhk'w'e sɪ negùde. ³¹ Xàgeède ekò ełets'ò gogede, hagedì, “Eyì dɔ ekò-le eghàlajda nùle, yek'èxa ełàawì ha eyits'ò t'asù k'èxa wedaànitò ha while,” gedì.

³² K'àowocho Agrìppa k'àowo Festus ts'ò hadì, “Eyì dọ sù dèe-ts'ò-k'àowo Caesar sesinỳaeti ha, hadì-le nùdè naehtla awets'ele ha ìlè,” yèhdi.

27

Paul kògodeè Rome ts'ò dèhtla

¹ Italy nèk'e ts'ò ts'eezè ha gedì t'à, Paul eyits'ọ dọ gidaniɔlaa mòhdaa eghọọ-dọọ-gha-k'àowo ìlè, Juliyus wiyeh, wetl'aà nègogùwa. Edeɔ sù dèe-ts'ò-k'àowo gha eghọọ-dọọ-gha-k'àowo elì. ² Kòta Adramaton gots'ọ elàcho yì ts'ùde. Asia nèk'e tichobàa kòta yàgòlaa sù ts'ò ts'eezè ha nìkw'o t'à elàcho tak'è ts'ò agùlà. Dọ ìlè Aristarchus wiyeh, Macedonia nèk'e kòta Thessalonica gots'ọ dọ goxè ajà.

³ Ek'èdaedzè k'e kòta Sidon nèt's'ùze. Eghọọ-dọọ-gha-k'àowo Paul ts'ò dọ nezù elì. Paul weàgià nezù gik'èdi ha nıwọ t'à, edeàgià gots'àèhtlaà ayìlìlà. ⁴ Whaà-le-t'ù k'achì elàcho yì nats'ùde gà nats'eèze. Sù nìhts'ì nàtso t'à dì nechàa Cyprus wiyeh weecha ts'eèze, ekọ nìhts'ì nàtso-le. ⁵ Cilicia nèk'e eyits'ọ Pamphylia nèk'e gıxa tìdeè te ts'eèze, Lycia nèk'e kòta Myra gòyeh dàts'eède. ⁶ Ekọ t'aa eghọọ-dọọ-gha-k'àowo elàcho Italy nèk'e ts'ò deze ha yegòhzo. Eyit'à eyì elàcho yì goɔwa. ⁷ Sù nìhts'ì nàtso xè gonihdọ nawhets'ì t'à, lọ dzeè ts'ò tì k'e ıwhàà ats'ùt'ì-le. İkaa-t'a kòta Cınıdus ts'ò gọwà-lea nèt's'ùze while. Edì ts'ò ats'et'ì ìlè sù ekọ ats'ede ha dii t'à kòta Salmone goxa ts'eèze, eyits'ọ dì nechàa Crete wiyeh weecha ts'eèze. ⁸ Dèe wek'abàa goxè k'etaeti t'à ıkaa-t'a ts'azò while. Kòta Fair Havens gòyeh ts'ò nèt's'ùze, kòta Lasea ts'ò gọwà-le họt'e.

⁹ Goxè whaà hòwo eyits'ọ xat'ò k'e edets'egọọ dzeè te hòwo ne t'à elàcho t'à k'ets'edè ha hoejù agòjà. Eyit'à Paul dọ ts'ò hadì, ¹⁰ “Àgià, elàcho t'à goxè hoejù agode ha wek'èhsọ. Elàcho eyits'ọ t'asì hazọ weyì whelaa sù wedihòè ha sọnì, eyits'ọ goxì kò t'asats'ede ha sọnì,” gòhdi. ¹¹ Hanikò eghọọ-dọọ-gha-k'àowo yeèhk'w'ọ ha nıwọ-le, elàcho k'èdi elì eyits'ọ dọ elàcho wets'ọ ne sù goyatì k'èit'e. ¹² Eyì kòta sù goxè xo hoowì ha nezì-le gedì t'à dọ dezòatìlọ ìdaà nats'ùzè gedì. Kòta Phoenix ts'ò nèt's'ùzè gıwọ, ekọ goxè xo hoowì ha gıwọ. Eyì kòta dì Crete wiyeh k'e gòzo sù dàà ts'ònèe naza.

Goxè nìhts'ì deè agòjà

¹³ Sazì gots'ọ yaazea nawhets'ù agòjà t'à dọ gınà, eyit'à tègozè tekàgıachì gà dì nechàa Crete gòyeh wexa nageèze. ¹⁴ Eyìgots'ọ whaà-le-t'ù nìhts'ì deè “chik'è-k'àbatsòọ nìhts'ì” wiyeh, dì nechàa gots'ọ nawhets'ù agòjà. ¹⁵ Elàcho k'ewehts'ì t'à nìhts'ì dàà ts'eezè ha dii, ats'ùde while t'à elàcho goxè k'ewehts'ù ats'ùlìlà. ¹⁶ Dì nechà-lea Cauda wiyeh weecha

ts'eèze. Elà nechà-lea edexè k'ets'etj sù wedihoè ch'à nezjì nèt's'etj ha nàhots'eèhdè. ¹⁷ Elà nechà-lea elàcho k'e dageèhchi t'axqò, elàcho wetagot'l'i ha-le gɔwɔ t'à t'l'i wemoèhdoò agjìlā. Syrtis nèk'e ekijyèè tagoqhwhāā-le t'à elàcho ewaà nìzà k'e dahtla ha sɔni gɔwɔ. Eyit'à ts'imbāā idè tì yì giadli, hanì elàcho gixè k'ewehts'i agjìlā. ¹⁸ Sù nhts'i nàtso xè elàcho jhnqò k'ewehts'i t'à ek'èdaedzè k'e t'asì nedāa k'egelee sù tègeèhde. ¹⁹ Tai dzeè k'e elàcho wets'q satsò nedāa eyi kò tèe geèhde. ²⁰ Edlaàtq dzeè ts'ò sadeè eyits'q whò ts'azì while. Jhā nhts'i nàtso t'à edaxàts'eedè ha gogha jka while lagòjà.

²¹ Whaà bò gɔwàhɔqòdì-le t'axqò Paul gots'q hadi, “Àgɔ, dì nechāa Crete gots'qò ts'uzè-le naxèhsì ekò seàhkw'q-le jì. Sek'èaht'e nɔdè t'asì goghq wedihoè ha-le jì eyits'q t'asì tèt's'ehdè ha-le jì. ²² Hanìkò dū-gogha naxìni nàtsoò aahle. Dq jhāet'ee wɔzì wedihoè ha nùle, elàcho zq wedihoè ha. ²³ Jdì toò k'e, Nòhtsì wets'q yahtì eyits'q wegħa eghālaehdaa sù weyak'et'jì segā nāwo jì, ²⁴ hasèhdi, 'Njìjì-le, Paul. Dè-ts'q-k'āowo Caesar wenadāā nesìniyaeti ha. Nòhtsì etenèezì t'à nì eyits'q dq hazqò nexè aget'jì sù edaxānaxeehle ha hq't'e, yak'et'jì sèhdi. ²⁵ Eyit'à, seàgɔ, naxìni nàtsoò aahle. Nòhtsì dàgode ha sèhdi sù hotùì wek'èè agode ha segħa ehkw'ì hq't'e. ²⁶ Hanìkò elàcho dia k'e, ewaà k'e dahtlāā ade ha,” Paul gòhdi.

Nhts'i nàtso t'à elàcho wetagoit'l'i

²⁷ Hoònq-daats'q-dì to ticho Adriatic wiyeh wete ts'q k'egohts'ì. Totani ekijyèè dq elàcho k'ègedì sù dèè ts'q gqɔwā-lea ats'ejā lagɔwɔ. ²⁸ Dàtagoqhwha għa tì k'ageèhtq t'à jhèakw'eènq-daats'q-naènq gokè haàtagoqhwha gɔgòhɔq. K'achì tì k'ageèhtq ekò jòtqènq gokè haàtagoqhwhāā agòjà. ²⁹ Kwe k'e ats'ede ha sɔni gɔwɔ t'à elàchot'l'à gots'q tègozè dì tègɔhde t'axqò goxè dzeè agode għa yats'jhtì. ³⁰ Elàcho k'ègedì sù elàcho ch'à kwjgeehdè ha gɔwɔ t'à elà nechà-lea jzhi tì ts'q agjìlā. Ekì-hò elàchokwì gots'q tègozè tègehde ha laget'j. ³¹ Eyit'à Paul eghq-dqò-gha-k'āowo ts'q hadi, “Eyì dq elàcho yì geèhkw'e lenqsì edaxāhdè ha nùle,” yèhdi. ³² Eyit'à elà nechà-lea t'l'i t'à daet'jì sù eghq-dqò gik'ejt'a gā elà tèe ts'q geèhde.

³³ Dzèh agode kwe dq hazqò shègezhe ha, Paul gòhdi, eyits'q gots'q hadi, “Hoònq-daats'q-dì dzeè naxìxè gots'eèdì t'à t'asì wɔzì naxìwàhɔqòdì-le. ³⁴ Eyit'à dū t'asì naxìwàhodi ha, wet'à aahda ha. Dq wɔzì t'asade ha nùle,” gòhdi. ³⁵ Paul hadi t'axqò dq hazqò godāā lèt'è nùchì gā Nòhtsì ts'q masì dì. Lèt'è tàjzhi gā yjzā. ³⁶ Dq hazqò gini nàtsoò ajā eyits'q ededì sù shègiazhe. ³⁷ Hazqò t'à dq nàkeakw'eènq-daats'q-lòhdjènq-daats'q-ek'ètai

(276) elàcho yì dèhkw'e. ³⁸ Dọ hazọ̀ọ̀ nezị shègiazhe t'axọ̀ọ̀ elàcho nedà gụwọ t' à t'olà zọhchì elàcho yì whelaa sị tègèèhde.

³⁹ K'omọ̀ọ̀dọ̀ dzeḡ agòjà ekò dèè gògaat'ị hanikò edị agòht'ee sị nàgèèhzhì-le, t' à tabàa ewaà zọ giazị. Ekọ elàcho ewaà k'e dahtlāa ats'ule, gedì. ⁴⁰ Tègozè wet'ì k'egụhwho gà tèe ailaà agịlā. Eyits'ọ elàcho wet'ì aht'òò t'ì t' à daet'ì sị ehjguge. Eyì t'axọ̀ọ̀ elàchokwì k'e ts'imbāa ịdòò agịlā, hanì t'aa tabāa ts'ò geèze. ⁴¹ Tàgèehzè kwe elàcho ewaà k'e dahtlā. Elàchokwì ewaà yì ajà t' à nàeda-le ajà, eyits'ọ taat'ì nàtsoo wet'ì k'e at'ì t' à wetat'ò.

⁴² Eghọ̀ọ̀-dọ̀, dọ daniḡlāa k'ègedì sị tèe ts'ò kwìgeehdè ha sọnì gụwọ t' à, ẹlāgogihde ha gụwọ ịlè. ⁴³ Hanikò eghọ̀ọ̀-dọ̀-gha-k' àowo Paul ẹlāwì ha yūhwhọ-le t' à t'asagogele ha-le, gòhdì. Dọ k'ègebe ha diì-le sị tèahka, tabāa ts'ò naahmì, gòhdì. ⁴⁴ Dọ k'ebe ha diì sị dechikāa hanì-le-ịdè elàcho wetat'ò dālee sị yāhtò, gòhdì. Hanì t'aa dọ hazọ̀ọ̀ tekāgūde, dọ wjzì tì t' à t'asajà-le.

28

Dì Malta k'e dàgūde

¹ Dèè k'e dàts'eède ekò eyì dì whezọ̀ọ̀ sị Malta gòyeh họt'e nọ̀. ² Dọ eyì nàgedèe sị gots'ò dọ nezị gūlì. Sị chọh ịọ xè edza t' à, gogha kò geèhtlā gà gots'agūdì. ³ Paul dèè k'e kw'ihchì ịọ nàwhehtsì gà kwìyeehdè. Sị kò nàtsoo dèhtlā t' à, họt'saa kò dèk'òọ̀ gots'ọ gòò xàèhts'ì. Paul wìlā xàhdo xè yedeetsì-le. ⁴ Eyì dì k'e dọ nàgedèe sị Paul wìlā k'e gòò nàhọazò giazì ekò ẹlets'ò hagedì, “Eyì dọ eweèt'ì ne sọnì. Tì t' à ẹlāwo-le kò gonòhtsì ịlè Justice wìyeh sị eda ha yūhwhọ-le,” gedì. ⁵ Paul edilā whexo t' à gòò kwìdaawò, eyits'ọ yet' à eyalè-le. ⁶ Dọ, Paul wekwò ịghà ha hanì-le-ịdè họt'saa ẹlāwì ha sọnì gụwọ ịlè. Hanikò whaà nagiazì t'axọ̀ọ̀ Paul wexè t'asagòjà-le t' à gini ịdì ajà, eyì dọ nòhtsì ẹlì sọnì, gedì.

⁷ Eyì ts'ò nìwà-le dọ ịlè Publius wìyeh wekò nechāa gòzọ. Eyì dì k'e dọ gha k' àowo ẹlì họt'e. Eyì k' àowo edekò ts'ò agòòlā t' à tai dzeḡ ts'ò wexè ats'ìt'è. T'asì wets'ìwọ̀ọ̀ sị goghayūdì, eyit' à nezị gok'èdì. ⁸ Wetà eyaelì t' à daèhte k'e whet'ì, edì-ẹlì tàda eyits'ọ edoò wezò-at'ì t' à eyaelì. Eyit' à Paul yets' àèhtlā, yegha yahtì t'axọ̀ọ̀, edilā yek'e ayūhwhọ gà k' aat'ì ayìlā. ⁹ Eyì hagòjà t'axọ̀ọ̀ eyì dì k'e dọ eyagūlū hazọ̀ọ̀ Paul ts' àgede t' à Paul hazọ̀ọ̀ k' aat'ì agòòlā. ¹⁰ T'asì hazọ̀ọ̀ t' à nezị goghàlagūdā. Hòt'a ts'eezè ha nìkw'o ekò weghọ shèt's'ezhee ịọ goghàgūlā.

Paul kògodeè Rome nùtla

¹¹ Eyì dì k'e tai sa nàts'ìdè t'axọ̀ọ̀ elàcho yì nats'ìde gà nats'èèzè. Eyì elàcho kòta Alexandria gots'ọ ne sị, eyì sì xoghà

ɲtò. Eyɪ elàchokwì k'e gɪnòhtsɪɑ elèchòqekèa gɪkwì dek'ewhela, Castor eyɪts'ɔ Pollux gìyeh. ¹² Kòta Syracuse dàts'ɲde, tai dzeɛ ts'ò eyɪ ats'ɲt'è. ¹³ Eyɪ gots'ɔ nats'eèze, kòta Rhegium nèt's'ɲze. Ek'èdaedzeɛ k'e sazi gots'ɔ dèt's'ɪ, eyɪts'ɔ k'achɪ ek'èdaedzeɛ k'e kòta Putoli dàts'ɲde. ¹⁴ Ekò Nòhtsɪ wecheekeè mòhdaa gɪghaàts'ɲde t'à ɲè dzehta ts'ò gɪxè nàts'edè ha gogɪhwhò. Eyɪ t'axòò kògodeè Rome ts'ò ats'ejà. ¹⁵ Nòhtsɪ wecheekeè Rome nàgedèe sɪ gɪts'ò ts'adè goghò gɪkw'o. Dò mòhdaa gots'ò agede ha gɪwò t'à kòta Appius gòyeh ts'ò agejà, eyɪts'ɔ mòhdaa Nats'eetee-kò Tai gòyeh ts'ò nègɲde. Paul eyɪ dò goazɪ ekò wɪnì nàtsoò anajà t'à Nòhtsɪ ts'ò masì dɪ. ¹⁶ Kògodeè Rome nèt's'ɲde ekò Paul ɲèhkò whatsòò nàdè ha wegħa hòzòò agɪlà, eghòò-dòò ɲè yexoehdɪ xè.

Paul kògodeè Rome Israel got'ɲ ts'ò goɲde

¹⁷ Paul eyɪ nìttla gots'ɔ tai dzeɛ t'axòò Israel got'ɲ għa k'aodèe gokàehzà. Hazòò elègehde t'axòò Paul gots'ò hadɪ, “Sèot'ɲ, gots'ɔ dò gɪk'èch'a ekò-le eghàlaihda-le eyɪts'ɔ gocho gɪnàowoò k'èch'a eghàlaihda-le, hanìkò kòta Jerusalem ekò segɪhchì eyɪts'ɔ Rome got'ɲ għasegɪhtɪ. ¹⁸ Hoila hòwhɪhtsɪ-le eyɪts'ɔ wek'èxa elæhwhi ha while t'à, dasegɪhke t'axòò nahtlàà asegele ha ɲè. ¹⁹ Hanìkò Israel got'ɲ hagɪwò-le, eyɪt'à dèe-ts'ò-k'àowo Caesar zò sesɪniyaeti ha segħa hòzòò ajà. Xàè sèot'ɪ gɪk'èch'a t'asaehsɪ ha dehwhò nùle. ²⁰ Eyɪ hanì nàhòwo t'à naxìkàwhihzà hɔt'e, eyɪts'ɔ naxɪts'ò gohde ha dehwhò t'à. Israel got'ɲ dò ɲè gikanìèzàa sɪ eyɪ wets'ɪhòò dɪ satsòt'ɲi sek'e whela hɔt'e,” Paul gòhdɪ.

²¹ Paul ts'ò hagedɪ, “Judea nèk'e gots'ɔ negħò enɪht'è ts'aɲ-le, eyɪts'ɔ ekò gots'ò gòet'ɪ nègɲde sɪ negħò ekò-le xàyagɪhtɪ nùle. ²² Hanìkò nɪ dāneewòò sɪ nets'ɲkw'o ha ts'ɲwò. Hazòò nèk'e eyɪ nàowo k'èè geedaa sɪ gɪghò godɪ nezɪ-le ts'ɲkw'o hɔt'e,” gedi.

²³ Eyɪt'à ɲè dzeɛ k'e Paul xè elègèhdi ha gedi. Eyɪ dzeɛ k'e dò ɲò Paul wekò nègɲde. K'omòòdòò ts'ò, xèhts'ò gots'ò Paul gots'ò goɲde. Nòhtsɪ wenàowoò ghò hogħàgoehtò xè degħàà godaedi. Moses wenɪht'è eyɪts'ɔ nakwenàozòò gɪnht'è k'e Zezi ghò dek'eèht'èe sɪ gɪgha ehkw'ɪ-ahodɪ agole ha goèhdzà. ²⁴ Dò mòhdaa Paul ehkw'ɪ adɪ gɪwò, hanìkò mòhdaa gɪgha ehkw'ɪ-ahodɪ-le. ²⁵ Elèk'èè agɪwò-le t'à elèts'ò nàyagehtɪ xè nageedè ha nèhogɪzòò, Paul nòode ts'ò dɪ hagòhdɪ t'à, “Yedàyeh Nezɪ, nakwenàozòò Isaiah t'à naxìcho ts'ò goɲde ekò dɪ hanì ehkw'ɪ xàyagɪhtɪ ɲè:

²⁶ ‘Du dò sɪ gɪts'ò haahdi, “T'aats'òò aàhk'w'ò hanìkò ayɪ awèts'edɪ sɪ wek'èahsò ha dɪ; t'aats'òò naxìgha wègaat'ɪ hanìkò wenuahdi ha dɪ.” ²⁷ Du dò sɪ gɪkwì nàtsoò agejà. Gɪzɪl goile xè

*gidaà goilee lagūt'e. Hagūt'e-le nɪdè ededaà t'à k'egeet'ì xè ed-
edziùhk'w'ò t'à egeèhk'w'ò ha ìlè eyits'ò ededzeè t'à t'asì nigeedì
ha ìlè. Sets'ò agejà nɪdè k'aàt'ù agehè ha ìlè,' nakwenàò?òò
hagòhdù gots'ò goide ìlè.*

28-29 “Eyit'à dɪ hanaxèhsɪ ha dehwhò: Nòhtsɪ Edaxàgolee
wegodù dɔ eyì-le xàʔaa gits'ò adlà hɔt'e, ededɪ sɪ egeèhk'w'ò
ha hɔt'e,” Paul gòhdì.

³⁰ Ekò nàke xo ts'ò Paul ekò sa taàt'eè kò nàyeèhdù sɪ
goyì nàidè. Dɔ hazò gits'ò at'ɪ sɪ goxè godo. ³¹ Edèdaedi-
le xè Nòhtsɪ wenàowoò eyits'ò gots'ò K'àowo Zezi-Krɪ ghò dɔ
hoghàehtò, eyits'ò dɔ wɪzì nàyeèʔò-le.

Rome got'jì gıts'ò aatł'è

¹ Sı Paul aht'e, Zezi-Krı wegħa eghàlaehda. Wecheekeèdeè ehı għa eyıts'ò Nòhtsı wegodiı nezıı dı ts'ò haehsı għa Nòhtsı sııhchì hıt'e. ² İdi whaà ekò Nòhtsı Nıhtł'è k'e nakwenàozqò nadaqə gogııde t'à Nòhtsı sıı godı nezıı dı ts'ò ade ha hadı jìlè. ³⁻⁴ Eyı godı nezıı sıı Nòhtsı Weza wegħo hıt'e. Ededı sıı dıı nèk'e k'àowochò David wets'ıhııq-dqò hıt'e, hanıkò elııwo gots'ò naıdà t'à İni Degai wedahxà Nòhtsı Weza hıt'e wek'èts'eezqò agòqlà. Eyı sıı Zezi-Krı gots'ò K'àowo hıt'e. ⁵ Gots'ò K'àowo sets'ò sınıwq t'à wecheekeèdeè ehı ha sııhchì. Eyı t'à wedahxà dıı nèk'e hazqò ts'ò dı eyıı-le xàzaa Nòhtsı gıgha ehkw'ı-ahodı xè gık'èı't'e ha gıkayahtı ha hıt'e. ⁶ Dı Zezi-Krı xè agıı't'e għa gıkayaetıı sıı naxı sı gıta dahkw'e hıt'e.

⁷ Naxı kògodeè Rome nàahdèe sıı naxıts'ò eehtł'è aht'ı. Nòhtsı naxıghoneetq eyıts'ò wets'ò dı degai aahı għa naxıkayaetı hıt'e. Nòhtsı-Gotà eyıts'ò Zezi-Krı naxıxè sqııwq welè, eyıts'ò naxıxè sıghà hòzq agııle.

Paul kògodeè Rome naetla ha ntıwq

⁸ T'akwełqò dıı haehsı ha dehwhq: dıı nèk'e dı hazqò ts'ò dı naxıgha ehkw'ı-ahodı ghq gogede t'à Zezi-Krı wedahxà naxıgha Senòhtsı ması weehwhq hıt'e. ⁹ T'aats'òq naxıgha yahtı Nòhtsı yek'èezq hıt'e. Sedzeè t'à Nòhtsı wegħa hòtł'ò eghàlaehda, eyıts'ò Weza wegodiı nezıı t'à dı hogħàgeehtq. ¹⁰ Naxıts'ò ahde għa sıı k'òq't'a Nòhtsı segha hòzqò ayele ha, eyı għa yahtı.

¹¹ Sıı naxeehıı ha dehwhq dıı. Naxıts'ò nèehtłà-ıdè, Yedàyeh Nezıı wets'ò t'asıı naxıghàehzà ha, eyı wet'à nàahısoò aahde ha. ¹² Hanı-ıdè elèht'eè gogħa ehkw'ı-ahodı t'à ełını nàısoò ats'ele ha hıt'e. ¹³ Sèot'ıı, goıtlqò naxıts'ò kòtaehtłà ha dehwhq jìlè, hanıkò dıı ts'ò segha wek'èè hòızà-le wek'èahsq ha dehwhq. Dı Israel got'jì agıı't'e-le sıı gıta dani eghàlaıdà lanı naxıta eghàlaehda ha dehwhq, hanı-ıdè Zezi għa naxıni nàısoò anaxehı ha.

¹⁴ Greece got'jì agıı't'e eyıts'ò Greece got'jì agıı't'e-le sıı jıah gıts'àhtłà ha hıt'e. Dı Nòhtsı k'ègeezq-le eyıts'ò dı Nòhtsı k'ègeezqò ehk'èè hogħàgeehtq ha hıt'e. ¹⁵ Eyı ts'ıhııq naxı kòta Rome nàahdèe sıı sıı naxıts'àhtłà ha dehwhq, Nòhtsı wegodiı nezıı t'à naxıts'ò gohde ha dehwhq.

¹⁶ Eyı godı nezıı sıı wegħo jıızhaehıı nııle, Nòhtsı wenàowod nàıso hıt'e. Wet'à dı hazqò gıgha ehkw'ı-ahodıı sıı edaxàgole ha hıt'e. Eyı godı nezıı sıı Israel got'jì t'akwełqò gıts'ò ajà, eyıts'ò dı eyıı-le xàzaa ededı sıı gıts'ò ajà hıt'e. ¹⁷ Eyı godı nezıı wet'à dani Nòhtsı ehkw'ı agohıı sıı wek'èts'eezqò ats'et'ı hıt'e. Dı

Nòhtsɿ ɣɪgha ehkw'1-ahodɿ zɔ t'à ehkw'1 aget'ì hɔt'e. Du hani dek'eèht'è t'à: “Dɔ ehkw'1 agiɿdlàa sɿ ɣɪgha ehkw'1-ahodi t'à welɔ while ts'ò geeda ha hɔt'e,” dek'eèht'è.

Nòhtsɿ du nèk'e dɔ ts'ò wek'èch'a

18 Nòhtsɿ, amɿ yek'èch'a eghàlaedaa sɿ yesɿniyaehtɿ ha yak'e gots'ɔ wek'èedzɔɔ ayɿlà hɔt'e. Dɔ hoɿ hɔgehtsɿ ts'ihzò Nòhtsɿ wek'èch'a t'à, hoɿ k'èxa nàgoehkwa ha. Dɔ ɣɿnàowoɿ t'à nàowo ehkw'1 k'èch'a eghàlageeda. 19 Nòhtsɿ weghɔ ayɿ k'èhots'eezɔ ha sɿ nàhotì-le ɣɿmiedì ha dii-le hɔt'e, Nòhtsɿ nàhotì-le ɣɿmiedì ha agòòlà ne t'à. 20 Nòhtsɿ dɔ ts'ò wègaat'1-le kò, t'asɿ wegha dii-le elɿ eyits'ɔ Nòhtsɿ elɿ sɿ du nèè hòèlɿ gots'ɔ dɔ ɣɿmiedì hɔt'e. T'asɿ hazòò whehtsɿ ɣɪghàeda weghàà welɔ while ts'ò t'asɿ wegha dii-le elɿ sɿ deghàà ɣɿmiedì hɔt'e. Eyit'à “Wek'èts'eezɔ nùle,” gedɿ ha dii.

21 Nòhtsɿ k'èhogeézɔ kò ɣɪghàsɔedì-le eyits'ɔ masì ɣɿhwhɔ-le. Gogɿzɔ-le k'èè nàɿgedè agejà, eyits'ɔ ɣɿdzeè yì togoòt'òo lagòht'e. 22 Gots'ɿzɔ edegeewɔ kò gogɿzɔ-le agejà. 23 Nòhtsɿ welɔ while ts'ò enɿyah deè elɿ sɿ ts'ò yagehtɿ-le agejà. Ededɿ t'asɿ ɣèhtsɿ sɿ ts'ò yagehtɿ agejà. Dɔ k'èè wègaat'1 lanɿ, yat'a k'edèè lanɿ, gòochò lanɿ, eyits'ɔ tɿts'aadɿ hòèlɿ lanɿ ts'ò yagehtɿ agejà.

24 Eyit'à Nòhtsɿ sɿ goghàèhdɿ, whatsò edɿnɿhɿ k'èè geeda ts'ò geèlɿ agòòlà. Eyit'à hoɿ k'èè ełek'alagedè t'à edezhɿ tsɿgehwhɿ. 25 Nòhtsɿ wenàowoò ehkw'1 sɿ nàowoɿ xè ehdagɿwa, t'asɿ hòèlɿ ts'ò yagehtɿ xè ɣɪgha eghàlaeda. Nòhtsɿ ts'ò yagehtɿ-le xè ɣɪgha eghàlaeda-le. Hanìkò Nòhtsɿ sɿ welɔ while ts'ò weghàsɔedì ha hɔt'e. Amen.

26 Haget'1 ts'ihzò Nòhtsɿ goghàèhdɿ, nàowoɿ k'èè ełeghageewɿ ts'ò geèlɿ agòòlà. Ts'èko kò ededòò xè aget'1-le agejà, ts'èko et'1 ełexè hoɿ hɔgehtsɿ. 27 Eyɿ xèht'eè dɔzhɿ edets'èkèè xè aget'1-le agejà, dɔzhɿ et'1 ełexè hoɿ hɔgehtsɿ. Dɔzhɿ hani ełexè hoɿ hɔgehtsɿ k'èxa dii dagɿza hɔt'e.

28 Eyits'ɔ Nòhtsɿ wek'èts'eezɔ xè wek'èats'ɿt'ee sɿ ɣɪgha wet'àazà-le t'à, Nòhtsɿ sɿ ɣɿnàowoɿ k'èè geeda ts'ò geèlɿ agòòlà, eyits'ɔ t'asɿ dɔ gha wets'æt'òò sɿ ɣɪghàlaeda t'à goghàèhdɿ. 29 T'asɿ hazòò weɿ zɔ ɣɿwɔò agejà. Sɿ egedì-le agejà eyits'ɔ sɿ ɣɿnɿhɿ. Sɿ ts'ohogeedɿ, ełààtegedè, ełets'ò nàyagehtɿ, ełeghoyagee?à, eyits'ɔ hoɿ k'èè k'ehoge?a. Ełeghò nezɿ gogede-le, 30 ehɿzɿ ju gehtsɿ, Nòhtsɿ dzagɿhwhɔ, ełek'adagedè, xàhogedì xè edeghò xàdahogedì; hoɿ hɔgehtsɿ gha nàowo ładɿ gehtsɿ; edemɔ eyits'ɔ edetà k'èagɿt'e-le; 31 gogɿzɔ-le, edeyatɿ k'ègedì-le, dɔ ts'ò ɣɿdzeè ɣòhɿ-le, eyits'ɔ sɿ ɣɿnàhòht'è. 32 Nòhtsɿ wenàowoò ehkw'1 k'èè ha nɿdè dɔ hani geedaa sɿ ełàagɿde ha hɔt'e. Eyɿ nàowo k'ègeézɔ kò ɿlàà

hanì eghàlageeda, eyits'ò dọ hanì hoḥḥi hogehtsḥi sḥi ghọ sìghà agedi.

2

Nòhtsḥi ehkw'ì dọ sḥinìyaehḥi

¹ Eyit'à, wek'èts'eezọ-le, dahḥi ha dḥi họt'e. Dàni dọ eyi-le gḥsḥinìyaahḥi sḥi eyi weghàà edesḥinìyaahḥi họt'e, naxḥi dọ eyi-le gḥsḥinìyaahḥi sḥi hotḥi gḥxèht'eè eghàlaahda họt'e t'à. ² Dọ hanì hoḥḥi hogehtsḥi sḥi Nòhtsḥi gosḥinìyaehḥi họt'e, nàowo ehkw'ḥi zọ k'èè gosḥinìyaehḥi ha wek'èts'eezọ họt'e. ³ Naxḥi ekḥi dọ aahḥ'ee sḥi dọ eyi-le gḥxèht'eè hoḥḥi hoahḥsḥi kò gḥsḥinìyaahḥi nḥidè Nòhtsḥi naxḥisḥinìyaehḥi ha-le dahwhọ nì? ⁴ Nòhtsḥi naxḥits'ò wedzeè nezḥi, eyits'ò naxḥixè ts'èwhḥi nḥiwọọ sḥi naxḥigha wet'àazà-le nì? Nòhtsḥi hanì naxḥits'ò wedzeè nezḥi sḥi wek'èahsọ-le nì? Edek'eahḥi ha naxḥihwhọ t'à naxḥits'ò wedzeè nezḥi họt'e.

⁵ Hanìkò naxḥikwì nàtso xè naxḥidzeè t'à edek'eahḥi-le t'à, Nòhtsḥi naxḥits'ò wek'èch'a aahḥà họt'e. Nòhtsḥi edenàowoò ehkw'ḥi k'èè dọ-sḥinìyaehḥi-dzèè k'e nḥidè, dezọọ hoḥḥa anaxedle ha họt'e. ⁶ Nòhtsḥi sḥi “dọ hazọọ dàni eghàlagḥidà k'èè gosḥinìyaehḥi ha họt'e,” dek'eèht'è. ⁷ Dọ t'aats'ọọ Nòhtsḥi gha nezḥi k'ehogezaa sḥi gḥxè enìyah hòzọ ha, Nòhtsḥi goghọ sìghà anḥwọ ha, eyits'ò welọ while ts'ò geeda gha aget'ḥi họt'e. Hanḥi dọ sḥi Nòhtsḥi welọ while ts'ò geedaà agole ha họt'e. ⁸ Hanìkò dọ edeghọ zọ nàngedèe sḥi, nàowo ehkw'ḥi gḥgha wedè xè nàowohḥi k'èè geedaa sḥi Nòhtsḥi gots'ò sḥi wek'èch'a xè dagḥi zaà agole ha. ⁹ Dọ hazọọ hoḥḥi hogehtsḥi sḥi gḥgha hoḥḥa xè hòt'ò dagḥi za ha họt'e. Israel got'ḥi hoḥḥi hoehtsḥi sḥi dagḥi za ha, eyits'ò dọ eyi-le xàzaa sḥi hoḥḥi hogehtsḥi k'èxa dagḥi za ha họt'e. ¹⁰ Hanìkò dọ hazọọ nezḥi kexogezaa sḥi Nòhtsḥi goghọ sìghà anḥwọ ha, gḥxè enìyah hòzọọ agole ha, eyits'ò gḥxè ts'èwhḥi hòzọọ ayele ha. Israel got'ḥi nezḥi kexogezaa sḥi gḥgha hanì ha eyits'ò dọ eyi-le xàzaa, nezḥi k'ehogezaa sḥi eyi sḥi gḥxè hanì hòzọ ha. ¹¹ Nòhtsḥi sḥi dọ mè xàzaa zọ ts'ò nezḥi anḥwọ nḥile.

¹² Dọ eyi-le xàzaa sḥi Moses wenàowoò gḥghọt'ọ-le kò hoḥḥi hogèhtsḥi k'èxa gidihòè ha. Eyits'ò Israel got'ḥi Moses wenàowoò k'ègeezọọ sḥi eyi nàowo ghàà gḥsḥinìyaehḥi ha họt'e. ¹³ Dọ eyi nàowo egeèhk'w'ọ zọ t'à, Nòhtsḥi nadaḥà ehkw'ḥi agḥt'e nḥile, hanìkò eyi nàowo k'èagḥt'e zọ nḥidè ehkw'ḥi agḥt'e k'èè Nòhtsḥi gosḥinìyaehḥi ha họt'e. ¹⁴ (Ehk'w'ì t'à, dọ eyi-le xàzaa sḥi Moses wenàowoò gḥghọt'ọ-le kò ededḥi whatsọọ edḥi dahxà nàowodeè k'èè ehkw'ì k'ehogeza họt'e. Nàowodeè gits'ọ-le kò edḥi t'à edegha nàowo gḥḥi. ¹⁵ Dàni nàowo k'èè geeda ha sḥi gidzeè yḥi whezọ họt'e. Eyit'à xàè gidzeè et'ḥi t'à nàngedè eyits'ò edek'e nḥidahogeezà họt'e, ekọ-le eghàlagḥidà nḥidè eyits'ò ehkw'ì eghàlagḥidà nḥidè ededzeè yḥi gḥk'èezọ họt'e.) ¹⁶ Eyit'à Nòhtsḥi

dq-siniyaehtu-dzeè k'e nùdè dq ayi nàgeehzi eyits'q ededzeè t'à dàgıwq sù Nòhtsı, Zezi-Krı wet'òò gosiniyaehtı ha hq't'e. Du godı nezı t'à gohdee sù hotı wek'èè agode ha hq't'e.

Israel got'ı eyits'q Moses wenàowoò

¹⁷ Ekò naxı Israel got'ı ats'ıt'e dahdı xè Moses wenàowoò k'èè aahda t'à naxıgha t'asagòht'e-le dahwhq nı? Nòhtsı wets'q dq aah't'e dahwhq t'à xàdahoahdı ha nı? ¹⁸ Moses wenàowoò t'à hoghànaxeehtq ıle t'à, Nòhtsı ayı nıwq eyits'q ayı nezı sù wek'èahsq dahwhq nı? ¹⁹ Dq gıdà goilee sù k'egıahzi aah't'e dahwhq eyits'q dq gıxè togoòt'òò sù gıgha ek'aèk'q laah't'e dahwhq nı? ²⁰ Moses wenàowoò ehkw'ı hotı wek'èts'eezq t'à, dq t'ası k'ègeezq-le sù nezı hoghàgıts'eehtq dahwhq nı? ²¹ Ekò naxı dq eyı-le hoghàgıahq nùdè dànıghq hoghàdeahq-le? Ets'eezi k'èch'a goahde nùdè dànıt'à naxı èhı aahzi? ²² Dq elexè hoıı hogehtsı ha-le dahdı nùdè dànıghq naxı èhı haah't'ı? Nòhtsıà hòèıı nıahı-le nùdè, dànıghq gıts'q yahtı-kò gots'q aahzi? ²³ Naxı Moses wenàowoò k'èahsq ghq xàdahoahdı nùdè dànıghq eyı nàowo k'èahdı-le? Nàowo k'èahdı-le ts'ıhzi Nòhtsı k'èch'a aah't'ı hq't'e. ²⁴ Nòhtsı Nıht'è k'e du hanı dek'eèht'è: "Naxıts'ıhzi dq eyı-le xàzaa Nòhtsı wızi tsıgehwı hq't'e," dek'eèht'è.

²⁵ Naxı Israel got'ı yàahı sù Moses wenàowoò k'èè naxıkwò nàt'à hq't'e, hanıko Moses wenàowoò k'èah't'e-le nùdè naxıkwò nàt'aa sù naxıgha wet'aaà-le at'ı hq't'e. Naxıkwò nàt'à-le dqò laah't'e lanı. ²⁶ Dq Moses wenàowoò k'èè gıkwò nàt'à-le kò eyı nàowo k'èagıt'e nùdè gıkwò nàt'aa k'èè gıta ha hq't'e. ²⁷ Dq wekwò nàt'à-le kò Moses wenàowoò k'èı't'ee sù naxı Israel got'ı yàahı sù naxısinıyaghtı ha hq't'e. Moses wenàowoò naxıgha enıht'è k'e dek'eèht'è eyits'q naxıkwò nàat'a kò ılaà Moses wenàowoò k'èah't'e nıile, eyıt'a nàowo-nàahzhı-dqò aah't'e.

²⁸ Dq Moses wenàowoò k'èè wekwò nàt'à zq t'à Israel got'ıı wedeèdıı elı nıile, eyits'q hanı gokwò nàt'à nùdè gozhıı zq gha nıile. ²⁹ Hanı nıile! Dq wedzeè t'à Israel got'ıı wedeèdıı elı nùdè, eyits'q Yedayeh Nezı t'à dq wedzeè k'e nàweet'à lanı nùdè, ehkw'ı nàweat'a hq't'e. Nàowo dek'eèht'è k'èè nàweat'a zq t'à Israel got'ıı wedeèdıı elı nıile. Dq Yedayeh Nezı t'à wedzeè nàt'à nùdè Nòhtsı yeghq sıghà adı ha hq't'e, eyı sù dq yeghq sıghà adı nahk'e nezı hq't'e.

3

Nòhtsı edeyatı k'èdi hq't'e

¹ Eyıt'a Israel got'ıı gııı sù ayıha eyı gıgha wet'aaà hq't'e? Eyits'q gıkwò nàt'aa sù ayıha eyı gıgha wet'aaà hq't'e? ² Eyı

gıgha sù wet'aaazà họt'e! Nòhtsı weyatù wedeèdlı k'ègedi ha gıghọt'q sù dezòò gıgha wet'aaazà họt'e.

³ Ekò Israel got'ı mòhdaa gıgha ehkw'ı-ahodı-le ts'ıh? Nòhtsı ayı dáyele ha gòhdu sù edeyatù k'èdi ha-le nı? ⁴ İle, hanı ha honàedi nıle! Dò hazòò hogets'ı nòò kò Nòhtsı sù t'aats'òò ehkw'ı gode họt'e. Du hanı dek'eèht'è,

“Goıde nıde, ehkw'ı zò xàyahıtı dö hazòò yek'èezò ha, eyıts'ò t'ası wesınıyanehtı nıde t'aats'òò neyatù k'èè agot'ı họt'e,” dek'eèht'è.

⁵ Ehkw'ı-le eghàlats'eeda nıde Nòhtsı wexè ehkw'ı hòzòò sù dö ts'ò dezòò nezı wègoèht'ı họt'e. Eyı ghò dàts'edi weli? Nòhtsı nàgoehkwa nıde gots'ò ehkw'ı-le eghàlaeda at'ı dahwhò nı? (Hanı dazeehke nıde dö gòzòò-le laehsı.) ⁶ Hanı honàedi nıle! Nòhtsı ehkw'ı-le eghàlaeda at'ı nıde, dànı Nòhtsı dö hazòò gosınıyaehtı weli? ⁷ Dò du hadı ha sını, “Hòı nàowoò k'èè ehda ts'ıh? Nòhtsı ehkw'ı godee sù dezòò dö gık'èezò nıde, dö dezòò gıghàsòedi ha. Hanı hòzòò nıde, dànıghò ılaà hòı-hòhtsı-dòò k'èè sesınıyaeti ha?” hadı ha sını. ⁸ Dò ts'ò du hagedı ha lanı, “Nàowoı k'èè ts'ıdà, hanı-ıde wet'à t'ası nezı hagode ha,” gedi ha lanı. Dò mòhdaa hogets'ı t'à hats'edi gògedı, hanıkò amı hanı dö hoghàehtòò sù wek'èxa hoıla agedle ha edegha geèhnò họt'e.

Dò ehkw'ı edaa gòhı-le

⁹ Eyı t'à edeghò dàts'edi weli? Dò eyı-le xàzaa sù gınahk'e ts'ıı nı? Hanı honàedi nıle! Israel got'ı eyıts'ò dö eyı-le xàzaa hazòò elèht'eè hòı gık'e whela, hòt'a hats'edi ıle. ¹⁰ Nòhtsı Nıht'è k'e du hanı dek'eèht'è,

“Dò wızi ehkw'ı edaa gòhı nıle, dö hanı ıle kò gòhı nıle.

¹¹ *Dò wızi Nòhtsı wenàowoò nıde gòhı-le, eyıts'ò dö wızi Nòhtsı k'èhoezò ha nıwò-le.* ¹² *Dò hazòò Nòhtsı ts'òò agejà, dö hazòò nàowo wet'aaazà-le k'èè geedaà agejà. Dò ıle kò ehkw'ı eghàlaedaa gòhı-le, dö hanı gots'ıh?à ha dıı.”*

¹³ *“Yatı ju ıò gıwà ts'ò xàewı, eyıts'ò t'aats'òò dö ghoyagezà.”*
“Gòochò nàèdıtı lagıt'e, yatı t'à dö elààgehde ha gıwò.”

¹⁴ *“Nàdahogeezà eyıts'ò t'aats'òò yatıju t'à dö k'èeyageeti.”*

¹⁵ *“Dò hagedı sù dö elààgehde gha nàgeghò, ¹⁶ t'aats'òò t'ası wedıhogehtsı xè hoıla hogehtsı,*

¹⁷ *eyıts'ò dànı dö elèxè ts'èwhı geedaa sù gık'èezò-le.”*

¹⁸ *“Nòhtsı k'èagıt'e ha gıwò-le eyıts'ò gıts'èejı-le,” dek'eèht'è họt'e.*

¹⁹ Moses wenàowoò k'e ayı dek'eèht'è sù dö got'ıà geèhkwee sù gıgha dek'eèht'è họt'e. Hanı-ıde dö wızi “Wek'èehsò-le,” gedi ha dıı, eyıts'ò du nèk'e dö hazòò dànı gıdàa k'èè Nòhtsı gosınıyaehtı ha họt'e. ²⁰ Dò wızi Moses wenàowoò deghàà k'èdi ha dıı, eyı t'à dö wızi ehkw'ı eda k'èè

Nòhtsɪ yesɪnɪyaehtɪ ha nùle. Hanìkò Moses wenàowoò ts'ihzò hoɬɪ hots'ehtsɪ nqò wek'èts'eezqò ats'ejà.

Gogha ehkw'i-ahodi zq t'à Nòhtsɪ wegħa ehkw'i ats'ut'e

²¹ Hanìkò dìi sɪi Moses wenàowoò wede dani Nòhtsɪ ehkw'i agohzɪ sɪi wek'èts'eezqò agòòlà hq't'e. Moses wenɪht'è eyits'q nakwenàozqò gɪnɪht'è k'e eyɪ ghò gogɪde jìè. ²² Amɪ Zezì-Krɪ yegħa ehkw'i adɪ sɪi Nòhtsɪ ehkw'i ayeħzɪ hq't'e. Israel got'jɪ eyits'q dq eyɪ-le xàʔaa hazqò gɪgha elèht'eè hq't'e, gɪgha nàowo eladɪ gòhɪ-le. ²³ Dq hazqò hoɬɪ hogèhtsɪ hq't'e. Nòhtsɪ dani wexè enɪyah xè degaɪ wehòhʔqò sɪi ts'q nɪwà ts'eèhk'w'e hq't'e, ²⁴ hanìkò Nòhtsɪ wesqɪwq ts'ihzò t'asɪ k'èxa-le ehkw'ì agòòlà. Zezì-Krɪ wet'òò Nòhtsɪ edaxàgole. ²⁵ Nòhtsɪ sɪi Zezì gohoɬɪ k'èxa elàawɪ ha goghàɪhtɪ hq't'e. Zezì gohoɬɪ k'èxa wedoò xàɪt'ɪ gogħa ehkw'i-ahodi nɪdè gohoɬɪ goghq nahoezhe ha hq't'e. Nòhtsɪ hanì eghàlajdà sɪi wegħàà dani wexè ehkw'ì ats'ede ha sɪi wek'èts'eezq għa ayɪlà hq't'e. Inèq sɪi gots'ò ts'èwhɪ nɪwq jìè t'à hoɬɪ hots'ehtsɪ k'èxa ekòet'ì nàgɪhkwa-le jìè. ²⁶ Dani wexè ehkw'ì ats'ede ha sɪi dìi wek'èts'eezq ha t'à hanì eghàlajdà hq't'e. Eyit'à ehkw'ì dɪ hanì dq sɪnɪyaehtɪ ha hq't'e: amɪ Zezì yegħa ehkw'ì adɪ sɪi ehkw'ì k'èè ayele ha hq't'e.

²⁷ Eyit'à dani edegħq xàdahots'edi weli? Xàdahots'edi ha honàedi nùle! Ayɪ nàowo t'à ehkw'ì ats'ejà ts'edi weli? Moses wenàowoò k'èts'edi t'à ehkw'ì goità ts'edi ha nì? Jìe ne, hanìkò Zezì gogħa ehkw'ì adɪ t'à ehkw'ì ts'eedaa k'èè goità ha hq't'e. ²⁸ Dɪ hanì gogħa ehkw'ì-ahodi hq't'e: Dq wegħa ehkw'ì-ahodi t'à ehkw'ì awiɪdlà hq't'e. Moses wenàowoò k'èè eda t'à ehkw'ì ade ha nùle. ²⁹ Nòhtsɪ sɪi Israel got'jɪ gogħa zq Nòhtsɪ elɪ nì? Asɪ dq eyɪ-le xàʔaa, ededɪ sɪ gogħa Nòhtsɪ elɪ nì? Hèʔe, Nòhtsɪ jìè zq gòhɪ ts'ihzò, dq eyɪ-le xàʔaa ededɪ sɪ gogħa Nòhtsɪ elɪ hq't'e. ³⁰ Israel got'jɪ gɪkwò nàt'aa gɪɬɪ sɪi Zezì gɪgha ehkw'ì-ahodi t'à ehkw'ì agole ha hq't'e, eyits'q dq eyɪ-le xàʔaa gɪkwò nàt'è-le sɪi ededɪ sɪ Zezì gɪgha ehkw'ì-ahodi t'à ehkw'ì geedaa k'èè agole ha hq't'e. ³¹ Eyit'à Zezì gogħa ehkw'ì-ahodi ts'ihzò Moses wenàowoò wet'aaʔa-le ade ha nì? Jìe, hanì ha honàedi nùle! Moses wenàowoò jìàà gogħa ehkw'ì hq't'e eyits'q dq ts'ò hats'edi hq't'e.

4

Abraham wegħa ehkw'i-ahodi t'à Nòhtsɪ ehkw'ì edaa k'èè yuhtà

¹ Eyit'à hanì hòʔq nɪdè gocho Abraham wegħq dàts'edi lɪ? Nòhtsɪ k'èè dq ehkw'ì ts'ɪɪɪ sɪi ghò ayɪ k'èhoèhʔà? ² Abraham nezɪ eghàlajdà k'èxa ehkw'ì awiɪdlà nɪdè yegħq xàdahodi ha dìi-le jìè. Hanìkò Nòhtsɪ nadaq edegħq xàdahodi

ha dii. ³ Nòhtsɪ Njhtl'è k'e du hani dek'eèhtl'è: "Abraham Nòhtsɪ yegha ehkw'ɪ adɪ ts'ihzò, ehkw'ɪ edaa k'èè wutà ayjìlà," dek'eèhtl'è.

⁴ Dò eghàlaeda nɪdè wek'èxa wets'àzeedi hɔt'e. Eghàlaeda k'èxa sɔm̄ba weghòzhaa sù ekì weghòzha nùle, hanikò eyi sɔm̄ba k'èxa eghàlaɪda t'à weghòzha hɔt'e. ⁵ Hanikò Nòhtsɪ gogha ehkw'ɪ adɪ nɪdè gogha hani nùle. Dò wejɪ sù Nòhtsɪ ehkw'ɪ ayehzì wegħa ehkw'ɪ-ahodɪ nɪdè, ehkw'ɪ edaa k'èè wutà ha. Nezjì eghàlats'eeda k'èxa ehkw'ɪ ts'eedaa k'èè goità edèts'edi ha dii. ⁶ K'àowocho David eyi xèht'eè xàyahtɪ jlè. Dò yek'èxa eghàlaɪda-le kò, Nòhtsɪ ehkw'ɪ edaa k'èè yuhtà sù wexè sìghà hɔt'e hadɪ jlè. David du hani enjttl'è jlè:

⁷ "Nòhtsɪ dò wehojì yegħo nahoelee sù wexè sìghà hɔt'e, hojì hòèhtsɪ sù Nòhtsɪ yenadɪ ha nùle. ⁸ Eyits'ò Nòhtsɪ dò wehojì k'èxa yesɪniyahtɪ-le sù wexè sìghà hɔt'e," dek'eèhtl'è.

⁹ K'àowocho David amì ghò eetl'è-adi? Dò gɪkwò nàt'aa gɪlɪ sù ededɪ zò gɪxè sìghà ha ni? Hani-le-ɪdè dò gɪkwò nàt'à-le sù ededɪ sɪ gɪxè sìghà hòzò ha ni? Abraham weghò du hats'edi jlè, Nòhtsɪ yegħa ehkw'ɪ adɪ t'à Nòhtsɪ ehkw'ɪ edaa k'èè yuhtà, ts'edi jlè. ¹⁰ Nòhtsɪ Abraham ehkw'ɪ edaa k'èè yuhtà ekò asjì hòt'a wekwò nàat'a jlè? Jìle, wekwò nàat'a kwe Nòhtsɪ ehkw'ɪ edaa k'èè yuhtà jlè. ¹¹ Eyì t'axòò k'òòt'a Abraham wekwò nàat'a hɔt'e. Abraham wegħa ehkw'ɪ-ahodɪ t'à wekwò nàat'a hɔt'e. Eyits'ò Nòhtsɪ ehkw'ɪ edaa k'èè yuhtà sù wekwò nàat'a wegħàà wek'èhoedzò għa adlà hɔt'e. Hanikò wekwò nàat'a kwe-t'ù Nòhtsɪ ehkw'ɪ edaa k'èè yuhtà jlè. Hani ts'ihzò dò gɪkwò nàt'à-le kò gɪgha ehkw'ɪ-ahodɪ sù Abraham hazòò gogħa gotà elɪ lanì hɔt'e. Hani-ɪdè Nòhtsɪ sù eyi dò hazòò ehkw'ɪ geedaa k'èè goità hɔt'e. ¹² Eyits'ò Moses wenàowoò k'èè gɪkwò nàt'aa sù ededɪ sɪ gogħa gotà elɪ hɔt'e. Gɪkwò nàat'a zò t'à gotà elɪ nùle, hanikò Nòhtsɪ gɪgha ehkw'ɪ-ahodɪ t'à gotà elɪ hɔt'e, Abraham nàat'a kwe hani wegħa ehkw'ɪ-ahodɪ jlè k'èè.

¹³ Nòhtsɪ du hadɪ jlè, Abraham, weza eyits'ò wets'ihzòò-dòò gɪlɪ sù du nèk'e k'àhògedè agole ha, gòhdi jlè. Moses wenàowoò k'èagɪt'e t'à gɪxè hagode ha, gòhdi nùle, hanikò gɪgha ehkw'ɪ-ahodɪ t'à ehkw'ɪ geedaa k'èè goità ts'ihzò gɪxè hagode ha, gòhdi. ¹⁴ Dò Moses wenàowoò k'èè geedaa zò du nèè gɪghaelɪ ha nɪdè Nòhtsɪ edeyatɪ goghàzòò eyits'ò gogħa ehkw'ɪ-ahodɪ gogħa wet'aaazà ha nùle. ¹⁵ Moses wenàowoò k'èats'jtt'e-le nɪdè nàgoehkwa ha hɔt'e. Hanikò eyi nàowo gòhɪ-le nɪdè nàgoehkwa ha nùle, eyi nàowo k'èch'a hots'ehtsɪ-le t'à.

¹⁶ Eyit'à Nòhtsɪ gogħa ehkw'ɪ adɪ nɪdè, Nòhtsɪ ayì goghàzà ha du sù goghòet'a ha hɔt'e. Nòhtsɪ gots'ò wesòniwò ts'ihzò goghàyezà hɔt'e, eyits'ò dò hazòò Abraham wets'ihzòò-dòò agɪt'ee sù hani gɪxè hòzò ha hɔt'e. Hanikò dò Moses wenàowoò

gıghòt'ò zò gha nùile, Abraham k'èè Nòhtsı gıgha ehkw'ı-ahodı sù ededı sı gıgha hòt'e. Eyıt'à Abraham hazòò gogha gotà elı hòt'e. ¹⁷ Dıı hanı dek'eèht'è k'èè, “Dò hazòò xàzaa gha gotà nèwhıhtsı hòt'e,” dek'eèht'è. Nòhtsı sù dọ ełajıdèe nagıdà agohzı, eyıts'ò dọ t'ası gııı-le sù gıt'aaazaa agohzı hòt'e. Ededı Abraham gha ehkw'ı adı t'à gotà elı ayııllà hòt'e.

¹⁸ Chekoa wets'ò ha weggha ahxe whıle kò, Abraham Nòhtsı dáyèhdı ìlèe sù weggha ehkw'ı-ahodı. Eyıt'à dọ lò xàzaa gha gotà whelı. Nòhtsı dıı hayèhdı ìlè, “Nets'ıhòò-dòò gııı sù whò laàtlò lagıt'e ha,” yèhdı ìlèe sù wek'èè agòjà. ¹⁹ K'àhdzò ìlèakw'eènò wegghò ìlè, eyı xè sù òhdah whelı eyıts'ò wets'èkè Sarah sù ts'òòko whelı t'à chekoa wets'ò ha dıı, hotıı yek'èezò, hanıkò edını nàtso ayııhwhò. ²⁰ Nòhtsı yets'ò dani eghàlaeda ha dı ìlèe sù ghò wını nàtso-le ajà-le, hanıkò Nòhtsı ts'ò denahk'e weggha ehkw'ı-ahodı ajà, eyıt'à Nòhtsı ghàsòedı. ²¹ Nòhtsı dani yatı whehtsıı sù yek'èè eghàlaeda ha weggha dıı-le, hotıı yek'èezò hòt'e. ²² Abraham Nòhtsı yeggha ehkw'ı adı t'à “Nòhtsı dọ ehkw'ı geedaa k'èè yuhtà.” ²³ Dıı yatı “Nòhtsı dọ ehkw'ı edaa k'èè yuhtàa” sù, Abraham weggha zò hanı dek'eèht'è nùile, ²⁴ hanıkò goxı sı gogha hanı dek'eèht'è hòt'e. Nòhtsı, Zezı-Krı naıdà ayııllàa sù gogha ehkw'ı adı nıdè, goxı sı ehkw'ı ts'eedaa k'èè goıtà ha hòt'e. ²⁵ Zezı gohoııı k'èxa ełajwo awııdlà hòt'e, eyıts'ò gogha naıdà. Eyı ts'ıhòò Nòhtsı gha ehkw'ı ts'eedaa k'èè goıtà hòt'e.

5

Zezı wets'ıhòò goınà

¹ Eyıt'à gogha ehkw'ı-ahodı ts'ıhòò ehkw'ı agòıdlà, eyıts'ò gots'ò K'àowo Zezı-Krı wets'ıhòò Nòhtsı wexè ts'èwhıı ts'eeda. ² Zezı-Krı wedahxà eyıts'ò goxı gogha ehkw'ı-ahodı t'à Nòhtsı edesòıwòò goghàıòò sù dıı wet'à ts'eeda. Nòhtsı wexè enııyah t'à welò whıle ts'ò ts'eeda ha goghàhòıò t'à sù goınà hòt'e. ³ Eyı zò wegghò goınà nùile, hanıkò goxè hoıla t'à dats'ııza nıdè wegghò goınà hòt'e. Dats'ııza nıdè wet'à denahk'e goını nàtso at'ı wek'èts'eezò, ⁴ eyıts'ò goını nàtso ats'ııhwhò nıdè ayıı gogha ehkw'ı-ahodı sù k'èè ts'eeda ats'et'ı, eyıts'ò ayıı gogha ehkw'ı-ahodı k'èè ts'eeda nıdè Nòhtsı ayıı godawhehòò sù goghòet'a ha wek'èts'eezò. ⁵ Eyı gogha ehkw'ı-ahodı nıdè got'ahk'e agode ha nùile. Nòhtsı Yedayeh Nezıı godzeè yıı nàdè ha goghàhòıò t'à sù goghòneèòò sù wek'èts'eezòò agòòlà.

⁶ Dıı wenıahdı welı: Nòhtsı weggha ehkw'ı nèhòkw'o ekò, ìlèa edets'ats'edı ha dıı ekııyeè k'e Zezı-Krı dọ weıı gha ełajwo hòt'e. ⁷ Dọ ehkw'ı edaa sù dọ yeggha ełàawı ha gòhı lanı-le hòt'e, hanıkò dọ nezıı sù dọ yeggha ełàawı ha tahkò. ⁸ Hanıkò

Nòhtsɪ sù goghòneètɔ t'à dɪ hani gogha eghàlɔdà: ɪàà hoɪ-
hòts'ehtsɪ-dòò ats'ɪt'e kò Zezì-Krì gogha ɛlɔwo ɪè.

⁹ Zezì wedoò dahxà ehkw'ɪ agòidlà. Ehkw'ɪ agòidlà zòò-
le, Zezì wexè ts'eeda t'à Nòhtsɪ nàgoehkwa ch'à edaxàts'eedè
ha hòt'e. ¹⁰ ɪàà Nòhtsɪ wek'èch'a ts'eeda ekò weza gogha
ɛlɔwo t'à Nòhtsɪ wexè ts'èwhɪ ts'eedaà agòòlà. Nòhtsɪ wexè
ts'èwhɪ ts'eeda agòidlà zòò-le, dɪ Zezì wexè ts'eeda t'à de-
nahk'e edaxàgole ha hòt'e. ¹¹ Eyɪts'ò gòts'ò K'àowo Zezì-Krì
wet'òò goghò nahoazha ne t'à, Nòhtsɪ wexè ts'èwhɪ ts'eeda
ghò gomà hòt'e.

*Adò wets'ihzò ɛlɔàts'eedè ats'ejà, hanìkò Zezì-Krì wets'ihzò
ts'eedaà ats'ejà*

¹² Dò ɪè wehoɪ t'à dɪ nèk'e hoɪ kèhòòwo wek'èts'eezò
hòt'e. Hoɪ ts'ihzò eyɪ dò ɛlɔwo, eyɪts'ò dò hazòò hoɪ
hogehtsɪ ts'ihzò wexèht'eè ɛlɔàgede ha hòt'e. ¹³ Eyɪt'à Moses
wenàowoò goghòza kwe, hoɪ dɪ nèk'e whezò ɪè. Hanìkò eyɪ
nàowo gòhɪ-le nɪdè, hoɪ hòts'ehtsɪ sù gòts'ò nawɪtà ha-le ɪè.
¹⁴ Hanìkò Adò dɪ nèk'e nàɪwo gòts'ò, Moses ɪdà gòts'ò dò hazòò
ɛlɔàgede ɪè. Adò Nòhtsɪ nàowoò nàɪzhì k'èè nàowo nàgɪzhì-
le kò, gòts'ò hagòjà. Eyɪts'ò Adò Zezì ɪàà nùttà ha ɪè sù yexèht'eè
lanì hòt'e, ɪlɔh dò ɪò gha t'akwelòò agɪt'e.

¹⁵ Hanìkò Nòhtsɪ ayɪ goghàzòò sù eyɪts'ò dànì hoɪ dɪ nèk'e
ts'ò ajàà sù xèht'eè nùle. Dò ɪlɔet'ee zò wehoɪ ts'ihzò dò ɪò
ɛlɔdè, hanìkò Nòhtsɪ wesòɪwò t'à eyɪ nahk'e t'asù deè gogha
hayɪlɔ: dò ɪè gòts'ò ayɪlɔ, eyɪ dò wesòɪwò t'à dò ɪò gihòɪ
gìghò nahoazha; eyɪ dò sù Zezì-Krì hòt'e. ¹⁶ Eyɪts'ò dɪ haehsɪ
ha dehwhò: Nòhtsɪ wet'à edaxàts'eedè goghàɪzòò sù dò ɪè
wehoɪ ts'ihzò dò gòts'ò dànàhòwoo sù xèht'eè nùle. Dò ɪè hoɪ
hòèhtsɪ t'à dò hazòò gɪsɪniyaetɪ xè hoɪlɔ agòidlà, hanìkò dò hoɪ
ɪò hogèhtsɪ t'axòò Nòhtsɪ wet'à edaxàts'eedè goghàɪzòò sù
t'à ehkw'ɪ anagòidlà. ¹⁷ Eyɪt'à dò ɪè hoɪ hòèhtsɪ ts'ihzò dò
hazòò ɛlɔàgede ha ɪè. Nòhtsɪ eyɪ nahk'e t'asù deè gogha
hayɪlɔ: Dò ɪè wet'òò Nòhtsɪ edesòɪwòò denahk'e goghàyezà
ha eyɪts'ò dò hazòò wexè geedaa sù ehkw'ɪ geedaa k'èè gɪtà
ha hòt'e. Eyɪ dò sù Zezì-Krì hòt'e.

¹⁸ Eyɪt'à dò ɪè hoɪ hòèhtsɪ ts'ihzò dò hazòò hoɪlɔ agòidlà, eyɪ
xèht'eè lanì dò ɪè ehkw'ɪ eghàlɔdà t'à dò hazòò gihòɪ gìghò
nahoazhà agòidlà, eyɪts'ò welò while ts'ò geedaà agedle ha.
¹⁹ Dò ɪè Nòhtsɪ k'èajt'e-le ts'ihzò dò ɪò hoɪ-hogehtsɪ-dòò gɪɪɪ
agòidlà, eyɪts'ò eyɪ lanì dò ɪè Nòhtsɪ k'èajt'e ts'ihzò dò ɪò ehkw'ɪ
agedle ha.

²⁰ Dò dezòò hoɪ hogehtsɪ wek'èhoedzò gha Moses
wenàowoò goghòt'ò ɪè. Dò dezòò hoɪ hogehtsɪ nɪdè Nòhtsɪ
denahk'e gòts'ò sòɪwòò ajà. ²¹ Hanì hòzò t'à hoɪ ts'ihzò dò
ɛlɔàgede ɪè, hanìkò Nòhtsɪ gòts'ò sòɪwò t'à ehkw'ɪ geedaa k'èè

gütà agole ha, eyits'ò Zezi-Krì wet'òò welò while ts'ò geedaà agole ha.

6

Hoḷḷ ts'ò ɛlaàts'ùdè, hanikò Zezi-Krì wets'ihʔò ts'eeda hɔt'e

¹ Hanì hòʔò nɔdè dàts'edi weli? Nòhtsɪ deʔòò gots'ò sɔnɪwɔ t'à k'èdaà hoḷḷ hots'ehtsɪ ha nì? ² Hanì ha honàedi nùile! Goxɪ hoḷḷ hots'ehtsɪ ts'ò ɛlaàts'ùdè gha goità hɔt'e. Eyit'à dànì k'èdaà hoḷḷ hots'ehtsɪ weli? ³ Goxɪ hazòò Zezi-Krì wɪzì t'à gok'ètaidzòò sù wexè ɛlaàts'ùdè lats'ejà hɔt'e, eyi wek'èahsɔ-le nì? ⁴ Gok'ètaidzòò ekò wexè ɛlaàts'ùdè lats'ejà ɲè eyits'ò wexè gokw'òò nìtòò lats'ejà ɲè. Hanikò Nòhtsɪ-Gotà enɪyah hɔt'e sù Zezi-Krì naìdà ayɪl̀l̀à hɔt'e, eyits'ò goxɪ sɪ ɛladɪ k'èè ts'eeda ats'ede ha.

⁵ Wexè ɛlaàts'ede k'èè goità nɔdè, wexèht'eè nats'idà k'èè goità ha hɔt'e. ⁶ Inèè dɔ dàhòt'ù ts'ùl̀l̀è sù Zezi-Krì xè dechɪet'aa k'e wedùtsò hɔt'e. Hanì-ɲdè gonìḷḷ sù wedìhoḷè adle ha, eyits'ò hoḷḷ gots'ò k'àhowo ha-le. ⁷ Amì hanì ɛlajwo sù hoḷḷ-nàowoò yets'ò k'àhowo-le awùdl̀à hɔt'e.

⁸ Eyit'à Zezi-Krì wexè ɛlaàts'ùdè nɔdè wexè ts'eeda ha sù gogha ehkw'ì-ahodi hɔt'e. ⁹ Zezi-Krì ɛlajwo gots'ò naìdà wek'èts'eezò hɔt'e, k'achɪ ɛlaàwì hoḷḷ ha nùile. ɛlaàts'ewɪ sù k'achɪ yets'ò k'àhowo hoḷḷ ha nùile. ¹⁰ ɛlajwo ekò, gohoḷḷ k'èxa ɲàà zò ɛlajwì ha hɔt'e. Hanikò dù edaa sù Nòhtsɪ gha eda hɔt'e.

¹¹ Eyì xèht'eè naxɪ sɪ hoḷḷ ts'ò ɛlaahde k'èè ededaaniadhè. Hanikò Zezi-Krì wet'òò Nòhtsɪ gha aahda k'èè ededaaniadhè. ¹² Eyit'à naxinìḷḷ t'anɪwɔ k'èè aahda-le. Naxizhì ɛlaàwì ha sù hoḷḷ yets'ò k'àowo welè-le. ¹³ Naxizhì wɪzì t'à hoḷḷ hoahsɪ-le, wet'à hoḷḷ k'èè k'ehoahʔa-le. Hanikò dɔ ɛlajdèe gots'ò naìdà laah't'e lanì naxizhì hazòò t'à Nòhtsɪ ghàdeah'tè, eyits'ò naxizhì t'à Nòhtsɪ gha ehkw'ì eghàlaahda. ¹⁴ K'achɪ hoḷḷ naxits'ò k'àhowo welè-le, Moses wenàowoò t'a dahkw'e nùile t'à, hanikò Nòhtsɪ wesɔnɪwɔ t'a dahkw'e hɔt'e.

Ehkw'ì ts'eedaà nàowo sù gogha k'àowo hɔt'e

¹⁵ Goxè hagòht'e nɔdè, dàts'ejà lì? Nàowo t'a ts'eèhkw'e-le hanikò Nòhtsɪ wesɔnɪwɔ t'a ts'eèhkw'e t'à k'èdaà hoḷḷ hots'ehtsɪ ha nì? Hanì ha honàedi nùile! ¹⁶ Dɔ naxits'ò k'àhowo ha weghàdeah'tè nɔdè wek'èah't'e ha hɔt'e, wek'èhoahsɔ-le nì? Hoḷḷ dahwhòò sù naxits'ò k'àhowo nɔdè wet'à ɛlaahde ha. Hanikò Nòhtsɪ k'èah't'e nɔdè wet'à ehkw'ì aahda ha hɔt'e. ¹⁷ Hoḷḷ naxinì ts'ò k'àhowo k'èè zò eghàlaahda ɲè, hanikò godì nezɪ hoghànaxeètò ekò hotì naxidzè t'à wek'èah't'e dahwhòò aahjà, eyi gha Nòhtsɪ masì wets'ùhwhò hɔt'e. ¹⁸ Hoḷḷ naxits'ò k'àowo-le anaxìdl̀à; naxinì hoḷḷ nɪwɔò sù wek'èah't'e

ha naxıdaèt'è-le ajà. Ehw'ı ts'eedaa nàowo sù naxıts'ò k'àowo ajà.

¹⁹ Naxını nàtso-le t'à, nezı weniàhdı ha k'èè hoghànaxeehtò. Naxızhı t'à hoıı hoahstı ıle. Naxını hoıı nıwqò sù wek'èaht'e ıle, eyıt'à denahk'e hoıı hoahstı ıle. Hanikò dı sù naxızhı t'à ehkw'ı eghàlaahda, hani-ıdè degı k'èè aahda ha. ²⁰ ılaà hoıı naxıts'ò k'àowo ekò naxını hoıı nıwqò k'èè zq aahda ıle. Ehw'ı ts'eedaa nàowo naxıts'ò k'àowo-le ıle, eyı sù wek'èaht'e ha dı ıle. ²¹ Ayı weghàlaahda ıle sù dı weghò ıızhaahı hqt'e. Hoıı hòahstı t'à naxıgha sıghà hòzq nıle. Eyı hoıı wets'ıh?ò elàats'ede hqt'e. ²² Hanikò dı sù hoıı naxıts'ò k'àowo-le ajà, eyıts'ò Nòhtsı naxıts'ò k'àowoò aahjà. Hani goxè hòzq nıdè degı ts'ıııı ats'ede ha, eyıts'ò welò whıle ts'ò ts'eedaà agole ha. ²³ Hoıı hots'ehtsı k'èxa elàats'ede hqt'e. Hanikò gots'ò K'àowo Zezi-Krı wet'ò Nòhtsı welò whıle ts'ò ts'eedaà agòòlà hqt'e.

7

Moses wenàowoò ts'ò elàats'ıdè, hanikò Yedayeh Nezi wets'ıh?ò ts'eeda hqt'e

¹ Sèot'ıı, naxı sù Moses wenàowoò wek'èahsq hqt'e. Dq dı nek'e geeda gots'ò eyı nàowo gıts'ò k'àowo hqt'e, wek'èahsq-le nı? ² Ekı-hò wedaànıts'ıdè: Moses wenàowoò k'èè ts'èko wedqò eda gots'ò wedqò xè ıle zq lanı hqt'e, hanikò wedqò elıwo nıdè wet'à hots'et'ıı nàowoò wegħa ità-le ajà. ³ Eyıt'à ılaà wedqò eda et'ıı dqzıı eyı-le xè honòqdzà-ıdè hoıı k'èè eghàlajdà hqt'e. Hanikò wedqò elıwo t'axqò dq eyı-le xè honòqdzà nıdè hoıı k'èè eghàlaeda nıle.

⁴ Eyıt'à sèot'ıı, Zezi elıwo ts'ıh?ò Moses wenàowoò ts'ò elàahdè k'èè naxıtà. Hani-ıdè eyı-le wets'ò aah't'e ha, Zezi-Krı gogħa naidà wets'ò aah't'e ha, eyıt'à Nòhtsı wıı k'èè aahda ha hqt'e. ⁵ Gonııı gots'ò k'àhowo ekò, Moses wenàowoò weghò ets'ııkw'o t'à gonııı yek'èch'a eghàlaeda ha nıwqò. Eyıts'ò gozhıı t'à hoıı hots'èhtsıı, gonııı k'èè eghàlats'eeda ıle sù wet'à elàats'ede ıle. ⁶ Hanikò dı sù eyı nàowo ts'ò elàats'ıdè k'èè goıtà t'à eyı nàowo gots'ò k'àhowo-le ajà. Eyıt'à Yedayeh Nezi wenàowoò gòò t'à ts'eedaà ats'ejà, Moses wenàowoò wezqà dek'eèht'èe sù wek'èè ts'eeda-le ats'ejà.

Moses wenàowoò t'à hoıı k'èets'eezqò ats'et'ı

⁷ Eyıt'à Moses wenàowoò ghò dats'edı weli? Eyı nàowo hoıı nı ıt'e? Hani nıle! Ayı hoıı ne sù wek'èehsq ha-le ıle, hanikò eyı nàowo zq weghàà wek'èehsqò ahjà. “Dq t'ası wets'ò sù weahwhq ha-le,” dek'eèht'è-le nıdè, dq eyı-le wets'ò t'ası ts'ıwqò nıdè ehkw'ı nıle, eyı deghàà wek'èehsq ha-le ıle.

⁸ Hanikò eyi nàowo wek'èch'a aht'ì ha segha hòzòò adlà họt'e. T'asì lọ sets'ọ-le sù sìnìhù t'à weghaehwhù ahjà. Nàowo gòhù-le nùdè hòhù nàowoò while ha ìlè. ⁹ Moses wenàowoò ghọ eèhk'w'ọ kwe ehda ìlè, hanikò eyi nàowo seghòt'ọ ts'òet'ì hòhù hohtsì ha dehwhòò ahjà, eyits'ọ ełaihwho lahjà. ¹⁰ Eyi nàowo et'ì wet'à ts'eeda ha họt'e ìlèe, hanikò wet'à ełààts'ede wek'èhòehzà. ¹¹ Eyi nàowo wek'èch'a aht'ì ha segha hòzòò adlà t'à sìnìhù seghọyaàzọ eyits'ọ wek'èch'a ahjà. Eyi nàowo wets'ihzò hòhù ełaihwhoò asìlè. ¹² Moses wenàowoò hazòò degai họt'e eyits'ọ nàowodeè sù degai, ehkw'ì xè nezì họt'e, wek'èts'eezọ.

¹³ Eyi t'à eyi nàowo nezì sù ełaihwhoò asìlè nì? Hanì honàedi nùlè! Eyi nàowo nezì wet'òò gohòhù sù wejù họt'e wenìts'eedì ats'et'ì, eyits'ọ nàowo nezì wek'èts'eezòò ats'et'ì nùdè hòhù ełààts'edeè agohzì họt'e. Eyi t'à nàowodeè weghàà gohòhù sù wejù họt'e wenìts'eedì.

¹⁴ Moses wenàowoò sù degai-deè họt'e wek'èts'eezọ, hanikò goxì sù degai-deè ats'ìt'e nùlè, hòhù gots'ò k'àhowo t'à. ¹⁵ Dàht'ì-ah't'ì sù deghàà wenìehdì nùlè. Ayì dàhìe ha dehwhòò sù k'èè eghàlaehda-le, hanikò ayì wedzaehwhòò sù eyi weghàlaehda. ¹⁶ Eyi t'à ayì dàhìe ha dehwhò-le kò weghàlaehda nùdè eyi nàowo nezì họt'e nọò dehwhò aht'ì. ¹⁷ Eyi weghàà xàè sù aht'ì-le wek'èehsọ, hanikò hòhù seyì whezòò sù hòhù k'èè eghàlaehdaà asehzì. ¹⁸ T'asì nezì wùzì sets'ò-èlì nùlè wek'èehsọ, sìnì hazòò hòhù zọ họt'e. Ayì nezì sù weghàlaehda ha dehwhò, hanikò t'asì nezì weghàlaehda ha segha dìi họt'e. ¹⁹ T'asì nezì weghàlaehda ha dehwhòò sù weghàlaehda-le. Nàowòhù k'èè eghàlaehda ha-le dehwhò kò k'èdaà nàowòhù k'alahwho. ²⁰ Sù hahwhò-le kò haht'ì nùdè, sù xàè aht'ì nùlè, hanikò hòhù seyì whezòò sù eyi at'ì họt'e.

²¹ Eyi t'à dù hanì sexè hòzò: Nàowo nezì eghàlaehda ha dehwhò kò nàowòhù sedaèht'è. ²² Sedzeè t'à Nòhtsì wenàowoò degai ghọ sìnà họt'e, ²³ hanikò nàowòhù sezhì yì eghàlaedaa sù nàowo nezì sedzeè yì whezòò k'èch'a eghàlaeda wek'èehsọ. Hòhù-nàowoò seyì eghàlaedaa sù sets'ò k'àhowo t'à sedaàtọ laah't'e. ²⁴ Eyi t'à sù sexè gots'eèdì họt'e! Dù sezhì wet'à ełaihwhì ha sù amì yech'à edaxàsìhtì lì? ²⁵ Nòhtsì masì weehwhò, gots'ò K'àowo Zezì-Krì wet'òò edaxàsetè ha họt'e! Eyi t'à sedzeè yì Nòhtsì wenàowoò sets'ò k'àhowo họt'e, hanikò sìnìhù ts'ihzò hòhù-nàowoò sets'ò k'àhowo họt'e.

8

Yedàyeh Nezì wets'ihzò ts'eeda họt'e

¹ Hanikò amì Zezì-Krì xè aget'ì sù ełààgede gha gisìniyaeti ha-le. ² Zezì-Krì wedahxà Yedàyeh Nezì wet'à ts'eedaa sù hòhù-nàowoò eyits'ọ ełààts'ewù nàowoò ch'à edaxàgohtè họt'e.

³ Moses wenàowoò gots'àdì ha dìi, gonìhù ts'ihzò gogha nàtsole ajà t'à. Hanikò Nòhtsì gots'àdì họt'e. Xàè Edeza goxèht'e hołù-hohtsù-dqò k'èè wègaat'ù sù gohołù k'èxa ełààwì ha gots'ò ayìlà. Hani hołù-hogehtsù-dqò gihòłù yesìnyahıhtı họt'e. ⁴ Hani-ıdè Moses wenàowoò k'èè t'asì hazqò deghàà ehkw'ı hats'ele ha lèe sù hòt'a godzeè yì deghàà ajà. Dii gonìhù k'èè ts'eeda nùile, Yedàyeh Nezzù wek'èè ts'eeda họt'e.

⁵ Dq edinìhù k'èè geedaa sù ginìhù t'anıwqò sù k'èè ginì nàtsoò adegìlà. Hanikò dq Yedàyeh Nezzù k'èè geedaa sù Yedàyeh Nezzù dànıwqò sù k'èè ginì nàtsoò adegìlà. ⁶ Hołù-hohtsù-dqò edinìhù t'à ełààwì ha họt'e, hanikò dq Yedàyeh Nezzù yinì ts'ò k'àowo sù eda xè wexè sighà họt'e. ⁷ Gonìhù sù Nòhtsì wek'èch'a họt'e. Nòhtsì nàowoò k'èit'e ha nıwq-le xè Nòhtsì nàowoò k'èit'e ha dìi. ⁸ Dq ginìhù gıts'ò k'àhowoo sù Nòhtsì wınà hogehtsì ha dìi.

⁹ Ekò naxı sù naxinìhù naxıts'ò k'àhowoo nùile, hanikò Nòhtsì wets'ò İni naxıts'ò-èlì nıdè Yedàyeh Nezzù naxıts'ò k'àowo họt'e. Amı Zezì-Krı wets'ò İni wets'ò-èlì-le nıdè Zezì-Krı wets'ò dq elì nùile. ¹⁰ Hanikò Zezì-Krı naxıdzeè yì nàde nıdè, hołù ts'ihzò naxızhı eławo lanì, hanikò Nòhtsì gha ehkw'ı anaxıdłà ts'ihzò naxıts'ò mı eda họt'e. ¹¹ Nòhtsì ededı sù Zezì naidà ayìlà họt'e, eyıts'ò edets'ò Yedàyeh Nezzù t'à naxızhı ełààde ha sù naidà ayele ha, Yedàyeh Nezzù naxıdzeè yì nàde ne t'à.

¹² Eyıt'a sèot'ù, Yedàyeh Nezzù wek'èè ts'eeda ha họt'e, gonìhù k'èè ts'eeda ha nùile. ¹³ Naxinìhù k'èè aahda nıdè ełaaahde ha, hanikò Yedàyeh Nezzù wedahxà naxızhı wets'ò hołù-nàowoò eładè aahlà nıdè aahda ha, ¹⁴ amı Nòhtsì wets'ò İni gıts'ò k'àhowoo sù Nòhtsì weza agıtt'e t'à. ¹⁵ İni naxıts'ò ajà sù naxinì dejı ha anaxılà nùile, hanikò Yedàyeh Nezzù naxık'e ajà t'à Nòhtsì weza aahı họt'e. Yedàyeh Nezzù wedahxà, "Abà, Setà," ts'edi họt'e. ¹⁶ Yedàyeh Nezzù eyıts'ò gots'ò mı lıah, "Nòhtsì weza ats'ıtt'e," gògedı. ¹⁷ Eyıt'a Nòhtsì weza ats'ıtt'e nıdè Nòhtsì-Gotà ayı edeza ghàyele ha sù goxı sı goghàyele ha họt'e. Zezì-Krı wexè Nòhtsì weza ats'ıtt'e nıdè Weza xè t'asì goghàyele ha họt'e. Zezì-Krı wexè dats'ıtt'a nıdè goxı sı wexè enıyah deè goghàhòt'à ha họt'e.

İdaà nıdè goxè enıyah hòzq agode ha

¹⁸ İdaà nihqowo-ıdè Nòhtsì dànı enıyah k'èè gots'ò eghàlaeda ha sù weghq nanihwho nıdè, dı dats'ıtt'aa sù segħa t'asì nùile. ¹⁹ Dı nèe eyıts'ò t'asì hazqò wek'e hòèlù sù İdaà Nòhtsì weza gıgòèht'ı agedle ha sù ts'ò kanıgeèzà họt'e. ²⁰ T'asì hazqò hòèlù sù xè gots'eedi agòjà. Ededı hani ha gıwq-le, eyıts'ò hani edets'ò eghàlagıdà-le, hanikò Nòhtsì sù hani gıxè hòzqò ayìlà. ²¹ Hanikò İdaà nıdè Nòhtsì t'asì hazqò tsıwı ch'à edaxàyele

ha họt'e. Nòhtsı weza agıtt'ee sını k'achı hoııı gots'ò k'àowo hale, t'ası hazqò hòèlı sını gıxè whela ha eyıts'ò enıyah xè sıghà geeda ha.

²² Dıı gots'ò Nòhtsı t'ası hazqò whehtsı sını dagııza họt'e, ts'èko webebia gòhè ha t'à họtse eyı lagòht'e wek'èts'eezò. ²³ T'ası hòèlı zò hanı dagııza nııle, goxı sı Yedayeh Nezıı hòt'a goyı eghàlaeda ats'ıtt'ee sını godzeè t'à họts'eetse họt'e. Łòò Nòhtsı weza ts'ııı ha gòihçı ha, eyıts'ò gozhıı deghàà edaxàzhe ha wekanıts'eèzà xè wek'enats'eèhı. ²⁴ Eyı wekanıts'eèzà t'à edaxàgoazha họt'e. Ayı wekanıts'eèzàa sını gogha wègaat'ı nıdè k'achı wek'enats'eèhı ha nııle, ayı wekanıts'eèzàa sını hòt'a goghọt'ò ne t'à. ²⁵ Hanıkò t'ası wekanıts'eèzàa sını ılaà gots'ò-le nıdè, ts'èwhı wek'enats'eèhı.

²⁶ Eyı xèht'eè edegha nàts'etso-le t'à Yedayeh Nezıı gots'adı xè họtse họt'e. Ayı gha yats'ehtı ha sını deghàà wek'èts'eezò nııle, hanıkò Yedayeh Nezıı họtse ladı xè gogha yahtı họt'e. Danı họtsee sını wegħa yatı whıle họt'e. ²⁷ Nòhtsı godzeè k'èezò sını Yedayeh Nezıı wını sı k'èezò họt'e. Yedayeh Nezıı sını Nòhtsı wını k'èè Nòhtsı wets'ò dò gha yahtı họt'e.

T'ası wıızı Nòhtsı ts'òò agole ha nııle

²⁸ Dò Nòhtsı ghòneètqò sını eyıts'ò wını k'èè gııhçı sını t'ası hazqò t'à gıxè sıghà ayehı wek'èts'eezò họt'e. ²⁹ Nòhtsı amı weza gııı ha nadaà yek'èezò sını Zezi lagede ha nadaà gòihçı ıle. Eyıt'á wechı ıq gıta gots'ò sını Nòhtsı weza ededı denahk'e wet'áazàa elı họt'e. ³⁰ Nòhtsı nadaà dò weza gııı ha gòihçı ıleè sını gokayaıhtı họt'e; dò gokayaıhtı sını ehkw'ı agòòlà; eyıts'ò dò ehkw'ı agòòlàa sını welq whıle ts'ò gıxè enıyah hòzòq agòòlà.

³¹ Eyıt'á eyı wek'èts'eezò nıdè wegħò dàts'edı weli? Nòhtsı goxè họt'e nıdè amı gok'èch'a at'ı weli? ³² Xàè Weza sını edegha yek'èdi-le, hanıkò hazqò gogħa elıwoò ayııla. Hotı gogħa hanı eghàladà nıdè, t'ası hazqò edeza ghàııılaa sını goxı sı ededzeè t'à goghàyele ha wek'èts'eezò. ³³ Nòhtsı dò gòihçı sını ehkw'ı agòòlà ne t'à dò wıızı gok'e nıdahoezà ha dıı. ³⁴ Eyıt'á amı elààts'ehde għa gosınıyahtı ha? Dò wıızı-le! Zezi-Krı gogħa elıwo, gogħa naidà, eyıts'ò dıı Nòhtsı gà nàgots'ehneè wheda xè gok'edaedi họt'e. ³⁵ Zezi-Krı goghòneètqò sını amı eyı ch'á ıak'áà agole ha? Dò wıızı-le! Gogħa hoıla nıdè, gogħa hoezhı nıdè, dàts'ııza nıdè, bò whıle nıdè, gogħa goht'ò whıle nıdè, gogħa hoeıı nıdè, dò elàgòhde ha gııwò nıdè, asıı eyı hazqò t'à Zezi goghòneètqò ch'á agogele ha? ıle ne! ³⁶ Dıı hanı dek'eèht'è:

“Dzè ghàà nets'ıhò elààts'ede ha lanı goxè hòzò, sahzòq elàgııwhı ha lanı gots'ò nageza,” dek'eèht'è.

³⁷ Goxè hanì k'ehokw'o kò, Zezì goghqneètqò sù wets'ihzò goxì hòt'a hots'eèhnq hòt'e. ³⁸ Nòhtsì goghqneètqò sù t'asì wjzì yech'à ìlak'aà agole ha nùle, hotù wek'èts'eezq. Èlààts'edee, ts'eedaa, ehk'èè ìlàà goghqneètqò ha hòt'e. Yak'eet'ì hanì-le-ìdè ìnhì yets'òò agole ha nùle. Dù dànì k'ehokw'oo, ìdaà dàgode ha sù t'à wets'òò agole ha nùle, eyits'ò Nòhtsì dànì goghqneètqò sù ch'à ìlak'aà agogele ha nùle. ³⁹ Ìdòò yat'a k'àhopedè, ìzhù dèè got'ì k'àhopedè eyits'ò Nòhtsì t'asì hazòò whehtsì gots'ò t'asì wjzì sù Nòhtsì dànì goghqneètqò ch'à ìlak'aà agogele ha dù hòt'e, gots'ò K'àowo Zezì-Krì wets'ihzò.

9

Nòhtsì edini k'èè gòihchì hòt'e

¹ Zezì-Krì wedahxà ehkw'ì gohde, naxìts'ò hohts'ì nùle. Yedayeh Nezm sìnì ts'ò k'àowo ne t'à, ayì segha ehkw'ù sù wek'èè naxìts'ò gohde ha: ² Israel got'ì gìghò sù segha dù, eyit'à sedzeè nàntì. ³ Sì sexè hoila eyits'ò Zezì-Krì wets'òò zòseèhdo k'èxa Israel got'ì xàè sèot'ì agùt'ee sù edaxàgùde nùdè, sìnà ha hòt'e. ⁴ Ededì sù xàè wets'ò dò gùlì ha eyits'ò xàè weza gùlì ha Nòhtsì gòihchì hòt'e. Eniyyah t'à Gìnòhtsì elì sù gik'èezòò agòòlà, goxè nakenawhehtsì, Moses wenàowoò goghàzò, Nòhtsì ts'ò yagehtì ha Nòhtsìkò-gocho goghàyzò, eyits'ò edaxàgole ha edeyatù goghàzò jè. ⁵ Gìcho Abraham, Isaac, eyits'ò Jacob gots'ò dò gùlì hòt'e. Dù nèk'e sèot'ì gita gots'ò Zezì-Krì wecho gòlè hòt'e. Zezì ededì t'asì hazòò gha Nòhtsì elì sù welò while ts'ò weghàsòts'eedi welè! Amen.

⁶ Nòhtsì weyatù k'èè agòjà-le ts'ùwò nùdè ehkw'ì ats'ùwò nùle. Israel wets'ihzòò-dòò gùlì sù hazòò Israel got'ì gha gutà nùle. ⁷ Eyits'ò Abraham wets'ihzòò-dòò gùlì sù hazòò Abraham weza gha gutà nùle. Hanikò Nòhtsì Abraham xè yatì whehtsì ekò dù hadì jè, "Isaac wets'ihzòò-dòò ededì zò nets'ihzòò-dòò gha gutà ha," Nòhtsì Abraham ts'ò hadì jè. ⁸ Eyit'à dù hats'edi ha dù-le, Abraham wets'ihzòò-dòò hazòò Nòhtsì weza gha gutà nùle, hanikò Nòhtsì chekoa Abraham ghàyele ha dù sù eyì zò Abraham weza gha gutà ha hòt'e. ⁹ Dù hanì Nòhtsì Abraham xè yatì whehtsì jè, "Eyì nèhòkw'oo ahlà nùdè jò anahde ha, ekò-ìdè Sarah wezaa gòhì ha," yèhdì jè.

¹⁰ Eyì zòò-le, Rebekah weza gità jè zò jè, eyì sù gocho Isaac hòt'e. ¹¹⁻¹² Gìza elèchqekèa gìgòhì kwe, ehkw'ì hogehtsì hanì-le-ìdè ekò-le hogehtsì kwe-t'ù Nòhtsì Rebekah ts'ò dù hadì jè, "Gòjde sù gochì gha eghàlaeda ha," yèhdì jè. Eyì weghàà Nòhtsì dò ayì hòèhtsù sù weghàà dò ìhchì nùle wek'èts'eezq, hanikò Nòhtsì edini k'èè dò ìhchì hòt'e. ¹³ Eyit'à dù hanì dek'eèht'è hòt'e: "Jacob weghqneèhtqò hòt'e, hanikò Esau segha wedè," dek'eèht'è.

14 Nòhtsɪ sù ehkw'ɪ k'ehozà-le ts'edɪ ha nì? Ìle, hats'edɪ ha honàedɪ nùle! 15 Nòhtsɪ Moses ts'ò dɪ hadɪ ìlè,

“Amù ts'ò sɔdehwhɔ ha sù ts'ò sɔdehwhɔ ha. Eyits'ɔ amù eteweèhɔ ha dehwhɔ sù eteweèhɔ ha hɔt'e,” yèhdɪ ìlè.

16 Dɔ wɪnì k'èè hani-le-ìdè yek'èxa eghàlaidà t'à edaxàweetè nùle, hanikò Nòhtsɪ eteyeèɔ t'à edaxàweetè hɔt'e. 17 Nòhtsɪ Nìhtl'è k'e Nòhtsɪ Egypt gha k'àowocho ts'ò dɪ hadɪ, dek'eèhtl'è: “Nì net'à t'asù wɪzì segha dii-le aht'e dɔ gɪk'èezɔ ha t'à dèets'ò-k'àowo nèwhihtsɪ hɔt'e, eyits'ɔ nì net'à ayù dàhle ha sù wet'à dɪ nèk'e dɔ hazɔɔ sɪzì nechàa gehtsɪ ha,” dek'eèhtl'è.

18 Eyit'à Nòhtsɪ amù eteèɔ ha nɪwɔɔ sù eteèɔ hɔt'e, hanikò Nòhtsɪ dɔ yek'èch'a at'ɪ ha nɪwɔɔ sù yek'èch'a at'ì ayehɔ hɔt'e.

19 Naxɪ sets'ò dɪ haahdɪ ha tahkò: “Hani hòɔɔ nɪdè, dànìghɔ Nòhtsɪ ìlè gòk'e nìdahoezà? Nòhtsɪ hanɪwɔ nɪdè dɔ wɪzì yɪnì k'èch'a ade ha dii,” sèahdɪ ha tahkò. 20 Hanikò ayùcho aaht'e dahwhɔ t'à hani Nòhtsɪ ts'ò ek'èt'à goahde weli? “Ed-edɪ gòèhtsɪ sù wek'èch'a gots'ede ha nì? ‘Dànìghɔ dɪ hani sèwheèhtsɪ nɔɔ?’ hats'edɪ dawets'eehke ha nì?” 21 Dɔ ehtl'è t'à tɔ ehtsɪ sù dànì awehle nɪwɔɔ sù k'èè yehtsɪ hɔt'e. Tɔ mòhdaa dzɛ taat'eè wet'àhot'ɪ gha yehtsɪ eyits'ɔ tɔ mòhdaa wèdaat'ɪ xè nàsìdeè wet'àhot'ɪ gha yehtsɪ hɔt'e. Eyit'à dɔ ehtl'è t'à tɔ ehtsɪ sù ayù gha awehle nɪwɔɔ sù wets'ò hoèlì ne sɔnàà?

22 Eyɪ lanì Nòhtsɪ wexè hòɔɔ hɔt'e. Nòhtsɪ dɔ ts'ò wek'èch'a gɪk'èezɔ ha, eyits'ɔ dànì t'asù weggha dii-le wexè hòɔɔ sù dɔ gɪk'èezɔ ha nɪwɔ nɪdè wets'ò hoèlì hɔt'e. Whaà gots'ɔ dɔ xè wek'èch'a kò goxè ts'èwhɪ nɪwɔ ìlè, hanikò godìhohtsɪ ha nɪwɔ nɪdè ededɪ wets'ò hoèlì hɔt'e. 23 Nòhtsɪ dɔ etegoèhɔ sù dànì wexè enìyah hòɔɔ sù dɔ gidzè t'à gɪk'èezɔ ha nɪwɔ t'à, whaà gots'ɔ ts'èwhɪ godanaèhɔ ìlè. Dɔ gɪxè enìyah hòɔɔ ha sù nadaà gòìhchì ìlè. Nòhtsɪ hani eghàlaeda ha wets'ò hoèlì hɔt'e.

24 Goxɪ kò gokayahtɪ hɔt'e; Israel got'ì zɔ gita ts'ò dɔ agòlè-le, hanikò dɔ eyù-le xàɔaa ededɪ sɪ gita gots'ɔ dɔ gokayahtɪ hɔt'e.

25 Nakwenàozɔɔ Hosea wenìhtl'è k'e Nòhtsɪ dɪ hadɪ ìlè k'èè:

“Dɔ sets'ɔ agùt'e-le sù ‘sets'ɔ dɔ agùt'e,’ gèhsɪ ha eyits'ɔ amù gìghonehtɔ-le ìlè sù ‘dɔ gìghonehtɔ agùt'e,’ gèhsɪ ha,” dek'eèhtl'è.

26 Eyits'ɔ dɪ hani dek'eèhtl'è:

“Nòhtsɪ edɪ nèk'e dɔ gots'ò dɪ hadɪ, ‘Sets'ɔ dɔ aaht'e nùle,’ gòhdɪ ìlè sù, eyɪ nèk'e et'ì, ‘Nòhtsɪ Edaa weza agùt'e,’ gòhdɪ ha,” dek'eèhtl'è.

27 Nakwenàozɔɔ Isaiah Israel got'ì goghɔ hadɪ ezeh ìlè:

“Israel got'ì sù lɔ ade ha. Tabàa ewaà dàtlɔɔ sù eyɪ laàtlɔɔ agede ha. Lɔ geet'è kò, lɔ-lea zɔ edaxàdè ha. 28 Gots'ò K'àowo ìwhàà edeyatì k'èè eghàlaeda ha xè dɪ nèk'e dɔ hazɔɔ ìwhàà nàgòehkwa ha,” dek'eèhtl'è.

29 Inèè nakwenàozqo Isaiàh dàdu sù eyi lanì:

“Gots'ò K'àowo t'asù wegħa dùi-le sù gots'ihʔòq-dòq goghàyyìla-le nìdè, gòet'ì hazqò gidihòlè ha ìlè. Kòta Sodom eyits'ò kòta Gomorah dò gixè dàgòjàa sù goxì goxè hagode ha ìlè,” Isaiàh hadi, dek'eèht'è.

Israel got'ù gigha ehkw'ì-ahodi-le

30 Eyit'à ayì awèts'edi? Dii awèts'edi hòt'e: Dò Israel got'ù agüt'e-le kò, eyits'ò Nòhtsì għa ehkw'ì agüt'e għa hòt'ò eghàlagüda-le kò, gigha ehkw'ì-ahodi t'à Nòhtsì xè ehkw'ì agüt'eè agejà. 31 Israel got'ù Moses wenàowoò t'à ehkw'ì agede ha hogeèhdzà, hanikò ìlè Nòhtsì għa ehkw'ì agede ha dùi. 32 Dànìghò ehkw'ì agede ha dùi? Moses wenàowoò k'ègedì wet'òò ehkw'ì agede ha gūwò ìlè, hanikò Nòhtsì gigha ehkw'ì-ahodi-le t'à ehkw'ì agede ha dùi. “Kwe wek'edats'ütàa” sù wetegeet'ì ìlagejà. 33 Eyì kwe wegħò dui hani dek'eèht'è:

“Hotù àhkw'o, Jerusalem ekò kwe wheʔòq ahlà, wet'à dò lò wetegeet'ì lagede ha, hanikò amù eyi kwe ghò wini nàtsoo sù ìzhaelì awedle hòlì ha nùlè,” dek'eèht'è.

10

1 Sèot'ù, Israel got'ù edaxàgeedè għa sedzeè nànutì, eyi għa gigha yahtì hòt'e. 2 Gighò dui haehsì ha: Ededzeè t'à Nòhtsì wini k'èè eghàlageeda ha gūwò. Nòhtsì għa hòt'ò eghàlageeda kò Nòhtsì wenàowoò degħàà k'ègeezò-le. 3 Dànì Nòhtsì ehkw'ì agohʔù sù gik'èezò-le, hanikò edek'èè ehkw'ì agede ha gūwò. Eyì ts'ihʔò Nòhtsì wek'èè ehkw'ì ats'edee nàowoò k'èagüt'e-le. 4 Zezì-Krì Moses wenàowoò degħàà yegħàlaidà hòt'e. Hajà t'à dò gigha ehkw'ì-ahodii sù ehkw'ì agede ha.

5 Eyì nàowo wet'à ts'eedaa t'à ehkw'ì ats'et'ù sù Moses yegħò üt'è ìlè, “Dò eyi nàowo hazqò yegħàlaeda nìdè, yek'èxa eda ha hòt'e,” hadi ìlè. 6 Hanikò gogħa ehkw'ì-ahodi t'à ehkw'ì agòidlà nìdè, dui hats'edi ha: “ ‘Amù idòò yak'e ts'ò ade ha, (Zezì-Krì hodàts'eechì ha t'à)?’ naxidzeè yì haahdi-le,” edèts'edi ha. 7 Eyits'ò dui hats'edi ha: “ ‘Amù izhù gòqwà dèè yì gòqʔaa ts'ò ade ha, (Zezì-Krì k'achì naidà ats'ele għa)?’ haahdi-le,” edèts'edi ha. 8 Hanikò Nòhtsì Nìht'è k'e dui hani dek'eèht'è: “Nòhtsì hòt'a yatì naxìghàehʔò ìlè. Eyì yatì sù naxìwà yì wheʔò, eyits'ò naxidzeè yì wheʔò,” dek'eèht'è. Eyì yatì gogħa ehkw'ì-ahodii sù wegħò gots'edee ats'edi, eyits'ò wet'à hogħànaxets'eehtò. 9 Naxìwà t'à, “Zezì gots'ò K'àowo hòt'e,” haahdi nìdè eyits'ò Nòhtsì naidà ayìllàa sù naxidzeè t'à naxìgha ehkw'ì-ahodi nìdè, edaxànaxeetè ha hòt'e. 10 Naxidzeè t'à Nòhtsì naxìgha ehkw'ì adì nìdè, ehkw'ì anaxedle ha hòt'e, eyits'ò naxìwà t'à “Segħa ehkw'ì-ahodi,” dahdi nìdè Nòhtsì edaxànaxeetè ha hòt'e. 11 Nòhtsì Nìht'è k'e dui hani

dek'eèhtf'è, “Amì wegħa ehkw'1-ahodù sù ayì danaèh2ù sù wegħòt'à ha hòt'e,” dek'eèhtf'è. ¹² Israel got'ù eyits'ò dọ eyì-le xà2aa sù Nòhtsì eładı gots'ò eghàlaeda nùle. Dọ hazòò eèht'eè gots'ò K'àowo eł hòt'e, eyits'ò dọ hazòò wegħò gini nàtsoo sù de2òò gixè sìghà hò2ò agoh2ì. ¹³ Dù hanì dek'eèhtf'è, “Dọ hazòò gots'ò K'àowo ghò gini nàtsoo sù edaxàgeedè ha hòt'e,” dek'eèhtf'è.

¹⁴ Hanìkò gìgha ehkw'1-ahodù-le nùdè, dànì wegħò gini nàtsoo ha weli? Eyits'ò gots'ò K'àowo ghò egùkw'o-le nùdè dànì gìgha ehkw'1-ahodù weli? Eyits'ò wegòdù t'à dọ gots'ò gojde-le nùdè dànì egeèhk'ò weli? ¹⁵ Eyits'ò gots'ò K'àowo dọ gojh2à-le nùdè, dànì wegòdù nezù t'à gots'ò gogede weli? Dù hanì dek'eèhtf'è: “Dọ godì nezù gots'ò nì2òò sù wegħò sù goinà hòt'e!” dek'eèhtf'è.

¹⁶ Hanìkò Israel got'ù hazòò godì nezù gìgha ehkw'1-ahodù nùle. Nakwenàò2òò Isaiah dù hadì jìlè, “Sets'ò K'àowo, amì goyatù gìgha ehkw'1-ahodù?” hadì, dek'eèhtf'è. ¹⁷ Eyit'à godì nezù ts'eèhk'ò nùdè wet'à gogħa ehkw'1-ahodù ats'et'ì, eyits'ò Zezì-Krì wegòdù nezù ghò gogede t'à dọ yatì egùkw'o hòt'e. ¹⁸ Eyit'à Israel got'ù godì nezù egùkw'o nì? Hè2e, godì nezù egùkw'o jìlè. Eyì ghò dù hanì dek'eèhtf'è,

“Dù nèk'e dọ hazòò ts'ò agejà t'à, eyì godì nezù t'à dọ xè gogedo jìlè. Nìwàa nèk'e dọ ts'ò godì nezù nègù2ò jìlè,” dek'eèhtf'è.

¹⁹ Eyits'ò Israel got'ù godì nezù ginièdì-le nì? Hè2e, godì nezù ginièdì jìlè. Moses t'akwełòò yegħò dù hadì jìlè,

“Naxì Israel got'ù aah'tee sù dọ t'asì gùlì-le sù gìghò ts'oxoahdù anaxehle ha. Dọ Nòhtsì wenàowoò k'ègeezò-le sù gìghò naxìk'èch'a anaxehle ha,” hadì, dek'eèhtf'è.

²⁰ Eyits'ò nakwenàò2òò Isaiah eyì ghò edèdaedì-le xè dù hadì xàyałhtì,

“Dọ sehagùwò-le sù segogùh2òò agèhà, eyits'ò dọ sehğò dageehke-le sù sek'ègeezòò agèhà,” hadì, dek'eèhtf'è.

²¹ Hanìkò Israel got'ù gogħò dù hadì,

“Dọ sek'èagùt'e-le eyits'ò sek'èch'a eghàlageedaa sù t'aats'òò silà gits'ò aahwhò,” dek'eèhtf'è.

11

Nòhtsì Israel got'ù mòhdaa edegħa gòihchi

¹ Eyit'à Nòhtsì edets'ò dọ 2ògoèhde nì? Jìle ne! Sù xàè Israel got'ù aht'e, Abraham wets'ih2òò-dòò aht'e, eyits'ò Benjamin wets'ih2òò-dòò aht'e. ² Nòhtsì amì weza gùlì ha nada2à yek'èezòò sù 2ògoèhde nùle. Nòhtsì Nìhtf'è k'e nakwenàò2òò Elijah wegħò ayì dek'eèhtf'èe sù ghò nàniàhdè. Elijah Israel got'ù k'èch'a Nòhtsì ts'ò xàyałhtì, hadì, ³ “Sets'ò K'àowo, nets'ò nakwenàò2òò ełàagògùhdè, eyits'ò kwe-ladà wek'e nets'ò

t'asì k'èek'òq sù nàgùzhì. Nets'ò nakwenàozòq gha sù zò elààsegùhwho-le, hanikò dii sù elààsegèhwhì ha hogeèhdzà," hadi. ⁴ Nòhtsì Elijah ts'ò dii hadi, "Dò lòhdì-lemì edegha gik'èhdi hòt'e. Baal ts'ò nàgògùghè xè wets'ò yagùhtì while," yèhdi. ⁵ Dii eyi lagòht'e, Nòhtsì wesònwòq ts'ihzò Israel got'ù mòhdaa edegha gòjhchì t'à. ⁶ Wesònwòq ts'ihzò hanì gots'ò eghàlajdà nùdè, weggha nezù hots'èhtsì k'èxa agòòlà niile. Nezù hots'èhtsì k'èxa gòjhchì nùdè, Nòhtsì wesònwòq ts'ihzò gòjhchì ts'edi ha dii.

⁷ Eyi wegghò dàts'edi weli? Israel got'ù t'asì gha hòt'ò eghàlagùdàa sù eyi gùghòt'ò-le, hanikò dò eyi-le Nòhtsì gòjhchì sù eyi gùghòt'ò hòt'e. Dò gòjhchì-le sù gikwì nàtsoò agiùdlà. ⁸ Dii hanì gùghò dek'eèht'è:

"Nòhtsì sù gidzè yù elàagùdè lagòòlà. Eyi ts'ihzò dii gots'ò ededaà t'à k'ègeet'ì-le eyits'ò ededziùkw'òq t'à egeèhk'òq-le," dek'eèht'è.

⁹ Eyits'ò K'òowochò David dii hadi dek'eèht'è:

"Ayù ghò shègezhee sù gùgha ehdzodù welè, eyit'à ededi et'ù gik'èchùtla ha. Wet'à dagùt'è welè, eyits'ò dànì eghàlagùdà k'èxa dagùzaa welè. ¹⁰ Gidaà goùle welè, hanì-ùdè k'ègeet'ì ha-le, eyits'ò welò while ts'ò ginòkw'òq whezòo awede," dek'eèht'è.

Dò Israel got'ù agùt'e-le sù kw'ihchù degai lagùdlà

¹¹ Israel got'ù hodàgeèt'ì t'à k'achù negùdè ha dii nì? Ìle ne! Hanikò gihòhù ts'ihzò Nòhtsì edaxàgolee wegodi sù dò eyi-le xàzaa gùts'ò adlà. Hanì t'aa Nòhtsì sù Israel got'ù dò eyi-le xàzaa ts'ò dagùzaa agòòlà. ¹² Israel got'ù hòhù hogèhtsì ts'ihzò dii nèk'e dò hazòq xàzaa gixè sighà hòzò hòt'e. Dii hagòht'e nùdè, Israel got'ù hazòq Nòhtsì ts'ò agejà nùdè, dò eyi-le sù denahk'e gixè eniyyah agode ha hòt'e.

¹³ Naxì Israel got'ù aah't'e-le sù naxits'ò gohde hòt'e. Nòhtsì Israel got'ù agùt'e-le sù gùts'ò sùhza aht'e, eyit'à godì nezù gùts'ò ahle ha hòt'ò eghàlaehda hòt'e. ¹⁴ Naxìgha eghàlaehda t'à edahxò xàè sèot'ì naxìghò ts'ohogeedi ageehle ha dehwhò, hanì-ùdè mòhdaa edaxàgeedaà ageehle ha weli. ¹⁵ Nòhtsì Israel got'ù zògoèhde t'à dii nèk'e dò Nòhtsì xè ts'èwhù geedaà agejà hòt'e. Ekò Israel got'ù Nòhtsì nagòchì nùdè wegghò eniyyah nechà ha hòt'e; elàagùdè gots'ò nagidà lagede ha. ¹⁶ Lèts'èhdù wets'ò mòhdaa Nòhtsì ghàts'ùdù sù degai hòt'e nùdè, lèts'èhdù hazòq degai ihlè hòt'e. Ts'ì wegghochù degai hòt'e nùdè, wekw'ihchù sù hazòq degai hòt'e.

¹⁷ Wekw'ihchù mòhdaa dahchiatò, eyits'ò naxì ts'ì nezù-le wekw'ihchù laah't'ee sù ts'ì nezù wekw'ihchù ta anaxiùdlà laah't'e. Eyit'à dii sù ts'ì nezù wegghochù t'à dahshe lanì hòt'e. ¹⁸ Eyi kw'ihchù dahchiatò sù ginahk'e ats'ùt'e dahwhò t'à, edegghò xàdahoahdì-le. Haahdi nùdè dii wegghò nàniahdè: Naxì

sì ts'i weghochjì nàtsoò aahwhò nùle, hanikò ts'i weghochjì sì nàtsoò anaxjìhwhò họt'e. ¹⁹ Eyit'à dui haahdi ha sòni, "Wetl'axòò nìsùhètè ha t'à ts'i wekw'ihchjì dahchjatò họt'e," dahdi ha tahkò. ²⁰ Eyi sì ehkw'1 t'ùt'e, Nòhtsì gìgha ehkw'1 adi-le t'à dahchjìatò jìlè. Naxì Nòhtsì naxìgha ehkw'1-ahodi t'à, eyi ts'i wets'ò kw'ihchjì aah't'e anaxiìdlà họt'e. Eyit'à xàhoahdi-le, hanikò edeghò dahjì welè. ²¹ Nòhtsì eyi ts'i xàè wets'ò kw'ihchjì gìgha ehkw'1-ahodi-le k'èxa nàyùzhì nùdè, naxì ayiha naxik'èdì weli?

²² Eyit'à Nòhtsì weghò naniahdè; ededi sì wèhoedi-le eyits'ò wedzeè sòniwò. Dò gìgha ehkw'1-ahodi-le sì gots'ò wèhoedi-le, hanikò naxits'ò wedzeè sòniwò họt'e. T'aats'òò weggha naxini nàtsoò aahwhò nùdè naxits'ò wedzeè sòniwò ha. Ekò haaht'e-le nùdè eyi kw'ihchjì lanì naxik'ùzhì ha họt'e. ²³ Israel got'jì edinì ladjì agjìlà nùdè eyits'ò Nòhtsì gìgha ehkw'1-ahodi agejà nùdè eyi ts'i k'e niagòwa ha, Nòhtsì sì k'achjì ts'i k'e niagòwa ha weggha dii-le họt'e t'à. ²⁴ Naxì sì ts'i nezì-le gots'ò xànaxiat'a gà ts'i nezì k'e ts'ò anaxiìdlà họt'e, eyi wenaahdi-le sòò. Eyi ts'i xàè wekw'ihchjì aah't'e nùle kò, dii wek'e dahshe họt'e. Ekò eyi ts'i xàè wets'ò kw'ihchjì dahchjatòò sì xàè wets'ò ts'i k'e ts'ò anagiìdlà nùdè denahk'e nezì dehshe ha họt'e!

Israel got'jì hazòò edaxàgeedè ha

²⁵ Sèot'jì, dui t'asì eniyyah dezì whezòò sì wek'èahsò ha naxeehwhò. Hanì-ìdè xàhoahdi aahde ha nùle. Israel got'jì agjìt'e-le gita gots'ò dò hazòò edaxàgeedè gots'ò, Israel got'jì gikwì dezhi ha. ²⁶ Eyi t'axòò Israel got'jì hazòò edaxàgeedè ha. Dui hanì dek'eèht'è k'èè:

"Edaxàgolee eljì sì Jerusalem gots'ò nùtla ha, Jacob wets'ihzòò-dòò sì hojì hogehtsì ch'à agole ha. ²⁷ Eyits'ò gihòjì gighò nahoehtè ha nùdè, gixè nakenahohtsì ha," dek'eèht'è.

²⁸ Naxixè sìghà hòzò ha t'à godi nezì gìgha wedè agjìlà eyits'ò Nòhtsì k'èch'a agjìt'e. Hanikò Nòhtsì gocho Abraham, Isaac eyits'ò Jacob gòihchì ts'ihzò Israel got'jì goghòneètò wek'èts'eezò. ²⁹ Nòhtsì sì t'asì dò ghàyele, eyits'ò dò kayahti nùdè, edinì eladi ayehzì nùle. ³⁰ Inèè naxì sì Nòhtsì k'èaht'e-le jìlè, hanikò Israel got'jì Nòhtsì k'èagjìt'e-le ts'ihzò dui Nòhtsì naxits'ò wedzeè eteèzì họt'e. ³¹ Eyit'à dui sì Israel got'jì ededi sì Nòhtsì k'èagjìt'e-le họt'e. Hanikò Nòhtsì naxits'ò wedzeè eteèzì sì gìgha wègaat'jì ts'ihzò ededi sì gìgha ehkw'1-ahodi agode ha, eyit'à Nòhtsì gots'ò wedzeè eteèzì ha. ³² Dò hazòò Nòhtsì k'èagjìt'e-le t'à, Nòhtsì ginìhì gits'ò k'àoowoò agòòlà. Hanì-ìdè dànì gots'ò wedzeè eteèzì sì dò hazòò gik'èezòò agole ha.

Nòhtsì weghàsòts'eedi welè

33 Nòhtsı sù gòzqò xè t'ası hazqò k'èhoezq ts'ıh2ò Nòhtsı gogha enıyah hq't'e!

Wını nıts'eedı ha dıı eyıts'q edıı wetlıı nı2aa sıı wek'èts'eezq-le!

34 Dıı hanı dek'eèht'è,

“Amıı gots'ò K'àowo wını k'èhoezq? Amıı dıı hanı eghàııda yèhđı? Dq wıı2ıı-le!”

35 “Dq Nòhtsı ghà-t'asıı-yıı2q t'à Nòhtsı ek'èt'a yets'ò2eehđı ha nı? Dq wıı2ıı-le!” dek'eèht'è.

36 Nòhtsı t'asıı hazqò whehtsı, t'asıı hazqò wets'q hq't'e, eyıts'q t'asıı hazqò wegħa hq't'e.

Welq whıle ts'ò wegħàsqts'eedı welè! Amen.

12

Gozhıı hazqò t'à Nòhtsı ghàdets'ıtè ha hq't'e

¹ Eyıt'à sèot'ıı, Nòhtsı etegoò2ı wek'èts'eezq ne t'à dıı haehsıı naxıghonàdaehtı: Naxı2hıı hazqò t'à Nòhtsı ghàdeahde eyıts'q wegħa zq aahda. Degai k'èè aahda welè, Nòhtsı wını k'èè hoahstı welè. Haaht'e nıdè Nòhtsı wegħa nezıı k'ehoah2a ha hq't'e. ² Dıı nèk'e dq dani geedaa sıı gık'èè k'ehoah2a-le, hanıkò naxını eladıı adla k'èè aahda. Hanıı-ıdè Nòhtsı ayıı wını k'èè ne sıı degħaa wek'èahsqò aahde ha. Nòhtsı ayıı wegħa nezıı xè degai ne sıı, eyıts'q ayıı wegħa sıghà ne sıı wek'èahsqò aahde ha.

³ Nòhtsı wesqıwq seghòt'q wedahxà naxıts'ò dıı haehsı: T'asıı deè ats'ııt'e dahwhq t'à de2òq edegħq nàııahde-le, hanıkò ehkw'ı edegħq nàııahde. Nòhtsı naxını dānāıhtsoò ayııla k'èè edegħq nàııahde. ⁴ Goxı hazqò gozhıı ııè zq gòhıı hanıkò wets'q t'asıı ıq gok'e whela hq't'e. Eyı t'asıı gok'e whelaa sıı hazqò elèht'eè eghàlageeda nııle. ⁵ Goxı Zezi-Krı wexè ats'ııt'ee sıı goxè hagòht'e. Goxı ıq ts'et'eè ats'ııt'e kò gozhıı ııè zq lanı, eyıts'q elèts'q ats'ııt'e. ⁶ Wesqıwq ts'ıh2ò goxı hazqò t'asıı wet'à-ats'et'ıı ha Nòhtsı goghayııla hq't'e. Dq Yedayeh Nezıı dahxà xayahtı ha wegħahòt'q nıdè wını dānāıhtsoo sıı k'èè yet'awet'ıı. ⁷ Dq ts'adı ha wegħahòt'q nıdè yek'èè eghàııdà. Dq hogħaehq ha wegħahòt'q nıdè yek'èè eghàııdà. ⁸ Dq wını nātsoò ayele ha wegħahòt'q nıdè, yek'èè eghàııdà. T'asıı t'à dq ts'adı ha wegħahòt'q nıdè ededzeè t'à yek'èè eghàııdà. K'àowo elı ha wegħahòt'q nıdè yek'èè hòt'ò eghàııdà. Dq ts'ò wedzeè etè2ı ha wegħahòt'q nıdè wınà xè yek'èè eghàııdà.

Ełegħqnets'eètq ha hq't'e

⁹ Naxıdzeè t'à dq ghqııahtq. Hoııı-nàowò sıı wedzaahwhq, hanıkò t'asıı ehkw'ı xè nezıı sıı wedeahchı-le. ¹⁰ Elèot'ıı lanı naxıdzeè t'à ełegħqııahtq. Edenahk'e dq eyıı-le gıt'āhoò2à dahwhq ha hq't'e. ¹¹ Naxını nātso-le awede-le, hanıkò gots'ò

K'àowo wegħa hòt'ò eghàlaahda. ¹² Idaà naxixè sìghà hòzò ha t'à naxinà welè, naxìgha hoìla nìdè wexè ts'èwhjì aahda eyts'ò t'aats'òò yaahti. ¹³ Nòhtsì wets'ò dò etegeèt'ù sù t'asì t'à gits'àahdi. T'aats'òò dò għa enixànùtò aahwhò.

¹⁴ Dò danaxegìhzaa sù gìgha yaahti; gits'ò hoìla agode ha dahwhò-le hanikò gits'ò nezjì aahdi. ¹⁵ Dò ginà nìdè, gixè naxinà welè. Dò ts'òògìwò nìdè gixè ts'òòdahwhò. ¹⁶ Ts'èwhjì elèxè aahda. Xàhoahdi-le. Dò t'asì gùlì-le sù gixè aah't'. Gìnakh'e ats'ùt'e dahwhò-le.

¹⁷ Dò naxits'ò hojù eghàlageeda nìdè ek'èt'à gits'ò hojù eghàlaahda-le. Dò hazòò gìgha ayì ehkw'ù sù hotì wek'èè weghàlaahda. ¹⁸ Naxìgha dii-le nìdè, eyts'ò naxits'ò hoèlì nìdè dò hazòò gixè ts'èwhjì aahda. ¹⁹ Seàgìà, ek'èt'à dò gits'ò hojù eghàlaahda-le. Nòhtsì ededì dò nàgoehkwa ha wets'ò hoèlì aahlè. Dì hanì dek'eèht'è: "Sì sù dò ayì dàgùlaa k'èxa hoìla gìghàhoehzà ha," gots'ò K'àowo hadì, dek'eèht'è. ²⁰ Hanikò dù haah't'ì ha hòt'e:

"Dò naxits'ò xànìzaa sù bò għaewì nìdè t'asì weghàahdi, tì nìwò nìdè tì wàahdi. Haah't'ì nìdè kòkwù-dèk'òò wekwì k'e nìahwha lani ha," dek'eèht'è.

²¹ Nàowohù naxìdaèt'è aahlè-le, hanikò nezjì dò ts'ò k'ehoahza t'à ginàowohù wedaàht'e.

13

K'aodèe gik'èats'ùt'e ha hòt'e

¹ Dò hazòò dèe-ts'ò-k'àowo k'èagùt'e ha hòt'e. K'aodèe gùlù sù ededahxà eghàlageeda nùle, hanikò Nòhtsì dahxà eghàlageeda hòt'e, Nòhtsì hanì hòzòò ayjìlà t'à. ² Eyit'à dò dèe-ts'ò-k'àowo k'èit'e-le nìdè, Nòhtsì dò għa nàowo whehtsù sù k'èit'e nùle. Amì hat'ù sù edesìniyahtì at'ì hòt'e. ³ Dò ehkw'ì eghàlageedaa sù k'aodèe ts'àgeejì nùle, hanikò dò ekò-le eghàlageedaa sù, k'aodèe ts'àgeejì ha hòt'e. Eyit'à k'aodèe ts'àahjì ha-le dahwhò nìdè, ayì ehkw'ù sù weghàlaahda. Hanì-ìdè k'aodèe gùlù sù naxìghò nezjì agedì ha. ⁴ Naxits'ò nezjì eghàlageeda ha Nòhtsì għa eghàlageeda hòt'e. Hanikò ekò-le eghàlaahda nìdè dahjì ha hòt'e, k'aodèe gùlù sù gik'èaht'e-le k'èxa hoìla anaxegele ha hòt'e. Nòhtsì għa eghàlageeda hòt'e, eyts'ò Nòhtsì dahxà dò wejù sù dagùzaa agogele ha hòt'e. ⁵ Eyit'à k'aodèe gùlù sù gik'èaht'e ha naxìgha wet'aaza hòt'e. Danaxegìhzaa ha sònì dahwhò zò t'à gik'èaht'e-le, hanikò naxìdzeè t'à ehkw'ì dahwhò ts'ìhòò gik'èaht'e.

⁶ Nòhtsì għa eghàlageeda eyts'ò eyì la gìgha whezò ne t'à dèe-ts'ò-k'àowo ts'ats'eehdi ha hòt'e. ⁷ Eyit'à dò ts'ò naxình't'è gòhì nìdè naxình't'è naahlè. Dèe-ts'ò-k'àowo ts'ats'eehdi ts'òòhk'e naxình't'è nìdè naxình't'è naahlè. Eyts'ò k'aodèe hazòò

gıts'ò nezıı naahza xè gıghàhoahdı ha hòzò nıdè, hanı gıts'ò naahza.

Dzè nàtsoo ts'ò hawe

⁸ Naxııhtı'è gòhı welè-le. Enıhtı'è ı̀è zò t'aats'òò gots'ò ha sıı ełeghònets'eètò eyı họt'e. Eyı t'aats'òò naxııhtı'è eı ha họt'e, eyıts'ò t'aats'òò wek'e eghàlaahda ha họt'e. Dò hazòò ghòniahtò nıdè nàowo hazòò k'èaht'e họt'e. ⁹ Moses wets'ò nàowodeè wek'èahsò họt'e: “Ełexè hoıı hoahtsı-le,” “Dò ełaaahwhı-le,” “Aahzı-le,” “Dò t'ası wets'ò sıı weahwhò-le,” eyıts'ò nàowo eyı-le hazòò gha sıı dıı nàowo ı̀è weghò ahodı họt'e: “Edeghòniahtò lanı naxèot'ı gıghòniahtò,” dek'eèhtı'è. ¹⁰ Dò gıghòniahtò nıdè, gıts'ò hoıı eghàlaahda ha nııle. Eyıt'à ełeghònets'eètò nıdè Moses wenàowoò deghàà weghàlats'ıdà gha ità họt'e.

¹¹ Dıı nèk'e dıı dàgot'ıı sıı wek'èahsò ne t'à hanı elets'ò eghàlaahda. Hòt'a ts'ıahwhı lanı ha nıhòqwo. Gots'ò K'àowo edaxàgole ha ts'ò whaà-le agòjà. T'akwelòò gogha ehkw'ı-ahodı gots'ò sıı dıı hòt'a denahk'e wets'ò whaà-le agòjà. ¹² To k'àhdzò wetehoòwo t'e, whaà-le-t'ıı goxè dzèh agode ha. Eyıt'à to dò t'ası weıı k'alagedèe sıı wedè ats'ııle, dzèh eghàlats'eeda gha edexè sınıhots'ıızà ha họt'e. ¹³ Dzèh dò geeda lanı ehkw'ı ts'eeda ha họt'e. Ts'edò xè ts'ızò-hots'eezà welè-le, gozhıı t'à hoıı k'alats'edèe welè-le, elets'ò nàyats'ehtı welè-le, eyıts'ò ełeghò ts'ohots'eedi welè-le. ¹⁴ Hanıkò dıı haahıt'ı: Gots'ò K'àowo Zezı-Krı wıı k'èè aahda. Dànı gonııı k'èè k'ehots'ezaa sıı ghò nàıahdè-le.

14

Dò gıni nàtso-le eyıts'ò dò gıni nàtso

¹ Dò wıı nàtso-le sıı wedè aahle-le, t'ası wet'àazà-le k'èxa wek'e nıdahoahtà-le. ² Dò mòhdaa gıni nàtso t'à t'ası hazòò xàzaa ghò shègezhe ha gıgha t'asanıle, hanıkò dò mòhdaa gıni nàtso-le t'à dèe gots'ò t'ası dehshee zò ghò shègezhe. ³ Dò t'ası hazòò xàzaa ghò shètıı sıı dò hanı nàowo gıtò-le sıı gınahk'e dò nezıı aht'e edeewò ha nııle. Eyıts'ò dò t'ası hazòò xàzaa ghò shètı-le sıı dò hat'ıı sıı yesınıyaehıtı ha nııle, Nòhtsı sıı eyı dò edeza eı gha yııhchı ne t'à. ⁴ Eyı dò wets'ò k'àowo anet'e nııle t'à wesınıyaahıtı ha nııle. Dò nezıı eı, hanı-le-ıdè dò nezı-le eı sıı wets'ò k'àowo wets'ò hoèı họt'e. Gots'ò K'àowo dò nezıı eıı ayele ha dıı-le t'à dò nezıı eı k'èè wıtà ha.

⁵ Dò ı̀è dzèè hazòò nahk'e dzè ı̀è wegħa degaı họt'e. Hanıkò dò eyı-le wegħa dzè hazòò ełèht'eè họt'e. Dò hazòò xàè gıni t'à dànı ehkw'ı agııwòò sıı k'èè geeda ha họt'e. ⁶ Dò dzè ı̀è wegħa denahk'e eı nıdè, gots'ò K'àowo wııà hohtsı gha at'ı họt'e. Dò bò edèe sıı Nòhtsı ts'ò ması nıwò t'à, gots'ò K'àowo

wɪnà hohtsɪ ɣha at'ɪ hɔt'e. Eyits'ɔ dɔ bò edè-le sɪ gots'ò K'àowo wɪnà hohtsɪ ɣha at'ɪ xè Nòhtsɪ ts'ò masi nɪwɔ hɔt'e. ⁷ Gota gots'ɔ dɔ wɪzɪ edegha zɔ eda nɪle, eyits'ɔ dɔ wɪzɪ edegha zɔ ɛlaàwɪ nɪle. ⁸ Ts'eeda nɪdè gots'ò K'àowo wegħa ts'eeda hɔt'e, eyits'ɔ ɛlaàts'ewɪ nɪdè wegħa ɛlaàts'ewɪ hɔt'e. Eyit'à ts'eedaa, ts'eeda-le ehk'èè t'aats'ò gots'ò K'àowo wets'ɔ dɔ ats'ɪt'e hɔt'e.

⁹ Eyɪ ɣha Zezì-Krɪ ɛlaɪwo eyits'ɔ naìdà, eyit'à dɔ geeda eyits'ɔ dɔ ɛlaɪdèe gogħa k'àowo whelɪ. ¹⁰ Eyit'à dànìghɔ naxèot'ɪ ɣisɪnɪyaahɪ? Eyits'ɔ dànìghɔ naxèot'ɪ t'asɪ ɛɪ-le k'èè wets'ò naahza? Goxɪ hazɔò Nòhtsɪ nadaà nàts'eèhza ɣà gosɪnɪyaetɪ ha hɔt'e wedaàniahdè welè. ¹¹ Dɪ hanì dek'eèht'è hɔt'e:

“Gots'ò K'àowo du hadɪ, 'Xàè suzì dahxà du haehsɪ hɔt'e, Dɔ hazɔò sets'ò nàgògehɣè ha, eyits'ɔ dɔ hazɔò, Nòhtsɪ aht'e sègedɪ xè seghàsɔgeedɪ ha hɔt'e,” dek'eèht'è.

¹² Eyit'à dɔ hazɔò Nòhtsɪ ts'ò edegħɔ gogede ha hɔt'e.

¹³ Eyit'à ɛɛsɪnɪyats'ehtɪ welè-le. Naxèot'ɪ naxɪt'à hoħɪ hogehtsɪ ch'à naxɪnɪ nàtsò aahwhɔ xè edek'eahdɪ. ¹⁴ Gots'ò K'àowo wexè ehda hɔt'e, eyit'à wegħɔ shèts'ezhee wɪzɪ sɪ hoħɪ nɪle hotɪ wek'èehsɔ hɔt'e. Hanikò dɔ wegħa wets'æt'ɔ nɪdè wegħa hoħɪ hɔt'e. ¹⁵ Ayɪ ghɔ shèahzhee sɪ wets'ihzò naxèot'ɪ ekɔ-le eghàlaeda xè daɪza nɪdè, ɛɛghɔnets'eètɔ sɪ wek'èè aahda nɪle. Zezì yegħa ɛlaɪwo hɔt'e, eyit'à ayɪ ghɔ shèahzhe ts'ihzò wedɪhoahɪsɪ-le. ¹⁶ T'asɪ naxɪgha nezɪ dahwhɔ sɪ wet'à dɔ ɣha hoħɪ welè-le. ¹⁷ Nòhtsɪ wenàowoò sɪ dɔ shègezhee eyits'ɔ t'asɪ gedɔ hanɪ ghɔ nɪle, hanikò Yedayeh Nezɪ wedahxà ehkw'ɪ ts'eedaa, goxè sìghà hòzɔɔ eyits'ɔ godzèè t'à goinàa, eyɪ ghɔ ahodɪ hɔt'e. ¹⁸ Dɔ hanì Zezì ɣha geedaa sɪ Nòhtsɪ wɪnì k'èè aget'ɪ hɔt'e, eyits'ɔ dɔ sɪ ɣha nezɪ aget'ɪ hɔt'e.

¹⁹ Eyit'à ɛɛxè ts'èwhɪ ts'eeda ɣha hòt'ò eghàlats'eeda welè, eyits'ɔ ɛɪnɪ nàtsò hots'ehtsɪ ha ɛɛts'àts'edɪ welè. ²⁰ Bò ghɔ shèahzhe ts'ihzò Nòhtsɪ dànì dɔ xè eghàlaedaa sɪ wedɪhoahɪsɪ-le. Wegħɔ shèts'ezhee hazɔò nezɪ hɔt'e, hanikò bò ghɔ shèts'ezhee sɪ wets'ihzò dɔ hoħɪ hohtsɪ nɪdè eyɪ sɪ ehkw'ɪ nɪle. ²¹ Bò ghɔ shèts'ezhe-le, jìetɪ ts'edɔ-le eyits'ɔ t'asɪ wet'à naxèot'ɪ hoħɪ hohtsɪ ha sɪ k'alats'edè-le nɪdè eyɪ denahk'e nezɪ hɔt'e.

²² Eyit'à eyɪ wegħɔ dànì naxɪgha ehkw'ɪ-ahodɪ sɪ naxɪ eyits'ɔ Nòhtsɪ sɪ zɔ wek'èahsɔ welè. Amɪ t'asɪ wegħa ehkw'ɪ hɔt'e sɪ k'èè eda nɪdè, wegħa sìghà hɔt'e. Eyɪ dɔ sɪ edɪnì k'èch'a edesɪnɪyahtɪ nɪle. ²³ Hanikò amɪ wegħa hotɪ-le kò ɪaà yegħɔ shètɪ nɪdè eyɪ dɔ wesɪnɪyaetɪ hɔt'e, wegħa ehkw'ɪ-ahodɪ k'èè eda-le ts'ihzò. T'asɪ hazɔò wegħàlats'eedaa sɪ gogħa ehkw'ɪ-ahodɪ k'èè-le nɪdè eyɪ gogħa hoħɪ hɔt'e.

15

¹ Goxɪ eyɪ hanɪ ghɔ goni nàtso nɪdè dɔ gini nàtso-le sɪ gɪts'ats'edi ha hɔt'e, eyɪts'ɔ t'ats'ɪwɔ k'èè zɔ k'ehots'eza ha niile. ² Gòet'ɪ ayɪ gɪgha sìghà sɪ k'èè eghàlats'eeda xè gɪnà agets'ele ha hɔt'e, hanɪ-ɪdè gini nàtsoò agets'ele ha. ³ Zezi-Krɪ ededɪ kò edegha sìghà k'ehoza-le ɪlè. Dɪ hanɪ weghɔ dek'eèht'è: “Dɔ naxɪk'adageedè nɪdè, sɪ sek'adageedè agedɪ hɔt'e,” dek'eèht'è. ⁴ ɪnèè whaà Nòhtsɪ Nɪht'è k'e t'asɪ hazɔò dek'eèht'è sɪ wet'à hoghàgoetɔ gha adlà hɔt'e. Ayɪ dek'eèht'è sɪ wek'eyats'ehti nɪdè wet'à goni nàtsoò ade ha hɔt'e eyɪts'ɔ edaxàts'eedè ha.

⁵ Zezi-Krɪ wek'èè aahda t'à, Nòhtsɪ naxɪnɪ nàtsoò xè naxɪdzeè nàtsoò ayehzɪ sɪ naxɪnɪ ɪlè zɔ layɪle. ⁶ Hanɪ-ɪdè naxɪdzeè ɪlè t'à, eyɪts'ɔ naxɪwà ɪlè t'à Nòhtsɪ, Zezi-Krɪ Wetà, weghàsɔahdɪ ha weli.

⁷ Dàni Zezi-Krɪ dɔ naxɪhwhɔ k'èè dɔ eɛeahwhɔ, hanɪ-ɪdè Nòhtsɪ weghàsɔedɪ aweahzɪ hɔt'e. ⁸ Ehkw'ɪ anaxèehsɪ, Nòhtsɪ weyatɪ ehkw'ɪ dahxà Zezi-Krɪ Israel got'ɪ gogha eghàlaedaa ajà. T'akwe whaà Nòhtsɪ edeyatɪ gocho ghàyɪzɔɔ ɪlè sɪ Zezi wek'èè hòzɔò ayɪlè. ⁹ Hanɪ-ɪdè Israel got'ɪ agɪt'e-le sɪ Nòhtsɪ etegoòzɪ k'èxa gɪghàsɔedɪ ha. Dɪ hanɪ dek'eèht'è k'èè:

“Dɔ hazɔò xàzaa gɪta neghàsɔehdɪ ha. Sɪ t'à neghɔ ehɪ ha.”

¹⁰ K'achɪ dɪ hanɪ dek'eèht'è,

“Naxɪ Israel got'ɪ aah't'e-le sɪ, Nòhtsɪ wets'ɔ dɔ gɪxè naxɪnà welè.”

¹¹ K'achɪ dɪ hanɪ dek'eèht'è,

“Naxɪ hazɔò Israel got'ɪ aah't'e-le sɪ, gots'ò K'àowo weghàsɔahdɪ. Dɔ hazɔò xàzaa yàahɪ sɪ gots'ò K'àowo wets'ò aahɪ,” dek'eèht'è.

¹² Eyɪts'ɔ nakwenàzɔɔ Isaiah dɪ hadɪ dek'eèht'è,

“Jesse wèot'ɪ gɪta gots'ɔ chekoa dɔ elɪ ha, ededɪ sɪ du nèk'e dɔ hazɔò gha k'àowo elɪ ha. Israel got'ɪ agɪt'e-le sɪ weghɔ gini nàtsoò ade ha,” dek'eèht'è.

¹³ Nòhtsɪ edaxàgolee sɪ sɪ naxɪnà eyɪts'ɔ naxɪxè sìghà hòzɔò ayɪle. Nòhtsɪ naxɪgha ehkw'ɪ adɪ welè, hanɪ-ɪdè Yedayeh Nezɪ wedahxà naxɪnɪ dezɔò nàtsoò ade ha hɔt'e.

Paul, Israel got'ɪ agɪt'e-le gha eghàlaeda

¹⁴ Sèot'ɪ, sɪ nezɪ k'ehoahza hotɪ wek'èehsɔ hɔt'e. Dàni aahda ha sɪ degHàà wek'èahsɔ, eyɪts'ɔ yatɪ nezɪ eɛghàahza gha goahsɔ hɔt'e. ¹⁵ K'achɪ wenaahdɪ ha dehwhɔ t'à, edèdaehdɪ-le xè t'asɪ mòhdaa weghɔ naxɪts'ò ɪtl'è hɔt'e. Nòhtsɪ wesɔnɪwɔ ts'ɪhɔò wecheekeedè ehɪ ha seghàhòzɔ hɔt'e, eyɪt'à hanɪ naxɪts'ò eèht'è. ¹⁶ Zezi-Krɪ wegħa yahtɪ wɪlè ghàlaehda sìichɪ hɔt'e. Dɔ eyɪ-le xàzaa Nòhtsɪ wegodɪ nezɪ t'à hoghàgeehtɔ ha asɪlè. Hanɪ-ɪdè dɔ eyɪ-le xàzaa sɪ

Nòhtsɿ ghàgets'ele ha. Yedàyeh Nezzɿ wedahxà degai agiìdlà t'à Nòhtsɿ goghò sìghà aniwò ha.

¹⁷ Nòhtsɿ wegħa sìlàà eghàlaehda t'à Zezì-Krɿ wegħàsøehdi hòt'e. ¹⁸ Edeghò xàdahohdi ha dehwhò-le. Zezì-Krɿ sì set'à ayì ghàlaidàa sì eyì zò wegħò xàdahohdi ha dehwhò. Dò eyì-le xàʔaa ts'ò goihdeè asìl̀là t'à, ayì dàhlà eyìts'ò ayì dàehsɿ ts'ìhʔò dò eyì-le xàʔaa sì Nòhtsɿ ts'ò agèhlà xè gik'èit'eè agejà. ¹⁹ Yedàyeh Nezzɿ wedahxà nàhtsoò asiìdlà ts'ìhʔò eniyyah lò hòwhihtsɿ t'à dui hani eghàlaidà hòt'e. Eyit'à kòta Jerusalem gots'ò niwàa nèk'e Iliricum ts'ò Zezì-Krɿ wegodi nezzɿ degħàà dò hazòò ts'ò wek'ayawhihtɿ hòt'e. ²⁰ Dò j̀làà Zezì-Krɿ ghò giikw'o-le sì godi nezzɿ t'à gits'ò gohde ha dehwhò hòt'e. Hanì-ìdè dò eyì-le sekwe eyì eghàlagiìdàa sì gilaà k'e eghàlaehda ha dehwhò-le. ²¹ Dui hani dek'eèht'è k'èè ahde ha dehwhò,

“Dò yegħò egikw'o while sì gik'èezò ha eyìts'ò ginièdi ha,” dek'eèht'è.

²² Eyì ts'ìhʔò naxìts'ò ahde ha segħa hòìʔà-le.

Paul kògodeè Rome nàtla ha edexè stagòòl̀à

²³ Hanikò dui sì diyyeè nèk'e la ghò naht'e, eyìts'ò whaà gots'ò naxìts'àht̀la ha dehwhò j̀lè t'à, ²⁴ Spain nèk'e ts'ò deht̀la nìdè, naxìk'eèht̀la ha dehwhò. Hanì-ìdè whaà-lea ts'ò naxìgà-ìhdà t'ìaxòò-ìdè Spain nèk'e ts'ò ahde għa sets'̀aahdi ha dui-le. ²⁵ Hanikò dui sì Jerusalem ts'ò ahde ha dehwhò, ekò Nòhtsɿ wets'ò dò nàgedèe sì gits'̀ahdi ha t'à. ²⁶ Macedonia nèk'e eyìts'ò Achaia nèk'e ekò gòet'ì agiit'ee sì Nòhtsɿ wets'ò dò etegeèt'̀m̀ Jerusalem nàgedèe sì gogħa sòmba elègìl̀a. ²⁷ Gìnà gogħa sòmba nàgiuhtsɿ hòt'e, hanì dò-teèt'̀m̀ ts'̀agedi ha j̀lè t'̀iit'e. Godi nezzɿ Israel got'̀j̀ gits'ò niit'òò sì dò eyì-le xàʔaa ghàgiuʔò t'à dò eyì-le xàʔaa sì t'asi wet'à ts'eèdaa Nòhtsɿ goghàl̀aa t'à Israel got'̀j̀ ts'̀agedi sì ehkw'ì hòt'e. ²⁸ Dui la wegħò naht'e xè sòmba hazòò git'̀aìhwha t'ìaxòò-ìdè, Spain nèk'e ts'ò deht̀la t'à naxìk'eèht̀la ha. ²⁹ Naxìts'̀awhiht̀la nìdè Zezì-Krɿ sexè eghàlaeda t'à naxìxè degħàà sìghà ayele ha wek'èehsò.

³⁰ Eyì la wegħàlaehdaa sì sù wèhoedi-le t'à sets'̀aahdi ha hòt'e. Sèot'̀m̀, Zezì-Krɿ wedahxà, eyìts'ò Yedàyeh Nezzɿ wesòniwò dahxà Nòhtsɿ ts'ò segħa yaahdi ha naxeehwhò. ³¹ Judea nèk'e dò gìgha ehkw'ì-ahodi-le sì gich'à edaxàsetè ha segħa yaahdi, eyìts'ò Jerusalem Nòhtsɿ wets'ò dò gits'̀ahdi sì gìnà aht'̀ì ha, eyì sì għa yaahdi. ³² Hanì-ìdè Nòhtsɿ winì k'èè sinà naxìts'̀aht̀la ha welì, eyìts'ò naxìxè wihhda t'à sinì nàtsoò anade ha. ³³ Nòhtsɿ naxìxè welè eyìts'ò naxìxè sìghà hòʔò ayiile. Amen.

16

Naxìxè sìghà welè

¹ Gòet'ì Phoebè ts'èko nezì elì sù wèk'èahsò ha dehwhò. Kòta Cenchrea Nòhtsì wecheekeè gota eghàlaeda. ² Naxìts'ò nùtla nùdè gots'ò K'àowo wedahxà nezì wets'ò naahza ha naxeehwhò. Dànì Nòhtsì wets'ò dọ gits'ò k'ehots'ezaa sù k'èè wets'ò k'ehoahza. T'asì weggha while nùdè, wets'àahdì nò, ededì dọ lọ ts'ài dì ne t'à eyìts'ò sù sù sets'ài dì họt'e.

³ Aquila eyìts'ò wets'èkeè Priscilla seggha, “Naxìxè sìghà welè,” ghìahdì. Sexè Zezì-Krì gha eghàlageedaa-dòò agùt'e. ⁴ Gıwèè ha kò sexè eghàlagùdà jì. Sù zò masì geehwhò nùle, hanìkò Nòhtsì wecheekeè Israel got'ì agùt'e-le sù eyì sù masì gogùhwhò họt'e.

⁵ Priscilla eyìts'ò Aquila gikò Nòhtsì wecheekeè elègehdeè sù, seggha “Naxìxè sìghà welè,” ghìahdì.

Eyìts'ò seàgı Epenetus eyì sù hawèahdì. Eyì dọ sù Asia nek'e gots'ò ededì t'akwèlòò Zezì-Krì yeggha ehkw'ı adì ajà jì.

⁶ Mary naxìgha hòt'ò eghàlaedaa sù seggha, “Nexè sìghà welè,” wèahdì.

⁷ Sèot'ì Andronicus eyìts'ò ts'èko Junıyas ededì sù haghìahdì. Eyì nàke sù sexè dọ-danılàa-kò geke jì. Nòhtsì wecheekeèdeè nezì goghò gogede eyìts'ò sekwe-t'ı Zezì-Krì gıgha ehkw'ı-ahodì jì.

⁸ Amplıatus, gots'ò K'àowo wedahxà weghòneehtòò sù, “Nexè sìghà welè,” wèahdì.

⁹ Urbanus goxè gots'ò K'àowo gha eghàlaedaa-dòò elì eyìts'ò seàgı Stakus eyì sù, “Naxìxè sìghà welè,” ghìahdì.

¹⁰ Apelles, eyì dọ Zezì-Krì gha wı nàtsoo k'èè eda hotì wèk'èhoedzòò sù, eyìts'ò Aristobulus eyìts'ò dọ hazòò wèkò agùt'ee sù ededì sù gits'ò seggha, “Naxìxè sìghà welè,” ghìahdì.

¹¹ Sèot'ì Herodion ededì sù hawèahdì.

Narcıssus wèkò dọ hazòò gots'ò K'àowo gıgha ehkw'ı adù sù seggha, “Naxìxè sìghà welè,” ghìahdì.

¹² Tryphena eyìts'ò Tryphosa, eyì ts'èko nàke gots'ò K'àowo gha hòt'ò eghàlagùdà sù seggha, “Naxìxè sìghà welè,” ghìahdì.

Eyìts'ò seàgı Persis eyì ts'èko sù gots'ò K'àowo gha hòt'ò eghàladàa sù seggha, “Nexè sìghà welè,” wèahdì. ¹³ Rufus, gots'ò K'àowo yìhchı sù, seggha, “Nexè sìghà welè,” wèahdì. Eyìts'ò wemò, semò lanì jì sù, eyì sù hawèahdì.

¹⁴ Asyncritus, Philegon, Hermes, Patrobas, Hermas eyìts'ò gòet'ì eyì-le goxè agùt'ee sù seggha, “Naxìxè sìghà welè,” ghìahdì.

¹⁵ Philologus, Julia, Nereus eyìts'ò wedè, Olympas eyìts'ò Nòhtsì wets'ò dọ hazòò goxè agùt'ee sù seggha, “Naxìxè sìghà welè,” ghìahdì.

¹⁶ Nàowo degı k'èè elèahts'ı xè, “Nexè sìghà welè,” elèahdì. Zezì-Krì wecheekeè hazòò, “Naxìxè sìghà welè,” naxègedì.

17 Sèot'ɲ, hotù edexoahdì, dọ eyì-le ełek'èch'a anaxegehɲ, xè ekọ-le anaxegehɲ sù gich'à kexoahdì. Hòt'a ayì hoghànaxeètqọ sù eyì k'èch'a hoghànaxegeehtqọ nùdè gixè aah't'ɲ-le. 18 Hanɲ dọ sù gots'ọ K'àowo Zezi-Krɲ gha eghàlageeda nùle, hanìkò edek'èè zọ eghàlageeda aget'ɲ. Nezi gogede xè dọ ghọ nezi agedì t'à, nàhotì-le dọ gha ehkw'ɲ agedì sù goghoyagee?à aget'ɲ họt'e. 19 Dọ hazọ godì nezi k'èaht'ee sù ghọ giukw'o họt'e, eyit'à sù naxighọ sinà họt'e. Hanìkò ayì nezi sù wet'à goahsọ ha naxeehwhọ, eyits'ọ hoɲ-nàowoò wede aahle.

20 Nòhtsɲ ts'èwhɲ wehòhɲqọ sù whaà-le-t'ù naxit'òò wehɲ dihohtsɲ ha. Zezi-Krɲ wesonwọ naxixè welè.

21 Timothy sexè eghàlaedaa sù, “Naxixè sìghà welè,” naxèhdi, eyits'ọ Luciyus, Jason eyits'ọ Sosipater, xàè sèot'ɲ agɲ'ee sù, “Naxixè sìghà welè,” gedì.

22 Sɲ Tertiyus, Paul wegħa dɲ nɲht'è dek'enìht'èe sù gots'ọ K'àowo wedahxà, “Naxixè sìghà welè,” naxèehsɲ.

23 Gaius, sɲ eyits'ọ Nòhtsɲ wecheekè hazọ wekọ gots'ọ enìxàtqọ t'à weghọ masì ts'ɲwọq sù, “Naxixè sìghà welè,” naxèhdi.

Erastus, kọta għa sọmba k'èdì elɲ eyits'ọ gòet'ɲ Quartus, “Naxixè sìghà welè,” naxègedì.

24-25 Zezi-Krɲ wegodi nezi naxighàehɲqọ sù wet'à Nòhtsɲ naxì nàtsoò ayele ha dii-le họt'e. Eyì godì nezi sù ɲnèè whaà gots'ọ dọ ts'ọ dezi whezọ ɲè, 26 hanìkò dii sù Nòhtsɲ welọ while ts'ọ wehòhɲqọ sù wedahxà nakwenàozqọ egɲt'è t'à wek'èhoedzọ adlà họt'e. Hanì-ɲdè dɲ nèk'e dọ hazọ gigha ehkw'ɲ-ahodì xè gɲk'èit'e ha. 27 Zezi-Krɲ wets'ihɲ Nòhtsɲ ededì zọ gọqzọ wehòhɲqọ sù welọ while ts'ọ weghàsots'eedì welè! Amen.

1 Corinth got'ù gıts'ò aatl'è

1-2 Sı Paul aht'e, Nòhtsı wedahxà Zezì-Krı wecheekeèdeè ehı gha sıhchı họt'e. Gòet'ı Sostenes wexè dı enıhtl'è kòta Corinth Nòhtsı wecheekeè nàgedèe sı gıts'ò ts'eetl'è. Zezì-Krı wet'òò Nòhtsı edegha gòihchı họt'e. Eyıts'ò hazòò nèk'e dọ Zezì-Krı ghọ gını nàtsoo sı ededı sı gıts'ò ts'eetl'è họt'e. Zezì gıts'ò K'àowo elı họt'e eyıts'ò goxı sı gots'ò K'àowo elı họt'e.

3 Nòhtsı-Gotà eyıts'ò gots'ò K'àowo Zezì-Krı naxıxè sọgıwọ welè eyıts'ò naxıxè sıghà hòzọ agıle.

Paul Nòhtsı ts'ò ması nıwọ

4 Nòhtsı-Gotà, Zezì-Krı wets'ıhzò naxıts'ò sọnıwọ t'à, t'aats'òò naxıgha ması weehwhọ. 5 Zezì-Krı wet'òò t'ası hazòò t'à naxıxè sıghà adlà. Dànı goahde gha, eyıts'ò nàowo ehkw'ıı hazòò k'èhoahsọ gha naxıxè sıghà adlà họt'e. 6 Dànı Zezì-Krı weghọ naxıts'ò gots'ııdee sı naxıgha ehkw'ı-ahodı aahjà eyıts'ò wek'èè aahdaà aahjà. 7 Eyıt'à gots'ò K'àowo Zezì-Krı gots'ò anade gha wedanaahzı gots'ò, Yedàyeh Nezıı t'ası naxıghàızọọ sı hazòò naxıts'ò họt'e. 8 Nọode dzeè ts'ò naxını nàtsoo anaxıhwhọ ha, hanı-ıdè gots'ò K'àowo nııtłaa dzeè k'e nıdè t'ası wıızı naxık'e nıdahòet'à ha-le. 9 Nòhtsı-Gotà, Edeza Zezì-Krı wexè ıhè laah't'e ha naxıkayahtı sı t'aats'òò gots'ò edeyatı k'èdı họt'e.

Nòhtsı wets'ò dọ elek'èè agıwọ-le

10 Sèot'ıı, Zezì wedahxà hazòò ıhè zọ laah't'e naxèehsı, hanı-ıdè elek'èch'a aah't'e ha-le eyıts'ò hotı naxını ıhè zọ lanı ha. 11 Sèot'ıı, dọ mọhdaa Chloyı wekò nàgedèe sı elets'ò nàyaahtı naxègedı. 12 Dı weghọ aehsı: Naxıta gots'ò dọ mọhdaa dı hagedı, “Sı Paul wek'èè aht'ı,” mọhdaa, “Sı Apollos wek'èè aht'ı,” gedi. Eyıts'ò dọ mọhdaa, “Sı Peter wek'èè aht'ı,” gedi. K'achı ıhà dọ mọhdaa, “Sı Zezì-Krı wek'èè aht'ı,” gedi, eyı ghọ aehsı.

13 Ası Zezì-Krı ılak'aà awııdlà? Ası Paul naxıgha dechıet'aa k'e wedıtsò nọò? Paul wıızı dahxà naxık'ètaıdzọ nı? 14 Naxıta gots'ò dọ gık'ètaèhdzọ-le ıhè, eyı gha ması dehwhọ. Crıspus eyıts'ò Gaus ededı zọ gık'ètaèhdzọ ıhè. 15 Eyıt'à sıızı dahxà naxık'ètaıdzọ dọ wıızı hagedı ha dı. 16 (Hèzè, Stephanas wekò agıt'ee sı hazòò gık'ètaèhdzọ t'ııt'e, eyı wenòò dọ wıızı gık'ètaèhdzọ ha wek'èehsọ-le.) 17 Zezì-Krı, dọ k'ètaıhdzı ts'ò sıhza nıle, godı nezıı t'à dọ xè gohdo ha sıhza họt'e. Dı nèk'e wet'à gogıızọ t'à gohde nıle. Hanı gòhde nıdè Zezì dani gogha dechıet'aa k'e ełıwọ wegodı sı naxıgha nàtso-le ahle ha.

Godi nezɪ sɪ Nɔhtsɪ wets'ɔ t'asɪ nàtsoo hɔt'e

18 Dɔ gɪdɪhoʔè ha sɪ dechɪet'aa wegodi t'à gots'ede nɪdè, gɪgha ezhɪne k'èè gots'ede lanɪ, hanikò goxɪ edaxàts'ɪdɛe sɪ gogha Nɔhtsɪ wets'ɔ t'asɪ nàtsoo hɔt'e. 19 Dɪ hanɪ dek'eèht'è hɔt'e:

“Dɔ gogɪzɔɔ sɪ gɪnàowoò wedihohtsɪ ha, eyɪts'ɔ gɪt'à nàngedèe sɪ while ahɔe ha,” dek'eèht'è.

20 Dɔ gogɪzɔɔ edegeewɔɔ sɪ amɪ agɪt'e edegeewɔ? Dɔ enɪht'è-deè ghàgeètɔ gɪwɔɔ sɪ amɪ agɪt'e edegeewɔ? Dɪ nèè gots'ɔ nàowo t'à gogedee gɪlɪ sɪ amɪ agɪt'e edegeewɔ? Nɔhtsɪ sɪ dɪ nèè gots'ɔ nàowo sɪ ezhɪne k'èè ayɪlà. 21 Dɪ nèè gots'ɔ dɔ gogɪzɔɔ sɪ Nɔhtsɪ k'ègeezɔ-le, Nɔhtsɪ yatɪ t'à dɔ ts'ɔ gots'edee sɪ gɪgha ezhɪne lanɪ. Hanikò godi nezɪ t'à ezhɪne k'èè gots'ede gogɪhwhɔɔ sɪ wet'à dɔ hazɔɔ gɪgha ehkw'ɪ-ahodi sɪ Nɔhtsɪ edaxàgole hɔt'e. Nɔhtsɪ hanɪ eghàlaedaa sɪ yeghɔ sɪghà anɪwɔ hɔt'e. 22 Israel got'ɪ gɪlɪ sɪ godaà enɪyah hoʔè ha gɪwɔ, ekò Greece got'ɪ gɪlɪ sɪ wet'à gots'ɪzɔɔ nàowoò xàgeeta. 23 Hanikò goxɪ sɪ Zezi-Krɪ dechɪet'aa k'e eɔɔwɔ ghɔ gots'ede hɔt'e. Israel got'ɪ gɪk'èch'a ats'edi eyɪts'ɔ Greece got'ɪ gɪgha ezhɪne k'èè gots'ede. 24 Hanikò Nɔhtsɪ sɪ Israel got'ɪ eyɪts'ɔ Greece got'ɪ gòhchɪ sɪ, Zezi-Krɪ wegodi t'à Nɔhtsɪ sɪ nàtsoò wehòhɔ xè sɪ gɔɔzɔ hɔt'e gɪk'èezɔɔ agejà. 25 Nɔhtsɪ gɔɔzɔ-le ha nɪdè dɪ nèk'e dɔ gogɪzɔɔ nahk'e gɔɔzɔ hɔt'e, eyɪts'ɔ Nɔhtsɪ nàtso-le ha nɪdè dɔ hazɔɔ nahk'e nàtso hɔt'e.

26 Sèot'ɪ, Nɔhtsɪ naxɪkayahtɪ kwe dɔ dàhòt'ɪ aahɪ ɪlè sɪ ghɔ nàniadhè. Dɪ nèk'e dɔ gɪnàowoò k'èè naxɪta gots'ɔ dɔ ɔ gogɪzɔ ts'edi ha di, dɔ ɔ k'aodèe gɪlɪ ts'edi ha di, eyɪts'ɔ dɔ ɔ ahxee gots'ɔ gɪgòhɪ ts'edi ha di. 27 Hanikò Nɔhtsɪ sɪ dɪ nèk'e dɔ gɪnàowoò k'èè dɔ gogɪzɔ-le lanɪ sɪ gòhchɪ hɔt'e, dɔ gogɪzɔ-le lanɪ t'à dɔ gogɪzɔɔ edeghɔ ɪzhagɪlɪ agole ha. Eyɪts'ɔ dɔ nàgetso-le laòt'ɪ t'à dɔ nàgetsoo edeghɔ ɪzhagɪlɪ agole ha. 28 Eyɪts'ɔ dɔ t'asɪ gɪlɪ-le lanɪ, dɪ nèk'e ts'ɔ dɔ godzagɪhwhɔɔ sɪ Nɔhtsɪ gòhchɪ hɔt'e. Hanɪ dɔ sɪ gɪt'à dɔ t'asɪ aht'e edegeewɔɔ sɪ Nɔhtsɪ t'asɪ gɪlɪ-le agole ha. 29 Hanɪ-ɪdè dɔ wɪzɪ Nɔhtsɪ wenadaà edeghɔ xàdahodi ha niile. 30 Nɔhtsɪ wets'ihɔɔ Zezi-Krɪ wexè aah't'e. Nɔhtsɪ sɪ Zezi-Krɪ t'à gots'ɪzɔɔ agòòlà, wet'òò ehkw'ɪ ats'ejà, wet'òò degai ts'ɪlɪ, eyɪts'ɔ wet'òò welɔ while ts'ɔ edaxàts'eedè hɔt'e. 31 Eyɪt'à Nɔhtsɪ Nɪht'è k'e dɪ hanɪ dek'eèht'è: “Amɪ xàdahodi ha sɪ gots'ɔ K'àowo ghɔ xàdahodi welè,” dek'eèht'è.

2

1 Sèot'ɪ, t'akwelòò naxɪts'ɔ nèehtɔ ekò yatɪ wèdaat'ɪ t'à naxɪts'ɔ goihde niile. Eyɪts'ɔ Nɔhtsɪ wegodi naxɪts'ɔ nèehɔ ekò dɪ nèk'e gots'ɔ dɔ gogɪzɔɔ gɪk'èè k'ehoehɔa-le ɪlè. 2 Naxɪxè

aht'e ekò Zezi-Krı wenòò t'asì wızzı k'èehsò ha dehwhò-le ìlè. Zezi-Krı eyıts'ò dani dechiet'aa k'e wedıtsò, eyı zò wek'èehsò ha dehwhòò ahjà. ³ Dò nàtso-lea laht'e eyıts'ò dehji xè sets'ehli lanì naxıts'ò nèehtla ìlè. ⁴ Godı nezı t'à naxıts'ò gohde ekò wet'à gots'ızzò yatı t'à naxıts'ò goıhde-le ìlè, hanikò Yedayeh Nezı nàhtsoò asıllà t'à naxınadaà enıyah k'èè eghàlaehda ìlè. ⁵ Eyıt'à dı nek'e dò gogızzò gınàowoò ts'ıhò naxıgha ehkw'ı-ahodı aahjà nıle, hanikò Nòhtsı t'asì wegħa dı gòhı-le sı naxınadaà enıyah hòehtsı t'à naxıgha ehkw'ı-ahodı họt'e.

Yedayeh Nezı wet'à gots'ızzò họt'e

⁶ Dò Nòhtsı k'ègeezò sı wet'à gots'ızzò yatı t'à gıts'ò gots'ede họt'e. Eyı yatı sı dı nèè gots'ò dò gogızzò eyıts'ò k'aodèe gıllı sı gıgha wet'àazà nıle, ededı sı gidıhoè ts'ò giadè họt'e. ⁷ Nòhtsı wenàowoò gòzòzò sı dò ts'ò wegħo gots'ede họt'e, eyı sı dò ts'ò dezı whezò ìlè. Dı nèè hòèli kwe gots'ò gogħa whezòò ayıllà ìlè, eyıts'ò wet'à welò whıle ts'ò enıyah xè edaxàgozhe ha. ⁸ Dı nek'e k'aodèe gıllı sı gımedı-le ìlè. Gımedı nıdè gots'ò K'àowo enıyah wehòhòzò sı dechiet'aa k'e elàgıhwhı ha-le ìlè. ⁹ Nòhtsı Nıhtl'è k'e dı hanı dek'eèhtl'è:

“Dò Nòhtsı ghònegeetòzò sı Nòhtsı ayı ts'atà godawhehlaa sı dò wızzı ya?ı whıle, eyıts'ò dò wızzı yıhkw'ò whıle, eyıts'ò dò wızzı yedaàntwhewo whıle,” dek'eèhtl'è.

¹⁰ Hanikò dı sı Nòhtsı-Gotà edets'ò İni Degai wedahxà dı godı wek'ets'eezòò agòòlà.

Yedayeh Nezı t'ası hazòò yenıedı, eyıts'ò Nòhtsı ts'òòhk'e t'ası dezı whelaa sı eyı kò yenıedı họt'e. ¹¹ Dò wızzı dò ìlè daniwoò sı yek'èezò nıle, eyı dò wets'ò İni zò yek'èezò họt'e. Eyı xèht'eè dò wızzı Nòhtsı daniwoò sı yek'èezò nıle, Nòhtsı wets'ò İni Degai zò yek'èezò họt'e. ¹² Dı nèè gots'ò İni goghòt'ò nıle, hanikò Nòhtsı edets'ò İni Degai goghàızò họt'e, eyıts'ò Nòhtsı t'ası k'èxa-le ayı goghàızò sı wets'ò İni Degai t'à wenıts'eedı agole ha. ¹³ Eyı wegħo gots'ede nıdè dı nek'e gots'ò wet'à gogızzò t'à gots'ede nıle, hanikò Yedayeh Nezı yatı hogħàgoèhtò t'à gots'ede họt'e. Yedayeh Nezı weyatı ehkw'ı t'à Nòhtsı ts'òòhk'e t'ası ghò gots'ede họt'e. ¹⁴ Dò Yedayeh Nezı dè edaa sı Nòhtsı wets'ò İni gots'ò t'ası yenıedı nıle. Eyı sı wegħa ezhıne lanı, eyıts'ò yenıedı ha dı. Dò Yedayeh Nezı wets'ò-èli nıdè zò, Nòhtsı ts'òòhk'e t'ası yenıedı họt'e. ¹⁵ Dò, Yedayeh Nezı wets'ò-èli sı t'ası hazòò k'e ehkw'ı xàyahtı họt'e, hanikò ededı sı dò wızzı yesınyaehtı ha dı. ¹⁶ Dı hanı dek'eèhtl'è:

“Amı gots'ò K'àowo wıni k'èhoezò t'à yegħa k'eyaeti ha?” dek'eèhtl'è.

Hanikò goxı sı Zezi-Krı wıni gots'ò-èli họt'e.

3

Nòhtsɪ wekò lats'ɪt'e

¹ Sèot'ɪ, Yedàyeħ Nezɪ naxɪts'ò-èlɪ lanɪ naxɪts'ò gohde ha dɪɪ ɲlè, hanìkò dɪ nèk'e gots'ò dɔ lanɪ nàniãhdè k'èè naxɪts'ò gohde ɲlè, Zezì-Krɪ naxɪgha ehkw'ɪ-ahodɪ ts'òqòhk'e bebiã laaht'e ɲlè t'à. ² ɲlãã t'asɪ dezɪhɪ aahdè ha dɪɪ t'à, bò dezɪhɪ lanɪ naxɪghãehdɪ-le ɲlè, ejɪet'ò lanɪ naxɪghãehdɪ ɲlè. Dɪɪ kò t'asɪ dezɪhɪ aahde ha naxɪgha ɲlãã while hɔt'e. ³ ɲlãã dɪ nèk'e gots'ò dɔ lanɪ nàniãhdè. Ełeghɔ ts'oxoahdɪ eyɪts'ò ełets'ò nàyaahɪ nɪdè, dɪ nèk'e gots'ò dɔ gɪxèahzɪ laaht'ɪ. Dɔ Nòhtsɪ k'ègeezɔ-le sɪ gɪxèahzɪ hɔt'e. ⁴ Naxɪ mòhdaa dɪ haahdɪ, “Sɪ Paul k'èè aht'ɪ,” eyɪts'ò mòhdaa, “Sɪ Apollos k'èè aht'ɪ.” Haahdɪ nɪdè dɔ Nòhtsɪ k'ègeezɔ-le sɪ gɪxèht'e è k'ehoahzã hɔt'e.

⁵ Apollos eyɪts'ò Paul, ayɪ ɲɪɲɪ ɲghò aahdɪ? Ekɪ Nòhtsɪ wecheekè awɪit'e. Nòhtsɪ naxɪts'ò ɲoɲhã t'à naxɪgha ehkw'ɪ-ahodɪ aahjã hɔt'e. Goxɪ ɲlak'aã Nòhtsɪ la ɲoghãɪzɔ k'èè weghãlawɪda hɔt'e. ⁶ Sɪ dèè ɲoyɪ wet'à t'asɪ dehshee nèehzɔ, Apollos tɪ yek'e ayɪɲlã, hanìkò Nòhtsɪ sɪ dehsheè ayɪɲlã hɔt'e. ⁷ Eyɪt'à dɔ dèè ɲoyɪ t'asɪ nèyele, eyɪts'ò dɔ tɪ yek'e ayehzɪ sɪ t'asɪ ɲɪɲɪ nɪle, hanìkò Nòhtsɪ, t'asɪ hazɔð dehsheè ayehzɪ ts'ɪhzò ededɪ zɔ wet'àazã hɔt'e. ⁸ Dɔ wet'à t'asɪ dehshee dèè ɲoyɪ yelee, eyɪts'ò dɔ tɪ yek'e ayehzɪ sɪ ɲlak'aã ɲlãã ɲɪghòt'ò hɔt'e, eyɪts'ò ɲlak'aã dànɪ edɪlãã ɲhãlagɪdã k'èxa t'asɪ ɲɪghòt'à ha hɔt'e. ⁹ Nòhtsɪ wexè eghãlats'eadaa ats'ɪt'e, naxɪ sɪ Nòhtsɪ wedèè k'e t'asɪ dehshee laaht'e, eyɪts'ò Nòhtsɪ wekò laaht'e.

¹⁰ Nòhtsɪ sets'ò wedzeè sɔnɪwɔ t'à la seghãɪzɔ: dɔ la k'èezɔɔ lanɪ eghãlaehda t'à ɲɪet'l'aã nɪhtɔ, eyɪts'ò dɔ eyɪ-le yek'e kò ɲòhtsɪ. Hanìkò dɔ ɲɪtãt'èè dànɪ kò ɲogehɪtsɪ sɪ hotɪ ɲɪxohdɪ ha hɔt'e. ¹¹ Hòt'a ɲɪet'l'aã nɪtɔɔ sɪ dɔ wɪzɪ ɲɪet'l'aã eyɪ-le ɲagohɪtsɪ ha nɪle, eyɪ ɲɪet'l'aã nɪtɔɔ sɪ Zezì-Krɪ hɔt'e. ¹² Dɔ, eyɪ ɲɪet'l'aã nɪtɔɔ wek'e sɔðmbaekwo, sɔðmba degoo, sɔðmbakweè, dechɪ hanɪ-le-ɲdè t'oh t'à yeka kò ɲòhtsɪ nɪdè, ¹³ dànɪ edɪlãã ɲhãlãɲdãã sɪ nɔðde dzeè k'e wek'èhoedzɔð adle ha. Ayɪ hòehɪtsɪ sɪ kò-dèk'òð t'à wek'èhoedzɔð adle ha, kò t'à weedzã ha, eyɪts'ò wɪlãã k'è hoɪzɪ nɪdè wek'èhoedzɔð adle ha. ¹⁴ Ayɪ hòehɪtsɪ sɪ wedɪhòɲ-le nɪdè wek'èxa t'asɪ nezɪ weghòt'à ha. ¹⁵ Ekò ayɪ hòehɪtsɪ sɪ wek'enɪk'ò nɪdè eyɪ weghò wedɪhoè ha. Ededɪ t'aa edaxãeda ha, hanìkò kòwoò nɪdã xãkwɪehsãã lade ha.

¹⁶ Naxɪ sɪ Nòhtsɪ wekò laaht'e, eyɪts'ò Nòhtsɪ wets'ò ɲɪ Degã naxɪdzeè ɲɪ nàdè hɔt'e wek'èahsɔ-le nɪ? ¹⁷ Dɔ Nòhtsɪ wekò yedɪhohtsɪ nɪdè Nòhtsɪ yedɪhohtsɪ ha. Nòhtsɪ wekò degã hɔt'e, naxɪ sɪ eyɪ Nòhtsɪ wekò laaht'e.

¹⁸ Dànɪ nàniãhdè t'à edeghɔyaahzã sòð. Dɔ dɪ nèè gots'ò nãowo k'èè ɲohsɔ edeewɔ nɪdè, ezɪne ladɪle, hanɪ-ɲdè sɪ

gòzòzò ade ha. ¹⁹ Du nèk'e gots'ò dọ ayì gıgha gòzòzò họt'e sù Nòhtsı wegħa ezħıne họt'e. Du hanì dek'eèht'è, “Dọ gogıızòzò edegeewò xè ełegħoyageeà k'èè k'ehogeàa sù Nòhtsı gınàowò t'à gok'èchıttà lagohzı họt'e,” dek'eèht'è. ²⁰ Eyıts'ò k'achı du hanì dek'eèht'è, “Dọ gots'ıızòzò edegeewòzò sù gınàowò wet'àazà nıile, gots'ò K'àowo yek'èezò họt'e,” dek'eèht'è. ²¹ Eyıt'à k'achı dọ ghò xàdahoahdì-le! T'ası hazòzò naxıgha họt'e. ²² Paul, Apollos eyıts'ò Peter naxıgha agııt'e, eyıts'ò du nèè, ts'eedaa, ełààts'ewıı, du goxè hòzòzò, ıdaà goxè hòzòzò, eyı hazòzò naxıgha họt'e, ²³ eyıts'ò naxı Zezı-Krı wets'ò aaht'e; eyıts'ò Zezı-Krı, Nòhtsı wets'ò họt'e.

4

Zezı-Krı wecheekeèdeè

¹ Eyıt'à dọ Zezı-Krı wecheekeè ats'ııt'e k'èè gogıhtà welı, eyıts'ò Nòhtsı ts'òphk'e t'ası dezıı whelaa sù wek'èts'eezò ats'ııt'e, gogııwhò welı. ² Dọ t'ası gıtt'aa whezòzò agııdlàa sù t'aats'òzò gıtt'aa nezıı eghàlageeda ha họt'e. ³ Naxı sesınıyaahı, hanı-le-ıdè nàyaetı-kò dọ sesınıyagheıtı sù segha wet'àazà nıile, sı kò edesınıyaahı nıile. ⁴ Ekò-le hòwhıhtsı nıile, sını t'à wek'èehsò, hanıkò hanı ededaànıhwho t'à hoıı hòwhıhtsı whıle dehsıı-aehsı-le. Gots'ò K'àowo ededı zò sesınıyaahı ha họt'e. ⁵ Eyıt'à eyı nèhòkw'ı kwe t'ası wesınıyaahı-le, hanıkò gots'ò K'àowo nıttà ts'ò naahzı. Togoòtt'òo t'à t'ası dezıı whelaa sù wègaat'ıı ayele ha, eyıts'ò dọ dàgııwò t'à k'ehogııàa sù wek'èedzòzò ayele ha. Eyı dzeè k'e nıdè dànı godzeè t'à ehkw'ı nànt's'edèè sù k'èè Nòhtsı goghò sıghà adı ha.

⁶ Sèot'ıı, eyı hazòzò weghò naxıts'ò eeht'èè sù sı edegħò eyıts'ò Apollos weghò gohde aehsı. Edegħò aehsı sù xàè naxıgha aehsı họt'e. Hanı-ıdè goxı got'à du yatı dàhodıı-ahodıı sù wek'èehsò ha, “Ayı dek'eèht'èè sù wezòzò hoahıtsı-le,” dek'eèht'è. Eyı yatı k'èè aaht'ı nıdè dọ ıè denahk'e wet'àazà dahwhò t'à weghò xàdahoahdì ha nıile. ⁷ Amı dọ nahk'e aaht'eè anaxııllà? T'ası naxıts'ò sù naxıghòt'ò họt'e. T'ası naxıghòt'ò nıdè dànıghò t'ası naxıghòt'ò-le lanı xàdahoahdì?

⁸ Hòt'a t'ası hazòzò naxıts'ò dahwhò nı? Naxı hòt'a dọ ahxee wheahı dahwhò nı? Godè kò k'àowocho wheahı dahwhò nı? Xàè k'àowocho wheahı nıdè dehwhò, hanı-ıdè goxı naxıxè k'àowocho ts'ııı ha! ⁹ Wegħò nàıhwho nıdè goxı Nòhtsı wecheekeèdeè ts'ııı sù nòzòde ts'ò ts'eèhk'w'e lanı agòzòlà. Sınàts'edèè k'è dọ gınadaà goweè hoè ha gosınıyaetı lagòzòlà. T'ası hazòzò hòèıı yak'eet'ıı dọ hazòzò gınadaà hanı gògaat'ıı agòzòlà. ¹⁰ Goxı sù Zezı-Krı wegħa ezħıne ats'ııt'e gogııwhò, hanıkò naxı sù Zezı-Krı wets'ıhòzò sù goahsò dahwhò! Goxı sù nàts'etso-le, hanıkò naxı sù nàahıso dahwhò. Goxı sù dọ

gots'ò nezjì nage2a-le hanikò naxì naxits'ò nezjì nage2a. ¹¹ Dii ts'ò bò dẹ ts'eèhkw'e xè tì ghats'eewì, goht'òts'ia t'à-ats'et'ì, sù dagogùh2a, eyits'ò gokò gò2ò-le. ¹² Goula t'à hòt'ò eghàlats'eeda. Dọ gots'ò nàdahogee2à nìdè gìgha yats'ehti, dagogùh2a nìdè wexè kò ts'èwhjì dats'ù2a. ¹³ Dọ yatijì t'à gok'adageedè nìdè ek'èt'à nezjì gits'ò gots'ede. Dii ts'ò dii nèk'e dọ gìgha t'asì weju lats'ùt'e, eyits'ò gìgha t'asì-ts'ì lats'ùt'e.

¹⁴ Edeghò jìzhaahjì ha naxits'ò eeht'è aht'ì niile, hanikò seza lanì naxìghoneehtò t'à yatì nàtsoo t'à naxits'ò gohde. ¹⁵ Zezi-Krì wedahxà dọ lọ naxik'ègedì sòm kò naxità lọ gòhjì niile. Godì nezjì naxits'ò nèeh2ò ts'ih2ò Zezi-Krì wedahxà naxità whihjì họt'e. ¹⁶ Eyit'à hotì sexèah2ì, dehsì naxìghonàdaehì. ¹⁷ Eyit'à Timothy naxits'ò weeh2à ha họt'e. Seza lanì weghoneehtò, gots'ò K'àowo gha wìni nàtso. Dànì Zezi-Krì weggha ehdaa sù naxits'ò hadì ha. Kòta hazòò Nòhtsì wecheekè dànì hoghàgeehtò sù t'aats'òò hanì ehda họt'e.

¹⁸ Naxità gots'ò dọ mòhdaa naxits'àhtlà ha-le sòm gùwò t'à sù xàhogedì agejà. ¹⁹ Hanikò gots'ò K'àowo hanìwò nìdè whaà-le-t'ì naxits'àhtlà ha họt'e. Ekiyeè k'e nìdè eyì dọ ayì ghò xàdahogedì sù wegòh2à ha. Eyì zòò-le, ayì dahxà nàgetsoo sù wegòh2à ha họt'e. ²⁰ Nòhtsì wenàowoò sù yatì t'à zò wehòh2ò niile, hanikò Nòhtsì wets'ò eniyah nàtsoo t'à wehòh2ò họt'e. ²¹ Naxits'ò dànì eghàlaehda ha seahwhò? Naxits'àhtlà nìdè naxeehkwà ha seahwhò nì? Hanì-le-ìdè naxìghoneehtò xè naxits'ò sedzeè nezì ha dahwhò?

5

Amì hojù nàowoò k'èè edaa sù naxita gots'ò xàweah2à

¹ Naxità dọ hojù k'èè ełek'alagedè ghò ts'ìkw'o. Hojù hanì sù dọ Nòhtsì k'ègeezò-le kò gita hagòjà ghò ts'ìkw'o while. Naxità ts'ò dọ jìè edetà ts'èkeè xè nàdè gedì họt'e. ² Eyit'à dànì xàhoahdì welì? Eyì ghò naxìdzeè nàniitì ha jìè, eyì dọ hanì eghàlajdàa sù naxità gots'ò xàweah2à ha jìè. ³ Sù naxità whihda-le sòm kò sìnì t'à naxìxè whihda họt'e. Eyì dọ hanì hojù hòèhtsù sù eyì whihda lanì hòt'a wesiniyahti họt'e. ⁴ Zezi wuzì dahxà ląą niahde nìdè, eyits'ò sìnì t'à naxìxè whihda nìdè, eyits'ò Zezi wets'ò Inì Degai naxik'e at'ì nìdè, ⁵ eyì dọ sù wehjì t'aaàweah2è, hanì-ìdè wenàowoù sù wedihòè ha, eyits'ò gots'ò K'àowo niitlāa dzeè k'e nìdè wedajzhjì edaxàeda ha.

⁶ Edeghò xàdahoahdì sù nezì niile. Lèt'èa lọ-lea kò lètjìèhdù hazòò ta ts'ò at'ì họt'e, wek'èahsò ne sònaà? ⁷ Eyì lèt'èa wezòò sù wedè aahle, hanì-ìdè lètjìèhdù wegòò lèt'èa wedè hòèlì laah2'e ha, hotì eyì laah2'e ne t'à. Dzeèdè Passover k'e Nòhtsì gha sahzòą ełagùhwhoo sù Zezi-Krì họt'e, eyì sù weniahdì welì. ⁸ Eyit'à eyì dzeèdè wek'èts'ìdì. Lèt'èa wezòą wedè ats'ìle,

eyi sù gonàowoḥḥi wede ats'ehzì lanì họt'e. Hanì-ìdè lèt'èa de elexè lèt'è ghọ shèts'uzhe, eyi sù godzeè nezḥi xè elets'ò ehkw'ì ts'eeda lanì họt'e.

⁹ T'akwe naxìts'ò ihtl'èe ekò naxita gots'ò dọ hoḥḥi k'èè ekek'alagedèe sù naxìxè agut'ì-le naxèehsì ìlè. ¹⁰ Dii nèk'e gots'ò dọ hoḥḥi k'èè ekek'alagedèe hanu, egedi-le-dọḥ hanu, ełeghoyagee?aa-dọḥ hanu, eyìts'ò nòhtsìà hòèlḥi ts'ò yagehtu dọḥ, hanu sù agèehsì nùle. Hanu dọ agèehsì nùdè dii nèè gots'ò aahde zọ t'á ha. ¹¹ Dọ mọhdaa naxìxè Nòhtsì wecheekeè ats'ut'e edegeedu sù eyi ghọ naxìts'ò eehtl'è. Hanikò hoḥḥi k'èè ekek'alagedè nùdè, egedi-le nùdè, nòhtsìà hòèlḥi ts'ò yagehtu nùdè, dọ guzì jù gehtsì nùdè, t'aats'ò gedọ nùdè, sọmba gha dọ ghoyagee?à nùdè, gixè aah'tì-le, eyìts'ò gixè shèahzhe ha nùle.

¹² Dọ, Nòhtsì wecheekeè agut'e-le sù sù gisnìyahtì ha sùdì nùle. Dọ Nòhtsì wecheekeè goxè aget'ḥi sù naxì gisnìyaah'tì ha họt'e. ¹³ Dọ Nòhtsì wecheekeè agut'e-le sù Nòhtsì gosnìyahtì ha họt'e. Dek'eèhtl'è k'èè: “Eyi dọ weju sù naxita gots'ò xàgìah?à,” dek'eèhtl'è.

6

Nòhtsì wets'ò dọ ełeghọ nàyaetì ałegeh?ì

¹ Naxita gots'ò dọ ekek'e nìdahogee?à nùdè dànìghọ dọ-snìyahtu-dọḥ Nòhtsì wecheekeè eḥ-le sù ts'ò aget'ì. Hanì ekọ-le eghàlageedaa ts'àgeejì-le nì? Nòhtsì wets'ò dọ ts'ò aget'ì gà gosnìyagìhtì weli. ² Nòhtsì wets'ò degai gḥḥi sù dii nèk'e gots'ò dọ gosnìyagehtì ha họt'e, wek'èahsọ-le nì? Hanì hò?ọ ha nùdè, naxita t'asì wet'aa?à-lea sù wesnìyaah'tì ha naxìgha dii nùle. ³ Yak'eet'ḥi gisnìyats'ehtì ha wek'èahsọ-le nì? Hanì hò?ọ ha nùdè dii nèk'e gota dàgot'ḥi sù denahk'e wesnìyats'ehtì ha họt'e! ⁴ Eyit'á t'asì wet'aa?à-le ghọ ekek'e nìdahogee?à nùdè, dọ ìlè gosnìyaetì aweahle. Naxita dọ t'asì deè eḥ-le sù eyi weahchì ha dii-le! ⁵ Edeghọ ìzhaahḥi ha, hanì naxìts'ò gohde. Naxita dọ gosnìyahtì ha dọ gọzọzọ gòhḥi-le nì? ⁶ Hanikò ełeghọ nàyaetì ałahzì. Dọ gìgha ehkw'ì-ahodì-le gìnada?à hanì k'ehoah?à!

⁷ Hanì ełeghọ nàyaetì ałahzì sù weghàà nàowo ehkw'ì k'èè aahda ts'òhk'e hòt'a naxìghọènọḥ wek'èhoedzọ họt'e. Ekọ-le naxìts'ò eghàlaedà eyìts'ò naxìghọyaho?ọ kò eyi denahk'e nezì họt'e. ⁸ Hanikò hałahzì t'á xàè naxèot'ì gḥḥi sù gìghọyaa?à xè gits'ò ekọ-le eghàlaahda họt'e.

⁹ Dọ weju sù Nòhtsì Wenàowoò k'èè hò?ọ sù gìghàhòt'á ha nùle wek'èahsọ-le nì? Edeghọyaa?à sọḥ. Dọ edezhì t'á hoḥḥi k'alagedèe, dọ nòhtsìà hòèlḥi ts'ò yagehtu, dọ elexè hoḥḥi hogehtsì, sọmba k'èxa dọzhì et'ì elexè aget'ḥi, eyìts'ò dọzhì hoḥḥi k'èè ekek'alagedèe, ¹⁰ egeezì-dọḥ, t'asì gha egedi-le-dọḥ,

t'aats'qò geèhdee dọ̀, dọ̀ guzi ju gehtsɯ dọ̀, sọ̀mba gha dọ̀ ghoyagee2aa dọ̀, hanu dọ̀ hazqò sù Nòhtsɯ Wenàowoò k'èè hòzqò sù gixè hòzqò ha nùle. ¹¹ Inèè naxɯ mọ̀hdaa hanu dọ̀ yàahɯ jìlè. Hanikò Zezi-Krɯ wedahxà eyits'q Nòhtsɯ wets'q Inì Degai t'à naxɯhoɯ k'enaatso, degai anaxiùdlà, eyits'q ehkw'ɯ anaxiùdlà jìlè.

Hoɯ k'èè èlek'alaahdèe ch'à edek'èahdi

¹² "T'asì hazqò gogha wets'æt'q nùle," dahwhq sọ̀n kò, t'asì hazqò gogha nezɯ nùle. "T'asì hazqò gogha wets'æt'q nùle," sọ̀n kò t'asì wɯzɯ gots'ò k'àowo ats'ɯhwhq ha-le. ¹³ "Bò sù gobò gha hòèlì, eyits'q gobò sù bò gha hòèlì," haahdi ha tahkò, hanikò Nòhtsɯ eyɯ nàke sù yedihohtsɯ ha hq't'e. Gozhì wet'à hoɯ k'èè èlek'alats'edè gha hòèlì nùle, hanikò gots'ò K'àowo gozhì ts'ò k'àowo ne t'à wegga wet'à-ats'et'ɯ ha hòèlì hq't'e. ¹⁴ Nòhtsɯ t'asì wegga dii-le t'à gots'ò K'àowo naìdà ayìlì, goxɯ sɯ nats'ìdà agole ha hq't'e. ¹⁵ Naxɯzhì sù Zezi-Krɯ wets'q hq't'e wek'èahsq-le nì? Eyit'à gozhì Zezi wets'q ne sù ts'èkoju t'à whetɯ ats'ele ha nì? Jìle, hats'et'ɯ ha honàedi nùle! ¹⁶ Dọ̀, ts'èkoju t'à whetɯ sù yexè jìè zq lanì at'ɯ hq't'e wek'èahsq-le nì? Nòhtsɯ Nìht'è k'e dii hanì dek'eèht'è, "Eyɯ nàke geet'èe sù gızhì jìè lade ha hq't'e," dek'eèht'è. ¹⁷ Hanikò amì gots'ò K'àowo xè at'ɯ sù wets'q Inì t'à yexè jìè zq lade ha.

¹⁸ Eyit'à hoɯ k'èè èlek'alaahdèe ch'à edek'èahdi. Dọ̀ hoɯ eyi-le hohtsɯ sù edezhì t'à hoɯ hohtsɯ at'ɯ nùle, hanikò amì hoɯ k'èè èlek'alagedèe sù edezhì t'à hoɯ hogehtsɯ hq't'e. ¹⁹ Naxɯzhì sù Yedàyeh Nezɯ wekò lanì hq't'e wek'èahsq-le nì? Ededɯ sù naxɯdzeè yì nàdè hq't'e, ededɯ sù Nòhtsɯ naxɯghàyyzq hq't'e. Eyit'à naxɯzhì sù xàè naxits'q nùle. ²⁰ T'asì deè t'à nàgòèdi hq't'e. Eyit'à naxɯzhì t'à Nòhtsɯ ts'ò nezɯ aahda.

7

Dàni èlexè hots'et'ɯ

¹ T'asì ghq sets'ò aah't'è jìèe sù wek'e naxits'ò xàyahtɯ ha. Dọ̀ honìda-le kò nezɯ hq't'e. ² Hanikò dii dọ̀ lq hoɯ k'èè èlek'aladèe t'à dọ̀zhì gitaat'èe xàè gıts'èkeè gòhɯ nıdè nezɯ hq't'e, eyits'q ts'èko sɯ gitaat'èe xàè gidqò gòhɯ nıdè nezɯ hq't'e. ³ Dọ̀zhì hqet'ɯ sù edets'èkeè ghàdìtè ha hq't'e, eyits'q ts'èko hoet'ɯ sɯ ededqò ghàdìtè ha hq't'e. ⁴ Ts'èko hoet'ɯ sù wezhì ededɯ zq wets'q nùle, wedqò sɯ wets'q hq't'e. Eyɯ xèht'èe dọ̀zhì hoet'ɯ wezhì sù ededɯ zq wets'q nùle, wets'èkeè sɯ wets'q hq't'e. ⁵ Jìlah naxını k'èè lenqsɯ èlets'ò jìle dahdi-le. Jìlah hanì ha dahwhq nıdè whatsqò Nòhtsɯ ts'ò xàyaah'tɯ ha gòzqò aahle gha welè, hanikò whaà-lea gots'ò zq aah't'ɯ. Eyɯ t'axqò-jdè èlets'ò anaahde, naxını nàtso-le t'à wehɯ naxeèhdzà ha sọ̀n. ⁶ Hots'et'ɯ gha nàowo naxɯghàehzq

dehsjì-aehsjì-le, hanikò dũ hanì hq̄aht'jì ha dũ-le dehsjì-aehsjì.
 7 Dq̄ hazq̄ò sexèht'eè geeda n̄dè dehwhq̄. Hanikò N̄htsjì sũ dq̄ hazq̄ò gitaat'eè t'asũ eładũ goghàizq̄ hq̄t'e. Dq̄ jìle hoet'jì ha weghàhòt'q̄, eyits'q̄ dq̄ eyi-le t'asũ eładũ weghàhòt'q̄ hq̄t'e.

8 Dq̄ hoget'jì-le eyits'q̄ ts'èko gidq̄zhì while sũ gits'ò dũ haehsjì ha dehwhq̄: Sjì hoeht'jì-le k'èq̄ hoget'jì-le n̄dè gigha nezjì hq̄t'e.
 9 Hanikò gigha wèhoedi-le n̄dè honigudè kò t'asanile. Sũ ełegũwq̄ n̄dè honigedè gigha denahk'e nezjì hq̄t'e.

10 Dq̄ hoget'jì sũ dũ nàowo gighàehzà ha, (sjì seyati nũle, hanikò gots'ò K'àowo weyati ne): Ts'èko hoet'jì sũ ededq̄ò ts'q̄ò xàetła ha-le. 11 Hanikò ededq̄ò ts'q̄ò xàetła n̄dè eyi-le dq̄zhì xè hoet'jì ha-le, hanì-le-ıdè ededq̄ò xè sũnagole ha. Eyits'q̄ dq̄zhì sũ edets'èkeè z̄q̄ede ha-le.

12 Eyits'q̄ dq̄ eyi-le sũ hazq̄ò gits'ò dũ haehsjì ha, (dũ sũ seyati ne, gots'ò K'àowo weyati nũle): Naxita gots'q̄ amũ wets'èkeè wegħa ehkw'ı-ahodi-le n̄dè, hanikò jìlè ededq̄ò xè nàdè ha nıwq̄ n̄dè, eyi dq̄zhì sũ edets'èkeè z̄q̄ede ha-le. 13 Eyits'q̄ ts'èko sũ wedq̄ò wegħa ehkw'ı-ahodi-le, hanikò jìlè edets'èkeè xè nàdè ha nıwq̄ n̄dè, eyi ts'èko sũ ededq̄ò z̄q̄ede ha-le. 14 Dq̄zhì wegħa ehkw'ı-ahodi-le sũ wets'èkeè ts'ihz̄q̄ degaj eljì għa wıta hq̄t'e. Eyits'q̄ ts'èko wegħa ehkw'ı-ahodi-le sũ wedq̄ò ts'ihz̄q̄ degaj eljì għa wıta hq̄t'e. Hanì-le-ıdè naxiza degaj agũt'e ha-le jìle, hanikò dũ degaj agũt'e.

15 Hanikò dq̄ wegħa ehkw'ı-ahodi-le sũ naxits'q̄ò xàetła ha nıwq̄ n̄dè hadeè aweahle. Hagòjà n̄dè dq̄zhì wegħa ehkw'ı-ahodi sũ edets'èkeè xè nàdè-le kò, eyits'q̄ ts'èko wegħa ehkw'ı-ahodi sũ ededq̄ò xè nàdè-le kò. N̄htsjì sũ ts'èwhjì ts'eeda għa gòjhchì hq̄t'e. 16 Njì dq̄ ts'èkeè neljì sũ nedq̄ò edaxàwũhtè ha hoti wèk'èizq̄ nũle. Njì ts'èko wedq̄ò neljì sũ nets'èkeè edaxàwũhtè ha hoti wèk'èizq̄ nũle.

17 Dq̄ hazq̄ò gots'ò K'àowo edjì nègòqlaa sũ ekq̄ geèhk'w'e ha hq̄t'e, eyits'q̄ N̄htsjì ayi ts'ò gokayahtı sũ haguile. N̄htsjì wechekeè k̄ta hazq̄ò nàgedèe sũ eyi nàowo gits'ò haehsjì.
 18 Dq̄, N̄htsjì yekayahtı kwe Moses wenàowoò k'èq̄ hòt'a wekwò nàat'a jìle n̄dè eładũ awede-le. Dq̄, N̄htsjì yekayahtı kwe wekwò nàat'a-le n̄dè wekwò nàt'a adule-le. 19 Dq̄ wekwò nàt'aa, dq̄ wekwò nàt'à-le, eyi N̄htsjì wegħa wet'aazà nũle. N̄htsjì wenàowoò k'èts'edi eyi t'aa sũ wet'aazà hq̄t'e. 20 Eyit'à dq̄ hazq̄ò N̄htsjì gokayahtı ekò edjì geèhk'w'e jìlè sũ ekq̄ et'ı geèhk'w'e kò. 21 N̄htsjì naxıkayahtı ekò dq̄ naxits'q̄ k'àowo jìle n̄dè, wet'à naxıgha gots'eèdi welè-le, hanikò edets'ò k'aehwho ha naxıgha hòzq̄ n̄dè haahde. 22 Dq̄ N̄htsjì yekayahtı kwe wets'ò k'àowo gòhı n̄dè gots'ò K'àowo Zezi għa edets'ò k'àowo eljì ajà hq̄t'e. Eyı xèht'eè dq̄ N̄htsjì yekayahtı ekò edets'ò k'àowo eljì jìlè sũ Zezi-Krı yets'ò K'àowo eljì ajà hq̄t'e. 23 T'asũ

deè t'à nàanaxèdì họt'e, eyit'à dọ naxıts'ọ k'àowo gıllı̄ adeahlè-le. ²⁴ Sèot'ı̄, naxı hazọ Nọhtsı wek'èè aahda ha họt'e eyıts'ọ dani Nọhtsı naxıxè hòzọọ ayıllàa sı k'èè aahda.

²⁵ Ekò ts'èko hogıat'ı̄ while sı gıghọ gots'ọ K'àowo t'asasèhdi-le, hanikò Nọhtsı wesonıwọ t'à ehkw'ı eghàlaehda k'èè sı dàahwhọ sı yatı naxıghàehzà ha: ²⁶ Dıi goxè hoıla k'ehokw'o ts'ıhzọ honıahdè-le kò nezı họt'e dehwhọ. ²⁷ Dọzhı, họt'ı̄ nıdè naxıts'èkèè zọweahdè-le. Họt'ı̄-le nıdè ts'èko hak'èahtale. ²⁸ Hanikò họt'ı̄ nıdè hoıı hòwhàahsı nıle, eyıts'ọ ts'èko họt'ı̄ while sı honıdza nıdè hoıı hòèhtsı nıle. Hanikò amı honıgedèe sı dı nek'e gıxè hoıla ıọ ha họt'e, eyı hoıla naxıts'ọ ha dehwhọ nıle.

²⁹ Sèot'ı̄, whaà-lea gots'ọ zọ ts'eeda dehsı̄-aehsı. ıọ gots'ọ ıdaà dọ gıts'èkèè gòhıı sı gıts'èkèè gòhı̄-le lanı gudà, ³⁰ dọ ts'ọgıwọ sı ts'ọgıwọ-le lagıt'è, dọ sigeèt'ı̄ sı sigeèt'ı̄-le lagıt'è, dọ t'ası nàgeehdı sı xàè gıts'ọ nıle lagıt'è. ³¹ Dọ dı nek'e gots'ọ t'ası t'à-aget'ı̄ sı gıgha wet'aaazà-le lagıt'è. Dı nek'e dı dani hòzọọ sı whaà-le-t'ı̄ while agode ha t'à, hanı aahda.

³² Eyit'à t'ası wızı ghọ nàıahdè ha dehwhọ-le. Dọzhı họt'ı̄-le sı Nọhtsı wenàowoò zọ ghọ naniwo họt'e. Dani Nọhtsı wınà hohtsı ha sı yedaanıwo họt'e. ³³ Hanikò dọzhı họt'ı̄ sı dı nek'e t'ası ıọ ghọ naniwo, eyıts'ọ dani edets'èkèè wınà hohtsı ha sı yedaanıwo họt'e, ³⁴ eyit'à wını elets'ọọ ts'eht'ı̄ lanı. Ts'èko họt'ı̄-le eyıts'ọ t'èekogòò gıllı̄ sı gots'ọ K'àowo wenàowoò zọ daanıgewo họt'e. Ts'èko hanı sı edezhı̄ eyıts'ọ edını t'à Nọhtsı ghàdıtı họt'e. Hanikò ts'èko họt'ı̄ sı dı nek'e t'ası ıọ ghọ naniwo eyıts'ọ edani ededọ wınà hohtsı ha sı ghọ naniwo họt'e. ³⁵ Naxıgha hoezhı ahle ha dehwhọ t'à dı hanı naxıts'ọ gohde nıle, hanikò naxıxè sıghà hòzọ ha welè dehwhọ. Ehkw'ı aahda ha, eyıts'ọ naxını nàtso xè Nọhtsı zọ gha eghàlaahda ha naxeehwhọ t'à aehsı.

³⁶ Dọzhı ts'èkogòò xè honıda ha yeekèe sı ts'ọ nezı k'ehoza-le lat'ı̄ nıdè, eyıts'ọ eyı ts'èko weghoò ıọ adaade xè dọzhı yexè honıda ha nıwọ nıdè t'asanıle. Eyı dọ sı hoıı hohtsı nıle, eyit'à yexè honıda ha t'asanıle. ³⁷ Hanikò dọzhı honıda ha-le k'èè edını whehtsı nıdè, eyıts'ọ edını ts'ọ k'àowo nıdè, eyıts'ọ t'èekogòò aakee sı xè honıda ha-le k'èè edını whehtsı nıdè, hanı dọzhı sı ehkw'ı at'ı̄ họt'e. ³⁸ Eyit'à dọzhı ts'èkogòò aakee sı xè honıdza nıdè ehkw'ı at'ı̄ họt'e, hanikò dọzhı ts'èkogòò aakee sı xè honıdza-le nıdè eyı sı denahk'e ehkw'ı at'ı̄ họt'e.

³⁹ Ts'èko wedọ ełàawı gots'ọ wets'ọ dawhet'ı̄ lanı họt'e. Hanikò wedọ eławo nıdè eyı̄-le dọzhı xè honòoda ha nıwọ nıdè edets'ọ k'àowo. Hanikò eyı dọzhı sı Nọhtsı wets'ọ dọ eı ha họt'e. ⁴⁰ Sı anıhwhọ nıdè eyı ts'èko honıdza-le kò denahk'e

winà ha họt'e. Sı sı Nòhtsı wets'q İni Degai sets'ò-èlì dehwhò t'à aehsı họt'e.

8

Nòhtsı hòèlì ts'ò bò k'èek'ò

¹ Bò nòhtsı hòèlì ghàgeedi sıi weghò dı hanaxèehsı ha: T'ası lò k'èts'eezò ts'ıwò họt'e, hanikò t'ası lò k'èts'eezò nıdè wet'à xàhots'edi ats'et'ı. Ekò ełeghònets'eètò nıdè wet'à nàts'etsoò alets'ehzı. ² Dò t'ası lò k'èezò edeewòò sıi ayı k'èezò ha ıleè sıi ılaà yek'èezò nıle. ³ Hanikò dò Nòhtsı ghòneètòò sıi Nòhtsı eyı dò k'èezò họt'e.

⁴ Eyıt'à bò nòhtsı hòèlì ghàgeedi weghò dı haehsı ha: Dı nèk'e nòhtsı hòèlì sıi t'ası wızi gha ità nıle, Nòhtsı ıle zò gòhı wek'èts'eezò họt'e. ⁵ Yak'e hanı-le-ıdè dı nèk'e nòhtsı lò gòhı gedi t'ıt'e, ("nòhtsı" lò eyıts'ò "k'aodè" lò gòhı sıi ehkw'ı agedı họt'e), ⁶ hanikò goxı gogha sıi Nòhtsı ıle zò gòhı, eyı sıi Nòhtsı-Gotà họt'e. Ededı t'ası hazòò whehtsı eyıts'ò ededı wegħa ts'eeda họt'e. Eyıts'ò gots'ò K'àowo ıle zò gòhı, eyı sıi Zezi-Krı họt'e. Ededı wet'òò t'ası hazòò hòèlì, eyıts'ò wet'à ts'eeda họt'e.

⁷ Hanikò eyı sıi dò hazòò degħàà gık'èezò nıle. Dò mòhdaa ıneè nòhtsıà hòèlì ghò hòt'ò agıwò ıle t'à bò hanı ghò shègezhe nıdè nòhtsı hòèlì ghàzaadi ne gıwò ha. Gını nàtso-le t'à ekò-le nàıgedè xè ekò-le eghàlagıdà gıwò ha. ⁸ Hanikò bò t'à Nòhtsı ts'ò ats'ede ha nıle. Bò hanı ts'edè-le nıdè dezòò nezı-le ats'ede ha nıle, ekò bò ts'edè nıdè wet'à denahk'e nezı ats'ede ha nıle.

⁹ Eyıt'à edexoahdı, bò hanı aahdè naxıgha t'ası nıle kò, naxèot'ı winı nàtso-le sıi naxıt'à ekò-le awede sòò. ¹⁰ Eyı wek'èahsò t'à nòhtsı hòèlì wekò gocho goyı shèahzhe ha sını. Hanikò dò bò nòhtsı hòèlì ghàgeedi ghò shètı sıi ekò-le họt'e nıwò xè ekò naxıazı nıdè, ededı sıi bò hanı ghò shètı ade ha sını. ¹¹ Eyı gòet'ı winı nàtso-le sıi Zezi-Krı yegħa ełıwo kò, ayı k'èahsò t'à wedıhoahsı họt'e. ¹² Hanı gòet'ı k'èch'a hoıı hoahsı xè gını tsıahwhı nıdè, Zezi wek'èch'a hoıı hoahsı họt'e. ¹³ Eyıt'à ayı ghò shètı sıi wet'à sèot'ı hoıı hohtsı awehzı nıdè, k'achı bò wızi ghò shètı ha-le, hanı-ıdè hoıı hohtsı awehzı ha-le.

9

Nòhtsı wecheekeèdè dani gıghàhòt'ò

¹ Sı xàè edets'ò k'aehwho-le nı? Sı Zezi wecheekeèdè aht'e-le nı? Sı xàè gots'ò K'àowo Zezi weehzı-le nı? Gots'ò K'àowo wegħa naxıta eghàlaehda t'à naxıgha ehkw'ı-ahodı aahjà họt'e. ² Dò eyı-le gıgha Nòhtsı wecheekeèdè aht'e-le

sɔnɪ kò, naxɪgha sɪ xàè Nòhtsɪ wecheekeèdeè aht'e. Sɪ set'à naxɪgha ehkw'1-ahodɪ aahjà t'à, gots'ò K'àowo wecheekeèdeè aht'e gha sek'èhoedzɔ hɔt'e.

³ Dɔ seghɔ nàyagehtɪ sɪ gɪts'ò dɪ haehsɪ edek'edaehdɪ ha dii-le: ⁴ Weghɔ shèts'ezhee eyɪts'ò t'asɪ ts'edɔɔ sɪ goxɪ sɪ gogha nɪle nì? ⁵ Zezì wecheekeèdeè eyɪ-le, gots'ò K'àowo wechike, eyɪts'ò Peter, gɪxèht'eè gots'èkeè gɪgha ehkw'1-ahodɪ sɪ edexè agets'ele ha goghàhòt'ò-le nì? ⁶ Hanì-le-ɪdè asɪ Barnabas eyɪts'ò sɪ zɔ wet'à ts'eeda gha hòt'ò eghàladɪda ha hɔt'e nì?

⁷ Dɔ eghɔɔ-dɔɔ elɪ sɪ edets'àzeehdɪ nɪle. Dɔ jìechochɪ k'èdɪ elɪ sɪ yets'ò jìecho edè ha dii-le. Dɔ sahzòq k'èdɪ elɪ sɪ yets'ò ejiet'ò edɔ ha dii-le. ⁸ Dɔ dànì nàngedè ghàà zɔ aehsɪ nɪle. Moses wenàowoò kò eyɪ wexèht'eè dek'eèht'è. ⁹ Moses wenàowoò k'e dɪ hanì dek'eèht'è: "Naxɪts'ò ejie t'olà tàtsɔyeèhze nɪdè wewà nadaahzà-le," dek'eèht'è. Nòhtsɪ sɪ ejie ghɔ nànwɔ t'à adɪ nɪle. ¹⁰ Nòhtsɪ hadɪ sɪ hotɪ gogha godeè-adɪ hɔt'e. Dɔ ɲè dèè k'e t'asɪ dehshee gha dèè k'e sɪgohzɪ hɔt'e, eyɪts'ò dɔ eyɪ-le sɪ ejie t'olà k'e k'edaà ayehzɪ hɔt'e. Eyɪ ɲah haget'ɪ sɪ t'asɪ dehshee wets'ò t'asɪ xàhogehtwhɪ ha gɪwɔ t'à aget'ɪ. ¹¹ Eyɪ xèht'eè lanì t'asɪ nezɪ naxɪdzeè yɪ nèt's'ɪla hɔt'e, eyɪt'à naxɪdzeè yɪ ayɪ diidɪ ajà ts'ɪhʔɔ t'asɪ wet'à ts'eedaa goghàahdɪ ha-le nì? ¹² Dɔ eyɪ-le t'asɪ t'à gɪts'àahdɪ ha gɪghàhòt'ò nɪdè, goxɪ gɪnahk'e gots'àahdɪ ha-le nì?

Goxɪ sɪ gots'àahdɪ ha goghàhòt'ò ɲè, hanìkò naxɪts'ò t'asɪ ts'ɪwɔ-le ɲè. ɲè, hoila xè ts'eeda kò ts'ɪwɔ, Zezì-Krɪ wegodɪ nezɪ t'asɪ wɪzɪ t'à wehoeza ha ts'ɪwɔ-le. ¹³ Nòhtsɪkò-gocho goyɪ eghàlageedaa sɪ Nòhtsɪkò gots'ò t'asɪ ghɔ shègezhe hɔt'e, wek'èahsɔ-le nì? Yahtɪ kwe-ladà k'e t'asɪ Nòhtsɪ ts'ò k'egèhk'òɔ sɪ wets'ò dɔ xè gɪwàhodɪ hɔt'e, wek'èahsɔ-le nì? ¹⁴ Eyɪ xèht'eè lanì gots'ò K'àowo gogha nàowo whehtsɪ hɔt'e, dɔ godɪ nezɪ t'à dɔ ts'ò gogede k'èxa gɪt'à edaa gɪghòzhe ha hɔt'e, hadɪ.

¹⁵ Hanìkò sɪ ayɪ seghàhòt'à ha ɲèè sɪ wedɔ kò dehwhɔ. Edahxɔ t'asɪ seghàahle ha dehwhɔ t'à dɪ hanì naxɪts'ò eht'è nɪle. T'asɪ k'èxa-le godɪ nezɪ t'à naxɪts'ò gohdee sɪ weghɔ xàdahodɪ ha dii-le. Eyɪ sɪ dɔ seghɔ yìhchɪ nɪdè bò dɔ elàɪhwho kò segha denahk'e nezɪ hɔt'e. ¹⁶ Hanìkò godɪ nezɪ t'à dɔ hoghàehtɔ nɪdè edeghɔ xàdahodɪ ha dii. Godɪ nezɪ t'à dɔ hoghàehtɔ eyɪ zɔ segha hòʔɔ hɔt'e. Godɪ nezɪ t'à dɔ ts'ò gohdele nɪdè segha hoila ha hɔt'e! ¹⁷ Sɪ xàè haehwhɔ t'à eyɪ la weghàlaehda nɪdè, wek'èxa t'asɪ seghòt'à ha ɲè. Ekò Nòhtsɪ eyɪ la seghàɪʔɔ ayɪlà nɪdè ekɪ sɪlā weghàlaehda aht'ɪ. ¹⁸ Eyɪt'à wek'èxa ayɪ seghòt'à ha? Dɪ zɔ k'èxa aht'ɪ: Godɪ nezɪ t'à dɔ ts'ò gohde nɪdè t'asɪ k'èxa-le yatɪ gɪghàehzà hɔt'e. Godɪ nezɪ t'à gohde k'èxa t'asɪ seghòt'à ha hòʔɔ kò, wedɔ ahzɪ.

¹⁹ Edets'ò k'aehwhoo aht'e xè dọ wɔ̀zì wets'ọ aht'e-le kò, dọ ɔ̀ dehnè ha dehwhọ t'à dọ hazọ̀ ɔ̀gha eghàlaehdaa dọ̀ ehɔ̀ adèhà. ²⁰ Israel got'ɔ̀ Zezì gha geehnè ha dehwhọ t'à gixèht'eè ehda. Dọ, Moses wenàowoò t'á geèkw'ee sù Zezì gha geehnè ha dehwhọ t'à, gixèht'eè Moses wenàowoò t'á whihda laht'e (Moses wenàowoò t'á whihda-le kò). ²¹ Eyits'ọ dọ, Moses wenàowoò dẹ geedaa sù gixèht'eè ehda, Zezì-Krì gha geehnè ha dehwhọ t'à. (Nòhtsì wenàowoò wedẹ ahle ha dii, Zezì-Krì wenàowoò t'á whihda t'à.) ²² Dọ nàgetso-le sù gita aht'ì nùdè gixèht'eè nàhtso-le laht'e, hanì-ìdè edahxọ Zezì gha geehnè ha weli. Dọ hazọ̀ xàʔaa gixèwhiht'e ha dehwhọ, hanì-ìdè edahxọ gita gots'ọ dọ mọhdaa edaxàgehle ha weli. ²³ Godì nezù gha eyì hazọ̀ hahʔì họt'e. Hanì-ìdè godì nezù wet'à sexè sìghà agode ha.

²⁴ Dọ ehdaàtımogeedè nùdè dọ ɔ̀ zọ hoehnè, wek'èts'eezọ họt'e. T'asì deè daahnè ha ehdaàtımogahdè weli. ²⁵ Amì ehdaàtımogeedè goxè at'ì ha nıwọ̀ sù eyì gha edexè sınıhòʔà họt'e. Dọ hanì sù t'asì sọ̀mbaekwo t'à hòèlì eyits'ọ t'asì whaà ts'ọ wheʔọ ha-le sù geehnè gha aget'ì, hanìkò goxì sù t'asì deè welọ while ts'ọ goghaelì gha ats'et'ì họt'e. ²⁶ Eyit'à dọ edì ts'ọ at'ì yek'èezọ-le lanì k'etımogehda nùle, eyits'ọ dọ ekì-ka eeh'tì lanì eeh'tì nùle. ²⁷ Ìle, sezhiì sek'èt'e xè segha eghàlaedaà ahʔì. Hanì-ìdè godì nezù t'à dọ ts'ọ goihde t'axọ̀ nùdè, t'asì deè ts'eehnè gha sedẹ asedle ha nùle.

10

Israel got'ɔ̀ gixè dàgoat'ɔ̀ sù weghàà nàniàhdè

¹ Sèot'ù, gocho sù Nòhtsì wets'ọ k'oh wezhu agùt'è ɔ̀, eyits'ọ tìdè yì dexageède ɔ̀, eyì wek'èahsọ ha dehwhọ. ² Hazọ̀ Moses xè k'oh yì eyits'ọ tìdè yì gik'ètaìdzọ lagejà ɔ̀. ³ Hazọ̀ yak'e gots'ọ lèt'è degai ghọ shègiazhe, ⁴ eyits'ọ hazọ̀ Nòhtsì tì goghànudì sù giadó. Nòhtsì wets'ọ kwe gixè at'ù sù gots'ọ tì giadó lanì. Eyì kwe sù Zezì-Krì họt'e. ⁵ Hanìkò Nòhtsì sù gocho deʔat'ọ ghọ wek'èch'a ɔ̀. Eyit'à ełàgùdè t'à, ekì-ka nèk'e gıkw'ọ̀ k'eanìla.

⁶ Eyì hagòjàa sù weghàà gocho gixèht'eè godzè t'à hòlì ts'ùwọ ha-le gha hoghàdets'etọ gha agòjà họt'e. ⁷ Gocho mọhdaa gixèht'eè nòhtsì hòèlì ts'ọ yaahtì-le. Du hanì dek'eèht'è, “Dọ shègezhe xè gedọ gha lãà nègùde, eyì t'axọ̀ ededzè t'à dọ Nòhtsì k'ègeezọ-le lanì ɔ̀gha sìgòèt'ì xè ełexè sọ̀nàgedè,” dek'eèht'è. ⁸ Gocho mọhdaa gixèht'eè gozhì t'à hòlì k'alats'ùdè-le. Ìlè dzeʔè t'à naènọ-daats'ò-taì-lemì dọ haàt'ọ ełàdè ɔ̀, eyì wenaahdì. ⁹ Gocho mọhdaa gixèht'eè, gots'ọ K'àowo wets'eèhdzà ha hòʔọ nùle. Hagiat'ì ts'ihʔọ gòcho t'à ełàgùdè ɔ̀, eyì wenaahdì. ¹⁰ Eyits'ọ gocho mọhdaa hagùdì

lanì, Nòhtsì ts'ò sòahdì-le. Hagùdì ts'ihzò yak'eet'ù dọ dıhohtsù elù sù ɛ̀laàgòihdè ìlè, eyı wenaahdì.

¹¹ Goxı dı̀ nõqde dzèè k'e ts'eedaa sù, eyı hazòò gıts'ò hagòjàa sù wet'à hoghàgoetò gha agòjà họt'e, eyıts'ò wēnats'edı ha t'à gogha dek'eèht'è họt'e. ¹² Eyıt'à amı nàhtso edeewòò sù, hoɦı t'à naxik'èchiıtla ch'à edexoahdì! ¹³ Dọ hazòò hoɦı t'à dani geèdzàa sù wedaats'ò naxeèdzà ha nıile. Nòhtsì sù t'aats'òò goxoehdì ha họt'e, naxını nàtso nahk'e ts'ò naxeèdzà anaxele ha nıile. Hanikò hoɦı t'à naxeèdzà nıdè, weghòahnè ha naxını nàtsoò ayele ha.

Gots'ò K'àowo welibò eyıts'ò

ınhı welibò ìlah gots'ò ts'edò ha dı̀

¹⁴ Eyıt'à seàgı nõhtsıà hòèlı hazòò xàʔaa ts'ò yaahtı ch'à eyıts'ò gınàowòò ààhchı ch'à hotı edek'èahdì. ¹⁵ Dọ ehkw'ı nàniğedèe sù gıts'ò gohde aehsı họt'e, eyıt'à ayı dàehsı sù ası̀ ehkw'ı gohde lı edegha wedaàniahdè. ¹⁶ Libò wek'eèyats'ehtı xè weghò Nòhtsı ması wets'ıhwhò nıdè Zezi wedoò gogha xàıtl'ı sù wexè ats'et'ı gha goıtà họt'e. Eyıts'ò lèt'è tàts'eezhı xè weghò shèts'ezhe nıdè Zezi-Krı goghàdıhtı sù wexè ats'et'ı họt'e. ¹⁷ Lèt'è ìlè zò họt'e eyıts'ò goxı hazòò eyı lèt'è ìlè weghò shèts'ezhe t'à, goxı goıtlò ats'ıt'e kò wezhı ìlè zò lats'ıt'e.

¹⁸ Israel got'ı gıdaàniahdè: dọ Nòhtsı ghàʔaadı gots'ò shètı sù dọ Nòhtsı ghàgıdì xè aget'ı gha gıtà họt'e. ¹⁹ Bò nõhtsı hòèlı ghàgeedı sù t'ası deè họt'e dehsı-aehsı-le, eyıts'ò eyı nõhtsı hòèlı sù t'ası deè elı dehsı-aehsı-le. ²⁰ ìlè, haehsı-aehsı-le, hanikò dọ Nòhtsı k'ègeezò-le sù ınhı ts'ò kò ghàgeedı họt'e, Nòhtsı ghàgeedı aget'ı nıile. Eyıt'à ınhı gıxè aaht'ı ha naxeehwhò nıile. ²¹ Gots'ò K'àowo welibò eyıts'ò ınhı welibò gots'ò ìlah aahdò ha dı̀ họt'e. Gots'ò K'àowo weladà eyıts'ò ınhı weladà, ìlah gots'ò shèahzhe ha dı̀ họt'e. ²² Gots'ò K'àowo ts'ohodı awets'ele ha hots'eèhdzà ats'et'ı nı? ìlè, wenahk'e nàts'etso nıile.

T'ası hazòò gogha sıghà nıile

²³ “T'ası hazòò gots'ò wets'æt'ò nıile,” haahdı sını, hanikò t'ası hazòò gogha sıghà nıile. “T'ası hazòò gots'ò wets'æt'ò nıile,” haahdı sını, hanikò t'ası hazòò t'à goını nàtsoò ade ha nıile. ²⁴ Edegħa zò nezı k'ehoahʔa-le, hanikò dọ eyı-le dani gıgha sıghà hòʔò ha sù ghò nàniahdè.

²⁵ Nàedı k'è gots'ò bò t'alàa-sı ghò shèahzhe, ası̀ ehkw'ı aaht'ı, hanı-le-ıdè ekò-le aaht'ı weghò daʔaaħke-le, ²⁶ dı hanı dek'eèht'èe wek'èts'eezò t'à: “Dèe eyıts'ò t'ası hazòò wek'e whelaa sù gots'ò K'àowo wets'ò họt'e,” dek'eèht'è.

²⁷ Dọ wegha ehkw'ı-ahodı-le sù sexè shènetı nèhdı nıdè, eyıts'ò nı haneewò nıdè, weghò shèts'ezhee negà nèyılāa sù

hazòò weghò shènetj. Asjì ehkw'ı ne, asjì ekò-le ne neewò t'à, weghò da?ihke-le. ²⁸ Hanikò dò dı hanaxèhdi nıdè, “Dı bò sı nõhtsıà hòèlı ghà?aadi họt'e,” naxèhdi nıdè, weghò shèahzhe-le. Dò naxıts'ò hadı sı wegha eyıts'ò wını sı gha eyı bò weghò shèahzhe-le. ²⁹ Dò eyı-le wını gha aehsı, naxımsı gha aehsı-le. T'ası segha ekò-le k'èè nıle dehwhò t'à dò eyı-le gıgha ehkw'ı nıle sı ayıha sesınıyagehtı weli? ³⁰ Dò gıxè shèhtı gha Nõhtsı ması weehwhò nıdè, ayıha eyı ghò dò sesınıyagehtı weli?

³¹ Eyıt'à t'ası ghò shèahzhe xè t'ası aahdò, eyıts'ò t'ası t'ahoòyı haahzı nıdè, wet'à Nõhtsı weghàsòahdı. ³² Naxıt'à dò wıızı ekò-le awede sòò, Israel got'ı, Greece got'ı, hanı-le-ıdè Nõhtsı wecheekeè hazòò ts'ıò ageahle sòò. ³³ Sı sı dò hazòò gıgha sıghà k'èè eghàlaehda ha edeèhdzà. Sı edegha sıghà zò k'èè eghàlaehda ha dehwhò-le, hanikò dò hazòò gıgha sıghà k'èè ha dehwhò, hanı-ıdè edahxò edaxàgeedè ha weli.

11

¹ Sı Zezı-Krı wek'èè k'ehohza lanı sek'èè k'ehohza.

Danı elèxè ehkw'ı yats'ehı

² T'ası hazòò dānaxèehsı sı wenaahdı, eyıts'ò ayı hoghānaxeèhtò sı hotı yāahò, eyı gha naxıghàsòehdı.

³ Zezı-Krı dözhi hazòò gha K'àowo họt'e wek'èahsò ha dehwhò, eyıts'ò dözhi ts'èko gha k'àowo gııı họt'e, eyıts'ò Nõhtsı-Gotà Zezı-Krı gha K'àowo họt'e. ⁴ Dözhi edekwı k'e t'ası whaèhò xè Nõhtsı ts'ò yahtı nıdè, hanı-le-ıdè Yedayeh Nezmı dahxà xāyahtı nıdè Zezı-Krı ts'ò nezmı naza nıle. ⁵ Eyıts'ò ts'èko edekwı k'e t'ası whehchı-le xè yahtı hanı-le-ıdè Yedayeh Nezmı dahxà xāyahtı nıdè, dözhi ts'ò nezmı naza nıle. Wekwıghà hazòò xaet'à xèht'eè lanı họt'e. ⁶ Ts'èko edekwı k'e t'ası whehchı-le sı wekwıghà hazòò xawet'à. Ts'èko wekwıghà xaet'à t'à edeghò jızhaleı nıdè, edekwı k'e t'ası whehchı ha họt'e. ⁷ Dözhi sı Nõhtsı enıyah wehòhò k'èè wehòèlı ne t'à, edekwı k'e t'ası whehchı ha nıle, hanikò ts'èko sı dözhi enıyah wehòhò k'èè wehòèlı họt'e. ⁸ T'akwełò dözhi wehòèlı sı ts'èko gots'ò wehòèlı nıle, hanikò t'akwełò ts'èko wehòèlı sı dözhi gots'ò wehòèlı họt'e, ⁹ eyıts'ò dözhi sı ts'èko gha wehòèlı nıle, hanikò ts'èko sı dözhi gha wehòèlı họt'e. ¹⁰ Eyı ts'ıhò, eyıts'ò yak'eet'ı gıts'ıhò ts'èko edekwı k'e t'ası whehchı ha họt'e. Eyı weghàà ts'èko wedòò t'a wheda wek'èhoedzò họt'e.

¹¹ Gots'ò K'àowo wenadaà ts'èko sı dözhi dè t'ası elı nıle, eyıts'ò dözhi sı ts'èko dè t'ası elı nıle. ¹² Ts'èko sı dözhi gots'ò wehòèlı họt'e, eyıts'ò dözhi ts'èko gots'ò wegòhı họt'e. Hanikò t'ası hazòò Nõhtsı gots'ò họt'e. ¹³ Ts'èko t'ası kwıhchı-le xè Nõhtsı ts'ò yahtı nıdè asjì eyı ehkw'ı ne? Edeggha wedaāıahdè. ¹⁴ Gonàowò k'èè dānı k'edets'eet'ı sı

wek'èch'a dọzhì edekwìghà nedè ayìhwhọ nìdè eyi sù dọ gìgha ììzhagohwhọ họt'e. ¹⁵ Ekò ts'èko wekwìghà nedè nìdè wet'à dọ gìghàsọedì. Wekwìghà nedèe wekwì k'e whela gha weghòzha họt'e. ¹⁶ Dọ eyi ghọ elets'ò nàyagehtì ha gụwọ nìdè, goxì gogha eyits'ọ Nòhtsì wecheekeè hazọọ gìgha nàowo eyi-le gòhì nùile.

Dàni gots'ò K'àowo welèt'è ghọ shèt's'ezhe

¹⁷ Ayì naxits'ò haehsì ha sù ghọ naxits'ò nezìì gohde ha nùile. Lẹ̀a niahdè nìdè elets'ò hoìla hoahtsì zọ dezọatìọ, elets'aahtì gha sù dek'azì họt'e. ¹⁸ T'akwelòò dù haehsì ha dehwhọ: Naxì Nòhtsì wecheekeè yàahì sù lẹ̀a niahdè nìdè, ełek'ẹ̀e aahwhọ-le weghọ eèhk'w'o họt'e, segha ehkw'ì agedì lanì. ¹⁹ Naxìta dọ ełek'ẹ̀e nàngedè ha-le t'ìt'e, hanì-ìdè amì Nòhtsì winì k'ẹ̀e geedaa sù wek'èhoedzọ ha. ²⁰ Lẹ̀a niahdè nìdè gots'ò K'àowo welèt'è ghọ shèahzhe gha aah't'ì nùile. ²¹ Ełexè shèahzhe nìdè, ełedanaahzì-le et'ì shèahzhe. Dọ mọhdaa ịlẹ̀a degeèhđì, eyits'ọ dọ mọhdaa geèhde. ²² Naxìkò shèahzhe xè aahdọ ha dìì-le sọnaà? Nòhtsì wecheekeè dọ k'ẹ̀e giahtà-le nì, eyits'ọ dọ-teèt'ì sù ììzhagùlì agiahle ha nì? Eyì ghọ naxits'ò nezìì aehsì ha nì?

²³ Gots'ò K'àowo yatì seghàzọọ sù eyi yatì naxìghàehzọ họt'e: Gots'ò K'àowo Zezì k'aodèe t'ì'agùhì toò k'e lèt'è nùichì, ²⁴ yek'eèyàhtì t'ì'axọọ tàyìzhì gà hadì, "Dù sezhì họt'e, eyi sù naxìgha adlẹ̀ họt'e. Dù haah't'ì xè senaahđì nọọ," Zezì hadì ịlẹ̀. ²⁵ Eyì xèht'eè shègiazhe t'ì'axọọ libò neyìhghè gà hadì, "Dù sedoò naxìgha xàt'ì sù wet'à nakenahòdì wegòò naxìgha hòlẹ̀ họt'e. Dù libò wets'ọ aahdọ taat'eè senaahđì nọọ," Zezì hadì ịlẹ̀. ²⁶ Dù lèt'è ghọ shèahzhe eyits'ọ dù libò wets'ọ aahdọ taat'eè, gots'ò K'àowo nọqtì gots'ò, dàni gogha ełajwoò sù dọ gk'èezọọ agiahzì họt'e.

²⁷ Eyit'à amì ekọ-le hohtsì xè lèt'è yezaa eyits'ọ libò gots'ọ yedọọ sù Zezì wezhì eyits'ọ wedoò k'èch'a hoì hohtsì họt'e. ²⁸ Amì, lèt'è yezaa eyits'ọ libò gots'ọ yedọ kwe sù hotì edinì eyits'ọ ededzeè k'aehta welì. ²⁹ Amì, gots'ò K'àowo wezhì ghọ hotì nıwọ-le xè lèt'è yeza eyits'ọ libò gots'ọ yedọ nìdè, ekọ-le eghàlaeda họt'e. Dọ lahot'ì-le k'ẹ̀e yeghọ shèt'ì t'à wesinìyaeti adehzì họt'e. ³⁰ Haah't'ì ts'ihzọ naxìta gots'ọ dọ ịọ nàgetso-le xè eyagùlì, eyits'ọ naxìta gots'ọ dọ mọhdaa ełagùdè họt'e. ³¹ Hanìkò ehkw'ì edesinìyats'ehì nìdè Nòhtsì hoìla ts'ò gosinìyaehì ha nùile. ³² Gots'ò K'àowo gosinìyaehì taat'eè ehkw'ì ts'eeda gha hoghàgoetọ at'ì họt'e, hanì-ìdè dù nèk'e ts'ọ dọ gixè welọ while ts'ò ełàats'ede gha gosinìyaeti ha-le.

³³ Eyit'à sèot'ì, shèahzhe ha lẹ̀a niahdè nìdè ełedanaahzì. ³⁴ Amì deèhđì sù t'akwelòò edekò shèwetì, hanì-ìdè shèahzhe gha lẹ̀a niahdè nìdè ekọ-le aah't'ì gha naxìsinìyaeti ha-le.

Naxıts' àwhıhtla nıdè ayı dâahle ha sı ılaà denahk'e naxıts'ò haehsı ha.

12

Yedàyeh Nezu t'ası wet' à-ats'et'ı goghàyele

¹ Sèot'ı, Yedàyeh Nezu t'ası wet' à-ats'et'ı goghàyelee sı hotı nezu wek'èahsò ha naxeehwhò. ² Inèè Nòhtsı k'èahsò-le ekò naxıts'ò dâgòjaa sı wek'èahsò hõt'e. Ts'ızo anaxııdlà t' à nòhtsı eda-le sı ts'ò yaahı ıle. ³ Eyıt' à du hanaxèehsı: Yedàyeh Nezu dödzeè yı nàdè nıdè eyı dò, “Zezı ts'ò hoıla welè,” hadı hõıı ha nıle. Eyıts'ò Yedàyeh Nezu dödzeè yı nàdè-le nıdè eyı dò, “Zezı sets'ò K'àowo hõt'e,” hadı ha nıle.

⁴ T'ası eladı xàzaa goghòzhe hõt'e, hanıkò Yedàyeh Nezu ededı et'ı goghàyele hõt'e. ⁵ La ladı lo xàzaa ghàlats'eeda hõt'e, hanıkò gots'ò K'àowo ıle zo gha eghàlats'eeda hõt'e. ⁶ Goxı hazò t'ası ladı t' à eghàlats'eeda ha goghàhòt'ò hõt'e, hanıkò Nòhtsı ededı zo dò hazò t' à eghàlaeda hõt'e.

⁷ Yedàyeh Nezu ayı goghàza t' à dò xè eghàlaedaa sı Nòhtsı wets'ò dò hazò gıxè sıghà gha at'ı hõt'e. ⁸ Dò ıle Yedàyeh Nezu wedaxà yatı gòzò t' à gode, eyıts'ò dò ıle Yedàyeh Nezu dahxà t'ası k'èezò wegodı t' à gode, ⁹ eyıts'ò dò ıle Yedàyeh Nezu wedaxà wı nàtso ha weghàhòt'ò, eyıts'ò k'achı dò ıle Yedàyeh Nezu wedaxà dò k'aat'ı ahı ha weghàhòt'ò hõt'e, ¹⁰ eyıts'ò k'achı ıle enıyah hohtsı ha, k'achı ıle Yedàyeh Nezu dahxà xàyahı ha, k'achı ıle ı nı dâhòt'ı dò ts'ò at'ı sı k'èhoezò ha, k'achı ıle yatı eladı t' à gode ha, eyıts'ò k'achı ıle yatı ek'èch'aòt'ı gha etaehtı elı ha weghàhòt'ò hõt'e. ¹¹ Yedàyeh Nezu ıle zo hõt'e, hanıkò eyı hazò yeghàlaeda hõt'e. Hotı dâıwò sı k'èè edets'ò dò t'ası goghàza hõt'e.

Gozhı k'e t'ası lo xàzaa whela

¹² Gozhı ıle zo hõt'e hanıkò wek'e t'ası lo xàzaa whela. T'ası ladı lo wek'e whela kò gozhı ıle zo elı hõt'e. Zezı wexè eyı lanı hõt'e. ¹³ Yedàyeh Nezu ıle zo t' à hazò gok'ètaıdzò hõt'e, eyıt' à Zezı-kı wezhı ıle zo ts'ıııı ats'eja. Israel got'ı ts'ıııı, Greece got'ı ts'ıııı kò eyı wet' àazà-le aja, eyıts'ò edets'ò k'ats'ewo, edets'ò k'ats'ewo-le eyı hazò wet' àazà-le aja, goxı hazò Yedàyeh Nezu godzeè yı adla, eyı wet' à ıle zo lats'ııt'e.

¹⁴ Gozhı sı t'ası ıle zo wek'e whezo nıle, t'ası lo wek'e whela hõt'e. ¹⁵ Gokè du hadı nıdè, “Goilà aht'e-le t' à gozhı wets'ò aht'e-le,” hadı kò ılaà gozhı ts'ò hõt'e. ¹⁶ Eyıts'ò godzııkw'ò du hadı nıdè, “Godaà aht'e-le t' à gozhı wets'ò aht'e-le,” hadı kò ılaà gozhı ts'ò hõt'e. ¹⁷ Gozhı hazò godaà zo elı nıdè dâ nı ets'eèkw'ò weli? Eyıts'ò gozhı hazò godzııkw'ò zo elı nıdè dâ nı t'ası ts'ehtsò weli? ¹⁸ Hanıkò

Nòhtsɪ sɪ gozhɪ k'e t'asɪ ɫadɪ ɫo whelaa ayɪlɪ, hazoɔ hotɪ dani ha nɪwo k'èè ayɪlɪ. ¹⁹ Gozhɪ t'asɪ ɫè zɔ elɪ nɪdè dani gozhɪ xè hòzɔ ha? ²⁰ Hanɪ nɪle, t'asɪ ɫo gozhɪ k'e whela hanikò gozhɪ ɫè zɔ gòhɪ hɔt'e.

²¹ Godaa, goɪlà ts'ò du hadɪ ha dii, “Nedè kò ehda ha dii-le!” eyɪts'ɔ gokwɪ, gokè ts'ò du hadɪ ha dii, “Nedè kò ehda ha dii-le!” ²² ɪle hanɪ nɪle. T'asɪ mòhdaa gozhɪ k'e whelaa sɪ nàtsòle ts'ɪwo kò wedè ts'eeda ha dii hɔt'e, ²³ eyɪts'ɔ t'asɪ mòhdaa gok'e whelaa wet'aaɔà-le lanɪ sɪ hotɪ nezɪ wek'èts'edɪ hɔt'e. Eyɪts'ɔ t'asɪ mòhdaa gok'e whelaa sɪ wègaat'ɪ ha-le ts'ɪwo sɪ hotɪ dezɪ ats'ɪhwhɔ hɔt'e. ²⁴ Ekò t'asɪ gok'e whela wègaat'ɪ ha ts'ɪwo sɪ nezɪ wek'èts'edɪ-le kò t'asanile. Nòhtsɪ sɪ gozhɪ k'e t'asɪ whelaa sɪ eɬèxè nezɪ whelaa ayɪlɪ, eyɪts'ɔ ayɪ gogha wet'aaɔà-le lanɪ sɪ wet'aaɔà ayɪlɪ. ²⁵ Hanɪ-ɪdè gozhɪ k'e t'asɪ whelaa sɪ eɬèk'èch'a aget'ɪ ha-le, eyɪts'ɔ eɬèht'eè nezɪ eɬèk'ègedɪ ha. ²⁶ Gozhɪ k'e t'asɪ ɫè daɪza nɪdè eyɪ-le hazoɔ wexè dagɪza hɔt'e; gozhɪ k'e t'asɪ ɫè weghàhodɪ nɪdè eyɪ-le hazoɔ wexè gɪnà hɔt'e.

²⁷ Eyɪ xèht'eè Zezì-Krɪ wezhɪ laaht'e, eyɪts'ɔ naxɪ hazoɔ wezhɪ gots'ɔ aah't'e. ²⁸ Nòhtsɪ sɪ t'akwelò wècheekè gita gots'ɔ edecheekèdè gòhchɪ hɔt'e, eyɪ k'èè nakwenàozɔ, eyɪ k'èè dɔ-hoghàhtɔ-dò, eyɪ k'èè enɪyah-hogehtsɪ-dò, eyɪ k'èè dɔ-k'aat'ɪ-agehɔ-dò, eyɪ k'èè dɔ-ts'adɪ-dò, eyɪ k'èè t'asɪ-gha-k'aodè-gɪɪ-dò, eyɪts'ɔ eyɪ k'èè yatɪ-ɫadɪ-t'àngogede-dò gòhchɪ hɔt'e. ²⁹ Dɔ hazoɔ Zezì wècheekèdè agɪt'e nì? Dɔ hazoɔ nakwenàozɔ agɪt'e nì? Dɔ hazoɔ dɔ-hoghàhtɔ-dò agɪt'e nì? Dɔ hazoɔ enɪyah-hogehtsɪ nì? ³⁰ Dɔ hazoɔ dɔ k'aat'ɪ agehɔ ha gɪghàhòt'ɔ nì? Dɔ hazoɔ yatɪ eɬèk'èch'aòt'ɪ t'àngogede nì? Dɔ hazoɔ yatɪ eɬèk'èch'aòt'ɪ t'àngogede gha etagehtɪ nì? ɪle ne! ³¹ Nòhtsɪ sɪ nàowo denahk'e nezɪ naxɪghàɔ ha nɪwo, hotɪ naxɪdze t'àngohwhɔ weli. Eyɪ nàowo denahk'e nezɪ sɪ dii naxɪts'ò haehsɪ ha.

13

Eɬèghɔnets'eètɔ sɪ wet'ahòɔàa-dè hɔt'e

¹ Dɔ gɪyatɪ xàzaa eyɪts'ɔ yak'eet'ɪ gɪyatɪ t'àngohde kò, dɔ ghɔnehtɔ-le nɪdè ekɪ satsò dèekw'ɔ zɔ laehsɪ. ² Yedàyah Nezɪ dahxà xàyahtɪ ha seghàhòt'ɔ nɪdè, t'asɪ dezɪ whelaa eyɪts'ɔ t'asɪ dezɪ hazoɔ wenɪhdɪ nɪdè, eyɪts'ɔ sɪ segha ehkw'ɪ-ahodɪ t'àngohde nechàa nàèhdɔ ahɫe ha dii-le, hanikò dɔ ghɔnehtɔ-le nɪdè t'asɪ ehɪ nɪle. ³ T'asɪ hazoɔ sets'ɔ sɪ dɔ-teèt'ɪ gɪghàehɫe eyɪts'ɔ sezhɪ wek'èek'ò ha adèhà kò dɔ ghɔnehtɔ-le nɪdè t'asɪ wɪzɪ dehnɔ nɪle.

⁴ Dọ ghọnets'eètọ nịdè dọ xè ts'èwhị ts'ụwọ eyits'ọ dọ ts'ò godzeè nezị họt'e. Dọ ghọnets'eètọ nịdè dọ ghọ ts'ohots'eedile, edeghọ xàdahots'edi-le, eyits'ọ xàhots'edi-le. ⁵ Dọ ghọnets'eètọ nịdè dọ ts'ò yedats'ụt'e-le, edeghọ zọ nànts'ewo-le, goinì nàitlò-le, eyits'ọ dọ gots'ò ekọ-le eghàlajà kò, wenats'edi-le. ⁶ Dọ ghọnets'eètọ nịdè nàowohị ghọ goinà nùile, hanikò nàowo ehkw'ụ sị ghọ goinà họt'e. ⁷ Dọ ghọnets'eètọ nịdè t'aats'ọọ dọ xè sìghà hots'ehtsị, t'aats'ọọ gogha ehkw'ị-ahodị, t'aats'ọọ edahxọ weli ts'ụwọ, t'aats'ọọ goinì nàtso ats'ụhwhọ xè weghọ nats'et'è-le.

⁸ Ełeghọnets'eètọọ sị welọ nèhòkw'ị ha nùile. Hanikò Yedàyeh Nezụ dahxà xàyats'ehtị sị welọ nèhòkw'ị ha, yatị ełek'èch'aòt'ụ t'à gots'edee sị weghọnats'et'è ha, eyits'ọ t'asị k'èts'eezọọ sị while ade ha. ⁹ Dụ t'asị mọhdaa zọ k'èts'eezọ, eyits'ọ Yedàyeh Nezụ weyatị mọhdaa zọ t'à xàyats'ehtị, ¹⁰ hanikò t'asị hazọọ deghàà agòjà nịdè t'asị deghàà-le sị while ade ha. ¹¹ Chekoa ehị ekò chekoa lanì gohde ịlè, chekoa lanì nànhwho ịlè, chekoa wini k'èè t'asị danihwho ịlè. Qhdah whihị ekò chekoa wenàowoò wede ahlà. ¹² Dụ gogha deghàà xègaat'ị-le, wet'à daàts'eedaa nezị-le yì k'ets'et'ị lanì. Dụ sị deghàà wek'èts'eezọ nùile hanikò ịdaà nịdè dànì wègaat'ụ sị deghàà gogha wègaat'ị ha, ededị gok'èezọ lanì wek'èts'eezọọ ats'ede ha.

¹³ Dụ nàowo tai sị welọ while ts'ò whela ha: gogha ehkw'ị-ahodị, edaxàts'eedè kanits'eèzàa, eyits'ọ ełeghọnets'eètọọ. Eyì nàowo tai gots'ọ sị ełeghọnets'eètọọ denahk'e elị họt'e.

14

Nòhtsị yatị t'à eyits'ọ yatị ełek'èch'aòt'ụ t'à gots'ede

¹ Ełeghọnets'eètọọ nàowoò k'èè aahda, Yedàyeh Nezụ ayì goghàyelee sị eyì denahk'e weahwhọ. Yedàyeh Nezụ wedahxà xàyaahtı sị eyì denahk'e weahwhọ. ² Amì Yedàyeh Nezụ dahxà yatị ełek'èch'aòt'ụ t'à godee sị dọ ts'ò godee-adi nùile, hanikò Nòhtsị ts'ò godee-adi họt'e. Dàdị sị dọ wụzị yeniedì nùile eyit'à edets'ọ nì t'à t'asị dọ yeniedì-le sị t'à gode họt'e. ³ Hanikò amì Yedàyeh Nezụ dahxà xàyahtı sị dọ gini nàtsoò ayele gha, eyits'ọ gidzeè nàtso xè gixè sìghà hòzọọ ade gha adi họt'e. ⁴ Amì yatì ełek'èch'aòt'ụ t'à godee sị edinì nàtsoò ayehtị họt'e, hanikò amì Yedàyeh Nezụ dahxà xàyahtı sị Nòhtsị wecheekeè gini nàtsoò agohzị họt'e. ⁵ Naxị hazọọ yatì ełek'èch'aòt'ụ t'à goahde nịdè dehwhọ, hanikò eyì wenahk'e Yedàyeh Nezụ dahxà xàyaahtı nịdè dehwhọ. Amì Nòhtsị yatì t'à godee sị yatì ełek'èch'aòt'ụ t'à gode nahk'e dọ gha wet'aaà họt'e. Hanikò dàdị sị edegha etahtı nịdè, Nòhtsị wecheekeè gini nàtsoò agole ha.

⁶ Sèot'ɲ, yati ɛlɛk'èch'aòt'ɲ t'à naxıts'ò gohde nıdè dani naxını nàtsoò ahlà li? Dàehsɲ sù wek'èahsò anaxèhà lenqı, Yedayeh Nezɲ dahxà dàgode ha sù ghò, ayı wek'èahsò ha ghò, eyıts'ò ayı dāahle ha ghò xāyahı lenqı, naxıgha wet'āazā ha nıle. ⁷ Wet'à shı ts'eehdu, dechıshı lanı, eyıts'ò t'ık'eetɲ hanı wedañiahdè. Eładɲ dedı ats'ehzı lenqı shı dāhòt'ɲ agodu sù dani dọ gık'èezò li? Dani dèekw'ò weghāa shı dāhòt'ɲ dedı sù wek'ets'eezò họt'e. ⁸ Eghòq-dòq gıkayaeti gha satsò dechıshı hok'èedzò-le dedi nıdè, dani eghòq-dòq elegegò gha sınıgedè weli? ⁹ Naxıxè hagòht'e lanı. Yati t'à goahdee sù dọ gınıehdı lenqı ayı ghò goahdee sù gık'èezò li? Ayı ghò goahdee sù gınıedi-le nıdè, ekı naxıyatı xāewı họt'e. ¹⁰ Du nèk'e yati ló xāzaa gòhı họt'e, hanıkò yati hazò sù t'ası ghò ahodı họt'e. ¹¹ Dọ sets'ò gode kò weèhk'w'ò-le nıdè segħa eyı-le nèk'e gots'ò dọ eładɲ lanı họt'e, eyıts'ò ededı sı wegha dọ eładɲ laht'e họt'e. ¹² Naxı sı naxıxè hagòht'e. Yedayeh Nezɲ t'ası naxıghāzā ha sù hòt'ò weahwhò t'à, Nòhtsı wecheekeè ayı t'à gını nàtsoò aahle ha sù eyı gha nāhòhoahdè.

¹³ Eyıt'à dọ yati ɛlɛk'èch'aòt'ɲ t'à gode nıdè, dàdı-adı sù yet'à dọ ts'ò etahtı gha yawehtı. ¹⁴ Yati ɛlɛk'èch'aòt'ɲ t'à yahı nıdè sets'ò ını yahı-adı họt'e, hanıkò dàehsɲ sù sını t'à wenıehdı nıle. ¹⁵ Eyıt'à du haht'ı ha: sets'ò ını t'à yahı ha, eyıts'ò sını sı t'à yahı ha. Sets'ò ını t'à ehjı ha, eyıts'ò sını sı t'à ehjı ha. ¹⁶ Naxıts'ò ını t'à Nòhtsı weghāsòahdı nıdè dọ naxıgıkw'ò-le sù dani naxıxè “Hèzè!” gedi li? Dāahdu sù gık'èezò nıle. ¹⁷ Naxı sù Nòhtsı ts'ò ması dahdı sını kò, dọ gınıedi-le nıdè wet'à gını nàtsoò ade ha nıle.

¹⁸ Naxı hazòq naxınahk'e yati ɛlɛk'èch'aòt'ɲ t'à gohde họt'e, eyı gha Nòhtsı ması weehwhò họt'e. ¹⁹ Hanıkò, Nòhtsı wecheekeè gıta whıhda nıdè, yati ɛlɛk'èch'aòt'ɲ ló dọ gık'èezò-le nahk'e, yati ló-lea dọ gık'èezòq sù t'à hoghāgeehtò ha dehwhò.

²⁰ Sèot'ɲ, hòt'a chekoa nāowò k'èè nāñiahdè-le. Nāowohı ts'òhk'e nıdè bebıa hòhı k'ègeezò-le laht'e, hanıkò naxını t'à qhdah k'èè nāñiahdè. ²¹ Nòhtsı Nıht'è k'e du hanı dek'eèht'è:

“Eyı-le nèk'e gots'ò dọ yati ɛlɛk'èch'aòt'ɲ t'à gogedee sù t'à gıts'ò gohde ha, hanıkò ılaa segeèhk'w'ò ha nıle,” gots'ò K'àowo hadı dek'eèht'è.

²² Eyıt'à yati ɛlɛk'èch'aòt'ɲ t'à gots'edee sù dọ gıgha ehkw'ı-ahodı sù gıgha nıle, hanıkò dọ gıgha ehkw'ı-ahodı-le sù gıgha họt'e, wet'à nānıgedè gha họt'e. Hanıkò Yedayeh Nezɲ dahxà xāyats'ehtı sù dọ gıgha ehkw'ı-ahodı gıgha họt'e, dọ gıgha ehkw'ı-ahodı-le gıgha nıle. ²³ Eyıt'à Nòhtsı wecheekeè elegehdè xè hazòq yati ɛlɛk'èch'aòt'ɲ t'à gogıde-le. Dọ mōhdaa gogıkw'ò-le, hanı-le-ıdè dọ gıgha ehkw'ı-ahodı-le gota nēgıde nıdè dāgedı ha sını? Goahsò-le aahjā naxègedı ha họt'e. ²⁴ Ekò

Yedàyeh Nezzì dahxà xàyaahṭi ekìyyeè k'e dọ wegħa ehkw'ī-ahodi-le, hanì-le-ıdè dọ naxık'èezq-le naxıgà goyaèhtla nıdè, hoḥıı-hohtsıı-dọò elı nọò edek'èezqò ade ha, naxı hazqò dàahdı t'à wesmıyaetıı ade ha, ²⁵ eyıts'q ededzeè yı ayıı nàehzıı sıı ghq gogedeè-agedı yek'èezqò ade ha. Eyı ts'ıhıqò nàgòhge xè Nòhtsı ghàsqedı ha, hòt'l'ò duı hadı ha, "Xàè Nòhtsı naxıta wheda nọò!" hadı ha.

Làq elèxè yats'ehtı nıdè elek'èdaà nezıı k'ehots'e? a ha hq't'e

²⁶ Eyıt' à sèot'ıı, làq nıahdè nıdè duı haaht'ı weli: dọ mọhdaa shı t'à geıı, dọ mọhdaa hoghàgogeehtq, dọ mọhdaa Nòhtsı ayıı gots'ò hadı sıı dọ ts'ò hagedı, dọ mọhdaa yatı elek'èch'aòt'ıı t'à gogede, dọ mọhdaa yatı elek'èch'aòt'ıı għa etagehtı weli. Eyı hazqò gıghàlaidà, wet' à Nòhtsı wecheekeè gıni nàtsoò ade ha. ²⁷ Yatı elek'èch'aòt'ıı t'à gogede ha nıdè dọ nàke, hanì-le-ıdè dọ tai gogede ha, hanıkò tai wezqò gogede ha nıle. İlè elek'èdaà gogede ha, eyıts'q dọ ilè gogħa etaehtı ha hq't'e. ²⁸ Etaehtı gòhıı-le nıdè dọ yatı elek'èch'aòt'ıı t'à godee sıı xàyawehtı-le, hanıkò edını t'à Nòhtsı ts'ò gowede.

²⁹ Dọ nàke, dọ tai Nòhtsı yatı t'à dọ ts'ò gogıde, eyıts'q dọ eyı geèkw'ee sıı dàhodı sıı hotı gıdaànedè weli. ³⁰ Eyıts'q dọ gota whedaa sıı Nòhtsı t'asıı nedı ayıılà nıdè, dọ t'akwełò gode ilèè sıı nadaèt'è ha hq't'e. ³¹ Hazqò elek'èdaà Yedàyeh Nezzì dahxà xàyaahṭı nıdè, dọ hazqò hoghàgeetq ha eyıts'q gidzeè t'à nàgetsoò agede ha. ³² Dọ Yedàyeh Nezzì dahxà xàyagehtı ha gıghàhòt'q sıı dàht'e k'e gogede ha sıı edets'ò k'ahogedè hq't'e. ³³ Nòhtsı wexè nàdahoowo nıle, hanıkò wexè ts'èwhıı hòzq hq't'e.

Kòta hazqò Nòhtsı wets'q dọ làq elègehdeè sıı duı nàowo k'èè aget'ı weli: ³⁴ Nòhtsı wecheekeè làq nègıdè nıdè ts'èko gogede ha nıle. Moses wenàowoò k'èè duı hanı dek'eèhtl'èe ne t'à, gogede ha gıghàhòt'q nıle, k'aodèe gıııı sıı k'èagııt'e ha hq't'e. ³⁵ T'asıı ghq dagogeehke ha gııwq nıdè, edekò ededqò dageehke ha hq't'e. Ts'èko, Nòhtsı wecheekeè làq dèkw'ee sıı gots'ò gode ha wegħq ıızhagohwhq hq't'e.

³⁶ Sèot'ıı, Nòhtsı weyatı t'akwełò naxıghòt'q ne dahwhq nı? Eyıts'q naxı zq Nòhtsı yatı naxıts'ò nıit'q dahwhq nı? İle, hanı nıle. ³⁷ Naxıta gots'q dọ nakwenàozq elı nıwq sıı, hanì-le-ıdè Yedàyeh Nezzì gots'q t'asıı nezıı sets'q ajà nıwq sıı, duı ayıı ghq naxıts'ò eehtl'èe sıı gots'q K'àowo wenàowoò hq't'e, yenıedı weli. ³⁸ Yets'q nızà-le nıdè Nòhtsı yets'q nızà ha nıle.

³⁹ Eyıt' à sèot'ıı, Yedàyeh Nezzì dahxà xàyaahṭı ha wegħq hòt'l'ò aahwhq, eyıts'q yatı elek'èch'aòt'ıı t'à gogede ha gııwq nıdè nàgıahzq-le. ⁴⁰ Hanıkò t'asıı hazqò ehkw'ı wegħàlaahda xè elek'èdaà wegħàlaahda.

15

Zezi-Kri naidà

¹ Sèot'ɔ, godi nezɔ t'à naxits'ò goihdee sù wenaahdì ha dehwhò. Eyì godi nezɔ sù naxìgha ehkw'1-ahodì xè hotù wek'èè aahda ha dahwhò họt'e. ² Eyì godi nezɔ t'à edaxànaaxeètì họt'e, eyits'ò eyì yatì naxìghàhòqò sù hòt'ò yàahtò. Hanì-le-ɔdè k'èt'ò naxìgha ehkw'1-ahodì họt'e.

³ Yatì sets'ò nìt'òqò sù yatì t'akwelòò wek'èahsò ha naxìghàehòqò họt'e. Eyì yatì sù Zezi-Kri gohòhì k'èxa elajwo họt'e, eyì sù Nòhtsì Nìht'è k'èè agòjà. ⁴ Zezi wekw'òqò nìtò ìlè, eyits'ò tai dzèè k'ehòqwo t'axò naidà, eyì sù Nòhtsì Nìht'è k'èè agòjà. ⁵ Eyits'ò Peter ts'ò wègoèht'ì, eyì t'axòqò wecheekeèdeè ts'ò wègoèht'ì ìlè. ⁶ Eyì t'axòqò Nòhtsì wecheekeè sùlækw'eènò daats'ò eègehdee sù gots'ò wègoèht'ì. Dò gɔaɔ sù deɔatò ìlè geeda, hanìkò gita gots'ò dò mòhdaa elàgùdè. ⁷ Zezi-Kri dò haàtòqò ts'ò wègoèht'ì t'axòqò James ts'ò wègoèht'ì, eyits'ò wecheekeèdeè hazòqò ts'ò wègoèht'ì ìlè. ⁸ Nòqode t'à sù sù sets'ò wègoèht'ì; sù sùdì k'èè wecheekeèdeè whihì họt'e.

⁹ Wecheekeèdeè gha sù hazòqò t'à sù denahk'e dek'aɔ aht'e. Nòhtsì wecheekeè dagùzà agèhlà ìlè t'à, wecheekeèdeè ehì gha xèeht'e-le. ¹⁰ Hanìkò Nòhtsì wesònwòq ts'ihòqò wecheekeèdeè whihì, wesònwòq t'à dò eladù whihì asìlè. Wecheekeèdeè hazòqò gɔnahk'e hòt'ò eghàlaihda, hanìkò sù adehɔ nùle, Nòhtsì wesònwòq seyì eghàlaedaa sù at'ì họt'e. ¹¹ Eyì t'à sù naxits'ò gohde, hanì-le-ɔdè wecheekeèdeè naxits'ò gogede, ehk'èè, eyì godi nezɔ t'à naxits'ò gots'ùde t'à naxìgha ehkw'1-ahodì ajà.

Dò elàdè sù nagidà ha họt'e

¹² Zezi-Kri elajwo gots'ò naidà naxèts'edi nùdè, dànìghò naxita gots'ò dò mòhdaa, dò elàdè sù nagidà ha nùle, gedì? ¹³ Dò elàdè sù nagidà-le nùdè Zezi-Kri ededì sù naidà-le họt'e. ¹⁴ Zezi-Kri naidà-le nùdè k'èt'ò godi nezɔ t'à naxits'ò gots'ede, eyits'ò k'èt'ò naxìgha ehkw'1-ahodì họt'e. ¹⁵ Eyì zòqò-le, dò naidà-le nùdè Nòhtsì Zezi-Kri naidà ayìlèa weghò gots'ùde t'à, Nòhtsì weghò dò ts'ò hots'ets'ì gha goità ha ìlè. Hanìkò, dò nagidà-le ghò ehkw'1-ahodì nùdè, Nòhtsì Zezi naidà ayìlè nùle. ¹⁶ Dò elàdè sù nagidà-le nùdè Zezi-Kri ededì sù naidà-le họt'e. ¹⁷ Zezi-Kri naidà-le nùdè k'èt'ò naxìgha ehkw'1-ahodì, eyits'ò ìlè naxìhòhì naxik'e whela họt'e. ¹⁸ Hanì-ɔdè dò Zezi gìgha ehkw'1-ahodì xè elàgùdè sù edaxàgùde-le họt'e. ¹⁹ Dì nèk'e ts'eedaa zò gha Zezi-Kri edaxàgohtè ha ts'ùwòq nùdè dò hazòqò nahk'e etets'eèt'ì ats'ùt'e họt'e.

²⁰ Hanikò Zezi-Kri ełajwo gots'q hotù naidà awiìdlà hq't'e, eyit'à Nòhtsı wenadaà, dq hazqò ełajdèe sù gita gots'q ededı t'akwelòò naidà hq't'e. ²¹ Dq ıle wets'ıhıò, dq hazqò ełaađe hq't'e, eyits'q dq ıle wets'ıhıò, dq nagidà ha hq't'e. ²² Adò wets'ıhıò, dq hazqò ełaađe hq't'e, eyits'q Zezi-Kri wets'ıhıò, dq hazqò nagidà ha hq't'e. ²³ Hanikò nàke ts'ò ełek'èdaà hòzq agode ha: Zezi-Kri t'akwelòò naidà hq't'e, eyits'q jò ts'ò anajà nıdè wets'q dq gıllı sù hazqò nagidà ha. ²⁴ Eyı t'axqò-ıdè nqode dzeè k'e nèhòkw'ı ha. Eyı dzeè k'e Zezi-Kri, ıdòo yat'a k'aodèe hazqò godıhòehtsı t'axqò nıdè, Nòhtsı Wenàowoò k'èè hòzq sù Nòhtsı-Gotà wet'aa whezqò ayele ha. ²⁵ Nòhtsı amı yets'ò xànegıızaa sù hazqò goghqehne gots'ò, Zezi-Kri K'àowocho eı ha hq't'e. ²⁶ Nàowo wet'aa ełaa't'edee sù Nòhtsı ts'ò xanıza hq't'e, Zezi eyı nàowo sù nqode ts'ò yedıhohtsı ha hq't'e. ²⁷ Du hani dek'eèht'è hq't'e, "T'ası hazqò ts'ò K'àowo ayıllà." Nòhtsı ededı t'ası hazqò Zezi-Kri wet'aa whelaà ayıllà ne t'aa, "T'ası hazqò ts'ò K'àowo ayıllà," dek'eèht'èe sù Nòhtsı-Gotà ts'ò K'àowo ha awèts'edi nıle. ²⁸ Nòhtsı t'ası hazqò Edeza wet'aa whelaà ayıllà t'axqò nıdè, Weza sù, Nòhtsı-Gotà ghàdihè ha. Nòhtsı-Gotà t'ası hazqò edeza ghàıla ekò, weza t'ası hazqò yet'aa nayelee ha. Hani-ıdè Nòhtsı sù ededı zq t'ası hazqò eyits'q dq hazqò ts'ò K'àowo ha.

²⁹ Dq nagidà-le nıdè dq geedaa sù ayıha dq ełajdèe gha gık'ètaıdzq weli? Dq nagidà-le nıdè k'èt'ò dq ełajdèe gha gık'ètaıdzq hq't'e. ³⁰ Eyits'q goxı sù ayıha t'aats'qò hoejıı edeghàlats'eeda weli? ³¹ Sèot'ıı, dzq taat'eè seweè hoè ha lanı. Ekw'ı anaxèehsı, Zezi-Kri naxıgha ehkw'ı-ahodı t'aa naxıghq sù sına hq't'e. ³² Kòta Ephesus ekq tıts'aadı wets'ahoejıı lanı gık'ahwho hq't'e. Ekiı dq nàowoò zq gha aht'ı nıdè t'ası wıızıı dehnq nıle. Dq ełajdèe naidà-le nıdè, "Satsq ełaa't'ede ha t'aa dıı shèts'ıızhe xè ts'ıdò," dehsı ha ıle. ³³ Dq ts'ızò anaxegule sòò. "Dq wejıı gıxè aah't'ı nıdè, naxıni nezıı sù wejıı at'ı hq't'e." ³⁴ Hòt'a ezhıne k'èè k'èhoahza-le, hoıı hoahıı-le. Naxıta gots'q dq mòhdaa Nòhtsı k'ègeezq-le hq't'e, eyı ghq ıızhaahı weli.

Gozhıı dàhòt'ıı t'aa nats'ıdà ha

³⁵ Hanikò du hasèahdı ha tahkò: "Dq ełajdèe sù nagidà ha nıdè gızhıı dàhòt'ıı t'aa nagidà ha?" sèahdı ha sını. ³⁶ Goahsq-le dıı! T'ası dèe goyıı adlaa sù ełajwo lenqsıı dehshe xè eda ha nıle. ³⁷ T'olà, hani-le-ıdè t'ası eyıı-le ts'eeshshe ha nıdè wets'q ıt'ò dèe goyıı ts'eechı nıle, wejıı zq dèe goyıı ts'eechı hq't'e. ³⁸ Hanikò Nòhtsı sù wezıı't'ò dàhòt'ıı ha nıwq k'èè xàesheè ayehıı hq't'e, wet'aa t'ası dehsheè wejıı wetaat'eè ıt'òq dàhòt'ıı xàeshe ha nıwq sù hani ayehıı hq't'e. ³⁹ Hazqò gozhıı ełèht'èe nıle. Dq sù whatsqò gızhıı gòhıı hq't'e, tıts'aadıı whatsqò gızhıı

gòhì họt'e, yat'a k'edèe sɪ whatsappò gɪzhì gòhì họt'e, eyits'ò hìwe sɪ whatsappò gɪzhì gòhì họt'e. ⁴⁰ T'asì yat'a gha hòèlì sù gòhì, eyits'ò t'asì dɪ nèk'e gha hòèlì sù gòhì họt'e. Yat'a t'asì whelaa sù gidaat'ì ìè xàza họt'e, eyits'ò dɪ nèk'e t'asì whelaa gidaat'ì ìè xàza họt'e. ⁴¹ Sa wèdaat'ì ìè xàza họt'e, adzèzah eladì k'èè wèdaat'ì, eyits'ò whò sɪ eladì k'èè gidaat'ì; eyits'ò whò hazòò èlèk'èè gidaat'ì nùle.

⁴² Dò naidàa dzèè k'e nɪdè eyi lagòht'e ha. Gozhì sù t'asì dehshee wejì dèè goyì ìhì lade ha, hanikò nats'idà nɪdè gozhì welò while ts'ò eda ha. ⁴³ Gozhì elàawì nɪdè weatigòdli họt'e, hanikò nats'idà nɪdè gozhì wèdaat'ì ha họt'e. Gozhì nàtso-le xè elàawì, hanikò nats'idà nɪdè gozhì nàtso ha họt'e. ⁴⁴ Gozhì elàawì sù dɪ nèè gots'ò họt'e, hanikò nats'idà nɪdè gozhì yak'e gots'ò họt'e ha.

Eyit'à dɪ nèk'e gots'ò gozhì gòhì nɪdè, yak'e gots'ò sɪ gozhì gòhì họt'e. ⁴⁵ Dɪ hani dek'eèht'è: "Adò t'akwèlòò gots'ò ne sù Nòhtsì edaa ayìllà," dek'eèht'è. Adò nòode sù ìnì họt'e, wets'ihzò, dò eda họt'e. ⁴⁶ Yak'e gots'ò ne sù t'akwèlòò ajà-le, hanikò dɪ nèk'e gots'ò ne sù t'akwèlòò ajà họt'e, eyi t'axòò-ìdè yak'e gots'ò ne sù wexè hòzòò ade ha. ⁴⁷ T'akwèlòò dò wehòèlì sù dɪ nèk'e gots'ò eht'è t'à hòèlì họt'e, hanikò dò nòode ajàa sù yak'e gots'ò họt'e. ⁴⁸ Dɪ nèk'e dò hazòò, dò t'akwèlòò wehòèlì sù lagùt'e. Eyits'ò dò hazòò yak'e gots'ò agùt'ee sù yak'e gots'ò dò lagùt'e. ⁴⁹ Dɪ nèk'e gots'ò dò t'akwèlòò wehòèlì sù wexèht'èè gògaat'ì họt'e, eyi lani dò yak'e gots'ò ne sù wexèht'èè gògaat'ì ha.

⁵⁰ Sèot'ì, ehkw'ì anaxèhsì, dɪ nèk'e gots'ò gozhì t'à Nòhtsì Wenàowoò k'èè hòzòò ts'ò ats'ede ha dɪ họt'e. T'asì elàawì sù welò while ts'ò edaa awedle ha dɪ họt'e. ⁵¹ Seàhk'w'ò, yatì dò gha dezì whezòò sù naxidaehsì ha: Hazòò elàats'ide ha nùle, hanikò hazòò eladì ats'ede ha họt'e. ⁵² Dechìshì nòode dedì nɪdè kò-nait'ì lani eyits'ò godaa nagoxò lani hotsaa eladì ats'ede ha. Dechìshì hotù dedì ha họt'e, dò elàidèe sù welò while ts'ò nagidà ha eyits'ò goxì hazòò eladì ats'ede ha. ⁵³ Gozhì ehjì ha sù wek'èxa gozhì ehjì-le goghòet'a ha, eyits'ò gozhì elàawì ha sù wek'èxa gozhì elàawì-le goghòet'a ha. ⁵⁴ Gozhì ehjì ha sù wek'èxa gozhì ehjì-le goghòet'a ha nɪdè, eyits'ò gozhì elàawì ha sù wek'èxa gozhì elàawì-le goghòet'a ha nɪdè, dɪ hani dek'eèht'èè sù wek'èè agòjà họt'e,

"Nàowo wet'à elàats'edee sù weghòèhnò họt'e," dek'eèht'è.

⁵⁵ *"Nàowo wet'à elàats'edee sù k'achì hoehnè hòlì ha nùle! Nàowo wet'à elàats'edee sù k'achì wet'à dats'ìza hòlì ha nùle!" dek'eèht'è.*

⁵⁶ Gohòhì k'èxa elàats'ede eyit'à dats'ìza họt'e, eyits'ò Moses wenàowoò ts'ihzò gohòhì k'èxa gosinìyaeti họt'e. ⁵⁷ Hanikò

Nòhtsɪ masì wets'ɪhwhɔ ɬɔt'e! Gots'ò K'àowo Zezì-Krì wets'ihzò hots'eèhnɔò agòòlà.

⁵⁸ Eyit'à sèot'ɪ, naxìnì nàtsoò aahlè. T'asì wɪzì t'à naxìnì nàtso-le awede sòò. Naxidzèè t'à t'aats'òò gots'ò K'àowo wegħa eghàlaahda, k'èt'ò gots'ò K'àowo wegħa eghàlaahda nùle, wek'èahsɔ ɬɔt'e.

16

Nòhtsɪ wets'ò dɔ gɪgha sòmba nàahtsɪ

¹ Nòhtsɪ wecheekè gɪgha sòmba nàwħahtsɪ sù wegħɔ xàyahtɪ ha dehwhɔ: Galatia nèk'e Nòhtsɪ wecheekè dàget'ɪ ha gèhsɪ sù naxì sɪ haaht'ɪ. ² Dzɛahta xèhoìwɪ taàt'eè, hazòò naxitaàt'eè sòmba dàt'ò wħahtsɪ sù wegħàà sòmba whatsòò nàahlè. Eyì sòmba sedawek'èahdì nɪdè, naxits'ò nèeht'ɪ nɪdè sòmba nàahtsɪ ha-le. ³ Dɔ naxìgha nezɪ sù mòhdaa ààhchi. Naxits'ò nèeht'ɪ nɪdè, enɪht'è gɪgha eeht'è gà gɪghàehzah ha, eyì nɪht'è wegħàà gɪk'èhoedzɔ ha. Sòmba nàwħahtsɪ sù eyì dɔ gixè kòta Jerusalem ts'ò ahlè ha. ⁴ Jerusalem ts'ò ahde ha segħa ehkw'ɪ nɪdè sexè agede ha.

Naxìgha k'aodèè sù nezɪ gits'ò naahzà

⁵ Macedonia nèk'e gok'eèht'ɪ t'axòò nɪdè naxits'àht'ɪ ha. ⁶ Whaà-lea ts'ò naxixè aht'e ha, hanì-le-ɪdè xo ghàà naxixè aht'e ha tahkò. Hanì-ɪdè t'asɪ ahde ha nɪdè t'asì t'à sets'aahtì ha dùi-le. ⁷ Whaà-lea gots'ò zò naxits'àht'ɪ ha dehwhɔ-le t'à, dùi-t'ì naxeehzi ha-le. Gots'ò K'àowo hanìwɔ nɪdè latsaa naxìgà whìhda ha dehwhɔ. ⁸ Dùi sù dzɛdèè Pentecost gots'ò kòta Ephesus whìhda ha dehwhɔ, ⁹ jò la wet'aaazàa ghàlaehda ha segħàhòt'ò t'à. Dɔ ɪɔ sek'èch'a agedì kò la wet'aaazàa segħa whezò.

¹⁰ Timothy sexèht'eè gots'ò K'àowo għa eghàlaeda ne t'à, naxits'ò nùt'ɪ nɪdè, naxìgà wheda gots'ò t'asì wɪzì ghò nànwò aweahle-le. ¹¹ Naxita gots'ò dɔ wɪzì t'asì elì-le yɪhwhɔ sòò. Ts'èwhɪ sets'ò naweahzà nòò. Hanì-ɪdè dɔ gixè eghàlageeda xè wexaehh ha.

¹² Sèot'ɪ Apollos wegħɔ dui haehsɪ ha dehwhɔ: Gòet'ɪ gixè naxits'àt'ɪ ha wèehsɪ ɬɔt'e. Dùi naxits'àt'ɪ ha nìwɔ-le, hanìkò wegħa hòzò nɪdè naxits'àt'ɪ ha.

¹³ Sèot'ɪ, edexoahdì; gots'ò K'àowo wegħɔ naxìnì nàtso welè; t'asì ghò dahjì-le, nàahtsoò edeahle. ¹⁴ Elèghɔnɪaht'ò xè t'asì hazòò ghàlaahda.

¹⁵⁻¹⁶ Stephanas eyits'ò dɔ wekò nàgedèè sù Achaia nèk'e gogħa t'akwelòò gots'ò K'àowo ghàdegɪlaa sù wek'èahsɔ ɬɔt'e. T'aats'òò Nòhtsɪ wets'ò dɔ għa eghàlagɪdà ɬɔt'e. Sèot'ɪ, dɔ hanì sù gɪk'èaht'e, eyits'ò dɔ hazòò Nòhtsɪ għa hòt'ò

eghàlageedaa sù gik'èaht'e. ¹⁷ Stephanas, Fortunatus eyits'ò Achiyus gots'ò nègùde ekò sù sìnà ìlè. Naxìghaehwho ìlè t'à naxìts'ò dọ sets'ò nègùdee sù sìnà agòjà. ¹⁸ Sedzeè t'à sìnà hogèhtsì, eyits'ò naxì sì hanaxegùlà. Dọ hanù sù nezì gits'ò k'ehots'eza ha họt'e.

Naxìxè sìghà welè

¹⁹ Nòhtsì wecheekeè Asia nèk'e nàgedèe sù, “Naxìxè sìghà welè,” naxègedì. Aquila eyits'ò Priscilla, eyits'ò dọ gikò yatì gha lẹẹ nègedèe sù, “Naxìxè sìghà welè,” naxègedì. ²⁰ Nòhtsì cheekeè hazọọ jọ geèkw'ee sù “Naxìxè sìghà welè,” gedi. Nàowo degai k'èè ẹleahs'ì xè, “Nexè sìghà welè,” ẹlèahdì.

²¹ Sì Paul, xàè silà t'à dù yatì naxìts'ò eehť'è họt'e.

²² Amì, gots'ò K'àowo ghọneetọ-le sù wexè hoila welè. Gots'ò K'àowo, gots'ò anaade!

²³ Gots'ò K'àowo Zezì naxìxè sọnwọ welè.

²⁴ Zezì-Krì wexè hazọọ naxìghọneetọ họt'e. Amen.

2 Corinth got'ṽ gıts'ò aatl'è

¹ Sı Paul, Nòhtsı wedahxà Zezi-Krı wecheekeèdeè aht'e. Gòet'ı Timothy wexè kòta Corinth Nòhtsı wecheekeè nàgedèe sù gıts'ò eeht'è, eyıts'ò Achaia nèk'e Nòhtsı wets'ò dọ hazqò nàgedèe sù gıts'ò ts'eet'è.

² Nòhtsı-Gotà eyıts'ò Zezi-Krı gısqnıwq naxıxè welè eyıts'ò naxıxè sıghà hòzqò aguile.

Nòhtsı ededzeè t'à etegoèhɔı

³ Nòhtsı weghàsqts'eedı welè. Ededı sù Zezi-Krı Wetà hq't'e, eyıts'ò ededı ededzeè t'à etegoèhɔı elı. T'ası hazqò t'à goxè sıghà hòzqò gha Nòhtsı elı hq't'e. ⁴ Goxè hoıla lq sqnı kò goxè sıghà hòzqò agohɔı. Gots'ò hanı eda hq't'e t'à dọ gıgha hoıla sù gıxè sıghà hòzqò agets'ehɔı. ⁵ Zezi-Krı gogha daɔɔ t'à goxı wexè dats'ṽɔa, eyı lanı Zezi-Krı wets'ıhɔı deɔɔ goxè sıghà hòzqò hq't'e. ⁶ Goxè hoıla nıdè naxıxè sıghà hòzqò gha eyıts'ò edaxàahdè gha ats'et'ı. Goxè sıghà hòzqò nıdè naxı sı naxıgha hq't'e, eyı t'à goxèht'eè ts'èwhıı daahɔa nıdè, wet'à naxıni nàtso ha. ⁷ Naxıxè sıghà hòzqò agode ha sù hotıı gogha ehkw'ı-ahodı hq't'e. Goxè daahɔa wek'èts'eezq, eyıt'à goxè naxıgha sıghà hòzqò ha hotıı wek'èts'eezq hq't'e.

⁸ Sèot'ṽ, Asia nèk'e dànı dats'ṽɔaa sù wek'èahsq ha naxıts'ṽhwhq. Goinı nàtso nahk'e sù goxè hoıla ıle, eyıt'à edaxàts'eedè gha ahxe whıle ts'ṽwq ıle. ⁹ Hòt'a èlaàts'ede ha hotıı hats'ṽwq ıle. Goxı edets'ats'edi ts'ṽwo ha-le t'à goxè hagòjà, hanıkò Nòhtsı dọ naidà ayehɔı sù ededı wets'ò hoèlı ts'ṽwq ha t'à goxè hagòjà hq't'e. ¹⁰ Hoıla t'à èlaàts'ede ch'à edaxàgoıla hq't'e, eyıts'ò èlaàts'ede ch'à gok'èdı ha. Ededı gots'àdı ha wets'ò hoèlı ts'ṽwq, eyıts'ò t'aats'qò edaxàgohtè ha gogha ehkw'ı-ahodı hq't'e. ¹¹ Naxı xàyaahı t'à gots'aahtı ha hq't'e. Hanı-ıdè dọ lq goghq Nòhtsı ts'ò ması gıwq ha, gots'ò wedzeè sqnıwq t'à.

Paul dàde ha ıleè sù tadıı ayııla

¹² Godzeè t'à nàowo degai k'èè eyıts'ò ehkw'ı k'èè eghàlats'ṽdà wek'èts'eezq hq't'e. Nòhtsı wek'èè dıı nèk'e dọ gıta eyıts'ò naxıta hanı denahk'e eghàlats'ṽdà hq't'e. Dıı nèk'e gots'ò wet'à gots'ṽzqò nàowoò k'èè ats'ṽt'ı nıle, Nòhtsı wesqnıwq k'èè ats'ṽt'ı hq't'e. Eyı weghq xadahots'edi ha dıı-le. ¹³⁻¹⁴ Eyıt'à t'ası wek'eyaahıı xè wenıahdı ha dıı sù ghq naxıts'ò ts'eet'è nıle. Hanıkò t'ası hazqò wenıahdı-le nıdè nqode-ıdè deghàa wenıahdı aahde ha dehwhq, hanı-ıdè goghq xadahoahdı ha,

eyits'q gots'ò K'àowo Zezi nùtlaa dzeè k'e nùdè goxı naxıgho xadahots'edi ha.

¹⁵ Eyı hotıi wek'èehsq t'à naxı t'akwelòò naxıts'àhtla ha dehwhq, hanı-ıdè nàekeè-eh't'aà naxıxè sıghà agode ha.

¹⁶ Macedonia nèk'e ts'ò dehtla nùdè naxıts'àhtla ha dehwhq jle eyits'q Macedonia nèk'e gots'q ek'èt'à naehtla nùdè k'achı naxıts'àhtla ha dehwhq jle. Hanı-ıdè naxı Judea nèk'e ts'ò aseahle ha jle. ¹⁷ Hotıi nàniwhıwo-le et'ıi hanı edexè sıgòhlà dahwhq nı? Dq nàniyedè-le k'èè edexè sıgòhlà t'à ehghàà “Hèzè” eyits'q “İle” dehsı seahwhq nı?

¹⁸ Hanıkò Nòhtsı edeyatıi k'èdì k'èè godı nezı naxıghàts'ıızq sı ehkw'ı hq't'e, eyı ghq jhk'è “Hèzè” eyits'q jhk'è “İle” ts'edi nıile. ¹⁹ Sılas, Tımothy eyits'q sı Nòhtsı Weza Zezi-Krı weghq naxıts'ò gots'ııdee sı weghq “Hèzè” ts'edi, eyits'q k'achı “İle” ts'edi nıile, hanıkò Zezi wexè t'aats'qò “Hèzè” hq't'e. ²⁰ Nòhtsı edeyatıi hazqò gogha whehtsı sı Zezi-Krı wets'ıhıò hazqò “Hèzè” zq hq't'e. Wets'ıhıò “Amen” ts'edi hq't'e, wet'à Nòhtsı weghàsqs't'eedi hq't'e. ²¹ Nòhtsı sı Zezi-Krı wet'à goinı eyits'q naxıni nàtsoò ayehı hq't'e. Edegha gòjhchı hq't'e, ²² eyits'q wets'q ats'ııt'e wek'èhoedzqò ayıllà. Eyıt'à edets'q İnı Degai godzeè yı nàdè ayıllà, wet'à gogha sqòmba nıızq lanı, eyı weghàà jdaà ayı godawhelaa sı hotıi goghòt'à ha wek'èhoedzqò ayıllà.

²³ Naxıgha hoıla ahle ha-le t'à ek'èt'à kòta Corinth ts'ò anahja nıile Nòhtsı hotıi yek'èezq hq't'e. ²⁴ Dànı naxıgha ehkw'ı-ahodı sı weghq naxıts'ò k'ahots'edè dehsıı-aehsı-le, hanıkò naxına gha naxıxè eghàlats'eeda hq't'e, naxıgha ehkw'ı-ahodı sı wet'à naxıni nàtso hq't'e.

2

¹ Naxıgha hoezhı ahle ha dehwhq-le t'à dıi k'achı naxıts'àhtla ha-le. ² Naxıdzeè nàniıti anaxèhlà nùdè amıi sına asele ha? Naxı zq sına aseahı ha jle, hanıkò naxıdzeè nàniıti anaxèhlà. ³ Eyıt'à hanı naxıts'ò ııt'è jle. Hanı-ıdè naxıts'àwhıhtla nùdè naxı sına aseahle ha jle sı ts'qòdehwhqò aseahle ha-le jle. Hazqò sexè naxına ha dahwhq ne hotıi wek'èehsq. ⁴ Sı ts'qòdehwhq xè sedzeè etse eyits'q senatı lq xàıt'ı t'à hanı naxıts'ò ııt'è hq't'e. Naxıdzeè nàniıti anaxèhle ha dehwhq-le, hanıkò sı naxıghqneehq hq't'e wek'èahsq ha dehwhq.

Hoıı-hohtsı-dqò weghq nahoezhe

⁵ Amıi wets'ıhıò godzeè nàniıti sı sı zq asıllà nıile, naxı denahk'e naxıdzeè nàniıti anaxıllà hq't'e. Hanıkò weghq dezqò aehsı ha dehwhq-le. ⁶ Naxıta dq dezqatıq gısınıyaıhtı t'à hòt'a yek'èxa daııà hq't'e. ⁷ Dıi hòt'a weghq nahoahle, eyits'q wets'q

nezii aahdi, hanì-ìdè sù edek'eelì t'à wegħa dii agode ha-le. ⁸ Eyit'à dani wegħoniahtqò sù hotii yek'èezqò aweahle ha dehwhqò. ⁹ Naxeehdzà ha dehwhqò t'à hanì naxits'ò ùhtl'è. Dànì t'asii hazqò wegħalaahda ha naxèehsù sù asii hazqò wek'èaht'e li dehwhqò t'à ahlà. ¹⁰ Dq ghq nahoahle ñdè sù sù wegħo nahoeħle ha hqt'e. Ayii wegħo nahoeħlaa sù (t'asii wegħo nahoeħzhe ha gòhì ñdè) Zezì-Krì wenadaà wegħo nahoeħla hqt'e, naxiġha nezì ha t'à. ¹¹ Hanì-ìdè wehì goghqehne ha-le. T'aats'òq goghqyaèzà k'ehoza wek'èts'eezqò hqt'e.

Nakenahòdlù wegòò k'èè eghàlats'eeda

¹² Ìdi whaà-le Zezì-Krì wegodi nezii t'à dq ts'ò gohde ha kòta Troas nàwhihta ìlè. Gots'ò K'àowo ekq dq ts'ò gohde ha segħa hòzqò ayiìlā. ¹³ Hanikò sèot'ì Titus ekq wegòhzo-le t'à sù wegħo nanìwhqò ìlè, eyit'à ekq dq masì gèehsì t'axqò Macedonia nèk'e ts'òet'ì ahjà.

¹⁴ Hanikò Nòhtsì sù masì wets'ùhwhqò hqt'e, ededi t'aats'òq Zezì-Krì wexè k'egohzì. Zezì-Krì edegħa dq dèhnqò ats'ùt'e t'à, dq hazqò ġinadaà eniiyah xè wek'èts'adè hqt'e. Hazqò nèk'e k'ets'edè sù goxì got'à dq Zezì-Krì k'ègeezqò agohzì, t'asii lekqò ledii lats'ùt'eè agòòlā hqt'e. ¹⁵ Nòhtsì sù dq edaxàgeedè eyits'ò dq gidìhoèè sù ġiġha Zezì-Krì wets'ò t'asii lekqò ledii lats'ùt'eè agòòlā. ¹⁶ Dq edaxàgeedè sù ġit'à eda ġha t'asii lekqò ledii lats'ùt'e, hanikò dq gidìhoèè sù ġit'à efaàde ġha t'asii wejii ledii lats'ùt'e. Amii la hadeèzhì yegħalaeda ha yexèht'eè? ¹⁷ Dq ìq ġixèht'eè eghàlats'eeda ñiile, Nòhtsì yatii t'à dq ts'ò gots'ede k'èxa gots'àzeedi t'à sqòmba ts'ehtsì ñiile. Hanì ñiile, Nòhtsì dq ts'ò gojhzà ats'ùt'e t'à, Zezì-Krì wedahxà Nòhtsì wenadaà ehkw'ì dq ġits'ò gots'ede hqt'e.

3

¹ Eyit'à edegħo xàdahots'edi ats'edi dahwhqò ñi? Dq mòhdaa hogħànaxegeehtqò ha ġiwwò ñdè, dq dàhòt'ù agiit'e ġhò enihtl'è edexè k'egehchì ha dahwhqò. Goxì sù hanii ñihtl'è naxits'ò k'ets'ehchì ha dahwhqò ñi? Hanì-le-ìdè hanii enihtl'è goghàahzà ha dahwhqò ñi? ² Naxì ġonihhtl'è laaht'e, godzeè k'e dek'enaxèehtl'è, dq hazqò ġik'èezqò xè ġik'eyahtì hqt'e. ³ Naxì sù Zezì-Krì wets'ò enihtl'è nezii laaht'e, naxita eghàlats'eeda t'à. Edotì t'à naxik'e aatl'è ñiile, Nòhtsì edaa sù wets'ò Ìni Degai t'à naxik'e aatl'è hqt'e. Eyits'ò kwe k'e weyatii dek'eèhtl'è ñiile, naxidzeè yii dek'eèhtl'è hqt'e.

⁴ Eyi wegħo sù Zezì-Krì wets'ihzò Nòhtsì wenadaà hotii ehkw'ì-ahodi ts'ùwwò hqt'e. ⁵ Goxì godahxà hats'edi ñiile. Goxì whatsoqò t'asii ts'ùlì ñiile, hanikò Nòhtsì hanì eghàlats'eeda ha goghàhòzqò hqt'e. ⁶ Nakenahòdlù wegòò k'èè nezii eghàlats'eeda ġha wecheekeè ts'ùlì agòòlā. Eyi nàowo gòò sù

nàowo zq̄a xèht'e è nùile, hanikò Yedàyeh Nezz̄u wenàowoò hq̄t'e. Nàowo zq̄a dek'eèht'è sù ełàats'ede è agohz̄ı, hanikò Yedàyeh Nezz̄u wet'à ts'eeda hq̄t'e.

Nakenahòdl̄u wegòò sù eniyyah hq̄t'e

7-8 Nàowo kwe k'e dek'eèht'è sù wet'à ełàats'ede kò, eniyyah nechàa k'èè gots'ò niit'q̄ hq̄t'e. Moses wını k'e saıd̄ı sù while adaade kò Israel got'ı whaa ts'ò gıghàeda ha dii ìlè. Nàowo kwe k'e dek'eèht'è sù weghq̄ eniyyah ìlè, hanikò Yedàyeh Nezz̄u t'à ayı goghòt'q̄ sù eyı denahk'e weghq̄ eniyyah nechàa hq̄t'e. 9 Nàowo wet'à dq̄ ełààgede gha gısnıyaetu sù eniyyah hq̄t'e nıdè, nàowo nezz̄u wet'à ehkw'ı agòidlàa sù dàıhcho ts'ò wenahk'e eniyyah deè elı! 10 Ayı eniyyah elı ìlè sù dii gogha eniyyah-le ajà, dii hòt'a ayı denahk'e eniyyah sù wek'èts'eezq̄ò ats'ejà t'à. 11 Ayı while adaadee sù eniyyah t'à nàhòwo nıdè, ayı welq̄ while ts'ò whezq̄ ha sù wenahk'e eniyyah deè elı hq̄t'e!

12 Hanı gogha ehkw'ı-ahodı t'à sù weghq̄ goını nàtso hq̄t'e. 13 Moses xèts'ıht'e nùile. Wını k'e saıd̄ı sù while adaade kò, edını k'e zèht'ı whèhchı ayıllà, Israel got'ı wını k'esadı ghàgeeda ha-le t'à. 14 Hanikò gımedı ha gıkwı dezhi adlà. Dı dzèè ts'ò nakenahòdl̄u wezq̄ gık'eyahtı nıdè gımedı ha dii, eyı zèht'ı ıłàa gıgha enıht'è k'e whèhchı lanı. Eyı zèht'ı sù gıgha ıdòò adlà nùile, Zezi-Krı wedahxà nıdè zq̄ eyı zèht'ı gıgha ıdòò adle ha hq̄t'e. 15 Dı dzèè ts'ò Moses wenıht'è k'eyagehtı nıdè gımedı-le, ıłàa gidzèe k'e zèht'ı whèhchı lanı hq̄t'e. 16 Hanikò dq̄ gots'ò K'àowo gıgha ehkw'ı-ahodı agejà nıdè, eyı zèht'ı sù gıgha ıdòò adle ha hq̄t'e. 17 Gots'ò K'àowo İni Degai hq̄t'e, eyıts'q̄ edı gots'ò K'àowo wets'q̄ İni Degai wehòh̄zq̄ sù dq̄ k'ahogede agııdlà hq̄t'e. 18 Goxı sù goını k'e zèht'ı whèhchı nùile, gots'ò K'àowo dani eniyyah elı sù gok'e saıd̄ı hq̄t'e. Gots'ò K'àowo, İni Degai elı sù godzèe yı eładı agohz̄ı, eyıt'à denahk'e wexèht'è ats'et'ı agohz̄ı.

4

Godzèe yı t'ası eniyyah k'èts'edi

1 Nòhtsı wesq̄nıwq̄ dahxà dı la goghòt'q̄ hq̄t'e, eyıt'à gogha gots'eedi ha nùile. 2 Hanikò dezı k'ehots'eza eyıts'q̄ t'ası weghq̄ ıızhats'ıllı sù wedè ha ts'ıwq̄. Dq̄ ghoyats'eezà t'à eghàlats'eeda nùile, eyıts'q̄ Nòhtsı weyatı ıadı ats'ehzı nùile. Hanikò dq̄ ededzèe t'à gogèhkw'q̄ ha ts'ıwq̄ t'à Nòhtsı wenadaà nàowo ehkw'ı ghq̄ hotı ehkw'ı gots'ede hq̄t'e. 3 Gots'q̄ godı nezz̄u sù dq̄ mòhdaa degHàà gımedı-le t'à gıgha zèht'ı zı whezq̄ lanı, dq̄ gidıhoè ha ts'ò giadè sù gıgha hanı hq̄t'e. 4 Wehlı dı nèè gha k'àowo elı sù dq̄ gıgha ehkw'ı-ahodı-le sù gıni t'à gıgha xègaat'ı-le agòòlà. Eyıt'à Zezi-Krı wegodı nezz̄u ts'ıh̄zq̄ dq̄ xè

dzeh hòzòq sù gıgha wègaat'ı ha dıı, eyıts'ò Zezı-Krı enııyah wehòh2q xè hotı Nòhtsı xèht'e'e wègaat'ı sù, gınedı ha dıı họt'e. ⁵ Goxı edeghò gots'edeè-ats'edi-le, Zezı-Krı, t'ası hazòq ts'ò k'àowo elı sù weghò gots'edeè-ats'edi. Zezı wets'ıh2q naxıgha eghàlats'eeda họt'e. ⁶ Nòhtsı hadı, “Togoòt'ı'òo yı gots'ò dzeh xàıdıı awede,” hadı sù godzeè yı dzeh nııdıı ayııllà, eyı ts'ıh2q Zezı-Krı weghàts'eeda nıde Nòhtsı dànı enııyah elı sù wek'èts'eezò ats'et'ı.

⁷ Gozhıı kwetò lanı sù weyı t'ası enııyah k'èts'edi họt'e. Eyı t'ası enııyah xè nàtsoo sù Nòhtsı wets'ò họt'e wek'èhoedzò, goxı gots'ò nıle. ⁸ Goxı sù hazòq gomòq goòzàa ts'ò dq gogha hoıla hogehtsı, hanıkò anats'et'è nıle; gogha hoezhı agot'ı kò gogha ahxe while ts'ıwò-le, ⁹ dq dagogıh2a hanıkò Nòhtsı zògoehde while, dèè k'e ts'ò gogeèhde hanıkò godıhogèhtsı while. ¹⁰ Zezı dànı gogha dàızàa xè ełıwoò sù t'aats'òq gozhıı yı edexè k'ets'e2a họt'e, eyı ts'ıh2q Zezı gozhıı yı edaa sù wek'èedzòq ade ha. ¹¹ Goxı ıłàà ts'eeda et'ıı t'aats'òq Zezı wets'ıh2q ełàats'ede ha gogha hòzòq họt'e, hanı-ıde gozhıı ełàawı ha sù weyı Zezı edaa sù wek'èedzòq ade ha họt'e. ¹² Eyıt'à goxı t'aats'òq ełàats'ede lanı, hanıkò eyı ts'ıh2q naxı sù aahda gha adlà họt'e.

¹³ Dıı hanı dek'eèht'è, “Segha ehkw'ı-ahodı t'à weghò gohde họt'e,” dek'eèht'è. Goxı sı eyı xèht'e'e gogha ehkw'ı-ahodı t'à weghò gots'ede họt'e. ¹⁴ Nòhtsı sù Zezı-Krı naidà ayııllà họt'e, goxı sı Zezı xè nats'ıdà agole ha họt'e, eyıts'ò naxıxè wenadaqà nàts'eèhzaà agole ha wek'èts'eezò. ¹⁵ Eyı hazòq sù wet'àhoahwhı gha agòjà họt'e. Hanı-ıde Nòhtsı wesòıwòq sù de2òq dq lò ts'ò ade ha, de2òq dq lò Nòhtsı ması gıwò ha, eyıts'ò enııyah xè de2òq dq lò Nòhtsı ghàsogeedıı agede ha.

¹⁶ Eyıt'à gogha gots'eèdı nıle. Gozhıı nàtso-le adaade kò dze taat'eè goını t'à denahk'e nàts'etsoò agodaade họt'e. ¹⁷ Whaà-lea gots'ò yaazea goxè hoıla họt'e, hanıkò wet'à welò while ts'ò goxè sù enııyah hòzòq gha agot'ı họt'e, eyı sù hazòq t'à denahk'e wet'àazà họt'e. ¹⁸ Eyıt'à ayı wègaat'ı sù gha goını nàtso ats'ıhwhò-le, hanıkò ayı wègaat'ı-le sù gha goını nàtso ats'ıhwhò họt'e. T'ası wègaat'ı sù whaà-le gots'ò zò gha họt'e, ekò t'ası wègaat'ı-le sù welò while ts'ò gha họt'e.

5

Yak'e gokò gòzò họt'e

¹ Dıı nèk'e ts'eada sù whaà-lea gots'ò nıhbàa yı nàts'ede lanı họt'e. Eyı nıhbàa wedıhoè nıde yak'e welò while ts'ò gogha kò gòzò họt'e. Eyı sù dqłà t'à hòèı nıle, Nòhtsı godawhe2òq ayııllà wek'èts'eezò họt'e. ² Hanıkò ıłàà dıı nèk'e ts'eada et'ıı godzeè etse, yak'e gokò yı nàts'ede ha ts'ıwò t'à. ³ Gokò yı nàts'ede

nɔ̀dè goht'ɔ̀ yì ts'eèhkw'e lanì ha, hanì-ɔ̀dè ɔ̀ht'edɛ̀ gògaat'ɔ̀ ha-le. ⁴ ɔ̀laa du nèk'e nɔ̀hbàa yì ts'eeda et'ì ɔ̀godzè etse xè dats'ɔ̀ɔ̀za hɔ̀t'e. Etets'eèt'ɔ̀ ha ts'ɔ̀wɔ̀-le, hanìkò yak'e gokò yì nàts'edè ha ts'ɔ̀wɔ̀. Gozhì ɛ̀laawu sù gozhì welɔ̀ while ts'ò eda ts'ò latats'eedè ha ts'ɔ̀wɔ̀. ⁵ Nòhtsɔ̀ sù goxè hanì hòzɔ̀ gha gòhtsɔ̀ ɔ̀lè, eyit'à Yedàyeh Nezu gots'ò ayìllà, eyi wet'à gogha nadaɔ̀ sòmba nìzɔ̀ lanì, eyi weghàa ɔ̀daa ayì gogha whelaa sù hotù goghòt'à gha ayìllà.

⁶ Eyit'à gozhì t'à ɔ̀laa ts'eeda et'ì gots'ò K'àowo wets'ò nìwa ts'eèhkw'e hotù ɔ̀godzè t'à wek'èts'eezɔ̀ hɔ̀t'e. ⁷ Ayì gogha ehkw'ɔ̀-ahodù sù k'èè ts'eeda hɔ̀t'e, ayì gogha wègaat'ɔ̀ sù k'èè ts'eeda nùle. ⁸ Eyì sù hotù ɔ̀godzè t'à gogha ehkw'ɔ̀-ahodù hɔ̀t'e. Gozhì wets'ò ɔ̀nàts'edè gà gots'ò K'àowo wexè ats'ɔ̀t'ee sù, eyi denahk'e gogha nezì hɔ̀t'e. ⁹ Eyit'à gozhì yì ts'eedaa, gozhì yì ts'eeda-le, ehk'èè gots'ò K'àowo wɔ̀nà hots'ehtsɔ̀ ha ts'ɔ̀wɔ̀ hɔ̀t'e. ¹⁰ Ehkw'ɔ̀ anaxèehsɔ̀, goxɔ̀ hazò ɔ̀Zezi-Krì wenadaɔ̀ nìts'edè gà gosɔ̀nɔ̀yaehtì ha hɔ̀t'e. Dò hazò ɔ̀laa edezhì yì geeda et'ì ayì hogehtsɔ̀ k'èxa gɔ̀ghàhòt'à ha. Ehkw'ɔ̀ gɔ̀dà, hanì-le-ɔ̀dè ehkw'ɔ̀ gɔ̀dà-le k'èxa gɔ̀ghàhòzà ha.

Nòhtsɔ̀ wexè ts'èwhì ts'eeda

¹¹ Eyit'à dànì gots'ò K'àowo wek'èats'ɔ̀t'e ha wek'èts'eezɔ̀ t'à, dò ɔ̀dɔ̀ agede ha gɔ̀ghòdats'eehnè ha hots'eèhdzà. Dànì ts'eedaa sù Nòhtsɔ̀ wegga hotù nezì wègaat'ɔ̀ hɔ̀t'e, eyits'ɔ̀ naxɔ̀ sù naxìni gha hotù nezì wègaat'ɔ̀ nɔ̀dè dehwhò. ¹² Haehsɔ̀ t'à naxits'ò edeghò xàdahots'edi ats'edi nùle, hanìkò naxɔ̀ goghò xàhoahdì gha gots'ede. Hanì-ɔ̀dè, dò dànì gɔ̀gaat'ɔ̀ ghò xàhogedì hanìkò ɔ̀dzè yì dàgòht'e ts'ònegɔ̀zà-le sù gits'ò goahde ha dè-le agode ha. ¹³ Ezhìne k'èè k'ehots'eza nɔ̀dè Nòhtsɔ̀ wegga hadets'ɔ̀llà hɔ̀t'e; gots'ɔ̀zò k'èè k'ehots'eza nɔ̀dè naxìgha ats'et'ɔ̀ hɔ̀t'e. ¹⁴ Zezi-Krì goghòneètò t'à hanì wegga eghàlats'eeda ha ts'ɔ̀wɔ̀. Dò ɔ̀lè dò hazò gha ɛ̀laɔ̀wo, eyit'à dò hazò ɛ̀laɔ̀dè hɔ̀t'e, eyi gogha ehkw'ɔ̀-ahodù t'à ats'et'ɔ̀. ¹⁵ Edeɔ̀ sù dò hazò gha ɛ̀laɔ̀wo t'à, dò geedaa sù edegha geeda ha nùle hanìkò amì gogha ɛ̀laɔ̀woo eyits'ɔ̀ gogha naɔ̀dàa sù wegga geeda ha hɔ̀t'e.

¹⁶ Eyit'à ɔ̀ gots'ò ɔ̀daa du nèè gots'ò dò gɔ̀nàowoò k'èè dò wɔ̀zì gɔ̀sɔ̀nɔ̀yats'ehtì ha nùle. Inèè sù Zezi-Krì hanì wesɔ̀nɔ̀yats'ɔ̀htì ɔ̀lè, hanìkò dè sù hats'et'ɔ̀-le ats'ejà. ¹⁷ Eyit'à dò Zezi-Krì xè edaa sù dɔ̀gòò ɔ̀lè hɔ̀t'e. Wenàowoò zɔ̀ sù wedè adlà, wenàowogòò wet'axòò ajà. ¹⁸ Eyì hazò sù Nòhtsɔ̀ ayehzì hɔ̀t'e. Edeɔ̀ sù Zezi-Krì wet'òò wexè ts'èwhì ts'eedaa agòòlà, eyits'ɔ̀ godì nezì dò ts'ò hats'edi gha, la goghàzò hɔ̀t'e. ¹⁹ Nòhtsɔ̀ sù Zezi-Krì wet'òò du nèk'e dò edexè ts'èwhì geedaa agòòlà, eyit'à gɔ̀hòhì k'èxa gosɔ̀nɔ̀yaehtì nùle. Nòhtsɔ̀ dànì dò edexè ts'èwhì geedaa agohzì sù wegghò dò ts'ò hats'edi

ha goghàhòròq họt'e. ²⁰ Eyit'à goxı sù Zezì-Krı wegħa dọ ts'ò gots'edee ats'ıtt'e. Goxı got'à Nòhtsı naxıts'ò gode lanì họt'e. Zezì-Krı wedahxà naxıghònàdats'eeti: Nòhtsı wexè ts'èwhıı aahda, naxèts'edi. ²¹ Zezì wehoııı wıhıle sù Nòhtsı gogħa hoııı wek'e whelaà ayıııla, hanı-ıdè Zezì wet'òò Nòhtsı ehkw'ı ts'eedaà agole ha.

6

¹ Goxı Nòhtsı għa ełexè eghàlats'eedaa ts'ıııı sù Nòhtsı wesonıwò k'èt'ò naxıts'ò awede-le, naxèts'ediı naxıghònàdats'eeti. ² Nòhtsı ededi du hadı,

“Naxıts'ò snı nezı ekò k'e naxeèhkwo ıle, eyıts'ò dọ edaxàgeħtee dzeğ k'e naxıts'àehdı ıle,” hadı.

Ehkw'ı anaxèehsı, dıı sù Nòhtsı naxıts'ò wıni nezı họt'e, dıı edaxàgolee dzeğ họt'e.

Paul wexè hoıla k'ehokw'o

³ T'asıı wıızıı t'à dònı tsıts'ehwhı ha ts'ııwò-le, hanı-ıdè godı nezıı għa eghàlats'eedaa sù wets'ıhòò t'asıı nezı-le t'à dọ gok'e nıdahogeezà ha-le. ⁴ Hanıkò t'asıı hazòò ghàlats'eeda weghàà Nòhtsı xàè wecheekeè ats'ıtt'ee sù dọ gık'èezò ha: dani ts'èwhıı dats'ııza t'à, dani goxè hoıla lò t'à, dani gogħa dıı agot'ı t'à, dani goxè hoeıı k'ehokw'o t'à; ⁵ gokwòpyaà-gogehzı t'à, dọ-danıılaa-kò nègogııle t'à, gots'ıhòò dọ xè nàdahoowo hogehtsı t'à; la nàtso ghàlats'eeda t'à, lò-eh't'aà to ts'ete-le eyıts'ò dets'eèhđı t'à; ⁶ dani degai k'èè ts'eedaa, Nòhtsı yatıı nıts'eedıı, dọ xè ts'èwhıı hots'èhòòò xè etegets'eèzıı; dani Yedayeh Nezıı k'èè ts'eedaa eyıts'ò dani hotıı dọ ghònets'eètòò; ⁷ dọ ts'ò ehkw'ı gots'edee t'à, eyıts'ò dani Nòhtsı wedahxà eghàlats'ııdaa t'à; nàowo ehkw'ıı wet'à ełets'egò lanı nàgòts'ehnèe eyıts'ò gots'ıhts'ò wet'à-ats'et'ıı; ⁸ dọ goghò nezıı agedıı hanı-le-ıdè gok'adageedèe, goghò nezıı agedıı hanı-le-ıdè goghò nezıı agedı-le; godzeè t'à ehkw'ı gots'ede hanıkò dọ mòhdaa eghòyaezàa-dòò ats'ıtt'e gògedı; ⁹ dọ gok'ègeezò kò gok'ègeezò-le lanı gots'ò nageza; ełaa'ts'ede ha weli lanı hanıkò ılaa ts'eeda họt'e; nàgoakwa hanıkò ełaa'ts'ııdè-le, ¹⁰ dats'ııza hanıkò t'aats'òò sıts'eèt'ıı; etets'eèt'ıı hanıkò dọ lò ahxèe lagets'ııla; t'asıı wıızıı gots'ò-le hanıkò t'asıı hazòò gots'ò họt'e. Eyı hazòò weghàà xàè Nòhtsı wecheekeè ats'ıtt'ee sù dọ gık'èezò ha.

¹¹ Naxı Corınth got'ıı yàahıı sù edèdats'eedı-le xè naxıts'ò gots'ııde họt'e, eyıts'ò godzeè t'à naxıts'ò nezıı ats'ııwò họt'e.

¹² Godzeè t'à t'aats'òò naxıghònets'eètò họt'e, hanıkò naxı sù goghònahtò għa edèdaahđı. ¹³ Seza laah't'e lanı du hanaxèehsı ha: Goxı naxıghònets'eètò xèht'eè goghònahtò ha dehwhò, gots'ò naxıdzeè nechà aahle.

Dọ gıgha ehkw'ı-ahodı-le sù gıxè ıle laah't'e-le

¹⁴ Dọ gigha ehkw'1-ahod1-le sù gixè ìlè laaht'e-le. Dọ ehkw'1 geedaa eyits'ọ dọ nàowohù k'èè geedaa sù elexègùht'e nùle. Dzeh eyits'ọ togoòt'òo sù ełèht'eè nùle. ¹⁵ Zezi-Kr1 eyits'ọ wehù sù ełek'èè agùwọ nùle. Dọ wegħa ehkw'1-ahod1 eyits'ọ dọ wegħa ehkw'1-ahod1-le sù ełègùht'e hùl1 nùle. ¹⁶ Nòhts1kò-gocho eyits'ọ nòhts1 hòèl1 wets'ọ yahtu-kò sù ełek'èè agùwọ nùle. Gox1 sù Nòhts1 edaa wekò lats'ùt'e họt'e. Nòhts1 d1 had1 ìlè,

“Gidzeè y1 nàhdè ha eyits'ọ gita aht'e ha, G1nòhts1 ehł ha, eyits'ọ sets'ọ dọ gùl1 ha.”

¹⁷ *“Eyt' à gigha ehkw'1-ahod1-le sù gita gots'ọ xàahdè, gixè aah't'1-le. T'as1 hòl1 ne sù daahchì-le, han1-ìdè sets'ọ dọ aahł1 anaxehłe ha.”*

¹⁸ *“Nax1t à ehł ha, eyits'ọ nax1 seza eyits'ọ set1 aahł1 ha, Nòhts1 t'as1 wegħa d1-le sù had1,” họt'e.*

7

¹ Seàg1, Nòhts1 han1 goxè yat1 whehts1 t'à, t'as1 hazọò hòl1 ne sù wedè ats'1le. Gozh1 eyits'ọ goin1 t'à hòl1 hots'ehts1 sù k'alats'1dè-le. Nòhts1 gots'ọ wek'èch'a sọò ts'ùwọ t'à hot1 degai k'èè ts'1dà.

Paul sù win à agòjà

² Nax1dzeè y1 gogħa gòzọò aahłe. Dọ w1z1 k'èch'a hots'èhts1 wh1le, dọ w1z1 ek-1le eghàlajdà ats'ùl à wh1le, eyits'ọ dọ t'à edegħa s1ghà k'ehots'ùza wh1le. ³ Eyt1 han1 nax1ts'ọ gohdee sù nax1s1niyaehł1 aehs1-le. Godzeè t'à nax1ghònets'eètọọ sù nax1ts'ọ haehs1 ìlè, eyit' à nax1xè ts'eeda eyits'ọ nax1xè ełàats'ede għa ts'eèhk'w'e họt'e. ⁴ Sù nax1ghọ ehkw'1 aahwhọ họt'e eyits'ọ nax1ghọ xàhohd1. Nax1ts'1h2ọ s1n1 nàtsoò ajà. Gogħa hòl1 lọ kò sù s1n à họt'e.

⁵ Macedonia nèk'e nèts'ùde ekò, goxè ts'èwh1 gòzà-le. T'aats'ọò goxè hòl1 k'ehokw'o t'à godzeè dej1 ìlè. ⁶ Han1kò dọ gixè hòl1a sù Nòhts1 gidzeè t'à nàtsoò agohz1 họt'e. Titus gots'ọ n1t1t1 t'à Nòhts1 godzeè nàtsoò ay1l1 họt'e. ⁷ Eded1 gots' àehłt1 zọ t'à godzeè nàtsoò ajà nùle, nax1 s1 wedzeè nàtsoò awèahłà t'à godzeè nàtsoò adl à họt'e. Nax1dzeè t'à seahz1 ha dahwhọ, dàn1 ts'òdahwhọ, eyits'ọ dàn1 sù seghọ nàniahdèe sù ghọ goxè goado. Eyt' à sù denahk'e s1n à họt'e.

⁸ Nax1ts'ọ ùht'èe t'à nax1dzeè etsee ahł sọn1 kò wek'eehł1-le. T'akwełọò wek'eehł1 ìlè, nax1ts'ọ eeht'è t'à nax1dzeè etsee ahł t'à, han1kò whaà-lea ts'ọ zọ nax1dzeè etse họt'e. ⁹ Eyt' à d1 s1n à họt'e. Nax1dzeè etse t'à s1n à nùle, han1kò nax1dzeè etse t'à edek'eahł xè nax1n1 ładj1 aahłà t'à s1n à họt'e. Nòhts1 han1 edek'eahł nax1hwhọ họt'e, eyit' à gox1 dānaxèts'edu t'à nax1n1 tsjts'ùhwho nùle. ¹⁰ Nòhts1 win1 k'èè godzeè etse n1dè

edek'ets'ɲɲɪ, eyɪ wet'à edaxàgotè hɔt'e. Hanì godzeè etse nɲdè ɲdaà t'asì wɲɲzì k'ets'ɲɲɪ ha-le. Hanìkò dɔ ɲnàowoò k'èè godzeè etsee sɪ wet'à eɲààts'ede ha hɔt'e. ¹¹ Nòhtsɪ wɲnì k'èè naxɪdzeè etse t'à eɲàɲɲ aahjàa sɪ wedaàniadhè. Dì wet'à Nòhtsɪ gha naxɪnì nàtsoò ajà, hoɲɲ nàowoò wedɛ ha dahwhɔò aahjà, dɔ hoɲɲ hogehtsɪ nɲdè naxɪk'èch'a hɔt'e, wet'à dajiahdeè laahjà, eyɪ ts'ihzò seahzì ha dahwhɔ, wet'à sedaàniadhè aahjà, t'asì hazòò ekò-le sɪ ɲwhàà wesɲniyaeti ha dahwhɔ. Eyɪ hazòò hoɲɲ k'èè k'ehokw'oo sɪ naxɪ naxixè agot'ɲ nɲle naxɪk'èedzòò aahlà hɔt'e. ¹² Naxɪts'ò ɲht'è ekò, dɔ ekò-le hòèhtsɲɲ hanì-le-ɲdè dɔ wets'ò ekò-le eghàlaeda ts'ihzò naxɪts'ò ɲht'è nɲle. Hanìkò Nòhtsɪ wenadaà dani naxɪdzeè t'à goghɔniachtò sɪ wek'èahsɔ ha dehwhɔ t'à, naxɪts'ò ɲht'è hɔt'e. ¹³ Eyɪ hazòò wet'à sɪ godzeè t'à nàts'etsoò ats'ejà.

Eyɪ xè Titus sɪ wɲnà awèahlà wek'èts'eezò t'à, denahk'e goɲnà hɔt'e. ¹⁴ Wets'ò naxɪghɔ xàdahohdì ɲè, eyts'ò naxɪghɔ ɲzhaehɲ-le asèahlà. T'asì hazòò naxɪts'ò hats'edi sɪ ehkw'ɲ zò hɔt'e, eyɪ xèht'eè Titus ts'ò naxɪghɔ xàdahots'edi sɪ eyɪ sɪ ehkw'ɲ hɔt'e wek'èhoedzòò ajà. ¹⁵ Dani hazòò wek'èaht'e yenadi nɲdè denahk'e ededzeè t'à naxɪghɔneètò hɔt'e. Dànaxèhdì ha sɔnì dahwhɔ t'à wets'àahɲ kò nezɲ wets'ò naahza ɲè, eyts'ò t'asì hazòò t'à wek'èaht'e ɲè. ¹⁶ T'asì hazòò ehkw'ɲ weghàlaahda ha hotɲ wek'èehsɔ t'à sɲnà hɔt'e.

8

Corinth got'ɲ Nòhtsɪ wets'ò dɔ gha sòmba nàgehtsɪ

¹ Sèot'ɲ, Macedonia nèk'e kòta gòlaa sɪ dani Nòhtsɪ edecheekè gots'ò sɔnɲwò sɪ wek'èahsɔ ha naxɪts'ɲhwhɔ. ² Sɪ gixè hoɲla ɲ kò sɪ sòɲwò, eyts'ò sɪ etegeèt'ɲ kò ededzeè t'à t'aats'òò t'asì dɔ ghàgele. ³ Ehkw'ɲ anaxèehsɲ, t'asì t'à dɔ ts'àgedì ha dɲ-le sɪ t'à dɔ ts'àgɲdì, eyɪ wete ts'ò dɔ ts'àgɲdì. Ededɲ xàe hagɲwò t'à, ⁴ goxè Nòhtsɪ wets'ò dɔ ts'àgedì ha goghɔnàdageeti. ⁵ Hahcho ts'ò dɔ ts'àgedì ha ts'ɲwò-le ɲè. T'akweɲòò gots'ò K'àowo ghàdegɲla, eyɪ t'axòò Nòhtsɪ wɲnì k'èè goxɲ sɪ goghàdegɲla. ⁶ Titus ededɲ naxɪta dɔ gha sòmba nàhtsɪ yexèhoɲhwho ɲè t'à, naxɪdzeè sɔnɲwò t'à dɔ ts'àahdɲ sɪ deghàà nàyehtsɲ ha wèts'edi hɔt'e. ⁷ T'asì hazòò t'à deztòò nezɲ eghàlaahda hɔt'e. Nòhtsɪ ghɔ naxɪnì nàtsoo t'à, yatɲ t'à, t'asì k'èahsɔ t'à, dɔ ts'àahdì ghɔ hòt'ò aahwhɔ t'à, eyts'ò sɪ goghɔniachtò sɪ t'à. Hotɲ eyɪ xèht'eè naxɪdzeè sɔnɲwò t'à dɔ ts'àahdɲ sɪ eyɪ denahk'e nezɲ aahlè gha edeahdzà.

⁸ Eyɪ haahlè ha dehsɲ-aehtsɲ-le, hanìkò naxeèhdzà aht'ɲ. Dani dɔ eyɲ-le Nòhtsɪ wets'ò dɔ ghɔnegeètò sɪ asɲ gixèht'eè hòt'ò gɲghɔniachtò gha naxeèhdzà aht'ɲ. ⁹ Gots'ò K'àowo Zezi-Krɲ gots'ò sɔnɲwò sɪ wek'èahsɔ hɔt'e. Ededɲ sɪ ahxe elɲ ɲè hanìkò

naxiḡha eteèt'ḡ adiidlà họt'e. Eteèt'ḡ adiidlà t'à naxixè ahxe hòzọ agode ha.

¹⁰ Ayi naxiḡha denahk'e nezḡ sù gha yatı naxiḡhàehzà ha. İdi xok'e naxı t'akwełòò Nòhtsı wets'ọ dọ sọm̄ba t'à gıts'aaḡdı ìlè, eyı zọ nüile, naxı t'akwełòò hanı eghàlaahda ha ghọ hòt'ò dahwhọ ìlè. ¹¹ Eyı la dı weghọ naah't'è ts'ò weghàlaahda. Hanı-ıdè naxını nezḡ k'èè dahwhọ ìlè sù wexèht'eè degḡàà weghàlaahda. Eyıt'á ayı dātłọ naxıts'ọ sù weghàà dọ ts'aaḡdı. ¹² Godzeè t'à t'ası dọ ghàts'ezà nıdè Nòhtsı wegḡa nezı họt'e. Ayı dātłọ gots'ọ weghàà t'ası dọ ghàts'ezà ha goıhwhọ họt'e, t'ası gots'ọ-le weghàà ats'et'ı ha goıhwhọ nüile.

¹³ Naxiḡha t'ası while agode ha eyıts'ọ dọ eyı-le gıxè t'ası lọ agode ha ts'ḡwọ nüile, hanıkò hazọò elèht'eè t'ası naxıts'ọ ha ts'ḡwọ. ¹⁴ Dı t'ası lọ naxıts'ọ sı wet'á dọ t'ası gıts'ọ-le ts'aaḡdı ha dı-le. Hanı-ıdè ededı t'ası dezọò gıts'ọ nıdè naxıts'ágedı agede ha. Hanı-ıdè hazọò elèht'eè t'ası gots'ọ ha. ¹⁵ Dı hanı dek'eèht'è k'èè: “Amı t'ası lọ nàwhehtsḡ sı sı dezọò t'ası lọ wets'ọ-le, eyıts'ọ amı t'ası lọ-lea nàwhehtsḡ sı sı t'ası wets'ọ-le nüile,” dek'eèht'è.

Titus, kọta Corinth ts'ọ adlà

¹⁶ Dànı naxixè hòzọ ha dehwhọ sı Nòhtsı Titus hanı naniwoò ayıllà họt'e, eyıt'á Nòhtsı ması weehwhọ. ¹⁷ Titus naxıts'ọ wets'eèhza sı hayele ha zọò-le, ededı hanıwọ t'à naxıts'átla ha sı wınà họt'e. ¹⁸ Nòhtsı cheekeè ìlè wexè ats'ele ha. Eyı dọ godı nezḡ gha nezḡ eghàlaıdà t'à Nòhtsı wecheekeè hazọò gıghọ sìghà agedı họt'e. ¹⁹ Eyı zọò-le, sọm̄ba dọ degai ts'ò ts'ewa gha goxè ade ha Nòhtsı wecheekeè eyı dọ gııhchı họt'e. Eyı sọm̄ba gıghàts'ewa ha sı, wet'á Nòhtsı ghàsọhoedi eyıts'ọ sı gıts'ats'edi ha ts'ḡwọ sı gık'èezọ gha ats'et'ı. ²⁰ Eyı sọm̄ba haàtłọ k'ets'eele sı weghọ yatı lọ ha ts'ḡwọ-le. ²¹ Eyıt'á ehkw'ı weghàlats'eeda ha ts'ḡwọ. Nòhtsı wenadaà zọò-le hanıkò dọ hazọò gınadaà ehkw'ı k'ehots'ezà ha ts'ḡwọ họt'e.

²² Eyıts'ọ k'achı dọ ìlè eyı dọ nàke gıxè ats'ele ha. Ededı sı goxè eghàlaıdà ìlè t'à wını nàtsoo xè dànı la ghọ họtı sı wek'èts'eezọ họt'e. Ehkw'ı eghàlaahda ha naxıhwhọ t'à denahk'e goxè eghàlaeda ha nıwọ họt'e. ²³ Titus ededı sexè eghàlaeda họt'e, eyıts'ọ set'axọò naxıta eghàlaeda họt'e. Eyıts'ọ wexè dọ nàke sı Nòhtsı cheekeè hazọò gha k'ehogeza t'à Zezi-Krı weghàsọhoedi adlà họt'e. ²⁴ Eyıt'á eyı dọ tai gıghoniahtọ sı gık'èezọ agıahle, eyıts'ọ ayı ghọ naxıghọ xàhots'edi sı wek'èè ehkw'ı eghàlaahda. Hanı-ıdè Nòhtsı wecheekeè hazọò gık'èezọ ha.

9

¹ Nòhtsɿ wets'ò dọ dànì gits'àts'ɿdì sù weghò naxits'ò eeh'tl'è-le kò. ² Dọ degai gits'àahdì ha hòt'l'ò aahwhò họt'e wek'èehsò. Macedonia nèk'e Nòhtsɿ cheekeè nàgedèe sù naxìghò gits'ò xàdahohdì jìlè. ɿdì xok'e naxì Achaia nèk'e nàahdèe sù sọm̄ba t'à dọ degai ts'àahdì ha dahwhò họt'e gèehsɿ jìlè. Naxìnà hanì eghàlaahda t'à Macedonia got'ɿ ededɿ sɿ sọm̄ba efègɿla. ³ K'èt'l'ò naxìghò xàdahohdì ha-le t'à dù dọ tai naxits'ò guhʔà họt'e. Hanì-ɿdè eyi sọm̄ba nàwhahtsɿ sù ts'atà gɿt'l'aahle ha, wheahla gèehsɿ jìlè t'à. ⁴ Macedonia got'ɿ sexè naxits'àgedè ha sù gɿgha sọm̄ba ts'atà wheahla-le nɿdè goxɿ naxìghò xàdahots'edì jìlèe sù naxìghò jìzhats'ɿjìjì ats'ede ha, eyits'ò naxì sɿ edeghò jìzhaahjì aahde ha. ⁵ Eyì hagode ch'à eyi dọ tai gonakweè naxits'àgedè nɿdè denahk'e nezɿ ha dehwhò. Naxɿdzeè t'à sọm̄ba dọ ghàahle ha dahdì jìlèe sù t'à naxits'àgedì ha. Hanì-ɿdè naxɿdzeè t'à sọm̄ba gɿghàahle ha, eyits'ò naxìnì k'èch'a aahle ha-le.

Godzeè t'à t'asù dọ ghàts'èʔà

⁶ Dù hats'edù hotì wenaahdì: Amì t'asù dehshee ɿ-lea dèè goyì yeleè sù t'asù dehshee ɿ-lea nàhtsɿ ha, hanikò amì wet'à t'asù dehshee ɿ dèè goyì yeleè sù t'asù dehshee ɿ nàhtsɿ ha. ⁷ Dọ ededzeè t'à dàtɿ sọm̄ba dọ ghàyele ha nɿwò sù k'èè dọ ghàyele ha họt'e. Edìnì k'èch'a hanì-le-ɿdè dọ hayèhdì t'à t'asù dọ ghàyɿʔà-le. Goinà xè t'asù dọ ghàts'ele nɿdè Nòhtsɿ wìnà hots'ehtsɿ họt'e. ⁸ Nòhtsɿ sù t'asù hazòò wet'à nezɿ aahda ha deʔò naxìghàyele ha wegħa dì nùle. Hanì-ɿdè t'aats'òò t'asù hazòò wet'à-aah'tɿ ha sù naxits'ò ha, eyits'ò t'aats'òò wet'à nezɿ dọ ts'àahdì ha. ⁹ Dù hanì dek'eèht'l'è k'èè:

“T'asù nezɿ dọ-teèt'ɿ ghàɿla họt'e. Ehw'ɿ nàhohwhoo sù welò while ts'ò wheʔo ha,” dek'eèht'l'è.

¹⁰ Nòhtsɿ ededɿ sù wet'à t'asù dehshee dọ ghàyele họt'e, eyits'ò lèt'è dọ ghàyele họt'e. Eyit'à t'asù hazòò wet'à ts'eedaa sù denahk'e naxìghàyele ha, eyi wet'à denahk'e ehkw'ɿ eghàlaahda anaxele ha. ¹¹ Nòhtsɿ t'asù hazòò deʔò naxìghàyele ha, hanì-ɿdè t'aats'òò naxɿdzeè t'à dọ ts'àahdì ha dì-le. Eyits'ò goxɿ got'òò naxɿdzeè t'à dọ ts'àahdì t'à dọ ɿ Nòhtsɿ ts'ò masì gedì ha.

¹² Eyì hanì eghàlaahdàa sù Nòhtsɿ wets'ò dọ t'asù gɿt'à edaa zò gɿghàahle nùle, hanikò eyi haahla t'à dọ ɿ masì gɿwò xè deʔò Nòhtsɿ ghàsògeedi họt'e. ¹³ Hanì dọ ts'àahdì t'à dọ naxìk'ègeezò agèahlà họt'e. Zezì-Krì wegodì nezɿ naxìgha ehkw'ɿ-ahodù k'èè aahda t'à dọ Nòhtsɿ ghàsògeedi ha, eyits'ò dànì naxɿdzeè t'à t'asù dọ ghàahle, eyits'ò dọ hazòò gits'àahdì t'à Nòhtsɿ ghàsògeedi ha họt'e. ¹⁴ Eyit'à naxìgha yagehtì nɿdè Nòhtsɿ naxits'ò deʔò wesonɿwò t'à hanì nezɿ eghàlaahda anaxɿlà ghò masì gɿwò xè ededzeè t'à naxìgha yagehtì ha

hõt'e. ¹⁵ Nõhtsı ması wets'ıhwhq ha hõt'e! Ayı goghàııꝑꝑ sı sı weghq enıyah t'à wegħa yatı while hõt'e!

10

Paul edek'edaedi

¹ Dq mōhdaa seghq dı hagedı, “Paul goga wheda nıde ts'èwhıa gots'ò gode hanikò goga wheda-le nıde yatı nàtsoo t'à gots'ò gode,” sègedı. Zezi-Krı dani wedzeè nezıı xè ts'èwhıı anıwq k'èè naxıghonàdaehtı. ² Naxıts'àwhıhtıa nıde dq mōhdaa dı nek'e dq k'èè k'ehots'eza gogıhwhq sı yatı nàtsoo t'à gıts'ò gohde ha sonı. Hanikò hani naxıts'ò gohde ha-le għa naxıghonàdaehtı. ³ Dıı nek'e dq gıta nàts'edè kò, gık'èè elets'egq nıle. ⁴ Goxı wet'à elets'egq sı dıı nek'e dq gıt'à elegegq sı xèht'eè nıle. İle, ełèht'eè nıle! Nõhtsı wets'q wet'à elets'egq nàtsoò agohıı sı wet'à wehıı wenàowoò nàtsoo sı hazqò wedıhots'ehtsı hõt'e. ⁵ Nõhtsı k'èch'a xàyaetıı hazqò eyıts'q t'asıı hazqò Nõhtsı ch'à agohıı sı wedıhots'ehtsı eyıts'q nanihowo hazqò ts'ıhchı gà Zezi-Krı k'èıt'e ats'ehıı hõt'e. ⁶ Degħàà Nõhtsı k'èaht'eè aahıa nıde naxıta gots'q dq mōhdaa Nõhtsı k'èch'a k'ehogezaa sı nàgeekwa agets'ele ha hõt'e.

⁷ T'asıı wègaat'ıı sı zq ghàahda. Zezi-Krı wets'q aht'e dq hotıı hadeewq nıde goxı sı wexèht'eè Zezi-Krı wets'q ats'ııt'e yedaanıwo welı. ⁸ Gots'ò K'àowo wedahxà nàahtsoò anaxets'ehıı hõt'e, nàahtso-le anaxets'ehıı nıle. Eyı ghq yaazea xàdahohdı gohde kò weghq ıızhaehıı nıle. ⁹ Dıı nıht'è naxıts'ò eeht'èè sı wet'à naxıdzeè deıı ha ahıa nıle. ¹⁰ Dq mōhdaa hagedı, “Paul gots'ò eet'è nıde yatı nàtsoo t'à gots'ò gode, hanikò goxè wheda nıde t'asıı eı-le lanı wègaat'ı eyıts'q weyatıı gogħa t'asıı nıle,” gedı. ¹¹ Eyı dq hagedı sı enıht'è t'à dàts'edı sı wexèht'eè ats'ııt'e, gımedı welı. Naxıta eghàlats'eeda nıde naxıts'ò ts'ııt'è k'èè k'ehots'eza ha.

¹² Dq edegħq xàdahogedı sı gıxèts'ıht'e ts'edı ha honàedı nıle. Ededı edegħàà dq edegeetsı eyıts'q edenàowoò ghàà edesıniyagehtı t'à gogııꝑꝑ-le hõt'e. ¹³ Hanikò goxı sı deꝑòò xàdahots'edı ha nıle, Nõhtsı la goghàııꝑꝑ sı eyı zq ghq xàdahots'edı ha hõt'e. Nõhtsı la goghàııꝑꝑ t'à naxı kò naxıta eghàlats'eeda hõt'e. ¹⁴ Edegħq deꝑòò xàdahots'edı ha nıle. Naxıts'ò ats'ejà-le nıde ekıı gots'ede ha ıle, hanikò Zezi-Krı wegodıı nezıı xè naxıts'ò ats'ejà ıle. ¹⁵ Eyıts'q dq eyı-le naxıta eghàlagııdà ghq xàdahots'edı nıde deꝑòò ats'edı nıle. K'èdaà naxıni nàtsoò ade ha ts'ııwq, hani-ıde naxıta eghàlats'eeda sı denahk'e nechà ade ha. ¹⁶ Hani-ıde dq eyı-le naxıneè ꝑꝑots'ò nàgedèè sı godı nezıı t'à gıts'ò gots'ede ha dıı-le. Eyı-le nek'e Nõhtsı dahxà dq eghàlagııdà sı goxı wek'e eghàlats'ııdà lanı wet'à edegħq xàdahots'edı ha ts'ııwq-le. ¹⁷ Hanikò, “Amıı

xàdahodì ha nıwq̄ sù Nòhtsı ghq̄ xàdahodì welè,” dek'eèht'è.
 18 Eyit'à amı edegh̄q̄ xàdahodı sù dq̄ nezı̄ gha wıttà nı̄le,
 hanıkò amı Nòhtsı yegh̄q̄ xàdahodı sù dq̄ nezı̄ gha wıttà hq̄t'e.

11

Paul eyits'q̄ dq̄ xàè Zezi wecheekeèdeè agıtt'e-le

1 Yaazea ezhıne k'èè naxıts'q̄ eeht'è sını kò hotı seàhk'w'q̄ ha naxeewh̄q̄. Hòt'a seàhk'w'q̄ wek'èehsq̄. 2 Nòhtsı wını k'èè hotı naxıxoehtı hq̄t'e. T'eeko wetà dq̄zhı ghàııhtı lanı Zezi-Krı ghànaxèehtè ha dehwh̄q̄. T'eekogò lanı weghànaxèehtè ha dehwh̄q̄. 3 Hanıkò Eve gòcho yegh̄q̄yaàzq̄ xèht'eè naxı sı naxıgh̄q̄yaèzà aweah̄le ha sını dehwh̄q̄ t'à naxıgh̄q̄ dehji. Naxıdzeè t'à Zezi-Krı ghàdeah̄tı ıleè sını eyı ch'à naxıni ekq̄le ayele ha sını. 4 Dq̄ ıadı̄ naxıts'q̄ nı̄ttà gà Zezi eyı̄-le gh̄q̄ hoghànaxeehtq̄ nı̄dè naxıgha t'asanıle. Yedàyeh Nezı̄ naxıgh̄q̄t'q̄q̄ sını wedè ıni eıadı̄ naxıgha ehkw'ı-ahodı nı̄dè, hanıle-ıdè godı nezı̄ naxıgh̄q̄t'q̄q̄ sını wedè godı eıadı̄ naxıgha ehkw'ı-ahodı nı̄dè, nàhotı-le gıyatı̄ àahchı hq̄t'e. 5 Eyı “Nòhtsı dezq̄ò wecheekeèdeè” ats'ıtt'e edegeewq̄q̄ sını gık'azı aht'e edeehwh̄q̄ nı̄le. 6 Dq̄ ts'q̄ gohde gha nezı̄ gohde aht'e-le kò, Nòhtsı ts'q̄ohk'e t'ası k'èehsq̄ hq̄t'e. T'ası ıq̄ hats'ıllà sını eyı ghàà nezı̄ wek'èehsq̄q̄ anaxets'ıllà hq̄t'e.

7 Naxıgha sıghà ha t'à k'èewèet'ı k'èè adèhlà, eyits'q̄ t'ası k'èxa-le Nòhtsı wegodı̄ nezı̄ t'à naxıts'q̄ gohde t'à hoıı hòwhıhtsı nı? 8 Nòhtsı wecheekeè kq̄ta eyı̄-le nàgedèè sını sq̄q̄mba seghàgele t'à naxıgha eghàlaehda hq̄t'e. Eyit'à gısq̄q̄mbaà gıgh̄q̄ dehzi lanı. 9 Naxıta aeht'è ekò, t'ası segha whıle kò t'ası naxeehkè t'à naxıgha hoezhı ahla whıle. Nòhtsı wets'q̄ dq̄ Macedonia nèk'e gots'q̄ nègı̄dee sını ayı segha whıle sını seghàgıla hq̄t'e. Sets'aahtı t'à naxıgha t'ası whıle ha dehwh̄q̄-le, ılaà naxıts'q̄ hanı ehda ha dehwh̄q̄ hq̄t'e. 10 Zezi-Krı wenàowò ehkw'ı sedzeè yı whezq̄ dahxà dı hanaxèehsı: Dq̄ wızī Achaia nèk'e gots'q̄ hanı edegh̄q̄ xàdahodı ch'à asele ha nı̄le. 11 Dànıgh̄q̄ sets'aahtı ha naxeewh̄q̄-le dahwh̄q̄ sq̄naà? Naxıgh̄q̄neehtq̄-le t'à aht'e nı̄le. Dànı naxıgh̄q̄neehtq̄q̄ sını Nòhtsı yek'èezq̄ hq̄t'e! 12 Hanı eghàlaehda sını ılaà hanı eghàlaehda ha hq̄t'e. Hanı-ıdè dq̄ edegh̄q̄ xàdahogedı eyits'q̄ goxèht'eè eghàlageeda gedı k'ehogezaa sını haget'ı gha hòzq̄-le ageh̄le ha.

13 Hanı dq̄ sını ehkw'ı dq̄ hoghàgogeehtq̄ nı̄le, egh̄q̄yageezàdq̄q̄ agıtt'e, Zezi-Krı wecheekeèdeè edegeetsı hq̄t'e. 14-15 Eyı haget'ı sını gogha enıyah nı̄le, wehı̄ ededı kò yak'eet'ı degaı edeetsı hq̄t'e. Eyit'à dq̄ wehı̄ gha eghàlageedaa sını ededı sını ehkw'ı eghàlageeda laget'ı. Nq̄q̄de nı̄dè dani eghàlagıdà k'èè gıghàhòt'à ha.

Paul, dànì Zezì gha daɪʔàa sù yeghò xàdahodì

16 K'achì haehsì ha: Dò wɪzì gòzò-le aht'e sùhwhò welè sòò. Hanì nànahdè nɪdè dò gòzò-le gode lanì seàhkw'ò, hanì-ɲdè yaazea xàdahohdì ha dɪ-le. 17 Hanì edeghò xàdahohdì gohdee sù dò gòzò-le laehsì hɔt'e. Gots'ò K'àowo dànì gode ha sù k'èè gohde nùle. 18 Hanìkò dò lɔ dɪ nèk'e dò k'èè edeghò xàdahogedì gogede t'à, sɪ sɪ edeghò xàdahohdì ha dɪ-le. 19 Sù goahsò t'à dò gogɪzò-le sù gɪahkw'ò ha naxìnà. 20 Dò t'ahoòyì naxìts'ò k'ahogedè, hanì-le-ɲdè naxìghò egeeɪyì, naxìt'à edegha sìghà hogehtsì, eyìts'ò naxìnahk'e dò nechàa edegeetsì, tsìnaxegeekà kò, hanì naxìts'ò eghàlageeda kò naxìgha t'asanile. 21 Goxì hanì k'ehots'eza gha nàts'etso-le dehsù sù weghò òzhats'ùlì ha nì?

Dò gòzò-le laehsì kò, dò ayì ghò xàdahogedì sù sɪ sɪ eyì xèht'eè haehsì ha dɪ-le hɔt'e. 22 Hebrew got'ù agɪt'e ghò xàdahogedì nɪdè sɪ sɪ Hebrew got'ù aht'e. Israel got'ù agɪt'e nì? Sɪ sɪ Israel got'ù aht'e. Abraham wets'ìhɔò-dòò agɪt'e nì? Sɪ sɪ Abraham wets'ìhɔò-dòò aht'e hɔt'e. 23 Zezì-Krì wecheekeè agɪt'e nì? Sɪ gɪnahk'e wecheekeèdeè aht'e. (Sù ezhìne k'èè gohde laehsì.) Gɪnahk'e hòt'ò eghàlahdà, gɪnahk'e dò-danìlaakò ihdà, gɪnahk'e nàsegɪhkwa, eyìts'ò gɪnahk'e gòt'ò elàihwhot'e. 24 Israel got'ù sɪlài-eh't'à taenò-daats'ò-ɲòt'ò nàsegɪhkwa hɔt'e. 25 Taà-eh't'à dechì t'à sekwòyaa-segìlà, òhà kwe t'à seguhdè òlè, taà-eh't'à nùhts'ì nàtso t'à sexè elàcho wetat'ò, òlè toò eyìts'ò òlè dzèè gots'ò tideè k'e daehle òlè. 26 T'aats'òò t'asù sek'eèhoowo. Deh nàtso t'à sexè hoejì k'ehokw'ò, dɔjì ch'à sexè hoejì k'ehokw'ò, xàè sèt'ì sɪ ch'à sexè hoejì k'ehokw'ò, dò ladjì ch'à sexè hoejì k'ehokw'ò, kògodeè nì sexè hoejì k'ehokw'ò, whatsoò gòzò nì sexè hoejì k'ehokw'ò, tideè k'e sexè hoejì k'ehokw'ò, eyìts'ò dò gòet'ì edegeetsì t'à sexè hoejì k'ehokw'ò. 27 T'aats'òò hòt'ò eghàlahda xè gòt'ò ihtè-le. Bò dɛ xè tì dɛ aeht'è, eyìts'ò goht'ò dɛ aeht'è xè segha edza òlè. 28 Eyì hazòò wedɛ, dzè taat'eè Nòhtsì wecheekeè kòta yàgòlaa nì nàgedè sù gìghò hòt'ò nànihwhò hɔt'e. 29 Dò nàtso-le nɪdè sɪ sɪ wexè nàhtso-le hɔt'e. Dò hòlù hòèhtsù adlà nɪdè sù segha hoila hɔt'e.

30 Edeghe xàdahohdì gohde ha nɪdè ayì wet'à nàhtso-le sù eyì ghò xàdahohdì ha hɔt'e. 31 Nòhtsì, gots'ò K'àowo Zezì Wetà, welò while ts'ò weghàsòts'eedù sù hohts'ì gohde nùle yek'èezò hɔt'e. 32 Kògodeè Damaskus whìhda ekò, k'àowo òlè, k'àowocho Aretas gha k'àowo elù sù, dasegeechì ha nɪwò t'à kògodeè hazòò hoguhdì agòòlà òlè. 33 Hanìkò dò mòhdaa sets'agùdì t'à t'ohòt'ò nechàa yì segiachì gà kòta edzak'è gots'ò hodàsegeèlì. Hanì wech'à kwìehsa t'à dasegiachì-le.

12

Paul nàtso-le kò wenazhu eniyyah k'ehokw'o

¹ Wet'aaàà nùle wek'èehsò kò edeghò xàdahohdì ha t'ùt'e. Gots'ò K'àowo wedahxà senazhu xègoèht'ì eyits'ò ayì k'èehsòò asìllàa sù, weghò gohde ha. ² Hoònò-daats'ò-dì xo ekò Zezi wecheekeè ìlè yak'e denahk'e dagòòwà ts'ò newiitì ìlè. Eyì dọ edezhì yì wheda, edezhì yì wheda-le, wek'èehsò-le, Nòhtsì zọ yek'èezò họt'e. ³⁻⁴ Eyì dọ Hojzì-Nèk'e ts'ò newiitì ìlè wek'èehsò. Eyì dọ edezhì yì whedaa, edezhì yì wheda-le, wek'èehsò-le, Nòhtsì zọ yek'èezò họt'e. T'asì sù eniyyah t'à dọ wjzì yeghò gode ha dì sù yeèhk'w'ò ìlè. Eyì sù dọ yeghò gode ha weggha wets'aet'ò ìlè. ⁵ Eyì dọ wexè hagòjàa sù weghò xàdahohdì ha họt'e, hanikò edeghò xàdahohdì ha-le. Ayì t'à nàhtso-le sù eyì zọ weghò xàdahohdì ha. ⁶ Edeghò xàdahohdì gohde ha dehwhò nùdè, ehkw'ì gohde t'à ezhìne k'èè sutà ha-le. Hanikò dezòò t'asì deè aht'e segghwhò ha-le t'à edeghò xàdahohdì ha-le. Dànì eghàlaehda eyits'ò ayì dàehsì k'èè zọ dọ wet'aaàà k'èè sutà ha dehwhò.

⁷ Eyì t'asì eniyyah deè hazòò weehzì t'à xàdahohdì ch'à jhìghòò lanù sekwò ghazàa asiidlà họt'e. Eyì sù wehì wecheekeè sek'alawòò at'ì họt'e. ⁸ Taà-eh't'aa gots'ò K'àowo seghò yìhchì wèehsì weghònàdaehtì ìlè. ⁹ Hanikò sets'ò hadì, "Nets'ò sòdehwhòò sù eyì negha hòt'a họt'e. Dọ nàgetso-le nùdè, gidzè yì denahk'e eniyyah eghàlaehda họt'e," sèhdì. Eyit'à ayì t'à nàhtso-le sù weghò sinà xè weghò denahk'e xàdahohdì ha. Hanì-ìdè Zezì-Krì wedahxà nàhtsoò asedle ha họt'e. ¹⁰ Eyit'à Zezì-Krì wets'ìh'zò nàhtso-le nùdè, dọ sek'adageedè nùdè, seggha nàhotì nùdè, dọ daseghìh'za nùdè, sexè hoilà k'ehokw'o nùdè sinà họt'e. Nàhtso-le nùdè hòdaats'ò nàhtso họt'e.

Paul, Corinth got'ù goghò nàntwo

¹¹ Ezhìne edèwhihtsì hanikò naxì asèahlà họt'e. T'asì aht'e-le sòni kò seghò nezì goahde ha ìlè. Eyì "Nòhtsì dezòò wecheekeèdeè," ghahdù sù gik'a'zì aht'e nùle. ¹² Dọ eniyyah hazòò xàzaa hohtsì sù eyì weghàa Zezì wecheekeèdeè elì wek'èhoedzò họt'e. Naxìxè aeht'è ekò sinì nàtso xè naxita eniyyah lọ hòwhihtsì ìlè. ¹³ Nòhtsì wecheekeè kòta eyì-le ta nàgedèe sù gik'a'zì aah't'e naxèehwhò dahwhò nì? Nòhtsì wecheekeè eyì-le sets'àgedì agèhlà kò naxì hanaxèhlà while; eyì gha seghò nahoahlè!

¹⁴ Nàakeè naxits'àwhihtlà ìlè, dì k'achì naxits'àhtlà ha, hanikò t'asì t'à sets'àahdì ha naxèehwhò-le, t'asì naxits'ò sù wehwhò-le t'à, hanikò naxì naxèehwhò họt'e. Chekoa sù edèot'ì gha t'asì k'ègedì nùle wek'èts'èezò, giot'ì sù edeza gha t'asì k'ègedì họt'e. ¹⁵ Eyit'à t'asì hazòò sets'ò sù naxits'ò

wek'ehoehwhi gha sinà, eyits'ò naxìghàdèehtè gha sinà họt'e. Denahk'e naxìghòneehtò nùdè dek'aʒì seghòniahtò ha nì? ¹⁶ T'asanìle, naxeehkè t'à naxìgha hoezhì ahlà-le. Hanìkò ts'ahohtsì t'à naxìghoyaàʒò seahwhò nì? ¹⁷ Dò naxits'ò giihʒà ekò, sedahxà t'asì naxìghò giihchì nòʒò? ¹⁸ Titus naxits'atla ha naxits'ò wiihʒà jlè, eyits'ò gòet'ì jlè wexè ahlà jlè. Titus sòʒmba gha naxik'adaawo-le jlè. Eyit'à elèht'eè k'ehodiiʒa xè elèht'eè nànediwo họt'e.

¹⁹ Dii hapiwa gots'ò edek'edats'eediù ats'edi dahwhò jlè nì? Zezi-Kri wexè ats'ii't'e k'èè Nòhtsì wenadaà edeghò gots'ede họt'e. Goàgià, t'asì hazòò hats'ehʒii sù wet'à naxini nàtsoò ade gha ats'et'ì họt'e. ²⁰ Naxits'àwhihtla nùdè sinì k'èè aah't'e ha-le sòni, eyits'ò sì sì naxini k'èè aht'e ha-le sòni, eyi wegghò nànihwho họt'e. Ełek'èch'a aahdi ha sòni, ełegghò ts'oxoahdi ha sòni, naxik'èch'a t'à naxini nàitlo ha sòni, ełek'èch'a aahda ha sòni, ełegghò goahde ha sòni, xàhoahdi ha sòni, eyits'ò naxixè hoizì hòʒò ha-le sòni, eyi hazòò ghò hòt'ò nànihwho họt'e. ²¹ K'achì naxits'àhtla nùdè, Senòhtsì naxìghò jìzhaehhì asele ha sòni. Naxita dò ló inèè gots'ò hoii hogèhtsì sù gighò sedzeè nàniitì ha sòni. Hoii nàowoò k'èè ełek'alagedèe sù wegghò edek'egii-le sòni dehwhò t'à, gighò hòt'ò nànihwho.

13

Paul, nòode xàyahtì

¹ Dii taà-eht'aà naxits'àhtlaà ade ha họt'e. Dii hani dek'eèht'è, “Dò nàke hani-le-ìdè dò tai gidaà agòjàa sù elèht'eè dò ghò xàyagiihtì nùdè gìgodii ità ha họt'e,” dek'eèht'è. ² Nàekeè t'à naxits'àwhihtla ekò nadaà yati nàtsoo naxìghàehʒò jlè. Dii set'axòò k'achì hanaxèehsì ha. K'achì naxits'àwhihtla nùdè idii dò hoii hogèhtsì sù eyits'ò dò eyii-le hazòò eladii agejà-le nùdè ts'èwhii gìghàhoehʒà ha niile, ³ ayii ghàà Zezi-Kri set'à gode sèahdi daseahke t'à. Zezi nàtso-le k'èè naxita eghàlaeda niile, hanìkò naxita eniiyah t'à nàtso họt'e. ⁴ Nàtso-le k'èè dechiet'aa k'e wediitsò t'ii't'e, hanìkò dii Nòhtsì dahxà nàtso eda họt'e. Eyì lanì goxì sù wexè nàts'etso-le lats'ii't'e, hanìkò Nòhtsì dahxà naxìgha eghàlats'eeda gha nàts'etsoò ts'eeda họt'e.

⁵ Asii naxìgha ehkw'ì-ahodi k'èè aahda gha ededaàniahdè. Zezi-Kri naxidzeè yì nàdè họt'e wek'èahsò-le nì? Naxìgha ehkw'ì-ahodi k'èè aahda-le wek'èahsò nùdè Zezi naxidzeè yì eda-le wek'èahsò ha họt'e. ⁶ Goxì gogha ehkw'ì-ahodi k'èè ts'eeda wek'èahsò welì dehwhò họt'e. ⁷ Eyits'ò ekò-le eghàlaahda ch'à naxìgha Nòhtsì ts'ò yats'ehti. Goxì nezii gògaat'ì gha ats'et'ì niile, hanìkò ehkw'ì eghàlaahda gha ats'et'ì họt'e, golaà ghàlats'iidà-le dò hagogiihwhò kò. ⁸ Nàowo ehkw'ii sù wek'èch'a eghàlats'eeda ha dii họt'e, hanìkò nàowo ehkw'ii

wegha zò eghàlats'eeda hòt'e. ⁹ Goxì nàts'etso-le t'à naxì nàahtso nìdè goinà hòt'e, eyits'ò deghàà degai aahde ha naxìgha yats'ehti hòt'e. ¹⁰ Eyit'à naxita whihda-le nìdè hanì naxits'ò eehtl'è hòt'e. Hanì-ìdè naxits'àwhihtla nìdè Nòhtsì wedahxà hoilà naxits'ò xàyahti ha-le. Naxinì nàtsoò ahle gha Nòhtsì seghàhòìzò hòt'e, naxidihòlè gha niile.

Naxixè sìghà welè, Paul gòhdi

¹¹ Sèot'ì, nõode t'à dui hanaxèehsì ha: naxixè sìghà welè, deghàà degai aahde gha hòt'ò eghàlaahda, ayì dānaxèehsì sù seyati ààhchi, naxinì ìlè zò welè, ts'èwhì elèxè aahda. Hanì-ìdè Nòhtsì goghqoneètò, wexè ts'èwhì hòzò sù naxixè wehòzò ha.

¹² Nàowo degai k'èè elèahts'ì xè, “Nexè sìghà welè,” elèahdi. ¹³ Nòhtsì wets'ò dò hazò, “Naxixè sìghà welè,” naxègedi.

¹⁴ Gots'ò K'àowo Zezi-Kri naxixè sòniwò welè, Nòhtsì naxìghqoneètò welè, eyits'ò Yedàyeh Nezi wənàowoò naxixè welè.

Galatia got'ji gits'ò aatl'è

¹ Sì, Paul, Zezi wecheekeède aht'e. Dò seguhzà nùile, hanikò Zezi-Kri sùhzhà họt'e, eyits'ò Nòhtsì-Gotà, Zezi naidà ayjìlāa sù sùhzhà họt'e. ² Nòhtsì wecheekeè hazòò sexè geèhk'w'ee sù dū enjhtl'è sexè gùtl'è. Galatia nèk'e Nòhtsì wecheekeè nàgedèe sù gits'ò ts'jhtl'è họt'e.

³ Nòhtsì-Gotà eyits'ò gots'ò K'àowo Zezi-Kri naxits'ò sɔnɔwɔ welè, eyits'ò naxixè sìghà hòzòò agule. ⁴ Zezi-Kri dū nèk'e hòjì nàowoò ch'à edaxàgole ha nɔwɔ t'à, Nòhtsì-Gotà wɔnì k'èè gohòjì k'èxa ełajwo adiidlā họt'e. ⁵ Eyit'à welò while ts'ò weghàsɔts'eedi welè. Amen.

Godi nezjì jìè zò họt'e

⁶ Zezi-Kri wesɔnɔwɔ t'à naxikayajhtu sù ekòet'jì wedè aahlā xè godi eładjì ts'ò lātaahde t'à sù segħa enjyah lanì. ⁷ Eyì xàè godi nezjì họt'e nùile. Hòzjì dò mòhdaa naxixè hok'èedzòle nèhogjìzò, eyits'ò Zezi-Kri wegodi nezjì eładjì agele ha hogeèhdzà. ⁸ Gota ts'ò dò jìè kò, hanì-le-jdè yak'e gots'ò yak'eet'jì kò eyì godi nezjì t'à naxits'ò gots'jìdee sù wenòò godi eyi-le t'à naxits'ò gode njdè welò while ts'ò wexè hoila welè! ⁹ Dìhk'òq dāehsì jìèe sù k'achì hanaehsì ha: Godi nezjì naxigha ehkw'ı-ahodjì sù wenòò godi eyi-le t'à dò naxits'ò gode njdè eyì dò welò while ts'ò wexè hoila ha họt'e!

¹⁰ Dò segħò nezjì agedi ha zò dehwhò nùile, hanikò Nòhtsì wɔnì k'èè eghālaehda ha dehwhò. Dò gɔnì k'èè eghālaehda aht'jì dahwhò nì? Jìàà dò gɔnì k'èè eghālaehda njdè Zezi-Kri wecheekeè ehjì ha-le jìè.

Nòhtsì Paul kayajhtu

¹¹ Sèot'jì, hotjì dū wek'èahsò ha dehwhò: godi nezjì t'à naxits'ò gohdee sù dò yèhtsì nùile. ¹² Eyì godi nezjì sù dò wjzjì segħajjìzò nùile, eyits'ò dò wjzjì yegħò hogħàseèhtò nùile. Zezi-Kri ededjì godi nezjì segħajjìzò t'à, weniehdì asjìlā.

¹³ Jnèè dānì Israel got'jì gɔnāowoò k'èè ihdāa sù wegħò aàhk'w'o sɔnāa. Nòhtsì wecheekeè sù dagjìhza xè gidihòhtsì ha hoèhdzà jìè. ¹⁴ Israel got'jì gɔnāowoò ts'òqhk'e hogħàdeèhtò t'à sèot'jì sexètjò gighòè sù gɔnahk'e ehjì jìè, eyits'ò gocho gɔnāowoò k'èè ts'eeda għa sù sɔnì nātso jìè. ¹⁵⁻¹⁶ Hanikò Nòhtsì sù segòhì gots'ò edegħa sùhchì eyits'ò wesɔnɔwɔ t'à sekayajhtu họt'e. Ededjì sìghà anɔwɔ t'à Weza weehzjì asjìlā, hanì-jdè Israel got'jì agjtt'e-le sù wegħò dò gits'ò gohde ha asjìlā họt'e. Eyì ghò dò dāgɔwɔq sù dò wjzjì dazjìhke while, ¹⁷ eyits'ò sekwe Zezi wecheekeède gùlèe sù geehzi għa kògodeè Jerusalem

nàwhih̄tla wh̄ile, hanikò Arabia nèk'e ts'òet'ù ahjà, eyi t'axòò kòta Damaskus ts'ò anahjà.

¹⁸ Eyits'ò tai xo t'axòò kògodeè Jerusalem nàwhih̄tla, ekò Peter wek'èehsòò ahde ha dehwhò t'à. Hoòno-daats'ò-sɿlài dzeè gots'ò wegà-ih̄dà. ¹⁹ Ededi wenòò Zezi wecheekeèdeè geehzi-le. James, gots'ò K'àowo wechi ededi zò weehzi. ²⁰ Nòhtsi wenadaà ehkw'i naxits'ò gohde wek'èahsò ha dehwhò, hohs'ù t'à naxits'ò eeht'è nùile. ²¹ Eyì t'axòò Syria nèk'e eyits'ò Cilicia nèk'e nàwhih̄tla. ²² Judea nèk'e dò Zezi-Kri gɿgha ehkw'i-ahodii sù sek'ègeezò-le ìlè. ²³ Dii hanì zò seghò egùkw'o ìlè, “Dò dagòih̄za ìlè eyits'ò ìnèè sù godi nezii yedihohtsi ha hoèhdzà ìlè, hanikò dii godi nezii t'à dò ts'ò godeè ajà,” seghò hagedi ìlè. ²⁴ Sexè dàgòjà ghò egùkw'o t'à Nòhtsi ghàsògeedi.

2

Paul Israel got'ù agùt'e-le sù gits'ò awiìdlà

¹ Eyits'ò hoòno-daats'ò-dì xo t'axòò Jerusalem nòòwhih̄tla. Dii t'à Barnabas wexè ahjà, eyits'ò Titus edexè ahlà. ² Nòhtsi sedaedi t'à Jerusalem nàwhih̄tla ìlè. Godi nezii t'à dò eɿadii hoghàgeehtòò sù ekò Nòhtsi wecheekeè gits'ò haehsi. Hanikò k'agedèe gùlù sù whatsoò gits'ò goihde, gik'èch'a eghàlaehda ha-le eyits'ò k'èt'ò silàà ghàlaehda ha dehwhò-le t'à. ³ Hanikò Titus ededi sexè at'ù sù Greece got'ù eɿ kò wekwò k'e nàweet'à ha gùhdi-le. ⁴ Dò gòet'ì edegeetsii sù gokwò nàat'aa nàowoò k'èts'edi ha gedi t'à eyi ghò gots'ùde ìlè. Eyì dò agedii sù godageezì ha gùwò t'à gotagùde. Dànighò Zezi-Kri wets'ih̄zò gùnàowoò t'a ts'eèhkw'e-le ats'ejà gùwò, eyits'ò gùnàowoò ts'ò anats'ede ha gogùhwhò. ⁵ Hanikò ìlè-kòo gik'èhots'ùzò-le, hanì-ìdè godi nezii sù aìh̄h̄ xè ehkw'i naxixè whezò ha ts'ùwò.

⁶ Dò k'aodèe wet'aaazàa lagùt'ee sù seyatiì weta yati eɿadii nègùzò nùile. (K'aodèe dànì gigaat'ì ghàà sùni eɿadii agele ha dii, Nòhtsi sù dò dànì gigaat'ì ghàà dò sùniyaeh̄ti nùile.) ⁷ Ìlè, hanì nùile, Peter godi nezii xè Israel got'ù ts'ò awiìdlà lanì, sù sù godi nezii t'à dò Israel got'ù agùt'e-le sù ts'ò gohde gha seghàhòt'òò sù gik'èhoèhza. ⁸ Peter yecheekeèdeè eɿ t'à Nòhtsi Israel got'ù gota eghàlaidà hòt'e. Eyì xèht'eè sù wecheekeèdeè eh̄ t'à Nòhtsi Israel got'ù agùt'e-le sù gota eghàlaeda hòt'e. ⁹ James, Peter eyits'ò John, Nòhtsi wecheekeèdeè denahk'e gùt'ahòòzà gha gùtà hòt'e. Nòhtsi sets'ò sòniwò t'à hanì eniyyah eghàlaidà k'èhogeèhza t'à, ìlah Barnabas eyits'ò sù nàgots'eh̄nèè ts'ò goilà gùtò. Èkèk'èè ats'ùwò t'à goxì Israel got'ù agùt'e-le sù gits'ò ats'ede ha eyits'ò ededi sù Israel got'ù ts'ò agede ha, ts'edi. ¹⁰ Dò-teèt'ù sù t'aats'òò gits'aahti, eyi wenats'edi ha gògedi; sù hòt'a hanì eghàlaehda ha sùni whihtsi ìlè.

Paul Peter k'èch'a xàyaḡhtı

¹¹ Peter, kòta Antioch nùtla ekò, sù ekò-le ajà t'à wets'ò dı haehsı lè, “Peter, ehkw'ı eghàlajda nùle,” wèehsı. ¹² James dọ mọhdaa gots'ò gọhzaa kwe sù Peter dọ Israel got'ı agıt'e-le xè shètı lè. Hanikò eyı dọ nègıde ekò dọ gıkwò nàt'aa ts'qòhk'e agıt'ee sù Peter gots'ajı ajà t'à, Israel got'ı agıt'e-le sù goxè at'ı-le ajà. ¹³ Israel got'ı eyı-le goxè aget'ı sù Peter xègezı t'à, ayı gıgha ehkw'ı-ahodı sù k'èch'a k'ehogezaa agejà. Hanı eghàlageeda t'à Barnabas ededı kò ekò-le ajà.

¹⁴ Godı nezı wek'èè ehkw'ı eghàlageeda-le wek'èhoèhza ekò dọ hazò gınadaḡ Peter ts'ò dı haehsı, “Nı Israel got'ı aat'e kò dọ Israel got'ı agıt'e-le lanı ıda, Israel got'ı k'èè ıda-le. Eyıt'à daniḡhọ dọ Israel got'ı agıt'e-le sù Israel got'ı gınàowoò k'èè aget'ı agıhzi?”

¹⁵ “Goxı gogòhı t'à Israel got'ı ats'ıt'e, ‘dọ eladı hoı k'èè geedaa sù gıta gots'q dọ ats'ıt'e nùle. ¹⁶ Hanikò dı wek'èts'eezọ họt'e: dọ Moses wenàowoò k'èdı t'à ehkw'ı awedle ha nùle, hanikò Zezi-Krı wegħa ehkw'ı-ahodı zọ t'à ehkw'ı awedle ha họt'e. Eyıt'à Israel got'ı ats'ıt'ee sù goxı sı Zezi-Krı gogħa ehkw'ı-ahodı ats'ejà họt'e, hanı-ıdè Zezi-Krı gogħa ehkw'ı-ahodı t'à Nòhtsı ehkw'ı agole ha. Moses wenàowoò k'èts'edi t'à ehkw'ı ats'ede ha nùle, dọ wızi Moses wenàowoò k'èdı t'à ehkw'ı awedle ha nùle t'à.

¹⁷ “Goxı Zezi-Krı wet'òò ehkw'ı agodle ha ts'ıwọ t'à hoı-hots'ehtsı-dòò ats'ıt'e edèts'edi nıdè, Zezi-Krı hoı ts'ò gohza ts'edi nı-ats'edi? İle ne, hanı nùle! ¹⁸ K'achı Moses wenàowoò t'a ehda ha dehwhọ nıdè, t'ası wedıhòwhıhtsı sù seèhı laht'ı, eyıts'q nàowo-nàezhı-dòò aht'e sek'èhoedzọ adehzi. ¹⁹ Moses wenàowoò ts'qòhk'e elıhwho laht'e, hanı-ıdè Nòhtsı wegħa ehda ha. ²⁰ Zezi-Krı wexè dechıt'aa k'e elıhwho họt'e, eyıt'à sı xàè ehda nùle, hanikò Zezi-Krı ededı sedzeè yı eda họt'e. T'ajwaa sezhı t'à ehda gots'ò Nòhtsı Weza segħa ehkw'ı-ahodı t'à ehda họt'e. Ededı sù segħoneètọ t'à segħa elıwo họt'e. ²¹ Nòhtsı wesqıwọ sù wedè ahlè ha dehwhọ-le. Moses wenàowoò k'èats'ıt'e t'à ehkw'ı ats'ede ha dı-le nıdè Zezi-Krı k'èt'ò elıwo họt'e!”

3

Gogħa ehkw'ı-ahodı t'à ts'eeda ha

¹ Naxı Galatia got'ı yàahı sù goahsq-le dı! Amı naxınàzı hòızọ? Xàè naxıdàà Zezi-Krı dechıt'aa k'e elıwo sù wegħo degħàà naxıxè gots'ado lè. ² T'ası lè sets'ò haahdı ha dehwhọ: Moses wenàowoò k'èahdı t'à Yedayeh Nezı naxıts'ò ajà nı? Hanı-le-ıdè, ayı aàhk'oo sù naxıgha ehkw'ı-ahodı t'à naxıts'ò ajà nı? ³ Daniḡhọ sù goahsq-le dı? Yedayeh Nezı

t'à kèhoàhwho t'axòò, dànighò dù Moses wenàowoò k'èahdi t'à edets'aahti ha dahwhò nòò? ⁴ Hoila lò t'à daahza ìlè, eyi sù t'asù k'èxa-le nìt'e? Eyì sù naxìgha t'asù nùle nì? ⁵ Moses wenàowoò k'èahdi t'à Nòhtsì edets'ò Ìnì Degai naxìghàìzò xè naxita enùyah hòèhtsì nì? Hanì-le-ìdè ayì aàhk'oo sù naxìgha ehkw'ì-ahodi t'à Nòhtsì hanì naxìts'ò eghàlìdà nì?

⁶ Abraham wexè dàgòjàa sù wedaàniahdè: “Nòhtsì yegha ehkw'ì adì ts'ihzò, ehkw'ì eda gha wutà ayìlìlà,” dek'eèht'è. ⁷ Eyit'à, dò hazòò Nòhtsì gìgha ehkw'ì adù sù Abraham wets'ihzòò-dòò agùt'e k'èè gùtà họt'e. Eyì weniahdi welì. ⁸ Nòhtsì, dò Israel got'ì agùt'e-le sù gìgha ehkw'ì-ahodi nùdè ehkw'ì agole ha, whaà gots'ò hanì Nòhtsì Nìht'è k'e dek'eèht'è ìlè. Eyì Nìht'è k'e godì nezù weghò dù hanì nadaà dek'eèht'è: Nòhtsì Abraham ts'ò dù hadì: “Nì net'à dò hazòò xàzaa gixè sìghà agode ha,” dek'eèht'è. ⁹ Eyit'à dò gìgha ehkw'ì-ahodi sù Abraham xè gìgha sìghà agòjà họt'e. Eyì dò sù Nòhtsì yegha ehkw'ì adù deè họt'e.

¹⁰ Dò hazòò Moses wenàowoò k'ègedì t'à ehkw'ì agede ha gùwòò sù hoila agedle ha họt'e. Dù hanì dek'eèht'è, “Dò hazòò Moses wenìht'è k'e t'asù hazòò dek'eèht'è sù t'aats'òò gk'èit'e-le nùdè wek'èxa hoila agedle ha họt'e,” dek'eèht'è. ¹¹ Dò wùzì Moses wenàowoò t'à Nòhtsì nadaà ehkw'ì awedle ha nùle, eyì sù hotì wek'èhoedzò họt'e. Dù hanì dek'eèht'è t'à, “Dò ehkw'ì agùt'ee sù Nòhtsì gìgha ehkw'ì-ahodi t'à geeda ha,” dek'eèht'è. ¹² Moses wenàowoò k'èts'edi sù Nòhtsì gogha ehkw'ì-ahodi xèht'è nùle. Ìlè, hanì họt'e nùle. Dù hanì dek'eèht'è, “Dò, eyì nàowo họt'ì yeghàaedaa sù yet'à eda ha họt'e,” dek'eèht'è. ¹³ Moses wenàowoò k'èts'edi ha dù t'à gosìnyatì ch'à Zezì-Krì edaxàgòlì họt'e. Zezì got'axòò Nòhtsì yesìnyahù họt'e, dù hanì dek'eèht'è t'à, “Dò dechì k'e èl'àwìgwoò sù hoila gha wesìnyatì họt'e,” dek'eèht'è. ¹⁴ Ededì edaxàgòlì họt'e, hanì-ìdè Nòhtsì edeyatì Abraham ghàìzòò sù Zezì-Krì wet'òò dò Israel got'ì agùt'e-le sù ts'ò ade ha. Goxì Zezì-Krì gogha ehkw'ì-ahodi t'à Nòhtsì weyatì k'e Yedàyeh Nezù goghàyeza ha.

Nòhtsì edeyatì goghàìzò

¹⁵ Sèot'ì, dzè taat'èè nàowo wet'à ts'eedaa sù weghàà hoghànaxeehtò ha. Dò elek'èè nàowo gehtsì xè eduzì dek'enègeza nùdè dò wùzì eyì nàowo wedè ayele ha nùle, eyits'ò yatì èladù weta nèyeza ha hòzò nùle. Eyì lanì Nòhtsì weyatì xè hagòht'e. ¹⁶ Nòhtsì, Abraham eyits'ò wets'ihzòò-dòò elì sù goxè sìghà ayele ha edeyatì goghàìzò ìlè. Nòhtsì Nìht'è k'e dù hanì dek'eèht'è, “amì wets'ihzòò-dòò elì,” hadù sù dò lò ghò godeè-adi nùle, hanikò, “amì wets'ihzòò-dòò elì,”

hadu sù dọ ɲè zọ ghọ godeè-adì, eyi dọ sù Zezì-Krì họt'e. ¹⁷ Ayì awèehsù sù naxìts'ò haehsì ha. Dìakw'eèng-daats'ò-taèng xo t'axòò Moses nàowo weghòzha họt'e, hanìkò eyi nàowo nùza t'à Nòhtsì dànì Abraham xè nakenawhehtsù sù wede adlà nùle, ɲàà edeyatù k'èè eghàlaeda ha họt'e. ¹⁸ Nòhtsì, Abraham ghà-t'asì-yele ha yatì whehtsù sù Moses wenàowoò k'èts'edi zọ t'à goità ha nùdè, Nòhtsì edeyatù Abraham ghàzọọ sù wek'èè hòzọ-le agode ha. Hanìkò Nòhtsì wesonìwọ dahxà edeyatù yeghàzọ t'à Abraham ghà-t'asì-yele ha.

¹⁹ Hanì hòzọ nùdè Moses nàowo weghòzhaa sù ayì gha adlà? Nòhtsì edeyatù Abraham ghàzọ t'axòò eyi nàowo wek'èè hòzọò agòjà. Eyt' à eyi "Abraham wets'ihzọò-dọò" nùtla gots'ò Moses wenàowoò weghàà dọ hoùù hogehtsì gk'èezọ gha adlà họt'e. Eyi nàowo sù yak'eet'ù t'à Moses ts'ò nùt'ò họt'e. Moses dọ gha eyìts'ò Nòhtsì gha tanì whedaa elù sù wek'èè hòzọò ayìlà. ²⁰ Dọ tanì whedaa elù sù dọ ɲè zọ gha at'ì nùle, hanìkò Nòhtsì ɲè zọ họt'e.

²¹ Eyt' à Moses wenàowoò sù Nòhtsì Abraham xè yatì whehtsù sù k'èch'a họt'e nì? Hanì nùle! Eyi nàowo sù ts'eedaà agole ha diì-le nùdè eyi nàowo wedahxà ehkw'ì ats'ede ha ɲè. ²² Hanìkò Nòhtsì Nìht'è k'e, dọ hazọò hoùù nàowoò gits'ò k'ahowo, dek'eèht'è. Hanì ts'ihzọ Zezì-Krì gogha ehkw'ì-ahodi nùdè eyi Nòhtsì yatì whehtsù sù goghọt' à ha họt'e.

²³ Gogha ehkw'ì-ahodi kwe sù Moses wenàowoò t' à ts'eèkw'e ɲè eyìts'ò wets'ò dagoet'ì lats'ùt'e ɲè. Zezì-Krì gogha ehkw'ì-ahodi ha sù Nòhtsì wek'èts'eezọò agòòlà gots'ò, godanìtọ lats'ùt'e ɲè. ²⁴ Eyt' à eyi nàowo sù Zezì-Krì ts'ò agole ha gogha k'àowo ɲè. Hanì-ɲdè Zezì-Krì gogha ehkw'ì-ahodi t' à ehkw'ì agodle ha. ²⁵ Dù Zezì-Krì gogha ehkw'ì-ahodi agòjà t' à, Moses wenàowoò t' à ts'eèkw'e-le ats'ejà.

Nòhtsì weza ats'ùt'e

²⁶ Zezì-Krì naxìgha ehkw'ì-ahodi dahxà naxì hazọò Nòhtsì weza aah't'e. ²⁷ Naxì hazọò Zezì-Krì wexè ɲè laah't'e gha naxìk'ètaìdzọọ sù goht'ò lanì Zezì-Krì edek'e aahlà họt'e. ²⁸ Zezì-Krì wexè naxì hazọò ɲè laah't'e họt'e t' à, Israel got'ù eyìts'ò Greece got'ù gixè eladù hòzọ-le, dọ edets'ò k'àowo-le, eyìts'ò dọ edets'ò k'àowo gixè eladù hòzọ-le, dọzhì eyìts'ò ts'èko gixè eladù hòzọ-le. ²⁹ Zezì-Krì wets'ò aah't'e nùdè Abraham wets'ihzọò-dọò aah't'e, eyìts'ò Nòhtsì edeyatù Abraham ghàzọọ sù naxìghaelì ha.

4

¹ Dù haehsù aehsì: Dọ ɲàà chekoa elì et'ù, wetà elàwo t'axòò wetà wets'ò dèè hazọò wets'ò ade ha kò, wetà wecheekeè xèht'eè elì họt'e. ² Wetà yegha dzè whezì gots'ò dọ

gıxoehdı xè gıts'ò k'agedè họt'e. ³ Eyı xèht'eè goxı sı ııaà chekoa ts'ııı ekò dı nèk'e ts'ò nàowo wetı'a ts'eèhk'w'e ıle. ⁴ Hanıkò Nòhtsı wegħa degħàà nèhòkw'o ekò Edeza gots'ò ayıııla, ts'èko ts'ò dọ elı, eyıts'ò Moses wenàowoò tı'a wheda ıle. ⁵ Dọ hazọọ eyı nàowo tı'a geèhk'w'ee sı edaxàgole għa gots'ò ajà, hanı-ıdè xàè Nòhtsı weza ts'ııı għa goghàhòt'a ha t'à ajà. ⁶ Weza ats'ııt'e t'à Nòhtsı Edeza wets'ò İni Degai godzeè yı ayıııla. Yedayeh Nezı ededı sı godzeè yı "Abà, Setà," hadı. ⁷ Eyıt'à dọ k'àowo tı'a geèhk'w'e laah't'e-le aahjà, hanıkò Nòhtsı weza aah't'e. Weza aah't'e t'à Nòhtsı t'ası hazọọ edeza għa ts'atà yehıa sı naxıghàyele ha họt'e.

Paul Galatia got'ıı goghọ nàntwo

⁸ İneę Nòhtsı k'èahsq-le ekò xàè nòhtsı agııt'e-le sı naxıts'ò k'agedè ıle. ⁹ Hanıkò dı sı Nòhtsı k'èahsq, hanı-le-ıdè Nòhtsı naxık'èezọ t'à dånıghọ nàowo wet'à nàgotso-le xè etehòt'ıı sı ts'ò anaahde ha dahwhọ? K'achı eyı xèht'eè nàowo tı'a dahkw'e ha dahwhọ nı? ¹⁰ Eyı nàowo għa dzèdeè k'èahdı, ıle sa għa dzèdeè hoahıtsı, eyıts'ò ıle xo għa dzèdeè hoahıtsı! ¹¹ Naxıta k'ètı'ò eghàıahdà sını dehwhọ t'à sı naxıghọ nånıhwho họt'e.

¹² Sèot'ıı, naxıghonàdaehtı, sı naxıxèht'eè ahjà t'à sexèht'eè aahde. Naxı sı sets'ò ekọ-le eghàlaahdà-le ıle. ¹³ Eyawhıhı ts'ıhıdè t'akweıdè godı nezı t'à naxıts'ò gohde ıle, wek'èahsq họt'e. ¹⁴ Eyaehı t'à naxıgha dı ıle hanıkò dọ wet'aaıà-le seahwhọ-le ıle, hoıı sets'ò k'ehoahıa-le ıle. İle, Nòhtsı weyak'et'ıı aht'e lanı sets'ò naahıa ıle, Zeı-Krı ededı at'ı lanı sets'ò nezı k'ehoahıa ıle. ¹⁵ Ekò sı naxınà ıle, dı naxıxè dàgòjà? Ayı dånaxèehsı sı segha haahıe ha ıle, naxıdaà kò, xàahdı gà seghàahwha naxèehsı nıdè segha haahıe ha ıle. Naxıxè hagòht'e ıle wek'èehsq. ¹⁶ Naxıts'ò ehkw'ı gohde t'à naxıts'ò xånıhıa seahwhọ nı?

¹⁷ Eyı dọ eyı-le sı gı nàntso xè edets'ò naxıghogeèhnè ha gıwọ t'à aget'ı, hanıkò naxıgha sıghà ha aget'ı nıle. Gok'èch'a aweahde naxegıhwhọ, hanı-ıdè gıghọ hòt'ò aahwhọdè aahde ha gıwọ. ¹⁸ T'ası għa goı nàntso sı nezı họt'e, hanıkò t'ası nezı zọ għa nıdè nezı họt'e. Naxıxè whıhda nıdè zọ naxını nàntso welè-le, t'aats'òdè hats'ııt'e nıdè nezı. ¹⁹ Sèot'ıı, ts'èko chekoa nıhtè lanı naxıgha daihıà, Zeı-Krı degħàà naxıdzeè yı nàdè ade gots'ò daihıa họt'e. ²⁰ Sı naxıghọ nånıhwho t'à, dı naxıxè whıhda xè eıadıı naxıts'ò gohde ha dehwhọ!

Hagar eyıts'ò Sarah

²¹ Naxı Moses wenàowoò k'èè aahda ha dahwhọdè sı eyı nàowo dāhodı-ahodı sı ası degħàà wenıahdı? ²² Abraham weza nàke gòıle dek'eèht'è. Weza ıle ts'èko yegħa eghàlaedaa gots'ò wegòhı họt'e, eyıts'ò ıle t'aa ts'èko edets'ò k'àowo gots'ò

hõt'e. ²³ Ts'èko yegha eghàlaedaa gots'q weza ne sù dũ nèè gots'q dõ k'èè wegòhũ hõt'e, ekò weza ìlè ts'èko edets'ò k'àowo gots'q ne sù Nòhtsì Abraham xè yatì whehtsì k'èè wegòhũ hõt'e.

²⁴ Weghõ nànts'ewo ha nùdè eyi ts'èko nàke sù nakenahòdlũ nàke lagut'e. Nakenahòdlũ ìlè sù Shìh Sinaì gòyeh gots'q hõt'e, eyi sù ts'èko Hagar wiyeh lanì hõt'e, eyi ts'èko weza sù t'aats'òò k'àowo t'la geèhkw'e hõt'e. ²⁵ Ts'èko Hagar sù Arabia nèk'e Shìh Sinaì lanì hõt'e, eyits'q weza hazòò xè k'àowo t'la geèhkw'e t'à dũ nèk'e kògodeè Jerusalem xèht'eè lanì. ²⁶ Hanìkò kògodeè Jerusalem ìdòò gots'q hõt'e sù wegħa k'àowo wħìle, eyi gomõ lanì hõt'e. ²⁷ Eyit'à dũ hanì dek'eèht'è:

“Ts'èko wezaa gòhũ-le sù winà welè! Chekoa t'à eyalè wħìle sù winà t'à hòt'ò yaizeh, chekoa lõ wets'q ha t'à. Ts'èko eteèt'ũ elũ sù ts'èko wedòò gòhũ nahk'e chekoa lõ wets'q ha,” dek'eèht'è.

²⁸ Sèot'ũ, naxì sù Abraham weza Isaac laah't'e, wexèht'eè Nòhtsì weyatù t'à naxìgòhũ hõt'e. ²⁹ Ekò k'e sù Abraham weza dũ nèk'e ts'q dõ k'èè wegòhũ sù weza Yedayeh Nezũ dahxà wegòhũ sù dayũhza ìlè. Dũ ìlè goxè hagòht'e. ³⁰ Hanìkò Nòhtsì Nìht'è k'e dũ hanì dek'eèht'è, “Ts'èko, edets'ò k'àowole sù weza xè nawũhza. T'asù seza gighàehle ha sù eyi ts'èko weza ts'ò ade ha-le, ts'èko edets'ò k'àowo sù weza ts'ò ade ha,” dek'eèht'è. ³¹ Eyit'à sèot'ũ, eyi ts'èko k'àowo t'la whedaa sù weza lats'ũt'e nũle, hanìkò ts'èko edets'ò k'àowo sù weza lats'ũt'e.

5

Zezi-Krì wets'ih?ò t'asù wũzù t'la ts'eèhkw'e-le ats'ejà

¹ Zezi-Krì t'asù wũzù t'à dagoet'ì ha-le nıwq t'à edaxàgõla hõt'e. Eyit'à naxinì nàtsòò aahle, k'achì dũ nek'e ts'q t'asù wũzù naxits'ò k'àowo welè-le, eyi wet'à edegħa hoìla hoah'tsile.

² Hotù seàhkw'q, sù Paul naxits'ò dũ haehsì: Moses wenàowoò k'èè naxìkwò nàt'à adèahlà nùdè Zezi-Krì naxìgha wet'aaazà-le dahdì hõt'e. ³ Eyì nàowo k'èè dõzhì hazòò gıkwò nàt'à adegjìlè sù k'achì gıts'ò dũ haehsì ha: Haaht'ì nùdè Moses wenàowoò hazòò degħàà wek'èaht'e ha hõt'e. ⁴ Eyì nàowo t'à ehkw'ù aahde ha dahwhq nùdè Zezi-Krì wexè aah't'e-le aahjà, eyits'q wesõnıwq ts'òò nıwà aahjà. ⁵ Hanìkò Zezi-Krì gogħa ehkw'ı-ahodì nùdè wets'q İnì Degai goxè wehòh?ò hõt'e eyits'q degħàà ehkw'ù ats'ede ha wek'èts'eezq. Hotù eyi dzeè danats'eèhzi hõt'e. ⁶ Zezi-Krì gogħa ehkw'ı-ahodì nùdè nàgoet'aa, nàgoet'à-le, ehk'èè gogħa wet'aaazà-le. Edaxàts'eedè ha, gogħa ehkw'ı-ahodì eyi zq gogħa wet'aaazà hõt'e, eyits'q ełegħõnets'eètq sù dõ yek'èezq ats'ehzi hõt'e.

⁷ Zezi-Kri naxigha ehkw'i-ahodi t'à nezii aah'ti jìè. Amii naxits'ok'eetla xè nàowo ehkw'ii k'èaht'e ch'à anaxijlà? ⁸ Amii naxikayajhti sii nàowo ehkw'ii ts'òò aahdeè anaxele ha niile. ⁹ Ekò-le hoghàgoètò nìdè wet'à dàgot'ii sii wek'èahsò hõt'e: "Lèt'èa lò-lea zò kò lètsièhdu ta ats'ehzi nìdè hazòò weta-ts'ò at'i hõt'e," ts'edi. ¹⁰ Gots'ò K'àowo wets'ihzò sexèht'eè naniahdè ha hotii wek'èehsò. Amii naxixè hok'èedzò-le nèhòjzòò sii eyi k'èxa Nòhtsi nàyeekwa ha hõt'e. ¹¹ Sèot'ii, Moses wenàowoò k'èè nagoet'aa ghò dò hoghàehtò nìdè dànighò jlaà dasegijha? Sii hanì dò hoghàehtò nìdè, Zezi-Kri dechiet'aa k'e elajwo ghò gohde t'à gik'èch'a aehsi ha-le jìè. ¹² Eyi dò hoila hogehtsi sii Moses wenàowoò k'èè gikwò nàat'à ghò hòt'ò agiwo nìdè gikwò hõt'ii xàat'à adegijlà nìdè nezì ha, hanì-jdè dözhi giijle agede ha.

¹³ Sèot'ii, nàowo hanu naxits'ò k'àowo ha-le gha Nòhtsi naxikayajhti hõt'e. Hòt'a eyi nàowo t'la dahkw'e-le aahjà t'à naxiniij k'èè aahdaà adeahle-le. Jìe, ełeghoniahtò xè ełets'aahti k'èè aahda. ¹⁴ Eyi nàowo hõt'ii sii nàowo jìe ghò godeè-adi hõt'e, eyi sii du hõt'e, "Edeghoniahtò k'èè naxèot'ij gighoniahtò," dek'eèht'è. ¹⁵ K'èdaà ełek'èch'a goahde xè ełets'ò yidaht'e nìdè ełedihoahtsi ha hõt'e.

Yedàyeh Nezi wet'à ts'eeda hõt'e

¹⁶ Eyi t'à, Yedàyeh Nezi dahxà aahda ha naxèehsi. Haah't'e nìdè naxiniij t'anìwo k'èè aahda ha niile. ¹⁷ Goniij sii Yedàyeh Nezi k'èch'a anìwo hõt'e eyits'ò Yedàyeh Nezi sii goniij k'èch'a anìwo hõt'e. Ełek'èch'a agiwo t'à ayii dàahle ha dahwhòò sii haahle ha dii hõt'e. ¹⁸ Hanikò Yedàyeh Nezi k'enaxehzi nìdè, Moses wenàowoò t'la dahkw'e niile.

¹⁹ Goniij k'èè dànì k'ehots'ezaa sii hazòò wek'èts'eezò: gozhii t'à hoij hazòò xàzaa k'alats'edèe; ²⁰ nòhtsi hòèlij ts'ò yats'ehti, jk'òò k'alats'edèe; ełedzats'ijhwhòò, ełek'èch'a ts'eedaa, ełeghò ts'ohots'eedii, goni naitloo, dò nahk'e ts'ijli ts'ijwoò, ełek'èch'a eghalats'eedaa, ²¹ dò ayii gits'ò sii wets'ijwoò; jietì ts'eedèe, dezòò gogha sigòet'ij t'à ts'izò-hots'eezà. Eyi hazòò goniij k'èè ats'et'ij hõt'e. Hanì aahda-le naxèehsi jìe k'achì hanaxèehsi ha: Dò hanì geedaa sii Nòhtsi wenàowoò k'èè hòzòò sii goyagedè ha niile.

²² Ekò Yedàyeh Nezi t'à ts'eeda nìdè, du hanì nezii k'ehots'eza ha: ełeghonet's'èetòò, gonàa, ts'èwhij ts'ijwoò, ełexè ts'èwhij hots'ehzòò, etełets'eèzii, ełets'ò dò nezii ts'ijli, ełets'ò ehkw'ì ts'eedaa, ²³ ełets'ò godzèe nezii, eyits'ò hoij nàowoò ch'à edek'èts'edi. Eyi hanu wets'at'ò gha nàowo gòhij niile. ²⁴ Amii Zezi-Kri wets'ò agi'ee sii edenàowoò eyits'ò edekwò t'à hoij k'èè eghalageeda ha giwoò sii eyi hazòò dechiet'aa k'e wediitsò agijlà hõt'e. ²⁵ Yedàyeh Nezi k'èè ts'eeda nìdè

Yedàyeh Nezzì daniwqò sù wek'èats'ùt'è. ²⁶ Eyit'à xàhots'ùdì-le, elets'ò yidats'ùt'è-le, eyits'ò ełeghò ts'ohots'ùdì-le.

6

Dàni eghàlats'eeda k'èè goghàhòt'à ha

¹ Sèot'ù, naxì Yedàyeh Nezzì k'èè aahdaa sù dọ hołù hòèhtsì wek'èahsò nùdè, eyi dọ wets'ò naxìdzeè nezzì t'à ehkw'ì edaà aweahle. Hanikò edexoahdì, naxì sì hołù nàowoò t'à naxeèdzà ha sòni. ² Naxìgha hoıla nùdè elets'àahdì. Haaht'ì nùdè Zezi-Krì wenàowoò k'èè degghàa aahda họt'e. ³ Dọ t'asì elì-le kò t'asì aht'e edeewò nùdè edeghoyaezà họt'e. ⁴ Hazòò naxitàat'eè dani k'ehoahzaa sù ededaaniahdè ha họt'e. Dọ hat'ù sù edeghò nezzì aniwò ha, eyits'ò dọ eyi-le nahk'e aht'e edeewò ha nùle. ⁵ Hazòò gotaàt'eè dani k'ehots'ezaa sù gots'ò hoèlì họt'e.

⁶ Dọ Nòhtsì yatì hoghàweètqò sù t'asì hazòò nezzì wets'ò t'à dọ hoghàyeèhtqò sù ts'àdì ha họt'e.

⁷ Edeghoyaaahzà sòò. Dọ wùzì Nòhtsì ghoyaezà ha diì họt'e. Dọ dani k'ehoza k'èè weghàhòt'à ha họt'e. ⁸ Dọ winìù k'èè eghàlaeda nùdè winìù ts'ihzò wedìhołè ha. Ekò dọ Yedàyeh Nezzì daniwò k'èè eghàlaeda nùdè Yedàyeh Nezzì ts'ihzò welò while ts'ò eda ha họt'e. ⁹ T'asì nezzì ghàlats'eeda ghò nèt's'ùtsòò ats'ùde-le. Weghò enats'et'è-le nùdè nezzì eghàlats'ùdàa k'èxa jdaà t'asì nezzì goghòet'a ha họt'e. ¹⁰ Eyit'à gogha hòzò taat'eè dọ hazòò gits'ò nezzì eghàlats'ùdà, eyits'ò goxè Nòhtsì wecheekè gùlù sù denahk'e gits'ò nezzì eghàlats'ùdà.

Eladù dọò ts'ihlèe sù dezòò wet'aaazà họt'e

¹¹ Dì yatì nechàa dek'eèht'è ghàahda nì? Xàe silà t'à naxìts'ò eèht'è họt'e.

¹² Dọ daà nezzì gògaat'ì ha gùwòò sù Moses wenàowoò k'èè naxìkwò nàt'à anaxegele ha hogeèhdzà họt'e. Zezi-Krì dechìet'aa k'e gogha elajwo ghò gogede k'èxa dọ dagòihza ha gùwò-le t'à aget'ì. ¹³ Ededì gìkwò nàat'aa dọò agùt'e kò Moses wenàowoò k'èagùt'e nùle, hanikò jhaà naxìkwò nàt'à ahle naxègedì, hanì-ìdè naxìkwò ghò xadahogedì ha gùwò. ¹⁴ Sì seggha sù t'asì wùzì ghò xadahohdì ha dehwhò-le. Gots'ò K'àowo Zezi-Krì dechìet'aa k'e gogha elajwo eyi zò ghò xadahohdì ha dehwhò. Ededì wet'òò dì nèk'e t'asì hazòò seggha elajdèe lajà, eyits'ò sì sì dì nèk'e t'asì hazòò ts'ò elajhwho lahjà họt'e. ¹⁵ Gokwò nàt'aa, gokwò nàt'à-le, eyi t'asì gha ità nùle, hanikò eladù dọò ts'ihlèe sù eyi dezoò wet'aaazà họt'e. ¹⁶ Dọ hazòò eyi nàowo k'èè geedaa sù gixè sìghà welè, eyits'ò Nòhtsì etegoozì welè. Xàe Nòhtsì wets'ò Israel got'ù agùt'e.

¹⁷ Eyı wegho nõode du haehsı ha dehwho, do wızzı segha hoıla hogıhtsı-le. Zezi wegħa eghàlaehda k'èxa sezħı k'e seghoò whela hõt'e.

¹⁸ Sèot'ıı, gots'ò K'àowo Zezi-Krı wesqıwq naxıts'q ını xè welè. Amen.

Ephesus got'ù gits'ò aat'è

¹ Sɪ Paul, Nòhtsɪ wedahxà Zezì-Krɪ wecheekeèdèè aht'e. Dɪ enɪht'è è kòta Ephesus Nòhtsɪ wets'ò dɔ nàgedèe eyits'ò Zezì-Krɪ ghò t'aats'òò gɪnì nàtsoo sɪ gits'ò eeht'è hɔt'e.

² Nòhtsɪ-Gotà eyits'ò gots'ò K'àowo Zezì-Krɪ naxits'ò sɔnɪwɔ welè eyits'ò naxixè sɪghà agɪle.

Du dèè hòèlɪ kwe Nòhtsɪ gòhchì hɔt'e

³ Nòhtsɪ, gots'ò K'àowo Zezì-Krɪ Wetà, weghàsɔts'eedɪ welè, ededɪ sɪ goxè sɪghà hòzɔò ayɪlà hɔt'e. Ìdòo yak'e gots'ò Zezì-Krɪ wedahxà t'asɪ hazɔò wet'à goxè sɪghà hòzɔ ha sɪ hòt'a goghàyɪlɪ hɔt'e. ⁴ Dɪ dèè hòèlɪ kwe Zezì-Krɪ wets'ɪhɔò gòhchì hɔt'e. Wegha degaɪ ts'ɪlɪ gha, eyits'ò wenadaà hoɪɪ dɛ ts'eeda ha goɪhwɔ hɔt'e. Goghɔneètɔ t'à, ⁵ ɪnèɛ whaà gots'ò Zezì-Krɪ wedahxà weza ts'ɪlɪ gha gòhchì hɔt'e. Hanì ha nɪwɔ xè wegħa neɪ. ⁶ Edeza ghɔneètɔ sɪ wets'ɪhɔò t'asɪ k'èxale wesɔnɪwɔ enɪyah goghàɪɔ t'à, hazɔò weghàsɔts'eedɪ welì. ⁷ Nòhtsɪ enɪyah t'à wesɔnɪwɔ dahxà Zezì wedoò t'à gohoɪɪ hazɔò goghò nahoazha eyits'ò edaxàgoɪlɪ hɔt'e. ⁸ Nòhtsɪ sɪ goɪɔ xè t'asɪ hazɔò k'èezɔ hɔt'e, eyɪt'à wet'à gots'ɪzɔò eyits'ò wet'à t'asɪ nɪts'eedɪ hazɔò deɪzɔò goghàyɪlɪ hɔt'e. ⁹ Nòhtsɪ dànɪwɔ sɪ dɔ għa deɪɪ wheɪɔ ɪlèe sɪ wek'èts'eezɔò agòòlɪ. Nòhtsɪ hanì yegħàlaeda wegħa neɪ eyits'ò Zezì-Krɪ wedahxà hanì yegħàlaeda hɔt'e. ¹⁰ Ekw'ɪ nèhòkw'o nɪdè Nòhtsɪ eyɪ hazɔò yegħàlaeda ha hɔt'e. Ekɪyeè k'e nɪdè t'asɪ hazɔò yak'e whelaa eyits'ò t'asɪ hazɔò dɪ nèk'e whelaa sɪ k'àowo ɪlè wet'aa whelaa ayele ha, eyɪ k'àowo sɪ Zezì-Krɪ hɔt'e.

¹¹ Ededɪ wets'ɪhɔò whaà gots'ò Nòhtsɪ dànɪ sɪnìhòzɔò sɪ k'èè gòhchì hɔt'e. Ededɪ sɪ edɪnì k'èè t'asɪ hazɔò ghàlɪda hɔt'e. ¹² Hanì-ɪdè goɪ t'akweɪòò Zezì-Krɪ gogħa ehkw'ɪ-ahodɪ sɪ enɪyah wexè hòzɔ t'à weghàsɔts'eedɪ welì. ¹³ Naxɪ sɪ yatɪ ehkw'ɪ ghò aàhk'w'ò eyits'ò godɪ neɪɪ wet'à dànɪ edaxàahdè ha weghò aàhk'w'ò t'à Zezì-Krɪ wexè ɪlè laahjà. Naxɪgha ehkw'ɪ-ahodɪ aahjà ekò, Nòhtsɪ Yedàyeh Neɪɪ goghàyeɪa ha dɪ ɪlèe sɪ wet'à naxɪk'e nàekwɪ lanì hɔt'e, eyɪ wegħàà Zezì-Krɪ wets'ò aah't'e naxɪk'èhoedzɔ. ¹⁴ Nòhtsɪ, edets'ò dɔ hazɔò degħàà edaxàgole gots'ò Yedàyeh Neɪɪ godzeè yɪ nàdè ayɪlà. Yedàyeh Neɪɪ godzeè yɪ nàdè t'à t'asɪ hazɔò Nòhtsɪ goghàyele ha dɪ sɪ goghàhòt' à ha wek'èts'eezɔ. Eyɪ ts'ɪhɔò Nòhtsɪ enɪyah wexè hòzɔò sɪ weghàsɔts'eedɪ hɔt'e.

Paul Ephesus got'ù għa yahtɪ

15 Eyit'à gots'ò K'àowo Zezi naxigha ehkw'1-ahodii eyits'ò wets'ò dọ hazòò gighòniatq weghò eèhkw'ò gots'ò, ¹⁶ naxigha yahti xè t'aats'òò naxigha Nòhtsi masi weehwhò. ¹⁷ Nòhtsi, gots'ò K'àowo Zezi-Kri Wetà wexè eniyah hòzòò sù t'aats'òò naxigha wets'ò yahti họt'e. Yedayeh Nezi wet'à goahsòò aahde ha, eyits'ò Nòhtsi denahk'e wek'èahsò anaxele ha naxigha weehkè họt'e. ¹⁸ Naxida eniyah hòzòò ts'ò naxikayaeti sù naxidzeè t'à hotii nezii wek'èahsò ha, eyi si gha yahti họt'e. T'asii eniyah deè Nòhtsi edets'ò dọ gha ts'atà whehlaa sù goghàyele ha họt'e. ¹⁹ Eyits'ò goxi gogha ehkw'1-ahodii sù t'asii eniyah t'à nàtsoò godzeè yì ayìlìlā sù eyi wek'èahsò gha yahti họt'e. Eyì t'asii nàtsoo t'à Nòhtsi godzeè yì nàtsoò eghàlaeda họt'e. ²⁰ Eyì wet'à Zezi-Kri naidà ayìlìlā họt'e, eyits'ò idòo yak'e edegà nàgòts'ehnéè whedaà ayìlìlā. ²¹ Idòo yat'a k'aodèè hazòò xàzaa eyits'ò k'aodèè giizi gòhhi sù hazòò ginahk'e Zezi k'àowodeè elii ayìlìlā. Dii gogha zò k'àowodeè yèhtsi niile hanikò idaà hòzòò gha si ayìlìlā họt'e. ²²⁻²³ Nòhtsi sù t'asii hazòò Zezi-Kri wet'aa whelaà ayìlìlā, eyits'ò Nòhtsi wecheekè hazòò gha t'akwetòò wheda ayìlìlā. Eyit'à Nòhtsi wets'ò dọ agut'ee sù wezhii lagut'e, wet'òò deghàà agiìdlā eyits'ò wet'òò t'asii hazòò hòelii sù deghàà ajà.

2

Zezi-Kri wexè ts'eedaà ats'eja

¹ Naxi sù naxihoii ts'ihzò dọ elaidèe laah't'e ilè. ² Hoii nàowoò k'èè aahda ilè, eyits'ò dii nèk'e hoii-hogehtsi-dòò gik'èè aahda ilè, eyits'ò inii yat'a ts'ò k'àowo elii sù wek'èah't'e ilè. Eyì inii sù dọ Nòhtsi k'èagut'e-le sù dii gigha k'àowo elii họt'e. ³ Goxi si hoii k'èè ts'eedaà ekò gixèts'ih't'e ilè. Hoii ghats'eewi eyits'ò gonii t'à dàts'iwòò sù k'èats'ut'e ilè. Dọ hazòò gixèht'èè gonii k'èxa nàgoehkwa ha gogha hòzòò ilè. ⁴ Hanikò Nòhtsi sù goghòneètò t'à, eyits'ò sù etegoèhzi t'à, ⁵ Zezi-Kri wexè nats'ida agòòlā. Hoii hots'èhtsi t'à dọ elaidèe lats'ut'e ilè kò ts'eedaà agòòlā. Eyit'à Nòhtsi gots'ò sòniwò ts'ihzòò edaxàts'ude họt'e. ⁶ Nòhtsi sù Zezi-Kri wexè nats'ida agòòlā họt'e. Zezi-Kri wexè ts'eeda t'à, goxi si idòo yak'e wexè ts'eèhkw'eè lagòòlā họt'e. ⁷ Hanì-ìdè idaà hòzòò niidè, Nòhtsi eniyah t'à wesòniwòò sù gots'ò wègaat'ii ayele ha. Zezi-Kri xè dànì eghàlaidà, eyi weghàà gots'ò wedzeè nezi wek'èts'eezòò agòòlā. ⁸ Nòhtsi wesòniwò t'à edaxàwhahde họt'e, eyits'ò naxigha ehkw'1-ahodi t'à Nòhtsi wesòniwò àahchi họt'e. T'asii haahla t'à naxighòt'ò niile, hanikò Nòhtsi naxighayiwòò họt'e. ⁹ Hòt'ò eghàlats'ida t'à gòòt'ò niile, eyit'à dọ wizi yeghò xàdahodi ha niile. ¹⁰ Nòhtsi ededì gok'e eghàlaidà họt'e, t'asii

nezɪ weghàlats'eeda gha Zezi-Krɪ dahxà gòèhtsɪ hɔt'e. Nòhtsɪ hanì wegħa nezɪ eghàlats'eeda ha nadaḡə gogħa sɪnhòḡə hɔt'e.

Zezi-Krɪ wexè dɔ ɲè lats'ɪt'e

¹¹ Naxɪ Israel got'ɪ k'èè naxɪgòhɲ-le aaht'e, eyɪt'à dɔ gɪkwò nàt'aa gɪɲ sɪ “dɔ gɪkwò nàt'aa-le aaht'e,” naxègedɪ eyɪ we-naahdɪ. (Eyɪ dɔ sɪ beh zɔ t'à gɪkwò nàt'aa agɪt'e hɔt'e.)

¹² Ekɪyeè k'e Zezi-Krɪ wets'ɔ nɪwà aaht'e ɲè, eyɪts'ɔ Israel got'ɪ għa naxɪtà-le ɲè, eyɪ wenaahdɪ. Eyɪt'à ekɪyeè k'e Nòhtsɪ edets'ɔ dɔ xè nakenawhehtsɪ sɪ naxɪgha ayɪlà-le ɲè. Naxɪgha ahxe whìle ɲè, eyɪts'ɔ dɪ nèk'e Nòhtsɪ wedə aahda ɲè.

¹³ Hanìkò dɪ sɪ Zezi-Krɪ wet'à naxɪxè hagòht'e-le agòḡà. Nòhtsɪ ts'ɔ nɪwà aaht'e ɲè hanìkò dɪ sɪ Zezi-Krɪ naxɪgha wedò xàɪt'ɪ t'à Nòhtsɪ ts'ɔ nɪwà-le anaxɪdlà hɔt'e.

¹⁴ Ededɪ sɪ goxè ts'èwhɲ hòḡə ayɪlà hɔt'e. Israel got'ɪ eyɪts'ɔ dɔ eyɪ-le xàḡaa sɪ dɔ ɲè zɔ lagòḡà. Dɔ nàke xàḡaa gɪge kwɲ nechàa nàḡaa sɪ yedɪhòèhtsɪ. Eyɪt'à dɪ èlek'èch'a ts'eeda-le ats'ejà.

¹⁵ Edezhɲ t'à Moses wenàowoò wedə ayɪlà, wet'à naxɪsɪnɪyaetɪ-le ayɪlà. Ededɪ edet'à dɔ nàke xàḡaa gɪɲ sɪ dɔ ɲè wegò gɪɲ ha nɪwɔ t'à, hanì eghàlajdà hɔt'e. Hanì t'aa èlexè goxè ts'èwhɲ hòḡə ayɪlà.

¹⁶ Wezhɲ dechɪet'aa k'e wedɪtsò t'à eyɪ dɔ nàke xàḡaa sɪ Nòhtsɪ xè ts'èwhɲ hogèhḡə agòḡà. Hanì t'aa èlek'èch'a geeda-le agòḡà.

¹⁷ Naxɪ Nòhtsɪ ts'ɔ nɪwà aaht'e ɲè sɪ Zezi naxɪts'ɔ nɪt'ɪ t'à dànɪ ts'èwhɲ goxè hòḡə ghɔ naxɪts'ɔ goɪde ɲè, eyɪts'ɔ dɔ Nòhtsɪ ts'ɔ nɪwà-lea agɪt'ee sɪ ededɪ sɪ hanì gots'ɔ goɪde ɲè.

¹⁸ Goxɪ dɔ nàke xàḡaa ts'ɲɲ sɪ ededɪ wet'à Yedayeh Nezɪ goghàḡə t'à, Nòhtsɪ-Gotà ts'ɔ ats'ede ha gogħa dɪ-le ayɪlà hɔt'e.

¹⁹ Eyɪt'à naxɪ sɪ Nòhtsɪ ts'ɔ nɪwà aaht'e-le aahjà, hanìkò Nòhtsɪ wets'ɔ dɔ gɪxè aaht'e, eyɪts'ɔ Nòhtsɪ weza aaht'e.

²⁰ Goxɪ hazòḡ yìet'aa whetɔɔ k'e kò hòèɲ lanì Nòhtsɪ wecheekeèdè eyɪts'ɔ nakwenàḡḡ gɪyatɪ k'e nàts'eèhza lats'ɪt'e, eyɪts'ɔ Zezi-Krɪ ededɪ sɪ kwe denahk'e wet'aaḡaa elɲ, wet'à yìet'aa whetɔɔ k'e kò hòèɲ sɪ nàtsòd yɪtò.

²¹ Ededɪ wet'à goxɪ hazòḡ èlexè gok'èhodi lanì, eyɪts'ɔ gots'ɔ K'àowo wedahxà Nòhtsɪ wekò degaɪ lats'ɪt'eè agòḡà.

²² Naxɪ sɪ Zezi-Krɪ wet'à kò èlexè naxɪhòèɲ laaht'e, eyɪts'ɔ wets'ɔ ɲnì Degaɪ t'à Nòhtsɪ eyɪ kò yɪ nàdè hɔt'e.

3

Paul, Israel got'ɪ agɪt'e-le sɪ gots'ɔ godɪ nezɪ nɪḡə

¹ Eyɪ ts'ihḡə sɪ Paul, Zezi-Krɪ wegħa eghàlaehda k'èxa sedaàtɔ hɔt'e, naxɪ Israel got'ɪ aaht'e-le sɪ naxɪgha sɪghà agode ha t'à.

² Nòhtsɪ edesɔnɪwɔqɔ seghàɪzɔqɔ sɪ wɛk'èè naxɪgha eghàlaehda ha weghɔ aàhk'w'o sɔnɪ. ³ Eyɪ t'asɪ dezi wɛheɔ t'à wenɪts'eedi-le sɪ Nòhtsɪ wɛk'èehsɔqɔ asɪllà. Eyɪ weghɔ hòt'a yatɪ ɪq-lea t'à naxɪts'ò ɪhtl'è ɪlè. ⁴ Wɛk'eyaahɪ nɪdè Zezi weghɔ t'asɪ wenɪts'eedi-le sɪ dànɪ sɪ wɛk'èehsɔqɔ ahjaa sɪ wenɪahdɪ aahde ha. Eyɪ gogha dezi wɛheɔ t'à wenɪts'eedi-le ɪlè. ⁵ Eyɪ sɪ dɔ gokwe gɪdàa sɪ gɪk'èezɔqɔ agɪdlà-le ɪlè, hanikò dɪ Nòhtsɪ wecheekeèdè degaɪ eyɪts'ɔ nakwenàozɔqɔ degaɪ gɪlɪ sɪ Yedàyeh Nezi t'à gɪk'èezɔqɔ agejà. ⁶ Eyɪ t'asɪ enɪyah gots'ò dezi wɛheɔ ɪlè sɪ dɪ hòt'e: dɔ Israel got'ɪ agɪt'e-le sɪ godɪ nezi egɪkw'o ts'ɪhɔqɔ Nòhtsɪ t'asɪ hazɔqɔ edeza gogha ts'atà yèhlaa sɪ Israel got'ɪ gɪxè goghàyele ha hòt'e. Eyɪt'à hazɔqɔ èlèxè dɔ ɪlè zɔ lats'ɪt'e, eyɪts'ɔ Zezi-Krɪ wedahxà Nòhtsɪ t'asɪ nezi goghàzà ha dɪ sɪ hazɔqɔ èlèxè goɪzhe ha hòt'e.

⁷ Nòhtsɪ wesɔnɪwɔ seghòt'ɔ t'à eyɪ godɪ nezi gha eghàlaehdaà asɪllà, hanɪ seghàhòɪzɔqɔ t'à sedzè yɪ nàtsoò eghàlaeda hòt'e. ⁸ Nòhtsɪ wets'ɔ dɔ hazɔqɔ gɪgha sɪ denahk'e dek'azɪ ehɪ kò eyɪ wesɔnɪwɔ seghòt'ɔ dahxà dɪ la seghàɪzɔqɔ hòt'e: Dɔ Israel got'ɪ agɪt'e-le sɪ Zezi-Krɪ dànɪ sɪ enɪyah t'à dɔ xè sɪghà agole ha sɪ t'à gɪts'ò gohde ha. ⁹ Eyɪ t'asɪ enɪyah dezi wɛheɔqɔ sɪ dànɪ agode ha sɪ dɔ hazɔqɔ nezi gɪnɪdɪ agehɛ ha hòt'e. Nòhtsɪ t'asɪ hazɔqɔ wɛhehtsɪ sɪ ɪnèè whaa gots'ɔ dezi yèhɔqɔ ɪlè. ¹⁰ Nòhtsɪ hanɪ eghàlaɪdà hòt'e. Dànɪ deɔqɔ gɔqɔqɔ sɪ yat'a ɪnɪ k'aodèè hazɔqɔ gɪk'èezɔqɔ ha nɪwɔ t'à, edecheekeè got'à hanɪ eghàlaɪdà hòt'e. ¹¹ Welɔ while gots'ò dànɪ hòzɔqɔ ha nɪwɔ k'èè eghàlaɪdà, gots'ò K'àowo Zezi-Krɪ wexè deghàà ayɪllà hòt'e. ¹² Zezi-Krɪ wet'òqɔ eyɪts'ɔ gogha ehkw'ɪ-ahodɪ t'à edèdats'eedi-le Nòhtsɪ ts'ò ats'ede ha dɪ-le agòjà. ¹³ Eyɪt'à naxɪgha dahzà kò sets'ɪhɔqɔ naxɪgha gots'èèdɪ awede-le, eyɪ wet'à sɪ naxɪgha enɪyah ha hòt'e.

Paul k'achɪ Ephesus got'ɪ gha yahtɪ

¹⁴ Eyɪ hanɪ naxɪxè sɪghà hòzɔqɔ ha t'à Nòhtsɪ-Gotà wets'ò nàgòhge xè yahtɪ. ¹⁵ Edeɪ wet'à yak'e wèot'ɪ hazɔqɔ eyɪts'ɔ dɪ nèk'e wèot'ɪ hazɔqɔ weza k'èè goɪzɪ hòèlɪ hòt'e. ¹⁶ Edeɪ sɪ enɪyah nàtsoo wets'ò-èlɪ t'à edets'ɔ ɪnɪ Degà t'à naxɪdzeè yɪ nàhtsoò anaxele ha, eyɪ gha yahtɪ. ¹⁷ Hanɪ-ɪdè naxɪgha ehkw'ɪ-ahodɪ t'à Zezi-Krɪ naxɪdzeè yɪ nàdè welè. Eyɪts'ɔ dɪ sɪ gha yahtɪ: denahk'e ts'ò èlèghɔnɪahɔqɔ xè ¹⁸ Nòhtsɪ wets'ɔ dɔ hazɔqɔ gɪxè Zezi-Krɪ deɔqɔ enɪyah t'à goghɔnèetɔqɔ sɪ deghàà wenɪahdɪ anaxedle ha welɪ, ¹⁹ eyɪts'ɔ dàɪhcho ts'ò goghɔnèetɔqɔ sɪ dɔ wɪzɪ yek'èezɔqɔ nɪlè, eyɪ wenɪahdɪ welɪ. Dànɪ Nòhtsɪ wexè hòzɔqɔ sɪ deghàà naxɪdzeè yɪ wehòhɔqɔ welè.

20-21 Nòhtsɪ godzèè yɪ nàtsoò eghàlaeda k'èè, t'asɪ wets'èekèè, hanɪ-le-ɪdè gogha dànɪ eghàlaeda ghɔ nànts'edè

nahk'e nezì goghàlaeda ha wegħa dùi nùle. Wets'ò dọ gít'òò eyìts'ò Zezì-Krì wets'ihzò, dọ hazòò elet'axòò-geedè sù welò while ts'ò Nòhtsì ghàsogeedi welè! Amen.

4

Zezì-Krì wezhì lats'ùt'e

1 Gots'ò K'àowo wegħa sedaàtò họt'e, gots'ò K'àowo naxikayaìhtu sù hotù nezì wek'èè aahda ha naxeewhò họt'e. 2 Hotù k'èweèt'ì k'èè aahda, dọ ts'ò naxidzeè nezì welè, eyìts'ò ełeghoniahtò xè ełexè ts'èwhì aahda. 3 Yedayeh Nezu wedaxà dọ ìlè laht'e għa hòt'ò eghàlaahda, eyìts'ò t'aats'òò ełexè ts'èwhì aahda. 4 Goxì gogħa ehkw'ì-ahodù sù gots'ò K'àowo wezhì ìlè zò lats'ùt'e, eyìts'ò Yedayeh Nezu ìlè zò gòhì. Naxikayaetì ekò edaxàahdè ìlè zò għa naxikayaetì ìlè. 5 Eyìts'ò gots'ò K'àowo ìlè zò gòhì, gogħa ehkw'ì-ahodì ìlè zò gòhì, eyìts'ò t'asì ìlè zò għa gok'ètaìdzì họt'e. 6 Nòhtsì ìlè zò gòhì, ededì dọ hazòò għa Gotà elì. Ededì sù dọ hazòò għa K'àowo elì, eyìts'ò t'asì hazòò t'à godzeè yì eghàlaeda họt'e.

7 Hanìkò goxì hazòò gotaàt'eè Zezì dàhcho ts'ò goghàyezà ha nìwò k'èè wesonìwò goghòt'ò họt'e. 8 Eyì ts'ihzò dùi hanì dek'eèht'è,

“Ìdòo dagòwà ajà ekò dọ gidanìlaa sù edexè agòòlà, eyìts'ò t'asì nezù dọ ghàla,” dek'eèht'è.

9 (“Ìdòo ajà,” dek'eèht'è sù t'akwelòò ìzhù dèè goyì togoòt'òò sù ts'ò ajà t'à ahodì họt'e. 10 Ededì ìzhù dèè goyì ajà sù ededì et'ì ìdòo yat'a hazòò wezòò dagòwà ts'ò ajà họt'e, dèè eyìts'ò yat'a hazòò hòèlì sù yì wehòhò għa ajà.) 11 Ededì sù dọ mòhdaa wecheekeèdè gùlì ha goghàhòzò họt'e, mòhdaa nakwenàozòò gùlì ha, mòhdaa godì nezù k'egezaa gùlì ha, mòhdaa Nòhtsì wets'ò dọ k'ègedì gùlì ha, eyìts'ò mòhdaa dọ hoghàgogeehtòò gùlì ha agòòlà. 12-13 Hanì-ìdè Nòhtsì wets'ò dọ dànì Nòhtsì għa eghàlageeda ha sù gik'èezòò agede ha, eyìts'ò hazòò ełexè Nòhtsì għa gonì ìlè zò lats'ede gots'ò, eyìts'ò Nòhtsì weza deghàà wek'èts'eezò ats'ede gots'ò, Nòhtsì wets'ò dọ hazòò ełexè nàgetsoò agede ha. Hanì-ìdè dànì Zezì-Krì wexè hòzòò sù wexèht'eè goxè hòzòò ats'ede ha.

14 Hanì-ìdè k'achì bebià lats'ùt'e ha-le, taatù t'à goxè k'etaetì lanì ha-le. Dọ goghòyageezà t'à goguzòò sù ladiì hoghàgogeehtò nìdè goxè ts'ìzòò-hogeezà ha-le. 15 Hanìkò ełeghònets'eètò t'à ehkw'ì elets'ò gots'ede ha. Goxì Nòhtsì wets'ò dọ ats'ùt'ee sù Zezì wezhì lats'ùt'e, eyìts'ò Zezì ededì gokwì elì lanì họt'e. T'asì hazòò t'à Zezì-Krì wexè nàts'etsoò ats'ede ha họt'e. 16 Ededì wet'à wezhì họt'ì eyìts'ò t'asì hazòò wek'e whelaa sù yàhòtò, eyìts'ò wet'à goxì wezhì ats'ùt'ee sù wegħa goilaa

ghàlats'eeda t'à eyits'ò ełeghònets'eètò t'à wezhìj nàtsoò ats'ehzì hq't'e.

Dò gıxè dzeh agòht'e lanì aahda

¹⁷ Eyit'à gots'ò K'àowo wedahxà yatı nàtsoo t'à dı hanaxèehsı: Dò Nòhtsı k'ègeezò-le sı k'achı gık'èè aahda-le, gınıhı k'èè geeda ne t'à. ¹⁸ Gını t'à gıxè togoòt'ò lanì t'à Nòhtsı ts'òqòhk'e t'ası nıgeedı-le xè gık'èè eda-le. Ededzeè t'à egeèhk'w'ò ha gıwò-le xè gıkwı nàtsoo t'à Nòhtsı nàowoò k'ègeezò-le hq't'e. ¹⁹ T'ası wıızı ghò jızhagııı-le agejà, t'aa gıwò ts'ò hoıı k'èè k'ehogeza, eyits'ò t'ası weju hazò k'alagedè xè ıaà denahk'e hoıı hogehtsı ha gıwò.

²⁰ Hanıkò naxı sı Zezı-Krı weghò hanı hoghànaxeètò nıle. ²¹ Hotı weghò aàhk'w'ò xè weghò hoghànaxeètò ıle, eyits'ò Zezı-Krı wet'à nàowo ehkw'ı k'èhoahsò aahjà hq't'e. ²² İnèè dani naxınıhı k'èè aahda ıle sı wek'èè aahda-le gha hoghànaxeètò ıle. Hoıı gha hòt'ò kànıahzaa sı wet'à naxını wedıhołè hq't'e. ²³ Hanıkò naxını ıadı ajàa k'èè aahda ha hoghànaxeètò ıle, ²⁴ eyits'ò dögòò lanì aahda ha hoghànaxeètò ıle. Nòhtsı k'èè hotı ehkw'ı aahda xè degı aah't'e ha naxıhòèlı hq't'e.

²⁵ Eyit'à naxı hazòò hots'ets'ı k'èè goahde-le eyits'ò naxèot'ı ts'ò ehkw'ı goahde, Zezı-Krı wezhìj ıle zò gots'ò ats'ıı't'e t'à. ²⁶ "Ààhch'e nıdè hoıı hoahtsı-le," dek'eèht'è. Sa nàzaa ts'ò ààhch'e-le, ²⁷ hanı-ıdè wehıı naxıdaèht'è ha nıle. ²⁸ Dò eezi ıle sı k'achı eezi welè-le, hanıkò eghàlaeda ha hq't'e. Edılà t'à t'ası wet'àazaa hohtsı ha hq't'e, hanı-ıdè dò t'ası gıgha whıle sı yet'à gots'adı ha.

²⁹ Yatıı t'à goahde-le, hanıkò yatı wet'à dò gını nàtsoò ade ha sı t'à goahde, hanı-ıdè dò egeèhk'w'ò sı wet'à nezı edexègeedı xè gıt'àhoehwhı ha. ³⁰ Eyits'ò Nòhtsı wets'ò İnı Degı sı wedzeè nanıtı aweahle-le. Edeđı sı weghàà Nòhtsı wets'ò dò aah't'e eyits'ò nòode dzèè k'e edaxànaxeetè gha naxık'èhoedzò hq't'e. ³¹ T'ası hazòò t'à elek'èch'a aah't'ee sı wedè aahle. Ełets'ò naxını nàıtloo, ełets'ò ààhch'ee, ełetawıahdèe, ełek'adaahdèe, eyits'ò hoıı hazòò k'èè k'ehoahzaa sı wedè aahle. ³² Ełets'ò naxıdzeè eteèzi welè, Zezı-Krı wet'òò Nòhtsı naxıghò nahıla k'èè ełeghò nahoahe.

5

¹ Nòhtsı weza aah't'e xè naxıghòneètò t'à dani eghàlaedaa sı wexèahzı. ² Zezı dani goghòneètò xè gogha ełajwo k'èè, t'aats'òò ełeghòıahqò k'èè aahda. Zezı gogha ełàawı gha Nòhtsı ghàdı t'à yını k'èè eghàıadı.

³ Naxı sı hoıı k'èè ełek'alaahdè ha honàedi nıle, hoıı nàowoò k'èè k'ehoahzaa ha-le, eyits'ò dò t'ası wets'ò sı gha aahdı ha-le. Nòhtsı wets'ò dò degı hanı geeda ha sı ehkw'ı nıle. ⁴ Naxıta

dọ wɔ̀zì whàdagoetsòq gode ha-le, ezhɔ̀ne yatù hanì-le-ɔ̀dè yatù nezi-le t'à dlòah̀tsì ha-le, eyì hazqò sù Nòhtsì wets'q dọ gɔ̀gha ehkw'ì nùle. Hanìkò gowà t'à Nòhtsì ts'ò masì ts'edì welì. ⁵ Dú sù hotù wek'èahsò welì: Dọ hòm̀ nàowoò k'èè edaa, hòm̀ k'ehozaa, hanì-le-ɔ̀dè t'asì gha edì-le sù Zezì-Krì eyìts'q Nòhtsì g̀nàowoò k'èè hòzòq sù weghòt'à ha nùle. (Dọ dú nèk'e ts'q t'asì gha edì-le sù wegħa nòhtsì lanì at'ì họt'e.) ⁶ Hots'ets'ì yatù t'à dọ naxìghoyagùzà sòq. Dọ hanì eghàlageeda t'à Nòhtsì k'èagùt'e-le sù Nòhtsì nàgoehkwa ha họt'e. ⁷ Eyit'à hanù dọ xè aah̀t'ì-le.

⁸ Inèè sù naxì sì naxìxè togoòt'ò òlè, hanìkò dù sù gots'ò K'àowo wets'ìh̀zò naxìxè dzèh agòjà. Eyit'à dọ gɔ̀xè dzèh agòht'e lanì aahda. ⁹ (Dzèh ts'eeda nùdè t'asì nezù zò eghàlats'eeda, ehkw'ì k'ehots'eza eyìts'q nàowo ehkw'ì xè ts'eeda.) ¹⁰ Eyit'à gots'ò K'àowo ayì wegħa sìghà sù wegòahzà. ¹¹ Togoòt'ò k'èè k'ehots'ezaa sù wedè aah̀le, eyìts'q eyì k'èch'a xàyaah̀tì. ¹² Dọ Nòhtsì k'èagùt'e-le sù dezù dànì k'ehogezaa sù wegħò gots'edee sù wegħò òzħats'ùl ha họt'e. ¹³ Hanìkò t'asì hazqò dzèh wek'e nùdù sù dọ ts'ò nezù wègaat'ì họt'e. ¹⁴ Eyì dzèè sù wet'à t'asì hazqò wègaat'ì at'ì họt'e. Eyit'à dù hanì dek'eèht'è,

“Nì wheetù sù ts'enuwì, naidà anede, hanì-ɔ̀dè Zezì-Krì dzèh nek'e nùdù ayele ha,” dek'eèht'è.

¹⁵ Eyit'à dànì aahdaa sù ghò hotù edexoah̀dì. Dọ gogùzò-le lanì aahda-le, hanìkò dọ gogùzò k'èè aahda. ¹⁶ Dù dzèè k'e nàowòm̀ lq t'à, t'asì nezù ghàlaahda ha naxìgha hòzò taat'èè wegħàlaahda. ¹⁷ Eyit'à goahsò-le k'èè aahda-le, hanìkò Nòhtsì ayì dàah̀le ha naxìhwhòq sù weniah̀dì. ¹⁸ Jìetì t'à deàhdele, eyì sù wet'à tsìdaahwhì họt'e. Hanìkò Yedàyeh Nezù hotù naxìdzeè yì nàdèe aweah̀le. ¹⁹ Nòhtsì Nìht'è gots'q shì eyìts'q Nòhtsì ts'ò ts'ejù xàzaa t'à elets'ò goahde. Naxìdzeè t'à gots'ò K'àowo wets'ò aahjì. ²⁰ T'aats'qò Zezì-Krì wùzì t'à Nòhtsì-Gotà t'asì hazqò gha masì weahwhò.

²¹ Ełèk'èaht'e, hanì-ɔ̀dè Zezì-Krì wets'ò nezù naahza họt'e.

Dqzhì eyìts'q gùts'èkèè dànì ełèxè geeda ha

²² Dọ ts'èkèè yàah̀m̀ sù gots'ò K'àowo k'èaht'e lanì naxìdòq k'èaht'e. ²³ Zezì-Krì edets'q dọ gha nakweè wheda lanì dqzhì hoet'ù sù edets'èkèè gha nakweè whedaa ełì họt'e. Zezì wecheekèè sù wezhì agùt'e, eyìts'q ededì Edaxàgolee ełì họt'e. ²⁴ Wecheekèè sù Zezì-Krì k'èagùt'e lanì ts'èko sì t'asì hazqò t'à ededòq k'èagùt'e ha họt'e.

²⁵ Dqzhì yàah̀m̀ sù naxìts'èkèè ghòniahtò, Zezì-Krì edecheekèè goghòneètò lanì eyìts'q gogħa ełajwo lanì. ²⁶ Hanì-ɔ̀dè edecheekèè degaì lanì Nòhtsì ghàgole ha nìwò. Wegodù nezù t'à degaì agole ha eyìts'q tì t'à gok'enahtse ha. ²⁷ Gidaat'ì

xè edets'ò agole ha nıwq. Tsò wızzı gık'e whezq-le xè t'ası wızzı t'à gıxoeza ha-le. Degai gıllı xè t'ası wızzı t'à dq gok'e nıdahoeza ha-le. ²⁸ Zezi edets'ò dqò ghqneètq xèht'eè dqzhı hoet'ı sı edezhı ghqneètq lanı edets'èkeè ghqneètq ha hqt'e. Dq edets'èkeè ghqneètq sı edeghqneètq hqt'e. ²⁹ Dq wızzı edezhı ghqneètq-le gòhı nıle, hanıkò edezhı wàzeedi xè nezı yek'edì hqt'e, Zezi-Krı edets'ò dq nezı gok'edì lanı. ³⁰ Goxı wets'ò dq ats'ıt'ee sı wezhı ts'ò ats'ıt'e hqt'e. ³¹ “Hanı ts'ıhzò dqzhı sı edetà eyıts'ò edemq gots'òq xàetla ha, eyıts'ò edets'èkeè xè dq ıle lade ha, eyı dq nàke sı dq ıle zq lagede ha,” dek'eèht'è. ³² Du sı gogha enıyah dı eyıts'ò wenıts'eedi ha dı. Eyı sı Zezi-Krı eyıts'ò wets'ò dq ghq gohde aehsı. ³³ Eyıt'à naxı dqzhı yàahı sı edeghqniahtq lanı naxıts'èkeè gıghqniahtq ha hqt'e, eyıts'ò ts'èko hazqò nezı ededqò ts'ò nageza ha hqt'e.

6

Naxıtà eyıts'ò naxımq gıts'ò nezı aahda

¹ Chekoa yàahı sı gots'ò K'àowo wets'ò aah't'e t'à xàè naxèot'ı k'èah't'e, eyı sı ehkw'ı ne t'à. ²⁻³ Nòhtsı Nıht'è k'e dı hanı dek'eèht'è: “Naxıtà eyıts'ò naxımq gıts'ò nezı aahda, hanı-ıdè t'ası hazqò t'à naxıxè sıghà agode ha, eyıts'ò dı nek'e whaà nàahdè ha,” dek'eèht'è. Nàowodeè hazqò gha sı eyı nàowo t'akwelòq wexè yatı nezı whezq hqt'e.

⁴ Gotà yàahı sı naxıza tsıgıahza t'à gıch'eè agıahle-le, hanıkò nezı gıaseh, gots'ò K'àowo wenàowo k'èq hoghıahıhtq.

K'aodè gıllı eyıts'ò gıcheekeè

⁵ Dq gıcheekeè yàahı sı dı nek'e naxıgha k'àowo gòhı sı gık'èah't'e, dahı xè gıts'ò hotı nezı naahza. Zezi-Krı wek'èah't'e lanı, naxıdzeè nezı xè gıts'ò ehkw'ı eghàlaahda. ⁶ Gınađà zq gık'èah't'e-le, ekı naxıghq nezı agıwq zq gha aah't'ı-le, hanıkò Zezi-Krı wecheekeè lanı gıgha nezı eghàlaahda, hanı-ıdè naxıdzeè t'à Nòhtsı wı nı k'èq eghàlaahda hqt'e. ⁷ Dq zq gha eghàlaahda dahwhq-le. Gots'ò K'àowo wegħa eghàlaahda lanı naxıdzeè t'à naxıts'ò k'àowo gıgha eghàlaahda. ⁸ Dq edets'ò k'agedè-le, edets'ò k'agedèe, ehk'èq gots'ò K'àowo sı dq hazqò elèht'eè dani eghàlagıdà k'èxa goghàhòza ha wek'èahsı hqt'e.

⁹ Naxı dq ts'ò k'àowo yàahı sı eyı xèht'eè dq naxıt'ı a geèhk'w'ee sı gıts'ò nezı k'ehoahza. Gıts'ò yıdaah't'e-le, yak'e gıts'ò k'àowo gòhı sı naxı sı naxıts'ò k'àowo elı wek'èahsı t'à, eyıts'ò Nòhtsı sı dq ıle xàzaa zq gòhıchı nıle.

Gots'ò K'àowo t'ası nàtsoo wets'ò-èlı sı t'à wexè nàhtsoò aahde

¹⁰ Nqde t'à dı hanaxèehsı: Gots'ò K'àowo t'ası nàtsoo wets'ò-èlı sı t'à nàhtsoò aahde. ¹¹ Nòhtsı wets'ò eghqò-dqò

lanì, Nòhtsɿ wets'q elets'egqo-goht'qò hazqò edek'e nìahwaha, hanì-ɿdè wehɿ naxik'alawo ha nɿwq kò weghqahnè ha dii-le. ¹² Dq xè elets'egq ats'et'ɿ nùle, hanikò yat'a k'aodèe gɿɿ eyits'q du nèk'e togoòt'òo gha k'aodèe gɿɿ sù gixè elets'egq hq't'e, eyits'q yat'a mihɿ nàgetsoo sù gixè elets'egqò ats'et'ɿ hq't'e. ¹³ Eyit'à Nòhtsɿ wets'q eghqo-dqò yàahɿ k'èè elets'egqo-goht'qò hazqò yiahdè xè sɿɿdaahkw'e, hanì-ɿdè t'asihɿ naxik'alagedè nɿdè, nàahntso xè gits'qòhk'e naahzha ha dii-le. Eyɿ hazqò haahɿ t'axqò nɿdè, gighqahnè ha hq't'e. ¹⁴ Eyit'à nàahntso gits'q naahza, nàowo ehkw'ɿ t'à wheahɿ, eyits'q satsq naxɿdziwɿ k'e whetq lanì wet'à ehkw'ɿ ts'eedaa t'à aahɿ. ¹⁵ Ke yɿ wheahzè xè ts'atà sɿɿdaahkw'e, hanì-ɿdè wegodi nezzɿ wet'à ts'èwhɿ ts'eedaa sù t'à dq ts'q goahde ha dii-le. ¹⁶ Eyɿ hazqò wexè Nòhtsɿ ghq naxim nàtso welè, eyɿ sù eghqo-dqò t'asade ch'à edenadaq satsq k'etɿ lanì hq't'e. Naxigha ehkw'ɿ-ahodi t'à k'ɿ dèk'qò hazqò wehɿ naxits'q ayehzɿ sù naekwɿ aahè ha. ¹⁷ Eghqo-dqò wets'q satsq-ts'ah wheahzq lanì, Nòhtsɿ edaxànaxeehtèe sù naxigha ehkw'ɿ-ahodi welì, eyits'q Yedàyeh Nezzɿ wets'q behcho, Nòhtsɿ weyatù hq't'e sù, wet'à aahɿ. ¹⁸ Eyits'q Yedàyeh Nezzɿ naxits'àdɿ t'à t'asù hazqò xàzaa gha yaahtɿ eyits'q naxits'àdɿ ha weahkè. Eyit'à hotù kexoahdɿ eyits'q t'aats'qò Nòhtsɿ wets'q dq hazqò gha yaahtɿ.

¹⁹ Sɿ sɿ segha yaahtɿ, dq ts'q gohde nɿdè dàehsɿ ha sù gha yatɿ seghq't'à ha t'à. Hanì-ɿdè sɿnì dehjɿ-le xè godɿ nezzɿ weghq t'asù dezɿ whelaa sù dq ts'q haehsɿ ha. ²⁰ Eyɿ godɿ nezzɿ k'èxa sedaàtq xè satsq't'ù sek'e whela. Dejɿ-le xè dànì gots'q K'àowo godɿ nezzɿ weghq gohde ha sɿhwhq k'èè gohde ha segha yaahtɿ.

Paul nqode gots'q xàyahtɿ

²¹ Tychicus, sèt'ɿ weghqonehtq sù t'aats'qò gots'q K'àowo gha eghàlaeda hq't'e. Sexè dàgòht'ee sù hazqò yeghq naxixè godò ha, hanì-ɿdè dànì sexè hòzqò eyits'q ayù ghàlaehdaa sù wek'èahsq ha. ²² Eyit'à goxè dànì hòzqò sù wek'èahsq ha, eyits'q naxɿdzeè nàtsoò ayele ha naxits'q wihzà hq't'e.

²³ Gòet'ɿ gɿɿ sù Nòhtsɿ goxè sughà hòzqò ayule, Nòhtsɿ-Gotà eyits'q Zezì-Krɿ naxighqnegeètq xè naxigha ehkw'ɿ-ahodi agule welè. ²⁴ Dq hazqò t'aats'qò gots'q K'àowo Zezì-Krɿ ghqnegeètq sù Nòhtsɿ gots'q sɿnɿwq welè.

Philippi got'ù gits'ò aat'è

¹ Kòta Philippi dọ Zezi-Kri wets'ihzò Nòhtsị wets'ọ dọ agụt'ee eyits'ọ gits'ọ k'aodèe yàgụlụ sì dū enihit'è gits'ò aat'è họt'e. Zezi wecheekeè, Paul eyits'ọ Timothy, dū naxits'ọ gụit'è:

² Nòhtsị-Gotà eyits'ọ Zezi-Kri naxits'ọ sọgụwọ welè eyits'ọ gits'ihzò naxixè sìghà welè.

Paul Philippi got'ù gha yahti

³ Naxinahdi xètọ Senòhtsị masì weehwhọ. ⁴ Naxigha yahti taat'eè sìnà xè yahti. ⁵ Kèhojwo gots'ọ dū dzeę gots'ò godi nezzu dọ ts'ò hats'edi gha gots'àahdi ìlè. ⁶ Hotù dū wek'èehsọ: Nòhtsị naxidzeè yì la nechàa kèhojhwò sù Zezi-Kri nòtłaa dzeę k'e ts'ò yeghàlaeda ha, eyits'ọ ekò-ìdè deghàà ayele ha họt'e.

⁷ Hanì naxighọ sìghà anehwhọọ sì nezzu họt'e, sedzeè yì naxik'èhdi t'à. Nòhtsị sets'ò sọnwọ t'à la seghàjọọ sì naxi hazọọ sexè weghàlaahda họt'e. Sedaànìtọ, godi nezzu ts'adaehdi, eyits'ọ godi nezzu t'à dọ xè gohdo nìdè, naxi t'aats'ọọ sets'àahdi họt'e. ⁸ Zezi-Kri wets'ihzò sì naxighonehtọ eyits'ọ naxixè aht'e ha dehwhọ; Nòhtsị yek'èezọ họt'e.

⁹ Dū hanì naxigha yahti: dezọọ èlèghọniahtọ aahde ha, dezọọ goahsọ aahde ha eyits'ọ dànì èlèghọniahtọ ha sì dezọọ wek'èhoahsọ aahde ha. ¹⁰ Hanì-ìdè ayì ehkw'ì ne sì wek'èahsọ ha, eyits'ọ Zezi-Kri nòtłaa dzeę k'e ts'ò hojù wjzì naxik'e whezọ ha-le xè degai aahde ha. ¹¹ Eyits'ọ Zezi-Kri wets'ihzò t'asì hazọọ t'à ehkw'ì k'èhoahza, hanì-ìdè Nòhtsị weghàsọhoedi ha họt'e.

Paul wedaànìtọ ts'ihzò godi nezzu ìwhàà dọ ts'ò ajà

¹² Sèot'ù, dū wek'èahsọ ha dehwhọ: sexè dàgòjàa sì godi nezzu dọ lọ ts'ò ade ha t'à agòjà họt'e. ¹³ Eyì ts'ihzò jọ dọ-xoguhdù-dọ hazọọ eyits'ọ eyì-le dọ hazọọ segodù gikw'ò họt'e, Zezi-Kri wecheekeè aht'e k'èxa sedaatọọ sì gik'èezọọ agejà. ¹⁴ Satsọt'ù sek'e whela t'à Nòhtsị wecheekeè lọ gidzeè nàtso ajà. Nòhtsị wegodi t'à gogede ha sì gini nàtso xè geejile agejà.

¹⁵ Dọ mọhdaa seghọ ts'ohogeedi t'à Zezi-Kri wegodi t'à dọ ts'ò gogede t'ùt'e, hanikò dọ mọhdaa sì gini nezzu t'à Zezi wegodi t'à gogede. ¹⁶ Dọ gini nezzu sì seghonegeetọ họt'e, eyits'ọ godi nezzu t'à goihde ts'ihzò jọ whihda asìdlà, gik'èezọ họt'e. ¹⁷ Dọ seghọ ts'ohogeedu sì Zezi-Kri wegodi t'à gogede, hanikò edegha aget'ì, gidzeè ehkw'ù t'à agedi nile. Dọ-daniłaa-kò whihda et'ù segha hoila xàgeeta gha aget'ì. 18-19 Hanikò t'asanile. Edegha aget'ì hanì-le-ìdè gini ehkw'ù t'à

aget'j, ehk'èè Zezi-Kri wegodi t'à dọ ts'ò gogede. Eyi denahk'e wet'aaàà họt'e, eyi weghọ sìnà dùi.

Segha yaahiti t'à eyits'ọ Zezi-Kri wets'ọ Inì Degai sets'adi t'à, ayi sexè dàgòjàa sù edaxàsetè gha adlà họt'e wek'èehsọ, eyit'à sù sìnà. ²⁰ T'asù wụzù t'à edeghọ jìzhaehj ha-le sù ghọ hòt'ò aahwhọ họt'e hanikò t'aats'ọọ Zezi-Kri wegga sìnà nàtso xè wegga hòt'ò eghàlaehda ha dehwhọ. Ehda, ehda-le, sezhi t'à t'aats'ọọ Zezi-Kri weghàsọhoedi ha dehwhọ. ²¹ Ehda nịdè Zezi-Kri wegga ehda ha dehwhọ, hanikò ełahwho nịdè eyi segga denahk'e nezj ha họt'e. ²² Sezhi t'à jlaà ehda et'ì Zezi wegga denahk'e eghàlaehda ha dùi-le. Eyi t'à ehdaa hanile-jdè ełahwhù, ayi dehwhọ sù wek'èehsọ-le! ²³ Eyi nàke ts'ò sets'ehit'ì lanì: Zezi-Kri xè aht'e gha dui nè gots'ọọ ahde ha dehwhọ, eyi sù hazọ t'à denahk'e nezj họt'e, ²⁴ hanikò jlaà sezhi t'à ehdaa sù naxigha wet'aaàà họt'e. ²⁵ Eyi hoti segga ehkw'ì t'à jlaà naxixè aht'e ha wek'èehsọ họt'e. Naxini denahk'e nàtsoò ade ha, eyits'ọ naxinà ha t'à, jlaà naxixè aht'e ha. ²⁶ Hanì-jdè k'achj naxits'àwhihtla nịdè sị set'à Zezi-Kri wexè sù dezọọ naxinà ha.

²⁷ Naxits'àwhihtla, naxits'àwhihtla-le, ehk'èè, Zezi-Kri wegodi nezj k'èè hoti ehkw'ì aahda. Hanì-jdè naxits'àhtla, hanile-jdè naxighọ eèhkwo zọ t'à, naxini jè zọ lanì wek'èehsọ ha. Dọ jè zọ laah'e xè godi nezj gha naxini nàtso aahwhọ. ²⁸ Dọ naxik'èch'a agedi sù gits'àahji-le, eyi weghàà gidihòfè ha sù gik'èezọ ha, hanikò naxi edaxàahdè ha sù gik'èezọ ha, Nòhtsị ededj at'ì ne t'à. ²⁹ Zezi-Kri naxigha ehkw'ì-ahodi sù naxighọt'ọ họt'e, eyi zọ-le, wegga daahza ha, eyi sù naxighọt'ọ họt'e. ³⁰ Dànì sexè hoilaa sù wek'èehsọ, eyits'ọ jlaà segga hoilaa sù weghọ aahkw'ọ họt'e. Dui naxi sù sexèht'eè naxigha hoilaa họt'e.

2

Goni, Zezi-Kri wini lanì welè

¹ Zezi-Kri wexè jè aah'e t'à naxini nàtso welè, naxighoneètọ t'à naxinà welè, Yedayeh Nezj wexè naxini jè zọ welè, naxidzeè t'à dọ eteahzị welè. ² Eyits'ọ naxini jè zọ xè naxidzeè jè zọ t'à ełeghoniahtọ nịdè, eyits'ọ la jè zọ gha ełexè eghàlaahda nịdè sù sìnà aseahle ha họt'e. ³ Wet'à nezj naxigaat'ì ha dahwhọ t'à edegha zọ t'asù haahzị-le, hanikò k'èewèet'ì laah'e xè edenahk'e dọ eyi-le gidaàniahdè. ⁴ Hazọ edeghọ zọ nàniahdè-le, hanikò dànì dọ gixè nezj hòzọ ha, eyi sù daàniahdè.

⁵ Naxini Zezi-Kri wini xèht'e welè. ⁶ Ededj xàè Nòhtsị elj, eyits'ọ Nòhtsị wet'aaàà xèht'eè elj hanikò edegha yek'èdi ha niwọ-le ts'ihzọ wedè ayijlà. ⁷ T'asù wụzù elj-le adiidlà, dọ xèht'eè dọ-elj ne t'à dọ gha eghàlaadaa dọ edèhtsị. ⁸ Dọ lanì

wègoèht'ì xè k'èeweèt'ì adiidlà jlè, eyits'ò ełàawı ts'ò Nòhtsı k'èit'eè adiidlà; dechiet'aa k'e eławı ha kò ılaà Nòhtsı k'èit'e jlè. ⁹ Eyit'à Nòhtsı-Gotà t'ası hazòò nahk'e k'òowo yèhtsı xè dọ hazòò gızi nahk'e wızi wet'aaazà yeghàzò. ¹⁰ Eyit'à t'ası hazòò yak'e nàdèe sı, dọ hazòò dı nèk'e nàdèe sı, eyits'ò t'ası hazòò dı nèe got'ı'a nàdèe sı Zezi ts'ò nàgògehge ha họt'e. ¹¹ Eyits'ò hazòò edewà t'à dı hagedı ha, “Zezi-Krı gots'ò K'òowo họt'e.” Hagedı Nòhtsı-Gotà ghàsogeedı ha.

Whò wek'e saıdı laaht'e ha

¹² Seàgıa, naxıxè whıhdaa eyits'ò naxıxè whıhda-le, ehk'èè t'aats'òò sek'èaht'e họt'e. Eyit'à edaxàahdèe sı t'aats'òò wek'e eghàlaahda eyits'ò Nòhtsı k'èch'a aahda gha dahjı ha welè, ¹³ Nòhtsı ededı naxıdzeè yı eghàlaeda t'à. Ededı sı wenàowoò nezı k'èè dahwhòò anaxehzı eyits'ò wek'èè aahdaà anaxehzı.

¹⁴ T'ası hazòò weghàlaahdaa sı weghò sqahdı-le eyits'ò elets'ò nàyaahtı-le xè haahzı. ¹⁵ Hanı eghàlaahda nıdè hoıı dè nezı aahda ha eyits'ò degaı laaht'e ha. Dọ ehkw'ı geeda-le xè hoıı k'èè geedaa sı gıta nàahdè kò hoıı dè Nòhtsı weza aahı ha. Gıta whò wek'e saıdı laaht'e ha, ¹⁶ yatı wet'à ts'eedaa sı wek'èè aahda t'à. Hanı aahda nıdè Zezi-Krı nıttıaa dzeè k'e naxıghò xàdahohdı ha, eyits'ò dı haehsı ha, “Ekiı-ka hòt'ò eghàlaıhdà-le nòò,” dehsı ha. ¹⁷ Naxıgha ehkw'ı-ahodı t'à, Nòhtsı wecheekeè aahı ha weghàdeahı, eyits'ò sı sı Nòhtsı gha ełaehwhı ha tahkò. Eyit'à Nòhtsı ts'ò t'ası k'èek'ò lanı, wegha sezhiı k'ehowı. Ełexè Nòhtsı t'ası weghàts'eza ne t'à, naxıxè sına họt'e. ¹⁸ Naxı sı sexè naxına welè.

Timothy eyits'ò Epaphroditus

¹⁹ Gots'ò K'òowo hanıwò nıdè whaà-le-t'ıı Timothy naxıts'ò awehıe ha. Hanı-ıdè naxıghò godı eèhk'w'ò nıdè sedzeè t'à sına ha. ²⁰ Timothy wexèht'eè dọ naxıts'ò ahlè ha gòhı-le, dàaht'ee sı yek'èezò ha nıwò eyits'ò naxıxè sıghà welè nıwò t'à. ²¹ Dọ hazòò edegha sıghà zò gıwò, hanıkò Zezi-Krı daniwò sı gıdaanıedè-le. ²² Hanıkò Timothy ededı sı hòt'ò eghàlaıdà, wek'èahsò họt'e. Seza lanı eyits'ò sı wetà laht'e, hanı t'à ełexè eghàladiıda, godı nezı t'à dọ xè gots'ado. ²³ Sexè dàgode ha wek'èehsò ts'òet'ıı naxıts'ò awehıe ha dehwhò. ²⁴ Whaà-le-t'ıı sı sı sets'ò K'òowo naxıts'ò asele ha hotıı wek'èehsò.

²⁵ Dı gogha sı Epaphroditus naxıts'ò anahlè ha dehwhò. Sèot'ı họt'e, sexè eghàlaeda eyits'ò sexè godı nezı ts'adaedı họt'e. Ededı sı naxıgodı sets'ò nèyıızò, eyits'ò ayıı segha whıle sı t'à sets'adı gha sets'ò weahza jlè. ²⁶ Hazòò naxıghaawo họt'e, eyits'ò eyaelıı weghò aèhk'w'ò t'à naxıghò ts'òonıwò. ²⁷ Heze eyaelı t'à k'ahdzò eławo-t'e, hanıkò Nòhtsı eteyeèzı eyits'ò sı sı eteseèzı họt'e, k'achı hoıla t'à segha gots'eèdı ha sıhwhò-le t'à.

28 Eyit'à iwahà naxits'ò awehle ha dehwhò. Hanì-ìdè k'achì weahzì nùdè naxinà ha eyits'ò sì sì t'asì ghò nànhwho ha-le. 29 Gots'ò K'àowo wedahxà nezì wets'ò naahza eyits'ò weghò sù naxinà welè. Hanù dò sù sù dò wèah't'ì ha h'òt'e. 30 Zezì gha eghàlaeda k'èxa k'àhdzò elàwo t'e. Naxì sets'àahdi ha dii t'à ededì elàawì ha weggha hoejì kò sets'àìdì jìlè.

3

Paul, Zezì-Krì zò k'èezò ha nìwò

1 Sèot'ù, hòt'a gots'ò K'àowo wets'ìh'zò naxinà welè! Ìdì dànaxèhsì jìlè sù wet'à k'achì naxits'ò naeht'è ha sù seggha t'asanile, hotù wek'èahsò ha naxìgha wet'àazà h'òt'e.

2 Dò, t'ì wets'àhoejì lagùt'ee sù gixohdi. Hanù dò sù hojì hogehtsì eyits'ò d'kwò tàgeehwe ha gùwò. 3 Goxì sù hòt'a gokwò nàat'a jìlè lanì, eyits'ò Nòhtsì wets'ò Ìnì Degai wedahxà Nòhtsì ts'ò yats'ehti. Zezì-Krì weghàsòts'eedi t'à, t'asì deè ts'ùlù sù weghò xàhots'edi nùle. 4 Sù de'z'òò edeghò xàhohdi gohde ha dii-le h'òt'e.

Dò eyù-le edeghò xàhogedì gogede ha dii-le nùdè sù denahk'e haehsì ha dii-le h'òt'e. 5 Segòh'ì gots'ò ek'èdì dze'è t'à sekwò nàat'a h'òt'e, Israel got'ù aht'e, Benjamin wets'ìh'z'ò-d'òò aht'e, eyit'à Hebrew wedeèdlù aht'e. Pharisee aht'e t'à Moses wenàowoò hazòò wek'è'z'èah't'è h'òt'e. 6 Eyì ghò sìnì nàtso t'à Nòhtsì wecheekeè dagìh'za jìlè; Pharisee gìnàowoò k'è'è ha nùdè nàowo k'eihzhì whìle h'òt'e.

7 Hanìkò ayì seggha wet'àazà jìlè sù seggha wedè lajà, Zezì ededì zò weggha ehda ha dehwhò t'à. 8-9 Eyì z'òò-le! Zezì-Krì wek'èehsò ha, eyì denahk'e seggha wet'àazà ne t'à, t'asì hazòò seggha wedè lajà. Sets'ò K'àowo gha t'asì hazòò z'òehde. Zezì-Krì ededì zò weehwhò, eyits'ò wexè jìlè laah't'e ha dehwhò t'à t'asì hazòò seggha t'asì-ts'ì lajà. Moses wenàowoò k'èah't'e t'à ehkw'ì ehda k'è'è sùtà ha dehwhò-le, hanìkò Zezì-Krì seggha ehkw'ì adì t'à ehkw'ì ehda k'è'è sùtà ha dehwhò. Ehkw'ì ts'eeda k'è'è goità sù Nòhtsì wedahxà h'òt'e, eyits'ò goxì ehkw'ì adì wets'ùhwhò t'à. 10 Zezì-Krì wek'èehsò ha dehwhò, eyits'ò dànì nàtso xè naidàa sù wet'à ehda ha dehwhò. Dànì dà'z'aa eyits'ò dànì elàwoò sù wexèht'èe laahde ha dehwhò, 11 hanì-ìdè sù sù nàihdà asedle ha.

Paul, Nòhtsì t'asì yeghà:à ha sù yeehnè ha nìwò

12 Jìlè eyì hazòò degghà hahlà nùle, eyits'ò jìlè degghà degai aht'e nùle, hanìkò jìlè eyì weggha sìnì nàtsoò aahwhò, eyì gha Zezì-Krì s'ìh'chì jìlè t'à. 13 Sèot'ù, t'asì hazòò hahlà dehwhò nùle, hanìkò dii haht'ì h'òt'e: Ìdè whelaa sù weghò nànhwho nùle, hanìkò jìdàa ayì whelaa sù wek'è'è ehda ha

hòt'ò dehwhò. ¹⁴ Nòhtsɿ t'asɿ seghà?à ha sù eyɿ dehnè ha dehwhò t'à wets'ò ɿdaà deht'ì. Zezi-Krɿ wets'ihzò welo while ts'ò yak'e ehda ha Nòhtsɿ sɿhchì họt'e.

¹⁵ Goxɿ hazòò Nòhtsɿ k'èts'eezòò sù hanì ts'eeda ha họt'e. Hanikò t'asɿ ghò sek'èè nàniahdè-le nɿdè, eyɿ kò Nòhtsɿ naxɿgha degghà wègaat'ɿ ayele ha họt'e. ¹⁶ Hanikò dànì goinì nàtso xè gots'ɿzòò ats'ejàa sù wek'èè ts'eeda weli.

¹⁷ Sèot'ɿ, dànì ehdaa sù sexèahzɿ, eyits'ò dọ, nàowo naxɿghàts'ɿzòò k'èè geedaa sù gɿghàahda. ¹⁸ Dọ ɿò Zezi wedechɿet'aà ts'ò xàniɿɿza k'èè geeda họt'e. ɿnèè gotlòò eyɿ hanaxèehsɿ ɿlè, dii k'achɿ senatì xè naxits'ò haehsɿ. ¹⁹ Dọ hanì geedaa sù gɿdihòlè ha họt'e. Gibò gɿnòhtsɿ elɿ lanì, eyits'ò hoɿɿ hogehtsɿ ghò xàdahogedi. Dɿ nèk'e t'asɿ whelaa zò ghò nàniɿgedè. ²⁰ Hanikò goxɿ sù yak'e gha dọ ats'ɿt'e. Amɿ Edaxàgolee elɿ sù yak'e gots'ò ɿò ts'ò anade ha ɿwhàà ts'ɿwò. Eyɿ sù gots'ò K'àowo Zezi-Krɿ họt'e. ²¹ Ededɿ t'asɿ weggha dii-le t'à t'asɿ hazòò yek'èit'e agohzɿ. Gozhɿ nàtso-lea sù wezhɿ xèht'e è enɿyah t'à wèdaat'ɿ ayele ha.

4

¹ Sèot'ɿ, gots'ò K'àowo weggha naxɿnì nàtso aahwhò eyits'ò wedahxà dànì ts'eeda ghò ɿht'èè sù wek'èè aahda. Seàgɿ, naxɿghònehtò họt'e, naxɿxè aht'e ha dehwhò, eyits'ò sù sinà asèahlà xè naxɿghò xàhohdi.

Dọ ts'ò naxɿdzeè nezɿ welè

² Ts'èko nàke Euyodia eyits'ò Syntyche gɿts'ò dɿ haehsɿ, gɿghònàdaehtì, “Ełèk'èch'a aahdi-le, hanikò gots'ò K'àowo wets'ihzò naxɿnì ɿlè zò welè,” gèehsɿ. ³ Hèzè, seàgɿ nɿ t'aats'òò sexè eghàlaneedàa sù eyɿ ts'èko nàke gɿts'àadi. Godɿ nezɿ gha sexè hòt'ò eghàlagɿdà ɿlè, Clement wexè sɿ eghàlagɿdà, eyits'ò dọ eyɿ-le sexè agɿat'ɿ sɿ gɿxè. Welò while ts'ò ts'eedaa enɿht'è k'e gɿzì dek'eèht'è họt'e.

⁴ Gots'ò K'àowo wexè t'aats'òò naxɿnà welè. K'achɿ hanaxèehsɿ ha: Naxɿnà welè! ⁵ Dọ ts'ò naxɿdzeè nezɿ sù wek'èedzòò aahlè. Gots'ò K'àowo naxɿgà nɿwà-le họt'e. ⁶ T'asɿ wɿzɿ ghò nàniahdè-le, hanikò Nòhtsɿ ts'ò yaahtì, t'asɿ hazòò naxɿgha while sù weahkè, eyits'ò masì wèahdi. ⁷ Hanì-ɿdè Nòhtsɿ naxɿxè sɿghà hòzò ayele ha, eyɿ sù dọ wɿzɿ yeniedì ha dii, eyits'ò Zezi-Krɿ wexè naxɿdzeè eyits'ò naxɿnì k'èdi ha.

⁸ Sèot'ɿ, nòode t'à dɿ hanaxèehsɿ ha dehwhò: T'asɿ ehkw'ɿ ne sù, wet'à dọ nezɿ agɿwò ha sù, wet'à ehkw'ɿ gòzòò, t'asɿ nezɿ, t'asɿ degai, wet'à ełèghò masì ts'ɿwòò, eyits'ò wet'à dọ ełets'it'ɿ, eyɿ hanɿ hazòò wedàniahdè. ⁹ T'asɿ hazòò hoghànaeèhtò sù k'èè aahda. Yatɿ hazòò wet'à nezɿ aahda ha

naxìghàihzòq sù, eyits'ò naxìdaà dànì ihdàa, eyì hazòq wek'èè aahda. Hanì-ɣdè Nòhtsì naxìxè sìghà hòzòq ayele ha.

Paul, dɔ sòmba gɪghàɪlaa sù masì gɔɪhwhɔ

¹⁰ Whaà t'axòq k'qat'a sedaàniàhdè sù wek'èehsò asèahlà t'à, sets'ò K'àowo masì weehwhò eyits'ò sù sinà. Sedaàniàhdè ɺlè, hanìkò naxìgha hòzòq-le t'à wek'èehsò asèahlà-le ɺlè. ¹¹ T'asì segha while t'à aehsì-le. Sexè hoɺɺɺ, hoɺɺɺ-le, ehk'èè masì dehwhò k'èehsò ahjà. ¹² T'asì while hok'èehsò, eyits'ò t'asì ɺ sù hok'èehsò. T'ahoòyɺ sexè hòzòq sù ghò masì dehwhò k'èehsò ahjà. Deghàa shèhtɺ, deghàa shèhtɺ-le, t'asì ɺ ta nàhdè hanì-le-ɺdè eteèht'ɺ, ehk'èè sinà ha hoghàdeehò. ¹³ Nòhtsì sinì nàtsoò asehtɺ sù ededɺ wet'à t'asì hazòq segha dɺi-le hɔt'e.

¹⁴ Hanìkò dɺi sexè hoɺla t'à sets'àahdɺ sù nezɺi aah'tɺ hɔt'e. ¹⁵ Naxì Philippi got'ɺi aah'tee sù, dɺi zò hasèahlà nùle. T'akweɺò godɺ nezɺi aàhk'w'o ekò, ekɺyee k'e Macedonia nèk'e ts'ò dehtla ekò, kòta ɺ gots'ò Nòhtsì wecheekeè elexè sets'àgɺdɺi while, naxì zò sòmba t'à sets'àahdɺ ɺlè. ¹⁶ Kòta Thessalonica ekò whihda ekò t'asì segha while t'à ek'èdaà sòmba sets'ò aahzɺ ɺlè. ¹⁷ Sòmba sets'ò aahzɺ ha dehsɺi-aehsì-le, hanìkò dɔ ts'ò nezɺi eghàlaahda nɺdè naxìxè sìghà ha t'à aehsì. ¹⁸ Hòt'a deghàa naxit'à hoehwhì hɔt'e, eyits'ò dezòq seghàahlà hɔt'e. Epaphroditus wet'l'aà sòmba sedaniàhlà t'à t'asì seɺòatɺ whelaà ajà. T'asì sets'ò aahlàa sù Nòhtsì wets'ò t'asì ɺkòq k'ets'eek'ò lanì, eyì sù Nòhtsì yeghò sìghà anɺwò hɔt'e. ¹⁹ Senòhtsì sù nezɺi naxik'èdì ha hɔt'e. Zezi-Krì wets'ihzò t'asì hazòq wèdaat'ɺ wets'ò sù t'à naxits'àdì ha hɔt'e.

²⁰ Nòhtsì-Gotà welò while ts'ò weghàsòhoedì welè. Amen.

Naxìxè sìghà welè

²¹ Zezi-Krì wets'ihzò Nòhtsì wets'ò dɔ sù sù segha eyits'ò gòet'ɺ sexè geèhk'w'ee gɺgha, “Naxìxè sìghà welè,” gɺahdì. ²² Nòhtsì wets'ò dɔ ɺò nàdè sù hazòq naxìxè sìghà welè gɺwò, Caesar wekò agɺt'ee ededɺ sù hagɺwò hɔt'e.

²³ Zezi-Krì naxits'ò ɺnì xè sɺnɺwò welè. Amen.

Colosse got'ù gits'ò aat'è

1-2 Sɪ Paul, Nòhtsɪ wedaxà Zezi-Krɪ wecheekeèdeè aht'e. Gòet'ɪ Timothy sexè dɪ enɪht'è kòta Colosse got'ù, Zezi-Krɪ wets'ihʔò degaɪ gɪlɪ xè gɪnɪ nàtsoo sɪ gits'ò ts'ùt'è: Nòhtsɪ-Gotà naxits'ò sɒnɪwɔ wɛlè, eyits'ò naxɪxè sɪghà hòʔo ayɪlè.

Paul, Colosse got'ù gha yahti

³ Naxɪgha yats'ehti taat'eè Nòhtsɪ, gots'ò K'àowo Zezi-Krɪ Wetà, t'aats'ò naxɪgha masi wèts'edi, ⁴ Zezi-Krɪ naxɪgha ehkw'ɪ adɪ eyits'ò Nòhtsɪ wets'ò dɔ hazò sɪ gɪghɒnahtɔ ghɔ ts'ùkw'o t'à. ⁵ Yak'e t'asɪ deè naxɪdawhelaa sɪ naxɪgha ehkw'ɪ-ahodɪ t'à dɔ ghɒnahtɔ. Yatɪ ehkw'ɪ sɪ wɛàhk'w'ò ɪlè t'à, eyɪ t'asɪ deè naxɪdawhelaa sɪ hòt'a wɛk'èahsɔ hɔt'e. Eyɪ yatɪ ehkw'ɪ sɪ godɪ nezɪ ⁶ naxɪghòt'ò hɔt'e. Dɪ nɛk'e hazò ts'ò godɪ nezɪ ajàa sɪ wɛt'à t'asɪ nezɪ ɪò kèhòwɔ. Ts'ɪ nezɪ, wɛk'e ɷècho nezɪ dehsheè lagòjà. T'akwèlòò godɪ nezɪ ghɔ aàhk'w'o ekò gots'ò Nòhtsɪ wɛsɒnɪwɔ wɛnɪahdɪ aahjà ɪlè, eyits'ò godɪ nezɪ wɛt'à t'asɪ ɪò ehkw'ɪ naxɪta kèhòwɔ hɔt'e. Eyɪ dzɛɛ gots'ò ɷècho nezɪ naxɪta dehsheè lagòjà. ⁷ Epaphras ededɪ sɪ godɪ nezɪ hoghànaxeèhtɔ hɔt'e. Eyɪ dɔ weghɒnets'eètɔ hɔt'e, goxèht'eè Nòhtsɪ cheekè ɛɪ. Gogha Zezi-Krɪ gha t'aats'ò ehkw'ɪ eghàlaeda. ⁸ Ededɪ sɪ Yedàyeh Nezɪ dahxà sɪ ɛlɛghɒnahtɔ hɔt'e, gòhdi.

⁹ Eyɪt'à, naxɪghɔ ts'ùkw'o gots'ò naxɪgha yats'ehti ghɔ nats'et'è-le. Yedàyeh Nezɪ t'à deg'hàa goahsɔ ha eyits'ò t'asɪ nɪahdɪ aahde ha t'aats'ò naxɪgha Nòhtsɪ wets'eeke, hanɪ-ɪdè Nòhtsɪ dànɪwɔ sɪ wɛk'èahsòò aahde ha. ¹⁰ Gots'ò K'àowo wɪnɪ k'èè hotɪ ehkw'ɪ aahda ha naxits'ùhwhɔ t'à, hanɪ naxɪgha yats'ehti. Hanɪ-ɪdè Nòhtsɪ weghàsɔhoedi ha eyits'ò dànɪ eghàlaahdaa hazò yeghɔ sɪghà anɪwɔ ha. T'asɪ nezɪ ɪò wegħa eghàlaahda ha eyits'ò Nòhtsɪ denahk'e nezɪ wɛk'èahsòò aahde ha. ¹¹ Nòhtsɪ sɪ enɪyah t'à nàtso hɔt'e, eyɪt'à naxɪ sɪ nàhtsoò anaxele ha. Hanɪ-ɪdè weghɔ naxɪnɪ nàtso ha eyits'ò ts'èwhɪ dahwhɔ ha. Naxɪnà xè ¹² Nòhtsɪ-Gotà masi wèahdɪ ha. Nòhtsɪ Wɛnàowoò k'èè hòʔo sɪ t'aats'ò dzɛh nɪdɪ lanɪ hɔt'e. Ekò Nòhtsɪ wets'ò dɔ t'asɪ gɪda whelaa sɪ gɪxè naxɪghòzhe ha hɔt'e. ¹³ Togoòt'ò dɔ ts'ò k'àhowo gots'ò edaxàgoɪla t'à, Edeza ghɒneètɔ sɪ wɛnàowoò k'èè hòʔo ts'ò agòòlà. ¹⁴ Nòhtsɪ Weza wɛt'à edaxàts'ùde, eyits'ò gohòhɪ hazò goghɔ nahòla.

Zezi-Krɪ t'asɪ hazò hòèlɪ sɪ ts'ò K'àowo

¹⁵ Nòhtsɪ-Gotà gogħa wègaat'ɪ-le, hanɪkò Weza yexèht'eè wègaat'ɪ hɔt'e. Weza sɪ t'akwèlòò hɔt'e eyits'ò t'asɪ hazò

hòèlɿ sɿ ts'ò K'àowo. ¹⁶ Ededɿ wet'à t'asɿ hazòò hòèlɿ hòt'e: t'asɿ yak'e whelaa, dɿ nèk'e whelaa, t'asɿ wègaat'ɿ, wègaat'ɿ-le, hazòò yèhtsɿ hòt'e. K'àowocho gɿɿɿ, k'aodèe gɿɿɿ, dèe-ts'ò-k'àowo gɿɿɿ, hazòò Nòhtsɿ Weza gòèhtsɿ hòt'e, eyits'ò ededɿ wegħa gɿhòèlɿ hòt'e. ¹⁷ Ededɿ sɿ t'asɿ hazòò hòèlɿ kwe gots'ò hòt'e, eyits'ò wets'ihzò t'asɿ hazòò yàhɿtò hòt'e. ¹⁸ Nòhtsɿ Weza sɿ gokwì elɿ lanì hòt'e, Nòhtsɿ wecheekeè wezhɿɿ ìè lagɿɿ'e. Ededɿ wexè t'asɿ hazòò kèhòɿwo, eyits'ò dò nàidà għa sɿ ededɿ denahk'e elɿ, eyɿ ts'ihzò t'asɿ hazòò għa K'àowo elɿ hòt'e. ¹⁹ Nòhtsɿ-Gotà Edeza ghò sɿnɿwò t'à, t'asɿ hazòò t'à wehòhòzò sɿ hazòò Edeza ghàyɿɿla. ²⁰ Edeza t'à t'asɿ hazòò xè ts'èwhɿ hòzò ha nɿwò. Weza wedoò dechɿet'aa k'e xàɿt'ɿ ts'ihzò, Nòhtsɿ-Gotà t'asɿ hazòò dɿ nèk'e whelaa eyits'ò yak'e whelaa sɿ xè ts'èwhɿ hòzòò ayɿɿlà.

²¹ Ìhàà naxɿnì t'à Nòhtsɿ wets'ò nɿwà dahkw'e ìè. Naxɿnàowoɿ k'èè aahda ts'ihzò Nòhtsɿ wets'ò xàɿahza ìè. ²² Hanikò dɿ sɿ Nòhtsɿ-Gotà Zezì-Krɿ wezhɿɿ naxɿgha elɿwoò ayɿɿlà t'à Nòhtsɿ xè ts'èwhɿ aahda anaxɿidlà. Dɿ hòt'a wenadaà degaɿ aah't'e, eyɿ ts'ihzò t'asɿ wɿzɿ għa naxɿk'e nìdahoet'à ha nɿle. ²³ Eyɿ t'à Nòhtsɿ għa naxɿnì nàtsoò aahwhò nɿdè, wegħò naah't'è-le nɿdè, eyits'ò godɿ nezɿ sɿ naxɿgha ehkw'ɿ-ahodɿ nɿdè naxɿxè sɿghà ha hòt'e. Eyɿ godɿ nezɿ sɿ naxɿts'ò hats'edɿ hòt'e eyits'ò dɿ nèk'e dò hazòò eyɿ t'à hogħàgɿts'eèhtò hòt'e. Sɿ Paul eyɿ godɿ nezɿ zò għa eghàlaehda hòt'e.

Paul Nòhtsɿ wecheekeè għa eghàlaeda

²⁴ Naxɿgha daihza t'à sɿnà hòt'e. Zezì-Krɿ gogħa daihza, eyits'ò Nòhtsɿ wecheekeè gogħa denahk'e daihza ha nɿdè, sɿ sɿ, sezħɿ t'à wegħa daihza kò dehwhò. ²⁵ Nòhtsɿ sɿhzaa t'à Nòhtsɿ wecheekeè gɿgha eghàlaehda ehɿ sɿidlà. Nòhtsɿ weyatɿ deè degħàà naxɿghàehza ha seghàhòzò hòt'e. ²⁶ Nòhtsɿ weyatɿ ñèè whaà gots'ò dò gɿgha dezhɿ whezò ìèe, hanikò dɿ Nòhtsɿ wets'ò dò gɿk'èezò agɿidlà. ²⁷ Eyɿ dò degaɿ gɿɿɿ sɿ dɿ nèk'e dò hazòò Nòhtsɿ k'èèezò-le gɿta gots'ò Nòhtsɿ gòhchì agɿɿ'e. Weyatɿ enɿyah xè dezhɿ whezò sɿ gɿk'èezòò agòòlà. Eyɿ weyatɿ sɿ Zezì-Krɿ naxɿdzeè yì nàdè awèts'edɿ, eyɿ wet'à welò whìle ts'ò enɿyah xè aahda ha.

²⁸ Zezì-Krɿ wegħò dò ts'ò gots'ede. Dò ehkw'ɿ geeda ha ts'ɿwò ts'ihzò, wet'à gots'ɿzòò ats'ejàa sɿ t'à dò hazòò nàgets'e2ò xè hogħàgets'eehtò. Hanì-ɿdè Zezì-Krɿ wets'ihzò dò hazòò degaɿ k'èè agets'ele ha ts'ɿwò. ²⁹ Eyɿ għa hòt'ò eghàlaehda xè nàhòhoehwho. Nòhtsɿ wet'ɿ t'asɿ hazòò għa nàhtso asehɿ, eyɿ t'à hanì eghàlaehda ha dɿi-le.

2

¹ Naxiḡha, kòta Laodisiya dọ nàgedèe sù ḡiḡha eyits'ọ dọ xàè segiaḡi-le sù ḡiḡha daihḡa. Dàihcho ts'ọ naxiḡha daihḡaa sù wek'èahsọ ha dehwhọ. ² Gidzeè nàtso ha, eyits'ọ dọ ìlè lanì eḡghonegeètọ ha, ḡiḡha daihḡa. Hanì-ìdè deghàà t'asù k'ègeezọọ agede ha, eyits'ọ Nòhtsì t'asù deḡì whewḡọọ sù k'ègeezọọ agede ha, Zezì-Krì k'ègeezọọ agede ha t'à. ³ T'asù deè hazọọ weghàà t'asù k'èts'eezọọ xè weghàà gots'ùzọọ sù Zezì-Krì weyì deḡì whela họt'e. ⁴ Dọ, neḡì gogede t'à naxiḡhọyagùḡà sọọ dehwhọ t'à anaxèehsì. ⁵ Sezḡì t'à naxits'ọ gọọwà whihda, hanìkò sìnì t'à naxixè aht'e. Hotù ehkw'ì aahda, eyì xè Zezì-Krì ḡhọ naxinì nàtso t'à sù sìnà họt'e.

Zezì-Krì wexè ts'eedaà agòìdlà

⁶ Eyit'à, Zezì-Krì naxits'ọ K'àowo elì aahlà k'èè t'aats'ọọ wexè aahda. ⁷ Wexè ìlè zọ laaht'e eyits'ọ wet'à naxinì nàtsoò aahlè welè. Ayì hoghànaxeètọ k'èè eghàlaahda, wet'à naxinì nàwetso, eyits'ọ t'aats'ọọ naxidzeè t'à masì dahwhọ.

⁸ Hotù edexoahdì, yatì ekọ-le eyits'ọ nàowo ladiḡ t'à dọ naxinì ḡihchì sọọ. Ayì hoghànaxeegeetọ sù neḡì lagodì, hanìkò dū nèk'e gots'ọ ḡnàowoò zọ họt'e. Zezì-Krì wenàowoò k'èè agedì-le.

⁹ Nòhtsì-Gotà t'asù hazọọ t'à wehòhḡọọ sù Zezì-Krì wezḡì sù yì wehòhḡọọ họt'e, ¹⁰ eyits'ọ naxì sù Zezì-Krì wet'à t'asù hazọọ naxiḡhòzha. Ededì k'àowo hazọọ ḡha K'àowodeè elì họt'e. ¹¹ Ededì wet'à naxikwò nàat'a lanì ìlè, eyit'à naxinìḡì k'èè aahda-le aahjà. Dọlà t'à naxikwò nàat'a awèts'edì-le, Zezì-Krì ededì wet'à gokwò nàat'a lanì awèts'edì. ¹² Naxik'ètaidzọ t'à wexè naxikw'ọọ nìtọ lanì ìlè. Nòhtsì-Gotà eniyyah t'à nàtso xè Zezì naidà ayìlì, eyì sù naxiḡha ehkw'ì-ahodì t'à, Zezì wexè naàhdà anaxiìdlà họt'e.

¹³ Naxihoḡì ts'ihḡọ dọ eḡadèe laaht'e eyits'ọ naxinìḡì k'èè aahda ekò k'e Nòhtsì-Gotà, Zezì-Krì wexè naàhdà anaxiìdlà họt'e. Gohoḡì hazọọ goghọ nahoḡì. ¹⁴ Nàowo dek'eèht'èè sù hazọọ wede ayìlì; eyì nàowo gok'èch'a họt'e eyits'ọ wet'à gok'e nìdahoe't'à, hanìkò Nòhtsì goghọ yìhchì xè Zezì wexè dechiet'aa k'e yedùhtsò. ¹⁵ Hanì t'aa Nòhtsì inìḡì eyits'ọ ḡits'ọ k'aodèe hazọọ goghòèhnọ, eyits'ọ wet'à nàgetsoo sù hazọọ goghọ while ayìlì xè dọ nadaḡà edeghọ ìzhagùḡì agòòlà. Dechiet'aa t'à hazọọ goghòèhnọ họt'e.

¹⁶ Eyit'à ayì ḡhọ shèahzhe, eyits'ọ ayì aahdọ, dzèdeè k'èahdì, adzezah-gòò ḡha nàsì hoahsì, hanì-le-ìdè Nòhtsì Wedzeḡ k'èahdì, eyì hanù ḡhọ dọ naxik'e nìdahogùḡà-le. ¹⁷ Eyì hanù hazọọ sù ìdaà dàgode ḡha wezìzhì lanì ìlè, hanìkò t'asù wedeèdlì Zezì-Krì wexè wegots'ihḡà. ¹⁸ Dọ k'èeweèt'ì edegeetsì eyits'ọ yak'et'ì ts'ọ yagehtù sù Nòhtsì t'asù neḡì naxiḡhàḡà

ch'àanaxegule sòò. Eyi dọ hanu sù gınazhu xègoèht'ì ghò naxıts'ò gogede ghageewı, hanikò Nòhtsı ts'ò gını nàtso-le t'à dọ nahk'e ts'ıllı gıwọ xè xàdahogedi. ¹⁹ Zezi gokwi elı sù xè aget'ı-le agejà t'à aget'ı. Goxı wezhı lats'ıtt'e sù hazòò dọ ıle zọ lats'ıtt'e, godzats'ı eyıts'ò gokw'èh t'à gozhı hazòò yàhtò. Zezi gokwi elı lanı ts'ıhòò goxı wezhı ts'ıllı sù Nòhtsı elexè ts'eezheè agohı họt'e.

²⁰ Zezi-Krı wexè ełahdè ne t'à du nèè gots'ò nàowo k'èè aahda-le aahjà họt'e. Eyt'à dànighò ıhaà du nèè gots'ò nàowo k'èaht'e ha dahwhò? ıhaà wek'èè aahda ha dahwhò nı? ²¹ Dànighò du haahdı, "Eyi k'alaahdè-le! Eyi aahdè-le! Eyi daahchı-le!" ²² Eyi nàowo sù du nèk'e gots'ò dònı k'èè hòèlı, eyıts'ò dọ gınàowoò k'èè hoghàgogehtò t'à hazòò wet'aaà-le họt'e. ²³ Eyi nàowo sù wet'aaà lanı xè wet'à gots'ıızò gògaat'ı. Wet'à dọ gınàowoò k'èè Nòhtsı gha ts'eedaa hoghàgoetò. Wet'à xàhots'edi-le gògaat'ı eyıts'ò wet'à gozhı daızaà adets'ıhwhò. Hanikò eyı nàowo wet'à hoıı k'èè eghàlats'eeda-le adets'ele ha dıi họt'e, eyıt'à wet'aaà-le họt'e.

3

Dànı degai k'èè ts'eeda

¹ Zezi-Krı wexè naahdà aahjà ts'ıhòò, ıdòò yak'e Zezi-Krı, Nòhtsı-Gotà gà nàgòts'ehneè wheda t'à yak'e ghò naxıdzeè nàtsoò aahwhò. ² Eyt'à ıdòò gots'ò ne sù ghò naxıdzeè nàtsoò aahwhò, du nèk'e t'ası whelaa ghò naxıdzeè nàtsoò aahwhò-le. ³ Ełahdè lanı ıle, eyıt'à dıi aahdaa sù Zezi-Krı wexè Nòhtsı nezı naxık'èdi. ⁴ Eyt'à Zezi-Krı wets'ıhòò aahda, eyıts'ò K'àowocho enıyah k'èè wègoèht'ì nıdè naxı sı wexè naxègaat'ı ha họt'e.

⁵ Eyt'à du nèk'e gots'ò hoıı nàowoò naxıts'ò k'àowo-le aahle. Du hoıı nàowoò họt'e: gozhı t'à hoıı k'alats'edè, gonıı, hoıı ghats'ewı, eyıts'ò t'ası ghò ets'edi-le. T'ası gha ets'edi-le sù gogha nòhtsı elı at'ı họt'e. ⁶ Dọ eyı hanu hoıı k'alagedè ts'ıhòò Nòhtsı nàgoehkwa ha họt'e. ⁷ ınèè sù eyı hanu hoıı nàowoò k'èè aahda ıle. ⁸ Hanikò du hazòò wedè aahle: ts'ıch'ee, goını nàıtloo, hoıı k'èè k'ehots'ezaa, dọ k'adats'edè, eyıts'ò whàdagots'etsòò, eyı hazòò wedè aahle. ⁹ Naxınhı k'èè aahda-le aahjà t'à elets'ò hoahts'ı-le. Naxıgoht'òò wezọ yı xàahde lanı họt'e. ¹⁰ Goht'ò gòò yı aahde laahjà, Nòhtsı gòèhtsı sù degàà wek'èahsòò aahjà, eyıts'ò wexèht'èè aahdaa aahjà. ¹¹ Zezi-Krı wegħa ts'eeda nıdè hazòò elets'ıht'e họt'e. Israel got'ıı, Greece got'ıı elexèghıht'ee, nàgoet'aa, nàgoet'á-le, nàowo eładı k'èè geedaa dọò, dọ edets'ò k'agedè-le, edets'ò k'agedè, hazòò elexèghıht'e. Zezi-Krı ededı zọ gogħa K'àowo elı, eyıts'ò goxı hazòò godzeè yı eda.

12 Eyi t' à Nòhtsɪ naxiìchì, wets'ò dọ degai aahɪ xè naxiǵhòneètò t' à, dọ eteahɪ, dọ ts'ò naxiɔzeè nezɪ laaht'e, k'èweèt'ɪ k'èè aahda, eyits'ò dọ xè ts'èwhɪ hòwhahɔ. 13 Gots'eèdɪ kò ehni nezɪ aah t'ɪ, eyits'ò ełek'èch'a hòah tsɪ nɪdè ełeghò nahoahle. Gots'ò K'òowo naxiǵhò nahoɪla lanì ełeghò nahoahle. 14 Eyi nàowo nezɪ hazòò k'èè aahda, eyi wedaats'ò ełeghòniahtò, hanì-ɪdè eyi nàowo nezɪ hazòò sɪ nàowodeè ɪè zò k'èè aahda ha.

15 Zezi-Krɪ wexè ts'èwhɪ hòɔɔ sɪ wek'èè aahda weli. Zezi-Krɪ wezhɪ aahɪ sɪ ts'èwhɪ aahda ha naxiìchì, eyi weghò Nòhtsɪ ts'ò masi dahwhò. 16 Zezi-Krɪ weyatù hazòò naxiɔzeè yì t'aats'ò wèt' à goahsò aahda, eyits'ò wèt' à hoghàlaahtò xè nezɪ ełek'èahdi. Naxiɔzeè t' à Nòhtsɪ masi weahwhò eyits'ò shɪ xàɔaa t' à wegħa aahɪ. 17 Ayì dàahɪ, eyits'ò ayì ghàlaahdaa sɪ hazòò gots'ò K'òowo Zezi wedahxà aah t'ɪ. Eyits'ò Zezi wuzì t' à Nòhtsɪ-Gotà masi wèahdi.

Dọ gɪgha ehkw'ɪ-ahodu sɪ dànì ełexè geeda ha

18 Ts'èko yàahɪ sɪ naxiɔòò k'èaht'e, gots'ò K'òowo wexè hanì aahda.

19 Dòzhì yàahɪ sɪ naxits'èkeè gɪghòniahtò, eyits'ò yatù nàtsoo t' à tsɪgiahɔa-le.

20 Chekoa yàahɪ sɪ naxità eyits'ò naximò gik'èaht'e, eyi sɪ gots'ò K'òowo yeghò sighà aniwò họt'e.

21 Gotà yàahɪ sɪ naxiza gni tsɪahwhi-le, haah t'ɪ nɪdè ahxe while gɪwòò agede ha.

22 Dọ gicheekeè yàahɪ sɪ dɪ nèk'e naxits'ò k'aodèe gɪɪ sɪ gik'èaht'e. Gɪnadaɔ zò nezɪ k'ehoahɔa-le, ekì naxiǵhò nezɪ agɪwò għa aah t'ɪ-le. Hanikò gots'ò K'òowo ts'ò nezɪ kàniahɔa xè naxiɔzeè t' à nezɪ eghàlaahda. 23 Ayì ghàlaahdaa sɪ hotù naxiɔzeè t' à nezɪ weghàlaahda, dọ għa zò aah t'ɪ-le, hanikò gots'ò K'òowo wegħa eghàlaahda lanì aah t'ɪ. 24 Eyi wek'èxa gots'ò K'òowo naxiɔa t'asì whehɪaa sɪ naxiǵhàɔa ha wek'èahsò t' à hanì eghàlaahda weli. Gots'ò K'òowo Zezi-Krɪ wegħa eghàlaahda aah t'ɪ họt'e. 25 Amì ekò-le eghàlaadaa sɪ wek'èxa hoɪla weghòt' à ha. Nòhtsɪ sɪ wegħa dọ denahk'e nezɪ gòhɪ nùile, hazòò ełèht'eè gosinɪyaeh tì ha họt'e.

4

1 K'aodèe yàahɪ sɪ dọ naxiǵħa eghàlageedaa sɪ gits'ò ehkw'ɪ eghàlaahda, naxɪ sɪ yak'e naxits'ò K'òowo gòhɪ wek'èahsò ne t' à.

Kexoahdi xè yaah tì

2 T'aats'ò yaahtì għa nihoahɔa, kexoahdi xè masi dahwhò. 3 Eyits'ò goxɪ sɪ gogħa yaah tì, weyatù t' à dọ ts'ò gots'ede ha Nòhtsɪ gogħa ehkw'ɪ goòɔa ayele għa. Hanì-ɪdè Zezi-Krɪ wegodi dọ ts'ò deɪ wheɔɔ sɪ t' à gixè gots'edo ha, eyi k'èxa

jɔ sedaatɔ hɔt'e. ⁴ Godi nezɔ̀ dani gits'ò deghàà weghɔ gohde ha sɪ segha yaahti, hani gohde ha segha hòzɔ t'à. ⁵ Dɔ gɪgha ehkw'1-ahodɪ-le sɪ gits'ò goahsɔ̀ k'ehoahza. Godi nezɔ̀ t'à gɪxè goahdo gha hòzɔ taat'eè nezɔ̀ gɪxè goahdo weli. ⁶ Dɔ ts'ò goahde nɪdè t'aats'ò̀ gɪxè sɔdahwhɔ̀ xè goahsɔ̀ gits'ò goahde weli, hani-ɪdè dani dɔ hazɔ̀ ts'ò̀ xàyaahɪ ha sɪ wek'èahsɔ ha.

Naxixè sìghà welè

⁷ Seàgɪ Tychicus seghɔ godi hazɔ̀ naxits'ò hadi ha. Eyɪ sechi weghɔneehtɔ̀ sɪ gots'ò K'àowo wecheekeè elɪ hɔt'e, t'aats'ò̀ godi nezɔ̀ gha eghàlaeda. ⁸ Dani goxè hòzɔ̀ sɪ naxits'ò hadi ha eyits'ò naxɪdzeè nàtsoò ayele ha t'à, naxits'ò awehɛ ha. ⁹ Onesimus edexè ayele ha. Onesimus naxita gots'ò dɔ hɔt'e, gochi nezɔ̀ elɪ xè t'aats'ò̀ goxè eghàlaeda. Eyɪ nàke geet'eè, jɔ goxè dàgot'ɪ̀ sɪ hazɔ̀ naxits'ò hagedɪ ha.

¹⁰ Aristarchus jɔ sexè dɔ-daniɪlaa-kò wheda eyits'ò Mark, Barnabas wèot'ɪ, “Naxixè sìghà welè,” naxègedɪ. (Mark wets'ò dani k'ehoahza ha sɪ eyɪ ghɔ hòt'a yatɪ naxits'ò ats'ɪ̀là ɪ̀lè. Naxits'ò niitɪa nɪdè, nezɔ̀ wets'ò naahza.) ¹¹ Dɔ ɪ̀lè Zezi eyits'ò Justus sɪ wiyeh, “Naxixè sìghà welè,” naxèhdɪ. Eyɪ Israel got'ɪ̀ tai zɔ goxè Nòhtsɪ Wenàowoò gha eghàlageeda. Nezɔ̀ sets'agɪ̀dɪ t'à sedzè nàtsoò asegiɪ̀là. ¹² Epaphras naxits'ò dɔ hɔt'e sɪ, Zezi-Kɪ wecheekeè elɪ. Ededɪ sɪ, “Naxixè sìghà welè,” naxèhdɪ. Nòhtsɪ wɪnɪ k'èè aahda ha eyits'ò naxɪnɪ gɔzɔ̀ xè nàtso ha naxɪwhwhɔ̀ t'à, t'aats'ò̀ hòt'ò naxɪgha yahti hɔt'e. ¹³ Ehkw'1 anaxèehsɪ, ededɪ hòt'ò naxɪgha eghàlaeda eyits'ò dɔ kòta Laodisiya eyits'ò kòta Hierapolis nàgedèe sɪ gogha hòt'ò eghàlaeda. ¹⁴ Goàgɪ Luke, nàèdɪ k'èezɔ̀ elɪ eyits'ò Demas, “Naxixè sìghà welè,” naxègedɪ. ¹⁵ Kòta Laodisiya Nòhtsɪ wecheekeè nàgedèe eyits'ò ts'èko Nɪmpha wiyeh wekò Nòhtsɪ wets'ò dɔ yagehtɪ gha elègehdeè sɪ segha, “Naxixè sìghà welè,” gɪahdɪ,

¹⁶ Dɪ enɪht'è naxits'ò wek'eyagɪhtɪ t'axɔ̀-ɪdè, kòta Laodisiya Nòhtsɪ wecheekeè nàgedèe sɪ gɪk'eyahtɪ̀ agɪahɛ, eyits'ò enɪht'è gits'ò ats'ɪ̀là sɪ naxɪ sɪ wek'eyaahɪ.

¹⁷ Dɔ Arkɪpus wiyeh dɪ hawèahdɪ: “Gots'ò K'àowo wedahxà la neghòt'ò̀ sɪ deghàà weghàlɪda,” hawèahdɪ.

¹⁸ Sɪ Paul, sɪlà t'à dɪ yatɪ nɔ̀de naxits'ò eeht'è hɔt'e. Sedaaniɪtɔ̀ xè satsòt'ɪ̀ sɪ sek'e whela t'à senaahdɪ. Nòhtsɪ naxits'ò sɔnɔ̀ wɔ̀ welè.

1 Thessalonica got'ụ gıts'ò aat'è

¹ Sị Paul, Silas eyıts'ò Timothy, kòta Thessalonica Nòhtsı wecheekeè nàgedèe sị gıts'ò ets'eet'è họt'e. Ededı sị Nòhtsı-Gotà eyıts'ò gots'ò K'àowo Zezi-Krı xè ụlè lagụt'e.

Nòhtsı naxıts'ò sọnwọ welè eyıts'ò naxıxè sìghà welè.

Naxıgha Nòhtsı masi wets'ụhwhọ

² Yats'ehı taat'eè naxıgha Nòhtsı masi wets'ụhwhọ.

³ Naxıgha ehkw'ı-ahodı t'à hòt'ò eghàlaahdaa sị weghọ t'aats'ò Nòhtsı-Gotà masi wèts'edi họt'e. Gots'ò K'àowo Zezi-Krı weghọ naxını nàtso t'à ełeghoniahtọ xè wek'èè hòt'ò eghàlaahda eyıts'ò weghonaah't-è-le.

⁴ Sèot'ụ, Nòhtsı naxıghoneètọ t'à naxıhchì wek'èts'eezọ họt'e. ⁵ Godı nezụ naxıts'ò nèt's'ụzọ ekò, yatı zọ naxıghàts'ụzọ nıle. Hanikò Yedayeh Nezụ ts'ihzọ naxıta enıyah nàhòwo t'à, eyı godı nezụ hotı ehkw'ı họt'e wek'èahsọ anaxıllà. Naxıts'àts'edi ha t'à dani naxıta nàts'ụdèe sị wek'èahsọ họt'e.

⁶ Edani ts'eadaa sị goxèahzụ aahjà, eyıts'ò gots'ò K'àowo sı wexèahzụ aahjà. Sị daahzaà anaxıllà kò godı nezụ edegha àahchı, eyıts'ò Yedayeh Nezụ eyı godı nezụ ghọ sị naxına anaxıllà họt'e. ⁷ Eyıt'à Macedonia nèk'e eyıts'ò Achaia nèk'e dọ gıgha ehkw'ı-ahodı nàgedèe sị hazọọ naxıxègezụ agejà.

⁸ Dani aahda ts'ihzọ gots'ò K'àowo wegodı Macedonia eyıts'ò Achaia nèk'e ts'ò ajà. Ekọ zọọ-le, dani Nòhtsı naxıgha ehkw'ı-ahodı sị hazọọ nèk'e ts'ò wek'èhoedzọ ajà. Eyıt'à naxıghọ xàyats'ehı-le kò.

⁹ Dani naxıkọ gots'ò enıxàıtzọ aahlàa sị ghọ nezụ xàyagụhtı. Naxıghọ gots'ò dı hagedı: Nòhtsıà hòèlụ ts'ò yaahı-le aahjà, eyıts'ò Nòhtsı edaa xè ehkw'ı họt'e sị wets'ò naahza xè ededı zọ wegħa eghàlaahdaa aahjà, naxègedı.

¹⁰ Weza naidà ayıllàa sị yak'e gots'ò jọ anade ha wedanaahzı. Eyı Zezi họt'e, ededı sị Nòhtsı nàgoehkwa ch'à edaxàgole ha họt'e.

2

Paul dani Thessalonica got'ụ gota eghàlaidà

¹ Sèot'ụ, t'akwelọọ naxıts'àts'ede ekò, k'èt'ò ats'ejà-le ụlè.

² Naxıts'àts'ede kwe kòta Philippı dọ nàgedèe sị gok'adageedè xè dagogıhza ụlè wek'èahsọ họt'e. Sı dọ gok'èch'a agıwọ kò, Nòhtsı gots'àıdı t'à, Nòhtsı wegodı nezụ naxıts'ò hats'edi ha ts'ejı-le ụlè. ³ Ekọ-le hogħanaxets'eehtọ xè goını ehkw'ı-le t'à naxıgha ehkw'ı-ahodı anaxets'ele ha hots'eèhdzà ats'et'ı nıle, eyıts'ò naxıghoyats'eezàa t'à gok'èè aahde għa ats'et'ı nıle.

⁴ Ìle, hanì nùile, goxı godı nezı dı ts'ò k'ets'e2a gha Nòhtsı goghàhòı2q họt'e. Dı gını k'èè hots'ehtsı ha ats'et'ı nùile hanikò Nòhtsı wını k'èè hots'ehtsı ha ts'ıwı. Edeđı sı godzeè t'à goèhdzà họt'e. ⁵ Ekı yatı nezı t'à naxıts'ò gots'ıde while. Ets'edi-le t'à naxısqòmbaà gha naxıghoyats'ee2a ha hots'ehdzà-le ìlè. Dànı eghàlats'ıdàa sı Nòhtsı gok'èezq họt'e. ⁶ Naxı eyıts'q dı eyı-le goghq nezı gogede ha ts'ıwı t'à ats'et'ı nùile.

Zezi-Krı wecheekeèdeè ats'ıt'e t'à naxıgha hoezhı ats'ele ha ìlè, ⁷ hanikò hats'ıt'è-le. Gomq edezaa k'èdì lanı naxıts'ò godzeè nezı xè naxıta eghàlats'ıdà ìlè. ⁸ Sı naxıghonets'eèq t'à Nòhtsı wegodı nezı naxıghàts'e2a ha sı goınà họt'e. Eyı zqò-le, naxıts'ats'edi ha ts'ıwı t'à hanı naxıxè ts'ıdà. Hahcho ts'ò sı naxıghonets'eèq aahjà họt'e. ⁹ Sèot'ı, dànı hòt'ò eghàlats'ıdà xè gogha hoıla ìlè sı wenaahdı sonı. Nòhtsı wegodı nezı t'à naxıts'ò gots'ıde ekò, t'ası t'à gots'aaahdı ha-le naxets'ıhwhq t'à toò, dzèè, ehk'èè hòt'ò eghàlats'ıdà ìlè.

¹⁰ Naxı naxıgha ehkw'ı-ahodı sı dànı naxıta nàts'ıde ghàà gok'èahsq eyıts'q Nòhtsı sı yek'èezq họt'e. Degai k'èè ts'ıdàa, ehkw'ı k'ehots'ı2aa, eyıts'q dı wı2ı t'ası gok'e nıdahogı2q while. ¹¹ Gotà edeza k'èdì lanı naxık'ets'adı hotı wek'èahsq họt'e. ¹² Naxını nàtsoò ats'ılà, ts'qòdahwhq nıde naxıghonàdats'eetı, eyıts'q Nòhtsı wını k'èè hotı ehkw'ı aahda, k'èdaà hanaxets'edi ìlè. Edeđı sı yak'e wenàowoò k'èè hò2q eyıts'q welq while ts'ò enıyah wehòh2q sı ts'ò naxıkayaıhtı họt'e.

¹³ Nòhtsı yatı naxıts'ò nèt's'ı2q ekò, weyatı naxıgha ehkw'ı-ahodı t'à, t'aats'qò naxıgha Nòhtsı ması wets'ıhwhq họt'e. Eyı yatı aahkw'oo sı dı ts'q yatı ne dahwhq-le ìlè, hanikò Nòhtsı wets'q yatı ehkw'ı họt'e dahwhq ìlè. Eyı yatı sı xàè Nòhtsı weyatı họt'e, eyıts'q eyı yatı sı dı naxıdzeè yı eghàlaeda họt'e. ¹⁴ Sèot'ı, Judea nèk'e Nòhtsı wecheekeè Zezi-Krı gıgha ehkw'ı-ahodı sı gıxè dàgòjà sı naxı sı naxıxè hagòjà. Edeđı dànı xàè gıot'ı Israel got'ı dagogıh2a lanı naxı sı xàè naxèot'ı danaxegıh2a họt'e. ¹⁵ Eyı Judea got'ı sı gots'ò K'òowo Zezi eyıts'q nakwenàozq èlàngogıhdè sı goxı sı xàdegogèzhı. Nòhtsı k'èch'a eghàlageeda xè dı hazqò dzagıhwhq agıt'e. ¹⁶ Dı eyı-le xà2aa dànı edaxàgeeze ghq gıts'ò gots'ede ch'à agogele ha hogeèhdzà. Haget'ı t'à k'èdaà gıhı gıdoeze họt'e, k'qòt'a Nòhtsı gots'ò wek'èch'a t'à nàgoehkwa ha.

Thessalonica got'ı gıts'e2ı ha ts'ıwı

¹⁷ Sèot'ı, naxıts'qò ats'ede ha sı gogha wèhoedi-le ìlè, hanikò whaà-lea ts'ò naxıts'qò ats'ejà. (Gozhı t'à naxıts'qò ats'ejà, hanikò goını t'à ìlè naxıxè ts'eèhk'w'e.) Sı naxıkanıts'eè2a t'à, goıtqò naxets'e2ı ha hots'eèhdzà ìlè. ¹⁸ K'achı naxıts'ats'ede ha ts'ıwı ìlè. Sı, Paul, èk'èdaà naxıts'àhtı ha hoèhdzà ìlè,

hanikò weh̄h̄ eyi ch'à asj̄l̄à. ¹⁹ Naxi s̄i naxigh̄q̄ sìts'eèt'j̄, naxigh̄a t'as̄i nez̄m̄ kanits'eèz̄à. Zezi-Kri nòqt̄la n̄idè wenadaq̄à naxigh̄q̄ s̄i x̄ahots'edi ha h̄ot'e. ²⁰ Hez̄e, s̄i naxigh̄q̄ x̄ahots'edi x̄e naxigh̄q̄ sìts'eèt'j̄ h̄ot'e.

3

¹ Nòq̄dea naxits'ezi-le t'à gogha dii agòjà t'à kògodeè Athens ek̄q̄ ts'eèhk̄w'e kò ts'j̄w̄q̄ j̄lè. ² Gòet'j̄ Timothy, Nòhts̄j̄ gha egh̄alaedaa eyits'q̄ goxè Zezi-Kri wegodi nez̄m̄ k'ezaa s̄i naxini n̄atsoò ayele ha, eyits'q̄ denahk'e naxigh̄a ehkw'1-ahodi gha naxits'q̄ wets'j̄h̄z̄à h̄ot'e. ³ Hani-j̄dè hoila naxixè k'ehokw'o kò, wegh̄q̄ n̄aniahdè-le eyits'q̄ naxigh̄a gots'eèdi welè-le. Dats'j̄z̄a ha Nòhts̄j̄ gogh̄ahòz̄q̄q̄ s̄i wek'èahsq̄ h̄ot'e. ⁴ Naxixè ts'eèhk̄w'e ekò dani d̄q̄ dagoḡj̄h̄z̄a ha eyi gh̄q̄ t'aats'q̄q̄ naxits'q̄ gots'j̄de j̄lè. Hoti hani goxè hòz̄q̄q̄ agòjà wek'èahsq̄ h̄ot'e. ⁵ Eyi ts'ih̄z̄q̄ s̄i naxigh̄q̄ n̄anih̄who t'à, Timothy naxits'q̄ wj̄h̄z̄à h̄ot'e. Ayi naxigh̄a ehkw'1-ahodi s̄i asj̄ j̄l̄à wet'à n̄aah̄tso, wek'èehsq̄ ha dehwh̄q̄ t'à awèh̄l̄à. Edahx̄q̄ t'as̄i t'à weh̄h̄ naxeèhdz̄à ha s̄oni dehwh̄q̄ t'à, eyits'q̄ dani naxigh̄a hòt'ò egh̄alats'j̄d̄aa s̄i ek̄i k'èt'q̄ ade ha s̄oni dehwh̄q̄ t'à s̄i naxigh̄q̄ n̄anih̄who j̄lè.

Timothy Thessalonica got'j̄i gogh̄q̄ godi nez̄m̄ n̄i?q̄

⁶ Hanikò diihk'òq̄ Timothy naxita gots'q̄ nòqt̄la, dani ełegh̄oniaht̄q̄ x̄e j̄l̄à naxigh̄a ehkw'1-ahodi s̄i gh̄q̄ godi nez̄m̄ gots'q̄ n̄i?q̄. T'aats'q̄q̄ hoj̄z̄i k'èè gonaahdi, eyits'q̄ dani naxits'ezi ha ts'j̄w̄q̄ k'èè goahz̄i ha dahwh̄q̄, gòhdi. ⁷ Eyi t'à s̄eot'j̄, j̄q̄ goxè hoila k'ehokw'o eyits'q̄ d̄q̄ dagoḡj̄h̄z̄a kò, j̄l̄à naxigh̄a ehkw'1-ahodi gh̄q̄ ts'j̄kw'o t'à godzeè n̄atsoò aahl̄à h̄ot'e. ⁸ Gots'q̄ K'àowo wegh̄q̄ naxini n̄atso t'à s̄i goxè sìgh̄a hòz̄q̄q̄ agòjà. ⁹ Naxits'ih̄z̄q̄ Nòhts̄j̄ wenadaq̄à s̄i goin̄a t'à Nòhts̄j̄ s̄i masi wets'j̄h̄wh̄q̄ h̄ot'e. ¹⁰ K'ach̄i naxits'ezi ha ts'j̄w̄q̄ t'à godzeè t'à dz̄eè, toò, ehk'èè hòt'ò naxigh̄a yats'ehti h̄ot'e. Degh̄à naxigh̄a ehkw'1-ahodi ade gha naxits'ats'edi ha ts'j̄w̄q̄.

¹¹ Naxits'ats'edè gha Nòhts̄j̄-Gotà eyits'q̄ gots'q̄ K'àowo Zezi-Kri gogha ts'at̄a naxits'q̄ goòz̄à agule. ¹² Gox̄i dani s̄i naxigh̄q̄nets'eèt̄q̄ k'èè gots'q̄ K'àowo dez̄q̄q̄ ełegh̄oniaht̄q̄ eyits'q̄ d̄q̄ haz̄q̄q̄ dez̄q̄q̄ gigh̄oniaht̄q̄ anaxule. ¹³ Nòhts̄j̄ naxidzeè n̄atsoò ayule, hani-j̄dè naxik'e n̄idahoet'à ha-le, eyits'q̄ gots'q̄ K'àowo Zezi-Kri edets'q̄ d̄q̄ degai haz̄q̄q̄ x̄e j̄q̄ ts'q̄ anaj̄a n̄idè, Nòhts̄j̄-Gotà wenadaq̄à n̄aahza x̄e degai laah̄t'e ha.

4

Dani Nòhts̄j̄ w̄ni k'èè ts'eeda

¹ S̄eot'j̄, nòq̄de t'à j̄l̄à t'as̄i gh̄q̄ naxits'q̄ eeh̄t'è ha dehwh̄q̄. Dani Nòhts̄j̄ w̄ni k'èè ts'eedaa s̄i wegh̄q̄ hogh̄anaxets'eèht̄q̄ j̄lè t'à dii hani aahda h̄ot'e. Gots'q̄ K'àowo Zezi weyat̄i dahx̄à

k'èdaà hanì aahda naxìts'edi, naxìghqònàdats'eeti. ² Gots'ò K'àowo Zezì wedahxà yatì hoghànaxets'eèhtqò sùì wek'èahsqò hq't'e.

³ Nòhtsì sùì wegħa degai k'èè aahda ha naxìhwhqò hq't'e: naxìzhì t'à hoħì k'alaahdè ch'à edek'eahdì. ⁴ Naxìzhì sùì t'asìì nezìì xè degai k'èè wek'èahdì ha hoghàdeahtqò. ⁵ Dq Nòhtsì k'ègeezqò-le lanì naxìnhì t'anìwq k'èè aahda-le. ⁶ Eyit'à dq wìzì edèot'ì ts'ò ekqò-le eghàlaeda ha nùile eyits'qò hoħì k'èè edèot'ì k'alawo ha nùile. Hòt'a hanaxèts'edi jìlè, dq hanì nàowojìì ghàlaedaa sùì gots'ò K'àowo nàyeekwa ha hq't'e. ⁷ Nòhtsì sùì gonàowohì k'èè ts'eeda għa gokayahtì nùile, hanìkò nàowo degai k'èè ts'eeda għa gokayahtì hq't'e. ⁸ Eyit'à dū yatì naxìghàts'ìzqò sùì amìì wegħa wedè sùì goxì zqò gok'èit'e-le nùile, hanìkò Nòhtsì k'èit'e-le hq't'e. Hanìì dq sùì Nòhtsì edets'qò Ìnì Degai goghàzqò sùì wegħa wedè hq't'e.

⁹ Nòhtsì ededì ełegħoniahtqò ghqò hoghànaxeèhtqò jìlè, eyit'à elèot'ì k'èè ełegħoniahtqò ghqò naxìts'ò ts'eet'è-le kò. ¹⁰ Macedonia nèk'e hazqò ts'ò gòet'ì hazqò gìghoniahtqò hq't'e. Hanìkò sèot'ì denahk'e ełegħoniahtqò naxèts'ediì naxìghqònàdats'eeti.

¹¹ Dànì hoghànaxets'eèhtqò k'èè aahda: Ts'èwhì aahda ghqò hòt'ò aahwhqò; t'asìì naxìdì-le sùì wegħqò nàniahdè-le; eyits'qò naxìlà t'à eghàlaahda. ¹² T'aats'qò hanì aahda nùdè dq gìgha ehkw'ì-ahodì-le sùì nezìì naxìts'ò nagezaà agede ha, eyits'qò dq wìzì gīt'à aahda ha nùile.

Dànì gots'ò K'àowo jò nòqtla ha

¹³ Sèot'ìì, dq ełaàgùdèè sùì gìxè dàgode ha sùì hotùì nezìì wek'èahsqò ha naxìts'ìhwhqò hq't'e. Dq eyìì-le gìgha jka wìlè lanì, naxèot'ì ełaàgùdèè sùì ghqò naxìdzeè nànutì ha naxets'ìhwhqò-le. ¹⁴ Zezì ełajwo eyits'qò naidà eyì sùì gogħa ehkw'ì-ahodì hq't'e. Eyit'à dq Zezì gìgha ehkw'ì adìì xè ełaàgùdèè sùì Zezì jò anajà nùdè, Nòhtsì Zezì xè negùdè agole ha, eyì sùì gogħa ehkw'ì-ahodì hq't'e. ¹⁵ Xàè gots'ò K'àowo weyatìì ghàà dū hanaxèts'edi: goxì jlaà dū nèk'e ts'eeda et'ìì gots'ò K'àowo nòqtla nùdè, Nòhtsì wets'qò dq ełaàgùdèè sùì gìkwe-t'ìì gots'ò K'àowo ts'ò nìts'edè ha nùile. ¹⁶ Gots'ò K'àowo ededì xàè yak'e gots'qò hodàetla ha hq't'e. Nòhtsì wets'qò dechìshì hòt'ò dedì ha, eyits'qò yak'eet'ìdèè hòt'ò xàyahtì ha. Èkòet'ìì dq Zezì gìgha ehkw'ì-ahodìì xè ełaàgùdèè sùì ededì t'akwełqò nagìdà ha. ¹⁷ Eyì t'axqò goxì jlaà dū nèk'e ts'eedaa sùì jdòò k'oh yìì ts'ò nets'ìdèè ha, ekqò gìxè eyits'qò gots'ò K'àowo wexè jdòò yat'a gñihdqò ts'eedèè ha. Eyits'qò welqò wìlè ts'ò gots'ò K'àowo wexè ats'ìt'e ha hq't'e. ¹⁸ Eyit'à eyì yatìì t'à nezìì ełets'qò goahde xè ehñì nàtsoò aahle.

5

¹ Sèot'ɔ, ayi sadzeè k'e eyits'ɔ ayi dzeè k'e gots'ɔ K'àowo jɔ ts'ɔ anade ha si weghɔ naxits'ɔ ts'eetf'è-le kò. ² Eezɔ-dɔ to dɔ naahɔ dɔ kò goyaetla lanì gots'ɔ K'àowo hɔtsaa niitla ha hoti wek'èahsɔ hɔt'e. ³ Ekiiyè k'e dɔ du hagedi ha, "Ts'èwhɔ hòzɔ, goxè t'asagode ha niile," hagedi nɔdè hɔtsaa gidihòlè ha. Ts'èko webebìa gòhlè ha nik'w'o t'à hɔtsaa eya-elè lanì hɔtsaa gidihòlè ha, eyi ch'à kwigeehdè ha niile.

⁴ Hanikò sèot'ɔ, naxi si eyi gha naxixè togoòt'ò niile, eyit'à eyi dzeè k'e si eezɔ-dɔ naxinaahɔ naxikò goyaetla lanì naxit'ahk'e agode ha niile. ⁵ Naxi hazò dzeè gots'ɔ dɔ aah't'e. Togoòt'òo gots'ɔ dɔ ats'ut'e niile. Eyit'à Nòhtsi wets'ɔ dzeè nɔdɔ yi aahda. ⁶ Eyit'à dɔ gɔgha ehkw'1-ahodile si eki gete lanì geeda lats'ut'è-le. Eyit'à kexots'uhdi xè hoɔ niìwò ch'à edek'èts'uidi. ⁷ Dɔ getee si to gete hɔt'e, eyits'ɔ dɔ geèhdee si to geèhde hɔt'e. ⁸ Hanikò goxi si dzeè ts'ɔ dɔ ats'ut'e t'à, hoɔ niìwò ch'à edek'èts'uidi. Gogha ehkw'1-ahodi xè ełeghɔnets'eetɔ si wet'à godziwi k'e satsɔ whetɔ lanì. Eyits'ɔ Nòhtsi edaxàgole ha ts'ɔ kànets'eèzàa si wet'à satsɔ-ts'ah whats'eèhɔ lanì. ⁹ Nòhtsi si gosiniyaeh'ti eyits'ɔ nàgoehkwa gha gòihchi niile, hanikò gots'ɔ K'àowo Zezi-Kri gogha ehkw'1-ahodi t'à edaxàgole ha gòihchi hɔt'e. ¹⁰ Zezi gogha elawo hɔt'e, eyit'à ts'eadaa, elàats'edee, ehk'èè t'aats'ɔ wexè ts'eada ha agòlà hɔt'e. ¹¹ Eyit'à nezɔ elèts'ɔ goahde xè ehni nàtsò aahle, hòt'a aah't'ɔ lanì.

Nɔde xàyaeti

¹² Sèot'ɔ, dɔ naxi gha hòt'ò eghàlageadaa si gots'ɔ K'àowo wedahxà naxi gha k'aodèe gɔɔ eyits'ɔ hoɔ hoah'tsi ch'à naxits'ɔ gogedee si nezɔ gits'ɔ naahza. ¹³ Eyi la gighòt'ɔ ne t'à dɔ wet'aaazà gɔɔ k'èè nezɔ gits'ɔ naahza xè gighɔnaahɔ. Elèxè ts'èwhɔ aahda. ¹⁴ Sèot'ɔ, du naxi gha nàdats'eeti: Dɔ gots'egedee si yatì nàtsò gighàahza. Dɔ edègeeyi si gni nàtsò aahle, dɔ nàgetso-le si gits'aaahdi, dɔ hazò xè ts'èwhɔ k'ehoahza. ¹⁵ Dɔ naxits'ɔ ekɔ-le eghàlaada nɔdè ek'èt'à gits'ɔ ekɔ-le eghàlaahda-le, hanikò t'aats'ɔ elèts'ɔ nezɔ eghàlaahda ha k'ehoahza, eyits'ɔ dɔ hazò ts'ɔ aah't'e.

¹⁶ T'aats'ɔ siah't'ɔ xè ¹⁷ t'aats'ɔ yaah'ti. ¹⁸ Naxixè dani k'ehokw'oo si Nòhtsi masi wèahdi. Naxi Zezi xè aahdaa si Nòhtsi hani aahda ha naxi hwhɔ.

¹⁹ Yedayeh Nezɔ naxidzeè yi kò dèk'ò lanì eghàlaadaa si wekò naahkw'1-le. ²⁰ Yedayeh Nezɔ wedahxà dɔ gode nɔdè, eki ahodi dahwhɔ-le. ²¹ Hanikò t'asi hazò weahdzà. T'asi nezɔ si àahchi. ²² Nàwohɔ hazò xàzaa ch'à edek'èahdi.

²³ Nòhtsi ts'èwhɔ wehòhɔ si deghàa degai k'èè anaxile. Gots'ɔ K'àowo Zezi-Kri niitla gots'ɔ naxits'ɔ ni hazò,

naxidàqzhì hazqò, eyits'ò naxizhì hazqò hoḥḥ ch'à wek'èhodi ha weli. ²⁴ Amì naxikayaḥtu sù hotù edeyatù k'èdì hq't'e, eyits'ò yek'èè eghàlaeda ha hq't'e.

²⁵ Sèot'ḥ, gogha yaahtì. ²⁶ Nàowo degaì k'èè eḗahts'ì xè, “Nexè sìghà welè,” eḗahdì. ²⁷ Gots'ò K'àowo wedahxà naxits'ò dū haehsì: dū enḥt'è gòet'ì hazqò gits'ò wek'eyaahḥ ha.

²⁸ Gots'ò K'àowo Zezi-Krì naxits'ò sḡnìwq welè.

2 Thessalonica got'ụ gıts'ò aat'è

¹ Goxı Paul, Silas eyıts'ò Timothy, kòta Thessalonica ekọ Nòhtsı wecheekeè Nòhtsı-Gotà eyıts'ò Zezi-Krı xè agıtt'ee sını dı nıht'è gıts'ò ts'ıtt'è họt'e.

² Nòhtsı-Gotà eyıts'ò gots'ò K'àowo Zezi-Krı naxıts'ò sọgıwọ welè eyıts'ò naxıxè sịghà hòzọọ agıle.

Thessalonica got'ụ gha yats'ehı

³ Sèot'ı, denahk'e hòtt'ò naxıgha ehkw'ı-ahodı aahde xè naxıdzeè t'à dezọọ ełeghọniahtọ t'à t'aats'ọọ naxıgha Nòhtsı ması wets'ıhwhọ ha họt'e. ⁴ Eyı-le kòta Nòhtsı wecheekeè, dànı danaxegıhza eyıts'ò naxıxè hoıla kò ıha naxıgha ehkw'ı-ahodı k'èè aahdaa sını ghọ xadahots'edı.

⁵ Eyı hazọọ weghàà Nòhtsı ehkw'ı naxısınıyaehtı sını wek'ets'eezọ họt'e. Nòhtsı Wenàowoò k'èè hòzọọ sını gha daahzaà anaxııdlà t'à ekọ goyaahde ha edegha deahnọ k'èè naxıtà. ⁶ Nòhtsı sını ehkw'ı dọ sınıyaehtı họt'e. Dọ naxıgha hoıla hogehtsı sını ek'èt'à gots'ò hoıla hohtsı ha họt'e, ⁷ eyıts'ò naxıgha hoılaa sını naxıxè ts'èwhı hòzọọ ayele ha, goxı sı goxè hagole ha. Gots'ò K'àowo Zezi yak'e gots'ò wègoèht'ı nıdè goxè hagode ha. Ekò nıdè kọwoò nàtsoo xè yak'eet'ı nàgetsoo wemọọ gıgoèht'ı ha. ⁸ Ekò nıdè dọ Nòhtsı k'ègeezọ-le xè gots'ò K'àowo Zezi wegodı nezı k'èagıtt'e-le sını dagızaà agole ha. ⁹ Eyıt'à welọ while ts'ò dagıza xè gıdıhoè ha, eyıts'ò gots'ò K'àowo ts'ò nıwà geèhk'w'eè agedle ha. Nòhtsı enıyah t'à nàtsoo xè t'ası wegħa dı-le wehòhọọ sını hogezi họt'ı ha nıle. ¹⁰ Zezi jọ nọtt'aa dzeè k'e nıdè wets'ò dọ degı gıghàsọedı ha, eyıts'ò dọ gıgha ehkw'ı-ahodı sını gıxè enıyah deè ha họt'e. Godı nezı naxıts'ò nèt'sızzọ sını naxıgha ehkw'ı-ahodı t'à naxı sı naxıxè agode ha họt'e.

¹¹ Eyı weghọ nànts'edè xè t'aats'ọọ naxıgha Nòhtsı ts'ò yats'ehı họt'e. Nòhtsı edets'ò naxıkayıhtı gha dọ nezı aahı k'èè naxıtà weli, eyıts'ò t'ası wegħa dı-le t'à t'ası wegħa weghàlaahda ha dahwhọ sını hazọọ naxıgha deghàà ayıle, eyıts'ò naxıgha ehkw'ı-ahodı k'èè nezı eghàlaahdaa sını hazọọ naxıgha deghàà ayıle. ¹² Hanı naxıgha yats'ehı, hanı-ıdè gots'ò K'àowo Zezi-Krı weghàsọhoedı aahle ha, eyıts'ò naxı sı wexè naxıghàsọhodı ha. Nòhtsı eyıts'ò gots'ò K'àowo Zezi-Krı naxıts'ò sọgıwọ t'à naxıxè hagode gha yats'ehı họt'e.

2

Dọ weju Nòhtsı k'èch'a hohtsı

¹ Sèot'ɲ, gots'ò K'àowo nùtla ha eyits'ò wexè làà nèts'ɲdè ha sù eyi ghò naxits'ò gots'ede ha ts'ɲwò. ² Dò mòhdaa ekì ts'edù yatù t'à naxita k'egedè. Nòhtsɲ weyatù gighòt'ò gedi t'à, hanì-le-ɲdè goxɲ godì gighàts'ɲzò gedi t'à, hanì-le-ɲdè enɲhtl'è naxits'ò ts'ɲtl'è gedi t'à gogedeè-agedi. Gots'ò K'àowo hòt'a nùtla ɲlèe ne naxègedi, hanikò eyi ghò nàniàhdè xè naxigha gots'eèdì ha ts'ɲwò-le. ³ T'asì wɲzì t'à dò wɲzì naxighoyagɲzà sòò. Dò lò Nòhtsɲ k'èch'a hogehtsɲ gots'ò, eyits'ò dò weju Nòhtsɲ k'èch'a hohtsɲ sù wek'èhoedzòò ade gots'ò, eyi dzeè nèhòkw'ì ha nùle. Eyì dò weju sù wedihoè awedle ha hòt'e. ⁴ Eyì dò weju sù t'asì hazòò dò Nòhtsɲ gít'ɲ sù eyits'ò t'asì hazòò ts'ò yagehtù sù k'èch'a k'èhoza xè gɲnahk'e ehɲ hadì ha. Eyit'à Nòhtsɲkò-gocho goyù wheda gà Nòhtsɲ aht'e edèhdì ha.

⁵ Naxixè whìhda ekò eyi hazòò naxits'ò haehsɲ ɲlè. Asì we-naahdì? ⁶ Eyì dò weju sù ayì ts'ìhzò ɲlè nùtla-le sù wek'èahsò hòt'e, ehkw'ì nèhòwo nɲdè wègoèht'ì ha. ⁷ Dii hòt'a dezì Nòhtsɲ k'èch'a eghàlaeda hòt'e, hanikò amì dui nèk'e wègoèt'ì ch'à ayìhwhòò sù ɲòò awedle gots'ò ɲlè ɲdè ayìhwhò ha hòt'e. ⁸ Eyì t'axòò-ɲdè eyi dò weju sù wègoèt'ì ha. Hanikò gots'ò K'àowo Zezì nùtla nɲdè, ededaàzhì t'à yek'e ehsò t'à yeghøehné ha eyits'ò enɲyah deè t'à yedihohtsɲ ha. ⁹ Eyì dò weju nùtla nɲdè wehɲ wedahxà eghàlaeda ha, ts'àhohtsɲ xè enɲyah deè hohtsɲ ha, eyit'à dò ghoyaezà ha. ¹⁰ Dò gidìhoè ha sù hoɲ nàowo hazòò xàzaa t'à goghoyaezà ha. Nàowo ehkw'ù ghønegeètò-le xè edaxàgeeze ha gɲwò-le t'à gidìhoè ha. ¹¹ Nàowo ehkw'ù gɲwò-le ts'ìhzò Nòhtsɲ t'asì enɲyah xè goghoyaezàa sù gezì agole ha, eyit'à dò weju gots'ò hots'ì kò gɲgha ehkw'ì-ahodì ha. ¹² Eyì dò hazòò nàowo ehkw'ù gɲgha ehkw'ì-ahodì-le, hanikò t'asì weju zò ts'ò nàgetso xè hoɲ gɲgha nezì, eyit'à eɲàgede gha gɲsɲniyaeti ha hòt'e.

Naxini nàtsoò aahwhò

¹³ Hanikò sèot'ɲ, naxì gots'ò K'àowo naxighøneètòò sù kèhòòwo gots'ò edaxànaxeeze ha naxìhchì hòt'e t'à, t'aats'òò naxigha Nòhtsɲ masi wets'ɲhwhò hòt'e. Yedàyeh Nezù sù Nòhtsɲ wets'ò dò degai aahɲ anaxìlè t'à eyits'ò naxigha ehkw'ì-ahodì t'à edaxànaɲlè hòt'e. ¹⁴ Godì nezù hoghàxets'eèhtò eyi wet'à Nòhtsɲ naxikayah̀tì hòt'e, hanì-ɲdè gots'ò K'àowo Zezì-Krì dànì wexè enɲyah hòzòò sù wexè hanì naxixè hòzòò ayele ha hòt'e. ¹⁵ Eyit'à sèot'ɲ, nàowo hoghàxets'eèhtòò sù weghò naxini nàtso aahwhò. Goyatù t'à hanì-le-ɲdè enɲhtl'è t'à ayì hoghàxets'eèhtòò sù wedeahchì sòò.

¹⁶ Nòhtsɲ-Gotà goghøneètòò sù wesòniwò t'à welò while ts'ò ts'eeda ha edeyatù nàtsoo goghàzò, eyits'ò wet'à goini nàtsoò agòòlè. Gots'ò K'àowo Zezì-Krì xàè ededì eyits'ò Nòhtsɲ-Gotà

17 hotù naxıdzeè nàtsoò agule, eyıts'ò wet'à t'aats'òò nezıı eghàlaahda gha, eyıts'ò wet'à nezıı goahde gha nàahtso welè.

3

Gogha yaahti

¹ Sèot'ıı, nõode t'à dıı hanaxèehsı ha dehwhò: Gots'ò K'àowo wegodıı nezıı sıı ıwhàà dọ ta ts'ò ats'ele gha, eyıts'ò naxıxè hagòjà lanı dọ gıghò sıghà agedı xè gık'èè geeda gha, gogha yaahti. ² Eyıts'ò Nòhtsı dọıı gots'ò hoıla hogehtsı ch'à agole ha gogha yaahti, dọ hazòò gıgha ehkw'ı-ahodı nıle t'à. ³ Hanıkò gots'ò K'àowo hotıı edeyatıı k'èdì họt'e, naxıdzeè nàtsoò anaxııle xè, wehıı ch'à naxık'èdì ha họt'e. ⁴ Dànı aahda ha naxèts'edı ıleè sıı hanı aahda xè ılaà haaht'ıı sıı gots'ò K'àowo wet'òò eyı hotıı gogha ehkw'ı-ahodı họt'e. ⁵ Nòhtsı dànı goghòneètòò wek'èè gots'ò K'àowo naxıdzeè t'à ełghònahtòò anaxııle, eyıts'ò Zezi-Krı weggha hoıla kò dànı edını nàtso ayııhwhò k'èè gots'ò K'àowo naxını nàtsoò ayııle.

Dọ eghàlaeda ha nıwò-le sıı shètı ha-le

⁶ Sèot'ıı, gots'ò K'àowo Zezi-Krı wıızı t'à dıı hanaxèts'edı: Naxıta dọ eghàlaeda ha nıwò-le xè ayıı hoghànaxets'eèhtò k'èè eda-le nıdè wexè aah'tı-le. ⁷ Dànı naxıdàà ts'ıdàa sıı goxèht'eè aahda ha hotıı wek'èahsò họt'e. Naxıxè ats'ııt'e ekò hòt'ò eghàlats'ıdà ıle, ekıı ts'aàkw'è whıle, ⁸ eyıts'ò nàts'eèhdı-le t'à dọ wıızı wedıı ts'ıdà whıle. Hats'ejà whıle. Naxıta dọ wıızı gha hoezhı ats'ele ha ts'ıwò-le t'à, toò, dzeè, ehk'èè hòt'ò eghàlats'ıdà ıle. ⁹ Gots'àahdı naxèts'edı ha gogha ehkw'ı ıle kò hanı ha ts'ıwò-le ıle. Goxèahzı ha ts'ıhòò hanı edets'ò eghàlats'ıdà. ¹⁰ T'akwe naxıxè ts'aàkw'èè ekò dıı nàowo naxıghàts'ıdò ıle, “Dọ eghàlaeda ha nıwò-le sıı shètı ha nıle,” ts'edı ıle.

¹¹ Naxıta dọ mòhdaa gots'egeedıı xè edets'àgedı ha gıwò-le, eyıts'ò dọ gıdı-le sıı ghò gogede, wegghò ets'ııkw'o họt'e. ¹² Dọ hanı sıı gots'ò K'àowo Zezi-Krı wedahxà dıı hats'edıı gıghònàdats'eeti, “Haaht'ı-le xè edewà-aahdı gha eghàlaahda,” gıts'edı họt'e. ¹³ Ekò naxı, sèot'ıı, dıı yatı naxıghàehzà ha: ehkw'ı eghàlaahdaa sıı wegghò naah't'è sòò.

¹⁴ Dıı enıht'è t'à dānaxèts'edıı sıı dọ yek'èıt'e ha-le nıwòò nıdè nàweahzò. Edeghò ıızhaelıı ade ha t'à wexè aah'tı-le. ¹⁵ Hanıkò dọ naxıts'ò xànıza k'èè wets'ò naahza-le, hanıkò gòet'ıı lanı yatı nàtsoo t'à wets'ò goahde.

Naxıxè sıghà welè

¹⁶ Nõode naxıts'ò xàyahti gha sıı gots'ò K'àowo ts'èwhıı wehòhòò sıı t'aats'òò naxıxè ts'èwhıı hòòò ayııle. Gots'ò K'àowo naxıxè welè.

¹⁷ Sɪ Paul xàè sɪlà t'à dɪ yati nɔqde naxɪts'ò eehtɪ'è hɔt'e.
Senɪhtɪ'è hazqò welɔ hanì dek'enèehtɪ'è hɔt'e.

¹⁸ Gots'ò K'àowo Zezì-Krɪ naxɪts'ò sɔnɪwɔ welè.

1 Timothy ts'ò aat'l'è

¹ Sɿ Paul, Nòhtsɿ Edaxàgolee sɿ eyits'ò Zezì-Krɿ wet'òò welo while ts'ò ts'eeda ha sɿ gɿdahxà Zezì-Krɿ wecheekeèdeè aht'e.

² Timothy, nets'ò eeht'l'è. Sexè Zezì-Krɿ gha eghàlajda t'à, xàè seza lanet'e. Nòhtsɿ-Gotà eyits'ò Zezì-Krɿ nets'ò sɿgɿwɿ welè, etenegeèzɿ welè, eyits'ò nexè sɿghà hòzòò agule.

Dò Moses wenàowoò hoghàgogehtò sɿ gɿxonehdt

³ Macedonia nèk'e nawhihtla ekò kòta Ephesus wheèda nèehsɿ jlè. Hhà ekò wheèda ha dehwhò. Hanì-ɿdè dò mòhdaa nàowo ekò-le t'à dò hoghàgogehtò sɿ haget'ɿ ha-le gɿdɿ. ⁴ Ekɿ godɿ hòèlɿ t'à eyits'ò gòet'ɿ gɿzɿ lɿ dek'eèht'l'è hanɿ t'à dò hoghàgɿahtò-le, gɿdɿ. Eyɿ hanɿ ts'ɿhzò dò elets'ò nàyagehtɿ t'à Nòhtsɿ wɿlaà k'èè dò hoghàgeetò-le; gogha ehkw'ɿ-ahodɿ zò t'à Nòhtsɿ wɿlaà ghàlats'eeda hɿt'e. ⁵ Ełeghɿnɿahtò ha dehwhò t'à eyɿ yatɿ naxɿghàehzò. Godzeè yɿ hołɿ while xè, goinì nezɿ xè, eyits'ò hotɿ gogha ehkw'ɿ-ahodɿ xè ełeghɿnets'eetò ha hɿt'e. ⁶ Dò mòhdaa eyɿ nàowo gɿtò-le agejà, godɿ wet'àazà-le ts'ò t'l'ak'e geède. ⁷ Moses wenàowoò hoghàgogehtò ha gɿwɿ eyits'ò ayɿ ghò agedɿ sɿ hotɿ ehkw'ɿ ats'edɿ gɿwɿ, hanìkò ayɿ ghò gogedee sɿ gɿnedɿ-le.

⁸ Moses wenàowoò nezɿ hɿt'e wek'èts'eezò, hanìkò dò ehkw'ɿ yet'à eda nɿdè zò nezɿ hɿt'e. ⁹ Dò ehkw'ɿ geedaa sɿ nàowodeè gɿgha adlà nɿle, wek'èts'eezò, hanìkò dò eyɿ nàowo k'ègedɿ-le sɿ gɿgha adlà hɿt'e: nàowo-k'eezhì-dòò, dò k'èagɿt'e-le dòò, Nòhtsɿ gɿwɿ-le dòò, hołɿ-hogehtsɿ-dòò, hołɿ k'èè geedaa dòò, Nòhtsɿ nàowoò gɿtò-le dòò, dò edetà eyits'ò edemò ełàagehdee, eyits'ò dò-ełahdee-dòò, ¹⁰⁻¹¹ ełexè hołɿ hogehtsɿ dòò, dɿzhì hołɿ k'èè ełek'alagedèe dòò, dò gɿghò nàedɿ dòò, hogets'ɿ-dòò, eyits'ò nàyaetɿ gonɿ ehkw'ɿ xàyagehtɿ-le dòò. Dò hazòò Nòhtsɿ enɿyah t'à wegodɿ nezɿ k'èè hoghàgoetò k'èch'a eghàlageedaa sɿ gɿgha adlà hɿt'e. Nòhtsɿ weghàsɿts'eedɿ sɿ wegodɿ t'à dò hoghàgehtò ha setl'aà whezòò ayɿlà hɿt'e.

Nòhtsɿ wesɿnɿwò dezòò ts'ò Paul k'e ayɿlà

¹² Gots'ò K'àowo Zezì-Krɿ sedzeè t'à masì weehwhò. Sɿnì nàtsoò asɿlà t'à, ehkw'ɿ eghàlaedaa dòò aht'e sɿhwhò t'à, eyits'ò wegħa eghàlaehda ha sɿhchì t'à masì weehwhò. ¹³ Inèè Nòhtsɿ wek'èch'a xàyahtɿ jlèe, eyits'ò yɿdaeht'e t'à Nòhtsɿ wecheekeè dagɿhza jlè. Hanìkò dàht'ɿ-aht'ɿ sɿ wek'èehsò-le jlè eyits'ò segħa ehkw'ɿ-ahodɿ-le t'à hanì eghàlajda t'à Nòhtsɿ sets'ò wedzeè eteèzɿ jlè. ¹⁴ Zezì-Krɿ wets'ɿhzò Nòhtsɿ

deʒòò sets'ò sɔnɔwɔ t'à segha ehkw'1-ahodiì asìllà eyits'ò dɔ ghɔneehtòò asìllà.

¹⁵ Dɔ yati sɔ hoti ehkw'1 hot'e, dɔ hoti edegha gihchi ha hot'e: Zezi-Kri hoɔ-hogehtsɔ-dòò edaxàgole ha, dɔ nèk'e ts'ò aja. Sɔ sɔ gita gots'ò denahk'e hoɔ-hohtsɔ-dòò aht'e ìlè. ¹⁶ Eyɔ ts'ihzò Nòhtsɔ sets'ò wedzeè eteèzɔ ìlè. Sɔ hoɔ-hohtsɔ-dòò aht'e ìlè kò, set'à, dɔ hazòò ts'ò wedzeè nezɔ xè ts'èwhɔ godanaèhɔ sɔ wek'èedzòò adiìdlà. Sexè ts'èwhɔ nɔwɔ t'à, dɔ gɔgha ehkw'1-ahodi sɔ, eyits'ò welɔ while ts'ò geeda agiìdlà sɔ Nòhtsɔ dɔ xè sɔ ts'èwhɔ nɔwɔ gɔk'èezòò agòòlè. ¹⁷ Gots'ò K'àowochò welɔ while ts'ò edaa, eladiì ade-le, eyits'ò wègaat'ɔ-le sɔ, weghàsɔts'eedi welè. Gonòhtsɔ ìlaet'ee zò sɔ welɔ while ts'ò wexè eniyyah welè. Amen.

¹⁸ Timothy seza lanet'e, Yedàyeh Nezɔ dahxà neghò nadaà xàyagɔhti ìlè k'èè yati neghàehzà ha. Dɔ yati nets'ò eeht'èè sɔ wek'ènedi nɔdè, nini nàtso xè nàowo ehkw'1 gha hòt'ò eghàlajda ha, ¹⁹ eyits'ò nini nezɔ xè negha ehkw'1-ahodi k'èè ìda ha. Dɔ mòhdaa hanì geeda-le agejà t'à Zezi gɔgha ehkw'1-ahodi-le agejà. Elà kwe k'e wetait'1 lagɔt'e. ²⁰ Hymenaeus eyits'ò Alexander gɔxè hagòjà. Wehɔ ghàgèehla, hanì-ìdè Nòhtsɔ k'èch'a gogede ha-le gha hoghàgeetò ha weli.

2

Dàni elèxè nezɔ yats'ehti

¹ Eyɔ t'akwelòò dɔ hazòò gha hòt'ò yaahti: gɔgha Nòhtsɔ weahkè, gɔgha nàdaahti, eyits'ò gɔgha masi dahdi. ² K'àowochò hazòò, eyits'ò dɔ nèk'e gogha k'aodèe gɔgha hazòò gɔgha yaahti, hanì-ìdè ts'èwhɔ ts'eeda xè ts'èwhɔ goxè hòzò ha, eyits'ò Nòhtsɔ wegga degai k'èè ts'eeda ha. ³ Hats'et'ɔ sɔ nezɔ hot'e eyits'ò Nòhtsɔ Edaxàgolee elɔ sɔ yeghò sɔghà anɔwɔ hot'e. ⁴ Dɔ hazòò edaxàgeedè ha nɔwɔ, eyits'ò nàowo ehkw'1 k'ègeezò xè giniedì ha nɔwɔ. ⁵ Nòhtsɔ ìlè zò gòhɔ, eyits'ò dɔ ìlè zò Nòhtsɔ eyits'ò dɔ gogha tanì wheda hot'e, eyɔ dɔ sɔ Zezi-Kri hot'e. ⁶ Dɔ hazòò gihòhɔ gɔghò nahoezhe gha elajwo. Ehkw'1 nihòqwo ekò Nòhtsɔ dɔ ts'ò wek'èhoedzòò ayìllà. ⁷ Eyɔ weghò gohde ha t'à wecheekeèdè ehɔ ha sɔhchi, eyits'ò dɔ Israel got'ɔ agɔt'e-le sɔ nàowo ehkw'1 k'èè Nòhtsɔ gɔgha ehkw'1-ahodi ha hoghàgeetò. Ehkw'1 naxits'ò haehsɔ, hohts'ì gohde nùle.

⁸ Hazòò ts'ò dɔ edilà degai ìdòò agɔhwhò xè yagehti ha geehwhò. Elèts'ò gich'ee eyits'ò elèts'ò nàyagehtɔ sɔ wedè agule.

⁹ Ts'èko sɔ ehkw'1 k'èè nàgeht'ɔ ha hot'e. Deʒòò edekwìghà degèht'ɔ-le kò, t'asɔ sòmbaekwo eyits'ò sòmbakweè t'à hòlɔ sɔ t'à-aget'ɔ-le kò, eyits'ò goht'ò dètɔ t'à-aget'ɔ-le kò.

¹⁰ Hanikò ts'èko Nòhtsɪ gha ts'eeda gedu sɪ yek'èè geeda ha hɔt'e eyits'ɔ nezɪ k'ehogɛza ha hɔt'e.

¹¹ Ts'èko sɪ ts'èwhɪ t'asɪ hoghàduɔ eyits'ɔ t'aats'ɔò ìkw'o ha. ¹² Ts'èko sɪ dɔzhɪ hoghàgeehɔ ha-le eyits'ɔ dɔzhɪ gha k'àowo gɪɪ ha geehwhɔ-le, hanikò ts'èwhɪ agɪt'e ha hɔt'e. ¹³ Adò t'akweɔò wehòèɪ ne wek'èts'eezɔ, eyɪ t'axɔò Eve wehòèɪ. ¹⁴ Eyits'ɔ Adò ededɪ weghɔyahoòɔɔ nɪle. Ts'èko sɪ weghɔyahoòɔɔ t'à Nòhtsɪ k'èch'a hoɪ hòèhtsɪ hɔt'e. ¹⁵ Hanikò ts'èko gɪzaa gòhɪ t'à dagɪza xè t'aats'ɔò gɪgha ehkw'ɪ-ahodɪ nɪdè, dɔ ghɔnegeèɔ nɪdè, degaɪ nàowoò k'èè geeda nɪdè, eyits'ɔ edeghɔ xàdahogedɪ-le nɪdè, edaxàgeedè ha hɔt'e.

3

Dɔ gɪgha ehkw'ɪ-ahodu gha k'aodèe gɪɪ eyits'ɔ gots'àgedu-dòò gɪɪ

¹ Du yatɪ sɪ hotɪ ehkw'ɪ hɔt'e: Dɔ gɪgha ehkw'ɪ-ahodu gha k'àowo wehè dɔ hòt'ò hanɪwɔ nɪdè, la wet'aaɔaa-deè ghɔ hòt'ò anɪwɔ hɔt'e. ² Nòhtsɪ wecheekè gha k'àowo elɪ sɪ weghɔ godɪ nezɪ-le gòhɪ ha nɪle. Wets'èkèè jè zɔ gòhɪ xè ehkw'ɪ eda ha, hotɪ edexoehɪ ha, nàowoɪ ch'à edek'èdɪ xè dɔ nezɪ gɪts'ò naza ha, wekò dɔ gha enìxànuɔ ayɪhwhɔ ha, eyits'ɔ nezɪ dɔ hoghàehɔò elɪ ha hɔt'e. ³ Yeèhdee-dòò elɪ ha-le, winì nàitlo ha-le, hanikò dɔ ts'ò wedzeè nezɪ ha, dɔ ts'ò nàyaehɪ ha-le, eyits'ɔ sòmba gha edɪ ha-le. ⁴ Edekò nezɪ gok'èdɪ ha, weza gɪk'èɪt'e xè nezɪ gɪts'ò naza gha hoghàgoehɔ ha. ⁵ (Dò edekò nezɪ gok'èdɪ k'èezɔ-le nɪdè dànɪ Nòhtsɪ wecheekè gok'èdɪ weli?) ⁶ Dò diihk'òà gots'ɔ wegħa ehkw'ɪ-ahodɪ ajàa sɪ Nòhtsɪ wecheekè gha k'àowo elɪ ha nɪle, hajà nɪdè xàhodɪ ade ha sɔnɪ, eyits'ɔ wehɪ xèht'eè wesnɪyaetɪ ha. ⁷ Dò gɪgha ehkw'ɪ-ahodɪ-le sɪ gɪghɔ nezɪ agɪwɔ ha hɔt'e. Hanɪ-le-ɪdè edahxɔ godɪ nezɪ-le t'à gɪghɔ gode t'à, wehɪ yedaèt'e ha sɔnɪ.

⁸ Eyɪ lanì k'aodèe ts'àgedu gɪɪ sɪ ehkw'ɪ geeda ha hɔt'e, hanɪ-ɪdè dɔ nezɪ gots'ɔ nageza ha. Eyɪ dɔ hanɪ sɪ gidzeè ehkw'ɪ ha hɔt'e, jìetɪ geedè ha-le, eyits'ɔ t'asɪ ghɔ egedɪ-le ha-le xè dɔ ghɔyageezà ha nɪle. ⁹ Nòhtsɪ wenàowoò ehkw'ɪ hoghàgoèɔ sɪ hotɪ gɪk'èdɪ weli eyits'ɔ weghɔ edɪnɪ ehkw'ɪ agɪhwhɔ ha hɔt'e. ¹⁰ K'aodèe ts'àgedu gɪɪ ha nɪdè t'akweɔò gogeèhdzà ha hɔt'e. T'asɪ weju goghɔ gɪgòhɔ-le nɪdè, k'aodèe ts'àgedu gɪɪ ha dii-le.

¹¹ Eyɪ xèht'eè gɪts'èkèè ehkw'ɪ geeda ha hɔt'e, hanɪ-ɪdè dɔ nezɪ gots'ɔ nageza ha. Yatɪɪ t'à dɔ ghɔ gogede ha-le, edexogɪhɪ ha, eyits'ɔ ehkw'ɪ nàhogeħwho gha gɪtà ha hɔt'e.

¹² K'aodèe ts'àdu elɪ sɪ wets'èkèè jè zɔ gòhɪ ha hɔt'e. Edekò eyits'ɔ edeza nezɪ gok'èdɪ ha hɔt'e. ¹³ Dò ts'àgedu gɪɪ sɪ

nezɪ̀ edilaà ghàlageeda nɪ̀dè dɔ nezɪ̀ gots'ò nageza ha, eyits'ò denahk'e Zezi-Kri gha gɪ̀ni nàtsoò ade ha.

¹⁴ Whaà-le-t'ìì nets'àntɫa ha sɔ̀ni kò, dɪ̀ yatɪ̀ weghàà k'ehɔ̀ɪza gha nets'ò eehtɫ'è hɔ̀t'e. ¹⁵ T'asɪ̀ ts'ihzò ɪ̀whàà nets'ò ahjà-le nɪ̀dè eyɪ̀ nɪ̀htɫ'è weghàà dàni Nòhtsɪ̀ wets'ò dɔ k'ehogezaa sɪ̀ wek'èizɔ̀ ha. Nòhtsɪ̀ wets'ò dɔ sɪ̀ Nòhtsɪ̀ edaa wecheekeè agɪ̀t'e; yietɫ'aà whetɔ̀ kò yàitò lanì wecheekeè Nòhtsɪ̀ wenàowoò ehkw'ɪ̀ k'ègedi hɔ̀t'e. ¹⁶ Nòhtsɪ̀ Zezi weghɔ̀ ayɪ̀ k'èts'eezɔ̀ agòòlàa sɪ̀ sɪ̀ enɪ̀yah dɪ̀:

Dɔ k'èè wègoèht'ɪ̀,

Yedàyeh Nezɪ̀ ehkw'ɪ̀ eghàlɔ̀dà yeghɔ̀ hadɪ̀,
yak'eet'ɪ̀ ts'ò wègoèht'ɪ̀,

wegodɪ̀ dɔ hazòò xàzaa ts'ò nègɪ̀zɔ̀,
hazòò nèk'e wegodɪ̀ dɔ gɪ̀gha ehkw'ɪ̀-ahodɪ̀,
eyits'ò enɪ̀yah xè ɪ̀dòò yak'e ts'ò nɪ̀wɪ̀tɪ̀.

4

Timothy ayɪ̀ dàyele ha hɔ̀t'e

¹ Yedàyeh Nezɪ̀ hotɪ̀ dɪ̀ hadɪ̀: Nɔ̀ɔde dzeè ts'ò hawe nɪ̀dè dɔ mòhdaa yatɪ̀ ehkw'ɪ̀ sɪ̀ wedè agele ha. ɪ̀ni eghɔ̀yaezaa sɪ̀ k'èagɪ̀t'e ha, eyits'ò ɪ̀nɪ̀ nàowoò k'èè geeda ha. ² Dɔ negezi-le sɪ̀ eyɪ̀ nàowo dɔ hoghàgogeehtɔ̀ hɔ̀t'e. Eyɪ̀ dɔ nezɪ̀ gɪ̀gaat'ɪ̀ hanikò hogets'ɪ̀ agɪ̀t'e. Gɪ̀ni eɫɔ̀dèe lanì, ayɪ̀ ehkw'ɪ̀ eyits'ò ayɪ̀ ekɔ̀-le sɪ̀ gɪ̀niehdi-le. ³ Hots'et'ɪ̀ sɪ̀ ehkw'ɪ̀ nɪ̀le gedɪ̀ ha, eyits'ò weghɔ̀ shèts'ezhee mòhdaa geza-le agogehzɪ̀ ha. Nòhtsɪ̀ weghɔ̀ shèts'ezhee yèhtsɪ̀ hɔ̀t'e, eyit'à dɔ gɪ̀gha ehkw'ɪ̀-ahodɪ̀ xè nàowo ehkw'ɪ̀ k'ègeezɔ̀ sɪ̀ gɪ̀ghɔ̀ shèzhe xè weghɔ̀ masɪ̀ gɪ̀wɔ̀ ha hɔ̀t'e. ⁴ Nòhtsɪ̀ t'asɪ̀ hazòò whehtsɪ̀ sɪ̀ nezɪ̀ hɔ̀t'e, t'asɪ̀ wɪ̀zɪ̀ wedè ats'ele ha nɪ̀le, shèts'ezhe xè weghɔ̀ masɪ̀ ts'ɪ̀wɔ̀ ha hɔ̀t'e. ⁵ Nòhtsɪ̀ weyatɪ̀ t'à eyits'ò goxɪ̀ xàyats'ehtɪ̀ t'à degaɪ̀ adlà hɔ̀t'e.

⁶ Gòet'ɪ̀ hanì hoghàgɪ̀htɔ̀ nɪ̀dè, Zezi-Kri wegħa nezɪ̀ eghàlɔ̀dà ha hɔ̀t'e. Haat'ɪ̀ nɪ̀dè Zezi-Kri weyatɪ̀ ehkw'ɪ̀ wet'à negeèhsɔ̀ sɪ̀ wek'èè anet'ɪ̀ hɔ̀t'e, eyits'ò ayɪ̀ ehkw'ɪ̀ hoghàneètɔ̀ xè ayɪ̀ wek'èaneet'èe sɪ̀ wek'èè eghàlɔ̀dà ha hɔ̀t'e. ⁷ Godɪ̀ wet'àazà-le, eyits'ò godɪ̀ Nòhtsɪ̀ ts'ò nɪ̀le sɪ̀ wedè anele, hanikò Nòhtsɪ̀ wɪ̀nì k'èè ɪ̀da gha hòt'ò eghàlɔ̀dà. ⁸ Gozhɪ̀ hòt'ò eghàlaeda ats'ehzɪ̀ sɪ̀ yaazea zɔ̀ wet'àazà, ekò Nòhtsɪ̀ wɪ̀nì k'èè ts'eedaa sɪ̀ t'asɪ̀ hazòò gha wet'àazà hɔ̀t'e, dɪ̀ ts'eedaa gha eyits'ò ɪ̀daà ts'eeda gha Nòhtsɪ̀ edeyatɪ̀ goghàzɔ̀ ne t'à.

⁹ Eyɪ̀ yatɪ̀ sɪ̀ hotɪ̀ ehkw'ɪ̀ hɔ̀t'e, dɔ hotɪ̀ edegħa gɪ̀hchi welì. ¹⁰ Eyit'à wek'èè hòt'ò eghàlats'eeda xè wet'à dats'ɪ̀za, Nòhtsɪ̀ edaa sɪ̀ wegħa goɪ̀ni nàtsoò ats'ɪ̀lɔ̀ t'à. Nòhtsɪ̀ sɪ̀ dɪ̀ nèk'e ts'ò dɔ hazòò edaxàlee elɪ̀ hɔ̀t'e, eyits'ò dɔ gɪ̀gha ehkw'ɪ̀-ahodɪ̀ sɪ̀ denahk'e edaxàgole hɔ̀t'e.

¹¹ Eyɪ yati dɔ hoghàgɪhtɔ xè wek'èaht'e gɪɪdi. ¹² Cheko anet'e t'à dɔ negɪhwɪhɔ-le kò gɪts'ɔnɪzà-le, hanikò ɲlaà dɔ nezɪ k'èè ɲda. Eyit'à dàɪdɪ goɪdee, dànì k'ehɔɪzàa, dànì dɔ ghɔneètɔɔ, dànì negha ehkw'ɪ-ahodɪ xè degai k'èè ɲda nɪdè, dɔ nexègeɪ ha dii-le hɔt'e. ¹³ Nets'ò nèehtɲa gots'ò, nɪnì nàtso xè gɪts'ò Nòhtsɪ Nɪht'è k'eyaɲhti, wet'à gɪts'ò goɪde, eyits'ò wet'à hoghàgɪhtɔ. ¹⁴ Ayɪ neghòt'ɔɔ sɪ wek'èè eghàlɪda, wedɛ anele-le. Nòhtsɪ wets'ò dɔ k'aodèe edilà nek'e agɪlà ekò Yedàyeh Nezɪ dahxà neghò xàyagɪhti ɲè hɔt'e.

¹⁵ Eyɪ hazòò hòt'ò weghàlɪda ha hɔt'e, eyits'ò wegħa nɪnì nàtso anehwɪhɔ, hanì-ɲdè dànì Nòhtsɪ yati t'à nànetsoò anejàa sɪ dɔ hazòò gɪk'èezɔ ha. ¹⁶ Eyit'à dànì ɲdaa eyits'ò ayɪ dɔ hoghàgɪhtɔ sɪ t'à hotù edexonehdi. Nàowo ehkw'ɪ t'aats'òò netò. Hanì ɲda nɪdè edaxàdɪtè ha, eyits'ò dɔ negeèhkw'òò sɪ edaxàgɪle ha.

5

Paul dɔ mòhdaa dànì geeda ghɔ xàyaɲhti

¹ Qhdah ekɔ-le hòèhtsɪ nɪdè yati nàtsoo t'à wets'ò goɪde-le, hanikò netà ts'ò goɪde lanì weghɔnàdɲti. Eyits'ò cheko sɪ nechɪ lanì gɪts'ò k'ehɔɪzà. ² Ts'èko qhdaà sɪ nemɔ lagɪhwɪhɔ, eyits'ò t'eeko sɪ nedè lagɪhwɪhɔ; gɪts'ò nɪnì-ɲɪ welè-le.

³ Ts'èko gɪdòò èlɲdèe sɪ gɪk'èdì wɪlè nɪdè hotù nezɪ gɪts'ààdi. ⁴ Ekò gɪza eyits'ò gɪchàà gòhɪ nɪdè ededɪ t'akwelòò edèot'ɪ ts'àgedi ha hoghàdegɪtɔ. Gɪgha ehkw'ɪ-ahodɪ k'èè edèot'ɪ k'ègedi ha hɔt'e. Edèot'ɪ ts'ò hanì geeda nɪdè ek'èt'à t'asɪ goghògele lanì ha hɔt'e, eyits'ò Nòhtsɪ eyɪ ghɔ sɪghà anɪwɔ hɔt'e. ⁵ Ts'èko gɪdòò èlɲdèe, sɪ etegeèt'ɪ xè dɔ wɪzɪ gok'èdì-le sɪ hotù Nòhtsɪ ghɔ hòt'ò agɪwɔ ha hɔt'e. Nòhtsɪ gots'adi għa toò, dzeè ehk'èè t'aats'òò Nòhtsɪ ts'ò yagehti welì. ⁶ Hanikò ts'èko gɪdòò èlɲdèe sɪ sigoèt'ɪ zɔ gɪwɔ nɪdè, ɲlaà geeda et'ù dɔ èlɲdèe lagɪt'e. ⁷ Dɪɪ yati wet'à ts'eadaa sɪ dɔ gɪghàɲzà, hanì-ɲdè dɔ wɪzɪ gok'e nìdahogeezà ha-le. ⁸ Dɔ edèot'ɪ ts'àgedɪ-le, xàè edèot'ɪ gots'àgedɪ-le nɪdè ayɪ wegħa ehkw'ɪ-ahodɪ sɪ k'èè eda nɪle. Dɔ wegħa ehkw'ɪ-ahodɪ-le nahk'e ekɔ-le hòèhtsɪ hɔt'e.

⁹ Ts'èko gɪdòò èlɲdèe eyits'ò ek'ètaènɔ daats'ò gɪghòò sɪ ededɪ zɔ gɪzɪ dek'èèht'è aahlè. Gɪdòò ɲè zɔ gòɲlèe xè ededòò xè ehkw'ɪ gɪdà nɪdè, ¹⁰ eyits'ò dɔ ts'ò nezɪ eghàlageeda għa gɪk'èhoedzɔ nɪdè, nezɪ chekoa geèhsɔ nɪdè, wekò dɔ għa enìxànɪtɔ nɪdè, gɪdzeè nezɪ xè Nòhtsɪ wets'ò dɔ għa eghàlageeda nɪdè, dɔ gɪgha hoɪlaa sɪ ts'àgedɪ, eyits'ò gɪnì nàtso xè t'aats'òò dɔ ts'ò nezɪ eghàlageeda nɪdè, gɪzɪ dek'èèht'è ha hɔt'e.

¹¹ Ekò ts'èko ɲlaà gɪghòò ɲɔ-le et'ù gɪdòò èlɲdèe sɪ gɪts'àahdi għa gɪzɪ dek'enèaht'è-le. Zezì-Krɪ ts'ò yati nàtsoo gèhtsɪ

sɔni kò nɔɔde nɔ̀dè dɔzhiì gɔwɔ̀ò agede ha eyits'ò honìgedè gɔwɔ̀ ha sɔni. ¹² Hagejà nɔ̀dè Zezi ghàyatigɔ̀zɔ̀ sù nàgɔ̀zhi t'à gisɔ̀niyaetiì adegìdlà hɔ̀t'e. ¹³ Zezi ts'ò edeyatiì k'egɔ̀zhi wedaats'ò gots'egeedi agede ha sɔni, eyit'à ekì kòta k'egede agede ha. Gots'egeedi agede wedaats'ò yatits'ù kòta k'egeza xè t'asì gɔ̀di-le sù ghɔ̀ gogedeè agede ha, eyits'ò t'asì gɔ̀ghɔ̀ gode ha-le sù ghɔ̀ gogedeè agede ha. ¹⁴ Eyit'à ts'èko gɔ̀ghoò lɔ̀-le et'ù gɔ̀dò èlɔ̀dèe sù honìgudè kò dehwhɔ̀ hɔ̀t'e. Gɔ̀za gòhɔ̀ xè edekò k'ègedi kò eyi denahk'e gɔ̀gha nezì hɔ̀t'e. Hani-ìdè wehɔ̀ gɔ̀zì jù ehtsì ha gɔ̀ghàhòzà ha-le. ¹⁵ Dɔ̀ mòhdaa sù hòt'a gɔ̀gha ehkw'1-ahodù-le agejà, eyits'ò wehɔ̀ nàowoò k'èè geedaà agejà.

¹⁶ Ts'èko wegħa ehkw'1-ahodù sù wèot'ɔ̀ gɔ̀ta ts'èko gɔ̀dò èlɔ̀dèe gòhɔ̀ nɔ̀dè, gɔ̀ts'àdì ha hɔ̀t'e. Hani-ìdè Nòhtsì wecheekè dezòò gɔ̀ts'ò hoèlɔ̀ ha-le, ts'èko sù gɔ̀ts'àwedì while sù ts'àgedì ha dui-le.

¹⁷ Nòhtsì wecheekè għa k'aodèe gɔ̀lɔ̀ sù nezì edilaa eghàlageedaa k'èxa nezì gɔ̀ts'ò nageza welì. Dɔ̀ Nòhtsì yatì t'à gogedeè xè dɔ̀ hogħàgogeehtɔ̀ sù wek'èxa denahk'e hani nezì gɔ̀ts'ò nageza welì. ¹⁸ Nòhtsì Nɔ̀ht'è k'e dui hani dek'eèht'è: “Eje t'olà tàtsɔ̀yeèhze nɔ̀dè shètì ch'à wewà xèzèhchù aahle ha-le,” dek'eèht'è. Eyits'ò dui hani dek'eèht'è: “Dɔ̀ eghàlaedaa sù wek'èxa wets'àzeedi ha hɔ̀t'e,” dek'eèht'è. ¹⁹ Dɔ̀ ìè zò weyatì k'e naxìgha k'àowo k'e nìdahoet'à nɔ̀dè wòòhkw'ò-le. Dɔ̀ nàke, hani-le-ìdè dɔ̀ tai gɔ̀daà ekò-le eghàlɔ̀dà gedì nɔ̀dè zò gɔ̀kw'ò ha. ²⁰ Hoɔ̀ hòèhtsì nɔ̀dè dɔ̀ hazòò gɔ̀nadaà eyi ghɔ̀ wets'ò goahde ha. Hani-ìdè dɔ̀ gɔ̀gha ehkw'1-ahodù sù hoɔ̀ hogehtsì ch'à edexogɔ̀hdì ha.

²¹ Nòhtsì eyits'ò Zezi-Krì gɔ̀nadaà, eyits'ò yak'eet'ù gùichì sù gɔ̀nadaà dui yatì nàtsoo negħàehzò: Dɔ̀ hazòò eyi nàowo èèht'eè k'èè gisɔ̀niyahtì ha hɔ̀t'e, eyits'ò dɔ̀ wɔ̀zì denahk'e nezì wets'ò k'ehòzà ha-le.

²² Nòhtsì la eghàlageeda għa dɔ̀ k'èeyatì sù ekòet'ù nìlà gɔ̀k'e anele-le. Hanejà nɔ̀dè gɔ̀hoɔ̀ k'èè eghàlɔ̀daà anede ha sɔni. Hoɔ̀ nàowoò ch'à edek'enedì.

²³ Gòt'fòò nebò t'à eyanelè t'à tì zò nedò-le, hanìkò jìeti lɔ̀-lea nedò.

²⁴ Hoɔ̀ hogehtsì għa sù, dɔ̀ mòhdaa gɔ̀hoɔ̀ hozi wègaat'ɔ̀, gɔ̀hoɔ̀ gɔ̀nakweè wek'èhoedzò. Ekò dɔ̀ mòhdaa sù gɔ̀hoɔ̀ ekòet'ù wègaat'ɔ̀-le t'à nɔ̀ɔde nɔ̀dè wek'èhoedzò hɔ̀t'e. ²⁵ Eyì xèht'eè, Nòhtsì għa nezì eghàlats'ùdà nɔ̀dè hozi wègaat'ɔ̀ ha hɔ̀t'e, ekò goilaa mòhdaa hozi wègaat'ɔ̀-le kò wek'èhoedzò adle ha hɔ̀t'e.

6

¹ Dɔ̀ hazòò gɔ̀ts'ò k'aodèe wets'ò agɔ̀t'ee sù edets'ò k'àowo ts'ò nezì nageza xè gɔ̀k'èit'e ha hɔ̀t'e. Hagɔ̀t'e nɔ̀dè Nòhtsì wɔ̀zì

eyits'q ayi dọ hoghàgits'eehtqọ sù k'adageedè ha-le. ² K'àowo gɪɪɪ eyits'q gicheekè ìlah gɪgha ehkw'1-ahodì t'à elèot'ì agɪt'e. Gicheekè gɪɪɪ sù dek'azì gots'ò nageza ha-le, hanikò dọ got'à hoguehwhu sù gɪgha ehkw'1-ahodì xè goghonegeètq agɪt'e t'à denahk'e hòt'ò gɪgha eghàlageeda ha họt'e. Gicheekè gɪɪɪ sù eyi nàowo hoghàgɪhtq weli eyits'q hotù weghàa aahda gɪdì.

Sqòmba ghonets'eètq ha-le

³ Dọ ekq-le hoghàgoehtqọ xè gots'ò K'àowo Zezì weyatì ehkw'ù sù k'èè anıwq-le, eyits'q Nòhtsı nàowoò k'èch'a dọ hoghàehtqọ sù, ⁴ xàhodì xè t'asì wɪzì nıedì-le họt'e. Yatı ghq dọ ełek'èè agıwq-le xè elets'ò nàyagehtì agohzı ghaewı t'à wını nezi-le. Eyit'à dọ ełeghq ts'ohogeedì agohzı, ełek'èch'a geedaa, yatıı t'à ełeghq gogedee, eyits'q hoıı t'à ełeghq nàıgedè agohzı. ⁵ Eyits'q dọ gını hoıı xè t'aats'òq ełek'èch'a eghàlageedaà agohzı. Dọ haget'ıı sù nàowo ehkw'ù gıghq wedıhòı, eyits'q Nòhtsı gha ts'eeda nıdè wet'à sqòmba lq gots'q at'ı gıwq.

⁶ Hanikò Nòhtsı wını k'èè ts'eeda nıdè, eyits'q ması ts'ıwq nıdè t'ası nechàa ts'eehnè họt'e. ⁷ Goghòhı ekò t'ası wɪzì dı nek'e nèt'sıızq nıle, eyits'q ełaats'ewı nıdè t'ası wɪzì edexè ats'ele ha nıle. ⁸ Hanikò weghq shèt's'ezhee eyits'q goht'q gots'q nıdè, wet'à ması ts'ıwq ha họt'e. ⁹ Dọ dez'ò sqòmba lq gıwq sù hoıı nàowoò k'èè geedaaget'ı t'à, gık'èchııta laget'ı. Ezhıne laget'ı xè hoıı zq k'alagedè ha gıwq. Hanı geeda nıdè wet'à gıdıhołè ha. ¹⁰ Sqòmba ghq ets'edı-le nıdè wets'ıh'z'ò hoıı hazqò xàzaa hots'ehtsı. Dọ mòhdaa sù sqòmba ghageewı t'à, Zezì-Krı gha gını nàtso-leaget'ı. Eyit'à edegha hoıla hogehtsı.

Negha ehkw'1-ahodı sù t'aats'òq wek'èè ıda

¹¹ Hanikò Timothy, nı sù Nòhtsı wets'q dọ anet'e, eyi hoıı nàowoò hazqò ch'à edek'enedı. Nàowo ehkw'ù zq neewq, Nòhtsı wını k'èè ıda, wets'ò nını nàtso anehwhq, dọ ghqneètq, negha hoıla kò enaqt'è-le, eyits'q dọ ts'ò nedzeè nezi welè. ¹² Daneeza ha sını kò, Zezì negha ehkw'1-ahodı sù t'aats'òq wek'èè ıda. Dọ gınadaq, "Zezı segha ehkw'1-ahodı," nııdı xàyanehı ekò, welq while ts'ò ıda ha nekayıhtı. Eyı yatı nezi neghòt'q sù wedıchı-le, hanı-ıdè welq while ts'ò ıda ha họt'e. ¹³ Nòhtsı wet'à t'ası hazqò edaa sù wenadaq, eyits'q Zezì-Krı, k'àowo Pilate yesınıyaehı ekò edeghq ehkw'ı yets'ò xàıhtı ıle sù wenadaq dı yatı nàtsoo neghàehzq họt'e: ¹⁴ Gots'ò K'àowo Zezì-Krı nııtlaa dzeè gots'ò, yatı wek'èè ıda ha neghàehzq sù hotù wek'èèdı. ¹⁵ Nòhtsı sù t'aa dze k'e nıwq sù Zezı wègoèt'ı ayele ha. Nòhtsı zq weghàsqt's'eedı ha họt'e, ededı zq gots'ò K'àowo họt'e, k'àowocho hazqò gha K'àowocho eıı, eyits'q k'àowo hazqò ts'ò K'àowo eı họt'e. ¹⁶ Nòhtsı ededı zq

ełààwı-le sù sadeè nàtso lanì wehòhɔq t'à dɔ wıɔzı yets'ò nıwà-le ade ha dıì, eyıt' à dɔ wıɔzı yaɔı whıle eyıts'ò dɔ wıɔzı yeɔı ha dıì. Ededı weghàsɔts'eedi welè, eyıts'ò welɔ whıle ts'ò gots'ò K'àowo enııyah t'à nàtso welè. Amen.

¹⁷ Dıı nèk'e dɔ ahxee gııı sù dıı yatı gıghàıɔà. Xàhogıdı-le eyıts'ò t'ası gıts'ò sù ghò hòt'ò agıwɔ ha-le, hòtsaa gıghò whıle ade ha sɔnı t'à. Hanıkò Nòhtsı gha gını nàtso ha hòt'e. Ededı sù wet' à sıts'eèt'ı nàts'edè gha t'ası hazòq goghàyele hòt'e. ¹⁸ Dɔ gha nezı eghàlageeda ha gıdı, hanı la nezı t'à dɔ ahxee gııı ha. Ededzeè t'à t'ası ełeghàgele ha eyıts'ò gına xè elets'àgedı ha hòt'e. ¹⁹ Haget'ı nıdè edegha t'ası nezı nègele lanı ha, eyı sù ıdaà gogha wet' à nàgetsoò geeda ha. Hanı-ıdè hotı dani ehkw'ı ts'eedaa sù k'èè geedaà agede ha.

²⁰ Timothy, Nòhtsı ayı net' aayıɔɔ sù hotı nezı wehonehdi. Dɔ ı ełek'èè agıwɔ-le kò nàowo ı wet' à gots'ıɔɔ gıwɔ ghò gogede. Hanı Nòhtsı wını k'èè-le sù wedè anele. ²¹ Gota ts'ò dɔ mòhdaa eyı nàowo gıgha ehkw'ı-ahodı t'à Nòhtsı wenàowoò gogha ehkw'ı-ahodı sù ts'ò agejà.

Nòhtsı nets'ò sɔnıwɔ welè.

2 Timothy ts'ò aat'è

¹ Sɪ Paul, Nòhtsɪ wedahxà Zezi-Krɪ wecheekeèdeè aht'e. Zezi-Krɪ gogha ehkw'ɪ-ahodɪ nɪdè welɔ while ts'ò ts'eeda ha, Nòhtsɪ eyɪ ghɔ edeyatù goghàɪzɔ ɲè. Eyɪ godɪ nezɪ t'à dɔ ts'ò gohde ha sekayaetɪ.

² Timothy seza lanù sù dɪ enɪht'è wets'ò eeht'è. Nòhtsɪ-Gotà eyɪts'ò Zezi-Krɪ nets'ò sɔgɪwɔ welè, etenegeèzɪ welè, eyɪts'ò nexè sighà welè.

Ayù neghòt'ɔɔ sù hotù wek'ènedì

³ Nòhtsɪ masì weehwhɔ. Secho gɪxèht'eè, sɪnì ehkw'ɪ xè Nòhtsɪ wegħa eghàlaehda, eyɪts'ò dzeɛ, toò ehk'èè t'aats'òɔ negħa wets'ò yahtɪ. ⁴ ɪdì nenatì wenahdì t'à, neehzɪ ha dehwhɔ. Neehzɪ nɪdè sù sɪnà ha ne. ⁵ Dànì nɪnì ehkw'ɪ t'à negħa ehkw'ɪ-ahodɪ sù wenahdì. Netsɪ Lois eyɪts'ò nemɔ Eunice dànì Nòhtsɪ għa gɪnì nàtso ɲè lanì, nɪ sɪ hanì nɪnì nàtso hɔt'e wek'èehsɔ. ⁶ Eyɪ ts'ɪhɔ Nòhtsɪ edets'ò t'asì nezɪ negħàɪzɔɔ sù dezòɔ wet'à nezɪ eghàlaɪda. Sɪlà nek'e ahlà xè nek'eèyahtɪ t'à Nòhtsɪ wets'ò t'asì nezɪ nedzeè yì ajàa sù wenaqđì. ⁷ Nòhtsɪ edets'ò ɪnì Degai goghàɪzɔɔ sù wet'à goɪnì nàtso-le ade ha ayɪlà nùle, hanìkò wets'ò ɪnì Degai wet'à goɪnì nàtso ha, ełegħonets'eèɔ eyɪts'ò nezɪ edek'èts'edì ha goghàɪzɔ hɔt'e.

⁸ Eyɪ t'à gots'ò K'àowo weghɔ dɔ ts'ò goɪde ha ɲzħanelɪ-le, eyɪts'ò sɪ wegħa dɔ-danɪlaa-kò whɪhda t'à seghɔ ɲzħanelɪ-le. Hanìkò godɪ nezɪ għa sexè daneeza ha welì. Nòhtsɪ sù eyɪ għa nàts'etsoò agohzɪ hɔt'e. ⁹ Nòhtsɪ ededɪ edaxàgoɪla hɔt'e, wets'ò dɔ degai ts'ɪɪɪ ha gokayahtɪ hɔt'e. T'asì wɪzɪ hots'èhtsɪ t'à agòòlà nùle, hanìkò hanıwɔ t'à eyɪts'ò wesɔnıwɔ ts'ɪhɔ agòòlà hɔt'e. Dɪ nèè hòzɔ kwe Zezi-Krɪ wet'òɔ Nòhtsɪ hòt'a edesɔnıwòɔ goghàɪzɔ ɲè. ¹⁰ Hanìkò dɪ sù wesɔnıwɔ k'èhots'eezòɔ agòòlà, Zezi-Krɪ Edaxàgolee sù gots'ò nùtla t'à. Nàowo wet'à ełaats'ewɪ sù yedıhòèhtsɪ eyɪts'ò godɪ nezɪ t'à welɔ while ts'ò ts'eedaa sù wek'èts'eezòɔ agòòlà. ¹¹ Godɪ nezɪ dɔ ts'ò haehsɪ ha, eyɪts'ò wet'à dɔ hogħahtɔ ha, eyɪ għa wecheekeèdeè ehɪ ha sɪhchì hɔt'e. ¹² Eyɪ ts'ɪhɔ hanì daihza hɔt'e. Hanìkò amì segha ehkw'ɪ adɪ sù wek'èehsɔ t'à, weghɔ ɲzħaehɪ nùle. Nòɔde dzeɛ għa ayù wet'aa whezɔ ahlàa sù yek'èdì ha hotù wek'èehsɔ hɔt'e.

¹³ Nàowo ehkw'ɪ hogħanehtɔɔ sù nezɪ wek'èè ɪda. T'aats'òɔ Zezi-Krɪ għa nɪnì nàtso anehwhɔ xè Zezi wets'ɪhɔ dɔ ghòneetɔ. ¹⁴ Nàowo ehkw'ɪ net'aa whezòɔ adlāa sù hotù wek'ènedì. Yedàyeh Nezɪ godzeè yì nàdè sù wexè wek'ènedì.

15 Asia nèk'e dọ wụzị sexè aget'ı-le agejà wek'èızo họt'e. Phygelus eyits'ọ Hermogenas ededı kò sexè aget'ı-le agejà.

16 Onesiphorus eyits'ọ wekò dọ nàdèe sị gots'ò K'òowo gots'ò wedzeè eteè?ı welè, t'aats'ò sìnà asıhwhọ ıle t'à, eyits'ọ sedaàto kò seghọ ıızhaelı-le ıle. 17 ıle, hanı k'ehoza-le ıle. Kògodeè Rome nııtla ekò segòhzo gots'ò hazòò ts'ò sekak'eet'ı ıle. 18 Nòode dzeè k'e nıdè Nòhtsı eteyeè?ı welè. Kòta Ephesus nàhdè ekò t'ası nezı ıo t'à sets'adı ıle sị hazòò wek'èızo họt'e.

2

1 Eyıt'à nı seza lanet'ee sị, Zezi-Krı wesonıwo t'à nànetsoò adıle. 2 Eyits'ọ dọ ıo gıdàà ayı dàehsı sıkw'oo sị dọ gıgha dıı-le laneewò sị, eyits'ọ dọ hoghàheetò ha dıı-le sị seyatı gıt'aa whezoò anele. 3 Zezi-Krı wets'ọ eghòo-dòò nezı nelı, nexè hoıla nıdè goxèht'eè nını nàtso anehwhò. 4 Dọ eghòo-dòò elı sị edets'ọ k'òowo wını k'èè eghàlaeda ha nıwo họt'e, eyıt'à la eyı-le k'alawo ha nıwo-le. 5 Eyı xèht'eè dọ ehdaàtımòedaa sị sònàts'edèe nàowoò k'èè at'ı lenosı t'ası sòmbaekwo t'à hòelı dehnè ha nıle. 6 Dọ t'ası dehshee k'è hòt'ò eghàlaedaa sị t'ası dııdı ajà nıdè ededı t'akwelòò yeghò shètı ha họt'e. 7 ıo ayı dànehşı sị hotı wedaàınewo, gots'ò K'òowo eyı nezı wenıdı anıle.

8 Zezi-Krı wenaadı: k'òowocho David wets'ıhzoò-dòò elı eyits'ọ elıwo gots'ọ nàidà. Eyı godı nezı sị wet'à dọ hoghàehtò, 9 eyı gha daihza họt'e eyits'ọ doju lanı satsòt'ı t'à daseet'ı. Hanıkò Nòhtsı weyatı sị dọ wızı dayeezà ha nıle. 10 Eyıt'à Nòhtsı dọ gòıhchı sị gıgha daihza kò dehwhò. Hanıdè ededı sı Zezi-Krı edaxàgole welı, eyits'ọ welò whıle ts'ò enıyah k'èè geeda welı.

11 Dıı yatı sị hotı ehkw'ı họt'e:

Wexè elààts'ıdè nıdè
wexè ts'eeda ha họt'e.

12 Dats'ıza kò weghò goını nàtso ats'ıhwhò nıdè,
wexè k'ahots'edè ha họt'e.

Wek'èts'eezo-le ts'edı nıdè
ededı sı gok'èezò-le hadı ha.

13 Wets'ò goyatı nàts'eezhı sını kò
ededı edeyatı nàezhı ha nıle,
edını k'èch'a ade ha hòzo nıle t'à.

Nòhtsı wını k'èè hòt'ò eghàlaıda

14 Eyı yatı hazòò t'aats'òò gınadı agıle. Nòhtsı nadağà gıghonatıza, yatı wet'aaazà-le ghò elek'èch'a agıdı-le. Eyı nezı nıle, dọ gogeèhkwo sị wet'à gını nàtso-le at'ı zo họt'e. 15 Nòhtsı wını k'èè eghàlaıda gha hòt'ò edıhdzà. Dọ yegha

nezji eghàlajdàa sù edeghò jizhaeli nùle, eyits'ò yatù ehkw'ù sù nezji dọ hoghàehtọ họt'e. ¹⁶ Nòhtsi k'èch'a t'asù ghọ-le gots'edee sù wedẹ anele. Dọ hagedù sù Nòhtsi ts'ò nezji nageza nùle eyits'ò denahk'e Nòhtsi gụwọ-le aget'ì. ¹⁷ Ayù dọ hoghàgogeehtọ sù tàda lanì dọ ta ts'ò ade ha. Hymenaeus eyits'ò Philetus eyi nàke sù hanì dọ hoghàgogeehtọ. ¹⁸ Nàowo ehkw'ù k'èè dọ hoghàgogeehtọ-le agejà. Dọ ełajdèe họt'a nagidà jìlè gedù hoghàgogeehtọ t'à dọ mọhdaa gigha ehkw'ì-ahodì-le agogehzi. ¹⁹ Hanìkò Nòhtsi wenàowoò sù yiet'f'aa nàtsoo whetọ lanì họt'e. Wek'e dù hanì dek'eèht'f'è: “Gots'ò K'àowo amù wets'ò agùt'ee sù gok'èezọ họt'e,” dek'eèht'f'è. Eyits'ò dù hanì dek'eèht'f'è: “Amù gots'ò K'àowo weggha ehkw'ì-ahodù sù hołù nàowoò wedẹ ayele ha họt'e,” dek'eèht'f'è.

²⁰ Dọ ahxee wekò goyi sù kw'à mọhdaa sọmbaekwo eyits'ò sọmba degoo t'à hòèlù whela họt'e. Eyits'ò mọhdaa dechì eyits'ò kwe t'à hòèlì. Kw'à dètì sù t'asù wet'aaazà gha git'à-at'ì, ekò kw'à dètì-le sù t'asù-ts'ù gha git'à-at'ì. ²¹ Dọ hołù wedẹ ayjìlà nùdè kw'à wet'aaazàa lanì họt'e. Wets'ò K'àowo gha degai xè wet'ahòòzà at'ì, eyits'ò la nezji ghàlaeda gha sìnìwheda ha.

²² Cheko ginàowołù ch'à edek'ènedì. Ehkw'ì zọ k'èè k'ehojza, t'aats'ò Nòhtsi gha nini nàtso anehwhọ, dọ ghọneetọ eyits'ò ts'èwhjì k'ehojza. Dọ hazọ gıdzè degai xè Nòhtsi ghọ gini nàtsoo agùt'ee sù hanì geeda họt'e. ²³ Dọ ezhjine k'èè elets'ò nàyagehtù sù gixè anet'ì-le. Eyi hagedù t'à dọ elets'ò gich'e wek'èizọ họt'e. ²⁴ Gots'ò K'àowo wecheekeè sù dọ xè nàyaehtì ha nùle. Dọ hazọ ts'ò wedzè eteèzi ha họt'e, dọ hoghàgoehtọ ha dùi-le, eyits'ò dọ dzajhwhọ ha-le. ²⁵ Dọ gik'èch'a agedù sù edek'egulì gha Nòhtsi goghàhòzà ha t'à ts'èwhjì hoghàgoehtọ ha họt'e. Hanì-ìdè nàowo ehkw'ù sù gik'èezọ agede ha, ²⁶ ehkw'ì nàngedè agede ha, wehłù gok'èchitla ch'à eyits'ò wenàowoò k'èè geeda ch'à kwjgehdè ha.

3

Nọode dzeè ts'ò nùdè dàgode ha

¹ Hanìkò dù wedaaniahdè: Nọode dzeè ts'ò hawe nùdè dù nèk'e hoejù lọ k'ehokw'o ha. ² Dọ ededì zọ edeghọnegeetọ ha, sọmba ghageewì ha, xàhogedì agede xè xàdahogedì ha, nàdahogeezà ha, edèot'ì k'èagùt'e ha-le, masi gụwọ ha-le, degai nàowoò dẹ geeda ha, ³ ełeghọnegeetọ ha-le, ełeghọ nahogeele ha-le, ehzi jù gehtsi ha, nàowołù ch'à edek'ègedì ha dùi, elets'ò yidagùt'e ha, t'asù nezji sù dzaguhwhọ ha, ⁴ ełeghoyageezà ha, gini naitlo ha, t'asù deè edegeetsi ha, Nòhtsi nahk'e sìgoèt'ù ghageewì ha, ⁵ Nòhtsi k'ègeezọ lanì k'ehogezà kò, Nòhtsi t'asù weggha dùi-le sù k'èè geeda nùle. Dọ hanù sù gixè aah'ì-le.

⁶ Dọ hanu sù dọ kọ goyageedè gà ts'èko gini nàtso-le sù ghoyageezà. Edeyatù t'à goghodageehnè t'à goxè nàgedè xè gots'ò k'ahogedè. Dọ hanu sù hoḥu zọ k'èè geedaa eyits'ọ hoḥu hazọò xàzaa sù gidaèht'è. ⁷ T'aats'ọò hoḥu nàowoò hoghàdegeetọ, hanikò Nòhtsị wenàowoò ehkw'ụ sù gigha ehkw'1-ahodi hoḥu-le. ⁸ Jannes eyits'ọ Jamber lagut'e. Inèè whaà eyi dọ nàke Moses k'èch'a gogude ụlè, eyits'ọ nàowo ehkw'ụ k'èch'a eghàlagudà ụlè. Hanu dọ edinihụ k'èè nàngedè sù Zezi-Krị gigha ehkw'1-ahodi-le t'à Nòhtsị sù gidè agòòlà. ⁹ Jannes eyits'ọ Jamber lanì, hanu dọ sù whaà ts'ọ haget'ị ha nùle, ezhùne agut'ee sù dọ hazọò nezù ginedi ha.

Ayì hoghàneètọ sù wek'èè ịda

¹⁰ Hanikò nị sù ayì hoghàehtọ, dànì ehdaa, ayì gha eghàlaehdaa, dànì seggha ehkw'1-ahodù, dànì ts'èwhù dehwhọ, dànì dọ gighoneehtọ, daihza sọni kò sinì nàtso xè ehdaa, hazọò wek'èizọ họt'e. ¹¹ Dànì sexè hoila xè dasegihza, eyits'ọ kọta Antioch, kọta Iconium eyits'ọ kọta Lystra eyi hazọò sexè hagòjàa sù hazọò wek'èizọ họt'e. Hanikò gots'ọ K'àowo sù eyi hazọò ch'à edaxàseèhtị. ¹² Amù Zezi-Krị wedahxà Nòhtsị winì k'èè ehda ha nıwọọ sù daguzàa agedle ha wek'èts'eezọ họt'e. ¹³ Ekò dọ weju eyits'ọ dọ ghoyageezàa gūlụ sù denahk'e sù negezi-le agede ha. K'èdaà dọ ghoyageezà xè ededị sị gighyahoezà ha. ¹⁴ Hanikò nị sù ayì hoghàneètọ eyits'ọ ayì negha ehkw'1-ahodù sù wek'èè ịda, dọ eyi hazọò hoghànegeèhtọ sù gik'èizọ t'à. ¹⁵ Chekoa nechà-lea nelì gots'ọ Nòhtsị Njht'è k'èizọ họt'e. Eyi yatı t'à gonezọò anejà, eyits'ọ Zezi-Krị negha ehkw'1-ahodù sù wet'à edaxàneetè ha họt'e. ¹⁶ Nòhtsị Njht'è k'e yatı dek'eèht'è sù Nòhtsị wets'ọ họt'e. Wet'à dọ hoghàts'eehtọ gha nezı, wet'à dọ nàts'ezọ ha dii-le, dọ ekọ-le geeda nıdè wet'à ehkw'1-anagets'ehzị, eyits'ọ weghàà dọ ehkw'1 geeda gha hoghàgets'eehtọ ha họt'e. ¹⁷ Hani-ıdè Nòhtsị wets'ọ dọ t'aats'ọò nezù eghàlageeda gha t'asù hazọò deghàà gits'ọ ha.

4

¹ Nòhtsị wenadaà eyits'ọ Zezi-Krị wenadaà nets'ọ eeht'è. Zezi ededị sù dọ geedaa eyits'ọ dọ ełıdèe gosınıyaehı ha. Gots'ọ wègoèht'ı ha eyits'ọ wenàowoò k'èè hòzọò ayele ha. Wedahxà dı yatı neghàihzọ họt'e: ² Nòhtsị yatı t'à dọ ts'ọ gojde ha t'aats'ọò sınıwheèda. Nàowo ehkw'ụ k'èè aahda, hoḥu hòahı-le, eyits'ọ eyi gha naxını nàtsoò aahle, giđı. T'aats'ọò dọ xè ts'èwhù neewọ eyits'ọ hotı nezù hoghàgıhtọ. ³ İdaà nıdè dọ sù nàowo ehkw'ụ ka-egèehkw'ọ ha-le agode ha. Dàgıwọọ sù zọ k'èè hoghàgoetọ gıwọ ha. Ayì geèhk'ọ hagıwọọ sù t'à hoghàgeetọ gha hoghàehtọ-dọ lọ edegha nègele ha. ⁴ Nàowo

ehkw'u ka-egeèhk'w'q-le agede ha, ekì godì dọ yèhtsì zọ ka-geèhk'w'q ha. ⁵ Hanikò nì sù t'asì hazò gha nì ehkw'1 anehwhò, negha hoìla kò wexè ts'èwhì ìda. Godì nezì k'eneza gha nekayaeti ne t'à, la neghòt'ò sù t'aats'ò wèk'è hòtl'ò eghàlada.

⁶ Sì hòt'a selọ nèhòkw'1 ha nihòwo, Nòhtsì gha sezhiì k'ehòwo lanì. Dì nèk'e gots'ò asedle ha nihòwo. ⁷ Ehdageedè t'à dọ nàtla k'etìmqehdaa laht'e. Nezì k'etìmqehda t'à nòde ts'ò gìghòhnò, eyit'à nòde ts'ò Nòhtsì gha ìla sìn nàtso họt'e. ⁸ Ehkw'1 gha sùtà xè hoehnò ts'ìhò t'asì sòmbaekwo t'à hòlì nòde dzeè k'e seghòt'à ha. Gots'ò K'àowo ededì zọ ehkw'1 dọ sìnìyaeti họt'e eyits'ò ayì dehnò sù seghàyìzà ha. Sì zọ hasela ha nùle, hanikò dọ hazò wègoèht'ì gha kànegìzaa sù ededì sì hagole ha họt'e.

Paul wexè hoìla hoòwo

⁹ Ìwhà sets'ò anede gha hòtl'ò edìhdzà. ¹⁰ Demas dì nèk'e t'asì whelaa ghòneètò t'à sets'ò ajà xè kòta Thessalonica ts'ò ajà. Crescens Galatia nèk'e ts'ò ajà, eyits'ò Titus Dalmatia nèk'e ts'ò ajà. ¹¹ Luke ededì zọ segà wheda. Mark wèkàtla gè edexè awìle, Nòhtsì wìlaà ghàlaehda ekò nezì sets'ò ìdì ìlè t'à. ¹² Tychicus kòta Ephesus ts'ò awèhlà. ¹³ Jò ts'ò nìtla nùdè, kòta Troas ekò Carpus wègà sezeè aèhchì ahlaa sù edexè anele nò. Senìht'è eyits'ò enìht'è ewò t'à hòlì eyì t'aa wedè awìde sò.

¹⁴ Alexander satsò-eghàlaedaa-dò sets'ò hoìla deè hòhtsì. Gots'ò K'àowo eyì k'èxa hoìla yeghàhòzà ha. ¹⁵ Nì sù wech'à edexonehdi, godì nezì t'à dọ hoghàts'eehtò sù sù wèk'èch'a họt'e t'à.

¹⁶ T'akwèdò seghò nàyaeti ekò dọ wìzì sek'edaedi-le ìlè, hazò sets'ò nageèhde ìlè. Eyì k'èxa Nòhtsì t'asagòlè-le nùdè dehwhò. ¹⁷ Hanikò gots'ò K'àowo sexè at'ì t'à, sìn nàtsoò asìlè. Hani ts'ìhò godì nezì deghàà dọ ts'ò gohde ha, eyits'ò dọ hazò Israel got'ì agùt'e-le sù geèhk'w'q ha weli. Ekìyè k'e gojìcho wewà ch'à Nòhtsì edaxàsìhtì ìlè. ¹⁸ Nàowò hazò sek'alawo ch'à gots'ò K'àowo edaxàsehtè ha, eyits'ò yak'e wenàowò k'èè hòzò sù ts'ò asele ha. Welò whìle ts'ò weghàsòhoedi wèlè. Amen.

Naxìè sìghà wèlè

¹⁹ Priscilla eyits'ò Aquila, eyits'ò Onesiphorus wèkò dọ hazò nàdè sù segha "Naxìè sìghà wèlè" gìdì. ²⁰ Erastus kòta Corinth àida, eyits'ò kòta Miletus ekò Trophimus eyaelì t'à sexè ajà-le. ²¹ Xok'e agode kwe jò sets'ò anede ha wìhdzà. Eubulus yatì nezì nedanìzò, eyits'ò Pudens, Linus, Claudia, eyits'ò gòt'ì hazò, "Nexè sìghà wèlè," nègedì.

²² Gots'ò K'àowo nets'ò ìnì xè at'ì welè. Nòhtsì nets'ò sọnıwọ
welè.

Titus ts'ò aatl'è

¹ Sɪ Paul Nòhtsɪ-Gotà wegħa eghàlaehda eyits'ò Zezì-Krì wecheekeèdeè aht'e. Nòhtsɪ-Gotà dọ gòhchì sù gɪgha ehkw'ì-ahodì agehle għa eyits'ò nàowo ehkw'ù wet'à Nòhtsɪ wek'èè ts'eeda ha sù gɪk'èhoezò agehle għa Zezì-Krì dọ ts'ò sɪh?à họt'e. ² Nòhtsɪ hots'ì-le sù, dù dèè hòèlɪ kwe gots'ò welò while ts'ò ts'eeda agodle għa edeyatù goghàɪzò ɲè. Eyit'à gogħa ehkw'ì-ahodì xè nàowo ehkw'ù k'èts'eezò ha dùi-le. ³ Ededɪ wegħa ehkw'ì nèhòɪwo k'e, edeyatù wek'èhoezò ayìlà. Nòhtsɪ-Gotà Edaxàgolee elɪ sù wedahxà weyatù t'à dọ ts'ò gohde ha setl'aà whezò ayìlà.

⁴ Titus, nets'ò eehtl'è. Setl'aà Zezì-Krì għa eghàlɪda t'à, xàè seza lanet'e. Nòhtsɪ-Gotà eyits'ò Zezì-Krì Edaxàgolee elɪ sù nets'ò sɔgɪwɔ welè, eyits'ò nexè sɪghà hòzò agule.

Titus ayì ghàlaeda ha

⁵ ɲàà t'asì wegħàlats'ùdà-le sù ehkw'ù anele ha, eyits'ò kòta hazò Nòhtsɪ wecheekeè għa k'aodèe gɪhchì għa ekò dì Crete k'e aɪdàà anèhlà ɲè. Dànì wegħàlɪda nèhsɪ k'èè anele. ⁶ Dọ Nòhtsɪ wecheekeè għa k'òowo elɪ sù t'asì weɲɪ wɲzì hohtsɪ ha nùle. Ts'èko ɲè zò wets'ò ha, eyits'ò weza sɪ gɪgha ehkw'ì-ahodì ha, sigoèt'ù zò gɪwɔ ha-le eyì xè gɪk'èit'e ha họt'e. ⁷ K'òowo elɪ sù Nòhtsɪ wilaà wegħòt'ò ne t'à, t'asì weɲɪ wɲzì hohtsɪ ha-le. Wekwì nàtso xè xàhodì ha-le, yeèhdee-dò elɪ ha-le, wɪnì nàitlò xè wenàhòqht'è ha-le, eyits'ò hots'ì t'à t'asì ghò edì ha-le. ⁸ Hanìkò wekò dọ għa enìxàɲtò ayìhwhò ha, ayì nezù sù ghòneètò ha, nàowoɲ ch'à edek'èdì ha, ehkw'ì eda xè degaɪ lanì ha, eyits'ò nàowo nezù k'èè edek'èdì ha họt'e. ⁹ Dànì hoghàweètò k'èè godì ehkw'ù sù hòt'ò yùtò ha họt'e. Hanì-ɲè, nàowo ehkw'ù k'èhoezò t'à dọ gɪnì nàtsoè ayele ha dùi-le eyits'ò dọ gɪgha ehkw'ì-ahodì-le sù k'èch'a gode ha dùi-le.

¹⁰ Dọ ɲò yatì ehkw'ù k'èagɪt'e-le t'à aehsɪ. Ekì gogedee eyits'ò dọ ghòyagee?à. Israel got'ù Moses wenàowoò k'èè dọkwò nàt'à ha gɪwɔ sù hanì eghàlageeda. ¹¹ Hagedì-le agedle ha họt'e. Hagiìdlà-le ɲdè, elèot'ɪ elèk'èch'a geedaà agogele ha, ayì hoghàgogeehtò sù hanì hoghàgogeehtò ha-le ɲè. Haget'ɪ t'à sòmba ɲò gits'ò ade ha gɪwɔ. ¹² Gits'ò nakwenàozò ɲè dù hadì goghò goɲde ɲè, “Crete got'ù sù t'aats'ò hogets'ì, tìts'aadìɲ lagɪt'e, eyits'ò gots'egedì xè bò għa egedì-le,” gòhdì. ¹³ Eyì dọ goghò ehkw'ì goɲdee họt'e. Eyit'à yatì nàtsoo t'à hòɲ hoahstɪ-le gɪdì, hanì-ɲè nàowo ehkw'ù sù gɪgha ehkw'ì-ahodì agede ha, ¹⁴ eyits'ò Israel got'ù mòhdaa ekì godì gehtsɪ sù ts'ònegɪzà-le agede ha, eyits'ò dọ nàowo ehkw'ù gɪgha wedè

sì gıyatı k'èagıt'e ha-le. ¹⁵ Amı gıdzeè degai lanı sì t'ası hazqò gıgha degai hq't'e. Hanıkò amı gınııı xè gıgha ehkw'ı-ahodi-le sì t'ası hazqò gıgha hoııı hq't'e. Ededzeè eyıts'q edını t'à hoııı nàowoò zq gııwq. ¹⁶ Nòhtsı k'èts'eezq gedi hanıkò dani k'ehogeza ghàà gık'èezq-le hq't'e. Sıı negezı-le, ek'èagıt'e-le, eyıt'à t'ası nezıı hogehtsı ha dıı.

2

Dq dani elexè geeda ha

¹ Ekò nı sì nàowo ehkw'ıı k'èè dq hoghàgıhtq ha hq't'e. ² Naxıta gots'q dqzhı qhdaà sì hotı edexogıhdı ha hoghàgıhtq. Ehkw'ı geeda ha hq't'e, hanı-ıdè dq nezıı gots'q nageza ha. Nàowoııı ch'à edek'ègedı ha, nàowo ehkw'ıı k'èè gıgha ehkw'ı-ahodi ha hq't'e, dq ghqnegeètq ha eyıts'q t'aats'qò gını nàtso ha hq't'e.

³ Eyı lanı ts'èko qhdaà sì nàowo degai k'èè geeda gha hoghàgıhtq. Dq gızi jıı guhtsı-le, jıeti ghageede ha-le, hanıkò t'ası nezıı sì hoghàgogıhtq. ⁴ T'eeke ededqò eyıts'q edeza ghqnegeètq gha hoghàgogıhtq. ⁵ Nàowoııı ch'à edek'ègedı ha, hoııı dq geeda ha, edekò gha hòt'ò eghàlageeda ha, dq ts'ò gıdzeè nezı ha, eyıts'q ededqò k'èagıt'e ha, hoghàgogıhtq. Hanı geeda nıdè gıts'ıh?ò dq wıızıı Nòhtsı yatıı k'èch'a gode ha-le.

⁶ Eyı xèht'eè cheko sì nàowoııı ch'à edek'ègedı gha hotı gıts'q goıde. ⁷ T'aats'qò nezıı k'ehozıa, hanı-ıdè nexègezı ha. Nàowo ehkw'ıı k'èè eyıts'q degai k'èè hoghàgıhtq. ⁸ Nezıı nàıts'ewo k'èè gots'ede nıdè dq gok'èch'a adı ha dıı. Haat'ı nıdè dq nek'èch'a agııwqò sì edeghq jızhagelı ha, goghq t'ası nezı-le hagedı ha dıı t'à.

⁹ Dq gıts'q k'àowo gòhııı sì edets'q k'àowo k'èagıt'e ha hoghàgıhtq. T'ası hazqò t'à edets'q k'àowo wını nezıı gha eghàlagıdà, eyıts'q gots'q ek'èt'à gogıde-le, ¹⁰ goghq egıııı-le. K'àowo ts'q hanı ehkw'ı k'ehogeza nıdè ehkw'ı nàhogeheè gogııhwhq ha. Haget'ı nıdè Nòhtsı Edaxàgolee wegodı t'à dq hoghàgıts'eèhtqò sì k'àowo gha nezııaget'ı ha.

¹¹ Nòhtsı wesqııwqò wet'à dq hazqò edaxàdè ha sì dq hazqò ts'q wègoèht'ı hq't'e. ¹² Eyı wet'à t'ası hazqò Nòhtsı wını k'èè nıle sì, eyıts'q dıı nek'e t'ası weghats'eewıı sì ts'q jıle ts'edi gha hoghàgoètq hq't'e. Eyıts'q wet'à dıı nek'e nàowoııı ch'à edek'èts'edi ha, ehkw'ı ts'eeda ha, eyıts'q Nòhtsı wek'èè ts'eeda ha, wek'èts'eezq hq't'e. ¹³ Enııyah deè nàhòwo ha jıàà wek'enats'eèhıı et'ıı hanı nezıı ts'eeda ha hq't'e. Zezi-Krı Gonòhtsı eyıts'q Edaxàgolee deè elıı sì gots'q wègoèt'ı ha wek'enats'eèhıı hq't'e. ¹⁴ Ededı sì gohoııı k'èxa elııwoò adııdlà, wet'à gonàowoııı hazqò ch'à edaxàgoazha hq't'e. Edegha degai

gòèhtsɿ, xàè wegħa ts'ɿɿɿ ha agòòlà eyits'ò ayì nezɿ sɿ wegħo hòt'ò ats'ɿwò ha agòòlà.

¹⁵ Dɿ hazòò hogħàgɿhtò ha hòt'e. Nòhtsɿ wedahxà gɿnì nàtsoò agɿle, eyits'ò hoɿɿ wedè aahda gɿdɿ. Dò wɿzì neyatì wet'àazà-le nɿhwhò sòò.

3

Dàni nezì ts'eeda ha

¹ Dèe-ts'ò-k'àowo gɿɿɿ sɿ k'èagɿt'e ha eyits'ò ayì nezɿ sɿ gɿghàlaeda ha gɿdɿ. ² Dò gɿzì jɿ guhtsɿ-le, dò hazòò ts'ò ts'èwhɿ gɿdà, gɿdzeè nezɿ t'à dò daànìgedè ha eyits'ò dò hazòò ts'ò k'èeweèt'ɿ k'èè geeda ha hòt'e.

³ ɿnèè sɿ goxɿ sɿ gots'ɿzò-le ɿlè, ek'èats'ɿt'e-le ɿlè, goghoyageezà eyits'ò gonàowoɿ k'èè zò ts'eeda ɿlè. T'aats'òò hoɿɿ hots'ehtsɿ xè ełegħò ts'ohots'eedɿ ɿlè. Dò dzats'ɿhwhò eyits'ò dò godzagɿhwhò hanì ts'eeda ɿlè. ⁴ Hanikò Nòhtsɿ Edaxàgolee eɿɿ sɿ wesonɿwò gots'ò wègoèht'ɿ kò, ⁵ edaxàgoɿla. Ehkw'ɿ eghàlats'ɿdà t'à agòòlà nɿle, hanikò wedzeè eteè?ɿ t'à agòòlà. Dɿ hanì edaxàgoɿla hòt'e: Gohoɿɿ k'enajhtso xè dò eładɿ ts'ɿɿɿ agòòlà eyits'ò Yedàyeh Nezɿ wet'òò dò gòò gòèhtsɿ. ⁶ Zezì-Krɿ Edaxàgolee sɿ wets'ihzò Nòhtsɿ gots'ò wedzeè nezɿ xè enɿyah t'à Yedàyeh Nezɿ gok'e ayɿlà. ⁷ Gots'ò sɿonɿwò ts'ihzò ehkw'ɿ agòidlà hòt'e, hanì-ɿdè welò while ts'ò ts'eeda ha sɿ gogħaelɿ ade ha, eyɿ għa sɿ gogħa ehkw'ɿ-ahodɿ hòt'e. ⁸ Eyɿ yatɿ negħàzòò sɿ hotɿ ehkw'ɿ hòt'e. Eyɿ yatɿ hazòò t'à gɿts'ò goɿde ha dehwhò. Hanì-ɿdè amì Nòhtsɿ gɿgha ehkw'ɿ adɿ sɿ edexogɿhdɿ xè ayì nezɿ sɿ zò ghàlageeda ha. Eyɿ yatɿ hazòò dò gɿk'èè geeda għa sɿ nezɿ hòt'e, eyits'ò dò hazòò għa wet'àazà hòt'e.

⁹ Hanikò ezhɿne nàowoò t'à ełets'ò nàyats'ehtɿ sɿ eyits'ò gocho gɿzì dek'èèht'è k'èts'edɿ sɿ wedè anele. Moses wenàowoò ghò nàyajhtɿ-le, hats'edɿ sɿ wet'àhots'eehwhɿ nɿle eyits'ò wet'àazà nɿle. ¹⁰ Dò wet'à dò ełek'èch'a agedɿ sɿ hat'ɿ ha-le għa yatɿ nàtsoo weghàzà. ɿlè hat'ɿ nɿdè, k'achɿ wets'ò goɿde. Eyɿ t'axòò k'èdaà hat'ɿ nɿdè wets'ɿnɿzà-le. ¹¹ Hanɿ dò sɿ ekò-le ts'ò nànoo xè hoɿɿ-hohtsɿ-dòò hòt'e. Ededɿ et'ì ełàawɿ għa wesɿnɿyaetɿ adezɿ hòt'e.

Paul nõode xàyajhtɿ

¹² Artemas hanì-le-ɿdè Tychicus nets'ò awèhlà ts'òet'ì, kòta Nicopolis ekò sets'àatɿa ha edenɿdzà nõò, ekò sexè xohoewɿ ha t'à. ¹³ Zenas dò-k'edaedɿ-dòò eyits'ò Apollos kòta eyì-le gòlaa ts'ò geedè għa t'asɿ hazòò t'à gɿts'aaħdɿ nõò. ¹⁴ Gots'ò

dọ sị t'aats'ọ̀ọ̀ t'asị nezụ ghàlageedaà adegele ha họt'e. Hanì-
 ịdè dzẹ taàt'eè wet'à ts'eedaa sị t'à dọ ts'àgedi ha, eyits'ọ̀ t'asị
 hogehtsị-le agede ha-le.

¹⁵ Jọ dọ hazọ̀ sexè geèkw'ee sị, “Nexè sìghà welè,” gedi. Dọ
 goxè gìgha ehkw'ì-ahodì t'à goghọnegeètọ̀ sị gogha yatì nezụ
 gìghàrà.

Nòhtsị naxits'ọ̀ sọ̀nıwọ̀ welè.

Philemon ts'ò aatl'è

¹ Sɪ Paul aht'e, Zezi-Krɪ wegħa eghàlaehda t'à dɔ-danɪlaa-kò whɪhda. Gòet'ɪ Timothy wexè Philemon ts'ò eehtl'è. Nɪ sɪ goàgɪa-deè anet'e eyits'ɔ goxèht'eè godɪ nezɪ għa eghàlaɪda hɔt'e. ² Archippus ededɪ sɪ goxè godɪ nezɪ għa eghàlaedaa elɪ eyits'ɔ godè Apphɪa gɪts'ò eehtl'è. Eyits'ɔ Nòhtsɪ wecheekeè nekò yagehtɪ għa elègehdeè sɪ ededɪ sɪ gɪts'ò eehtl'è.

³ Nòhtsɪ-Gotà eyits'ɔ gots'ò K'àowo Zezi-Krɪ naxɪts'ò sɔgɪwɔ welè, eyits'ɔ naxɪxè sìghà hòzɔqò agule.

Paul Philemon għa yahtɪ

⁴ Naxɪgha yahtɪ taàt'eè Senòhtsɪ masì weehwhɔ. ⁵ Zezi-Krɪ weyatɪ negħa ehkw'ɪ-ahodɪ ghɔ eèkw'o t'à, eyits'ɔ wets'ɔ dɔ hazɔqò gɪghɔneètɔ t'à, Nòhtsɪ ts'ò masì dehwhɔ. ⁶ Godɪ nezɪ għa hòt'ò eghàlaɪda ha, eyits'ɔ ayɪ negħa ehkw'ɪ-ahodɪ sɪ wet'à dɔ xè goɪdo għa, negħa yahtɪ. Hanɪ-ɪdè Zezi-Krɪ wets'ɪhɔ ayɪ nezɪ goghòt'ɔqò sɪ sɪ degħàà wenɪdɪ ha. ⁷ Sɪ dɔ gɪghɔneètɔ t'à k'qonɪ sɪnà hɔt'e. Sèot'ɪ, Nòhtsɪ wets'ɔ dɔ gidzeè t'à gɪnà agɪnelà, eyɪ ts'ɪhɔ sɪnɪ nàtsoò asèneelà hɔt'e.

Paul Onesimus ghɔ Philemon ts'ò eetl'è

⁸ Eyɪt'à Zezi-Krɪ dahxà yatɪ nàtsoo t'à ayɪ ehkw'ɪ sɪ hanele nèehsɪ ha dɪi-le, ⁹ hanikò ełegħɔnets'eètɔq ts'ɪhɔ negħɔnàdaehtɪ aehsɪ. Sɪ Paul, hòt'a qħdaà aht'e eyits'ɔ Zezi-Krɪ wegħa eghàlaehda t'à sedaàtɔq sɪ ¹⁰ Onesimus wegħɔ nets'ò eehtl'è. Sedaàniɪtɔ ekò ededɪ seza lanɪ whelɪ. ¹¹ ɪdè negħa wet'àhoòzà-le ɪlè, hanikò dɪi sɪ nɪ eyits'ɔ sɪ ɪlah gogħa wet'àazà ajà.

¹² Sedzeè t'à segħa dɪi kò nets'ò naweehɔ ha. ¹³ Wek'èhdi ha dehwhɔ ɪlè, hanɪ-ɪdè ɪlè godɪ nezɪ għa sedaàniɪtɔ et'ɪ netl'axɔqò sets'adɪ ha dɪi-le. ¹⁴ Hanikò nɪnɪ k'èè-le nɪdè wek'èhdi ha-le. Hanɪ-ɪdè t'asɪ nezɪ segħa hanelà nɪdè nɪ nɪnɪ k'èè zɔ hanele ha, wets'ò nehɔa t'à hanele ha-le. ¹⁵ Dànighɔ Onesimus whaà-lea ts'ò nets'ò ajà sɪ lɔqò nets'ò anade ha t'à agòjà tahkò. ¹⁶ Dɪi sɪ negħa eghàlaedaa dɔq zɔ elɪ nɪle. ɪle, negħa eghàlaedaa dɔq nahk'e nechɪ lanɪ sɪ wegħɔneètɔ ha. Wegħɔneehtɔ hɔt'e, hanikò nɪ denahk'e wegħɔneètɔ aade ha. Negħa nezɪ eghàlaedaa dɔq elɪ t'à eyits'ɔ gots'ò K'àowo wɪzɪ dahxà nèot'ɪ elɪ t'à wegħɔneètɔ ha.

¹⁷ Eyɪt'à ełexè gots'ò K'àowo għa eghàlawɪda awɪt'e seneehwhɔ nɪdè, sɪ negà goyaehtlɪ lanɪ negà goyaetlɪ awɪle nɔq. ¹⁸ Nets'ò ekɔ-le eghàlaɪdà, hanɪ-le-ɪdè t'asɪ nets'òqzeehdi ha nɪdè wek'èxa sɔmɔba negħaehle ha. ¹⁹ Sɪ Paul xàè sɪlɪ t'à dɪ yatɪ nets'ò eehtl'è hɔt'e. Wenɪhtl'è naehle ha, hanikò nɪ sɪ

edaxàneètì anèhlà k'èxa seghàdütè ha hõt'e. ²⁰ Sèot'ì, gots'ò K'àowo wets'ihzò t'asì net'àhoehwhì ha dehwhò. Eyit'à Zezì-Krì wets'ihzò sedzeè t'à sìnà asùle. ²¹ Seyatì k'èanet'e ha hotì nek'èehsò t'à nets'ò eehtl'è. Ayì neehkèe sì wenahk'e ts'ò anele ha wek'èehsò.

²² Eyits'ò t'asì ìlè neehkè ha, nekò naehte ha segha sùgoìle. Nòhtsì naxiyatì k'èhoìzò nìdè naxits'ò anahde ha sòni dehwhò.

²³ Epaphras sexè Zezì-Krì gha wedaàniìtò sì, “Naxìxè sìghà welè,” hadì. ²⁴ Eyits'ò dò eyì-le sexè eghàlageedaa, Mark, Arìstarchus, Demas, eyits'ò Luke, “Naxìxè sìghà welè,” gedi.

²⁵ Gots'ò K'àowo Zezì-Krì naxits'ò ìnì xè sòniwò welè.

Hebrew got'ù gits'ò aatl'è

Nòhtsì Weza sù yak'eet'ù nahk'e elì họt'e

¹ Inèè sù Nòhtsì nakwenàozòq t'à gòt'ò gocho gots'ò gojde ilè, eyits'ò t'asì lò xàzaa t'à gots'ò gojde ilè, ² hanikò dù nõqde dzèè ts'ò hawee sù Edeza t'à gots'ò gojde. T'asì hazòè Edeza t'aa whelaà ayele ha yìhchì họt'e, eyits'ò wet'ò dèè, yat'a eyits'ò t'asì hazòè whehtsì họt'e. ³ Nòhtsì Weza sù dànì Nòhtsì wexè sajdì sù yexèht'eè wexè sajdì họt'e. Nòhtsì dànì wègaat'ù sù Weza hotù yexèht'eè wègaat'ì họt'e, weyatì nàtso t'à t'asì hazòè edaà ayìhwhò. Dò gha elajwo t'à gihòlù gìghò nahoazha ayìlà t'axò, idòo yak'e Nòhtsì t'asì weggha dù-le sù gà nàgòts'ehnéè wheda. ⁴ Eyit'à Nòhtsì Weza sù yak'eet'ù gonahk'e t'asì deè whelì, eyits'ò hazòè guzì nahk'e Nòhtsì yuzì nechàa whehtsì.

⁵ Eyit'à dàht'e-seè Nòhtsì yak'eet'ù ilè ts'ò dù hadì,

“Nì Seza anet'e, dù dzèè k'e Netà whihlì,”

hadì nõq? Hanì-le-ìdè asì yak'eet'ù ilè ghò dù hadì,

“Wetà ehì ha, eyits'ò ededì Seza elì ha,”

asì yak'eet'ù ghò hadì hòlì nõq? ⁶ Eyits'ò Nòhtsì xàè Edeza dù nèk'e ts'ò yìhza kwe yeghò dù hadì ilè,

“Nòhtsì weyak'eet'ù hazòè gìghàsòedì welè,” dek'eèht'è.

⁷ Nòhtsì edeyak'eet'ù goghò dù hadì,

“Edets'ò yak'eet'ù nìhts'ì guìlì agòòlà eyits'ò kòwoò guìlì agòòlà,” dek'eèht'è.

⁸ Hanikò edeza ghò dù hadì,

“Nì sù Nòhtsì anet'e, welò while ts'ò K'àowocho nelì ha, eyits'ò

nàowo ehkw'u k'èè k'àowo nelì ha. ⁹ Nàowo ehkw'u ghòneètò

eyits'ò nàowo lù dzanehwhò họt'e. Eyit'à Nenòhtsì sù neàgìq

ginahk'e K'àowodeè nelì gha degai tleh nek'e ayìlà t'à ninà

anìlà,” dek'eèht'è.

¹⁰ Eyits'ò Nòhtsì dù hadì,

“Gots'ò K'àowo t'akwel'ò kèhòiwò ekò dù dèè whenehtsì eyits'ò

nulà t'à yat'a whenehtsì họt'e. ¹¹ Nòqde nìdè eyì hazòè while

agode ha, hanikò nì sù t'aats'ò nexè hòzò ha. T'asì hazòè

hòèlù sù goht'òts'ì lade ha. ¹² Goh't'ò ladiì ats'eh'ì lagode ha.

Hanikò nì sù ladiì anede ha-le eyits'ò nelò nèhòkw'ì hòlì ha

nùle,” hadì dek'eèht'è.

¹³ Nòhtsì sù edeyak'eet'ù ilè ts'ò dù hadì while,

“Amì nets'ò xànegìzaa sù hazòè gìghòìhnè agehlè gots'ò,

nàgòts'ehnéè k'e segà wheèda,”

edeyak'eet'ù ts'ò hanìdì while. ¹⁴ Yak'eet'ù hazòè inì agut'e,

dò edaxàgeedè ha sù gots'agèdì gha Nòhtsì goìhza agut'e.

2

Hotù dahwhọ t'à aàhk'w'ọ

¹ Ayì ts'ìhkw'ọọ sù hotù nezù wegọ nàníts'edè ha họt'e, hanì-ìdè Nọhtsị wets'ọọ ats'ede ha nùle. ² Yak'eet'ì Nọhtsị yatù t'à gogedee sù hotù wek'èats'ùt'e ha họt'e, eyits'ọ dọ hazọọ eyi yatù nàgùzhì sù wek'èxa dagùza ha agiìdlà họt'e. ³ Eyit'à Nọhtsị eniyyah k'èè edaxàgolee sù wede ats'ùlà nìdè nàgoehkwa ch'à kwìts'eehdè ha honàedi nùle. Edaxàgole ha sù gots'ọ K'àowo t'akwełọọ yegọ goide ìlè, eyits'ọ dọ gùhkw'ọọ sù ededì sị gots'ọ hagedì. ⁴ Nọhtsị sù godaà eniyyah lọ xàzaa eghàlajà t'à weghàà ehkw'ì-ahodì họwọ họt'e, eyits'ọ wini k'èè Yedàyeh Nezù t'asù nezù dọ goghàyele họt'e.

Zezi goxèht'èè whelì

⁵ Ìdaà nìdè eyi dèè wegòò hòzọ ha sù yak'eet'ì gits'ọ k'ahodè ha-le Nọhtsị agòlà. ⁶ Nọhtsị ts'ọ dàhodù sù wenùht'è k'e dù hanì dek'eèht'è,

“Dọ ayì elì t'à wedaàntnewo eyits'ọ weghọneètọ? ⁷ Whaà-lea gots'ọ zọ yak'eet'ì k'azì elì awènelà, hanìkò K'àowochò lanì wexè eniyyah hòzọọ anelà, weghàsọedù anelà, ⁸ eyits'ọ t'asù hazọọ wet'aa whelaà anelà,” dek'eèht'è.

Nọhtsị t'asù hazọọ ts'ọ K'àowoò ayìlàa sù t'asù wùzù wede ayìlà nùle. Hanìkò dù sù dù nèk'e t'asù hazọọ ts'ọ K'àowo lanì wègaat'ì-le. ⁹ Nọhtsị sù Zezi whaà-lea gots'ọ yak'eet'ì k'azì elì ayìlà ìlè. Hanìkò dàzà xè ełajwo t'à, dù sù Nọhtsị eniyyah deè elì ayìlà, eyits'ọ weghàsọhoedù ayìlà họt'e. Nọhtsị wesọniwọ t'à dọ hazọọ gha ełajwo họt'e.

¹⁰ Nọhtsị wegħa eyits'ọ wet'ọọ t'asù hazọọ hòèlì. Zezi gogħa dàzàa sù wet'ọọ Nọhtsị weza lọ welọ whìle ts'ọ edaxàgiazħa. Eyit'à Zezi dàzà t'à Nọhtsị denahk'e elì ayìlàa sù ehkw'ì họt'e.

¹¹ Zezi degai agohzù sù eyits'ọ dọ degai agiìdlàa sù ìlħ gità ełèht'e họt'e. Eyit'à Zezi xàè edechì gòhdì ha goghọ ìzhaelì nùle. ¹² Zezi, Nọhtsị ts'ọ dù hadì,

“Negħọ sechì gits'ọ gohde ha, ląq nègedè ni, gınadaqà eniyyah deè anet'e dehsì xè shì t'à negħàsọehdì ha,” hadì.

¹³ Eyits'ọ dù hadì,

“Nọhtsị segha ehkw'ì adì ha.”

Eyits'ọ k'achì dù hadì,

“Nọhtsị edeza seghàlāa sù gixè jọ whìhda,” hadì.

¹⁴ Weza ts'ùlù sù dọ ats'ùt'e, ededì sị goxèht'èè dọ whelì. Gogħa ełajwo t'à amì ełàgòhdee nàtsoo elì sù yedìhòèhtsì; eyi sù wehù họt'e. ¹⁵ Eyit'à dọ gıgòhì gots'ọ ełàgedè ts'àgeejù sù Zezi edaxàgoìla họt'e. ¹⁶ Zezi yak'eet'ì ts'adì għa ajà nùle, hanìkò Abraham wets'ihzọọ-dọ gots'adì għa ajà họt'e. ¹⁷ Eyì

ts'ihʔò dānì dọ ts'ɪɪɪ sɪ hotɪ goxèht'eè wehòèlɪ hɔt'e. Hanì-
jè Nòhtsɪ ghọ wɪnì nàtso xè yegha eghàlaeda ha weli. Yahtu-
wet'aaʔaa-deè dọ ts'ò wedzeè eteèʔɪ elɪ ha weli, eyits'ò dọ
ghòhɪ k'èxa ɛlaàwɪ ha weli. ¹⁸ Zezì ededɪ hoɦɪ t'à weèdzà ekò
dajʔà jlèe, eyit'à dọ hoɦɪ t'à geèdzà sɪ gots'àdɪ ha wegħa dɪi-le
hɔt'e.

3

Zezi Moses nahk'e elɪ

¹ Eyit'à sèot'ɪ degaɪ, yak'e ts'ò naxɪkayaetɪ sɪ Zezì ts'ò naxɪnì
nàtsoò aahlè. Ededɪ Nòhtsɪ wecheekeèdeè elɪ xè gogħa yahtu-
wet'aaʔaa-deè elɪ sɪ gogħa ehkw'ɪ adɪ hɔt'e. ² Moses Nòhtsɪ
wekò għa eghàlaɪdà ekò Nòhtsɪ wɪnì k'èè zọ eghàlaɪdà lanì
Zezì ededɪ sɪ amɪ yɪhchɪ sɪ yɪnì k'èè zọ eghàlaeda hɔt'e.
³ Kò-gòhtsɪ-dqò sɪ kò nahk'e wet'aaʔaa hɔt'e, eyɪ lanì Zezì
sɪ Moses nahk'e wegħàsɔhoedɪ hɔt'e. ⁴ Kò hazqò dọ yèhtsɪ
hɔt'e wek'èts'eezọ, hanìkò Nòhtsɪ sɪ t'asɪ hazqò whehtsɪ hɔt'e.
⁵ Moses, Nòhtsɪ wekò għa eghàlaeda ekò yek'èɪt'e jlè. İdaà nɪdè
Nòhtsɪ dàdɪ ha sɪ ghọ dọ ts'ò goɪde. ⁶ Hanìkò Zezì-Krɪ, Nòhtsɪ
Weza elɪ k'èè Edetà k'èɪt'e xè ededɪ Nòhtsɪ wekò gots'ò dọ ts'ò
K'àowo hɔt'e. Nqode ts'ò goɪnì dejɪ-le xè gogħa ehkw'ɪ-ahodɪ
ts'edɪ nɪdè Nòhtsɪ wekò gots'ò dọ ats'ɪt'e.

⁷ Eyit'à Yedàyeh Nezɪ dɪ hadɪ hɔt'e,

*“Du dzeè k'e Nòhtsɪ weyatɪ aàhk'w'ò nɪdè, ⁸naxɪcho gɪhdzà lanì
wets'ò naxɪdzeè dezħì aahlè-le. İdèe whaà ekɪ-ka nèk'e naxɪcho
Nòhtsɪ geèhdzà xè wek'èch'a eghàlagɪdà jlè. ⁹Ekò segeèhdzà jlè,
eyits'ò dɪèŋ xo ts'ò gɪdà enɪyah lɔ hòwhɪhtsɪ sɪ gɪaʔɪ jlè. ¹⁰Eyɪ
ts'ihʔò naxɪcho ekɪyeè k'e geedaa sɪ gɪts'ò sek'èch'a xè du haehsɪ
jlè, 'T'aats'ò ededzeè t'à ts'ɪʔò geedè eyits'ò senàowoò k'ègeez-
le.' ¹¹Gɪts'ò sɪnì-le t'à du yatɪ nàtsoo whɪhtsɪ, 'Edɪ sexè ts'èwhɪ
hòʔq sɪ hogeʔɪ hqɪlɪ ha nɪle,”* hadɪ dek'eèht'è.

¹² Eyit'à sèot'ɪ, naxɪdzeè yɪ hoɦɪ awede sòqò eyits'ò naxɪgha
ehkw'ɪ-ahodɪ-le t'à Nòhtsɪ edaa sɪ wets'òqò naahdè sòqò.
¹³ Hanìkò ɪlaà “du dzeè” ts'edɪ et'ɪ dze taat'eè eɦnì nàtsoò
aɦaɦɪ. Haɦaɦɪ nɪdè naxɪta dọ wɪzɪ wegħoyahoeʔa t'à Nòhtsɪ
ts'ò wedzeè dezħì ade ha nɪle. ¹⁴ T'akwełqò dānì hotɪ gogħa
ehkw'ɪ-ahodɪ sɪ nqode ts'ò ts'itqò nɪdè, Zezì-Krɪ wexè jlè lats'ɪt'e
hɔt'e. ¹⁵ Dɪ hani dek'eèht'è k'èè,

*“Du dzeè k'e Nòhtsɪ weyatɪ aàhk'w'ò nɪdè, naxɪcho gɪhdzà lanì
wets'ò naxɪdzeè dezħì aahlè-le,”* dek'eèht'è.

¹⁶ Nòhtsɪ gots'ò goɪde gɪkw'ò jlè ekò Nòhtsɪ k'èch'a
egħalagɪdà. Moses dọ hazqò Egypt nèk'e gots'òqò xàgoèwaa
sɪ eyɪ et'ɪ agɪt'e! ¹⁷ Dɪèŋ xo gots'ò Nòhtsɪ gots'ò wɪnì-le sɪ
amɪ agɪt'e? Dọ Nòhtsɪ k'èch'a hoɦɪ hogèhtsɪ t'à ekɪ-ka nèk'e
ɛlaàgɪdèe sɪ eyɪ agɪt'e. ¹⁸ Nòhtsɪ amɪ ts'ò yatɪ nàtsoo t'à dɪ

hadı, “Edıı sexè ts'èwhıı hòzqò sıı hogezi hqılı ha nıle.” Dq gk'èı't'e-le sıı gots'ò hadıı xayıhtı ıle. ¹⁹ Gıgha ehkw'ı-ahodı-le t'à Nòhtsı wexè ts'èwhıı hòzqò sıı hogezi ha dıı wek'èts'eezqò hqt'e.

4

Nòhtsı wets'q dq ts'èwhıı hòzqò hogezi ha

¹ Nòhtsı wexè ts'èwhıı hòzqò sıı hots'ezi gha edeyatıı goghàızqò sıı ılaà goxè whezqò hqt'e. Eyıt'à hotıı edexoahdı, naxıta ts'q dq wıızıı eyı gha dek'azi awede sqò. ² Gocho gıxèht'eè goxı sıı godı nezıı t'à gots'ò gogııde hqt'e, hanıkò Nòhtsı wegodıı gııhk'w'òq sıı gıgha ehkw'ı-ahodı-le t'à gıt'àhııwhıı-le. ³ Goxı gogha ehkw'ı-ahodıı sıı Nòhtsı wexè ts'èwhıı hòzqò sıı hots'ezi ha hqt'e. Nòhtsı gocho gots'ò dadı sıı k'èè,

“Sıı sek'èch'a t'à yatı nàtsoo t'à du haehsı, ‘Sexè ts'èwhıı hòzqò sıı hogezi hqılı ha nıle,’” hadı.

Hanıkò du nèè hòèı gots'q Nòhtsı edılaà degħàà yegħonqot'e ıle. ⁴ Dze lòhdı t'à whezqò ghq dıı hadı dek'eèht'è, “Nòhtsı edılaà hazqò yegħalaıdà t'axqò lòhdı dzeè k'e ts'èwhıı nahòehzı,” dek'eèht'è. ⁵ Hanıkò “ts'èwhıı hòzqò” ghq k'achı dıı hanı dek'eèht'è, “Sexè ts'èwhıı hòzqò sıı hogezi hqılı ha nıle,” dek'eèht'è.

⁶ Eyıt'à dq mòhdaa Nòhtsı xè ts'èwhıı hòzqò sıı hogezi ha hqt'e wek'èts'eezqò. Hanıkò ıneè dq godı nezıı egııkw'o ıleè sıı Nòhtsı k'èagııt'e-le t'à, Nòhtsı xè ts'èwhıı hòzqò sıı hogıazı nıle. ⁷ Eyıt'à Nòhtsı k'achı ılaà dze ıle eyı gha whezqò ayııla, eyı dzeè sıı “dıı dzeè k'e” yèhdıı yıızı hqt'e. Whaà hoòwo t'axqò gocho David t'à dq ts'q goııde hadı,

“Du dzeè k'e weyatıı aàhk'w'q nıdè, Nòhtsı ts'q naxıdzeè dezhi aahle-le,” dek'eèht'è.

⁸ Joshua Israel got'ıı ekq ts'èwhıı hòzqò ts'q agòòlà nıdè, Nòhtsı k'achı dze eyıı-le ghq gode ha-le ıle. ⁹ Eyıt'à Nòhtsı wets'q dq gıgha sıı Nòhtsı Dzeè lanı degħàà ts'èwhıı nahogeezi ha gıgha ıdaà whezqò hqt'e. ¹⁰ Nòhtsı xè ts'èwhıı hòzqò k'è goyats'eedè nıdè goıılaà ghonats'et'è t'à ts'èwhıı nahots'eezi ha hqt'e, Nòhtsı edılaà ghonqot'e t'à nahoèhzı lanı. ¹¹ Eyıt'à Nòhtsı xè ts'èwhıı hòzqò k'è hots'ezi ha nıdè hòt'ò eghàlats'eeda ha hqt'e, hanı-ıdè gocho dani Nòhtsı k'èagııt'e-le k'èè gogha hoıla ha-le.

¹² Nòhtsı weyatıı sıı eda xè wek'èè k'ehokw'o hqt'e. Weyatıı sıı behcho ıla-ts'q wek'à dèni nahk'e dèni hqt'e. Gokwò wezqò ts'q tàgoehwhe hqt'e, godàazhıı eyıts'q gots'q ıni ılak'aà ayehzi, gokw'qò eghagoèhzqò eyıts'q hazqò godzazıı ılak'aà ayehzi xè godzeè yıı dàts'ııwqò sıı yesıııyahtı. ¹³ T'asıı hazqò hòèıı sıı ıle kò Nòhtsı wenaàhtq whezqò nıle. T'asıı hazqò

wegha ts'qwhela xè wenadaà wègaat'ı, eyıts'q t'ası hazqò k'èxa gosınıyaehtı ha hqt'e.

Zezi Yahtu-wet'aaàa-deè elı

¹⁴ Zezi Nòhtsı Weza gogha yahtu-wet'aaàa-deè elı sı yak'e Nòhtsı nadaà eghàlaıdàa sı hòt'ò gogha ehkw'ı-ahodı ts'edi nıdè Zezi wexè ats'et'ı hqt'e. ¹⁵ Gogha yahtu-wet'aaàa-deè elı sı dànı nàts'etso-le t'à dọ ts'ıııı sı yek'èezq hqt'e. Goxèht'eè t'ası hazqò t'à weèdzà ıle hqt'e, hanıkò hoıı wıızıı wek'e whezq-le. ¹⁶ Eyıt'à edèdats'eedı-le xè Nòhtsı wesqıwq wehòh2q sı wenadaà nèt'sıdè, hanı-ıdè etegoèh2ı ha eyıts'q gogha hoıla ajà nıdè gots'ò sqıwq t'à gots'adı ha.

5

¹ Dı nèk'e yahtu-wet'aaàa-deè hazqò sı dọ gıxèht'eè gıta gots'q gııchı hqt'e. Edèot'ı gha nakweè geèhk'w'e gııı t'à Nòhtsı nadaà k'ehogezà, dọ-hoııı k'èxa tıts'aadı eıaàgehde xè Nòhtsı ts'ò gık'eehk'ò. ² Hanı yahtu-wet'aaàa-deè elı sı dọ t'ası k'ègeezq-le t'à ts'ı2q geedè sı gok'èezq xè etegoèh2ı hqt'e, ededı sı goxèht'eè nàtso-le hqt'e t'à. ³ Eyıt'à edehoııı k'èxa eyıts'q dọ gıhoııı sı k'èxa Nòhtsı ts'ò t'ası k'eehk'ò ha hqt'e.

⁴ Dọ wıızıı eyı la wet'aaàa edeghà2à ha nıle, Nòhtsı yekayaıhtı nıdè zq yahtu-wet'aaàa-deè elı hqt'e, Aaron Nòhtsı yııhchı lanı. ⁵ Zezi-Krı ededı sı yahtu-wet'aaàa-deè edèhtsı nıle. Hanıkò Nòhtsı yets'ò dı hadı,

“Nı sı Seza anet'e, dı dzeè k'e Netà whıhı hqt'e,” yèhdı.

⁶ Eyıts'q dı hanı weghq dek'eèht'è,

“Welq whıle ts'ò yahtu anet'e, Melkızedek yahtu-wet'aaàa-deè elı wek'èè yahtu anet'e,” dek'eèht'è.

⁷ Zezi dı nèk'e nàıdè ekò ededzeè t'à etse xè Nòhtsı ghonàdaeti ıle. Eıaàwı ch'à edaxàyehtè ha dıı-le sı ts'ò yaıhtı ıle. Zezi nezıı edetà ts'ò nà2à xè t'aats'qò yek'èıt'e t'à Wetà yeèhk'w'q hqt'e. ⁸ Nòhtsı Weza elı kò daı2à t'à dànı Nòhtsı k'èats'ııt'ee sı hoghàdeetq hqt'e. ⁹ Denahk'e elı awııdlà t'axqò, dọ hazqò yek'èıt'ee sı welq whıle ts'ò Edaxàgolee whelı. ¹⁰ Dànı yahtu-wet'aaàa-deè Melkızedek wııchıı sı k'èè Zezi yahtu-wet'aaàa-deè elı ha Nòhtsı yııhchı hqt'e.

K'achı Nòhtsı wets'qò aahde-le

¹¹ Eyı ghq ılaà naxıts'ò gohde ha dehwhq, hanıkò ıwhàà yatı àahchı-le t'à weghq naxıts'ò gohde ha wèhoedi-le lanı. ¹² Naxı hòt'a dọ hoghàahtq ha ıle, hanıkò Nòhtsı weyatı ts'qòhk'e ayı t'akwelò hoghàgoetq sı naxı ıhı k'achı hoghònaxeetq. Ejiet'ò zq aahdq lanı, hanıkò bò dezhiı aahde ha dıı. ¹³ Dọ ejiet'ò zq t'à edaa sı ılaà bebıa lanı hqt'e, eyıt'à Nòhtsı wegħa ehkw'ı ts'eedaa yatı yek'èezq-le hqt'e. ¹⁴ Ekò bò dezhiı sı

dq ɔhdah ɣɪɫɪ sɪ ɣɪɣha hɔt'e; t'aats'ɔɔ hɔghàdegeetɔ t'à ayɪ ehkw'ɪ eyɪts'ɔ ayɪ hoɫɪ ne sɪ ɣɪk'èezɔɔ aget'ɪ.

6

¹ Eyt'à Zezì-Krɪ weghɔ ayɪ t'akwelɔɔ wek'èts'eezɔɔ sɪ hòt'a weghɔ gots'ede ghɔ nats'ɪt'è, eyɪts'ɔ Nòhtsɪ wek'èts'eezɔ k'èɛ ts'ɪdà. Eyt'à hoɫɪ hots'ehtsɪ wet'à eɫàats'edee sɪ ghɔ edek'ets'ɪɫɪ, dànɪ Nòhtsɪ gɔgha ehkw'ɪ-ahodɪ, ² dànɪ dq k'ètaɪdzɪ, dànɪ dq ɣɪk'eèyats'ehtɪ, dq naɪdàa, eyɪts'ɔ dànɪ Nòhtsɪ welɔ while ts'ò dq sɪnɪyaehtɪ sɪ eyɪ hazɔɔ hòt'a wek'èahsɔ hɔt'e. ³ Nòhtsɪ hanɪ ha nɪwɔ nɪdè ɔhdah nàowò k'èɛ hɔghànaxets'eehtɔ ha.

⁴ Dq Nòhtsɪ wegodɪ k'ègeezɔɔ agɪdlà t'axɔɔ Nòhtsɪ t'asɪ nezɪ gɔghàɪɔɔ sɪ ɣɪnɪedɪ nɪdè, eyɪts'ɔ Yedàyeh Nezɪ ɣɪk'e ajà t'axɔɔ, ⁵ Nòhtsɪ weyatɪ nezɪ hɔt'e ɣɪk'èhoèhzà t'axɔɔ, eyɪts'ɔ ɪdàà nɪhɔɔwo nɪdè Nòhtsɪ dànɪ enɪyah hohtsɪ ha sɪ ɣɪk'èezɔ t'axɔɔ, ⁶ Nòhtsɪ ts'ɔɔ ek'èt'à anagejà nɪdè k'achɪ edehoɫɪ k'egɪɫɪ aɡedle ha dɪɪ hɔt'e. Nòhtsɪ Weza k'achɪ dechɪet'aa k'e wedɪtsò aɡehɪ lanɪ, eyɪts'ɔ k'achɪ dq ɣɪghàedlò aɡehɪ t'à edets'ò hoɪla eghàlageeda hɔt'e.

⁷ K'àowo wedèè k'e chɔh ɫɔ at'ɪ t'à wegħa t'asɪ nezɪ dehshe nɪdè, gots'ɔ K'àowo eyɪ dèè xè sɪghà hòɔɔ ayehɪ t'à hɔt'e. ⁸ Hanìkò dèè wek'e ɪchɪghòè eyɪts'ɔ t'oh nezɪ-le dehshe nɪdè, wet'àazà nɪle xè Nòhtsɪ yedɪhohtsɪ ha ts'ò hawe. Nɔɔde ts'ò wek'ee'k'ò ha.

⁹ Seàɣɪ, dɪ hanɪ naxɪts'ò gots'ede kò eyɪ wenahk'e naxɪɛ hoɪɪɪ hòɔɔ aɡode ha hotɪ wek'èts'eezɔ. Nòhtsɪ edaxànaxɪɪla k'èɛ nezɪ eghàlaahda. ¹⁰ Nòhtsɪ sɪ ekɔ-le gots'ɔ eghàlaeda nɪle; dànɪ wegħa eghàlaahda eyɪts'ɔ dànɪ weghɔnɪahtɔɔ sɪ yenadɪ ha hɔt'e. Wets'ɔ dq ɣɪts'aaħdɪ ɪlè eyɪts'ɔ dɪ dzɛɛ ts'ò ɪlè ɣɪts'aaħdɪ t'à weghɔnɪahtɔɔ sɪ yek'èezɔ hɔt'e. ¹¹ Naxɪ hazɔɔ nɔɔde dzɛɛ ts'ò hotɪ k'èdàà hanɪ eghàlaahda naxɪts'ɪhwhɔ, hanɪ-ɪdè ayɪ wekanɪahɔàa sɪ wek'èɛ aɡode ha. ¹² Gots'eahdɪ aahde ha naxɪts'ɪhwhɔ-le, hanìkò dq ɣɪɣha ehkw'ɪ-ahodɪ xè ts'èwhɪ nageèhɪ t'à ayɪ ɣɪdawheɔɔ ɣɪghɔt'à ha sɪ ɣɪxèahɪ ha naxɪts'ɪhwhɔ.

Nòhtsɪ yatɪ whehtsɪ sɪ hotɪ yek'èɛ eghàlaeda ha hɔt'e

¹³ Nòhtsɪ Abraham xè yatɪ whehtsɪ ekò Nòhtsɪ wenahk'e ɣòhɪ-le t'à ededɪ edet'à yatɪ nàtsòo whehtsɪ ɪlè. ¹⁴ Nòhtsɪ Abraham ts'ò hadɪ, “Nexè sɪghà hòɔɔ ahɫe ha, eyɪts'ɔ nets'ɪhɔɔ-dɔɔ ɫɔ ɣòhɪ ahɫe ha,” yèhdɪ. ¹⁵ Eyt'à Abraham whaà yedanaèhɪ t'axɔɔ, Nòhtsɪ ayɪ yegħa dàle ha dɪ sɪ weghɔt'ɔ.

¹⁶ Dq yatɪ nàtsòo gehtsɪ nɪdè dq ɣɪnahk'e elɪ sɪ wɪzɪ t'à yatɪ nàtsòo gehtsɪ hɔt'e. Yatɪ nàtsòo gehtsɪ wegħàà ehkw'ɪ ɡogede ɣɪk'èhoedɔɔ, wet'à dq gots'ɔ nàyagɛhtɪ-le aget'ɪ. ¹⁷ Nòhtsɪ edeza

edeyatù goghà:zòò sù t'aats'òò edeyatù k'èdì ha gik'èezò ha nìwò t'à, ededì edet'à yatì nàtsoo whehtsì jìè. ¹⁸ Nòhtsì sù t'asì nàke ladij adle ha-le t'à yatì whehtsì hòt'e, eyì weghàà Nòhtsì hots'ì ha honàedi nùile wek'èts'eezò. Goxì hoila ch'à edaxàgoeze gha Nòhtsì ts'ò kwìts'eèhdee sù eyì ghò goinì nàtso weli. ¹⁹ Eyit'à Nòhtsì edeyatù goghà:zòò sù godàazhì gha tègozè lanì, wet'à goxè nàgoidà ha nùile. Zezì wexè Nòhtsìkò-gocho goyì enìt'i wezì degai k'è gòzòò sù ekò eyì yatì gogha whezò lanì hòt'e. ²⁰ Ekò Zezì gonakweè gogha goyaèhtlà hòt'e. Ededì sù welò while ts'ò Melkizedek wek'èè yahtu-wet'àazàa-deè whelì hòt'e.

7

Yahtu Melkizedek

¹ Eyì dò Melkizedek sù kògodeè Salem gogha k'àowocho elì jìè, Nòhtsì wenahk'e gòhì-le sù gha yahtu elì jìè. Abraham, k'àowocho eyì-le gots'ò elegegò t'à goghòèhnò gots'ò ek'èt'à naèhtlà ekò, Melkizedek yeghaetlà t'à yek'eèyàhtì jìè. ² Abraham t'asì hazòò dèhnò gots'ò t'asì lò yeghà:la; hoònò ts'ò lats'iyìwa gà hoònò-jìè yeghà:zò. Melkizedek ts'edi sù, “k'àowocho wet'à ehkw'ì hòzòò,” ts'edi-ats'edi, eyits'ò “Salem gha k'àowocho” sù wìyeh, eyì sù “k'àowocho wexè ts'èwhì hòzòò,” ts'edi-ats'edi hòt'e. ³ Melkizedek wetà eyits'ò wemò guzì dek'eèht'è while. Wecho sù guzì dek'eèht'è-le, dàht'e wegòhì eyits'ò dàht'e ełajwoò sù weghò godì dek'eèht'è-le. Nòhtsì Weza lanì welò while ts'ò yahtu elì hòt'e.

⁴ Dàni wet'àazàa-deè elì jìè sù wedaaniàhdè: Gocho Abraham ededì kò t'asì hazòò dèhnò gots'ò sù hoònò-jìè yeghà:zò. ⁵ Moses wenàowoò k'èè Levi wets'ìh:zòò-dòò ełek'èdaà yahtu gujì sù giot'ì hazòò t'asì geehnè gots'ò sù wets'ò hoònò-jìè edegha gihchì hòt'e, hazòò Abraham wets'ìh:zò ełèot'ì agùt'e kò. ⁶ Melkizedek Levi wets'ìh:zòò-dòò elì nùile kò jìàà Abraham wets'ò t'asì haàt'òò weghòzha hòt'e, eyits'ò Nòhtsì Abraham xè yatì whehtsì kò Melkizedek yek'eèyàhtì. ⁷ Dò denahk'e elì sù dò dek'azì elì k'eèyàhtì hòt'e, hotì wek'èts'eezò. ⁸ Levi got'ì sù ełagùde ha agùt'e kò t'asì hoònò gots'ò jìè nàgùhtsì hòt'e, hanìkò Melkizedek eyì wexèt'ò weghòzha hòt'e eyits'ò Nòhtsì Nìht'è k'èè jìàà eda hòt'e. ⁹ Levi got'ì t'asì hoònò ts'ò jìè nàgehtsì kò Abraham wet'òò eyì wexèt'ò Melkizedek ts'àgeèhdì, ts'edi ha dùi-le hòt'e. ¹⁰ Melkizedek Abraham ghò nùt'la ekò, Levi jìàà wegòhì-le t'à, edecho Abraham yì-ts'ò-èlì jìè.

Zezì Melkizedek lanì elì hòt'e

¹¹ Yahtu gogha eghàlageedaa sù eyì gha Nòhtsì Moses wenàowoò gòet'ì goghà:zòò jìè. Levi gots'ò yahtu gujì sù git'à deghàà degai agòdlà nìdè, ayìha yahtu eyì-le ts'ìwòò lì? Eyì

yahtu sù Melkizedek wek'èè yahtu elì ha họt'e, Aaron wek'èè yahtu elì ha nùle. ¹² Yahtu eyi-le xàʔaa gòhì nùdè, nàowo eyi-le sù gòhì ha họt'e. ¹³ Eyi yahtu weghọ ahodu sù giọt'ì ladi xàʔaa gots'ọ dọ họt'e, eyi dọ xàʔaa gots'ọ dọ wụzì kwe-ladà k'e Nọhtsị ts'ọ t'asì k'eìhk'ọọ while. ¹⁴ Gots'ọ K'àowo sù Judah wets'ihzọ-dọ elì wek'èts'eezọ. Moses eyi dọ xàʔaa gots'ọ yahtu wụzì ghọ xàyahtì nùle. ¹⁵ Eyi t'à Melkizedek lanu yahtu niitla nùdè, ayi ghọ gots'ùdee sù denahk'e nezì weniahdi ha họt'e. ¹⁶ Eyi dọ Moses wenàowoò k'èè wecho yahtu gùlè t'à yahtu wehòèlì nùle, hanikò welọ while ts'ọ nàtsoò wehòhzọọ dahxà yahtu whelì họt'e. ¹⁷ Weghọ dù hanì dek'eèht'è,

*“Nì sù welọ while ts'ọ Melkizedek wek'èè yahtu nelì họt'e,”
dek'eèht'è.*

¹⁸ Moses nàowo niizọọ sù wet'à ehkw'ì ts'eeda gha nàtso-le họt'e eyits'ọ dọ git'àhoehwhì-le t'à wedẹ adlà họt'e. ¹⁹ (Moses wenàowoò sù wet'à deghàà degai ts'ihlè ha nùle) hanikò eyi wenahk'e nàowo nàtso gots'ọ ajà họt'e. Eyi wet'à Nọhtsị ts'ọ gọqwa-lea ats'ede ha dii-le agòjà.

²⁰ Eyi nàowogòò sù yatì nàtsoo xè goghọt'ọ họt'e. Dọ eyi-le sù yatì nàtsoo wedẹ yahtu gihòèlì họt'e, ²¹ hanikò Zezì yatì nàtsoo xè yahtu whelì họt'e. Nọhtsị dù hayèhdi,

“Gots'ọ K'àowo yatì nàtsoo niizọọ xè edini ladi ayele ha nùle: ‘Nì sù welọ while ts'ọ yahtu anet'e,’ ” yèhdi.

²² Nọhtsị hanì weyatì nàtsoo ts'ihzọ nakenahòdlì wek'èhodì sù Zezì ededì eyi whelì họt'e.

²³ Yahtu lọ ełek'èdaà gòlè, hanikò hazọọ ełàgede t'à welọ while ts'ọ edilaa ghàlageeda ha dii. ²⁴ Hanikò Zezì welọ while ts'ọ eda ne t'à, welọ while ts'ọ gogha yahtu elì họt'e. ²⁵ Eyi t'à Zezì ededì wet'ọọ amì Nọhtsị ts'ọ at'ù sù deghàà edaxàgole ha wegħa dii-le họt'e. T'aats'ọọ eda t'à dọ għa Nọhtsị ts'ọ yahtu ha dii-le họt'e.

²⁶ Hanì yahtu-wet'àaʔaa-deè sù gots'adi ha dii-le họt'e; degai elì, hoì wek'e whezọ-le, hoì-hogehtsù-dọ ta gots'ọ nùle, yak'e gote-ts'ọ niwiti họt'e. ²⁷ Zezì inèè gots'ọ yahtu-wet'àaʔaa-deè xèht'e-le. Dzẹ taat'eè edehoì k'èxa eyits'ọ dọ gihòì sù k'èxa Nọhtsị ts'ọ t'asì k'eèhk'ọọ sù wegħa hanì hòzọ-le. Nọhtsị nadaq gohoì hazọọ k'èxa ełàawigwo adiìdlà eyits'ọ k'achì hanade ha nùle. ²⁸ Moses wenàowoò k'èè dọ yahtu-wet'àaʔaa-deè gùlì għa goghìhchì sù degai gùlì ha nàgetso-le họt'e, hanikò eyi nàowo hòèlì t'axọ Nọhtsị yatì nàtsoo t'à Edeza yìhchì họt'e, ededì sù welọ while ts'ọ deghàà degai elì họt'e.

8

Nakenahòdlì wegòò għa yahtu-wet'àaʔaa-deè

¹ Ayì awèts'edù sù dù awèts'edù: Yahtu-wet'aaàa-deè degàà degai elì gots'q hõt'e, eyì sù yak'e Nòhtsì wexè eniyyah hòzqò gá nàgòts'ehnéè wheda, ² eyits'q Nòhtsì wets'q degai k'è gòzqò sù ekq eghàlaeda hõt'e. Eyì gòzqò sù Nòhtsì wenìhbàa wedeèdlù hõt'e, eyì sù Nòhtsì nàìzaà ayìllà, dq ayìllà niule.

³ Yahtu-wet'aaàa-deè hazqò sù t'asì Nòhtsì ghàgeza eyits'q t'asì Nòhtsì ts'ò gik'eehk'ò gha gihchì hõt'e. Eyit'à Zezì ededì sù t'asì Nòhtsì ghàza ha hõt'e ilè. ⁴ Ilaà dù nèk'e wheda nùdè yahtu-wet'aaàa-deè elì ha-le ilè, hòt'a Moses wenàowoò k'èè yahtu Nòhtsì ts'ò t'asì gik'eehk'ò gòhlì ne t'à. ⁵ Ededì degai k'è gòzqò goyì eghàlageedaa sù yak'e degai k'è gòzqò xèht'eè lanì hõt'e, eyits'q ekì wezìzhù lanì hõt'e. Eyì ts'ihzò Moses Nòhtsì gha nìhbàa gohtsì ha nìhòqwo ekò Nòhtsì yets'ò dù hadì, “Shìhka dànì nets'ò wègaat'ì adlàa sù, hotù wek'èè anele ha,” yèhdì ilè. ⁶ Hanikò Zezì la weghõt'qò sù yahtu-wet'aaàa-deè gilaà nahk'e wet'aaàa hõt'e. Nakenahòdlù wegòò k'èè dq gha eyits'q Nòhtsì gha tanì wheda. Eyì nakenahòdlù wegòò sù inèè gots'q nakenahòdlù nahk'e elì hõt'e, eyits'q yatì denahk'e nezì whehtsì k'e wehòèlì hõt'e.

⁷ T'akwelòò gixè nakenahòdlù sù t'asì t'à wehoeza-le nùdè, Nòhtsì k'achì nakenahòè ayele ha-le ilè. ⁸ Hanikò Nòhtsì sù dq Ilaà hòlù hogehtsì gok'èezq t'à hadì,

“Naxìgha K'àowo hadì: Idaà whaà-le nùdè, Israel got'ì eyits'q Judah got'ì gixè nakenahòèè wegòò ehtsì ha. ⁹ Inèè gichò Egypt nèk'e gots'q xàgeehwha ekò gixè nakenawhehtsì ilè eyì xèht'eè ha niule. Gixè nakenawhehtsì sù t'aats'qò gik'èè eda-le t'à, gixè aht'ì-le ahjà. ¹⁰ Idaà nùdè dù hanì Israel got'ì gixè nakenahòdlù wegòò ehtsì ha. Senàowoò gni yù whezq ahle ha, eyits'q gidzeè k'e dek'eèht'è ahle ha. Ginòhtsì ehì ha eyits'q ededì sets'q dq gùlì ha. ¹¹ Dq edèot'ì hoghàehtq ha-le eyits'q dq edechì hoghàehtq ha-le, 'Gots'ò K'àowo wek'èìzq aqde,' yèhdì ha-le, dq nechà-le eyits'q dq nechàa sù hazqò sek'ègeezq ha t'à. ¹² Hòlù k'èè k'ehogìzaa sù gìghq nahoehtè ha, eyits'q gihòlù wenahdì ha-le,” gòhdì dek'eèht'è.

¹³ Eyì nakenahòdlù “wegòò” yèhdì t'à Nòhtsì t'akwelòò nàowo whihtsì sù wet'à-ats'et'ì-le ayìllà. Ayì wet'à-ats'et'ì-le xè wezqò ajàa sù whaà-le-t'ì wedè adle ha.

9

Nòhtsì gha nìhbàa nàìza

¹ T'akwelòò nakenahòdlù sù dànì Nòhtsì ts'ò yats'ehtì ha, eyits'q dù nèk'e dànì Nòhtsì gha degai k'è gòzqò hòè ha, eyì hazqò gha nàowo dek'eèht'è ilè hõt'e. ² Eyit'à Nòhtsì gha nìhbàa nàgìhgè ilè. Goyì nàke k'è gòzqò, t'akwelòò goyats'eedèè sù k'aak'q ilè nàìza, ladà eyits'q lèt'è degai ladà k'e

whezo. Eyı sıı Degai K'è gòyeh. ³ Eyıts'ò enı̄t'ı weziı nàke k'è gòzo sıı Denahk'e Degai K'è gòyeh. ⁴ Goyı sòmbaekwo-lada wek'e Nòhtsı ts'ò dzèh-łekqò dek'ò sıı whezo, eyıts'ò Nòhtsı dọ xè nakenawhehtsı gha sòmbaekwo-ladzè eyı whehtọ. Eyı ladzè weyi sòmbaekwo-tọ whehtọ, weyi yak'e gots'ò lét'è “manna,” wiyeh whela. Eyıts'ò Aaron wegeè wek'e ı'ò xàłıkı ıleè sıı, eyıts'ò kwe nàke wek'e Nòhtsı nàowodeè hoño whehtsı dek'eèht'è sıı eyı sıı ladzè yi whela. ⁵ Eyı sòmba ladzè wegodo sıı Nòhtsı weyak'eet'ı hòlı nàke weghòhk'eè nàgewo. Dọ gıhoı k'èxa eyı ladzè weka edoò agehı sıı wegodo yak'eet'ı gıts'ò elèedi. Hanikò dıı sıı eyı hazò wek'ayats'ehtı ha dıı.

⁶ T'ası hazò hanı sınıhogızo t'axò yahtı ets'òdaa gòzo goyi edılaà ghàlageeda ha, dzè taat'eè goyagedè. ⁷ Hanikò yahtı-wet'aaàa-deè ededı zo enı̄t'ı weziı denahk'e degai k'è gòzo sıı goyaetla họt'e, ıle xo ılaà ekọ goyaetla. Edoò wedè goyaetla hoıı nıle; eyı sıı edehoıı k'èxa eyıts'ò dọ hoıı hogehtsı kò gık'èezò-le sıı k'èxa Nòhtsı ts'ò edoò ladzè weka ayehtı. ⁸ Hanı nàowo wet'à Yedayeh Nezı dıı wek'ets'eezò agòlà: Nòhtsı gha nıhbàa ılaà nàıhza et'ıı Denahk'e Degai K'è gòzo sıı gots'ò eneètọ họt'e. ⁹ Eyı hazò dıı weghà nànts'edè gha adla họt'e. T'ası hazò Nòhtsı ghàgele eyıts'ò t'ası Nòhtsı ts'ò gık'eehk'ò sıı wet'à dọ gıı deghà degai ade ha nıle. ¹⁰ Eyı nàowo t'à gıat'ı sıı t'ası weghò shèts'ezhee, t'ası ts'edọ eyıts'ò edenàowo k'èè edek'enagehtse hanı zo t'à agıat'ı ıle. Nòhtsı nàowogò goxè whehtsı gots'ò edezhı gha eyıts'ò edıla t'à hanı zo eghàlageeda ha dıı-le ıle.

Zezi-Krı wedoò

¹¹ Zezi-Krı yahtı-wet'aaàa-deè k'èè nı̄tla ekò nàowo denahk'e nezı goxè hòzo ayıla. Denahk'e degai nıhbàa yi gogha eghàlida. Eyı nıhbàa dọla t'à hòlı-le eyıts'ò dıı nèk'e gots'ò nıle. ¹² Sahzò eyıts'ò ejiezaa wedoò t'à goyaza nıle, hanikò edıı Denahk'e Degai K'è gòzo sıı xà ededoò t'à goyaza họt'e. ıla zo hanı gogha eghàlida họt'e eyıts'ò ededoò t'à welọ while ts'ò gohoıı ch'à edaxàgole gha ajà họt'e. ¹³ Moses wenàowo k'èè sahzò eyıts'ò ejiezò gıdoò eyıts'ò ejiezaa gots'ò lèbè dọ gızhıı degai adla-le sıı k'e agehtı. Eyı haget'ı t'à ehkw'ı agııdla xè gızhıı t'à degai lanı agııdla. ¹⁴ Zezi wedoò eyı nahk'e godzeè k'enaıhtso hodeè họt'e. Zezi t'ası weyi wek'e whezo-le sıı Yedayeh Nezı wedahxà Nòhtsı ghàdıtı t'à, t'ası wet'aaàa-le k'alats'ıde ch'à godzeè k'enaıhtso họt'e, hanı-ıde Nòhtsı edaa sıı k'òt'a wegħa eghàlats'eeda ha dıı-le.

¹⁵ Eyı ts'ıhzo Zezi-Krı nakenahòdıı wegò k'èè dọ eyıts'ò Nòhtsı gogha tanı wheda họt'e. ıla nakenahòdıı wezo t'a geèhk'w'e ekò dọ gıhoıı k'èxa elıwo t'à nàgeekwa ch'à agòlà.

Eyit'à dọ gikayaetu sị Nòhtsị dọ xè yatı whehtsị k'èè welọ while ts'ọ geeda ha.

¹⁶ Dọ ẹlaàwı t'axọ̀ t'asị wets'ọ sị weyatı k'èè adle gha enıhtl'è whehtsị nı̀dè, eyı dọ ẹlaıwo hotı wek'eedzọ nı̀dè zọ weyatı k'èè eghàlageeda họt'e. ¹⁷ Dọ ılaà eda et'ı weyatı dek'eèhtl'è wek'èè eghàlageeda nı̀le, dọ hotı ẹlaıwo nı̀dè zọ wenıhtl'è k'èè eghàlageeda họt'e. ¹⁸ Nakenahòdlı t'akwelòò hòèlı sị eyı kò t'asị ẹlaıwoo wedoò wede nı̀dè ayı dek'eèhtl'è sị wek'èè agode ha diı ıle. ¹⁹ Moses nàowo hazọ̀ dọ ts'ọ yek'eyahı t'axọ̀, ejiezaa wedoò, tı xè yıhchı gà sahzọ̀ weghà dek'o eyıts'ọ hyssop wekw'ıhchı t'à Nòhtsı wenıhtl'è eyıts'ọ dọ hazọ̀ gok'e ayııla. ²⁰ Eyı xè diı hadı, “Nòhtsı diı nakenahòdlı wek'eahdı ha naxèhdi sị, diı edoò wegħa họt'e,” gòhdi ıle. ²¹ Eyı xèht'eè Nòhtsı għa nı̀hbàa nàızaa k'e eyıts'ọ weyı t'ası hazọ̀ whelaa t'à-aget'ı sị k'e edoò ayııla. ²² Moses wenàowoò k'èè ha nı̀dè tıts'aadı wedoò t'à t'ası hazọ̀ degai adle ha họt'e, eyıts'ọ edoò xatı'ı lenqsı dọ gıhoıı gıgho nahoezhe ha diı họt'e.

²³ Yak'e k'èè t'ası hòèlı sị tıts'aadı wedoò t'à degai adle ha họt'e, hanikò xàè yak'e gots'ọ ne sị eyı wenahk'e t'ası deè t'à degai adle ha họt'e. ²⁴ Zezı-Krı sị nı̀hbàa dọla t'à hòèlı k'è goyayza nı̀le, eyı nı̀hbàa sị yak'e degai k'è gòzọ̀ k'èè hòèlı họt'e. Zezı xàè yak'e goyayza họt'e, diı Nòhtsı nadaqà gogħa nàwo họt'e. ²⁵ Diı nèk'e yahtı-wet'aaazàa-deè Denahk'e Degai K'è gòzọ̀ sị xo taat'eè xàè ededoò xè goyaetla-le họt'e, hanikò Zezı ılaà zọ yak'e goyayza họt'e, k'achı ẹlaàwı għa Nòhtsı ghàditè ha nı̀le. ²⁶ Hanı-le nı̀dè Zezı diı nè hòèlı gots'ọ gòtłọ̀ dajza ha ıle. Hanikò diı nọ̀de dzeè ts'ọ nı̀họ̀wo sị ılaà zọ nı̀tla họt'e, welọ while ts'ọ gohoıı while ayele għa Nòhtsı ghàditı. ²⁷ Dọ ılaà zọ ẹlaàwı ha họt'e, eyı t'axọ̀-ıdè Nòhtsı nadaqà wesıniyaetı ha. ²⁸ Eyı lanı Zezı-Krı ılaà zọ dọ lọ gıhoıı k'èxa ẹlaàwıgwı, eyıts'ọ k'achı nàke t'à nı̀tla ha. Dọ-hoıı k'èxa k'achı dajza għa nı̀tla ha-le, hanikò dọ gidanaèhı sị edaxàgole għa ade ha.

10

Zezı-Krı ılaà zọ dọ għa ẹlaıwo

¹ Moses wenàowoò sị ıdaà t'ası wedeèdlı nèhòkw'ı għa ekı wezızhı lanı họt'e, eyı nàowo sị xàè wedeèdlı k'azı họt'e. Hanı ts'ıhzo xo taat'eè tıts'aadı Nòhtsı għa ẹlaàghdee sị wet'à dọ Nòhtsı ts'ọ agede għa degħàà degai agedle ha nı̀le. ² Wet'à dọ degħàà degai ade ha nı̀dè tıts'aadı Nòhtsı għa ẹlaàghde ghonaget'è ha-le ıle. Dọ hazọ̀ gıhoıı gıgho while ade ha ıle, eyıts'ọ edehoıı k'egııı ha-le ıle. ³ Hanikò xo taat'eè Nòhtsı ts'ọ tıts'aadı k'eehk'ọ̀ sị wet'à t'aats'ọ̀ edehoıı nagedı għa

hɔt'e. ⁴ Ejiezɔ̀ò eyits'ɔ sahzɔ̀ò gɪdoò t'à dɔ-hoɥ̀ì while adle ha nuile.

⁵ Eyit'à Zezi-Kri du nèk'e ts'ò ajà ekò, Nòhtsɪ ts'ò du hadi, "Dɔ tits'aadi nets'ò elaaɣehde eyits'ɔ t'asi neghageedu si we-neewɔ nuile, hanikò dɔzhì t'à ehdaà aseneela. ⁶ T'asi nets'ò gik'eek'òɔ eyits'ɔ gihohì k'èxa tits'aadi elaaɣehdee si weghɔ sighà neewɔ nuile. ⁷ Eyit'à nets'ò du haehsɪ, 'Seghɔ dek'eèhtl'è k'èè jɔ nenadaqà nahwho. Senòhtsɪ, nuni k'èè eghalaehda ha jɔ nèehtla, dehsɪ," yèhdi.

⁸ T'akweɔ̀ò du hadi, "Tits'aadi nets'ò wek'eek'òɔ, t'asi ts'eedèe nets'ò wek'eek'òɔ, eyits'ɔ hoɥ̀ì k'èxa tits'aadi elaaɣehdee si weghɔ sighà neewɔ nuile," (Moses wenàowoò k'èè hanì eghalageeda ha hòɔɔ kò). ⁹ Eyɪ t'axɔ̀ò du hadi, "Jɔ ts'atà whihda, nuni k'èè eghalaehda ha jɔ nèehtla," di. Hadì t'à nakenahòdlɪ wezɔ̀a wedɛ ayìl̀a, eyits'ɔ nakenahòdlɪ wegòò whehtsɪ. ¹⁰ Nòhtsɪ wni k'èè Zezi-Kri l̀aa zɔ gogha elajwo t'à welɔ while ts'ò degai ts'ɪl̀l̀ì agòòl̀a.

¹¹ Dzɛ taat'eè yahtɪ hazɔ̀ò Moses wenàowoò k'èè Nòhtsɪ ladà k'e edilaa ghàlageeda. Eyɪ nàowo k'èè k'ègok'e Nòhtsɪ ts'ò t'asi k'egèehk'ò, hanikò wet'à dɔ gihohì while ade hoɥ̀ì ha nuile. ¹² Hanikò du yahtɪ-wet'aaɔaa-deè si welɔ while ts'ò gha l̀aa zɔ gohohì k'èxa Nòhtsɪ ghàdìtì t'axɔ̀ò, Nòhtsɪ gà nàgòts'ehneè wheda. ¹³ Ekò gots'ɔ wets'ò xanegɪɔa gɪl̀l̀ì si goghòìhnè awedle gha naèhɔ̀ì hɔt'e. ¹⁴ l̀aa zɔ dɔ gha elajwo t'à dɔ degai agohɔ̀l̀ì si welɔ while ts'ò deghaa degai gɪl̀l̀ì agòòl̀a.

¹⁵ Yedàyeh Nezi ededɪ sɪ eyɪ ghɔ gots'ɔ gode hɔt'e. T'akweɔ̀ò du hadi: ¹⁶ "Naxɪgha K'àowo du hadi: Idaà nɪdè hanì gixè nakenahohtsɪ ha. Senàowoò gidzèè yì wheɔ̀ɔ ahle ha, eyits'ɔ gini yì senàowoò dek'eèhtl'è ahle ha," hadi.

¹⁷ Eyɪ t'axɔ̀ò du hadi,

"Gihohì eyits'ɔ senàowoò k'èagɪt'e-le si wenahdi ha-le," hadi.

¹⁸ Nòhtsɪ dɔ-hoɥ̀ì nahol̀a ne t'à, hoɥ̀ì k'èxa k'achɪ tits'aadi elaàwɪ ha hòɔɔ-le agòòl̀a.

T'aats'òɔ weyatɪ ts'itò ha hɔt'e

¹⁹ Eyit'à sèot'ɪ, Zezi wedoò dahxà eyɪ Denahk'e Degai K'è gòɔɔɔ goyats'eedè gha goghàhòt'òɔ si si gogha ehkw'ɪ-ahodi hɔt'e. ²⁰ Nàowo wegòò wet'à ts'eedaa si ts'ò dexats'eède hɔt'e, gots'òòhk'e enìt'ɪ tanì ts'ò tàìdlà t'à, eyɪ si Zezi wezhì lanì hɔt'e. ²¹ Nòhtsɪ wekò gha yahtɪ-wet'aaɔaa-deè gots'ɔ ne t'à, ²² hotù gogha ehkw'ɪ-ahodi eyits'ɔ godzèè ehkw'ɪ xè Nòhtsɪ ts'ò ats'ɪde. Wedoò godzèè k'e adl̀a t'à k'achɪ hoɥ̀ì edek'e nìdahots'eeɔà ha-le, eyits'ɔ yak'e gots'ɔ tɪ t'à gok'enaatso hɔt'e. ²³ Nòhtsɪ si t'aats'òɔ edeyatɪ k'èdì ne t'à, goinì nàtsoo xè t'aats'òɔ weyatɪ ts'itò ha hɔt'e. ²⁴ Eyits'ɔ ełeghɔnets'eètɔ gha eyits'ɔ elɛts'ò nezɪ eghalats'eeda gha godzèè nàtsoò

ats'nīle. ²⁵ Łàą elènats'eedè ghọ nats'nīt'è-le. Dọ mọhdaa haget'ı-le agejà. Hanikò godzeè nàtsoò alets'ehzı̄ gha t'aats'ọ̀ọ̀ elènats'ı̄dè; nọode dzēẹ ts'ọ̀ nı̀wà-le t'à denahk'e t'aats'ọ̀ọ̀ hats'et'ı̄ weli.

²⁶ Nàowo ehkw'ı̄i wek'èts'eezọ̀ọ̀ agòidlà kò k'èdaà hołı̄ hots'ehtsı̄ ha ts'ı̄wọ̀ nı̀dè, gohołı̄ k'èxa t'ası̄ Nọhtsı̄ ghàts'ezà ha sı̄ gọhı̄-le agode ha, ²⁷ eyit'a dọ Nọhtsı̄ dzagı̄hwhọ̀ọ̀ sı̄ Nọhtsı̄ nàgoehkwa ha eyits'ọ̀ kọ̀ nàtsoo t'à gık'eek'ọ̀ ha gidawhe?ọ̀ t'à sı̄ geejı̄ họt'e. ²⁸ Dọ Moses wenàowoò k'èı̄t'e-le nı̀dè eteweèzı̄-le ı̀lè; dọ nàke hanı̄-le-ı̀dè dọ tai gı̀daà nàhòwoo sı̄ gık'e nı̀dahogı̄?ọ̀ nı̀dè ełàagı̄hwhı̄ ha họt'e. ²⁹ Dọ Nọhtsı̄ Weza wegħa t'ası̄ elı̄-le, wedoò t'à nakenahòdłı̄ t'à wehołı̄ while adlāa sı̄ wegħa wet'āazà-le nı̀dè, eyits'ọ̀ Nọhtsı̄ wesonı̄wọ̀ t'à Yedayeh Nezzı̄ goghọt'ọ̀ọ̀ sı̄ yek'èch'a eghàlajà nı̀dè eyı̄ dọ sı̄ denahk'e hòt'ò nàweekwa ha họt'e. ³⁰ Nọhtsı̄ wek'èts'eezọ̀ọ̀ sı̄ ededı̄ dı̄ hadı̄, “Dọ nàgeehkwa ha sı̄ sı̄ sets'ọ̀ hoelı̄ họt'e, eyits'ọ̀ dọ ekọ̀-le hogehtsı̄ k'èxa ek'èt'à gı̀ghàhoehzà ha,” eyits'ọ̀ k'achı̄ dı̄ hadı̄, “Gots'ọ̀ K'àowo edets'ọ̀ dọ gosnı̄yahtı̄ ha,” dek'eèht'è. ³¹ Nọhtsı̄ edaa sı̄ nàgoehkwa ha nı̀dè sı̄ goxè hoıla ha họt'e.

³² Ek'èt'à kenaahdı̄, t'akwelòò Nọhtsı̄ wegodı̄i wek'èhoahzà aahjà ekò, naxı̄xè hoıla kò ı̀lāà naxı̄gha ehkw'ı̄-ahodı̄ xè ı̀lāà naxı̄nı̄ nàtsoò aahwhọ̀ ı̀lè. ³³ Qhk'è dọdaà t'ası̄ aahı̄-le ts'ọ̀ naxı̄k'adageedè xè danaxegı̄hza ı̀lè. Eyits'ọ̀ qhk'è dọ hanı̄ gı̀xè hoılāa sı̄ gı̀xè aahı̄ xè gı̄ts'āahdı̄ ı̀lè. ³⁴ Dọ gidanı̄lāa sı̄ etegı̄ahzı̄ ı̀lè, eyits'ọ̀ t'ası̄ naxı̄ghọ̀ gı̄hchı̄ kò ı̀lāà naxı̄nā ı̀lè, eyı̄ wenahk'e t'ası̄ nezı̄ sı̄, welọ̀ while ts'ọ̀ naxı̄ghaelı̄ ha wek'èahsọ̀ t'à.

³⁵ Eyit'a gots'ọ̀ K'àowo wegħọ̀ naxı̄nı̄ nàtsoo sı̄ wede aahle-le, hanı̄-ı̀dè wek'èxa Nọhtsı̄ t'ası̄ nechāa naxı̄ghàzà ha. ³⁶ Naxı̄xè hoıla kò ı̀lāà naxı̄nı̄ nàtso ha họt'e. Nọhtsı̄ wı̄nı̄ k'èè aahda t'axọ̀ọ̀ nı̀dè naxı̄gha edeyatı̄i k'èè eghàlaeda ha họt'e. ³⁷ Whaà-le-t'ı̄i, “Amı̄ nı̄ıtłā ha sı̄ hotı̄ nı̄ıtłā ha họt'e, eyits'ọ̀ whaà wewhı̄le ha nı̄ile. ³⁸ Secheekeè ehkw'ı̄i elı̄ sı̄ wegħa ehkw'ı̄-ahodı̄ t'à eda ha. Hanikò ek'èt'à anajà nı̀dè wegħọ̀ sına ha nı̄ile,” dek'eèht'è. ³⁹ Hanikò goxı̄ sı̄ dọ ek'èt'à anagejà t'à gidı̄hòłı̄ sı̄ gı̄ta gots'ọ̀ ats'ı̄t'e nı̄ile, dọ gı̄gha ehkw'ı̄-ahodı̄ xè edaxàgı̄dee sı̄ gı̄ta ats'ı̄t'e.

11

Nọhtsı̄ gı̄gha ehkw'ı̄-ahodı̄ k'èè geeda

¹ Gogħa ehkw'ı̄-ahodı̄ nı̀dè Nọhtsı̄ gots'ọ̀ edeyatı̄i k'èdı̄ ha hotı̄i wek'èts'eezọ̀ họt'e, eyits'ọ̀ ayı̄i goghàzà ha sı̄ gogħa wègaat'ı̄-le kò goghọt'e ha wek'èts'eezọ̀. ² T'akwe whaà gocho hanı̄ gı̄gha ehkw'ı̄-ahodı̄ t'à Nọhtsı̄ goghọ̀ nezı̄i xàyaı̄htı̄ ı̀lè.

³ Gogħa ehkw'ı̄-ahodı̄ t'à Nọhtsı̄ edeyatı̄i t'à dèè, yat'a eyits'ọ̀ t'ası̄ hazọ̀ọ̀ whehtsı̄ wek'èts'eezọ̀ họt'e. Hanı̄ t'à t'ası̄ wègaat'ı̄ı̄

sì t'asì wègaat'ù t'à hòèlì nùile. ⁴ Abè wegħa ehkw'1-ahodì t'à Cain Nòhtsì ghà-t'asì-nùidì nahk'e Abè yets'ò t'asì k'eehk'òò sì wegħa nezì. Abè wegħa ehkw'1-ahodì t'à Nòhtsì yegħò dù hadì, “Abè ehkw'1-edaa-dòò elì, sets'ò ayì k'eehk'òò sì segħa nezì,” hadì. Eyits'ò Abè wegħa ehkw'1-ahodì t'à eławo kò ayì dáyìlàa sì t'à ıłàà gots'ò gode hòt'e.

⁵ Enoch wegħa ehkw'1-ahodì t'à Nòhtsì dù nèè gots'ò neyìhtì, eyit'à eławo-le. Wezhì xè Nòhtsì neyìhtì t'à dọ wızzì yegòhzo-le. Nòhtsì neyìchì kwe sì Nòhtsì winì k'èè eghàlaidà t'à yegħò nezì xàyahì ts'edì. ⁶ Dọ wegħa ehkw'1-ahodì-le nıdè Nòhtsì winà hohtsì ha dıì. Dọ hazòò Nòhtsì ts'ò aget'ù sì Nòhtsì wehòhzoò sì gıgha ehkw'1-ahodì ha hòt'e, eyits'ò amì ededzè t'à Nòhtsì nıwòò sì eyì k'èxa Nòhtsì t'asì nechàa goghàyeza ha gıgha ehkw'1-ahodì ha hòt'e.

⁷ Nòhtsì dàgode ha sì ghò nadađ Noah ts'ò goıde ekò Noah wegħa ehkw'1-ahodì ıle. Nòhtsì k'èch'a welè sòò nıwò t'à edets'èkeè eyits'ò edeza edaxàgole ha elàcho whehtsì. Noah wegħa ehkw'1-ahodì t'à, dù nèk'e dọ ełàgede għa gısnıyaetì ha wek'èhoedzo ayìlà eyits'ò wegħa ehkw'1-ahodì t'à ehkw'1 eda k'èè Nòhtsì yıhtà.

⁸ Abraham Nòhtsì nòode nıdè dèè eyì-le yeghàza ha sì ekò ts'ò aade yèhdì yets'ò goıde ekò Abraham wegħa ehkw'1-ahodì ıle. Edù ts'ò at'ù sì yek'èezò-le kò Nòhtsì k'èit'e ts'ıhzoò ekò ts'ò ajà ıle. ⁹ Wegħa ehkw'1 ahodì t'à dèè wegħòt'à ha sì k'e xàhtò lanì nıhbàa yì nàidè. Isaac eyits'ò Jacob ededì sı Nòhtsì eyì xèht'eè goxè yatì whehtsù sì ededì sı ekò xàhtò lanì nıhbàa yì nàgıdè. ¹⁰ Abraham Nòhtsì yietł'aà nezù k'e kògodeè whehtsù sì danaèhı ıle.

¹¹ Abraham wegħa ehkw'1-ahodì t'à wezaa gòhı awııldà. Sì eneèko whelì eyits'ò wets'èkeè Sarah ededì sı wezaa gòhı ha dıì kò, Nòhtsì edeyatı yeghàızoò sì hotı yek'èdì ha Abraham wegħa ehkw'1-ahodì ıle. ¹² Eyit'à Abraham eławo k'èè wıtà kò, wets'ıhzoò-dòò gıtlòò ajà t'à yat'a whò dawhelaa lageetłò eyits'ò tabàa ewaà xètłò lagejà.

¹³ Eyì dọ ełàgıdè ekò ıłàà gıgha ehkw'1-ahodì k'èè geeda ıle. Nòhtsì edeyatı goghàızoò sì ıłàà wek'èè t'asì gıghòzha nùile, hanìkò ıdaà nıwà gıazı lanì t'à eyì ghò gına ıle. Xàhtò lanì whaà-lea gots'ò dù nèk'e nàts'edè, hagedì ıle. ¹⁴ Dọ hanì gogedee sì wegħàà xàè edenèè hak'egeet'ı wek'èts'eezò hòt'e. ¹⁵ Edenèè ts'òò xàgıdee sì ts'ò anagede ha gıwò nıdè ek'èt'à anagede ha dıì-le ıle. ¹⁶ Hanìkò hagejà-le, dèè denahk'e nezù ts'ò gıwò ıle, yak'e nàgedè agıhdì ıle. Eyit'à Nòhtsì sì “Gınohtsì aht'e” edèhdì ghò ıızhael-le eyits'ò gogħa kògodeè ts'atà whezo ayìlà.

¹⁷ Abraham, Nòhtsɪ yeèhdzà ekò yegha ehkw'ɪ adɪ t'à edeza Isaac Nòhtsɪ gha ɛ̀làayèhwhɪ ha sɪnìhòɪzɔ ɲè. Edeɖ Nòhtsɪ weyatù weghòt'òq sù edeza ɲàet'ee zɔ Nòhtsɪ ts'ò ɛ̀làayèhwhɪ ha ɲè. ¹⁸ Nòhtsɪ “Isaac edeɖ wet'à zɔ nets'ihzòq-dòq agɪt'e gha gutà ha,” yèhdɪ kò, Abraham ɲàà ɛ̀làayèhwhɪ ha ɲè. ¹⁹ Abraham hanɪwɔ, “Nòhtsɪ sù dɔ ɛ̀làɪdèe naidà ayele ha wegħa dii nuile,” nɪwɔ. Wedaànɪts'ewo ha ɲɪdè weza Isaac ɛ̀làɪwo gots'q naidà lajà hɔt'e.

²⁰ Isaac wegħa ehkw'ɪ-ahodɪ t'à edeza Jacob eyɪts'q Esau ɲdaà dani gɪxè nezɲì hòzɔ ha k'èè gok'eèyaɲhtɪ ɲè.

²¹ Jacob ɛ̀làawɪ ha nìhɔqwo ekò, wegħa ehkw'ɪ-ahodɪ t'à edeza Joseph weza nàke gok'eèyaɲhtɪ ɲè. Edetè k'e whehdɪ xè Nòhtsɪ ghàsɔedɪ.

²² Joseph ɛ̀làawɪ ha nìkw'o ekò, wegħa ehkw'ɪ-ahodɪ t'à, Israel got'ɲì Egypt nèk'e gots'q xàgeedè ha ghɔ xàyaɲhtɪ, eyɪts'q wekw'qò dāgele ha sù ghɔ goghɔnatɲɪzɔ ɲè.

²³ Moses wetà eyɪts'q wemɔ gɪgha ehkw'ɪ-ahodɪ t'à Moses wegòhɪ t'axòq tai sa ts'ò nàgeehzɪ ɲè. Chekoa wegħɔ enɪyah gɪk'èezɔ t'à agɲìlā, eyɪts'q k'àowocho weyatù k'èagɪt'e-le ghɔ geeɲ-le.

²⁴ Moses wegħa ehkw'ɪ-ahodɪ t'à qhdah whelɪ ekò k'àowocho weti weza k'èè wek'èhoedzɔ ha nɪwɔ-le. ²⁵ Whaà-lea gots'q hòhɪ t'à sigoèt'ɲì sù wedè kò nɪwɔ, hanìkò Nòhtsɪ wets'q dɔ dani dagòɲhzaa sù gɪxèht'eè ehda ha nɪwɔ. ²⁶ ɲdaà Nòhtsɪ t'asì nechàa yegħàzà ha sù ts'ò nadaqà nàniwo t'à, Christ gha daɲzaa sù Egypt nèk'e t'asì nezɲì ɲò whela nahk'e wegħa wet'aazà ɲè. ²⁷ Wegħa ehkw'ɪ-ahodɪ t'à k'àowocho wek'èch'a kò yets'aeɲ-le xè Egypt nèk'e gots'q xàèhtlā. Nòhtsɪ wègaat'ɲì-le sù yaɲì lanì t'à dezòq Nòhtsɪ ts'ò edɪnì nàtso ayɲhwhɔ. ²⁸ Moses wegħa ehkw'ɪ-ahodɪ t'à Passover nàsɪ gha sɪnìhòɪzɔ eyɪts'q dɔ enɪtɔ k'e edoò agele ha gòhdɪ. Hanì-ɲdè yak'eet'ɲì dɔzhia t'akweɲòq gɪgòhɪ sù ɛ̀làagòhde ɲɪdè Israel got'ɲì gɪza qhdaà ɛ̀làagòhde hale.

²⁹ Israel got'ɲì gɪgha ehkw'ɪ-ahodɪ t'à, Ticho Dek'oo ehts'qò ajà gà dèè whegɔq k'e nagede. Hanìkò Egypt got'ɲì edeɖ sɪ goxèht'eè dèè whegɔq k'e nageedè ha hogeèhdzà ekò tɪ t'à ɛ̀làagɲdè.

³⁰ Dɔ gɪgha ehkw'ɪ-ahodɪ t'à, ɲòhdɪ dzèè ts'ò dɔ kògodeè Jericho wemɔq tadɔɲadè t'axòq kwekwɲì wemɔq nawhezaa sù hodàèt'ɲì.

³¹ Ts'èkoɲì Rahab wìyeh sù wegħa ehkw'ɪ-ahodɪ t'à, nàezɲì-dòq gots'aidì, eyɪt'à dɔ Nòhtsɪ k'èagɪt'e-le sù xè ɛ̀làagɲhwho-le.

³² Eyɪ dɔ haàtɔq gɪzòq ts'ò dɔ ɲò ghɔ gohde ha dii-le, hanìkò Gideon, Barak, Samson, Jefta, David, Samuel, eyɪts'q

nakwenàozq̄q̄ l̄q̄ ḡigh̄q̄ naxixè gohdo ha segha hòz̄q̄-le. ³³ Eyì dq̄ ḡigh̄a ehkw'1-ahodì ts'ihz̄ò elegeḡq̄ t'à hodgeèh̄n̄q̄ eyits'q̄ edegha dèè ḡihchì. Nàowo ehkw'1 k'èè eghàlaḡidà, eyits'q̄ Nòhtsì edeyatì goghàz̄q̄q̄ s̄ì wek'èè t'asì ḡigh̄òz̄ha, eyits'q̄ goòj̄icho godz̄igehz̄a ch'à agoḡilà. ³⁴ Eyì dq̄ s̄ì ḡigh̄a ehkw'1-ahodì ts'ihz̄ò, k̄ò nàtsoo dèk'òq̄ k̄ò ḡixèhdì-le, behcho t'à ełàagogh̄de ch'à kw̄igeèhde, nàgetso-le s̄onì k̄ò nàgetsoò agiìdlà, eyits'q̄ elegeḡq̄ gha nàgeghò agej̄à xè egh̄q̄-dq̄ eyi-le gh̄q̄ geèh̄n̄q̄. ³⁵ Eyì xèht'eè ts'èko weza ełaj̄dèe s̄ì nagidà agiìdlà. Dq̄ m̄òhdaa ḡiweè ts'ò ḡikw̄òq̄yaà-gogehz̄ì, hanikò denahk'e hoj̄z̄ì ts'ò nagidà ha ḡj̄w̄q̄ t'à, hanì daḡj̄z̄aa s̄ì ch'à agede ha ḡj̄w̄q̄-le. ³⁶ M̄òhdaa yatj̄j̄ t'à gok'adageedè, m̄òhdaa dekwa t'à nàgogeehkwa, m̄òhdaa satsòt'1 t'à dageet'1 eyits'q̄ gidan̄ila. ³⁷ M̄òhdaa kwe t'à goguhshì t'à ełàaḡidè, m̄òhdaa tanì ts'ò t̄agogeet'ā, m̄òhdaa behcho t'à ełàagogehde. M̄òhdaa sahz̄òawò t'à-aget'1 xè k'egedè, etegeèt'1, ts̄igoḡj̄h̄z̄a eyits'q̄ dagoḡj̄h̄z̄a. ³⁸ D̄u nèk'e ts'q̄ dq̄ gota nàgedè ha s̄ì gogha s̄ì dq̄ nez̄j̄ agj̄t'e. Ek̄i-ka nèk'e eyits'q̄ shihta k'egiadè, kwe yì gòlaa, eyits'q̄ dèè yì gq̄òz̄aa yàgòlaa yì nàḡidè.

³⁹ Eyì dq̄ haz̄q̄ Nòhtsì gogha ehkw'1 adì t'à Nòhtsì gogh̄q̄ nez̄j̄ x̄ayaj̄htì h̄q̄t'e, hanikò j̄lè k̄ò Nòhtsì edeyatì goghàz̄q̄q̄ s̄ì wek'èè t'asì ḡigh̄òt'q̄ n̄ile. ⁴⁰ Nòhtsì s̄ì t'asì denahk'e nez̄j̄ godas̄in̄hòz̄q̄ h̄q̄t'e, hanì-ìdè goxè agej̄à z̄q̄ n̄idè deḡhàa degai agede ha t'à.

12

Nòhtsì amì gogh̄neètq̄q̄ s̄ì hoj̄j̄ hogehtsì ch'à hogh̄agoehtq̄

¹ Dq̄ l̄q̄ ḡigh̄a ehkw'1-ahodì k'èè ḡj̄dàa s̄ì gomq̄q̄ goòz̄à ts'ò geèhk'w'e lanì, eyit'ā t'asì haz̄q̄ wet'ā goinì nàtso-le s̄ì wedè ats'ule. Goinì nàtso-le t'à nàhotì-le gohoj̄j̄ godaèht'è, eyit'ā Nòhtsì wenàowoò k'èè ts'eeda gha goinì nàtso ats'j̄hwh̄q̄ ha h̄q̄t'e. ² Zezì z̄q̄ wedaànits'uidè, eded̄j̄ s̄ì Nòhtsì gogha ehkw'1-ahodì yexèhoj̄hwh̄q̄ h̄q̄t'e, eyits'q̄ eded̄j̄ nq̄q̄de ts'ò deḡhàa gogha ehkw'1-ahodì agole ha h̄q̄t'e. Eded̄j̄ j̄daà n̄idè winà agode ha yek'èez̄q̄ t'à dech̄iet'aa k'e d̄aj̄z̄aa s̄ì yegh̄q̄ j̄zhawhel̄j̄-le. Eyì t'ax̄q̄q̄ Nòhtsì t'asì haz̄q̄ gha K'āowocho el̄j̄ s̄ì yegà nàgòts'ehnèe wheda. ³ Hoj̄j̄-hogehts̄j̄-dq̄q̄ git'1'ā d̄ahòt'1'ò d̄aj̄z̄aa xè s̄ì ḡik'èch'a eghàlaḡidàa s̄ì wedaàniahdè, hanì-ìdè wegh̄q̄ n̄iahts̄j̄ ha-le eyits'q̄ naxinì nàtso-le ade ha-le.

⁴ Hoj̄j̄ nàowoò ch'à nàh̄q̄hoahdè k̄ò j̄laa naxidoò x̄at'1'1 ts'ò aahj̄a n̄ile. ⁵ Nòhtsì edeza k'èè nax̄j̄z̄ t'à nax̄idzeè nàtsoò aȳj̄l̄aa s̄ì wenaahdì-le nì? D̄u hanaxèhdì j̄lè:

“Seza, ehkw'1 j̄da gha gots'ò K'āowo nets'ò gode n̄idè negha nez̄j̄-le welè s̄q̄q̄, eyits'q̄ ehkw'1 j̄da gha hogh̄aneèhtq̄ n̄idè negha d̄i welè-le. ⁶ Gots'ò K'āowo amì gh̄q̄neètq̄q̄ s̄ì hoj̄j̄

hogehtsi ch'à hoghàgoehtò, eyits'ò dọ hazòò edeza gòhdu sù nàgoehkwa hòt'e," hani dek'eèht'è.

7 Naxìgha hoila nìdè wexè ts'èwhì daahza, weghàà hoghànaxeehtò hòt'e, Nòhtsi sù edeza k'èè naxìts'ò eghàlaeda hòt'e. Dọ weza gòhì nìdè ehkw'ì geeda gha hoghàgoehtò hòt'e. ⁸ (Nòhtsi edeza hazòò hòhì hogehtsi ch'à hoghàgoehtò hòt'e.) Nòhtsi hani hoghànaxeehtò-le nìdè, xàè weza k'èè naxìtà nùile, tsìhkò gòqza laaht'e. ⁹ Goxì hazòò gotà ehkw'ì ts'eeda gha hoghàgogeèhtò jìlè t'à dọ gits'ùhwhò jìlè. Eyit'à Nòhtsi gots'ò jìni gha Gotà elì sù hoghàgoetò nìdè denahk'e wek'èats'ùt'e ha hòt'e. Hani-ìdè welò while ts'ò ts'eeda ha. ¹⁰ Gotà gùlì sù dànì gìgha ehkw'ì sù k'èè whaà-lea gots'ò zọ hoghàgogeèhtò hòt'e. Hanìkò Nòhtsi sù goxè hòzì hòzò gha hoghàgoetò hòt'e, hani-ìdè dànì degai elì sù wexèht'eè ats'ede ha. ¹¹ Nòhtsi hòhì hots'ehtsi ch'à hoghàgoehtò nìdè gogha nezì-le xè gogha dìi hòt'e. Hanìkò nòqde-ìdè wet'à ehkw'ì ts'eedaà ats'et'ì, eyits'ò weghàdets'etò nìdè goxè sìghà hòzò agot'ì hòt'e.

¹² Eyit'à naxìni nàtso-le sù k'achì nàtsoò aahle. ¹³ "Naxìkè gha tìlì ehkw'ì nìzà aahle," hani-ìdè amì wekw'ò nàtso-le sù denahk'e nàtso-le ade ha-le, hanìkò k'aat'ìi ade ha.

Nòhtsi wets'eèhk'w'ò ha hòt'e

¹⁴ Dọ hazòò xè ts'èwhì aahda, eyits'ò nàowo degai k'èè aahda gha hòt'ò eghàlaahda. Dọ wùzì nàowo degai k'èè eda lenqsi gots'ò K'àowo ezì ha nùile. ¹⁵ Dọ wùzì Nòhtsi wesqniwò wedè ayile sòò eyits'ò eledzaahwhò ch'à naxìni nàtsoò aahle. Hani-le-ìdè naxìxè hoila agode ha eyits'ò dọ lò ehkw'ì geeda-le agede ha. ¹⁶ Naxìtà dọ wùzì hòhì k'èè ełek'alagùdè sòò, hani-le-ìdè Esau lanì Nòhtsi nàowoò gìgha wet'àazà-le lagut'è sòò. Esau wetà weza qhdaà jìlè t'à wetà wets'ò t'asì denahk'e wet'àazà sù wets'ò ade ha jìlè, hanìkò jìlè yeghò shètì k'èxa wechì ts'ò weghò nàedi jìlè. ¹⁷ Sìghajwà t'axòò goza qhdaà elì k'èè wetà yek'eèyahtì ha nìwò jìlè, hanìkò wetà hayele ha dìi, wek'èahsò hòt'e. Esau sù hòt'ò yeghò jtsè kò, wetà wini eładì ayele ha whìayìlè.

¹⁸ Israel got'ì ayì ts'ò nègùdee sù eyì nahk'e t'asì nechàa ghò niahde hòt'e. Shìh nechàa dageechì ha dìi-le sù ts'ò nègùde. Eyì shìh kò nàtsoo t'à dèk'ò, eyits'ò wek'e togoòt'ò, k'oh lò eyits'ò nhts'ì nàtsoo t'à gìgha hoejì jìlè. ¹⁹ Israel got'ì sù dechìshì hòt'ò dedi gùkw'ò, eyits'ò Nòhtsi gots'ò hòt'ò gode t'à, geejì agejà, hagedì, "K'achì gots'ò xayawehtì-le," gedì nàdageeti jìlè. ²⁰ Nòhtsi nàowo goghàzòq sù geèhk'w'ò ha gìgha dìi t'à agedi jìlè. Dìi nàowo sù gìghòt'ò: "Tìts'aadì kò eyì shìh gà nìwà-le ajà xè yexèhdi nìdè kwe t'à ełagùhwhì ha hòt'e." ²¹ Gìxè

hanàhòwo ts'ihzò sù geèhyeh t'à Moses ededı kò dı hadı, “Sü dehı t'à sets'ehı lanı,” hadı ìlè.

²² Ekò naxı sù shìh Zion wıyeh ghò nıahde họt'e. Nòhtsı edaa sù wets'ò kògodeè Jerusalem yak'e gòzòq sù ghò nıahde họt'e. Ekò yak'eet'ı ìq-t'à-lò gınà xè lıà elègehde. ²³ Dò hazòq Nòhtsı ghàgıizhaa sù gıta dahkw'eè aahjà, eyıts'ò gıxè naxıızi yak'e dek'eèht'è họt'e. Nòhtsı dò hazòq gosınıyaehtı sù ghò nıahde họt'e, dò degħàà degı agııdlàa sù gıts'ò ıni ts'ò nıahde họt'e. ²⁴ Zezi wets'ò nıahde họt'e, ededı gogha tanı wheda elı t'à nakenahòdlı wegòò k'èè Nòhtsı ts'ò nègòola họt'e. Eyıts'ò Zezi wedoò Nòhtsı ladà k'e adlàa sù ts'ò nıahde họt'e, eyı sù Abè wedoò nahk'e gots'ò sıghà xàyaeti họt'e.

²⁵ Nòhtsı naxıts'ò gode nıde wets'ò naxıdzı goile welè sòq. Nòhtsı dı nèk'e Israel got'ı gots'ò goıde ekò egeèhw'ò-le t'à nàgòıhkwa ìlè. Ekò goxı sù yak'e gots'ò Nòhtsı gots'ò gode kò wets'eèhw'ò-le nıde denahk'e hòtl'ò nàgoehkwa ha họt'e. ²⁶ Ekııyèè k'e Nòhtsı dò ts'ò goıde t'à dèè nàgòèhdò ìlè. Ekò dı gogha dı hanı edeyatı goghàzò, “K'achı ıàà dèè zò nàgòıdà ahle ha nıile, yak'e sı nàgòıdà ahle ha họt'e,” hadı. ²⁷ “K'achı ıàà,” hadı sù t'ası hazòq wexè nàgòıdà ha sù wedè adle ha dı-adı. T'ası hòèlı sù whıle adle ha, eyıts'ò t'ası nàeda ha dı sù welò whıle ts'ò whela ha.

²⁸ Eyıt'à welò whıle ts'ò Nòhtsı wenàowoò k'èè hòzòq goxè hòzòq adlàa sù weghò ması ts'ııwò welı. Nòhtsı wıni k'èè wegħa ts'eeda welı, godzeè t'à wets'ò nezı nats'ıızà, wets'ats'eejı xè weghò enehots'ııhsah welı. ²⁹ “Gonòhtsı sù kò nàtso lanı t'ası hazòq dıhohtsı ha dı-le,” dek'eèht'è.

13

Eyıt'à dani ts'eeda welı

¹ Xàè elèot'ı lanı t'aats'òq elèghonıahtò. ² Xàhtò naxıkò aget'ı għa gıts'ò enıxàıto aahwhò. İneè sù dò mòhdaa hagıt'ı t'à yak'eet'ı edekò agehzı ìlè, yak'eet'ı gıııı gok'ègeezò-le kò. ³ Naxıta gots'ò dò mòhdaa gıdanıılaa sù gıxè naxıdanııla lanı gınaahdı. Eyıts'ò dò dagıızà agııdlàa sù naxı gıxèht'eè daahza lanı gınaahdı.

⁴ Hots'et'ı nàowoò sù nezı wek'èahdı ha họt'e. Dòzhı eyıts'ò wets'èkèè elèts'ò ehkw'ı geeda ha, eyıts'ò dò eyı-le xè aget'ı hale. Dò elèxè hoıı hogehtsı eyıts'ò edezhı t'à hoıı k'alagedèè sù Nòhtsı gosınıyaehtı ha họt'e. ⁵ Sòqmba għaahwhı ch'à edek'èahdı, eyıts'ò ayı naxıts'ò sù wet'à naxına welè. Nòhtsı dı hadı t'à,

“Naxıts'òq ahde hoıı ha nıile, zònaxeehdè hoıı ha nıile,” hadı, dek'eèht'è.

⁶ Eyıt'à godzeè nàtso xè dı hats'edı ha dı-le,

"Gots'ò K'àowo sù sets'àdi elì họt'e, eyit'à dehji ha-le. Dọ dàsìlìà lì?" hats'edi ha dii-le.

⁷ Naxìgha k'aodèe gùlèe sù dànì Nòhtsì yatù t'à naxìts'ò gogùde lèe sù gnaahdì. Èlaàgùdè gots'ò dànì gùdàa sù ghò nàniahdè, eyits'ò dànì gìgha ehkw'1-ahodù lèe sù k'èè naxìgha ehkw'1-ahodù welè. ⁸ Zezi-Krì jnèè dànì wexè gòjzàa sù dù dzèè k'e hanì wexè hòzọ eyits'ò welọ while ts'ò hanì wexè hòzọ ha họt'e.

⁹ Ts'ìzọ aahde ch'à t'asì elàdù lọ xàzàa t'à dọ hoghànaxegùhtọ-le. Nòhtsì wesonìwọ t'à godzeè nàtso nìdè nezì họt'e. Ayì ts'edèe, ayì ts'edè-le nàowoò k'èats'ùt'e nahk'e nezì họt'e. Hanù nàowo k'èats'ùt'ee sù godzeè gha wet'aazà nùle. ¹⁰ Yahtù, Nòhtsìkò-gocho goyì eghàlageedaa sù goxì dànì Nòhtsì gogha sahzọà elajhwo weghọ shèts'ezhee sù ededù gìghọ shègezhe ha dii họt'e.

¹¹ Moses wenàowoò k'èè nìdè yahtù-wet'aazàa-deè sù Denahk'e Degai K'è gòzọọ ts'ò tìts'aadi wedoò goyayèèe, eyì sù hòhù k'èxa Nòhtsì ghàyeedi. Ekò tìts'aadi èlaàgùhdèe sù dọ nàgedèe k'è gomòht'a gik'eehk'ò họt'e. ¹² Eyì xèht'eè xàè ededoò t'à dọ degai agole gha Zezi ededù sì kògodeè gomòht'a dàzà xè elajwo. ¹³ Eyit'à kògodeè gomòht'a ts'ò ats'ùde, wexèht'eè dọ gidaa ts'èwhù dats'ùzà. ¹⁴ Dù nèk'e kògodeè welọ while ts'ò gòzọọ gòhù nùle, hanìkò jdaa nìdè kògodeè jọ ts'ò ade ha danats'èehzì họt'e.

¹⁵ Eyit'à Zezi wedahxà t'aats'òò Nòhtsì ghàsọts'eedi ha họt'e. Gowà t'à Nòhtsì wuzì deè ts'ehtsì ha họt'e. ¹⁶ Nàowo nezì ghàlaahda xè èlets'aahtù sù t'aats'òò wenaahdì. Hanì èlets'ò eghàlats'eeda nìdè Nòhtsì winà hots'ehtsì họt'e. ¹⁷ Naxìts'ò k'aodèe gùlù sù gik'èaht'e. Nezì naxìk'ègedì họt'e eyits'ò dànì eghàlageeda k'èxa Nòhtsì gosinìyahtì ha họt'e. Gik'èaht'e, hanì-jdè gna edilaa ghàlageeda ha, eyits'ò gìgha dezhi ha-le. Gilaà gìgha dezhi aahlà nìdè gít'àhoahwhì ha nùle.

¹⁸ Nòhtsì gots'adi ha gogha yaahtì. Ekọ-le eghàlats'ùdà-le wek'èts'eezọ, eyits'ò t'asì hazọ t'à ehkw'1 ts'eeda ha ts'ùwọ họt'e. ¹⁹ Whaà-le-t'ù naxìts'ò anahde gha hotù segha yaahtì.

²⁰ Nòhtsì wet'à ts'èwhù hòzọọ sù Zezi sahzọà-k'èdì-deè elù sù naidà ayìlìà, eyits'ò wedoò t'à goxè nakenawhehtsì họt'e. ²¹ Nòhtsì winì k'èè eghàlaahda gha t'asì hazọ naxìghayule. Eyits'ò ayì winì k'èè ne sù Zezi-Krì wet'òò naxìdzeè yì yeghàlaidà. Welọ while ts'ò Zezi weghàsọhoedi welè. Amen.

²² Sèot'ù, eyì yatì nàtsoo naxìghàehzọọ sù hotù wek'èahdì, nìht'è nek'òà t'à naxìts'ò ùht'è ne t'à.

²³ Gòet'1 Timothy wedaàniwọ ts'ò kòèhtlèe agìlì lèe sù wek'èahsọ ha naxeehwhọ. Iwhàà jọ niitlè nìdè wexè naxìts'àhtlè ha.

²⁴ Naxita k'aodèe gũũ eyits'ò Nòhtsı wets'ò dọ hazòò gogha gıxè sığhà welè gıahdı. İtaly nèk'e gòet'ı sıı naxıxè sığhà welè gedı.

²⁵ Nòhtsı naxıts'ò sọnıwọ welè.

James wenjht'è

¹ Sɪ James, Zezì-Krɪ eyits'ò Nòhtsɪ gɪcheekeè aht'e. Israel got'ɪ hoòŋ-daats'ò-nàke xàʔaa gɪlɪ sɪ dɪ nèk'e dɔ nàgedèe gota-ts'ò agejã sɪ gɪts'ò eeht'è. Naxɪxè sɪghà welè.

Hoila eyits'ò hoɪɪ t'à goèdzà

² Sèot'ɪ, hoila lɔ xàʔaa t'à naxeèdzà nɪdè sɪ naxɪnà welè. ³ Naxɪgha ehkw'ɪ-ahodɪ ts'ihʔò naxeèdzà nɪdè denahk'e naxɪnɪ nàtsoò ade ha, eyits'ò enats'it'è dahwhɔ ha-le. Eyɪ wek'èahsɔ hɔt'e. ⁴ ɪlã naxɪnɪ nàtsoò aahwhɔ nɪdè deghàà naxɪgha ehkw'ɪ-ahodɪ ha, eyits'ò nezɪ eghàlaahda gha t'asɪ wɪzɪ naxɪgha dek'azɪ ha-le. ⁵ Naxɪta dɔ ɪkè wɪnɪ gɔɔzɔ ha nɪwɔ nɪdè Nòhtsɪ ts'ò yawehtɪ. Hanɪ-ɪdè Nòhtsɪ yɪnɪ gɔɪzɔò ayele ha. Ayɪ wets'eekèe sɪ weʔò goghàyele ha hɔt'e, eyits'ò “Ayɪha sɪkè?” gòhdɪ nàgoehʔɔ ha nɪle. ⁶ Hanikò t'asɪ weahkè nɪdè naxɪnɪ nàtso xè naxɪgha ehkw'ɪ-ahodɪ ha hɔt'e, eyits'ò ekɪ ahodɪ dahwhɔ ha nɪle. Dɔ wɪnɪ nàtso-le sɪ nɪhts'ɪ t'à k'etaetɪ lanɪ, nàke ts'ò nànwɔ lanɪ. ⁷ Dɔ hanɪ sɪ gots'ò K'àowo t'asɪ t'à yets'àdɪ ha nɪwɔ-le kò. ⁸ Wɪnɪ nàke dɔò elɪ hɔt'e, eyɪt'à t'asɪ hazòò ghàlaeda gha wɪnɪ nàtso-le hɔt'e.

⁹ Gòet'ɪ eteèt'ɪ sɪ Nòhtsɪ gha dɔ wet'aaʔaa elɪ t'à sɪ wɪnà ha hɔt'e. ¹⁰ Hanikò gòet'ɪ ahxee sɪ wesòmbaà t'à dɔ wet'aaʔaa elɪ nɪle t'à sɪ wɪnà ha hɔt'e. Dɔ ahxee sɪ ɪt'òchàa lanɪ whaà-lea ts'ò zɔ nezɪ wègaat'ɪ, eyɪ t'axòò-ɪdè egɔ. ¹¹ Sadeè nàtsoo wexèdɪ nɪdè eyɪ ɪt'òchàa sɪ egɔ xè weʔt'òq nàt'ɪ, eyits'ò wèdaat'ɪ-le at'ɪ. Dɔ ahxee eyɪ lanɪ hɔt'e, ɪlã edilã ghàlaeda et'ɪ wewhìle ade ha.

¹² Dɔ weèdzà t'à wexè hoila kò wɪnɪ nàtso-le ade-le sɪ wexè sɪghà hɔt'e. Ayɪ t'à weèdzà sɪ yeghòèhnɔ nɪdè wek'èxa welò whìle ts'ò edaà awedle ha. Amɪ Nòhtsɪ ghònegeètɔ sɪ hanɪ edeyatɪ goghàɪʔɔ hɔt'e.

¹³ Dɔ hoɪɪ t'à weèdzà nɪdè, “Nòhtsɪ asehzɪ,” hadɪ ha-le. Nòhtsɪ ededɪ sɪ hoɪɪ t'à weèdzà ha hòʔɔ nɪle, eyits'ò ededɪ hoɪɪ t'à dɔ èhdzà nɪle. ¹⁴ Hanikò dɔ edɪnɪ t'à hoɪɪ nɪwɔ ts'ihʔò weèdzà hɔt'e. Hoɪɪ nàowoò ts'ɪʔò yeehtè lanɪ. ¹⁵ Dɔ hoɪɪ ghaewɪ sɪ yek'èè eghàlaeda, eyits'ò k'èdaà hoɪɪ nàowoò wegħa nàtso at'ɪ t'à, eyɪ dɔ yet'è èlãawɪ hɔt'e.

¹⁶ Sèot'ɪ, edeghɔyaahʔà sòò. ¹⁷ T'asɪ hazòò nezɪ xè wedeèdlɪ gots'ò at'ɪ sɪ ɪdòò yak'e gots'ò hɔt'e. Nòhtsɪ-Gotà, sa eyits'ò whò whehtsɪ sɪ gots'ò ayehtɪ hɔt'e. Nòhtsɪ sɪ, wɪnɪ nàke nɪle, edɪnɪ èladɪ ayehtɪ nɪle. ¹⁸ Weyatɪ ehkw'ɪ t'à k'achɪ gogòhɪ gha gòhchì hɔt'e. Hanɪ-ɪdè dɪ nèk'e t'asɪ hazòò whehtsɪ gots'ò sɪ goxɪ xàè wets'ò ts'ɪlɪ ha agòòlã.

Ets'eèhkw'ò xè wek'èè k'ehots'era

¹⁹ Sèot'ɹ, dɹ yati wedaàniahdè: Dò hazòò ekòet'ɹ egeèhkw'ò welì, hanikò ekòet'ɹ xàyagɹhtì-le, eyits'ò ɹwhàà gich'e welè-le. ²⁰ Dò ich'e nɹdè Nòhtsɹ winì k'èè ehkw'ì eda ha nùle. ²¹ Eyit'à hoɹ nàowoò hazòò wet'à hoɹ k'èè k'ehoahzaa sù wedè aahle. Nòhtsɹ yati naxɹdzeè yì adlàa sù k'èeweèt'ɹ lanì wek'èè aahda, eyi wet'à edaxànaaxeetè ha dù-le.

²² Ekì yati zò aàhkw'ò-le, hanikò wek'èè aahda, hanì-ɹdè edeghɹyaahza ha-le. ²³ Amì Nòhtsɹ weyati yeèhkw'ò, hanikò yek'èè eda-le sù edeghɹyaahza hòt'e. Eyì dò sù wet'à edeghàts'eeda t'à edeghàeda lanì. ²⁴ Edeghàdà t'axòò dànì wègaat'ɹ sù ekòet'ɹ yenadi-le. ²⁵ Nàowo wedeèdɹ sù hoɹ gots'ò k'àowo-le ayehzì hòt'e. Ayì nezɹ ts'ɹkw'oo sù t'aats'òò wenats'edi xè wek'èè eghàlats'eeda nɹdè goxè sighà hòt'e.

²⁶ Dò Nòhtsɹ ghò winì nàtsoò edeewò, hanikò edeyati xoe-hdì-le nɹdè edeghɹyaeza hòt'e eyits'ò ayì wegħa ehkw'ì-ahodì sù wet'àazà-le hòt'e. ²⁷ Nòhtsɹ gogħa ehkw'ì-ahodì nɹdè Nòhtsɹ-Gotà dɹ hanì wegħa eghàlats'eedaa sù winì k'èè degaì xè hoɹ dè hòt'e: eyì sù ts'ɹnake eyits'ò ts'èko gɹdòò eɹàdèe gɹgha hoìla sù gits'ats'edi, eyits'ò dɹ nèk'e nàowoɹ ch'à edek'èts'edi.

2

Dò mòhdaa zò nezɹ gits'ò naahza-le

¹ Sèot'ɹ, gots'ò K'àowo Zezì-Krì wexè enùyah hòzòò sù naxɹgha ehkw'ì-ahodì t'à, dò mòhdaa zò nezɹ gits'ò naahza-le, dò hazòò naxɹgha eɹègɹht'e ha hòt'e. ² Edahxò dò goht'ò dètì t'à-at'ɹ xè welakw'òò k'e sòòmbaekwo lamòò whezòò sù eɹeahdì-kò goyaèhtla, eyits'ò edahxò dò-teèt'ɹ goht'òts'ì t'à-at'ɹ ededì sù eɹeahdì-kò goyaèhtla nɹdè ³ dò ahxee wègaat'ɹ sù nezɹ wets'ò naahza xè wets'ò dɹ haahdì, “Jò daèhchì nezɹ negħa whetò,” wèahdì, hanikò dò-teèt'ɹ ts'ò dɹ haahdì, “Nì ekò nàawo,” hanì-le-ɹdè “Sekè gà dechɹtè k'e wheèda,” wèahdì. ⁴ Hanì k'ehoahza nɹdè ekò-le eghàlaahda hòt'e. Naxèot'ɹ ɹè wet'àhoòza eyits'ò ɹè wet'àhoòza-le k'èè gits'ò k'ehoahza. Haaht'ɹ nɹdè hoɹ nàowoò k'èè eɹesɹniyaahdì hòt'e.

⁵ Sèot'ɹ, seàhkw'ò: dò-teèt'ɹ gɹɹ sù gɹgha ehkw'ì-ahodì ha Nòhtsɹ gòhchì hòt'e, eyit'à gɹxè sighà hòzòò hòt'e. Dɹ nèk'e gogħa dò-teèt'ɹ gɹɹ kò, Nòhtsɹ gogħò dɹ hadì, “Gɹgha ehkw'ì aehsɹ xè seghònegeètò t'à dò ahxee gɹɹ ha eyits'ò senàowoò k'èè hòzòò gɹghòt'à ha,” hadì. ⁶ Naxì sù dò-teèt'ɹ ɹzhagɹɹ agɹahzì. Dò ahxee gɹɹ sù naxɹt'òò ahxe gɹhè hòt'e. Ededì sù nàayetì-kò ts'ò anaxegehzì hòt'e. ⁷ Eyì hanì dò sù naxɹts'ò K'àowo eɹ sù wɹzì ɹu gehtsɹ.

⁸ Nòhtsɹ Nɹht'è k'e dɹ hanì dek'eèht'èe, “Edeghòniahtò k'èè naxèot'ɹ ghòniahtò.” Eyì nàowo nezɹ wek'èahdì nɹdè

ehkw'1 eghàlaahda hq̄t'e. ⁹ Hanikò dq̄ mòhdaa zq̄ gıts'ò nezıı naahza nıdè hoııı hoahstı hq̄t'e, eyıts'q̄ gonàowoò k'èè nàowo-k'eezhı-dq̄ lanı naxısınıyaetı hq̄t'e. ¹⁰ Nàowo hazq̄ò k'èahdı hanikò nàowo ı̀lè zq̄ nàahzhı nıdè nàowo hazq̄ò k'eahzhı gha naxısınıyaetı ha hq̄t'e. ¹¹ Nòhtsı dıı hadı ı̀lè, “Ełexè hoııı hoahstı-le,” eyıts'q̄, “Dq̄ ełahwhı-le,” hadı ı̀lè. Ełexè hoııı hoahstı-le, hanikò dq̄ ełahwhı nıdè Nòhtsı wenàowoò nàezhı dq̄ò k'èè naxıta hq̄t'e.

¹² Nàowo wet'à hoııı gots'ò k'àowo-le sıı wek'èè aahda. Eyı nàowo weghàà naxısınıyaetı ha ts'ıhıq̄ò, eyı nàowo k'èè nezıı goahde eyıts'q̄ wek'èè k'ehoahza. ¹³ Dq̄ wedzeè eteèzı-le sıı wesınıyaetı dzèè k'e nıdè eteweèzı ha nııle. Ełets'ò godzeè eteèzı sıı ełesınıyats'ehtı nahk'e eıı hq̄t'e!

Gogha ehkw'1-ahodi eyıts'q̄ wek'èè k'ehots'era

¹⁴ Sèot'ıı, dq̄, “segħa ehkw'1-ahodı,” hadı hanikò yek'èè eghàlaeda-le nıdè wegha wet'àazà-le hq̄t'e. “Segħa ehkw'1-ahodı,” hadı zq̄ t'à edaxàweetè ha nııle. ¹⁵ Edahxq̄ naxıta gots'q̄ dq̄zhı hanı-le-ı̀dè ts'èko goht'q̄ wets'q̄-le xè yegħq̄ shètıı wııle nıdè, ¹⁶ naxı ı̀lè yets'ò dıı hadı, “Nexè sıghà welè; negħa gòkò xè weghq̄ shètıı negħa degħàà welè,” yèhđı, hanikò goht'q̄ eyıts'q̄ yegħq̄ shètıı t'à yets'adı-le nıdè eyı t'asıı nııle. ¹⁷ Eyı lanı, “gogħa ehkw'1-ahodı,” ts'edı, hanikò wek'èè eghàlats'eeda-le nıdè, k'èt'ò gogħa ehkw'1-ahodı hq̄t'e.

¹⁸ Hanikò dq̄ sets'ò dıı hadı nıdè, “Nı negħa ehkw'1-ahodı, hanikò sı nezıı eghàlaehda,” sèhđı nıdè, wets'ò dıı haehsı ha. “Negħa ehkw'1 kò wek'èè eghàlaıda-le sıı weghàıhdà, ekò sı ayı dàhıı weghàà segħa ehkw'1-ahodı sıı weghàıdaà anehle ha,” haehsı ha. ¹⁹ Nòhtsı ı̀lè zq̄ gòhıı sıı negħa ehkw'1-ahodı. Ehkw'1 aneewq̄ hq̄t'e! İıııı kò ededı sı eyı gıgha ehkw'1 hq̄t'e, eyıt'à geejı xè gıts'ehıı laget'ı.

²⁰ Gonezq̄-le dıı! Gogħa ehkw'1-ahodı hanikò wek'èè ts'eeda-le nıdè wet'àhoòzà nııle. Dıı weghàà wek'èızq̄ anııhle: ²¹ Gocho Abraham wedaàıahdè. Tso ełeka nèyııla k'e Nòhtsı ts'ò edeza Isaac ełahwhı xè yek'eehk'ò ha sııhòızq̄, hajà t'à dq̄ ehkw'1 eda għa wıta hq̄t'e. ²² Wegħa ehkw'1-ahodı xè yek'èè eghàlaıdaà sıı ełexè at'ı hq̄t'e. Yek'èè eghàlaıdà t'à wegha ehkw'1-ahodı sıı degħàà ajà hq̄t'e. ²³ Nòhtsı Nıht'è k'e dani dek'eèht'èe sıı wek'èè agòjà hq̄t'e. Dıı hani dek'eèht'èe: “Abraham Nòhtsı yegħa ehkw'1 adı ts'ıhıq̄ò, ehkw'1 eda għa wıta ayııla,” eyıts'q̄ Nòhtsı weàgıı wıyeh. ²⁴ Eyı ts'ıhıq̄ò dq̄ dani eghàlaeda weghàà dq̄ ehkw'1 eda k'èè wıta hq̄t'e, wegha ehkw'1-ahodı zq̄ t'à nııle.

²⁵ Eyı xèht'eè ts'èkojıı Rahab wıyeh ededı kò wexè hagòjà. İsrail gots'q̄ nàezıı-dq̄ò nàke edekò goyagòq̄owa gà edèot'ı naahıq̄

et'ii t'asii nagoèhza ìlè. Hanì eghàlajda t'à ehkw'1 eda k'èè wiià hq't'e. ²⁶ Gozhii wets'q inì wede nùdè ełajwo hq't'e, eyi lanì gogha ehkw'1-ahodi wek'èè ts'eeda-le nùdè gogha wet'aaazà-le hq't'e.

3

Gowali t'à dàts'edu sù wehots'uhti ha hq't'e

¹ Sèot'ii, dq-hoghàehtq-q-dqò aahii ha k'ehoahza-le. Dq-hoghàehtq ts'ii nùdè dq eyii-le ginahk'e hòt'ò gosiniyaeti ha, wek'èahsq hq't'e. ² Goxi dq ts'ii sù ekq-le eghàlats'eeda hq't'e. Dq edewà t'à ekq-le xayati-le sù deghàà dq nezii elì hq't'e, eyts'q ekq-le eghàlaeda ch'à edezhii hazqò k'èdì ha dii-le.

³ Tjicho wewà yii satsò whetqò ats'ehzi nùdè, wet'à tjicho gok'èit'èè ats'ehzi. Eyì satsò t'à tjicho edii ts'ò ade ha wets'iihwhqò sù ts'ò at'ì hq't'e. ⁴ Eyts'q elàcho si wedaaniahdè. Sii nechà eyts'q njhts'1 nàtsoo t'à nàeda, hanikò amii elà k'èdii sù elàht'oò nechà-lea t'à elà k'èdì hq't'e. ⁵ Eyì lanì gowali t'asii nechà-lea gok'e whezq hq't'e, hanikò wet'à t'asii deè ghò xadahots'edi. Kòkwii nechà-lea kò wet'à deè gok'èek'ò ha dii-le. ⁶ Gozhii k'e t'asii whelaa gots'q sù gowali denahk'e hojudeè hq't'e. Wet'à edegha hoila hots'ehtsi eyts'q wet'à godihoè. Gowali sù kò dèk'òq lanì wet'à t'asii hazqò k'èek'ò, eyts'q wehikò gots'q kò t'à gowali ditla lanì.

⁷ Tìts'aadii hazqò xàzaa, t'asii yat'a k'edèe, gòo eyts'q tì yii t'asii nàdèe, eyi hazqò dq hoghàogeehtq t'à gok'èagii t'e. ⁸ Hanikò dq wjzii gowali gok'èit'èè ayele ha dii. T'aats'qò wet'à hojii hots'ehtsi, nàèdii weyii dagoòzq lanì hq't'e.

⁹ Gowali t'à Njhtsi-Gotà weghàsots'eedi, hanikò eyi gowali et'ii t'à dq Njhtsi k'èè gihòelii sù gits'q nàdahots'eezà. ¹⁰ Gowà et'ii t'à Njhtsi weghàsots'eedi eyts'q wet'à dq ts'q nàdahots'eezà. Sèot'ii, hanì ha dii. ¹¹ Tik'è ìlè zq gots'q sù tì nezii eyts'q dewati xàet'ì nùle. ¹² Sèot'ii, jiek'oò ichighoò ta dehshe nùle, eyts'q edaghoò jiek'ots'ii k'e dehshe nùle. Eyì xèht'èè, tì nezii eyts'q dewati sù tik'è ìlè gots'q xàet'ò nùle.

Gots'uzq eyts'q wek'èè k'ehots'eza

¹³ Naxita dq gqzq xè t'asii niedi edeewq nùdè ehkw'1 eda t'à wègaat'ii ayiile, eyts'q gqzq t'à k'èeweèt'ì k'èè dq ts'q nezii eghàlaidà. ¹⁴ Hanikò ełeghq ts'oxoahdi xè dq wet'aaazà edaahtsi nùdè goahsq nùle. Edeghq xàdahoahdi-le, eyts'q nàowo ehkw'ii sù wede aahle-le. ¹⁵ Hanì gots'uzqò k'ehots'ezaa sù yak'e gots'q nùle, dii nèk'e gots'q hq't'e. Njhtsi wets'q nùle, wehii wets'q hq't'e. ¹⁶ Dq ełeghq sù ts'ohogeedi xè git'ahòzà edegeetsi nùdè dq xè nàdahoowo hq't'e, eyts'q hojii hazqò xàzaa hogshtsi hq't'e.

17 Hanikò wet'à gots'ɯzɔɔ sù yak'e gots'ɔ hɔt'e nɯdè, wet'à degai ats'et'ɿ, wet'à ts'èwhɿ welè hats'ɯwɔ, elets'ò godzeè nezɯ ha ts'ɯwɔ, ełek'èats'ɯt'e ha ts'ɯwɔ, elets'ò godzeè eteèzɿ, elets'ò nezɯ eghàlats'eeda, dɔ wet'áaazàa zɔ ts'ò nezɯ nats'eza-le, eyits'ɔ ehkw'ɿ elets'ò nats'eza. 18 Dɔ elexè ts'èwhɿ hगेहtsɯ sù dɔ ehkw'ɿ geedaà agogele hɔt'e.

4

Nòhtsɿ ghàdeahtè xè wek'èaht'e

1 Ayù ts'ihzò elets'ò ààhch'e xè ełek'èch'a aahdi? Naxɯdzeè yì hoɯ nàowoò naxɯ'alawo t'à elets'ò ààhch'e hɔt'e. 2 T'asù lɔ dahwhɔ hanikò naxɯghòt'à hɔɿɿ-le. Dɔ eyù-le t'asù gɯts'ɔ sù naxɯdzeè t'à weahwhɔ hanikò naxɯghaelɿ ha dii, eyit'à dɔ ełaaahwhɿ xèht'e lanì. Elets'ò naxɯnì-le xè ełetawhɿahdè. Nòhtsɿ weahkè-le ts'ihzò t'asù naxɯghòt'à nùle. 3 Weahkè sɔnì kò t'asù naxɯghòt'à-le nɯdè naxɯnì ekɔ-le t'à weahkè ts'ihzò hɔt'e. T'asù naxɯghòt'ɔ nɯdè sìgoèt'ɯ zɔ ts'ò wek'ehoahwhɿ ha dahwhɔ.

4 Naxɿ sù Nòhtsɿ k'èch'a aah'tɿ hɔt'e. Dɯ nèk'e gots'ɔ dɔ giàgià ts'ɯɿ nɯdè Nòhtsɿ wedzats'ɯhwhɔ hɔt'e, wek'èahsɔ-le nì? Amù dɯ nèk'e ts'ɔ nàowoɯ k'èè at'ɯ sù Nòhtsɿ ts'ò xànɿzaa ade ha hɔt'e. 5 Dɯ hanì Nòhtsɿ Nɿhtl'è k'e dek'eèhtl'è, "Wets'ɔ ɿnì Degai godzeè yì nàdè ayùlà, wets'ɔ ɿnì Degai degghàa wets'ɔ ts'ɯɿ ha goɿhwhɔ hɔt'e." Dɯ hanì dek'eèhtl'èe sù ekɿ ahodɿ dahwhɔ nì? 6 Hanikò edesɔnɯwɔò denahk'e gots'ò ayehzɿ hɔt'e. Hanì ts'ihzò Nòhtsɿ Nɿhtl'è dɯ hadɿ:

"Nòhtsɿ sù dɔ xàhodɿ k'èch'a at'ɿ, hanikò dɔ k'èeweèt'ɿ elɿ sù ts'ò wedzeè sɔnɯwɔ hɔt'e," dek'eèhtl'è.

7 Eyit'à Nòhtsɿ ghàdeahtè xè wek'èaht'e. Wehɯ ch'à edek'èahdi, hanì-ɿdè naxɯts'ò naetla ha. 8 Nòhtsɿ ts'ò nɯwà-le aahde, hanì-ɿdè ededɿ sɿ naxɯts'ò nɯwà-le ade ha. Naxɿ hoɯ-hoahtsɯ-dòò aah'tee sù naxɯhoɯ wedɔ aahle, eyits'ɔ naxɯnì nàke laah'tee sù naxɯdzeè degai aahle. 9 Edek'eahɿ t'à naxɯdzeè nànuɿ xè hòt'ò aah'tse. Nàzaahdlò nɯdè dɯ aah'tse, naxɯnà nɯdè dɯ ts'òdahwhɔ. 10 Nòhtsɿ wenadaà edek'eahɿ nɯdè naxɯts'adi xè naxɯxè sighà hòzɔ ayele ha hɔt'e.

11 Sèot'ɯ, ehɿzì jɯ aah'tsɿ-le. Amù edèot'ɿ ghɔ gode, hanì-le-ɿdè yesɯnɿyaehtɿ sù, Nòhtsɿ nàowoò k'èch'a gode xè yesɯnɿyaehtɿ hɔt'e. Nòhtsɿ nàowoò wesɯnɿyaehtɿ nɯdè wenàowoò k'èè aahda nùle, wek'èch'a goahde hɔt'e. 12 Nòhtsɿ zɔ gogha nàowo wheh'tsɿ xè gosɯnɿyaehtɿ elɿ hɔt'e, ededɿ zɔ edaxàgole ha, hanì-le-ɿdè godɿhohtsɿ ha. Hanikò naxɿ sù naxèot'ɿ gɯsɯnɿyaehtɿ ha naxɯghàhòt'ɔ nùle.

Ayù dàahtè ha sù ghɔ xàdahoahdi-le

13 Seàhk'w'ɔ; naxɿ mòhdaa dɯ haahdi, "Dɯ dzeè hanì-le-ɿdè satsɔ eyù-le kòta gòlaa ts'ò ats'ede ha. ɿlè xo ekɔ nàts'edè gà ekɔ

eghàlats'eeda ha, eyits'ò sòmba lq ts'ehtsì ha,” dahdi. ¹⁴ Ayìha hanì goahde? Satsò dàgode ha sùì wek'èahsò nùìe. Whaà-lea gots'ò zàh gòhlè eyì t'axò-ìdè dàwhìdì at'ì, eyì laah'te. ¹⁵ Ehw'ì goahde xè dùì haahdì welì, “Gots'ò K'àowo hanìwò nùdè, ts'eedaa xè dùì hats'ele ha, hanì-le-ìdè eyì hats'ele ha,” haahdì welì. ¹⁶ Hanìkò naxì sùì xàdahoahdì lanì goahde. Hanì xàdahots'edì sùì hoìù hots'ehtsì hòt'e. ¹⁷ Amìì ehkw'ì eghàlaeda ha yek'èezò kò yek'èè eghàlaeda-le nùdè hoìù hoehtsì hòt'e.

5

Dò ahxee gùù sùì edexoguhdì welì

¹ Naxì dò ahxee aahù sùì seàhkw'ò. Naxìxè hoìla agode ha t'à hòt'ò aah'tse. ² T'asìì hazòò wèdaat'ù naxìts'ò sùì ìhjiì ajà, eyits'ò yìida naxìgoht'òò gùzà. ³ Naxìts'ò sòmbaekwo eyits'ò sòmba degoo hazòò ek'eèhtsò ajà. T'asìì hazòò ek'eèhtsòò sùì weghàà t'asìì ghò aahdì-le ìlèe naxìk'èhoedzò ha. Kò t'à naxìkwò k'èek'ò lanì ha. Nòode dzèè gha t'asìì hazòò xàzaa nàwhahtsì hòt'e. ⁴ Seàhkw'ò! Dò naxìdèe k'e t'asìì dehshee nàgùhtsù sùì gùts'àzaahdì-le t'à naxìsìnìyaetì hòt'e. Dò t'asìì dehshee naxìgha nàgehtsù sùì yagìtse t'à, gots'ò K'àowo t'asìì weggha dùi-le sùì goèhkw'ò hòt'e. ⁵ Dùì nèk'e dò ahxee k'èè aahda, eyits'ò t'asìì hazòò edeggha zò wet'à-aah'tì. Tìts'aadùì èlàgùhwhù gha lèk'à aghèzì lanì gosìnìyaetì dzèè gha dò ahxee edèwhahtsì. ⁶ Dò ekò-le hogèhtsì-le xè naxìk'èch'a aget'ì-le kò gùsìnìyaah'tì xè èlàgùghde hòt'e.

Naxìgha hoìla nùdè wexè ts'èwhùì daahza

⁷ Sèot'ù, gots'ò K'àowo jò anade ts'ò ts'èwhùì naahzì. Dèe-goehshee-dòò sùì wedèe k'e t'asìì dehshee gha naèhzù sùì wedaàniàhdè. Lìk'è eyits'ò xat'ò chògh agode gha ts'èwhùì naèhzì hòt'e. ⁸ Eyì lanì ts'èwhùì naahzì xè naxìni nàtsoò aahwhò, gots'ò K'àowo whaà-le-t'ìì jò ts'ò anade ha ne t'à. ⁹ Sèot'ù, èlèk'èch'a goahde-le. Haaht'ì nùdè naxìsìnìyaetì ha. Dò-sìnìyaeh'tì-dòò hòt'a naxìsìnìyahtì ha nìkw'ò!

¹⁰ Sèot'ù, ìnèè gots'ò nakwenàozòò sùì gots'ò K'àowo wedahxà gogùde k'èxa ts'èwhùì dagùzà ìlè. Eyì lanì ts'èwhùì daahza ha hòt'e. ¹¹ Amìì edìnì nàtsoò ayììhwhò xè yeghò nat'è-le sùì wexè sìghà hòzò, wek'èahsò hòt'e. Job wegodùì k'èahsò sònaà; Nòhtsì ts'ò edìnì nàtsoò ayììhwhò, eyit'à nòode ts'ò gots'ò K'àowo yexè èlàdùì hòzòò ayììlà hòt'e. Gots'ò K'àowo sùì gots'ò wedzèè sùì etèèzì hòt'e.

¹² Sèot'ù, dùì wedaàniàhdè: Yak'e wedahxà, dùì nèk'e wedahxà, hanì-le-ìdè t'asìì wùzìì dahxà yatì nàtsoo aah'tsì ha nùìe. “Hèzè,” dahdì nùdè wek'èè eghàlaahda, eyits'ò “Ìlè,” dahdì

nɪdè wek'èè eghàlaahda. Haaht'ɪ-le nɪdè wek'èxa naxísìnìyaeti ha hɔt'e.

Naxɪgha ehkw'ɪ-ahodi k'èè yaahti

¹³ Dɔ wegħa hoìla nɪdè yegħɔ yawehti. Naxita dɔ winà nɪdè shɪ t'à Nòhtsɪ ghàsɔedi welè. ¹⁴ Dɔ eyaelɪ nɪdè Nòhtsɪ wecheekeè għa k'aodèe gɪlɪ sɪ gokayawehti. Gots'ò K'àowo wedahxà degai-tleè wek'e agele xè gɪk'eèyahti ha hɔt'e. ¹⁵ Gɪnì nàtsoo t'à yagehti nɪdè eyɪ dɔ eyaelɪ sɪ Nòhtsɪ k'aàt'ìi ayele ha, eyits'ò gots'ò K'àowo k'achɪ nenaitlāā ayele ha. Eyits'ò eyɪ dɔ hoɪɪ hòèhtsɪ nɪdè wehoɪɪ weghɔ nahoezhe ha. ¹⁶ Eyit'à naxihoɪɪ ghɔ elets'ò hɔdeahdè, eyits'ò ełegħa yaahti, hanì-ɪdè k'aàt'ìi aahde ha. Dɔ ehkw'ɪ edaa sɪ yahti nɪdè weyatì nàtso hɔt'e, eyits'ò t'asì għa yahti sɪ wek'èè hòzɔ at'ì.

¹⁷ Nakwenàoɔɔɔ Elijah goxèht'eè dɔ ɪlè. Chɔh agode ha-le għa hòt'ò yajhti t'à tai xo daà-tani ts'ò dèè k'e chɔh wɪzì ajà-le ɪlè. ¹⁸ Eyɪ t'axɔò k'achɪ yajhti t'à chɔh ajà, eyits'ò dèè k'e t'asì naèhshɔ.

¹⁹ Sèot'ɪ, naxita gots'ò dɔ ɪlè ekɔ-le ajà nɪdè, eyits'ò dɔ eyì-le yets'ò gode t'à ehkw'ɪ goòzà ts'ò anayìlā nɪdè, ²⁰ dɪɪ yatì wedaàɪahdè: Amì hoɪɪ-hohtsɪ-dɔò ehkw'ɪ edaa anayehzì sɪ ełààwɪ ch'à edaxàyehtè hɔt'e, eyits'ò wehoɪɪ ɪɔ sɪ weghɔ nahoezheè ayeħzì hɔt'e.

1 Peter wenht'è

¹ Sɪ Peter Zezi-Krɪ wecheekeèdeè aht'e. Nòhtsɪ dɔ edegha gòjhchì sù eyits'ɔ dɪ nèk'e ts'ɔ dɔ gɪta xàhtɔ lagɪt'ee sù gɪts'ò eeht'è. Pontus nèk'e, Galatia nèk'e, Cappadocia nèk'e, Asia nèk'e eyits'ɔ Bithynia nèk'e hazqò ts'ò nàgedèe gɪts'ò eeht'è. ² Nòhtsɪ-Gotà edɪnì dahxà naxɪhchì hɔt'e, hòt'a hayele ha yek'èezɔ t'à. Zezi wek'èaht'e anaxele gha, wedoò naxik'e adle gha, eyits'ɔ degai aahɪ gha, Nòhtsɪ Yedàyeh Nezm̄ naxɪdzeè yì eghàlaedaà ayɪlà. Nòhtsɪ dezòɔ naxɪts'ò sɔnɪwɔ welè eyits'ɔ naxɪxè sɪghà hòzòɔ ayɪle.

Godàqzhì edaxàdè ha hɔt'e

³ Nòhtsɪ, Zezi-Krɪ wetà, weghàsɔts'eedi welè. Sù gots'ò wedzeè eteèzɪ t'à k'achɪ dɔ nats'edɪɪ agòòlà hɔt'e. Gots'ò K'àowo Zezi naìdà ts'ihzò, ts'eeda ha gogha hòzòɔ ayɪlà. ⁴ Nòhtsɪ ayɪ naxɪda ts'atà whehlaa sù naxɪghòt'à ha hɔt'e, yak'e naxɪgha wek'èhodì ne t'à wezɔqà ade hòlɪ ha-le, ek'eèhtsò ade hòlɪ ha-le, eyits'ɔ ɪhɪɪ ade hòlɪ ha-le. ⁵ Naxɪgha ehkw'ɪ-ahodì t'à Gonòhtsɪ nàtsoo sù degHàà edaxànaxeelee dzeè ts'ò naxik'èdì ha hɔt'e. Nòode dzeè k'e nɪdè dànì weghò enɪyah sù wek'èts'eezɔ ha hɔt'e. ⁶ Eyɪ sù naxɪgha ehkw'ɪ-ahodì t'à sù naxɪnà hɔt'e. Hanìkò dɪ whaà-lea gots'ò naxɪgha kèhoedile xè t'asì lɔ t'à daahza hɔt'e. ⁷ Naxɪts'ò hagot'ɪ sù wet'à naxɪnì sù nàtsoò ade ha. Goinì nàtsoo sù sòmbaekwo gots'ò nahk'e wet'àhoòzà hɔt'e, sòmbaekwo sù kò t'à nezɪ hòlè kò ek'eèhtsò at'ɪ hɔt'e. Goinì nàtsoo xè ehkw'ɪ adlà nɪdè Zezi-Krɪ nòotlaa dzeè k'e wet'à enɪyah xè weghàsɔhoedi welè. ⁸ Weahzɪ gòhɪ-le, hanìkò weghònahtɔ eyits'ɔ dɪ naxɪgha wègaat'ɪ-le kò, naxɪgha ehkw'ɪ adì. Eyɪ ts'ihzò sù naxɪnà xè naxɪgha enɪyah dɪ. ⁹ Naxɪdàqzhì edaxàdè ha dahwhɔ t'à naxɪgha ehkw'ɪ-ahodì xè naxɪnà.

¹⁰⁻¹¹ Nòhtsɪ edesɔnɪwòɔ naxɪghàyezà ha sù whaà gots'ò nakwenàozòɔ eyɪ ghò gogɪde ɪlè. Dàht'e k'e eyits'ɔ dànì Nòhtsɪ hayele ha sù gɪgòhza ha gɪwɔ t'à hòt'ò gɪghò nàngedè xè hotì gɪxàeta ɪlè. Zezi-Krɪ wets'ɔ Inì Degai dɪ hagòhdi ɪlè: “Nòode nɪdè Zezi-Krɪ daɪza ha hɔt'e eyɪ t'axò nɪdè wexè enɪyah hòzò agode ha hɔt'e.” Yedàyeh Nezm̄ gots'ò hadì ɪlè, hanìkò dàht'e dzeè k'e eyits'ɔ edɪ hagode ha sù gɪk'èezɔ-le. ¹² Edegha eghàlageeda nɪle hanìkò ayɪ ghò gogɪdee sù naxɪgha agedɪ gɪk'èezòɔ agɪldà hɔt'e. Dɪ godì nezɪ t'à naxɪts'ò gogedee sù yak'e gots'ò Yedàyeh Nezm̄ gɪts'ò adlà sù wedahxà agedì hɔt'e. Ayɪ ghò gogɪdee sù yak'eet'ɪ kò gɪgòhza ha gɪwɔ.

Degai aahɪ welè

¹³ Eyit'à nezù k'ehoahza gha naxini nàtsoò aahle. Nàowohù ch'à edek'eahdi. Zezi-Kri wègoèht'ì nìdè Nòhtsi naxits'ò sòniwòò ade ha eyi ghò hòt'ò naxigha ehkw'ì-ahodi welè. ¹⁴ Chekoa edetà k'èit'ee lanì Nòhtsi k'èaht'e. Inèè godù nezù k'èahsò-le ekò naxinù k'èè k'ehoahza ìlè, hanikò dù sù hanì aahda ha nùile. ¹⁵ Amù naxikayahtù sù degai hòt'e, eyit'à wexèht'èè degai aah't'e ha hòt'e. ¹⁶ Nòhtsi Nìht'è k'e dù hanì dek'eèht'è: “Sì degai aht'e t'à degai aahù,” dek'eèht'è.

¹⁷ Nòhtsi-Gotà naxigha ehkw'ì-ahodù sù dọ hazòò elèht'èè gosiniyahtù ne t'à, dù nèk'e dọ gita xàhtò laah't'e xè Nòhtsi t'asù wegga dù-le sù wek'èaht'e ha hòt'ò aahwhò. ¹⁸ Naxicho wet'àazà-le k'èè gùdàa sù hanì aahda ch'à edaxàwahde hòt'e. T'asù wedihòlè ha sù, sòmbaekwo eyits'ò sòmba degoo lanù t'à edaxàwahde nùile, ¹⁹ hanikò Zezi-Kri wedoò wet'àazàa t'à edaxàwahde hòt'e; ededì Sahzòà t'asijù wek'e whezò-le sù gohòhù k'èxa elajwo hòt'e. ²⁰ Dèè hòèl kwe wìichì hòt'e, hanikò dù nòòde dzeè gha wègoèht'ì adlà. ²¹ Wets'ihzò Nòhtsi-Gotà naxigha ehkw'ì-ahodi eyits'ò edaxàaxehtè gha naxini nàtso. Nòhtsi-Gotà ededì sù Zezi-Kri k'achì naidà ayìlilà hòt'e eyits'ò wexè enìyah hòzòò ayìlilà.

²² Hòt'a nàowo ehkw'ù k'èaht'e t'à degai k'èè aahda adèahlà hòt'e. Eyì ts'ihzò naxèot'ì sù gighoniahtò. Hèzè, naxidzeè t'à sù elèghoniahtò ha hòt'e. ²³ Naxì sù k'achì naxigòhù aahjà hòt'e. T'asù wedihòlè ha sù t'à aahjà nùile, hanikò Nòhtsi weyatù welò while ts'ò whezòò sù t'à k'achì naxigòhù hòt'e. ²⁴ Nòhtsi Nìht'è k'e dù hanì dek'eèht'è hòt'e:

“Dọ hazòò t'oh lagùt'e eyits'ò it'òchàa lanì gidaat'ì; t'oh whegòò at'ì eyits'ò it'òchàa dèè k'e ts'ò hodàet'ì, ²⁵ hanikò gots'ò K'àowo weyatù sù welò while ts'ò whezòò,” hanì dek'eèht'è.

Eyi yatù sù weghàaxeètò hòt'e.

2

¹ Hanikò dù sù hòhù hazòò k'èè k'ehoahzaa, elèghoyaahzaa, degai daahtsù, elèghò ts'oxoahdù, ehizì jù aahtsù, eyi hazòò wedè aahle. ² Bèbia k'òt'a dọ gùlù sù edemò wet'ò wedeèdlù ghageewì lanì Nòhtsi wenàowoò ghaahwhì weli. Hanì-ìdè edaxàahdè gha naxini nàtsoò ade ha, ³ gots'ò K'àowo gots'ò winì nezù wek'èahsòò aahjà t'à.

Nòhtsi wets'ò dọ aah't'e

⁴ Amù wets'ò aahjàa sù “kwe wet'à ts'eèdaa” wiyeh. Dù nèk'e ts'ò dọ eyi kwe gùwò-le, hanikò Nòhtsi eyi kwe wegga sù wet'àhoòzà ne t'à yìhchì hòt'e. ⁵ Eyì lanì naxì sù kwe edaa laah't'e. Naxì sù Nòhtsi wekò gocho laah't'e eyits'ò yahtù degai

lanì wegħa k'ehoahza. Zezi-Krì naxìgha ehkw'ı adı t'à, Nòhtsı wını k'èè wegħadeahla. ⁶ Nòhtsı Nıhtı'è k'e dıı hanı dek'eèhtı'è: *“Aàhkwo! Jerusalem ekq kwe whe?o ahlà. Eyi kwe ihchì hq'te eyıts'q segħa wet'àa?à hq'te. Amıı yegħa ehkw'ı adı sıı yek'eelı hqıı ha nıle,”* hanı dek'eèhtı'è.

⁷ Naxìgha ehkw'ı adı t'à eyı kwe naxìgha sıı wet'àhoò?à hq'te. Hanıkò amıı wegħa ehkw'ı-ahodı-le sıı gıgha dıı hanı dek'eèhtı'è:

“Kwekò-gogehtsı-dqò kwe ?ògeèhk'aa sıı eyı kwe denahk'e wet'àhoò?à whelı,”

⁸ eyıts'q dıı hanı dek'eèhtı'è:

“Eyi kwe wet'à dq dagıta eyıts'q wet'à dèè k'e nàgeetı'ı hq'te,” hanı dek'eèhtı'è.

Godı nezıı k'èè geeda-le ts'ıh?ò dagıta. Gıts'ò hagot'ıı sıı hanı gıgha hò?ò adla hq'te.

⁹ Hanıkò naxı sıı naxııchì hq'te, Nòhtsı wedahxà yahtı aaht'e, Nòhtsı wets'q aaht'e eyıts'q dq degai aaht'e. Eyi ts'ıh?ò Nòhtsı ghàsqahtı; ededı sıı togoòt'òo yıı gots'q dzeh nııdı ts'ò naxıkayıhtı hq'te. ¹⁰ İne? Nòhtsı wets'q dq aaht'e-le ıle, hanıkò dıı sıı Nòhtsı wets'q aaht'e. İne? etenaxe?ı-le ıle, hanıkò dıı sıı etenaxe?ı hq'te.

¹¹ Seàgıı, dıı nek'e ts'q dq gıta xàhtq laaht'e t'à hoıı naxıdàazhıı k'alawoo sıı wek'èè aahda ha-le naxıghq hòt'ò hahwhq. ¹² Dq Nòhtsı k'ègeezq-le sıı gıta t'aats'qò ehkw'ı aahda. Hanı aahda nıdè ekq-le eghàlaahda naxık'e nıdahogee?à kò, t'asıı nezıı haahlaa sıı gıghàeda ha hq'te, hanı-ıdè Nòhtsı gots'ò adee dze? k'e nıdè gıghàsqedı ha hq'te.

Dèe-ts'ò-k'àowo eyıts'q k'aodèè gııı sıı gık'èaht'e

¹³ Nòhtsı wını k'èè dq naxıts'ò k'aodèè gıhòelıı sıı gık'èaht'e. Eyi t'à k'àowocho t'asıı hazqò għa k'àowo elıı sıı wek'èaht'e, ¹⁴ eyıts'q wedahxà dèe-ts'ò-k'àowo naxıts'ò goh?aa sıı gık'èaht'e. Ededı sıı dq ekq-le hogehtsı nıdè nàgogeekwa ha hq'te, eyıts'q dq ehkw'ı geedaa sıı nezıı goghq gogede hq'te. ¹⁵ Dq gogıı?o-le sıı yatııı t'à naxıghq gogede kò dāgedıı-agedıı sıı gık'èezq-le. Nòhtsı sıı nezıı aahda ha nıwq, hanı-ıdè eyı dq agıdı while ageahle ha. ¹⁶ Dq Moses wenàowoò t'a geèhkwe-le lanı nàahdè, hanıkò dıı haahwhq-le, “Hòt'a Moses wenàowoò t'a ts'eèhkwe-le t'à hoıı hots'ehtsı ha dıı-le,” dahwhq-le. İle, Nòhtsı wecheekeè lanı nàahdè ha hq'te. ¹⁷ Nezıı elıts'ò naahza xè dıı hanı aahda: Amıı naxıxèht'eè gıgha ehkw'ı-ahodı sıı gıghonıahtq, Nòhtsı wek'èaht'e, eyıts'q k'àowocho wets'q nezıı naahza.

¹⁸ Dq gıcheekeè yàahıı sıı naxıts'ò k'àowo ts'ò nezıı naahza xè gık'èaht'e ha hq'te. Naxıts'ò k'àowo naxıts'ò dq nezıı elı nıdè zq wets'q dq nezıı aahı-le, hanıkò k'àowo naxıts'ò wenàhqqht'è

kò wets'ò dọ nezụ aahụ. ¹⁹ Amì Nòhtsị ehkw'ì adì nıwọ xè nezụ eda k'èxa nàweekwa nịdè eyi dọ sù eyi k'èxa weghàsopedi ha họt'e. ²⁰ Hanikò ekọ-le hòahsị k'èxa naxikwòqyaà-naxiidlà kò naxigha t'asanile nịdè dànì naxigha hoqzì lị? Hanikò nezụ aahda k'èxa nànaxeeekwa xè ts'èwhụ daahza nịdè eyi sù Nòhtsị weggha nezì họt'e. ²¹ Zezi-Krì naxigha daịzà ne t'à, hanì aahda gha naxikayaeti họt'e. Ededì hanì gogha daịzàa sù wek'èè ts'eeda ha agòòlà. ²² Ededì sù

“Hołụ wuzù hòèhtsị-le eyits'ọ hots'ì while,” dek'eèht'è.

²³ Yatjù t'à gık'adaedè kò ek'èt'à yatjù t'à gots'ò nagode-le; daịzà kò gots'ò yedaıt'e xàyahtı-le. İle, Nòhtsị ehkw'ì dọ sinıyahtı sù ghàditı. ²⁴ Ededì sù edezhù t'à dechiet'aa k'e ts'ò gohołù edexè ayìlà họt'e. Hanì-ıdè hołù ts'ò ełàats'ede ha, hanikò ehkw'ì k'èhots'eza gha ts'eedaà ats'ede ha; eyits'ọ wekaà wek'e whela t'à k'aàt'ı anaxiidlà họt'e. ²⁵ Naxı hazọ sahzọ dikpèdee laah't'e, hanikò dı amı sahzọ k'èdı elı sù ts'ò anaahde; ededì sù naxıdàqzhù k'èdı elı họt'e.

3

Dọzhì eyits'ọ gıts'èkèè

¹ Ts'èko gıłı sù ededọ k'èagıt'e ha họt'e. Hanì-ıdè gıdọ godı nezù gıgha ehkw'ì-ahodı-le nịdè gıts'èkèè gıt'ọ gıgha ehkw'ì-ahodı agode ha sọnı. Gıgha ehkw'ì-ahodı agejà nịdè gıts'èkèè gots'ò dàgedı sù ts'ıhzò nıle, hanikò gots'ò dànì geeda ts'ıhzò gıgha ehkw'ì-ahodı agede ha. ² Dànì degai k'èè eyits'ọ k'èeweèt'ı k'èè aahdaa sù gıghàeda ha họt'e. ³ Naxıkwıghà deèht'ı t'à, sọqmbaekwo whọzàa t'à, eyits'ọ goht'ọ dètı t'à naxèdaat'ı edaahzı-le. Dànì naxègaat'ı sù t'à naxèdaat'ı nıle, ⁴ hanikò naxıdzeè t'à naxèdaat'ı ha họt'e. Dọ ts'ò naxıdzeè nezù eyits'ọ ts'èwhù dahwhọ nịdè Nòhtsị weggha t'ası nechàa họt'e. ⁵ İneè whaà gots'ọ ts'èko degai Nòhtsị gıgha ehkw'ì-ahodı sù gınaahdı. Ededọ k'èagıt'e t'à gıdaat'ı adegıdlà họt'e. ⁶ Sarah wenaahdı, Abraham k'èat'è eyits'ọ “sets'ọ k'àowo” yèhdı ıle. Ehkw'ì eghàlaahda eyits'ọ t'ası ts'aahtı-le nịdè Sarah wetı k'èè naxıtà họt'e.

⁷ Eyı xèht'eè dọzhı naxıts'èkèè ts'ò naxıdzeè nezù welı. Naxıts'èkèè naxıxèht'eè nàgetso nıle t'à gıts'ọ nezù naahza welı. Naxıxèht'eè Nòhtsị wesọnıwọ t'à welọ while ts'ò geeda ha agòòlà họt'e. Gıts'ọ naxıdzeè nezı nịdè nezù yaahı ha dıle.

Nezù eghàlats'eeda k'èxa dats'ııza

⁸ Nọode t'à naxıts'ọ dı haehsı ha dehwhọ: ts'èwhù ełexè aahdaa; ełets'ọ naxıdzeè nezù aahıt'ı, ełeot'ı lanı ełeghoniahtọ, ełeəahzı eyits'ọ xàhoahdı-le k'èè ełets'ọ naahza. ⁹ Dọ naxıts'ọ

hojii eghàlageeda nɔ̀dè ek'èt'á gɔ̀ts'ò hojii eghàlaahda-le, dɔ̀ naxik'adageedè nɔ̀dè ek'èt'á gɔ̀k'adaahdè-le, hanikò gɔ̀gha yaahti. Dɔ̀ ts'ò sìghà eghàlaahda ha naxiìchì hɔ̀t'e, hanì-ɔ̀dè Nòhtsɔ̀ naxɔ̀ts'ò sìghà eghàlaeda ha hɔ̀t'e. ¹⁰ Hanì dek'eèht'è,

“Amù whaà ts'ò ihdà nɔ̀wɔ̀ eyɔ̀ts'ò wexè sìghà welè nɔ̀wɔ̀ sù hołɔ̀ yatù t'á gode eyɔ̀ts'ò hots'ì gode ch'á edewà k'èdì ha hɔ̀t'e.

¹¹ *Hołɔ̀ hohtsɔ̀ ghɔ̀ nat'è ha eyɔ̀ts'ò nezɔ̀ eda ha hɔ̀t'e; dɔ̀ hazòò xè sìghà welè nɔ̀wɔ̀ ha eyɔ̀ts'ò eyi gha hòt'ò eghàlaeda ha hɔ̀t'e.*

¹² *Amù ehkw'ì edaa sù Nòhtsɔ̀ yek'èdì hɔ̀t'e eyɔ̀ts'ò ayù gha yahtu sù yeèhk'w'ò, hanikò amù hołɔ̀ hòèhtsɔ̀ sù gots'ò K'áowo wets'ò wɔ̀nì-le hɔ̀t'e,” hanì dek'eèht'è.*

¹³ Dɔ̀ ts'ò nezɔ̀ eghàlaahda k'èxa amù naxɔ̀ts'ò hoìla eghàlaeda ha? ¹⁴ Ehkw'ì aahda kò daahza nɔ̀dè ɔ̀laà naxɔ̀xè sìghà hɔ̀t'e. Du hanì dek'eèht'è, “Ayù ts'ágeejɔ̀ sù wets'áahjɔ̀-le eyɔ̀ts'ò t'asù ts'áahye-le,” dek'eèht'è. ¹⁵ Hanikò naxɔ̀dzeè t'á Zezì-Krì naxɔ̀ts'ò K'áowo elɔ̀ aahle. Naxɔ̀gha ehkw'ì-ahodì ghò dɔ̀ danaxeehke nɔ̀dè eyi ghò yatù weahzà gha ts'atà dahkw'e ha hɔ̀t'e. Naxɔ̀dzeè nezɔ̀ t'á wets'ò goahde eyɔ̀ts'ò eyi dɔ̀ nezɔ̀ wets'ò naahza.

¹⁶ Naxɔ̀nì hołɔ̀ ch'á wek'èahdì, hanì-ɔ̀dè Zezì-Krì wedahxà dànì k'ehoahzaa sù ghò dɔ̀ naxik'adageedè nɔ̀dè, dɔ̀ naxɔ̀zì jɔ̀ gehtsɔ̀ ɔ̀lè sù nɔ̀ɔ̀de nɔ̀dè eyi ghò sù ɔ̀zhagɔ̀lɔ̀ agede ha hɔ̀t'e.

¹⁷ Nezɔ̀ eghàlats'eeda k'èxa Nòhtsɔ̀ dats'ɔ̀za ha goɔ̀hwhò nɔ̀dè hołɔ̀ hots'ehtsɔ̀ k'èxa dats'ɔ̀za denahk'e nezɔ̀ hɔ̀t'e. ¹⁸ ɔ̀laà zò Zezì-Krì hołɔ̀ hazòò k'èxa ełajwo hɔ̀t'e eyɔ̀ts'ò k'achɔ̀ hanade ha nùle. Ededì ehkw'ì elɔ̀ sù naxɔ̀ ehkw'ì aah't'e-le gha ełajwo, eyɔ̀t'á Nòhtsɔ̀ ts'ò anaxɔ̀lɔ̀. Wezhɔ̀ ełajwhò, hanikò Yedayeh Nezɔ̀ t'á naìdà awiìdlà hɔ̀t'e, ¹⁹ eyɔ̀ts'ò Yedayeh Nezɔ̀ t'á dɔ̀ gidàzhɔ̀ danɔ̀lɔ̀ sù godɔ̀ nezɔ̀ t'á gots'ò goɔ̀de. ²⁰ T'akwe whaà Noah ełachò whehtsɔ̀ ekò ekɔ̀yee k'e Nòhtsɔ̀ k'èagɔ̀t'e-le ɔ̀lè. Ekò k'e Nòhtsɔ̀ ts'èwhɔ̀ godanaèhɔ̀ ɔ̀lè, hanikò eyi ełachò wet'á dɔ̀ ɔ̀le-le zò edaxàwhede; dɔ̀ ek'èdɔ̀ zò tɔ̀ t'á ełajgɔ̀dè-le ɔ̀lè. ²¹ Eyɔ̀ tɔ̀ sù wet'á naxik'ètaìdzò lanì hɔ̀t'e, wet'á edaxàwahde ne t'á. Naxɔ̀zhɔ̀ k'e tsò while adle gha naxik'ètaìdzò nùle, hanikò wet'á Nòhtsɔ̀ ts'ò sù naxɔ̀nì ehkw'ì ade gha naxik'ètaìdzò hɔ̀t'e. Zezì-Krì k'achɔ̀ naìdà eyɔ̀ts'ò naxik'ètaìdzò t'á edaxàwahde hɔ̀t'e.

²² Zezì-Krì yak'e ts'ò ajà xè Nòhtsɔ̀ gà nàgòts'ehneè wheda, eyɔ̀ts'ò yak'eet'ɔ̀ hazòò eyɔ̀ts'ò k'aodèe gɔ̀lɔ̀ hazòò gɔ̀k'ɔ̀t'e e gɔ̀lɔ̀.

4

Nòhtsɔ̀ gha ts'eeda

¹ Zezì-Krì du nèk'e ɔ̀dà ekò edezhɔ̀ t'á dajza hɔ̀t'e, Zezì-Krì lanì naxɔ̀ sɔ̀ naxɔ̀zhɔ̀ t'á daahza ha naxɔ̀nì nàtsòò aahle. Amù edezhɔ̀ t'á dajzaa sù hołɔ̀ nàowoò k'èè eda-le at'ì hɔ̀t'e. ² Eyɔ̀ ts'ihzò du nèk'e eda gots'ò wɔ̀nìhɔ̀ k'èè eda-le, hanikò Nòhtsɔ̀

wini k'èè eda. ³ Inèè hòt'a whaà hoŋŋ nàowoò k'èè aahda òlè, dọ Nòhtsɪ k'ègeezɔ-le lanì aahda òlè: elexè hoŋŋ nàowoò k'èè eghàlageadaa, hoŋŋ ghats'eewu, geèhdee, gɪgha sɪgoèt'ù zọ gɪwɔɔ, eyits'ọ nòhtsɪà hòèlù ts'ọ yagehtɪ t'à sù hoŋŋ hogehtsɪ. ⁴ Gɪxè hoŋŋ nàowoò hazọọ k'alaahdè ha dahwhọ-le sù gɪmiedì-le, eyit'à yatɪju t'à naxik'adageedè. ⁵ Hanikò Nòhtsɪ nadaà edek'e xàyagehtɪ ha họt'e. Dọ hazọọ geedaa eyits'ọ dọ hazọọ ełàɪdè sù hòt'a Nòhtsɪ gosɪniyaehtɪ ha nìkw'o họt'e. ⁶ Eyɪ ts'ihzọ dọ ełàɪdè kò godi nezɪ gɪghòt'ọ họt'e. Hanì-ìdè gɪzhì ełààde gha gɪsɪniyaetɪ họt'e, hanikò Yedàyeh Nezɪ t'à gɪgòhì agejà nɪdè Nòhtsɪ xè geeda ha họt'e.

⁷ T'asɪ hazọọ welọ agode ha nìhọwo. Eyit'à naxinì ehkw'ì aahle eyits'ọ nàowoŋ ch'à edek'èahdì, hanì-ìdè nezɪ yaahtɪ ha dɪì-le. ⁸ T'asɪ hazọọ nahk'e ełeghɔniachtọ. Ełeghɔnets'eètọ nɪdè hoŋŋ lọ whìle ats'ehzì. ⁹ Dọ naxikò agèt'ì agiahzì, eyɪ ghọ sọahdì-le. ¹⁰ Naxɪ hazọọ Nòhtsɪ wesɔniwọ t'à t'asɪ hazọọ xàzaa naxìghòt'ọ sù wet'à elets'àahdì. ¹¹ Dọ gode nɪdè, xàè Nòhtsɪ weyatɪ t'à gode ha họt'e. Amì dọ ts'adɪ sù Nòhtsɪ ayì t'à nàtsoò ayìlàa sù t'à-at'ì ha họt'e. Hanì-ìdè Zezì-Krɪ wets'ihzọ Nòhtsɪ weghàsɔhoedi ha. Enìyah t'à welọ whìle ts'ọ K'àowocho ełì welè. Amen.

Zezì-Krɪ wecheekè ts'ùlì ts'ihzọ dats'ùza

¹² Seàgɪà, naxìgha kèhoedi-le t'à daahzaa sù naxìgha enìyah welè-le. Naxìxè hoila agode ha-le dahwhọ-le. ¹³ Hanikò Zezì-Krɪ wexè daahzaa sù ghọ naxinà welè, hanì-ìdè Zezì-Krɪ enìyah t'à K'àowocho k'èè wègoèht'ì nɪdè sù naxinà ha họt'e. ¹⁴ Zezì-Krɪ naxìgha ehkw'ì adì t'à dọ naxik'adageedè nɪdè, naxìxè sìghà họt'e; Nòhtsɪ wets'ọ Yedàyeh Nezɪ enìyah t'à naxits'ò-èlì họt'e. ¹⁵ Naxìgha hoila nɪdè dọ ełaaahwho k'èxa welè-le, eezi-dọ aah't'e k'èxa welè-le, dọju aah't'e k'èxa welè-le, eyits'ọ dọ naxìdì geeda-le kò gɪghọ goahde k'èxa welè-le. ¹⁶ Ekò “Zezì-Krɪ wek'èaht'ee dọ” naxìyeh t'à naxìgha hoila nɪdè eyɪ ghọ ìzhaahì-le, hanikò Zezì-Krɪ wɪzì k'èè naxìyeh t'à Nòhtsɪ-Gotà weghàsɔahdì. ¹⁷ Hòt'a dọ hazọọ gɪsɪniyaetɪ ha nìkw'o; Nòhtsɪ wets'ọ dọ sù t'akwelọ gɪsɪniyaetɪ ha họt'e. Goxɪ t'akwelọ gosɪniyaetɪ ha nɪdè dọ Nòhtsɪ wegodɪ nezɪ k'èè geeda-le sù gɪxè dàgòht'e ha sɔn?

¹⁸ Dɪ hanì dek'eèht'è:

“Dọ ehkw'ì geeda kò edaxàgeedè ha gɪgha kèhoedi-le nɪdè dọ Nòhtsɪ k'ègeezɔ-le eyits'ọ hoŋŋ-hogehtsɪ-dọ sù gɪgha dàgòht'e ha sɔn?” hanì dek'eèht'è.

¹⁹ Nòhtsɪ gòèhtsɪ xè t'aats'ọ gòk'èdì ne t'à dọ yinì k'èè dagɪzaa sù Nòhtsɪ gha nezɪ geeda ghọ nagut'è-le.

5

K'aodèe eyits'ò cheko gũlũ sũ

¹ Naxĩgha k'aodèe gũlũ sũ gĩdanatĩehzà ha. Naxĩxèht'eè k'àowo aht'e eyits'ò sedaà Zezì-Krĩ dapzà hõt'e. Zezì-Krĩ eniĩyah t'à K'àowocho k'èè wègòèht'ì nĩdè sũ sũ wexè aht'ì ha hõt'e. ² Nòhtsĩ wesahzòà nezũ gĩk'èahdì. Eyĩ la naxĩghõt'ò ne t'à, k'àowo nezũ aahũ. Hanì naxĩgha hòzò zò t'à gĩxoahdì-le, hanìkò Nòhtsĩ wĩnì k'èè naxĩdzeè t'à gĩxoahdì. Sòòm̃ba ghò hòt'ò aahwhò-le, hanìkò dò ts'àahdì gha ts'atà dahkw'e. ³ Dò gĩxoahdì ha anaxĩdlàa sũ gĩts'ò k'adahoahdè-le, hanìkò Nòhtsĩ wesahzòà gĩgha k'aodèe nezũ aahũ, hanì-ĩdè naxĩxègezũ agede ha hõt'e. ⁴ Haaht'ì nĩdè Nòhtsĩ wesahzòà-k'èdì-deè nũtla nĩdè welò while ts'ò eniĩyah k'èè aahdaà anaxedle ha hõt'e.

⁵ Naxĩ cheko yàahũ sũ dòzhì qhdaà gĩk'èaht'e. Hazòò elets'ò k'èewèè't'ì k'èè aahda, dũ hanì dek'eèht'è t'à:

“Nòhtsĩ dò xàhodũ sũ ts'ò wĩnì-le hõt'e, hanìkò amũ k'èewèè't'ì elũ sũ ts'ò sòntwò hõt'e,” hanì dek'eèht'è.

⁶ Eyit'à Nòhtsĩ t'asũ wegħa dũ-le sũ wenadaà k'èewèè't'ì k'èè aahda, hanì-ĩdè wegħa sìghà dzeè k'e nĩdè daà anaxele ha hõt'e. ⁷ Naxĩghòneètò ne t'à t'asũ hazòò ghò nàniãhdèe sũ wegħaahle.

⁸ Nàowohũ ch'à edek'èahdì eyits'ò hotũ kexoahdì. Wehũ naxĩdzahwhò sũ, gojũcho ãghò lanì dò godziũhà ha gotak'etlo hõt'e. ⁹ Wek'èè eghàlaahda-le, hanìkò Nòhtsĩ għa naxĩnì nàtsoò aahwhò, dũ nèk'e dò gĩgha ehkw'ĩ-ahodũ hazòò naxĩxèht'eè dagũza wek'èahsò hõt'e.

¹⁰ Nòhtsĩ t'aats'òò naxĩts'ò sòniwòò sũ Zezì-Krĩ wedahxà welò while ts'ò eniĩyah k'èè aahda ha naxĩkayãhtì hõt'e. Whaà-lea gots'ò daahzà t'axòò xàè ededì naxĩxè sìghà hòzòò ayele ha eyits'ò t'aats'òò naxĩnì nàtsoò ayele ha hõt'e. ¹¹ Welò while ts'ò Nòhtsĩ eniĩyah nàtso wets'ò-èlì welè. Amen.

Naxìxè sìghà welè

¹² Naxĩts'ò eèht'è għa sèot'ì Sũlas sets'àdì. Ededì sũ t'aats'òò segħa nezũ eghàlaeda hõt'e. Naxĩnì nàtsoò ahle ha eyits'ò Nòhtsĩ wesòniwò k'èè aahda ha dehwhò t'à t'asũ mòhdaa ghò naxĩts'ò ùht'è hõt'e. Nòhtsĩ naxĩts'ò sòniwò ts'ihzò t'aats'òò naxĩnì nàtsoò aahwhò.

¹³ Kògodeè Babylon Nòhtsĩ wets'ò dò naxĩxèht'eè gĩhchũ sũ naxìxè sìghà welè naxègedì. Eyits'ò Mark seza lanì elũ sũ, ededì sũ naxìxè sìghà welè naxèhdì. ¹⁴ Nàowo degaì k'èè elèahts'ì xè, “Nèxè sìghà welè,” elèahdì.

Zezì-Krĩ wets'ò aah't'ee sũ naxìxè sìghà welè.

2 Peter wenhtl'è

¹ Sì Simon-Peter, Zezi-Kri wegħa eghàlaehda eyits'q wecheekeèdeè aht'e. Dq Nòhtsı gıgha ehkw'ı-ahodı agııdlàa sı gıts'q aatl'è hqt'e. Nòhtsı eyits'q Zezi-Kri Edaxàgolee gıts'ıhı?ò ehkw'ı aahdaa k'èè naxıtà hqt'e. Goxı gogħa ehkw'ı-ahodı agòıdlàa sı gogħa t'ası wet'aa?àa deè hqt'e, eyı xèht'eè naxı sı naxıgha t'ası wet'aa?àa deè hqt'e.

² Nòhtsı-Gotà eyits'q gots'q K'àowo Zezi gık'èahsq t'à Nòhtsı t'aats'qò naxıxè sqıwq welè, eyits'q naxıxè sıghà hò?ò ayııle.

Nòhtsı gokayaetu sı eyı denahk'e hòtl'ò yàahtò

³ Nòhtsı nàtso wehòh?ò t'à, wet'à ts'eeda għa eyits'q wını k'èè ts'eeda għa t'ası hazqò goghàıla hqt'e. Nòhtsı gots'q wedzèè nezıı xè enııyah wehòh?ò t'à gokayaıhtı sıı wek'èts'eezqò ats'ejà. ⁴ Gots'q hanı na?a ts'ıh?ò t'ası deè godawhelaà ayııllàa sıı ghq edeyatıı goghàı?ò hqt'e. Eyı ts'ıh?ò Nòhtsı xè aahıt'ıı aahjà eyits'q dıı nek'e dq gınaowohıı k'èè aahda ch'à edaxàwhahde hqt'e.

⁵ Nòhtsı hanı goxè hò?ò ha nıwq t'à naxıgha ehkw'ı-ahodıı sıı wexè nezıı k'èhoah?a, eyits'q nezıı k'èhoah?a wexè Nòhtsı k'èahsq ha hogħadeahtq, ⁶ eyits'q Nòhtsı k'èahsqò sıı wexè hoıı ch'à edek'èahdı, eyı wexè naxını nàtsoò aahle, eyits'q naxını nàtsoo sıı wexè Nòhtsı wını k'èè aahda, ⁷ Nòhtsı wını k'èè aahdaa sıı wexè naxèot'ı gıts'q naxıdzeè nezıı aahıt'ı, eyits'q naxèot'ı gıts'q naxıdzeè nezıı wexè ełegħonıahtq. ⁸ Hanı aahda għa nàahtso nıdè Zezi-Kri wek'èahsqò sıı naxık'e wègaat'ı ha, eyits'q k'ètł'ò hanı aahda ha nııle. ⁹ Ekò dq hanı eda-le sıı wedaà goıle lanı hqt'e, eyits'q daniınèè gots'q wehoııı wegħo whıle adlàa sıı yenadı-le hqt'e.

¹⁰ Eyıt'à sèot'ıı, naxıkayaetı xè naxııchı k'èè aahda, eyı ghq naxını nàtsoò aahle hanı-ıdè naxıxè hagode ha. Hanı edegħalaahda nıdè hoıı naxıdaèht'è hoııı ha nııle. ¹¹ Hanıkò gots'q K'àowo Zezi-Kri, Edaxàgolee eıı sıı, wenàowoò k'èè welq whıle ts'ò hò?òq sıı goyaahdè t'à Nòhtsı naxıghq wına ha hqt'e.

Nakwenà?òq Nòhtsı yatı t'à gogıde

¹² Eyı hazqò hòt'a wek'èahsq xè nàowo ehkw'ıı ghq naxını nàtso kò t'aats'qò wenaahdı anaxehle ha hqt'e. ¹³ İlaà sezħıı eda ts'ò eyı wenaahdı anaxehle ha sıı segha ehkw'ı hqt'e. ¹⁴ Whaà-le-t'ıı sezħıı ełàawı ha, Zezi-Kri hotıı wek'èehsqò asııllà hqt'e. ¹⁵ Sewhıle tı'axqò kò eyı hazqò wenaahdı għa t'aats'qò naxıts'qò gohde ha.

16 Gots'ò K'àowo Zezi-Kri du nèk'e ts'ò ajà eyits'ò dànì nàtso wehòhʔo ghò naxixè gots'adoo sù ekì godì dọ yèhstì t'à ats'edi nùle, hanikò dànì eniyah deè elì sù goxì godaà t'à wets'aʔi họt'e. 17 Yak'e gots'ò Nòhtsì-Gotà ededì Zezi xè eniyah hòʔo xè weghàsòedi ayìlà họt'e, yets'ò du hadì t'à, "Dù Seza họt'e, weghòneehtò, eyits'ò weghò sòdehwhò họt'e," yeghò hadì ìlè. 18 Zezi wexè shìh degai ka ts'eèhkw'e ekò yak'e gots'ò hats'edi ìlè sù goxì wets'ìikw'o ìlè.

19 Goxè hanàhòwo ts'ihʔò nakwenàòʔo giyatì ehkw'ì họt'e denahk'e wek'èts'eezòò ats'ejà. Eyì yatì sù togoòt'òò nì ek'aèk'ò nùdì lanì họt'e. Dzè wegòò èhkò gots'ò, eyits'ò naxìdzeè yì whò-k'èahkaa daaʔaà ade gots'ò hotì wenaahdì weli. 20 Nòhtsì Nìht'è sù nakwenàòʔo edinì k'èè dek'enègùt'è nùle, eyì weniahdi ha naxìgha sù wet'àaʔa họt'e. 21 Nòhtsì yatì sù dọ ginì k'èè aat'è nùle, hanikò Yedayeh Nezi gùdzeè yì nàèhdò t'à nakwenàòʔo Nòhtsì yatì t'à gogùde họt'e.

2

Naxita dọ mòhdaa hogets'ì t'à hoghànaxegeehtò ha

1 Hanikò ìnèè sù dọ gita nakwenàòʔo hogets'ì gogede gòlè, eyì xèht'eè naxita dọ mòhdaa hogets'ì t'à hoghànaxegeehtò ha. Dọ naàhtò Nòhtsì ghò ekò-le hoghànaxegeehtò ha, gots'ò K'àowo t'asì weggha dì-le ededì nàgòèhdì sù k'ahowo nùle gedì ha. Haget'ì t'à ìwhàà edegha hoila hogehtsì họt'e. 2 Dọ lò edenàowoḥì k'èè eghàlageedaà agede ha, eyit'à dọ eyì-le nàowo ehkw'ì ghò nezì xàyagehtì ha-le. 3 Eyì dọ hoghàgogeehtò sù t'asì gha egedì-le t'à ededì godì gèhtsì sù t'à naxixè gogedo. Whaà gots'ò nàgeekwa ha gìgha hòʔo họt'e, hanikò amì godìhohtsì ha sù whetì nùle.

4 Nòhtsì wets'ò yak'èet'ì hoḥì hogèhtsì ekò etegoèhʔì-le ìlè, hanikò wehìkò ts'ò agòòlà. Gìsìniyaetì dzèè gots'ò togoòt'òò gòʔo k'è gùdaniḥa họt'e. 5 Eyits'ò ìnèè whaà hoḥì-hogehtsì-dòò du nèk'e nàgùdèè sù Nòhtsì etegoòʔì-le t'à, deè te teèt'ì t'à èlàngùdè agòòlà ìlè. Noah nàowo ehkw'ì ghò goḥdee sù ededì zò edaxàyehtì eyits'ò wexè dọ lòhdì edaxàgoḥla. 6 Eyits'ò Sodom got'ì eyits'ò Gomorah got'ì gots'ò hoila eghàlajdà; lèbè gùlì ts'ò gok'enìhk'ò. Eyì hanì gots'ò eghàlajdà sù weghàà dọ Nòhtsì k'èch'a hogehtsì sù dànì ìdaà Nòhtsì gots'ò eghàlaeda ha wek'èhoedzòò ayìlà họt'e. 7 Hanikò Lot ehkw'ì edaa sù Nòhtsì edaxàyìhtì, dọ wemòò hoḥì nàowoò k'èè geeda ts'ihʔò sù weggha dì ìlè. 8 (Eyì dọ ehkw'ì edaa sù dzè taat'eè dọ wejì gota nàdè, eyì xè dànì hoḥì nàowoò k'èè eghàlageeda goghàeda xè goikw'o t'à sù weggha dì ìlè.) 9 Hanì hòʔo nìdè gots'ò K'àowo dọ Nòhtsì wìnì k'èè geedaa sù dànì hoila ch'à edaxàgohtè ha sù

yek'èezq hq̄t'e, hanikò amì ehkw'ì geeda-le sù nàgoehkwa hq̄t'e eyits'q̄ ḡis̄n̄iyæt̄u dzèq̄ ḡha gok'èdì. ¹⁰ Dq̄ edin̄ih̄u k'èq̄ geeda xè ḡits'q̄ k'aodèe nègèl̄-le sù hot̄u ḡixè hagode ha.

Hanù dq̄ sù ḡikwì nàtso xè xàhogedì t'à, yat'a j̄nì nàtsoo k'adageedè ḡha edègeej̄i-le. ¹¹ Yak'eet'j̄ denahk'e nàgetso xè t'asì ḡigha dī-le kò, gots'q̄ K'àowo wenadaq̄ yat̄ju t'à yat'a j̄nì nàgetso gok'e nìdahogeezà n̄iile. ¹² Hanikò eyì dq̄ t'asì n̄igeedi-le ghq̄ ekq̄-le gogede t'à Nq̄hts̄i k'èch'a agedì. Tits'aad̄i wets'ahoej̄u laḡut'e eyits'q̄ tits'aad̄i k'èq̄ k'ehogez̄a. Ḡik'èch̄it̄la xè eł̄aagede zq̄ ḡha ḡigòh̄h̄ laḡut'e, eyits'q̄ tits'aad̄i lanì gid̄ihòlè ha.

¹³ Dànì dq̄ ts'q̄ hoila ghàlaḡudà k'èq̄ ḡits'q̄ hoila adle ha. Dzè kò hoj̄u k'èq̄ s̄igoèt'ì hōgehts̄u ḡigha nez̄i. Eyì hanù dq̄ nax̄ita agēt'ì t'à j̄zhaah̄h̄ ha nax̄ighàlageeda. Nax̄ixè nàs̄i ghq̄ shègezhe kò edehoj̄u k'èq̄ k'ehogez̄a ḡigha nez̄i. ¹⁴ T'aats'q̄q̄ ḡin̄ih̄u t'à ts'èko ghàgeeda, hoj̄u hōgehts̄u ḡigha hòt'a-le, dq̄ ḡinì nàtso-le sù ts'iz̄q̄ geele, egedì-le ḡha nàgèghò. Dq̄ hanù sù Nq̄hts̄i hòt'ò nàgoehkwa ha hq̄t'e. ¹⁵ Nàowo ehkw'ù ts'q̄q̄ n̄iwà agej̄à, Beyor weza Balaam wenàowoò k'èq̄ geedaà agej̄à. Eyì dq̄ sù hoj̄u ghàlaeda k'èxa sq̄m̄ba ehts̄u weḡha nez̄i. ¹⁶ Hanikò t̄ht̄soa ekq̄-le hòehts̄i yèhdì. Tits'aad̄i sù gogede ha dī kò eyì t̄ht̄soa dq̄ lanì yets'q̄ x̄ayaht̄i t'à eyì nakwenàōzq̄q̄-j̄u sù ezh̄ine k'èq̄ k'ehoz̄a-le aȳj̄l̄à.

¹⁷ Dq̄ hanù sù t̄ik'è t̄i wh̄ile laḡut'e, eyits'q̄ n̄hts'ì nàtsoo t'à k'oh k'eweehts'ì laḡut'e. Sù togoòt'òo gòzq̄q̄ sù gidawhezq̄ hq̄t'e. ¹⁸ Yat̄i wet'aāz̄à-le t'à xàdahogedì, dq̄ ḡin̄ih̄u t'à hoj̄u hōgehts̄i ha gok'alagedè, eyits'q̄ hoj̄u k'èq̄ geedaa ḡita gots'q̄ dq̄ edaxàwhedee sù k'ach̄i hoj̄u hōgehts̄i ha gok'alagedè. ¹⁹ "T'asì nax̄its'q̄ k'ahowo ha n̄iile," gògedì kò eded̄i hoj̄u nàowoò ḡits'q̄ k'ahowo. T'asì dq̄ daèt'èe sù yeḡha k'àowo el̄i hq̄t'e. ²⁰ Gots'q̄ K'àowo Zez̄i-Kr̄i Edaxàgolee sù ḡik'èezq̄q̄ agej̄à t'à du nèk'e hoj̄u nàowoò ch'à edaxàḡude t'axq̄q̄, k'ach̄i hoj̄u nàowoò k'alagedè agej̄à n̄idè, nq̄q̄de ts'q̄ t'akwel̄q̄q̄ nahk'e ḡixè dez̄q̄q̄ hoila agode ha hq̄t'e. ²¹ Ehkw'ì ts'eedaa nàowoò k'èhogeezq̄-le n̄idè denahk'e ḡigha nez̄i ha j̄lè. Hanikò ḡik'èezq̄ kò Nq̄hts̄i nàowoò ḡits'q̄ adl̄aa sù wedè aḡj̄l̄à t'à denahk'e ḡixè hoila agode ha. ²² Du hats'ed̄u sù ḡighq̄ ehkw'ì x̄ayaht̄i hq̄t'e: "T̄h̄ aȳi nax̄aèhkoo sù k'ach̄i yets'q̄ anaj̄à," dek'eèht'è, eyits'q̄ "Gogòò wek'enaatsoò adl̄aa sù k'ach̄i eht'èk'ò ta k'edez̄à anaj̄à," dek'eèht'è.

3

Gots'q̄ K'àowo nq̄q̄t̄laa dzèq̄ k'e

¹ Seàḡià, dī xè nàakeè nax̄its'q̄ eèht'è hq̄t'e. Aȳi dàehs̄u sù t'aats'q̄q̄ wenaahd̄i ha dehwhq̄. Eyì n̄ht'è nàke nax̄its'q̄

ahlàa sù wet'à ehkw'ı nàniàhdè aahde ha naxeehwhò. ² Inèè sù nakwenàoꝛꝛò degai yatı goghàgıꝛꝛò sù wenaahdì ha naxeehwhò, eyıts'ò gots'ò K'àowo Edaxàgolee elıı sù wecheekeèdèe gı't'òò nàowo nezıı naxıghàıꝛꝛò họt'e, eyı sù wenaahdì ha naxeehwhò.

³ Nqode dzeè ts'ò whaà-le nıdè, eghageedlòo-dqò edınıhıı k'èè geedaa sù naxıta agede ha, eyı sù hotıı weniàhdì ha họt'e.

⁴ Du hagedı ha, “Zezı jò ts'ò anade ha hadı nıdè, welaedi? Gocho elààgııdè gots'ò eladıı agòjà while. Du dèè hòèı gots'ò dàgòht'ee sù agòhıı,” hagedı ha. ⁵ Hanıkò Nòhtsı edeyatı t'à yak'e whehtsı eyıts'ò tı yı gots'ò dèè ıdòò ayıılà eyıts'ò tı t'à dèè xè hòꝛꝛò ayıılà, eyı sù gııadı ha gııwò-le. ⁶ Whaà hoògò t'axòò eyı tı dèè goteèt'l'ı ılèe t'à t'asıı hazòò wedıhòı. ⁷ Nòhtsı weyatı et'ıı t'à yak'e eyıts'ò du nèk'e gok'eek'ò gha wek'èhodi họt'e. T'asıı hazòò wesınıyaetıı dzeè k'e ts'ò wek'èhodi, eyıts'ò ekııyeè k'e nıdè dq hazòò Nòhtsı k'èch'a geedaa sù gıdıhoè ha.

⁸ Seàgıı, du t'asıı ılèe wenaahdì-le sòò: Nòhtsı wegħa ılèe dzeè sù ılèe-lemı xo lanı họt'e, eyıts'ò ılèe-lemı xo sù wegħa dze ılèe lanı họt'e. ⁹ Gots'ò K'àowo edeyatıı goghàıꝛꝛò sù yek'èè eghàlaeda ha whıat'ı nııle, hanıkò dq mòhdaa whıat'ı gııwò. Nòhtsı sù ts'èwhıı naxıdanaèhıı họt'e, dq wıızıı wedıhoè ha nıwò-le, dq hazòò edek'egııı ha gòıhwhò họt'e.

¹⁰ Hanıkò gots'ò K'àowo nòqtłaa dzeè k'e nıdè dq gıxaelı ha-le, eeııı-dqò enıxàezhı lagode ha. Ekııyeè k'e nıdè hòt'ò nàgoekw'ò xè yat'a hazòò while agode ha, whò dawhelaa hazòò, du nèe eyıts'ò t'asıı hazòò wek'e whelaa sù kò t'à wedıhoè ha.

¹¹ T'asıı hazòò hanı wedıhoè ha t'à dani aahda ha sù edegħò nàniàhdè welı. Nòhtsı wını k'èè degai k'èè aahda. ¹² Nòhtsı nııtłaa dzeè k'e whaà-le-t'ıı wegħò nèhòkw'ı ha wek'èahsò xè wek'enaahıı họt'e. Eyı dzeè k'e nıdè yat'a hazòò gok'eek'ò ha, eyıts'ò t'asıı hazòò kò nàtsoo t'à wedıhoè ha. ¹³ Hanıkò Nòhtsı weyatı k'èè agode ha sù gogħa ehkw'ı-ahodi, yak'e wegòò eyıts'ò dèe wegòò gòhıı ha t'à goınà xè wexats'eelı họt'e. Ekò nıdè nàowo ehkw'ıı zò k'èè ts'eeda ha.

¹⁴ Eyıt'a seàgıı, naxınà xè wexaahıı t'à t'asıı wejıı wıızıı naxık'e wheꝛꝛò-le għa hòt'ò eghàlaahda, naxık'e nıdahoet'a ha-le, eyıts'ò Nòhtsı xè ts'èwhıı naxıxè hòꝛꝛò għa hotıı edeahdzà.

¹⁵ Gots'ò K'àowo ts'èwhıı godanaèhıı t'à ıłaa dq ıq edaxàgole ha nıwò, eyı wedaınıàhdè. Gòet'ıı Paul wegħonets'eètqò sù ededı sı Nòhtsı dahxà hanı naxıts'ò gòqꝛꝛò ııt'è ılè. ¹⁶ Paul, wenıht'è k'e eyı hazòò elèht'eè enııt'è ılè. T'asıı mòhdaa ghò ııt'èe sù dq gıııedi ha gıgha dezħı. Dq mòhdaa t'asıı nıgeedi-le xè hòt'ò gıgha ehkw'ı-ahodi-le t'à weyatı ekò-le agehıı, Nòhtsı Nıht'è eyıı-le sı hagehıı lanı. Haget'ı t'à gıdıhoè ha họt'e.

17 Eyit'à seàgĩa, eyı hòt'a wek'èahsọ t'à, hotiì edexoahdı. Hanì-ıdè dọ Nọhtsı k'èagıtt'e-le sị gıxè naxıdıholè ha-le, eyıts'ọ Nọhtsı edaxànaııla gots'ọ ek'èt'à anaahde ha-le. 18 Gots'ọ K'àowo Zezì-Krı Edaxàgolee elı sị denahk'e nezıı wek'èahsọ xè denahk'e wesọrıwọ xè aahda. Dıì gots'ọ welọ whìle ts'ọ ededı weghàsọts'eedi ha họt'e! Amen.

1 John wenjhtl'è

Yatı wet'à ts'eedaa

¹ Ededı kèhòqòwo gots'q wehòhɔq sù wets'eèhkw'q ìlè, xàè godaa t'à wets'aɔì xè weghàts'ıdà ìlè eyıts'q goilà t'à dawets'aachì ìlè. Eyı Yatı wet'à ts'eedaa elı sù weghq gots'edeè ats'edi. ² Yatı wet'à ts'eedaa elı sù wègoèht'ı ajà; wets'aɔì t'à weghq gots'ede. Eyı yatı wet'à welq while ts'ò ts'eedaa sù weghq naxıts'ò gots'ede. Ededı edetà xè wheda ìlè sù gots'ò wègoèht'ı ajà. ³ Ayı ts'aɔı eyıts'q ayı wets'eèhkw'q sù eyı ghq naxıxè gots'edo, goxè aaht'ı ha naxets'ıhwhq t'à. Goxı sù Nòhtsı-Gotà eyıts'q Weza Zezı-Krı gıxè ats'et'ı hq't'e. ⁴ Sù goinà agoahle gha, naxıts'ò ts'eetl'è hq't'e.

Dzèh yı nàts'edè

⁵ Dı wegodi ts'ıkw'oo sù naxıts'ò hats'edi hq't'e. Dı wegodi hq't'e: Nòhtsı sù dzèh hq't'e, wexè togoòt'òo while. ⁶ Wexè ats'et'ı ts'edi kò ılaà togoòt'òo k'èè ts'eeda nıdè, hots'ets'ı hq't'e, eyıts'q nàowo ehkw'ı k'èè ts'eeda nıle. ⁷ Ekò wexèht'eè dzèh yı ats'ıt'e nıdè, elèts'ò godzèè nezı ha, eyıts'q Nòhtsı Weza Zezı wedoò t'à gohòı k'enaetse.

⁸ “Gohòı while,” ts'edi nıdè edeghoyats'eezà hq't'e, eyıts'q nàowo ehkw'ı godzèè yı wheɔq nıle. ⁹ Gohòı ghq Nòhtsı ts'ò hq'dets'eedè nıdè edeyatı k'èdi ha eyıts'q ehkw'ı gosınıyaehtı ha: goghq nahoele xè Zezı wedoò t'à gohòı k'enaetse. ¹⁰ “Hòı hòwhıhtsı-le,” ts'edi nıdè, Nòhtsı hots'ı adı wets'edi hq't'e. Hats'edi nıdè weyatı godzèè yı wheɔq nıle.

2

¹ Sèot'ı, hòı hoahtsı ch'à hanı naxıts'ò ıhtl'è hq't'e. Hanıkò dq hòı hòèhtsı nıdè, gogha dq k'edaedu dqò gòhı, gogha Edetà ts'ò gode ha, eyı sù Zezı-Krı hq't'e, Ehkw'ı Edaa Elı wıyeh. ² Ededı sù gohòı k'èxa elàawı gha Nòhtsı ghàdıtı hq't'e. Goxı qz gogha ajà nıle, dı nèk'e dq hazqò gıhòı gha elawo.

³ Wenàowoò k'èats'ıt'e nıdè Nòhtsı wek'èts'eezqò ats'ejà hq't'e. ⁴ Dq, “Nòhtsı k'èehsq,” hadı, hanıkò yenàowoò k'èè eda-le nıdè, hots'ı adı hq't'e, eyıts'q nàowo ehkw'ı wedzèè yı wheɔq nıle. ⁵ Hanıkò amı yeyatı k'èit'ee sù Nòhtsı dànı goghqneètq k'èè degHàà yeghqneètqò ajà hq't'e. Dı hanı weghàà Nòhtsı xè ats'et'ı wek'èts'eezq hq't'e: ⁶ Amı “Nòhtsı wek'èè ehda,” hadı sù Zezı dànı ıdàa sù k'èè eda ha hq't'e.

⁷ Seàgı, nàowo gòò ghq naxıts'ò ehtl'è aht'ı nıle, hanıkò whàà gots'q nàowo wheɔq hq't'e, kèhòıwo gots'q weghq aàhkw'o ìlè. Eyı nàowo whàà gots'q wheɔq sù wegodi aàhkw'o hq't'e.

⁸ Hanikò dù nàowo gòò ghò naxits'ò eehtl'è. Wenàowoò ehkw'u sù Zezì wexè whezò eyits'ò naxì sù naxixè whezò wègaat'ì hq't'e. Togoòtl'òò hòzòq sù while agodaade eyits'ò dzèh wedeèdlù sù hòt'a gok'e hodàsajdù ajà.

⁹ Amì “Sexè dzèh agòht'e,” hadì, hanikò edèot'ì dzajhwhò nùdè, ìlää wexè togoòtl'òò hòzòq hq't'e. ¹⁰ Amì edèot'ì ghòneètòq sù dzèh yì nàdè, eyits'ò t'asì wùzì t'à ts'ìzò ade ha nùle. ¹¹ Ekò amì edèot'ì dzajhwhòq sù wexè togoòtl'òò hq't'e, eyits'ò togoòtl'òò k'eda. Edù k'edaa sù yek'èezò-le, togoòtl'òò t'à wegga xègaat'ì-le.

¹² Sèot'ù, Zezì wùzì dahxà naxìhoù naxìghò nahoazha t'à naxits'ò eehtl'è hq't'e.

¹³ Gotà yàahù sù ededì kèhojwo gots'ò wehòhòzòq sù wek'èahsq t'à naxits'ò eehtl'è.

Cheko yàahù sù wehù wegghahnò t'à naxits'ò eehtl'è.

Chekoa yàahù sù, Nòhtsì-Gotà wek'èahsqò aahjà t'à naxits'ò eehtl'è.

¹⁴ Gotà yàahù sù ededì kèhojwo gots'ò wehòhòzòq sù wek'èahsq t'à naxits'ò eehtl'è.

Cheko yàahù sù nàahstso xè Nòhtsì yatì naxìdzeè yì whezòq eyits'ò wehù wegghahnò t'à naxits'ò eehtl'è.

Du nèè gots'ò t'asì wùzì ghònahtò-le

¹⁵ Dù nèè gots'ò t'asì wùzì ghònahtò-le. Dò dù nèè ts'ò nàowo ghòneètò nùdè Nòhtsì-Gotà goghòneètòq sù k'èè geeda nùle. ¹⁶ Dù nàowo sù dù nèk'e gots'ò hq't'e: hòù-hogehtsù-dòò ekò-le ts'ò hòtl'ò kànegùzaa, t'asì ghàgeedaa sù ghageewì, t'asì gùts'ò eyits'ò ayì ghàlagùdàa sù ghò xàdahogedi. Eyì hanù nàowo sù Nòhtsì-Gotà wenàowoò nùle, dù nèè gots'ò hq't'e. ¹⁷ Dù nèè, eyits'ò wenàowòhù hazòq while agode ha, hanikò dò Nòhtsì wìni k'èè edaa sù welò while ts'ò eda ha.

Christ k'èch'a elù sù

¹⁸ Sèot'ù, nòqde dzèè k'e nàts'edè hq't'e. Christ k'èch'a elù sù nùtlà ha wegghò aàhk'ò ìlè sòni. Dù kò dò lq Christ k'èch'a gùlù sù hòt'a dù nèk'e nègùde hq't'e. Eyì wegghà nòqde dzèè k'e ts'eèhk'è wek'èts'èezò. ¹⁹ Gota gots'ò xàgeède, hanikò xàè gots'ò agùt'e nùle. Gots'ò agùt'e nùdè ìlää goxè geèhk'è ha ìlè, hanikò gots'òq xàgeède t'à xàè gots'ò agùt'e-le wek'èts'èezò.

²⁰ Hanikò naxì sù Nòhtsì wets'ò Ìni Degai naxits'ò-èlì hq't'e, eyit'à naxì hazòq nàowo ehkw'u sù wek'èahsq. ²¹ Nàowo ehkw'u k'èhoahsq-le t'à naxits'ò eehtl'è nùle, hanikò nàowo ehkw'u wek'èahsq t'à naxits'ò eehtl'è hq't'e, eyits'ò hots'ets'ù sù nàowo ehkw'u gots'ò nùle. ²² Amì hots'ù-dòò elì? “Zezì, Christ hq't'e-le,” hadì sù hots'ù-dòò elì hq't'e. Dò hanì hots'ù sù Christ k'èch'a elì hq't'e, eyits'ò Nòhtsì-Gotà yegha ehkw'ì adì-le

eyits'q Weza sɪ yegha ehkw'ɪ adɪ-le. ²³ Amì Nòhtsɪ Weza yegha ehkw'ɪ adɪ-le sɪ Nòhtsɪ-Gotà xè at'ɪ nùle, hanìkò amì Nòhtsɪ Weza yegha ehkw'ɪ adɪ sɪ Nòhtsɪ-Gotà xè at'ɪ hq̄t'e.

²⁴ Kèhòts'ùhwho gots'q ayì aàhkw'oo sɪ t'aats'q̄ naxɪdzeè yì wek'èahdì. Wek'èahdì nɪdè t'aats'q̄ Nòhtsɪ Weza eyits'q̄ Wetà xè aah't'e ha hq̄t'e. ²⁵ Dɪ hanì goxè yatì nàtsoo whehtsɪ ɲlè, “Welq̄ while ts'q̄ ts'eeda ha,” gòhdì ɲlè.

²⁶ Dq̄ mòhdaa ts'ɪz̄q̄ anaxegele ha gɪwq̄ t'à dɪ hanì naxɪts'q̄ eeh't'è hq̄t'e. ²⁷ Naxɪ, Yedàyeh Nezɪ naxɪghq̄t'q̄ ɲlè sɪ naxɪts'q̄-èl̄ hq̄t'e, eyit'à dq̄ wɪz̄ɪ hoghànaxeehtq̄-le kò. Nòhtsɪ wets'q̄ ɲnì Degai t'asì hazq̄q̄ hoghànaxeehtq̄ hq̄t'e, eyì ɲnì Degai sɪ ehkw'ɪ gode hq̄t'e, hots'ɪ gode nùle. Ayì hoghànaxeehtq̄q̄ sɪ hotì wek'èè aahda.

Nòhtsɪ weza ats'ɲt'e

²⁸ Eyit'à sèot'ɲ, Zezì-Krɪ t'aats'q̄q̄ wek'èè aahda. Hanì-ɲdè nùtlaa dzèè k'e nɪdè wenadaq̄ goinì nàtsoo xè edeghq̄ ɲzhat's'ɲl̄ ha-le.

²⁹ Zezì ehkw'ɪ hq̄t'e wek'èahsq̄ nɪdè, amì ehkw'ɪ k'ehozaa sɪ yets'q̄ dq̄-el̄ wek'èahsq̄ hq̄t'e.

3

¹ Nòhtsɪ-Gotà sɪ goghq̄neètq̄ t'à Nòhtsɪ weza gòyeh agòòlà. Eyì sɪ gogha enìyah hq̄t'e! Weza ats'ɲt'e t'ɲt'e. Dɪ nèk'e ts'q̄ dq̄ Nòhtsɪ k'ègeezq̄-le t'à gok'ègeezq̄-le hq̄t'e. ² Seàgɪq̄, dɪ Nòhtsɪ weza ats'ɲt'e, ɲdaà dq̄ dàhòt'ɲ ts'ɲl̄ ha sɪ ɲl̄à wek'èts'eezq̄ nùle. Hanìkò Zezì-Krɪ dànì wègaat'ɲ k'èè wets'ez̄ɪ ha ne t'à nùtla nɪdè wexèht'eè lats'ede ha wek'èts'eezq̄. ³ Dq̄ hazq̄q̄ eyì hagode ha gɪgha ehkw'ɪ-ahodɪ sɪ degai k'èè edek'ègedì ha hq̄t'e, Zezì-Krɪ dànì degai el̄ k'èè.

⁴ Amì hoɲ hohtsɪ sɪ Nòhtsɪ nàowoò k'eezhì hq̄t'e, hoɲ t'à ts'eadaa sɪ Nòhtsɪ nàowoò k'èch'a ts'eeda hq̄t'e. ⁵ Hanìkò gohoɲ while ayele gha gots'q̄ ajà ɲlè, eyì wek'èahsq̄ hq̄t'e. Ededɪ sɪ hoɲ wɪz̄ɪ wek'e whezq̄ nùle. ⁶ Dq̄ yexè edaa sɪ ɲl̄à hoɲ k'èè eda nùle. Amì ɲl̄à hoɲ k'èè edaa sɪ yazì while eyits'q̄ yek'èezq̄ nùle.

⁷ Eyit'à sèot'ɲ, dq̄ wɪz̄ɪ ekq̄-le ts'q̄ anaxegule sòò. Amì ehkw'ɪ k'ehozaa sɪ ehkw'ɪ hq̄t'e, Zezì-Krɪ ehkw'ɪ hq̄t'e lanì. ⁸ Amì hoɲ nàowoò k'èè edaa sɪ wehɲ nàowoò k'èè eghàlaeda hq̄t'e, kèhoɲwo gots'q̄ wehɲ sɪ hoɲ hohtsɪ ne t'à. Nòhtsɪ Weza sɪ wehɲ wɪl̄à yedìhohtsɪ gha ɲq̄ ajà ɲlè. ⁹ Nòhtsɪ dahxà dq̄ wegòhɲ sɪ ɲl̄à hoɲ nàowoò k'èè eda nùle, Nòhtsɪ wets'q̄ ɲnì wedzeè yì whezq̄ ne t'à. Nòhtsɪ dahxà wegòhɲ ne t'à ɲl̄à hoɲ k'èè eda ha nùle. ¹⁰ Amì Nòhtsɪ weza agɲt'ee, eyits'q̄ amì wehɲ weza agɲt'ee sɪ dɪ weghàà gɪk'èts'eezq̄ hq̄t'e: Dq̄

ehkw'ı eghàlageeda-le, eyıts'q edèot'ı ghqonegeètq-le sù Nòhtsı weza gııı nùile.

Ełeghqntahtq

¹¹ Kèhòts'ııhwho gòts'q dıı yatı weàhk'w'q ıì: Ełeghqnets'eètq ha hqt'e. ¹² Cain wexèaht'e-le, ededı sù wehıı wets'q dq hqt'e, eyıts'q edechı ełııhwho ıì. Dànıghq ayıııà? Ededı wenàowò ıı t'à ełààııhwho, hanıkò wechı wenàowò ehkw'ı hqt'e. ¹³ Sèot'ıı, dıı nèk'e ts'q dq naxıngelı-le nıdè eyı ghq naxıt'ahk'e welè-le. ¹⁴ Gòet'ı gıghqnets'eètq ts'ıh?ò ełààts'ııdè gòts'q nats'ıdà lats'ejà wek'èts'eezq hqt'e. Amıı edèot'ı ghqneètq-le sù ııàà ełııwo hqt'e. ¹⁵ Amıı edèot'ı nèı-le sù eweèt'ıı gha wıtà hqt'e, dq eweèt'ıı eıı sù welq while ts'q eda ha nùile, eyı wek'èahsq hqt'e.

¹⁶ Zezı gogha ełııwoo sù eyı weghàà goghqneètq wek'èts'eezqò ats'ejà. Eyı xèht'eè gòet'ı gıgha ehkw'ı-ahodı sù gıgha ełààts'ıde ts'ııwq weli. ¹⁷ Dq t'asıı lq wets'q sù wèot'ı t'asıı wets'q-le yek'èezq kò eteyèè?ı-le nıdè, dani Nòhtsı goghqneètq sù k'èè eda ha? ¹⁸ Sèot'ıı, goyatıı zq t'à ełeghqnets'eètq welè-le, hanıkò nàowo ehkw'ıı k'èè ełets'ats'edi ha hqt'e. ¹⁹⁻²⁰ Hats'ııt'e nıdè nàowo ehkw'ıı wets'q ats'ııt'e wek'èts'eezq ha. Godzeè t'à edesıniyats'ehtı nıdè Nòhtsı ts'q ats'ııde, hanı-ıdè wenadaà godzeè xè ts'èwhıı hòzq ha. Nòhtsı sù godzeè nahk'e eı hqt'e eyıts'q t'asıı hazqò k'èezq hqt'e.

²¹ Seàgıı, godzeè t'à edesıniyats'ehtı-le nıdè Nòhtsı wenadaà goıni nàtso ha ²² eyıts'q wenàowò k'èats'ııt'e eyıts'q wıni k'èè k'ehòts'eza t'à t'asıı wets'eekeè sù goghàyezà ha hqt'e. ²³ Dıı nàowo goghàızq hqt'e: Weza Zezı-Krı gogha ehkw'ı adı ha hqt'e, eyıts'q ełeghqnets'eètq ha hqt'e. ²⁴ Amıı yenàowò k'èıt'ee sù Nòhtsı xè eda hqt'e, eyıts'q Nòhtsı yexè eda hqt'e. Yedàyeh Nezıı goghàızq t'à goxè eda wek'èts'eezq hqt'e.

4

İni gıyatıı t'à gıahdzà

¹ Seàgıı, ıni hazqò naxıgha ehkw'ı agııdı-le, hanıkò ıni hazqò gıyatıı t'à gıahdzà, asıı Nòhtsı wets'q agııt'e ıı. Nakwenàozqò ehkw'ı gogede-le lq dıı nèk'e dq ta gııde hqt'e, eyıt'à, hotıı gıyatıı xoahdı. ² Dq Nòhtsı wets'q İni Degıı t'à gode nıdè dıı weghàà wek'èahsq ha: İni hazqò Zezı-Krı dıı nèk'e wegòhı hagedı sù Nòhtsı gòts'q agııt'e. ³ Hanıkò ıni hazqò, Zezı gıgha ehkw'ı-ahodı-le sù Nòhtsı gòts'q agııt'e nùile. Zezı-Krı k'èch'a eıı sù wets'q ıni hqt'e. Eyı ıni sù dıı nèk'e dq ta ts'q ade ha weghq aàhk'w'o ıì, dıı hòt'a dıı nèk'e ts'q ajà hqt'e.

⁴ Sèot'ıı, naxı sù Nòhtsı gòts'q aah't'e, eyıt'à ıni nezı-le gıghqahnqò aah't'e, ededı naxıdzeè yıı nàdèe sù dıı nèk'e ts'q

dọ yì nàdèe nahk'e elì họt'e. ⁵ Hanu dọ sù dū nèè gots'ọ agụt'e, eyit'à dū nèè gonàowò k'èè gogede, eyi ts'ihzò dū nèè ts'ọ dọ gogèhkw'ọ. ⁶ Goxi sù Nòhtsi wets'ọ ats'ụt'e, eyit'à dọ Nòhtsi k'ègeezọ sù gogèhkw'ọ họt'e, hanikò amì Nòhtsi gots'ọ agụt'e-le sù gogèhkw'ọ niile. Eyi weghàà Inì ehkw'ì gode gits'ọ-èlì, hanì-le-ìdè m̀ì hots'ì gode gits'ọ-èlì wek'èts'eezọ họt'e.

Eleghonets'eètọ

⁷ Eyit'à, seàgĩa, eleghonets'itò, eleghonets'eètọ sù Nòhtsi wets'ọ ne t'à. Amì eleghonegeètọ sù Nòhtsi gots'ọ gígòhì agụt'e, eyits'ọ Nòhtsi k'ègeezọ họt'e. ⁸ Amì eleghonegeètọ-le sù Nòhtsi k'ègeezọ niile, Nòhtsi eleghonets'eètọ elì ne t'à. ⁹ Nòhtsi dàihcho ts'ọ goghoneètọ sù dū weghàà wek'èts'eezọ agòòlà: Weza wet'òò ts'eeda ha gojwhọ t'à, Edeza jàet'ee zọ dū nèk'e ts'ọ ayìl̀l̀. ¹⁰ Dū hanì eleghonets'eètọ wedeèdl̀ì họt'e: goxi dọ ts'ùl̀ì sù dànì Nòhtsi ghonets'eètọ awèts'edì-le, hanikò ededì sù goghoneètọ t'à Weza gohojì k'èxa gogha elajwì ha gots'ọ ayìl̀l̀. ¹¹ Seàgĩa, Nòhtsi hàihcho ts'ọ goghoneètọ t'à goxi sù sù eleghonets'eètọ ha họt'e. ¹² Dọ wjzì Nòhtsi azì while, hanikò eleghonets'eètọ ǹdè Nòhtsi godzeè yì nàdè họt'e eyits'ọ dànì goghoneètọ sù deghàà gok'e wègaat'ì họt'e.

¹³ Yedayeh Nezi gok'e ayìl̀l̀ t'à, wexè j̀è zọ lats'ùt'e eyits'ọ ededì sù goxè j̀è zọ lanì wek'èts'eezọ. ¹⁴ Nòhtsi-Gotà, Weza dọ Edaxàgolee elì ha dū nèk'e ts'ọ ayìl̀l̀l̀l̀ sù wets'azì t'à weghọ gots'ede họt'e. ¹⁵ Amì, Zezi Nòhtsi Weza họt'e wegħa ehkw'ì-ahodì sù, Nòhtsi yedzeè yì nàdè họt'e, eyits'ọ ededì sù Nòhtsi xè nàdè họt'e. ¹⁶ Eyit'à Nòhtsi goghoneètọ hotù wek'èts'eezọ, eyits'ọ gogħa ehkw'ì-ahodì. Nòhtsi sù eleghonets'eètọ elì họt'e. Amì eleghonets'eètọ k'èè edaa sù Nòhtsi yedzeè yì nàdè họt'e, eyits'ọ ededì sù Nòhtsi xè nàdè họt'e. ¹⁷ Hanì-ìdè deghàà eleghonets'eètọ ats'ede ha họt'e, eyits'ọ dū nèk'e wexèht'èè ts'ùdà t'à gosiniyaetì dzeè k'e ǹdè ts'atà goinì nàtso ha. ¹⁸ Eleghonets'eètọ wedeèdl̀ì k'èè ts'eeda ǹdè ts'eejì niile. Ekò gosiniyaetì għa ts'eejì ǹdè weghàà hòt'ò eleghonets'eètọ-le wek'èhoedzọ. Eyit'à ts'eejì ǹdè deghàà eleghonets'eètọ niile.

¹⁹ Nòhtsi ededì t'akwelòò goghoneètọ ts'ihzò goxi sù eleghonets'eètọ họt'e. ²⁰ Amì "Nòhtsi ghoneehtọ," hadì hanikò edèot'ì nèl̀-ì ǹdè hots'ì adì họt'e. Amì edèot'ì ghàeda kò yegħoneètọ-le sù dànì Nòhtsi wegħa wègaat'ì-le sù ghoneètọ l̀ì? Hanu dọ sù Nòhtsi ghoneètọ-le họt'e. ²¹ Nòhtsi dū nàowo goghàzọ: Amì Nòhtsi ghoneètọ sù edèot'ì sù goghoneètọ ha họt'e.

5

Nòhtsɪ Weza gogha ehkw'ɪ-ahodi

1 Amì, Zezì Nòhtsɪ yìhchì họt'e wegħa ehkw'ɪ-ahodù sù Nòhtsɪ gots'q wegòhɸ họt'e, eyìts'q amì Gotà ghòneètq sù Weza sɪ ghòneètq họt'e. 2 Dù hanì Nòhtsɪ weza gìghònets'eètq sù wek'èts'eezq họt'e: Nòhtsɪ weghònets'eètq xè wenàowoò k'èats'ɸt'e. 3 Dù hanì Nòhtsɪ weghònets'eètq họt'e: Nòhtsɪ nàowo goghàɪzq sù wek'èè ts'eeda. Wenàowoò k'èè ts'eeda sù dezhi nùle. 4 Amì Nòhtsɪ gots'q wegòhɸ sù dù nèè ts'q nàowoɸ nahk'e elɪ họt'e. Gogħa ehkw'ɪ-ahodù t'à, dù nèè ts'q nàowoɸ ghòts'eèhnq họt'e. 5 Amì, Zezì, Nòhtsɪ Weza họt'e wegħa ehkw'ɪ-ahodù sù dù nèè ts'q nàowoɸ ghòèhnq họt'e.

6 Zezì-Krɪ, tɪ t'à eyìts'q edoò t'à dù nèk'e edɪlā ghàlāɪdā. Tɪ zq t'à ajā nùle, tɪ eyìts'q edoò t'à dù nèk'e ts'q ajā họt'e. Yedàyeh Nezɸ ededɪ yegħq xàyaɸhtɪ, Yedàyeh Nezɸ nàowo ehkw'ɪ elɪ t'à. 7 T'asì tai xàyagehtɪ họt'e: 8 Yedàyeh Nezɸ, tɪ, eyìts'q edoò, eyɪ tai sù elèht'eè xàyagehtɪ. 9 Dq tai gɪdā dāgòjā gɪaɪɸ sù ghq elèht'eè gogede nɪdè gɪgodù itā họt'e, hanìkò Nòhtsɪ xàè Edeza ghq gode nɪdè eyɪ denahk'e ehkw'ɪ họt'e, Nòhtsɪ ededɪ xàyaɸhtɪ t'à. 10 Amì, Nòhtsɪ Weza ehkw'ɪ adɪ nɪwq sù Nòhtsɪ Edeza ghq dàdù sù ededzèè yì yek'èdì họt'e. Amì wegħa ehkw'ɪ-ahodɪ-le sù Nòhtsɪ hots'ɪ adɪ nɪwq, Nòhtsɪ Edeza ghq dàdù sù wegħa ehkw'ɪ-ahodɪ-le t'à. 11 Dù hanì gots'q xàyaetɪ: Nòhtsɪ welq whìle ts'q ts'eeda ha goghàhòzq họt'e. Amì Weza yegħa ehkw'ɪ adɪ sù welq whìle ts'q eda ha họt'e. 12 Amì Nòhtsɪ Weza xè at'ɸ sù welq whìle ts'q eda ha họt'e, hanìkò amì Nòhtsɪ Weza xè at'ɪ-le sù welq whìle ts'q eda ha nùle.

Nqode xàyaetɪ

13 Naxɪ, Nòhtsɪ Weza naxɪgha ehkw'ɪ adɪ sù welq whìle ts'q aahda ha hotù wek'èahsq ha dehwhq t'à naxìts'q eeht'è aht'ɪ. 14 Dù hanì edèdats'eedɪ-le xè Nòhtsɪ ts'q ats'ede ha diì-le: winì k'èè t'asì wets'eeke nɪdè hotù gogħa hayele ha wek'èts'eezq. 15 Hotù goèhk'q wek'èts'eezq nɪdè ayì wets'eeke sù hòt'a goghàyɪzq họt'e wek'èts'eezq.

16 Amì wèot'ɪ hoɸ hohtsɸ eyìts'q yet'à welq whìle ts'q elāawɪ ha-le yek'èezq nɪdè eyɪ dq għa yawehtɪ, hanì-ɪdè Nòhtsɪ edā ayele ha. Dq hoɸ hōgehtsɪ hanìkò yet'à elāāgede-le sù awèehsɪ. Hoɸ mōhdaa wet'à welq whìle ts'q elāàts'ewɪ họt'e, hanìkò dq hanì hoɸ hohtsɸ sù eyɪ għa yawehtɪ dehsɸ-aehtsɪ-le. 17 Nàowo ekq-le hazq sù hoɸ họt'e, hanìkò hoɸ mōhdaa wet'à welq whìle ts'q elāàts'ewɪ họt'e.

18 Amì Nòhtsɪ gots'q wegòhɸ sù ɸāà hoɸ k'èè eda nùle wek'èts'eezq. Zezì-Krɪ Nòhtsɪ gots'q wegòhɸ ɸlèè sù yek'èdì họt'e, eyɪt'à wehɸ t'asayele ha diì. 19 Nòhtsɪ weza ats'ɸt'e,

eyits'q dı nèk'e dọ hazọ Nòhtsı dẹ geedaa sị wehı gıts'ò k'àowo họt'e, wek'èts'eezọ. ²⁰ Nòhtsı Weza sị dı nèk'e ts'ò ajà, eyits'q wenàowoò wenıts'eedi agòòlà wek'èts'eezọ, eyıt'à ededı sị ehkw'ı họt'e wek'èts'eezọ. Nòhtsı Weza Zezi-Krı ehkw'ı họt'e sị wexè ats'ıt'e. Ededı xàè Nòhtsı ehkw'ı elı, eyıts'q ededı wet'à welọ whìle ts'ò ts'eeda ha họt'e.

²¹ Sèot'ı, nòhtsı hòèı sị ts'ò yaahtı-le.

2 John wenjhtl'è

¹ Sɪ Zezi wecheekeèdeè aht'ee, Nòhtsɪ edegha dɔ gòjhchì sɪ gɪts'ò eehtl'è. Nàowo ehkw'ɪ k'èè gɪghɔneehɔ, sɪ zɔɔ-le, hanìkò dɔ hazɔɔ nàowo ehkw'ɪ k'èhogeézɔɔ sɪ ededɪ sɪ goghɔnegeètɔ hɔt'e. ² Nàowo ehkw'ɪ k'èè ts'eedaa sɪ godzeè yì eda hɔt'e, eyɪts'ò welɔ while ts'ò goxè wehòhɔ ha hɔt'e.

³ Nòhtsɪ-Gotà eyɪts'ò Weza Zezi-Krɪ goxè sɔgɪwɔ xè gots'ò gɪdzeè eteèzɪ welè eyɪts'ò goxè sìghà hòzɔ agɪle hanì-ɪdè nàowo ehkw'ɪ k'èè ełeghɔnets'eètɔ ha.

⁴ Naxɪts'ò dɔ mòhdaa nàowo ehkw'ɪ k'èè geeda wek'èehsɔ t'à sɪ sɪnà, Nòhtsɪ-Gotà hanì ts'eeda ha gòhdi ɪlè k'èè. ⁵ Sèot'ɪ, nàowo eładɪ ghɔ naxɪts'ò eehtl'è nɪle, hanìkò kèhɔts'ɪhwho gots'ò nàowo wek'èts'eezɔɔ sɪ ghɔ naxɪts'ò eehtl'è aht'ɪ. Ełeghɔnets'eètɔ ha dehwhɔ hɔt'e. ⁶ Dɪ hanì ełeghɔnets'eètɔ hɔt'e: Nòhtsɪ weyatɪ k'èats'ɪt'e. Ełeghɔnets'eètɔ ha hɔt'e, kèhɔts'ɪhwho gots'ò weghɔ aahkw'o ɪlè.

⁷ Dɔ ghoyageeɔaa ɪɔ dɪ nèk'e dɔ ta ts'ò agejà hɔt'e. Zezi-Krɪ dɪ nèk'e wegòhɪ sɪ gɪgha ehkw'ɪ-ahodi nɪle. Hanɪ dɔ sɪ eghoyageeɔaa-dɔ agɪt'e, eyɪts'ò Zezi-Krɪ ts'ò kànegɪɔaa dɔ agɪt'e. ⁸ Edexoahdi, ayì gha eghàlaahdaa sɪ naxɪghɔ wedihòlè sɔɔ, hanìkò eyɪ k'èxa deghàà nezɪ naxɪghàhòt'á ha weli. ⁹ Amì Zezi nakweè ts'ɪzɔ tɪmɔeda xè Zezi wegodi hoghàweètɔ sɪ yek'èdi-le nɪdè Nòhtsɪ yexè at'ɪ nɪle. Ekò amì t'aats'ò Zezi wegodi k'èdi sɪ Nòhtsɪ-Gotà eyɪts'ò Weza wexè agɪt'e hɔt'e. ¹⁰ Dɔ t'alàa-sɪ Zezi wegodi k'èdi-le xè ekɔ-le hoghànaxeehtɔ nɪdè naxɪkò goyaetɪ aweahle-le, eyɪts'ò naxɪxè nàwedè-le. ¹¹ Amì edekò goyaetɪ ayehɪ sɪ yexè yehohɪ k'èè eghàlaeda hɔt'e.

¹² ɪhà t'asɪ ɪɔ ghɔ naxɪts'ò eehtl'è ha hɔt'e, hanìkò enjhtl'è eyɪts'ò enjhtl'èchɪ t'à welè-le dehwhɔ. Hanìkò naxɪts'áhtɪ ha dehwhɔ, naxɪxè whɪhda gà naxɪts'ò gohde ha dehwhɔ, hanì-ɪdè ełexè sɪ goinà ha hɔt'e.

¹³ Nòhtsɪ wets'ò dɔ ɪɔ nàgedè sɪ, “Naxɪxè sìghà welè,” naxègedɪ.

3 John wenjhtl'è

¹ Sɪ Zezì-Krɪ wecheekeèdeè aht'ee sɪ seàgɪɑ Gaius nàowo ehkw'ɪ k'èè weghoneehtɔɔ sɪ wets'ò eehtl'è hɔt'e.

² Seàgɪɑ, hotì ɪda xè t'asì hazòò negha sìghà, eyits'ò nedàazhì xè sìghà hòzò gha, negha yahtì hɔt'e. ³ Nèot'ɪ mòhdaa jò nègɪde t'à neghò sexè gogedo. Dànì nàowo ehkw'ɪ ghò nìni nàtsoo xè dànì ɪlɑà wek'èè ɪda ghò sexè gogedo t'à sɪ neghò sɪnà hɔt'e. ⁴ Dò seza lagɪt'ee sɪ nàowo ehkw'ɪ k'èè geeda weghò eèhkwo t'à sɪ denahk'e sɪnà hɔt'e.

⁵ Seàgɪɑ, gòet'ɪ gɪk'èzɔ-le kò, nets'ò aget'ɪ nɪdè t'aats'òò gɪts'ànedɪ sɪ nezi hɔt'e. ⁶ Dànì gɪghoneètò ghò jò Nòhtsɪ wecheekeè hazòò ts'ò hagedɪ. ɪdaà kòta ts'ò nageedè gha Nòhtsɪ wegħa sìghà k'èè gɪts'ànedɪ nɪdè nezì anet'ɪ ha hɔt'e. ⁷ Zezì-Krɪ għa eghàlageeda t'à dò ta ts'ò agejɑ hɔt'e, eyits'ò dò Nòhtsɪ k'ègeezɔ-le sɪ t'asì wɪzì t'à gots'agedɪ ha gogɪhwhò-le. ⁸ Eyit'à dò hanu gokò nàgedè agits'ehzì sɪ nezi hɔt'e, hanì-ɪdè èlèxè nàowo ehkw'ɪ għa eghàlats'eeda ha.

⁹ Nòhtsɪ wecheekeè ekò geèhkwo'ee sɪ gɪts'ò ɪhtl'è ɪlè, hanìkò Diotrefes, ededɪ k'àowo edeetsɪ wegħa nezi t'à goèhkwo'q ha nɪwɔ-le. ¹⁰ Eyit'à naxits'ò nèehtlɑ nɪdè dànì k'ehoza xè yatɪjɪ t'à goghò godee sɪ ghò naxits'ò gohde ha. Hanì k'ehoza wegħa hòt'a-le t'à, gots'ò dò ekò aget'ɪ ha gogɪhwhò-le. Dò hagɪwɔɔ sɪ haget'ɪ ha-le gòhdɪ xè Nòhtsɪ wecheekeè gɪta gots'ò nagoèhza.

¹¹ Seàgɪɑ, ayì hoɪɪ ne sɪ k'èè anet'ɪ-le, hanìkò ayì nezi sɪ k'èè anet'ɪ. Dò nezi k'ehozaa sɪ Nòhtsɪ wets'ò at'ɪ hɔt'e. Dò hoɪɪ hohtsɪ sɪ Nòhtsɪ k'èezɔ nìle. ¹² Dò hazòò Demetrius ghò nezi agedɪ hɔt'e, eyits'ò nàowo ehkw'ɪ k'èè eda hɔt'e. Goxɪ sɪ weghò nezi ats'edɪ, weghò ehkw'ɪ gots'ede wek'èzɔ hɔt'e.

¹³ ɪlɑà t'asì ɪò ghò naxits'ò eehtl'è ha hɔt'e, hanìkò enjhtl'è eyits'ò enjhtl'èchì t'à welè-le dehwhò. ¹⁴ Whaà-le-t'ù neehzì ha dehwhò, ekìyèè k'e nɪdè èlèxè gowìdo ha.

Nexè sìghà welè. Jò goàgɪɑ geèhkwo'ee sɪ nexè sìghà welè, gedɪ. Goàgɪɑ ekò geèhkwo'ee sɪ gɪtɑt'èè, “Nexè sìghà welè,” segha hagɪdɪ.

Jude wenjhtl'è

¹ Sɿ Jude, Zezi-Krɿ wecheekeè aht'e eyits'ò James wechi aht'e. Dò gɿkayaetɿ sɿ, Nòhtsɿ-Gotà goghòneètò agɿt'ee eyits'ò Zezi-Krɿ gok'èdɿ agɿt'ee sɿ dɿ enjhtl'è gɿts'ò eehtl'è hɿt'e.

² Nòhtsɿ naxɿts'ò wedzeè eteèzɿ welè, naxɿxè sìghà hòzò ayule, eyits'ò dezòò naxɿghòneètò welè.

Dò Nòhtsɿ gɿgha wedè

³ Seàgɿɿ, dànɿ Nòhtsɿ edaxàgoɿlaa sɿ weghò naxɿts'ò eehtl'è ha sɿ haehwhò jìlè, hanikò dɿ nàowo ehkw'ɿ k'èahdɿ ghò naxɿts'ò eehtl'è ha naxɿgha wet'aazà hɿt'e. Nàowo ehkw'ɿ sɿ Nòhtsɿ wets'ò dò t'aats'òò gɿxè whezò gha goghàyyzò hɿt'e.

⁴ Dò mòhdaa ekò-le dò hoghàgogeehtò sɿ naxɿnaàhtò naxɿta gɿde hɿt'e. Hanɿ dò sɿ gɿsɿnyaeɿ ha whaà gots'ò hanɿ dek'eèhtl'è hɿt'e. Dò hanɿ Nòhtsɿ gɿgha wedè sɿ Nòhtsɿ wesònwò eɿadɿ dò hoghàgogeehtò, hagedɿ, “Nòhtsɿ wedzeè sònwò t'à hoɿ k'èè eghàlats'eeda kò weggha t'asanile,” gedɿ. Hagedɿ t'à Zezi-Krɿ ededɿ zò Gots'ò K'àowodeè t'asɿ weggha dɿ-le eɿ sɿ wedè welè gedɿ.

⁵ Nòhtsɿ edets'ò dò Egypt nèk'e gots'ò xàgoèwa t'axòò dò Nòhtsɿ gɿgha ehkw'ɿ-ahodɿ ha gɿwò-le sɿ godɿhòèhtsɿ jìlè. Eyɿ hazòò hòt'a wek'èahsò kò, wenaahdɿ anaxehle ha dehwhò.

⁶ Eyits'ò yak'eet'ɿ mòhdaa gɿts'ò dàgòjaa sɿ eyɿ sɿ wenaahdɿ. Dànɿ k'ahogedè ha gɿghàhòt'òò sɿ gɿghàehdɿ jìlè. Eyɿ yak'eet'ɿ sɿ welò while ts'ò satsòt'ɿ gɿk'e whela xè Nòhtsɿ togoòt'òò yɿ gok'èdɿ, eyits'ò nõòde dzèè k'e Nòhtsɿ gosɿnyaehtɿ ha hɿt'e. ⁷ Eyɿ xèht'eè kòta Sodom eyits'ò kòta Gomorah eyits'ò gɿmòò kòta yàgòlaa sɿ ekò gots'ò dò hoɿ hazòò xàzaa k'èè eɿek'alagedè jìlè. Gɿgodɿ ghàa dò hoɿ hohtsɿ sɿ wets'ò dàgode ha wek'èts'eezò. Dò hanɿ sɿ welò while ts'ò kò nàtsoo t'à dagɿza ha hɿt'e.

⁸ Eyɿ xèht'eè eyɿ dò ekɿ-ka godɿ gehtsɿ sɿ hoɿ t'à xàè edezhɿ tsɿgehwhɿ hɿt'e, k'aodèè k'èagɿt'e ha gɿwò-le, eyits'ò yatɿɿ t'à yat'a ɿnɿ nàtsoo k'adageedè. ⁹ Yak'eet'ɿdeè Michael ededɿ kò, Moses wekw'òò ghò wehɿ xè nàyaehɿ ekò, yek'e nɿdahoezà ha edèdaedɿ jìlè, hanikò “Gots'ò K'àowo nesɿnyaehtɿ welè!” yèhdɿ jìlè. ¹⁰ Hanikò eyɿ dò ekò-le aget'ɿ sɿ t'asɿ nɿgeedɿ-le kò gɿk'èch'a gogede. Tɿts'aadɿ nànwò-le lagɿt'e dànɿ edexègeedɿ ghàa t'asɿ nɿgeedɿ, eyɿ hazòò ts'ihzò gɿdihòlè ha hɿt'e.

¹¹ Gɿxè hoɿla nechà ha! Adò weza Cain wenàowohɿ k'èè geède hɿt'e. ɿnèè gots'ò Balaam ekò-le hòèhtsɿ lanɿ sòòmba gha nàhogehtè, eyits'ò Korah Nòhtsɿ k'èch'a hòèhtsɿ lanɿ gɿdihòlè ha hɿt'e.

¹² Eyì dọ naxìxè ełeghọnets'eètọọ gha nàsì ghọ shègezhe nùdè naxìta t'asì ìhì lagùt'e, eyìts'ọ edeghọ ìzhagùlì honàedi-le, sahzọà-k'èdì-dọò ededì zọ edewà-geedi lagùt'e. Chọhk'òò wets'ọ chọh wìlè, ekì nùhts'ì k'eyehts'ù lagùt'e. Xat'ọ jìechì wèk'e jìe wìlè xè wexochì xàts'ùhdla t'à nàekeè ełajwo, eyì lagùt'e. ¹³ Tìcho k'e taatì k'etaeti xè wegoghoò lọ wègoèht'ì lanì hołù lọ hogehtsì. Yat'a whọ ts'ìzọ-èdee lagùt'e, welọ wìlè ts'ọ denahk'e togoòt'ìòo gòzọọ sù gidawhezọ họt'e.

¹⁴ Enoch sù Adọ wehòèlì gots'ọ dọ lọhdì ełet'ìaxọò-edèe t'à wheda họt'e. Eyì hołù-hogehtsì-dọò ghọ nadaà gojde ìlè, hadì, "Aàhk'w'ọ, gots'ọ K'àowo edets'ọ dọ degai lọ t'à lọ xè dù nèk'e ts'ọ etlè, ¹⁵ eyìts'ọ dọ hazọò gosìnyaehtì ha. Nòhtsì dọ hazọò yìni k'èè geeda-le xè hołù hogehtsì sù eyì k'èxa gosìnyaehtì ha, eyìts'ọ yatìjì hazọò t'à Nòhtsì k'èch'a xayagehtì k'èxa gosìnyaehtì ha," dek'eèht'è. ¹⁶ Eyì dọ sù t'aats'ọò sọagedì xè dọ k'e nìdahogeezàa dọò agùt'e, eyìts'ọ edìnhì k'èè k'ehogezà. Edeghọ xàdahogedì eyìts'ọ edegha sìghà hogehtsì zọ gha dọ ts'ọ nezì agedì.

T'aats'ọò Nòhtsì naxìghọneètọ k'èè aahda

¹⁷ Hanìkò seàgà, gots'ọ K'àowo Zezì-Krì wecheekeèdè dani nadaà gogùdee sù wenaahdì. ¹⁸ Dù hanaxègedì ìlè, "Nọqde dzeè ts'ọ whaà-le nùdè, eghageedlòo-dọò edìnhì k'èè geedaa sù naxìta agede ha," gedì ìlè. ¹⁹ Hanù dọ sù ìlak'aà anaxegehzi họt'e. Dànì edexègeedì k'èè geeda, eyìts'ọ Yedàyeh Nezi gidzeè yì nàde nùlè.

²⁰ Hanìkò naxì seàgà aah'tee sù degai k'èè naxìgha ehkw'ì-ahodì t'à naxìni nàtsoò aahlè, eyìts'ọ Yedàyeh Nezi wìni k'èè yaah'tì. ²¹ T'aats'ọò Nòhtsì naxìghọneètọ k'èè aahda, eyìts'ọ gots'ọ K'àowo Zezì-Krì wesọnwọ t'à welọ wìlè ts'ọ aahda anaxele gots'ọ wedanaahzi.

²² Dọ Nòhtsì wegodì gha gùni nàtso-le sù gùts'ọ naxìdzeè eteèzi welè. ²³ Dọ kọ dèk'ọọ yì geet'ì ch'à dagìahchì xè edaxàgìahlè, eyìts'ọ dọ mọhdaa gùts'ọ naxìdzeè eteèzi welè, hanìkò edexoahdì, edezhì t'à hołù k'alagedè ts'ìhọ gìgoht'ọò kò dats'eèchì ha dìi lanì.

Nòhtsì weghàsọts'eedì

²⁴ Nòhtsì sù hołù ts'ọ ek'èt'à anaahde ch'à naxìk'èdì ha wegħa dìi-le họt'e, eyìts'ọ edì wexè enìyah hòzọọ sù hołù naxìk'e whezọ-le xè sù naxìnà wenadaà nàahza anaxele ha dìi-le họt'e. ²⁵ Zezì-Krì wet'à Nòhtsì ededì zọ Edaxàgolee elì sù t'aats'ọò weghàsọts'eedì welè. Dù dèè hòèlì kwe gots'ọ, dù, eyìts'ọ welọ wìlè ts'ọ Nòhtsì ededì zọ denahk'e elì sù wexè enìyah hòzọ. T'asì hazọò ts'ọ K'àowo elì, ededì zọ nàtso, eyìts'ọ t'asì hazọò wet'ìà whela họt'e! Amen.

John wenazhu xègoèht'ì

Yati t'akwelòò xàyaeti

¹ Zezi-Kri edecheekeè ayì ghàgùdà agòòlàa sù dū enìhtl'è k'e dek'eèhtl'è họt'e. Nòhtsì-Gotà ìdaà dàgode ha sù wegodi Zezi ghàhò họt'e. Zezi wecheekeè dū godi gik'èezò ha t'à, edeyak'eet'ì John ts'ò ayìlà. ² John t'asì hazòò yazù sù yeghò goide. Nòhtsì weyatù eyits'ò Zezi wegodi ghò goide. ³ Dū godi ìdaà dàgode ha sù weghò họt'e. Amì dū godi k'eyahtù sù wexè sìghà họt'e. Eyits'ò amì yìkw'o xè weghe ehkw'1-ahodù sù wexè sìghà họt'e. Ìdaà dàgode ha sù hòt'a wets'ò hawe họt'e.

Weghàsòts'eedi

⁴ John, Asia nèk'e kòta lòhdì yàgòlāa Nòhtsì wecheekeè nàgedèe sù dū godi gots'ò ìtl'è:

Nòhtsì whaà gots'ò wehòhò, dū wehòhò, eyits'ò welò while ts'ò wehòhò ha sù, eyits'ò ìni degai lòhdì Nòhtsì we-nadaà nàgèehza sù naxìxè sògùwò welè eyits'ò naxìxè sìghà hòhò agule. ⁵ Eyits'ò Zezi-Kri naxìxè sòniwò welè eyits'ò naxìxè sìghà hòhò welè. Edeđì sù t'aats'òò ehkw'1 gode họt'e. Edeđì t'akwelòò naidāa elì eyits'ò dū nèk'e k'àowocho hazòò gogha k'àowodeè elì họt'e.

Goghòneètò ts'ìhòò wedoò xàtl'1 t'à gohòhì goghò na-hoazhaà ayìlā họt'e. ⁶ Wetà Nòhtsì gha eghàlats'eeda ha t'à, dò ìlè lats'ìtl'è xè yahtù ts'ìlì agòòlā. Zezi-Kri weghàsòts'eedi eyits'ò welò while ts'ò k'àowocho nàtso welè! Amen. ⁷ Ìdòò k'eaht'ì, k'oh k'e gots'ò nìttā ha. Dò hazòò gezi ha. Dò behkà t'à gìghàhkoo sù edeđì kò gezi ha. Eyits'ò dū nèk'e dò hazòò wets'ìhòò geejì xè getse ha. Hanì hòhò welè! Amen.

⁸ Gots'ò K'àowo Nòhtsì dū hadì họt'e: “Yati t'akwelòò whezòò aht'e eyits'ò yati nòòde whezòò aht'e. Whaà gots'ò sehòhò, dū sehòhò, eyits'ò welò while ts'ò sehòhò ha. T'asì wìzì seghe dū gòhì nùle,” gots'ò hadì.

Dò wet'aaàa deè

⁹ Sù sù nèot'1 John aht'e. Naxìxèht'è Zezi wedahxà ts'èwhì daehza, eyits'ò naxìxèht'è Nòhtsì wenàowoò k'èè ehda. Nòhtsì weyatù eyits'ò Zezi wegodi t'à gohde ts'ìhòò dū dzèè k'e dī Patmos gòyeh k'e whìhda họt'e. ¹⁰ Nòhtsì Dzèè k'e Yèdàyeh Nezù sets'ò ajà. Ìdè sechìht'a dechùshì t'à hòt'ò gots'èdeè lagodi, ¹¹ dū hats'edi họt'e: “Nenazhu dàgot'ì sù enìhtl'è k'e dek'enìtl'è gà kòta lòhdì Nòhtsì wecheekeè nàgedèe sù gits'ò anele. Dū kòta lòhdì họt'e: Ephesus, Smyrna, Pergamum, Thyatira, Sardis, Philadelphia eyits'ò Laodisiya,” hats'edi họt'e.

¹² Amì sets'ò godee sù wets'ò ets'aèhtla ekò ek'aèk'òchì lèhdì sòmba-dekwo t'à hòèlì weyì tleh dèk'òò nàwheza nòò. ¹³ Ek'aèk'òchì wenì dò nàwo, “dò wet'àazàa deè” lanì wègaat'ì. ?eh nedèe wekè ts'ò hàhdo yì wheda, eyits'ò zèht'ì sòmbaekwo lanì wedziwì te nawhet'ì. ¹⁴ Wekwì eyits'ò wekwìghà nahzha degoolanì, hotì zhah lanì, eyits'ò wedaà kò dèk'òò lanì wègaat'ì. ¹⁵ Kò dèk'òò nì wekè satsò dekwoo wek'e sajdì lanì wègaat'ì. Gode nìdè tì nàlì lagodì. ¹⁶ Nàgòts'ehné ts'ò edilà t'à whò lèhdì dayele, eyits'ò wewà gots'ò behcho wek'à ìla-ts'ò dèni xàzà. Wìni sadeè nàtsoo lanì wègaat'ì.

¹⁷ Weehzì ekò wekè gà nàehkw'o, dò elajwo lahjà. Nàgòts'ehné ts'ò edilà sek'e ayìlà, hadì, “Dìjì-le. Sì sù yatì t'akwèlòò whezòò eyits'ò yatì nòode whezòò aht'e. ¹⁸ Sì sù ehda họt'e. Elajwho ìlè hanikò dui welò while ts'ò ehda họt'e. Dò elajdèe nèk'e gha ladlì k'èhdì.

¹⁹ “Eyt'à ayì ghàdaa sù dek'enìt'è. Dui dàgode ha eyits'ò jdaà dàgode ha sù dek'enìt'è. ²⁰ Whò lèhdì nàgòts'ehné selat'aa whelaa eyits'ò ek'aèk'òchì lèhdì sòmbaekwo t'à hòèlì sù dui awèts'edi họt'e: Whò lèhdì sù kòta lèhdì Nòhtsì wecheekeè nàgedèe sù gyak'et'ì gha họt'e, eyits'ò ek'aèk'òchì lèhdì sù kòta lèhdì Nòhtsì wecheekeè nàgedèe sù gha họt'e.

2

Kòta Ephesus Nòhtsì wecheekeè gits'ò aat'è

¹ “Kòta Ephesus Nòhtsì wecheekeè nàgedèe sù dui yatì gits'ò yak'et'ì ts'ò ìt'è:

“Ededì nàgòts'ehné whò lèhdì welat'aa whela xè ek'aèk'òchì lèhdì ta k'et'oo sù dui weyatì họt'e:

² “Dànì aahdaa sù naxik'èehsò họt'e. Segha hòt'ò eghàlaahda eyits'ò hoila kò seghò naxìni nàtso wek'èehsò họt'e. Dò hòlì k'èè geedaa sù gixè aah'tì-le naxik'èehsò. Eyits'ò dò hogets'ì t'à Nòhtsì wecheekeèdeè ats'ìt'è gedì sù giahdzà t'à ehkw'ì agedì-le gìgòahzò họt'e. ³ Sùzì ts'ìhzò sù naxìgha hoila, hanikò ìlaà segha naxìni nàtsoo xè seghò niahtsòò aahjà-le.

⁴ “Hanikò t'asì ìlè naxik'e nìdahoezà: T'akwèlòò dànì seghòniahtò k'èè seghòniahtò-le aahjà. ⁵ Dagòowà dahkw'e ìlè wenaahdì, hanikò eyì gots'ò hodàahde họt'e. Edek'eahhì xè t'akwèlòò dànì eghàlaahda ìlè sù ts'ò anaahde. Edek'eahhì-le nìdè naxits'ò ehtla gà naxits'ò k'aak'òchì naxìghò neèhchì ha. ⁶ Hanikò t'asì ìlè segha nezì aah'tì: Nicolaitan gùlì dàget'ì sù wedzaahwhò họt'e, sù sì eyì wedzaehwhò họt'e.

⁷ “Amì wedziì gòhì sù Yedàyeh Nezì Nòhtsì wecheekeè dàgòhdì sù gùkw'o welè. T'aa hòlì ghò hoehnèe sù ts'ì wet'à

ts'eedaa gots'ò shèt'ì awehle ha. Eyi ts'ì sì Nòhtsì wets'ò hojzì-nèk'e nàìza họt'e.

Kòta Smyrna Nòhtsì wecheekeè gits'ò aatl'è

⁸ “Kòta Smyrna Nòhtsì wecheekeè nàgedèe sì dũ yatì gits'ò yak'eet'ì ts'ò ùt'è:

“Dũ yatì sì amì t'akwelòò elì eyits'ò nòode elì sì weyatì họt'e. Eławo ìlè eyits'ò k'achì naidà họt'e. ⁹ Dànì naxìxè hoila xè eteah't'ì sì naxìk'èehsò, hanìkò dọ ahxee aahì họt'e! Dọ xàè Israel got'ì ats'ùt'e gedu sì naxìzì jũ gehtsì wek'èehsò. Hanìkò xàè Israel got'ì agùt'e nùile, wehì wecheekeè agùt'e. ¹⁰ Whaà-le-t'ì ayì t'à daahza ha sì weghò dahjì-le. Ehkw'ì anaxèehsì, wehì naxeèhdzà ha nìwò t'à dọ-danìl-laa-kò ts'ò anaxele ha họt'e. Hoònò dzeè ts'ò danaxegìhza ha. Naxìwèe hogehtsì kò naxìnì nàtsoò aahle. Wek'èxa welò wìle ts'ò ts'eedaa naxìghàehzà ha.

¹¹ “Amì wedzì gòhì sì Yedayeh Nezi Nòhtsì wecheekeè dàgòhdì sì gùkw'o welì. T'aa hoì ghòehnèe sì nàekeè t'à ełàats'ewì sì t'à dàìza ha-le.

Kòta Pergamum Nòhtsì wecheekeè gits'ò aatl'è

¹² “Kòta Pergamum Nòhtsì wecheekeè nàgedèe sì dũ yatì gits'ò yak'eet'ì ts'ò ùt'è:

“Ededì behcho wek'à ìla-ts'ò dèni wets'ò sì eyì weyatì họt'e. ¹³ Edì nàahdèe sì wek'èehsò; edì wehì wedaèhchìcho whetòò eyits'ò edì nàdèe sì ekò nàahdè họt'e. Hanìkò ìlaà naxìgha ehkw'ì-ahodì. Sek'èahsò-le dahdì nùile. Secheekeè Antipas t'aats'òò segha gode elì ìlè sì wenaahdì. Naxìkòta ełàawìgwo kò ìlaà seghò naxìnì nàtso ìlè.

¹⁴ “Hanìkò t'asì mòhdaa naxìk'e nìdahoezhà ha: Naxìnì dọ mòhdaa Balaam wenàowò k'èè dọ hoghàgogehtò. Eyi dọ sì Israel got'ì hoì hogehtsì gha k'àowo Balak hoghàehtò ìlè. T'asì nòhtsì ghòhì ghàgedu sì gedè agohzì, eyits'ò edezhì t'à hoì k'alagedè agohzì. ¹⁵ Eyits'ò naxìnì dọ mòhdaa Nicolaitan gùlì gìnàowò gìgha ehkw'ì-ahodì. ¹⁶ Eyi t'à edek'eahì! Edek'eahì-le nùdè whaà-le-t'ì naxìts'ò ehtà gà behcho sewà xàìza t'à nàgeht'ì ha.

¹⁷ “Amì wedzì gòhì sì Yedayeh Nezi Nòhtsì wecheekeè dàgòhdì sì gùkw'o welì. T'aa hoì ghòehnèe sì 'Manna' dezi whezòò sì weghàehdì ha. Eyits'ò kwe degoo k'e wìzì gòò dek'eèht'èe sì weghàehzà ha. Amì eyì weghòt'òò sì ededì zò yek'èezò ha.

Kòta Thyatira Nòhtsì wecheekeè gits'ò aatl'è

¹⁸ “Kòta Thyatira Nòhtsì wecheekeè nàgedèe sì dũ yatì gits'ò yak'eet'ì ts'ò ùt'è:

“Dii yati sù Nòhtsì Weza weyatù hòt'e. Ededì sù wedaà kò dèk'òò lanì eyits'ò wekè satsò dekwoo wek'e sajdì lanì hòt'e. ¹⁹ Dànì aahdaa sù naxik'èehsò. Èlèghòniàhtò xè naxìgha ehkw'ì-ahodì hòt'e. Èlèts'àdaahdì eyits'ò hòila kò naxìni nàtso hòt'e. Eyits'ò t'akwelòò secheekeè whahì nahk'e hanì eghàlaahda hòt'e.

²⁰ “Hanikò t'asì ìlè naxik'e nìdahoehzà: Eyì ts'èko Jezebel nakwenàozòò edèedu sù nàweahzò nùle. Secheekeè hoghàgoehtò t'à ts'ìzò geède, edezhì t'à hòlì k'alagedè eyits'ò t'asì nòhtsìà hòèlì ghàgeedu sù gedè agohzì. ²¹ Eyì ts'èko hòlì nàowoò k'èè eghàlaadaa sù edek'eelì ha weghàhòehzò ìlè, hanikò hanìwò-le. ²² Eyì t'à tàda t'à eyaelì awehì ha, eyits'ò amì yexè hòlì hogehtsì sù eyì ts'èko wenàowoò ghò edek'egulì lenòsì hòt'ò dagìzaa agehì ha. ²³ Ts'èko wecheekeè hazòò èlèàgehde ha. Hanì-ìdè Nòhtsì wecheekeè hazòò dòdzeè yì eyits'ò dònì yì k'eeht'ì aht'e sek'ègeezò ha. Eyits'ò naxìhòlì k'èxa naxik'èehkwa hòt'e sek'ègeezò ha. ²⁴ Nòhtsì wecheekeè eyì-le kòta Thiyatira nàgedè sù gits'ò yati nèehzà ha. Eyì ts'èko wek'èè eghàlaahda-le eyits'ò wehì wenàowoò weghàdeahzò-le. Dò mòhdaa eyì nàowo gìgha wet'àazà t'à dò gìghàdeetò ha gìwò. Naxì eyì nàowo dahwhò-le sù dii yati naxìghàehzò, (wezòò t'asì naxìgha dezhi sù ts'ò naxeehza ha-le): ²⁵ Naxits'ò nèehtlà gots'ò seghò naxìni nàtsoo sù hotì wek'èahdì.

²⁶ “T'aa hòlì ghòehnèe eyits'ò nòode ts'ò sek'èè edaa sù dò hazòò xàzaa ts'ò k'àowoò awehì ha. ²⁷ Ededì sù satsò-geh t'à gìgha k'àowocho nàtsoo elì ha, nàgoeht'ì xè kwetò yetaezhì lagole ha.' Setà ededahxà k'àowo ehì asìllà lanì, ededì sù sedahxà k'àowo elì awehì ha.

²⁸ “Eyits'ò whò-k'èahkaa weghàehzà ha. ²⁹ Amì wedzi gòhì sù Yedayeh Nezi Nòhtsì wecheekeè dàgòhdì sù gùkw'o welè.

3

Kòta Sardis Nòhtsì wecheekeè gits'ò aat'è

¹ “Kòta Sardis Nòhtsì wecheekeè nàgedè sù dii yati gits'ò yak'eet'ì ts'ò ìt'è:

“Ededì Nòhtsì wets'ò ìnì degal lòhdì eyits'ò whò lòhdì welat'aa whelaa sù dii weyatù hòt'e: Dànì aahdaa sù wek'èehsò, dò nezì aahda naxegùhwhò hanikò dò èlèdèe laah't'e. ² Ts'ìahdè! Ayì naxìghò èlèawì ha nìkw'oo sù nàtsoò aahì. Nòhtsì wek'èè degàà eghàlaahda nùle wek'èehsò. ³ Eyì t'à ayì naxìghòt'òò eyits'ò ayì aàkw'oo sù wenaahdì. Eyì yati wek'èah't'e xè edek'èahì. Ts'ìahdè-le nìdè eezì-dòò

lanì naxínaàhtq naxıts'àhtla ha. Ayı sadzeè k'e naxıts'àhtla ha sı wek'èahsq ha nıle.

4 “Hanikò dq lq-lea kòta Sardıs nàgedèe sı hoıı t'à edegoh't'qò tsıgıhwho-le. Edegha hogeèhnq ne t'à goht'q degoo t'à-aget'ı xè sexè k'egedè ha. 5 T'aa hoıı ghqehnee sı eyı lanì goht'q degoo yı geèhkw'e ha. Nıhtl'è k'e dq welq while ts'q geeda gha gızı dek'eèhtl'èe sı gots'q gızı ejınahwha hale, hanikò Setà wenadaq eyıts'q yak'eet'ıı gınadaq eyı dq wek'èehsq dehsı ha. 6 Amı wedzıı gòhıı sı Yedayeh Nezıı Nòhtsı wecheekeè dàgòhdı sı gıkw'o welè.

Kòta Philadelphıa Nòhtsı wecheekeè gıts'q aatl'è

7 “Kòta Philadelphia Nòhtsı wecheekeè nàgedèe sı dı yatı gıts'q yak'eet'ıı ts'q ıtl'è:

“Ededı degarı xè ehkw'ı elı sı dı weyatı hqt'e. Ededı sı k'àowochò Davıd weladlı k'èdı elı hqt'e. Ayı ts'qdaà xàedee sı dq wıızı yedaede ha dıı hqt'e, eyıts'q ayı yedaedee sı dq wıızı yets'qdaà xàede ha dıı hqt'e. 8 Dànı eghàlaahdaa sı wek'èehsq. Aàhkw'q, naxınadaq enıxàıtq ahlà eyıts'q dq wıızı enıyeechı ha dıı. Nàahıso-le naxık'èehsq, hanikò seyatı k'èahdı hqt'e eyıts'q sek'èahsq-le dahdı nıle. 9 Eyı dq wehıı wecheekeè agııt'ee sı naxınadaq nàgògehğè agehıe ha. Naxıghqneehtq hqt'e gık'èezqò agehıe ha. Israel got'ıı agııt'e-le kò xàè 'Israel got'ıı ats'ııt'e' gedı t'à hogets'ıı-dqò agııt'e. 10 Senàowò k'èahdı eyıts'q ts'èwhıı daahza t'à hazqò dı nèk'e dq xè hoıla agode ha sı ch'à naxık'èhdı ha. Dı nèk'e dq hazqò nàdèe sı hoıla t'à geèdzà ha.

11 “Whaà-le-t'ıı naxıts'q ehtla ha. Seghq naxını nàtsoo sı hotı wek'èahdı, hanı-ıdè edegha t'ası deahnqò sı dq wıızı naxıghq neyııwa ha-le. 12 T'aa hoıı ghqehnee sı Nòhtsıkò-gocho goyı kwe nàtsoo nàıza elı awehıe xè t'aats'qò ekq wehòhıq ha. Nòhtsı wıızı eyıts'q Nòhtsı wekògodeè wıızı wek'e dek'eèhtl'è ha. Eyı kògodeè wegòò sı Jerusalem wıyeh; Nòhtsı yak'e gots'q ızhıı adeè ayele ha. T'aa wıı nàtsoo sı sıızı wegòò wek'e dek'enèehtl'è ha. 13 Amı wedzıı gòhıı sı Yedayeh Nezıı Nòhtsı wecheekeè dàgòhdı sı gıkw'o welè.

Kòta Laodıııya Nòhtsı wecheekeè gıts'q aatl'è

14 “Kòta Laodıııya Nòhtsı wecheekeè nàgedèe sı dı yatı gıts'q yak'eet'ıı ts'q ıtl'è:

“Ededı 'Amen' wıyeh, t'aats'qò ehkw'ı gode eyıts'q Nòhtsı t'ası hazqò whehtsı ts'q K'àowo elı sı dı weyatı hqt'e. 15 Dànı eghàlaahdaa sı wek'èehsq, segha whek'òo eyıts'q whekòq laahıe-le. Eyı nàke sı ıhè àahçı nıdè dehwhq. 16 Eyıt'à segha tı whekòq eyıts'q tı whek'òo laahıe-le.

Ekì tì yaazea whekòq laaht'e t'à sewà gots'q xànaxeehsè ha. ¹⁷ 'Ahxee ats'ùt'e,' edèahdì, 'T'asì lq gots'q t'à t'asì wets'ùwq gòhì-le,' dahdì, hanìkò naxìxè gots'eèdì, eteaht'ì, naxìdaà goìle xè goht'q dè dahkw'e hq't'e, wek'èahsq-le nì? ¹⁸ Sqòmbaekwo kò-dèk'òq t'à wedeèdlì adlàa sì seghq nàahdì nìdè ahxee aahì ha. Goht'q degoo seghq nàahdì, hanì-ìdè goht'q dè edeghq ùzhaahì ha-le, eyìts'q godaàtlee seghq nàahdì, hanì-ìdè k'eaht'ì ha.

¹⁹ "T'aa gìghqneehtq sì hoìù hogehtsì nìdè nàgeehzq xè nezì geeda gha hoghàgeehq hq't'e. Eyìt'à ehkw'ì nàniahdè xè edek'eahì. ²⁰ Jq tìdà nàhwho xè enìtq ts'aht'ì; amì sùkw'o t'à sets'ò enìxàechì nìdè wegà goyaehtla gà wexè shèhtì ha, eyìts'q ededì sì sexè shètì ha.

²¹ "T'aa hoìù ghqèhnèe sì sedaèhchìcho k'e segà whedaà awehè ha. Sì hoìù ghqèhnq t'à Setà wedaèhchìcho k'e wegà whìhdaà asiìdlà hq't'e. ²² Amì wedzì gòhìù sì Yedàyeh Nezì Nòhtsì wecheekè dàgòhdì sì gùkw'o welè."

4

Yak'e daèhchìcho whetq

¹ Eyì t'axqò idòo k'eeht'ì là senadaq yak'e enìtq enìxàìke. Amì t'akwelòq sets'ò gode jìe sì dechìshì dedì lanì k'achì sets'ò gode, hadì, "Ìdaà dàgode ha sì weghàidaà anehè ha t'à, jq ts'ò dekùtla," sèhdì. ² Ekòet'ù Nòhtsì wets'q Ìnì Degai sexèhdì t'à senadaq yak'e daèhchìcho whetq eyìts'q wek'e ts'edaa sega wègoèht'ì. ³ Eyì daèhchìcho k'e whedaà sì sqòmbakweè lanì wek'e saìdì. Daèhchìcho wemqò k'àlemì nawhet'ì. Eyì k'àlemì sì kwe ìt'ò wèdaat'ù lanì wek'e saìdì. ⁴ Eyì daèhchìcho wemqò daèhchìcho naèq-daats'ò-dì whela. Qhdah naèq-daats'ò-dì gik'e dèhkwe. Goht'q degoo yì geèhkwe eyìts'q sqòmbaekwo kwìt'ù gik'e whela. ⁵ Daèhchìcho whetq gots'q kò nait'ì, eezhù dèekw'q xè hqtsaa eezhù xèeta lagodi. Daèhchìcho wenadaq tlee'òq lòhdì wekò nàtsoo wègaat'ì; eyì sì Nòhtsì wets'q ìnì lòhdì agùt'e. ⁶ Eyìts'q daèhchìcho wenadaq tì nechàa lanù whehtq wègaat'ì, eja lanì wenùdaà wègaat'ì.

Eyì tanì daèhchìcho whehtq wemqò t'asì dì godì dèhkwe, gidaà lq gik'e whela; gìwèdzq gidaà whela eyìts'q gìchìht'a sì gidaà whela. ⁷ Eyì t'asì godì t'akwelòq sì gojìchìcho lanì wègaat'ì, yek'èè whedaà sì eje lanì wègaat'ì, tai t'à whedaà sì dq winì lanì wègaat'ì, eyìts'q dì t'à whedaà sì det'qcho naat'aa lanì wègaat'ì. ⁸ Eyì t'asì dì godì sì gùts'òq ek'ètai gòhì eyìts'q hazqò ts'ò gidaà gik'e whela, gùts'òq wet'ì a kò gidaà whela. Dzeè, toò ehk'èè dù hagedì:

"Gots'ò K'àowo t'asì wegà diì-le sì degai, degai, degai zq hq't'e.

Nòhtsɪ hɔt'e; whaà gots'q wehòhɔq, dù wehòhɔq,
 eyits'q welo while ts'ò wehòhɔq ha hɔt'e," t'aats'qò hagedi.
 9 Eyit'à eyi t'asì dɪ godì sù amì daèhchɪcho k'e whedaa, welo
 while ts'ò wehòhɔq sù gɪghàsɔedi xè masi gùhdi. Haget'ɪ
 taat'eè, 10 qhdah naènq-daats'ò-dɪ sù eyi daèhchɪcho k'e whedaa
 ts'ò nàgògehge eyits'q welo while ts'ò wehòhɔq sù ghàsɔgeedi.
 Edets'q sòmbaekwo kwit'ì eyi daèhchɪcho nadaqà nègewa xè
 hagedi,

11 "Gots'ò K'àowo Gonòhtsɪ,

t'asì hazòqò wheehtsɪ ne t'à eniyah xè neghàsɔts'eedi sù nɪ zò
 nets'ò hats'edi ha hɔt'e eyits'q t'asì hazòqò ts'ò k'àjwo
 welè.

Hanì welè neewo t'à t'asì hazòqò hòèlɪ xè geeda hɔt'e," gedi.

5

Enɪhtl'èyèè eyits'q sahzòq

1 Eyì daèhchɪcho k'e whedaa sù nàgòts'ehnèè ts'q enɪhtl'èyèè
 dayeɔa. Eyì enɪhtl'è ɪla-ts'ò wek'e aatl'èè eyits'q lòhdɪ ts'ò
 wedaàdzeh. 2 Yak'eet'ɪ nàtsoo ɪè hòt'ò dù hadi, "Amì
 eyì enɪhtl'èyèè lòhdɪ ts'ò wedaàdzeh sù yets'qdaà xàehdlà ha
 edegha hoèhnq?" hadi. 3 Hanìkò yak'e, dù nèk'e eyits'q dèè
 got'l'a ts'q t'asì godì wɪzì eyì enɪhtl'èyèè yets'qdaà xàehdlà
 gà yek'eyahtɪ ha gòhɪ-le. 4 T'asì godì degai elɪ sù eyì
 enɪhtl'èyèè ts'qdaà xàehdlà gà yek'eyahtɪ ha sù gogihɔà ha dù
 t'à, sù utsè. 5 Eyit'à qhdah naènq-daats'ò-dɪ gots'q ɪè sets'ò
 hadi, "Netse-le. 'Judah got'ɪ ts'q gojìlɪcho' wiyeh sù eyits'q
 'David wets'q ts'ighòochɪ' wiyeh sù hoèhnq hɔt'e. Ededɪ sù
 eyì enɪhtl'èyèè lòhdɪ ts'ò wedaàdzeh sù yets'qdaà xàehdlà ha
 weghàhòt'q hɔt'e," sèhdì.

6 Eyì t'axòqò Sahzòq èlaàwìgwo lanì wègaat'ɪ, eyì daèhchɪcho
 gà tanì nàwo. Wemòqò t'asì dɪ godì eyits'q qhdah naènq-daats'ò-
 dɪ nàgeèhza. Eyì sahzòq wek'e edè lòhdɪ gòhɪ eyits'q wedaà
 lòhdɪ gòhɪ. Eyì sù Nòhtsɪ wets'q inì degai lòhdɪ dù nèk'e hazòqò
 ts'ò adlàa sù agɪt'e. 7 Eyì sahzòq amì daèhchɪcho k'e whedaa
 sù ts'ò ehtla gà eyì enɪhtl'èyèè nàgòts'ehnèè ts'q dayeɔa sù
 neyìchì. 8 Sahzòq eyì enɪhtl'èyèè neyìchì t'axòqò t'asì dɪ godì
 eyits'q qhdah naènq-daats'ò-dɪ sù gits'ò nàgògɪhgè. Hazòqò
 t'ik'eetɪ lanì k'egele eyits'q sòmbaekwo kw'àyɪq weyì dzèh-
 lekòqò dèk'òq dagiale. Eyì dzèh-lekòqò dèk'òq sù Nòhtsɪ wets'q dɔ
 degai xàyageetɪ lanì hɔt'e. 9 Shɪ wegòò t'à dù hagedì geɪɪ,
 "Eyì enɪhtl'èyèè nɪchɪ gà wets'qdaà xàhɪdlà ha neghàhòt'q.

Èlaànìgwo ɪè eyits'q nedoò t'à Nòhtsɪ gha dɔ nàgìneèhdì.

Dɔ hazòqò xàɔaa, yatì hazòqò xàɔaa eyits'q dù nèè hazòqò gots'q
 agɪt'e.

10 Dọ ɲè zọ lagɲt'e aginela, Gonɔhtsɪ gha eghalageeda gha yahtɪ
gɲɲi aginela,

eyits'ọ du nek'e k'awocho gɲɲi ha," hagedi geji.

11 Eyi t'axọ ɲdoo k'eeht'ɲ ekò yak'eet'ɲi ɲọ geji họt'e.
Yak'eet'ɲi lemɲyọọ ɲọ t'à gɲts'ɲt'a ha dii. Daehchɲcho, t'asi
di godi eyits'ọ ọhdah naenọ-daats'ọ-di gɲmọọ yak'eet'ɲi ɲọ
elèwhe. 12 Hòt'ò geji, hagedi,

"Sahzọ ɲɲwo ɲlèe si nezɲi weghàhòt'ọ họt'e!

Edeɲ si t'asi hazọ gha K'awocho welè, t'asi hazọ
weghòzhe welè,

gọzọ weghàhòt'à welè, nàsoò awedle, eyits'ọ enɲyah xè
weghàsọts'eedi welè!" hagedi geji.

13 Eyi t'axọ yak'e gots'ọ, du nek'e gots'ọ, dèe wet'fa gots'ọ
eyits'ọ ti yi gots'ọ, t'asi hazọ du hagedi geji,

"Ami daehchɲcho k'e whedaa eyits'ọ eyi sahzọ si enɲyah xè
gghàsọhoedi welè.

Welọ while ts'ọ t'asi hazọ ts'ọ k'agewo welè!" hagedi geji.

14 T'asi di godi si "Amen," gedi, eyits'ọ ọhdah naenọ-daats'ọ-di
nàgògɲhè gà eyi daehchɲcho k'e whedaa eyits'ọ eyi sahzọ si
ghàsọgeedi.

6

Enɲht'èyèè ɲhɲi ts'ọ wedaàdzeh

1 Sahzọ weghàehda ekò eyi enɲht'èyèè ɲhɲi ts'ọ wedaàdzeh
t'akwelọ whezọ si nàyɲzhi. Eyi t'axọ t'asi di godi si ɲè
eezhu ladi xàyahtɪ, "Jọ-ɲtè," sèhdi. 2 Hotsaa senada ɲtɲcho
degoo wègoèht'ɲ! Eyi ɲtɲcho t'à-at'ɲ si ɲtɲ daetɲ. Edeɲ si
sọmbaekwo kwit'ɲi weghòt'ọ eyits'ọ eghọ-đọ hoehnè ha
nàhọhoehwho lani nathyeèhchi.

3 Eyi t'axọ sahzọ eyi enɲht'èyèè wedaàdzeh nàke t'à
whezọ si nàyɲzhi. K'achɲ t'asi di godi si wets'ọ ɲè hadi, "Jọ-
ɲtè," sèhdi. 4 K'achɲ ɲtɲcho ɲè dek'o lani wègoèht'ɲ. Eyi ɲtɲcho
t'à-at'ɲ si du nek'e ts'èwhɲi hòzọ-le ayele ha eyits'ọ ọ ɲlàiidee
ayele ha weghàhòt'ọ. Eyi gha behcho nechaa weghòt'ọ.

5 Eyi t'axọ sahzọ enɲht'èyèè wedaàdzeh tai t'à whezọ si
nàyɲzhi. K'achɲ t'asi di godi si wets'ọ ɲè hadi, "Jọ-ɲtè," sèhdi.
Hotsaa senada ɲtɲcho dezọ wègoèht'ɲ! Eyi ɲtɲcho t'à-at'ɲ si
wet'à t'asi wedaada yàitò. 6 Eyi t'asi di godi si gita ts'ọ du
hats'edi họt'e, "È denahk'e dèti ha; ɲè nàke aɲda elɲ si ɲè
dze ọ gots'àzeedi xètɲ elɲ ha, eyits'ọ ɲè eladi xàzaa ek'èta aɲdaa
elɲ si ɲè dze ọ gots'àzeedi xètɲ elɲ ha. Hanikò tɲeh eyits'ọ ɲietɲ
si wedihohtsɲ-le!" hats'edi họt'e.

7 Eyi t'axọ sahzọ eyi enɲht'èyèè wedaàdzeh di t'à whezọ
si nàyɲzhi. K'achɲ t'asi di godi si wets'ọ ɲè hadi, "Jọ-ɲtè,"
sèhdi. 8 Hotsaa senada ɲtɲcho diigà lani wègoèht'ɲ! Eyi ɲtɲcho

t'à-at'ɪ sɪ "ɛlaàgòhde" wìyeh eyits'q yek'èè etlee sɪ "dɔ ɛlaɪdèè nèk'e" wìyeh. Dɪ nèk'e tanɪ eyits'q k'achɪ tanɪ ts'ò dɔ nàdèè sɪ ɛlaàgogìhde ha gɪghàhòt'q. Mòhdaa behcho t'à ɛlaàgogìhde ha, mòhdaa bò while t'à, mòhdaa tàda nàtsoo t'à eyits'q mòhdaa tits'aadɪ wets'àhoeɪɪ t'à ɛlaàgogìhde ha.

⁹ Sahzòq ɛnɪht'èyèè wedaàdzeh sɪlài t'à whezòq sɪ nàɪɪzhì. Kwe-ladà wek'e Nòhtsɪ ts'ò t'asɪ k'èek'òq sɪ wetɪ'a dɔ gidàazhì wègoèht'ɪ. Nòhtsɪ weyatɪ k'èè geeda ts'ihzò ɛlaàgogìhdèè agɪt'e. ¹⁰ Hòt'ò gezeh xè hagedɪ, "Gots'ò K'àowo, t'asɪ negha dɪ-le, nɪ sɪ degai xè ehkw'ɪ anet'e. Dàɪwaa-ɪdè dɪ nèk'e gots'q dɔ gɪsɪniyanehtɪ ha? ɛlaàgogìhdè k'èxa dàht'e nɪdè nàgɪhkwa ha?" gedɪ yagìzeh. ¹¹ Eyɪ t'axòq hazòq zeh degoo nedèè gɪghòzha eyits'q dɪ hagèt's'edɪ, "ɪlaà whaà hoògq gots'ò naahzɪ ha. Dàni ɛlaànaɛgìhdèè sɪ eyɪ lanɪ, naxɪxèht'èè Nòhtsɪ wecheekèè gɪɪɪ sɪ mòhdaa ɛlaàgede ha. Hazòq ɛlaàgogìhdè t'axòq nɪdè ayɪ k'enaahzɪ ɪlèè sɪ wek'èè agode ha," gits'edɪ hɔt'e.

¹² Eyɪ t'axòq sahzòq weghàehda kò ɛnɪht'èyèè wets'qdaàdzeh ek'ètaɪ t'à whezòq sɪ nàɪɪzhì. Hɔtsaa dèè hòt'ò nàgoèhdɔ. Sa dezòq ajà, eyits'q adzèzah edoò lajà, ¹³ eyits'q nɪhts'ɪ nàtsoo t'à ts'ɪ hòt'ò nàda nɪdè jìecho dɪdɪ sɪ hodàet'ɪ lanɪ whò dèè k'e ts'ò hodàet'ɪ. ¹⁴ ɛnɪht'èyèè deyɪnats'eèwa lanɪ yat'a while ajà, shìh hazòq eyits'q dɪ whelaa sɪ hazòq wedihòɪ.

¹⁵ Dɪ nèk'e k'aodèè, gɪza hazòq, eghòq-dòq-gha-k'aodèè hazòq, dɔ ahxee, dɔ wet'aaʔaa gɪɪɪ, dɔ edets'ò k'agedè-le eyits'q dɔ edets'ò k'agedèè hazòq kwe yɪ eyits'q shìh ta kwe whelaa ta nàdegeeʔɪ. ¹⁶ Shìh eyits'q kwe ts'ò nagɪdzeh hagedɪ, "Gok'e hodàaht'ɪ, eyɪ dàèhchɪcho k'e whedaa eyits'q Sahzòq nàgoehkwa ch'à gok'èahdɪ. ¹⁷ Hòt'a hoilà agogeelee dzèè weghònihòɪwo hɔt'e. Dàni edaxàts'ɪde weli?" gedɪ gezeh.

7

Dɔ dɪ haàtɔq nàgɪakwɪ hɔt'e

¹ Eyɪ t'axòq yak'eet'ɪ dɪ dɪ nèk'e wedzɪ dɪ gòlaa gà nàgeèhza gɪgoèht'ɪ. Dèè gok'e, tɪ k'e eyits'q ts'ɪ ta nɪhts'ɪ ade ha-le t'à nɪhts'ɪ ɪdè ts'ò gɪtò. ² Eyɪ t'axòq sa kàʔaa gots'q yak'eet'ɪ eyɪ-le naetle wègoèht'ɪ. Eyɪ yak'eet'ɪ sɪ Nòhtsɪ Edaa wets'q ɛnɪht'è k'e nàts'èekwɪ k'èza. Yak'eet'ɪ dɪ tɪ eyits'q dèè tsɪgehwhɪ ha gɪghàhòt'q sɪ gots'ò hòt'ò nàidzeh hadɪ, ³ "Nòhtsɪ wecheekèè gits'abeè k'e nàts'èekwɪ gots'ò, dèè, tɪcho eyits'q ts'ɪ tsɪahwhile," gòhdɪ. ⁴ Eyɪ t'axòq dɪ hats'edɪ hɔt'e, "Dɔ dɪ haàtɔq sɪ nàgɪakwɪ hɔt'e: Israel got'ɪ ts'q ɪlèakw'eènq-daats'ò-dɪènq-daats'ò-dɪ-lemɪ (144,000).

⁵ Judah got'ɪ ts'q hoònq-daats'ò-nàke-lemɪ (12,000),

Ruben got'jì ts'q hoònq-daats'ò-nàke-lemì (12,000),
 Gad got'jì ts'q hoònq-daats'ò-nàke-lemì (12,000),
 6 Aser got'jì ts'q hoònq-daats'ò-nàke-lemì (12,000),
 Naphtali got'jì ts'q hoònq-daats'ò-nàke-lemì (12,000),
 Manaseh got'jì ts'q hoònq-daats'ò-nàke-lemì (12,000),
 7 Simeyon got'jì ts'q hoònq-daats'ò-nàke-lemì (12,000),
 Levi got'jì ts'q hoònq-daats'ò-nàke-lemì (12,000),
 Isakar got'jì ts'q hoònq-daats'ò-nàke-lemì (12,000),
 8 Zebulun got'jì ts'q hoònq-daats'ò-nàke-lemì (12,000),
 Joseph got'jì ts'q hoònq-daats'ò-nàke-lemì (12,000),
 eyits'q Benjamin got'jì ts'q hoònq-daats'ò-nàke-lemì (12,000).
 Hazqò t'à dq haàtìqò nàgiakwì hq't'e," hats'ediì.

Dqdeè zeh degoo nedèe yì geèhk'w'e

9 Eyì t'axqò senadaà dq lq t'à lq gigoèht'jì. Dq sù lq t'à dq wjzì goihtà ha diì. Dq hazqò xàzaa, yatì hazqò xàzaa eyits'q diù nèk'e hazqò gots'q dq agjì't'e. Daèhchìcho eyits'q eyì Sahzòà nadaà nàgeèhza. zeh degoo nedèe yì geèhk'w'e eyits'q zori dagiale. 10 Hòt'ò hagedì:

“Gonòhtsì eyì daèhchìcho k'e whedaa eyits'q eyì sahzòà edaxàgogjìla hq't'e,” gediì gezeh.

11 Yak'eet'jì hazqò eyì daèhchìcho, qhdah naènq-daats'ò-dì eyits'q t'asì dì godì sù gomqò nàgeèhza. Daèhchìcho wenadaà nàgògìhgè, gni dèè xèedi xè Nòhtsì ghàsogeedì, 12 hagedì,

“Amen! Nòhtsì weghàsqts'eedì xè welq while ts'ò masì wets'jìhwhq.

Nòhtsì t'aats'qò eniyah t'à gqzq xè nàtso wehòhzo welè. Amen!” hagedì.

13 Eyì t'axqò qhdah jìè daseehke, “Eyì dq zeh degoo nedèe yì geèhk'w'ee sù amì agjì't'e? Eyits'q edjì gots'q agèt'jì?” sèhdi.

14 Eyit'à wets'ò haehsì, “K'àowo, nì wek'èizq hq't'e.”

Sets'ò hadì, “Eyì agjì't'ee sù hòt'ò dagjìzà hq't'e. Sahzòà wedoò t'à edezèè k'enagjìtso t'à gizeè degoò agjìlà hq't'e.

15 Eyit'à,

Nòhtsì wedaèhchìcho nadaà nàgeèhza hq't'e.

Dzèè, toò, Nòhtsìkò-gocho goyì gìgha eghàlaeda.

Eyì daèhchìcho k'e whedaa sù edets'q njhbàa gok'e ayele ha.

16 Welq while ts'ò degeèhdi ha-le eyits'q tì sì ghageewì ha-le.

Sadeè nàtsoo gik'e ade ha-le, eyits'q sù edì t'à dagjìza ha-le.

17 Eyì sahzòà daèhchìcho gà tanì nàwoo sù sahzòà-k'èdì-dqò lanì gok'èdì ha.

Tì njlì wet'à ts'eedaa sù ts'ò agole ha.

Eyits'q Nòhtsì gonatì hazqò yedeedi ha,” qhdah hasèhdi.

8

Sòmbaekwo kw'àyĩa

¹ Sahzòq eyi enihtl'èyèè wedaàdzeh lòhdı t'à whezòq sù nàyyızhì ekò hazòq yak'e geèhk'ee sù tanı sadzèè ts'ò gıxè t'asagodı-le agòjà.

² Eyi t'axòq yak'eet'ıı lòhdı Nòhtsı nadaqà nàgeèhza gıgaat'ı. Dechıshı lòhdı gıghòzha.

³ Yak'eet'ıı eyıı-le ıè sòmbaekwo kw'àyĩa k'ehtı xè sòmbaekwo ladà ts'ò èhtla. Dzèh-łekòq dèk'òq lq kw'àyĩa yıı adlà. Eyi sù Nòhtsı wets'q dọ degai ayıı gha yagehtı sù wexè sòmbaekwo ladà k'e Nòhtsı ts'ò yek'eehk'ò. Eyi ladà daèhchıcho wenadaqà whezq hqt'e. ⁴ Yak'eet'ıı wıà gots'q dzèh weloò, Nòhtsı wets'q dọ yagehtı xè ıdòò Nòhtsı wenadaqà ts'ò ajà. ⁵ Eyi t'axòq yak'eet'ıı eyi sòmbaekwo kw'à neyııchı gà sòmbaekwo ladà k'e gots'q kò dèk'òq yeyıı ayıılà, eyıts'q dı nèk'e ts'ò xàyeèht'ı. Eyi hayıılà ts'ıhòq èèzhu, hòt'ò agodı, kò nait'ı eyıts'q dèè hòt'ò nàèhdq.

Dechıshı lòhdı

⁶ Eyi t'axòq yak'eet'ıı lòhdı dechıshı lòhdı geehdı ha snıgıde.

⁷ Yak'eet'ıı t'akwelòq whedaa sù edets'q dechıshı yeèhdı ekò, kò, ıı eyıts'q edoò ełeta dèè k'e ts'ò hodàèt'ı. Dèè tanı k'aııı ts'ò wek'enı'q, wexètłq ts'ı k'enı'q eyıts'q t'oh hazòq wek'enı'q.

⁸ Yak'eet'ıı nàke t'à whedaa sù edets'q dechıshı yeèhdı ekò shıh nechàa dèk'òq xè tıts'eèhk'a wègoèht'ı. Tıcho tanı k'aııı ts'ò edoò whelı. ⁹ Tı yıı t'ası nàdèè sù hazòq tanı k'aııı ts'ò ełagıde eyıts'q wexètłq elàcho wedıhòı.

¹⁰ Yak'eet'ıı tai t'à whedaa sù edets'q dechıshı yeèhdı. Yat'a ts'q whò nechàa dechı-dèk'òq lanıı hodàdeewò. Deh nechàa hazòq eyıts'q dehtsoa hazòq tanı k'aııı ts'ò k'e nàekw'o. ¹¹ Eyi whò “Nàèdııı” wıyeh hqt'e. Tı hazòq gòhıı sù tanı k'aııı ts'ò tı nàèdııı whelı t'à dọ lq ełıdè.

¹² Yak'eet'ıı dı t'à whedaa sù edets'q dechıshı yeèhdı. Sadeè, adzèzah, eyıts'q whò hazòq tanı k'aııı ts'ò gıxèzèèhdı t'à tanı k'aııı ts'ò gıxè togoòt'ò agòjà. Dzè eyıts'q to dı sadzèè hııwa ts'ò togoòt'ò agòjà.

¹³ Eyi t'axòq det'qcho yat'a k'et'a wègaat'ı. Hòt'ò ezeh xè hadı, “Hòıla ha, hòıla ha, hòıla nechàa agode ha. ııàà yak'eet'ıı tai dechıshı geehdı ha t'à dı nèk'e dọ hazòq sù gıxè hòıla agode ha!” hadıı ezeh.

9

¹ Yak'eet'ıı sıılà t'à whedaa sù wets'q dechıshı yeèhdı ekò yat'a ts'q dı nèk'e ts'ò whò hodàdeewò wègaat'ı. Eyi whò sù ızhı dèè goyıı gòqòàa yets'qdaà xàede ha ladlı weghòt'q. ² Eyi

dèe goyì gòòʔàa sù yets'òdaà xàechì ekò weyì gots'ò lo lo xàìt'ì lanì, kò nàtsoo dèk'òò gots'ò lanì. Lo lo xàekw'e t'à sadee eyits'ò yat'a goèhzòò agòjà. ³ Lo yì gots'ò ts'aelòà lo xàide, dù nèk'e ts'ò agejà. Eyì ts'aelòà sù nàèdìhù-k'àle lagùt'e ha gìghàhòt'ò. ⁴ Yatì gìghòt'òò hagìts'edi, “Dù nèk'e t'oh, t'òà xàʔaa eyits'ò ts'ì wùzì wedìhoahstì ha-le. Hanikò amì Nòhtsì nùht'è gìts'abeè k'e nàekwì-le sù eyì zò dagùʔaa agiahle ha,” gìts'edi. ⁵ Dò èlāàgehde ha gìghàhòt'ò-le, hanikò sùlāi sa ts'ò dò dagùʔaa agogele ha họt'e. Nàèdìhù-k'àle dòkwò xàhde nùdè sù wek'è eya nàtso, eyì lanì ts'aelòà hòt'ò dò dagoghùʔa ha. ⁶ Ekìnyèè k'e dò èlāàts'ìde gùwò kò èlāàgede ha-le.

⁷ Eyì ts'aelòà sù t̄cho èlegègò gha nàgeht'ì lanì gigaat'ì. Sòmbaekwo kwit'ì gikwì k'e whela, eyits'ò gini dònì lanì gigoèht'ì. ⁸ Gikwìghà, ts'èko kwìghà lanì eyits'ò gìghòò goòjì weghòò lanì. ⁹ Eyits'ò satsò gùzò k'e whela. Gùts'òò nàeda nùdè t̄cho behchù xè t̄cho lo èlegègò ts'ò geède lagodì. ¹⁰ Nàèdìhù-k'àle wetsè lanì gìtsè k'òòts'oo sù t'à sùlāi sa ts'ò dò dagùhʔa ha. ¹¹ Gìts'ò k'àowo sù dèe yì gòòʔàa gots'ò yak'eet'ìhù họt'e. Eyì yak'eet'ìhù sù Israel got'ì giyatì k'èè “Abadon” wiyeh eyits'ò Greece got'ì giyatì k'èè “Apollyon” wiyeh (eyì sù “t'asì yedìhoahstì” gedì-agedì).

¹² T'akwelòò hòila wetehoòwo, hanikò ìlāà hòila nàke xèhòiwì ha.

¹³ Yak'eet'ì ek'ètai t'à whedaa sù edets'ò dechùshì yèèhì ekò Nòhtsì wenadaà sòmbaekwo ladà wheʔòò sù wedzì dì gots'ò gots'edeè họt'e. ¹⁴ Eyì yak'eet'ì ek'ètai t'à whedaa wets'ò dù hats'edi họt'e, “Yak'eet'ì dì dehcho Euphrates gà dageet'ì sù dagùge,” wèts'edi họt'e. ¹⁵ Eyì yak'eet'ì dì sù dù sadzèè gha, dù dzèè gha, dù sa gha eyits'ò dù xo gha, gik'èhòdì họt'e. Dù nèk'e dò hazòò tanì k'azì ts'ò èlāàgoghde ha xàgèèdeè agòòlā. ¹⁶ Dù hats'edi èèkw'ò, “Hazòò t'à eghòò-dòò t̄cho k'e dageèkw'ee sù nàke-lakw'èèò-lemìyòò hageèt'ò,” hats'edi họt'e.

¹⁷ T̄cho eyits'ò dò gik'e dageèkw'ee sù dù hanì senazhù gigoèht'ì: Satsò gùzò whelaa sù kò lanì dek'ò, dèht'è-dezòò xè dekwo-degoo lanì wègaat'ì. T̄cho gikwì sù goòjìkwì lanì eyits'ò gìwà gots'ò kò xè lo, eyits'ò kwe dèk'òò xàewì. ¹⁸ Eyì kò, lo, eyits'ò kwe dèk'òò t̄cho gìwà gots'ò xàewì sù t'à dù nèk'e dò hazòò tanì k'azì èlāàgùdè. ¹⁹ T̄cho sù edewà eyits'ò edetsè t'à dò èlāàgehde; gìtsè gòochò lanì eyits'ò edekwì t'à dò tsìgehde.

²⁰ Dù nèk'e dò èlāàgùdè-le sù edìlā t'à ayì gèhtsù sù ghò edek'egùlì-le. Ìnìhù ts'ò yagehtì ghò naget'è-le. Sòmbaekwo t'à t'asì hòèlì, sòmba degoo, satsò dekwo, kwe, eyits'ò dechì t'à nòhtsìà hòèlì sù ts'ò yagehtì. Edegha nòhtsìà gèhtsù sù k'ègeet'ì-le, egeèkw'ò-le xè k'ègedè-le kò ìlāà gots'ò yagehtì.

21 Ełaàlegìhde, ɿk'òò t'à alegehɿ, edezhì t'à hoɦı k'alagedè eyıts'ò egeezì, hanìkò edek'egı̀le.

10

Yak'eet'ı̀ enıhtl'èyeè nechà-lea dayeɿa

1 Eyı t'axòò k'achı yak'e gots'ò yak'eet'ı̀ nàtsoo hodàèhtla weehɿ. K'oh wemoèhdo eyıts'ò k'àlemı̀ wekwı̀ godo nawhet'ı̀ wègaat'ı̀. Wı̀nı sa lanı wek'e saıdı eyıts'ò wedzaà kò dèk'òò nàıɿa lanı. 2 Eyı yak'eet'ı̀ enıhtl'èyeè nechà-lea dayeɿa; eyı enıhtl'èyeè wek'eyats'ehtı ha welat'aa wheɿò. Nàgots'ehnee ts'ò edekè t'à tıcho k'e nàèht'è eyıts'ò gots'ıhts'ò ts'ò edekè t'à dèè k'e nàèht'è. 3 Goıjııcho lanı hòt'ò whezeh. Hòt'ò whezeh ekò eezhu lòhdı ek'èt'à xàyagıhtı. 4 Eezhu lòhdı goıde kò ayı̀ dàgedu sı̀ dek'enèehtl'è ha dehwhò ı̀lè, hanìkò yak'e gots'ò sets'ò hats'edı̀ họt'e, “Eyı eezhu lòhdı dàgedu sı̀ dọ wı̀ıɿı ts'ò haıdı-le eyıts'ò dek'enıhtl'è-le,” hasèt's'edı̀ họt'e.

5 Eyı t'axòò yak'eet'ı̀ tıcho eyıts'ò dèè k'e nàwo weehɿ ı̀lè sı̀ nàgòts'ehnee ts'ò edılà ı̀dòo yak'e ts'ò ayı̀là. 6 Nòhtsı̀ welò whıle ts'ò edaa sı̀ yak'e eyıts'ò t'ası̀ hazòò yeyı̀ nàdèe whehtsı̀. Eyıts'ò dı̀ dèè eyıts'ò t'ası̀ hazòò yek'e nàdèe whehtsı̀. Eyıts'ò tıcho eyıts'ò t'ası̀ hazòò yeyı̀ nàdèe whehtsı̀ sı̀ ededı̀ yı̀ıɿı dahxà dı̀ hadı̀ yatı̀ nàtsoo whıhtsı̀: “Hòt'a Nòhtsı̀ naèhɿı ha nı̀le! 7 Yak'eet'ı̀ lòhdı t'à whedaa sı̀ edets'ò dechıshı yeèhdı ha nı̀kw'o nı̀dè Nòhtsı̀ nàowoò dọ gha deɿı̀ wheɿò sı̀ hòt'a degHàà wek'èè agode ha. Nakwenàòɿò Nòhtsı̀ gha eghàlagı̀dà ı̀lè sı̀ dànı dọ ts'ò gogı̀dee sı̀ wek'èè agode ha,” yak'eet'ı̀ hadı̀.

8 Yak'e gots'ò amı̀ sets'ò gode ı̀lè sı̀ k'achı sets'ò gode, hadı̀, “Eyı yak'eet'ı̀ tıcho eyıts'ò dèè k'e nàwoo sı̀ wets'ò ı̀tla gà eyı enıhtl'èyeè dayeɿaa sı̀ nı̀chı,” sets'ò hats'edı̀ họt'e.

9 Eyıt'á yak'eet'ı̀ wets'ò èhtla gà, “Enıhtl'èyeè nechà-lea seghàıchı,” wets'ò haehsı̀. Sets'ò hadı̀, “Nı̀chı gà neɿà. Nebò yı̀ dı̀ts'aa ade ha, hanìkò newà yı̀ kw'ıahnò-dı̀ lanı negha lekòò ade ha,” sèhdı. 10 Eyıt'á yak'eet'ı̀ wı̀là gots'ò enıhtl'è neehchı̀ gà ı̀ɿà. Kw'ıahnò-dı̀ lanı lekò, hanìkò ı̀ɿà t'axòò sebò yı̀ dı̀ts'aa ajà. 11 Eyı t'axòò sets'ò hats'edı̀, “Sedahxà, dàgode ha sı̀ weghò dọ gıts'ò goıde. Dọ ı̀ò xàɿaa, yatı̀ ı̀ò xàɿaa eyıts'ò dı̀ nèk'e hazòò eyıts'ò k'àowocho ı̀ò gıts'ò goıde,” sèt's'edı̀ họt'e.

11

Nakwenàòɿò nàke

1 Dechı wet'á ı̀dzàa seghòt'ò xè sets'ò hats'edı̀, “Nòhtsı̀kò-gocho ts'ò ı̀tla gà dàıhcho ne sı̀ wexèı̀hdzà eyıts'ò eyı ladà wheɿò sı̀ wexèı̀hdzà. Eyıts'ò ekò dọ dàtlo yagehtı sı̀ gıhtà.

2 Hanìkò Nòhtsı̀kò-gocho gomòht'a kwekwı̀ nechàa weyı̀

kwekwù nechà-lea nawhe₂aa wege gò₂qò sù wexè₂ìhdzà-le, eyi sù dọ e₁adù g₁gha ne t'à. Dìenq-daats'ò-nàke sa gots'ò kògodee dega₁ sù wedihogehts₁ ha. ³ Sets'ò nakwenào₂qò nàke sù t'asù t'à nàgetsoò ageh₁e ha. Ìlè-lemì-daats'ò-nàkeakw'eènq-daats'ò-ek'ètaènq (1,260) dzèè gots'ò dọhshòq goht'òq yì geèhk'w'e xè nadaqà gogede ha," sèts'edi họt'e. ⁴ Eyì nakwenào₂qò nàke sù ts'ì nàke jìecho "olive" wek'e dehshee eyits'ò ek'aèk'òchù nàke dù nèk'e ts'ò K'àowo nadaqà nawhe₂a lanì nàgeèhza. ⁵ Dọ gots'ò hoilà eghàlageeda nùdè g₁wà ts'ò kòwoò xàewù t'à gok'egeehk'ò. Amù eyì nakwenào₂qò nàke ts'ò hoilà eghàlaedaa sù hanì e₁ààwì ha họt'e. ⁶ Eyì nakwenào₂qò nàke sù yat'a ts'ò k'àhogewo ha g₁ghàhòt'ò họt'e. Nòhts₁ yatù t'à dọ ts'ò gogede gots'ò chọh agot'ì-le ageh₂ì, tì edoò ìh₁è ageh₂ì eyits'ò dù nèk'e hoilà hazòqò xà₂aa agele ha g₁ghàhòt'ò. T'aàt₁q ts'ò hanì eghàlageeda ha g₁wòq sù hageh₂ì.

⁷ Hòt'a dọ ts'ò gogede ghonagùt'e nùdè tìts'aàdù nechàa dèè goyù gots'ò xàet₁la ha eyits'ò gok'aàwo xè goghòehne ha, eyits'ò e₁ààgòhde ha. ⁸ Kògodee weni t₁lì k'e g₁weè whela ha. Eyì kògodee wùzì sù Sodom-lanì eyits'ò Egypt-lanì wìyeh họt'e, ekò gits'ò K'àowo dech₁et'aa k'e wedùtsò ìlè. ⁹ Tai dzèè daats'ò tanì h₁awà gots'ò dù nèk'e ts'ò dọ hazòqò xà₂aa eyits'ò yatì hazòqò xà₂aa gots'ò dọ eyì nakwenào₂qò nàke g₁weè whelaa ghàgeeda ha, hanikò gokw'òq nègule ha g₁wòq-le. ¹⁰ Eyì dọ nàke e₁ààgùdèe t'à dù nèk'e dọ hazòqò g₁nà ha. Eyì gha dzèdèe hogehts₁ xè t'asù e₁eghàgele ha, eyì nakwenào₂qò nàke sù dù nèk'e dọ dagogùh₂za ìlè t'à.

¹¹ Hanikò tai dzèè daats'ò tanì t₁'axòq Nòhts₁ gok'e ehsò t'à nagidà agòq₁là. Nàgeèhzaà agejà t'à amù gog₁azù sù sù geèhyeh. ¹² Eyì t₁'axòq eyì nakwenào₂qò nàke yak'e gots'ò gits'ò hòt'ò dù hats'edi gùkw'o, "Jò ìdòò ts'ò aahde," gits'ò hats'edi họt'e. Eyì t'à k'oh yù ìdòò yak'e ts'ò agejà; dọ gots'ò xànegù₂aa sù goghàgeeda.

¹³ Eyì sadzeè et'ì dèè hòt'ò nàèhdq t'à kògodee gots'ò kò lq hodàèt'ì; kò gòlaa hònq ts'ò ìlè hodàèt'ì. Dèè hòt'ò nàèhdq t'à dọ lqhdì-lemì e₁àdè. Dọ e₁àdè-le sù sù geèhyeh t'à Nòhts₁ yak'e whedaa ghàsogeedi.

¹⁴ Hoilà nàke wetehoòwo, wek'è hoilà tai agode ha sù wets'ò hawe.

Yak'eet'ì lqhdì t'à wheda

¹⁵ Yak'eet'ì lqhdì t'à whedaa sù edets'ò dech₁shì yeèhdì ekò yak'e gots'ò hòt'ò dù hats'edi họt'e,

"Gots'ò K'àowo eyits'ò wets'ò Christ xè dù nèk'e gogha k'àowo gù₁ì agejà eyits'ò ededì sù welq while ts'ò K'àowo e₁ ha," hats'edi họt'e.

¹⁶ Eyɪ tɬ'axqò qhdah naènq-daats'ò-dɪ Nòhtsɪ nadaqà daèhchɪcho k'e geèhk'we sɪ Nòhtsɪ nadaqà nàgògɪhge gà gɪghàsqedɪ,
¹⁷ hagedɪ,

“Gots'ò K'àowo eyɪts'ò Gonòhtsɪ, nɪ sɪ t'asɪ negha dɪ-le. Nɪ sɪ nexè hòzqɪlè eyɪts'ò dɪ nexè hòzqɪ hq't'e. T'asɪ negha dɪ-le t'à dɪ nèk'e k'àhɔwo ha xèhoneehwho, eyɪt'à masɪ nets'ɪhwhò.

¹⁸ Dq hazqò xàzaa gɪch'è, eyɪt'à dɪ nàgɪhkwa ha. Dq eɪɪdèe sɪ dɪ gɪsɪnɪyaetɪ ha nèhɔwo. Nakwenàozqò negha eghàlagɪdàa, nets'ò dq gɪɪ, eyɪts'ò nets'ò nezɪ kànegɪzaa sɪ nezɪ gɪts'ò eghàlɪda ha. Eyɪts'ò dq wet'aaazàa, dq wet'aaazà-le, nek'èagɪt'ee sɪ nezɪ gɪts'ò eghàlɪda ha. Hanikò amɪ dɪ dèe yedihòhtsɪ sɪ godihòhtsɪ ha hq't'e,” hagedɪ.

¹⁹ Eyɪ tɬ'axqò yak'e ts'ò Nòhtsɪkò-gocho enɪàetq. Nòhtsɪkò-gocho goyɪ nakenahòdɪ gha sqòmbaekwo-ladzè wègoèht'ɪ. Hqtsaa eezhɪ xè kò nàit'ɪ, dèe hòt'ò nàèhdq xè ɪhɪ lq hodàèt'ɪ.

12

Ts'èko eyɪts'ò tɪts'aàdɪcho dek'oo

¹ T'asɪ enɪyah yak'e wègoèht'ɪ: ts'èko zeh yɪ wheda lanɪ sadeè t'à nàht'ɪ. Adzèzah weket'a whezq eyɪts'ò sqòmbaekwo kwit'ɪ whò hoònq-daats'ò-nàke wek'e whela wekwɪ k'e whezq.

² Hotɪ eda-le; webeɪa gòhlè ha nɪkw'o t'à wegħa eya nàtso t'à yaèzeh. ³ Eyɪ tɬ'axqò k'achɪ t'asɪ enɪyah yak'e wègoèht'ɪ: tɪts'aàdɪcho dek'oo wekwɪ lqhdɪ wek'e whela eyɪts'ò sqòmbaekwo kwit'ɪ lqhdɪ wekwɪ k'e whela wègoèht'ɪ.

⁴ Edetsè t'à whò tanɪ k'azɪ yat'a whelaa sɪ dɪ nèk'e ts'ò hodàyeèhde. Eyɪ tɪts'aàdɪcho dek'oo sɪ ts'èko webeɪa gòhlè ha nɪkw'oo yenadaqà nàwo, eyɪ beɪa wegòhɪ ts'òet'ɪ yezà ha nɪwq t'à. ⁵ Eyɪ ts'èko dqzhɪ nɪhtɪ. Eyɪ dqzhɪ sɪ satsq-geh t'à dq hazqò xàzaa ts'ò k'ahowo ha. Ekòet'ɪ eyɪ dqzhɪ sɪ ɪdòo Nòhtsɪ ts'ò eyɪts'ò wedaèhchɪcho ts'ò nɪwɪtɪ. ⁶ Eyɪ ts'èko ekɪ-ka nèk'e ts'ò kwɪèhsa. Edɪ Nòhtsɪ yedasɪnɪhòzqò sɪ ekq ts'ò ajà, ekq ɪè-lemɪ-daats'ò-nàkeakw'eènq-daats'ò-ek'ètaènq (1,260) dzèq gots'ò wek'èhodɪ ha.

⁷ Yak'e eɪegegq xèhòqwo. Michael edets'ò yak'eet'ɪ xè eyɪ tɪts'aàdɪcho dek'oo ts'ò eɪegegq eyɪts'ò eyɪ tɪts'aàdɪcho dek'oo wets'ò yak'eet'ɪ xè gots'ò ek'èt'à eɪegegq. ⁸ Hanikò eyɪ tɪts'aàdɪcho dek'oo sɪ hoehnè ha nàtso-le t'à yak'e gots'ò xàgogèhde. ⁹ Eyɪ tɪts'aàdɪcho dek'oo sɪ ɪnèq whaà gots'ò gòochò hq't'e. Eyɪ sɪ wehɪ hanɪ-le-ɪdè “Satan” wɪyeh hq't'e. Ed-edɪ sɪ dɪ nèk'e dq hazqò ekq-le ts'ò goèhza. Wets'ò yak'eet'ɪ xè dɪ nèk'e ts'ò gogèhde.

¹⁰ Eyɪ tɬ'axqò yak'e gots'ò hòt'ò dɪ hats'edɪ hq't'e:

“Hòt'a Nòhtsɪ edaxàgɪla. Ededɪ sɪ K'àowocho eɪ eyɪts'ò edets'ò Christ xè K'àowo nàtsoo eɪ ha. Amɪ Nòhtsɪ wenadaqà

t'aats'qò gòet'ì k'e nìdahoezà elì sù hòt'a hodàwèèdo hòt'e.

¹¹ Gòet'ì Sahzòqà wedoò t'à eyits'q edeyatù sù t'à gìghòèhnò hòt'e. Eyì gha ełàgùde kò gìgha t'asanìle hòt'e. ¹² Eyit'à naxì hazòq yak'e nàahdèe sù sù naxìnà welè! Hanikò wehì dū nèk'e ts'ò ajà ne t'à, dèe eyits'q tìcho xè hoìla hòzò ha! Whaà-lea gots'q zò wegha hòzò t'à sù ìch'è hòt'e," ts'edi hòt'e.

¹³ Eyì tits'aàdìicho dek'oo dū nèk'e ts'ò hodàwèèhdo yek'èhoèhzà t'à ts'èko dòzhia nùhtì sù yedeèzhì. ¹⁴ Eyì ts'èko sù det'qcho nechàa wìts'qò nàke weghòzha, yet'à eki-ka nèk'e wedasìgòdlàa sù ts'ò naat'a ha. Ekò tai xo daats'ò tanì hajwa ts'ò wek'èhodì ha eyits'q ekò gòochò dayeechì ha-le. ¹⁵ Eyì t'axòqò gòochò edewà gots'q tì xàehse. Eyì tì sù deh whelì. Gòochò eyì ts'èko deh nàtsoo t'à weehì ayele ha nìwò jì. ¹⁶ Hanikò dèe whàgoets'è gà eyì tits'aàdìicho dek'oo wewà gots'q tì xàet'ì sù nàlayeèhdò t'à ts'èko ts'ài. ¹⁷ Tits'aàdìicho dek'oo eyì ts'èko ghò sù ìch'è t'à weza hazòq ts'ò ajà; weza hazòq Nòhtsì nàowoò k'èagùt'e eyits'q Zezì wegodi k'ègedì. Eyì tits'aàdìicho dek'oo eyits'q ts'èko weza ełexè ełegiagò.

13

¹ Tits'aàdìicho dek'oo tabàa nàwo wègaat'ì.

Tits'aàdì nechàa tìcho yì gots'q xàèhtla

Eyits'q tits'aàdì nechàa eyì-le tìcho yì gots'q xàèhtla wègaat'ì. Wekwì lòhdì eyits'q wedè hoònò gòhì. Sqòmbaekwo kwit'ì hoònò wedè k'e whela eyits'q wekwì lòhdì k'e guzì dek'eèht'è. Eyì guzì lòhdì sù Nòhtsì k'èch'a yatì dek'eèht'è hòt'e. ² Eyì tits'aàdì nechàa tìcho yì ts'q xàèhtlaa sù nòda "leopard" lanì wègaat'ì, eyits'q wekè sahkè lanì eyits'q wewà gojìicho wewà lanì wègaat'ì. Eyì tits'aàdìicho dek'oo sù tits'aàdì nechàa nàtsoò ayìllà xè edet'axòq k'àowocho elì ayìllà. ³ Tits'aàdì nechàa wekwì lòhdì ts'q jì k'e wekaà nechàa whezò. Eyì wekaà yet'à ełàawì ha jì, hanikò k'aat'ì anajà. Dū nèk'e ts'q dò hazòq eyì tits'aàdì nechàa weghò sù gìgha enìyah t'à gik'èède. ⁴ Tits'aàdì nechàa edet'axòq eghàlaedaà ayìllà t'à dò hazòq tits'aàdìicho dek'oo ts'ò yagehtì. Eyits'q dò hazòq tits'aàdì nechàa sù ts'ò yagehtì, hagedì, "Amì dū tits'aàdì nechàa xèht'e? Dò wìzì yedaèt'è gòhì-le!" gedì.

⁵ Eyì tits'aàdì nechàa sù xàdahodì xè Nòhtsì k'èch'a gode ha weghàhòt'q. Eyits'q d'ienq-daats'q-nàke sa gots'q k'àowo elì ha weghàhòt'q. ⁶ Nòhtsì ededì, Nòhtsì nàdèe k'è, eyits'q hazòq yak'e nàgedèe sù k'èch'a xàyahì. ⁷ Tits'aàdì nechàa sù Nòhtsì wets'q dò ts'ò eghò xè goghòehnè ha weghàhòt'q hòt'e. Dò hazòq xàzàa, yatì hazòq xàzàa eyits'q hazòq nèk'e ts'ò k'àowo elì ha weghàhòt'q hòt'e. ⁸ Dū nèk'e dò hazòq tits'aàdì nechàa ts'ò yagehtì ha. Sahzòq ełàawìgwo wenìht'è k'e guzì dek'eèht'è-le

agut'e. Du dèè hòèl̩ gots'q amì wèl̩ whìle ts'ò geeda ha sù eyi en̩htl̩'è yì guzi dek'eèhtl̩'è.

⁹ Amì wedzi gòh̩ sù eèkw'q weli. ¹⁰ Amì wedaàni̩t̩q wegħa hòz̩q sù wedaàni̩t̩q ha h̩t'e. Amì behcho t'à ełàawi wegħa hòz̩q sù behcho t'à ełàawi ha h̩t'e. Eyit'à N̩hts̩ wets'q d̩ ts'èwh̩ dag̩za xè edini n̩tsoò ag̩hwh̩q ha h̩t'e.

Tits'aad̩i nechàa dèè goy̩i gots'q xàèhtl̩a

¹¹ Eyì t̩'ax̩q̩ k'ach̩ tits'aad̩i nechàa eyi-le dèè goy̩i gots'q xàèhtl̩a wègaat'̩. Wedè n̩ke sù sahz̩q̩-edè lan̩i wek'e whela, hanikò tits'aad̩i cho dek'oo lan̩i gode. ¹² Tits'aad̩i nechàa wekw̩ l̩hd̩ sù wedahx̩a k'àowo el̩. Du nèk'e d̩ haz̩q̩ tits'aad̩i wekw̩ l̩hd̩, ìè wekaà nechàa nai̩i sù ts'ò yageht̩i ag̩q̩l̩a. ¹³ Eyì tits'aad̩i k'àowo whel̩ sù en̩yah deè hòèhts̩. D̩ haz̩q̩ godaà yat'a gots'q k̩ dèk'òq̩ du nèk'e ts'ò ay̩l̩l̩a. ¹⁴ Tits'aad̩i wekw̩ l̩hd̩ wedahx̩a han̩i en̩yah deè hòèhts̩ t'à du nèk'e d̩ gogh̩yaàz̩q̩. Weyat̩i k'e tits'aad̩i nechàa behcho t'à gego hanikò x̩id̩a sù kwe t'à wek'èè wègaat'̩ n̩h̩zaà ag̩l̩a. Eyit'à tits'aad̩i wekw̩ l̩hd̩ gh̩s̩geedi̩ ag̩q̩l̩a. ¹⁵ Eyì tits'aad̩i nechàa du nèk'e gots'q xàèhtl̩a sù eyi kwe t'à wek'èè wègaat'̩ hòèl̩ sù yek'e ehs̩ t'à godeè ayele ha wegh̩h̩t'q̩. Eyits'q̩ amì yets'q̩ yaht̩i-le sù haz̩q̩ ełàag̩h̩de ha wegh̩h̩t'q̩. ¹⁶ D̩ haz̩q̩ n̩gòts'eh̩nèe g̩l̩a k'e han̩i-le-ìdè g̩ts'abeè k'e t'as̩i dek'eèhtl̩'è ha ag̩q̩l̩a. D̩ wet'aa̩zaa, d̩ wet'aa̩za-le, d̩ ahxee, d̩-teèt'̩, d̩ edets'q̩ k'agedèe eyits'q̩ d̩ edets'q̩ k'agedè-le, haz̩q̩ t'as̩i g̩k'e dek'eèhtl̩'è ha ag̩q̩l̩a. ¹⁷ Eyì t̩cho yì gots'q̩ tits'aad̩i nechàa wekw̩ l̩hd̩ w̩zi han̩i-le-ìdè wets'q̩ it̩a g̩k'e dek'eèhtl̩'è len̩s̩ d̩ w̩zi t'as̩i n̩eh̩d̩i ha dii, eyits'q̩ t'as̩i g̩gh̩q̩ n̩edi ha dii.

¹⁸ Du yat̩i dàdi̩-ad̩i sù d̩ g̩q̩z̩q̩ sù yen̩edi weli. D̩ g̩q̩z̩q̩ n̩dè eyi tits'aad̩i nechàa wets'q̩ it̩a sù yuht̩a ha weli, d̩ wets'q̩ it̩a ne t'à. Eyì d̩ wets'q̩ wet'à it̩a sù ek'ètaekw'eèn̩q̩-daats'q̩-ek'ètaèn̩q̩-daats'q̩-ek'èta̩ (666) h̩t'e.

14

Sahz̩q̩ eyits'q̩ d̩deè g̩gaat'̩

¹ K'eeht'̩ ekò senada̩ sh̩h̩ nechàa Zion w̩yeh k'e sahz̩q̩ n̩awo wègaat'̩. Wexè d̩ ìèakw'eèn̩q̩-daats'q̩-d̩ièn̩q̩-daats'q̩-d̩i-lem̩i (144,000) n̩ageh̩za, g̩ts'abeè k'e sahz̩q̩ w̩zi eyits'q̩ Wet̩a w̩zi dek'eèhtl̩'è. ² Eyì t̩'ax̩q̩ yak'e gots'q̩ t̩ n̩l̩i lagodi, eyits'q̩ eezhu lagodi. D̩ t̩'ik'et̩ t'à s̩n̩agedè lagodi eèkw'o. ³ Daèh̩cho wenada̩, eyits'q̩ t'as̩i god̩i d̩, q̩hdah naèn̩q̩-daats'q̩-d̩i g̩nada̩ d̩ l̩ sh̩ weg̩ò t'à geji. D̩ w̩zi eyi sh̩ gh̩degeet̩q̩ ha dii, d̩ ìèakw'eèn̩q̩-daats'q̩-d̩ièn̩q̩-daats'q̩-d̩i-lem̩i (144,000) du nèè gots'q̩ edax̩ageèlaa sù ededi z̩q̩ eyi sh̩

k'ègeezò. ⁴ Eyí dọ haàtłọọ sì ts'èko xè hołı k'èè eghàlagıdà while, degai k'èè edek'ègiadi t'à. Sahzọa edı k'etłoo sì gık'èè k'edè. Dọ gıta gots'ọ nàgeèdı agııt'e, eyıts'ọ jıecho t'akwełòò dıdı Nòhtsı eyıts'ọ Sahzọa ghàgogıılaa lagııt'e. ⁵ Hogets'ı gogııdee while eyıts'ọ hołı wıızı gıts'ọ-èlı-le.

Yak'eet'ıı tai gıgoèht'ı

⁶ Eyı t'axọọ yak'eet'ıı k'achı ıdè ıdòo k'et'a weehzı. Godı nezıı welọ while ts'ọ whezọọ dı nèk'e dọ hazọọ gık'èezọ ha k'eyeza; dọ hazọọ xàzaa, yatı hazọọ xàzaa eyıts'ọ dı nèk'e hazọọ gha adlà họt'e. ⁷ Yak'eet'ıı hòt'ò hadı, “Hòt'a dọ sınıyaetı dzeè ts'ọ whaà-le t'à Nòhtsı wek'èaht'e eyıts'ọ weghàsọahdı. Ededı sì yak'e, dı dèe, tıcho eyıts'ọ tı xalıı hazọọ yèhtsı họt'e, eyıt'à wegha zọ aahda,” hadı.

⁸ Eyı t'axọọ k'achı yak'eet'ıı ıdè wègoèht'ı, hadı, “Kògodeè nàgoıt'ı! Kògodeè Babylon hazọọ nàgoıt'ı, eyı kògodeè sì dı nèk'e dọ hazọọ edehoıı k'èè eghàlagıdà agòòlà,” hadı.

⁹ Eyı t'axọọ k'achı yak'eet'ıı ıdè wègoèht'ı, hòt'ò dı hadı: “Amı eyı tıts'aadı nechàa eyıts'ọ kwe t'à wek'èè wègaat'ıı ts'ọ yahtı eyıts'ọ amı wets'abeè k'e hanı-le-ıdè wıà k'e wıızı aat'èe sì ¹⁰ Nòhtsı hòt'ò nàyeekwa ha. Nòhtsı sì wets'ọ wek'èch'a t'à hòt'ò daıza yeghàhòza ha. Sahzọa eyıts'ọ yak'eet'ıı gınadağ kwe dèk'òọ t'à daızaa awedle ha họt'e. ¹¹ Hanı dọ gık'èek'ò gots'ọ ıo welọ while ts'ọ ıdòo deekw'e ha. Amı eyı tıts'aadı nechàa ts'ọ eyıts'ọ kwe wek'èè wègaat'ıı ts'ọ yagehtı eyıts'ọ wıızı gık'e aat'èe sì ts'èwhıı hòzọ hııı ha-le.” ¹² Hanı hòzọ ha t'à Nòhtsı wets'ọ dọ degai sì ts'èwhıı nageèhzı ha họt'e. Nòhtsı wenàowoò k'èagııt'è eyıts'ọ Zezi ts'ọ edını nàtsoò agule.

¹³ Eyı t'axọọ yak'e gots'ọ dı hats'edı họt'e: “Dı dek'enııt'è: Jọ gots'ọ ıdaa amı gots'ọ K'àowo gıgha ehkw'ı adı xè ełàagedee sì gıxè sıghà họt'e,” hats'edı họt'e.

Yedàyeh Nezıı hadı, “Hèzè, hòt'ò eghàlagıdà k'èxa k'èhogeèza ha eyıts'ọ ayı dàgıılaa sì t'aats'ọọ gıxè whela ha,” hadı.

Dèe k'e t'asıı dıdı nàgehtsı

¹⁴ Eyı t'axọọ senadağ k'oh degoo wègoèht'ı, “dọ wet'aaazàa deè” lanı k'oh k'e wheda. Sọmbaekwo kwıt'ıı wekwı k'e whezọ, eyıts'ọ behcho whezòo dèıı k'èza. ¹⁵ Ekòet'ıı Nòhtsıkògocho ts'ọ yak'eet'ıı eyı-le xàèhtla. Yak'eet'ıı eyı k'oh k'e whedaa sì ts'ọ hòt'ò hadı, “T'asıı dıdı hazọọ nàgehtsı ha nèhòıwo t'à, nebehchoò t'à xàneht'à,” yèhdı. ¹⁶ Eyıt'à eyı k'oh k'e whedaa sì edebekhoò dèe gote ayııla t'à dèe k'e t'asıı dıdı hazọọ nàgehtsı.

17 Eyi t'axòò k'achì yak'eet'ì eyi-le yak'e Nòhtsikò-gocho gots'ò xàèhtla. Ededì sì behcho whezòo dènu k'eza. 18 Sòmbaekwo ladà wek'e Nòhtsì ts'ò t'asì k'èek'òò sù gots'ò yak'eet'ì eyi-le xàèhtla. Eyi yak'eet'ì ladà k'e kò dèk'òò ts'ò k'àowo hòt'e. Yak'eet'ì behcho dènu k'ezaa sù ts'ò hòt'ò dū hadì, “Nets'ò behcho dènu t'à, dū nèk'e ts'ì wek'e jìecho dawhelaa sù xààht'à gà nààhtsì, hòt'a dūdì ne t'à,” yèhdì. 19 Eyi yak'eet'ì sù edebhchoò dèè gote ayìlà gà jìecho dūdì hazòò nàwhehtsì. Tàtsògeèhze ha tòhcho yì yìhde, Nòhtsì sù jìecho gots'ò wìnì-le t'à. 20 Kògodeè gomòht'a tòhcho yì jìecho tàtsògeèhze. Eyi tòhcho yì gots'ò jìechotì edoò lanì xàlì. Sùlài gokè haàtagòòhwha ts'ò ajà eyits'ò, nàkeakw'eènò-chì hajwa ts'ò edoò nùlì.

15

Hoilà lòhdì agode ha

1 K'achì yak'e enìyah deè nàhòwo wègoèht'ì: yak'eet'ì lòhdì hoilà lòhdì wet'à nòòde dò dagùzaa agedle ha sù dagiale. Eyi wet'à Nòhtsì dò nàgoehkwa ghò nòòt'e ha t'à nòòde hòt'e. 2 Tìdeè lanù, eja wek'e saìde xè weta kò dèk'òò lanù wègoèht'ì. Amì eyi tìts'aadì nechàa “ek'ètaekw'eènò-daats'ò-ek'ètaènò-daats'ò-ek'ètal” (666) wìyeh eyits'ò kwe wek'èè wègaat'ì ghògeèhnòò sù eyi tìdeè lanù gà nàgeèhza, Nòhtsì t'ìk'eet'ì goghàyùlaa sù dagiale. 3 Nòhtsì wecheekè Moses eyits'ò Sahzòà gits'ò shì t'à gejì, hagedì,

“Gots'ò K'àowo t'asì negha dū-le anet'e,

t'asì hazòò ghàlaneanà sù gogha enìyah nechàa hòt'e.

Kèhòòwo gots'ò, welò while ts'ò t'aats'òò K'àowocho anet'e,

eyits'ò nenàowoò sù ehkw'ì zò hòt'e.

4 Gots'ò K'àowo, dò hazòò nek'èagùt'e ha hòt'e eyits'ò neghàsògeedi ha.

Nì zò degai anet'e.

Ehkw'ì eghàlaidàa sù wek'èhoedzòò adlà ne t'à,

dò hazòò xàzaa nets'ò agèt'ì xè neghàsògeedi ha hòt'e,”
hagedì gejì.

5 K'achì yak'e ts'ò k'èeht'ì ekò Nòhtsikò-gocho enìxànùtò wègoèht'ì. Eyi kò-gocho sù “Nòhtsì nàowoò gha nùhbàa nàìza” hòt'e. 6 Yak'eet'ì lòhdì hoilà lòhdì wet'à dò dagùzaa ha dagiale sù Nòhtsikò-gocho gots'ò xàgeède. 7 Eh nedèe degoo wek'e saìdee yì geèkw'e eyits'ò zèht'ì sòmbaekwo lanù gidzìwì te nawhet'ì. 7 T'asì dì godì gots'ò jìè sòmbaekwo kw'àyìà lòhdì yak'eet'ì lòhdì goghàyùwa. Nòhtsì welò while ts'ò edaa sù eyi kw'àyìà lòhdì weyì dò ts'ò wek'èch'a dagoòzò whet'ì. 8 Nòhtsì enìyah t'à nàtsoo wehòhòzò gots'ò wekò gocho ló dagoòzò ajà.

Hoila l'ohdɪ du nèk'e dɔ hazoq k'e ajà gots'ò, dɔ wɪzɪ Nòhtsɪkò-gocho goyaetla ha dii.

16

Sqòmbaekwo kw'àyìq l'ohdɪ

¹ Eyɪ t'axoq Nòhtsɪkò-gocho gots'ò yak'eet'ɪ l'ohdɪ ts'ò hòt'l'ò du hats'edi hɔt'e, “Sqòmbaekwo kw'àyìq l'ohdɪ du nèk'e nałaahɩ'ɪ. Ayɪ weyɪ whet'l'ɪ sɪ eyɪ t'à Nòhtsɪ dɔ nàhkwa ha,” hats'edi hɔt'e.

² Yak'eet'ɪ t'akwel'ò elɪ sɪ edets'ò kw'àyìq du nèk'e ts'ò nałayeèht'l'ɪ. Dɔ hazoq tɪts'aadi nechaa wɪzɪ gɪk'e aat'l'èe sɪ eyɪts'ò kwe wek'èè wègaat'ɪ ts'ò nàgògɪhgèe sɪ gɪkaà lɔ ajà t'à sɪ dagɪza.

³ Yak'eet'ɪ nàke t'à whedaa sɪ edets'ò kw'àyìq yɪ ayɪ whet'l'ɪ sɪ tɪcho k'e nałayeèht'l'ɪ t'à tɪcho edoò whelɪ, dɔ elɪwo wedoò lanɪ. Eyɪ hagòjà ts'ihz'ò tɪ yɪ t'asɪ nàdèe sɪ hazoq elɪdè.

⁴ Eyɪ t'axoq yak'eet'ɪ tai t'à whedaa sɪ edets'ò kw'àyìq deh nechaa eyɪts'ò dehtsoa ta nałayeèht'l'ɪ t'à tɪ edoò whelɪ. ⁵ Eyɪ t'axoq yak'eet'ɪ tɪ ts'ò k'àowo elɪ sɪ du hadɪ weèhkwo: “Whaa gots'ò nehòhzoq eyɪts'ò dii nehòhzoq sɪ Nòhtsɪ dega anet'e.

Du hanɪ t'asɪ wesɪniyanehtɪ t'à ehkw'ɪ anet'e.

⁶ Nets'ò dɔ eyɪts'ò nakwenàozoq gɪdoò nałageèht'l'ɪ ts'ihz'ò du hanɪ dɔ gɪsɪniyanehtɪ.

Ayɪ dàgɪla k'èxa edoò gedɔ agɪlà,” yak'eet'ɪ hadɪ.

⁷ Sqòmbaekwo ladà gots'ò du hats'edi hɔt'e:

“Hèzè, Gonòhtsɪ, t'asɪ hazoq negha dii-le anet'e.

Dàni dɔ gɪsɪniyanehtɪ sɪ ehkw'ɪ hɔt'e,” ts'edi hɔt'e.

⁸ Yak'eet'ɪ dɪ t'à whedaa sɪ edets'ò kw'àyìq sa k'e nałayeèht'l'ɪ. Sa wek'ò nàtsoo t'à dɔ k'èek'ò ha, hanɪ weghàhòt'ò hɔt'e. ⁹ Sa sɪ wek'ò t'à dɔ gɪkw'ò k'èek'ò ts'ihz'ò Nòhtsɪ ts'ò nàdahogeezà. Ayɪ t'à dɔ dagɪzaa sɪ Nòhtsɪ yets'ò K'àowo hɔt'e, hanikò ɪlaà edek'egɪlɪ ha gɪwɔ-le eyɪts'ò Nòhtsɪ ghàsogeedi ha gɪwɔ-le.

¹⁰ Yak'eet'ɪ sɪlài t'à whedaa sɪ edets'ò kw'àyìq tɪts'aadi nechaa wedaèhchɪcho k'e nałayeèht'l'ɪ. Tɪts'aadi nechaa wenèk'e hɔtsaa gɪxè togoòt'l'ò agòjà. Dɔ sɪ dagɪza t'à ede-walɪ k'ètsogèzà ¹¹ eyɪts'ò gɪkaà lɔ xè gɪgha eya nàtso t'à Nòhtsɪ yak'e whedaa sɪ ts'ò nàdahogeezà, hanikò dàni eghàlagɪdàa sɪ weghɔ edek'egɪlɪ ha gɪwɔ-le.

¹² Eyɪ t'axoq yak'eet'ɪ ek'ètai t'à whedaa sɪ edets'ò kw'àyìq dehcho Euphrates gòyeh k'e nałayeèht'l'ɪ. Hɔtsaa tɪ hazoq while ajà xè dèè whegɔ. Du hagòjàa sɪ sa kàzàa nèk'e gots'ò k'àowocho nìgìdè ha gɪdasɪnhòt'ò hɔt'e. ¹³ Eyɪ t'axoq mɪhɪ tai ts'alɪ lanɪ gigoèht'ɪ. Tɪts'aadi cho dek'oo wewà yɪ

gots'ò mè xàèhtla eyits'ò mè tits'aàdì nechàa wewà yì gots'ò xàèhtla eyits'ò mè nakwenàozqò ehkw'ì gode-le wewà yì gots'ò xàèhtla. ¹⁴ Eyì mìnì sù enìyah hogehtsì, eyits'ò dū nèk'e k'àowochò hazqò ts'ò agejà. Nòhtsì t'asì weggha dī-le sù wets'ò dzèdè k'e elegegò ha k'àowochò hazqò làà elègehde agogìlā.

¹⁵ Gots'ò K'àowo dū hadì, “Kexoahdì! Eezì-dqò lanì hqtsaa naxits'ò nèehtla ha. Amì ts'igoedì xè edegoht'ò edegà whehlaa sù wexè sìghà ha hq't'e. Hanì-ìdè goht'ò dè edeghò jìzhaelì ha-le,” hadì.

¹⁶ Eyì t'axqò eyì mìnì tai Hebrew yatì k'èè Armagedon gòyeh ekq k'àowochò hazqò elègogìlā.

¹⁷ Eyì t'axqò yak'eet'ì lòhdì t'à elì sù edets'ò kw'àyìq yat'a nałayeèht'ì ekò Nòhtsìkò-gocho goyì daèhchìcho gots'ò hòt'ò dū hats'edì hq't'e, “Hòt'a enahq't'e!” hats'edì hq't'e. ¹⁸ Ekòet'ì kò nait'ì, hòt'ò eezhì eyits'ò dèè hòt'ò nàèhdq. Dū nèk'e dq ajà gots'ò hajt'ò dèè nagoèhdq whìle. ¹⁹ Kògodeè Babylon tai ts'ò lats'ìgoìdla eyits'ò dū nèk'e kògodeè hazqò nagoìt'ì. Nòhtsì sù Babylon got'ì ghohì yenadì t'à eyì k'èxa nàgòhkwā. Nòhtsì gots'ò wek'èch'a t'à hòt'ò dagìza ha goghàhòzq. ²⁰ Dìā hazqò whelaa sù whìle ajà eyits'ò shìh hazqò wègoèht'ì-le ajà. ²¹ Yat'a gots'ò jhì nechàa dq k'e hodàet'ò. Eyì jhì sù jèakw'eènq haatìqò aìhdaa dq k'e nait'ì t'à sù dagìza, eyìt'à Nòhtsì ts'ò gìch'è xè nàdahogeezà.

17

Ts'èko eyits'ò tits'aàdì nechàa

¹ Yak'eet'ì lòhdì kw'àyìq lòhdì k'egelee sù mè segà nìtìlā, hadì, “Sek'èè mtlā. Ts'èkoju tì lq k'e whedaa sù dànì dajzaa awedle ha sù wegghàidaa anehle ha. ² Dū nèk'e k'àowochò hazqò eyì ts'èkoju xè hoì hगेhtsì, eyits'ò dū nèk'e dq hazqò yenàowò k'èè eghàlageeda gìgha nezì. Wets'ò jìetì t'à geèhde lagìt'e,” hadì.

³ Eyì t'axqò Yedàyeh Nezì wedahxà yak'eet'ì ekì-ka nèk'e ts'ò naseèhtì. Ekq ts'èko tits'aàdì nechàa k'e wheda wègaat'ì. Eyì tits'aàdì nechàa sù wek'aàtsì dek'o-dezq hq't'e, Nòhtsì k'èch'a wùzìhì lq gòhì sù hazqò wedzìwì k'e aat'è, eyits'ò wekwì lòhdì gòhì xè edè hoònq wek'e whela.

⁴ Eyì ts'èko goht'ò dek'o-dezq yì wheda. Sqòmbaekwo eyits'ò sqòmbakweè wek'e whela xè wek'e saìde. Eyì ts'èko sqòmbaekwo libò dayaka. Eyì libò sù t'asìhì eyits'ò wenàowohì weyì dagoòzq hq't'e. ⁵ Wets'abeè k'e wùzì dek'eèht'è, eyì wùzì sù wenits'eedì ha gogha dezhi. Wek'e dū hanì dek'eèht'è:

“Babylon kògodeè hq't'e,
ts'èkoju hazqò gha gomq elì hq't'e

eyits'ò dũ nèk'e dọ hazòò yenáowojũ k'èè geeda," hanì dek'eèht'è.

⁶ Eyì ts'èko sù Nòhtsì wets'ò dọ godòò edọ t'à yeèhde wègaat'ì. Nòhtsì wets'ò dọ Zezì gìgha ehkw'ì adì t'à dagũza họt'e.

Eyì ts'èko weehzì ekò sù segha enìyah dìi. ⁷ Eyìt'à yak'eet'jì sets'ò hadì, "Dànìghọ sù negha enìyah dìi? Eyì ts'èko eyits'ò eyì tìts'aadì nechàa k'e whedaa sù ayì gha agũt'ee sù nedaehsì ha. Eyits'ò wekwì lòhdì eyits'ò wedè hoònọ wek'e whelaa sù eyì ghọ nedaehsì ha. ⁸ Eyì tìts'aadì nechàa weneezì sù eda jìlè, hanìkò dũ ełajwo họt'e. Nọode-ìdè dọ ełajdèe k'è gòzọọ gots'ò xàetla ha, eyì t'axòò dèè wedihołè ha. Dũ nèk'e dọ lọ eyì tìts'aadì nechàa ghàgeeda nìdè gìgha enìyah dìi ha ne, eyì tìts'aadì nechàa sù eda jìlè, dũ ełajwo họt'e, hanìkò k'achì naìdà ha họt'e. Welọ while ts'ò ts'eedaa enjht'è k'e gũzì dek'eèht'è-le sù agũt'e. Eyì enjht'è sù dèè hòèlì gots'ò họt'e.

⁹ "Eyì hazòò dàhodù-ahodù sù dọ gọzọọ gĩnedì welì. Tìts'aadì nechàa wekwì lòhdì sù shìh lòhdì gha họt'e, eyì sù ts'èko yek'e wheda. ¹⁰ Eyits'ò eyì wekwì lòhdì sù k'àowocho lòhdì gha họt'e. Sìlài sù ełajdè, jìlè eda eyits'ò jìlè jìlè k'àowocho ihlè-le. K'àowocho whelì nìdè whaà-lea gots'ò zọ k'àowo elì ha họt'e. ¹¹ Eyì tìts'aadì nechàa eda jìlè hanìkò dũ ełajwoo sù eyì k'àowocho ek'èdì t'à whedaa elì họt'e. K'àowocho lòhdì gota gots'ò họt'e, hanìkò wedihołè ha họt'e.

¹² "Eyì tìts'aadì nechàa wedè hoònọ weneezì sù k'àowocho hoònọ gha họt'e. Jìlè dèè ts'ò k'àowo gũlì-le. Hanìkò jìlè sadzèè gots'ò tìts'aadì nechàa xè k'àowo gũlì ha gìghàhòt'á ha họt'e. ¹³ Hazòò gĩnì jìlè zọ lagũt'e ha, gìdahxà tìts'aadì nechàa k'àowo elì agele ha. ¹⁴ Sahzọą ts'ò ełegegọ ha, hanìkò Sahzọą goghọehné ha. Ededì sù k'àowo hazòò gha K'àowo elì eyits'ò k'àowocho hazòò gha K'àowocho elì. Eyì Sahzọą wecheekeè gìhchì xè weyatì k'ègedì sù wexè agũt'e," yak'eet'jì hasèhdi.

¹⁵ Eyì t'axòò yak'eet'jì sets'ò hadì, "Eyì tì lọ ts'èkojũ yek'e whedaa sù dũ nèk'e dọ lọ lanì họt'e, dọ lọ xàzaa eyits'ò yatì hazòò xàzaa gots'ò agũt'e. ¹⁶ Eyì tìts'aadì nechàa eyits'ò edè hoònọ weneezì sù eyì ts'èkojũ dzagũhwhọ ha. Wekwòoyaa-geleè xè goht'ò dẹ whedaà agele ha. Wekwò gezà xè kọ t'à gik'eehk'ò ha. ¹⁷ K'àowocho haget'jì sù Nòhtsì hanì goinì whehtsì t'à gik'èè eghàlageedaà aget'ì. Eyì tìts'aadì nechàa sù edet'axòò k'àowo elì agele ha. Nòhtsì weyatì k'èè agode gots'ò haget'ì ha họt'e. ¹⁸ Ts'èkojũ weneezì sù kògodeè Babylon họt'e, eyì kògodeè sù dũ nèk'e k'àowocho hazòò ts'ò k'àowo họt'e," yak'eet'jì sets'ò hadì.

18

Kògodeè Babylon hodàèt'ì

¹ Hagòjà t'axòò yak'e gots'ò yak'eet'ù eyi-le hodàèhtla wègaat'ì. K'àowocho nàtsoo elì k'èè weghàhòt'ò. Sìì weghò enìyah xè wek'e sajdì t'à dū nèk'e hazòò dzeh agòjà. ² Hòt'ò ezeh xè hadì:

“Kògodeè nàt'ì! Kògodeè Babylon hodàèt'ì. Eyì kògodeè gòlaa sì ìnìhù nàdè ajà. Ìnìhù lò ekò agèt'ì, t'asì wejù k'edèe sì hazòò ekò agèt'ì. ³ Dò hazòò xàzaa eyì ts'èkojù wets'ò jìetì giadò xè wenàowojù k'èè eghàlagùdà. Dū nèk'e ts'ò k'àowocho gixè hòhù hogèhtsì eyits'ò dū nèk'e ts'ò k'aàwì yets'ò t'asì wèdaat'ù t'à ahxe gehlè,” yak'eet'ù hadì ezeh.

⁴ Eyì t'axòò yak'e gots'ò k'achì dū hats'edù eèhkw'o:

“Sèot'ù, Babylon gots'òò xàehdè. Hanì-ìdè eyì ts'èko wenàowojù k'èè aahda ha nùle eyits'ò wexèht'eè daahza ha nùle. ⁵ Shìh nechàa lanì wenàowojù hazòò yak'e ts'ò èlèka dawhela. Eyì ts'èko hòila hòèhtsù sì Nòhtsì yenadì hòt'e. ⁶ Dànì dò ts'ò eghàlajdàa sì hanì wets'ò eghàlaahda. Dànì eghàlajdà k'èxa nàke laàtlòò wets'ò eghòlaahda. Welibò gots'ò nàekeè wegga deyaah'ì. ⁷ T'asì wèdaat'ù lò xàzaa wets'ò t'à ahxe k'èè nàdè adìidlà. Eyì t'aànì enìyah xè ahxe k'èè ìdà xèht'eè dajza xè wedzeè nànutì aweahle. Edeghò xàhodì gode, edets'ò hadì, 'Ts'èko-k'òowo aht'e t'à daèhchìcho k'e whìhda. Ts'èko wedòò wegà elajwo aht'e nùle eyits'ò sedzeè nànutì hòjì ha nùle,' edets'ò hadì. ⁸ Eyì k'èxa jìè dzèè k'e hòtsaa dajzaà awedle ha. Wets'ò dò elàade ha, wedzeè nànutì ha eyits'ò wegga bò while agode ha. Kò t'à wek'èek'ò ha, Gonòhtsì t'asì wegga dū-le sì yesìniyaeh'ti ha hòt'e.

⁹ “Dū nèk'e k'àowocho yexè hòhù hogèhtsì xè wets'ò t'asì wèdaat'ù lò t'à ahxe gehlèe sì gìghàeda ha hòt'e. Wek'èek'ò ts'ò lò gìghàeda t'à gìdzeè nànutì xè weghò getse ha hòt'e. ¹⁰ Eyì ts'èkojù sì hòt'ò dajza t'à k'àowocho sì geejù agede ha. Nìwà gots'ò gìghàeda ha, getse xè dū hagedì ha:

'Hòila hodeè! Heè, kògodeè Babylon weghò enìhoòyah ne là! Kògodeè nàtsoo elì jìè, hanìkò jìè sadzeè zò t'à wexè hòila agòjà! gedi getse ha.

¹¹ “Dū nèk'e ts'ò k'aàwì gùlù sì t'asì gìghò nàedi-le agòjà t'à kògodeè ghò hòt'ò getse ha. ¹² T'asì dū hanì gìghò nàedi jìè: sòmbaekwo, sòmba degoo, sòmbakweè; eht'ì dètì; jìechochì gots'ò dechìkàà nezù, tìts'aadìcho weghòò t'à t'asì hòèlù, dechìkàà dètì t'à t'asì hòèlù, satsò dekwoo t'à t'asì hòèlù, satsò nedàa t'à t'asì hòèlù eyits'ò kwe wèdaat'ù t'à t'asì hòèlù. ¹³ Eyits'ò dùts'ì lò xàzaa, wet'à lò lèkòò dèk'òò xàzaa, yìk'èet'òò, jìetì, tìeh wet'à bò xàet'èe, lè nezù, ejìe eyits'ò sahzòà, tìcho webèhchì xè, eyits'ò dò sì gìghò nàedi jìè.

¹⁴ “Eyì k'aàwì gùlù sì ts'èkojù ts'ò dū hagedì ha, 'Jìecho nezà ghajwì jìèe sì neghò while ajà. Eyits'ò t'asì dètì hazòò nets'ò

jlèe sù neghò while ajà, eyi hazòò naneet'ì ha nùle, hagedi ha. ¹⁵ Eyì ts'èkoju wets'ihzò k'aàwì gùlù sù t'asì lò gìghò nàèdì t'à ahxe gehlè jlè. Hanikò ts'èkoju sù hòtl'ò dàzà t'à k'aàwì gùlù sù hòtl'ò geejì ha. Nìwà gots'ò gìghàeda ha eyits'ò gídzeè t'à gìgha dùì xè gìghò etse ha. ¹⁶ Gezeh xè hagedi ha:

'Hoilà hodeè! Heè, kògodeè Babylon weghò enìhoòyah! Eyì ts'èko goht'ò dek'oo dètì xè wèdaat'ù yì wheda jlè eyits'ò sòòmbakweè xè sòòmbaekwo t'à t'asì hòèlù t'à-at'ì ts'ihzò wek'e sajde jlè! ¹⁷ Hanikò jlè sadzeè zò t'à t'asì dètì hazòò wedihòh, k'aàwì hagedù gezeh ha.

"Elàcho ts'ò k'àowo hazòò tì k'e ts'ò geèlù sù, eyits'ò dò hazòò elàcho yì geèhk'ee sù, eyits'ò elàcho k'ègedù gùlù sù nìwà gots'ò Babylon ghàgeeda ha. ¹⁸ Eyì ts'èko wek'eek'ò gìghàeda nùdè dù hagedi ha, 'Eyì kògodeè wexèht'eè gòjlè while, hagedi ha. ¹⁹ Eht'è edekwì k'e ts'ò geehdè xè getse ha, weghò gídzeè nànutì xè hagedi ha:

'Hoilà hodeè! Heè, kògodeè Babylon weghò enìhoòyah ne là! Dò hazòò tìdè k'e elàcho t'à ìhnòò t'asì eghògeele sù eyì ts'èko wets'ò t'asì t'à ahxe gehlè jlè. Hanikò jlè sadzeè zò t'à eyì ts'èko t'asì wùzì wets'ò-le awiìdlà!' gedù gezeh ha. ²⁰ 'Naxì yak'e dahkw'ee sù eyì ts'èko wets'ò dànàhòwo ts'ihzò naxìna welè. Naxì hazòò Nòhtsì wets'ò dò aahù, wecheekeèdè eyits'ò nakwenàozòò aahù sù naxìna welè! Eyì ts'èkoju dànì naxits'ò eghàlajda k'èxa Nòhtsì yesiniyahti hòt'e," hats'edù hòt'e.

²¹ Eyì t'axòò yak'eet'ù nàtsoo kwe nechàa behchikè lajcho neyichì gà teyìhk'ah, hadì,

"Kògodeè Babylon weghò enìyah sù dànì hodàèt'ì eyì lanì hodàgoet'ì ha. K'achì wenagot'a ha nùle. ²² Kògodeè ekò enìht'èjù dedì ets'ùkw'o ha-le. Ekò dò wùzì t'ik'etù eyits'ò dechùshì t'à sònàwo ha-le. Dechì-eghàlaedaa-dòò, satsò-eghàlaedaa-dòò eyits'ò eht'ì-gehtsù-dòò hanù gits'ezi ha-le. Kwe wet'à lè nàts'eèdee sù wenats'ùkw'o ha-le. ²³ Ekò ek'aèk'ò wùzì k'achì dèk'òò ha-le. Ekò dòzhì eyits'ò ts'èko honìgedè ha-le. Kògodeè Babylon gots'ò k'aàwì sù dù nèk'e gogha dò wet'àazàa deè gùlù jlè. Eyì ts'èkoju wet'à dò hazòò xàzàa gìghòyahòt'ò t'à ts'ìzò geède. ²⁴ Eyì kògodeè sù nakwenàozòò, Nòhtsì wets'ò dò eyits'ò dò hazòò eààgùdè sù gidoò goyì wègaat'ì hòt'e," yak'eet'ù hadì.

19

Aleluya!

¹ Eyì t'axòò yak'e gots'ò dò lò elèxè gezeh lagodì, dù hagedì, "Aleluya! Nòhtsì ededì zò dò edaxàgole hòt'e, t'asì wegħa dù-le, eyits'ò wegħàsòts'eedì ha hòt'e." ² Dànì dò sinìyahtù sù

ehkw'ı hõt'e. Eyı ts'èkoju dı nèk'e dọ xè hoŋ k'èè eghàlajdaa sı yesınıyahtı hõt'e. Nòhtsı wecheekeè ɛlaàgòihdè k'èxa Nòhtsı nàyihkwa hõt'e," hagedı.

³ K'achı gezeh xè dı hagedı,

"Aleluya! Eyı ts'èkoju wek'èek'ò gots'ọ lo welọ while ts'ò ıdòo deekw'e ha," gedi.

⁴ Qhdah naènọ-daats'ò-dı eyıts'ọ t'ası dı godı sı Nòhtsı daèhchıcho k'e whedaa sı gà nàgògıhgè eyıts'ọ gıghàsqedı, hagedı, "Amen, Aleluya!" gedi.

⁵ Eyı daèhchıcho gots'ọ dı hats'edı hõt'e:

"Naxı hazọ wecheekeè yàahŋ sı, naxı hazọ wek'èaht'ee sı, eyıts'ọ dọ wet'aaàa, wet'aaàa-le yàahŋ sı Gonòhtsı weghàsqahdı," hats'edı hõt'e.

⁶ Eyı t'axọ k'achı yak'e gots'ọ dọ ıọ ɛlexè gezeh lagodı, deh nàtsoo sı lagodı eyıts'ọ hòt'ò eezhu sı lagodı. Gezeh xè dı hagedı,

"Aleluya! Gonòhtsı t'ası wegħa dı-le sı ededı zọ t'ası hazọ ts'ò K'àowo hõt'e! ⁷ Goinà xè weghàsqts'eedı welè! Hòt'a Sahzọ honıda ha nihọwo; ts'èko ihchı ha sı hòt'a sedııdà hõt'e. ⁸ Eht'ı degoo wèdaat'ı yeyı wheda ha weghòchı hõt'e," hagedı gezeh.

(Eht'ı degoo wèdaat'ı sı Nòhtsı wets'ọ dọ ehkw'ı eghàlagıdà għa hõt'e.)

⁹ Eyı t'axọ yak'eet'ı sets'ọ hadı, "Dı dek'enıht'è: 'Amı eyı sahzọ honıdza wets'ọ nàsı nàgedè ha gıxayaetı sı gıxè sıghà hõt'e,' " sets'ọ hadı. K'achı sets'ọ hadı, "Dı sı xàè Nòhtsı weyatı hõt'e," hadı.

¹⁰ Yak'eet'ı hadı t'à wekè gà nàgòhge xè weghàsqehdı ha là, yak'eet'ı sets'ọ hadı, "Hawıde-le! Nı eyıts'ọ nèot'ı Zezı wegodı ehkw'ı adı gıwọ sı naxıxèht'è Nòhtsı wecheekeè aht'e. Nòhtsı weghàsqedı! Nòhtsı wets'ọ nakwenàozọ hazọ sı Zezı wegodı zọ t'à gogede hõt'e," sets'ọ hadı.

Amı tıcho degoo t'à-at'ı sı

¹¹ Yak'e enıxànıto wègoèht'ı ekò senadaà tıcho degoo nàwo. Eyı tıcho t'à-at'ı sı dı hawıyeh: "edeyatı k'èdı" eyıts'ọ "ehkw'ı hõt'e" wıyeh. Ededı sı ehkw'ı dọ sınıyahtı eyıts'ọ nàowo ehkw'ı k'èè eghọ. ¹² Wedaà kò dèk'òọ lanı wègaat'ı eyıts'ọ wekwı k'e sqòmbaekwo kwıt'ı ıọ whela. Wızı wek'èeht'è, hanıkò dọ wızı yek'èezọ-le; ededı zọ yek'èezọ hõt'e. ¹³ ?eh nedè edoò ta adlā yı wheda eyıts'ọ wızı "Nòhtsı weyatı" wıyeh. ¹⁴ Yak'e gots'ọ eghọ-dọ gık'èè k'edè. Tıcho degoo t'à-aget'ı eyıts'ọ zeh degoo wèdaat'ı yı geèhkwe. ¹⁵ Eyı dọ gık'èè giadè sı behcho denu wewà gots'ọ xàıa. Yet'à dı nèk'e dọ hazọ ghòehnè ha. "Eyıts'ọ satsò-geh t'à dọ hazọ ts'ò K'àowo ɛı ha." Nòhtsı t'ası wegħa dı-le sı wek'èch'a t'à, tıcho

yì t'asì whelaa sù tàts'oyèhze ha. ¹⁶ Wezeè nedèe k'e eyits'ò wedzaà k'e wuzì dek'eèht'è:

“K'àodèe ts'ò K'àowo, k'àowocho hazòò gha K'àowocho,”
dek'eèht'è.

¹⁷ Eyì t'axòò sa k'e yak'eet'ì nàwo weehzì. Yat'a t'asì hazòò k'edèe sù ts'ò hòt'ò dui hadì, “Nòhtsì wenàsìdeè gha elèwhahde. ¹⁸ K'àowocho gikwò, eghòò-dòò gha k'aodèe gikwò, dò wet'aaàa gikwò, t'icho eyits'ò dò gik'eèhk'ee sù gikwò ghò shèahzhe ha. Dò edets'ò k'agedèe eyits'ò dò edets'ò k'agedè-le gikwò eyits'ò dò wet'aaàa eyits'ò dò wet'aaàa-le gikwò, dòkwò hazòò ghò shèahzhe ha,” yak'eet'ì gòhdi.

¹⁹ Eyì t'axòò tìts'aadì nechàa eyits'ò dui nèk'e gots'ò k'àowocho hazòò gits'ò eghòò-dòò xè làà nègùde gigoèht'ì. Amì eyì t'icho degoo k'e whedaa sù wets'ò eghòò-dòò xè gots'ò elegegò. ²⁰ Hanikò tìts'aadì nechàa dagiachi eyits'ò wets'ò nakwenàòòò ehkw'ì gode-le sù eyì sù dagiachi. Eyì nakwenàòòò sù tìts'aadì nechàa dahxà eniyah hòèhtsì t'à dò ló tìts'aadì nechàa wuzì gik'e whezòò eyits'ò kwe wek'èè hòèlì ts'ò nàgògùhgè sù ts'ìzò geèdeè agòòlà. Eyì tìts'aadì nechàa eyits'ò wets'ò nakwenàòòò-ìì làà geeda et'ì, kwe dèk'òò ta ts'ò gogeèhde. ²¹ Eyì t'icho degoo k'e whedaa sù wewà gots'ò behcho xààa t'à k'àowocho eyits'ò gits'ò eghòò-dòò hazòò elààgòhde. Yat'a k'edèe sù dòweè k'enìlāa ts'ò hodàgùde gā gbò dagòòò ts'ò dòkwò ghò shègiāzhe.

20

Ìè-lemì xo

¹ Eyì t'axòò yak'e gots'ò yak'eet'ì hodàetle wègoèht'ì. Ìzhi dèe goyì gòòàa gha ladli k'eza, eyits'ò satsòt'ì nechàa k'ele. ² Eyì yak'eet'ì tìts'aadìcho dek'oo daachi. Eyì tìts'aadìcho sù mēè whaà gots'ò gòochò h'è'e eyits'ò weh'ì h'è'e. Ìè-lemì xo gots'ò wek'èhodi ha t'à yak'eet'ì dayèèzà. ³ Ìzhi dèe goyì gòòàa ekò goyì yìhxà gā wets'òdaàdoò ayìlā. Dò wuzì yets'ò enixàechi ha-le ayìlā. Eyì t'à Ìè-lemì xo gots'ò eyì tìts'aadìcho dek'oo sù dò hazòò xààa ts'ìzò geedè agole ha-le. Eyì t'axòò nìdè whaà-lea ts'ò xàetlāa agele ha.

⁴ Eyì t'axòò daèhchìcho ló wègoèht'ì, dò siniyagehtì ha gìghàhòt'òò sù gik'e dèhk'w'e. Eyits'ò dò ló gidàazhì senadaà wègoèht'ì. Zezì wegodi eyits'ò Nòhtsì weyatì t'à gogede k'èxa gikwì k'egùhkāa sù agùt'e. Tìts'aadì nechàa eyits'ò kwe wek'èè hòèlì ts'ò nàgògùhgè-le eyits'ò gits'abeè eyits'ò gilā k'e tìts'aadì nechàa wuzì dek'eèht'è-le agùt'e. Eyì dò hazòò nagidà, eyits'ò Ìè-lemì xo gots'ò Christ wexè k'aodèe gùlì. ⁵ (Dò eyì-le elāidèe sù Ìè-lemì xo wek'ehowì gots'ò nagidà-le.) Eyì sù t'akwèlòò dò nagidà agùt'e. ⁶ Eyì t'akwèlòò dò nagidāa sù degai agùt'e

eyits'q gixè sighà agòht'e. K'achì ełaàgude ha nùile, hanikò Nòhtsı wets'q yahtu gıllı ha eyits'q ıle-lemı xo gots'q wexè k'àowo gıllı ha.

Wehıı wegħa hoıla nechà ha

⁷ ıle-lemı xo k'ehqoowo nıde wehıı sıı wedaàniıto ts'q xàetlaà agele ha. ⁸ Du nèk'e hazqò ts'q wek'eèhoowo ha, dq hazqò xàzaa goghoyaeza t'à elegeqo għa elègoowa ha. Eyı dq xàzaa agole ha sıı Gog eyits'q Magog giyeh. Tabàa ewaà datloq sıı dq wexetlo qot'e. ⁹ Dq elèwhedee sıı du nèk'e hazqò ts'q geède. Kogodeè Nòhtsı wets'q dq nàgedèe sıı, eyı kogodeè Nòhtsı yeghonetqo sıı, wemqò nègıde, hanikò yak'e gots'q kò hodàetıı t'à eyı dq xàzaa hazqò gık'enıık'q. ¹⁰ Eyits'q wehıı goghoyaaazqo sıı kwe dek'qo ta ts'q geèhxà. Ekq tıts'aadıı nechàa eyits'q wets'q nakwenaozqo ehkw'ı gode-le sıı ekq gogeèhde ıle. Welq while ts'q dzè eyits'q to hòtı'ò dagııza ha.

Dq elııdèe sıı gısnıyaeti ha

¹¹ Eyı tı'axqò daèhchıcho degoo eyits'q amıı yek'e whedaa sıı wègoèht'ı. Dèe eyits'q yat'a wech'à kwıgeèhdeè lagejà, gıgha gòzq-le t'à. ¹² Eyits'q dq elııdèe sıı gıgoèht'ı. Dq wet'aaaza eyits'q dq wet'aaazà-le hazqò eyı daèhchıcho degoo gà nàgeèhza. Enıhtı'ècho mòhdaa ts'qdaà xàaza wègaat'ı, eyits'q k'achı enıhtı'è ıle wets'qdaà xàatq. Eyı enıhtı'è wek'e dq welq while ts'q geeda għa gızi dek'eèhtı'è. T'akwelqò enıhtı'è whelaa wek'e ayıı dek'eèhtı'èe sıı eyı wegħàà dq elııdèe sıı gısnıyaeti qot'e. ¹³ Tıcho yıı ts'q eyits'q dq elııdèe k'èhodıı gots'q dq hazqò elııdèe sıı xàgıde. Dq hazqò ayıı hogèhtsıı sıı wegħàà gısnıyaeti qot'e. ¹⁴ Eyı tı'axqò elııats'edee eyits'q dq elııdèe k'èhodıı k'è gòzqo sıı kwe dek'qo ta ts'q gogeèhde. Eyı kwe dek'qo whehtqo sıı nàekeè t'à elııats'ewı għa qot'e. ¹⁵ Amıı eyı enıhtı'è wek'e dq welq while ts'q geeda għa gızi dek'eèhtı'è-le sıı kwe dek'qo ta ts'q gogeèhde qot'e.

21

Kogodeè Jerusalem wegòò

¹ Eyı tı'axqò yak'e wegòò eyits'q dèe wegòò wègoèht'ı. T'akwelqò gots'q yak'e eyits'q dèe sıı while ajà, eyits'q tıcho sıı while ajà. ² Yak'e gots'q Kogodeè Degai ızhıı ajà wègaat'ı. Kogodeè wegòò Jerusalem, Nòhtsı gots'q ızhıı ajà. Ts'èko dqzhıı xè honıda ha goht'q wèdaat'ıı yıı wheda lanı eyı kogodeè wèdaat'ı. ³ Daèhchıcho gots'q hòtı'ò du hats'edıı qot'e, "ıo gots'q ıdaà Nòhtsı dq ta nàdè ha t'à wekò dq nı whezq ha. Wets'q dq gıllı ha, Nòhtsı ededı goxè nàdè ha, eyits'q Gonòhtsı elı ha qot'e. ⁴ Gonatı hazqò deedi ha. K'achı dq elııde ha-le,

gıdzeè nàniitì ha-le, getse ha-le eyıts'ò gıkwò eya ha-le, ınèè dani hòr̀àa sù hagòht'e-le agòjà ne t'à," hats'edi hòt'e.

⁵ Eyı daèhchıcho k'e whedaa sù hadı, "T'ası hazòò wegòò ahle ha!" eyıts'ò sets'ò hadı, "Eyı hazòò dek'enıtt'è, dı yatı sù hotı ehkw'ı hòt'e eyıts'ò weghàa aahda ha hòt'e."

⁶ Eyıts'ò sets'ò hadı, "Hòt'a enahòt'e. Yatı t'akwelòò aht'e eyıts'ò yatı nõode aht'e; kèhòòwo ts'ò sehòhòò eyıts'ò nõode ts'ò sehòhòò. Amı tı ghaewı sù t'ası k'èxa-le tı wet'à ts'eedaa weghàehdı ha. ⁷ T'aa hòı ghò hoehnèè sù eyı hazòò weghòzhe ha hòt'e. Wenòhtsı ehı ha eyıts'ò ededı seza elı ha. ⁸ Hanikò dọ gını nàtso-le sù, dọ ehkw'ı-ahodı gıwò-le sù, dọıı, dọ elààgehdee dọò, hòı k'alagedèè dọò, ık'òò gııı, kwe t'à nõhtsıà hòèıı ts'ò yagehtı, eyıts'ò hots'ıı-dòò, hazòò kwe dek'òò whehtòò weta ts'ò agedle ha. Nàekèè t'à elààgede ha," sets'ò hadı.

⁹ Yak'eet'ıı lòhdı kw'àyıà yı wet'à hòıa dagoòòò dagıale ıleè sù k'achı geehtı. Yak'eet'ıı ıleè sets'ò ajà, hasèhdı, "Sek'ètt'ıa. Eyı ts'èko sahzòà xè honıda ha sù weghàıdaà anehle ha," sèhdı. ¹⁰ Yedayeh Nezıı wedahxà yak'eet'ıı shıh danıchàa ts'ò naseèhtı. Yak'e gots'ò Kògodeè Degai ızhıı ts'ò ajà weehıı asıııà. Kògodeè Jerusalem hòt'e, Nòhtsı gots'ò ızhıı ajà. ¹¹ Nòhtsı wets'ò enıyah deè eyı kògodeè k'e saıdı. Sòmbakweè detıı lanı wèdaat'ı, eyıts'ò eja sı lanı wenıdàà xègaat'ı. ¹² Eyı kògodeè wemòò kwıı danıchàa nawheza. Eyı kwıı sù dekòò xè dagòòwà hòt'e. Eyı kwıı wek'e enıttò hòònò-daats'ò-nàke whela eyıts'ò yak'eet'ıı hòònò-daats'ò-nàke enıttò k'ègedı. Eyı enıttò k'e Israel got'ıı gots'ò dọ hòònò-daats'ò-nàke xàzaa gııı sù gııı dek'eèht'è. ¹³ K'àbatsòò ts'ònèè enıttò tai whela, chık'è ts'ònèè enıttò tai whela, saıı ts'ònèè enıttò tai whela eyıts'ò dàà ts'ònèè enıttò tai whela. ¹⁴ Eyı kògodeè wemòò kwıı danıchàa nızaa sù wets'ò yıet'ıà hòònò-daats'ò-nàke hòt'e. Eyı yıet'ıà whelaa wek'e sahzòà wecheekèèèè hòònò-daats'ò-nàke gııı dek'eèht'è.

¹⁵ Eyı yak'eet'ıı sets'ò godee sù wet'à ıdzaa sòmbaekwo t'à hòèıı k'eza. Eyı wet'à kògodeè wemòò kwıı danıchàa nawheza, enıttò eyıts'ò kògodeè dàıhchoo sù yexèıhdzà ha k'eyeza. ¹⁶ Kògodeè wedzıı dı gòhı; dàıhdoo sù wexèıhkò. Yak'eet'ıı eyı sòmbaekwo dechı t'à kògodeè xèıhdzà ekò ıle-lemı-daats'ò-sııàekw'eènò echı haıhdò hòt'e nõò, eyıts'ò hanıhkò xè hadagòòwà hòt'e. ¹⁷ Kwıı danıchàa yexèıhdzà ekò nàekw'eènò-daats'ò-hòònò-daats'ò-ek'etaı gokè hanıhtò hòt'e. Dànı dọ t'ası xègıhdzà k'èè yak'eet'ıı yexèıhdzà. ¹⁸ Eyı kwıı danıchàa sù sòmbakweè wèdaat'ıı t'à hòèıı eyıts'ò eyı kògodeè sòmbaekwo wedèdıı wek'e saıde t'à hòèıı. ¹⁹ Eyı kògodeè wemòò kwıı danıchàa nızaa sù wets'ò yıet'ıà

sòmbakweè wèdaat'ɲ hazò xàzaa t'à hòèl̩. T'akweìò yiet'f'aa whetqò sù sòmbakweè wek'e saɲɲ t'à hòèl̩, wek'èè yiet'f'aa whetqò sù kwe dèht'f'èè t'à hòèl̩, tai t'à yiet'f'aa whetqò sù sòmbakweè ɲ'ò t'à hòèl̩, dɪ t'à yiet'f'aa whetqò sù sòmbakweè ɲ'ò-degoo t'à hòèl̩, ²⁰ sɪl̩ t'à yiet'f'aa whetqò sù sòmbakweè dek'o-dezqò t'à hòèl̩, ek'ètai t'à yiet'f'aa whetqò sù sòmbakweè ejiedoò t'à hòèl̩, l̩hɲ t'à yiet'f'aa whetqò sù sòmbakweè lanu t'à hòèl̩, ek'èdɪ t'à yiet'f'aa whetqò sù sòmbakweè ɲ'ò-dèht'f'èè t'à hòèl̩, l̩qòtq t'à yiet'f'aa whetqò sù sòmbakweè dekwoo t'à hòèl̩, hoòŋ t'à yiet'f'aa whetqò sù sòmbakweè ɲ'ò-dezqò t'à hòèl̩, hoòŋ-daats'ò-ɲè t'à yiet'f'aa whetqò sù sòmbakweè jiek'oò lanu t'à hòèl̩, eyits'q hoòŋ-daats'ò-nàke t'à yiet'f'aa whetqò sù sòmbakweè dèht'f'èè-dezqò t'à hòèl̩. ²¹ Eniɲtq hoòŋ-daats'ò-nàke sù sòmbakweè degoo wèdaat'ɲ t'à hòèl̩, eniɲtq ɲè zq kò sòmbakweè degoo ɲè zq t'à hòèl̩. Kògodeè gonɪ tɪl̩ nɪzaa sù sòmbakweè deèdɲ t'à hòèl̩ eyits'q eja lanɪ wenɲdàà xègaat'ɪ.

²² Eyɪ kògodeè gonɪ Nòhtsɪkò-gochò wègaat'ɪ-le, Gonòhtsɪ t'asɪ wegha dɪ-le sù eyits'q Sahzòq gogha Nòhtsɪkò-gochò lagɲt'e t'à. ²³ Eyɪ kògodeè sù Nòhtsɪ wets'q eniɲyah deè wek'e saɲɲ t'à sa eyits'q adzèzah wek'e daaza-le kò t'asanile. Hazòq ts'ò wek'e dzèh agòht'e eyits'q Sahzòq sù gogha ek'aèk'q dèk'òq el̩ lanɪ. ²⁴ Dq hazòq xàzaa wets'q dzèh ɲɲɲ weghàa k'egedè ha, eyits'q dɪ nèk'e k'àowochò t'asɪ wèdaat'ɲ gits'q xè eyɪ nègedè ha. ²⁵ To agode ha nɪle t'à, eyɪ kògodeè wets'q eniɲtq sù eneèdo hqɪ ha nɪle. ²⁶ Dq hazòq xàzaa deʔò t'asɪ gɪgha wet'aaʔaa sù eyɪ kògodeè ts'ò agele ha. ²⁷ T'asɪ weɲɪ sù eyɪ kògodeè ts'ò adle ha-le, eyits'q dq wɲzɪ hoɲ hohtsɪ xè hots'ɪ godee sù eyɪ kògodeè goyaetla ha-le. Dq welq while ts'ò geeda xè Sahzòq wenɲht'f'è k'e gɪzɪ dek'eèht'f'èè sù eyɪ kògodeè goyagedè ha.

22

Deh nɪzaa ts'q tɪ wet'à ts'eeda

¹ Eyɪ t'axòq yak'eet'ɲ deh nɪzaa ts'q tɪ wet'à ts'eedaa sù weghàehdaà asɪl̩. Eyɪ tɪ sù eja lanɪ wenɲdàà xègaat'ɪ eyits'q Nòhtsɪ wedaèhchɪcho gots'q eyits'q Sahzòq sɪ gots'q tɪ ɲɲl̩ hq̄t'e. ² Eyɪ kògodeè tɪl̩-deè nɪzaa tanɪ deh ɲɲl̩. Eyɪ deh nɪzaa sù webàa ɲa-ts'ò ts'ɪ wet'à ts'eedaa nàwheʔa. Eyɪ ts'ɪ wek'e xo taat'eè hoòŋ-daats'ò-nàkeè wek'e jìecho dehshe, sa taat'eè wek'e jìecho dehshe. Eyits'q ts'ɪ wets'q ɲ'òq t'à dq hazòq xàzaa k'aat'ɪ agede gha hq̄t'e. ³ Ekq dq wɲzɪ daʔa gha wesɪniyaetɪ ha nɪle. Nòhtsɪ eyits'q Sahzòq gidaèhchɪcho eyɪ kògodeè wheʔq ha eyits'q wecheekè gɪgha eghàlaeda ha. ⁴ Nòhtsɪ wɪnɪ geʔɪ ha eyits'q gits'abeè k'e wɪzɪ dek'eèht'f'èè ha. ⁵ To agode ha nɪle. Nòhtsɪ ededɪ sù gok'e daaza ha ne t'à, dq wɲzɪ ek'aèk'q nɪwq

ha niile eyits'ò dọ wụzị sadeè niwọ ha niile. Eyits'ò welọ while ts'ò k'àowo gụlị ha.

⁶ Yak'eet'ụ sets'ò hadị, “Dụ yatı sị hotı ehkw'ı họt'e, eyits'ò weghàà aahda ha họt'e. Nòhtsı sị gots'ò K'àowo họt'e, ededı zọ wedahxà nakwenàozọọ gogede họt'e. Whaà-le-t'ụ dàgode ha sị wecheekeè gık'èezọ ha niwọ t'à edeyak'eet'ụ nets'ò yụhà họt'e,” sèhdi.

Whaà-le-t'ụ Zezì jọ ts'ò ade ha

⁷ “Kexoahdi, hòt'a whaà-le-t'ụ jọ ts'ò ahde ha! Dụ enıhtl'è k'e godı dek'eèhtl'èe sị hòt'a wek'èè agode ha. Amı dı godı wegħa ehkw'ı-ahodı sị wexè sığhà họt'e.”

⁸ Sı sị John aht'e; eyı weehzı xè weèhk'w'ò họt'e. T'ası hazọọ weehzı xè weèhk'w'ò t'axọọ yak'eet'ụ eyı hazọọ weghàehdaà asıllàa sị weghàsọehdi ha wekè gà nàgòihgè. ⁹ Hanikò sets'ò hadı, “Hawıde-le! Nı eyits'ò nèot'ı nakwenàozọọ gụlı eyits'ò dọ hazọọ dı enıhtl'è weyatı gıgha ehkw'ı-ahodı sı naxıxèht'èe Nòhtsı għa eghàlaehda aht'e. Eyıt'à Nòhtsı zọ weghàsọıdı!” hasèhdi.

¹⁰ Eyits'ò hasèhdi, “Eyı enıhtl'è k'e ayı dek'eèhtl'èe sị hòt'a whaà-le-t'ụ wek'èè agode ha ne t'à dọ ch'à wek'èıdı-le. ¹¹ Amı ekọ-le eghàlaedaa sı k'èdaà hawet'ı; amı hoıı hohtsı sı k'èdaà hawet'ı. Amı ehkw'ı eghàlaedaa sı k'èdaà hawet'ı, eyits'ò amı degai k'èè edaa sı k'èdaà hawet'è,” hadı.

¹² “Kexoahdi, hòt'a whaà-le-t'ụ jọ ts'ò ahde ha! Ayı dọ ghàehle ha sı edexè k'ehle. Dọ dànı eghàlagıdà k'èxa t'ası gıghàehle ha. ¹³ Yatı t'akwelòọ aht'e eyits'ò yatı nọode aht'e; kèhọwo gots'ò sehòhzoọ eyits'ò welọ ts'ò sehòhzoọ aht'e.

¹⁴ “Amı edezeè nedèe k'enagıhtsoo sı gıxè sığhà họt'e. Hani-ıdè eyı ts'ı wet'à ts'eedaa wejıecho ghọ shègezhee gıghàhòt'à ha eyits'ò kògodeè wèdaat'ı sı goyagedèe gıghàhòt'à ha. ¹⁵ Hanikò hoıı-dọọ mọht'a geèhk'w'e ha, ık'òò-gııı-dọọ, hoıı k'èè dọ k'alagedèe dọọ, dọ ełàagehdee dọọ, nòhtsıà hòèıı ts'ò yagehtı dọọ, eyits'ò hogets'ıı ghageewı dọọ, hazọọ mọht'a geèhk'w'e ha.

¹⁶ “Sı sı Zezı aht'e. Nòhtsı wecheekeè dı godı gıts'ò anele għa sets'ò yak'eet'ụ nets'ò wıhà họt'e. K'àowochó David wets'ıhzoọ-dọọ aht'e eyits'ò Dzẹ Wegòò sıyeh,” Zezı hadı.

¹⁷ Yedayeh Nezı eyits'ò ts'èko honıda ha sı dı hagedı, “Hẹzẹ, gots'ò anede!” gedi. Amı gogèhk'w'ọọ sı, “Hẹzẹ, gots'ò anede!” gedi weli. Eyits'ò amı tı ghageewı sı tı wet'à ts'eedaa ts'ò agıde gà t'ası k'èxa-le gıhchi.

¹⁸ Kexoahdi! Dọ hazọọ dı enıhtl'è k'e nadaà xàyaetı gıkw'oo sı gıts'ò dı haehsı ha: Amı dı enıhtl'è k'e yatı dek'eèhtl'èe sı wezọọ yatı yeta ayıllà nıdè dı enıhtl'è k'e hoıla dek'eèhtl'èe sı t'à Nòhtsı nàyeekwa ha. ¹⁹ Eyits'ò amı dı enıhtl'è k'e yatı

mòhdaa wede ayìlà nìdè ts'ì wet'à ts'eedaa eyits'ò kògodeè degai gots'ò t'asì wets'ò ha ìlèè sì Nòhtsì yeghò naìchì ha. Ts'ì wet'à ts'eedaa eyits'ò kògodeè sì dī enìht'è k'e wegodi dek'eèht'è hq't'e.

²⁰ Ededì dī godì t'à godee sì dī hadì, “Hèzè, whaà-le-t'ì jò nèhtlà ha,” hadì. Hèzè, gots'ò K'àowo Zezì, gots'ò anede!

²¹ Zezì, gots'ò K'àowo, wesqniwqò sì Nòhtsì wets'ò dọ hazò gixè welè. Amen.